

TAHBÎZÜ'L-MATHÛN

el-Kânûn Fi't-Tıb Tercümesi

TOKADÎ MUSTAFA EFENDÎ

5. CİLT
CÜZ'İYÂT

TÜRKİYE YAZMA ESERLER KURUMU BAŞKANLIĞI YAYINLARI: 98

<i>Bilim ve Felsefe Serisi</i>	: 37
<i>Kitabın Adı</i>	: TAHBÎZÜ'L-MATHÛN el-Kânûn Fi't-Tıb Tercümesi
<i>Müellifi</i>	: İbn Sînâ (ö. 428/1037)
<i>Mütercimi</i>	: Tokadî Mustafa Efendi (ö. 1196/1782)
<i>Hazırlayanlar</i>	: Prof. Dr. Mustafa Koç Bilecik Şeyh Edebali Ün. Türk Dili ve Edebiyatı Bölümü Prof. Dr. Eyyüp Tanrıverdi Dicle Üniversitesi, Arap Dili ve Belagatı Anabilim Dalı
<i>Proje Yöneticisi</i>	: Prof. Dr. Muhittin Macit
<i>Proje Koordinatörü</i>	: Doç. Dr. Ferruh Özpilavcı
<i>Son Okuma</i>	: Abdullah Öztop
<i>Arşiv Kayıt</i>	: Süleymaniye Yazma Eser Kütüphanesi, Hamidiye No. 1015
<i>Kitap Tasarım</i>	: AS-64 Basın-Yayın Tanıtım, Org. ve Paz. Ltd. Şti. Divanyolu Cad. Erçevik İşhanı, No: 203, Sultanahmet-İstanbul Tel: 0212 513 39 90 / www.as64.org • info@as64.org
<i>Baskı</i>	: Pasifik Ofset Ltd. Şti. Cihangir Mh. Güvercin Cd. No: 3/1 Baha İş Mrk. A Blok Kat: 2 34310 Avcılar / İstanbul Tel.: 0212 412 17 00 Sertifika No: 12027
<i>Baskı Yeri ve Yılı</i>	: İstanbul 2018
<i>Baskı Miktarı</i>	: 1. Baskı, 2000 adet

KÜTÜPHANE BİLGİ KARTI
Library of Congress A CIP Catalog Record

Tokadî Mustafa Efendi
Tahbîzü'l-Mathûn, *el-Kânûn Fi't-Tıb Tercümesi*
1.Tıp, 2. İbn Sina, 3. el-Kânûn, 4. Tokadî, 5. Sultan III. Mustafa
ISBN: 978-975-17-4062-5 (5. Cilt) / 978-975-17-4011-3 (Takım)

Copyright © Türkiye Yazma Eserler Kurumu Başkanlığı. Her hakkı mahfuzdur.

Bütün yayın hakları *Türkiye Yazma Eserler Kurumu Başkanlığı*'na aittir. Başkanlığın izni olmaksızın tümüyle veya kısmen, hiçbir yolla ve hiçbir ortamda yayınlanamaz ve çoğaltılamaz.

T. C. Türkiye Yazma Eserler Kurumu Başkanlığı

Süleymaniye Mah. Kanuni Medresesi Sok. No: 5 34116 Fatih / İstanbul

Tel.: +90 (212) 511 36 37

Faks: +90 (212) 511 37 00

info@yek.gov.tr

www.yek.gov.tr

TAHBÎZÜ'L-MATHÛN

EL-KÂNÛN Fİ'T-TİB TERCÜMESİ

5. CİLT
CÜZ'İYÂT

TOKADÎ MUSTAFA EFENDÎ
(ö. 1782)

Hazırlayanlar

Mustafa Koç
Eyyüp Tanrıverdi



TÜRKİYE
Y A Z M A
E S E R L E R
K U R U M U
BAŞKANLIĞI

İÇİNDEKİLER

el-KİTĀBU'R-RĀBİ'U MİN KİTĀBİ'L-ḲĀNŪNİ KELĀMUN MÜSTEVFĀ Fİ-KÜLLİYYĀTİ'L-EMRĀDİ

ḲĀNŪN'UN DÖRDÜNCÜ KİTĀBINDAN FENN-İ EVVEL ḤUMMAYĀT VE MU'ĀLECĀTINDA OLAN KELĀM-I KÜLLÎ BEYĀNINDADIR O DAHİ İKİ MAḲĀLEYİ MÜŞTEMİLDİR

Ḥummayâtta Olan Kelâm-ı Müşabba'ıdır O Dahî Fuşûlü Müştemildir	27
Evvelki Faşl Mâhiyyet-i Ḥummâ Beyânındadır	27
İkinci Faşl Müsta'idd-i Ḥummâ Olanlarda Kelâm-ı Küllîdir	30
Üçüncü Faşl Evḳât-ı Ḥummayât Beyânındadır	31
Dördüncü Faşl Emrâdın Evḳâtını Huşûşan Müntehâsını Ta'arrûf Beyânındadır	33
Ḥummayât-ı Yevmde Olan Kelâm-ı Küllîdir	36
Ḥummayât-ı Yevmi Ecnâs-ı Uḥrâdan Mümeyyize Olan 'Alâmât Beyânındadır	37
Ḥummâ-ı Yevmin İntikâli Beyânındadır	39
Ḥummâ-ı Yevmin Ḍarb-ı Küllî İle Mu'alecâtı Beyânındadır	40
Aşnâf-ı Ḥummâ-ı Yevm Beyânındadır	41
Ḥummâ-ı Yevm-i Ğammiyye	42
Ḥummâ-ı Yevm-i Hemmiyye	42
Ḥummâ-ı Yevm-i Fikriyye	43
Ḥummâ-ı Yevm-i Ğaḍabiyye	43
Ḥummâ-ı Yevm-i Seheriyye	43
Ḥummayât-ı Yevm-i Nevmiyye vü Râḥiyye	44
Ḥummâ-ı Yevm-i Feraḥiyye	44
Ḥummâ-ı Yevm-i Feza'ıyye	44
Ḥummâ-ı Yevm-i Ta'abiyye	45
Ḥummâ-ı Yevm-i İstifrâgiyye	46
Ḥummâ-ı Yevm-i Veca'ıyye	47

Hummā-1 Yevm-i Ğaşıyye	47
Hummā-1 Yevm-i Cū'ıyye	47
Hummā-1 Yevm-i 'Aṭaşıyye	48
Hummā-1 Yevm-i Südediyye	48
Hummā-1 Yevm-i İmtilāiyye	51
Hummā-1 Yevm-i Veremiyye	54
Hummā-1 Yevm-i Kaşefiyye	56
Hummā-1 Yevm-i Harriyye	56
Hummā-1 Yevm-i İstiḥşāfiyye-i Berdiyye	57
Miyāh-ı Kābıḍa ile Hādīs İstiḥşāfın Hummā-1 Yevmi	58
Hummā-1 Şürbiyye	59
Hummā-1 Yevm-i Ğidāiyye	59

**KİTÂB-I RÂBİ' FENN-İ EVVELİNİN İKİNCİ
MAKÂLESİ HUMMAYÂT-I 'UFÜNETTE
OLAN KELÂM-I KÜLLİDİR O DAHİ FUŞÛLÜ
MÜŞTEMİLEDİR**

Evvelki Faṣl Tevellüd-i 'Ufûnetin Keyfiyyeti Beyânındadır	61
Hummayât-ı 'Ufûnetin 'Alâmâtında Olan Kavı-i Küllîdir	66
Hummayât-ı Lâzıme 'Alâmetleridir	68
Hummayât-ı 'Ufûnetin Her Birine Hâşş Olan ve Beynlerinde Müşterek Olan Umûrlar Beyânındadır	68
A'râḍ-ı Hummayât Delâili Beyânındadır	70
Nâfiḍ ve Berd ve Kuşa'rîret ve Tekessürde Olan Kelâm-ı Küllîdir	72
Hummā-ı 'Ufûnetin Mu'alecât-ı Külliyyeleri Beyânındadır	74
Zıkr Olunan Maḥmûmların Tağdiyeleri Beyânındadır	83
Sikencebîn ve Mâ-ı Şa'ır Saḳyında Olan Kânûn Beyânındadır	88
Hummayât-ı Hâdde Mu'alecâtı Beyânındadır	90
Hummayât-ı Hâddede Olan A'râḍ-ı Şa'be Zıkr Olunur	92
Nâfiḍ ve Kuşa'rîret ve Berdden İfrâṭ Üzere Olanların Tedâbîridir	92
Hummâda 'Ârıḍ Olan 'Araḳ-ı Müfriṭ Tedbîridir	94
Hummâda 'Ârıḍ Olan Ru'âf-ı Müfriṭin Tedbîridir	95
Hummayâtta İfrâṭ Üzere 'Ârıḍ Olan Kay'ın Tedbîridir	95

Ḥummāda ‘Ārıḍ Olan İshāl Tedbīridir	96
‘Aṭaş-ı Müfritlerinin Tedbīrleri Beyānındadır	96
Ve Ḥummāda ‘Ārıḍ Olan Sübāt Tedbīridir	97
Ḥummayâtta Başlarında Olan Şıkal Tedbīridir	97
Ḥummayâtta ve Ğayrilerde Olan Eraḵ Ya‘nî Seher Tedbīrlерidir	97
Ḥummayâtta ‘Ārıḍ Olan Veca‘-ı Cevf Tedbīridir	98
Lisānlarının Huşūnet ve Lüzūceti Tedbīridir	98
Ḥummayâtta Olan İlḥāḥ Üzere Vāḳi‘ Uṭās Tedbīridir	98
Ve Onlara ‘Ārıḍ Olan Şudā‘ Tedbīridir	99
Tedbīr-i Su‘āl	99
Maḥmūmun Buṭlān-ı Şehveti Tedbīridir	99
Būlīmūs Tedbīridir	100
Sevād-ı Lisān Tedbīridir	100
Şehvet-i Kelbiyyeleri Tedbīridir	100
Ḥummāda ‘Ārıḍ Olan Ğaşy Tedbīridir	100
Ḍiḵ-i Nefesleri Tedbīridir	101
Şiddet-i Kerb Tedbīridir	101
Ḥummāda ‘Ārıḍ Olan ‘Usr-i İzdirād Tedbīridir	102
Ḥummā-ı Safrāviyyede Olan Kelām-ı Küllīdir	102
Muṭlaḵan Ğıbb Beyānındadır ki Onu Ṭavīṭāvus Dahi Derler	103
Ğıbb-ı Ḥālīşa ve Ğıbb-ı Ğayr-i Ḥālīşa Arasını Fark Beyānındadır	104
Ğıbb-ı Ḥālīşin Mu‘ālecātı Beyānındadır	105
Ğıbb-ı Ğayr-i Ḥālīşa Mu‘ālecātı Beyānındadır	109
Ḥummā-ı Muḥrīḳa Beyānındadır	112
Ḥummā-ı Demde Olan Kelām Budur	115
Ḥummā-ı Balḡamiyyede Olan Kelāmdır	122
Ḥummā-ı Balḡamīden Dāirenin ‘Alāmātı Beyānındadır	123
Ḥummā-ı Lāzıme ‘Alāmātı Beyānındadır	126
Ḥummā-ı İnḳıyāliyyūs	127
Ḥummā-ı Līfūriyā	128
Zāhir ve Bātından Her Birinde Ba‘ḍı Mevāḍi‘i Ḥārı ve	
Ba‘ḍı Āḥer Bārid Olan Ḥummā Beyānındadır	129
Ḥummā-ı Ğaşıyye-i Ḥıltıyye Beyānındadır	129

Hummā-ı Ğaşıyyeden Daķıķa-i Raķıķa Hummā Beyānındadır	131
Hummā-ı Balğamiyyelerin Leyliyye ve Nehāriyyeleri Beyānındadır	131
Hummā-ı Balğamda Vāķi ^c Olan İfrāt-ı Kāzf ve Kāy ^ı n Tedārükü Beyānındadır	138
İfrāt Üzere O Hummāda Vāķi ^c Olan İshālin Tedārükü Beyānındadır	139
Balğamiyye Hummayāttan Lāzıme Hummānın Mu ^c ālecātıdır	140
İnkıyāliyūs ve Lîfūriyā Hummāları Mu ^c ālecātıdır	141
Hummā-ı Hılṭiyyeden Ğaşıyye Mu ^c ālecātıdır	141
Hummā-ı Ğaşıyye-i Dıķkiyye-i Raķıķa Beyānındadır	143
Leyliyye ve Nehāriyye Olan Hummayāt Tedbīridir	143
Rib ^c -i Dāire Beyānındadır ki Ona Taṭarṭāvūs Tesmiye Olunur	143
Aşhāb-ı Rib ^c i Tağdiye Beyānındadır	154
Rib ^c -i Lāzımenin ‘İlācı Beyānındadır	155
Hummayāt-ı Sids ve Sib ^c ve O Mişli Hummayāt Beyānındadır	156
Zikr Olunan Aşnāf-ı Hummayātın Mu ^c ālecātıdır	159
Hummā-ı Dıķķ Beyānındadır	159
Aşhāb-ı Dıķķı Tağdiye Beyānındadır	171
Dıķķa Tābi ^c Ahvālin Tedārükü Beyānındadır	172
Dıķķ-ı Şeyḫūḫat Beyānındadır	172
Dıķķ -ı Şeyḫūḫat Mu ^c ālecātı Beyānındadır	174
Humma-ı Vebāiyye Beyānındadır	174
‘Alāmāt-ı Vebāiyye Beyānındadır	177
Hummā-ı Vebāiyye Mu ^c ālecātı Beyānındadır	178
Vebādan İhtirāz Beyānındadır	179
Cüderī Beyānındadır	179
Cüderī Zuhūru ‘Alāmātıdır	182
Haşbe Beyānındadır	183
Cüderī ve Haşbe Āfetinden A ^c ḏāyı Hıyāta ve Muḫāfaza Beyānındadır	188
Cüderiden Bāķıye Olan Āşārın Kālı Beyānındadır	189
Onların Edviye-i Mürekkebeleri Beyānındadır	190
Hummayāt-ı Evrām Beyānındadır	190
Evrām-ı Bāṭıneye Tābi ^c a Hummayātın ‘Alāmātı ve Ahkāmı Beyānındadır	191

Hummyāt-ı Mürekkebe Ahvâlidir	193
Şaṭr-ı Ğıbb Beyânındadır	196
Şaṭr-ı Ğıbbın Mu‘ālecâtı Beyânındadır	199
Nüks Beyânındadır	202

**KİTÂB-I RÂBÎ'İN FÜNÛN-I SEB'ASINDAN FENN-İ
ŞÂNÎ TAKDİME-İ MA'RİFET VE AḤKÂM-I
BUḤRÂNDA OLAN KELÂM-I KÜLLİDİR O DAHİ İKİ
MAḤÂLEYİ MÜŞTEMİLDİR**

Maḥâle-i Ūlâ Buḥrân ve Buḥrâna Olan İstidlâlin Mezâhibi ve Ṭuruku ve Ḥayr ve Şerre İstidlâl Ṭarîkleri ve Buḥrânın Aḳsâm ve Aḥkâmı Beyânındadır	203
Faṣl Fi'l-Muḳaddime	203
Buḥrânın Mâhiyyeti ve Aḳsâmı ve Aḥkâmı Beyânındadır	203
Buḥrân 'Alâmâtında Olan Ḳavl-i Küllîdir	209
Buḥrânda Mevâddın Fevḳe Olan Ḥareketin 'Alâmeti Beyânındadır	214
Buḥrânın Cümlesinin 'Alâmâtını Taḫşîldir	215
Zıkr Olunan 'Alâmât-ı Müştereke ve 'Alâmât-ı Ḥâşşaların Aḥkâmı Beyânındadır	216
Mâddenin 'Araḳa 'Alâmât-ı Meyli Beyânındadır	217
Mevâddın A'ḳâ-i Beve Meyli 'Alâmâtıdır	217
Mâddenin Ṭarîḳ-i Berâza Meyli 'Alâmâtıdır	218
İstifrâğın Aḥkâmıdır	239
Aḥkâm-ı 'Araḳtır	240
Ru'âf Aḥkâmıdır	243
Berâz Aḥkâmıdır	244
Aḥkâmı'l-Ḳay	245
Aḥkâm-ı Bevdır	246
Buḥrân ve Taḥallül ile Münḳaḍî Olan Maraḍların 'Alâmâtı Beyânındadır	256
Nüks Aḥkâmıdır	257
Esbâb-ı Mevt Beyânındadır	258
Nâḳıha 'Ârıḍa Olan Ahvâl Beyânındadır	260

Tedbîr-i Nâkıh Beyânındadır	261
Nâkıhı Tağdiye Beyânındadır	263
Emrâdın Harekâtı Beyânındadır	265
Maqâle-i Şâniye Buhrânın Evkât ve Eyyâmı ve Edvârı Beyânındadır	265
Faşl İbtidâ-i Marađ ve Yevm-i Buhrân Hangi Vaktten Hisâb Olunmakla Ta'yîn Olunduđu Beyânındadır	265
Buhrân Eyyâmının ve Edvârının Sebebi Beyânındadır	266
Eyyâm-ı Buhrânın Kuvvet ve Dafta Birbirine Münasebeti ve O Eyyâmın Emrâda Mukeysesi Beyânındadır	274
Eyyâm-ı Buhrân-ı Mezkûre Vasatında Vâkı' Olan Eyyâm Beyânındadır	275
el-Vâkı'atu Fi'l-Vasat Eyyâmının Kuvvet ve Daftı Beyânındadır	276
Eyyâm-ı Buhrândan Aşliyye Olanlardan ve Kezâlik el-Vâk ı'atu Fi'l-Vasattan ve Eyyâm-ı İnzârdan Eyyâm-ı Fâdıla ve Eyyâm-ı Rediyyenin Ale't-Tertib Beyânındadır	277
Min Külli Vechin Gerek Kaşd-ı Evvel ve Gerek Kaşd-ı Sâni ile Buhrân Olmayan Eyyâm Beyânındadır	277
Eyyâm-ı İnzâr Beyânındadır	277
Eyyâm-ı Buhrândan Müşkil Olanları Ta'arrüf Beyânındadır	278
Ekşer-i Emrâda Buhrânın Nisbeti Beyânındadır	280

**KİTÂB-I RÂBİ'İN FÜNÛN-I SEB'ASININ FENN-İ
ŞÂLİŞİ EVRÂM VE BÜŞÛR VE ONLARIN
MU'ÂLECÂTINDA OLAN KELÂM-I KÜLLİDİR
O DAHİ ÜÇ MAQÂLE ÜZERE MÜRETTEBEDİR**

Maqâle-i Ūlâ Hârre ve Fâside Evrâm ve Büşûr Beyânındadır	283
[Faşl] Fi'l-Hârreti Mine'l-Evrâmi ve'l-Büşûr	283
Filiğamûnî Beyânındadır	284
Filiğamûnî İlâcı Beyânındadır	285
Humret ve Aşnâf-ı Humret Beyânındadır	289
Humretin İlâcı Beyânındadır	290

Nemle ve Cāversiyye Beyānındadır	290
Resmī Cīm Olan Cemre ve Nār-ı Fārsī ve Onlar Gibi Olan ‘İlel Beyānındadır	292
Nüfātāt ve Nüfāhāt Beyānındadır	295
Şerā Beyānındadır	296
Ākile ve Fesād-ı ‘Uḍv ve Gāngarāyā ile Şıķākūlūs Arasında Olan Farkı Beyān Eder	297
Ṭavā‘īn Beyānındadır	300
Ġudedde Ḥādīse Olan Evrām Beyānındadır	302
Ḥurācāt-ı Ḥārre Beyānındadır	303
Nuḍcun Delāīli ve ‘Alāmātı Beyānındadır	305
Aḥkām-ı Midde Beyānındadır	305
Ḥurācāt-ı Zāhire Mu‘ālecātı Beyānındadır	307
Tedbīr-i İndāc ve Tekayyuh-ı Ḥurāc İhtiyālī Beyānındadır	309
Nuḍc Bulan Ḥurācāt-ı Zāhire Tedbīri Beyānındadır	309
Ḥāricden Ḥurācı Tefcīr Eden Edviye Beyānındadır	313
Ḥurācāt-ı Bāṭıne Tedbīri Beyānındadır	315
Demāmīl Beyānındadır	315
Tūşe Beyānındadır	316
Fenn-i Şalışın Maķāle-i Şāniyesi Evrām-ı Bārīde ve Onların Mecrāsına Cārī Olanların Beyānındadır	317
Faşl-ı Evvel Evrām-ı Bārīdenin Keyfiyyet-i Tevellüdü Beyānındadır	317
Rıḥv ve Balgāmī olup Ūzīmā Tesmiye Olunan Verem Beyānındadır	317
Verem-i Rıḥvın Mu‘ālecātı Beyānındadır	318
Sila‘ Beyānındadır	319
Ġuded Beyānındadır	323
Büşūr-i Ġuḍediyye Beyānındadır	323
Füceşlā	323
Ḥanāzīr Beyānındadır	323
Evrām-ı Şulbe Beyānındadır	328
Şalābetü’l-Mefāşıl	331
Mesāmīr Denmekle Ma‘rûfe ‘İlet Beyānındadır	332
Sereṭān Beyānındadır	332

Evrām-ı Rihîyye ve Nüfâhât-ı ‘Ađaliyye Beyânındadır	335
‘İrķ-ı Medenî Beyânındadır	337
Üçüncü Maķāle Cüzāmda Kelām-ı Müşebba‘dır	340
Faşl-ı Evvel Cüzāmın Māhiyyeti ve Sebebi Beyânındadır	340

**KİTĀBU’R-RĀBİ’ FÜNŪN-I SEB‘ASINDAN
DÖRDÜNCÜ FENN CEBR VE KESRDEN MĀ-
‘ADĀ TEFERRUĖ-I İTTİŞĀLDE OLAN KELĀM-I
KÜLLİDİR O DAHİ DÖRT MAĖĀLE ÜZERE
MÜRETTEBEDİR**

Maķāle-i Ūlā Cirāhāt Beyânındadır	355
aşl-ı Evvel Teferruķ-ı İttişāl Beyânındadır	355
Ėurācātta Kelām-ı İcmālîdir	356
Cirāhāt ‘İlācında Kelām-ı Küllîdir	356
Münbit ve Mülhim ve Ėātım ve Ekkāl Olan Edviyeler Beyânındadır	359
Ve Keşfe İhtiyāc Katında Cürhü ve Nezāirini BaĖı Ne Vech Üzere OlduĖunu Bildirir	361
Zātü’l-Evcā‘ ve’l-Evrām Olan Cirāhātın Tedbîrleri Beyânındadır	361
Ahşāda Olan Cirāhâtlere Bâıından ve Zāhirden Mu‘ālece Beyânındadır	362
Cirāhātın Keyfiyyet-i Rabııı Beyânındadır	368
el-Edviyetü’l-Mülhime Li’l-Cürh	369
Cirāhāti Müdemmil ve Ėātım Olan Edviyeler ve Sâir Edviyeler Beyânındadır	371
Cirāhāt-i Şicāc Mu‘ālecâtı Beyânındadır	376
Maķāle-i Şāniye SaĖc ve Rađđ ve Fesh ve Veşy ve Saķta ve Şadme ve Ėarķ ve Nezf-i Dem ve O Mişllilerin Beyânındadır	377
Muķaddime	377
Fi’l-Fesh ve’l-Hetk	377
Ėacer ve Ėāıı ve Onlar Gibi Nesneler İle Ebdān-ı İnsān Üzere Vāķi‘ Olan Şademāt ve Saķatāt Beyânındadır	380
Batın ve Ahşā Üzere Vāķi‘ Olan Şadme ve Ėarbe Beyânındadır	382

Siyāṭ İle ve Siyāṭ Mıslı İle Maḍrūbun Ḥālī ve Mu‘ālecesi	
Beyānındadır	383
Veṣy Beyānındadır	384
Saḥc ve Saḥc-ı Ḥıff Beyānındadır	384
Vahz ve Ḥark ve Kezālik Şevk ve Sihām-ı ‘İzāmdan Bedende	
Muḥtebes Olan Eşyāyı İhrāc Beyānındadır	385
O Sehmi Cāzibe Edviye Beyānındadır	389
Ḥark-ı Nār ‘İlācı Kānūnudur	390
Mā-ı Muḡlādan Ḥādīs Olan Ḥark Beyānındadır	392
Demin Nezfi ve Ḥabsi Beyānındadır	392
Kānūn-ı ‘İlāc-ı Nezfu’d-Dem	394
O Edviye-i Mürekkebe Evşafı Beyānındadır Ki Nezf-i Demde	
Kaviyye ve Terkibi Aşnāf-ı Şettādan Olur	400
Üçüncü Maḳāle Qurūḥ ve Aşnāf-ı Qurūḥ Beyānındadır	401
Qurūḥta Kelām-ı Küllīdir	401
‘İlāc-ı Qurūḥ Kānūnudur	406
Qurūḥ-ı Şadīdiyye Mu‘ālecātıdır	411
Qurūḥ-ı Vesīḥa ‘İlācıdır	412
Kühf ve Qurūḥ-ı Gāire ve Meḥābī Mu‘ālecātıdır	413
Qurḥada Tevellüd Eden Dīdānın Ya‘nī Kurtların Mu‘āleceeleridir	415
Qurūḥta İnbāt-ı Lahm Beyānındadır	415
‘Ufūneti Olmayan Qurūḥ-ı Mütēekkile-i Ḥabīşe Mu‘ālecātıdır	416
Qurūḥ-ı Mütēaffine-i Rediyye Mu‘ālecesidir	416
‘Asiretü’l-İndimāl ve Ḥirūniyye Qurḥalarının Mu‘ālecātıdır	418
‘İlāc-ı Nevāşīr ve Mülteşīk Olmayan Cülūdun Dahi ‘İlācıdır	422
Cirāḥāt Üzere Olan Lahm-ı Zāid Beyānındadır	425
Evvelā Mündemile Olup Ba‘dehu Münşakḳa ve	
Münkaḍda Olan Qurūḥ Tedbīridir	426
Ve Qurūḥ ve Cirāḥātın Āsarı Beyānındadır	427
Dördüncü Maḳāle ‘Aşabın Teferruḳ-ı İttişālī ve Kezālik ‘Az	
mın Cebīreye Muḥtāc Olmayan Teferruḳ-ı İttişālī Beyānındadır	427
‘Aşabın Teferruḳ-ı İttişālī Mu‘ālecātı Beyānındadır	429
‘Aşabın Cirāḥ ve Qurūḥu Edviyeleri Beyānındadır	433

‘Aşab-ı Maḥrūca İşābet Eden Evrām Beyānındadır	435
‘Aşabın Raḍd-ı ve Vesyi Beyānındadır	436
‘Aşab-ı Fāsıdın Ḥükmü Beyānındadır	437
‘Aşābın Şalābeti ve İltivāsı Beyānındadır	437
Emrāḍ-ı ‘İzām Zikridir	437
Rih-i Şevket ve Fesād-ı ‘Azm Beyānındadır	438
Fesād-ı ‘Azmın ‘Alāmâtıdır	438
‘Azm-ı Fāsıdın Neşri Şıfatıdır	439
Ḳurūḥ-ı Mündemilede Bākıye Olan Şezāyā-yı ‘İzām ve Ḳuşūr Beyānındadır	440
Kesr-i ‘İzām Edviyeleri Beyānındadır	440

**KİTĀB-I RĀBİ'İN FÜNŪN-I SEB'ASINDAN BEŞİNCİ
FENN CEBRDE OLAN KELĀM VE ṬARİK-İ
MU'ĀLECESİ BEYĀNINDADIR O DAHİ ÜÇ MAḲĀLE
ÜZERE MÜRETTEBDİR**

MaḲāle-i Ūlā Ḥal' ve Ḥal'a Mütē'allık Olanların Beyānındadır	443
Kelām Fī Ma'rifeti'l-Ḥal'	443
Min-Ġayri Ḥal'in Maḡsalın Ṭavıl Olduğunun ‘Alāmâtıdır	445
Ṭul-i Mefāşıl Mu'ālecâtıdır	447
Fekkin Ḥal'i Beyānındadır	447
Terḳuve Ḥal'inin Beyānındadır	449
Ḥal'-i Menkib Beyānındadır	449
‘Aḍudun İnḫilā'ı ‘Alāmâtıdır	450
Ḥal'-i ‘Aḍudun ‘İlâcı Beyānındadır	451
Ketifin Fī-Nefsîhi İnḫilā'ı Beyānındadır	453
Menkib Katında olan ‘Azm-ı Şaġirin Beyānındadır	453
Mirfaḡın Ḥal'i Beyānındadır	454
Maḡsal-ı Rusġun Ḥal'i Beyānındadır	455
Eşābî'nin Ḥal'i ve Ḥal'inin ‘Alāmâtı Beyānındadır	456
‘İzām-ı Rusġun İnḫikākı Beyānındadır	456
Ḥarezātın İnḫilā'ı ve Zevālî Beyānındadır	456
‘Usuşun Ḥal'i Beyānındadır	459

Hal'-i Verik Beyânındadır	460
Hal'-i Rükbe Beyânındadır	464
Radfe İnhilâ'ı Beyânındadır	464
Ka'b Katında Olan Maş'al-ı 'Akıbın Hal'i Beyânındadır	465
İzâm-ı Kadem İnhilâ'ı Beyânındadır	466
Fenn-i Hâmisin Makâle-i Sâniyesi Kesrde Olan Uşûl-i Küllîyye ve Kelâm-ı Küllî Beyânındadır	466
İncibârın ve 'Adem-i İncibârın Ahkâmı Beyânındadır	467
Cebr ve Rabt Beyânındadır	468
Mücebbire Veşâyâdır	473
Mecbûrun Nuşbesi Beyânındadır	474
Ribâtât ve Refâidin Keyfiyyetleri Beyânındadır	474
Tefsîr ve Tafşîl ile Keyfiyyet-i Ribât Zıkr Olunur	476
Cebâir Keyfiyyeti Beyânındadır	478
Tefsîr [ve] Tafşîl Üzere Cebâirin Keyfiyyâtı Beyânındadır	479
Cirâhati Olan Kesr Beyânındadır	480
Kesr-ı 'Aşm Beyânındadır Ya'nî 'Uđv-ı Meksûr Terk-i Tedbîr Olunmakla Veyâhûd Mücebbirin Haţâsı ile Eğri ve Mu'veccen Mültehim Olup Müceddeden Onu Kesr Edip Mevdi'ine Reddin Tedbîri Beyânındadır	482
Aţliye-i Mânî'a ve Mânî'a Mecerâsına Cârîye Hikkeyi Muşlıha Olan Aţliye Beyânındadır	483
Taşlıb-i Düşbüz İçin İsti'mâl Olunan Aţliye Beyânındadır	484
Ta'dîl-i Düşbüz Tedbîri Beyânındadır	484
Edviye-i Müleyyine Beyânındadır	484
Müsterhî Olan Düşbüzü Takviye Eden Eşyâ Beyânındadır	486
Mâ-ı Hârr ve Dühn İsti'mâlî Beyânındadır	486
Mecbûru Tağdiye ve Sağy Beyânındadır	487
Elvân-ı Ağdiyeden Düşbüz İn'ikâdı Zamânında İsti'mâl Olunacak Levn-i Muvâfıkn Şıfatıdır	488
Kesr ve Cebr Tâbi' Olan A'râd ve Onun Tedârükü Beyânındadır	488
Makâle-i Şâlişe Bi-Küllî 'Uđvin 'Uđvin Vâki' Olan Kesrler Beyânındadır	488

Kesr-i Faḥızde Vāḳi' Kelām-ı Küllîdir	488
Kesr-i Laḥy Beyânındadır	496
Enfin Kesri Beyânındadır	497
‘Azm-ı Terḳuvenin Kesri Beyânındadır	499
Ketifin Kesri Beyânındadır	501
Ḳaşşın Kesri Beyânındadır	501
Aḍlā'ın Kesri Beyânındadır	502
Ḥarezāta ‘Ārıḍ Olan Kesr Beyânındadır	503
‘Aḍudun Kesri Beyânındadır	503
Sā'idin Kesri Beyânındadır	505
Rusḡun Kesri Beyânındadır	506
‘İzām-ı Eşābi'in Kesri Beyânındadır	506
‘Azm-ı ‘Arīḍa ve Verike Ḥādiṣ Kesr Beyânındadır	507
Kesr-i Faḥız Beyânındadır	507
Fülkenin Kesri Beyânındadır	509
Sāḳın Kesri Beyânındadır	509
Ka'b Beyânındadır	509
‘Aḳıḅ Beyânındadır	510
Eşābi'‘u'r-Ricl	510

ḲĀNŪN'DAN KİTĀB-I RĀBİ' FŪNŪNUNUN FENN-İ SĀDİSİ BEŞ MAḲĀLEYİ MÜŞTEMİL OLUP

Maḳāle-i Ūlā Ahvāl-i Sümūmdan Ma'lūm Olanların Uşūlū ve Mu'ālecātı Maḳālātını Tafşıl Ḥuşūşan Ḥayvāniyye Olmayanları Kemāl-i Tafşıl Beyânındadır	511
Meşrüb Olan Sümūmdan Taḥarrüzde ve Ba'de'ş-Şürb Mu'ālecātında Kelām-ı Küllîdir	511
Sümūm-ı Meşrūbede Vāḳi' Kelām-ı Küllîdir	512
Aşnāf-ı Sümūma Olan İstidlālāt Beyânındadır	514
‘Alāmāt-ı Rediyye Beyânındadır	515
Semm Saḳy Olunan Kimsenin Mu'ālecātı Ḳānūnudur	515
Aşnāf-ı Sümūm Beyninde Müşterek Olan Edviye Beyânındadır	517

Sümûm-ı Cemâdiye vü Ma‘deniyye ve Ğayriler Beyânındadır	
O Cümle Bunlardır	518
Hacer-i Ahmer	518
Zıbağ	518
Mertek ve Bürâdetü’r-Reşâş	519
el-İsfîdâc	520
Cibsîn	520
Zincefr ve Şükk	521
ez-Zencâr	521
Hadîdin Bürâdesi ve Hâbeşi	521
en-Nüretü ve’z-Zernîh	522
Mâ-ı Şâbûn	522
Zâc ve Şebb	522
‘Ale’r-Rîk Mâ-ı Bârid Şürbü	522
Sümûm-ı Nebâtiyye Cümlesi Budur	523
Bîş	523
Kurûn-ı Sünbül	523
Kûniyûn	524
Semmiyyetli Edviye-i Müte‘addidedir	524
Ferbiyûn	524
Elbân-ı Yetü‘ât	524
es-Sakmûnyâ	525
Mâzeryûn ve Hâmalyûn	525
ed-Diflâ	525
el-Belâzur	526
el-Kebîkec	526
Mîvîzec	526
Sezâb-ı Berrî	526
Şâfsiyâ	526
Celbehenk	527
Dend-i Şînî	527
Kündüş ve Harbak-ı Ebyağ ve ‘Arţanîsâ ve ‘Uşâre-i Kıssâu’l-	
Hımâr ve Şünîzin Bir Nev’i, Ğarîkûn-ı Esved	527

Ammā Harbak-ı Esved	528
Cirmedānaḳ	529
Dāzī	529
Ḥırva‘ ve Simsim Küspeleri Ya‘nī Onların Cibreleri	529
Cünd-i Bīdeste	529
‘Unşul-i Berrī	530
Ḥānıḳu’z-Zi‘b ve Ḥānıḳu’n-Nemir	530
Azād-dıraḥt	530
Ḳıṣru’l-Erüz	531
Bezrū’l-Encüre	531
Esved ve Aşfer olan Türbūd-i Redī	531
Būderīnūn	531
Ṭūbiyūn	532
el-Lübūbu’z-Zeniḥa	532
eş-Şarābu’ş-Şırfu ‘Ale’r-Riḳ	532
el-‘Aselū’r-Redī	532
ed-Dıḅḳ	533
Cümle-i Uḥrā: Bu Cümlede Bāride Olan Edviye-i Semmiyye Zıkr	
Olunur	533
el-Afyūn	533
Cevz-i Māşil	534
Yebrūḥ	535
Zerufīnūn	535
el-Benc	535
eş-Şevkerān	536
‘İnebū’ş-Şa‘leb	536
Küzbere-i Raṭbe	537
Bezr-i Ḳaṭūnā	537
Fuṭr ve Kem‘e-i Rediyyeler	537
Sihām-ı Ermeniyye	538
İkinci Maḳāle Sümüm-ı Meşrūbe-i Ḥayvāniyye Beyānındadır	538
el-Cümle: İşbu Cümle Ḥayvānātın ve Sümümünün Beyānındadır	538
Fi’l-Ḥayvānātilletī Taḳtulu Bi-Cemī‘i Eczāihi	539

Zerārīh	539
Erneb-i Baḥrī	540
Vezeḡa ve Hırbā	541
Hırzevn	541
Fı Şürbi Sālāmendār	541
Ḍafādı'da Ācāmiyyenin Aḡdarı ve Baḡriyyenin Aḡmeri	542
Ḍafādı'-ı Şufr	542
Ve Ḥayvānāttan Bi-Küllıyyetihi ev Bi-Ba'ḍi Eczāihi Bi'l-ʿAraḍ	
Semm Olan Kısım-ı Āḡer Bunlardır	542
Semek-i Bārid	542
Şivā-i Maḡmūm ve Laḡm-ı Fāsıd	543
Ve Ḥayvāniyyenin Cins-i Şānisi	543
Merāretü'l-Ef'ā	543
Merāretü'n-Nemir	543
Kelb-i Mā Merāresi	544
Zeneb-i İyyel Tarafı	544
Cins-i Şāliḡ Şevrin Dem-i Tarīsıdır	544
ʿAraḡu'd-Devābb	545
Hırbā Beyḍi	545
Leben-i Fāsıd	545
ed-Demü'l-Cāmid	545
Mi'dede ve Meşānede Cümūd Eden Dem ʿİlācıdır	546
Mi'dede Cümūd-ı Leben Beyānındadır	547
el-Maḡāletu's-Şāliḡetü: İşbu Maḡāle-i Şāliḡe Nehşin Tedbīr-i	
Küllisinde ve Tard-ı Haşerātta ve Ḥayyātın Ledḡı ve Aşnāfında	
Olan Kelām-ı Küllīdir	548
Faşl Kavānīn-i Muʿālecāt-ı Külliyye Beyānındadır	548
ʿAle'l-Külliyye Hevāmm Tardlarıdır	554
Tardu'l-Ḥayyāt	555
Tardu'l-Aḡārib	556
Tardu'l-Berāḡis	556
Ba'ūd ve Baḡḡ Tardıdır	556
Tard-ı İbn ʿUrs	557

Fārı Tard ve Qatı	557
Tard-ı Neml	557
Tardu'z-Zübāb	557
Tardu'z-Zenābīr	557
Tardu'l-Hanāfis	557
Tardu'l-Araḍa	558
Tardu's-Sūs	558
Aṣnāfu'l-Hayyāt	558
Les'-i Bāsīlīkūs	560
Cermānā	561
Ḥuṭṭāf Tesmiye Olunan Hayyenin Les'ası 'Alāmātı	562
Esfīyūs-ı Yābise Les'i 'Alāmātıdır	562
Hayye-i Bezzāka ve Esfīlūs Les'ası Beyānındadır	562
Hayye-i Muḳarrene Les'idir	562
Üzerūs ve Kezūsüderūs Tesmiye Olunan Hayye Les'asıdır	563
Üzerīs	564
Efā' Les'inde ve Ahkāmında Qavl-i Küllīdir	564
Les'-i Efā'ıye Qānūn Gibi Olan Mu'ālecātır	565
Les'-i Efā'ı İçin Memdūh Olan Meṣrūbāt-ı Sāiredir	566
Les'āt Üzere Hāricden Admidelerdir	567
Emūriyūs ve Naṭīs Hayyeleri ve Bi'l-Cümle Bedenden Dem	
Nezf Eden Hayyāt Beyānındadır	567
el-Mu'atṭiṣe	568
el-Qaffāze ve't-Taffāre	569
Bellūṭiyye	569
Cāversiyye	569
Sīsātālī Tesmiye Olunan Hayyāt	570
el-Hayyetü'r-Raḳṣā	570
Hayye-i Mārsatīs	570
Fencerniyūs	570
Ehmūz ve Tays ve Mevāgarūs	570
Sīser Tesmiye Olunan Hayyedir	571

Semmi Olmayıp Mücerred ‘Aḍḍı ile Īzā Eden Ḥayyāt Aṣnāfıdır	
Onlar O Ḥayyelerdir ki Cüsseleri Cidden ‘Azīm Olur	571
Fi’t-Tinnīn	571
Aġāzenīmūn ve’s-Seyr	572
Tinnīn-i Baḥrī ‘Aḍḍı Tedbīridir	572
İki Ḥayvān-ı Baḥrī Dahi Vardır ki Birine Semūriyā ve Āḥerine	
Ṭarūgurūn Derler	573
Ammā Semūriyā	573
Ammā Ṭarūgurūn	573
Dördüncü Maḳāle İnsān ve Dört Ayaklı Ḥayvān ‘Aḍḍıdır Bu	
Maḳālede İnsān ve Kelb ve Zīb Mişllilerin ‘Aḍḍlarını Biz	
Zikr eyleriz ve Kezālik Kilābdan Kelb ve Kuduz Olanların ve	
Sibā ve Timsāḥ ve Kurt ve İbn ‘Urs ve Mūġālī Denmekle	
Maṛūf Ḳalā ‘Aḍḍalarını Cemī’an Zikr Eyleriz	573
‘Aḍḍ ‘İlācına Kelām-ı Küllīdir	573
‘Aḍḍu’l-İnsān	574
Kuduz Olmayan Kelb-i Ehlīnin ‘Aḍḍası ve Zīb Mişllilerin	
‘Aḍḍalarıdır	574
Kelb ve Zīb ve İbn Avā Bu Ḥayvānların Kelib Olanları	
Ya‘nī Kuduz Olanları Zikridir	575
Ḥayvānāt-ı Mezḳūreden Mā-‘adā Kelibler Beyānındadır	576
Kelb-i Kelibin ‘Aḍḍından Maḍḍūda ‘Ārıḍa Olan Aḥvāldir	576
Kelb-i Kelib ‘Aḍḍı İle Ġayr-i Kelib Olan Kelb ‘Aḍḍının Farkı	
Beyānındadır	578
Kaplan ve Pars ve Arslan ‘Aḍḍaları ve Meḥālībleri Cirāḥatleridir	585
‘Aḍḍu’t-Timsāḥ	585
‘Aḍḍ-ı Kırd	586
‘Aḍḍu’s-Sinnevr	586
‘Aḍḍ-ı İbn ‘Urs	586
‘Aḍḍ-ı Mūġālī ki Ona Ḳalā Dahi Derler	586
Beşinci Maḳāle Ḥaşerātın Lūsū‘u ve ‘Uḍḍudur Bu Makālede Biz	
Les-i ‘Aḳāribi ve Rüteylā ve Zenābīr ve ‘İzāyāt ve O Mecrāya	
Cārī Olanları ve Onların Tiryāklarının Bir Miḳḍārını Zikr Eyleriz	588

Onlardan Bu Cümle Berri ‘Aķārib Beyānındadır	588
Cerrāre Tesmiye Olunan ‘Aķreb	592
Aşnāf-ı ‘Anākib ve Şibṣān ve Rüteylāvāt	594
Rüteylā Les‘asından ‘Ārıḍ Olan A‘rāḍı Bi’l-Cümle ve’t-Tafṣīl Beyān Eyleriz	595
Şebeṣ ve Onun Ledğının ‘Īlācıdır	598
‘Ankebūt ve Onun Ledğı Mu‘ālecātıdır	598
Mūğarnītā	599
Ḳamletu’n-Nesr	599
eṭ-Ṭabbū‘ ve Ḥazezü’t-Ṭīn	600
Les‘ū’z-Zenābīr	600
Naḥl ve Naḥlin Mu‘ālecātıdır	601
Kanatlı Karınca ve Ona Mūṣābih Ḥayvān-ı Āḥer Zıkr Olunur	601
Sāmm-ı Abraş ve ‘Azāye	601
el-Erba‘atu ve’l-Erba‘ūn	602
Sālāmendārā	602
Seķūlūfenderü’l-Berriyye ve’l-Baḥriyye	602
‘Aķreb-i Baḥrī	603
‘Ankebūt-ı Baḥrī	603
Deryā Kurbağasının ‘Aḍḍıdır	603

**KİTĀB-I RĀBİ’ KĀNŪN’UN FŪNŪN-I SEB‘ASINDAN
YEDİNCİ FENN ZĪNETTE KELĀM-I MŪSTEVFĀDIR
VE DÖRT MAĶĀLEYİ MŪŞTEMİLDİR**

Maķāle-i Ūlā Aḥvāl-i Şa‘r ve Ḥazāz Beyānındadır	605
Buṭlān-ı Şa‘rın Sebebi Beyānındadır	605
Şa‘rı Ḥāfız Olan Edviye Beyānındadır	607
Münbitātu’ş-Şa‘ri’l-Ḳaviyye Beyānındadır	611
Devā-i Şa‘leb ve Devā-i Ḥayye Beyānındadır	613
Şebābede ve Şeybde Kelāmdır	620
Ḥıḍābātı Zıkr Ederiz	624
Ḥazāz Beyānındadır	630
Maķāle-i Şāniye Cildin Bi-Ḥasebi’l-Levn Aḥvālī Beyānındadır	633

Ammā Levni Tağyır Eden Esbāb	633
Levni Tebrīk ve Tahmiye ve Cilālī Kılan Edviye Beyānındadır	633
Cildi Şems ve Rīh ve Berdden Muḥāfaẓa Beyānındadır	636
Āṣār-ı Darbe ve Āṣār-ı Sūd Zikridir	636
Āṣāru'l-Ḳurūḥ ve'l-Cüderī	637
Dem-i Meyyit ve Bereş ve Nemeş ve Kelef	638
el-Veşm	642
Bādişnām ve Humret-i Müfriṭa	642
Behaḫ ve Veḍaḫ ve Baraş Bunların Ebyaḍları ve Esvedleri Beyānındadır	642
Veḍaḫ ve Baraşın Edviye-i Mevḍi'iyeleri Beyānındadır	648
Maḳāle-i Şālīşe Levnden Ğayri Cilde 'Arıḍ Olan 'İlel Beyānındadır	654
Sa'fe ve Şīrpenc ve Belḫiyye ve Buṭm Beyānındadır	654
Ḳūbā Ya'nī Temregi Beyānındadır	657
Büṣūr-i Lebeniyye Beyānındadır	660
Cereb ve Hikke Beyānındadır	660
Ḥaşaf Beyānındadır	667
Beyān-ı Benātu'l-Leyl	668
Se'ālīl ve Onun Aşnāfından Mismāriyye ve 'Aḳf-ı Ḳarniyye ve O Mecrāya Cārī Olanlar Beyānındadır	668
Beyānu'l-Ḳurūn	671
eş-Şuḳūḳ	671
Beyān-ı Şuḳūḳu'ş-Şefe	672
Şiḳāḳu'r-Ricl	672
Şuḳūḳ-ı Yed Beyānındadır	674
Eşābi' Aralarında Olan Şuḳūḳ	674
Beyān-ı Teḳarruḥu'l-Ḳaṭāt Ya'nī Beyne'l-Verikeyn 'Aciz Tesmiye Olunan Mevḍi'in Teḳarruḥu Beyānındadır	674
Cildde ve Meḡābinde ve Bevl ve Ğāiṭte Zuhūr-ı Rāyiḥa-i Münkere Beyānındadır	674
Beyān-ı Netnü'l-Bevl	676
Beyānu'l-Ḳaml ve'ş-Şi'bān	677

Maḳāle-i Rābi'a Bedene ve Eṭrāfa Mūte'alliḳa Ahvāldir ve Bu	
Maḳāle İle Kitāb-ı Zīnet Tamām Olur	679
Beyān-ı İzāletü'l-Hüzāl	679
İfrāṭ Üzere Olan Simenin 'Uyūbu Beyānındadır	690
Tehzīl-i Semīn Beyānındadır	691
Ṣedy ve Huṣye ve Yed ve Ricl ve Onlar Miṣlli Aḫḫā-i	
Cüz'ıyyeleri Tehzīl Beyānındadır	693
Beyān-ı 'İlelü'l-Azfār ve Evvelā Biz Dāḥısta Tekellüm Eyleyelim	694
Āzānu'l-Fār ve Teṣaḳḳuḳ-ı Azfār ve Kezālik Azfārın	
Taḳaṣṣürü ve Cerebi Beyānındadır	696
'Avārıd-ı Zufurdan Teṣennüic ve Ta'aḳḳuf ve	
Tecezzüm Beyānındadır	697
Hey'et ve Levninde Redī Olan Zufur-ı Redīyi Zufur-ı	
Ceyyid İnbātı İçin İhtiyāl İle Kaṭ' Beyānındadır	698
Müceddeden Nābit olan Zufura Mürā'āt Beyānındadır	698
Zufurun Baraşı Beyānındadır	699
Beyān-ı Raḫḫu'l-Azfār	699
Taḫt-ı Azfārda Bi-Hasebi'r-Raḫḫ Ḥādiṣ Olan Dem-i Meyyittir	699

**[454b] el-KİTĀBU'R-RĀBİ'U
MİN KİTĀBİ'L-ḲĀNŪNİ KELĀMUN
MÜSTEVFĀ Fİ-KÜLLİYYĀTİ'L-EMRĀDİ**

Bismillāhirrahmānirrahīm

Rabbi veffik li'l-itmāmi bi-faḍlike'l-ʿamīm. el-Ḥamdü lillāhi ve selāmun ʿalā-ʿibādhillezīne'ştafā. Allāhu hayrun ammā yüşrikün.

Bundan aḳdem bizim ʿilm-i tıbbda beş ʿaded kütüb taşnīf edip kitāb-ı evvel uşul-i külliyye ve kitāb-ı şānī mecmūʿ-ı edviye-i müfrede ve kitāb-ı şāliş küllü ʿudvın ʿudv-ı maḥşūşa olan emrād beyānında kılınmak üzere vaʿdimiz sübūḳ etmiş idi, vaʿd-i mezkūrumuzu incāz ve o ebvābda olan kelāmı istīfā etmekle ʿuhūd-ı māḍiyeye vefā edip şimdi kitāb-ı rābiʿe bedʿ ve şürūʿ eyledik ve kitāb-ı rābiʿi yedi fenne taḳsīm edip ve her fenn maḳālātı ve her maḳāle fuşülü müştemil olmak üzere müretteb kıldık fūnūn-ı şelāşe-i sâbıkayı minvāl-i muḥarrer üzere kıldığımız gibi. Ve kaçan biz bi-ʿināyetillāhi taʿālā kitāb-ı rābiʿden fāriḡ oldukta Allāhu taʿālānın ḥüsn-i tevfiḳi ile kitāb-ı ḥāmise şürūʿ eyleriz.

KĀNŪN'UN DÖRDÜNCÜ KİTĀBINDAN FENN-İ EVVEL HUMMAYĀT VE MU'ĀLECĀTINDA OLAN KELĀM-I KÜLLİ BEYĀNINDADIR O DAHİ İKİ MAKĀLEYİ MÜŞTEMİLDİR

Hummayâtta Olan Kelâm-ı Müşabba'ıdır O Dahi Fuşûlü Müştemildir

Evvelki Faşl Mâhiyyet-i Hummâ Beyânındadır

Ben derim ki hummâ bir nev' harâret-i garîbedir ki o harâret kalbde müşte'ile olur ve şerâyîn ve 'urûқта olan dem ve rûh tavassuту ile o harâret cem'ân bedene münbesse ve münteşire olup bedende dahi müşte'ile olur ve o işti'âl hasebiyle ef'âl-i tabî'yyeye đarar gelir ve o işti'âl ğayr-i müteşebbiş olan ğađab ve ta'ab hasebiyle olan işti'âl-ı harâret mislli ef'âl-i tabî'yyeye ğayr-i muđırr olmaz ya'nî ğađab ve ta'abda her hâlde işti'âl olur. Velâkin onlar ile olan işti'âl gâhca rûha teşebbüş edip hummâ-ı yevm hâdiş olur ve ef'âle muđırr olur ve gâhca müteşebbiş olmaz ve ef'âle muđırre olmaz ve hummânın ta'rîfinde dâhil olmaz.

Ve ba'dı nâs hummâyı kısmet-i evveliyye ile iki kısma tak'sim ederler, birini hummâ-ı marađ ve âherini hummâ-ı 'arađ kırlarlar ve hummayât-ı ev-râmı hummâ-ı 'arađ cinsinden 'add ederler. Ve onların bu kavlinin ma'nâsı budur ki hummâ-ı marađiyye bir nev' hummâdır ki hummâ ile sebep-i hum-mânın beyninde bir marađ vâsıta olmaya ve sebebin kendi dahi marađ ol-maya, hummâ 'ufûnette vâsıta olmayıp 'ufûnetin kendi dahi marađ olmadı-ğı gibi, zîrâ o hummânın sebebi 'ufûnettir, 'ufûnet bi-zâtihâ marađ değıldir belki marađa sebebdir ve beynehümâda marađ dahi tavassuт eylememiştir ve sebep vâşıldır. Ammâ hummâ-ı verem vereme 'ârıdadır ve o hummâ vereme tâbi'a olup şurûт-ı ma'lûme¹ üzere verem bulunduğy yerde hummâ dahi bulunur ve veremin kendisi marađ olmakla ona tâbi' olan marađın 'arađı olur.

1 “Şurûт-ı ma'lûme”den murâd veremde 'ufûne ola ve o 'ufûne şerâyîn tarîkından kalbe vâşıl ola. Verem-i bâtında bu şurûт mevcûdedir ve verem-i zâhirin kiminde mevcûde olur ve kiminde olmaz.

Ve bu maḳāmda bir münākış için demeklik vardır ki ḥummā-ı veremin vereme tebe'yyeti iki emrden ḥālī olmaz: yā veremin ḥarāretine tābi'a ve veca'ına lāzıme olur veyāḥūd veremde olan 'ufūnete tābi'a olur. Ve eger veremin ḥarāretine tābi' olup onun veca'ına lāzım gelir ise benzer ki o ḳāilīn kelāmı şavāb olup ḥummā-ı verem ḥummā-ı 'araḍ ola, bu sūret üzere vācib olur ki ḥummayāt-ı yevmiyyeden çoğu ḥummā-ı 'araḍ olur, zīrā onların çoğu bir maraḍın ḥarāretinden ḥādiş ve veca'ına tābi'i olur. Ve eger ḥummā-ı verem veremin 'ufūnetine tābi'a olur ise ḥummā-ı veremin sebebi 'ufūnet olur, verem o ḥummāya ḳaṭ'a sebep olmaz. 'Ufūnet, ḥarāret ve verem ve veca' gibi değildir belki emr-i āḥerdir, 'ufūnet o ḥummāya sebep olmakla verem ona ḥaḳīḳaten ve zāten sebep olmuş olmaz ve vereme sebep-ı ıtlākı ancak mecāzen ve bi'l-'araḍ şaḥiḥ olur. Bu şūrette ḳāilīn *والورم مرض في نفسه* dediği müdde'āsını beyānda müfid olmaz, zīrā verem her ne ḳadar fī-nefsihi maraḍ ise lākin maraḍ ḥummāya sebep-i ḥaḳīḳī değildir belki beyān olunduğu üzere ona sebep ıtlākı mecāzendir ve sebep-i ḥaḳīḳisi 'ufūnettir ve 'ufūnet maraḍ değildir, pes ḥummā-ı 'ufūnet ile ḥummā-ı veremin beyninde fark yoktur, o iki ḥummā sebepleri 'ufūnet olmakta berāberdir, eḥadühümāya ḥummā-ı maraḍ ve āḥere ḥummā-ı 'araḍ tesmiyenin vechi yoktur.

Ve biz deriz ki eger sen ḥummā-ı 'araḍın ta'rifini taḡyir edip² dersen ki [455a] ḥummā-ı 'araḍ bir nev' ḥummādır ki şey'-i āḥere tābi' olup o şey'in vüçüdu ile mevcūd ve 'ademiyle ma'dūm olur ve ḥummā-ı verem vereme tābi' olup vüçüduyla mevcūd ve 'ademiyle ma'dūm olmakla ona ḥummā-ı 'araḍ tesmiye olundu, bu taḳḍir üzere yine münākış der ki ḥummā-ı 'ufūnet dahi 'ufūnete ḳıyasla onun gibidir, zīrā o dahi bir nev' ḥummādır ki 'ufūnete tābi'a olup 'ufūnetin vüçüdu ile o ḥummā mevcūde ve 'ademiyle ma'dūme olur. Velākin fenn-i tıbbda bu mişşli münāḳaşattan bir fāide ḥāşıla olmaz, bu mişşli münāḳaşata iştigāl eden ṭabīb biraz mebahīse taḥaṭṭı³ eylemiş olur

2 Mücibin takriri üzere taḡyir-i ta'rifte mutlakā şey'-i āḥere tābi' ola diye zıkr olunmamıştır belki ḥāşşaten vereme tābi' ola diye zıkr olunmuştur. Bu vech üzere münāḳaşa ātiye vārid olmaz velākin vereme tebe'yyet ile ḡayr-i vereme tebe'yyetin zıkr olunan ma'nāda farkı olmamakla veremi zıkr temşile ḥaml olunup münāḳaşa ātiye irād olundu.

3 Ya'nī adımlamış ve tecāvüz etmiş olur.

ki ona iştiğāl kendiyi şınā'asından işğāl eder. Pes biz dahi mu'tād üzere ce-reyān edip deriz ki hummāyāt süded ve evrām-ı hummā 'araḍdır.

Ve kezālik biz deriz ki beden-i insānda olan eşyā cemī'an üç cin-se münhaşırdır: Cins-i evvel insānda olan ruṭubāt ve ervāhı hāviye olan a'ḍālardır. Beden-i insān bi-mā fihi hammāma kıyās olunmakla o a'ḍāla-rın cemī'an insāna kıyāsı [hītān-ı] hammāmın hammāma kıyāsı gibi olur. Ve cins-i s̄anī ruṭubāt-ı maḥviyyedir. O ruṭubātın bedene kıyāsı miyāh-ı hammāmın hammāma kıyāsı üzeredir. Ve cins-i s̄aliş bedende olan ebḥire-i mebsūsedir. O ebḥirenin bedene kıyāsı havā-i hammāmın hammāma kıyāsı üzeredir.

Ve o üç ecnāstan her birine ta'alluk-ı evvelī ile ḥarāret-i ġarībe ta'alluk eder ve insānda ḥarāret-i ġarībe ta'allukuna s̄aliḥ onlardan ġayri bir şey-i cismānī yoktur. Ve o üç eşyādan ve ecnāstan evvelā hangisi müşte'ile ol-duğu onunla ma'lūm olur ki müşte'il-i evvel tebrīd olursa onun tebrirüdü ile mücāviri olan müşte'il-i s̄anī dahi ona tābi' olup tebrirüd eder. Ammā müşte'il-i s̄anī tebrīd olursa müşte'il-i evvel ona tebe'an tebrirüd eylemek vācib olmaz belki o şūrette cāizdir ki müşte'il-i evvel 'alā-sühūnetihi bākī kalıp 'avdet eyleye ve müşte'il-i s̄anīyi ba'de-tebrirüdihi yine teşhīn eyleye.

Ve cemī'an ecnās-ı hummāda insānda olan ecnās-ı selāse ya'nī a'ḍā ve ruṭubet ve ervāḥ bi'l-cümle mütesaḥḥine olur ve ḥarāret-i ġarībenin onlara teşebbüsü olur ve araları teşebbüs-i evvelī ile fark olunur.

Ve eger ḥarāret-i ġarībe evvelā a'ḍā-i aṣliyyeye teşebbüs eder ise ona hummā-ı dıkk derler.⁴ Ve ḥarāret-i ġarībenin a'ḍā-i aṣliyyeye ta'alluku ḥarīkın hītān-ı hammāma ta'alluku gibi veyāḥūd ḥarīkın zıkk-ı ḥaddāda veyāḥūd kıdr-ı ṭabbāḥa ta'alluku ve teşebbüsü gibi olur.

4 “Hummā-ı dıkk” üç vech üzere ḥadīs olur: Evvelkisi ḥarāret-i ġarībe evvelā a'ḍāya ta'alluk edip ḥudūs-i evvelī ile dıkk ḥadīs olur; onun nazīri ḥarīkın kıdra ta'alluku olur. Ve ikincisi dıkk hummā-ı yevmden intikāl ile ḥadīs olur; onun nazīri ḥarīkın zıkkā ta'alluku olur, zīrā ḥarīk evvelā havāya ta'alluk eder ve havādan zıkkā intikāl eder. Ve üçüncüsü hummā-ı hılṭ dıkkā intikāl eder; onun nazīri ḥarīkın hītān-ı hammāma ḥarāretin ta'liki olur, mā-ı ḥārr ḥasebiyle hītān-ı hammāma ḥarāret teşebbüs eder. Bu vücūh-ı selāseyi zikr ederler velākin ḥalline kimse ta'arruḍ eylememiştir. Vech-i mezkūr üzere ḥalli 'abd-i mütercime feyḍ-i Bārī ve ilhām-ı ilāhīdir.

Ve eger harâret-i garîbenin teşebbüs-i evvelîsi ahlâta olup ba'dehu a'ḍāya fâş olur ise ona ḥummā-ı hılṭ tesmiye olunur. Ve ahlâta teşebbüs eden harâretin a'ḍāya tefeşşîsi⁵ ḥammāmâtta şabb olunan mâ-ı hârr harâretinin cüdrân-ı ḥammāma tefeşşîsi olur veyâhüd kıdra şabb olunan meraḳa-i hârrenin harâretinin kıdra füşüvvü gibi olur.⁶

Ve eger harâret-i garîbe evvelâ ervâha ve ebḥıreye teşebbüs edip ba'dehu a'ḍā ve ahlâta fâş olur ise ona ḥummā-ı yevm derler. Ve o füşüvv o ḥammamda olan füşüvvdür ki ona havā-yı hârr şâire ve hâricden dâhile olup onda tevaḳḳud eder ve ba'dehu havā-yı mütevaḳḳıdın harâreti mâya ve hıṭāna te'eddî eder. Ve onun vech-i tesmiyesi budur ki o ḥummāda harâret şey-i laṭife teşebbüs etmekle taḥallülü serî olur, bir gün ve bir geceyi o nevḥ ḥummânın tecävüzü kalilü'l-vuḳû olur eger ḥummā-ı yevm cins-i âhere istihâle eylemez ise, binâen 'aleyh ḥummā-ı yevm tesmiye olunur.

Ve ḥummayâtın bu vech üzere takṣîmi fuşûl-i ḳarîbesi⁷ ḥasebiyle takṣîmdir, ammā ba'dı kerre cihât-ı uḥrâdan dahi takṣîm olunup deyilir ki ḥummayât-ı ḥâdde ve ḡayr-i ḥâdde ve müzmine ve ḡayr-i müzmine ve leyliyye ve nehâriyye ve selîme-i müstakîme ve zât-ı a'râḍ-ı münkere ve müftire ve lâzime olur ve lâzimenin ba'dısında iştîdâd ve sevrât olur ve ba'dısında iştîdâd olmayıp müteşâbihe olur ve hârre ve bâride olur, bâride dahi nâfiḍ veyâhüd zât-ı ḳuşa'rîret olur ve ḥummā basîta ve mürekkebe olur.

İkinci Faşl Müsta'idd-i Ḥummā Olanlarda Kelâm-ı Küllîdir

Eṭıbbâ dediler ki ḥummayâta müsta'idd olan nâsın eşeddi ebdânı hârre-i raṭbe olanlardır ḥuşuşan o ebdân aşḥâbından ruṭûbeti harâretten aḳvâ olanlar ziyâde müsta'idd olurlar. Ve ebdânı hârr-ı raṭb olanların bevl ve berâz ve 'araḳları müntin olur. Ve kezâlik ebdânları hârr-ı yâbis olanlar

5 “Ta'alluk” ile “tefeşşî”nin farkı vardır, zîrâ tefeşşîde mebdâ-i tefeşşîyi tebrîd ile fâş olan harâret müteberrid olur ve ammā ta'allukla mebdâ'in tebrîdi ile müte'alik müteberrid olmaz.

6 Ve ḥummā-ı hılṭın füşüvvünde zıkr olunan nazîrin vechi budur ki hılṭta olan ḥummânın a'ḍāya füşüvvü a'ḍāya mülākât ile olur ve ba'dı kerre hılṭın kendi mülākî olmaz belki ebḥıresi mülākî olur ve iki tanzîr bu mezkûrlara olur.

7 “Fuşûl-i ḳarîbe”den murâd ehl-i mantıḳ işṭilâḥâtından olan kelimât-ı ḡamsin biridir ki ehlinin ma'lûmudur.

dahi hummayâta müsta'idd olurlar, onların hummâları yevmiyye ile bed' edip serî'an 'afineye ve muhrıkaya istiḥâle eder ve ba'dı kerre dahi dıkkâ te'eddî eder. Ve zıkr olunan iki sınıfı bu hükmd e talî olur ya'nî onlara qarîb olur o hummâ ki onun şâhibinin bedeninin ruṭûbet ve yübûseti berâber ola ve ona ḥarâret istilâ eyleye. Ve bu iki nev' hummâ evvelâ buḥâr-ı ḥâdd sebebiyle ḥarârete bed' edip yevmiyye olur ve ba'dehu hummâ-ı ḥılta in-tikâl eder. Ve bunlardan sonra hummâyâ müsta'idd olan o ebdân olur ki onda ḥarr ve berd mütesâviyân olup ruṭûbât ziyâde olur ve bu mişlli ebdâna evvelâ hummâ 'ufûnet 'urûḍu ekşer olur. Ammâ bâride-i ḥarre ve bâride yâbise olan ebdân hummayâtta ve ḥuşûşan hummâ-ı yevmiyyeden eb'ad olur, fefhemi'l-merâm.

Üçüncü Faşl Evkât-ı Hummayât Beyânındadır

Emrâḍ-ı sāire gibi hummayâtta dahi evkât-ı erba'a olur: zamân-ı ibtidâ ve zamân-ı tezeyyüd ü şu'ûd ve zamân-ı intihâ vü vuḳûf ve zamân-ı inḥiṭât. Ve hummâda olan evkât-ı erba'a ba'dı kerre külliye ve ba'dı kerre cüz'iyye olur ya'nî küllü nevbetin nevbetin olur.

Ve hummânın ḥaṭarı zıkr olunan ezmine-i erba'anın üçünde ya'nî zamân-ı ibtidâ ve zamân-ı şu'ûd ve zamân-ı intihâda olur. Ve zamân-ı inḥiṭâtta nefis-i hummâdan 'alîl helâk olmaz velâkin zıkrî âtî sebebin 'urûḍu ile helâk olur.

Ve zamân-ı ibtidâ o vâkıttir ki onda ḥarâret-i ğarîziyye 'uḍvda ğâmi-re olan mevâdd ḥasebiyle muḥtenîka olur ve kezâlik o vâkıtte nuḍcdan ve 'adem-i nuḍcdan bir eşer zâhir olmaz. Ve ibtidâ vech-i muḥarrer üzere her maraḍda ḥâşıldır velâkin ba'dı kerre sünûḥas ve şar' ve sekte maraḍlarında ibtidâ ḥafî ve a'râḍ ḳalîl olmakla o mişlli 'ilelde ibtidâ olmamak zann olunur. Ve kezâlik ba'dı kerre hummayât-ı ḥâddeden yevm-i evvelde ğamâma veyâḥûd sāir 'alâmet-i nuḍc rûyet olunmakla zann olunur ki onun için zamân-ı ibtidâ yoktur ve ma'a-hâzâ cemî'an onlarda zamân-ı ibtidâ ḥâşıldır.

Ammâ evkât-ı erba'a-i mezkûreden hummânın zamân-ı tezeyyüd ü şu'ûdu o vâkıttir ki onda ḥarâret-i ğarîziyye ḥareket edip māddeye muḳâve-met-i zâhire ile muḳâvemmet eder ve onda nuḍcun veyâḥûd 'adem-i nuḍcun 'alâmâtı zâhire olur.

Ve zamân-ı intihâ o vâkıttir ki onda beyne't-tabî'a ve beyne'l-mevâdd muhârebe ve mukâtele müştedde olup ehadühümânın âher üzere isti'lâsı zâhir olur ve o vâkt melhame ve hurûb vâkıdîr ve melhamenin müddeti zevâtü'n-nevâib olan hummayât-ı hâddede nevbet-i vâhidedir velâkin onun ma'rifeti nevbet-i vâhide-i mezkûreyi vely eden nevbette olur veyâhûd melhamenin müddeti iki nevbette olup ta'arrüfî nevbet-i şâlişede olur; ekser-i hâlde hummayât-ı hâddede müddet-i melhame iki nevbeti tecâvüz eylemez meger ki hiddet emrâd-ı müzminede ola.

Ve ba'dı kerre hummânın nevâib-i keşîresi müteşâbih olup aḥkâmda ve a'râdda o nevâib mütesâviye olurlar ve o minvâl üzere olan hummâda nuḍcun ve 'adem-i nuḍcun âşârı zamân-ı intihâda zâhire olur.

Ammâ hummayâtın zamân-ı inhiṭâtı bir vâkıttir ki onda ḥarâret-i garî-ziyye mâdde üzere istilâ edip mâddeyi kahr eder ve o vâkte maddenin cem'iyetini perâkende ve perîşân eder ve şey'en-ba'de-şey'in o maddenin şemli tefrîk olunmakla hafife ve eṭrâfa müntefîda olup taḥallül eder ve çok kerre eṭrâf-ı taḡalluz eder.

Ve emrâdın müntehâsı muhtelif olur cidden hâdde olan emrâdın eb'ad-ı müntehâsı dört güne varınca kadar olur. Ve hummayât-ı yevm bu cümleden olur velâkin hummayât-ı yevm emrâd-ı hâddeden 'add olunmaz, zîrâ marâdın hâdd olmasında müntehâsının karîb olduğu kifâyet eylemez belki emrâd zevâtü'l-ḥaṭar olmakla hâdde olur ve cidden hâdde olan emrâdı tâlî olur.

O marâd ki hâdde ola velâkin cidden hâdde olmaya ve o hâddenin müntehâsı yedi güne bâliḡ olur hummâ-ı muḥrîka [455b] ve ḡıbb-ı lâzıme gibi.

Ve ba'dı emrâdın hiddeti emrâd-ı hâdde hiddetinden noḡşân olup müntehâsı on dört güne ve dahi ekşere bâliḡ olur ve o eyyâm yirmi bir güne varıncı kadar müzminâttan emrâd-ı hâddenin müntehâsı olur. Ve muṭlaḳan müzminâtın ya'nî müzmin-i ḡayr-i hâddın müntehâsı kırk ve altmış ve dahi ziyâde günlere bâliḡ olur.

Ve hâdde ve müzmine marâdların merâtibini ma'rifetin fâidesi bizim karîben zıkr edeceğimiz minvâl üzere merdâ aḡdiyesinin tedbîrinde zâhir olur.

Ve hummayât-ı keşîrenin ezmine-i selâsesi ya'nî ibtidâ ve tezeyyüd ve intihâ zamânları nevbet-i vâhidede istîfâ olunur ve nevbet-i uḫrâsı zamân-ı

inhiâtta olur. Ve hummayât bu ezminelerde dahi muhtelif olur, kiminin zamân-ı tezeyyüdü tavîl ve kiminin zamân-ı inhiâtı tavîl olur.

Dördüncü Faşl Emrâdın Evkâtını Huşûşan Müntehâsını Ta'arrüf Beyânındadır

Marađın evkât-ı külliyyeleri gâhca nev'-i marađdan ma'lum olur. Teşennüc-i yâbis ve şar' ve sekte ve hunâk cidden hâdde olan emrâddandır ve ğıbb-ı hâlişa ve muhrıka mu'tlak hâddedir, cidden hâdde değildir ve hum-mâ-ı rib' ve fâlic emrâd-ı müzminedendir.

Ve emrâdın evkât-ı külliyyeleri gâhca dahi marađın hareketinden ma'lum olur, zîrâ nevâib emrâd-ı kaşîre olur ise müntehâsının kurbüne delâlet eder ğıbb-ı hâlişa gibi, zîrâ ğıbb-ı hâlişanın nevâibi müddeti üç sâ'atten on dört sâ'ate varınca kadar olur. Ve eger nevbet-i marađ tavîle ise mâdde ğalîza olup müntehâ ba'id olduğuna delâlet eder ğıbb-ı ğayr-i hâlişa gibi. Ammâ nevâibi olmayan emrâdda mâdde sünûhas mâddesi gibi hâdde ise o marađ hâdde olur ve eger mâdde ğalîza-i bâride veyâhüd ğılaza mâile ise marađ ğayr-i hâdd olur.

Ve kezâlik emrâdın evkât-ı külliyyeleri sehaneden dahi ta'arrüf olunur. Eger sehanе bi-sür'atin münhari'ta olup vechte ve şerâsifte dümür olur ise marađ hâdd olur ve eger sehanе hâli üzere bâkıye olup zıkr olunan tağayyür 'arîd olmaz ise o marađ ğayr-i hâdd olur.

Ve kezâlik evkât-ı mezbûre kuvvet ile dahi ta'arrüf olunur. Eger kuvâyı da'f serî'an gelir ise o marađ hâdd olur ve eger kuvâyı da'f serî'an 'arîd olmaz ise o marađ ğayr-i hâdd olur.

Ve kezâlik marađın evkâtı ve hiddeti ve 'adem-i hiddeti sinn ve faşldan dahi ta'arrüf olunur. Sinn-i hârrda ya'nî vakt-i şebâbda ve iki faşl-ı hârrda emrâdın müntehâsı serî' olur ve esnân-ı bâridede ve iki faşl-ı bâridde emrâdın müntehâsı ba'tı olur.

Hâl-i büldân ile dahi bu minvâl üzere ta'arrüf olunur. Büldân-ı hârrede ve cenûbiyyede müntehâ karîb ve büldân-ı bâridede ve şimâliyyede müntehâ ba'id olur.

Ve kezâlik marađın hiddeti ve 'adem-i hiddeti nabddan dahi ma'lum olur. Eger nabđ serî', mütevâtir, 'azîm olur ise marađ hâdd olur ve illâ marađ ğayr-i hâdd olur.

Ve kezâlik hiddet ve 'adem-i hiddet nâfiðden dahi ma'lm olur. Eger nâfiðin müddeti ÷avîle olur ise maraðın meyli izmâna olur ve eger nâfiðin müddeti kaşire ise marað hiddete şaire olur ve eger maraðda elbette nâfið olmaz ise o marað hangi cinsten ise o marað cinsinin akşarı olur.

Ve ba'ðı kerre maraðın evkâtı nevâibin evkâtı cihetinden ta'arrf olunur, zîrâ nevbet-i müteaddime de hummâ tefâðulu az eylediði ve sonra olan nevbette dahi tefâðulu az edip hâl-i müteaddime üzere müstemirre olur ise marað tezeyydde olur. Ve ba'ðı kerre marað münkaðı olunca kadar tezeyyd üzere olur, ğıbb ve muvâzabe dahi bu hâl üzere olur ve sonra olan nevbet nevbet-i müteaddime gibi tefâðulu az eylemeyip müteşâbih ve vâkıf olur⁸ ise veyâhd fuðl müteşâbih olur ise karîb olur ki marað müntehâda ola. Ve eger te'ehr üzere ise marað zamân-ı inhitâtta olur ve sâ'at-i vâhideyi hâfıza olanların müddeti ÷avîle olur.

Ve kezâlik evkât-ı emrâdın avâli hummânın a'radından ve a'radın vukûfundan ve nokşânından ve nevâibin tl ve kışarda tezeyydünden dahi ma'lm olur. Ve ba'ðı kerre nevâib tehâlf edip müteşâbih olmaz.

Ve ba'ðı kerre dahi evkât-ı hummâ hâl-i istifragattan dahi ma'lm olur, zîrâ nevâibin birinde 'arâk veyâhd ishâl 'arîd olsa ve ba'dehâ olan nevbetin 'arâk ve ishâlinin şiddeti nevbet-i ÷lâda olan 'arâk ve ishâl şiddeti mislli veyâhd ondan dahi eşedd olsa o istifrag keşret-i fuðl ile olup kuvvet veyâ marað hasebiyle olmasa o istifrag tl îzân ve i'lam eder.

Ve ba'ðı kerre evkât-ı marað cihet-i nuðcdan ve 'adem-i nuðcdan dahi ma'lm olur bizim zıkr eylediğimiz üzere, meşelâ ma'a-nuðcin-mâ nefş ve ma'a-ğamâmetin-mâ bevl zâhir olsa o vâkt zamân-ı tezeyydn evveli olur, eger nefşte nuðc ve bevlde ğamâme ekşer zâhir olsa veyâhd 'adem-i nuðc zâhir olsa o vâkt zamân-ı intihâ olur. Ve kezâlik nefş ve ğamâme ile nuðcun ve 'adem-i nuðcun zuhru serî olmakla dahi müntehânın kurb ve bu'du ta'arrf olunur, eger o vechle olan nuðcun ve hîlâfının zuhru serî ise mün-tehâ karîb olur ve eger ba'ı ise müntehâ ba'ıd olur.

8 Ma'lm buyurula ki hummâda mevâddın mütehallili mütevakdından eall olup mütevakd ekşer olur ise o hummâya "müteâyide" ve "müte'âdıle" derler ve eger 'aks üzere olur ise ona "müyenâkışa" ve "müte'ehire" derler ve eger müte-vakıd mütehallil ile berâber ise ona "müteşâbihe" ve "vâkıfe" derler.

Ammâ evkât-ı cüz'iyenin ta'arrüfî bu vechle olur ki hummânın vakt-i nevbette nabđ münđağıt olur ve nabđın inđiğâtının ma'nâsı bundan aq-dem senin ma'lûmun oldu.

Ve kezâlik vakt-i nevbette levn-i eţrâf kümüdet üzere ve kezâlik eţrâf bürüdet üzere olur ve hâşşaten kulakların ve enfin tarafları bürüdeti ekşer olur o vakte qadar ki onda intişâr-ı harâret ihsâs olunur.

Ve ba'dı kerre ibtidâ-i nevbette tağayyür-i levn ve kesel ve ibtâ-i harekât ve sübât ve istirhâ-i cefn ve şıkal-i kelâm ve beyne'l-ketifeyn ve's-şulb kuşarîret olur.

Ve ba'dı kerre ibtidâ-i nevbette nâfiđ kavî olur.

Ve ba'dı kerre onda rîkin seyelanı ve iki şudğun ihtilâcî ve kulakların tanînleri ve uţâs ve a'đâ-i bedenin temeddüdü olur ve kuvvetin iştîdâd-ı da'fî nevbetin ibtidâsı ve intihâsı zamâlarında olur.

Ve nevbetin vakt-i tezeyyüdünün nışf-ı evvelinde nabđ zuhûru ve 'izâmı ve sür'ati ahz eder ve onda harâret cemî'i bedende 'ale's-sevâ münteşire olur ve vakt-i tezeyyüdün nışf-ı ahîrinde zıkr olunan harâret münteşireten 'ale's-seviyye tezeyyüd eder.

Ve vakt-i intihâ o vaktır ki onda harâret ve a'râđ 'alâ-hâlihâ bâkıye olur ve nabđ mâ-yekûnun a'zamı olur ve sür'at ve tevâtürü eşedd olur. Ve vakt-i inhiţât bir vaktır ki onda nokşân ibtidâ eder ve nabđ itidâli ahz eder ve müstevî olur ve ondan sonra olan vakte beden 'arâkı ahz edip iklâ'a mü'ed-dî olur.

Ve çok vâkı' olur ki 'inde'l-mevt inhiţât hâli gibi marîde bir hâl 'arîdâ olup marîd şıhâte ikbâl eylemiş gibi olur,⁹ pes vâcib olur ki o hâle meşgûl olunmayıp belki nabđın hâli ta'arrüf oluna, nabđ 'azîm ve kavî midir biline. Ve bu bâbda hummâ-ı gıbbdan meşel darb olunmağı re'y edersen sen te'emmül eyle ki ekşer-i ahvâlde gıbb kuşarîret ile bed' eder ondan sonra ona bürüdet ve ba'dehu nâfiđ ya'nî ri'de 'arîd olur ve ba'dehu nâfiđ sâkin ve berd kalîl olur ve tesahhunu ahz eder ve sonra tesahhunu müstevî ve

9 Ve o hâlin zuhûrunun vechi budur ki a'râdın iştîdâdı tabî'atın marâđ ile muhârebesinden hâşıl olur, kaçan marâđ galebe edip tabî'at mukâvemetten 'âciz olsa muhârebeyi terk eder ve terk-i muhârebe ile a'râđ sâkine olup marîde hıffet gelir ve der-âkab marâđ 'alîli helâk eder.

baʿdehu tezeyyüdü ve baʿdehu vâkıf olur ve baʿdehu münkalî olunca kadar nâfiʿ olur.

Ve maʿlûm ola ki maraḍın ṭul-i müddeti maddenin keşretinden veyâhûd ḡılzâtinden veyâhûd bürüdetinden olur ve baʿdı kerre ona zamân ve büldân ve ebdân-ı bâridât¹⁰ ve harâret-i ğarîziyyenin ʿaʿfı ve cildin istiḥşâfı muʿîn olur.

Ḥummayât-ı Yevmde Olan Kelâm-ı Küllîdir

Ḥummayât-ı yevmin aşnâfı vardır ve her sınıfın esbâbı bâdiyedir ve o esbâbdan kimisi bi'z-zât [456a] ve kimisi bi'l-ʿaraḍ teşhîn ederler. Ve o esbâb-ı bâdiye mülâkiyât ve mütenâvelât ve infiʿâlât-ı bedeniyye ve infiʿâlât-ı nefsiyîye ve evcâʿ ve evrâm-ı zâhire cümlesinden olur.

Ve ḥummayât-ı yevmin baʿdısı o südedden ḥâdiş olur ki onun sebebi bâdî olmaz. Ve ḥummayât-ı yevmin esbâbıyla ḥummânın iştidâdı o kadara bâliğ olmaz ki onda iştiʿâl-i ervâhı tecâvür eyleye, zîrâ iştiʿâl-i ervâhı tecâvüz eylese aʿḍâ veyâhûd ahlât müşteʿil olup dıkk ve ʿafine ḥummâların biri olur, nitekim esbâb-ı bâdiye baʿdı kerre ḥummâ-ı mütekâdime-i ʿafineyi tahrik edip ahlâtı taʿfîn eder ve ahlâtı taʿfîn ile ḥummayât-ı ʿufûniyye ḥâdiş olur. Ve baʿdı nâs zann eylediler ki ḥummâ-ı yevm ancak beden ve rûhun taʿabı ile ʿarîḍ olur ve baʿdın zuʿm-ı mezkûru ğalaṭtır.

Ve ḥummayât-ı yevm ekşer-i emrde yevm-i vâhidde zâile olur,¹¹ üç günü mütecâvize olanları nâdire ve kalîle olur; eger selâse-i eyyâmı tecâvüz eder ise o ḥummânın emrinden dıkk ve ʿufûnetten birine intikâl ḥads olunur ve intikâlin maʿnâsı harâretin rûhu tecâvüz edip beden ve hılṭtan birine teşebbüsü olur.

Ve maʿa-hâzâ nâstan baʿdılar zıkr eylediler ki ḥummayât-ı yevm baʿdı kerre altı gün bâkiye olup baʿdehu tamâm-ı inkıḍâ ile münkaḍiye olur. Eger üç günü mütecâviz olan ḥummâ-ı yevmden intikâl ḥads olunsa altı gün bâkiye olan ḥummâ-ı yevmde tamâm-ı inkıḍâ olmazdı.

10 “Ebdân-ı bârid” baʿdı nüshada mezkûrdur ve mükerrer değildir, zîrâ bu berd beden mizâcının bürüdetidir ve berd-i mütekaddim berd-i ʿarîḍdir.

11 Ḥummâ-ı yevmin zevâlî serî olmakla ona lügât-ı Yûnânîde maḳîmârûs derler. Maḳîmârûs bir düveybedir ki bir günde hem doğar ve hem doğurur ve hem o günde helâk olur.

Ve hummâ-ı yevmin ‘ilâcî sehle ve lakin ma‘rifeti şa‘bedir ve kezâlik ibtidâ-i dıkkın dahi ‘ilâcî sehle ve ma‘rifeti şa‘bedir. Ve hummayât-ı yevm-den serî‘an vâkı‘ olup ve mu‘alecesine gâla‘t hasebiyle ziyâde ve şedîden muta‘darrır olanlar hârr-i yâbis mizâc ona gâlib olan kimseler olur ve onun yevmiyyesi dıkk ve ğibba te‘eddî eder ve ba‘dehu hârr-ı ra‘b olanlarda hummayât-ı yevmiyye serî‘ü’l-vukû‘ keşîrî’l-a‘drâr olur ve onun hummâ-ı yevmi bi-sür‘atin hummâ-ı ‘ufûnete te‘eddî eder ve ba‘dehu hârrî ekşer ve ba‘dehu yâbisi ekşer olanlar esra‘ ve eşedd olur. Ve mizâc-ı hârr-ı yâbis aşhâbına kaçan cû‘ ‘ârîd olup ona seher ve ta‘ab-ı nefsanî veyâhûd ta‘ab-ı bedenî mu‘ârin olsa ona kuşa‘rîretün-mâ ile hummâ-ı yevm sür‘at eder ve eger o hummânın tedârükü görülmese ve fi’l-hâl iç‘âm olunmasa ona hummâ-ı ‘ufûnet tesâru‘ eder.

Hummayât-ı Yevmi Ecnâs-ı Uhrâdan Mümeyyize Olan ‘Alâmât Beyânındadır

Biz deriz ki hummayât-ı yevm havâşşındandır ki o cins hummâ esbâb-ı müte‘kaddimeden¹² hâdis olmaz ve tedâgu‘ ile ibtidâ eylemez ya’nî ibtidâ-i emrde onda nâfi‘ ve berd-i e‘trâf ve ğu‘ûr-i harâret ve kesele meyl ve nevme meyl ve ğu‘ûr-i nab‘ ve ihtilâf-ı nab‘ ve şıgar-ı nab‘ olmaz belki o hummâ-nın ibtidâsında berde müşâbih bir hâl ve kuşa‘rîret ve na‘ş ‘ârîd olur ve o ‘urûd keymûsun bu‘âr-i redîsi hasebiyle olmağın serî‘an zâil olur. Ve ba‘dı kerre o ebhîreden nâdiren nâfi‘ hâdis olur onun keşret-i müfri‘a ile ‘adali na‘ş ve izâsı hasebiyle velâkin o ebhîrenin işti‘âlî lâzî-i kaşif¹³ olmaz belki tab‘e¹⁴ ve kerîh olup ta‘ab ve sekr hasebiyle olan işti‘âl gibi olur.

Ve kaçan yevm-i evvelde bevl na‘dic olup nab‘ hasen olur ise hummânın yevmiyye olduğuna sen hüküm eyle, zîrâ bevl hummâ-ı yevm olduğundan müte‘gayyir olmaz ve süflü na‘dic olup levn-i hılta meyli olmaz. Ve ba‘dı kerre onun bevlinde ğamâme-i müte‘allika olur ve ba‘dı kerre o ğamâme

12 “Sebeb-i müte‘kaddimden” murâd sebeb-i sâbıktır, o sebeb bedenî sebebedir, bâdî değildir ve sebeb-i vâsılın mu‘âbilidir.

13 الْقَشِيفُ [el-kaşif] (kâfın fethi ve şînin kesri ile) ol kimsedir ki yüzünün rengin ya güneş veyâhûd fakr tağyîr eyleye. Vankulu.

14 كَرِيمَةُ الْخَلِيفَةِ كَرِيمَةٌ كَانَتْ أَوْ لَيْمَةٌ kezâ fi’l-Kâmûs. Ve fi nüshatin: “tayyibetün”

ţâfiye ve ĥasenü'l-levn olur, bi-ĥasebi'l-ittifāk levni ĥasen olmasa lâkin kıvāmı mu'tedil olur ve levninin tağayyürü levni muğayyir nesneye muķārenet ile olur. Bizim ta'abiyye mişlli ĥummālarda zıkr eylediğimiz üzere ĥummāsı olmayan kimsenin bevlinin levninde dahi muķārenet-i mezkûre ile tağayyür olur.

Yevmiyye ĥummāda nabđ mütevâtir ve kavî ve ıẓama şâir olur lâkin inficālât-ı muđacifeden ĥādīs olan ĥummā-ı yevmde o nabđlar olmaz. Ve kezālik ĥılt-ı lâzi'in fem-i mi'deyi lez'inden yāĥūd berdden 'arıđ olan ĥummāda ve kezālik nabđını muşagğır olan āĥer sebebe muķārin olan ĥummāda dahi o nabđlar olmaz. Ve ĥummā-ı yevmde nabđ muhtelif olmak nâdir olur ve muhtelif olan nabđları dahi nizām üzere olur ve eger bilā-nizām muhtelif olur ise o vechle nabđın ihtilāfı ĥummā üzere müteķaddim veyāĥud ĥummāya muķārin sebep-i āĥerden olur; o sebep-i āĥer ta'ab ve aĥşāda olan lez'-i şedid ve o mişlli nesneler olur. Ve ba'dı kerre ĥummā-ı yevm aşĥabının nabđına şalābet 'arıđ olur cū ve seher ve ġamm ve istifrāğdan biri ile. Ve ba'dı kerre dahi nabđlarının inbisātında sür'at ve inkıbādında buđ olur ve onda inkıbād-ı tabī'den esra' inkıbād olmaz lâkin nâdiren miķdār-ı tabī'den ziyāde inkıbādda sür'at olur onun için ki o ĥummāda tervīhe ĥācet eşedd olur ve tervīh inbisāt ile ĥāşıl olmağın tabī'at nabđı inbisātta isrā eder ve buĥār-ı fāsidi iĥrāca ve def'e ĥācet-i keşire olmayıp inkıbāda ĥācet müştetde olmamakla tabī'at dahi inkıbādı isrā eylemez, zīrā yevmiyye aşĥabının buĥarı mu'tedile kıyās ile fāsidi değildir belki o mu'tedile kıyās ile süĥūnet ekşerdir.

Ve eger sana nabđ müştetbih olup vech-i meşrūh üzere inbisāt ve inkıbādın sür'at-i buđları sana mütebeyyin ve zāhir olmaz ise o vech üzere nefsin sür'at inbisāt ve buđ-ı inkıbādı ile ĥummā-ı yevme istidlāl eyle. Ve ĥummā-ı yevmde nabđ ba'de iklā'i'l-ĥummā 'ādet-i tabī'iyyesine 'avd ve rücu eder ve onun vech-i meşrūh üzere 'avd ve rücu 'alāmet-i ceyyide olur. Ve bu icmāl dahi senin ma'lūmun olsun ki kaçan maĥmūmun bevlî ve nabđı ceyyid olsa delālet eder ki o ĥummā-ı yevmiyyedir ve eger bevl ve nabdda cevdet olmazsa delālet-i mezkûre dahi olmaz ve kezālik yevmiyye olmadığına dahi delālet olmaz, zīrā ba'dı kerre ĥummā-ı yevmde bevl münşabığ ve nabđ muhtelif veyāĥud da'if

veyâhûd şağîr olur. Ve kezâlik hummâ-ı yevmiyye olduğuna ‘alâmet olur o hummânın ibtidâsı heyvin ve leyyin olup tezeyyüdü iki sâ‘ati tecâvüz eylemediği ve müntehâsına a‘râd-ı şedîde şohbet eylemediği, ammâ hummâ-ı ‘ufûnette bu ‘alâmetlerin a‘ddadı olur. Ve kezâlik hummâ-ı yevme a‘râd-ı şa‘benin olmadığı ve kezâlik hummânın inkılâ‘ından sonra veca‘ şâbit ve lâzım olmadığı dahi delâlet eder. Ve hummâ-ı yevmin inkılâ‘ı hılî olmayan tabî‘î ‘araka müşâbih ‘arâk ile ve nedâvet ile olur ve o ‘arâkın kemmiyyette dahi ifrât-ı şedîdi olmaz belki keyfiyyette ‘arâk-ı tabî‘îye qarîb olduğu gibi kemmiyyette dahi ‘arâk-ı tabî‘î kemmiyyetine qarîb olur; eger hummâda ‘arâk-ı keşîr rü‘yet olursa hummâ-ı yevmiyye değildir. Ve hummâ-ı yevmiyye vech-i âher ile dahi tecrîbe olunur, o vech budur ki ma‘hûm hammâma idhâl olunur ve hammâmnda mekş ma‘hûmda gayr-i mu‘tâde olan kuşa‘rîret ihdâs eder ise hummâ-ı ‘ufûnet olduğu ma‘lûm olur ve fi’l-hâl o ‘alîl hammâmndan ihrâc olunur ve hammâmnda mekş ma‘hûmu tağyîr eylemeyip kuşa‘rîret olmaz ise hummâ-ı yevm olduğu mütehaqqık olur.

Hummâ-ı Yevmin İntikâli Beyânındadır

[456b] Hummâ-ı yevm şâhibinin tağdiyesini iktidâ ve icâb edip tabîb ha‘tâ-i ma‘hûmu tağdiye eylemese o hummâ ebdân-ı mirâriyyede dıkka ve muhrıkaya intikâl eder ve ebdân-ı lahmiyyede bilâ-‘ufûnetin sünûhasa ve ba‘dî ‘ufûnet ile olan hummânın birine intikâl eder. Ve kezâlik hummâ-ı yevm tef‘îh-i mesâmm ve ta‘halhul-i cism için me‘ûnete muhtâc olup o me‘ûnet terk olursa bedeninde ahlât muhtebese olanların hummâsı bi-kuvvetin müste‘ile olup ta‘affün eder.

‘Alâmātu İntikâli Hummâ Yevmin İlâ Hummâin Uhrâ: Hummâ-ı yevmin intikâl-i mezkûruna delâlet eder min-gayri ‘arâkın ve nedâvetin hummânın inhi‘âtı ve kezâlik onda ‘arâk olup velâkin o ‘arâk ile ne‘kâ hâşıl olmadığı ve inhi‘âtın mütetâvil ve müte‘assir olduğu ve nabdda dahi ne‘kâ olmayıp bir şey’in nabdda be‘kâsı ve şudâ‘ı olanların şudâ‘ının be‘kâsı bu mezkûrların küllîsi hummâ-ı yevmin hummâ-ı ‘ufûnete veyâhûd hummâ-ı dıkka intikâline delâlet eder.

Eger hummâ-ı yevmin esbâbı şedîde ve lebsi tavîle olursa o hummâ-ı yevm dıkkâ intikâl eder ve kaçan dıkkâ intikâl eylese şiryânın mecessi-ni cidden haâr bulursun ve a'ðâ-i hummâyı müteşâbihe ve vakt-i imtilâda ve ta'âm tenâvülüne hummâyı mütezâyide bulursun ve nabdı münhafîd ve şulb ve şıgar ile bulursun ve sâir 'alâmât-ı dıkkâta bizim zıkr eylediğimiz 'alâmetleri bulursun.

Ve hummâ-ı yevm hummayât-ı demden 'ufûneti olmayıp sünûhas tes-miye olunan hummâya intikâl eyledi ise onda sen imtilâ ve izdiyâd-ı harâ-ret ve intifâh-ı vech bulursun. Ve eger hummâ 'ufûnete intikâl eyledi ise onda ikşîrâr olur ve nabd muhtelif olup şağîr olur ve teðâguş zâhir olur ve harâret-i lâzi'a vü yâbise ve a'râd müştetde olur, ammâ bevl ba'dı kerre nuç-i kadîmi üzere bâkî kalır, ekşer-i emrde ba'de'l-intikâl bevle nuç zâhir olmaz.

Hummâ-ı Yevmin Darb-ı Küllî İle Mu'alecâtı Beyânındadır

Biz deriz ki cem'ân hummayât-ı yevmiyye aşhâbına vâcib olur ki eb-dânlarına ceyyiden ve serî'an münhađım olan ağdiyeyi îrâd eyleyeler, zîrâ maħmûm 'alîl olur ve 'alîl me'ûf olur velâkin ba'dı 'ilel ve hummâ aşhâbına ağdiye ile tereffühe ruşşat verilir,¹⁵ ta'abı ve ğammı ve cû'u olan hummâ-larda tereffühe ruşşat verildiği gibi ve kezâlik ebdânlarında mirâr-ı keşîre olanlara dahi terfihe ruşşat verilir. Ve kuşa'rîret ile müşteki olanlar ibtidâ-i hummâda suda veyâhüd şarâbda mağmüse olan ta'âmı iltikâm eder ziyâ-de ğidâ olsun için, her ne kadar o iltikâm ibtidâ-i hummâda dahi olur ise nâfi' olur. Ve ba'dı maħmûmîn ğidâda tereffühten men' olunurlar ve onlara tel'tîf-i ğidâ ile işâret olunur, südedî ve istişşâfî ve veremî olanlar gibi. Ve bizim karîben istişnâ eylediğimizin ğayrilerine evlâ budur ki ğidâyı vakt-i inhişâta kadar te'hir eyleyeler.

Ve vâcib olur ki evvel-i emrde mâ-ı bârid şürbünden maħmûm men' olunmaya, zîrâ o vakte kuvvet kaviyye olur, da'f-ı kuvvetten havf olunmaz ve mâ-ı bârid şürbü onlara tebrîdi hasebiyle efdal-ı 'ilâc olur lâkin maħmû-mun aħşâsında da'f olursa ve hummâ dahi mümtedde veyâhüd südedî olur ise evlâ olan mâ-ı bârid şürbünü ikşâr eylemektir.

15 Ve me'ûf olanlara ğidâ-i mevşûf îrâd olunup terfihe ruşşat verilmez.

Ve hummâ-ı yevm aşhâbına hammâm için ba'de-inkıdâi'n-nevbe meş-veret iksâr olunur ve hummâ-ı yevm olduğu taḥaqqûkundan sonra onu hammâma idhâl vücûh ile nâfi^c olur, zîrâ hammâm tertîb eder ve ta'rif eder ve mesâmma ḥalḥale ihdâs eder ve sâni hâlde tebrîd eder. Ve eger 'ufûnet ihdâsından ḥavf olunur ise hammâm men^c olunur. Ve ba'dı kerre vâcib olur ki aşhâb-ı süded hammâmdan men^c oluna, zîrâ hammâm ba'dı kerre ma-raḍ-ı 'ufûniyi işâre eder. Ve kezâlik toḥmî olan maḥmûmdan dahi hammâm men^c oluna lâkin âḥir-i emrde ve meşâmmın ittisâ'ında ve toḥmenin inhidârında vâcib olur ki hammâm isti'mâl oluna. Ve zükâm aşhâbı dahi istiḥmâm olunmaz lâkin ihtirākî olan zükâmda istiḥmâm olunur. Ve hummayât-ı yevm aşhâbına cemî'an vâcib olur ki havâ-yı hammâmda tûl-i meks eylemeyeler ve suyunu istedikleri kadar isti'mâl eyleyeler lâkin aşhâb-ı istiḥşâfa ve tekâşüf erbâbına terleyince kadar havâ-i hammâmda meks-i ṭavîl nâfi^c olur, ammâ temrîḥ mücerred şabb ve tîlâ ise mesâmmı sedd eder.

Ve südde-i zâhire ve bâtineden ḥâdiṣ hummâ-ı yevmin âḥirinde delk isti'mâl olunsa süddeyi feth eder ve ba'dehu ruṭûbet-i keşîreye müşâdif olur ise onu tahlîl eder ve eger ruṭûbet-i ḳalîleye müşâdif olur ise o ruṭûbet-i ḳalîleyi tecfif eder.

Ammâ istifrag̃ ona hummâ-ı yevm aşhâbından ancak süded ve imtilâ ve toḥme şâhiblerinden gayrileri ve istiḥşâfi hummâsı olup bedeni mümtelî olanların gayrileri muhtâc olmaz, ancak istifrag̃a ḥâcet zikr olunan hummâ-larda olur. *Tab'la olan nüshada "istifrag̃" dedeline "istimrag̃"¹⁶ vâķ olmuştur; ne kadar nüsha-i ûlâ şaḥîḥa ise sâniye dahi şaḥîhten ba'îd değildir.*

Aşnâf-ı Hummâ-ı Yevm Beyânındadır

Hummâ-ı yevm için aşnâf-ı şettâ vardır, bir sınıfı aḥvâl-i nefsanîyyeye nisbet olunur ve âḥerleri bedenîyyeye ve ḥârice nazaran umûr-ı sâireye nisbet olunur: Ammâ aḥvâl-i nefsanîyyeye nisbet olunanlar gammiyye ve hemmiyye ve fikriyye ve ḡadabiyye ve seheriyye ve nevmiyye ve ferahiyye ve feza'îyye olur. Ve aḥvâl-i bedenîyyeye mensûb olanların kimisi ef'âl ve ḥarekât ve addâdı olan umûra nisbet olunur ve kimisi onların aḡyârına

16 مَرَعْتُهُ فِي التُّرَابِ فَتَمَرَعُ إِذَا مَعَكْتُهُ فَتَمَعَكَ Vankulu, ağnamak.

nisbet olunur. Ve umûr-ı harekâta nisbet olunan ta'abiyye ve zâhiyye¹⁷ ve istifrâgiyye olur. Ve ef'âl-i bedene nisbet olunanların kimisi dahi hummâ-ı yevm-i veca'îyye ve hummâ-ı yevm-i ğaşyiyye ve cû'îyye ve a'atâşyiyye olur. Ammâ ef'âlin ğayriye nisbet olunanlar südediyye ve tohamiyye ve vere-miyye ve kaşefiyye olur. Ve hârice nazaran umûr-ı sâireye nisbet olunan-lar şemsten hâdiş ihtirâkiyye ve berdiyye ve istihsâfiyye-i iğtisâliyye olur. Bunların her birini vâhiden vâhiden mu'alecâtı ile biz zikr eyleriz.

Ḥummâ-ı Yevm-i Ğammiyye

İfrât-ı ğamm oldukça rûh dâhile hareket edip onda muhtenîka olur ve ihtinâk-ı rûh ile hummâ-ı rûhiyye 'arîd olur. Ve onun 'alâmâtı bevlîn nâriy-yeti ve hiddeti olur ve o bevlîn şâhibi bevlîn hiddetini ihsâs eder ve o hiddet bevlî yübüset ile 'arîda olur ve 'aynın hareketi ğumûda olur ve taḥallül ḥasebiyle 'ayn ğâire ve fütür sebebiyle sâkine olur ve ḥarâretin ğu'ûruyla vech şufrete nâzır olur ve nabḍ şığar ve da'fa mâil olur ve ba'dı kerre nabḍ şalâbete meyl eder.

Ve onun mu'alecâtında vâcib olur ki âbzene duḡûl iksâr oluna ve ekşer-i kaşdı hummânın suyu ile istiḥmâma olup havâsına olmaya. Ve ba'de'l-is-tiḥmâm temrîḡ ziyâde ola, zîrâ dühn ona ḥammâmdan enfa' olur. Ve müfer-riḡât ve ıtr-ı bârid isti'mâline iştiġâl eyleye ve şadrına lu'âbât ve uşârât ve miyâh-ı tayyibeden atliye-i müberride vaḍ' eyleye. Ve onlara keşîrû'l-mizâḡ şarâb sakı oluna, zîrâ keşîrû'l-mizâc şarâb onlara tıbben ni'me'd-devâ olur.

Ḥummâ-ı Yevm-i Hemmiyye

Ve ba'dı kerre maṭlûb olan bir nesneye keşret-i ihtimâmdan ḥâdiş olan rûḡun hareket-i 'anîfe-i müsahḡhinesiyle hummâ-ı yevm ḥâdiş olur. Ve hem-miyye hummânın 'alâmâtı ğammiyye 'alâmâtına müşâbih olur lâkin hem-

17 “Zâhiyye” zâl-ı mu'ceme ile. “Zevḡ” seyr-i 'anîf ma'nâsına; nisbetinde vâv elife ibdâl olunup “zâhiyye” denildi, ta'abiyyenin bir nev'i olur, binâen 'aleyh tafşilde “zâhiyye” zikr olunmadı. Ve ba'dı nüshada “râhiyye” vâkı' olmuştur, muşannif tafşilde “râhiyye”yi nevmiyyeye atf-ı tefsîr olmak üzere zikr eder ve bu nüshaya göre vâcibdir ki râhiyye nevmiyye aḡabinde zikr ola. Ve bu ma'nâ delâlet eder ki şaḡîḡ olan nüsha-i ülâdır.

miyyede taḥallül ile gâire olan ‘aynın hareketi ḥārice olur ya’nî gammiyye gibi ğumûda olmaz ve hemmiyyede nabḍ ḥāmil ve münḥafid olmaz belki hemmiyye nabḍında ḍa‘f var ise dahi onda şehvetün-mā olur. Ve onun ‘ilâcî gammiyye ‘ilâcî gibidir.

Ḥummā-ı Yevm-i Fikriyye

Umürda kesret-i fikrden dahi ḥummā ‘ārıda [457a] olup onun ḥummāsı gammiye ve hemmiyye ḥummâlarına şebîhe olur lâkin fikriyyede ‘ayn i‘tidāl üzere hareket eder, onun hareketi gammiyye gibi ğumûda ve hemmiyye gibi ḥārice olmaz ve ‘aynın meyli ğu‘ûra olur ve nabḍ şühûk ve ğumûd ile muḥtelif olur ve ekşer-i ḥâlde mu‘tedil olur ve vechin levni şufrete olur. Ve onun ‘ilâcî hemmiyye ‘ilâcî olur.

Ḥummā-ı Yevm-i Ğaḍabiyye

Hâl-i ğaḍabda rūḥ ḥārice ifrât üzere hareket edip o hareket-i ‘anîfeden ḥāşıl olan sühûnet rūḥa teşebbüs edip ḥummā ḥādiş olur. Ve onun ‘alâmeti vechin iḥmirârı olur velâkin ğaḍaba feza‘ muḥālîṭ olur ise vechin levni aşfer olur. Ve kezâlik ğaḍabiyye ‘alâmâtındandır vechin intifāḥı ve o intifāḥ eraḳiyyede olan intifāḥa şebîh olur ve iki gözleri muḥmerre ve cāḥıza olur rūḥun ḥārice şiddet-i hareketi için. Ve onların ba‘ḍılarında ba‘ḍı kerre ri‘de olur ḥılṭın hareketi veyāḥûd ṭibā‘ın ḍa‘fı ḥasebiyle ve bevli aḥmer ve ḥādd olur ve ḥiddeti iḥsās olunur ve bevle ednā başış olur ve nabḍ ḍaḥm, müm-telî, şāhiḳ, mütevâtir olur. Ve ḥummā-ı yevm-i ğaḍabiyyenin mu‘ālecâtı ğaḍabı teskîn ve ḥikāyât ve semā‘-ı ṭayyibe mislli müferriḥāta iştigāl ve la‘ib-i ‘acîbe ve mā-ı fâtir ve ğayri keşîrû’l-ḥarâret olan ḥammāma idḥāl ve keşîren dühn-i keşîr ile temrîḥ olur, bu vech üzere olan ḥammām onlara mā-ı ḥārrdan evfak olur. Ve onlar müberrid-i muraṭṭıb ağdiye ile tağdiye olunur ve onlardan şarāb men‘ olunur, şûrb-i şarāb için onlara sebîl olmaz.

Ḥummā-ı Yevm-i Seheriyye

Ve ba‘ḍı kerre seherden dahi ḥummā ‘ārıda olur. Onun ‘alâmâtı seherin tekaddümü ve şıḳal-i ecfân olur; şıḳal bir meblağa bâliğ olur ki feth-i

‘ayna kâdir olmamak ona karîb olur ve taḥallül ḥasebiyle ‘aynı gâire olur ve fesād-ı ğıdâ ve keşret-i buḥâr ḥasebiyle ḥuşyeteynde tehebbüc olur ve ‘adem-i haḍm sebebiyle bevlinde küdüret olur ve nabdı da‘îf ve vechinde şufret olur sū-i haḍm sebebiyle ve kezâlik vechinde intifâḥ-ı tehebbüci ve sū-i haḍm olur velâkin vechin intifâḥı ḥumrete maşḥûb olmaz ğaḍabiyye-de olduğu gibi. Ve bu ḥummânın ‘ilâcî tevdi‘ ve teskîn ve tenvîm olur ve müberrid-i muraṭṭıb olan miyâh ile tenṭil-i re’s ve ḥammâm-ı raṭb ve cey-yidetü’l-keymûs ağdiye ve merûḥât-ı muraṭṭıbe olur ve onlara şarâb enfa‘-ı eşyâdan olur, bilâ-ihtirâzin ve tevaḳḳin şürb ederler lâkin şudâ‘ları var ise ihtirâz evlâ olur.

Ḥummayât-ı Yevm-i Nevmiyye vü Râḥiyye

Ba‘dı kerre yaḳaḳa ve ḥareket ḥasebiyle buḥârât-ı ḥârre taḥallül eder, kaçan nevm ve râḥat tavîl olsa o buḥâr taḥallül eylemeyip ruḥâ muḥtelit olmakla rûḥu teşhîn eder ve ḥummâsı olur. Ve onun ‘alâmâtı nevm-i keşîrin ve râḥatin sebḳati ve tekaddümü olur ḥuşûşan nevm-i keşîr ‘âdeti olmayanlarda o ‘alâmetinin delâleti ḳavmi olur ve nabdda imtilâ-i buḥârî olduğu dahi o ḥummâya delâlet eder. Ve onun mu‘âlecâtı havâ-i ḥammâmda ta‘rîḳ ve mâ-ı ḥârr ile iġtisâl-i mu‘tedil ve kıllet-i ğıdâ ve müberrid-i muraṭṭıbe imnâle ve riyâdet-i mu‘tedile olur, onlara şürb evfaḳ olmaz.

Ḥummâ-ı Yevm-i Feraḥiyye

Ĝaḍabdan ḥummâ ḥâdişe olduğu gibi kezâlik ifrât üzere olan feraḥtan dahi ḥummâ ḥâdişe olur ve o ḥummânın ‘alâmâtı ğaḍabiyye ‘alâmâtı gibi olur lâkin feraḥiyyede ‘aynın seḥanesi ferḥân seḥanesi olur ki o seḥane ğaḍbân seḥanesine muġâyiredir ve nabdının tevâtürü eḳall olur. Ve onun mu‘âlecâtı ğaḍabiyye mu‘âlecâtına karîb olur ve biz onu beyândan fâriġ olduk, o mu‘âlecât ğaḍabiyye bâbından taleb olunsun.

Ḥummâ-ı Yevm-i Feza‘iyye

Ĝammdan ḥummâ ḥâdişe olduğu gibi kezâlik feza‘dan dahi o sebîl üzere ḥummâ-ı yevm ‘ârıda olur, zîrâ feza‘ın ğamma nisbeti ğaḍabın feraḥa nis-

beti gibidir o vechten ki feza'ın dâhile ve gâdabın hârice hareketleri def'aten olur, ammâ ferahın ve gammin hareketleri tedricle olur ve feza'ıyye olan hummâ-ı yevmin 'alâmâtı gammiyye olan 'alâmâtına qarîbe olur lâkin feza'ıyyede nabdın ihtilâfı eşedd ve 'aynın sehanesi mergûb¹⁸ olur. Ve feza'ıyye mu'alecâtı gammiyye mu'alecesine qarîb olur. Ve vâcib olur ki beşâret ityânıyla o maḥmûm havftan temîn oluna ve şarâb onlara nâfi' olur.

Hummâ-ı Yevm-i Ta'abiyye

Ba'dı kerre ta'abın rûhû teşhîni mübâlağa üzere olur hattâ bir nev' hummâya mü'eddî olur ki onun ef'ale maḍarratı olur ve onun ekser-i maḍarratı ve ḥamli rûh-ı hayvânî vü nefsânî üzere olur. Ve 'alâmâtı ta'abın teḳaddümü ve a'ḳdâ-i bedenden mefâşıl sühûnetlerinin a'ḳdâ-i sâire sühûnetinden ekser olduğu ve hiss-i i'yâ ve bedenin yâbis olup âhîr-i hummâda nedâvet olduğu olur ve o nedâvet o vâkt 'ârîd olur ki sebep-i hummâ olan ta'ab mu'tedil ola ve o hummâda ḥarr-ı müceffif olmaya ve mâni'-i 'araḳ olan berd dahi olmaya. Ve eger sebep-i hummâ ta'ab-ı müfriṭ olur ise teneddî ve ta'arruḳ ḳalîl olur. Ve ba'dı kerre bu hummâyı riye müşâreket etmekle su'âl-i yâbis ḥâdiş olur ve nabdı şaḡîr ve da'îf olur ve ba'dı kerre şalâbete mâil olur ve bevl aşfer ve ḥârr olur ve ḥarâreti ḥareketi sebebinden olur ve taḥallül ḥasebiyle raḳîḳ olur.

Ve o hummânın mu'alecesi râḥatta olmak ve istiḥmâm ve âbzen ve ba'de-hu temrîḥ ve ḥuşûşan mefâşıl üzere olan temrîḥ ve ḥasenü'l-keymûs ve murattıb olan aḡdiyeyi ḥaḍm edeceği miḳdâr tenâvül olur ki o aḡdiye luḥûm-ı ferâric ve cidâ ve semek-i raḍrâḍî cinsinden ola, zîrâ o maḥmûmun ḳuvâsı da'îfedir, ḥâl-i şihḥatte ḥaḍm eyledikleri nesneleri cem'ân ḥaḍma ḳâdir olmaz belki ondan dūn olanları ve luḥû-ı mezkûr mişlîlileri ḥaḍm ederler. O maḥmûmdan ḥâl-i şihḥatte ḥaḍm eylediği aḡdiyeyi ḥaḍm tevaḳu' olunmaz, binâen 'aleyh onlar taḡdiyesi ḳalîl olan nesneleri keşîren ekl eder.¹⁹ Ve onlara şufretü'l-beyḍin nîm-birişti ve ḥuşa'd-düyûk ceyyid olur.

18 [Kontekse uygun olan "mer'ûb" idi.]

19 Miḳdârı keşîr ve ḡidâiyyeti ḳalîle olduğunun fâidesi budur ki keşret-i kemmiyyet ḥasebiyle mi'de meşḡûle olur velâkin ḳillet-i ḡidâiyyet ile keşret-i ḥaḍma muḥtâc olmayıp ḳuvvet müsterîḥ olur.

Ve ba'ḍılar zu'ım eylediler ki şāhib-i i'ṡyāya vācib olur ki onlar āherden ziyāde tedbīri telṡīf eyleyeler velākin onların zu'ımları şavāb deęildir. Ve vācib olur ki onlar fevākīh-i raṡbe tenāvül eyleyeler ve şarāb mu'ṡādı ise keşirü'l-mizāc şarāb şürb edeler ve şarāb mu'ṡādı olmayanlar cüllāb ve cüllāb mislli eşribe şürb edeler. Ve vācib olur ki onların dühnle temrīhi ğayri 'illette temrīhinden ziyāde ola a'ḍāyı ve bi-ḥasebi't-ta'ab müceffefe olan mefāşılı tertīb eylesin için ve kezālik a'ḍādan mütemeddid olanları irḥā eylesin için. Ve onları temrīhte isti'māl olunan edhān efādılındandır benefşec dühnü. Ve vācib olur ki onların temrīhi bi'l-cümle bedene 'āmm kılına ve ḥuşuşan re's ve 'unuk ve ḥarezāt-ı şulb ve mefāşılın küllisi temrīḥ oluna ve ḥuşuşan ba'de'l-istiḥmām temrīḥ oluna. Ve vācib olur ki firāşı muvaṡṡa²⁰ ve şiyābı ve meclisi mu'aṡṡar ola. Ve bu tedbīrden sonra ḥummādan bakīy-yetün-mā var ise onu izāle için ḥammām mu'āvede olunup onun ḥammāmında resm olanlar bi'l-cümle icrā oluna.

Ḥummā-ı Yevm-i İstifrāgiyye

İshāl olunan kimselere aḥlātın ıdṡrābından rūḥ ifrāt üzere ḥareket etmekle onda ḥummā müşte'ile olur ve ekşer-i emrde rūḥun iştī'ālī ḥareket ile rūḥa 'arıḍ olan i'ṡyā ḥasebiyle olur. Ve ba'ḍı kerre dahi rūḥun iştī'ālī edviye-i müşhilenin teşḥini ile olur ve ba'ḍı kerre ishālde isti'māl olunan faşḍ rūḥun iştī'ālī tābi' olur, zīrā faşḍ rūḥun rūtūbetini ve demeviyyetini duḥāniyyete ve mirāriyyete şāire kılar.

Ve o ḥummā-ı yevmin mu'ālecesi budur ki ḥabs-i ṡabī'atta ma'lūm olan tedbīrlər telṡīf olunur ve aędiye-i muḳavviyeden ḥaḍm olunacak miḳdārın ekşeri ile taędiye olunur ve o aędiye müberrid ve muratṡıbdan kılınır ve o aędiyeye kavābıḍ idḥāl olunur ve mi'de üzere müsahḥine ve ğayr-i müftire olan ḍimādāt ve neṡlāt-ı muḳaviyye vaḍ' olunur ve müftirātın küllisi mürḥī ve ḳuvveti muḥallil olmakla ḍimādāt ve neṡlāt-ı mezkūre müftiren isti'māl olunmaz. Ve dühn-i nārdīne ve ondan ebred dühne muṡayyiben maęmūse olan şūfe eczā-i dühn müfāraḳat edince ḳadar 'aşr olunduktan sonra mi'de [457b] üzere vaḍ' olunan ḍimādātтан olur ve ḳalb ve kebid üzere müberridāt vaḍ' olunur.

20 “Firāş-ı muvaṡṡa” müstevī döşek ma'nāsına.

Ḥummā-ı Yevm-i Veca'ıyye

Veca' dahi rūḥu teşhîn edip ḥattâ ḥummâ müştē'il olur. Ve onun 'alāmâtı re'sin ve 'aynın ve üzünün evcā'ı veyāḥūd sinnin veyāḥūd mefāşıl ve eṭrāfın evcā'ı ve kûlunc ve bevāsîr ve evcā'-ı demāmîl gibi nesneler 'alâmet olur. Ve onun mu'alecâtı bâbında zıkr olunan tedbîr-i veca' ve ba'dehu ta'abiyye ḥummânın mu'alecâtı olur. Eger saḳy-ı şarâb veca'ı taḥrîk eder diye ḥavf olunur ise ona şarâb saḳy olunmaz.

Ḥummā-ı Yevm-i Ğaşıyye

Ğaşı olanların rūḥa rūḥun ḥarekât-ı ıdtırâbiyyesi ḥasebiyle süḥûnet 'arıda olup ḥummāya münkalibe olur ve ba'dı kerre ḥaṭar-ı ğaşı zevâlinde sonra o ḥummâ bâkiye olur. Ve o ḥummânın 'alâmeti ḥummânın ğaşıye muḳâreneti ve kuvvet sâkıta olup ḥummayât-ı yevmden mâ-'adâ ḥummâ-lardan birinin 'alâmeti olmadığı olur ve onda nabđ muḥtelifü'l-aḥvâl olur târeten sâkıṭ ve bâṭıl olur berdin ğalebese ḥasebiyle ve târeten dahi ḥareretin istîlâsı ile nabđ serî' olur ve zübül-i muḥaşşif²¹ aşḥâbının nabđına şalâbet-i dūdiyyette onun müşâbeheti olur. Ve o ḥummânın mu'alecesi 'ilâc-ı ğaşı ve haḍmı serî', keymûsu ḥasen olan senin bildiğin ağdiyeler olur ve eger saḳy-ı şarâba muḥtâc olur isen saḳy edersin ve onu saḳyda ḥummâdan mü-bâlât üzere olmazsın ve kaçan 'alîl ğaşıyden ḥalâş bulup zübüle müşâbih ḥummâ bâkî kalsa ḳânûn olan tebrîd tertîb ile mu'alece olunur.

Ḥummā-ı Yevm-i Cū'ıyye

Ma'lûm ola ki kaçan beden ğidâ bulmasa buḥārâtı muḥtedde olup ondan ḥummâ tevellüd eder ve onun nabđı da'if saġîr olur ve ba'dı kerre şalâbete meyl eder. Onun mu'alecesi içâm-ı ta'âm olur, ammâ vaḳt-i ḥummâda o ḥasv içâm olunur ki keşk-i şa'ır ile buḳûlden ittiḥâz olunur ve ba'de'l-ḥummâ ağdiye-i ceyyide-i muḳavviye içâm olunur ve 'alîl istiḥmâm edip başında keşîren mâ-ı fâtir şabb eder ve mâ-ı fâtir içine cülûs edip ve bedenini benefşec ve dühn-i verd ve dühn-i ḳar'la tertîb eder.

21 “Zübül-i muḥaşşif” o zübüldür ki ondan ḥareket-i da'ife olup ğaşıyın şavtı ḥafî olur, kezâ fūhime min Vankulu.

Ḥummā-ı Yevm-i ʿAṭaşıyye

Bu, ḥummā-ı cūʿiyyeye qarībdir ve ʿaṭaşa ḥummā ihdāṣı cūʿun ihdāṣından evlādır, zīrā ebhūrede olan ḥarāret-i kavīyyeyi ancak su teskīn eder ve ʿaṭaşa su mefkūd olmakla ḥarāret bākīye kalıp ḥummāya müʿeddiye olur. Onun muʿālecesi mā-ı bārid saḳy olur ve kezālīk fevākīh-i bāride miyāhı ve ḥuṣūṣan mā-ı rummān saḳy olur ve ābzen ile beden tertīb olunur, eger mā-ı bārid ile istiḥmām yaʿnī iḡtisāl mümkün ise o dahi işlenir.

Ḥummā-ı Yevm-i Südediyye

Baʿdı kerre südde cildin mesāmmlarında olur cildde tekaşşūf olmakla ve tekaşşūf kılet-i iḡtisāl ve keşret-i iḡbirār ile ʿārīd olur ve miyāh-ı kâbıda ile ve şemsin cildi iḡrākı ile dahi cildde kaşfe olur. Ve baʿdı kerre süded ʿurūkun lifinde ve sevākışinde²² ve fūvvehātında ve mecārīsinde olur ve her kaçan ki ʿaleʾl-ıtlāk ḥummā-ı yevm-i südediyye zikr olursa kısım-ı ahīr murād olunur, zīrā kısım-ı ahīr ile taḥallül kalıl ve ihtikān ve imtilā-i keşir olur ve aḥlāt kısım-ı ahīrde teneffüs etmemekle buḡār-ı ḥār keşiren müctemīʿ olur ve ondan ḥarāret-i müfriṭa ḥādiṣe olur ve mādām ki ḥarāret-i müfriṭa aḍʿaf-ı ecrām olan rūḥa teşebbüs ve taʿalluk ede, ondan ḥummā-ı yevm ḥādiṣe olur. Ve eger o ḥarāret ile dem müşteʿil olur ise ḥummādan bir nevʿ ḥādiṣ olur, ona sūnūḥas tesmiye olunur ve biz onu qarīben zikr eyleriz.

Ve o ḥummā ḥummayāt-ı ḥıltıyyedendir, onda ʿufūnet yoktur belki ḡaleyān ve sūḫūnet ḥasebiyle ḥummāyı ihdāṣ eylemiştir. Ve kaçan südde ve ʿadem-i teneffüs ḥasebiyle o ḥarāret-i müfriṭa ḥıltı taʿfīn eder ise ḥummā-ı yevm ʿafiniyye ḥummāya intikāl eder. Ve bu mişlli südde demin ve aḥlātın keşretinden ʿārīda olur veyāḥūd onların ḡılzatından veyāḥūd lüzūcetinden veyāḥūd esbāb-ı süddeden bir şey-i mücerred ālette vāqīʿ olduğundan olur, meşelā ālete berd-i muḳabbıd isābet eder ve şey-i ḡarīb ile mecrā sedd olunmuş iken o berd ile mecrā münḳabıd ve mesdūd olur. Ve kezālīk daḡt-ı

22 Maʿlūm buyurula ki kebid ḥadebesinden nābit olan ırka verid derler, ırk-ı vāḥid dir beʿdehu müteşāʿib olup şubelerine evride derler ve evridenin şubelerine cedāvil derler ve cedāvilin şubelerine sevākī derler ve onun şubelerine vādiʿ derler ve onun şubeleri şaʿrāt mişālinde biʾl-cümle bedende mebsūşe ve medsüsedir, ona ʿurūk-ı lifiyye derler; bu maḳāmda lif ve sevākīden murād onlardır ve mecārīden murād fūvvehāt muḳābilidir.

verem ve bir şey'in nebâtı ve onlar gibi senin tezekkür edeceğin nesnelerin biri ile südde-i mecrâ 'arîda olur.

Ve hummâ-ı südediyyenin hummâ-ı dıkkâ intikâli nâdirü'l-vukû' olur, zîrâ hummâ-ı südediyyede bedende mevâdd-ı keşîre olur. Ve kezâlik hummâ-ı südediyyede 'aşaş ve iltihâb ekşer olur ve kıârûre nâriyyet ile kıutme²³ beyninde mütevassıta olur.

Ve hummâ-ı yevm-i südediyyeye hummayât-ı ahlâta şebîh olmakla onu ta'arrüf şu'ûbetli olur ve bu hummâ ba'dı kerre yevm-i şâlişe ve mâ-ba'dine kadar bâkıye olur eger südde keşîre ve kıaviyye olup hâric hasebiyle istihsâfiyye bâkıye ve tekâsüfiyye olmaz ise. Ve eger yevmiyye-i südediyye mevâddı kalîle olur ise onun iklâ'ı serî' olur, eger ha'ta olunmaz ise hummayât-ı yevm beyninden südediyye munkatı' olup yine mu'âvede eder süddenin şebâtı hasebiyle ve o vechle onda nevâib olur.

Ve çok kerre hummâ-ı yevm-i südediyye berd ve ikşî'râra intikâl edip o intikâlle hummâ-ı 'ufüniyyeye şâire olduğuna istidlâl olunur.

Hummâ-ı yevm-i südediyyede faşd olunmakla beden cānib-i eyserinde veca' hâdiş olur ise faşdı i'ade lâzım olur huşuşan hummâ sâkine olduktan sonra veca' bâkıye ve dâime olur ise o zamân ziyâde lâzım olur. *Ve ba'dı nüshada "cānib-i eyserde" bedeline "yedde veca' olur ise" vâkı' olmuştur.*

el-ʿAlāmât: Kaçan lâ'an-sebebin bādin hummâ-ı yevm 'arîda olup inhi'tâtı tavîle olsa sen hâds eyle ki o hummâ südediyyedir huşuşan min-ğay-ri istifragin ve nedāvetin o hummâ münha'tta ola ve senin o hâdsini te'yîd ve te'kîd eder imtilâ 'alâmeti ve kezâlik o beden ki onda dem keşîr ola ve demi tevlîdi keşîr ola ve ahlâtı keşîre veyâhûd lezice ola. Ve bu iki vechin ya'nî gılzât ve lüzüçet ile olan südde ile kesret-i ahlâttan olan süddelerin farkı budur ki südde ahlâtın gılzâti ve lüzüçeti ile hâdişe ise onda gılzât ve lüzüçet 'alāmât-ı ma'lûmeleri mevcûde olur ve o şürette bedende intifâh ve temeddüd ve humret ve bi'l-cümle kesret-i ahlâ't 'alāmâtı olmaz.

Ammâ sebab-i südde kesret ve imtilâ olur ise 'alāmât-ı imtilâ olan humret-i vech ve dürür-ı 'arağ ve intifâh ve temeddüd ve onlar gibi nesneler bedende zâhire olur. Ve eger südde ifrât üzere olur ise onun nabdı şağîr olur ve eger südde gayr-i müfri'ta ise onda nabdda şağîr olmak vâcib olmaz.

23 "Kutme" siyâha nâzır humrettir.

el-İlâc Eger sebep-i südde ahlâatın keşreti ve imtilâsı ise vâcib olur ki faşd ve istifrâğa mübâderet oluna ve hummâ yok iken faşd oluna, zîrâ hummâ mevcûde değil iken faşd hayrlı olur ve eger hummâ aḥz eyledi ise tevaḥḥuf evlâ olur meger ḥâcet ve darûret mess eyleye. Ve faşdın ḳable-aḥzi'l-hummâ evlâ olduğunun vechi budur ki faşd ile ahlâṭ cereyân edip beynlerinde muḥâlâta olur. Ve eger faşd ve istifrâğa ḥâcet mess edip darûret var ise o vakṭte onlar teḥîr olunmaz. Ve ba'de'l-faşd südedi müfettiḥ ve mecârîyi münakkḥ nesnelere iştiḡâl olunur ve ḳable'l-istifrâḡ tefṭiḥe ve tenḳiye-i mecârîye iştiḡâl olunmaz, zîrâ ḳable'l-istifrâḡ tefṭiḥe ve tenḳiye-i mecârîye iştiḡâl def'aten ahlâatın ba'dı mecârîye incizâbına ve luḥûcuna sebep olur ki o luḥûcda aḥṭâr-ı keşire olur. Ve ba'dı kerre def'aten müncezb olan ḥılṭ-ı südeyi ziyâde eder ḥuşûşan menâfîz bi-ḥasebi'l-ḥilkat ḡayyika ola. Ve faşd ve istifrâḡın zıkr olunan ḥatârı def'inden mâ-ʿadâ bir uḡrâ fâidesi budur ki o faşd ve istifrâḡla hummâyı fâ'il olan fuḍûl-i duḡâniyyenin ihtikân ve ictimâ'ı mündefiʿa olur ve ʿufûnete intikâline mâniʿ olur ḥuşûşan faşd ve istifrâḡda ḡaşye ḳarîb olacak miḳdârı mübâlaḡa olursa intikâl-ı mezkûra mâniʿ-i ḳavî olur.

Ve eger keşret-i ahlâṭ iḥsâs olunmayıp ancak süded iḥsâs olursa o südde [458a] mâddenin ḡılzati ve lüzûcetiyle ḥâdistir ve onda faşd-ı zâide ve istifrâğa ḥâcet olmaz ve belki tefṭiḥ olunur ve onun tefṭiḥi cālî olan edviye ve aḡdiye ile olur ve ʿillet hummâ olmakla tefṭiḥ-i süded için cevâlî-i ḥârreye mürâcaʿat olunmaz belki onda sikencebîn-i sâzecele sikencebîn-i büzüri mâ-beyninde ve mâ-ı hindebâ ile mâ-ı râziyânec arasında olan nesneler ile tefṭiḥ olunur ve o aḡdiye ile taḡdiye olunur ki onda ʿasel keyfiyyeti ola ve lüzûcet olmaya keşk-i şaʿîr ve sükker gibi ve bu ḡidâlarda ḡidâiyyet olduğu gibi tefṭiḥ ve cilâ dahi vardır. Ve sükker keşke ḥalt olunmakta dahi be's yoktur.

Ve istifrâḡ vâcib olan hummâ-ı yevm-i südediyyede istifrâḡ-ı mevâdd ve tefṭiḥ-i süded olunduktan sonra vâcib olur ki hummâyâ nazar oluna ve hummâyâ vehn ve noḳşân terettüb eylediḡi taʿarrûf oluna ve kezâlik eger o hummânın nevbeti var ise nevbet-i şâniyesi nevbet-i ûlâdan daʿife olduğu dahi taʿarrûf oluna ve bevle dahi nazar olunup bevlîn nuḍcu taʿarrûf oluna ve nabḡa dahi nazar olunup nabḡda edille-i ʿufûnet olmadığı dahi taʿarrûf

oluna. Bu mezkûrlar tamâmen mevcûd olduđu ta'arrûf olunur ise tedbîr-i sâbık üzere istimrâr olunur ve yevm-i şâlişte 'alîl ba'de'n-nevbet hammâma idhâl olunur ve o idhâl nevbet-i muntazıranın terâhîsi vaktinde kılınır eger terâhî beş sâ'ate kadar mütemâdî olur ise.²⁴ Ve hammâmda temrîh olunur, cilâsı mu'tedil olup daķık-i bâkılâ ile daķık-i kirsenne arasında cilâsı olan cālî nesneler ile delk olunur ve aşl-ı süsen ve zerâvend daķıķı ile 'asel ve mâ ile ma'cûn kılındıktan sonra delk olunur. Ve bu dülûklardan aķvâya cesâret eder isen rıķve-i bûrak isti'mâl olunur. Ve eger sen hâds edersen ki hammâm 'alîle tağayyür ihdâs eyledi ve tab'ında bir şey' ihdâs ve kuşa'rîret peydâ eyledi, sâ'atine hammâmdan ihrâc edip o hâdsten sonra t̄arfetü'l-'ayn hammâmda imsâk eyleme, zîrâ o mişlli südde hammâm ile teftîh olunacak süddelerden değıldir. Ve 'alîl hammâmdan hurûc eyledikte ona t̄a'am ve şarâb takrîb olunmaz ve t̄a'am ve şarâb takrîbinin vakti nevbetten emn katında olur. Ve eger 'alîl şabr edemeyip onun hâli iţ'âmını icâb ederse ona teftîhi olan nesne sakı olunur ve o mâ-ı şa'ır mişlli sakı olunur ki onda mâ keşîr ve şa'ır kâlîl ola ve tabhı dahi keşîr ola ve kerefs ile maţbûh ola. Eger bu tedbîrler ile nevbet mu'âvede eylemez ise hammâmı sen mu'âvede edip iştihâ ederse şâniyen hamâma idhâl eyle ve ğıdâlandır. Ve eger nevbet-i ûlâdan nâķışa nevbet aķz ederse ve bevl dahi ceyyid olursa 'ilâcın şıķhatine ve kıllet-i süddeye şıķa ve i'timâd eyle ve o nevbet-i nâķışanın iķlâ'ından sonra evvelâ eylediğın 'ilâc ile yine mu'âlece edip ğıdâlandır. Ammâ nevbet-i şâniye ûlâdan nâķışa olmayıp belki müsâviye ve dahi aķvâ olursa ve bevl dahi vech-i lâyıķı üzere değıl ise 'illet 'ufûnete şâire olmuştur, ona 'ufûnet 'ilâcı eyle.

Hummâ-ı Yevm-i İmtilâiyye

Ba'dı kerre tohmeden ebhîre-i rediyye hâdişe olup harâreti müşte'ile ve rûhu mültehibe kılmakla hummâ ihdâs eder huşûşan ebdân-ı mirâriyyede o hummâ ziyâde hâdişe olur. Ve o imtilâiyye ki bi-vâsıţati'l-mesâmm 'arıda olmaya, onun ekşer-i fuđûlünün ebhîre-i duķhâniyyesi ekşer olur

24 Allâhu a'lem bu kelâmdan murâd budur ki hummâ sâ'at-i ûlâda aķz eder iken tedbîr-i mezkûr hasebiyle hummâya dâf gelip nevbet-i şâniyede sâ'at altıda aķz etmekle beş sâ'at te'eħhür eylese o te'eħhür sâ'atlerinde hammâma idhâl olunur.

ve onda cüşâ-i hâmið kalîl olur. Ve hummâ-ı imtilâiyyeye isti'dâdı eşedd olan o kimsedir ki ba'de't-tohme riyâdeti aḥz eyleye ve hareket ve teşemmüs ve istihmâm eyleye. Bu mezkûrlar ile hummâ 'arîda olduğundan mâ-'adâ onlarda buḥârât-ı duḥâniyye keşire olur huşûşan ebdânlarında veca' ve lez' ve huşûşan aḥşâsında veca' ve lez' olanlarda ebḥire-i duḥâniyye keşiren ziyâde olur. Ammâ cüşâ-i hâmið aşḥâbında hummâ tevellüdü nâdir olur ve nâdiren onlarda tevellüd eden hummâ gâyet da'ife olur ve zann olunur ki da'ifen ve nâdiren onlarda tevellüd eden hummâ dahi tohme ḥasebiyle ḥâdiṣe değıldir belki toḥmenin gayri bir sebeb ile 'arîda olmuştur. Ve kaçan tohme aşḥâbının tıbbâı münṭalıka olsa onunla cidden intifâ' ederler ve hummâları zâile olur ve onlarda faḍl-ı duḥânî fâıyḍ ve keşir olmaz ve binâen 'aleyh toḥmiyyeden ṭabî'atı muḥtebese olanların hummâsı ile ṭabî'atı münṭalıka olanların hummâsının 'ilâcda ihtilâfları olur. Ve tohme ḥasebiyle maḥmûm olan kimsenin ṭabî'atı leyyine olup iki meclis ve üç meclis kıyâmdan sonra iktisâd eylese onun ishâli kavî olur ve o ishâl ba'ḍı kerre kebidî olur ve kebidî olduğunun 'alâmeti ḥafaḳân ve sevâd-ı lisân olur, bu şürette hummâ-ı yevm-i imtilâiyyenin a'râdı hummâ-ı muṭbıka a'râdına müşâbih olup iki 'aynları ve yüzü muḥmerre olur ve iltihâbı şedîd ve nabḍı 'azîm ve serî' olur ve kârûresi dahi muḥmerre olur ve o vech üzere olan imtilâi hummânın ekşer-i beḳâsı üç güne kadar olur. Ve ma'lûm buyurula ki hummâ-ı toḥmiyye ba'ḍı kerre edvâr ile aḥz eder ve edvârı dört veyâḥûd yedi olur ve ma'a-hâzâ o hummâ hummâ-ı yevm olur velâkin nabḍı şaḥîḥ olur.

el-'Alâmât: Toḥmenin ve imtilânın 'alâmeti cüşânın humûdata ve duḥâniyyete taḡayyürü olur. Ve kaçan cüşâ şıḥḥate müteḡayyir olsa bür'e 'alâmet olur ve o maḥmûmun bevli 'adîmü'n-nuḍc olur ve mâi olur. Ve eger toḥmenin sebebi seher olur ise yüzünde tehebbüc olur ve göz kapaklarında şıḳal olur.

el-Mu'âlecât: Şāḥib-i toḥmenin kiminin ṭabî'atı münṭalıka ve kiminin gayr-i münṭalıka olur. Eger ṭabî'atı gayr-i münṭalıka olur ise lâıyık olur ki onun ṭabî'atı ıtlâk oluna ve ṭabî'at ıtlâk olunduktan sonra mi'dede ta'âm ve şıḳalden bir nesne bâḳî kalırsa kay' ettirile ve ba'dehu ıtlâk oluna ve nâzar olunup mevḍî-i şıḳal ta'arrüf oluna ve aşveb olan ḥuḳun ve ḥamûlâtla

esfelden istifrâğ mıdır yoksa fevkten müşhilât sakıyı ile istifrâğ mıdır biline veyâhûd ğıdâyı haṭṭ ve inzāl veyâhûd haḍm ve istimrâ için fevkten edviye şürbü aşveb midir ta'arrûf oluna ve bu mezkûrlara cem'ân cüşânın hâli delâlet eder. Ve eger ta'âm fevkte vâkıf olup ve kay' müte'azzir olursa hummâya mübâlât olunmayıp haṭṭ ve ihdâr ve haḍm ve istimrâ eylesin için felâfilî isti'mâl olunur veyâhûd felâfilîden aḍ'af olanlar isti'mâl olunur ve bâbu'l-haḍmda ma'rûf olan neṭulât ve aḍmide-i hâḍıme ve bâbu'l-ıtlâkıta ma'rûf olan muṭlık tedbîrler isti'mâl olunur. Ve kaçan fevkte vâkıf olan ta'âm bu tedbîrlerle münḥadır ve nâzil olsa bi-nefsihi ḥurûc eder veyâhûd onun ḥurûcu icānete muḥtâc olup ona ḥamûlât ile icānet olunur ve ḥurûcundan sonra 'alîl icā'a olunur buṭlân-ı toḥmede şübhe kalmayınca kadar ve ba'dehu serî'ü'l-haḍm ve ceyyidü'l-keymûs ağdiye-i ḥafîfe ile tağdiye olunur ve eger imtilâ ḥafîf ise cû'a ve nevme ilcâ olunmak ona kifâyet eder.

Ve eger ṭab'at münṭalıka ise lâyıḳ budur ki onda sen te'emmul ve tefekkür eylesin, münṭalık olan eṣfâl mevâdd-ı fâside midir ta'arrûf eylesin. Eger münṭalık olan fâsid olanlar ise o inṭılâkı müstemirr kılarısin mevâdd-ı fâsideyi 'an-âhîrihi istiṣâl ve istifrâğ edince kadar ve inḥiṭâta muntazır olursun ve o vakıtte 'alîli ḥammâma idḥâl edip tağdiye eyle. Ve eger ifrât-ı istifrâğ ile kuvvet meḥûfe ve mütlife oldu ise onu ḥammâma idḥâl câiz olmaz belki bilâ-istiḥmâm tağaddî edersin, bildiğin muḳavviyât-ı mi'de olan eşyâ ile onun mi'desini takviye edersin. Ve bâbu'l-ishâliyyede o muḳavviyât senin için resm olundu, onların cümlesinden biri budur ki efsentinden bir kuvvet olan zeyt içine bir kıṭ'a şûf ğams olunur veyâhûd dühn-i nârdîn içine o şûfe [458b] ğams olunup ve dühnün mu'zâmı ḥurûc edince kadar 'aşr olunup o şûf isti'mâl olunur.

Ve ammâ inṭılâk dâim olup velâkin münṭalık olan mevâdd mevâdd-ı fâsidenin ğayrı olsa onda şıfat-ı mezkûr üzere sefercelin dühn-i fâyiḳini ve dühn-i mastakîyi isti'mâl eyle ve ona dühn-i nârdînin dahi müdâddesi yoktur ya'nî onu dahi isti'mâl nâfi'dir ve ba'dı kerre onda ḳayrûṭiyât dahi isti'mâl olunur ḥuşuşan o şûfeyi onların buṭunlarına şedde hâl müteḥammile olmaz ise ḳayrûṭi isti'mâline ḥâcet olur. Ve ba'dı kerre ḥeyḍa aḥz eder ise zıkr olunan aḍmideden ḳaviyye aḍmideye muḥtâc olursun ve onlara miyâh-ı fevâ-

kih saḳy edersin eger o miyāha neṣāṭı olursa ve ḡıda'ıyyeti ḥafıf ve ḥaḍmı sehl olan ḥuṣa'd-dık ve semek-i raḍrāḍı mişlli ağdıye ile taḡdıye edersin ve o taḡdıye üzere fevākih ve uşārāt ve ḳābıḍa rubūbundan bir nesne taḳ-dım edersin. Ve o 'alılın şehveti munḳatı'a oldu ise senin ma'lımun olan muḥarrikāt-ı şehvet ile onun şehvetini taḥrık edersin ḥuṣūşan seferceliyyāt ile taḥrık edersin. Ve bu tedbīrden ferāḡından sonra ona cüvārişen-i ḳavī saḳyında sana be's yoktur, zīrā o cüvārişen ta'ā mı ḥaḍm ve mi'deyi taḳviye ve südedi tefṫḥ eder ve cüvārişen-i mezkūru saḳy ḥummānın ve a'rāḍ-ı ḥummānın zevālinden sonra olur. Ve o ḥummāda faşda sebīl ancak zamān-ı inḥiṭātta olur ve ona saḳya şālīḥ olan nesnelerin evlāsı mā-ı şa'tır ve ḡıdāsı ḥışımıyye ḳar'la ve miḳdār-ı ḳālīl levz ile kılınır ve 'alılın maḍca'ı ve meş-mūmu müberrid kılınır ve içinde rāvend olmayan aḳrās-ı ḳāfūr kılınır.

Ḥummā-ı Yevm-i Veremiyye

Evrām-ı bātıneye tābī'a olan ḥummā-ı 'ufūniyye olur ve ba'ḍı kerre ev-rām-ı bātıneye dıḳḳ muşāḥib olur ve onlar ḥummayāt-ı yevm 'ıdādından ma'dūd olmazlar. Ammā demāmīl ve cirāḥāt mişlli ḥummāya mü'eddiye evrām-ı zāhireye ve ḥuṣūşan a'ḍā-i ḡüdediyyede vāḳı' büyük ve 'azīm ve-remlere ve kezālik a'ḍā-i rıḥve tesmiye olunan fuḍūl-i kebiddan ürbıyyede ve fuḍūl-i ḳalbdan ibtṭe ve fuḍūl-i dimāḡdan ve ḥalf-i üzünde vāḳı'a ev-rām-ı kibāra ba'ḍı kerre ḥummayāt tābī'a olur.

Ve o evrām-ı zāhire ḥālī olmaz ki onlardan ḳalbe vāşıl olup ḳalbi teşḥīn eden yā ḥarāret-i mücerrede olur veyāḥūd 'ufūnetli ḥarāet olur. Eger ḳalbi teşḥīn eden ḥarāret-i mücerrede olur ise onun ḥummāsı ḥummayāt-ı yev-miyye cinsinden olur ve eger ḳalbi teşḥīn eden ḥarāret ma'a'l-'ufüne ise onun ḥummāsı evrām-ı bātıne ḥummāsı gibi ḥummayāt-ı 'ufūnet olur.

Ve verem ile 'arīḍa olan ḥummayātın ekşeri esbāb-ı bādiye ya'nī ḳurūḥ ve cereb ve evcā' ve ḍarebāt ve saḳatāt mişlli esbāb ile ḥādişe olur; mevḍı'-i vereme o sebebler ile mevādd mündefi'a ve ṭarīḳinde olan luḥūm-ı rıḥve katında muḥtebese olmakla onun ḥummāsı ḥummā-ı yevm cinsinden olur.

Ve bu ḥummānın esbāb-ı müteḳaddimātından ḥādişe olup imtilā'āt ve süded-i sālifeden ḥāşıl olan evrāma tābī' olanları ḥummā-ı 'ufūniyye olur. Ḥummā-ı veremiyye-i yevmiyye olduḡu ancak o zamān olur ki ḥummayāt

tâbi'a olup evrâm uşûl ola. Ammâ hummayât uşûl olup evrâm ona tâbi'a olur ise ekser-i hâlde o hummâ ufûniyye olur ve ma'a-hâzâ ba'dı kerre 'aks üzere olup evrâm aşl ve hummâ ona tâbi' olduğu zamân dahi hummâ-ı 'ufûniyye olur.²⁵

Ve Bukrât veremî olan muṭlaḳan hummâya hummâ-ı ḥabîse tesmiye eyledi gerek ise yevmiyye ve gerek 'ufûniyye olsun. Ve bu hummânın ekseri evrâm-ı demeviyyeye tâbi' olur ve ba'dı kerre humrete ve o mişlli vereme dahi tâbi'a olur.

el-'Alâmât: O hummânın 'alâmâtı bizim zıkr eylediğimiz veremin teḳaddümü olur ve onun yüzü muḥmerr ve şıḥḥati ḥâlinden ziyâde vechinde intifâḥ olur ve o hummânın ḥarâretinde lez'-i şedîd olmaz her ne kadar ḥarâreti ziyâde olur ise, zîrâ hummâyı îcâb eden evrâm-ı demeviyyedir ve demde lez' ḳalîl olur velâkin humrete tâbi'a olan hummâda lez' ekserdir humretin mâddesi şafrâ-i lezzâ'a olmakla. Ve bu hummâyı o nedâvet-i beden taḳîb eder ki bedenden nezz eder ya'nî sızar ve onun nabdı 'azîm, serî, mütevâtir olur imtilâ ve ḥarâret ḥasebiyle ve mevâddın evrâm ve ḳurûḥa meyli ḥasebiyle bevl mâi olur.

el-Mu'âlecât: Vâcib olur ki onun mu'âlecesinde faşd ve ishâlle bed' oluna ve bâb-ı veremde zıkr olunan mu'âlecât-ı evrâm ile vereme 'ilâc oluna ve tedbîr-i telṭîf oluna ve elbette şarâb şürib eylemeye ve iḡtidâyı ancak inḥiṭât-ı tâmm olduktan sonra ede.

Ve o maḥmûma lâyıḳ olur ki müberridât-ı muraṭṭıbe ile ḥarâretini taṭfi'e ve teskîn eyleye ve selc ile müberrede olan aḍmideyi 'uḍv-ı 'alîl-i vârim üzere bir vech ile vaḍ' eyleye ki verem ile ḳalb arasında olan ṭarîḳi o ḍimâd-ı müberrid tebrîd kıla ve tebrîdi ḳara vâşıl ola velâkin vereme muḍırr olmaya ve mâdde-i veremi tefcîc eylemeye.

25 Meşelâ imtilâ ve süded ile verem evvelâ ḥâdiş olup ba'dehu mâdde-i verem ta'affün eylese o 'ufûnet hummâ-ı 'ufûniyye olur. Ammâ ḍarbe mişlli sebeb ile mevâdd bir mevḍi'e cem' olup veca' ile hummâ ḥâdiş olsa o hummâ-ı yevmiyye olur veca'nın ḥarâreti rûḥa delâlet etmekle ve o ḥarâret mevâddı taḥdîd ve 'uḍvda tenfîz etmekle hummâya verem tâbi' olur. Ve eger taḥdîd eylediği gibi ta'fîn dahi ederse hummâ 'ufûnete intikâl edip verem hummâya tâbi' iken hummâ yine 'ufûniyye olur, fe'fhem zâlik.

Ḥummā-ı Yevm-i Kaşefiyye

Bu maḳāmda kaşefeden murād terk-i iğtisāl ile ve tedāhhī mişlli bir nesne ile cild müteğayyir olup cildin mesāmmātı münsedde olmaktır. Ve kaşefiyye ḥummā dahi südede tābi'dir velākin bunun süddesi ka'ra gāişa değıldir belki mesāmmātı sedd eder. Ve istiḥmāma i'tiyādı olan nāstan çok kimse istiḥmāmı terk ile maḥmūm olur. Ve kaşefiyye ḥummānın ekşeri bedeninde buḥār-ı mirārī tevellüd eden kimselere 'arıda olur, o mirārī buḥār gerekse bi-ḥasebi'l-mizāc tevellüd eylesin ağdiyenin ve miyāhın redā'eti ḥasebiyle veyāḥūd seher ve ta'ab ile tevellüd eylesin.

Onun 'ilācı tenazzuf ve istiḥmām ve ḥammāmda ba'de'l-inḥitāt ta'arruk ve nuḥāle ve daḳıḳ-i bākılā ve levz-i mürr ve bezr-i biṭṭīḥ ve üşnān ve bū-raḳtan birer şey'le tedlik olur ve onun gıdāsı muṭfi'āt-ı muratṭıbāttan kılınır ve şarābı keşirü'l-mizāc kılınır ve ḥammāmı kirāren mu'āvede olunur.

Ḥummā-ı Yevm-i Ḥarriyye

Ba'dı kerre ḥarāret-i havā ve ḥarāret-i ḥammāmdan ve ḥarāret-i sāireden dahi ḥummā-ı yevm 'arıda olur velākin ḥarriyye ḥummānın ekşer-i 'urūdu ḥarr-ı şemsin şiddetiyle olur ve ḥarāretin o ta'alluḳu rūḥ-ı nefsanīye olur eger o ḥarāret evvelā re'se ta'alluḳ edip ve havā-i re'si teşhīn edip ba'dehu ḳalbe te'eddī eder ise, zīrā o ḳalbi ḥarāret teşhīn edip ḳalbden a'dā-i sāireye münteşir olur. Ve ba'dı kerre rūḥ-ı nefsanīyyeye bilā-ta'alluḳin o ḥarāret vakt-i istinşāḳta nesīm ile ḳalbe te'eddī edip ḥummā ihdās eder ve baş ḥarāretten savn ve muḥāfaẓa olunmakla rūḥ-ı nefsanīyyeye ta'alluḳ eylemez. Ve beyne'l-ḥarārāt ḥarāret-i şemsin ekşer-i ta'alluḳu dimāğa ve re'se olur ve dimāğ vāşıtasıyla ḳalbe te'eddī eder ve bināen 'aleyh eger re's ḡayr-i naḳī ise baş mümteli'e olur, ammā şemsiyye olmayan ḥarāretlerden ḡaḁa-biyye ve ḥammāmiyye mişllilerin evvelā ḳalbe ta'alluḳu ekşer olur.

el-'Alāmāt: O ḥummānın 'alāmātı sebep olan ḥarāretin teḳaddümü ve şemsī ve dimāḡī olan ḥarāret-i re'sin ve dimāḡın hangi cānibe işābet eyledi ise o cānibin iltihābı olur. Ve eger beden naḳī değıl ise o cānibden şıḳal ve imtilā dahi olur ve ḳalbin o cānibinden ḥurūc eden nefeste dahi 'ızam olur ve zāhir-i beden şedīdū's-sühūnet olur ve zāhir-i beden bāṭın-ı bedenden eşḡan olur. Zāhir-i beden bāṭından eşḡan olduğuna, zāhir olan ḥarāretin

icâb edegeldiği 'aşaştan hâlen mevcûd olan 'aşaşın nokşân olduğu delâlet eder. Ammâ istihsâfiyye bunun hilâfı üzere olur onda harâret-i bâtin harâret-i zâhirden eşed olur, onun 'aşaşı harâret-i zâhirenin icâb eylediği harâretten ekşer olur.

el-Mu'alecât: Bu hummânın mu'alecesinde bed' olunup ne'ulâtın müberridâtıyla şadr ve re's ten'îl olunur ve edhân-ı bārideye dahi hâcet olur huşûşan selc ile tebrîd olunan dühn-i verd re's ve şadr üzere maḥall-i ba'îd-den şabb olunmağa hâcet olur ve mâ-ı bārid ve o mecrāya cārî meşrûbât dahi sakı olunur ve vâkt vâkt bu tedbîrlerle onlardan hummâ münḥaṭṭa olunca kadar tedbîr olunmaktan 'alîl ihlâ olunmaz. Ve kaçan hummâ müfâ-raḳat eylese ḥammāma idḥâl olunur ve 'alîlin nezlesi var ise ona mübālât olunmaz ve nezleyi bahāne edip ḥammām terk olunmaz ve ḥammāmda mâ-ı fâtir ile taḥmîm olunur ve havâsiyla teşhîn olunmaz [459a] ve başına mâ-ı ḥârr şabbından ḥavf olunmaz, zîrâ mâ onu tertîb ve hummâyı taḥlîl eder, o maḥmûmun istiḥmāma hâceti temrîḥe hâcetinden ziyāde olur. Ve ḥammāmdan ḥurûc eyledikte verd ve nîlûfer dühnleri mişlli edhân-ı bāride ile başı ta'rîḳ olunur.

Ḥummâ-ı Yevm-i İstiḥsâfiyye-i Berdiyye

Ba'dı kerre berdden ve miyâh-ı bāride ile istiḥmām ve iḡtisâlden mesām-mât-ı zâhireye tekâşüf [gelip] ḳaṣefiyyede zıkr olunduğu üzere ebḥire-i duḥâniyye muḥtebes olup ondan hummâ ḥâdiş olur ve çok kerre 'ufûnete mü'eddiye olur. Ve istiḥsâftan o vâkt hummâ-ı yevm ḥâdiş olur ki ondan tevellüd eden buḥâr ḥâdd ve ğayr-i 'azb ola, zîrâ 'azb olan ebḥire hummâ-ı yevm tevli'd eylemez.

el-'Alāmât: Onun 'alāmâtı esbâbının tekâddümü olur ve onda melmes-i beden evvel-i emrde şedîdü'l-ḥarâre olmaz, ammâ yed ile mess olunup yed memsûs olan mevdi'de imsâk olunduktan sonra onunla ḥarâretin irtifâı iḥsâs olunur ve onda olan şığar-ı nabḍ hemmiyye ve ğammiyye ve cû'iyiye nabḍının şığarı meblağına bâliğa olmaz, zîrâ o hummâda şığar-ı mezkûra mü'eddî olacak kadar ḳuvvet taḥallül eylemez belki tervîḥe hâcet ziyāde olmakla nabḍı serî' olur velâkin istiḥsâf berd-i şedîd ḥasebiyle olur ise nabḍda sür'at olmaz ve ba'dı kerre şalâbete mâil olur.

Ve bu hummâda ʿayn gâire olmaz belki onun ʿaynı baʿdî kerre müntefihâ olur muhtekine olan ebhîre sebebinden. Ammâ bevli baʿdî kerre ebyaʿd olur harâret muhtekine olmakla ve baʿdî kerre dahi bevl münşabığ olur, zîrâ harâret her ne kadar muhtekine ise baʿdî kerre ʿuruk-ı mesâmmâtta tahâl-lül ve ʿuruk-ı bevl inşibâb ile bevl münşabığ olur.

el-Muʿâlecât: O hummâ şâhibi terleyince kadar dişâr ile tedessür eder yaʿnî örtünür ve kaçan hummâ münhaṭṭa olsa hammâma dâhil olur ve harâ-rete mâil mâ ile istiḥmâ ve havâ-i ḥarrî ile intifâc eder ve kendilerine o miyâh ile tenṭil eder ki onda merzencûş ve nemmâm ve şibt ṭabḥ olunmuş ola ve mesâmmı cālî ve mürḥî olan bizim zikr eylediklerimiz ile onları delk eyleyeler ve temrîḥi taʿarruḳa kadar teʿhîr eyleyeler ve tedlîk edip cid-den ḥarr olan mâ ile istiḥmâm eyleyeler. Ve vâcib olur ki mâ ile ve havâ ile istiḥmâmı taḳdîm edip sonra mesâmmı müvessîʿa olan edhânla temrîḥ eyleyeler ve başlarına dahi o edhânı şabb eyleyeler ki o edhân dühn-i şibt ve dühn-i ḥîrî ve dühn-i bâbûnec mişllilerdir. Ve onları aḡdiye-i ḥafîfe ile taḡdiye eyleyeler ve muʿaṭṭîrâtla taʿṭîr ve şarâb-ı ebyaʿd-ı rakîkî veyâḥûd şarâb-ı memzûcu sakıy eyleyeler, onlara mâ sakıyından sakıy-ı mezkûr enfaʿ olur, zîrâ onu sakıyda taʿrîḳ ve idrâr vardır. Ve aşḥâb-ı taʿabî dühn ile temrîḥ aşḥâb-ı istiḥşâfî dühnle temrîḥten enfaʿ olur.

Miyâh-ı Kâbîda ile Ḥâdiş İstiḥşâfın Hummâ-ı Yevmi

Bu hummâ kuvve-i şebbiyye veyâḥûd kuvve-i zâciyyesi olan miyâh-ı kâbîda ile istiḥmâmdan ḥâdiş olur, zîrâ o miyâh mesâmmât-ı zâhireyi teksîf eder ve ebhîre muhtebese olmakla zikri kirâren mürûr eden hummâ-ı yev-me müʿeddî olur ve çok kerre ʿufûnete dahi müʿeddî olur.

el-ʿAlâmât: Sebebin teḳaddümü ona delâlet eder ve müşâhede olunan kuḥûlet-i cild mişlli nesneler dahi delâlet eder. Kuḥûlet bir meblaḡa varır ki onun cildi muḳadded²⁶ ve medbûḡ gibi görünür ve mâ-ı zâca maḡmûse olan cilde gibi olur. Ve o hummânın ḥâl-i tezeyyüdünde melmesinin harâreti sâir hummâ melmeslerinin harâreti gibi olur velâkin yedi vaʿc edip bir miḳ-dâr vaḳt mevḏûʿaten bâkî kaldıktan sonra sonra ve onda o ḥâl mesâmmın insidâdıyla olur. Ve onun nabdı aḡʿaf ve aşḡar ve sürʿat-i nabdı eşedd ve

26 Cild muḳadded olur demek, deri kuruyup ḳadîd olur demektir.

bevlinin beyâdı ve rikḳati eşedd olup bevl-i şâtt gibi olur ve onların ebdân-larında ḍumûr ve ʿaynlarında ğuʿûr olmaz.

el-Muʿâlecât: Bu ḥummânın muʿâlecesinde vâcib olur ki bundan evvel mezkûr olan istiḥşâf-ı berdiyye muʿâlecesine qarîb olan ʿilâcla muʿâlece oluna velâkin bu ḥummâ şâhibine şarâb saḳy olunmaz ve onlara saḳy-ı şarâb mesâmmın şiddet-i tevessuʿuna şikâdan sonra olur velâkin bu istiḥşâf ḳalîl olursa saḳy-ı şarâb o istiḥşâfın süddesini fetḥe baʿdı kerre kifâyet etmekle ḳable-ḥuṣûlî't-tevessuʿ saḳy dahi câiz olur. Ve vâcib olur ki onların tedbîrlerinde telṭîf ekṣer kılına ve havâ-i ḥammâmda lebsleri ve mâ-ı ḥârr ile istiḥmâmları dahi ekṣer kılına. Ve vâcib olur ki temrîḥleri teḥḥîr ve bi'd-defeʿât tekṣîr oluna.

Ḥummâ-ı Şürbiyye

Baʿdı kerre şürbden dahi ḥummâ-ı yevm ḥâdiṣe olur. Onların ʿilâcı ḥumâr ʿilâcı gibi olur ve baʿdı kerre mâ-ı fevâkih mişllileri saḳy etmekle ıtlâḳ-ı ṭabîʿata ve faşda ḥâcet olur ḥuṣûşan şudâʿ-ı dâim var ise o ḥâcet müş-tedde olur ve onlara vâcib olur ki baʿde'l-inḥiṭât ḥammâma dâḥîl olalar.

Ḥummâ-ı Yevm-i Ğıdâiyye

Ağdiye-i ḥârre ḥummâ-ı yevm iḥdâs eder, ekṣer-i emrde şemsiyye olan ḥummâ dimâġiyye olup rûḥ-i nefṣânîye taʿalluḳ eylediġi gibi ve kezâlik ḥummâ-ı ḥammâmiyye ḳalbiyye olup rûḥ-i ḥayvâniyyeye taʿalluḳ eylediġi gibi kezâlik ḥummâ-ı ġıdâiyye kebidiiyedir, onun taʿalluḳu rûḥ-i ṭabîʿîye olur. Ve onun ʿilâcı müberridât istiʿmâliyle idrâr olur ve şîrḥişt ve temr-i Hindî mişlli ile ṭabîʿatı ıtlâḳ olur ve onun evvel muʿâlecâtı kebidî ıslâḥ olur hindebâ ve buḳûl suyu ile ve sikencebîn ve aḍmide-i müberride ile yaʿnî kâfûr ve şandal ve mâu'l-verd ve ʿuṣâre-i verd ve buḳûl-i bâride ʿuṣârâtı ile ki bi'l-fiʿl bârid ola. Ve bi'l-cümle bu mezkûrlar ile kebid eḍmâd kebidî ıslâḥ eder ve ağdiye-i bâride-i raṭbe ile kebid ve ḥarâret taṭfiye olunur.

Ve aḳvâl-i mezkûre ḥummayât-ı yevmde olan maḳâlenin tamâmıdır, şimdi biz ḥummayât-ı ʿufûnette olan maḳâleye şürûʿ eyleyelim ve ḥum-mayât-ı demeviyyede ve şafrâviyyede ve mürekkebede olan ḳavli bi-tamâ-mihi zikr eyleyelim.

KİTÂB-I RÂBİʿ FENN-İ EVVELİNİN İKİNCİ MAKÂLESİ HUMMAYÂT-I ʿUFÛNETTE OLAN KELÂM-I KÜLLÎDİR O DAHİ FUŞÛLÜ MÜŞTEMİLEDİR

Evvelki Faşl Tevellüd-i ʿUfûnetin Keyfiyyeti Beyânındadır

Baʿdı kerre ʿufûnet²⁷ ğidâ-i redî sebebinden hâdis olur, zîrâ baʿdı ağdiyenin cevherinde redâʿet olmakla ondan tevellüd eden mâdde taʿaffüne müteheyyiʿe olur. Ve baʿdılarında dahi kabûl-i fesâda sürʿat keyfiyyeti olur her ne kadar cevherinde fesâd yok ise, leben mişlli. Ve baʿdı ağdiye dahi mâiyyü'l-ğidâ olmakla ondan meslûbü'l-metâne olan dem tevellüd eder, cidden raṭb olan fâkiheden dem tevellüd eylediği gibi [459b] veyâḥûd o ğidâ bir nevʿ ğidâ olur ki dem-i ceyyide istiḥâle eylemez belki ḥılt-ı redî-i bârid olmak üzere bâkî kalmakla ḥârr-ı ğarîzî ondan ibâ ve imtinâʿ eder ve ḥârr-ı ğarîb ona müteveccih olup taʿfîn eder, kâşed ve kıssâ ve kümmeşrâ mişlliden mütevellid olan mevâdd gibi veyâḥûd redâʿet ağdiyenin şanʿatında veyâḥûd vaktinde veyâḥûd tertîbinde olur ve onlar senin maʿlûmun oldu.

Ve baʿdı kerre ʿufûnetin ḥudûşuna sebep teneffüs ve tervîḥe mânîʿ südde olur. Ve südde ḥudûşunun sebebi budur ki mizâc-ı beden redî olmakla cevdet-i haḍma muṭîk olmaz ve ğidâda ve ḥıltta firî olmaktan dahi külliyyen ʿâciz olmaz belki ʿacz-i mezkûr olanlardan aqvâ olup min-vechin ʿâciz ve min-vechin ğayr-i ʿâciz olmakla ḥıltı ficcen terk eder ve ḥılt-ı müfeccec lâ-maḥâle sedd eder. Ve bu mişlli mizâc baʿdı kerre aḥlât-ı rediyye tevlîd eder veyâḥûd tevlîd eylediği ḥıltı ifsâd eder haḍmda takṣîri ve meḥdûmu taḥrîk-i kâşır ile taḥrîki ḥasebiyle.

Ve bu mezkûrlar biraz esbâbdır ki ʿufûneti müvellid olan sebebin ʿufûneti tevlîdine muʿtne olur veyâḥûd ʿufûnetin ḥudûşuna sebep ehviye-i rediyye gibi aḥvâl-i ḥârice olur. Ve ehviye-i rediyye havâ-i vebâ gibi ve havâ-yı

27 Maʿlûm ola ki cism-i raṭba taʿalluk eden ḥarâret müteʿallikî olan cismi ṭabîʿatından iḥrâc eylemeyip taġyîr eylemese o ḥarâretin cismde iḥdâs eylediği eşere sühûnet-i sâzec derler ve eger ṭabîʿatından iḥrâc edip ṭabîʿatın maṭlûbu olan bir emre iḥâle eder ise ona inḍâc derler ve o iḥâle olmayıp lâkin laṭîfi keşîften temyîz edip laṭîfi taşʿîd ve keşîfi tersîb eder ise ona iḥrâk derler ve eger inḍâc ve iḥrâkın ğayri vech ile cism-i raṭbı ṭabîʿatından iḥrâc eder ise ona ʿufûnet derler.

be'tâyih ve müstenka'ât-ı sāire havāları gibidir. Ve ba'dı kerre o esbābdan 'udde-i esbāb cem' olup ma'an ta'fin ederler.

Ve 'ufūnete mü'eddī olan esbābın ekseri o südde olur ki onun hüdūşu keşret-i ahlāṭ veyāhūd ahlāṭın gılzati veyā ahlāṭın lüzūceti olur ve o keşret ve gılzat ve lüzūceti icāb eden esbāb bi'l-cümle ma'lūmdur. Ve kaçan zıkr olunan südde ḥādīṣ olsa 'ufūnet dahi ḥādīṣe olur ḥāşşaten süddenin tervīhe mümāna'ati ile. Eger o südde şāhibi imtilā ve toḥme 'aķıbında hareket ve fī-ğayr-i vaķtiḥā istiḥmām ederse 'ufūnet müsāra'a eder.

Veyāhūd 'ufūnet şems işābetinden ve imtilā üzere müsāḥḥināt tenāvülünden ve mi'de ve kebid ḥaḍmlarına mürā'atı terkten ve atlıye ve kimādāt teşḥininde vāķi' olan taķşīrin telāfisini ve tedārükünü terkten dahi 'ufūnet ḥādīṣe olur. Ve ba'dı kerre 'ufūnet bedene 'umūm üzere 'ārīḍ olur ve ba'dı kerre 'udv-ı vāḥide ḥāşş olur, onun ḍa'fı veyāhūd şiddet-i ḥarāret-i ğarībesi ve ḥiddeti veyāhūd veca'ı ḥasebiyle.

Ve 'ufūneti kābil olan ḥılṭ ba'dı kerre o şafrā olur ki ondan duḥānī ve laṭif ḥādd buḥār tekevvün eylemek ğālib olur veyāhūd o dem olur ki onun laṭif ve ḥārr mādde tevlidine isti'dādı olur veyāhūd o balġam olur ki onun müvellidātı buḥārī ve keşif olur veyāhūd 'ufūneti kābil olan ḥılṭ sevdā olup ondan tevellüd eden buḥār duḥānī ve keşif ğubārī olmaġa eḥaķķ olur.

Ve 'ufūnet-i şafrā ğıbbı ve ğıbb mecrāsına cārī ḥummāyı icāb eder ve 'ufūnet-i dem ḥummā-ı muṭbıkayı ve 'ufūnet-i balġam ekser-i emrde küllü yevmin olan nāibeyi ve o mecrāya cāriye olan ḥummāyı icāb eder ve 'ufūnet-i sevdā rib'i ve rib' mecrāsına cārī olan ḥummāyı icāb eder. Ve demin mekānı dāḥil-i 'urūķ olup 'ufūneti dahi dāḥil-i 'urūķta olur, ammā şafrā ve balġam ve sevdā ba'dı kerre dāḥil-i 'urūķta ve ba'dı kerre ḥāric-i 'urūķta ta'affün eder. Ve eger ḥāric-i 'urūķta ta'affün edip o 'ufūnetten mā'-adā ḥummānın sebeb-i āḥeri yok ise ve o 'ufūnet dahi ḳalbe 'ufūnet-i muttaşile imdād eden evrām-ı bāṭına ḥasebiyle ise o 'ufūnet devri icāb eder. Ve o ḥummālar zıkr olundukta devrlerini biz zıkr eyleriz. Ve o ḥummālar 'ārīḍa ve münķali'a olurlar velākin ḥāric-i 'urūķta olan ḥummā-ı mezkūrлар beyninde balġamī ḥummāda inkılā'-ı küllī olmaz belki nevbet-i ülāsından baķiyye-i ḥafiiyye var iken nevbet-i sāniye aḥz eder. Ve kaçan o 'ufūnetler dāḥil-i 'urūķta olur ise o ḥummālar lāzıme ve ğayr-i muķli'a olur, onda

iklâ'a mukârebe dahi olmaz belki dâime olur velâkin onlarda iştîdâdât olur ki onun nevbeti o iştîdâdâtta ta'arrüf olunur. Ve dâhil-i 'urûқта olan 'ufûnet cemî'an 'urûku istî'âb veyâhüd kalbin havâlisinde olan 'urûğun ekserini istî'âb ederse o hummânın iştîdâd ve hîffet ve noğşânı zuhûra qarîb olmaz. Ve eger 'ufûnet dâhil-i 'urûқта zîkr olunan şuverin hilâfı üzere olur ise tağayyürât-ı mezîkûre zuhûr-ı beyyin ile zuhûr eder.

Ve hâric-i 'urûқта olan ta'affün münkalî' olduktan sonra yine nevbeti geldiğinin vechi budur ki mādde-i 'ufûnete nevbet-i ūlā müteveccih oduktaki o mādde-i ruṭubâtı fāniye olunca kadar tevķîd eder ve ḥarâret-i 'ufûnet ile mādde taḥallül edip bedenden ḥurûc eder, o mādde 'urûқта maḥbûbe olmadığına binâen tamâm-ı taḥallûlden 'urûk onu men' eylemez ve onda ancak remâdiyyet bâkiye kalır, zîrâ remâdiyyet ve ardiyyet maṭiyyetü'l-hummâ değildir. Ve bunun nazîri ekdâs²⁸ ve mezâbildir ki kalîlen kalîlen ta'affün eder ve tevaḥḫud eder hattâ cümle teremmüd edip onda ḥarâretten bir nesne bâkî kalmaz ve kaçan mādde-i hummâ dahi cemî'an teremmüd eylese o ḥılt muḥterik ve müteremmüdde ḥarâretten bir nesne bâkî kalmaz ve ḥarâretin butlânından hummâ dahi bâtile ve nevbet-i ūlâsı zâile olur o mevđî'e merreten uḥrâ ḥılt-ı âḥer muṣabb olunca kadar.

Ve kaçan mevđî-i 'ufûnete dâhil-i 'urûktan müceddeden mevâdd muṣabbe olsa o mevâdd dahi tevaḥḫud edip nevbet-i ṣāniye gelir. Ve mevâdd-ı ṣāniyenin tevaḥḫuduna sebep iki vechin biri olur: Vech-i evvel budur ki nevbet-i ūlânın mevâddı her ne kadar teremmüd edip maṭiyye-i ḥarâret olan ruṭubâtı taḥallül eyledi ise ve bâkiye olan ardiyyet ve remâdiyyette ḥarâretten bir nesne kalmayıp cemî'an zâile oldu ise lâkin o 'ufûnetin eṣeri mevđî'de bâkî kalır ve o mevđî'e teberrüd eylemeden o mevđî'e muṣabbe ve onda müctemi'a olan mevâdd-ı ṣāniye nevbet-i ūlâdan bâkî eṣer-i 'ufûnet ile ta'affün eder. Ve vech-i ṣānî budur ki mevâdd-ı ūlâyı ta'fîn eden sebep nevbet-i ūlânın iklâ'ından sonra bâkî kalır ve o sebep nevbet-i ūlâ mevâddını ta'fîn eylediği gibi ṣāniye mevâddını dahi ta'fîn edip o nevbet-i ṣāniyede dahi hummâ aḥz eder.

28 *Ḳānūn* nüshalarında dāl-i mühmele ile "ekdâs" vâkî' olmuştur ve bi-ḥasebîl-lügâ "küds" ḥubûb-ı maḥşûde vü müctemi'adır. Ammâ rā-i mühmele ile "kirs" bir maḥallde müctemi'a olan maḥlûṭ bevl ve berâzdır.

Ve ʿufûnetin emrinin medârı harâret-i muḳaṣṣire olur, o harâret mevâdd-ı müctemiʿayı defʿaten ve cemîʿan işʿâl ve mütevaḳḳıde kılmaz belki onun o harâret bir cüzʿüne teşebbüs ve taʿalluḳ eder, onu termîd ve ihṛâk eyledikte o cüzʿün mücâvirine taʿalluḳ edip onu dahi termîd eder ve hâkezâ ḳalîlen ḳalîlen minvâl-i mezkûr üzere mevâdd-ı müctemiʿa-i mezkûre cemîʿan müteremmide ve müteḥallile olur velâkin ḥummâdan ve ʿufûnetten o mevdiʿde baḳıyyetün-mâ kalıp mevâdd-ı uḫrâya muntazıra ve mecâvir-i uḫrâyı ṭâlîbe olur ve onu buldukta celb edip ve mevdiʿine cezb edip taʿfîn eder.²⁹ Ammâ ʿufûnet dâhil-i ʿurûḳta olur ise ḥâric-i ʿurûḳta olduḡu gibi onda taḥallül-i tâmm olmak müteʿazzir olur, zîrâ ʿurûḳlar birbirine muttaşıladır, ʿırḳ-ı vâhîdin bir cüzʿüne teşebbüs edip ḳalîlen ḳalîlen onu ifnâ eylese civârında olan ʿırḳa taʿalluḳ eder ve onu dahi minvâl-i muḥarrer üzere ifnâ eylese onun civârına taʿalluḳ eder ve hâkezâ deverân eder ve mevâdd bir taraftan tevelüd ve tekevvün etmekle mevâdd ʿurûḳu cemîʿan ifnâ ve taḥlîl müteʿazzir olur, bu vechten dâhil-i ʿurûḳta olan ʿufûnet ḥummâsında lüzûm-ı ḥaṭarı vardır. Ve bu ḥaṭardan mâ-ʿadâ onda ḥaṭar-ı âḫer dahi vardır ve o ḥaṭar ʿurûḳun ḳalbe şiddet-i ittişâlidir.³⁰

Ve nevâibi olup iḳlâʿ ve tefṭîri olan ḥummayât baʿdî kerre nizâmını terk eder ve ona sebep mevâddın kılllet ve keşrette ve ḡılzatte ve rikḳatte ihtilâfı olur. Ve baʿdî kerre dahi mâddenin bir cinsten cins-i âḫere intikâli dahi terk-i nizâma sebep olur. Ve baʿdî kerre dahi ʿalîlin sūʾ-i tedbîri dahi terk-i nizâma [460a] sebep olur ve kezâlik ʿalîlin ḍaʿfı veyâḫûd keşret-i ḥissi dahi terk-i nizâma sebep olur.

Ve ḥummâ-ı muḳlîʿanın nevbeti ekser-i emrde ḳuşaʿrîret veyâḫûd berd veyâḫûd nâfiḍ ile bidâye edip ʿarâḳ ile taḥallül eder. Ve berd ve ḳuşaʿrîretten biriyle bidâyesinin vechi budur ki o ḥummânın mâddesi bâride olur

29 Harâret-i şems mezbelenin bir cüzʿüne işâbet edip onu ifnâ ve termîd eylediḡi ʿaḳıbında onun mücâviri olan cüzʿe işâbet eder ve onu dahi termîd edip o dahi mücâvirine sirâyet eder ve hâkezâ cemîʿan mütevaḳḳıd olur, mezbelede bu ḥâl müşâhede olunur. Ve ḥâric-i ʿurûḳta müctemiʿa olan fuḍûlü dahi ona kıyâs eyle ki harâret-i ḡarîbe ona şeyʿen fe-şeyʿen teşebbüs eder.

30 Zîrâ şiryân ḳalbden nâbit olur ve cemîʿan şerâyîn onun şurʿbesi olmakla ḳalbe ittişâli vâḍıhtır. Ve ʿurûḳ-ı evride her ne kebiden nâbite ise onlardan şerâyîne menâfiz vardır.

veyâhûd o mādde hādde olmakla ‘aḍalâtı lez̤ eder veyâhûd harâret mādde cānibine müttecihe olup bâtına ğur̤ eder veyâhûd kuvvette ḍaḥf veyâhûd havâda bürüdet olur ve onlardan her biri kuşaḥrîret ihdâs eder. Ve lez̤-i harâret hasebiyle olana kuşaḥrîretin nisbeti berd ile olana nisbetinde evlâ ve elyak olur. Ve ekser-i hâlde kuşaḥrîret ‘urûdunun bidâyesi ve evvel-i zuhûru her ‘uḍvda naḥs-ı iber³¹ gibi bir hâl ihsâs olunmakla olur.

Ve ammâ nevbetin ‘araḥ ile taḥallülü harâret-i mu‘affinenin ruṭûbeti taḥlîl edip remâdiyyeti bâkî olduğundan olur, zîrâ ruṭûbet dâḥil-i ‘urûḳta maḥşûre olmayıp hâric-i ‘urûḳta müctemi‘a ve muṭlûka oldukta bi-ṭarîḳi’t-tarîḳ mesâmmâtan onu ihrâc sehl ve âsân olur ve ‘ufûnet dâḥil-i ‘urûḳta olup ḥummâsının şiddetine ancak fütür gelip onda iklâ-ı küllî olmayan ḥummânın bi-hasebi’ş-şiddet ‘arîḍa olan nevbeti berd ile bidâyet eylemez meger ki kuvvet ḍaḥfe veyâhûd harâret-i ğarîziyye ğâire ola, o hâllerde ibtidâ-i nevbette eṭrâf bâride olur ve o ḥummâlarda bürüdet-i eṭrâf ‘alâmet-i rediyye olur. Ve baḥdî ḥummayâtta terekküb olup hem berd ve hem kuşaḥrîret olur o ḥummânın māddesi mādde-i lâzî‘a ve mādde-i bârideden mürekkebe olmakla.

Ve hâric-i ‘urûḳta vâḳi‘ olan ‘ufûnetin ḥummâ-ı müfettiresi baḥdî kerre lâzîme şüretinde olur ve sebebi terekküb olur, meşelâ birkaç yerde mevâdd müctemi‘a olur ve başka başka zamânlarda onlara ‘ufûnet ta‘alluḳ eder ve eḥadühümâdan ḥâdiş olan ḥummânın iklâ-ı zamânına uḥrânın zamân-ı nevbeti müşâdif olup lâzîme hey‘eti üzere olur ve ḥummâ vâhîde zann olunur. O ḥummâların gâhca mevâddı nev‘-i vâhid olur ve gâhca nev‘leri muḥtelif olur. Ve ḥummayât-ı ‘afiniyyede ḍurûb-ı uḥrâ ile dahi terkîb olur ve onları biz bâblarında ḳarîben tafşîl eyleriz.

Ve ḥummayâtın edvârı baḥdî kerre ṭavîle ve baḥdî kerre dahi ḳaşîre olur ve edvârın tûlü māddenin ğılzâtı veyâhûd lüzûceti veyâhûd keşreti veyâhûd sükûnu veyâhûd kuvvetin ḍaḥfı veyâhûd ḥissin ḍaḥfı hasebiyle olur. Ve mesâmm tekâşîf edip hılṭın ‘adem-i taḥallülü ile dahi devr ṭavîlü’l-müddet olur ve edvârın kısa olduğu zîkr olunan esbâbın aḍḍadı ile olur. Ve nevâib dahi baḥdî kerre serî‘an ityân eder ve baḥdî nevâibin ityânı baṭî olur ve buṭun sebebi māddenin ḳılleti veyâhûd maḥden-i ‘ufûnete ğılzâtı hasebiyle

31 “İber”, “ibre”nin cem‘idir, iğne ma‘nâsına.

mâddenin buṭ-ı hareketi olur rib'in mâddesi olan sevdâ bi-hasebi'l-ğılzat baṭṭü'l-hareket olduğu gibi.

Ve sür'at-i nevbet keşret-i mevâdd hasebiyle olur. Balgām-ı züicâciden mâ-ʿadâ belâğım-ı sāirede keşret olmakla onun hummâ-ı nâibesinin nevbeti serîʿan ityân eder. Ve balgām-ı züicâcînin nevbeti baḍı kerre buṭ üzere olur. Ve sür'at-i nevbete baḍı kerre sebep-i mâddenin leṭâfeti olur. Şafrâdan hâdiş hummânın sür'at-i nevbeti mevâdd-ı laṭife hasebiyle olur.

Ve hummayâtın erde-i o hummâ-ı lâzıme olur ki onda ʿufûnet dâhil-i ʿurûқта olur ve baʿdehu erde olan hummâ o muḳliʿa olan hummâ olur ki onda ʿufûnet bedenin hâric-i ʿurûk olan cemîʿ-i mevâkıʿinde veyâḥûd nevâhî-i ḳalbde ola. Ve meşâyıḥa hummâ-ı şâlib yaʿnî dâim ve şedîd hummâ ḳalîlen ʿarıḍa olur mizâcları bârid ve laḥımları ḳalîl olmak hasebiyle.

Ve hummayât-ı ʿufûnette nabḍın aḥvâli muḥtelife olur ecnâs-ı hummayâtın ihtilâfı ve kezâlik nevʿ-i vâhidin şiddet ve daʿfta ihtilâfı hasebleriyle ve kezâlik aʿrâḍın dahi kuvveti ve daʿfı hasebleriyle. Ve baḍı kerre dahi nabḍa şalâbet ʿarıḍa olur şedîdü't-temdîd verem-i ḥârr hasebiyle veyâḥûd ʿuḍv-ı aşabîde verem-i ḥârr veyâḥûd verem-i şulb olmakla veyâ şiddet-i yûbs sebebinden ve ibtidâlarda şiddet-i berdin istilâsı ile dahi nabḍ-ı şulb olur. Ve baḍı kerre dahi hummayâtta nabḍ-ı leyyin olur mâdde-i hummâ balgām ve dem olup raṭb ve leyyin olmakla ve verem ʿuḍv-ı leyyinde bulunmakla, zâtü'l-kebid ve zâtü'r-riye ve lişergûs mişllilerde nabḍ-ı leyyin olduğu gibi veyâḥûd dūrūr şadedinde olan ırḳtan muḳaddem mütevaḳḳaʿ olan teneddî dahi nabḍ-ı leyyin olur. Ve ibtidâ-i nevâibden nabḍ daʿif, mündâğıṭ olur ṭabîʿat ve kuvvet mâddeye iḳbâl ve tenḳıyesine ve tervîhine iştigâl etmekle.

Hummayât-ı ʿUfûnetin ʿAlâmâtında Olan Ḳavl-i Küllîdir

Hummayât-ı ʿufûnete delâlet eder esbâb-ı sâbıkadan bâḳî kalanlar ve ḥuşuşan o bâḳî kalan sebep sebep-i bādî olmaya. Ve inḳibâdı serîʿ olan nabḍ veyâḥûd teneffüs dahi delâlet eder, zîrâ hummayât ʿufûnette tenḳıye-ye ḥâcet cidden şedîde olur. Ve o hummânın ḥarâreti lezzâʿa olur, hummâ-ı yevm gibi ʿazbe olmaz. Ve hummayât-ı ʿufûnetin ekşerine melîle teḳaddüm eder. Ve melîle bedende bir ḥâlettir ki ona bir nevʿ ḥarâret muḥâlata

eder ve hummâ mertebesine o harâret bâliğa olmaz ve ona i'ya ve tevşim ve kesel ve temattî ve teşâ'üb ve ıdtırâb-ı nevm ve seher ve dîk-ı nefes ve temeddüd-i 'urûk ve temeddüd-i şerâsîf ve şudâ' ve darebân-ı re's dahi 'arıda olur. Ve kaçan melîle favîle olsa hummâ-ı 'ufûneti ikâ' eder ve da'f ve şufretü'l-levn ihdâş eder. Ve hummayât üzere mütekkaddim olan melîleye fadlın ve muhâttın keşreti ve berâz ve bevlın keşreti tâbi' olur ve o bevl ve berâzda ma'a-keşretihâ 'ufûnet olur ve re'ste şikal ve tehebbüc olur ve ta'ab ve gâdab ve onlar mislli hâricden sebep yok iken nabdda tevâtür olur.

Ve kaçan 'alîlin nabdına ındığât 'arıd olsa hummâsının neveti geldiğine 'alâmet olur. İndığât-ı nabd o nabddır ki onda gu'r ve şıgar-ı muhtelif olur ve o nabdda kibâr kavîyye nabdlar dahi vâkı' olur ve sür'atı kavîyye olmaz. Ammâ evâil-i hummâda ya'nî zamân-ı ibtidâda ve zamân-ı tezeyyüdde nabdın ihtilâfı hummâ-ı 'ufûnete mahşûş edilleden olur velâkin hummâ-ı ğıbbda o ihtilâf zühür-ı beyyin ile zâhir olmaz hıffet-i mâddesi olmak hasebiyle.

Ve hummânın 'afiniyye olduğu 'alâmâtından olur devr-i evvelin 'arâkından ve nedâvetinden hâlî olduğu, zîrâ yevmiyye onun hilâfı üzeredir.

Ve kezâlik 'alâmât-ı mezkûredendir o hummânın tezeyyüdü muhteliğ olup mütenâsib ve müteşâbih olmadığı. Ve tûl-i tezeyyüd dahi 'afiniyye 'alâmâtındandır. Ve nabdın izdiyâdı 'azîme olup müstemirr olduğu tezeyyüde delâlet eder.

Ve eger hummâ mukli'a olur ise nâfid ile veyâhüd kuşa'riret ile ibtidâ eder ve ekşer-i emrde 'arâk ile veyâhüd nedâvet ile nüzûl eder ve nevâibi olup devr eder veyâhüd lâzime olur ve lâzımenin dahi teftûri olur veyâhüd min-ğayri teftûr olur ve nabdda ve bevlde ve tamâm-ı nekada ve sükûn-ı a'râdda yevmiyyeye müşâbih olmaz.

'Afiniyye hummâların ekşerinde a'râd-ı keşire olur, 'aşa ve şudâ' ve sevâd-ı lisân ve huşûşan müntehâ katında onlar ekşer olur ve kezâlik kalak dahi keşir olur, kerb ve ıdtırâb şedîd olur ve o kalak ve ıdtırâbı mâdde ile kuvvetin mukâtelesi icâb eder, merreten mâdde kuvvet üzere isti'lâ eder ve târeten 'aks olup kuvvet mâdde üzere isti'lâ eder. Ve bu hâl nabdda dahi olur, zîrâ nabd dahi merreten 'ızama ve kuvvete ahz eder ve târeten şıgara ve da'fa ahz eder. Ammâ nabdın şalâbeti [460b] ba'dı kerre olur ve nabd

dâimā şulb olmak vâcib değildir, kitâb-ı nabđda zıkr olunduğu üzere nabđ şulb olduğuna mâ şürbü ve sâir muşallib-i nabđ olan sebebler olur ve mâ-dâm ki nabđ kavî olmaya ve sür'at-i mezkûre ile serîf olmaya, henüz hummā-ı yevmiyyedir, 'ufûnete intikâl eylememiştir.

Ve hummā-ı 'ufûnetin ibtidâsında bevl nađic olmaz veyâhüd kalî-lü'n-nuđc olur ve ba'dı kerre dahi hâdd olur.

Ve ma'lûm ola ki hummayât-ı hâdde-i mülhikeden hâlâş ve necât kalîl olur, ondan necât bir 'udva 'illet-i müzmine işâbet etmekle olur. Ve hummā veremiyye olup ba'de sükûni'l-verem hummā bâkıye olsa ve o verem zâtü'l-cenb mişli emrâdda olsa o hâl delâlet eder ki mādde-i verem külliyyen tahallül eylememiştir ve ondan bâkıye vardır ve o bâkıye hâlen mevcûd olan veca'ın mevdi'ine meyl eylemiştir.

Hummayât-ı Lâzime 'Alâmetleridir

Hummā-ı dâimede bi-hasebi'l-hummā olan nabđın ihtilâfı cidden zâhire olur ve ekser-i nabđ nizâm ve vezn üzere olmaz ve hummā dâime olup yirmi dört sâ'at mürûrundan sonra iklâc olmaz ve hummā-ı muqli'anın müstahşibe olduğu nâfiđ tekaddümü mişli nesneler ona şöbet ve ma'ıyyet eylemez ve kezâlik dâime edillesindendir. hummânın lüzûmu ve tezeyyüd katında hâlinin şiddet-i ihtilâfı merreten noksân ve merreten uhrâ muhtedde olduğu bi'l-cümle hummā-ı dâimeye delâlet eder.

Hummayât-ı 'Ufûnetin Her Birine Hâşş Olan ve Beynlerinde Müşterek Olan Umûrlar Beyânındadır

'Ufûnet-i şafrâ hasebiyle 'arîd olan hummâda hareket-i hummā ğıbben olur gerek ise o hareket nâibenin hareketi olsun ve gerek ise lâzimenin hareket-i iştidâdiyyesi olsun. Lâkin 'ufûnet-i şafrâ hummayâtı đurûbundan bir đarb vardır ki muhrıka denmekle ma'rûftur, onda ğıbben hareket cidden hafî olur ve lâzime-i muţbıka gibi olur. Ve ğıbb-ı şırf olan hummā leţâfet-i mādde hasebiyle hâdde olur ve harâreti 'azîme ve lezzâ'a olur mirre-i şafrânın kuvveti olmakla velâkin onun hummâsı selîmedir şafrânın tabî'at üzere ğiffetine ve irâhasına binâen. Ve ğıbb-ı ğayr-i hâlişanın müddeti hâlişa

müddetinden atvel olur ve hâlişa yedi nevbeti tecāvüz eylemez ve tecāvü-zü bi-ḥasebi'l-ḥaṭā olur ve dāimesi baʿdī kerre üsbüʿ-ı vâhidde münkaḍiye olur.

Ammā ʿufûnet-i dem ḥasebiyle olan ḥummā dāime ve lâzime olur ve ḥarâret keşire ve ʿamme olur velâkin leyyine olur, şafrâviyye lezʿi meblağı-na bâliğa olmaz. Ve o demeviyye baʿdī kerre erbaʿa-i ʿyyâmda müntehiye olur.

Ammā ʿufûnet-i balğam ile ḥadis olup muvâzıbe denmekle maʿrûf ḥummā küllü yevmin ʿarîḍa olur, şafrâviyyeye kıyâsıyla ḥarâreti leyyine ve berdi ve lüzücuti ve keşreti sebeblerinden o ḥummânın müddeti ṭavîle olur ve onun ḥaṭarı ʿazîmdir, zîrâ müddet-i iklâʿı ḳalîldir ve dāime olanlarında zamân-ı ḳaʿf u fütûr dahi ḳalîldir ve ona fesâd-ı âḥer dahi şoḥbet ve maʿiyyet eder, lâ-maḥâle onda fem-i miʿde ḳaʿf olur ve fem-i miʿde ḳaʿfı aʿrâd-ı rediyyeyi celb eder ve ğaşy ve ḥafaḳân ve suḳûṭ-ı şehvet mislli âfetler iḥdâş eder.

Ve balğamî ḥummânın lâzimesi diḳḳat-i müşâbeheti olan emrâḍın eşbehi olur, lâkin balğamî ḥummânın lâzimesinde nabḍ leyyin olur, diḳḳla şulb olur ve baʿdī kerre lâzime-i mezkûrede dahi nabḍ şulb olur. Ve bu ḥummânın her ne ḳadar mâddesinde ḥulûş eḳall olsa nevbeti aḳşar olur, kılllet-i ḥulûşu ḥasebiyle balğam sevdâviyyete meyl ede.

Ammā ḥummâ-ı ribʿ bürûdet-i mâddesi ḥasebiyle ḥâdde olmaz. Ve ribʿin ḥâlişi baʿdī kerre bir sene mümtedd olur ve ribʿ-i ğayr-i ḥâlişin müddeti aḳşar olur lâkin onda ḥaṭar olmaz irâḥası müddeti ṭavîle olmakla ve aʿrâd-ı şedîdeyi mücibe ḥiddeti dahi olmamakla.

Ḥummâ-ı ribʿ ve ğıbbdan her birinin dāimesi ve müftiresi ḳayʿla veyâḥûd istiṭlâḳ ve ʿarâḳ ve dürûr-ı bevl ile münkaḍî olur, ammā muḥrîḳa zıkr olanlardan biri ile veyâḥûd ruʿâf ile münkaḍî olur.

Ve maʿlûm ola ki ḥummâ-ı ğıbbda ibtidâ ṭavîl olur ve muṭbıḳada intihâ ve muḥrîḳada inḥiṭâṭ ve muvâzıbede intihâ ve inḥiṭâṭ müddetleri maʿan ṭavîle olur ve maʿa-hâzâ ribʿ dâimededen ve muvâzabeden tâmmü'l-iklâʿ ḥummâ ḳalîlen bulunur.

Ve ḥummayâta ke-mâ yenbaġî muʿâlece olunmasa ve ḥuşûşan veremiyeye olan ḥummâ muʿâlecesinde ihtimâm olunmasa zübûle ile olur ve ḥuşûşan

hummayât-ı hâddeden 'alilin tağdiyesi vâcib olan hummâlarda tabî'atın mādde-i hummāya teveccühüne mâni' olmasın için tağdiye-i vâcibe terk olunsun. Ve kezâlik tefcîc-i mevâddan havfen mâ-ı bârid saşy olunmakla harâret-i hummâ tatfi'e olunmasa o hummânın zübüle rücû'u gâlib olur, zîrâ o hummâda zikr olunan 'avk ve tefcîcden taharrîze hâcetten zübülden taharrîze hâcet eşedd olur.

A'râd-ı Hummayât Delâili Beyânındadır

Ma'lûm ola ki delâil-i hummayâtın me'hazı tedbîr-i mütekkaddim olur ve tedbîr-i mütekkaddim ne keyfiyyet üzere olunmuştu onu tahkîk etmekle olur. Ve hâl-i hummâda mevcûde ve hâdırâ olan zikri âti a'râdın dahi ahvâl-i hummayâta delâleti olur. Ve büldân ve fuşûl ve sinn ve mizâc ve nabđ ve bevl ve berâz ve kay' ve ru'âf dahi delâlet eder. Ve nâfiđ ve 'arâk ahvâli ve nâfiđ ve harâretin keyfiyyâtıyla dahi hummâ ma'lûme olur. Ve nevâibden ve hâl-i şehvet ü 'ataştan ve hâl-i teneffüsten ve muķârenât-ı hummâ olan şudâ' ve seher ve hezeyân ve kalak ve onlar gibi olan muķârenât-ı sâireden dahi hummayât ma'lûme olur, zîrâ hummayât için a'râd-ı mütenevvi'a vardır ki onlar hummayâtın ahvâline delâlet eder. Harâret-i hummânın keyfiyyeti ve kemmiyyeti hummânın 'ızamına ve şıgarına delâlet eder. Ve hummânın kimisi lezzâ' olup min-evvelihâ ilâ-âhîrihâ şedîdetü'l-harâret olur ve kimisi evvelâ lez' eder ba'dehu tahallül-i mādde hasebiyle hummāya ve harârete dâf ve hâver gelip mülâyim olur ve ba'dı hummâda dahi aşlâ lez' olmaz, evvelen ve âhîren mülâyim olur ve kiminin harâreti raṭbe ve kiminin yâbise olur. Ve bir nev' a'râd dahi vardır ki cins-i hummāya delâlet eder.

Hummâ-ı Gıbbın Havâşşından ve Delâilinden Olan A'râd Bunlardır: Gıbbın nevbeti naḥs ile ve kuşarîret ile ibtidâ eder ve onda harâret-i lâzî'a olur. Ve bir nev' a'râd dahi hıbs-i hummāya delâlet eder, onlar kalak ve hezeyân ve seher mişlli a'râddır. Ve bir nev' a'râd dahi nuḍca ve 'adem-i nuḍca delâlet eder, bevlın zikri âti ahvâli gibi. Ve bir nev' dahi zikri âti buhrâna delâlet eder. Ve bir nev' dahi selâmete veyâhûd 'adem-i selâmete delîl olur ve o envâc-ı cemî'an biz zikr eyleriz.

Ve sehanе³² için aḥkām-ı keşîre vardır: Baʿdî sehanede levn reşâsiyete müteğayyir olup beyâd ve ḥuḍretten mürekkeb bir levn olur ve onun bürüdet-i aḥlâta ve ḥârr-ı ğarîzînin kılletine delâleti olur veyâḥûd sehanе tehebbüc ve intifâḥa müteğayyire olur ve bu aʿrâd sebebi toḥme olan ḥumâda olur. Ve sehanenin tağayyürü vechin ḍumûru ve inḥirâtı ve enfîn diḳḳatı ile dahi olur ve bu aʿrâd şiddet-i ḥarârete ve rikḳat-i aḥlâta ve sürʿat-i taḥallüle delâlet eder ve sürʿat-i taḥallüle sebep mesâmmın sıʿası olur. Ve tağayyür-i sehanede ḥummayâtın aḥvâline delâil olduđu gibi ḥarekâtın kendide ve ḥarekâtın vech-i muʿtâddan ḥurûcunda ve suḳût-ı ḥarekâtta ve aʿrâd-ı sâirede aḥvâl-i ḥummayâta delâil vardır, biz onları zikr eyleriz inşâallâhu taʿâlâ.

Ve aʿrâd-ı ḥummayâtın baʿdısı ḥummânın evḳât-ı erbaʿasından vaḳt-i müntehâya ḥâşş olur, telehhüb-i reʿs ḥasebiyle vaḳt-i intihâda maḥmûma ʿarîda olan hezeyân ve ihtilâṭ-ı zihn gibi. Ve baʿdî aʿrâd dahi zamân-ı ibtidâya maḥşûş olur, kuşaʿrîret ve berd mişlliler ve ekşer-i ḥummânın evâilinde ʿarîd olan sübât mişlliler gibi. Ve sübâtın o vaḳtte ekşer-i ḥummâya luḥûḳu dimâğın ḍaʿfı ve ḥarâretin bâtından mâdde olan mevḍîʿe meyli ve ibtidâ-i ḥummâda ıdṭırâb-ı bedenden taḥallül edince ḳadar buḥârâtın teşâʿudunun [461a] keşreti sebebiyle ve ğayr-i esbâb ile olur ve dimâğın berdi ve ʿufûnet ve süḥûnet şadedinde olan ḥultın berdi dahi ona muʿîn olur.

Ve o eşyâlar ki ondan ḥummânın ḥâli taʿarrüf ve ondan ḥummâ hangi şıftan idiđi taḥkîk olunur, onlar ḥummânın ḥiddet ve lînde olan ḥâli olurlar ve kezâlik esbâb-ı bâdiyeden veyâḥûd esbâb-ı sâbıḳadan şurût-ı mezkûre üzere ḥudûşu olur.

Ve ḥummânın lüzûm ve iḳlâʿı ve feterâtında ve nâfiḍ ve berd ve kuşaʿrîret ile aḥzinde ve onların ḳıddı ile aḥzinde ve nâfiḍin ve nezâirinin zamân-ı vukûʿunda ve ḥummânın keşîr ve ḳalîl-i ʿarâḳ ile terkinde veyâḥûd bilâ-ʿarâḳ terkinde ve sâlif tedbîrde ve sinn ve sehanе ve zamân ve şınâʿa ve nabḍ ve bevlde cemîʿan ḥummânın ḥâline delâlet vardır.

32 أَلْسَحَنَةُ [es-sehanet] (sînin ve ḥâ-ı mühmelenin fethiyle) üslûb ve heyʿet ve ğâh olur ḥâʾyı teskîn ederler; yukâlu: هَؤُلَاءِ قَوْمٌ حَسَنٌ سَحَنَتُهُمْ Vankulu

Nâfið ve Berd ve Kuşarîret ve Tekessürde Olan Kelâm-ı Küllîdir

Kuşarîret bir hâlettir ki cild-i bedenin ve ʿaḍalâtın o hâlde berd ve naḥs-la ihtilâfı olur³³ ve kuşarîrete tekessür teḳaddüm eder, ke-enne tekessür kuşarîretten bir şınf-ı ḍaʿîf olur.

Ammâ berd ʿalîlin aḍâsında ve ʿaḍalları mütûnunda o berd şırfen ve min-ğayri naḥsin iḥsâs olunur.

Ammâ nâfiðde ḥarekât-ı ğayr-i irâdiyye vâkıʿ olup ihtizâz ve irtîʿaddan aḍâsını imsâke ʿalîl kâdir olmaz. Ve baʿdı kerre berd kavî olur ve nâfið kavî olmaz, ḥummayât-ı balġam ve ribʿde olduĝu gibi. Ve nâfiðin iştîdâdı esbâbından olur ʿaḍalde olan kuvvet-i ḍâfîʿanın şiddeti ve binâen ʿaleyh her ne kadar nefḍi mûcib olan mâddenin lüzûceti ekşer olsa nâfið eşedd olur ve nefḍin vukûʿunda dem dâhile ğâir olur.³⁴ Ve maʿlûm ola ki nefḍi mûcib olan ḥılt-ı bârid nefḍden muḳaddem dahi her ne kadar bedende mevcûde ise bedende sâkin olup bulunduĝu ʿuḍv onunla ülfet etmekle ve o ḥılt-ı bâridden ʿuḍvun infîʿâlî müstaḳarr ve dâim olmakla onun berdini ʿuḍv iḥsâs eylemez. Ve bârid-i mezkûra ḥarâret-i müferriḳa³⁵ işâbet edip min-ğayri teşhînin ʿuḍvdan tebdîd ve tefrîḳ eylese yâḥûd sebab-i âḥer ile münteşir olsa³⁶ onunla meʿlûf olmayan aḍâdan hangisine işâbet eder ise o ʿuḍv ondan münfaʿîl olup mizâc-ı muḥtelif ḥasebiyle mâddenin bürûdetini ʿuḍv iḥsâs eder ve o mizâc-ı muḥtelifi ʿilm-i tıbbdan uşûl-i külliyyede sen bildirin.

Ve çok vâkıʿ olur ki balġam-ı zücâcî bedende münteşir olup ondan nâfið ʿarîḍ olur velâkin ḥummâsı olmaz ve o nâfiðdde edvâr dahi olur velâkin onun kuvveti ḥummâya müʿeddî olan nâfið kuvvetinde olmaz. Kılleti hâlinde iʿyâyı fâʿil olan mâddeye keşret ʿarîḍa olsa o mâdde-i keşîre ḳable en-yaʿfine nâfiði fâʿil olur ve ondan sonra dahi taʿaffün eylemese ḥummâya müʿeddî olmaz.

33 Yaʿnî kuşarîrette dahi berd olur velâkin naḥs ile maḥlûṭ olmakla ona berd tesmiye olunmaz belki kuşarîret derler ve min-ğayri naḥsin berd olup o berd baʿdı maḥalle ḥâşş olmaz ise ona berd tesmiye olunur.

34 Zîrâ mâdde-i lezicenin mevḍîʿine iltisâkı şedîd olup ḍâfîʿa dahi ḳaviyye olmakla mâdde-i leziceyi ḳalʿ için nefḍ-i şedîd ihḍâs ile ṭabîʿattan ḳalʿ eder.

35 “Ḥarâret-i müferriḳa” bir nevʿ ḥarârettir ki mevâdd-ı bârideyi evvel-i taʿalluḳunda bürûdet-i şırfesi hâli ile tefrîḳ eder.

36 Meşelâ kemmiyyet-i zâidesi ile münteşir olsa.

Ve baʿdı kerre berd ve nâfiḍ, ğıdā ve ğıdā mişlli için harâretin ğuʿûrun-dan ʿarıḍ olurlar.³⁷ Ve berd ve nâfiḍ hummayâtta tekaddüm eder onun için ki evvelâ hılt-ı hām ʿaḍale munşabb olup ona îzā eder ʿaḍale kıyâsla hılt-ı hām bârid olmakla. Ve kaçan o hılt taʿaffünü aḥz eylese beden tesahhunu aḥz eder. Ve nâfiḍ hummayâta hılt-ı hârrın lezʿi ve kuvve-i dâfiʿadan ʿaḍal-de kuvveti olmakla dahi tekaddüm eder ve bu nâfiḍın nazîri cildi üzere cid-den hârr olan mâyı şabbdan insâna ʿarıḍ olan intifâḍ ve riʿde olur huşuşan o şabb olunan mâ-ı hârr mâlih ola.

Ve baʿdı kerre münteşir olan beden hılt-ı hârrın ezâsından ve lezʿinden hârr hârr-ı ğarîzî bâtına hereb edip zâhir-i bedene berd istilâ eder ve hılt-ı hârrın lezʿiyle berd dahi cemʿ olur ve ke-enne berd zâhir-i bedeni müstemil olur.

Ve hârrın lezʿi ğışâ katında ve bâtında olur. Ve baʿdı kerre nâfiḍ harâretin bâtına herebinden olur, evrâm-ı bâtına hasebiyle olan nâfiḍ o kabilden olur.

Ve baʿdı kerre nâfiḍ ve kuşaʿrîret hummayât-ı lâzımede bürʿe delâlet eder, zîrâ o hummâda vâkıʿ olan nâfiḍ ve kuşaʿrîret mâddenin ʿurûktan hurûc edip müntefiḍa olduğuna delâlet eder velâkin o mâddenin intifâḍı vakt-i buhrânda olup onda nuḍc olmasa ve ʿalîle olan intifâḍ ile hıffet dahi gelmese nâfiḍ ve kuşaʿrîreti mücib olan intifâḍ kuvvetin ğalebesi hasebiyle olmayıp belki mâddede keşret olduğundan idiğine delâlet eder.

Ve bir nevʿ nâfiḍ vardır ki kuvvetin ḍaʿfına ve hârr-ı ğarîzînin sukûtuna ve teneffüsün hâline tâbiʿ olup mevte delâlet eder.

Ammâ kuşaʿrîret esbâb-ı nâfiḍın ḳalîli ile ʿarıḍa olur. Ve deheşin³⁸ ve düvârın heyecânından dahi ʿarıḍa olup devri yaʿnî nevbetin vukûʿunu inzâr eder.

Ve meşâyîhın hummayâtı medfûne olur yaʿnî gizli olur. Ve baʿdı kerre tûl-i hummâya sebep aḥşânın ğılzâtı olur ve o şürette ʿalîl istilkâ eyleyip iki ayaklarını uzatır ve aḥşâsını cess eder. Ve kaçan maḥmûmun lisânı müs-vedd olup hummâsı hafife olsa delâlet eder ki onun hummâsı medfûnedir.

37 Yaʿnî ğıdâyı haḍm için harâret-i ğarîziyye bâtına rücûʿ etmekle zâhire berd ve nefḍ işâbet eder.

38 “Deheş” taḥayyür ve zühûl ve velehtir.

Ve ba'ḍı kerre maḥmūma fālic işābet eder. Ve onun tedbīrinde evvelā ḥummāya ʿilāc olunur ve onlara tedbīr-i şālih olur sikencebīn, cūlencebīn ile memrūsen isti'māl olunmak ve kezālik mā-ı ḥummaş ile zeyt dahi şālih olur eger ḥummānın onu tenāvüle ihtimālî olur ise. Ve başı ḥalk etmek re'sin cildesini teksīf etmekle re'sin mesāmmatında ebḥure ḥurūc edemeyip bātına mün'atife olup ḥummā müştedd olur.

Ḥummā-ı ʿUfūnetin Mu'ālecāt-ı Külliyyeleri Beyānındadır

Ma'lūm ola ki bu ḥummālara müdāvāttan ğaraḍ bir kerre ḥummā cānibi-ne müttecih olur, o vakte müberrid ve muraṭṭıb nesneler isti'māl olunur. Ve ba'ḍı kerre ğaraḍ mādde cānibine müttecih olur, māddeyi inḍāca veyāḥūd istifrāğa ḥācet olmakla ve mādde-i ğalīzayı inḍāc onu terkīḡ etmekle ve mādde-i raḡīkayı inḍāc onu taġlīz etmekle olur. Ve ba'ḍı kerre ḥummā ile ḥılt arasında müsted'āları cihetinden müdādde ve münāḳıda olup ḥummā tebrīd ve ḥılt inḍāc ve istifrāġ ve taḥlīl istid'ā ederler.³⁹ Ve ba'ḍı kerre ve belki ekser-i emrde münḍic ve müstefriġ eşyā-ı ḥārreden olmakla tebrīde müdādde olur, bu şūrette vācib olur ki o iki emrden ehemme mūrā'at oluna. Ve ba'ḍı kerre dahi beynehümāda tenākuḍ olup ḥummā mā-ı biṭṭih-i Hindī ve buḡūl-i sāire ile tebrīd olunmaġı iktidā eder ve māddeye keşret olmakla taḡlīle ḥācet olur. Ve miyāh-ı mezḡüreyi saḡy taḡlīle münāfi ve münāḳıḍ olur ve'l-ḥāşıl lāyık olur ki miyāh-ı fevākih bir üsbū'a kadar te'ḥīr olunup mā-ı şa'ır ile iktifā oluna. Ve bi'l-cümle fevākih-i maḥmūme muḍırr olur ğaleyān edip mi'dede fāsıd olmakla. Ve çok eşyā vardır ki müberriden isti'māl olursa onda inḍāc ve telṡif ve istifrāġ kuvveleri olur, sikencebīn mişlilerde kuvā-yı mezḡüre mevcūde olur.

Ve ma'lūm ola ki ḥummā şiddeti ve ḥiddeti ḥasebiyle bir ḥāl üzere olur ki o ḥalde ḥummānın sebebini izāle için tedbīre ruḡşāt verilmez belki ona tebrīd-i belīġ ile mu'ālece olunur ḥuşūşan sen kuvāda kuvvet-i şābire bulmaz isen izāle-i sebebe cidden ruḡşāt olmaz ve eger kuvāda kuvvet-i muḡāvime vü şābire bulur isen sebebi kaṭ' edip ḥılt için tedbīr edersin ve ġıdāyı kaṭ' edersin ve māni'-i taḥallül olacak kadar tebrīd eylemezsin. Ve eger

39 Ve inḍāc ve taḥlīl ḥarāret ile olmakla beynehümāda müdādde olur.

ķuvveti ķāşıra bulur isen ĥummāya muďadde olan tebrîd ile mizācî taďdîl ile meşġûl olursun ve ġıdā ile ķuvveti in‘āş edersin ve kaçan ķuvveti in‘āş ve takviye ve müďādđını ķahr eylesen ‘illete ‘avd ve rücû‘ edersin. Ve kaçan bu ĥummayâtta sen tebrîd ķasd eylesen ķabd ve teksîfî olan akrāş-ı müberride gibi eşyā ile ķable’n-nuďc ve’l-istifrāġ tebrîd eyleme belki o mişlli eşyā ile ba‘dehümā tebrîd eyle.⁴⁰

Ve ma‘lûm ola ki ĥummā-ı ‘ufûnetin ‘ilācî ĥummā-ı dıķķ ‘ilācının ĥilāfî üzere olur, zîrā dıķķ ‘ilācî maraďa müďādde olan tedbîrlere [461b] maķşûr olur. Ve ĥummā-ı ‘ufûnetin ‘ilācî müďādde-i maraď olan tedbîrlere maķşûr olmaz belki o ĥummā-ı ‘ufûnette maraďa müďādde olan nesneler ile ‘ilāc olunduġu gibi sebebi ķat‘ için dahi tedbîr olunur. Her ne ķadar sebebi ķat‘ eden ‘ilāc maraďa müşāķil olur ise ve taġdiyeye min-ciheti nefsihā ķuvvete şadiķ olur ve ķuvvetin ‘adüvvüsü olan māddeye dahi şadiķa olmakla taġdiye ķuvvete ‘adüvve olur. Pes taġdiye hem ķuvvete ve hem ķuvvetin ‘adûsuna cem‘an mu‘în olur ve ona bināen taġdiye için müfreden bir bāb kılınmak lâyıķ olur.⁴¹

Ve ma‘lûm ola ki ĥummā için ‘ilāc mümkün olmaz illā ĥummā ta‘arrüf olunmakla olur. Ve kaçan ĥummā meĥûle olsa ‘alîle vācib olur ki tedbîrini telţîf eyleye ve ictihād eyleye ki nevbet geldikte ĥālî’l-baţn ve’l-mi‘de buluna ve yevm-i nevbette ‘ilāc eylemeye ve bir nesneyi tahrîk eylemeye.

Ve bi’l-cümle mu‘ālecāt-ı ĥummāda ķuvvete mürā‘at olunur. Eger ķuvvet ķaviyye olup mevāddın ġālîbi dem ise veyāĥûd mevādd-ı ġālîbeyeye dem muĥālîţ ise onun mu‘ālecesinde vācib olan nesnelerin faşd evcebi olur ĥuşuşan bevl-i aĥmer ġalîz ola. Ammā aşfer-i nārî olup ‘inde’l-iftişād mirārın ġalebesinden ve ihtidādından ĥavf olunursa faşd terk olunur. Ve ba‘de’l-iftişād faşda ishāl-i laţîf tâbî‘ kılınır eger onda yûbs var ise, onun ishālî mā-ı şa‘îr ve miķďār-ı ķalîl şîrhîşt saķy olunmakla kılınır veyāĥûd mā-ı şa‘îr sikencebîn ile saķy olunur. Ve eger onlar ŗabî‘atı telyîn eylemezse şîrhîşt mişllide şarāb-ı benefşec ziyāde kılınır ve ġāyet ‘ameli telyîn olanlar isti‘māl olunur, ishālî ve ‘anîfen ıtlāķı olanlar isti‘māl olunmaz.

40 Ya‘nî ba‘de’n-nuďc ve’l-istifrāġ tebrîd eyle.

41 Zîrā ķuvvete şadiķa, maraďa ‘adû ve maraďa şadiķa, ķuvvete ‘adû olduġunun başka başka maĥalli olmakla tafşîle ĥācet olur ve onu bir faşl ancak ihāta eder.

Ve muşannif der ki bana eḥabb olan budur ki onların telyîn ve ishâli ḥuḳne ile kılınıp ve o ḥuḳun ḳuvvetin ihtimâli ḳadar ḳaviyye ḳılınır. Ve beyne'l-ḥummayât nef'î müşterek olan ḥuḳun-ı ḥafîfedendir o ḥuḳne ki onun ittiḥâzı benefşec dühnü ve varaḳ-ı sılḳ 'uşâresi ve şufretü'l-beyḍ ve sükker-i aḥmer ve bûrakṭan ola. Ve bu telyîne sen ḥummânın ḥâl-i ibtidâsında ve ḥâl-i intihâsında muḥtâc olursun, intihâda olan ḥâcet-i mezkûre aḍ'af olur ve ḥâl-i ibtidâda olan ḥâcet aḳvâ ve eşedd olur ve bu telyîne ḥâcet ṭabî'atın ḥâl-i i'tikâlinde olur. Ve o telyîne idrâr itbâ' olunur kerefsin kökü mişlliler, sikencebîn ile ṭabḥ ve maṭbûḥu saḳy olunmakla. Ve ondan sonra dahi maḥmûm ta'rîḳ olunup mesâmmâtı ḥarr-ı ḳavîsi olmayan nesneler ile tenftîḥ olunur, meşelâ dühn-i bâbü nec ile temrîḥ ve şarâb-ı ebyaḍ ile delk ve fâtiren mâ-ı 'azbla delk olunmakla. Ve eger ḥummâ cidden muḥtedde olursa temrîḥ ve tenṭilden bir şey câiz olmaz. Ve eger ḥummânın evvelinde ḥıltı mi'deye mâil bulsan 'âdete muḥâlif olmayan nesneler ile takyî'e olunur, meşelâ sikencebîn mâ-ı ḥârr ile saḳy olunmakla ḳay' ettirilir eger ṭabî'at ḥıltı ḳay'a taḥrîk eder ise. Ve eger o 'alîlin ḥıltı em'âyâ meyl eder ise veyâḥûd ḳarâḳır veyâḥûd süflün inḥidârı iḥsâs olunur ise ona sen muḥâlif olan takyî'eye taşaddî eyleme.

Ve sen maḥmûmu ḥummayâtın ibtidâsında nevmden men' eyle ḥuşuşan ibtidâ-i ḥummâda ḳuşa'rîret ve berd ve nâfid den biri ola, zîrâ nevm ḥasebiyle berd ve nâfid ziyâde olur; nevmin ba'ḍı aḥşâyâ müttecîhe olan mevâdda i'âneti olur ve aḥlâṭın nuḍcuna dahi mümâna'ati olur. Ammâ ḥummânın zamân-ı inḥiṭâṭında nevm cidden nâfi' olur. Ve ba'ḍı kerre zamân-ı intihâda dahi nevm muḍırr olmaz.

Ve maḥmûm mâ-ı bârid şürbünden men' olunmaz meger ki ḥıltta fecâcet ve ḡlẓat ola, o mişlli ḥıltın nuḍcuna mâni' olmakla o ḥılt şâḥibi mâ-ı bâriden men' olunur.

Ve ma'lûm ola ki maḥmûm olan kimse faşḍ olunup ona faşḍın menfa'ati olsa ve ba'dehu ona bir ṭarîḳat-ı rediyye isti'mâl eylesen ve tenḳiye olunmuş olmasa ḥummâ nüks eder.

Ammâ ḥılt-ı şafrâvînin nuḍcu şafrâ-yı rakîḳin ḥâşire olması ile olur ve mâ-ı bârid şürbü şafrâyı taḥşîr eder, binâen 'aleyh mâ-ı bâridin şafrâvî ḥummâyâ menfa'ati olur lâkin mi'de ve kebid ḍa'ife veyâḥûd bâride olur ise

yâhûd aḥşâda verem olur ise yâhûd aḥdâda vecaḥ yâhûd bi-ḥasebi'l-mizâc kalîlî'd-dem olur ise veyâhûd ḥarâret-i ġarîziyyesi daʿife olmakla mâ-ı bāridi şûrb ile ʿalîl daʿif olur ise ve bilād-ı ḥârre ahālîsi gibi mâ-ı bārid şûrbü muʿtādî deġil ise işbu ṭavāif-i mezḳûreden her birisi maḥmûm iken mâ-ı bārid şûrb eyleseler serîʿan müteşennic olurlar ve onlara o mâ-ı bārid şûrbünden füvâḳ dahi işâbet eder ve mehzûl olan kimseler dahi ṭavāif-i mezḳûre kabîlinden olurlar. O kimseler ki onun mevâddı ḥârre veyâhûd ġalîza-i mütenaddice ve bedeni ʿayyil-i daḥme ve ḥarâret-i ġarîziyyesi mevfûre ve kuvveti kavîyye ve aḥşâsının mizâc-ı aḥlîsi bâride olmayıp âfâttan dahi sâlime olup ve onlar cidden bâride miyâh şûrbüne muʿtād olsalar onlara mâ-ı bārid şûrbü efdâl-i eşyâ olur, zîrâ ekser-i ḥâlde mâ-ı bārid şûrbü onların ṭibâcını ıtlâḳ etmekle nefd-i māddeye muʿîn olur veyâhûd kayʿ ile veyâhûd bevlle ve kezâlik taʿrîḳ ile veyâhûd o mezḳûrların cümlesi ile nefd-i mādde edip vakt-i şûrbde ʿale'l-fevr ʿâfiyete bâʿis olur. Ve çok vâḳiʿ olur ki mâ-ı bāriden ḳadr-i keşîri ve belki bir buçuk menn miḳdârı mâ-ı bāridi ʿalîle ṭabîb saḳy eder hattâ ʿalîlin levni muḥḍarre ve ʿaḍalâtı mürteʿide olur. Ve o saḳy ḥasebiyle baʿdî kerre ʿalîlin ḥummâ-ı ḥâddesi balġamiyye ḥummâya istiḥâle eder. Ve baʿdî kerre dahi o mâ-ı bārid-i meşrûb ṭabî takviye edip mādeyi ʿarâḳ ve bevl ve ishâlle defʿ edip ʿâfiyete müʿeddî olur. Ve kezâlik mâ-ı bārid o maḥmûmdan dahi menʿ olunmaz ki onun baʿdî ʿuḍvunda verem olur velâkin ḥavf olunur ki onda olan ḥarâret ve ʿaṭaş mâ-ı bārid saḳy olunmasa ʿalîlin zübûlüne müʿeddiye olur, zîrâ mâ-ı bārid saḳyının ʿalîle maḍarratı olan tezâyüd verem ve fecâcet-i mevâdd baʿdî kerre mâ-ı bāridi terkin maḍarratı olan zübûlden ḥayrlı olur ve o mişlli ʿalîle sikencebîn saḳy olunsa baʿdî kerre onun ʿaṭaşını ḳaṭʿ ve teskîn eder ve ṭabîcını ıtlâḳ eder ve şûrb-i mâ miḳdârı vereme maḍarrat-ı mezḳûresi olmaz ve māddeyi cemʿ ve teksîf eylemez ve mizâcî keşîr olan cüllâbın dahi fiʿli sikencebîn mişlli olur. Ammâ o ʿalîl ki ona şûrb-i mâ bāriden cāiz olmayıp velâkin tehâlik ile şûrb-i mâya iḳdām ve cürʿet eylese ondan ḥavf olunur ki mesâmmâtını mâ-ı bārid ḳabḍ edip o südde ḥummâ-ı uḥrâya sebep ola ve o sebebden ḥâdiş olan ḥummâ-ı uḥrâ ḥummâ-ı ülâdan eşedd ola. Ve mâ-ı bārid ʿuḍv-ı daʿife müşâdif olsa o ʿuḍvun fiʿlini ifsâd eder ve çok kerre izdirâdı ve nefesi ʿusretli eder ve raʿşa ve teşennüc ve meşâne ve külye ḳülündan birinin daʿfını

iḥdâş eder. Ve ekşer-i ḥâlde mâ-ı bârid şürbü o kimselerden men^c olunur ki ḥâl-i şıḥhatinde mâ-ı bârid şürbü ona muḍırr ola. Ve belki her kaçan sen görsen ki sehane kavıyye ve ʿaḍal ġalîza ve mizâc ḥârr-ı yâbis olmuştur ve ondan istifrâğ olunmakla bedeni tenķıye olunmuştur, o mişlli kimseye mâ-ı bârid için ruḥşat verir ve aḥyānen mâ-ı bâridde vukūʿunu men^c eyleme.

Ve kaçan ḥummā zamān-ı inḥitāta bâliġa olup ʿalāmāt-ı nuḍc zāhire ve istifrâğ-ı aḥlāt dahi ḥāşıla olmuş olsa istiʿmāl-i ḥammāmde ve raķıķ-i mem-zūc şarāb şürbünde ve edhān-ı muḥallile ile temrīhte bâis olmaz.

Ve kaçan ḥummānın evvel-i ʿurūḍunda kavānīn-i mezkûre istiʿmāl olunsa vâcib olur ki inḍāca iştiġāl oluna ve o istifrāġa dahi iştiġāl oluna ki onunla mādde-i külliyyeten iḥrâc ve istişāl [462a] oluna. Ve bi-ḥasebi't-tecfîf taķlīl-i māddeye müʿeddī olan istifrāġın menfaʿati olmaz belki menfaʿati olan istifrâğ, sebebi külliyyen kaṭʿ eden istifrâğ olur. Ve mādde-i ḥârre vü bârideden her birini ḳable'n-nuḍc istifrâğ câiz olmaz lâkin ḥâcet mess eder ise defʿ-i ḍarūret edecek ḳadar ḳable'n-nuḍc istifrâğ câiz olur. Ve mevâdd-ı müziye ḳable'n-nuḍc istifrâğ olundukta keşiren vâķiʿ olur ki o mādde-i müziye-i ḥabîse ḥılt-ı şâliḥe muḥtelile olup ve onu dahi taḥrīk edip maʿan iḥrâc eder.

Ve bir recül zuʿm eyledi ki inḍâcdan ġaraḍ, terkīķ-i mevâdd olur ve ḥılt-ı ḥârr raķıķ olmakla onu istifrâġda inḍāca ḥâcet yoktur. Ve o recülün kelām-ı mezkûrunu sen işġā eyleme, emr o recülün zıkr eylediġi gibi deġildir, zîrâ inḍâc taʿdīl-i kıvām ile olur, zîrâ taʿdīl-i kıvām ile istifrâğ sehl olur, kıvāmde ʿadâlet olmayıp ġalîzde olduġu gibi kıvāmde ifrât ve raķıķte olduġu gibi kıvāmde tefrīt olup iʿtidāl bulunmasa o maddenin istifrâġı şaʿb ve zıkr olunan mevâdd-ı şâliḥayı ifsâda ve istihlâka müʿeddī olur. Ve raķıķ-i müteşerrib ve ġalîz-i nâşib ve lezic-i leḥic bu mezkûrların küllisi sehlen defʿ olunmaġa müstaʿidd deġildir belki defʿde raķıķ ḳalīlen teşḫine ve şehin terkīķe ve lezic kaṭʿa muḥtâc olur ḥattâ sühûlet ile defʿ olunmaġa müstaʿidd ola. Niçin o recül bizim zıkr eylediklerimizden bir şey müteḳaddimînin nuḍca olan maķâllerinden istimâc eylemedi ve niçin bizim zıkr eylediġimizi aḥlāt-ı menfûşeden tezekkür eylemedi ki aḥlāt-ı menfûse raķıķ ise taḥşire ve ḥâşir ise terkīķe muḥtâc olur. O recül aḥlāt-ı menfûse-i mezkûreyi ḥaķķ-ı teʿemmül ile teʿemmül kılsa idi bizim zıkr eylediġimize müteḥeddī olur idi. Ve o recül fî-nefsihi aḥvâl-i ḳârûreyi niçin tefekkür eylemedi ki ḥum-

mayât-ı hâddenin ibtidâsında kârûrede rüsüb olmaz ve ba'ḍe'l-ibtidâ zât-ı rüsüb olur ve o rāsib-i maḥmūd maraḍı fā'il olan maddenin gayri değildir belki maraḍı evvelâ ve ḳable'n-nuḍc fā'il olduktan sonra nuḍc bulup mün-defi' olmuştur; zamân-ı ibtidâda o rüsüb olmadığı 'adem-i nuḍca binâendir, eger nuḍcun ḥuşûlünde rikḳat kifâyet eylese ve nuḍcdan ğâyet-i maḳşûda mücerred rikḳat olsa vâcib olurdu ki evâil-i ḥummayâtta dem ve şafrâdan kârûrede rüsüb-ı maḥmūd mevcûd ola. Ve faḍl-ı rüsûbu indifâ'a isti'dâdından ve nuḍcdan muḳaddem evâil-i ḥummayâtta ṭab'at için def' mümkün olmadığı gibi kezâlik o ḥılt-ı mümriḍı ḳable'n-nuḍc istifrâğa ṭab'at için def' sebîl olmaz. Ve kârûrenin ḥâlet-i mezkûresini te'emmül eden kimseye ḥâl-i istifrâğa bi'd-ḍarûre 'ilm ḥâşıl olur ki ḳable'n-nuḍc kârûrede rüsüb-ı maḥmūd olmak mümteni' ve şa'b olduğu gibi kezâlik nuḍcu olmayan mevâddı dahi istifrâğ müte'assir ve şa'b olur, zîrâ ḳable'n-nuḍc istifrâğ ba'dı kerre mevâddı taḥrîk eder ve onun fi'li mevâddı istifrâğa ve iḥrâca bâliğ olmaz ve ba'dı kerre dahi ḥılt-ı ḥabîşî tayyibe ḥılt edip tayyibi dahi iḥrâc eder. Pes o recûl misllilere vâcib olur ki Cālînûs'a veyâḥûd İbuḳrât'a ḥüsn-i zann edip onların resmlerine taklîd ve i'timâd eyleyeler veyâḥûd onların mersûmlarında faḍl-ı te'emmül ile te'emmül eyledikten sonra münâkaḍaya ve münâkaşaya sebîl oldukta redde rücû' eyleye, zîrâ ḥaḳḳ üzere evveleyne münâkaḍa eden kimse ma'zûr olur⁴² velâkin vâcib budur ki o münâkaḍa im'ân-ı naẓar ve i'mâl-i fikrden sonra ola.⁴³ Ve ben zann ederim ki o recûl için biraz tecârib vâḳi' oldu ki mevâdd-ı mezkûreyi ḳable'n-nuḍc istifrâğ ona necâḥ oldu ve ona mağrûr olup da'vâ-yı mezkûra cür'et eyledi velâkin kavânîne muḥâlîf olan tecribeye bu bâbda i'tibâr olunmaz, zîrâ ba'dı kerre ondan necâḥ olmaz ve ba'dı kerre dahi 'adem-i necâḥ taḥaḳḳuk olunmayıp necâḥ zann olunur, pes ondan ictinâb vâcib olur ihtiyâṭ hasebiyle.

Ve ammâ ḥâdde keşîre ve müteḥarrike olup bir 'uḍvdan 'uḍv-ı âḫer müntakîle olsa ben zann ederim ki onun istifrâğında nuḍca ḳadar imhâl

42 وهو كما قال الدواني ان لمسالك النظر اتساع فالحق احق بالاتباع (Devvânî'nin söylediği gibi: "Düşüncenin yolları fazla olduğu için en doğru olan gerçeğin kendisine tabi olmaktır.")

43 Zîrâ naẓra-i ūlâ ḥamḳâ' ve şâniye ezḳâ olur, binâen 'aleyh şer' naẓra-i ūlâyı zemm edip buyurmuştur: إياك والرأي الفطير Ve şu'arâ dahi zemm edip demiştir: وكم من عائب قولاً صحيحاً = وأفتة من الذهن السقيم Ve ekâbir-i 'ulemâ dahi buyurmuştur: ليس في الأمور صائب من لم ينظر في العواقب

olunmaz, zîrâ 'ale'l-fevr istifrâğ olunmasa ba'dı kerre evrām-ı sersâmiyye ve ğayr-i âfet ihdâs eder ve istifrâğ terk olundukta zamân-ı nuđca bülûğdan muḳaddem ḥaṭarda ikâc eder. Ve mevâdd-ı keşîrenin zamân-ı nuđcu kemmiyyeti ve miḳdârı mu'tedil olan mâddenin zamân-ı nuđcundan aṭvel olur ve ona binâen istifrâğı nuđca teḥhîrinde ḥaṭar ekşer olmakla ḳable'n-nuđc istifrâğ lâzım olur istifrâğa terettüb eden maḍarrattan istifrâğı nuđca teḥhîrin maḍarratı ekşer olmakla. Ve ma'a-zâlik mevâdd-ı keşîrenin izâsı ekşer olmakla ṭabî'at onu def'e ḥareket eder ve ona müstefriğatla sen i'âne eylesen senin i'ânetin ṭabî'atın fi'line muvâfıḳ olmakla o i'ânetten intifâc olunur.

Ve ma'lûm ola ki faşdda olan nuđca intizâr müshilâtta olan nuđca intizâr meblağına bâliğ olmaz ve nuđca intizâr aḥlât-ı uḥrâda ya'nî demin ğayri-lerini ishâl ile istifrâğda olur. Ve ibtidâ-i 'illette kaçan faşd teḥhîr olunsa zamân-ı intihâda dahi faşd eyleme, zîrâ zamân-ı intihâda faşdın ma'nâsı yoktur belki zamân-ı intihâda ḳuvvet ḍâ'ife olmakla ba'dı kerre faşd ḍâf-ı ḳuvvete müşâdif olup 'alîli ihlâk eder. Ve kezâlik ğalebe-i ḥılttan ḥavf olup ihtiyât istifrâğı icâb eylese eger mâddede nuđc yok ise istifrâğla mâdde ancak zamân-ı ibtidâda taḥrîk olunur, ammâ zamân-ı intihâda mevâddan bir nesneyi taḥrîk eyleme ḥattâ ṭabî'at ğalebe edip indâc etmedikçe. Ve ba'de'l-indâc ṭabî'at-ı mevâddı taḥrîk eylemese mevâddı sen taḥrîk eyle, mevâddı ṭabî'at hangi cânibe taḥrîk şadedinde ise sen dahi taḥrîki o cânibe eyle ve eger mâdde kendi taḥarrük veyâḥud taḥrîk olundu ise onu ma'a-fi'liḥâ terk eyle.

Ve mevâddın bi-ṭab'ihâ ḥareketine İbuḳrâṭ ḥâyice tesmiye eyledi ḥattâ وينبغي ان يستعمل الدواء المسهل بعد أن ينضج المرض وأما في أول المرض فلا ينبغي ان يستعمل ذلك إلا ان يكون المرض مهيجا وليس يكاد يكون في أكثر الأمر مهيجا diye zikr eylediği ḥâyiceden mevâddın vech-i muḥarrer üzere ḥareketini murâd eyledi. Ve o istifrâğ istifrâğ-ı ḍarûrîdir ki ḳable-vaḳtihi zuḥûr eylemiştir. Ve o istifrâğın 'âdiye-i mevâddı keffe ve men'e nisbeti tağdiyenin ḳuvveti suḳûttan men'e nisbeti gibidir.

Ve kaçan sen ḥummâda istifrâğ isti'mâl eylesen nâibede vaḳt-i iklâ'a ve lâzımede vaḳt-i fetrete mürâ'at ile ve o evḳâttan dahi vaḳt-i ebredi ihtiyâr eyle ve yevm-i devrde faşd ve ishâl ile istifrâğ eyleme ve bi's-şınâ'a eylediğın istifrâğı istifrâğ-ı ṭabî'inin cihet-i meylinin müḍâddesi cihetine eyleme

ve tabîbin işlediği fi'l-i hâl-i devrde işlemekle ahlâṭ iṣāre olunmasın. Ve bi'l-cümle vakt-i devrde tedbîr-i ğalîẓden tevaḳḳî ve ictinâb olunur hattâ mâ-ı şa'îr saḳy olundukta ona sükker hâlṭ olunmaz ve kezâlik vakt-i devrde cüllâb dahi saḳy olunmaz, zîrâ sükker mecârîyi taḍyîḳ eder ve o müdāyaḳa ile devre kesr gelir ve o kesrde ḥaṭar olur belki vâcib olan devre i'ānet olunmaktır, zîrâ tabîb tabî'ata mu'indir ve münâzi' olmak ona câiz deĝildir.

Ve ma'lûm ola ki ba'dı kerre bir nev' devāya ḥacet olur ki onda kuvvet ile ḍa'f cem' ola ya'nî ef'âlden fi'l-i vâhidi ḳavî ve fi'l-i âheri ḍa'f ola ve kuvveti ğalîẓ-i lezic olan ḥıltı ishâl etmekle ola ve ḍa'fı o ishâl meclis-i vâhide veyâḥûd iki meclise maḳsûr olmakla ola ve iki mecliste onun 'ameli dahi ma'an keṣîr olmaya o keṣret müte'addide ve müte'aḳıbe kuvveti isḳâṭ eylesin için.

Ammâ faṣḍda re'y budur ki eger faṣdı müdâfa'a mümkün ise faṣd terk olunur; eger faṣdı müdâfa'a mümkün deĝil ise faṣdın 'adedini teksîr eylemek 'adedini taḳlîl edip iḥrâc ve istifrâĝ olunan demin miḳdârını teksîrden [462b] ḥayrlı olur. Ve vâcib olur ki def'aten keṣîrî' l-miḳdâr dem istiḥrâc olunmaya, zîrâ def'aten dem-i keṣîr iḥrâcı iḥrâcına ḥacet olmayan ahlâṭ-ı şâliḥayı istifrâĝ eder. Ve demde ba'dı kerre iḳtiḍâ eden istifrâĝât-ı sāireye 'udde⁴⁴ bâḳî kalmaz ve buḥrânât-ı muntazîre ile münâza'a etmeĝe sāliḥ kuvvet dahi bâḳî kalmayıp kuvvet ḍa'ife ve 'âcize olur.

Ve ma'lûm ola ki şudâ' ile ḥummâ bir kimsede cem' olsa ḥummāya 'ilâc evlâ olur. Ve ma'lûm ola ki zamân-ı inḥiṭâṭa bâliĝa olan ḥummâda maḥmûma şudâ' 'arîḍ olsa o ḥummânın inḥiṭâṭını tezeyyûde redd eder ve vâcib olur ki o ḥaṭardan ḥalâş için şudâ' teskîn oluna.

Ve kaçan şabî-i râḍî' maḥmûm olsa murḍî'asının lebeni iṣlâḥ olunur.

Ve maḥmûmun ḳârûresi yereḳân şâhibinin ḳârûresi gibi zuḥûr eylese vereme delâlet eder ve 'ilâcı ona mâ-ı şa'îr ve sikencebîn saḳyı olur ve o saḳy ile ḥummâ sākine ve hâdiye olsa verem mu'âlecesi ḳaşd olunur.

Ve kaçan ḥummâ ile ḳûlinc dahi olsa mādâm ki ḳûlincın tarîḳi feth ve taḥliye olunmaya, ona mâ-ı şa'îr saḳy olunmaz. Ve eger ona miyâḥ saḳy vâcib olur ise mâ-ı dîk saḳy olunur ve onun ḥuḳnesi keṣîrî'd-dühn kılınmakla ḥuḳne-i leyyine kılınır ve ḳûlinc feth olunduktan sonra mâ-ı şa'îr

44 “‘Udde” yavuz gün için yat ve yarak ḥâḍırlamak ve müheyyâ kılmak. Vankulu.

sağy olunur eger hâcet var ise. Ammâ müşhilât-ı maḥmûmîn baʿdî kerre eş-ribeden kılınıp o şerbet temr-i Hindî, terencebîn ve şîrhîşt mişlliden ittiḥâz olunur ve baʿdî kerre o şerbette mâ-ı leblâb ve baʿdî kerre ḥıyârşenber dahi kılınır ve gâhca onun içine saḥmûnyâ tarḥ olunur ve baʿdî kerre dahi cüllâb içinde yalnız saḥmûnyâ sağy olunur. Ve baʿdî kerre mādde ḡalîza oldukta ona şabır sağy olunmağa hâcet olur. Ve ecved olan budur ki sağy olunacak şabır ʿasel ve mâ-ı hindebâda ve mâ-ı yaʿşîdde⁴⁵ terbiye olunup ondan ḥubûb ittiḥâz oluna. Ve bir kavm müşhilât-ı ḥummâda helîlec-i aşferi istiʿmâl eylediler. Ve onun fiʿline bir menfaʿat terettüb eylemez, evvelâ ishâl edip baʿdehu mesâmmâtı kabḍ eder ve aḥşâyı taḥşîn eder. Ve ger helîlec-i aşfer sağy olunmak icâb eder ise nuḍc-ı tâmmıdan sonra olunmak vâcib olur. Mâ-ı rummâneyn sağyının menfaʿati ʿazîm olur ḥuşûşan şaḥmlarıyla evkâtında ittişâr oluna.

Ve müşhilât-ı müstaʿmeledendir bir mişkâl benefşec ile bir kîrâta varınca kadar saḥmûnyâdan ittiḥâz olunan müşhil ve baʿdî kerre onun içine miḳdâr-ı ḳalîl naʿnâʿ dahi katılır. Ve baʿdî kerre müberridât-ı muṭfiʿeden dahi ittiḥâz olunan devâ içinde saḥmûnyâ kılınır, o devâ bu ḥabb mişllidir ki onun şıfatı budur:

Nüşa: Kûzbere, ṭabâşîr, verd her birinden yarımşar dirhem, kāfir bir ṭassûc, saḥmûnyâ yarım dānîka varınca kadar; bu mezkûrlardan ḥabb ittiḥâz olunur ve ondan bir dānîk sağy olunur.

Veyâḥûd şîrhîşt terencebîn beşer dirhem, tuffâḥ-ı Şâmî ve sefercel ʿuşâreleri veznleri berâber, kûzbere-i raṭbe ʿuşâresi südüs cüzʾ; işbu ʿuşâreler cemʿ olunur ve şîrhîşt ve terencebîn onda maḡmûre ve mestûre kılınıp münʿakid olmağa ḳarîb olunca kadar ṭabḥ ile ḳıvâma getirilir ve baʿdehu kāfûrdan bir buçuk dānîk ve saḥmûnyâdan bir dirhem aḥz olunup o taḳvîm olunan devâ nârdan refʿ olunduktan sonra zîkr olunan kāfûr ve saḥmûnyâ onun üzerine zerr olunur, buḥâr ile taḥallül eylemesin için ḥıfz olunur ve baʿdehu terk olunur kendiliğinden rıfḳla münʿakid olunca kadar ve onun şerbet-i vâhidesi iki dirhemden iki buçuk dirheme varınca kadar olur. Ve mümkün olur ki şîrhîşt ve terencebîn ve sükker-i ṭaberzedden nâṭıf⁴⁶ ittiḥâz

45 “Yaʿşîd” ḥanderilî dedikleridir ki hindebâ-i berrînin bir nevʿidir, zehri aşfer olur.

46 النَّاطِف [en-nâṭıf] (ṭânın kesriyle) peşmîne ḥelvâ ki iplik iplik olur. Vankulu.

oluna ve içinde kâfûr ve saĥmûnyâdan o miĥdâr kılına ki onun bir şerbetinde kâfûrdan bir taşsüce ve saĥmûnyâdan bir dâniĥa varınca ĥadar buluna ve nefse ĥabîb olup ĥayr-i kerîh ola.

Eyyâm-ı şayfta bârid ĥummâsı olan kimse ĥayşe dâhil olmaz ya'nî kettânın üsdübüsünden şafîĥan mensûc olan şiyâbı giymezi ĥuşuşan vaĥt-i 'araĥta o şevbi lûbs aşlâ câiz olmaz, zîrâ o şevbi müşt Emil olan maĥmûmun mevâddı bâtına 'aks eder ve mâni'-i taĥallül olur. Ve o ĥummâyâ akrâş muvâfiĥ olmaz lâkin ba'de'n-nuĥc ve'l-istifrag isti'mâl olunur. Ve akrâş o ĥummâyâ evfaĥ olur ki onun mi'cede teşebbüsü olup dıĥkıyyeye müşâbeheti ola.

Ve tedbîrde mu'tâdı olan kimselerden 'âdetini terk eden kimse terk-i 'âdet ĥasebiyle kendide ĥummâ gibi ĥâlet iĥsâs eder velâkin onun ıdrârı ĥummâ ıdrârı gibi olmaz belki tedbîrde olan 'âdeti terk ĥasebiyle olmakla ĥararı ĥafîf olur.

Zıkr Olunan Maĥmûmların Taĥdiyeleri Beyânındadır

Ma'lûm ola ki maĥmûmlara evfaĥ-ı aĥdiye ra'tbe olan aĥdiye olur ve ĥuşuşan şıbyân ve müttedi'n mişllilere aĥdiye-i ra'tbe ziyâde evfaĥ olur mi'zacına müşâkil ve marađına muĥâd olmakla.

Ve kaçan ĥummâ aĥz edip ve ta'bî'at yâbise olsa şüfl bi-tamâmihi ĥurûc eylemedikçe onu sen taĥdiye eyleme

Ve vâcib olur ki ĥummayâtan nâibenin nevbeti ve lâzımenin iştidâdı katında onları ĥâlî'l-ba'tn mülâķî kılasın; taĥdiyesi vaĥtinde ihmâl olunsu ve mi'ce mümteli'e iken zıkr olunan nevbet gelse ta'bî'at o ta'âmı ĥadma iştiĥâl etmekle marađı indâc ve def'den zühûl eder ve marađ müstahkem ve tavîlü'l-müddet olur ve bu 'özü ile taĥdiye zamân-ı inĥitâta ve dahi sonraya teĥîr olunur. Ve ĥummânın vaĥt-i inĥitâtı taĥaddide mu'tâdı olan vaĥte müşâdif olur ise o vaĥtte taĥaddi ziyâde ecved olur.

Ve ma'lûm ola ki taĥdiye ve tedbîrin envâı vardır: Biri cidden la'tîf ve biri cidden ĥalîz ve birisi beynehümâda mütevassıf olur ve onun dahi kimisi le'tâfete mâil ve kimisi keşâfete mâil olur. Tedbîr-i la'tîf-i bâliĥ re'sen ĥıdâyı terk olur ve cidden ĥalîz olan eşihhâ aĥdiyesini tenâvül olur. Ve merâtib-i vasa'ttan cânib-i le'tâfeti vely eden mertebe min-beyni'l-aĥdiye rummân 'uşâresini tenâvül ve cidden rakîķ olan cüllâb tenâvülü olur. Ve

onu vely eden mertebe-i vasat mâ-ı şa'ir-i rakîk ve ba'dehu mâ-ı şa'ir-i gâliz ve buķûl-i bâride vü raṭbeden sermak ve isfanâḥ ve bakla-i Yemâniyye ve o mişlliler olur ve ba'dehu ke-mâ hüve şa'irin keşki olur. Bu mezķûrlar merâtib-i vasatṭan leṭâfeti vely edenler olur.

Ammâ vasatṭan cidden gâlizî vely edenler dücüc ve eṭrâf ve ondan elṭaf kıbâc ve ferârîc ve ondan elṭaf ṭayâhîc ve semek ve ondan elṭaf ecniḥa-i ferârîc ve ecniḥa-i ṭayâhîc ve ḳalîl ve rakîk nîm-birişt ve cidden saġîr olan semek olur ve ondan elṭaf ke-mâ hüve şa'irin keşki ve ondan elṭaf ḥubz-ı semîdin mâ-ı bâridde ḥall-i rakîk ile maḥlûlü olur.

Ammâ gâlizâ olan ġidâ kavî olur ve keşk-i şa'ir ni'me'l-ġidâ olur ki o ġidâda mevcûd olan şühûnet ve ittişâl ḥâline melâset ve zelķ ve cilâ ve tertîb ve lîn keyfiyyetlerini ve ḥummâya müdâdde ve 'aṭaşı tesķîn ve sūr'at-i nüfûz ve ingîsâl keyfiyyetlerini tamâmen o ġidâ cem' eder ve onda kabḍ olmaz, binâen 'aleyh rûsûbu ve menâfize teşebbûsü olmaz her ne ḳadar menâfiz ḳayyîḳa olur ise dahi ona teşebbûs eylemez ve memerrine ve merîye onun lûşûķu olmaz ve ba'dı kerre balġamî mişllilere celâ olur. Ve keşk-i şa'irin ṭabḥında icâde olunsa elbette onda nefḥ olmaz. Keşk ve mâ-ı keşkten elṭaf tedbîre ḥâcet oldukta ḳudemâ o mâ-ı 'aseli saķy ederler idi ki onun suyu keşîr ola, zîrâ o mâ-ı 'aselde ġidâiyyet ḳalîl ve mânın nüfûzu ve tertîb ve cilâsı ve teftîḥi ve idrârî keşîr olur ve ḥarâreti dahi mâ-ı keşîr ile meksûredir. Ve mâ-ı 'asel-i mezķûr fî'l-cümle kuvveti dahi ziyâde eder. Ve mâ-ı 'aseli sikencebîn tâli olur, mâ-ı 'aselden sikencebîn aġlaṣ ve aġza ve taķṭî'i ve cilâsı aķvâ olur ve sikencebînden maḳarrat teshîn ve maḳarrat-ı aḥşâ 'aselde olduġu miķdâr olmaz, ammâ şimdiki zamânda 'asel-i ḳaşab ya'nî sūkker 'asel-i naḥlden efdaldır ḥuşuşan sūkkerin naķîsi ola her ne ḳadar sūkkerin cilâsı 'asel cilâsından eķall olur ise. Ve kezâlik sikencebîn sūkkeri dahi onun gibidir velâkin maḥmûma sikencebîn saķyı ḳaşr olunsa ba'dı kerre saḥcı îrâş eder ve saḥc [463a] emrâḳ-ı ḥârrede meḥûf olur. Ve biz mâ-ı şa'ir ve sikencebîn saķyı için kelâm-ı müfred kılarız. Ve tedbîri tetṭîf eylemeġi mādde-i maraḳ iķtîdâ ve îcâb eder ve onunla ṭabî'at-ı mād-deyi inḳâca ve taḥlîle ḳâdire olur.

Ve telṭîf-i tedbîre evlâ olan vaķt vaķt-i intihâdır, zîrâ o vaķtte ṭabî'atın mādde ile kıṭâle ve muḥârebeye iştiġâli müştetde olur ve o ḥâlde şey'-i

âhere ve ğalîz ğıdâyı hađma iştiğāl tabî'ata lâyıķ olmaz ve huşûşan buhrân katında aslâ lâyıķ olmaz. Ammâ kable vakti'l-intihâ her ne kadar muhârebetün-mâ vâķi' ise lâkin müstahkem değıldir.

Ve telţif-i tedbîri muķtedî olan nesnelerden olur faşd ve ıtlâķ-ı baţn ve hukne ve teskîn-i veca'a hâcet. Pes bu huşûşlara hâcet katında vâcib budur ki zıkr olunan hâceti kađâya iştiğāl oluna ve onlardan ferâğdan sonra ğıdâ isti'mâli vâcib oldukta ona iştiğāl oluna eger tenâvül-i ğıdâya mâni'-i âher yok ise ve tağlîz tedbîri muķtedî olan kuvvet olur. Ve tağlîz-i tedbîre evlâ olan vakt kuvvetin māddeye 'adem-i iştiğâli vakti olur ki o vakt 'illetin evâili zamânıdır. Ve vâcib olur ki tedbîr tağlîz olundukta o tenâvül edeceğı ğıdâ-i ğalîzi tefrîk eyleyip tağlîzin đararını tefrîk ile tedârük eyleye, zîrâ ğıdâ-i ğalîzi müferrikan tenâvül kuvvete hafîf olur.

Ve faşl-ı şayfta ğıdânın kemmiyyeti ziyâde olmağa hâcet olur o faşlda tahlîl ziyâde olmakla. Ve kezâlik o faşlda tefrîķ-ı ğıdâya dahi hâcet ziyâde olur, zîrâ ğıdâ-ı keşîr def'aten tenâvül olunsa kuvve-i hâđime onu hađma vefâ eylemez ve o faşlda bedenın taħallülü tefârîķ ile olmakla bedel mâ-ye-teħallel olan ğıdâ dahi tefârîķ ile olmak elyak olur. Ammâ şitâda emr 'aks üzere olur şitâda tahlîl kalîl olmakla, bedel-i keşîre hâcet olmaz ve hâcet miķdâr-ı bedel ona i'tâ olundukta def'aten i'tâ olunmakta đarar olmaz, zîrâ miķdâr-ı ğıdâ kalîl olmakla onu hađma kuvvet vefâ eder ve tefrîķ-i ğıdâ iķtidâ eylemez ve def'aten hađm eder. Ve faşl-ı harîf zamân-ı redîdir, ona binâen kuvveti hıfz ve māddeyi kahr arasında telaţţuf oluna ve o faşlda dahi kalîlen kalîlen ğıdâyı tefrîk evlâ olur ve'l-hâşıl kuvvetin đaf'ı vaktinde [tefrîķ-i] ğıdâ evlâ olur.

Ve ma'ûm ola ki kuvvet tağlîzi tekâđâ eylemese vâcib bu olur idi ki eblağ-ı telţif ile ğıdâ telţif oluna velâkin o telţif ile kuvvet đaf'fe olur ve telţifi ihtimâl eylemez. Ve hâver ve đaf katında marađa 'ilâcın menfa'ati olmaz. Ve senin bildiğın gibi marađa 'ilâc eden kuvvettir, tabîb değıldir belki tabîb âlâtı kuvvete işâlin hâdimidir. Ve bunu kađan sen taşavvur eyledin ise vâcib olur ki 'illete nazar oluna, eger 'illet cidden hâdde ise ya'nî o 'illetin muntehâsı karîb ise ve sen kuvvetin vakt-i ibtidâdan intihâya varıncaya kadar 'adem-i đaf u hâverini dahi hâds eder isen kuvveti māddeye tasliť edip ğıdâ-ı ğalîz ile kuvveti meşğûl eyleme vele v bi-terki't-ı ta'âm aşlen ted-

bîri telîf eyle ve huşûşan yevm-i buhrânda telîf-i bâliğa ikdâm eyle. Ve eger bilirsın [ki] marađ-ı hâdd muṭlaqtır ve cidden hâdd değıldir, vâcib olur ki marîdin ğıdâsı telîf-i vasaṭ ile telîf olunup telîfte mübâlağa olunmaya lâkin müntehâ katında ve hâşşaten yevm-i buhrânda telîf-i hâdd muṭlaq maraḍda dahi ğāyet-i iblāğ olunur. Ve hâdd-ı muṭlaqtan sebeb-i 'azîm hasebiyle olanlarda müntehâdan muḳaddem dahi telîfte mübâlağa olunmak lâ-yık olur ve eger maraḍ müzmin veyâhûd müzmine qarîb idiğı ma'ḷûm olur ise tedbîr-i telîf olunmaz, zîrâ maraḍ-ı müzminde telîf olursa müntehâya varınca kadar kuvvet-i selîm olmaz velâkin ma'a-zâlik sana lâzım olur ki cemî'-i aşnâfta evvel-i tedbîrin ağılaz ve müntehâya müvâfî ve muvâşıl olan âḫîr-i tedbîrin elṭaf ola ve beynehümâda tederrüc oluna hattâ kuvvet mün-tehâya qarîb olunca kadar maḥfûza ola. Ve kaçan maraḍ müntehâya bâliğ oldukta tedbîri telîf edip kuvvet māddeye irsâl olunur ve tedbîr-i ğalîz ile kuvveti haḍma meşğûl eylemekten ictinâb olunur. Ve kuvvetin kavîyye idiğı ma'ḷûm olsa ba'ḍı kerre cüllâba ve cüllâb mişlliye velev üsbü'an kaşr olunmağı hâl iktidâ eder huşûşan hummayât-ı evrâmda o iktidâ ziyâde vâ-cib olur. Ve eger cüllâba kaşrdan ḍaḥf ḥavf olunur ise mâ-ı şa'ire iktişâr olu-nur. Ve kaçan hâl sana müştebih olup muḳtedâ-ı maraḍ telîf ve tağlîzden hangisi idiğı fark olunmasa telîfe meyl ziyâdeye meylden evlâ olur velâkin kuvvete ve ve ihtimâle mürâ'ât olunup ḥasebe't-ṭâka telîf olunur.

Ve ba'ḍılar zu'm eylediler ki emrâḍ-ı hâddede tağdiye ve takviye evlâ olur ve kaçan kuvvete o ğıdânın şüflü ve ḥamli olur ise istifrâğ olunur, zîrâ istifrâğda zamân-ı nuḍca intizârın ma'nâsı yoktur, istifrâğ senin ye-dindedir, murâd eylediğın vâkte istifrâğ edersen ṭabî'at gerek ise istifrâğ eylesin ve gerek ise istifrâğ eylemesin. Ve o ba'ḍın bu zu'mu ḥaṭâ olduğunu biz sana bildirip ta'rîf eyledik. Belî tağdiyeyi terk ile kuvvetin suḳûṭundan kaçan sen ḥavf eylesen o zamân tağdiye evlâ olur ve ebdândan ba'ḍı beden mirârî olmakla onun tedbîri bizim zıkr eylediğimiz tedbîre muḫâlif olur ve huşûşan o beden şâhibinin keşîrû'l-mıḳdâr ağıdiye tenâvülüne i'tiyâdı ola, o mişlli kimse tağdiyeyi velev fî-ibtidâi'l-ḥummâ terk eylese belki ḥummâ-nın aş'ab-ı evḳâtı olan zamân-ı intihâda terk eylese onun hâli iki emrin bi-rinden hâli olmaz, zîrâ onların kuvâları ḍa'ife ise onlara ğaşy gelip qarîben helâk olurlar ve eger kuvâları kavîyye ise zübülde vâkı' olurlar ve onlarda

dikkat-i enf ve gu'ûr-ı 'ayn ve laṭ-ı şud' mislli 'alāmât-ı zübûl zâhire olur. Ve ba'dı kerre dahi akvîyâya o hâlât zuhûrundan muḳaddem ğaşy 'arîd olur mi'delerine mirâr-ı lâzî' munşabb olmakla. Ve ba'dı nâsın dahi laḥmı vefret ve keşret üzere olur lâkin ondan ğıdâ munḳaṭı' olsa ona ḍa'f ve hüzâl 'arîd olur, men'-i ğıdâyı ihtimâl eylemez. Ve ḥarâret-i ğarîziyyesi cidden kavîyye veyâḥûd cidden ḍa'ife olan kimsenin küllîsi terk-i ğıdâ üzere şabrı olmaz ve onların ba'dılarına terk-i ğıdâyâ 'adem-i şabrı ḥasebiyle terk-i ğıdâdan mi'desinde veca' ve elem olur ve ona şudâ' dahi bi'l-müşâreke 'arîd olur ve onların o hâlleri cû'a 'adem-i müşâbere kabîlinden olur. Ve onlar ba'dı kerre mâ-ı şa'ir ile kanâ'at ve iktifâ ederler ve ba'dı kerre mâ-ı şa'ire rummân 'uşâresi veyâḥûd onun emşâlini ḥalṭa muḥtâc olurlar fem-i mi'deyi takvîye eylesin için. Ve ba'dı kerre onları sen rıfḳ ile ḳable't-ṭa'am takvîye muḥtâc olursun. Ve bedeni mirârî olanlardan çok kimseler ḍa'if olup ğaşy mertebesine ḳarîb olurlar ve ona sebep ḍa'fın şiddeti olmaz belki onun sebebi fem-i mi'deye mirârın inşibâbı olur. Ve kaçan onlara sikencebîn ve mâ-ı ḥârr ile memzûcen keşîren saḳy olunsa ve şarâb mâ-ı keşîr ile memzûcen saḳy olunsa aḥlâṭı şafrâviyye ḳazf eder ve onun kuvvet-i ḳâzîfesi kavîyye ve müstevî olur ve kaçan ona rubûb ve kavâbıd saḳy olunsa ḳazfî sâkin olur.

Meşâyıḥ ve şıbyân ve ḍu'afâ cû'a müşâberesi olmayan kabîlinden olur. Ve kühûlun cû'a müşâberesi şedîde olur ve şübbân müşâberede kühûlü vely eder ve ḥuşuşan bedeni mütelezziz ve ğayr-i müteḥalḥil olup 'urûḳu vâsî' olanların havâ-i bâridde müşâberesi kühûle ziyâde ḳarîb olur. Ve çok kerre eṭibbâ bu mislli merḍâlarda vech-i âḥirden ḥaṭâ ederler, zîrâ onlar evvel-i emrde ğıdâyı onlardan men' ederler. Ve kaçan maraḍ müntehâya ḳarîb olup kuvvetin suḳûṭunu bilseler o vâḳtte ḍarûreten 'alîlî taġdiye ederler ve o o taġdiyelerde iki [463b] cihetten ḥaṭâları olur: Ve eger onlar ibtidâda taġdiye eyleseler ve onların o taġdiyeleri ḥaṭâ olmuş olsa onların ḥaṭâ ve ğalaṭı o iki vechle olan ḥaṭâdan eḳall ve ednâ olur ya'ni cû'a müşâberesi olmayanları müşâbere olmak zu'muyla ibtidâ-i maraḍda taġdiye eylemeyip müntehâda taġdiye eyleseler ḥaṭâ iki vechten olur, biri ibtidâda terk-i taġdiye ve âḥeri intihâda taġdiye olur. Ve kaçan 'aks üzere müşâberesi olanları müşâberesi olmamak zu'muyla ibtidâda taġdiye eylese ve intihâda terk-i taġdiye eylese

onun haţâsı ancak zamân-ı ibtidâda tağdiyede olmakla haţâ vech-i vâhid-den olup eĥaff ve ednâ olur, binâen 'aleyh müşâberede ve 'adem-i müşâberede işkâl olunsa zamân-ı ibtidâda tağdiye terk-i tağdiyeden evlâ olur. Ve o merdâlara nezelât-ı ficce ve mirâriyye ve seher 'arıđ olur 'adem-i nuđcun kâlak ve ıdţırâbı hasebiyle ve onlar teĥalkul ve temelmül ederler ve münhedim olup suķût ederler ve kuvâlarını mevâdd dađt eder ve buĥârâtı keşîre olur ve vukû'u olmayan şavt istimâc ederler ve firâştâ münkalib olup vücûdu olmayan nesneler taĥayyül ederler ve fem-i mi'delerinde veca' olmakla mürteiş olup süflânî şaĥķalarında ihtilâc 'arıđ olur ve mi'delerinde şıķal olmakla nüfûslarında ĥazn olur.

Sikencebîn ve Mâ-ı Şa'ır Saķyında Olan Ķânûn Beyânındadır

Mâ-ı şa'ırın kimisinde cirm-i şa'ırdan bir şey olmaz velâkin o mâdde ancak şa'ırın kuvveti ve şüreti bulunur ve o vechle olan mâ-ı şa'ırdan nef' recâ olunmak ve 'ilâcdâ medĥal olmak ancak taĥbı müstevfî oldukta olur.

Ve o mâ-ı şa'ırın ecvedi odur ki onun suyu yirmi üskürrüce ve şa'ırın üskürrüce-i vâhide ola ve taĥbı selâs-ı aĥmâsı zâil olur iki ĥumusu bâķî kalınca kadar ola. Ve o mâ-ı şa'ırdan aĥmer-i rakîķ aĥz olunur ya'nî şa'ır su ile taĥb olundukta onun suyu evvelâ zürķate mâil olur ve iki ĥumusu kalınca kadar taĥb olundukta onun suyunun levni ĥumrete dârib olur, o vâĥtte mâ-ı aĥmerin üzerinde olan rakîķi aĥz olunur, ģalîzi ve siflde olan ĥâşiri terk olunur, o meĥûza mâ-ı şa'ır-i rakîķ derler, onda ģidâiyyet eķall ve tertîbi ve ģasli ve fuđülü iĥrâcı ve mevâddı indâcı keşîr olur ve tebrîdi mu'tedil olur.

Ve mâ-ı şa'ırın bir şıfı dahi vardır ki onda şa'ırın cirmi ve daķıķı olur ve bu şıfta bana eĥabb olan budur ki onun taĥbı keşîr olmaya belki onun taĥbı nefĥini selb ve izâle edecek miķdâr olup şedîden lüzüccet iĥdâş eylemek mertebesine iblâĝ olunmaya. Ve mâ-ı şa'ırın bu şıfında ģidâiyyet ekşer ve ģasl ve indâc eķall olur.

Ve keşîren mâ-ı şa'ire bi-cevherihâ bāride olan mi'dede taĥammuđ 'arıđ olur her ne kadar o mi'dede sū-i mizâc olup ĥarâret-i ģarîbe-i keşîre istilâ eylemiş ise dahi, mizâc-ı aşlîsi bārid olmakla onda mâ-ı şa'ır ekşir ve taĥammuđ eder. Ve mâ-ı şa'ır ba'đı kerre bi-ķışrihi ve ba'đı kerre dahi bilâ-ķışr taĥb olunur.

Ve benim katımda sikencebînin ecvedî budur ki onun tabhında evvelâ sükkar kıdr içinde tesviye kılınır ve ba'dehu hall-i hamr ve hall-i şikkîf mütün-ı sükkere 'âlî olmayıp ba'dı maḥallî mestûr ve ba'dı âḥer maḥallî mekşûf olacak kadar üzerine şabb olunur ve o kıdrın tahtına cemr-i hādî ve remād-ı ḥār vād olunur hattâ hall içinde olan sükkar min-ḡayri ḡaleyânin zevebân edince kadar terk olunur ve ba'dehu rıḡvesi aḥz ve iltikâf olunup sükkar hall ile imtizâc ve ihtilâf edince kadar ve bir sâ'at bilâ-teksîri'l-ḥarâret terk olunur ve ba'dehu üzerine iki işba' kadar 'âlî olunca kadar su şabb olunur ve kıvâm ḥâşıl olunca kadar kaynatılır.

Ve sikencebîn ile mâ-ı şa'iri cem' mükerrib olur ve mâ-ı şa'iri ekser-i hâlde o cem' ifsâd eder.

Ve vâcibdir ki mâ-i şa'ir yûbs tabî'at üzere saḡy olunmaya belki o yâbi-sü't-tabî'a olanlarda evvelâ murattıb ḥuḡne isti'mâl olunup ba'dehu mâ-ı şa'ir saḡy oluna ve eger mi'dede mâ-ı şa'ir taḥammuḡ eder ise mâ-ı şa'irin eraḡḡı saḡy olunur ve eger eraḡḡ dahi taḥammuḡ eder ise o mâ-ı şa'ir aşl-ı kerefs ile o mişlliler ile ma'an tabh olunur ve o dahi taḥammuḡ eder ise ona fülfulden bir şey' ḥalt ve mezc olunmaḡa ḥâcet olur ḥuşuşan mâddede rikḡat ve ḥarâret-i şedîde olmaz ise fülful ḥaltına ḥâcet ekser olur ve onun ḡâilesi eḡall olur.

Ve mâ-ı şa'irin nefḡi keşîr olur ise maḡrûrîne saḡy olunan mâ-ı şa'ire hall-i hamrdan miḡdâr-ı kalîl mezc olunur velâkin bükreten sikencebîn saḡy olunsu ve aḡlâf onunla teḡaḡtu' edip fuḡûl indifâ'a müteheyyi' ve müsta'idd olsa iki sâ'at sonra evvelâ mezkûr olan mâ-ı keşḡ-i raḡîḡ saḡy ona itbâ' olunur sikencebînin kaḡ' eylediḡini ḡasl ve cilâ ve 'arak ve idrâr ile iḡrâc eylesin için. Ve 'alîle ḡaşy gelip ḡıdâ mi'deden müfâraḡat eylemiş olsa sikencebîn saḡyından ona ḡayr⁴⁷ olmaz. Ve ba'dı kerre tertîb ziyâde olsun için mâ-ı şa'ir saḡyından muḡaddem cüllâb saḡy olunur. Ve cüllâb saḡyının taḡdîmine o zamân ḥâcet olur ki bedende ve lisânda yûbs-i ḡâlib rü'yet oluna ve ikisindin dahi iki sâ'at muḡaddem temr-i Hindîden bir şey' saḡy olunmaḡa ba'dı kerre ḥâcet olur.

47 “ḡayr” ḡarar ma'nâsına lügattir.

Hummayât-ı Hâdde Mu'âlecâtı Beyânındadır

Ammâ bundan akdem telyîn ve idrâr ve indâc ve ba'dehu istifrâğ bi'd-devâ³ hakkında ve kezâlik o ahvâlde tağdiye hakkında zıkr olunan maķâlâtı bu maķâmda tezekkür eylemek vâcib olur:

Ammâ şiddet-i harâreti tatfî'enin vücûhu budur ki o harâreti tebrîd-i havâ ve tedbîr-i ğidâ ve atlıye ve dîmâdât ile tatfî'e eder ve lu'âb-ı bezr-i kaṭûnâ ve lu'âb-ı habbu's-sefercel ve baḳlatu'l-ḥamḳâ ve rubbu's-sûs ve bu mişlli edviyeyi ağızında imsâk ile dahi harâreti tatfî'e ve 'aṭaşı teskîn eder, zîrâ maraḍ-ı ḥâdd şâhibinin boğazına te'âhûd edip raṭb kılmak ve raṭben ibḳâ eylemek o ḥâdd maraḍ mu'âlecesinde mühimmât-ı nâfi'adan olur.

Ve onlar ba'dı kerre o huḳneden nef'-i 'azîm ile intifâc ederler ki onun terkîbi budur: Bitṭîḥ-i Hindî 'uşâresi, kıssâ, ḳar', baḳlatu'l-ḥamḳâ, dühn-i verd ve kâfûrdan bir şey³.

Ve vâcib olur ki havâ mehmâ-emken müberrid ola ve müberrid değıl ise tebrîd oluna zihâmı men' ile ve mirvâḥ-i keşîr ta'fîki ile ve cemed-i keşîr-i mendûd⁴⁸ ile.

Ve eger maḥmûmun meskeni ṭîn-i ḥurr ile ve ḥuşuşan saman yerine ḳuṭn-ı berdî ḥalt olunan ṭîn-i ḥurr ile ḳarîbü'l-'ahdde taṭyîn olunan beyt kılınır ise ecved olur. Ve eger o beytte fevvârât ve reşâşât vaḍ' ve naşb olunup onda mâ-ı 'azb seyelân eylese ve onun maḍca'ı birke ve ḥavḍ üzere olup o ḥavḍın üzeri şebekeler ile setr olunup üzerinde uyuduğı Ṭaberîden ve Ṭaberî mişlli-den kılınır ise ziyâde evfaḳ olur. Ve sâir fûrşü eṭrâf-ı ḥilâf ve sefercelden ve reyḥândan kılınup üzerine mâ-ı verd reşş olunur ve tuffâḥ ve nîlüfer ve be-nefşec dahi ferş olunur ve eṭrâfına ṭabaklarla ṭayyibetü'r-rîḥ olan fevâkih-i bâride vü naḍice filḳleri ve parçaları vaḍ' olunur, tuffâḥ, sefercel, kümmeşrâ envâ'ı gibi ki onların râyiḥa-i ṭayyibesi ola ve üzerine mâ-ı verd merşûş ola ve nîlüfer ve ḥilâf dahi olup üzerlerine şandal ve kâfûr mezzûr ola ve şarâb-ı 'aṭırdan dahi bir şey³-i yesîr taḳtîr oluna. Pes onun bu minvâl üzere olan sük-nâsının nef'i ğâyete bâliğ olur, bu mezzûrlar havâ tedbîri idi.

Ammâ onların tedbîr-i ğidâları senin bildiğın üzeredir ki onda isti'mâl olunan ğidâdan tebrîd ile telyîn dahi ḳaşḍ olunur ise onda mâ-ı ḳar' ve bitṭîḥ-i Hindî suyu ve ḥaşşaten hindebâ suyu ve mâ-ı kıssâ ve ḳaşed ve ḥass

48 “Cemed-i keşîr-i mendûd” birbiri üzere vaḍ' olunmuş buz yığını.

ma'a'l-hall isti'mâlinin menfa'ati gâyetе bâliğ olur. [464a] Ve onların 'aşaş-larını teskîne şâlih olur o fuḳḳā' ki ḥubz-ı semîdin ba'de-taşfiyetin şedîdetin muşaffâsıyla düğdan müttehaz olan mâ-ı cübnden ittiḥâz oluna. Ve eger ṭabî'atı mücîbe olup ma'a't-tebrîd ḥabs-i ṭabî'at kaçd olunur ise rummân-ı müzz 'uşâresi ve rummân-ı ḥamîd 'uşâresi ve mâ-ı hışrım ve mâ-ı tüşu's-Şâmî ve gayr-i memlûḥ olan ḥummâd leymûn suyu ve mâ-ı ḥummâd-ı ütrücc ve mâ-ı enberbâris saḳy olunur.

Ammâ atlıye ve ḍimâdât-ı 'uşârât-ı ma'lûmeden kılınır ve ḥuşûşan mâ-ı verdden veyâḥûd 'uşâre-i verd-i ṭarî ile şandal ve kâfûrdan kılınır. Ve mâ-ı küzbere ve mâ-ı hindebânın zıkr olunan mâ ve 'uşâreler ile tebrîd-i keşîri olur ve bezr-i ḳaṭûnâ lu'âbı ḥall ile ve mâ-ı verd ile o ḳabîlden olur.

Ve kebedi müberridâtla tenṭîl eşyâ-ı nâfi'anın a'zamı olur, zîrâ kaçan ki kebid mu'tedil olsa ondan ḥummâya şalâḥ-ı 'azîm ḥâşıl olur ve ba'dı kerre onunla bevl dahi şâlih olur.

Ve o ḥummâda su'âl ve nezle veyâḥûd re'sinde şıḳal ve temeddüd var ise buḥârâtın keşretine delâlet eder ve vâcib olur ki re'sine mâ şabb eylemeye ve ḥall dahi şabb eylemeye belki bi-ḥasebi iḳtiḍâi'l-ḥâl buḥâr-ı miyâha ikbâb eyleye. Eger ḥummâda nezle ve sâir zıkr olunanlardan biri yok ise neṭûlât ve atlıyeden murâd eylediğini isti'mâl eyle. Ve re'sin imtilâsı ḥâlinde isti'mâlî ziyâde muḍırr olan neṭûl baş üzere lebeni ḥalb olur, zîrâ ba'dı kerre re'se leben ḥalb etmek verem ihdâş edip 'alîli ihlâk eder.

Ve re's mümteli'e iken onu tenṭîlin eslem-i evḳâtı buḥârın mirârı olup raṭb olmadığı vâḳt olur belki re'ste buḥâr-ı mirârî oldukta o re'se tenṭîlin nef'i olur, ḍararı olmaz ve re'ste buḥâr-ı mirârî olduğu veyâḥûd olmadığı ḥâl-i nevmden ve seherden ve ḥayşûmun rutûbet ve yûbsünden ma'lûm olur. Ve kaçan sen 'alilde nevm ve sübât ve ruṭûbet-i ḥayşûm rû'yet eylesen temrîḥ ve tenṭîl eylemekten ḥazer eyle ve mâddeyi esfele cezb için sa'y ve ictihâd eyle. Ve eger 'alîlin yüzünde ve burnunda ḥumret-i şedîde rû'yet eder isen burnundan dem isâle eylemekte be's olmaz ve onun kebedi admi-de ile tebrîd olunur. Ve kaçan tebrîd eyledikte vâcib olur ki tebrîdini ta'rîḳ ve taḥallülü vâḳtine müşâdif kılmayasın ve bu vâḳte mürâ'at olunmak vâcib olur, zîā o vâḳt tebrîdin müşâdefesi ṭûl-i 'illete sebep olur ve ma'a-hâzâ ba'dı kerre ṭûl-i illet illetin ḥiddetinden eslem olur.

Ve hummayât-ı hâddede vâcib olur ki sahcda vukûc'dan hâzer oluna, zîrâ sahc da'f-ı kuvveti ziyâde eder ve sahc sebebiyle fuđülü em'âya şâire ve em'âdan mündefi'a kılmaktan tabîat müşme'izze ve münkabıda olur meger ki fuđülde keşret ve galebe ola ve o sebebden ba'dı kerre fuđül e'âlîye rücûc edip şerâsîfî ilâm ve nefh eder ve re'si dahi ilâm eder. Ve ba'dı kerre şarâb-ı haşhâş için mādde-i rakîki tahşîr ve indâcda ve tenvîmde mevki'-i 'acîb vardır.

Hummayât-ı Hâddede Olan A'râd-ı Şa'be Zikr Olunur

Biz evvelâ hummayâtta olan a'râdı ve ba'dehu mu'âlecâtını zikr eyleriz ve ba'dehu hummayât-ı hâddeyi tafşîle şürûc eyleriz:

Ve o a'râd nâfiđ ve berd ve kuşa'rîret mişlîlerdir ve kezâlik 'arağ-ı keşîr ve ru'âf-ı müfriť ve kay'-ı 'anîf ve ishâl-i muđ'if ve tākāt getirilmeyecek kadar 'aťaş-ı müfriť ve sübât-ı keşîr ve erağ-ı lâzım ve huşûnet-i lisân ve kuḥûlet-i fem ve 'utâs-ı mülihḥ ve şudâc-ı şa'b ve su'âl-i mütevâtir ve sukûť-ı şehvet ve bûlîmûs ve şehvet-i kelbiyye ve şehvet-i rediyye ve fuvâk mişlîlerdir.

Nâfiđ ve Kuşa'rîret ve Berdden İfrât Üzere Olanların Tedâbîridir

Bu mezkûrların 'arağa tâbîc olanları serî'an sâlih olur, onlar için tedbîre hâcet olmaz ve buhrânî olanları dahi müdâfa'a için mu'ârađaya hâcet olmaz ve da'f hasebiyle olanlara dahi mu'ârađa olmaz. Ve o esbâbın gayrilerinden 'arîđ olanları ba'dı kerre teskîn eder eťrâfı rabť ve rıfķla delk ve dişârını teshîn ve eger hâcet olursa dühn-i şibt ve dühn-i bâbü nec ile temrîḥ eylemek. Ammâ kavî olanlarda o ahvâl ve a'râd dâim olsa o a'râd gerek hummayâtta ve gerek gayride olsun her hâlde vâcib olur ki eťrâf mevâđi'-i keşîreden rabť oluna ve dühn-i bâbü nec ve dühn-i aşl-ı süsen ile temrîḥ olunur. Ve ba'dı nâs 'ākîle⁴⁹ ve cünd-i bîdester ve şîḥ ve fütenec ve bûrak ve fülful ve 'ākırķarḥâ ile temrîḥe kavî ve müteḥammil olur ve ba'dı kerre kuvveti onu dahi tecâvüz edip leťḥāt-ı ḥardal ve ḥıltî isti'mâline dahi kavî

49 ["Ve ba'dı nâs 'ākîle" başka Arapça nüshalar dikkate alındığında "Ve ba'dı nâs kākûle" şeklinde olmalıydı!]

olur. Ve baʿdı kerre o edviye suda ʿabhl olunup ve o maṭbūhta dühn ʿabhl olunur ve mā-ı circîr yalnız veyāhūd içinde dühn ʿabhl olunan mā-ı circîr ve kezālik ḥabak ʿabhl ve ḥabak suyu bu bābda ʿaviyyü'l-fi'l olur.

Şıfat-ı Dühn-i Ceyyid: Şibt-i yābis, mürr, sezāb, fūtenec, fülful, ʿākırkarḥā işbu edviyeler aḥz olunup şarāb içinde ʿabhl-ı nāʿim ile ʿabhl ve ʿaṣfiye olunduktan sonra muşaffāsında dühn kılınıp su zāil ve dühn bākī olunca kadar ʿabhl olunur ve merūḥan istiʿmāl olunur.

Ve nāfiḍ-i ribʿde müstaʿmel olan edhān-ı ʿaviyyeden olur: Dühn-i kuşt ve dühn-i şih ve dühn-i ʿaysūm ve dühn-i süsen ve dühn-i mürr ve bir ūkıyye dühne üç dirhem fülful ve bir dānık ʿākırkarḥā meshūḳan ḥalt olunur ve dühn içinde maṭbūh olan efsentīn veyāhūd kerefs ile ʿabhl olunan zeyt dahi istiʿmāl olunur ve zeyt-i ḥārre içinde ʿalīl duḥūl eylemek cidden nāfiʿ olur.

Ve baʿdı kerre meşrūbāt istiʿmālne ḥācet olur. Ve çok kerre ḥarāreti beyyine ve zāhire olan mā-ı ḥārri şürb edip buḥār üzere ikbāb eylemek o aʿrādı teskīn eder. Ve eger o mezkūrlar teskīn eylemeyip mādde aḡlaḡ olur ise su içinde enīsūn ve fūtenec ve bezr-i kerefs ve maştakī ve circîr ve şibt ve o mişlli edviyeler ʿabhl olunup istiʿmāl olunur. Ve şih ve ʿaysūm ve fūzenec ve şibt ve idḥir ve sezāb ve merzencūş ve kuşt ve büzür-i ḥārre işbu edviye ʿabhl olunan suyun buḥārı istiʿmāl olunur. Ve idrārı ʿaviyye olan bi'l-cümle edviye nāfiḍi teskīn eder.

Ve ribʿde ve ribʿ mişllide olan nāfiḍ-i ʿazīmi müsekkine olan edviyeden olur bir mişkāl kuşt mā-ı ḥārre ile şürb eylemek ve kezālik bir mişkāl ḡarīḳūn mā-ı ḥārre ile şürb eylemek. Ve ḡarīḳūn için menāfiʿ vardır ve baʿdı kerre onunla afyūn ḥalt olunduktan tenvīm ve taʿrīḳ eder ve nāfiḍin şiddetini menʿ eder ve ḡayri fevāidi dahi olur. Ve kezālik iresādan bir mişkāl miḳdārı mā-ı ḥārre ile saḡy olunur ve bir mişkāl ūbhūl dahi mā-ı ḥārre ile saḡy olunur ve fuṭrāsāliyūndan dahi bir mişkāl mā-ı ḥārre ile saḡy olunur. Ve bu bābda nāfiʿ olan mürekkebāt tiryāḳu'l-erbaʿa ve tiryāḳ-ı ʿazre ve kemmūnī ve fūtenecī ve felāfilī ve içinde sezāb ve ḥiltīt ve ʿākırkarḥā ve fülful kaynatılan şarāb olur.

Ḥabb-ı Mücerreb: Bu ḥabb nāfiḍin aḡzinden bir sāt muḳaddem ʿalīl merḳadi üzere müstevī iken ʿalīle saḡy olunur ve havāsı nār ve dişār ile teşhīn olunur ve bu vechle o ḥabb istiʿmāl olunduktan nāfiḍi taʿdīl veyāhūd menʿ eder ve onun terkībi budur: Meyʿa, mürr, afyūn, cāvşir, fülful her

birinden birer cüz³ aḥz olunup semn ile ma'cûn kılınır ve şerbet-i vâhidesi bâkılâ kadar olur. Ve kezâlik cāvşîr, cünd-i bîdester, dūkū, ḥiltî, 'ākırḳarḫā, afyûn veznleri berâber aḥz olunup nüsha-i ülâ gibi 'amel olunur.

Nüşa-i Ceyyide: Cāvşîr, sekbîne, encudân, kemmûn-i Kirmânî, bezr-i kerefs, fülful her birinden birer buçuk mişkâl, bezr-i benc, za'ferân, zerâvend, cünd-i bîdester, ferfiyûn, mürr, nânḫāh, zencebîl her birinden ikişer dānık, bezr-i ḥarmel, 'ākırḳarḫā her birinden birer mişkâl. Bu edviyeler aḥz olunup 'asel ile ma'cûn kılınır, şerbet-i vâhidesi bunduğa mîkdâridir; cid-den ḥârr olan mâ ile saḳy olunur.

Ve ba'dı kerre [464b] şarâb-ı müsahḫin şürbüne ve edviye ve ağdiye-i müsahḫine isti'mâline dahi ḥâcet olur. Ve ba'dı kerre dahi ishâle ḥâcet olup eyâric ve sefercelî ve temrî ile ishâl olunur belki nâfid müt'ib olup ḥuşûşan bilâ-ḥummâ olur ise ona ḥabb-ı müntin saḳy olunup ondan şifâ ḥâşıl olur.

Ḥummâda 'Arid Olan 'Araḳ-ı Müfriṭ Tedbîridir

'Araḳ-ı müfriṭin buḫrânî olanlarını ḥasbe mâ-emken ḥabs ve men' eylemek lâyık olmaz, ammâ 'araḳ ḥaddi tecâvüz edip ḥabsine ḍarûret dâ'iye olsa vâcib olur ki onun mevdi'i tervîḥ ve tebrîd oluna ve ondan ḡnâ ḥâşıl olmazsa mevdi'-i bâridde tercîḥ oluna ya'nî 'alîl salıncağa vaḍ olunup taḫrîk oluna. Ve zuhûr eden 'araḳ merreten ba'de-uḫrâ neşf olunmaz, zîrâ tekerrür-i neşf teksîr-i 'araḳa sebeb olur ve ba'dı kerre dahi o neşf ḡaşye sebeb olur, zîrâ 'araḳı mesh ziyâde der ve keşret-i 'araḳ ile ḡaşy 'arîd olur ve terk-i mesh 'araḳı ḥabs eder.

Ve vâcib olur ki beden dühn-i verd-i ḳavî ile temrîḥ oluna ve kezâlik dühn-i âs ve dühn-i ḫilâf ve dühn-i cülleân ile dahi temrîḥ oluna veyâḫûd o miyâhtan dühn ittiḫâz olunur ki onda sefercel-i 'afîş ve tuffâḥ ve 'afş ve verd ve cülleân ṭabḥ oluna ve ṭaşfiye olunup o mâ-ı muşaffâda dühn ṭabḥ oluna, ṭabîḫin ma'lûmu olduḡ üzere ya'nî su zâil ve dühn bâḳî kalınca kadar ṭabḥ oluna ve ba'dı kerre üzerine ḥabbu'l-âs-ı medḳûḳ ve cülleân ve kehrübâr meshûḳan ke'l-hebâ zerr olunur ve o dühn ḥabs-i 'araḳ eder. Ve ba'dı kerre dahi mâ ile memzûc ḥall ve ḫışrım uşâresi ve cülleân ṭabîḫî ve ṭabîḫ-i 'afş ve ṭabîḫ-i âs ḥabs eder ve 'uşâretü'l-ḫilâfın o bâbda fi'li 'acîbdır ve ḫayyü'l-'âlem suyu dahi ḥâbistir.

Ve emr-i ʿarâk kaçan müştedd olsa elʿibe-i bâride ile ve şamğla tılâ olunur ve huşuşan o mişllilerde şandal ve kâfûr dahi kılınsa ve huşuşan o iki devânın kendiye şandal katılıp tervîh dahi olunsâ⁵⁰ habsi ziyâde olur. Ve kaçan emr müştedd olsa vâcib olur ki etrâfına selc vađ oluna veyâhûd etrâfı selce idhâl oluna veyâhûd müşâbere eder ise mâ-ı bârid ile istiḥmâm yaʿnî iğtisâl eyleye.

Ḥummâda ʿÂrıđ Olan Ruʿâf-ı Müfriṭin Tedbîridir

Vâcib olur ki ruʿâftan buḥrânî olanlar mümkün oldukça ref olunmaya. Ve ḥummayâtta def-i ruʿâf vâcib oldukta etrâf rabṭ olunur ve iki munḥurların hangisinden ruʿâf ḥurûc ederse o munḥuru vely eden cânibe miḥceme vađ olunur ve baʿdehu o mevđi tebrîd olunur ve tebrîd edip dem-i ruʿâfı ḥabs mümkün oldukça miḥceme vađ olunmaz ve burnuna bâbu'r-ruʿâfta mezkûre olan kaṭürât takṭîr olunur ve eger mâni yok ise başı bâbu'r-ruʿâfta mezkûr olan müberridât-i re'sle tebrîd olunur.

Ve baʿdı kerre aşḥâb-ı rib'e ruʿâf işâbet eder ve o ruʿâfa mür'ifât-ı ma'îlûme ile iʿânet olunmağa ḥâcet olur, zîrâ ruʿâftan rib'e şifâ ḥâşıldır. Ve eger ruʿâfın ifrâṭından ḥavf olunur ise bizim qarîben zıkr eylediklerimiz ile kaç olunur.

Ḥummayâtta İfrâṭ Üzere ʿÂrıđ Olan Kayın Tedbîridir

Buḥrânî olan kay dahi kaç olunmaz illâ darüret ḥasebiyle kaç olunur ve ekşer-i evḳâtta onlardan kay ve ḡaşeyânları yine kay ile ve ḥılt-ı müzîyi istiḥrâc eden mâ-ı ḥârr ve sikencebîn mişlliler meʿûnetleri ile kaç olunur ve baʿdı kerre takviyeye ḥâcet olup sikencebîn-i sâzec bedeline sikencebîn-i büzüri ile takviye olunur. Ve eger o ḥılt-ı müzî müteşerrib ve ḡalîz ise şabır ve eyâric mişlli ile ishâl olunmağa şâlih olur. Ve eger müteşerrib değil ise baʿdı kerre eyâric-i şabır ona nef verir. Ve eger müteşerrib olup ḡalîz olmaz ise sikencebîn ile mâ-ı ḥârr onu tenkıye eder ve baʿdehu mâ-ı rummâneyn sakı olup taʿdîl olunur ve onu dahi kay ederse merreten uḥrâ sakı olunur miʿde muʿtedile olup kay sâkin olunca kadar ve ḥabb-ı rummân ile şarâb-ı naʿnâ dahi onun gibidir.

50 Yaʿnî mirvaḥa istiʿmâl olunsâ.

Ve ba'ḍı kerre mi'ḍeyi tebrîd dahi ḳay'ı teskîn eder ve ona eşyâ-ı 'afîşa takrîb olunmak lâıyık olmaz ve 'ufûsatı ve ḥumûdatı ḥasebiyle ḳabḍ edip ḳay' teskîn edenler mādde-i müteşerribe aşḥâbına takrîb olunmaz ve onun takrîbi redî olur ve teşerrübü ziyâde eder. Ammâ mādde ḡayr-i müteşerribe olur ise ona o ḳavâbıdı takrîb ile ḳazf ettirilir. Ve eger mādde ḡalîz olup esfele mâil ise cihet-i fevḳten ḳazf için mi'ḍe taḳviye olunur. Ve kaçan ḳazf-ı şafrâ dâim olup o şafrâ müteşerribe olmasa onda ḳavâbıdı isti'mâli ve ḥuşûşan o ḳavâbıdı dımâden isti'mâl nâfi' olur, meşelâ ḳuşûr-ı rummân ve 'afş mişllilerden şarâb-ı memşûc ile veyâḥûd ḥall-i memzûc ile dımâd ittiḥâz olunur. Ve sevdâ-i müfriti ḳazf için sünger ḥall içine ḡams olunup mi'ḍe üzere vaḍ' olunur ve egar dahi aḳvâya ḥâcet olursa ḥabs-i ḳay' bâbında mezkûr olan edviye isti'mâl olunur.

Ḥummâda 'Arıḍ Olan İshâl Tedbîridir

Biz bâb-ı ishâlde bu 'araḍ için kelâm ifrâd eyledik, o mevḍi'e mürâca'at ile ve aḡdiyeden onlara nâfi' olan mâş-ı maḳlûvv [ve 'ades-i maḳlûvv] ve küzbere ve hangisi isti'mâl olunursa selḳ olunup ya'nî su ile ṭabḥ olunup suyunu dökdükten sonra meslûḳu ekl olunur ve ḥabb-ı rummân ile taḥmîḍ olunur ise nef'i ziyâde olur.

'Aṭaş-ı Müfritlerinin Tedbîrleri Beyânındadır

Vâcib olur ki onların başları üzere cidden müberrid olan dühn-i bârid şabb olunmakla tedhîn oluna ve mâni' yok ise yâfûḥu üzere o dühn-i bârid vaḍ' olunur ve miyâḥ-ı müberrede ile başı ḡasl olunur ve aḡzında ḥabb-ı sefercel lu'âbı dühn-i verd-i bâliḡ ile ḥalt olunduktan sonra imsâk olunur veyâḥûd iccâş naḳ'i ve kıssâ ve ḳased ve ḳar' lübubu ve bezr-i ḥaşḡâş-ı esved ve aşl-ı sūs ve aḳrabâdînden def'-i 'aṭaş için mektûb olan ḥabb dahi imsâk olunur ve temr-i Hindîden mütteḥâz olan meḍḡḡât ve meşûşât dahi bu bâbda nâfi'dir. Ve 'aṭaş ba'ḍı kerre yûbsten ḥâdiş olur ve onu nevm ḳat' eder ve ba'ḍı kerre dahi ḥarrdan ḥâdiş olur ve onu seher ḳat' eder.

Ve Hummâda ‘Arıf Olan Sübât Tedbîridir

Vâcib olur ki o mesbût hadîs ile ve hadîs mişlli aşvât ile sübâtan ‘avk oluna. Ve a‘dâ-i sâfilesi rabt-ı mülîm ile rabt oluna ki o elemin kadri ola eger rabta mâni‘ bir nesne yok ise ve ona şiyâfe-i la‘îfe tahmîl oluna eger tabî‘atı mu‘tekîle ise ve vakt-i râhatında ve vakt-i lüzûm-ı fetrette beyne’l-ketifeyn ve ‘ale’l-fekâr hacâmet oluna.

Hummayâtta Başlarında Olan Şıkal Tedbîridir

Vâcib olur ki onlardan başında şıkal olanlar başlarına halb-i lebenden ve başına dühn şabbından ve ne‘ûl ve se‘ûttan ictinâb eyleyeler belki ne‘ûlât-ı bâbüneciyye ile tebhîr eyleyeler⁵¹ ki onun içinde benefşec ve nuhâle [ve o mişlli edviyeler] ola.

Hummayâtta ve Gayrilerde Olan Erağ Ya‘nî Seher Tedbîrleridir

Ammâ haşhaş dühnünü ve kezâlik dühn-i haşhâş ile dühn-i bezr-i hassı istinşâk ve dühn-i nîlüfer ve qar‘ ve muhaddirât-ı meşhûreden bir şeyi şudğa ilşâk ve ebhîre-i mura‘ttibe üzere ikbâb ve nîlüfer ve lüffâh ve şâhisferem-i merşûş bu mezkûrları ba‘ıdden istişmâm ve ne‘ûlât-ı mura‘ttibe bir nev‘ tedbîridir ki onların menfa‘atini sen bilirsın. Ve kezâlik eger mâni‘ yok ise onlara haşhâşın şarâbı ve le‘ûku dahi sakı olunur ve onların önlerine keşîrî’l-‘aded sürüc⁵² vađ‘ olunur ve hadîs ile aşvât ref‘ olunur ve e‘trâfına kalîlen elem verecek kadar ışâbe şedd olunup onun enâşîti ya‘nî düğümleri serî‘ü’l-inhîlâl kılınır. Ve o erağ şâhibi tenâvüm için tekellûf edip tağmîd-i ‘ayn eder. Ve kaçan yesîren kerâ ve nu‘âs eylese önünde îkâd olunan sirâclar söndürülür ve aşvâttan keff olunur ve ışâbesinin bağları çözülür ve o hâl [465a] üzere sâhir nâim olur. Ve kaçan nevbetten hîffet ve sükûn hâşıl olsa yüzünü ğasli idâme eder o su ile ki onda haşhâş-ı esved ve yebrûhtan ve aşl-ı yebrûhtan bir şey‘ tabh olmuş ola. Eger o erağta hılt-ı bûrakî var ise o mâ-ı ma‘bûh ona nâfi‘ olur ki onda nemmâm ve iklîl-i melik ve uqhuvân ve haşhâş tabh olmuş ola, o ma‘bûhla vech ğasl olunmak ve onun buğârına ikbâb olunmak nâfi‘dir.

51 Ya‘nî ne‘ûl gibi kaynatıp buğârına ikbâb eyleye.

52 “Sürüc” “sirâc”ın cem‘idir, mişbâh ma‘nâsına.

Hummayâtta 'Ârîd Olan Veca'-ı Cevf Tedbîridir

O veca' mirârın mi'deye inşibâbından 'ârîd olur ve eger devrin ibtidâsında 'ârîd olur ise miqdâr-ı kalîl şarâb-ı tuffâh sikencebîn ile sakı olunur.

Lisânlarının Huşûnet ve Lüzûceti Tedbîridir

Ammâ lüzûcet için lisânları hayzurân ile ve kađîb-i hilâf ile ma'a-düh-ni'l-levz ve 't-şaberzed tenkıye olunca kadar hakk olunur veyâhüd isfence ve miqdâr-ı kalîl milh ve dühn-i verd ve milh ile hakk olunur, zîrâ bu vech üzere lisânı hakk etmek ile 'udv-ı 'alîle hiffet-i keşîre hâşıl olur.

Ve 'an-yübüsetin lâ-'an lüzûcetin lisâna 'ârîd olan huşûnet katında vâcib olur ki o kimse ağzında sebistân veyâhüd erik çekirdeği veyâhüd o milhi imsâk eyleye ki Hind'den meclüb olur ve levni levn-i milh ve ta'mı ta'm-ı 'asel olur ve o milhten bâkılâ miqdârı aḡz ve imsâk olunur ve o mişlli milh Ercihânes zu'mu üzere mevcüddur. Ve ḡabb-ı sefercel dahi lisânı tertîb edip ḡahlîni izâle eder ve ona vâcib olur ki keşîren ağzını açık koymaya ve müstelkıyen nâim olmaya, zîrâ bu iki ḡâlet lisânı tecfîf eder.

Hummayâtta Olan İlḡâḡ Üzere Vâkı' 'Uḡâs Tedbîridir

Ve ba'dı kerre 'uḡâs-ı mülihhten⁵³ 'alîle ḡarar işâbet eder, zîrâ ona îzâ eder ve re'sini mümteli'e eder ve kuvâsını ḡa'ife eder ve ba'dı kere ru'âf iḡdâş eder. Ve vâcib olur ki onların cebheleri ve 'aynları ve enfleri delk oluna ve aḡızları feth oluna ve ḡanekleri şiddet üzere delk olunur ve rü'ûsları temdîd olunur ve onlar taḡallüb ederler⁵⁴ ve eḡrâfları ḡamz olunur ve âzânlarına yesîr ḡarâret-i fâtiresi olan edhân-ı ḡârre şabb olunur ve 'adalleri ve fekkleri tertîb olunur ve ḡafâları taḡtına merâfık⁵⁵-ı müsahḡhane vaḡḡ olup nevmlerinden def'aten îḡâz olunmaz ve ḡubâr ve duḡândan ve râyiḡasında ḡiddet olan nesnelerden viḡâye olunur ve ona sevîḡ ve ḡîn-i necâḡ ve isfenc-i baḡrî işmâm olunur.

53 “'Uḡâs-ı mülihḡ”ten murâd ilḡâḡ ve ibrâm üzere olan aksırıktır.

54 Ya'nî bir ḡaraftan ḡaraf-ı âḡere dönerler.

55 “Merâfık” yüz yastığı.

Ve Onlara ʿĀrid Olan Şudâ Tedbîridir

Maşdü'un etrâfı ve huşuşan faḥizleri rabṭ olunup taʿşib olunur ve aḳdâ-mı delk olunur ve onlar mevâddı esfele cezb için şiyâfe ihtimâl ederler ve başları müberridât-ı maʿlûme ile takviye olunur ve eger nezle ve suʿâlden bir mâniʿ yok ise verd ve benefşec ve şaʿır ve varak-ı ḥilâf ve o mişllilerden mütteḥaz maṭbûḥla başları tenṭil olunur ve kezâlik dühn-i verd ve dühn-i ḥilâf ile tenṭil olunur. Ve bu mezkûrlar ğinâ vermezse neṭulât-ı müberride-ye müleyyinât ḥalt olunur bâbünec mişlli ve kezâlik haşḥâş gibi muḥaddirât ḥalt olunur ve başına leben ḥalb olunmaz illâ ḥummânın zevâli katında ḥalb olunur. Ve eger kuvvet kavıyye ise leben-i mâʿiz ḥalb olunur ve eger kuvvet daʿife ise leben-i nisâ ḥalb olunur. Ve başında raṭb ve nedî ve sübâtı ebḥireden imtilâsı olanlar lebenden ve şâir muraṭṭıbbâtan ḥazer eylesinler ve muraṭṭıbbâtı buḥârı duḥânî ve reʿsi yâbis ve ḳalilü'n-nevm olanlar istiʿmâl ederler. Ve kaçan reʿste buḥâr-ı raṭb ile imtilâ keşir olsa şiyâfât ve ḥuḳun ve aḳdâ-i sāfileyi ḥattâ huşyeleri şedd ile o ebḥireyi esfele cezb eyle.

Tedbîr-i Suʿâl

Ve çok kerre maḥmûma ḥarr ve yübsten suʿâl ʿārid olur. Ve vâcib olur ki onlar efvâhlarında ḥabbu's-suʿâl ve lübüb-ı bâride ve neşâ ve o mişllilerden ittiḥâz olunan leʿûḳât-ı haşḥâşıyye imsâk ederler ve muraṭṭıbbe ve müberride olan o kayrûtiyyâtı istiʿmâl ederler ki onun ittiḥâzı ḥâliş dühn-i verdden ve bezr-i ḳaṭûnâ luʿābı ve ḥamḳâ ʿuşâresi ve o mişllilerden ola.

Maḥmûmun Buṭlân-ı Şehveti Tedbîridir

Buṭlân-ı şehvetlerinin sebebi baʿdî kerre fem-i miʿdede olan ḥılt olur. Ve buṭlân-ı şehvet bâbında zıkr olunan ʿalâmetlerden o ḥılt taʿarrüf olunup ḳayʿ ve ıtlâktan biri ile istifrâğ olunur ve çok kerre parmağını boğazına idḥâl edip miʿdelerini tehyic ile intifâc ederler huşuşan o ʿamel ile mirâr ve ḥumûdâttan bir şeyʿ istifrâğ eyleyeler.

Ve baʿdî kerre buṭlân-ı şehvet şiddet-i daʿftan ḥâdiş olur ve o daʿfa müʿeddî olan mizâca baʿde't-taʿarrüf muʿâlece olunur. Ve vâcib olur ki onlara şehvete münebbihe olan revâyiḥ taḳrîb oluna, mâ-ı bârid ile veyâḥüd

mā ve ḥall ile meblûl olan sevîk râyihası gibi râyihalar işmām oluna ve onlara maḥmûmîne mensûb olan cüvârişen ve ḳalîl şarâb saḳy olunur ve tayyibetü'r-râyiha olan fevâkih-i 'afuşa sülâkâtıyla dahi mu'ālece olunur ve ḳurrayş ḥallini laḳ eder ve ḳarîş-i semek ve ḳarîş-i cedy ve emşâlleri dahi verilir. Ve evâil-i eyyâmdan sonra mi'de üzere o ḍimād vaḍ olunur ki fevâkihten mütteḥaz olup senin bildiğin vech üzere içinde efsentîn ve şabır ola ve onlara edhân-ı tayibe ile temrîḥ nâfi olur.

Bûlîmûs Tedbîridir

Bûlîmûs cû-ı baḳarî denmekle ma'rûfe 'illettir ki cemî'an beden onda cāyi olur ve ma'a-hāzā mi'de ḡıdāyı kârihtir. Ve vâcib olur ki onlara meş-mûmât ile ve ḥall ile meblûl olan ṭîn-i necāhî ve ṭîn-i Ermenî ile 'ilâc oluna ve onlara meşûşât ve ḥubz-ı naḳî-i ḥârr ve luḥûm-ı meşviyye işmām olunur ve onların etrâfları şedd ve âzân ve şa'rları medd ve edmiğaları müberride ve muratṭıbe olan neṭûlât ile taḳviye olunur, zîrâ onların ekşer bûlîmûsuna sebep fem-i mi'denin buṭlân-ı ḥissi olur ve o buṭlâna sebep fem-i mi'denin o 'aşab şu'belerine müşâreketi olur ki ona dimâḡdan ḥiss getirir ve cemî'an aḍâ cāyi'a olmakla ḡıdāya tâlibe olur ve fem-i mi'de fıkḍân-ı ḥiss ḥasebiyle ḡıdāyı teḳāḍi eylemez.

Sevâd-ı Lisân Tedbîridir

Vâcib olur ki onların sevâd-ı elsineleri 'alâ-ḥâlihi terk olunmayıp belki bildiğin vech üzere ḥakk oluna ve eger ḥakk olunmasa ondan buḥârât-ı ḥabîşe re'se şu'ûd edip onda sersâm iḥdâs eder.

Şehvet-i Kelbiyyeleri Tedbîridir

Onlara dūsûmât-ı bâride ve ḥalāvât içâm olunmakla mu'ālece olunur.

Ḥummâda 'Ârıḍ Olan Ğaşy Tedbîridir

Baḍı kerre ibtidâ-i ḥummayâtta fem-i mi'deye mirârın inşibâbı ḥasebiyle ḡaşy 'arıḍ olur. Ve vâcib olur ki nevbetten muḳaddem veyâḥud nevbet katında ona mâ-ı rummân ve mâ-ı ḥışrım ile ḥubz-ı semîd içâm oluna. Ve

ma'lûm ola ki kaçan ğaşy ile ħummā bir kimsede cem' olsa ğaşye mu'alece evlā olur. Ve eger ta'āma memzûc olan mā-ı kâlile ħācet olur ise ħubzdan mikdār-ı kâlîl şarāb-ı 'atîkten üç dirheme mezc olunup verilir ve eger o memzûca ħācet yok ise tahlîl-i fuḍûl için şarāb-ı tuffāh-ı 'atîk verilir. Ve ekser-i hâlde faşḍ ğaşyi ziyāde eder. Ve ħukne-i leyyine ğaşye evfaḵ olur ve kazf dahi ona nāfi'dir ve iki sâkları şedd eylemek ve iki elini ve ayağını mā-ı hārra vaḍ' dahi nāfi'dir. Ve kaçan ğaşyden maḥmûm ifāḵat bulsa vācib olur ki ona o sevîk-i şa'ir-i müberred içām oluna ki onun içinde ħabb-ı rummān ola.

Ḍîk-i Nefesleri Tedbīridir

Ve onlara Ḍîk-ı nefes baḍı kerre o teşennûc ve yûbs için 'arîḍ olur ki o teşennûc ve yûbsün 'urûḍu 'aḍal-i nefese olur veyāḥûḍ Ḍîk boğazlarına nāzile olan mādde-i ḥānîka sebebinden 'arîḍ olur [465b] veyāḥûḍ aḍā-i tenneffûse cāi olan 'aşabe müstevlî ḍaḥtan Ḍîk ḥāḍiṣ olur. Ve vech-i evvelden ḥāḍiṣ Ḍîka merāhim-i muraṭṭıbe ile 'ilāc olunur ve ikinci vechten ḥāḍiṣ olan Ḍîka ḥavānîki men' eden mu'alecātla 'ilāc olunur ve üçüncü Ḍîka mizāc-ı dimāğı taḍîl ile ve 'unuḵu müberrid ve muraṭṭıb olan nesneler ile temrîḥ olunmakla 'ilāc olunur ve kezālik onların mi'deleri üzere cürādetü'l-ḵar' ve baḵlatu'l-ḥamḵā ve şandal dühn ile verd ve onun mişlli edhānla vaḍ' olunur.

Şiddet-i Kerb Tedbīridir

Kaçan fem-i mi'dede ḥılt olmakla kerb ziyāde olsa sen ağdıyeden bildiğin müberridātla mekrûbun mi'desini tebrîd eyle ve onları merāvîḥ ile ter-vîḥ ile ve mā-ı cārî kurbünde ıdcā' eyle ve eṭrāfına ağşān-ı bāride ve 'uşārāt ve reyāḥîn-i bāride den nîlüfer ve fevākîh-i bāride den mütteḥaze olan neḍûcāt ve şandal ferş ve baş eyle. Ve ekser-i hâlde onların kerblerine nāfi' olur o ħukun-ı bāride ki mā-ı ḵar' ve ḥıyār ve baḵlatu'l-ḥamḵā ve ḥayy-ı 'ālem ile dühn-i verdden mütteḥaze ola.

Hummâda ʿÂrîd Olan ʿUsr-i İzdirâd Tedbîridir

ʿUsr-i izdirâd hummâ-ı muṭbıkada ʿârîd olur ise faşd olunup dem-i kalîl iḥrâc olunur ve eger şehvetinde fetkten⁵⁶ bir şey⁵⁶ var ise sirke marul ile tağ-diye olunur ve eger yok ise mâ-ı şaʿire iktisâr olunur ve ʿaklı olan eşyâyı istiʿmâlden ihtirâz eylesinler ve onlarda itikâl var ise onlara ḥamûl ve ḥuḳun ve şiyâf istiʿmâli müşhilâtta keşiren ḥayrlı olur.

Onlara berd-i eṭrâf dahi ʿârîd olur ve keşiren vâkı^c olur ki ḥarâret-i gâire olup eṭrâf-ı bâride olur ve gavrda o ḥarâret tebhîr edip buḥârı başa şuʿûd eder. Ve ona tedbîr için eṭrâf mâ-ı ḥarra vaḍ^c olunur ve onlar mâ-ı bârid şûrb eylemezler.

Hummâ-ı Şafrâviyyede Olan Kelâm-ı Küllîdir

Hummâ-ı şafrâviyye üç kısma münkasımedir: Ğıbb-ı dâire ve ğıbb-ı lâ-zıme vü muḥrıkadır.

Ğıbb-ı dâire dahi ğıbb-ı dâire-i ḥâlişadır onun māddesi ḥâliş şafrâdır, ona aḥlât-ı sâire karışmamıştır veyâḥûd ğıbb-ı dâire-i ğayr-i ḥâlişadır. Ve ğıbb-ı ğayr-i ḥâlişa ğalîzatü'l-cevher olan şafrânın ʿufûnetiyle ḥâdiş olur, o şafrânın ğılzati şafrâya balgâmın ihtilâṭ edip kemâl-i imtizâclarından şey⁵⁶-i vâḥid ve mütteḥid olduğundan olur ve şafrânın onda balgâm ile mümâzece-i muvaḥḥidesi olduğundan ğıbb-ı ğayr-i ḥâlişa şaṭr-ı ğıbbdan mümtâz olur, zîrâ şaṭr-ı ğıbb dahi balgâm ve şafrâ-i maḥlûṭun ʿufûneti ḥasebiyle ḥâdiş olur lâkin her biri âherden mümtâzdır, şafrâ ve balgâmda imtizâc-ı muvaḥḥid yoktur, pes şaṭr-ı ğıbbı iki mādde-i mümtâzelerin taʿaffünü icâb eder ve ğıbb-ı ğayr-i ḥâlişayı mādde-i vâḥide ḥükmünde olan şafrâ-i ğalîzanın ʿufûneti icâb eder ve fi'l-ḥaḳîka o şafrâ şafrâ ve balgâmdan mürekkebdır ve ḥîn-i ʿufûnetinde ondan ḥâdiş olan buḥâr mümtezic-i bârid olmakla onun ʿufûneti ve inḥilâli ve nuḍcu şakîl olur. Ve şaṭr-ı ğıbbın iki māddesinin ebḥuresi mümtezice olmaz ve binâen ʿaleyh şaṭr-ı ğıbb için iki nevbet olur ve ğıbb-ı ğayr-i ḥâlişanın nevbet-i vâḥidesi olur. İşbu ğıbb-ı ğayr-i ḥâlişanın müddeti baḍı kerre ṭavîle olup nışf-ı seneye karîb mütemâdî olur ve baḍı kerre tereḥhüle ve ʿızam-ı tıḥâle dahi müʿeddî olur.

56 “Fetk” şehvet, şehvetin heyecânı maʿnâsıdır.

Ammâ hummâ-ı muhrıka lâzıme cinsindendir lâkin muhrıkanın istidâd ve fütür ile ezminesinde tefâvüt olmaz, lâzıme gibi değildir ve muhrıkanın aʿrâdı şedidedir. Ve muhrıkanın sebebi mâddenin hiddeti ve keşreti ve mādde kalbin kurbünde ve fem-i miʿde ʿurûkunda ve nevâhî-i kebidde olduğu ile olur ve'l-hâşıl kalbe muḳârebesi olan aʿdâ-i şerîfenin hangisinde mādde taʿaffün ederse muhrıka ḥâdiṣe olur. Ammâ ğıbbda şafrânın taʿaffünü laḥm-da olup cilde mâil olur. Ve dâimenin şafrâsı ʿurûk-ı bedende mebsûse olur ki o ʿurûk kalbden baʿide olur.

Ve hummâ şafrâviyyede şiddet-i ʿaşaş ve kerb ve çalak ve eraç ve hezeyân ve ğaşeyân ve merâretü'l-fem ve şefelerinde besre ve teşakkuk zuhûru ve şudâʿ keşirü'l-vukûʿ olur ve tabîʿatları ekseriyyâ hummâ-ı şafrâviyyede yübüsete mâil olur, zîrâ mādde şafrâ olmakla onun hareketi eʿâlîye veyâḥûd zâhir-i bedene ve cildde olur.

Muḥḷakan Ğıbb Beyânındadır ki Onu Tavîṭâvus⁵⁷ Dahi Derler

Ğıbb nevbeti kuşaʿrîret ile ve naḥs-ı iber ile aḥz eder ve baʿdehu teber-rüd edip onu cidden aşʿab nâfiḍ aḥz eder ki sâir bârid olmayan veyâḥûd kalîlî'l-bürüdet olan nevâfıddan eşedd olur ve nâfiḍ ğıbbın berdi ḥarâretin bâtından mevḍîʿ-i mādde olan maḥalle ğavrı ḥasebiyle olur ve naḥs-i iber gibi ḥâlet bulunur ve bu nâfiḍin şiddeti olur velâkin serîʿü's-sükûn olur ve süḥûneti dahi serîʿdir ve bu mişlli nâfiḍin sebebi senin maʿlûmudur.

Ve nâfiḍ-i ğıbb eyyâm-ı üvelde aḳvâ ve eşedd olur ve nâfiḍ-i ribʿ bunun ʿaksi üzeredir. Ve kezâlik ğıbbın nâfiḍi kuvvet ile ibtidâ eder ve tadrîcle kalîlen kalîlen mülâyim olup sürʿatle münkaḍî olur ve ribʿde nâfiḍ bunun ḫilâfı üzere olur. Ve ğıbbda terk ve müfâraḳat katında ʿaraç keşir olur ve bevl aḥmer olup nâriyyete ḍârib olur ve bevl keşiren ğalîz olmaz velâkin ğıbb ğayr-i ḫâliṣa oldukta onun bevlî ficc ve ğalîz olur. Ve ğıbbın ḥarâreti ḥarâret-i muhrıkadın eslem olur, bedene yed vaḍʿ olunup tûl-i müddet lemsi idâme olursa onun ḥarâret-i zâidesi iḥsâs olunmaz belki o vaḍʿda iḥsâs olunan miḳdârı âḫirinde dahi iḥsâs olunur, artmaz belki eksilir; ammâ muhrıkada yedi vaḍʿ eyledikten sonra ne miḳdâr meḳsî tavîl olur ise iḥsâs ve iltihâb-ı ḥarâret o miḳdâr ziyâde olur.

57 “Tavîṭâvus” nüsha.

Ve ğıbbda ‘arıd olan ‘avārid bunlardır: Bilā-şikal fi’r-re’s seher ve ba’dı kerre ğayr-i hālişa seheri ma’a-şikal olur ve ‘ataş ve đacer ve ğadab ve buğd-ı kelām olur. Ve ğıbbda nabđ sāir hummayātın nabđına kıyāsla hādd ve serīc olur velākin inkıbād ve inbisātında istivā olmaz, zīrā hılt hasebiyle ona meşakkat gelir, muntehā katında ihtilāfı ziyāde olur. Ve ğıbbda olan ihtilāf-ı hummayāt hıltiyye-i sāire ihtilāfından ednā ve ğayrilerden eķall olur velākin şalābeti olur ve hem aķvā olur ve belki hummayāta maḥşuş olan ihtilāftan mā-‘adā hummā-ı ğıbbda vech-i āḥer ile ihtilāf olmaz. Ve ibtidā-i hummāda hummānın inbisātına kadar tedāğut-ı nabđın lüzūmu olur ve ba’dehu nabđ kavī ve serīc ve mütevātir olur ve ihtilāfında ifrāt olmaz.

Ve ba’dı kerre hummānın şafrāviyye olduğuna sinn ve ‘ādet ve beled ve hırfet ve seḥane ve faşl ve o vakitte ğıbbın ekşer-i vukū‘u dahi delālet eder. Ve ba’dı kerre iki ğıbb terekkeb edip küllü yevmin nevbetin ‘aide olur. Ğıbbın ‘alāyiminden mücerred nevbete mürā‘āt edenler ḥaṭada vāķic olur belki ğıbbı ta‘arrüf kaşd eden kimseye gerektir ki ‘alāyim-i uḥrāya nazar edip o ‘alāmetleri nevbet ile te’yid eyleye. Ve aşḥāb-ı ğıbbda seher ve ḥubb-ı ḥalvet ‘arıd olur ve çok kerre kebid katında ğaleyān iḥsās ederler.

Ğıbb-ı Hālişa ve Ğıbb-ı Ğayr-i Hālişa Arasını Fark Beyânındadır

Ğıbb-ı hālişanın māddesi ḥafife olmakla nevbetinin müddet-i inkıdāsı dört sâatte olur ve on iki sâat kadar ba’dı kerre mütemādī olur, on iki sâati keşiren tecāvüz eylemez. Ve eger on iki sâati ziyāde-i keşire ile tecāvüz ederse o hummā ğıbb-ı hāliş değildir belki ğayr-i hālişadır ve hālişa nevbetinin ekşer-i hâlde inkıdāsı yedi sâatte olur.

Ve hālişada beden serī’an tesahhun eder ve ba’d-e’l-bürüdet bedenden ve eṭrāftan ḥarāret münba‘ise olur ve kezālik ṭabībin ḥaṭası olmaz ise hālişa yedi devri tecāvüz eylemez. Ve ba’dı kerre dahi māddesinde leṭāfet olmakla bir nevbette münkaḍī olur onun için ki o nevbette münakķī olan kayṵ veyāḥūd ishāl vāķic olur. Ve hālişada [466a] bevlın nuḍcu evvel yevmde veyāḥūd yevm-i şālīste veyāḥūd yevm-i rābiṵ veyāḥūd yevm-i sābiṵde zuhūr eder. Ve eger ğıbb yedi devri keşiren tecāvüz eder ise o ğıbb ğayr-i hālişa

cümlesinden olur⁵⁸ ve nâfiðin müddeti tavîl olduđu dahi ğayr-i hâlişa idiđi-ne delâlet eder.

Ve hâlişanın nevâibinin tezeyyüdü ve tekaddümü nemaı-ı vâhid üzere olur, nesebi mahfûz ve müteşâbih olur; ammâ ğayr-i hâlişada tezeyyüd ve tekaddüm mahfûz ve müteşâbih değildir. Ve kaçan nevâib hadd-i vâhid üzere olup müteşâbihe olsa ve ‘alâmât-ı sāire tûl-i hummāya delâlet eylese o dahi ğayr-i hâlişa olur ve kaçan bizim tahdîd eylediğimiz üzere o hummā nâfið ile ibtidâ edip intihâsında ‘arâk ğazîr ve keşîr olur ise o hummā hâlişa olduğunda şekk yoktur.

Ve hâlişa şâhibi ta‘arruk murâd edip bedeninde buğâr-ı raṭb olup mün-ba‘îş olacak eşyâyı şûrb eylese⁵⁹ ba‘dı kerre ta‘arruk eder. Ve ğayr-i hâlişada re‘ste şîkal-i keşîr ve imtidâd olur ve nâfiði tavîl olup hattâ yirmi dört sâ‘ate veyâhüd otuz sâ‘ate kadar nâfið mütemâdî olup o müddet tamâmında hummā vaḳti gelir ve kırk sekiz sâ‘at tamâmında hummā fâtire olur. Ve nevetin on iki sâ‘atten bu‘du miḳdârı hummā ğıbb-ı hulûştan ba‘ide olur. Ve ğıbb-ı ğayr-i hâlişanın nuḍcunun zuhûru baṭı olur ve sehanede қаdâfet ve hüẓâl zâhir olmaz ve ba‘dı kerre onun ḳal‘ı ‘arâk-ı vâfir ile olmaz ve ba‘dı kerre nâfið-i ḳavî ile ibtidâ eylemez ve harâretinde kuvvet zâile olmaz ve tezeyyüdü müstevî olmaz, ke-ennehu o ğayr-i hâlişa tezeyyüd eder ve ba‘dehu tekaddüm ya‘nî sür‘at edip tenâḳuş eder ve ğayr-i hâlişada a‘râḍ-ı şa‘be ḳalîle olur

Ve ğıbb-ı lâzıme nevâibin ğıbben iştidâdı ile ve a‘râḍ-ı ğıbbın şiddeti ile ma‘lum olur. Ve Cālînûs katında dem ta‘affûn eyledikte ğıbb-ı lâzıme ḳabîlinden olur ve Cālînûs’un bu ḳavlinde kelâm vardır, bundan sonra onu biz beyân eyleriz.

Ğıbb-ı Hâlişin Mu‘alecâtı Beyânındadır

Sana vâcib olur ki bâbu’l-ishâlde zıkr olunan mu‘alecât-ı hummâda bizim sana içtâ eylediğimiz uşûlü ve aĝdiyeyi ve bi’l-cümle o ebvâbda zıkr

58 Ya‘nî teşâbüh-i nevâib her ne kadar hâlişaya ‘alâmet ise tûl-i hummā ‘alâmâtının ğayr-i hâlişa olduğuna delâleti ona ğâlibdir.

59 Ya‘nî bir şerbet şûrb eylese ki bedeninde buğâr-ı raṭb tevellüd edip ba‘dehu mün-teşîr olur.

eylediğimiz hummāya müteʿallik umūrları tezekkür eyleyip tedbîrini ona binā eylesin. Ve ibtidā-i hummāda müşilāt-ı kavîyye ve helîlec gibi müşil nesneleri saḳya ruḥşat verenlerin ruḥşatına iltifât olunmaz lâkin bundan akdem bizim zikr ettiğimiz vech üzere saḳy olunur ve belki vâcib olur ki evvel-i emrde mübâderet olunup telyîn-i ḳalîl ile telyîn olunna. Bizim o mevdiʿde zikr eylediğimiz nesne ile yaʿnî kırk dirhem temr-i Hindî aḥz olunup mâ-ı ḥârr içinde naḳʿ olunduktan sonra taşfiye olunur ve üzerine şîrhîşt veyâ terencebîn ilkā olunup istiʿmâl olunur veyâḥûd mâ-ı rummāneyn ile ve leblâb ve terencebîn ve menzûʿu'l-ʿacem zebîbden mütteḥaz ṭabîḥ ile veyâḥûd naḳʿ-i iccâş maʿa't-terencebîn ile veyâḥûd şîrhîşt veyâḥûd şarâb-ı benefşec ve benefşec-i mürebbâ ile telyîn olunur ve baʿdî kerre bezr-i ḳatûnâ şarâb-ı iccâş mişli baʿdî eşribe ile saḳy olursa izlâḳ ve telyîni olur veyâḥûd ʿades ve leblâbdan ittiḥâz olunan ṭabîḥ dahi telyîn eder veyâḥûd evvel-i emrde ḥuḳun-ı leyyine ile telyîn olur meşelâ o ḥuḳne ile ki onun ittiḥâzı ḥatmî ve ʿunnâb ve sebiştân ve aşl-ı sūs ve dühn-i benefşec işbu edviyeden mütteḥaz ṭabîḥ ile olur veyâḥûd o ḥuḳne sılḳ ʿuşâresi ve dühn-i benefşec ve bûrakṭan bildiğin vech üzere ittiḥâz olunur ve bu vücûhla telyîn telyîne ḥâcet katında olur yaʿnî vâḳt-i ʿaḳlde olur, zîrâ şavâb budur ki mâ-ı şaʿîr emsâli ve kezâlik ağdiye ona verilmeye ṭabîʿat telyîn olunmadıkça ve maʿa-hâzâ evâilinde ishâlin ḡâilesi hummâ-ı sāirenin evâilinde vâḳiʿ ishâl ḡâilesinden eḳall olur her ne kadar ishâl dahi ḥadd-i zâtında ʿazîm ise.

Ve bu hummāda üç devre kadar faşd olunmamak mümkün ise faşd olunmaz. Kezâlik maraḍın mihyâc olduğundan ḥavf olunur oldukça faşd olunup ḥaṭâsı mütebeyyin ve müteḥakkıḳ olsa o vech ile ḡıbb-ı ḥâlişada olan ḥaṭânın ḡâilesi sāirde olan ḡâileden eḳall olur.

Ve vâcib olur ki nevbet gününde bir nesne taḥrîk olunmaya yaʿnî mevâddı tehyîc ve taḥrîk eder bir nesne işlenmeye ve taḡdiye dahi olunmaya illâ şerâîṭ-i mezkûre üzere oluna ve büzûr ḥalîbî ile bevlî idrâr oluna.

Ve vâcib olur ki ona nevbet geldikte ḥâvı buluna, miʿdesinde imtilâ olmaya belki vâcib budur ki küllü bükretin ona sikencebîn saḳy olunup ve iki sâʿat sonra mâ-ı şaʿîr saḳy oluna ve o saḳylar nevbet olmadığı günde ola ve baʿde'n-nevbet sikencebîn saḳyı şâlih olur. Ve kezâlik baʿde'n-nevbet ayaklarını mâ-ı ḥârre vaḍʿ dahi şâlih olur. “*Hârr*” bedeline “*fâtir*” ve “*bâ-*

rid" nüshalardır. Ve ayaklarını mâ-ı mezkûra vaḍḥ ba'ḍe'n-nevbet bâkıye olan harâreti cezḇ eder. Ve sikencebîn saḳy olundukta vâcib olur ki içinde büzür-ı müdirre ḫalîbî ola veyâḫûd nevbetten üç ve dört sâ'at mukaddem sikencebîn saḳy olunur ve nevbetten sonra mâ-ı şa'ır saḳy olunur. Ve eger telṭîf-i tedbîr vâcib olur ise mâ-ı rummân ve mâ-ı biṭṭîḫ-i Hindî ve o mislli miyâh saḳy olunur, zikri mürûr eden vech üzere telṭîf-i tedbîrde tedric olunur ve müntehâ taḳarrüb eyledikçe telṭîf ziyâde olunur.

Ve evâil-i eyyâmda keşk-i şa'ır ve mâ-ı bâridde mesrûd olan ḫubz ile ke-mâ hüve taḡdiye olunur veyâḫûd mâ-ı bâridde ḫubzun ḫalîbî ile taḡdiye olunur ve mecc ve 'adesten mütteḫaz olan ğıdâ ile dahi taḡdiye olunur. Ve eger ta'âm mi'desinde taḥammuḍ eder ise cidden rakîḳ olmayan mâ-ı şa'ırden ona bir şey saḳy olunmaz. Ve eger mâ-ı şa'ır-i mezkûru saḳya ḥâcet olur ise o mâ-ı şa'ır içinde aṣl-ı kerefs saḳy olunup mâ-ı şa'ır kalilen taḳviye olunur. Ve mi'de ziyâde bâride olup o mislli taḳviye mi'deyi ta'dîl eylemezse ve ḥummâ dahi 'azîme ve ğayr-i ḫâlîşa ise o mâ-ı şa'ire 'alâ-ḳavli Buḳrât mikdâr-ı kalîl fülful ḫalt olunur.

Ve eger buḫrânın ḳurbüne 'alâmât delâlet eder ise ona taḡdiyede mâ-ı şa'ır ve mâ-ı rummân ve sikencebîn ile iktifâ eyle ve onlara maḥbûb olan rummân-ı ḫulv ve rummân-ı müzz ve iccâş-ı naḍîc mislli fevâkih verilir. Ammâ biṭṭîḫ-i Hindî bir şeydir ki onun nef'i 'azîmdir ve ıtlâḳ ve idrâr eder ve ḫarrin şiddetini kesr eder ve ta'ṛîḳ dahi eder. Ve ba'ḍı kerre onlara destenbüyât-ı şıḡâr ḍarar vermez ve onlara buḳûlden ḳarḥ ve kıssâ ve ḳaşed ve ḫass ḍarar vermez.

Ve ma'lûm buyurula ki şâḫib-i ğıbbı taḡdiyeden maḳşûd ba'ḍı kerre yalnız tertîb olur. Âḫîr-i ğıbbda eṭrâf-ı tayâḫîc ve ḫuşa'd-dîk ve edmiġa-ı cedy li-eclî't-terṭîb taḡdiye olunur eger 'alilde ġaseyân yok ise ve şufretü'l-beyḍ dahi iṭ'âm olunur veyâḫûd şâḫib-i ğıbbı taḡdiyeden maḳşûd ba'ḍı kerre dahi tebrîd ve tertîb olur, keşk-i şa'ır iṭ'âmı ma'an tebrîd ve tertîb eder. Ve o maḥmûmu tebrîdde cidden ifrât olunmaz ḫuşûşan evâil-i ḥummâda o ifrât üzere tebrîde aṣlâ mesâġ olmaz meger ki o ḥummâda iltihâb-ı şedîd olmakla ğıbbın muḫrîḳaya veyâḫûd ḥummâ-ı lâzımeye inḳılâbından ḫavf oluna.

Ve kaçan 'alîlin buḫrânı idrâk eylese ve bevlde rüsüb-ı maḥmûd ve nuḍc-ı ma'lûm rüpyet olunsa eger o vech ile olan buḫrân âḫer tedbîrden 'alîli müstaġnî ederse sen dahi mu'âlecede onun ile iktifâ edersin ve eger iġnâ

eylemezse onlara tabî'ata i'ânet eden nesneler ile mu'âlecet edersin, idrâr ve ishâl ve kay² ve 'arâkı îcâb eden nesnelerle mu'âlece edersin ve bunların hangisine tabî'at mâil ise ona i'ânet edip tabî'ata münâkaða eylemezsin. Ve eger tabî'atın zıkr olunan istifrâglardan birine meyli zuhûr eylemez ise ishâl ile istifrâg edersin [466b] ve o müstefrigattan olur bir dânik sakmûnyâ cüllâb içinde sakıy olunsu veyâhûd helilec ve temr-i Hindî ve terencebîn ve zebîb ve uşûl ve hıyârşenber mişlliden müttehâz olan maţbûh sakıy olunsa. Ve senin için o maţbûhu takıyve eylemek vardır şâhterec ve senâ ve sakmûnyâ ile ve hâlişa aşhâbına muvâfık olur akrâş-ı tabâşîr-ı müşhile ve onun nüshası: Menzû'ı'n-nevât helilec-i aşfer dört dirhem, sükker-i şaberzed yirmi dirhem, sakmûnyâ bir dânik; bu kûrş-ı mâ-ı bârid ile şûrb olunur ve ba'dehu idrâr ile mu'âlece olunur. Ve ammâ 'alilde harâret-i müfriṭa ve iltihâb-ı 'azîm olup ondan mevâddını istifrâg etmiş olursan onlara kavıyye olan muṭfi'âtın bir şey² sakıy olunmakta be's yoktur, o muṭfi'ât-ı kavıyyeyi emrâd-ı hâdde tedbîrinde biz zıkr eyledik. Ve ba'dı kerre muṭfi'ât-ı kavıyyeden ittihâz olunan aḍmide ile iktifâ olunur.

Ammâ kable'n-nuḍc onlar ḥammâma takrîb olunmaz, ammâ mâdde nuḍc bulunp marâd inhiṭâtta olsa ḥammâm onlara efḍal 'ilâc olur huşûşan 'alîlin hâl-i şihḥatinde ḥammâma duḥûl mu'tâdı ola. Ve ğıbb-ı hâlişada kable'n-nuḍc ḥaṭâ olup ḥammâma idḥâl olunmağın ḍararı eḳall ve sâir 'illetlerde kable'n-nuḍc duḥûl-i ḥammâmın maḍarratı ekser olur. Ve vâcib olur ki onların ḥammâmları mu'tedil ve ṭayyibü'l-havâ ve raṭb olup bir hâlde ola ki ona duḥûl eden aşhâb-ı 'ilel rıfḳ üzere min-ğayri en teltehibe ḳulûbuhum ta'arruk eyleye. Ve mâ ile maḍrûb dühn-i benefşec ve dühn-i verd ile temrîh olunurlar ve ḥammâmda ṭûl-i meḳş eylemezler belki serî'an ḥurûc ederler. Ve ḥammâmda ṭûl-i ḳıyâmdan duḥûl-i ḥammâmı mu'âvede onlara evlâ olur. Ve ḥammâmdan ḥurûcunda mâ-ı fâtirde istinkâ' eder ise ve istilzâzı mîkdâr meḳş ederse onlara şâlih tedbîr olur.

Ve ḥurûcundan sonra onlara şarâb-ı raḳîḳ-i ebyaḍ ve keşîrû'l-mizâc şûrb ederler ve dişârlarıyla mekânlarında tedessûr ederler ve o hâlde onlar şedîden terlerler ve ğayr-i nuḍc mâddeden baḳıyye var ise o hâlde nuḍc eder ve ba'dehu müberrid ve muraṭṭıb ğıdâ ile tağaddî ederler ve o şıfatta olan ya'nî müberrid ve muraṭṭıb olan buḳûlü tenâvül ederler. Ve ba'de'l-inhiṭât

onlara keşîrî'l-mizâc olan şarâb sakyında mađarrat-ı bedeniyye yoktur, zîrâ şarâb keşret-i mizâc hasebiyle meksûretü'l-ğumeyyâ⁶⁰ olur ve vakt-i inhişâtta ba'de'l-istifragât bâkıye kalan mādde-i kalileyi tahlîle şarâbda ba'de'l-inkisâr bâkıye olan harâret kifâyet edip tahlîl eder. Ve şarâbın harâret-i bâkıye-i mezkûresi hummâya muđırre olmaz, zîrâ ki mümâzece eden mâ-ı keşîrin kuvveti ve nüfûz ve muhâlatası şarâbı şediden tebrîd ve tertîb edip o bürüdet teşhînin çararını telâfi ve tedârük eder. Ve eger o hummâda a'taş ve şudâc ve seher ve a'râd-ı sâire var ise onların mu'alecâtı mürûr eyledi. Ve kaçan buhrândan sonra harâret bâkıye ve lâzime olsa sen dahi sikencebîn ile uşârât-ı müdirreye mülâzemet eyle veyâhûd o maṭbûha müdâvemet eyle ki onda büzûr ve uşûlden müdirrât ola.

Ve ma'lûm ola ki ğıbb-ı lâzîmenin 'ilâcı ğıbb-ı nâibe 'ilâcı gibidir velâkin lâzîmede ahvâl-i nuḍca mürâ'ât etmek nâibeden ekser ve vâcib olur. Ve sikencebîn ile tebrid dahi elzem olur ve onlara isti'mâl olunan sikencebîn bezr-i hıyâr ve bezr-i hindebâ ile olur ve huşuşan o bezrler merdûda olalar ve sikencebînden iki sâ'at sonra mâ-ı şa'ır saky olunur. Ve kezâlik lâzîmenin 'ilâcı telîf-i ğidâya ve vakt-i ibtidâda hıkkun-ı leyyine isti'mâline emyel kılınır ve kezâlik idrâra dahi emyel kılınır. Ve vâcib olur ki lâzîmede rıfk olunup hâl-i ibtidâda ve ibtidâya karîb olan hâlde ona müşhil saky olunmaya belki o hâlde ona saky câiz olan şarâb-ı benefşec ve mâu'l-fevâkih olur ve lâzîmede cins-i hıkkundan ancak hıkkne-i leyyine isti'mâl olunur.

Ğıbb-ı Ğayr-i Hâlişa Mu'alecâtı Beyânındadır

Emr-i mu'alecede ğıbb-ı Ğayr-i hâlişa ğıbb-ı hâlişaya ba'dı kerre muhâlif olur ve muhâlif emr-i ğıbb-ı Ğayr-i hâlişa ile hummayât-ı bâride beynlerinde müşterek olan mu'alece emrlidir ve o emr-i müşterek nuḍca 'adem-i intizârda ruḥşat olmamaktır, zîrâ ğıbb-ı hâlişada ba'dı kerre kable'n-nuḍc istifragâ ruḥşat verilir, ammâ Ğayr-i hâlişada ve hummayât-ı bâride kable'n-nuḍc istifragâ ruḥşat verilmez ve kezâlik hâlişada nuḍca intizâr olunur velâkin zamân-ı keşîre kadar ve vakt-i inhişâta kadar muntazar olmazlar, ammâ Ğayr-i hâlişa onun hilâfı üzere olur.

60 أَلْهُمَيَّا [el-ğumeyyâ] (hânın dammı ve mîmin fethi ve yânın teşdidi ve âhirinde elif-i maḥşûre ile) hıkkın evvel keyfiyeti. Kezâ fî Vankulu.

Ve ğayr-i hâlişa aşhâbına hammâm muharrem olur, zîrâ hammâm mevdi'-i 'ufûnete munşabb olan balğam-ı ğayr-i nađici hılt-ı redî-i 'afine hâlt eder ve laţîfini tahtlîl edip keşîfini ibkâ eder.

Ve ğayr-i hâlişada küllü yevmin tağdiye ve tağdiyeye qarîb olan nesenin mađarratı olur belki vâcib olur ki bir gün tağdiye oluna ve bir gün tağdiye terk oluna ve onların ağıdyesinde hulv olup miqdâr-ı yesîr teşhîni olan nesneler kılınır. Ve ğayr-i hâlişa evâilinde ğıdâ ekşef kılınır hâlişa evâilinde olan ğıdâya kıyâs ile ve ba'de'l-ibtidâ tadrîc ile tetţîf olunur hattâ ğıbb-ı hâlişa telţîfinden ziyâde kılınır. Ve ğayr-i hâlişa evâilinde olan telţîfin ekşeri icâ'a ile olur, ammâ hâlişa evkâtından vaqt-i ibtidâda olan telţîf cidden laţîf olan ğıdâ içâmı ile olur.

Ve kezâlik ğayr-i hâlişada müberridât isti'mâli ekall ve ibtidâda hıkkunları eĥadd olur ve ishâl kavî olunmak kaşd olundukta nuđca intizâr ekşer olur ve onların mâ-ı şa'irlerinde edviye-i mündice vü muĥallileden birer kuvvet kılınır mâ-ı şa'ir mi'desinde taĥammuđ edip taĥviyeye ĥâcet olanların taĥviyesi için; bundan aĥdem bizin zıkr eylediklerimiz ile taĥviye olunmakla. Ve ba'dı kerre o mâ-ı şa'irde zûfâ ve sa'ter ve futenec ve sünbül tabĥına bi-ĥasebi'l-mizâc ĥâcet olur ve sılk onlara nâfi' olur ve mâ-ı şîre mâ-ı ĥımmaş hâlt olunur ve ğayr-i hâlişanın âhirinde mâ-ı ĥımmaş nâfi' olur.

Ve vâcib olur ki ğayr-i hâlişanın hâlişadan ĥurb ve bu'duna nazâr olunup bi-ĥasebi zâlik 'ilâcları ĥilâf üzere kılınır. Eger ğayr-i hâlişa hâlişaya cidden qarîb ise ğayr-i hâlişaya 'ilâc olundukta onun 'ilâcî hâlişa 'ilâcına yesîren muĥâlîf kılınır ve eger kârûreleri ġalîza rü'yet olunsa faşd olunur ve faşd olunmakla ĥuĥne isti'mâline ĥâcet olmaz.

Ve ma'lûm ola ki onlara ba'de't-ta'âm kay'dan enfa' bir nesne olmaz. Ve o ĥummânın evâilinde i'tidâle qarîb müşhilâttan olur cülencebîn ve sikencebîn mâ-ı maţbûĥu ve ba'dı kerre onda ĥıyârşenber dahi kılınır. Ve ondan aĥvâ olur o müşhilde türbüdden bir kuvvet kılınmak. Ve zamân-ı ibtidâda ĥuĥne isti'mâli müşhilât-ı uĥrâdan bana eĥabb olur ve o eĥabb olan ĥuĥne o ĥuĥnedir ki onda ĥasekten ve bâbüneceden ve sılk ve kırtım ve benefşec ve sebistân ve tîn mişlliden birer kuvvet ve türbüdden dahi bir râyiĥa ola ve onda ĥıyârşenber ve dühn-i şîrec ve bûraĥ ola, ve bi-ĥasebi'l-bu'd 'ani'l-hâlişa ba'dı kerre zıkr olunan o ĥuĥneden ĥiddeti ekşer ĥuĥneye dahi ĥâcet olur.

Ammâ gayr-i hâlişa mevâddını indâca mu'în olan devâlar sikencebîn mahlûtan bi'l-cüencebîn ve kezâlik sikencebîn uşulü olur ve yevm-i sâbi' den sonra efsentîn tabîhî onlara nâfi' olur, zîrâ māddeyi mülâttıf ve mi'deyi muḫavvî olur ve kezâlik mā-ı rāziyānec ve mā-ı kerefs sikencebîn ile saḫy olunur. Ve on dördüncü günü tecāvüz eyledikte akrâş-ı verdin şaḡirini saḫy eylemekte be's yoktur ve eger müddeti tavîle olursa lâzım olur ki ona akrâş-ı ḡāfeş ve tabîhî saḫy oluna ve şerāsîf nevāhîsini teshîn o ḳabîlden olur. Ve yine o ḳabîlden olur indâcı olan edviye ile ve temeddüdü [467a] olanların temeddüdünü irhâ eden edviye ile merākḳ üzere dımād eylemek. Ve kaçan sen bilsen ki nuḍc ḥâşıl oldu, onlarda idrâr ve istifrâḡ isti'mâl eyle ve onlardan ḥazer ve mübâlât eyleme. Ve onlara müstefriḡât-ı ceyyideden olur o ḥabb ki onun nüshası budur: Eyâric beş dirhem, uşâretü'l-ḥass ve aḡā-feş her birinden üçer dirhem, bezr-i kerefs, helîlec-i aşfer, helîlec-i Kâbüli her birinden beş dirhem ve türbüd yedi dirhem; bu mezkûrlar aḫz olunup mā-ı kerefs ile ondan ḥubûb ittiḥâz olunur ve şerbeti iki dirhem olur. Ve o müstefriḡâtan ba'ḍıdır bizim ihtirâ' ve ihtiyâr tiyâr eylediğimiz maṭbûḫ-ı ceyyid ki onun nüshası budur: Ġāfeş, efsentîn, helîlec-i Kâbüli her birinden beş dirhem, bezr-i biṭṭîḥ, bezr-i kıssâ ve'l-ḥıyâr, bezr-i kerefs, şükâ'â, bâzâ-verd her birinden onar dirhem, türbüd bir dirhem, ḥıyârşenber altı dirhem, menzû'u'l-âcem zebîb yirmi 'aded, sebistân otuz 'aded, tîn on 'aded, verd-i Fârsî ile mütteḥâz olan cüencebîn on beş dirhem; bu edviyeler aḫz olunup o mişlli maṭbûḫta mu'tâd olan resm üzere ṭabḥ olunur ve ondan bir ḳadeḫ-i kebîr içine bir ḳîrât saḳmūnyâ vaḍ' olunup şûrb olunur.

Ve ba'ḍı kerre o devâya ḥâcet olur ki min-vechin ḳavî ve min-vechin ḍa'îf olur, ammâ ḳuvveti ḥılt-ı lezici istifrâḡ ḥasebiyle olur ve ammâ ḍa'îf def'a-i vâhidede istifrâḡı keşir olmaz belki tederîc ile mirâren istifrâḡına ḥâcet olan ḥıltı istifrâḡa temekkünü olmakla olur ve istifrâḡ müteferriḳan olmakla ḳuvveti inhâk eylemez. Ve zıkr olunan min-vechin ḳavî ve min-vechin âher ḍa'îf olan devâyı cem' ve tefrîḳ mümkün olur ya'nî o devânın şerbet-i vâhidesini def'a-i vâhidede veyâḥûd defe'ât ile ḳalîlen ḳalîlen saḫy eylemek câiz olur. Mevâdd-ı rediyye ḳalîle ise o edviye ḳalîlen ḳalîlen saḫy olunmakla mevâdd-ı rediyyeyi ḳalîlen ḳalîlen ıtlâḳ edip o müstefriḡin bedene nikâyesi olmaz ve mevâdd-ı rediyye dahi ḳalîle olmakla onu rıfḳ

ile 'alâ-mehlin istifrâğda dahi o mevâdd-ı kalîle mevdi'ine kadar mu'teber muđırr olmaz. Ve eger mevâdd-ı rediyye keşire ise o devânın şerbet-i vâhidesi def'aten sakı olunup devânın sakı tefrîk olunmaz mādde-i rediyyenin bedende mekşî muđırr olmakla. *Ve bu mü'eddâyı edā eden Kānūn'un 'ibāreti budur:* وهذا الدواء هو الذي يمكن ان يفرق ويجمع ليطلق قليله ويطلق كثيره وأما القليل فقليلا من الردي وأما الكثير فكثيرا من الردي، إنتهى

Ammā o mişlli fi'li olan sülākāt isti'māl olunsa elbette cem' olunup şerbet-i vâhidesi def'aten sakı olunur. Sülākātın teşiri da'if olmakla kalilen sakı olundukta ba'dı kerre aşlā onun fi'li ve teşiri olmaz ve vaşf olan bu mişlli devādır: Türbüd yarım dirhem bi-hasebi'l-hācet noşşān ve ziyāde kılınmak dahi cāiz olur, sakmūnyā tassūc-ı vâhide qarīb ve dahi ekşer bu mezkūrlar ahz olunup cüencebīn ile ma'cūn kılındıktan sonra şürb olunur veyāhūd bir ūkıyye verd-i tarī uşāresi içinde veyāhūd şarāb-ı verd içinde şürb olunur.

Ḥummā-ı Muḥrıka Beyānındadır

O ḥummāya fārīkūs tesmiye olunur, ba'dı nüshada kavşūs vāki' olmuştur. Pes muḥrıka iki kısımdır:

Evvelkisi muḥrıka-i şafrāviyyedir. Ve şafrāvī ḥummānın muḥrıka olmasına sebep dāhil-i bedende olan 'urūkun küllisinde 'ufūnetin keşreti veyāhūd ḥāşşaten kalbin qurbünde olan 'urūқта 'ufūnetin keşreti veyāhūd fem-i mi'dede ve kebidde olan 'urūқта 'ufūnet olduğu olur.

Ve ikincisi muḥrıka-i balgamiyyedir. Ve o muḥrıka 'urūқта ta'affün eden balgām-i mālīhten 'arīd olur, o mālīḥ balgām nevāhī-i kalbe qarīb 'urūқта ta'affün etmekle. Ve bu balgām-ı muḥrıkeyi İbuḫrāt *Epīdīmiyā*⁶¹ tesmiye eylediği künnāşında⁶² zikr eyledi. Ve balgām-ı mālīhin tekevvününü bundan akdem senin ma'lūmun olduğu üzere māiyyet-i balgām şafrā-i ḥādde ile terekkeb edip ta'affün hasebiyle nārī olan o şafrānın māiyyet-i keşireye muḥālaṭasından olur.

61 “*Epīdīmiyā*” İbuḫrāt'ın mü'ellefātından bir kitābın ismidir ki onu Cālīnūs şerh eylemiştir.

62 “*Künnāş*” kitāb ma'nāsınadır.

Ve muhriķa a'râdı ğıbb a'râdından eşedd olduğundan vâcib olur ki muhriķanın müddeti ğıbbın müddetinden akşar ola.

Ve hummâ-ı muhriķa meşâyıha kalîlen 'ârıda olur velâkin 'ârıda oldukta ondan helâk olurlar, zîrâ meşâyıha muhriķa sebeb-i kavî hasebiyle 'ârıd olur ve onların kuvâları hem da'ife olur. Ammâ şübbân ve şıbyâna muhriķa keşîren 'ârıda olur velâkin şıbyânın muhriķası ruṭûbetleri hasebiyle eḥaff olur ve onlarda ba'dı kerre muhriķa sübât ile olur muhriķa ebḥirelerini teşvîr edip re'slerine şâ'ide olmakla.

Ve Buḳrât zıkr eyledi ki kaçan hummâ-ı muhriķa şâhibine ra'şe 'ârıda olsa ona ba'dehu 'ârıd olan ihtilât-ı 'aql ra'şesini tahlîl eder ve onun vechi budur ki ihtilât-ı zihne mü'eddî olan harâret-i muhriķa dimâġı cidden teşhîn eder ve aşab dahi ondan mütesahḥın olmakla ra'şe zâile olur. Ve mümkün olur ki ra'şesi ve ihtilât-ı zihni olan muhriķanın ba'dı kerre ihtilât-ı zihni ra'şe hasebiyle zâil ola, ihtilâta mü'eddî olan mevâdd-ı dimâġdan a'sâba müntefid olup ra'şe ihdâs etmekle. Ve muhriķadan münķadiye olanların ekseri kay' ve istiṭlâk ve ru'âf ve 'araḳtan biriyle münķadiye olur.

el-'Alâmât: Hummâ-ı muhriķanın 'alâmâtı hummânın lüzümü ve ferâtının ḥafâsı ve a'râdın şiddeti olur. Ve onun a'râdı lisânın ḥuşûneti ve lisânın evvelâ işfırârı ve sâniyen isvidâdı ve 'araḳın zamân-ı buhrândan mâ-'adâ ezminede ihtibâsı olur ve 'ataşın şiddeti dahi muhriķa a'râdından olur. İbuḳrât dedi ki lâkin muhriķada su'âl-i yesîr 'ârıd olsa şiddet-i 'ataş teskîn eder. Ve benzer ki Buḳrât'ın bu kelâmının vechi budur ki su'âl-i yesîr katında riye hareket eder ve o hareket hasebiyle riyeye luḥûm-ı rıḥveden ruṭûbet seyelân edip riye mübtelle olup 'ataş teskîn olur. Ve ekser-i emrde hummâ-ı muhriķada zâhir-i bedenin harâreti bâtının harâreti mikdârı olmaz belki bâtının harâreti harâret-i zâhireden aḳvâ olur. Ve muhriķanın nüksü hummâ-ı sâirenin nüksünden eḥaff olur. Ve safrâdan ḥâdiş hummâda a'râd-ı rediyye müştetde olur ve o a'râd-ı rediyye seher ve kalâk ve ihtirâk ve ihtilât-ı zihn ve ru'âf ve şudâ' ve iki şudğun çarebânı ve iki gözün ġu'ûru ve safrâ-i maḥḍa ile bâtının istiṭlâkı ve şehvetin sukûtu mişlîlilerdir. Ve kaçan eṭfâle hummâ-ı safrâviyye 'ârıda olsa sedyi kabûl eylemez, kerîhe görür ve maşş eyledikleri leben mi'delerinde fâsid olup tahammuḍ eder.

el-Mu'alecât: Muhrıkanın 'ilâcı ğıbb-ı hâlişa 'ilâcı olur ve o bâbda zıkr olunan müstefriğât ile istifrâğa hâcet olursa onun ta'cili evlâ olur, ammâ istifrâğ-ı tâmm nuçdan sonraca olur. Ve muhrıkada faşd olursa ba'dı kerre hummâyı ilhâb edip muđırır olur ve ba'dı kerre dahi nâfi' olur ve menfa'ati levninde humret ve küdüret oldukta olur. Velâkin muhrıka 'ilâcında hâcet tel'tife ve tebrîde ve tenâvül eyledikleri ağdiye ve eşribeyi bi'l-fi'l tebrîde eşedd olur. Ve kaçan suķūt-ı kuvvetten havf olunsa tağdiye eylemek lâzım olur her ne kadar ta'âma iştihâları olmaz ise ve huşuşan tağdiye olunmağa hâcet ziyâde eger muhrıka şâhibinden taħallül ekser olur ise, zîrâ ekseriyyâ onlara bülümüs 'arıđ olur ya'nî fem-i mi'delerinde hiss zâil olup bi'l-cümle ađđâ cāyi'a iken cū'u fem-i mi'de ihsâs eylemez ve ta'âma şehveti olmaz, binâen 'aleyh 'alilin taħallülü rü'yet olunsa vâcib olur ki bilâ-şehvet ta'âm tenâvülüne ikdâm oluna hattâ bedel mâ-yeteħallel hâşıl olup helâke mü'eddî olmaya. Ve ibtidâ-i hummâda telyîn olunmağa hâcet akvâ olur. Ve hummâ-ı hâdde mu'alecesinde cem'ân zıkr ve vaşf olunan bi'l-cümle mu'alecâta muhrıkada dahi hâcet olur. Ve muhrıkada [467b] olan fütür-ı kalîl katında 'alile temr-i Hindî suyu saķy olunup üzerine nevm eylemek şâlih olur ve o mâ-ı temr-i Hindî içine miķdâr-ı kalîl kâfûr dahi katılır. Ve onlara sikencebîn saķyı ve baķlatu'l-ħamķâ ħalıbi ve bezr-i hindebâ ħalıbi saķyı müsteħabb olur ve bi'ttîh-i zaķķî onlara cidden ceyyid olur. Ve onların mâ-ı bārid şürbünde bizim zıkr eylediğimize i'tibār olunur, eger mâni' yok ise onlara ihđırār gelince kadar saķy olunur. Ve ba'dı kerre onlara 'arıđ olan ihtilâ-ı zihn mâ talebini unutturur. Ve vâcib olur ki ona küllü vaktin kalîlen kalîlen cur'at-ı keşire ile mâ tecrî' oluna, 'ale'l-huşuş lisânlarında cefâf-ı rü'yet olunanlara tecrî' ekedd olur.

Ve muhrıkanın a'râdı müfriṭa ise bâblarında mezkûr olan mu'alecât ile 'ilâc olunur. Ve vâcib olur ki onlar ru'âf-ı müfriṭten tevaķķî ve muħâfaza olunalar, zîrâ onda ħaṭb 'azîm ve ħaṭar ziyâde olur ve vâcib olur ki onların nefeslerine dahi mürâ'ât oluna ve nevâhî-i şadr teşennüc şadedinde oldukça men' oluna, 'alâ-ħâlihi terk olunmaya. Ve vâcib olur ki rü'usları ħall ile ve dühn-i verd ile ve şandal ve mâ-ı verd ve kâfûr ve o mişlliler ile muħâfaza oluna ve o sülâķât ile dahi tenṭil oluna ki onun içinde bizim zıkr eylediğimiz maṭbûh ola.

Ve kaçan onlara seher 'ārîd olsa sehere mu'ālece eyle ve ona şarāb-ı haşhāş sakyında be's yoktur her ne kadar o şarāb haşhāş-ı esvedden müt-tehaz ise o mislli hâlde saky olunur. Ve muhrıkanın âhirinde onlara akrâş-ı şâliha saky olunur, akrâş-ı kâfûr mislliler akrâş-ı sâlihâdan olur. Ve o mislli vakte onlara sikencebîn ile bezr-i kased ve bezr-i hindebâ ve bezr-i baqlatu'l-hamkâ halıbleri ile saky olunmak muvâfık olur o vech ile ki senin reyin üzere yirmi beş veyâhûd otuz dirhem sikencebînden ve bâkî edviyelerin her birinden ikişer dirhem ahz olunur ve eger onda ishâl var ise ishâli mümsike olan akrâş-ı tabâşîr saky olunur.

Kurş-ı Ceyyid: Tabâşîr, verd her birinden ikişer buçuk dirhem, za'ferân iki dânik, baqlatu'l-hamkâ bezri, bezr-i hindebâ her birinden üçer dirhem, bezrî'l-kar', bezr-i kıssâ her birinden ikişer dirhem, şandal bir buçuk dirhem, rubbu's-sûs, neşâ her birinden birer dirhem, kâfûr bir buçuk dânik; bu edviyeden akrâş ittihâz olunup şerbet-i vâhidesi iki dirhem kılınır.

Âher: Verd dört dirhem, bezrî'l-hıyâr, bittîl, kıssâ, baqlatu'l-hamkâ bûzûru her birinden ikişer dirhem, za'ferân iki dânik, kâfûr bir buçuk dânik, şamg-ı neşâ, keşîrâ, rubb-ı sûs her birinden birer dirhem ve şerbet-i vâhidesi iki dirhem kılınır.

Ve kaçan hummâ-ı muhrıka inhiât-ı beyyin ile münhatta olsa suyu bürüdete mâil hammâma duhûlde be's olmaz. Ve hummayât beyninden hammâm ehabb olan hummâ balğam-ı mâlihten hâdis olan hummâdır.

Ḥummâ-ı Demde Olan Kelâm Budur

Cālînûs zu'm eyledi ki dem ta'affün eyledikte ondan hâdis olan hummâ dem hummâsı olmaz, zîrâ her kaçan dem ta'affün eylese şafrâ olup demeviyeti zâil olur ve ondan hâdis olan hummâ şafrâviyye olur, demeviyeye olmaz, pes o hummâ şafrâviyye aşnâfından olan ğıbb ve muhrıkadani biri olur ve onların mu'ālecâtı ile 'ilâc olunur ve Cālînûs'un bu kavli Bukrât kavline muhâlif olur ve emr-i vâcibin hilâfı üzere olur. Ve Cālînûs'u bu ğalaṭa ikâ' eden etibbâdan kudemânın o kavlidir ki onlar dediler: إذا عفن صار صفراء, zîrâ bu kelâm iki ma'nâyı ihâm eder: Ma'nâ-yı evvel budur ki kaçan dem ta'affün eylese onun ta'affünü demin ba'de't-ta'affün şafrâ olmasına mü'eddî olur ve o ma'nâ üzere 'ibâret-i mezkûrenin kelâm-ı

‘Arab’da nazîrî إذا اشتعل صار رمادا terkîbi olur ya‘nî her kaçan odun müşte‘il ve mütevaḳḳıd olsa onun işti‘âlî odunun ba‘de’l-isti‘âl remād olmasına mü‘eddî olur. Ve ma‘nā-yı sâni budur ki dem kaçan ta‘affün eylese dem hâl-i ‘ufûnette şafrâ olur ve bu ma‘nāya ḥaml olundukta ‘ibâret-i mezkûrenin nazîrî رمادا ما يسخن يصير رمادا Ya‘nî ḥaṣebde teşhîn olduğu hâlde remād olur.⁶³ Pes ‘ibâret-i mezkûreden müstefād olan iki muḳaddimedede nazar olunsun hattâ ‘ibâret-i mezkûre hangi ma‘nāya ḥaml olunmak şavâb idiği veyâḥûd onda vech-i şavâb olmadığı zâhir ve müteḥakkık ola.

Ammâ mefhûm-ı evvel o terkîbden aḥz olunmak üç vechten fâsid olur: Vech-i evvel budur ki kaçan dem ta‘affün eylese laṭîfi onun şafrâ-i redî olur ve keşîfi sevda olur o müte‘affin olan dem bi-küllîyyetihi şafrâ olmaz, pes ma‘nā-yı evvele ḳudemânın kelâmı ḥaml olursa o dem-i müte‘affin bi-küllîyyetihi şafrâ olur demek⁶⁴ müstefād olup ḥilâf-ı vâḳi‘ olur. Ve vech-i sâni budur ki demin ‘ufûnet ḥasebiyle şafrâya istiḥâlesi ba‘de’l-‘ufûnet olur, bizim nazarımız demin hâl-i ‘ufûnetidir, zîrâ ḥummâ hâl-i ‘ufûnette ‘arîḍa olur.⁶⁵ Ve vech-i sâlis budur ki dem ‘ufûnet sebebiyle şafrâya istiḥâlesi müte‘ayyindir lâkin o dem-i müte‘affin şafrâ oldukta onda ‘ufûnete sâbıka bâḳiye olduğu veyâḥûd olmadığı ma‘lûm değildir.⁶⁶ Ve çok eşyâ-ı müte‘affine vardır ki ta‘affün ḥasebiyle rakîḳi keşîfinden temeyyüz eder ve onun

63 Ma‘nā-yı sâni üzere إذا عفن terkîbinde olan إذا mücerred zarf olup şart ma‘nâsını ondan münselih olur. Ve teşhîn ta‘bîrinde işâret vardır ki ḥarâret şey‘en fe-şey‘en teşebbüs edip ḥaṣebin bir cüz‘ü remād olduktan sonra cüz‘-i âhere ta‘alluk eylemiştir; ḥaṣebde remâdiyyet ile sühûnet-i ḥaṣeb cem‘ olmuştur.

64 Câlînüs tarafından cevâb kâbil olur ki laṭîfin keşîften temeyyüzü şüret-i ihtirâkta olur, ‘ufûnette dem min-ğayri temyîzin fâsid olup şafrâ olur. Veil-hâşıl Câlînüsü ḡalaṭa düşüren ‘ibâret-i mezkûrenin ma‘nā-yı şaḥîḥi yoktur, iki mefhûmdan hangisine ḥaml olursa fâsiddir.

65 Vech-i sâni den Câlînüs için cevâb vermek mümkündür ki ḥummâ-i mezkûre evvelâ zamân-ı ḳalilde demevî olur, ‘ale’l-fevr şafrâviyyeye inḳılâb olmakla ona şafrâviyye mu‘âlecresi olunup şafrâviyyeden ma‘dûde olur.

66 Vech-i sâlis den cevâb vermek mümkündür ki laṭîfin keşîften temeyyüzü ihtirâktır ve her ‘ufûnette ihtirâk bulunmak lâzım değildir Ve mādde-i müte‘affine muḥterika olsa onun keşîfi remâdiyyet-i maḥḍa olur ise maṭiyye-i ḥarâret olmakla onda ‘ufûnet olmaz. Ve remâdiyyetten bir miḳdâr ruṭûbet bâḳiye ise o ruṭûbette ‘ufûnet-i sâbıka bâḳiye kalır. Eger ruṭûbet-i müte‘affine şalâḥi kâbil olsa aḥlât-ı müte‘affineyi lede’l-hâce tabî‘at işlâḥ ve isti‘mâl eder idi.

mütemâyizân olan rakîk ve keşîfinden birinde ‘ufûnet bulunmaz ve onların mevâdd-ı ‘afineden munfaşıl olduğu ba‘de’l-infişâl ‘ufûnetin beķāsını îcâb eylemez, zîrâ ba‘dı kerre ‘afine olan şeyden ğayr-i ‘afin olan şey’ hâşıl olur. Eger mebd-e-i huşûlün ‘ufûnetinden hâşılın ‘ufûneti lâzım olsa ahlâf-ı müte‘affinenin tekâşûf ve terem müd edenlerinden hummâ-i sevdâviyye hâdiş olurdu⁶⁷ ve ma‘a-hâzâ Câlînüs kelâmında o maħallde hummâ-ı sevdâviyye olmadığına i‘tirâfını iş‘âr eyledi.

Ve bu makâma gelince kadar zîkr eylediklerimiz kudemânın ‘ibâretlerinin mefhûm-ı evveli telhîşi idi, ammâ mefhûm-ı sâni şırf kezibdir, zîrâ ‘ufûnet fesâda bir tarîktir ya‘nî nefis-i ‘ufûnet ile şey-i müte‘affinin şüret-i nev‘iyyesi müteħavvile ve müteğayyire olmaz belki tağayyürü aħz edip bi-hasebi’t-ted-rîc ‘ufûnetin kemâlinde sonra tamâm-ı tağayyür olur, pes ‘ufûnetin zamânı mütemâdîdir ve ‘ufûnet o zamân-ı mümtedde ve dem dem iken hâdiş olur, nitekim ‘ufûnet-i balğama balğam olduğu hâlde sevdâya ve şafrâya istiħâle eylemezden muķaddem hâdiş olduğu gibi, zîrâ balğam sevdâya ve şafrâya ‘ufûnetin tamâm ve kemâlinde sonra istiħâle eder belki haķķ-ı şaħîl budur ki İbukrâf’ın kavli gibi ‘ufûnet-i demden dahi hummâ tevellüd edip ğıbb ve muħrıķaya muğâyir ondan bir nev‘ hummâ hâdişe olur.⁶⁸

Ve şimdiki hâlde biz deriz ki demden iki nev‘ hummâ tevellüd eder birisi hummâ-ı ‘ufûnet ve âheri o hummâdır ki ona Buķrâf sünûhas tesmiye eder, lügat-i Yûnân’da “sünûhas” muṭbıķa ma‘nâsınadır ve o hummâ müccered demin ğaleyânı ve sühûnetinden hâdişe olur, onda ‘ufûnet olmaz ve demin ekşer-i hâlde hummâyı îcâb eden sühûneti harâreti haķn ve ħabs eden südedden olur. Ve ba‘dı kerre bu hummâ âher sebeblerden dahi olur, o sebebler hummâ-ı yevm esbâbının iştidâdından olur; ba‘dı kerre o esbâb eşedd-i iştidâdı olmakla hummâ-ı ğaleyâniyyeye sebep olur ve o hummâyâ şâbbe-i ķaviyye dahi tesmiye olunur ve bu hummâ hummâ-ı ‘ufûnet ile

67 Zîrâ dem ta‘affün eylese ğıbb ve muħrıķadan biri hâdiş olur dedi, rib‘in ħudûşünü zîkr eylemedi.

68 Eger mefhûm-ı sâninin ħulâşası dem bi-külliyetihi ta‘affün edip dem iken bi-külliyetihi şafrâ olur demek olur ise kezib-i maħḍ olduğu zâhirdir. Ve eger demin bir cüz’ü ta‘affün edip o cüz’ün tamâm ‘ufûnetinde o cüz’ şafrâ olup ba‘dehu ‘ufûnet cüz’-i âhere sirâyet eyledikte o demde şafrâ mevcûd demek olur ise kezib olduğu memnû‘dur.

humma-ı yevm beyninde olan hummayâtan olur. Ve bu hummânın humma-ı yevmden farkı budur ki humma-ı yevmin sühûneti ervâha teşebbüs eder ve sünûhas hummâsında harâret-i deme teşebbüs eder. Ve bu hummânın humma-ı 'ufûnetten farkı budur ki bu hummâda 'ufûnet olmaz, ammâ humma-ı 'ufûnetin 'ufûneti olur. Ve bu hummâ bir hâdde hummâdır ki humma-ı yevme ve humma-ı dıkkâ ve humma-ı 'ufûnete müteğâyirdir ve çok vâkı' olur ki bu hummâ humma-ı 'ufûnete ve humma-ı dıkkâ intikâl eder. Ve çok kerre Cālînüs bu hummâyı humma-ı yevm mecrâsına icrâ eder ve [468a] Cālînüs re'y eder ki demevî olan hummâ humma-ı sâire ile terekkeb eylemez, zîrâ 'ufûnet-i deme 'arıda oldukta ahlât-ı sâireden her birine 'amm olur. Cālînüs'un bu kelâmı ba'dı mezâhibine münâkıd olur⁶⁹ ve biz vech-i tenâkuđu zıkr ile kelâmı tatvîl eylemeziz, zîrâ tabîbe ona zıkrın fâidesi yoktur.

Ve bu hummânın sebebi imtilâ ve südde olur ve ekser-i hâlde ri'yâdet hasebiyle olur, ri'yâdet mu'tâdı olmayan kimse istifrâğı terk edip ba'dehu bedeni mümtelî iken 'anîfen istifrâğ edenlerde hâşşaten keşîrî'l-vukû' olur ve ba'dı kerre deme 'ufûnet 'urûđu demin mâiyyeti keşîre olmakla olur ve onda mâiyyetin keşreti fevâkih-i mâiyyeyi keşîren tenâvül edip ondan tevellüd eden hılt-ı mâi 'ufûnete istihâle etmekle olur veyâhüd 'ufûnet-i dem hılt-ı ficcin keşretinden olur, zîrâ hılt-ı ficc ile dem 'ufûnete müsta'idd ve müteheyyi' olur ve o hılt kıssâ ve kâşed ve kümmeşrâ ve onların emşâlini tenâvül ile hâşıl olur. Ve bu demeviyye humma-ı lâzımedir, maddenin ya'nî demin lüzûmu ve 'umûmu olmakla ona buhrân ve mevttten birine müntehî olunca kadar aşlâ fütür gelmez.

Ve bu hummânın aşnâf-ı şelâsesi vardır ve onların eslemi mütenâkışadır ki şu'ûbet ile bed' ve ahz eder ve tenâkuş eylemekten zâile olmaz o hummâda mevâdd-ı mütehallile mevâdd-ı müte'affineden ekser olmakla. Ve mütenâkışadan sonra eslem olan müteşâbihedir ki o hummâ bir karar üzere

69 Allâhu a'lem vech-i tenâkuđ budur ki bu kelâmın me'âli humma-ı 'ufûnetin demevîsini itirâftır, karîben ise onu inkâr etmiş idi. Ve bundan mâ-'adâ 'ufûnet ahlâta 'amm oldukta hıltıtte-i 'afiniyye hummâların küllîsi mevcûde ve terekkeb hâşıla olur ve kelâmın evveli âhirine mütenâkıd olur meger ki hâric-i 'urûkta olan ahlât-ı sâir ta'affününden hâdiş olan hummâlar ile terekkeb eylemez demek murâd oluna.

olup evkâtında mütesâvî ve müteşâbih olur⁷⁰ ve ba'cdı kerre onun teşâbühü yedi gün kadar mütemâdî olur. Ve o aşnâf-ı selâsenin şerrlisi mütezâyide olan hummâ olur, zîrâ onda mādde-i mütehallile mādde-i müte'affineden ekall olur ve bu hummânın ya'nî demeviyye-i 'afiniyye hummânın buhrânı ekser-i hâlde yevm-i sâbi'e varır ve inkıdâsı mahsûs veyâhüd gayr-i mahsûs istifrâgla olur ve ba'cdı kerre haşbe ve cüderiden birine intikâl eder ve kaçan o hummâda sübât ve intifâh-ı batn 'arîd olup onda şavt-ı tabl misli şavt olsa ve ishâl o intifâh hattı eylemese ve temelmülü dahi olup ishâlinde intifâc eylemese ve onda haşaf ya'nî cereb-i yâbis ve hâşşaten 'arîdi hurûc eylese onlar mevte 'alâmet olur.

el-'Alâmât: Hummâ-ı demeviyye 'alâmâtı budur ki o hummâda lüzûm ve humret-i vech ve humret-i 'ayn ve intifâh-ı evride ve intifâh-ı şudgayn ve bilâ-nâfi'd ve lâ-'arâk imtilâ-i tâmm olur velâkin vakt-i buhrânda onda 'arâk olur ve çok kerre onun enfinde ve mehâciminde hukâk ve nefesinde dîk olur ve çok kerre dahi onlara sübât ve 'usr-i kelâm 'arîd olup redî olur ve kezâlik evrâm-ı halk ve levzetân ve lehâtın evrâmı ve seyelân-ı dümûc 'arîd olur ve harâretleri keşîre ve ruṭûbiyye-i buhâriyye olup ke-mâ fi'l-muhırîka kaşefe olmaz. Ve onun nabdı 'azîm, kavî, mümtelî, leyyin, serîc, cidden mütevâtir olur ve o nabdda ihtilâf-ı keşîr olmaz. Ve sür'at ve ihtilâfta muhırîkadan ve ḡıbbdan ekall olur ve onun harâreti muhırîka ve ḡıbb-ı kavîyye harâretine bâliḡa olmaz.

Ve demeviyyenin 'afine olan hummâsı galeyânî olup bilâ-ufûnet olan demevî hummâdan harâret ve a'râdda eşedd olur ve 'ilâcî dahi aş'ab olup demeviyye-i 'afiniyye muhırîkaya eşbeh olur, ammâ demin rikḡat ve ḡılzâtî hâric olanlardan müşâhede ile ma'ûm olur.

Ve sünûhas-ı galeyânîyye ibtidâ-i hâlde hummâ-ı yevme eşbeh eşyâdan olur velâkin harâreti ḡalîletü'l-lez' ve ḡalîletü'l-ezâ olur ve onun kurb-ı ḡalbde olanlarında te'sîr ziyâde olur ve ondan telehhûb ve rebv hâdiş olur.

70 Hummâ-i demeviyyede mütehallil olan mādde mütevaḡḡıda berâber olur ise o hummâyâ mütesâviye ve müteşâbihe ve vâkıfe derler. Eger mütevaḡḡıd mütehallilden ekser olur ise ona mütezeyyide ve müteşâ'ide ve mütekaddime derler. Ve eger mütehallil ekser olur ise ona mütenâkı'a ve müte'ahhire derler.

Ammâ demeviyye-i 'afine ekşer-i hâlde müsteviye veyâhûd şebîh-i müsteviye olur. Ammâ hummâ-ı demeviyyenin 'alâmet-i intikâli intikâl eylediği evrâm-ı hunâkiyye vü halkıyye ve evrâm-ı levzeteyn mişlli emrâdın 'alâmâtı olur ve onlar bundan aḳdem senin ma'lûmun oldu.

Ve cüderiye intikâl eyledi ise cüderî 'alâmâtı o intikâle 'alâmet olur ve onları ḳarîben sen bilirsın ve kezâlık bersâm ve şudâc ve ihtilâf-ı zihın mişlli emrâda intikâl eyledi ise onların 'alâmetleri hummânın onlara intikâline 'alâmet olur ve onlar dahi bundan aḳdem senin ma'lûmun oldu.

Ve ammâ o demevî hummânın 'alâmet-i tûlû senin bundan aḳdem senin ma'lûmun olduḡu gibidir ki 'alâmât-ı nuḑcun zuhûru müte'ahḫir olup vech-i munḫariṫ ve hummânın müddetinde tezâyüd ve teşâbüh ve tenâḳuş ḫâllerinde ihtilâfı ve ihtilâfı olur ve o ihtilâf ḫasebiyle müfettireye müşâbih olur ve delâlet eder ki dem ḫılt-ı ficc ile memlûdur.

Ammâ o hummânın müddet-i buḫrânına 'alâmât-ı nuḑcun zuhûru delâlet eder. Eger o 'alâmâtın zuhûru şâliş ve râbi' günlerden sonra olursa yevm-i sâbi'de buḫrân eylemez ve ekşeriyyâ o hummânın buḫrânı yevm-i râbi'de olur.

Mu'alecât-ı Hummâ-ı Dem: Bu hummâya mu'aleceden ḡaraḑ ḡaşye varınca ḳadar keşret-i istifrâḡdır ve hem cevher-i demi taḡlîzdir eger dem cidden mâi veyâhûd şafrâvî ise veyâhûd ḡaraḑ demi tebrîd ve tenḳıye ve terkîktir eger dem ḡalîz ise. Ve dem o kimselerde bulunur ki onun me'kûlû ḫılt-ı ḡalîzi ve ḫılt-ı ficci tevliḑ eyleye. Veyâhûd bu hummânın mu'alecâtından ḡaraḑ hummâyı fâ'il olan māddeyi inḑâc ve taḫlîl olur.

Ammâ istifrâḡ ile mu'alece ḳasd ve murâd olunsa min-beyni'l-müstefriḡât yedden faşḑ gibi bir şey nâfi' olmaz ve o hummâda ne vâḳt olursa faşḑ olunur, onda buḫrân ve nuḑca intizâr olunmaz. Lâkin o maḫmûmda toḫme var ise o toḫmeden ḫazer olunup evvelâ toḫmeden ifrâḡ olunur ve ba'dehu hummâsı dâime olursa o zamân faşḑ olunur. Ve bu hummâda ḳarîb-i ḡaşye ḳadar ve bedeni ḳavî olanlarda ḡaşyin vukû'una ḳadar faşḑ olunmaktan münfekk olunmaz, zîrâ ḡaşyin kendi dahi ḳaviyyü'l-mizâc olanları tebrîd eder.

Ve ma'lûm ola ki ba'dı kerre bu hummâda faşḑ ve mâ-ı bârid saḳyı mu'alecât-ı sâireden muḡnî olur. Faşdı tefrîḳ edip defe'ât ile faşḑ eylemek

mûcib-i isti'câl yok ise evlâ olur onun için ki ba'dı kerre gâşy qarîb olmak-sız faşd-ı gayr-i bâliğa ile faşddan garađ hâşıl olup ziyâdeye hâcet olmaz. Ve ba'dı kerre faşd-ı bâliğa fi'l-vaqt ishâl-i mirre ve 'araķ tâbi' olur ve vâcib olur ki onun 'araķı küllü vaqtin mesh oluna, zîrâ 'araķ mesh olundukça tetâbu' eder ve onlar ile 'alîle 'âfiyet hâşıl olur ve o ishâl ve 'araķtan hâdiş olan da'f ve gâşy gîdâ-ı laţîf ve sükûn ile telâfi ve tedârük olunur.

Ve vâcib olur ki onun şabî'atı devâm üzere telyîn oluna, bundan aķdem senin ma'lûmun olan mâ-ı rummâneyn ile ya'nî tatlı enâr ve mayaĥoş enâr suları şîrhîşt haddine bâliğ olunca ĥalt ve saķy olunmakla ve temr-i Hindî saķy olunmakla telyîn olunur ve kezâlik bizim zîkr eylediklerimiz şiyâfât-ı ĥafîfe isti'mâl olunmakla ve ba'dı kerre helîlec ve şâhterec ve ĥıyârşenber ve senin ma'lûmun olan o mişlli edviye ile 'inde'n-nuđc istifraĥa hâcet olur.

Ve eger 'alîlin ĥâlî yedinden faşdı ihtimâl eylemez ise alnında olan 'ırķ faşd olunur ve ona ĥacâmet olunur. Ve eger bi-ĥasebi'l-mâni' bu mezkûr-ların birini kabûl eylemezse muĥrıkada zîkr olunan ishâl isti'mâl olunur ve tebrîd ve tefţîh ve taķţî' olup galeyânı dahi teskîn olunur. Eger faşd ile gâşy 'arıđ olur ise ona ĥubz ile mâ-ı ĥışrım içâm olunur. Ve eger kendiliğinden ru'âf 'arıđ olur ise o ru'âfın seyelânı gâşye qarîb olmadıkça kaţ' olunmaz.

Ammâ 'alîlin demini taĥlîz rubb-ı 'unnâb verilmekle olur. Ve rubb-ı 'unnâb şan'atı budur ki yüz 'aded 'unnâb aĥz olup beş rıtl su içinde sülüşü kalınca kadar şabĥ olunur ve sükker ile taķvîm olunur, her ne kadar sükkeri kalîl olur ise 'unnâbın o rubbu efđal olur. [468b] Ve kezâlik 'ades ile dahi dem taĥlîz olunur ĥuşuşan ĥall-i ĥâmiđ-i şikkîf ile tenâvül-i 'ades rubb-ı 'unnâb tenâvülü kabîlinden olur. Ve mādde ĥalîza oldukta rubb-ı 'unnâb ve cirm-i 'adesi tenâvülden sana tevaķķî ve tecennüb ziyâde vâcib olur.

Ammâ bu ĥummâda demi tebrîd 'ades-i müberred ve mâ-ı bârid ve mâ-ı ĥass saķy ve içâmı ile olur eger mâni' yok ise. Ve ba'dı kerre o müberridât 'alîle irtî'ād ve ihđîrâr gelince kadar saķy olunur ve o saķy ile ba'dı kerre 'âfiyet hâşıl olur. Ve ba'dı kerre o ĥummâ-ı demeviyye balĥamiyyeye in-tikâl edip ba'de'l-intikâl akrâş-ı verd ve emşâli ile 'ilâc olunur ve o 'ilâc ba'dı müteĥaddimîn zîkr edip ve ba'dı müte'ahĥirînin intiĥâl eylediĥi 'ilâc-dır. Ve ammâ onlara mâ-ı şa'ır saķyı 'ilâc-ı nâfi'dir, onlara şabî'atları mülâ-

yim oldukta mâ-ı şa'ır saqı olunur. Ve mâ-ı şa'ır saqının efdal-i evkâtı galeyânın ve kerbin şiddeti ve işti'âl ve tevâtür-i hafakân vaktleri olur.

Ve ma'lûm ola ki 'ilâcı tebrîde kaşır edip faşdı ve ishâli terk eylemek südedi ve haqın ve habsi ziyâde eder ve o ihtibâs ile 'ufûnet ve harâret hâl-i sâniyede [ziyâde] olur. Ve ammâ mevâddı tenkıyesi müşilât-ı şafrâyı kuvvet ve da'fın icâb eylediği miqdâr isti'mâl ile olur ve kezâlik hılt-ı hâmi mündic olanlar ile olur, zîrâ bâ'dı kerre demin sebab-i 'ufûneti hılt-ı hâmi olur. Ve âhîr-i 'illette akrâş-ı kâfûr ve akrâş-ı tabâşîr saqı olunur ve bu akrâş dahi onlara ceyyid olur:

Nüşha-i Akrâş-ı Ceyyide: Tabâşîr üç, bezr-i kıssâ dört, bezr-i bakla-tu'l-hamkâ beş, bezr-i qar' altı dirhem, şamg, keşîrâ, neşâ her birinden üçer dirhem, rubb-ı sûs yedi dirhem; bu mezkûrlar ahz olunup onlardan akrâş ittihâz olunur.

Nüşha-i Uhrâ: Bu nüşha dahi onlara nâfi'dir huşûşan da'f-ı kebid katında menfa'ati ziyâde olur: Verd üç dirhem, enberbâris 'uşâresi iki dirhem, bezr-i kıssâ, kaşed, bitîl, hamkâ, tabâşîr her birinden birer dirhem, şamg, keşîrâ, neşâ her birinden yarımşar dirhem, râvend-i şînî, za'ferân, kâfûr her birinden rubu' dirhem, bu mezkûrlar ahz ve akrâş ittihâz olunur. Ammâ onların ağdiyeleri 'unnâbiyye ve 'adesiyye-i muhamma'da ve rummâniyye ve summâkiyye kılınır. Ve bu ağdiyeden mücib-i 'aql olur bir nesne olursa onun istikâli şirhışt hâl olunmakla kesr olunur. Ve kezâlik onlara muvâfık ağdiye olur iccâsiyye ve qar'ıyye ve hummâdiyye ve fevâkihten kümeşrâ-ı şînî ve rummân ve tuffâh-ı Şâmî ve onların bukülü, qar' ve kıssâ ve kaşed ve hindebâ ve bakla-i mübâreke ve hummâd ve küsfüre ve onlara müşâbih bukül kılınır. Ve eger onlara şudâ ve hafakân ve seher ve sübât ve kuvveti münhik ru'af ve sâir 'avârîd-ı şa'beden biri 'arîd olur ise bizim bâblarında bizim sana ta'lîm eylediklerimiz mu'alecâtla 'ilâc eyle.

Hummâ-ı Balgamiyyede Olan Kelâmdır

Bundan akdem senin ma'lûmun oldu ki 'ufûnet-i balgamdan hâdiş olan hummâ bâ'dı kerre nâibe ve bâ'dı kerre lâzıme olur ve balgamin sebab-i 'ufûneti dahi ma'lûmun oldu. Ve sâir hummâlar gibi hummâ-ı balgamda dahi evkât olur ve evkât-ı ibtidâsı on sekiz gün ve ekser-i hâlde iklâ'ı kırk

ile altmış gün arasında olur. Ve bu hummânın eslemi feterâtı na'iyiye ve huşuşan keşîretü'l-‘arâk olanları olur. Ve ‘arâk-ı mezkûrun keşreti mād-denin rikḳatine ve kılletine ve bedenin taḥalḥulüne delâlet eder. Ve bu hummânın evḳât-ı erba‘asından aṭvel olan vakt zamân-ı tezeyyüd ü şu‘ûd olur ve ma‘a-hâzâ bu hummânın inhiṭâtı ğıbbın inhiṭâtından zamân-ı keşîr aṭvel olur.

Ve ta‘affün eden balgām ba‘dı kerre zücâcî ve ba‘dı kerre ḥâmiḍ ve ba‘dı kerre ḥulv ve ba‘dı kerre dahi mâlih olur. Ve bundan akdem senin ma‘lûmun oldu ki balgām-ı mâliḥten ne keyfiyyet üzere muḥriḳa ḥâdiş olur. Ve ekser-i ḥâlde balgāmî hummâ mertûbîne ve de‘a aşḥâbına ve meşâyıḥa ve şıbyâna ve toḥme aşḥâbına ve murṭâḍîne ve ‘ale’l-imtilâ müstaḥimmîne ve cüşâ-i ḥâmiḍ aşḥâbına ‘ârıḍ olur. Ve o imtilâ aşḥâbına dahi ‘ârıḍ olur ki onların nevâzili mi‘deye nüzûl edip mi‘dede ta‘affün eder ve onların fem-i mi‘deleri elemenden ḳalîlen ḥâlî olur.

Ve ma‘lûm ola ki her hangi hummâda berd olsa onun şâhibinin nefesi çayyık ve sağır olur. *Ve ba‘dı nüshada “nefes” bedeline “nabḍ” vâķ olmuştur.*

Ḥummâ-ı Balgāmîden Dâirenin ‘Alāmâtı Beyânındadır

Bu hummâyâ emġîrnûs tesmiye olunur. Ve bu hummâ balgām-ı zücâcî ve balgām-ı ḥâmiḍden ḥâdiş oldukta onda berd cidden keşîr olur ve zücâcînin nâfiḍi eşedd olur velâkin onun nâfiḍi def‘aten ibtidâ eylemez belki ḳalîlen ḳalîlen eṭrâfta zuhûr eder ve ba‘dehu bürüdet selc ḥaddine bâliġ olur, onun sühûneti ḳabûlü ‘usret ile olur ve def‘aten sühûneti ḳabûl eylemez ve tedric-i muttaşıl ile dahi tesahḥun eylemez belki ḳalîlen ḳalîlen tesahḥun eder ve eşnâ-i tesahḥunda berd ‘avdet eder. Ve ba‘dı kerre o hummânın ibtidâsında olan berde ḳuşa‘rîret muḥâlaṭa eder ve ḳuşa‘rîreti balgâmdan cüz‘-i müte‘affin ḥasebiyle ve berd cüz‘-i ġayr-i müte‘affin ḥasebiyle ḥâdiş olur. Ve bu hummânın berd ve nâfiḍinin a‘zamı müntehâda olan edvârda olur. Ve bu humma naḥsı fâ‘il olan mādde ḥasebiyle ḥâdişe olmaz, binâen ‘aleyh o nefḍ ṭarîķi üzere onda nâfiḍ olmaz, zîrâ onun ‘ufûneti leyyinedir, lâzi‘a deġildir. Ve o hummâ şikâl ve sübât ile aḥz eder ve çok kerre nevâib-i ûlâda bilâ-berdin ve nâfiḍin ibtidâ eder ve onun nefḍi bir müddet te‘eḥḥûr

eder ve çok kerre dahi ğaşy ile ibtidâ eder ve ba'đı kerre dahi onun ile ibtidâ eylemez. Ve bu 'illette ğaşyi keşirü'l-vuķû olur fem-i mi'denin da'fı ve şehvetin suķûtu ve istimrâ-i ğidânın 'ademi ħasebiyle, zîrâ istimrâ mādde-i ğidâyı ğidâiyyete ve kuvvete müteheyi' kılar.

Ammâ balġam-ı mâliħten ħâdişe olan ħummâya kuşarîret teķaddüm eder ve onun berdi şedîde olmaz.

Ammâ balġam-ı ħulv ħasebiyle olan ħummâ evâil-i ħâlde ve nevâibinden 'aded-i keşirde kuşarîret ġâliben teķaddüm eylemez ve o evâilde berd ve nâfiđ dahi olmaz.

Ve ħummâ-ı balġamiyyenin ekser-i edvârı ğaşy ile aħz eder. Ve ba'đı kerre o ħummânın evâilinde ħarr-ı şedîd zâhir olur ve âħirinde o ħarâret kalîle olur ve müşâbih olur ki o ħarâret evvelâ ahlâ ve emlah ve eraķķ olan māddeye sübük eder ve ba'dehu ebrede ve aġlaza müteveccihe olur. Ve o ħummâda mess ile ħarâret evvel-i emrde da'ife ve buġarı iħsâs olunur ve yed-i mâsse 'udv üzere tûl-i müddet imsâk olundukça ħiddet ve ħarâfet iħsâs olunur velâkin taħt-ı yedde olan mevâdi'in iħsâs olunan ħarâretleri müteşâbihe deġildi belki yed-i vâħid ile memsûse olan mevdi'in ħarâretlerinden ba'đı ħarârette ħiddet ve ħurâķat ve ba'đı âħirde lîn ve da'f bulursun. Ve bu ħarâretin nazîri elekten geçirilen daķıķ mişllidir ki onun şâfisi elekten geçer ve keşif ve nuġâlesi elekte kalıp şey'-i vâħidin bir tarafı laţif ve bir tarafı keşif olur. Ve o ħarâretin şey'-i muġarbel verâsında olup ve-ch-i meşrûh üzere taşaffi ve telaţţuf eylediġinin sebebi budur ki balġam-ı lezicin ħarâretten infi'âli ve teraķķuķu muħtelif olur, ba'đı eczâları infi'âli ziyâde kabûl edip rakıķ ve zât-ı ħiddet olur ve ba'đı eczâ-i âħeri 'aks üzere olup keşif ve ġayr-i ħadîd olur, nitekim sâir lüzücât ħîn-i ġaleyânda biraz mevâdi'de cem' olup birikir ve mevâdi'-i uġrâda o cem' ve ta'âķķud olmaz ve 'alâ-küllî ħâl balġamın ħarâreti o meblâġa bâliġa olmaz ki onunla iltihâb ve kerb ħâdiş olup havâ-i bâride ve mâ-ı bâride iştîyâķ-ı 'azîm ola. Ve kezâlik onda tekeşşüfe ve temelmüle ve nefes-i 'azîm ü nâfiħe ħâcet dahi olmaz. Ve o ħummâda çok kerre bir ħâl 'arıda olur ki onda bir sâ'at veyâħud iki sâ'at mikdârı ħarâret zâile ve vâķife olur ve zann olunur ki ħummânın zamân-ı intihâsı geldi ve ħarâret onun için vâķife oldu ve ma'a-hâzâ henüz ħummâ zamân-ı tezeyyüd içre tevaķķud eylemek üzeredir, zîrâ

o tevaḳḳuftan sonra ḥarâretin mütezâyideten aḥzını sen müşâhede edersin. Ve o ḥarâretin zamân-ı tezeyyüdde vakfe-i mezkûresi okduḡu gibi kezâlik zamân-ı inḥiṭâtta [469a] dahi o ḥarâretin vukûfâtı olur.

Ve ḥummayât-ı balgamiyyelerde tendiye keşire olur keşret-i ruṭûbet ve keşret-i ebḥure ḥasebiyle velâkin o ḥummâda ‘araḳ ḳalîle olur ḥultın lüzûceti ḥasebiyle. Ve kaçan o ḥummâda ‘araḳ olsa o ‘araḳ ġayr-i şâyîc olur ve ‘araḳın in‘idâmı veyâḥûd kıllet-i vücûdu ḥummâ-ı balgama ḥâşş edilleden olur. Ve ‘aṭaş dahi balgamî ḥummâda ḳalîl olur lâkin ḥummâyı îcâb eden balgam-ı mâlih olur ise veyâḥûd o balgamda ‘ufûnet şedîde olur ise onun ‘aṭaş balgamî ḥummânın sâirlerinden ziyâde olur ve ma‘a-hâzâ onun ‘aṭaş balgamdan mâ-‘adâ mevâdd-ı sâireden tevellüd eden ḥummayât ‘aṭaşından da‘ife olur. Ve bu ḥummâda iki cenbler ba‘dı kerre müntefih olur ve cenbin cildesine ba‘dı kerre teraḳḳuḳ ve temeddüd ‘arîd olur. Ve ḥummâ-ı balgam şâhibinin levn-i beşeresi ḥudret ve şufrete olup onların onların cereyânı beyâdda olur ḥattâ o elvânda mecmûc-ı mürekkeb levn-i reşâş gibi olur ve ba‘dı kerre levn sâir ḥummayât müntehâlarında muḥmerre olduḡu gibi bunda dahi nâdiren muḥmerre olur.

Ve balgamî ḥummâ aşḥâbının nabdı da‘îf ve münḥafîd ve şaġîr olur, onda evvelâ tefâvût olur ve aḥîren tevâtür eder. Ve balgamî ḥummâda nabdın şıġar ve tevâtürü ġıbb ve ribcde olan şıġar ve tevâtürden eşedd olur ve şiddet-i tevâtürü şıġarının şiddeti için olur velâkin bu ḥummâda olan sür‘at-i nabd ribcde olan sür‘at-i nabd meblaġına bâliġa olmaz belki ba‘dı kerre ondan ebṭa olur veyâḥûd sür‘at ve buṭda ona müsâvî olur ve müsâvâtı nâdirü'l-vukûc olur. Ve bu ḥummâda nabd ma‘a-‘ademi’n-nizâm muḥtelif olur ve şıġâr ve dı‘âfın ya‘nî şabîlerin ve da‘îfü'l-ḳuvvet olanların ihtilâf-ı nabdları sâirlerden ekşer olur. Ve nabdın balgamî ḥummâyâ delâleti eṣaḥḥ-ı delâilden olur.

Ve ammâ o maḥmûmun bevli ḥummânın evvelinde ebyad-ı rakîḳ olur südedin ve berdin keşreti ḥasebiyle ve ba‘dehu ‘ufûnet ḥasebiyle muḥmerr olur ve redâet-i nuḍla tekeddürü olur ve ba‘dı kerre bevlin ḥâlî vakten fe-vakten müteġayyir olur. Kaçan bevli mâdde-i ġalîzadan naḳî olup ta‘affün ve taḥallül eylese ve süded bevli ḥurûcdan ‘avḳ eylese bevli beyâd levninde olur ve ba‘dehu bevlde olan şey ta‘affün eylese ve süded münfetiḥa

olsa südde-i uhrâ olunca kadar hurûc eden bevl muhmerre olur. Ammâ o maḥmûmun berâzı leyyin ve rakîk ve balğamî olur.

Ve ḥummânın balğamî olduğuna delâlet eden edilleden olur ḥummânın o hâli ki onda müddet-i nevbeti on sekiz sâ'at olup terki altı sâ'at ola ve terki terk-i nakî olmaya, zîrâ mādde-i balğam gılzat ve lüzûcet üzere olduğundan mâ'adâ kemmiyyeti dahi keşîredir, onun remâdiyyetinden zamân-ı terkinde ḥarâret ve eşer-i 'ufûnet külliyyen zâil olmaz.

Ve ḥummâ-ı balğamiyyeye sinn ve 'âdet ve faşl ve beled ve ağdiye-i mütenâvele ve eşşâb-ı bakıyyeden toḥme mişlliler delâlet eder. Ve şehane-den vechin levn-i mezkûru ve tehebbüci, melmesinin lîni ve fem-i ma'denin da'fı ve şehvetin sukûtu dahi o ḥummâya delâlet eder. Ve ba'dı kerre o ḥummâda tihâl kebîr olur, ekşer-i evkâtta o ḥummâya cüşâ-i ḥamîd keşîren sebkat eder.

Ḥummâ-ı Lâzime 'Alâmâtı Beyânındadır

Ve o ḥummâya leşikiyye derler ve onun 'alâmeti sāir balğamî ḥummâların 'alâmetleri gibidir lâkin lâzımede iklâ' ve iklâ'a müşâbih aḥvâl olmaz ve ibtidâsında nâfiḍ ve berd ve kuşa'tîretten biri olmaz ve dıkkâ eşbeh bir şey olur. Ve lâzime-i balğamiyyede dahi fütûr olur ve onun fütûru altı sâ'at ve dahi ekşer olur. Lâzımede olan fütûr dâire fütûrunun fevkinde olur ve zamânı ondan atvel olur velâkin ḥafıyye ve ğayr-i zâhiredir. Ve dâirenin zamân-ı fütûrunda bakıyye-i ḥarâret mevcûde olmakla her ne kadar o bakıyye-i ḥarâret ḥafıyye ve ğayr-i zâhire ise ona fütûr ıtlâk olunur ve iklâ' ıtlâkı ḥaḳîkat olmaz.

Zikri Ātî Hummayât Ekşer-i Aḥvâlde Balğamiyyât Ecnâsındandır: Ve aḥyânen şafrâdan dahi tevellüd eder ve sevdâdan o mişlli ḥummâ tevellüd eylemez. Ve o ḥummâlar için esmâ-ı maḥşûşa ve aḥkâm-ı muhtaşşa vardır, onun esâmileri bunlardır: inkıyâlûs ve lîfüriyâ. Bu iki sınıf ḥummâ o hummayât cümlesindendir ki onda ḥarr ve berd dâhilde ve ḥâricde ihtilâfı olur belâğımdan müte'affin olan ve müte'affin olmayanların mevâdî'inin ihtilâfları hasebiyle. Ve bu ḥummâ üç kısımdır ya'nî berd-i zâhirî ve ḥarr-ı bâtinî veyâḥûd 'aks üzere olup ḥarr-ı zâhirî ve berd-i bâtinî olur veyâḥûd ḥarr ve berd ile ihtilâf hem zâhirde ve hem bâtında olur. Ve esâmî-i maḥşûşası olan

hummaların biri dahi gâşyiyye-i hılîyyedir ve kezâlik hummâ-ı nehâriyye vü leyliyyelerdir.

Hummâ-ı İnkiyâliyûs

Bu hummâda bâtında berd ve zâhirde harâret olur. Bunun sebebi bâtında ve kaʿrda olan balgâm-ı zücâcî olur, balgâm-ı zücâcî bulunduğu mevdiʿi tebrîd eder ve binâen ʿaleyh bâtında bürüdet olur velâkin o balgâma baʿdî kerre ʿufûnet ʿârîda olmakla ondan buhâr müteferriḳ ve münteşir olup zâhirde o buhâr mültehib olur. Ammâ o balgâmdan ʿufûnet işâbet eylemeyenler bâtını tebrîd eder lâkin onun bürüdeti zâhire hürûc eylemez, zîrâ o balgâm-ı gayr-i müteʿaffin sâkin olur ve mülâkî olduğu ʿudv-ı bâtînî ondan münfaʿil olur ve beynehümâda ülfet olup hârice hareket eylemez ve kaçan ona ʿufûnet işâbet eylese tebeddüd ve teferruḳ edip münteşir olur her ne kadar bedenin külliyyetini istîʿâb eylemez ise.

Bu hummânın ʿalâmeti zikr olunan ʿalâmetlerdir. Ve o hummâ şâhibinin bevlî bârid ve ficc ve ḳalîlû'l-harâret olur, [kendî] cinsinden yaʿnî balgâmî olan sâire hummâda vâḳiʿ harâret-i bevlî meblaḡına bâliğ olmaz ve nabḏını buṭ-ı mütefâvit olur. Ve bu hummâ ekser-i hâlde küllü yevmin müştâde olur velâkin ḡılaẓ-ı mâddesi hasebiyle baʿdî kerre ribʿ ve ḡıbba istiḥâle eder, zîrâ bu hummânın mâddesi olan balgâm-ı zücâcî bedende ḳalîl olur ve maʿa-ḳilletin vücûdda onun taʿaffünü dahi ḳalîldir ve ḳillet ve nedret devrin buʿdu esbâbından olur ve devrin baʿid olduğu hummâyı balgamiyyetten iḥrâc eylemez, zîrâ o hummânın balgamiyye olduğu balgâmın ʿufûneti ile ʿârîda olduğundandır ve o sebep hâlâ mevcûd olmakla balgamiyye olduğu bâḳîdir. Ve balgâmî hummânın küllü yevmin nâibe olması hükm-i ekserîdir, bu hummâda o hükmün maʿdûm olduğu hummâyı balgamiyyetten iḥrâc eylemez, zîrâ o hummâyı balgâmî tesmiyesi nevbeti için deḡildir. Ve inkiyâliyûs hummânın nevbetinin müddeti dört sâʿatten yirmi dört sâʿate varınca ḳadardır ve ekser-i hâlde yirmi dört sâʿatten muḳaddem münḳaḏıye olur, zîrâ o hummânın mâddesi yirmi dört sâʿat tevakkud edecek miḳdârı keşîre deḡildir.

Ḥummā-ı Lîfûriyâ

Bu ḥummāda bâtında ḥarâret ve zâhirde bürüdet olur. Bu ḥummā ekser-i hâlde balgāmî olur ve ba'dı kerre şafrāvî olur, cidden gālîz olan şafrādan tevellüd eder. Ammā balgāmdan tevellüdü bu keyfiyyet üzere olur ki kaçan bâtında olan balgām müste'il olup ta'affün eylese o mevdi' müteşahhin olur ve o balgām taḥallül etmemekle onun buḥârî zâhir-i bedene ḥurûc edip münteşir olmaz ve ḥâric-i bedeni müsahhin buḥâr mefkûd olmakla ondan sühûnet dahi olmaz ve kezâlik kuvvet dahi ezâ mevdi'ine ya'nî bâtına munşabbe olur ve ḥarâret-i ġarîziyyeden zâhir-i beden hâlî kalıp bârid olur ḥuşûşan zâhir-i bedende zücâciyye olup ficce ve bâride balgām olur ise zâhirin bürüdeti ziyâde olur. Ve kezâlik o balgāmdan çok kerre min-ğayrî ta'affünün ebḥire taşa'ud eder ve ḥarâret ḥasebiyle o ebḥire balgāmdan munfaşîle olduktan sonra müddet-i kalîle ḥarâret mezķûreyi o ebḥire müstaşḥib olur ve ba'dehu mâ-ı müsahhinden ḥâdişe ebḥireden ḥarâretin müzâyelesi gibi zâhir-i bedene taşa'ud eden ebḥireden dahi ḥarâret müzâyele edip ve bürüdet şedide-i aşliyyesine 'avdet edip zâhir-i bedeni tebrîd eder. [469b] Ve bu ḥummânın şafrādan tevellüdünün keyfiyyeti budur ki kaçan şafrâ bâtında olup kalîle olsa ve ta'affün edip mevdi'ini teşhîn eylese ve ondan bir şey' taḥallül eylemese balgāmdan onun nazîrinden zikr eylediğimiz vech üzere onda dahi ḥummā-ı mezķûre 'arîd olur. Ve bu ḥummā aşnâfından şafrādan ḥâdişe ḥummāya tayfûdes ismi hâşş olur

Ammā lîfûriyâ ism-i cinstir, bu ḥummânın balgāmîsine ve şafrāvîsine ıtlâķ olunur ve bu ḥummā şatr-ı ġıbbdan atveldir. Ve bu lîfûriyâ denmekle ma'rûfe ḥummāda ve nezâirinde bir kâil için itirâd eylemek vardır ki etîbbâ ḥummânın ta'rîfinde ḥarâret-i ġarîbe kalbden cem'an bedene münba'ise ola diye zikr eylediler ve lîfûriyâ ve inkıyâlûs mislli ḥummâlarda vaşf olunduğu üzere ḥarâret bedeni müstev'ibe olmaz belki yalnız zâhirde veyâḥûd yalnız bâtında veyâḥûd zâhir ve bâtının ba'dı mevâdi'inde olmakla ta'rîf-i ḥummādan ḥâric olurlar ve o ḥummâları aşnâf-ı ḥummādan ta'dâd eylemek şahîḥ olmaz. Ve o münâkaşadan cevâb verip deriz ki bunun emşâli ḥudûd ve ta'ârifte meḥûz olanlar 'adem-i mâni' şartıyla aḥz olunmuştur, pes zikr olunan ḥummâlarda birer mâni' vardır ki ḥarâretin bi'l-cümle bedeni istî'âbına mâni' olurlar. Eger o mâni' mevcûd olmasa kalbden münba'is

olan harâret bi'l-cümle bedene ʿâmme olur id. Ve telhîş-i cevâb budur ki hummânın taʿrîfinin hûlâsası bu olur ki hummâ bir harâret-i ʿarîbedir ʿalbeden münbaʿise olup bi'l-cümle beden istîʿâb eylemek şânından olur. O harâret اذا خلّيت وطبعها terk olursa cemîʿan bedene münbaʿise olur ve bu maʿnâda taʿrîf-i hummânın nazîri olur mânın ve şakîlin taʿrîfleri, zîrâ “mâ”yı هو البارد diye taʿrîf ederler ve kezâlik “şakîl”i هو الهائوي الى السفلى diye taʿrîf ederler, maʿa-hâzâ mâ-ı müsaḥḥanda harâret ve mâ-ı mümallaḥta ruṭûbet olmaz. Ve kezâlik fevke mermî olan ḥacer fevkte oldukça esfele sukûṭ olmaz lâkin kendi ṭabîʿatları üzere terk olursa zîkr olunan mâ-ı bârid-i raṭb ve ḥacer esfele hâvî ve sâkıṭ olur idi ve kezâlik cemîʿan aşnâf-ı hummâda harâret-i ʿalbe bâliḡa olur ve ʿalbeden dahi şerâyîn ṭarîkı ile bi'l-cümle bedene münteşire olur lâkin baʿdî kerre mâniʿ ḥasebiyle baʿdî mevâdiʿde harâret olmaz, meşelâ maḥmûmun bir mevdiʿine cemed vaḍʿ olursa taḥt-ı cemedde harâret olmaz, sâir mevâniʿ dahi bu kıyâs üzeredir ve bi-ḥasebi'l-mâniʿ baʿdî mevdiʿde bi'l-fiʿl harâret olmazsa velâkin o mevdiʿde hummânın bi'l-fiʿl aḍrârı olur.

Zâhir ve Bâtından Her Birinde Baʿdî Mevâdiʿi Ḥârr ve

Baʿdî Âḥer Bârid Olan Hummâ Beyânındadır

Bu mişlli hummânın vukûʿu var ise onun sebebi o iki mādde olur ki ikisi dahi bârideler olup bi-ḥasebi't-taʿaffün hareket ederler, eḥadühümâ bâtında ve uḥrâsı zâhirde hareket eder ve o iki mādde-i bârideden her birisi keşîre ve fâşiye olmaz ve taʿaffünü aḥz eylediklerinde her birisi buḥâr-ı ḥârr irsâl eder, nevâhîde o buḥâr ṭavâf edip meṭâfını teşhîn ve mevâddın kendileri mevdiʿini tebrîd edip zâhir ve bâtında bedenın ḥarr ve berdde ihtilâfı olur. Ve ḥılt-ı bârid hareket katında tebrîd eylediğinin vechini ve sebebini bundan âkdem sen bildir.

Hummâ-ı Ğaşıyye-i Ḥıltiyye Beyânındadır

Bu hummânın ekşer-i ḥâlde sebebi o balğam olur ki ficc ve toḥamî ve keşîr ve müteferriḡ olup kuvveti ḡahr eyleye ve ekşer-i ḥâlde onun ḡâilesine ḡaḥf-ı miʿde iʿânet eder. Kaçan o mādde hareket edip ʿufûneti aḥz eylese onun kuvveti ḡahrı ḡable't-taʿaffün ḡahrından ekşer olur, o mādde

hâli üzere terk olunur ise kuvveti mütehayyire kılar ve o kuvvet māddeyi tenkiye eylemez. [Ve eger maddenin bi-rifkin istifragına iştiğāl olunur ise mādde kuvvete 'işyān eder veyāhūd māsse ve hareket-i hānıka ile hareket edip] kuvvet muhtenıka olur. Ve eger ishāl ve faşd-ı 'anifler ile istifragı iştiğāl olunur ise kuvvet o istifragı ihtimāl eylemez ve ne keyfiyyet üzere ihtimāl eylesin ki o māddeyi hāl-i sükūnunda ihtimāl eylemeyip gāşy hāşıl olmuştu, vakt-i harekette ahvālī ne gūne olacğın ona kıyās eyle. Ve ma'a-hāzā küllihi onların istifragā hācetleri şedīde olur ve kezālik gıdāya hācetleri dahi şedīde olur, zīrā onların ahlātlarında bedeni tağdiye eder nesne yoktur ki kuvveti in'āş eyleye ve bedende dahi gıdā 'adimdir; eger tağdiye olunur ise [mādde-i] nāhiḍa ziyāde olur ve eger tağdiye olunmaz ise kuvvet sākıta olur.

O hummānın ibtidāsında kalbe bir şey⁷¹-i bārid munşabb olup gāşyi ihdāş eder ve nabḍ şağīr ve baḥī ve mütefāvit olur ve ba'dehu ṭabī'at māddeyi teşhīnde ve telṭifte ictihād eder ve maddenin ba'ḍı eczāsını tahrīk eden 'ufūnet dahi teşhīn ve telṭifte ṭabī'ata i'ānet edip o maddenin bürüdeti maḍarratından kalb hālāş olur. Ve harāret 'ufūnet maḍarratından vāki' olup nabḍ-ı serī' ḥuṣūşan sūr'at-i inkıbādı hāl-i uhrāda olan sūr'atinden ekser olur ve nabḍda ma'a-sūr'atihi gālīben şıgar ve buṭ ve tefāvūt olur. Ve bu hummānın devri⁷¹ balgamiyye devridir ve zamān-ı devrinde kaldden hālī olmaz ve o hummāda tehebbüc-i vech ve terebbül-i beden olur; o maḥmūmun elvānı bir hālde karar eylemez gāhca māī ve gāhca reşāşī olur ve ba'ḍı kerre aşfer ve gāhca esved olur ve ba'ḍı kerre o 'alīlin şefeleri tūş ākilinin şefeleri gibi olur. Ammā o 'alīlin 'aynı kemide-i ḥaḍrā olur ve 'illetin heyecānı katında cidden cāhıza ve mürtefī'a olup maḥnūkun 'aynı gibi olur ve taht-ı şerāsīfleri şedīdü'l-intifāḥ olur ve kezālik aḥşāları dahi müntefiḥa olur ve çok kerre hāmiḍ kay⁷² eder. Ve ba'ḍı aḥşālarında verem olsa ondan bür⁷³ recā olunmaz.

Ve bu hummā ahyānen gālībe ve gālīza olan şafrādan 'ārıḍ olur ve onun aḥşāsında ḥurkat olur ve mirār kay⁷⁴ eder ve ekser-i hālde o şafrāvī hummāda edvār-ı balgamiyye olur.

71 Devrden murād devr-i küllīdir ya'nī müddet-i 'illette bür⁷² hāşıl olunca kadar kaldı olur ya'nī her gün onu hummā aḥz eder.

Ḥummā-ı Ğaşıyyeden Dakıka-i Rakıka Ḥummā Beyânındadır

Bu ḥummā ḥaddedir, nabdı ve kuvveti bir nevbet veyâhüd iki nevbette iskât eder. O ḥummā şâhibinin cesedinde bi-sür'atin terebbül-i zevebânî ḥâdiş olur ve ba'dı kerre yevm-i râbi'e kadar kuvvet vâkıfe olmaz. Ve o ḥummā o keymûsât-ı rakıkadan ḥâdiş olur ki onun ekşerinin rikkat ve ğavşı şedide olup cevheri rediyye ve semmiyye olan şafrâ olup ebdân-ı hârretü'l-mizâc ve cidden yâbiseti't-tabî'ada ona 'ufûnet 'ârıda olmuş ola. Ve bu ḥummayâtın ekşer-i nevâibi ḥummayât-ı ğıbb nevâibi gibi olur.

Ḥummā-ı Balğamiyyelerin Leyliyye ve Nehâriyyeleri Beyânındadır

Nehâriyye o ḥummâdır ki onun nevâibi nehâren 'ârıd olur ve feterâtı leylen olur ve ḥummā-ı leyliyye 'aks üzere olup nevâibi leylen ve feterâtı nehâren olur. Ve bu ḥummâların ikisi dahi redî olur ve nehâriyye atvel ve erde' olur ve nehâriyye tûlü ve hâreret-i nehârda vukû'u ḥasebiyle ekşer-i hâlde dıkka mü'eddî olur. Ve ḥummā-ı nehâriyye ḥabîsedir, eger ḥabîse olmasa nehâren vâkt infitâh-ı mesâmmda 'ârıd olmaz idi o vâkte buḥârın taḥallülü olmakla velâkin mâddenin keşreti ve kuvveti olup nehâren 'ârıd olmakla ḥabâseti müteḥakkık oldu. Ve ḥabâsetinin bir vechi dahi budur ki o ḥummânın nehârında vâkt-i nevbet olmakla tağaddiye ruḥşat verilmez ve onlar bi'd-ḥarûret leylen tağdiye olunup nevm 'ale'l-implâ nevm muḍırr olmakla sehere tekliḥ olunur ve seher kuvveti müskıṭ olur. Ve ḥarr-ı nehârda ḥummâya muḳâsât ve berd-i leylde seher o ḥummâyı dıkka teddiyye ḥarî olur ve'l-ḥâşıl ḥummā-ı nehâriyye ḥumma-ı 'asiredendir.

Ḥummā-ı Balğamiyye Mu'alecâtıdır: Bu ḥummânın mu'alecâtı bi-ḥasebi evkâtihâ muhtelife ya'nî ḥummânın ibtidâ ve intihâsı ve inhiṭâtı zamânlarında başka başka mu'alece ile 'ilâc olunurlar kezâlik nuḍcun zuḥûr ve ḥafâsı vâktlerinde olan mu'aleceler dahi birbirine muḥâlif olur ve kezâlik o ḥummânın mu'alecâtı bi-ḥasebi'l-mevâdd dahi muhtelife olur.

Mâdde-i [470a] balğamiyye aşnâfından ḥâmiḍa ve zücâciyye ve mâliḥa ve ḥulve ve sāir şınfların ḥummâları mu'alecâtı başka başka tedbîrler ile olur. Ve cemî'an aşnâf-ı balğamdan ḥâdiş olan ḥummayât üç emrde zamân-ı ibtidâda müşterek olurlar: Evvelkisi telyîn-i mu'tedil, ikincisi kay', üçüncüsü mülaṭṭıfât ve muḳaṭṭı'ât ve müdirrât isti'mâlidir.

Ve kaçan hummânın yevm-i sâlişi olsa hummâ sebebiyle mevâdd te-rakkuḡ eder ve yevm-i sâlisten muḡaddem istizhâr⁷² olunup itidâlden ziyâ-de telṡif tedbîr olunsa tahrîk ve izâ eder ve onun bir nâfi' fi'li olmaz. Ve ba'dı kerre üç evvelki günlerde mâ-ı şa'tır üzere iḡtişâr olunur eger mād-de rakıḡa veyâḡūd ḡalile olup muntehâsı ḡarîb olduḡu ümîd olunursa. Ve muntehâsının mütebâṡı ve mütebâ'id olduḡu yakînen ma'lûm ise tedbîr-i telṡif olunmaz. Ve cû' ve nevm 'ale'l-cû' ve riyâdet 'ale'l-cû' onu id'âf ey-lemesse ona ḡâyet menfa'ati olur belki sen zamân-ı ibtidâda yevm-i sâbi'e varınca taḡlîze meyl ile ve ba'dehu tedrîc ile telṡif-i tedbîr eyle lâkin istizhâr mücibince 'amel icâb eder ki evvelâ tedbîr-i telṡif oluna. Eger muntehânın bu'du zâhir olur ise mümkün olur ki tedbîr-i taḡlîz olunmakla telâfî ve te-dârük oluna ve ba'dehu vâḡt-i muntehâya ḡadar tedrîc oluna, zîrâ hummâ-ı balḡamiyye zamânının bu şanî'aya temkîni ve si'ası olur, ammâ hummâ-ı ḡâddede temkîn ve si'a olmaz ya'nî hummâ-ı ḡâddenin muntehâsı ḡarîb olmakla onda taḡlîz olunmaz belki zamân-ı ibtidâda telṡif-i tedbîr olunur. Ve kaçan hummâ yevm-i sâbi'i tecâvüz eylese telṡif üzere ikâmet olun-maz, zîrâ o müddetten sonra dahi telṡif olunsa o telṡif id'âf eder ve fem-i mi'denin ḡafını ziyâde eder. Ve sen kaçan balḡamî hummânın ṡûlünü ve zamân-ı keşîr mütemâdî olacaḡını iḡsâs eylesen onda telṡifi ṡûlü mikḡâr eḡall edersin ve ma'a-hâzâ o balḡamî hummâda telṡif rib'e olan telṡiften evceb ve âkeddir. Ve kezâlik bu hummâda vâcib olur ki mâ-ı fûrûc ve ḡubz ma'a'l-müzevverât saḡy olunmakta 'acele olunmaya lâkin ḡa'ftan ḡavf olu-nur ise veyâḡūd inḡiṡâṡ zâhir olur ise o vâḡtte saḡyda isti'câl olunur.

Ve zikr olunan tedbîr tedbîr-i müşterek idi, bundan sonra sebab-i hum-mânın ihtilâfına mürâ'ât olunur. Eger sebab mâlih veyâḡūd ḡulv olan balḡam olur ise veyâḡūd sebab zücâcî veyâ ḡâmiḡ balḡam olur ise ki o iki aḡîre hummâlara ferûmûdisü'z-zemherîriyye tesmiye olunur, onlarda beden aṡlâ tesahḡhun eylemez, pes o dört hummâdan iki evvelki hummâlar mu'âlecâtında devâ-i leyyin ile telyîne ve tebrîd-i mâya ḡâcet olur. Ve iki sânilerde devâ-i 'anîfe ḡâcet olur ve iki evvelkiler o mûlaṡṡîfât ve muḡaṡṡî'ât ile taḡṡî'e muḡṡâc olur ki onda olan teşḡîn ḡayr-i keşîr ola her ne ḡadar

72 “İstizhâr”dan murâd nevbet gelmezden muḡaddem nevbeti tahfîf için olunan ted-bîrdir.

tecîf keşîr olur ise. Ve iki şânîlerde o edviyeye hâcet olur ki onda teşhîn ve harâfet olup teşhîn ile telîf ve harâfet ile takîr eyleye huşûşan sebeb-i hummâ olan o balğama sevdâ dahi muhâlafe eyleye. Ve o mişlli hummâ kemmûnî ve ma'cûn-ı kibrîtiyye ve mümellihât isti'mâline hâcet olur. Ve zamân-ı ibtidâda isti'mâle evfağ olan edviye cülencebîndir, yevm-i sâbi'e kadar isti'mâl olunur ve kezâlik mâ-ı râziyânec ve mâ-ı kerefs ve mâ-ı hindebâ bi-hasebi'l-hâcet cülencebîn ile veyâhûd sikencebîn ile isti'mâlde be's yoktur, şedîdü'l-menfa'at olur ve zûfâ ile mâ-ı 'asel dahi isti'mâl olunur. Ve onunla ba'dı kerre mu'aleceden maflûb olan telyîn-i tabî'ata bülûğ olur ve huşûşan o cülencebîn müşhil olan Fârsî denmekle ma'rûf olan verd-i ahmer ile sükkerden mütteḥaz ola, zîrâ o cülencebîn müşhil-i müleyyin olur ve kaçan onunlatakiye olunmak kaşd olursa cülencebîn mâ-ı leblâb içinde mers olunur ve murâd olunur ise ona hıyârşenber ve fânîz ḥalt olunur ve kezâlik 'asel-i terencebîn ile mütteḥaz olan cülencebîn mâ-ı leblâbda idâfe ve ḥall olunup isti'mâl olunur. Ve o hummânın ibtidâsında ve ba'de'l-ibtidâ alile müşhilât ile ishâl için ilhâḥ olunmaz ve huşûşan mādde-i hummâ ile mādde-i şafrâviyye dahi olsa ilhâḥ aşlâ câiz olmaz, zîrâ fesâd-ı mizâca mü'eddî olur. Ve çok kimseler balğamî hummânın ibtidâsında her iki gecede bir kerre devâ-i türbûd ve her üsbû' iki kerre ḥabb-ı maştakî ve ḥabb-ı büzûr-ı müdirre saḳy ederler.

Nüşa-i Türbûd Devâsı: Zencebîl, maştakî her birinden onar dirhem, türbûd yirmi dirhem ve mecmû'-ı edviye vezninde sükker-i ṭaberzed bu edviye aḥz ve terkîb olunup küllü leyletin ondan bir mişkâl saḳy olunur. Ve o devâyı saḳya o vakt hâcet olur ki tabî'at leyyine olmaya ve beher yevm tabî'at iki def'a icâbet ederse o devâyı saḳya hâcet olmaz.

Ve muşannif der ki ammâ ben nuḍca ve devâ-i mezkûre ile telyîn-i tabî'ata intizâr edip teḥîr-i istifrâğa muḥabbet eylemem belki vâcib olur ki evvelâ mevâdd-ı balğamdan bir miqdâr istifrâğ olunup ba'dehu vakt-i nuḍca kadar bâkîsini istifrâğ teḥîr olunur ve o istifrâğ ḳalîlen ḳalîlen olunur ve onda mādde ihcâf ve külliyyen idâm olunmaz ve bu istifrâğdan sonra müdirrât saḳyına ikbâl eylerim ve mi'deyi id'âf ve raḳîki ishâl eden mâ-ı iccâş ve temr-i Hindî mişllilerini ben kerîḥ görürüm. Ve eger mādde berde keşîreten mâile ise ona lübb-i kırtım ḥalt olunur ve eger mādde şafrâ-

viyye ise ona şarâb-ı benefşec yâhûd mürebbâ-ı benefşec veyâhûd şîrhışt veyâhûd benefşec-i yâbisin meshûku hâlt olunur ve o hûkne-i leyyine ile isti'ânet olunur ki onun itti'hâzı 'asel ve milh ve mâ-ı sılķ ve dûhn-i hâll mişlliden olur.

Ve kay' ile dahi isti'ânet olunur, mâ-ı fücl ile ve fücl-i münakķâ' ile ki sikencebîn-i büzürî mişllilerde naķ' olunmuş ola. Ammâ o maħmûma ğaseyân ve ta'm-ı femin tağayyürü keşret üzere 'arıđ olup zıkr olunan muķayyi'ât ile hâdiş olan kay'dan ekşer kay'a hâcet olsa ħabb-ı fücl isti'mâ-line hâcet olur, ondan bir mişķâl mâ-ı bârid ile şûrb olunur ve kay'da her ne kadar id'âf-ı mi'de keyfiyyeti var ise lâkin bu bâbda cidden menfa'ati şedidedir ve bu 'illeti ķālî'dir. Ve vâcib olur ki kay' için yevm-i sâbi'e intizâr oluna, zîrâ yevm-i sâbi'den muķaddem olan kay'da 'unf olup mi'deyi tevrîm eder. Ve eger rıfķ üzere ona kay' müte'azzır olur ise 'unf ile kay' için ruhşât olmaz. Ve eger kay' i'tirâ eder ise ħuşûşan devrden zamân-ı ibtidâda i'tirâ eder ise def'-i tabî'î olmakla o kazf ħasb olunmaz ve ondan ihcâf ve id'âf olursa ona meybîh ve şarâb na'ne' saķy olunur ve bundan sonra bizim zıkr edeceğimiz eşribe ile ħabs olunur. Ve eger 'alîle şudâ' 'arıđ olur ise onda neţûlât-ı bâbüneciyye isti'mâl edip etrâf-ı erba'asını ya'nî iki el ve iki ayaklarını mâ-ı ħârre irsâl edersin ve iki sâķlarını şedd-i kavî ile şedd edersin. Ve kaçan mâ-ı şa'ire hâcet olsa uşûl ile maţbûh olan mâ-ı şa'irden miķdâr-ı mu'tedil isti'mâl olunur veyâhûd mâ-ı şa'ir mi'dede taħammuđ eylemezse sikencebîn-i 'aseli hâlt olunur ve taħammuđ ederse mâ-ı 'asel hâlt olunur. Ve mâ-ı şa'irin saķya evlâ olan ħâlî o ħâl olur ki o mâya evvel-i emrde inşibâĝ 'arıđ ola. Ve vâcib olur ki evvelâ cülencebîn saķy olunup iki sâ'at sonra mâ-ı şa'ir saķy oluna. Ve 'illetin ibtidâsında merühât-ı muħallile ile temrîh olunmaz ve kezâlik neţûlât-ı mülattıfe dahi isti'mâl olunmaz, zîrâ ibtidâ-i 'illette bedende ħılt-ı cevval mevcûd iken onları isti'mâl süĥûnet raţbesi ħasebiyle aĥşâyı irhâ eder ve o 'alîl mâ-ı bâriden ictinâb eylesin. Ve her kaçan bevl aħmer ve ğalîz rü'yet olursa faşd eylemekte be's olmaz. Ve o bevl şâĥibine vâcib budur ki sikencebîniyyât şûrbüne iştigâl eyleye.

Ve ma'lûm ola ki o ħummâ aşĥâbına delk mu'âlecât-ı nâfi'adandır [470b] ve ne kadar balĝam lüzücutli ve ğılzatli olur ise o miķdâr delk enfa' olur. Ve deyildi ki nesc-i 'ankebût zeyt ile hâlt olunup delk olunsa cidden nâfi'

olur. Ve 'illet tezeyyüdü aḥz eyledikten sonra sen ekşer-i 'ināyetini fem-i mi'deyi takviyeye şarf eyle; na'nā', maştakī, enīsundan meḍūgāt ittiḥāz edip isti'māl eyle ve bizim zıkr eylediğimiz minvāl üzere fūcl ile kay' isti'māl edip gıdāyı taḳlīl eyle. Ve evvel-i vaktte ve kezālik ba'de's-sābi' saḳy olunacak cülencebīne fem-i mi'deyi muḳavvī ve idrārı ḳavī olan enīsūn ve maştakī mişlli devāları ḥalt eyle ve onu mā-ı ḥārr ile isti'māl eyle ḥuṣūşan ibtidā-i devrde mā-ı ḥārr ile isti'māl ziyāde nāfi'dir, nāfiḍe ve berde muḳāvemet eder ve ma'a-zālik 'aṭaş var ise onu taṭfī'e ve teskīn eder ve çok kerre o vaktte balḡamı ve ḥāmı istifrāğa ruḥşat verilir velākin evlā olan tamām-ı nuḍca intizār olur. Ve kaçan 'illet ḥārr ile aḥz edip ilḥāḥ eder ise bu ḳurş ile intifāc olunur:

Ḳurş-ı Nāfi': Helīlec-i aşfer, şabır, 'uṣāre-i ḡāfeş, efsentīn her birinden beşer dirhem, za'ferān, maştakī her birinden altışar dirhem. Bu edviye aḥz olunup akrāş ittiḥāz olunur ve küllü yevmin bir dirhem ve küllü leyletin yarım dirhem saḳy olunur. Ve kaçan nuḍcun zuhūrunu rū'yet eylesen ona kerefs varaḳı ve bezri ile ve rāziyānec ve uşūl-i izḫir ve bersiyāvuşan ile i'ānet eyle.

Ve ma'lūm ola ki eger bu ḥummāda mādde cidden bāride olur ise onda miḳdār-ı ḳalīl fūlful ve ḳalīl-i ḡayr-i keşir şarāb-ı raḳīḳ isti'mālinde be's olmaz. Ve ba'dı kerre merūḫāt-ı muḥallile ile ona inḍācdā i'ānet olunur ve ona o merūḫ-ı muḥallil taḥlilde me'ūnet-i ḳaviyye olur ve muḥallilāt bu ḥummāya ḥummayāt-ı sāireden evfaḳ olur. Ve onu isti'mālde vācib olur ki ḳuvvete ve ḥummāya ve nāfiḍe i'tibār oluna, eger ḳuvvet ḳaviyye olup ḥummā cidden şa'b olmaz ise isti'māl olunan merūḫatın ḳuvveti iḳşār olunur; eger ḳuvve ḳaviyye deḡil ise veyāḥūd ḥummā cidden şa'be ise onda edḥān-ı laṭīfe ve i'tidāle ḳarīb olan dühn isti'māl olunur. Ve ḥummā on dördüncü günü tecāvüz eyledikte rāziyānec ve kerefs mişlli mülattıfāt isti'mālī ekşer kılınır ve ba'dı kerre onların büzūr ve enīsūn isti'mālīne ḥācet olur ve kezālik o sikencebīn-i büzūrī isti'mālīne ḥācet olur ki onda zūfā ve ḥāşā vāḳi' ola ve akrāş-ı verd isti'mālīne dahi ḥācet olur ve ba'dı kerre bi-sebebi'l-mi'de onda kündür ve maştakī ve su'd ve efsentīn mişlliler dahi kılınmaḡa ḥācet olur ve onlara o vaktte şarāb-ı raḳīḳ nāfi' olur telṭīfi ve ḥārr-ı ḡarizīyi takviye ve idrārı ve ta'rīḳi ḥasebiyle. Ve kaçan sen nuḍc ve ḳuv-

veti rü'yet eylesen akrâş-ı efsentîn saķy eyle. Ve bunlardan sonra ibtidâ-i nevâibde berdin ezâsını müşâhede ve rü'yet eylesen ve ilet zamân-ı ibtidâ-da olmasa ona o mâ-ı hârrı saķy edersin ki onda bezr-i kerefs ve enîsûn ve habaķ tabh olmuş ola. Ve bu edviyenin emşâlini ve onlardan aķvâ edviyeyi neţûlen ve baķûren isti'mâl edersin ve onların emşâli dahi nâfid-i şedîdde bu nüsha üzere saķy ve isti'mâl olunur:

Nüşa: Zencebîl, sa'ter, nânḥâh her birinden üçer dirhem, küzbere dört dirhem, verd-i fûdenec üçer dirhem, zebîb yedi dirhem; resm üzere tabh olunur, [şerbet-i vâhidesi üç evâķî olur.]

Ve kaçan nuĉ-ı tammı sen rü'yet eylesen edviye-i kavîyye ile istifrag ve idrâr edersin ve ona debîd kebrîsâ saķy edersin. Ve eger mâdde ebred-i belâğımdan ise ona tiryâķ saķy olunur. Ve vâcib olur ki ona akrâş-ı verdin kebîri mâ-ı râziyânec ile saķy oluna ve cür'et olunup ona küllü leyletin devâ-i türbûd saķy oluna ve habbu's-şabır ġâfeş ile veyâḥûd efâvîh ile müt-tehâz olanlar saķy olunur. Ve onlara saķy olunacak edviyeden olur bu şıfat üzere olan maţbûḥ: Eyâric yedi dirhem, türbûd on dirhem, helîlec-i esved beş dirhem, ġâfeş beş dirhem, milḥ-i Hindî üç dirhem, bâzâverd, şükâ'â her birinden dört dirhem, enîsûn üç dirhem bu mezkûrlar aḥz olunup mâ-ı kerefs ile tabh olunur ve ḥâcet miķdârı saķy olunur. Ve bundan dahi aķvâ olur iki aşl ya'nî aşl-ı kerefs ve aşl-ı râziyânec ile aşl-ı süsen her birinden onar dirhem, eyâric sekiz dirhem, uşâretü'l-ġâfeş beş dirhem, bezr-i kerefs ü râziyânec her birinden dörder dirhem, verd-i sünbûl, na'nâc her birinden yedişer dirhem; onlardan akrâş ittiḥâz olunup isti'mâl olunur.

Maţbûḥ-ı Ceyyid: İki aşl ya'nî kerefs ve râziyânec kökleri her birinden onar dirhem, zebîb-i münakķâ yedî, enîsûn, maştakî her birinden üçer, şükâ'â, bâzâverd, ġâfeş her birinden dörder dirhem, üç rıtl su bir kalınca kadar tabh olunur ve birkaç gün ale'r-rîķ saķy olunur.

Akrâş-ı Ceyyide: Bu ķurş iletin ezmânı ve nâfidin iştîdâdı katında isti'mâl olunur: Eyâric, uşâre-i ġâfeş, efsentîn, şükâ'â, bâzâverd her birinden beşer, bezr-i kerefs, bezr-i râziyânec, enîsûn her birinden üçer dirhem, milḥ-i neftî dört, bezr-i keşût, helîlec-i Kâbüli her birinden onar, ġârîķûn on beş, akrâş-ı verd yirmi, türbûd otuz; bu mezkûrlardan ķurş ittiḥâz olunup ve o ķurş müşhil olur.

Ve kezâlik şabır, helîlec-i aşfer, râvend, maştakî, ‘uşâre-i ğâfes, efsentîn her birinden birer cüz’, za‘ferân yarım cüz’; bu mezkûrlar dağ olunup isti‘mâl olunur. Ve kezâlik eyâric-i helîlec-i Kâbüli, milh-i Hindî her birinden dörder, bezr-i kerefs, râziyânec, enîsün her birinden birer buçuk dirhem, efsentîn beş akrâş, verd üç, şükâ‘â, bâzâverd her birinden ikişer dirhem; bu mezkûrlar dağ olunup hubûb ittiḥâz olunur.

Maṭbûḥ-ı Ceyyid: Ğâfiş beş, aşı-ı sūs, aşı-ı süsen, nāḥḡāh her birinden üçer, bezr-i kerefs, râziyânec her birinden dörder, verd beş, bu mezkûrlar ṭabḥ olunur, küllü yevmin şerbeti üçer ūkıyye olur.

Ve kezâlik uşûl-i selâşenin her birinden onar, enîsün, bezr-i kerefs her birinden ikişer dirhem, şükâ‘â, bâzâverd, ğâfes, efsentîn her birinden beşer, kaṇtûriyûn üç; bunlar ṭabḥ olunup ondan dört ūkıyye şûrb olunur. Ve kezâlik ḡaşış-i ğâfes ve şâhterec ve şükâ‘â ve bâzâverd ve efsentîn her birinden beşer, zebîb on, helîlec-i aşfer on ve bu nüşḡa balğam-ı mâliḡa ve safrâsı ġâlib olan mevâdda evfağ olur. Ve ġârîkûn bir dirheme varınca kadar veyāḡûd bir dirhem ve sülûş dirheme varınca kadar birkaç gün istifâf olursa ‘illetin teṭâvülünü men‘ eder. Ve ġârîkûnun bu menfa‘ati istifâf ile isti‘mâl olundukta ḡaşıl olduğı gibi kezâlik ‘asel ile mezc olunup şûrb olundukta dahi ḡaşıl olur. Ve ba‘de’n-nuḡc bezr-i encüre isti‘mâli cidden ‘acîb olur vech-i müteḡaddim gibi gerekse sefûfen ve gerek ise ‘asel ile isti‘mâl olunsun.

Ammâ kuvve-i cāzibeyi takviye edip mevâddı cihet-i ishâle cezb için bezr-i encüre isti‘mâl olursa, cāzibenin ḡa‘fı ḡa‘f-ı kebid ḡasebiyle olur ise ona rîvend ve bezr-i ekşûş ḡalt olunur ve ḡa‘f-ı mi‘de sebebiyle ise maştakî ve enîsün katılır ve ḡa‘f-ı tıḡāl ve tıḡālın ġılzati ḡasebiyle ise ona aşı-ı keber ve isḡûlûkandriyûn ḡalt olunur.

Ve bu nev‘ ḡummâda ba‘dı kerre tıḡāl ‘illeti ‘arıḡa olmakla o ḡâlde bezr-i encüre isti‘mâl olundukta o devâlar bezr-i encüreye muḡālîṭ olmağı ḡâcet olur. Ve ba‘dı kerre o sebebdan için su‘ḡ ve ḡabbu’l-bân ve ḡulbe dahi ziyâde olmağı ḡâcet olur. Ve ma‘a-zâlik ḡummânın şiddeti ḡâline mürâ‘ât olunmak gerektir ki ifrât-ı teşḡinde vâkı‘ olmaya.

Ve bu ‘illette ‘inde’n-nuḡc ḡâcet olan akvâ istifrâġât ḡabb-ı türbüdden şerbeti ziyâde ve ekşer kılmakla ve ḡuḡun-ı ḡaviyye isti‘mâl etmekle olur.

Ve bu hâbb dahi o müstefriğâtandır: Maştakî bir dânik, eyâric-i feykarâ yarım dirhem, ‘uşâre-i efsentîn rubu‘ dirhem, şahm-ı hanzal bir dânik, gârîkûn yarım dirhem, bu edviyeler sikencebîn-i ‘aselî ile hâbb olunup sakı olunur ve o müstefriğâtandır ki hâbbu’l-maştakî ve hâbbu’ş-şabır.

Ve eger mādde-i hummâ harârete [471a] mâil ise akrâş-ı tabâşîr-i müshilden üç kuruş ve türbüd bir mişkâl, sahmûnyâ yarım mişkâl, ‘uşâre-i gâfeş iki mişkâl aḥz olunup bi-hasebi’l-kuvvat sakı olunur. Ve kezâlik gâfeş, efsentîn, bersiyâvuşân, ihlîlec, şahterec, zebîb-i münakḳâ veznleri berâber aḥz olunup bi-hasebi’l-hâcet sakı olunur. Ve eger beden ishâli ihtimâl eylemezse mülâttîfâta ve müdirrâta ve mu‘arrîkâta ikbâl olunur. Ve muhtâcun ileyhâ olan edviye cümlesinden olur ‘asel ile nakṭ-i şabır. Ve kaçan ‘illet-i inhiṭâtı aḥz eylese ‘alile kable’t-ṭa‘âm hammâma duḥûlde be’s yoktur.

Ammâ onların ağdiyelerinden laṭîf olan gıdâlar ḥall ve zeyt olur ve ba‘dı kerre onların içine miḳdâr-ı ḳalîl mürrî dahi idḥâl olunur ḥuşûşan âḥîr-i ‘illette mürrî idḥâlî ziyâde muvâfîḳ olur. Ammâ akvâ olan gıdâları tayâhîc ve ferâric ve kıbâc mişlliler olup ba‘de’l-inhiṭât iṭ‘âm olunur. Ve vâcib olur ki o ağdiye-i ḳaviyyeler isti‘mâl olundukta ḥuşûşan ‘inde’n-nuḍc ḥall ve ḥardal ve mürrî mişlli taḳṭî-i olan ağdiye idḥâl olunur; eger balḡam-ı ḥâmiḍ redî-i lezic ise onlara mâu’l-hımmâş ve kürrâş ecved-i ağdiyeden olur eger içine kemmûn ve şibt ve zeyt katılır ise. Ve kezâlik bu bevârid dahi muvâfîḳ olur ki onun ittiḥâzı sılḳ, mürrî, ḥall-i zeyt-i maḡsûl ve kevâmiḥten kâmiḥ-i keber, kâmiḥ-i şibt ve sa‘ter ve encüdân ve helyûn mişllilerden ola ve onlar tebrîdi ve terṭîbi olan buḳûlden ictinâb ederler. Ve onların evḳât-ı taḡaddîleri nevbetin fütûr ve iḳlâ‘ından sonra olan ve nevbetten lâ-eḳall dört sâ‘at muḳaddem olan vâḳtler olur. Ve onların nevmlerinin miḳdârı yakḫaları ile mu‘âdil ve berâber kılınıp nevm ile nuḍc ve yakḫa ile taḥlîl taḥşîl olunur. Ve hammâmın onlara maḍarratı şedîde olur lâkin ba‘de’l-inhiṭât maḍarratı olmaz.

Hummâ-ı Balḡamda Vâḳîf Olan İfrâṭ-ı Ḳazf ve

Ḳayın Tedârûkü Beyânındadır

Lâyîḳ budur ki ifrâṭ-ı ḳayı def‘de meybih ve ma‘rûf olan şarâb-ı rummân-ı na‘nâ‘î sakı olunmakla isti‘ânet oluna. Ondan akvâyâ ḥâcet olur ise

bu maṭbûḥ isti'mâl oluna: Mayḥos enârın ḥabbı on dirhem, kündür-i ebyad, maṣtakî her birinden beşer dirhem, na'nâ^c yedi, iki rıtlı su içinde ṭabḥ olunur ki o suyun içinde dahi iki ṭāka na'nâ^{c73} olmuş ola ve o suyun nısfı kalınca kadar kaynatılır.

İfrât Üzere O Ḥummâda Vâkıf Olan İshâlin Tedârükü Beyânındadır

Ammâ o ishâlin ḥabsi senin ma'lûmun olan ğıdâi ve devâi kavâbıd isti'mâli ile olur. Ammâ ishâl ḥasebiyle 'ârıd olan ḍaḥn telâfi ve tedârükü o ishâlin 'akıbında ferârîc-i meşviyye vü muṭaycene iṭ'âm edip ve baḥûrât ve revâyiḥ-i nâ'îşe teşmîmi ile olur. Ve eger vechine ve eṭrâfına teheyyüc 'ârıd olur ise bu kûrş mişliyi isti'mâl ile intifâ ederler.

Nüşa-i Kûrş: Enîsûn, lûkk-i mağsûl her birinden beşer levz-i muḳaşşer, za'ferân, mermâhûz her birinden dörder, bezr-i kerefs, bezr-i râziyânec, fıkâh-ı ızḥir her birinden üçer, uşâre-i ğâfeş üç buçuk, sünbül altı, eyâric-i feykarâ, yedi verd on; bu edviyeler aḥz olunup ve ondan akrâş ittihâz olunup isti'mâl olunur. Ve ba'dı kerre emrûsiyâ ve devâ-i lûkk ve devâ-i levz-i mürr isti'mâline dahi ḥâcet olur.

Ḥummâda Ṭûl ve Berd Olsa Onda bu Kûrş İsti'mâl Olunur: Verd on, maṣtakî, sünbül, bezr-i râziyânec, bezr-i kerefs, bezr-i hindebâ, uşâre-i ğâfeş, efsentîn her birinden dörder, ṭabâşîr beş; bu mezkûrlar kûrş kılınır ve şerbet-i vâhidesi iki dirheme varınca kadar olur, on dirhem cülencebîn ile bezr-i râziyânec ṭabîḥinden iki ũkıyye kadar ile şûrb olunur. 'Asel ile ma'cûn kılınan nânḥâhın menfa'at-ı 'azîmesi bu mişlli mevzî'de zâhiredir.

Ve ba'dı kerre berd temâdî eylemekle delke muḥtâc olunur ve bu vech üzere delk olunur ki yedlerini delke ketiften ve ḳademlerini delke ũrbiyyelerden bidâye olunur eller ve ayaklar tesahḥun edip onlarda ḥarâret münteshire olsa o 'alilde 'iyâ gibi bir şey' ihsâs olunursa delk şulbe intikâl olunup şalâbet ile oğulur. Ve eger bir 'udv delk olundukta sühûnet müştetde olur ise o 'udv dühn ile delk olunur, kaçan 'udva miḳdâr-ı ḥâcet sühûnet geldikte onun delki terk olunup 'udv-ı âḥer delk olunur. Ve onlara edhân-ı ceyyide-den olur ḳabdı olmayan zeyt-i 'azb ve dühn-i bâbûnec ve inâ-i muḍâ'afte

73 “İki ṭāka na'nâ^c” demek iki dal na'nâ^c demektir.

maṭbūḥ olan dühn-i şibt. Ve kaçan sen tedhînden fâriğ olsan kerb versin için sen dühnü mesh eyle ve be's olmaz ki delk-i yâbise dühn ile delk ittibâc oluna.

Ve ḍa'fı olmayan mi'denin kuvvetini hıfz eder re's-i mi'de için olan o merūḥât ki onda dühn-i bâbūnec ve dühn-i nârdîn ve dühn-i şibt ola. Ve bundan akvâ olur dühn-i râzîkî ile temrîḥ eylemek. Ve admide-i nâfi'adan olur bâbūnec miḳdâr-ı yesîr maşṭakî ile o şarâbda ṭabḥ olunur ise ki ona ḍı'fı miḳdârı 'asel katılmış ola. Ve eger 'alîlin şehveti sâkıta ise ecved olan budur ki onda şarâb isti'mâl olunmayıp belki o meybhtec isti'mâl olunmaktır ki onda bâbūnec ve temr ve iklîlû'l-melik ve efsentîn ṭabḥ olmuş ola.

Balgamiyye Ḥummayâtan Lâzime Ḥummânın Mu'âlecâtıdır

Ve lâzime-i balgamiyye ḥummāya leşîkiyye tesmiye olunur. Ve onun 'ilâcî küllü yevmin nâibe ve müfârîka olan balgāmî ḥummā mu'âlecesidir ve o mu'âlecede mülâṭṭıfât-ı ḥârre rıfḳ üzere isti'mâl olunur. Ve eger siken-cebîn ve cülencebîn ve cüllābu'l-'asel ve mâu'l-'asel ve mâu'r-râziyānec ve kerefs ve uşûl-i şelâse üzere bu bâbda iktifâ ve iḳtişâr olursa ḳarîb olur ki onlardan intifâc oluna ve onlara kâmiḥ-i şibt ve kâmiḥ-i keber nâfi' olur ḥuşuşan âşâr-ı nuḍc zuhûrundan sonra isti'mâli ziyâde nâfi'dir. Ammâ onların tağaddîleri ezminesine mürâ'ât ve ve kuvvetin kuvveti ve ḍa'fı tedbîrlerinin zikri mürûr eyledi. Ve onlara edviye-i ceyyideden olur akrâş-ı aşere. Ve kezâlik onlara edviye-i ceyyide-i mücerrebedendir verd altı, rubb-ı sūs, şâhterec, sünbül her birinden dörder, maşṭakî, kehrübâ üç, enîsün iki. Ve kezâlik akrâş-ı gâfeş dahi nâfi'dir:

Nüşa-i Akrâş-ı Gâfeş: Gâfeş dört, verd bir dirhem ve şülüş dirhem, ṭabâşîr dört ūkıyye.

Nüşa-i Uḥrâ: Gâfeş üç ūkıyye, verd yarım rıtl, sünbül yarım rıtl, ṭabâşîr dört ūkıyye. Ve kezâlik ḳurş-ı efsentîn dahi nâfi'dir, şıfatı budur:

Nüşa-i Ḳurş-ı Efsentîn: Efsentîn, esârûn, bezr-i kerefs, enîsün, levz-i mürr, şükâ'â, bâzâverd, 'uşâre-i gâfeş, maşṭakî, sünbül her birinden ikişer

İnkıyâliyûs ve Lîfûriyâ Hummâları Mu'alecâtıdır

Bu iki hummânın 'ilâcı bundan evvel zîkr olunan hummânın 'ilâcına karîbdır ve kezâlik o iki hummânın 'ilâcları tarîkı dahi birbirine mütekarîbdir, pes onların mu'alecâtında vâcibdir ki sikencebîn-i 'aselî vü sükkerî ile bed' oluna. Ve o iki hummâda emr olunur ki 'asel ile maṭbûḥ olan rubb-ı hışrım ve kezâlik şarâb-ı verd saḳy oluna ve ba'dehu büzûr ve miyâh-ı büzûr saḳyı tarîkından nakṭ-i şabır ve akrâş-ı verd ma'a'l-maṣṭakî ve ḥabbu's-şabır ve eyâric-i feykarâ ve ḥabb-ı gâfeş saḳyalarına tadrîc oluna. Ve kezâlik o iki hummâda cem'an vâcib olur ki mi'deye itînâ olunup mâ-ı lûbiyâ ve fûcl ve şibt ve fûdenecle kaḫf oluna ve kezâlik müdirrât-ı isti'mâl oluna. O iki hummâya nâfi' müshilâtan olur helîlec-i esved ü aşfer ve sükkerden müttehâz olan müshil. Ve o hummâlara ḥuḳundan nef'-i belîğ ile nâfi' olan ḥiddete mâile o ḥuḳnedir ki onun aḥlâtında lübb-i kırtım ve ḳanṭuriyûn-ı daḳîḳ ve şibt ve bâbûnec ve ḥasek ve iklîlü'l-melik ve mürrî ve 'asel dâhil ola. Ve lîfûriyâ tebrîdinde [471b] rıfḳa ḥâcet inkıyâliyûsun rıfḳa ihtiyâcından ekşer olur.

Hummâ-ı Ḥultıyyeden Ğaşıyye Mu'alecâtıdır

Bu hummânın mu'alecesi şa'bedir, onun mu'alecesinde vech-i budur ki onun mâddesi tedricle istifrâğ oluna, edviye-i laṭife ile istifrâğ edip ḳaviyyeye intikâl oluna ḥuşûşan ṭabîatta bi-nefsihâ icâbet olmazsa sen ḥukun ile em'âda ve em'âya karîb 'urûḳta olan faḍlı tenḳiye edersin ve bâḳilerde delk ile telṭîfi isti'mâl edersin.

Ve Cālînûs zu'm eyledi ki hummâ-ı ğaşıyye aşḥâbının ekşerinden mevâdd ve faḍlı müstefrigât ile istifrâğdan 'âciz kalıp ancak delk isti'mâli ile istifrâğ eylemiştir. Ve onları delkin aḥsen-i vechi budur ki iki uyluktan ve iki sâḳtan delke bed' olup fevḳten esfele inḥidâr eyleye ve o delkte cildi sâḥice olan menâdîl-i ḥaşine isti'mâl eyleye ve ba'dehu delk-i riçlden yedleri delke intikâl eyleye, iki menkibden bed' edip iki kefflere nüzûl eyleye ve delki ile cildi muḥmerre eyleye ve ba'dehu ḫahrı ve şadri delk eyleye ve ba'dehu yine 'avdet edip sâḳını niḫâm-ı evvel üzere delk eyleye ve mümkün ise 'alilin evḳâtını iki kısma taḳsîm eyleyip bir kısmında tenvîm ve nişf-ı âherde tedlik eyleye.

Ve'l-hâşıl onların kânûn-ı 'ilâcları min-gayri teşhînin cidden tel'tife 'inâyettir. Ve onlara nâfi' olan edviyeden olur müla'ttîfât isti'mâli ve o müla'ttîfât mâ-ı 'asel mişllilerdir huşûşan mâ-ı 'asele zûfâdan ve bezr-i kerefsten birer kuvvet aḥz oluna ve gadâvette ve gadâvet mişlli vaḳtlerde isti'mâl oluna. Eger onlarda ishâl-i müfriṭ var ise mâ-ı 'asel ṭabḥ-ı eşedd ile ṭabḥ olunur ve o sebebden ishâl ḳalîl ve mu'tedil ve nâfi' olur ve kezâlik sikencebîn-i mu'assel o iki ḥummâya nâfi' olur eger eyyâm-ı şayfta isti'mâl eder ise. Ve mâ-ı bârid şürbüne i'tiyâdı var ise o sikencebîni mâ-ı bârid ile mezc edip şürb eder. Ammâ faşl-ı şitâda vâcib olur ki ona o sikencebîn saḳy olunmayıp onun şürbü mâ-ı ḥârre kaşr ola ve onlara şerbeti ḥârren şürb eylemek efḍal olur, ḍarûret-i kayz ve şiddet-i ḥarrin tekrîbi için bâriden şürb ederler. Ve teskîn-i aṭaş için şürb olunan meşrûbun efḍali ve evfaḳı sikencebîn-i 'aseli olur. Ve şarâb-ı mâi evvel-i emrde nâfi' olur huşûşan ḥummâları ka-viyye ola.

Ve kavıyyü'l-ḥummâ olan gaşyîyye ḳalîlü'l-vukû' olur huşûşan meşâyıḡta ziyâde nâdir olur ve onlara taḡdiyeden sonra şarâb saḳy olunur. Ve sana vâcib olur ki bu illet şâhibinin nabḍına dâimâ mürâ'ât eylesesin ve kaçan onun nabḍının ḍa'fını ve baḡteten suḳûtnu rüpyet eylesen ona şarâb-ı memzûcla meblûl olan ḥubzu iṭ'âm eyle eger aḥşâda verem yok ise, zîrâ verem-i aḥşâda nabḍın taḡayyür-i mezkûru olsa ona 'ilâcın vechi yoktur ve mevḍi'-i recâ değildir. Ve kaçan gaşy-i mezkûr müştedd olsa iṭ'âm-ı mezkûra ḥâcet olur velâkin vâcib olur ki ba'de't-ṭa'âm delk oluna. Ammâ onların akşam ta'âmları mâ-ı şa'tire kaşr olunur, üzerine ḡayri nesne ziyâde kılınmaz meger ki kuvvet sâḳıta ola. Eger mâ-ı şa'tır üzere bir nesne ziyâde kılınır ise cüllâbda veyâḡḡud 'aselde menḳû' olan ḥubz ziyâde kılınır.

Ve ḥammâm onlara aḍarr-ı eşyâdan olur. Ve kezâlik cidden ḥârr ve cidden bârid olan havâ onlara muḍırr olur, zîrâ havâ cidden ḥârr olsa o ḥarâret ile aḡlâṭın rıyeye ve ḳalbe seyelânından emn olmaz ve dimâḡa dahi şu'ûd eder ve havâ cidden bârid olsa aḡlâṭı nuḍcdan men' eder ve tesdîdini ziyâde eder.

Ve eger bu ḥummânın ḡıltı safrâviyye ise, eger kay'ı selh olup ḡafîf olur ise cidden nâfi' olur ve'l-hâşıl bu ḥummânın safrâviyyesi necâḡa ve necâṭa evlâ olur.

Humma-ı Ğaşıyye-i Dıkkiyye-i Raķıka Beyânındadır

Bu hummâda vâcib olur ki maħmûmun şadrına şandal ve mâ-ı verd ile dîmâd oluna ve kuvveti kalîlen kalîlen ğîdâ ile in'âş oluna. Ve onun ğîdâ-sı eger iştihâ eder ise mâ-ı rummân-ı müberredde veyâhûd mâ-ı fevâkihte menķû kılınan ħubz kılına ve eger taķviyeye ħâcet olur ise ħall ile ve mâ-ı ħışrım ile ferârîc ve buķûl-i bârîdeden müttehaz ħuşuşan küsfüreden müttehaz meşûşat onlara nâfi'a olur.

Leyliyye ve Nehâriyye Olan Ħummayât Tedbîridir

O hummayâtın tedbîri ħummayât-ı balġamiyye tedbîridir, beynehümâda ħilâf yoktur.

Rib'-i Dâire Beyânındadır ki Ona Tâtarţâvüs Tesmiye Olunur

Ħummâ-ı rib'in dahi iki kısmı olup biri dâire ve âheri lâzımedir velâkin dâirenin vuķû'u ekşer ve lâzıme kalîlî'l-vuķû olur. Ammâ rib'in esbâbı sevdayı tevli'd edip ba'dehu ta'fin eden eşyâ olur ve onlar cümleten senin ma'lûmun oldu. Ve kezâlik senin ma'lûmun oldu ki sevdânın aşnâfı vardır, şımf-ı vâhidi şüfl-i demdir ve âher şımfı demin ħurâķası o aĥlâtın remâdiyyeti olur. Ve kezâlik senin ma'lûmun oldu ki sevdânın dört kısmı vardır, demevî ve balġamî ve şafrâvîdir, zıkr olunan aşnâf-ı sevdâ o aĥlâtın ihtirâķından ĥâdiş olur. Ve dördüncü şımfı o sevdâ-i ġayr-i tabî'dir ki sevdâ-i tabî'inin ihtirâķından ĥâdiş olur. Tabî'î ve ġayr-i tabî'î sevdânın cemî'an aşnâfından ħummâ-ı rib' ĥâdiş olur. Ve ba'dı nâs zu'm eyledi ki sevdâ-i tabî'iyeden rib' tevellüd eylemez, zîrâ sevdâ-i tabî'yye ta'affün eylemez. Onlardan bu mişlli kavli işâĥa ve istimâ' câiz olmaz belki cemî'an ruţûbât 'ufûneti qabûl eder her ne kadar 'ufûneti qabûle teheyyûpleri ve ihtilâfları mütefâvit ise.

Ve rib'in ekşer-i ĥudûşu emrâđ ve ħummayât-ı muĥtelifeden sonra olur ve ħummayât-ı 'ufûnet 'akıbında olur, zîrâ ħummânın ihtilâfı aĥlâtın ihtilâfıyla olur ve kaçan 'ufûnet ile aĥlât-ı muĥtelife muĥterîķa olsalar remâdiyyetleri dahi muĥtelife olup eşyâ-ı muĥtelifeyi istifrâġa tabî'atta keşîren temekkün olmayıp maħall-i 'ufûnette bâķî kalıp ba'dehu remâdiyet ta'affün eyledikte rib' ĥâdişe olur.

Ve çok kerre rib^c tıhāl 'aķıbında vāķi^c olur ve ma'a-zālik rib^c ekser-i hālde veca^c-ı tıhāl ve şalābet-i tıhālden hālī olmaz ve eslem-i rib^c verem-i tıhālden ve ğayrın vereminden hādīs olmayıp ve verem-i tıhālī dahi müstaşhıb olmayan rib^cdir, zīrā verem-i tıhāl hasebiyle 'arıđ olan rib^c istiskaya ve kayle marađına mü'eddī olur. Ve rib^c-i selīm şāhibi emrāđ-ı rediyye-i sevdāviyyeden hālāş bulur, mālīhūlyā ve şar^c mişlli emrāđ-ı rediyyesi olanlar rib^c ile kurtulur. Ve rib^cde teşennücden emān vardır, zīrā rib^cden māddesi hılt-ı yābistir ve ekser-i hālde rib^c hılt-ı yābisten tevellüdüne bināen marađ selīm olur ve tedbīrinde ħaťā vāķi^c olmaz ise bir seneyi tecāvüz eylemez ve ba'đı kerre on iki sene mülāzemet eder ve dahi ziyāde olur, ammā müteťāvil olan rib^c istikaya āile ve rāci'a olur. Ve ma'lūm ola ki faşl-ı ħarīf ħummā-ı rib^c için 'adüvvdür.⁷⁴

el-Ālāmāt: Rib^c evvelā berd-i ħalīl ile aĥz eder ve ba'dehu berdi tezeyyüdü aĥz eder ve ba'dehu müntehī katında yesīren ħalīl olur ħummā-ı balġamiyye olduđu gibi ve kaçan beden mütesahhın olsa ħarāret şedīde olmaz velākin balġamiyye ħummāsının ħarāretine kıyās ile rib^cin ħarāreti ekser ve aźher olur. Bu iki ħummāda ğayr-i şedīd sühūnetin sebebi budur ki onların mevāddının ya'nī balġam ve sevdānın iştī'ālinde her ne kadar 'usret var ise yine iştī'āl eder velākin iştī'ālī şedīd olmaz belki ħaťab-ı cezlin ya'nī kütüġün iştī'ālī gibi ħalīlen müşte'ıl olur ve cemī'ci bedeni iştī'āl ve iltihāb müştemil olmaz belki bedende kuşarīret ve şıķal olur.

Ve bu maķāmda Kānūn nüşhalarının 'ibāretleri muĥtelifedir. Tab' ile olan nüşhada mevcūd olan 'ibāret budur: فإنهما مع تعسرهما في الاشتعال تشتعل فإنتهā. "Cezl" zā-i mu'ceme ile ħaťab-ı yābis ma'nāsınadır, ammā zāl-ı mu'ceme ile ħaťab-ı kebīrin kökü ve kütüġü ma'nāsınadır. [472a] Ve nüşha-i sulťāniyyede اشتعال تشتعل vāķi^c olmuştur, siyāk ve sibāķa bu nüşha muvāfıktır velākin لا يشتد kavlınden ma'nāsını irāde ve "ħaťab-ı cez"den "ħaťab-ı raťb" ma'nāsını irāde ħilāf-ı zāhirdir, zīrā "cez"ın bi-ħasebi'l-lüġa ma'nāsı Şıķāĥ'ta ve Kāmūs'ta zıķr olunduđu üzere budur; Bizim icmālen zıķr eylediklerimizi takrīr ve zihninde tavťın murād edip siyāk ve sibāķı fehme

74 Ĥattā ħarīfte olan rib^c tavīle olur ħuşuşān şitāya muttaşıla ola.

kudreti olan kimselere vâcib olur ki Kânûn'un bu maḥallini ke-mā hüve ḥakḳuhu müṭâlâ'a eyleye, zîrâ tafşîli iṭnâba mü'eddî olmakla tercümeğe muvâfîk olmaz.

Ve iltihâb ve işti'âlin ḍa'fı ve kuşa'rîreti 'adem-i tecâvüzü ve şîḳalın vücûdu ḥaltın gılzati ile olur. Ve rib'in berdi ile veca'dan bir şey olur ki ke-enne o veca' 'izâmı kesr eder ve o vakte bir nev' intifâd ve irtî'âd dahi olur ki onda esnân ıstîkâk eder velâkin o intifâd ve ıstîkâk balğamiyyede olan intifâd ve ıstîkâk meblağlarına bâliğ olmaz. Ve bu ḥummâ ḍa'f-ı başara mü'eddiye olur ve 'inde'n-nuḍc o 'avârîḍ beynûnet ve müfâraḳat eder, zîrâ o vakte redâ'et ḳalîle olur vakt-i ibtidâda ḳalîle olduğı gibi.

Ve kezâlik rib'in 'alâmâtındandır rib'in esbâbının teḳaddümü o esbâb-ı müteḳaddime ḥummayât-ı ṭavîle ve tuḥâl ve veca'ın teḳaddümleridir. Ve rib'in 'alâmâtındandır mizâcın ḥâlî ve mizâcın sevdâviyyetinin delâili ve sinn ve faşl ve gıdâ ve seḥane ve 'âdet ve onların emşâlleri ve rib'in devri yirmi dört sâ'attir.

Ve çok kerre bir ḥummâ şayfta ḡıbb ve şitâda rib' olur. Ve çok kerre ḥummayât-ı muḥtelife nizâmı olmayan ḥummayât-ı muḥtelîṭeye mü'eddî olur, zîrâ ḥummayât-ı muḥtelifede ba'de'l-iklâ' bâḳıye olan aḥlâṭ dahi muḥtelife olup o aḥlâṭ teremmiüd üzere istikrâr eyledikte rib' üzere istikrâr eder.

Ve balğam ihtirâḳ edip ondan tevellüd eden ḡayr-i ṭabî'î sevdânın ḥummâsı edvârı aṭvel olur ve o nev' ḥummânın ekşeri ḥummâ-ı muvâzıbeden sonra ḥâdiş olur ve o ḥummâda 'araḳ ebṭa' ve bevl ağlaḳ olur ve 'ırḳın ya'nî damarın şalâbeti eḳall olur ve ekşer-i emrde o ḥummânın ḥudûsu ḥummayât-ı balğamiyyeden sonra olur.

Ve ihtirâḳ-ı demden ḥâşıl sevdâ-i ḡayr-i ṭabî'î ḥummâsının 'alâmâtı dem 'alâmâtının zuḥûru ve dem ḥummayâtının teḳaddümleri ve bevlın ḥumreti olur ve ona seḥane ve sinn ve faşl dahi delâlet eder. Ve ba'dı kerre ḥummayât-ı deme viyyeden sonra ḥâdişe olur.

Ve şafrâ-i muḥterîḳadan ḥâdiş rib'in 'alâmâtı, onda nabḍın sür'at ve tevâtürü eşedd olur, kuşa'rîret ile ve kezâlik berd ve laḥmda vâḳî' raḍḍ ve 'aṭaş ve 'araḳ ile ibtidâ eder ve onda ḡaḍab ve 'aṭaş ve iltihâb olur ve ona seḥane ve sinn ve faşl delâlet eder. Ve ba'dı kerre o rib' ḥummayât-ı şafrâ-viyyeden sonra olduğı dahi ona delâlet eder.

Ve rib' de nabđ şalâbete mâil olur yübüset-i hılť hasebiyle, zîrâ hılť-ı yâbis nabđı dâhile cezb edip nabđ teşennüce müşâbih olur. Ve kezâlik rib' de nabđ istivâya mâil olur eger mevâddı hareket eylemezse ve kaçan hareket eylese nabđ cidden muhtelif olur fađlın gılzati hasebiyle. Ve rib'in fetretinde tefâvüt zâhir olur ve o tefâvüt rib'e tamâmen delîl olur. Ve çok vâkı' olur ki rib'in ğıbbda olan nabđda muhâlif olup inbisâtı ğayr-i müstevî ve inkıbâdı şedîdü's-sür'at olur. Ve rib'in nabđı sığar ve tevâtürde balgamiyye nabđından ahsen olur velâkin ibtâ'da mümâsil olur ve nevbetin ibtidâsında but' ve tefâvütü ziyâde olur ve ihtilâfı hummayât-ı sâireden ekşer olur ve ibtidâdan sonra ızamı ve tevâtürü ve sür'ati aĥz eder. Ve rib' de bevl bi'l-cümle evkâtta müteşâbih ve 'adem-i nuşhda müsâvî olur mevâddının berdi ve gılzati hasebiyle lâkin intihâ zamânında eger intihâ ceyyid olur ise onda nuđc-ı bevl olur velâkin bevlın aĥvâli ve elvânı muhtelif olur, zîrâ sevdâ aĥlât-ı şettâdan tevellüd eder ve hangi hılťtan tevellüd ederse sevdâ-nın levni o hılťın levnine đarib olur.

Ve rib'in nuđcuna 'alâmet budur ki onda nâfiđin lîni olur, ammâ bevl rib' den zamân-ı ibtidâda ebyađ olup ĥuđrete đarib olur ve ficc olup onda hađm olmaz ve ba'de'l-ibtidâ muhtelif olur ve onda televvün olur onun için ki sevdâ aĥlât-ı şettâdan mütevellide olur ve 'inde'l-inĥitâş esved olur.

Ve rib' de 'araĥ balgamiyyeye kıyâs ile keşir olur ve hummayât-ı sâireye kıyâs ile keşir olmaz. Ve bu hummâda 'ataş ģalîl olur velâkin rib'in mâddesi şafrâ-i muhterikadan ĥâdiş olan sevdâ olur ise onun 'ataşı ģalîl olmaz.

el-Mu'âlecât: Bu 'illette nazar olunur ki onun mâddesi olan sevdâ-i ğayr-i tabî' sevdâ-i demeviyye veyâĥüd balgamiyye veyâĥüd sevdâ-i sevdâviyyeden hangisi olur, 'alâyiminden ta'arrüf olunur ve her hangisi ise ona münâsib bizim zıkr edeceğimiz tedbîr ile tedbîr olunur velâkin biraz aĥkâm vardır ki rib'in cemî'an aşnâfı o aĥkâmı müşterek olurlar: Ve o aĥkâm-ı müsterekeden biri budur ki onların cümlesinin ibtidâsında intifâđ olur ya'nî bidâyeti nâfiđ ile olur ve kezâlik vâcib olur ki te'emmül olunup demde ğalebe olduĝu biline ĥuşuşan rib'in mâddesi sevdâ-i demeviyye ise bu te'emmül ziyâde vâcib olur. Ve ba'de't-te'emmül demde ğalebe olduĝu taĥakkuk eder ise faşđ oluna ve ĥâcet miĥdârı dem aĥz oluna.

Ve baʿdî kerre o sevdâ-i demevîyyenin keşreti kemmiyyeti ve redâʿet-i keyfiyyeti o mâddeden şeyʿ-i keşîr ihrâcını icâb eder. Ve eger faşda hâcet yok iken faşd olursa onun vücûh ile maḍarratı olur, zîrâ o faşd ʿalîlî idʿâf eder ve sevdânın çıddını ihrâc eder ve ahlâṭı hârice tahrîk eder.

Ḥummâyı muḥdiş ḥılṭtan bedeni tanzîf için külliyyen istifrâğ nuḍc ka-tında olur. Ammâ ibtidâ-i ḥummâda ḳable'n-nuḍc tanzîf ve istifrâğ-ı küllî eylemek câiz olmaz belki taḳlîl-i mâdde için şeyʿ-i yesîr istifrâğ olunur ve biz o istifrâğa işâret eyleriz. Ve o vechle ibtidâ-i ḥummâda istifrâğ nevbet-i ḥummâdan bir gün sonra olunur ve o ḥummâda bi-ḳuvvetin idrâr istiʿmâl olunmaz. Ve vâcib olur ki onda mürḥiyât istiʿmâl oluna. Eger meşrûbât istiʿmâlî istiṣvâb olunmaz ise meşrûbât bedeline muvâfîḳ ḥuḳneler istiʿmâl olunur. Ve vâcib olur ki o ḥuḳun leyyine ola, ḥuḳnenin taḳviyesine ruḥşat ancak maraḍ münteḥâyâ bâliḡ oldukta olur. Ve baʿdî kerre ṭabîb tehevvr edip ibtidâ-i maraḍda sevdâyı mirâren ıtlâḳ-ı ḳavî ile ıtlâḳ eder ve o ıtlâḳla ʿilleti aşlen menʿ eder ve onun tedbîr-i mezḳûru bir nevc ḥaṭâ olur ki eşeri şavâb olur.

Ve vâcib olur ki o ʿalîl yevm-i nevbette eklden menʿ oluna ve ona şavm teklîf oluna ve o günde mâ-ı bâriden imtinâʿ teklîf oluna ve mâ-ʿadâ ey-yâmda laḥm-ı ṭayḥûc veyâḥûd fûrûc içâm oluna, evvelâ üç gün veyâḥûd dört gün ṭayḥûc içâm olunur ve baʿdehu fûrûc ile taḡdiye olunur ve dört günden sonra fûrûc ile taḡdiye ḥayrlı olur. Ve yevm-i nevbetin ḡayri ey-yâmda ona tedâvî mâ-ı ḥârr içinde memrûs cülencebîni beher yevm iki defʿa saḳy etmekle olur veyâḥûd üç dirhem cülencebîn, on dirhem sikencebîn içinde saḳy etmekle olur.

Ve sen bilirsin ki ribʿî fâʿil olan sevdâ şafrâviyye ise onu ıtlâḳ için istiʿmâl olunan muṭḥıkâtta cins-i helîlecden veyâḥûd benefşecden bir şeyʿ kılınır. Ve eger balḡamiyye ise vâcib olur ki evâil-i ḥummâda istiʿmâl olunan muṭḥıkâtta türbüdden bir ḳuvvet ola. Ve eger sevdâviyye ise onu muṭḥık edviyeden [472b] besfâyecden ve eftîmûndan ve onların emşâllerinden birer ḳuvvet kılınır. Ve yine sen bilirsin ki mâu'l-cübñ zıkr olunan ḳuvâsı olan edviyeye niʿme'l-maṭiyye olur yaʿnî o edviyeler mâu'l-cübñ ile saḳy olursa ziyâde enfaʿ olur. Ve baʿdî kerre ve ḥuşûşan ḥarâret mutasallîta oldukta yalnız mâu'l-cübñ saḳy encaḥ olur ve kezâlik cülencebîn ve mâ-ı

cülencebînin menzilesi mâu'l-cübñ menzilesi olur huşûşan mi'dede da'f olsa veyâhüd hult-ı gâlib bârid olsa. Ve mâ-ı cülencebînden murâd o sudur ki cülencebîn içinde kavıyyen tabh olunur ve mâ-ı muşaffâsı ahz olunup şüirb olunur ve onlara kay' dahi nâfi' olur huşûşan o kay' kable't-ta'âm ola ve ba'de't-ta'âm dahi kay' ahrâ ve evfağ olur huşûşan yevm-i nevbette kable'n-nevbet ve ba'de't-ta'âm kay' oluna 'ale'l-huşûş sevdâ balgamiyye olursa kay'ın menfa'ati ekser olur. Ve menfa'at-i kay' yalnız ibtidâ-i vakte değildir belki 'illetin evkât-ı erba'asında cem'ân nâfi'dir. Ve vâcib olur ki zamân-ı ibtidâda ve evâil-i nuçda tamâm-ı nuçdu kabûle kadar 'unf olunmaya belki sevdâ bi-kuvvetin teşhîni olmayan ve bi-kuvvetin tecfîfi olmayan edviye ile istifrâğ oluna ve kezâlik terk-i ağıdiye ile 'unf olunmaya ve da'fı icâb eden ishâl ile dahi 'unf olunmaya ve vakt-i ibtidâda telâf-i tedbîrde dahi 'unf olunmaya.

Ve ma'lûm ola ki şayf ve şitâ fuşûlünün birinde rib' ibtidâ eylese vâcib olur ki o maḥmûma evvelâ sikencebîn ile mâ-ı şa'ır sağy oluna, zîrâ o meşrûb tûruk-ı dūrûru feth eder ve hummâ bi-sür'atin münkaḍiye olur ve o sağyın zamânı devr-i evvelden üç veyâhüd dört sâ'at sonra olan vaktır. Ve kaçan rib' şitâda 'arîd olsa ona tedbîrde müdârât olunur ve ona akrâş sağy olunmaz. *Ba'dı nüshada فالدورات bedeline فالدورات vâkıf olmuştur, siyâk-ı kelâma nüsha-i ulâ evfağır.*

Ve ma'lûm ola ki bâride-i raṭbe olup sehletü'l-inhiḍâm ve ceyyide-tü'l-keymûs olan eşyâ ba'dı kerre bu 'illete muvâfık olur ve muvâfaḳati hummâ cihetinden ve mādde-i hummânın ya'nî sevdânın iki keyfiyyetinden yübûset keyfiyyetine müdâdde olduğu cihetten olur, pes o eşyâ-ı mevşûfeyi o 'illette isti'mâl vâcib olur, lâkin onların aşlen ve külliyyen nuçda ḍararından ḥavf olunur ise isti'mâl olunmaz. Ve miḳdârının ḍararından ḥavf olunur ise meḥûf olan miḳdâr isti'mâl olunmaz veyâhüd ona mu'addil-i bürüdet olup ruṭbetini taklîl eylemeyen nesneler ḥalt olunup ba'dehu isti'mâl olunur ve o eşyâ bi'l-i'tidâl ḥârr olan şey'lerdir ve onlara bârid-i yâbis olanlardan ihtirâz olunmak gerektir.

Ve o 'illete muvâfık olan bârid-i raṭb eşyâ hindebâ, ḥass ve aḥyânen ḥavḥ olur. Ve bu mezkûrlardan ictinâbın sebebi kiminde şiddet-i berd olur ve şiddet-i berd ḥassta mevcûd ve biṭṭîḥ-i ḥulv misllilerde ḡayr-i mevcûd

olur. Ve kiminde dahi sebep-i ihtirâz demi tağlîze mü'eddî olan şiddet-i idrâr olur ve o hâl bi'ttîhte mevcûde olur ve kiminde sebep-i ihtirâz muhâ-lata eylediği eşyâyı 'ufûnete tehyî'e eylediği olur, o dahi havhta mevcûd olur ve bunlara mu'âlece katında mürâ'at olunmak vâcib olur. Ammâ i'tidâl üzere hârre olup ruṭûbet-i zâidesi olan ağdiyeler o 'illete cidden nâfi'a olur huşûşan o harâret ile 'illetin indâcî kâsd ve murâd olundukta bâridât-ı raṭbe olan eşyâ ile o hârr-ı raṭb ta'dîl oluna, meşelâ tîne hindebâ hâlṭ olunmak gibi. Ve evâil-i 'illette mülûhatı ve harâfeti ve taḳṭî'i olan eşyâyı tenâvülde be's yoktur harâretin sevret ve şiddetinden havf olunmaz ise, ammâ maraḍın âhîrinde o nesneleri tenâvülden lâzımdır ve akrâş-ı efsentîn ilâ-âhîri'l-'illet onlara nâfi'dir. Ve kezâlik onlara nâfi' olan tedbîrlerden olur küllü yevmin ḳable'l-ğidâ mâ-ı hârr-ı 'azb içinde onları iclâs eylemek ve o istiḥmâm ki onları tertîb eder velâkin ta'rîḳ eylemez ve harâreti tehyîc eylemez. Ve kezâlik onlara nâfi'dir tereffüh ve de'a ve terk-i riyâḍet ve harekât-ı bedeniyye vü nefsâniyyeyi hecr ve terk eylemek.

Ve cemî'an bu ḥummâlar murattıbâta ihtiyâcda müştereklerdir velâkin tebrîde ve teshîne hâcetlerinin miḳdârı muhtelifdir. Ve o ḥummâlar müceffifâta dahi muhtâc olurlar velâkin müceffifâta ihtiyâcları tecfîfi için değildir belki müceffifâtta olan taḳṭî' ve cilâ mişlli keyfiyyet-i uhṛâ içindir.

Ve câizdir ki emr-i mi'deye dahi mürâ'at oluna aḍmide-i muḳavviye-i ceyyide vaḍ' olunmakla ve o aḍmide bi-hasebi'l-hâl harâret-i ḳaviyye ve harâret-i laṭîfe arasında harâreti olan edviyeden kılınır. Ve kebid ve tîhâle dahi ri'âyet olunup taşallüb eylemesin için tedbîr olunur. Ve ba'dı kerre onları taḳyî'ede mâ-ı fücle hâcet olur ve bezr-i fücl sikencebîn ile hâlṭ olunur ve ba'dı kerre sılḳ ve semek-i millîḥ ve ḥardal mişllilerin eklini zîkr olunan muḳayyî'ât üzere taḳdîm ile ḳay'a isti'ânet olunur. Ve ba'dı kerre o me'ûnetleri eklden mâ-ı keşîr şûrb edip üzerine sikencebîni isti'mâl etmekle i'ânet olunur, zîrâ o minvâl üzere sikencebîni şûrb 'akıbında ḳay' hâşıl olur. Ve kezâlik o ḥummâyâ nâfi'dir yevm-i nevbette tenâvül-i ta'âm edip ve üzerine ḳay' eylemek ve onun menfa'ati berd ve nâfiḍin ve ḥiddet-i ḥummânın maḍarratlarına olur. Ve kezâlik şûm ve 'asel tenâvül edip üzerine sikencebîn-i 'aselî şûrb eylemek ve kezâlik ta'âm ile mümtelî olup üzerine mâ-ı hârr tenâvülü ile ḳay' eylemek cemî'an nâfi'dir. Ve kaçan nevbet

münkađiye olsa 'aşā'en bir miqdār şey'-i yesir ile ta'assī eder ve şabāh ile istiḥmām eder. Ve kezālik qable'n-nevbet ve nevbetten beş sâ'at muḳad-dem ḳay' eylemek için ta'am tenāvül eder, zîrā bu vech üzere olan tenāvül dahi ba'dı kerre nâfi' olur her ne ḳadar ḳay' eylemezse. Ve ḳay' nevbete ḥummāyı tahfîf veyāḥūd ḳal' eder, o ḳay' hangi ḥaltı iḥrâc eder ise eylesin her ḥâlde menfa'at-i mezḳûre ḥāşıla olur. Ve rib'e tedbîr-i ceyyid olur mâni' yok ise yevm-i nevbette şâim olmak ve nevbet münkađiye olunca ḳadar bir nesne tenāvül eylememek ve yevm-i şânide ḥammāma duḥûl eylemek. Ve eger onda nuḍc var ise onun ḥammāma duḥûlü mu'tād üzere olur ve eger nuḍc yok ise onun ḥammāma duḥûlünde ancak 'ameli bedene iltizāz edeceđi miqdār ve bedeni tertîb eyleyecek miqdār mâ-ı ḥarrı şabb olur, ḥıltı işare eyleyecek miqdār şabb eylemez ve āḥer 'amel dahi eylemez. Ve yevm-i sâliste ḳay' isti'māl eder faḍl-ı ta'amı ve ḥammāmın tahlîl eylediđi mevâddı o ḳay' iḥrâc eylesin için ve ma'a-hāzā yevm-i nevbette dahi isti'māl-i ḳay' nâfi'dir.

Ve eger mādde-i sevdā demeviyye ise ırq-ı bāsîlikten faşd ile intifāc eder ba'dehu o edviye ile istifrāğ-ı laṭîf eder ki onda münakḳıyât-ı dem-den şükā'a ve bâzāverd ve besfāyec ve şāhterec ve helîlec-i Kābüliden birer ḳuvvet ola ve bu cins ya'nî sevdā-i demeviyyeden ḥadıṣ olan rib' 'ilâcı serî'ü'l-ḳabûl olur.

Ve eger rib'in mevâddı sevdā-i şafrāviyye ise sen tebrîd-i bâliğa ve tertîb-i bâliğa mülāzemet eyle gerek edviye ve gerek ađdiye ile dāimā tebrîd ve tertîb eyle ve mâ-ı mu'tedile cülûs ve hem iğtisāl eyle ve o maḥmûmun ṭabî'atını ibtidā-i ḥummāda benefşec eyle veyāḥūd o mâ-ı cübñ eyle ki onda besfāyecden bir ḳuvvet ola veyāḥūd sikencebîn-i eftümünî ve şarābu'l-verd ve mâu'l-leblāb ve ḥıyārşenber ile telyîn eyle. O sevdā-i şafrāviyyede ṭabî'atı tamāmen ıtlāk ba'dı kerre yirmi günden sonra müyesser olur, zîrā nuḍc o vakte zühûr eder ve ondan sonra mülâṭṭıf ve muḳaṭṭı' isti'mālîne tederrüc olunur. Ve eger mi'cesini işlāḥa ḥācet olur ise edḥāndan merūḥāt ve atliye isti'māl eder velākin isti'māl eylediđi merūḥāt ve atliyenin ḳuvâları bâbūnec ve efsentîn ve iklîlü'l-melik ve o mişlîlilerin ḳuvvetlerini tecāvüz eylemez ve onlara şavm keşir muvāfiḳ olmaz ḥattā ba'dı kerre yevm-i nevbette dahi şavm aḫyānen muvāfiḳ olmaz her ne ḳadar yevm-i devr ü nev-

bette ğidâdan şey²-i kalîle iktîşâr elyak ise. Ve bu ĥummâda muḳayyî³ât-ı nâfi⁴adan olur o muḳayyî³ ki onda helîlec ve eftûmûn ve sinâ ṭabîḥî olup içinde benefşec ṭabḥ olunan sikencebîn ile saḳy oluna. Ve ba⁵ḍı kerre onlara ‘ale’r-rîḳ ḥılṭît saḳy olunur ḥuşûşan yevm-i nevbette saḳy olunup taḳyî⁶e olunur eger bi-nefsiḥi ğaseyân var ise.

Ve eger ĥummânın māddesi [473a] sevdâ-i balġamiyye ise cûlencebîn-i ‘aselîye mülâzemet olunup kerefs ve râziyânec mişllilerin miyâhı ile saḳy olunur. Ve ba⁵ḍı kerre telyîn-i ṭabî⁷ata dahi ḥâcet olur ve onun müleyyinâtı-na vakt-i ibtidâda balġamı mutlîḳ olan türbûd ve besfâyec ḳuvveleri ḥalt olunur ve yesîren ġârîḳûn ḳuvveti dahi derc olunur ve büzûrî ve ‘aselî olan sikencebîn mişlli ile taḳyî⁶e olunur nuḍcu aḥz edince kadar. Ve onların mi⁸-delerini taḍmîd ve tekmîd kimâdât ve ḍimâdâttan aḳvâ olanlar ile olur ḥattâ temr ve tîn mişlliler ile tekmîd ve taḍmîd olunur. Ve kezâlik temrîḥleri edhân-ı ḥârre ile dühn-i ḳuşta varınca kadar temrîḥ olunur. Ve ba⁵ḍı kerre o sikencebîn ile taḳyî⁶e ḥâcet olur ki onda ḥarbaḳ-ı ebyaḍ ḳuvvesi ola ve belki ba⁵ḍı kerre fûclde ḥarbaḳ-ı ebyaḍın kendi veyâḥûd ḳuvveti saḳy olunmaġa ḥâcet olur ve eger ḍa⁹f-ı ḳuvvetten ḥavf olunmaz ise ḥarbaḳ bi-ḥâliḥi saḳy olunmaġa ḥâcet olur.

Ve eger mādde-i ĥummâ olan sevdâ ṭabî⁷iyye olup ‘aker-i dem ḳabîlinden olur ise onu ishâle zamân-ı evvelde mâ-ı leblâb ve fânîz şâlih olur, ‘aselî ve sükkerî cûlencebîn isti¹⁰mâli dahi şâlih olur. Ve ‘illetin âḫirinde onun istifrâġı helîlec-i aşfer ü esved ve zebîb ṭabîḥî ile olur. Ve kaçan ‘illet nuḍc bulsa faşḍ için mevḳî¹¹-i ceyyid olup bâsilîkten faşḍ olunur. Ve tenâvül-i ṭa‘âm üzere bi-ḥasebî’l-ḳuvve ve’l-ḥâcet ḳaviyyen ve raḳîḳan bi-eyyî ḥâl ḳay¹² isti¹⁰mâl olunur ve vâcib olur ki o istifrâġda ḳay¹² aşl ve esâs olmakla ḳay¹²a idmân oluna. Ve edviye ve ḥuḳun-ı ḳaviyye ile dahi istifrâġ olunur ve bu mişlli vakte isti¹⁰mâl olunan edviye eftûmûn ve besfâyec ve ġârîḳûn ve uşuḥûdûs ve ḥacer-i Ermenî-i maġsûl ve lâjverd-i maġsûl ve kezâlik ikisinin dahi ġayr-i maġsûlleri ve şarâb-ı ‘asel ile bentâfliyûn varâḳının uşâresidir. Ve ba⁵ḍı kerre ḥarbaḳ-ı esved uşâresine ḥâcet olur ve ba⁵ḍı kerre sevdâ-i şafrâviyyeyi istifrâġda sinâ ve şâhterec eftûmûn ile isti¹⁰mâl olunmaġa ḳanâ‘at olunur [ba⁵dehu idrâr olunur] ve o vakte ba⁵de’l-istifrâġ balġamî ve sevdâvî olanlarda tiryâḳ ve meşrûdîṭûs ve devâ-i ḥılṭît ve kibrît ve fûlfûl

vaḥdehu su ile saḳy olunur ve ḥardal mişlilileri isti'māl devām üzere olmaz belki evāhirde her üç günde bir kerre isti'māl olunur ve ḳable'l-evāhir ve evāilde ziyāde ceyyid olan müddetlerde isti'māl olunur ve felāfilī ve cüvā-rişenāttan felāfilī mişlililer dahi ḥardalī gibi isti'māl olunur.

Ve bu mezkûrlardan ḳable'n-nuḍc bir şey' isti'mālinde 'acele eyleme, zîrā sen ḥummā-ı rib'e zamān-ı ibtidāda tiryāk saḳy eylesen rib'-i āḥer ḥādîş olup iki rib' terekküb eder ve ba'dı kerre maraḍ-ı uḫrā celb eder ḥuşuşan faşl-ı şitāda bu ḥaṭardan ziyāde ḥavf olunur ve āḥir-i 'illette faşdı muḳteḍī olur ise faşda ikdām olunur. Cālînūs dedi ki ben ḥummā-ı rib'den nāstan çok kimseleri ba'de'n-nuḍc onlara müşhil saḳy edip ba'dehu efsentîn 'uşāresi ve ba'dehu tiryāk saḳy etmekle sağalttım.

Ve muşannif der ki ben derim ki ḥiltīt ve fülfü[l]den her biri müfreden cidden nāfi'dir eger nuḍc zāhir olup müntehāya bālīga olsa. Ve şahnāt ve būnn eṭ'imeleri dahi o vakitte nāfi'dir. *"Şahnā" balıktan mütteḥaz bir nevf ṭā'āmdır ve "būnn" dahi bir nevf balıktır ve hāmiş-i kitābda بن nüşḥa olmak üzere işāret olunmuştur, lākin lebinin bu 'illette menḥ'ati ma'rūfe ol-mamakla zāhir budur ki "būnn"den taḥrîf olunmuştur.* Ve kezālik kāmih-i kübrā ve ḥardal ve mürri ve cemī'an bi-ḳuvvetin ḳuvve-i mülāṭṭıfesi olanlar dahi nāfi'dir. Ve ba'dı kerre 'illet kırk günü tecāvüz eyledikte küllü ḡad-vetin nebḳa miḳdārı ve kezālik küllü 'aşıyyetin dahi nebḳa miḳdārı devā-i ḥiltīt saḳyına muhtāc olursun.

Eger ḥummā ḥādde ve māddesi şafrāviyye olursa ve zıkr olunan vakt-te ve ba'de'l-inḥitāt nāfi'a olan akrāştan olur o ḳurş ki onun şıfatı bu-dur: 'Uşāre-i ḡāfeş, za'ferān her birinden üç dirhem, işkülūḳandriyūn, lükk, rāvend, ṭabāşir her birinden beşer dirhem, bezr-i ḥummāḍ, bezr-i baḳla, verd-i sünbül, bezr-i keşūt, enīsūn, bezr-i kerefs, aşl-ı keber, ḥab-bu'l-bān, bezr-i rāziyānec her birinden dörder; bu edviyeler mā-ı kerefs ile ma'cūn kılınır ve ondan ḳurş ittiḥāz olunup hindebā ve keşūt sularıyla saḳy olunur.

Ve maddenin nuḍcu katında bu devānın vücūh-ı keşireden nef'i olur, o devā budur: [Mürr] yirmi yedi dirhem, fuṭrāsāliyūn on beş dirhem, sünbül on üç dirhem, enīsūn on dirhem, 'ākırḳarḫā, ḳuşṭ, fiḳāḥ-ı idḥir beşer beşer; bu edviyeler aḥz olunup şarāb-ı atîḳ ile veyāḥūd 'asel-i zencebîl ile ma'

cûn kılınır ve şerbet-i vâhidesi cevze-i vâhidedir. Ve eṭibbâ âhir-i 'illette hummâdan killet-i te'ezzî katında ve ma'â-telaṭṭuf keşret-i harâret katında o devâyı sakıy ederler ki onun şıfatı budur:

Şıfat-ı Devâ: Bezr-i benc, yebrûh her birinden birer kırât, hıltît üç b[â] kılât mîkdârına qarîb ve yine bu kabîlden olur fûzenec-i bostânî dört mişkâl ve bezr-i encüre yirmi mişkâl ve eftîmûn *ba'dı nüshada "eftîmûn" bedeline "afyûn" vâkıfdir* bir mişkâl; bu edviyeden cidden şağır kırsılar ittiḥâz olunur, şerbeti bir dirheme dek olur.

Devâ-i Ceyyid: Bu 'illet şâhibine eşer-i nuḍc zuhûrundan nihâyet-i 'illete kadar bu devânın isti'mâlî ceyyid olur ve onun şan'atı budur: Zebîb-i Ğassânî ve zebîb-i Herevî ve şûm-i berrî ve âs-ı tarî her birinden birer cüz' suda nak' olunduktan sonra yine suda ṭabḥ olunur ve galeyânında istikşâ olunup ba'dehu taşfiye olunur ve muşaffâdan bir ūkıyye sakıy olunur.

Ve kezâlik bezr-i kerefs ve enîsûn ve kırdemânâ her birinden beşer dirhem, sa'fer-i berrî, ğâfeş her birinden yedişer dirhem, nânḥâh dört, şükâ'â üç, zebîb on; üç rıtl su içinde bir rıtl kalınca kadar ṭabḥ olunur.

Devâ-i Ceyyid-i Âḥer: Nânḥâh, sünbül, fûzenec her birinden onar dirhem, kerâvyâ, enîsûn her birinden yedişer dirhem, hıltît beş dirhem, zencebîl dört dirhem, selîḥa üç dirhem; bu mezkûrlar kifâyet mîkdârı 'asel ile ma'cûn kılınır ve şerbet-i vâhidesi bir dirhemdir, mâ-ı kerefs ve râziyânec ile sakıy olunur.

Ve Bu Kırs Dahi Nâfi'dir: Ğâfeş 'uşâresi on, seḳûlakandriyûn, ṭabâşîr, râziyânec, sünbül, za'ferân her birinden beşer dirhem, lûkk, zerâvend her birinden dörder dirhem, *"zerâvend" bedeline "râvend" dahi nüshadır*, bezr-i baḳlatu'l-ḥamkâ, bezr-i kıssâ her birinden altışar, mâ-ı kerefs ile kırs kılınır ve sikencebîn ile sakıy olunur.

Balgamî İçin: Mürr otuz beş, za'ferân, fuṭrâsâliyûn her birinden beşer, sünbül dört buçuk, cünd-i bîdeste üç, enîsûn üç buçuk, bezr-i kerefs, kerâvyâ her birinden dörder, ḥamâmâ, kuşûr-ı selîḥa, mey'â her birinden iki ve şülüş, sîsâliyûs, edrûmünü'l-ma'cûn her birinden birer dirhem ve bir dirhemini iki şülüşü.

Ve kaçan nâfiḍ müştedd olsa mâ-ı fâtir ile ve sikencebîn ile kaç' nâfiḍ olur. Eger onlara kaç' icâbet eylemezse bi-ḥasebi'l-vâkı zikri sâbık olanlar

ile takviye olunur ve içinde şîh ve bâbüneç ve o mişlliler tabh olunan netül ile ʿalil eksiye ve dişâr ile maḥfûf ve mestûr olduktan sonra tebḥîr olunsâ sühûneti cemʿ eder.

Baʿde'n-Nuḍc Muḥtâcun ileyhâ Olan Müshilâtın Zikri Budur: Helilec-i Kâbüli altı, efsentîn, eftümün her birinden beşer, helilec-i aşfer, emlec, ʿuşâ-re-i gâfeş her birinden dörder, bezr-i kerefs, enîsün, bezr-i râziyânec her birinden ikişer dirhem; bu mezkûrlardan tabîḥ ittiḥâz olunup istiʿmâl olunur ve rıfk ile ishâl eder.

Ve kezâlik kışmış on dirhem, helilec-i Kâbüli, eftümün her birinden sekizer, şâhterac yedi, şükâʿâ, kaṇṭuriyün-ı ğalîza altı, gâfeş, aşl-ı idḥîr her birinden beşer; bu edviye beş rıtl su içinde bir rıtl kalınca kadar tabh olunur.

Habb-ı Hafif-i Mücerredir: Her beş günde birer defʿa istiʿmâl olunsa nâfiʿ olur: Eftümün, türbüd onar onar, kerâvyâ, enîsün yedişer yedişer, nânḥâh sekiz, bezr-i kerefs, râziyânec üçer üçer, ğârîkûn-ı ebyaḍ sekiz, milḥ-i Hindî beş, eyâric-i feyḳarâ on bir dirhem; bu edviyeler mâ-nâ naʿ ile ḥabb kılınır [473b] ve şerbeti bir buçuk dirhem olur.

Ve eger mādde balġamî ise ona bu ḥabb nâfiʿ olur: Eftümün, nânḥâh, ğârîkûn her birinden sekiz, bezr-i kerefs, enîsün, bezr-i râziyânec her birinden üçer, milḥ-i neftî beş, eyâric, türbüd her birinden onar ve bu edviyelerin şerbet-i vâhidesi iki buçuk dirhem kılınır.

Ve eger ḥummâ vecaʿ-ı tıḥâle muḳârîn olur ise bu devâ ile intifâʿ olunur ve rıfk ile ishâl eder, o devâ budur: İşkûlakandriyün on beş, ğârîkûn on iki, helilec-i esved, eyâric her birinden onar, helilec-i Kâbüli, efsentîn her birinden sekiz, şükâʿâ, bâzâverd, kemâfîṭûs, ʿuşâretü'l-ġâfeş her birinden yedişer, şemeretü't-tarfâ, aşl-ı keber beşer beşer, bezr-i kerefs, enîsün, râziyânec her birinden üçer; bu edviyeden maʿcûn veyâḥûd ḥabb ittiḥâz olunur.

Aşḥâb-ı Ribʿi Taġdiye Beyânındadır

Aşveb olan budur ki evâil-i esâbîʿden üç esâbîʿe varınca kadar onların tedbîrleri min-ġayri en yünhike'l-ḳuvvet tetṭifün-mâya imâle olunmaktadır ve o imâle luḥûmdan ve zehûmâttan ictinâb ile olur ve o telṭif onların mevâddını taklîl ve aʿrâḍ-ı ḥummâyı taḥfîf ve müddet-i maraḍı kaşî-re eder. Ve telṭiften sonra ḳuvvet inʿâş olunur, semek-i radrâḍî ve beyd,

nîm-birişt ve ferârîc ve tayâhîc ile tağdiye etmekle. Ve kaçan zehûmât men' olunduğu müddetin mişli mürûr edip onda 'illet nokşânı ahz eylemese kuvvete mürâ'ât lâzım olur ve ona akvâ olan lahm-ı düccü ü humlân u cedy ve tıyûr-ı rahşadan tedrûc ve dürrâc ve kebîr olmayan semek-i ceyyid içâm olunur.

Ve ma'lûm ola ki aşhâb-ı rib'in tağdiyesinde şart olur ki onun gıdâsı birkaç hılâl ve hışâli câmi' ola. O hışâlin evvelkisi budur ki o gıdâ ficc ve hâm olmaya belki muhallil olup sevdâyı ihdâs eden nefhi tahlîl eyleye. Ve ikincisi o gıdâ galîz olmaya belki galîzi mülattıf ola. Ve üçüncüsü o gıdâ 'âkıl olmaya belki ba'tnı ıtlâk eyleye. Ve dördüncüsü ondan mütevellid olan dem mahmûd ola. Ve bu hışâl-i erba'ayı câmi' olan ağıdienenin ekseri harâret ve ru'tubeti olan gıdâdır.

Ve senin ma'lûmun oldu ki aşhâb-ı rib' kable'n-nevbet ne keyfiyyette ve hangi sâ'atte tağdiye olunurlar ve onun vechi nedir bi'l-cümle ma'lûm oldu ve kezâlik sen bildin ki ba'dı kerre nevbette dahi tağdiye olunurlar ve kurb-ı nevbette dahi tağdiye olunurlar diye onun o ma'âmde zıkr olunan 'ileli ile ma'lûm oldu. Ve kezâlik aşveb olan hâli'l-ba'tn hummâya mülâkî olmak olur. Mâdde-i mara'dın gayri mevâdd müste'ile olmasın diye mâdde-i mara'd indifâ'ına kadar hâli'l-ba'tn bulunmak evlâ olduğu dahi ma'lûm oldu. Ve onlara ebyad-ı rakîk olan şarâb-ı şâfi nâfi' olur.

Rib'-i Lâzımenin 'İlâcî Beyânındadır

Bizim bundan akdem haber verdiğimiz minvâl üzere bu hummânın hâli ve onun kânûnu rib'-i müfettirede olan kânûna mücânîs olur ve beynehümâda muhâlefet eşyâ-ı yesîrede olur, o eşyâ budur ki onlarda isti'mâl olunan müsahhînâtta itidâle meyli müfettirede olan meylden evlâ olur. Ve bu hummâ-ı lâzımede tebrîde meyl evlâ olur hummâda lüzûm olmak hasebiyle. Ve vâcib olur ki bu lâzımenin mu'alecesinde sikencebîn ve cülencebîn ve sikencebîn-i büzürî ve mu'tedil mâu'l-uşûl ve ma'a'l-âsel, efsürecât isti'mâl oluna. Ve yine o eşyâdan biri dahi budur ki lâzımede faşd evceb olur, zîrâ mâdde 'urûқта mahşûredir. Ve biri dahi budur ki lâzımede olan dahi luḥûma ruḥşat müfettirede olan luḥûma ruḥşattan eḳall olur.

Hummayât-ı Sids ve Sib^c ve O Mişli Hummayât Beyânındadır

Ve o hummāya lügat-ı Yünāniyyede fimātüs tesmiye olunur ve bir kavım bunun emsâli hummâlara düvvâre tesmiye eylediler.

Bu hummayâtın māddesi mādde-i rib^ce mücānesedir velâkin mādde-i rib^cden ağlaṣ ve eḳall olur ve o mādde ekṣer-i hâlde sevdâ-i balğamiyyedir. Ammâ sids ve sib^c ve verâsında olan simn ve tis^c gibi hummâları Buḳrât zıkr eder ve Cālînüs inkâr edip der ki müddet-i ʿömrümde bu hummâlardan birini rüṣyet eylemedim ve belki celiyye-i ḳaviyye humusu dahi rüṣyet eylemedim belki humus-ı ḫafiyye gibi bir hummâdır.

Ve baʿd deḡildir ki sib^c ve tis^cin sebebi hummāyı mücib tedbîr ola, pes kaçan o tedbîr işlense hummâ ḫādiṣ olur ve terk olunsā hummâ zāile olur, pes bu tedbîr altı günde bir kerre iʿāde olunur ise o sebebdan ḫādiṣ olan hummâ sids olur ve yedi günde bir kerre iʿāde olunur ise hummâ sib^c olur ve bâḳîleri dahi bu ḳıyās üzere olur. Ve bu hummâların bu ḫâl üzere edvārının ve ʿavdātının medârı zıkr olunan tedbîr olur, hummâ-i rib^cde olduḡu gibi mevāddın inṣibābı ve ʿavdâtı o edvāra sebep olmaz.

Ve Cālînüs dedi ki bu ʿilleti imtiḫānde zıkr olunan maʿnāya mürāʿāt oluna ḫattā ḡalaṣ vāḳiʿ olmaya. Ve maʿa-hāzā Cālînüs bu hummayâtın vü-cūdunu münkir gibidir ve onların emsâli için aṣl-ı āḫer olduḡunu mücib gibidir.⁷⁵ Lâkin Buḳrât sib^c ve tis^cin vü-cüdu için taḫḳiḳ-i ḳavl eyledi ve o hummayâtın taʿazzür ve imtināʿı zāhir ve beyyin ve vāḍıḫıʿl-istiḫāle deḡildir ki ḫattā onda teṣviline rücûʿ oluna.

Ve bu hummayât bâbında Buḳrât'ın ḳāil olduḡu eḳāvîl budur ki hummâ-ı sib^cin müddeti ṭavîledir velâkin ḳattāle deḡildir ve tis^c ondan aṭveldir ve o dahi ḳattāle deḡildir. Ve deyildi humāsiyye hummayâtın erdeʿisidir, zîrā o hummâ sill maraḡından evvel ʿarıḡa olur ve baʿḡı kerre sillden sonra ʿarıḡa olur ve o hummayâtta Cālînüs'un ḳavli senin bil-diḡin gibidir yaʿnî humāsiyye [tesmiye] olunan ḫıms, sids, sib^c, simn, tis^c hummâlarında üç ḳavl vardır: Buḳrât katında o beṣ hummânın müddetleri ṭavîledir velâkin ḳattāle deḡildir ve baʿḡın katında o hummâlar

75 Cālînüsün ḫāṣıl-ı kelāmı budur ki o hummâların vukûʿu yoktur ve vukûʿuna müşādefe edenler eyledikleri tedbîrde tefekkür ve imtiḫān eylesinler ve bilā-imtiḫān vukûʿuna ḫükm eylesinler.

erde'dir sille muḳārenet ḥasebiyle ve Cālînûs katında o mişlli ḥummā-ı ḥiltiyye yoktur.

Ve ba'dın o ḥummālar erde' diye ḥükm ve cezmleri Buḳrāt'ın ḳavline muḥālîf olmakla ʿtibārdan sāḳıṭ gibi olduğuna bināen muşannîf rahîme-hullāhu ḳîlin kelāmını ıslāḥ ve beynehümāda olan muḥālefeti defʿ ve tevfiḳ murād edip der ki ben zann eder mi ki ḳîlin bu kelāmının vücūh-ı şihḥa-tinden bir vechi vardır, zîrā ḳîlin ʿibāreti budur: لأنها الخماسية أردأ الحميات يكون قبل السل وبعده، إنتهى Pes الخماسية أردأ الحميات ḳavli ḳaḍiyye-i ḥamliyye-dir ve mevḍūc-ı ḳaḍiyye emr-i küllî olup üzerinde edevât-ı süverden bir edât olmamakla o ḳaḍiyye-i ḥamliyye-i mühmele olur müsevvire değildir ve ḳaḍiyye-i mühmele cüzʿiyye ḳuvvesinde olmakla ḥāşıl-ı ma'nāsı بعض الحميات الخماسية أردأ الحميات demek olur ve "sill" kelimesinden o ba'dın murādı ḥummā-ı dıḳḳtır, zîrā ḥummā-ı dıḳḳ sill maraḍına lâzım olur, pes ḥumāsıyye ḥummālarının edvārı aṭvel olmakla ba'dı kerre onun ḥarāreti a'ḍāya teşebbüs ve ta'alluḳ edip nādir erde' olur. Ve Buḳrāt'ın o ḥummāların selāmetini îzān için ve ليست قتالة diye îrād eylediği ḥükm ḥükm-i ekseridir ve cāiz olur ki o ḥummayātın eşeri selîm ve şımf-ı ḳalîli erde' ola. *Ve bu takrîr Şeyḥ'in kelāmının maḥşûlüdür.*

Ve bu ḥumāsıyye ḥummālarının şânındadır ki âḥirü'l-emr nemaṭ-ı vāḥid üzere vuḳûf eder ve ekseri ribc üzere vuḳûf eder ve ribcî biz beyân eyledik. Velâkin o ḥummayāt ribc'e o zamân mü'eddî olur ki aḥlâṭta ḡazāret ve vefret ve ruṭubette keşret ola ve kaçan zevebān keşir ve maḥsûse vü ḡayr-i maḥsûse istifrāḡāt mütevâtire olsa remādiyyet-i aḥlâṭ mündefî'a olup ancak ḳalîli ve aḡlazı bâḳî kalır ve lâ-maḥāle o mişlli remādiyyetten ḥādiş olan ḥummā ebṭa' olmakla ribc'e mü'eddiye olacak ḥummā-ı ḥımsa mü'eddiye olur.⁷⁶ Ve bu mişlli ḥâlde ḳarîb olur ki beden işti'ale müsta'idd olup dıḳḳa şâire ola. Ve bu beyân ile ḥumāsıyye ḥummāları dıḳḳtan evvel [474a] olduğu müteḥakkak oldu.

Ammā dıḳḳtan sonra olduğunun beyânı budur ki kaçan dıḳḳ sebḳat eylese ba'îd değildir ki onun sübûḳu aḥlâṭta remādiyyet-i ḳalîle iḥdās eyleye,

76 Ya'nî ḥumāsıyye ḥummālarının edvārı olan ne kadar muḥtelife olsa dahi âḥirinde nîzām olup o beş ḥummādan birinde ḳarār eder ve māddeye ḡazāret ve ḡılzat olur ise ribc olmak üzere ḳarār eder.

zîrâ âhîr-i dıkkta ahlât kalîle olur ve ona binâen remâdiyyet dahi kalîle olur ve o remâdiyyet-i kalîleye 'ufûnet ta'alluk eyledikte humâsiyye hummayâtından biri hâdis olur ve beden hummâ-ı dıkkıtan müntehik olmakla ba'dehu hâdis olan humâsiyyenin ona 'urûdu erde' olur iki vechten için, zîrâ o hummâ delâlet eder ki dıkk hasebiyle cem'ân ahlât muhterika olup onda ancak hılt-ı yesîr bâkî kalmıştır ve ikinci vechi hummânın tedâ'ufu ya'nî dıkk ile humâsiyyenin ictimâ'idır.

Ve ba'dı emrâd vardır ki bir diyârda müşâhede olunmaz ve bir 'aşrda rûyet olunmaz ve o diyâr ve o 'aşr ahâlîlerine onu inkâr ve külliyyen nefy-i vücûd ve müstemirren 'ademine hüküm eylemek câiz olmaz, zîrâ o mislli emrâd keşrû'l-vuķû'dur. Ve bu hummayâtı inkâr edenler için onların 'ademine istidlâl edip demek vardır ki ahlât-ı erba'anın her birinden bir nev' hummâ 'arîd olur hattâ sevdâdan rib' 'arîd olur. Eger humâsiyye hummayâtı vâkı' olsa bedende ahlât-ı erba'adan mâ-'adâ hılt-ı hâmis olmak lâzım gelir ve hılt-ı hâmisin vücûdunu mücevviz olmamakla hummayât-ı mezkûrenin 'adem-i vuķû' lâzım olur. Pes muşannif bu istidlâle cevâb verip der ki kaçan sevdâ ta'affün eylese onun hummâsı rib' olmak üzere deverân eder velâkin o deverân 'ufûnet-i sevdânın lâzım-ı mâhiyyeti olup her kaçan sevdâ ta'affün eylese rib'en dâire olmak lâzım değildir. Rib'en deverânın 'illeti sevdânın ahlât-ı sâire kıyâs ile kıletti ve gılzati olur. Ve sevdâ kılet ve gılzatte rib'i îcâb edecek mertebe ve kâdrden ağlağ ve eķall olsa hımsın ve sâir humâsiyyelerin birinin deverânı üzere dâire olan hummâyı îcâb eder ve onların vuķû'u hılt-ı hâmisin vuķû'una tevakkûf eylemez. Ve eger bir kâil der ise ki hummayât-ı sevdâviyye için rib'den ğayri nevbet-i uhrâ olup hıms ve nezâiri sevdânın kılet ve gılzati hasebleriyle tecvîz olunduğu gibi balğamın dahi kıletti ve gılzati hasebleriyle muvâzâbeden mâ-'adâ nevbet-i uhrâsı câiz olur ve ma'a-hâzâ ona bir kimse zâhib olup kütüblerde taħrîr olunmamıştır. Biz o kâile cevâbda deriz ki bâb-ı tecvîz emr-i vâsi' olmakla 'adem-i cevâzı işbâta temekkün kalîlü'l-vuķû'dur ve imkânı olan her nesne zikr olunmak ve ona zâhib olur kimse bulunmak iktidâ eylemez.

Ve balğamiyyeden nevbet-i uhrâsı olmak üzere farđ olunanlar hummayât-ı humâsiye kıyâs olunmaz, zîrâ o hummâ-ı balğamiyyeyi görmüş ve işitmiş yoktur ve ona 'ulemâdan ve mücerrebînden bir eħad şehâdet ey-

lememiştir. Ve o mişlli hummâlar Bukrât'ın şehâdet ve ahkâmını tebyîn eylediği hummayât-ı humâsiyyeye kıyâs olunmaz ve şehâdet-i Bukrât'tan mâ'adâ şikâttan bir kimse hummâ-ı tis'i müşâhede eylediğini bana haber verdi, ammâ hımsı biz dahi mirâren müşâhede eyledik ve ona 'ilâc-ı sevda ile 'ilâc edip hılt-ı âher-i hâmis işbâtına muđtarr olmadık.⁷⁷

Zikr Olunan Aşnâf-ı Hummayâtın Mu'alecâtıdır

Bu hummayâtın mu'alecâtı rib'e-i balgamiyye mu'alecâtına karîb olur ve bunun 'ilâcında fađl-ı şavma ve tel'tîf-i tedbîre ve nevm-i hâdîme hâcet olur ve o nevm ile mādde-i ğalîzaya nuđc gelip taħallül eder ve kezâlik bu hummâlarda taġlîz-i tedbîre dahi hâcet olur kuvvete đa'f ve ħaver 'arîd gelmesin için. Ve bu iki hâlet ya'nî tedbîri tel'tîf ve taġlîz müte'ânideyn gibilerdir velâkin bu hummâların kuvvete vehn ve đa'fı olmamakla onda tel'tîf ve taġlîzi cem'e mümkündür. Bu vech üzere evvelâ onda tedbîr-i tel'tîf olunup 'alilde bir müddet şavm isti'mâl olunur ve her kaçan şavmdan vehn gelip telâfisi kaşd olunsa ğidâiyyeti ceyyid ve serî'e ve keşîr olan aġdiye ile taġdiye olunur ve o ğidâ ile mādde ğalîz ve ziyâde olmaz belki kuvveti takviye eder.

Ve o hummayâta enfa'e-i mu'alecâttan olur ħarbak ve bezr-i fücl ve fücl-i muħarbak ve cevzü'l-kay ve bezr-i sermak ile kay eylemek ve eyâricât ile istifrag edip ba'de-zâlik tiryâk ve tiryâk mişlliler isti'mâl eylemek ve o vakte edviye ile ta'rîk ve kezâlik hammâm-ı ħarr ile suyunu isti'mâl eylemeyip ve murattıbat dahi isti'mâl eylemeyip ta'rîk eylemek nâfi olur.

Hummâ-ı Dıkk Beyânındadır

Ve senin ma'fûmun oldu ki a'đâ-i bedende muħtelifetü'l-aşnâf ruṭubât vardır: O aşnâfın birisi o ruṭubettir ki taġdiye için ve mefaşılı tertîb için mu'addedir; o sınıf dahi iki kısmdır: evvel kısım 'urûkta maḥzûnedir ve ikinci kısım ṭall gibi a'đâda mebsûştur. Ve bunlar sınıf-ı evvelin iki kısımlarıdır ki onun evvelkisi ya'nî 'urûkta maḥzûn olan hummâ-ı 'ufûnetin ve hummâ-ı

77 وقال القرشي قد شاهدنا الخمس ببلاد مصر كثيرا وشاهدنا رجلا كانت حماه تنوب كل ثمانية عشر يوما نوبة واحدة واقول اني قد عالجت رجلا تنوب حماه في كل عشرة ايام *Şerhü'l-Esbâb ve'l-Âlāmât li'n-Nefisî.*

ğaleyânın mâddesi olur ve sen o maḥzûnun ḥummâ-ı mezkûrlara mâdde idiğini bildin, zîrâ o maḥzûnun küllîsi ḥuşûlü katında şarf ve infâk olunmaz belki kimisi sebîl-i infâkte ve kimisi sebîl-i iddiḥârda bâkıye kalır ya'nî o bâkîlere 'ufûnet işâbet eder ise ḥummâ-ı 'afiniyye vü ḡaleyân işâbet ederse sünûḡas ḡâdiş olur. Ve o aşnâf-ı ruṭûbâtın ikinci sınıfı o ruṭûbettir ki onun 'ahd ve zamânı cümûda qarîb olmuştur ya'nî bedel mâ-yetehâllel olmak üzere a'ḡâdan mevḡî-i taḡallûle müncezib ve o 'uḡḡa müteşâbih ve onda ziyâde olup bi'l-fi'l ḡidâ olmuştur velâkin onun 'ahdi seyelân qarîb olmakla henüz pekişip câmid olmamıştır belki cümûda ziyâde yaklaşmıştır. Ve zıkr olunan aşnâf-ı ruṭûbâtın üçüncüsü o ruṭûbettir ki a'ḡâ-i müteşâbihe-tü'l-eczânın eczâları onunla biri birine evvel-i ḡılḡatten muttaşıla olur ve kaçan o ruṭûbet fâniye olsa o 'uḡḡ tefriḡa ve teterrûbe şâyire ve râci'a olur. Rutûbet-i ülânın nazîri misreceye maşbûb olan dühn-i sirâcdır ve rutûbet-i sâniyenin nazîri zübâlenin ya'nî fetîle-i sirâcın teşerrûb eylediği dühndür ve ruṭûbetten şınf-ı sâlişin nazîri kendiden zübâle ittiḡâz olunan kuṭnun eczâlarını bi-ḡasebi'l-ḡılḡat birbirine muttaşıl kılan ruṭûbettir.⁷⁸

Ve kaçan a'ḡâ-i aşliyye müşte'ile olsa ve ḡuşûşan ḡalb müşte'il olsa o a'ḡânın ve ḡalbin işti'âli dıḡḡ olur ve onlar bundan aḡdem senin ma'lûmun oldu. Ve ḡarâret-i kebid dahi dıḡḡa mü'eddî olur velâkin onun kendiye dıḡḡ tesmiye olunmaz belki ondan dıḡḡ bi-sebebi'l-ḡalb ḡâşıla olur. Ve riye ve mi'de dahi kebid gibidir ya'nî onların ḡarâreti dıḡḡ deḡildir belki onlardan bi-sebebi'l-ḡalb dıḡḡ ḡâşıl olur.

Ve dıḡḡın derecât-ı selâsesi vardır. Ruṭûbâtın aşnâf-ı selâsesi ḡasebiyle derece-i ülâda ḡarâret aşnâf-ı ruṭûbât-ı mezkûreden şınf-ı evvele ta'alluḡ eder ve ḡarâret o ruṭûbeti ifnâ eder, nitekim sirâc tevaḡḡud olundukta evvelâ misrece[de] maşbûb olan [dühnü] ḡarâret ifnâ eylediği gibi. Ve bu ḡâl üzere olan ḡummâ-ı dıḡḡın derece-i ülâsıdır ve ism-i cinse ya'nî o ḡummâ-ı

78 Ebdânda olan ruṭûbet kısmet-i evveliyye ile iki kısma münḡasımdır: ruṭûbet-i evvelî ve ruṭûbet-i sâniyedir. Ruṭûbet-i evvelî aḡlâṡ-ı erba'adır. Ve ruṭûbet-i sâniye dahi iki kısımdır, biri fuḡûl ve biri ḡayr-i fuḡûldür. Ve ḡayr-i fuḡûl dahi dört ruṭûbettir: biri 'urûḡ-ı şa'riyyede maḡzûne ve ikinci a'ḡâya mebsûsedir ki ona ruṭûbet-i rezâziyye dahi derler ve üçüncü qarîbü'l-'ahd bi'l-in'îḡâd ve dördüncü eczâ-i 'uḡḡu birbirine iḡşâḡ eden ruṭûbettir. Bu taḡsîm Ḳarşı'nin taḡsîmi ve *Ḳânûn*'un icmâlini taşşıldır, beynehümâda mübâyet yoktur.

dıkk ismine mahşûşadır, âher ism ile tesmiye olunmaz ve ona lügat-i Yünâniyyede aqtîkûs derler, lügat-i ‘Arabiyye’de o nev‘in mahşûş ismi yoktur. Ve kaçan ruṭûbâtan şımf-ı evvel külliyyen fânî olsa ve harâret şımf-ı sâniyi ifnâya ve tahlîle başlasa nitekim misrecede ifrâğ olunan dühn nâr ile tahallül edip fetîlenin cirminde müteşerrib olan dühne nârın teşebbûsü ve dühn zübâleyi ifnâya bed‘ eylediği gibi o vechle olan hummâ-ı dıkkın derece-i sâniyesi olur ve derece-i sâniyede olan dıkkâ zübûl tesmiye olunur ve mârsemüsâ dahi tesmiye olunur. [475b] *Ve ba‘dî nüshada “fâraḳsîmûs” vâkı‘ olmuştur.* Ve bu derece-i sâniyede olan dıkkın ‘arḍ-ı ‘arîdî vardır, onda ibtidâ ve intihâ ve vasa‘ olur ve onun intihâsına bâliğ olanlar felâh bulmazlar ve ‘ilâcî kâtilen kabûl eder, Allâhu ta‘âlânın ‘inâyet-i hâşşası erişir ise huşûşan dıkkın derece-i sâniyesinin intihâsında olup lahm dahi medkûk olursa ‘adem-i recâ gâlib olur. Ve kaçan ruṭûbâtan şımf-ı sâniyi harâret ifnâ edip şımf-ı şâlişi ifnâyı ve tahlîli ahz eylese nitekim şur‘le fetîlenin cirmini iḥrâk ve eczâlarının lûşûkunu ifnâya bed‘ eylediği gibi o mertebe dıkkın derece-i şâlişesi olur ve ona müfettit ve muḥaşşin derler, lügat-i yünânîde ūmâtîs derler, pes bu hummayât için bi-derecâtihâ nevbet ve evkât-ı nevbet olmaz.

Ve bir kavm dıkkı aksâm-ı selâseye takṣîm edip dediler ki hummâ-ı dıkkıyyenin ta‘alluḳu yâ karîbü’l-‘ahd bi’l-cümûd olan ruṭûbete olur veyâhûd lahm mişlliye olur veyâhûd a‘ḍâ-i aşliyye-i şulbe olan ‘izâm ve ‘aşab mişllilere olur. Eger bu kavmler ile o kavmler murâd ederse zıkr olunan mevâdî‘de vâkı‘ ruṭûbâta harâret ta‘alluḳ eder, bu taḳdîr üzere bu kavmler ile kavmler-i evvel ma‘nâda mütteḥid olurlar. Ve eger murâd ederlerse ki hummâ-ı dıkkın evvel-i emrde ifnâ eylediği ruṭûbet cümûda karîbü’l-‘ahd olan ruṭûbettir, bu kavmler şaḥîḥ olmaz.

Ve ba‘dî kerre hummâ-ı dıkk hummâ-ı yevmden sonra ve kezâlik hummâ-ı ‘ufûnet ve humma’l-evrâmdan sonra vâkı‘ olur. Ve hummâ-ı dıkk emrâḍ-ı sāire ‘akıbında olmayıp şaḥîḥ olan kimselere evvel-i emrde kendi ‘arîḍ olmak müsteb‘ad olur, zîrâ hılt ve rûḥ müşte‘il olmayıp keşîf olan a‘ḍâ-i aşliyyenin işti‘âlî ba‘îd olur belki vâcib budur ki evvelâ rûḥ ve aḥlât tesahḥun edip ba‘dehu a‘ḍâ-i mezkûre tesahḥun eyleye meger ki sebeb-i hummâ cidden kavî olup evvel-i emrde a‘ḍâya teşebbûs ve ta‘alluḳ eyleye.

Ve ba'ḍı kerre şey²-i vāhid dıkkā ve ḥummā-ı yevme sebeb olur, zīrā şey²-i vāhid ta'alluk-ı kavī ile ta'alluk eder ise a'ḍāyı teşhīn ve ḥummā-ı dıkkı ihdās eder ve eger ta'alluk-ı ḍa'if ile ta'alluk eder ise ervāhı teşhīn edip ḥummā-ı yevmi ihdās eder. Ve bunun nazīri ḥaṭaba ta'alluk eden nār olur, zīrā nārın ḥaṭaba ta'alluku iki vech üzeredir: O ta'allukun birisi teşhīn tarīkiyle ta'alluk eder ve ruṭubeti tebhīr eder velākin iḥrāk ve termīd eylemez. Ve ikinci ta'alluku işti'āl tarīki ile olur.

Ve ḥummā-ı 'ufūnet ve verem çok kerre dıkkā intikāl eder ḥummānın şiddeti ve kezālik ḥummāda olan gıdayı şiddet-i teltīf hasebiyle ve mā-ı bāridi men' ve cānib-i ḳalbe atliye ve aḍmide ile mūrā'atın kılleti ile ḥuşuşan verem-i ḳalbe mücāvır olan ḥicāb mişli 'uḍvlarda ola.

Ve çok kerre vāqı' olur ki kuvvetin sukūtu ve gāşyin tevātürü ile ṭabīb muḍṭarr kalıp 'alīle ḥamr ve māu'l-laḥm ve devāu'l-misk saḳy eder ve onları saḳy 'alīli maraḍ-ı dıkkā ikā' eder. Ve ba'ḍı kerre dıkkā ḥummayāt-ı 'ufūnet ve evrām ile terkīb olunur.

Dıkkı evvel-i emrde ma'rifet 'asīre velākin ona evvel-i emrde mu'alece yesīre olur. Ve dıkkın āhırinde dıkkı ma'rifet sehl ve āsān olur velākin 'ilācı ḳabūlü 'usretli olur ve zübūlün āhiri elbette 'ilācı ḳābil değildir.

el-ʿAlāmāt: Ammā medḳūkun nabḍı daḳīk-ı şulb-ı mütevātir-i ḍa'if olup ḥālet-i vāhıde üzere ṣābite olur ve onların melmesleri ile iḥsās olunan ḥarāret sūnūḥasta ve o mişli mevādda müşte'ıl olan ḥarāret-i maḥsūsedden ednā olur ve 'uḍvun evvel-i melmesde ḥarāreti ehde³ ve esken olur. Ve kaçan 'uḍv üzere yed bir sâ'at bâḳī kalsa o ḥarāret bi-kuvvetin ve lez' zāhir olur ve onun ḥarāreti nemā bulup ānen-fe-ānen tezāyüd bulmaktan zāil olmaz ve mevāḍi'ı bedenden 'urūk-ı ve şerāyīn maḥalleri sāir mevāḍi'den eşhan olur ve onların ḥarāretleri müteşābihedir, ona naḳş gelmez. Lākin kaçan medḳūka gıdā vārid olsa ḥummāya nemā ve ḥarāretine iştidād ve nabḍına kuvvet gelir ve nabḍı 'ızamı aḥz eder ve bināen 'aleyh eṭibbānın cehelesi o iştidāddan ḥavf edip medḳūku gıdādan men' ederler ve medḳūktan gıdayı men' onları ihlāk eder. Ve bunun nazīri sirācdır ki ona dühn şabb olunsa işti'ālī artar ve şabb olunmasa mevcūd olan dühnü fenā bulup fetīle muḥterika ve şu'le muntafi'e olur ve nazīr-i āḥeri maḳlā olur ya'nī bir nesne ḳaly olundukta ve kavruldukta üzerine şu şabb olunsa ḥarāreti artar ve su şabb

olunmasa o nesne muhterika olur ve bu hâl ya'nî tenâvül-i gîdâ ile harâretin iştîdâdı dıkkın kavî delîli olur. Ve hummayât-ı sâirede tağaddî katında tevak্কud-ı hummâ ve iştîdâd-ı harâret olmaz velâkin onda tabîr'atın harekât-ı idtirâbiyyesi olur ve hummayât-ı sâirede tedâğuṭ-ı mevâdd hasebiyle edvâr-ı ma'lûme üzere iştîdâd olur. Ve ammâ dıkkta olan iştîdâdın edvârı olmaz belki hangi vâkte tağaddî olursa o vâkte ittîkâd ve iştî'âl olur.

Ve bu maraḍ şâhibinin ya'ni medkûkun harâret-i dıkkıyyeyi şu'uru şedîd ve ihsâsı ekşer olmaz, zîrâ o harâret uḍvda mizâc-ı müttefik olmuştur, i'tiyâd hasebiyle mizâc muhtelif olmaktan hürûc eylemiştir ve kitâb-ı evvelde bunun emsâlinin hâli senin ma'lûmun oldu velâkin tenâvül-i gîdâ katında o harâreti hiss ve şu'ur zühûr eder iştîdâd hasebiyle.

Ammâ hummâ-ı yevmin dıkkâ intikâlinin 'alâmeti yevm-i sâlişte harâretin cidden iştîdâdı olur. Ekşer-i hâlde hummâ-ı yevm on sâ'at mürûrundan sonra inhiṭâtı aḥz eder ve kaçan yevmiyye hummâda on iki sâ'at mürûrunda 'alâmet-i inhiṭât zâhire olsa belki yevm-i sâlişe kadar hâl-i müteḳaddim üzere müstemirr olsa ve ba'dehu müştette olsa o hummâ-ı dıkk olur.

Ve dıkkın hummâ-ı uḫûnet ile terekkübünün 'alâmetleri budur ki o hummânın inhiṭâtı âhirinde ve ba'de'l-'araḳı'l-vâfir harâret-i yâbise bâkıye kalır ve zübûl ve neḫâfet ziyâde olur ya'nî dıkkta mu'tâd olan zübûl ve neḫâfetten ekşer olur ve bevl ve berâzda dühniyyet ziyâde olur. Ve eger o mürekkeb hummâda dıkk zâhir ve hummâ-ı 'afiniyye-i uḫrâ hafî olur ise ona nevâibde vâkı' olan tedâğuṭ delâlet, zîrâ hummâ-ı dıkkta o mişlli tedâğuṭ olmaz.

Ve ma'lûm ola ki ba'dı kerre dıkk mi'deye teşebbüs ile ibtidâ edip mizâc-ı kebidî bi'l-mücâvere ifsâd eder.

Ve 'alâmet-i zübûl budur ki kaçan hummâ-ı zübûle erişse nabḍın şalâbeti ve ḍaḫfı ve şıḡarı ve tevâtürü müştedd olur ve huşuşan o dıkkın sebebi vukû'u tahallülü kâbil olmayan evrâm ola, o dıkkın zübûlünden tevâtür ve kezâlik sür'at cidden ziyâde olur ve nabḍ-ı zübûlda zenebü'l-fâr cinsine sâire olur. Ve eger şarâb-ı ḥârr şûrb eyledi ise zenb-i fâr bedeline nabḍ-ı misellî vâkı' olur. Ve zübûl hasebiyle 'arıda olan a'râḍ cidden şedîde olmaz, zîrâ zübûl a'râḍı müştette olacak kadar 'alîle mühlet vermez belki ihlâk eder ve bevlde dühniyyet ve şafâyiḥ olur ve 'ayn gu'uru aḥz eder ve zübûl nihâyete erişse gu'ur-ı 'ayn müştette olur ve remaş-ı yâbis ziyâde

ve ekşer vechte ve sâir a'câda olan 'izâmın hürûfu ve etrâfında nütû' ve irtifâ' olunur ve suđğlarda laṭ olur ve cebhenin cildesi mütemedde olup revnakı zâile olur ve ke-enne cilde üzere ğubâr gibi nesneler bulunur ve şemsten muhterik olmuş gibi olur ve hâciblerini ref'in şıkalına mü'eddi olur ve 'aynı nu'âsiyye olur ya'nî gözleri tapuklayan kimsenin gözü hey'etinde olup mağmaḍa olur ve ma'a-hâzâ onda nevm olmaz ve enfî daḳıḳ ve şa'rı ṭavîl olur ve onda kaml zâhir olur ve baṭnında kuḥûlet zâhire olup baṭnı zahrına iltişâk eder ve onun baṭnı cild-i yâbis gibi olup müncezib olur ve ma'yyetinde cilde-i şadr dahi müncezibe olur. Ve kaçan şâhib-i zübûlün tırnakları tenahhî ve tekavvüs eylese zübûl nihâyete erişip tefettüte ibtidâ eylemiştir ve kaçan [475a] müfettit mertebesine zübûl bâliğ olsa ğudrûfları zevebân eder.

'İlâcu'd-Dıkk: Hummâ-ı dıkkâ olan 'ilâcdan ğaraḍ tebrîd ve tertîb olur ve onlardan her birisi tebrîd veyâḥûd tertîb esbâbını 'alîle takrîb edip ad-dâdının mevcûd olan esbâbını ref' etmekle olur. Ve ba'dı kerre tebrîd ve tertîbden her birinin sebebi âherin dıddına sebep olur, meşelâ tebrîdin sebebi müceffîfât olmakla o müceffif edviye ile tebrîd hâşıl olduğu gibi tertîbin dıddı olan tecfîf dahi hâşıl olur; akrâş-ı kâfûriyye ve ṭabâşîr ve o mislli edviyeler zıkr olunan minvâl üzere olup onda tebrîd ve tecfîf olur. Ve kezâlik sebep-i tertîb tebrîdin dıddı olan teşhîne sebep olur şarâb mislli, zirâ şarâb tertîb eder velâkin teşhîn eder ve teşhîn tebrîdin dıddı olup hummâya muvâfakati olmakla muḍırr olur, pes vâcib olur ki hîn-i mu'alecede bu hâlât ve keyfiyyâta mürâ'at oluna.

Ve kaçan tebrîdi kavî olan devâya ḥâcet mess eylese ve tebrîdi kavî müyebbisâtan bulunup âherinden bulunmasa tertîbi kavî olan devâ onun ma'yyette veyâḥûd 'aḳıbında isti'mâl olunur. Ve kezâlik tertîbi kavî ve serî olan devâyı isti'mâle ḥâcet olup müsahhînâttan mâu'l-laḥm ve şarâb misliler isti'mâl olunsâ kuvvet-i tebrîdi olan devâ onun ma'yyetinde veyâḥûd ondan muḳaddem veyâḥûd 'aḳıbında isti'mâl oluna.

Ve eger dıkkâ sebep verem veyâḥûd bir 'udvda vâki' olan elem olur ise evvelâ o 'udva 'ilâc olunur. Ve ṭabîb dilerse ki cidden hummâsı müştedde olan kimselere muvâfık olsun için devâsını fûnûn-ı şettâ ve edviye-i muḥtelifeden terkîb eyleye, ona vâcib olur ki evvelâ 'ale's-seḥer sikencebîn ile

akrâş-ı kâfûr ve akrâş-ı kâfûr mecrâsına cārî olan nesneler sakıy eyleye ve şemsin tûlû'u vak'tinde mâ-ı şa'iri serâ'tin ile sakıy eyleye eger 'alîle kerîh olmaz ise veyâhûd mâ-ı şa'iri cüllâb ile sakıy eyleye veyâhûd mâ-ı rummân ile sakıy eyleye ve meb'ti katında eger cihet-i mi'deden ve cihet-i uhrâdan mâni' yok ise bezr-i ka'tûnâ lu'âbını sakıy eyleye ve onları tebrîd için tedbîr olunup eşrîbe-i müberrideden senin ma'fûmun olan müberridât sakıy olunur ve buķûlden bevârid ile tağdiye olunur ve akrâştan kâfûr kûrsu sakıy olunur ve ađmide ve merûhâtan müberridât isti'mâl olunur ve havâları dahi tebrîd olunur hattâ şitâda dahi havâ tebrîd olunur eger tebrîd havâyı ihtimâl eylemezse dışarı taħfîf olunur ve onlara tebrîd-i havâ efđal-i mu'âlecâtan olur ve muşandelât-ı mükeffere-i yâbise⁷⁹ dahi isti'mâl olunur ve ona verd ve kâfûr ve şandal ve fevâkih-i bâride ve şâhisferem ki üzerine mâ-ı verd saçılmış ola, bi'l-cümle bu mezkûrlar işmâm olunur.

İşbu tedbîr-i müberridât zeylinde Kânûn'da vâkıf بالعرق والحمام والتبخير بالتبخير *ibâretinin ma'nâ-yı zâhirîsi orada şahîh değıldir, zîrâ 'araķ ve hammâm-dan her biri medkûk hakkında karîben zikr-i âtî olduğı üzere câiz değıldir, pes vâcibdir ki "araķ"tan murâd "araķu's-şecer" ola ya'nî "şumûğ" murâd oluna ve "hammâm"dan "âbzen" veyâhûd havâsı bârid, suyu fâtir olan hammâm murâd oluna ve hâşıl-ı ma'nâ bu olur ki tedbîr-i tebrîdin biri dahi şumûğ-ı bâride ile tebhîr ve hammâm-ı bâridi ve âbzeni isti'mâldir.*

Ve vâcib olur ki a'đâ-i nefese karîb olan 'uđva cidden müberrid olan đimâd vađ' olursa o đimâdın 'uđv-ı mevşûf üzere imsâki taťvîl olunmaya, zîrâ đimâd-ı mezķûru o mişlli 'uđv üzere tûl-i müddet imsâk eylemek ba'dı kerre nefese ve şavta đarar-ı 'azîm ile muđırr olur.

Ve vâcib olur ki 'alîl râhat ve nevm ve de'a ve feraħa imâle oluna ve ğađab ve hüzn ve ğamm ve cû' ve 'aťaş-ı řavîlden teb'îd oluna. Ve onlara isti'mâli vâcib olan ađmide-i müberride o đimâdattır ki onda 'ıťriyyet ola, zîrâ o đimâd-ı mu'aťtarın menfa'ati aħđar⁸⁰ olur ve ħuşuşan o đimâd şadr üzere [ve] şadrın havâlîsine vađ' oluna ve o đimâd müberrid olup onda

79 "Muşandelât-ı mükeffere-i yâbise"den murâd o devâdır ki onda şandal olup evâil-i şâniyede şandal yâbis olmakla onun yübüsetini tekfir ya'nî setr ve ta'dîl eden nesne ile dıķķa mađarratı izâle olunmuş ola.

80 Ya'nî ziyâde hâđır olur.

ķabđ olmaya, zīrā ķabđ tecfīf eylediğinden mā-ʿadā devānın kuvvetini ğavştan menʿ eder. Ve vācib olur ki o đımādı tebdīle mūdāvet oluna, devā tūl-i mekş ile tesahhūn edip o sūhūnet-i ʿarīda ile ʿudvu teşhīn eylemesin için ve o đımādın şiddet-i tebrīdine dahi mūrāʿat oluna yaʿnī tebrīdi taʿdīl oluna, zīrā tebrīd-i şedīd ʿudvu đaʿīf eder. Ve kaçan aʿdā-i nefes ķurbünde olsa baʿīd değildir ki hicābı ve sāir aʿdā-i nefesi tahzīr edip nefesi sūhūlet ile ħurūcdan menʿ eder. Ammā tebrīd-i murattīb keyfiyyeti olan eşyā bunlardır: ağıdiye-i lebeniyye vü fākihiyye ve ābenāt ve merūhāt ve neşūķāt ve seʿūṭāt ve rāhat ve deʿa ve cūʿ ve ʿataştan mücānebe mişlililerdir.

Onlara Nāfiʿ Edviye-i Müberridedir: O edviye-i müberrideden murattıbe olanların cemʿisi ğidāiyyedir veyāhūd ğidāiyyeti ğālibdir, o müberrid-i murattīb serāṭīn ile maṭbūh olan mā-ı şaʿīrdır ve o mā-ı şaʿīrin menfaʿat-i mezkūresi serāṭīn cihetindedir. Ve vācib olur ki serāṭīnin eṭrāfı netf oluna, ķavāyimi ve enyābı izāle ve isķāt oluna ve üç defʿa veyāhūd dahi ekşer mā-ı bārid ve milḥ-i ṭīb ve remād ile tenķiye olunup zūhūmetinden tanzīf olunca kadar ğasl oluna ve baʿdehu şaʿīrde ṭabḥ oluna.

Ve kezālik o müberridāttan murattıbe ğidāiyyenin biri dahi meḥīd-i baķar mişlililer ve ħummayāt-ı ḥādde bābında zikr olunan uşārāt-ı buķūl-i maʿlūme mişlililer ve bezr-i ķatūnā mişlililerdir.

Ammā ḥallde taḥfīf-i şedīd ve taḥlīl-i ķavī olmakla vācib olur ki ḥall şūrb olundukta o iki ḥaşlete yaʿnī tecfīf ve taḥlīle muķāvim olan nesneler ile şūrb oluna, meşelā ḥalle mā-ı keşīr mezc olunup istiʿmāl oluna veyāhūd murattıbbāt-ı müleyyine ile istiʿmāl oluna.

Ve ķarīb olur ki elbān-ı ütünde maʿa-terṭibihā tebrīd ola ḥattā bir ķavm eşek sütünün tebrīdini meḥīd-i baķar tebrīdi üzere tafđīl eyledi lākin leben-i ütünün muvāfaķati ancak ḥummā-ı dıķķa olur, mā-ʿadā ḥummālara ve ʿufūnete müteheyyiḥ ḥılıṭ ve māddeci olanlara muvāfiķ olmaz. Ve vācib olur ki leben istiʿmāl olundukta onun tecebbününden iḥtirāz oluna ve lebeni tecebbünden menʿ eden sūkkerdir. Ve saķy olunan lebenin ʿufūnetinden ḥavf olunsa rıfķ üzere ishāl olunur. Ve eger o ishālın teşhīninden ḥavf eder isen birkaç ğün ishāli terk eyle, o ğünlerde akrāş ve miyāh-ı fevākih ile muʿālece eyle baʿdehu ishāli muʿāvede eyle.

Ammâ yalnız tebrîdi olup tertîbi olmayan edviyeler akrâş-ı ma'âlûme vü mevşûfedir ya'nî akrâş-ı kâfûr ve akrâş-ı büssed-i bâride olur. Ve hem o kurştur ki bu edviyeden ma'mûl ola: tabâşîr tîn-i Ermenî her birinden dörder, verd altı, bezr-i hıyâr-ı hamkâ, qar, kehrübâ her birinden üç; bu edviyeler akrâş ittihâz olunur, şerbet-i vâhidesi iki dirhem olur ve isti'mâli cidden ceyyid olur. Ve kezâlik menfa'atte o kurşa qarîbdir lisân-ı hamel, neşâ, şamg, keşîrâ her birinden üçer, tîn-i Ermenî, tabâşîr dörder dörder, haşhâş beş, verd, bezrî'l-qar ve'l-hıyâr ve'l-hamkâ her birinden altışar, habb-ı sefercel-i muşşer, bezr-i bitîh, bezr-i kıssâ her birinden yedişer, rubb-ı sūs on; bu mezkûrlar lu'âb-ı bezr-i kaṭûnâ ile ma'cûn kılınır.

Ammâ müberride olan onların merûhât ve atliye ve dîmâdât ve neşûkât ve se'ûtâtı senin ma'lûmun olanlardır. Ve ecved olan dühn qar ve haşhâş ve nîlûfer ve hilâf ve benefşec dühnleriyle temrîhtir.

Ve ammâ onlara muvâfık olan mefâriş-i üdümden ittihâz olunup mühendem ve üzerine mâ-ı verd saçılan firâştır veyâhüd Taberistân'ta ket-tândan ma'mûl olup ve haşvi dahi müsahhîn olmayıp kettâb-ı maḥlûc cinsi ile maḥşüvv olan firâştır. Ve firâş dâimâ tebdîl ve tecdîd olunur [475b] veyâhüd üdümden firâş ittihâz olunup içine su doldurulur ve tekerrüz edip heybe gibi olmayıp baş-ı müstevî ile baş eylesin için üzerine muḍarrebe⁸¹ tadrîb olunur ve miyâh kurbünde ve mecârîsinde iskân olunur ve tahtına bârid-i raṭb evrâk-ı şecerden hilâf ve ḥayy-ı âlem ve buḳûl-i raṭbe ve reyâḥîn-i bârideden verd mişlîler ferş olunur ve kezâlik şecerin evrâk-ı bâridesi dahi tahtına ferş olunur.

Medkûku Tertîb Eden Edviyelerdir: Muraṭṭıbâtan ma'a't-tebrîd olanların zikri mürûr eyledi. Bu makâmda zîkr olunacak muraṭṭıbâtan bâkî kelâm elbân ve meḥîd saḳyında kaldı ve âbzen isti'mâlinin keyfiyyeti ve ḥammâm ve merûhât ve edhân ve atliye isti'mâllerinin ve sâir tedbîrin keyfiyyetlerinde dahi kelâm bâkî kaldı ve elbân saḳyını biz sill ve yûbs-i mi'de bâblarında ta'lîm eyledik ve vâcib olur ki o mezkûr kânûn ve düstürü'l-'amel kılına.

81 Yuḳâlu: ضَرَبَ النَّجَادُ الْمَضْرِبَةَ إِذَا خَاطَهَا Ve مُضْرِبَةٌ [muḍarrabet] şol nihâlîye derler ki üzerinde namâz kılınır. Ve نَجَادٌ [neccād] nûnla ve cîmle ve dâl-ı mühmele ile nihâlîyi işleyene derler. Vankulu. Bundan zâhir olur ki Türkî lisânında “halî” dediklerinin ve küçük minderin Anadolu’da “nehli” dediklerinin aslı “nihâlî” imiş, taḥrîf etmişlerdir.

Leben-i nisâdan sonra leben-i etân gibi bir nâfi^c leben olmaz ve ondan sonra mâ'iz lebeni enfa^cdır, o hayvânların ʿalefi bârid-i raṭb haşâyîş ve buḳûlden kılına senin bildiğin üzere ve ḥuşûşan leben-i ütün dıkkı ḳal^c eder eger dıkkı ḳālî^c var ise leben-i ütün ḳālî^c olur, onun üzerine bir nesne îsâr olunmaz meger o ʿalilde ʿufûnet vâkı^ca veyâḥûd ʿufûnete müsta^cidd olan mâda ḥâşıla olmakla ʿufûnet mütevaḳḳî^c ola. Ve dıkkın evvelinden âḥirine varınca kadar leben ona nâfi^c olur. Ve rıdâ^c tarîkıyle leben-i nisâ tenâvüülü cemîʿan elbânın evfaḳı olur. Ve meḥîd saḳyında ḳânûn leben saḳyı ḳânûnuna muḳârib olur ve evlâ olan on dirhem miḳdârı ile ibtidâ edip eger ḳuvvet iʿânet ederse otuz dirhem veyâḥûd dahi ekşere teraḳḳî ve tederrüc olunur ve o meḥîda akrâs-ı müberrideden bir şey^c dahi ḥalṭ olunmak câiz olur ve senin için saḳye-i ülä ve saḳye-i âḥirede miḳdâr-ı mezḳûrları üzere ziyâde eylemek vardır eger ḳuvvet-i haḍma muʿîn olur ise.

Ve ammâ onların âbzenlerinin efḍali suyu fâtir olan ve ḥarâreti keşîre olmayan âbzen olur ve maʿa-zâlik onda buḳûl ve haşâyîş-i müberride-i mu-raṭṭıbe ḳuvâları olanlar olur ve kezâlik o âbzenin tendiyesi⁸² ḥuşûşan taʿrîkı olmayanlar efḍal olur. Ve âbzende buḡâr-ı ḥârr olmak câiz olmaz. Ve eger mâ-ı bâridden mütteḥaḡ olan âbzeni istiʿmâlin mâniʿi yok ise onun üzerine âbzen-i âḥer terciḥ olunmaz ve âbzen-i bâridden mâniʿ ebḍânın ḍaʿf ve neḥâfetin olur. Ve evâil-i emde âbzen-i bârid baʿḍı kerre onlara şifâ olur, ammâ bedeni ḍaʿıf olanlara dahi istiʿmâl eyledikleri âbzen-i bârid dıkkıtan şifâ olur velâkin mizâclarında bürüdet iḥdâş eder ve o bürüdeti muʿâlece ile taʿdil eylemek mümkün olur. Ve eger ondan dahi aḍʿaf olur ise onların istiʿmâl eyledikleri âbzen-i bârid her ne kadar o âbzenin bürüdeti ḳalîle olur ise onlarda dıkk-ı şeyḡûḡat iḥdâş eder velâkin serîʿan helâk eylemez belki zamân-ı mevtleri ebṭâ^c olur ve dıkk-ı şeyḡûḡıye nakli aşlaḡ olur.

Ve bizim mâ-naḥnu fihimiz olan âbzen ḥuşûşunun beyânı budur ki onda vâcib budur ki âbzenin suyu ḥarâretten ʿalîlin müteḥammil olduğu bir ḥadd ve bir mertebede olup ondan bârid-i muʿtedil olan âbzen miḳdâr-ı ihtimâl tederrüc oluna, zîrâ bu tadrîc bedeni bâride mâil kılar ve ondan müteʿellim olmaz, zîrâ elem muḡâlif-i mizâc olan meşelâ bürüdetin baḡteten vürûduyla ḥâşıl olur ve kezâlik beden mâ-ı ḥârrdan haşbe[ye] müşâbih bir ḥâlet istifâ-

82 “Tendiye” nemlendirmektir.

de edip ondan mâ-ı bâride taḥammül ḥādîş olur. Ve âbzene beher yevm üç def'a duḥûl emr-i şavâb olur.

Ve vâcib olur ki âbzen sukût-ı kuvvetten taḥarrüzen rıfḳ ile isti'mâl oluna ve âbzene duḥûlden iki sâ'at muḳaddem mâ-ı şa'ır tenâvül olunmak şavâb olur. Ve ḳarîben inşâallâhu ta'âlâ zıkrı âtî tefsîr üzere mecârî-i ğıdâyı tevsîr eylesin için beden üzere evvelâ leben ḥalb eyleyip ve ba'dehu âbzen isti'mâl eylese ve ondan sonra mâ-ı şa'ire müşâbih olan mütenâveli tenâvül edip bir müddet şabr eyledikten sonra ğıdâyı başt eylesin için tekrâr âbzene duḥû eylese ceyyid olur. Ve ba'de'l-âbzen ve'l-ḥammâm dühn-i benefşec gibi edhân-ı murattıbe-i müberride ile temrîḥ isti'mâl eder ḥuşuşan dühn-i ḳar'dan mütteḥaz olan merûḥu isti'mâl eder ve kezâlik dühn-i nîlüfer ve dühn-i ḳar'ı cemî'an isti'mâl eder.

Ve âbzen isti'mâlinde sonra taḥammül olunacak ḳadar bürüdet-i ḳalîlesi olan mevdi'e nakl edip ba'dehu dühn isti'mâl olunsâ şavâb olur. Ve muḳaddem iddiḥân olunup dühn isti'mâlinde isti'câl olunsâ ve ba'dehu yesîren ebred olan suya duḥûl bulunsâ o dahi şavâb olur ihtimâl eder ise ve bunda dahi tedric olunur ise be's olmaz. Ve bu şan'atları icrânın ecved-i evḳâtı ḥadım-ı ta'âmdan sonra olur. Ve eger mâ-ı ḥârrdan mütteḥaz âbzeni isti'mâlden sonra min-ğayri tedricin defaten mâ-ı bâride ingimâs mümkin olur ise min-ciheti'l-ilâc eblağ ve min-ciheti'l-ḥaṭar eşedd olur, ammâ mâ-ı bârid rıfḳ ile şabb olunsâ marîḍin defaten mâ-ı bâride ğamsinden ḥaṭarı eḳall olur velâkin menfa'ati dahi eḳall olur. Ve o mâ-ı bâridin berdi mâ-ı şayf bürüdeti ḳadrinde ola ya'nî şedîdü'l-bürüdet olan mâ ile mâ-ı fâtir keyfiyyetleri arasında olan bürüdet miḳdârı ola.

Ve ḳa'îf olmayan kimseler evvelâ bedeni üzere leben ḥalb edip ve ḳa'îf olanlar mâ ile memzûc olan lebni bedenine şabb edip ba'dehu âbzeni isti'mâl eylese şavâb olur. Ve beden üzere ḥalb-i leben ile tertîb-i şedîd ḥâşıl olur ve ḥalb olunacak lebenin ecvedi zıkr olunan ḥayvânın lebni olur ya'nî leben-i nisâ ve ba'dehu leben-i etân ve ba'dehu leben-i mâ'iz olur. Ve vâcib olur ki beden üzere leben ḳar'dan ḥalb oluna. Ve evlâ olan zıkr olunan edhân-ı mezḳûre ile beden ve mefâşılın küllisi üzere dâimâ temrîḥ oluna. Ammâ ḥammâma duḥûl için onlara ruḥşat yoktur lâkin ḥammâma duḥûl mu'arriḳ ve muḥmî ya'nî müsahḥin olmayıp nefesi dahi tağyîr eylemese ve

suyu hârr olup havâsı hârr olmasa ve suyunun dahi harâreti fâtire olsa bir hâl üzere ki onda mesâmmâtan nüfûz olsa velâkin nüfûz hasebiyle müzî ve mu'arriķ olmasa ve kezâlik bedeninde 'ufûnete müheyyâ mevâdd olmasa ve huşûşan hammâma duhûl ta'âm tenâvül edip onun inhiđâmından evvel olmasa o mislli hammâma duhûl muđırr olmaz belki onlara hammâma duhûlünde vâcib olur ki mehdûm olan ta'âmın bedene başı murâd olundukta duhûl eyleyeler ve hammâmda tûl-i müddet meks eylemeyer belki serî'an müfârakat eyleyeler ve hammâmdan müfârakatında murattıbbâtan bir şey tenâvül eyleyeler ve şa'ır ve lebenden müttehaz hasv gibi ahsâlar tenâvül eyleyeler ve onlara hammâmda 'ataş 'arıđ olur ise mâ-ı şa'ır ile ve mâ-ı râib ve leben-i ütün mislliler ile teskîn-i 'ataş eyleye.

Ve vâcib olur ki onların hammâma duhûl ve ħurûcunda ta'ab olmaya ve birkaç mevâđi'de onardan biz ihtiyâr eyledik ve bu maķâmda onlardan bir şa'ır dahi i'ade eyleriz. Vâcib olur ki hammâma o miħaffe-i maħmûle ile naķl oluna ki onun içinde ferş-i müheyyed ya'nî iślâh olunmuş döşek ola ve hammâmın beyt-i evveline varınca o miħaffe ile naķl oluna ve o miħaffeden iħrâc olunup hammâma münâsib bir muđarebe-i leyyine üzere naķl oluna ve şiyâbı beyt-i evvelde veyâħud hârr olmayan beyt-i evsaţta nez' oluna ve o iki beytin her birinde müddet-i meksî naķl olunup enfâs-ı kâlile ile teneffüs ve nez'-i şiyâb edip enfâs-ı kâlile ile teneffüs edecek miķdâr ola, ziyâde ikâmet olunmaya ve ba'dehu beyt-i şâliş[e idhâl oluna] ve beyt-i şâliş [476a] şedidü'l-harâret kılınmaya ve beyt-i şâliste âbzene taħammülü miķdârı imsâk oluna. Bu mezkûrlar eţıbbânın zıkr eyledikleridir velâkin eħabb olan onların âbzenleri beyt-i evsaţ-ı mu'tedilde ola. Ve kaçan âbzen isti'mâlinin muntehâsında olan âbzen-i bâridden müfârakat edildikte üzerine bir mindîl veyâħud iki tākı olan fereciyye⁸³ örtülür ve firâşına ve miħaffesine naķl olunur ve 'araķı menâdîl ile neşf olunur ve dühn ile tedhîn olunup tađdiye olunur.

83 الْفَرْجَان [el-Fercân] (kezâlik fânın fethi ve rânın sükûnu ile) Ebû 'Ubeyde rivâyetinde Sind dedikleri vilâyet ile Ħorasân dedikleri vilâyetidir. Aşma'î rivâyetinde Sicistân ile Ħorasân'dır. Kezâ fi Tercemeti's-Ş. Pes fereciyye o diyâra mensûb sev̄b olur. Ve mindîl ve maķreme gibi büyük beze derler. Şürrâh-ı ħadîs لمندیل سعد في الجنة الين ħadîsinde "mindîl"i aķmişe dol[dur]dukları bogça ile tefsîr eder.

Aşhâb-ı Dıkkı Tağdiye Beyânındadır

Vâcib olur ki aşhâb-ı dıkkâ onları doyuracak kadar gıdaları ve şıba'ları defâten verilmeye belki şıba'ı vâhid tefrîk olunup defe'ât ile verile. Ve onlara tağdiye olunacak ağdiyenin ecvedi mâ-ı şa'ır ve hınța-i mağsüleden mütteḥaz olan ḥubzun mâ-ı bâridde menkû'ı ve elbândır eger elbân ile tağdiyeye zikri mürûr eden mâni' yok ise. Ve meḥîd-i baḳar keşîrî'l-gıdâdır ve mâş ve ḳar' dahi onlara gıdâdır.

Ammâ onlara muvâfık fevâkih bittîḥ-i Fileştînîdir ki ona zaḳḳî derler ve bizim katımızda bittîḥ-i Hindî demekle ma'rûftur. Ve eger 'alîlin ikbâli ihsâs olunursa ona ḡayr-i mümellaḥ olan cübn-i⁸⁴ raṭb iç'âmında be's olmaz.

Ve eger ḳuvvette ḍa'f var ise ona o zîrbâce meraḳası iç'âm olunur ki küzbere-i raṭbe ile muṭayyeb ve dürrâc ve tayhûc ile maṭbûḥ ola. Ve ba'ḍı kerre mâ-ı keşîr ile memzûc olan şarâb-ı raḳîkten bir şey' saḳyına muḥtâc olurlar ve ba'ḍı kerre onlar dürrâc ve tayhûc ve ḳabc ve ferâric luḥûmun-dan mütteḥaz olan meşûşât iç'âmına ve hülâm-ı ḥâmiḍ ve ḳurrayş-ı ḥamîd laḥm-ı cedy ve laḥm-ı baḳardan ittiḥâz olunduktan sonra iç'âm olunmağa muḥtâc olurlar ḥâdimelerinin ḳuvveti ḥasebiyle. Ve meşûş ve ḳurrayşın ḥalli onlara nâfi'dir ve o ḥâlde muḳavvidir. Ve ba'ḍı kerre fevâkih-i bâri-de-i ḥâmiḍa şarâbı ile maḥlûṭ olan mâu'l-laḥma dahi ḥâcet olur veyâḥûd şufretü'l-beyḍ-i nîm-birişte ḥâcet olur.

Ve eger onlarda ḍa'f ḡaşye kadar mütemâdî olur ise adlâ'-ı cedyden me'ḥûz laḥmdan milḥ ile ittiḥâz olunan mâu'l-laḥm taşfiye ve muşaffâsı üzere bir mişli mâ-ı tuffâḥ ve mişl-i 'öşrî şarâb-ı reyḥânî şabb olunup müfettiren saḳy olunur. Ammâ cidden şedîdü'l-berd olmayan mâ-ı bâridi onlara saḳyda mâni' yok ise be's olmaz ve mâni' taḥt-ı şerâsifte olan verem veyâḥûd bedende mevcûd olan keymûsât-ı 'afine ve keymûsât-ı niyye nuḍ-ca muḥtâc ve ḥâlen eṣer-i nuḍ kendide zâhir olmayan ruṭûbetler olur. Ve eger eṣer-i nuḍ zâhir ise ondan ḥavf ḳalîl olur.

Ve zikr olunan mevâni' ḳabîlinden olur dıkkın sersâmdan ve bersâmdan intikâl-ı tarîḳiyle ḥâdiş olduḡu. Ve bu mişlli intikâl ḥasebiyle ḥâdiş olan dıkkın mâ-ı bâri şürbüne mümâna'atı ekşer ve ezyed olur, zîrâ her ḳaçan dıkk emrâd-ı nâhike ve ḳuvveti mürḥiye ve 'azm ve laḥmı müzbile üye-

84 [İstinsah hatasıyla "cübn" bu nüshada "ḥubz" şeklindedir.]

re vârid olsa da'f üzere vârid olur ve mâ-ı bârid şürbünün id'âfı dahi ona mu'tabîk oldukta bilâ-lübs o dıkk dıkk-ı şeyhūhat ve dıkk-ı herem olur. Ve dıkk-ı şeyhūhat dıkk-ı ma'rûfa yübste muvâfık ve harr ve berdde muhâlif olur, zîrâ dıkk-ı ma'rûf harr ve dıkk-ı şeyhūhatta bürüdet olup marađ şa'b olur bürüdet hasebiyle ğarîziyye bâtıl olmakla. Ve kezâlik berd-i bâligi ve keşîri olan mâ-ı bârid her hâlde mu'dır olur ve a'đâ-i aşîyye ğarîzesini if-sâd eder ve ba'dı kerre onların mevtini ta'cîl eder veyâhüd dıkk-ı şeyhūhat-tan mâ'-adâ dıkk-ı âhîre mâ-ı bârid hasebiyle intikâl eder.

Dıkkâ Tâbî' Ahvâlin Tedârükü Beyânındadır

Dıkkâ tâbî' olan ahvâlin birisi ğaşıdır ve onda olan tedbîri biz zîkr eyledik. Ve o ahvâlden biri dahi ishâldir. Ve vâcib olur ki o ishâle mu'âlece olunup mađarratı dahi tedârük oluna, zîrâ dıkkta olan ishâlde haţar-ı 'azîm vardır.

Ve o ishâlin mu'âlecesinden olur evvelâ bidâye olunup onların mâ-ı şa'irlerine mâ-ı sevîk katalar veyâhüd şa'irlerine câvers-i ma'klüvv ve şamğ veyâhüd mükerreren meslûk olan 'ades halı oluna veyâhüd ona rađf ile maţ-bûh veyâhüd nâr ile maţbûh olup mâiyyeti zâile olan leben sağy olunmakla huşuşan câvers ile maţbûh olan leben sağy olunmakla mu'âlece olunur.

Ve bu akrâş dahi sağy olunur: Tîn-i Ermenî beş, şâh-bellût-ı ma'klüvv, verd dörder dörder, tabâşîr, kehrübâ üçer üçer, bezr-i hummâd-ı mu'şşer, habb-ı âs, enberbârîs her birinden altışar; bu edviyelerden 'uşâre-i sefercel ile kuruş ittiḥâz olunur ve ğudveten mâ-ı kümmeşrâ ile sağy olunur.

Ve kezâlik 'inde'n-nevm bezr-i kaţûnâ-i ma'klüvv sağy olunur. Ve kezâlik içinde mu'kl-i Mekki olan tabâşîr sefûfu sağy olunmak cidden nâfi' olur. Ve eger sağca mü'eddî olur ise senin bildiğin sağc ḥuḳneleri ile mu'âlece olunur ve ḥuḳne ona evfağ olur.

Dıkk-ı Şeyhūhat Beyânındadır

Eṭibbânın mu'tâdı budur ki hummayât bâbında dıkkı zîkrden sonra dıkk-ı şeyhūhatı zîkr ederler. Ve her ne kadar dıkk-ı şeyhūhatta hummâ mevcüd değıl ise biz dahi sebîl-i mu'tâd üzere cereyân edip dıkk 'aḳıbında dıkk-ı şeyhūhatı zîkr eyleyelim:

Dıkk-ı şeyhûhatın ma'nâsı min-gayri hummâ mizâc üzere yübsün istilâsı olur. Ve yübsün istilâsı ba'dı kerre harr ve berdîn itidâli ile olur ve ba'dı kerre berd ile olur ve ona dıkk-ı şeyhûhat derler ve dıkk-ı herem dahi derler, zîrâ vaqt-i teşeyyuhâ 'urûdu keşîrû'l-vuķû olan zübûl-i yübs o vaqtin gayride dahi 'arîd olur ve sinni ziyâde olanlar o 'illete vuķû'da şübbândan esra' olurlar ve şübbân dahi şıbyândan o 'illette vuķû'da esra' olur ve ma'a-hâzâ ba'dı kerre şübbân ve şıbyânda dahi dıkk-ı şeyhûhat olur.

Ve o dıkkın vuķû'una sebep mevķi'-i bedenîn da'fı vaktinde berdîn istilâsı kaviyye olup o istilâ gâziye tamâm üzere fi'lini işlemeğe mâni' olmakla olur âhîr-i 'ömrde bu sebep ile o yübüset 'arîd olduđu gibi. Ve yine bu bâdan olur bilâ-vaktin veyâhûd ma'a-da'f[i'l-beden] mâ-i bâ-rid şürbünden hâdis olan dıkk-ı şeyhûhat gerek bedenîn da'fı hummâ-dan olsun veyâhûd hâl-i nehvede bilâ-hummâ olsun veyâhûd mâ-ı bâridi şürb o riyâdet 'akıbında olsun ki o riyâdet kuvveti taħlîl ve mesâmmı feth edip beden şürb olunan mâ-ı bâridi aħşâya cezbe harîş olur veyâhûd dıkk-ı şeyhûhata sebep bedende olan buħârât-ı rediyye-i bâride olur, zîrâ o vaşf üzere olan buħâr kalbe şu'ûd edip mizâc-ı kalbi tebrîd etmekle dıkk-ı mezkûr hâdis olur veyâhûd sebep o harâret olur ki ruţûbatı taħlîl ve tezvîb ve harâret-i ğarîziyyeyi taħmîd edip bedende berd ve yübüseti ta'ķîb eder.

Ve ba'dı kerre dıkk-ı şeyhûhat istifrâğta dahi tâbi' olur. Ve ba'dı kerre dahi hummayât aşhâbının isti'mâl eyledikleri eşribe ve ad'mide dıkk-ı şeyhûhata mü'eddî olur. Ve kaçan bu 'illet müstahkem olsa ona 'ilâc olmaz ve eger mevte hîle olur ise dıkk-ı şeyhûhata dahi hîle olur.

el-'Alâmât: Sen rü'yet edersin ki dıkk-ı şeyhûhat aşhâbında zübûl 'alâmâtı ve kaşef olur ve onlarda işti'âl ve iltihâb rü'yet olunmaz ve onlar bâridü'l-melâmis rü'yet olunur ve onların nabdı hummâ-ı dıkk nabdı gibi olmaz belki şaĝîr ve batî' ve mütefâvit olur. Lâkin onlarda da'f müştedd olursa nabđ-ı tevâtürü aħz eder mâ-ı bârid şürbünden hâdis olan dıkk-ı şeyhûhat aşhâbının da'f vaktinde tevâtür-i nabđları ekşer olur. Ve bu 'illet aşhâbının bevlleri ebyađ ve raķîķ ve mâi olur ve onlar aħvâlinde meşâyîķ gibi olur.

Dıkk-ı Şeyhūhat Mu'alecâtı Beyânındadır

Bu illet müstahkem olmadıkta ancak 'adem-i istihkâmı için mu'alece olunur ve müstahkem oldukta ona 'ilâc ancak helâk ve mevt kalilen müte'ahhîr olsun için olur. Ve onların mu'alecâtında kânûn budur ki onlar teşhîn ve tertîb olunurlar ve senin ma'lûmun olduğu üzere onların tertîbi ba'de'l-hađm isti'mâl [476b] olunan hammâmât ile olur velâkin ba'de'l-e'kl ve kable'l-hađm isti'mâl olunan hammâm kuvveti iskāf eder. Ve onun mu'alecesinde rū'ûs ve ekârîc ve hımmaş ve hınța-i mehrûse ve tîn ma'a'l-ḥašek ve bâbūnec; bu mezkûrlardan hıḳne ittihâz olunup ondan yarım rıtl kadar iki ūḳıyye şîrec ve dühn-i bāndan bir şey' ile isti'mâl olunur ve tağdiye olunduktan sonra üzerine delk isti'mâl olunur ve onlara leben-i merdû'un menfa'at-i şedîdesi olur.

Ve 'aselin dahi onlara nef'i gâyete bâliğ olur ve hummâ-ı dıkkta tenâvül-i 'asel bu illetin 'aksi üzere olup onlara mađarratı gâyete bâliğa olur. Ve dıkk-ı şeyhūhat aşhâbına muraṭṭıb ve nüfûzu selis ve incizâbı serîc olup lüzûceti olmayan mâ-ı lahm ve nîm-birişt şufretü'l-beyd ve şarâb-ı 'atır-ı rakîkten miqdâr-ı kalîl mişli gıdaların muvâfaḳatı eşedd olur. Ve tertîbe dıkk-ı şeyhūhatta mürâ'ât olunduğu gibi hummâ-ı dıkkta dahi mürâ'ât olunur ve hummayât-ı vebâiyyede ve onun mücânisi olan cüderî ve ḥaşbe hummâlarında dahi o tertîbe mürâ'ât olunur velâkin onlarda zıkr olunan muraṭṭıbat ile revâyiḥ ve ađmide ve ađdiye mişlilerden teşhîni olanlar dahi isti'mâl olunur.

Ḥumma-ı Vebâiyye Beyânındadır

Ve ba'dı kerre havâya bizim sana kitâb-ı külliyyâtta ta'lîm eylediğimiz nesneler 'arîd olur ve mâ'a keyfiyyâtından ḥarr ve berde ve ücûn ve 'afine dahi istihâlât 'arîda olur. Ve mâ âcin ve müntin ve müte'affin olduğu gibi ve mâin 'ufûneti besâṭatı ḥasebiyle olmayıp belki ecsâm-ı arađiyye-i ḥabîşenin ona muḥâlaṭa ve mümâzece edip o mecmû'a keyfiyyet-i rediyye ḥudûşu ḥasebiyle olduğu gibi havâ dahi ḥâl-i besâṭatında müte'affin olmaz belki ona rediyye olan ebḥure ve edḥunenin muḥâlaṭa ve mümâzececi mecmû'da keyfiyyet-i rediyye ihdâsıyla havâ-i muhteliṭe 'ufûnet 'arîd olur. Ve ba'dı kerre dahi ceyyidü'l-havâ olan mevdî'e riyâhın beṭâyih ve

âcine olan mevâdî-i ba'îdden veyâhûd melâhîmda veyâhûd vebâ-i kıttâle oldukça medfûn olmadık ecsâm-ı müteceffife mevâdî'inden edhîne-i rediyeyi sevkinden havâ müte'afînin olur. Ve ba'dı kerre dahi mevâdî-i ceyyide o mevâdî-i habîse karîbe olmakla riyâhın sevki yok iken mevâdî-i ceyyide havâ-i müte'afînin bi-nefsihi cereyânı hasebiyle dahi 'ufûnet olur. Ve ba'dı kerre 'ufûnet bâtin-ı ardda olur ve onun esbâbına bizim şü'urumuz olmaz ve o 'ufûnet mâ ve havâyâ sirâyet ve ta'addî eder.

Ve havâ-i yâbisten hâdis olan hummayât havâ-yı ra'bdan hâdis hummayâtan ekall olur lâkin havâ-yı yâbiste şafrâ keşir olmakla onda hummayât vebâiyye olduğu gibi hummayât-ı şafrâiyye dahi olur.

Ammâ hummayât-ı vebâiyye kedir ve ra'rb olan havâdan hâdis olur. Ve hummayât havâ-i ra'rbda ekşer olur velâkin hiddeti ekall ve müddeti atvel olur. Ammâ yâbis ve kalîlül'l-ma'ar olan şayfa hummayâtın hudûsu ekall ve hiddeti ekşer olur ve iklâ'ı esra' olur. Ve fuşûlün efdali kendi tab'ı muhâfaza olunan faşl olur.

Ve bu tağayyürât-i havânın mebd'e-i hey'ât-ı felekten biraz hey'etler olur ki onlar tağayyürât-ı mezkûreyi icâb eder ve onun bi-hurûbâtihâ ve aşnâfihâ vechine bizim şü'urumuz yoktur velâkin bir kavm o tağayyürâttan her birinin birer sebep-i mu'ayyene mensûb olduğunu da'vâ ederler ve da'vâları beyyineye mensûb değildir belki sana bilmek vâcibdir ki o tağayyürâta sebep-i evvel [ve] sebep-i ba'îd eşkâl-i semâiyyedir ve sebep-i karîb ahlâl-i ardiyyedir. Ve kaçan kuvâ-yı fa'âl-i semâviyye ve kuvâ-yı münfa'ile havâ için tertîb-i şedîd icâb eylese havâyâ ebhîre ve edhîneyi ref' edip havâda onları mebsûse eder ve harâret-i da'ife ile onları ta'fîn eder ve o 'ufûnetli ebhîre ve edhîne ile ma'hlû' olan havâ o hâl üzere kalbe haml olunup kalbde olan rûhın mizâcını ifsâd eder ve kalbin muhtevî olduğu ru'ubâtı ta'fîn eder ve o 'ufûnetten hâric 'ani't-tabî'at harâret hâdis olup o harâret ile 'ufûnet bedende münteşire olur ve o harâret-i münteşire hummâ-ı vebâiyye olur.

Ve nâstan bir tâifeye ve halka 'âmm olur ki onların kendilerinde o 'ufûnet-i havâiyyeyi kabûle isti'dâd olur ve her istinsâk eden kimsede o havânın te'sîri olmaz, zîrâ münfa'il olacak şey'de infî'ale isit'dâd olmasa mücerred onda fâ'ilin huşûlü ile bir fi'l hâşıl olmaz ve münfa'ilde infî'âl olmaz ve zikr olunan infî'ale ebdânın isti'dâdı ebdân ahlât-ı rediyyeden mümteli'e

olmakla olur, ebdân-ı nakıyye o havâdan te'essüre karîb olmaz ve kezâlik ebdân-ı dâ'ife dahi o havâdan münfa'il olur cimâ'ı iksâr edenler ve keşret üzere istiḥmâm edip ebdânı raṭbe ve sübûl ve mecârîsi vâsi'a olan kimseler münfa'il olduğu gibi.

el-ʿAlâmât: Ḥummâ-ı vebâiyye aşḥâbının ḥummâsı zâhir-i bedende hâdiye ve bâtınında ekşer-i hâlde mükerribe ve mühlike olur ve onda ḥurâka ve işti'âl-i kavî istiş'âr olunur ve o ḥummâ ile nefeste ʿulüvv ve ʿizâm ve tevâtür olup teneffüste keşiren tedayyuk ve keşiren netn ve şiddet-i ʿaṭaş ve cefâf-ı lisân olur ve o ḥummâ ile ḡaseyân ve suḳût-ı şehvet olur, eger kerâhet-i taḡaddiye şabr olunmayıp ḡidâ ekl olunmasa helâke mü'eddî olur ve onda veca'ı fu'âd ve ʿizâm-ı tıḥâl ve kerb-i şedîd ve temelmül olur ve ba'dı kerre onda su'âl-i yâbis ve suḳût-ı kuvvet ve ḡaşy üzere inâfe ve işrâf ve ihtilâf-ı ʿaql ve mâ-dûn-ı şerâsifte temeddüd olur ve onunla seher ve istirḡâ-i beden ve fütür olur. Ve o ḥummâ ile ba'dı kerre aḡmer ve aşkar beşreler olur ve o beşrelerin zühûr ve buṭunu serî' olur ya'nî tiz çıkar ve tiz biter ve onlarda ḳulâ' ve ḳurûḡ hâdiş olur. Ve ekşer-i emrde onların nabdı mütevâtir ve şaḡîr olur. Ve ekşer-i emrde o ḥummâ leylan müştetde olur. Ve ba'dı kerre onlara istiskâ mişlli hâlet ʿarîda olur. Ve mirâr ve sâir mevâdd ḡasebiyle onlarda ihtilâf ya'nî müsterâḡa tereddüdleri olur ve onların berâzları leyyin-i semic ve ḡayr-i ṭabîr olur ve ba'dı kerre dahi berâzları sevdâvî olur ve ekşer-i hâlde berâzları zebedî ve müntin olup onda cins-i müzâbdan bir şey olur. Ve bevlî mâî ve mirrî ve sevdâvî olur ve keşiren sevdâ ḳay eder ve ekşer-i ḳayı şafrâ olur ve ʿarâḳ-ı müntini olur.

Ve bu ḥummâ a'râd-ı mezkûre-i ḳaviyye ile ibtidâ eder ve emri ḡaşye evl ve rüçü eder ve kezâlik eṭrâfı berde ve lîşergusa ve teşennüc ve küzâza rüçü eder. Ve ba'dı kerre bu ḥummayât-ı vebâiyyeden bir nev' ḡafî olur ki ʿalîl olan kimse ve kezâlik ḡâss-ı ḡarîb onda ḡarâret-i keşire iḡsâs eylemez ve onda nabđ ve bevlî taḡayyür-i keşir ile müteḡayyir olmaz ve ma'a-hâzâ o ḥummâ sür'at ile mühlike olup onun hâl ve şânından eṭıbbâya dehşet ḡâşıla olur. Ve o mişlli ḥummâ aşḡâbının ve sâirlerinin nefesinde netn hâdiş olsa onların ekşeri helâk olur ʿufûnetinin ḳalbde istiḡkâmı ḡasebiyle.

‘Alāmât-ı Vebâiyye Beyânındadır

Esbâb mecrâsına cārî olup vebâya delâlet eden eşyâdan olur evâil-i harîfte ve eylülde rücüm ve şühübün keşreti, zîrâ onlar esbâbın müsibbîbâtı gibi vebâyı inzâr ederler.

Ve kânüneynde cenûb ve şabâ biraz eyyâm keşret üzere hüüb edip ve havâda hüşûret ve dabâbiyyet rü’yet olunmakla nüzûl-i maţar zann olunsa velâkin maţar nüzûl eylemeyip ancak havâ bilâ-maţar muğayyir-i yâbis olsa sen bil ki mizâc-ı şitâ fâsid olur.

Ammâ habîş ve redî olan vebâ-i şayfiye faşl-ı rebî’de kılllet-i maţar ve berd olduğu delâlet eder ve ba’dehu cenûbda keşret ve havâda biraz eyyâm küdüret olup ba’dehu bir üsbû’ ve dahi havâ şâf olup ba’dehu gecelerde bürüdet ve nehâr vemid ve şedîdü’l-harâret olsa ve ğamme ve küdüret ve harâret mevcûde olsa vebâ câiye ve hâdıradır, hummayât-ı vebâya ve cüderîye ve o mişlli hummayâta tevaḳḳu’ olunur.

Ve kezâlik [477a] şayf şedîdü’l-harâret olmayıp velâkin küdüreti şedîde ve onda eşcâr muğayyire olsa ve o şayftan muḳaddim olan faşl-ı harîfte şühüb ve nîrân ve neyâzik ve o mişlli ‘alâyim-i semâviyye vâķi’ ve sâlif olmuş olsa o dahi ‘alâmet-i vebâ olur.

Ve kezâlik yevm-i vâhidde havâyı mirâren ve keşîren müteğayyir olup ve havâ bir gün şâf ve şems o günde şâfiyeten tâlî’a ve yevm-i vâhid-i âḡer mükedder ve şems cilbâb-ı ğubret ile o günde tâlî’a olduğunu rü’yet eylesen sen ḡükm eyle ki ḡarîben vebâ hâdiş olur.

Ve ammâ vebâya sebeb olmayıp belki sebebe muḳâreneti olan vebâ ‘alâmetleri budur ki sen ḡafâdı’ keşret üzere rü’yet edersin ve kezâlik ‘ufûnetten mütevellid olan ḡaşerâtın keşreti dahi rü’yet edersin.

Ve kezâlik vebânın sebebe muḳârin ‘alâmâtındandır fârin ve sâir ḡa’r-ı arḡda sâkin olan ḡayvânâtın zâhir-i arḡa şezereten ve müstemzereten⁸⁵ herbi ve laklak mişlli zekiyyü’t-tab’ olan ḡayvân ‘uşş ve âşiyânın ve belki ḡidânesinde olan beyḡini terk edip sefer kıldığı.

85 شَذَرَ مَذَرَ [şezeze mezere] her cānibe dağıldı demek maḡallinde isti’ḡāl olunur; yuḡālū: تَفَرَّقُوا شَذَرَ مَذَرَ وَشَذَرَ مَذَرَ إِذَا ذَهَبُوا فِي كُلِّ وَجْهِ Ve şînin ve mîmin kesri dahi lügattir. “Mezere” kelimesi “şezeze” kelimesine itbâ’ olunur, kezâ fî *Terceme-ti’s-Şihâh*. Pes zâhirdir ki *Ḳānûn* nüshalarında sînin ve dâlin ihmâli ile “sedere-ten müstemdereten” vukû’u taḡrîftir, zîrâ “sedereten” ne ḡadar muvâfıķ-ı maḡâm ise “müstendireten”de ma’nâ-yı şaḡiḡ yoktur.

Ḥummā-ı Vebāiyye Mu'ālecātı Beyânındadır

Bu ḥummânın cümle-i 'ilâcı tecfiftir ve tecfif faşd ve ishāl ile olur. Ve vâcib olur ki onun 'ilâcında istifrâğa mübâderet oluna, eger mādde-i gālibe demeviyye ise faşd eyleyeler ve eger mādde-i gālibe ḥılt-ı âḥer ise istifrâğ eyleyeler. Ve vâcib olur ki onların büyütu tebrîd ve ehviyeleri işlâh oluna.

Ammā büyüturn tebrîdi o büyütu fevâkih ve reyâhîn-i bâride ile ve eş-câr-ı bâride eṭrâfı ve lehâlih ve bâridetü'r-râyiḥa olan fevâkihten mütteḥaz neḍḥât ile ve kâfûr ve mâ-ı verd ve şandal ile ihâta olunmakla olur ve küllü yevmin mirâren onların büyütüne mâ-ı verd ve mâ-ı ḥilâf ve mâ-ı nîlûfer reşş olunur ve eger o beytte mâdan reşâşât ve neḍḍâḥât⁸⁶ olur ise ecved olur. Ammā havânın işlâhını inşâallâhu ta'âlâ karîben biz zikr eyleriz.

Ve onların üzerlerine akrâş-ı kâfûr ve rubûb-ı bâride ve mâu'r-râib ve menzû'u'z-zebed râib ve içinde maşl-ı ḥâmiḍ-i ṭayyib idâfe olunan mâ-ı verd isti'mâl olunur ve kezâlik ḥall bi'l-mâ dahi isti'mâl olunur. Ve mâ-ı bârid-i keşîri def'aten isti'mâl cidden nâfi' olur ve ammā mâ-ı bâridi def'ât-ı mütetâbi'ât ile ḳalîlen ḳalîlen şûrb eylemek ba'dı kerre ḥarâreti teh-yîc ve taḥrîk eder.

Ammā o ḥummânın emri temâdî edip şerâşîfin temeddüdü ve eṭrâfın teberrüdü ve tûl-i seher ve ihtilâta mü'eddî olsa ve şadrın ve şadrın ve şadr üzere olanların tereffu' ve tenezzülünü sen rü'yet eylesen ḥarâreti ḥârice câzib dışâr isti'mâlinde lâzım olur.

Ve onların şehvetleri sâkıta olsa ekle cebr olunur, zîrâ sâkıṭatü's-şeh-ve olup ḳasren ekle teşeccu' edenlerin ekşeri bür'e ikbâl ve teveccüh edip ta'ayyüş eder, binâen 'aleyh ḡidâ için onlara cebr olunur. Ve vâcib olur ki onların ağdiyeleri havâmiḍ ve müceffifât ola ve ḳalîletü'l-mikdâr ola, zîrâ onların ağdiyeleri dahi rediyye olup keşreti muḍirre olur redâ'eti ḥasebiyle ve kezâlik imtilâ ḥasebiyle.

Ve ammā işlâh-ı havâ ba'dı kerre bi-ḥasebi'l-eşihhâ ve ba'dı kerre dahi hem eşihhâ ve hem merḍâ ḥasebleri ile olur. Ammā bi-ḥasebi'l-eşihhâ olan işlâhta ḡaraḍ havâyı tecfif ve ṭayyib ve bi-eyyi şey'in kâne 'ufûneti men' olur ve o vechle havâyı işlâha 'ud-ı ḥâm ve 'anber ve kündür ve misk ve kuş-ı ḥulv ve mey'a ve senderûs ve ḥıltit ve ḳaranfûl-i ilkî ve maşṭakî ve

86 Ya'nî ecnâs-ı fevvâreler ve selsebîl ve çağlağan olur ise.

‘ilk-i buṭm ve lâzen ve ‘asel ve za‘ferân ve sükk ve serv ve ‘ar‘ar ve üşne ve ğâr ve su‘d ve idhîr ve übhül ve vecc ve şâbâbek ve levz-i mürr ve esârün. Pes bu edviyeler eşihhâ için havâ-i vebâiyyeyi işlâha şâlih olur. Ve bunlardan ba‘dı kerre mürekkibât ittiḥâz olunur ve kezâlik beyte ḥal ile ḥıltît reşş olunur.

Ammâ bi-ḥasebi'l-eşihhâ ve'l-merdâ'l-maḥmûmîn havâyı işlâh eden sandal ile tebhîr ve kezâlik kâfur ve kuşûr rummân ve âs ve tuffâh ve sefercel ve âbnûs ve sâzec ve tarfâ ve rîbâs ve vâcib olur ki bu mezkûrlar ile tebhîr tekrîr oluna.

Vebâdan İhtirâz Beyânındadır

Vâcib olur ki bedenden ruṭubât-ı faḍliyye iḥrâc oluna ve onun tedbiri kıllet-i ğidâ iledir ve sâir vücûh ile min-küllü vechin tecfife imâle oluna lâkin riyyâdet isti‘mâl olunmaya ve kezâlik ḥammâm ve eşribe dahi isti‘mâl olunmaya ve ‘aṭaşa dahi müşâbere olunmaya ve havâ muşlihât-ı sâbika ile işlâh oluna ve ğidâ ḥumûḍâta imâle olunup velâkin taklîl oluna ve ḥumûḍât ile maṭbûḥ olan laḥm taklîl olunmasa câiz olur. Ve hülâm ve kurrayş ve meşûş ḥall ile veyâḥûd summâk ve mâ-ı hısrım ve mâu'l-leymû ve mâu'r-rummân ile ittiḥâz olunup tenâvül oluna ve kezâlik muḥallilât-ı nâfi‘a ve ḥuşûşan keber-i muḥallel ve ḥıltît tenâvülü onlara nâfi‘ olur ve onlardan ‘ufûneti men‘ eder. Ve vebâdan mukaddem tiryâk ve meşrûdîṭûs isti‘mâl edip tedbîr-i şavâb-ı sâire dahi mürâ‘ât olunsâ onları işâbet-i vebâdan ḥalâş eder. Ve şabır ve za‘ferân ve mürrden devâ ittiḥâz olunup küllü yevmin bir dirheme karîb isti‘mâl olunsâ nâfi‘ olur.

Cüderî Beyânındadır

Ve ba‘dı kerre demde bir nev‘ ğaleyân olur ki o ğaleyân ‘ufûnetün-mâ sebîli üzere ‘uşârâta ‘ârıḍ ğaleyânât cinsinden olup eczâdan ba‘dı ba‘dı âḥerden temyîz eder. Ve cüderînin bir sınıfı dahi vardır ki o sınıfta emr-i ṭabî‘îye şebîh ṭabî‘at demi kaynadır deme ğidâ-i ṭamşîden muḥâlaṭa edip bedende bâkiye kalan faḍlayı nefḍ eylemek için ve ğidâ-i ṭamşînin muḥâlaṭası vakt-i ḥamlde olur veyâḥûd ba‘de'l-ḥaml ‘akîre ve rediye ğidâ ḥasebiyle olup ḥamlin kıvâmını şehîf ve da‘îf eder ve ṭabî‘at cevher-i müteḳavvim-i

aķvā hāşıl olunca kadar o fađla-i saĥîfeyi işāre eder ve onun nazîri 'uşāre-i 'inebdir ki ŧabî'at onu şarāb olup müteşābihü'l-eczā olunca kadar ve rıĥve-i havāiyye ve şüfl-i aradıyyeyi nefđ edince kadar takvîm eder.

Ve cüderînin bir nev'î dahi ĥāricden vārid olan sebep ile 'ārıđ olur bu vechle ona o sebep-i ĥāricden vürûdunda rutübâtı işāreti ve sāire edip aĥlâtı deme ĥalt eder ve ba'dı ġaleyān ve neşîş ĥādiş olur ve bu vech üzere ĥādiş olan cüderî fuşûlün taġayyürü katında ĥuşûşan faşl-ı rebî'in keyfiyyât-ı vācibe ve nizām-ı lâıyıkasından taġayyürü ĥālinde olur.

Ve cüderî ve ĥaşbeden her biri emrād-ı vāfide cümlesindendir cenāib 'aķıbında ve onun keşret-i hübübu zamānında keşîrü'l-vuķû' olur.

Ve cüderîye müsta'idd olan ebdān ĥārr-ı raţb olan ve ĥāşşaten ruţûbeti [477b] kedire ve ondan faşđ ile demi ihrāc-ı ħalîl olan ebdān olur. Ve aġdiyeden biraz ġıdālar vardır ki serî'an cüderîde îķā' eder ve ĥuşûşan o aġdiyeyi tenāvüle i'tiyādı olmayanları cüderîde îķā' esra' olur eger üzerine müsāĥĥine olan edviyeden ve elbān mişlli aġdiyeden bir nesne isti'māl eder ise. Ve ĥuşûşan i'tiyādı yok iken likāĥ ve rimāk elbānlarını keşret üzere tenāvül edip üzerine şarāb-ı keşîr ve edviye şürba edenler cüderîde sür'at-i bālîġa ile serî'an vāķi' olurlar.

Ve müşābih olur ki cüderî buĥrāndan bir nev' ola. Ve cüderînin ekşer-i 'urûđu şıbyāna ve ba'dehu şübbāna olur ve meşāyiĥa 'urûđu ħalîl olur lâkin ĥārr ve ruţûbeti şedîde olan büldānda esbāb-ı ħaviyye ĥasebiyle meşāyiĥa dahi 'ārıđ olur. Ve ebdān-ı raţbeye cüderînin 'urûđu ebdān-ı yābiseye 'urûđundan ekşer olur. Ve rebî'de 'urûđu şitāda 'urûđundan ekşer olur ve rebî'den sonra ekşer-i 'urûđu āĥir-i ĥarîfte olur ĥuşûşan evvel-i ĥarîfe ĥārr-ı yābis şayf tekaddüm edip ve evvel-i ĥarîf dahi ĥārr-ı yābis olur ise onda cüderî ziyāde keşret üzere olur.

Ve cüderînin 'urûđu yalnız cilde ve zāhiri vely eden mevāđî'e olmaz belki zāhir ve bātında olan a'đā-i müteşābihenin küllisine ĥattā ĥucub ve a'sāba dahi 'ārıđ olur. Ve kaçan cüderî zuhûr eylese ĥikke îrās eder ve ba'dehu ke-rü'ûsi'l-iber eşyā-ı cāversiyye zuhûr eder ve ba'dehu ĥurûc edip mümteli'e olur ve ba'dehu ħurĥa olur ve ba'dehu muĥtelifetü'l-elvān ĥuşkrîşet olur ve ve ba'dehu sukûţ eder. Ve ba'dı kerre cüderî filigāmünîye ve māşerāya veyāĥûd cem'-i midde edip dübeyleye intikāl eder ve ekşer-i

zuhûrunda filigamûnî levni üzere zuhû eder velâkin ahÿânen elvân-ı muhtelifelife üzere zuhûr edip levni benefseciyye ve remâdiyye ve esved olur.

Ve cüderînin aşnâfı ve elvânı vardır; ebyađ ve aşfer ve aħmer ve aħđar ve benefsecî olup sevâda mâil olur. Ve aħđar ve benefsecî redîlerdir ve sevâda meylî mikdârı redâ'eti ziyâde olur ve her ne kadar sevâddan meyl ederse ya'nî levni sevâddan cüderînin levni ba'îd olur ise o kadar şerrden ba'îd olur. Ve ebyađ olan ecved olur huşuşan onun 'adedi kalîl ve hacmi kebîr ve ħurûcu sehl ve kerbi kalîl ve ħummâsı da'ife olup sen rü'yet eyleyesin ki onun ħummâsının zuhûrunda ve cüderînin ħurûcunda ħummâ da'ife ola ve serî'an münkađiye ola.

Ve cüderînin evvel-i zuhûru yevm-i şâlişte ve yevm-i şâliş kurbünde ola ve bu vaşf üzere olan ebyađdan sonra ecved olan o cüderî olur ki ebyađ-ı kibâr ve keşîrû'l-a'dâd olup birbirlerine müteķârib ola velâkin onlarda itişâl olmaya, zîrâ o cüderî kibârdan birbirine muttaşıl olup ħattâ laħmdan ruķ'a-i kebîreyi muĥîf olup zât-ı adlâ' veyâĥûd müstedîr olanlar rediyye olurlar. Ve kezâlik muđâ'af kibâr dahi redî olur ya'nî büyük cüderîlerin içlerinde cüderî-i âĥer olur ise o dahi redî olur. Ammâ ebyađ ve şıġar olup birbirlerine müteķârib ve şulb ve 'aşiretü'l-ĥurûc olur ise o şımf cüderî evvel-i emrde her ne kadar selâmeti ihâm ederse ondan ĥavf olunur ki onun nuđcunda 'usret olup 'alîlin sû-i ĥâline mü'eddî ola ve ondan 'alîl helâk ola, zîrâ o şımf cüderînin sebebi ġılzat-i mevâdd olur.

Redî ve meĥûf ve keşîren mühlik olan cüderî aşnâfındandır o şımf cüderî ki onun ĥâlî muhtelife olup bir kerre ĥurûc edip zâĥir olur ve âĥer kerre batıp bâtına rücû' eder ve huşuşan onun levni zuhûrunda benefsecî ola. Ve kezâlik luĥûc olup ikbâlinde da'f ve kuvvetten münfekk olmayıp 'uđvda ihđîrâr ve isvidâd ola, o şımf dahi mühliktir. Ammâ evvelâ ihđîrâr olup ve ba'de'l-iblâl ya'nî ba'de'l-ifâkat isvidâda meyl edip kuvvette sukûť olmasa belki vaķt-i ihđîrâr ve isvidâdda kuvvet tezâyüd üzere olsa o cüderî mühlik olmaz velâkin ba'dı kerre ħurûĥta ve ħurûĥ mecrâsına cârî olanlarda tķâ' eder ve evvelâ ħummâ ĥâdişe olup ba'dehu cüderî zuhûr eylese o cüderî evvelâ cüderî ĥurûc edip ba'dehu ħummâ ĥâdiş olan cüderîden eslem olur.

Ve mecdûrun ahÿâlinden ekşer tefahĥuş olunması lâzım olan onun nefesi ve şavtı olur. Kaçan nefes ve şavttan her biri ceyyiden bâķî olsalar

emr-i cüderî selî olur. Ve sen rüyet eylesen ki mecdür ve maḥşûbun nefesi tetâbu^c eder, sen ḥads eyle ki onun kuvveti şâkıttadır veyâḥûd ḥicâbında ve-rem vardır ve sonra rüyet eylesen ki onda ʿaṭaş müştedd ve ilḥâḥ-ı kerb ve zâhir-i bedende bürüdet ve cüderî ve ḥaşbede iḥdirâr vardır, o ḥâlât ʿalîlin helâkîni îzân ve iḥbâr eylediğini fehm eyle ve o cüderînin ḥurûc ve zuhûru ebṭa^c olur ise helâk ʿalâmetlerini teʿyîd eder.

Ve cüderî sebebiyle helâk olanların ekşeri ihtinâk ile ve zuhûr-ı ḥunâk ile helâk olurlar ve baʿd-ı kerre saḥc ve ishâlden kuvvetleri sâkıta olmakla dahi mecdür helâk olur. Ve kaçan benefsecî olan cüderî ve ḥaşbe bâtına rücû^c eylese sen bil ki ʿalîle karîben gâşy ʿarîd olur. Ve mecdûra bevl-i dem isrâ^c eylese ve onu bevl-i esved taʿkîb eylese o ʿalîl hâliktir ḥuşûşan kuvvet sâkıta ve maʿa-zâlik aḥḍar-ı demevî vü gûsâlî ihtilâf ola.

Ve ḥumeykâ⁸⁷ bir şeydir ki cüderî ile ḥaşbe beyninde olup ikisinden dahi eslem olur. Ve çok vâkı^c olur ki bir kimse iki defʿa cüderî iḥrâc eder mādde indifâ^c için mükerreren ictimâ^c ḥasebiyle.

Ve mûm-ı reşâşî bir nev^c cüderîdir ki vech ve şadr ve sâk ve ḳademde beşre gibi zuhûr eder velâkin şâk ve ḳademde olanlar mâ-ʿadâdan ekşer olur ve o mûm-ı reşâşî redîdir ve mādde-i rediyye ve ḡalîzaya delâlet eder ve ḡilzati ḥasebiyle eṭrâfa mündefîʿa olmaz.⁸⁸

Cüderî Zuhûru ʿAlâmâtıdır

Cüderînin zuhûruna teḳaddüm eder veca^c-ı zahr ve ihtikâk-i nef ve nevmd eylemek, aʿḍâda naḥs-ı şedîd ve bedende şıḳal-i ʿâmm ve yüzde ve gözde ḥumret ve dem^c ve iştiʿâl ve çok gerinmek ve esnemek ve dîḳ-ı nefes ve baḥḥatu's-şavt ve ḡılaz-ı rîk ve şıḳal-i re's ve şudâ^c ve cüfûf-ı fem ve kerb ve veca^c-ı ḥalk ve veca^c-ı şadr ve ʿinde'l-istilkâ ve kezâlik ʿinde'l-meyl ile'l-istilkâ irtîʿâş-ı ricl ve maʿa-küllî zâlik ḥummâ-ı muṭbîka bu mezkûrlar cüderî zuhûru ʿalâmâtıdır.

87 “Ḥumeykâ” cüderîden bir nev^cdir ki onda beyâd ve kebîr ḥabbeler olur ve müteferriḳa olmakla ʿaddi mümkün olur ve ʿalîlin ʿaklı sâbit ve nefsi ḳaviyye olur ve onda ʿufûnet ve ḥummâ olmaz, binâen ʿaleyh tevehhüm olunur ki cereb aşnâfındandır, cüderî değildir ve bu sınıf cidden selîm olur. Ber-vech-i terceme-i *Esbâb ʿAlâmât*.

88 Ve bir nev^c cüderî dahi vardır ki ona vereşkin derler, o cüderî aḥḍar ve ḳarḍ-ı berâḳîş miḳdârında olur ve vasaṭında ḥuṭûṭ olur, kezâ fi'l-*Esbâbi ve'l-ʿAlâmât*.

Haşbe Beyânındadır

Ve ma'lûm ola ki haşbe cüderî-i şafrāvîye gibidir ekşer-i ahvâlde bey-nehümâda fark olmaz ve belki onların cihet-i ıftirâkları budur ki haşbe şafrāvîyyedir ve hacmi ya'nî irtifâ'ı aşğar olup cildi tecâvüz eylemez ve onun mu'teber ve mu'teddün bih semk ve irtifâ'ı olmaz huşuşan evâil-i zuhûrda semk aşlâ bulunmaz ve cüderînin o zuhûru semk ve nütû üzere olur. Ve haşbe cüderîden eḳall olur ve 'ayna ta'arruḏu dahi cüderînin 'ayna ta'arruḏundan eḳall olur. Ve haşbenin 'alâmât-ı zuhûru cüderînin 'alâmât-ı zuhûruna ḳarîb olur lâkin haşbede tehevvue ekşer ve kerb ve işti'âl eşed ve veca'-ı zahr eḳall olur, zîrâ veca'-ı zahr cüderîde zahr üzere mevḏû olan 'ırḳın imtilâ-i demevî ile temeddüdünden 'arîḏ olur, zîrâ cüderînin tevellüdü dem-i fâsîdin keşreti hasebiyle olur, ammâ haşbenin tevellüdü dem-i ḳalîl-i fâsîdin redâ'eti hasebiyle olur ve redâ'et-i keyfiyyetin elemi lâ-maḥâle ekşer olur. Ve kezâlik ekşer-i hâlde haşbe def'aten ḥurûc eder, ammâ cüderî şey'en-ba'de-şey'in ḥurûc eder. Ve haşbenin selâmeti 'alâmâtı cüderînin 'alâmât-ı selâmeti gibidir, bürûzu ve zuhûru ve nuḏcu serî olan haşbe selîm olur ve şulb olup levni aḥḏar ve benefsecî olanlardan olur ve baṭî'ü'n-nuḏc olup ḡaşy ve kerbi mütevâtir olan haşbeler ḳâtildir ve def'aten ḡâib olanlar dahi redî ve muḡaşşî olur.

el-Mu'âlecât: Cüderî mu'âlecesinde vâcib olur ki mübâderet [478a] olunup miḳdâr-ı kifâye dem iḥrâc oluna eger şerâyiṭi ihtimâl olunur ise ve kezâlik haşbede imtilâ-i dem var ise. Ve iḥrâc-ı demin müddeti yevm-i râbi'e ḳadardır. Ve kaçan cüderî zuhûr eylese faşda iştiḡâl lâyıḳ olmaz meger ki sen imtilâda şiddet ve mâddede ḡalebe olduğunu yakînen bilesin, o zamân mâddeyi tecfîf ve taḳlîl edecek miḳdârı dem iḥrâc edersin. Ve bu 'illette isti'mâle evfâḳ olan faşddır. Eger 'ırḳ-ı enften faşd olunur ise ru'âf nefî gibi menfa'ati olur. Ve kezâlik bu 'illette nevâḥî-i 'âliye ḡâile-i cüderîden ḥimâyet olunur ve o ḥimâye ile şibyânın cüderîsi ziyâde sehl olur.

Ve kaçan faşd vâcib olup lâkin lâyıḳı üzere bi't-tamâm faşd olunmasa etrâfın fesâdından ḥavf olunur ve kezâlik cidden taṭfî'eye müdâvemet olunsa ondan dahi fesâd-ı etrâf ḥavf olunur.

Ve vâcib olur ki cüderî ve haşbenin evâillerinde ma'a-red' ve taṭfî'etin taḳviyesi olup bilâ-'aḳl li't-ṭabî'a ve bilâ-taglîz li'd-dem olan aḡdiye ile taḡ-

diye oluna, meşelâ 'unnâbiyye, temr-i Hindî ile ve tal'ıyye ve 'adesiyye ve isfîdbâcet ve min-ğayri şiddetin telyîni olanlar içâm oluna ve binâen 'aleyh vâcib olur ki o ağdıye ile temr-i Hindînin ma'ıyyeti ola.

Ve onlara muvâfık ağdıyeden olur qar'ıyye ve bi'ttîh zaqqî ve belki vâ-cibdir ki onların evvelinde tabî'at leyyine ola ve onların müleyyinâtın efdâli temr-i Hindî olur ve eger temr-i Hindî ile tabî'at icâbet eylemez ise üzerine ma'a-rıfkın ve ihtirâzin şırhışt ziyâde olunur veyâhûd terencebîn veyâhûd nukûc-ı iccâs dahi ziyâde olunur.

Ve âsâr-ı cüderî zuhûrunun evvelinde üç dirhem miqdârı rubb-ı keder ya'nî kâzî rubbu akrâş-ı kâfûrdan bir kurş ile ve şarâb-ı tal' sağy olunsâ menfa'at-ı şedîde ile nef'i olur. Ve kaçan 'illet mütemâdiye olsa ve yevm-i şânîyi tecâvüz eylese ve cüderî zuhûru ahz eylese ba'dı kerre onu tebrîd eylemek ha'tâ-i 'azîm olur tebrîd ile fađl bâtında muhtebes olduğundan için, zîrâ bâtında muhtebes olan fađl-ı a'dâ-i re'ise ihtimâl olunup kalak ve kerb ve ba'dı kerre gâşy ihdâş eder, pes bu mişlli hâlde vâcib olur ki fađlı kay-natıp ve südedini feth eden râziyânec ve kerefs ma'a's-sükker isti'mâliyle o fađla i'ânet oluna ve onların cihet-i isti'mâli uşâreleri istihrâc olunup veyâhûd uşul ve büzüru tabh olunup o uşâre veyâhûd tabîh sağy olunmak-ladır. Ve ba'dı kerre za'ferândan bir şey' işmâm olunur ve mâ-ı tîn cidden ceyyiddir, zîrâ tîn mevâddı zâhire def'-i şedîd ile def' eder.

Ve cüderî mađarratından ve esbâb-ı hâlâşın def'-i mezkûrları olur o vakt-te cidden nâfi' olan 'ilâcdan olur mağsûl lükk beş dirhem, 'ades-i muğaşşer yedi dirhem, keşîrâ üç dirhem; bu edviye ahz olunup nişf rıtl su ile rubu'ı rıtl bâkî kalınca tabh olunup tabîhi sağy olunsâ.

Ve izhâr-ı cüderîye me'ûneti şedîd olan devâlardandır: Sarı incirler-den yedi dirhem, 'ades-i muğaşşer üç dirhem, lükk üç dirhem, keşîrâ ve bezr-i râziyânec her birinden ikişer dirhem; bu edviyeler ahz olunup bir buçuk rıtl su ile şülüşüne qarîb bâkî kalınca tabh ve ba'dehu taşfiye olu-nup sağy olunsâ, zîrâ bu ma'tbûh nevâhî-i kalbden harâreti def' eder ve hafakânı men' eder. Ve vâcib olur ki o mişlli vaktte elbette 'alîle dühn takrîb olunmaya. Ve vâcib olur ki onlar dişâr ile setr olunup bârid havâ-dan teb'îd oluna ve huşuşan şitâda havâ-i bâridden dişâr ile muhâfazaya ziyâde mürâ'at oluna. Ve ta'rîki kaşd olunan kimseye işlenen muhâfaza

ve fi'l onlara dahi işlene, zîrâ berd onların mesâmmalarını sedd eder ve mevâddı bâtına redd eder.

Ve selc ile müberred olan mâyı şürb ve hayşe ya'nî üstübüden ittiḥâz olunan kettân bezine iltifâf ve duḥû cidden redîdir. Ve ba'dı kerre faşd dahi redî olur, zîrâ cüderiden zuhûr şadedinde olanları bâtına istirdâd edip zuhûrdan şarf ve men' eder; iki ve üç günden sonra faşddan tevaḳḳî ve ih-tirâz olunsun.

Ve kaçan tedessür ve tesahhundan ğaşy gibi bir hâl 'arîz olsa veyâḥûd ğaşyin kendi 'arîd olsa lâzım olur ki ancak istinşâk olunacak havâsı tebrîd oluna ve eger bedeni hayşe veyâḥûd havâ-i bâride kalîlen keşf iktidâ eder ise onu dahi işlerler. Ve kezâlik teshîn ile veyâḥûd terk-i tebrîd me'ûneti ile ḥurûca mübâderetten ḥiffet hâdiş olmasa belki ḥarâret müşte'ile ve lisân sevâda meyl eylese teshînden ziyâde ḥâzer eyle.

Ve vâcib olur ki aşḥâb-ı cüderî ve ḥaşbe aşḥâbı taḍmîd-i batından ictinâb eyleye, zîrâ taḍmîdde iki ḥaṭar vardır, biri o mekânın menâfisi müdâyâka üzere olmak ḥaṭarıdır ve âḥeri ishâl-i redînin ve bevl-i demin 'arîd olmak ḥaṭarıdır.

Ve vâcib olur ki âḥir-i emrde ṭabî'at hıfz olunup 'alâ-ḥâlihi içâm olunan 'ades bedeline o 'ades içâm oluna ki bi-tecdîdi'l-mâ selkât-ı müte'addide ile meslûk olmuş ola ve 'ades-i meslûk bedeline o 'ades içâm olunur ki temr-i Hindî veyâḥûd mâ-ı rummân ve summâk veyâḥûd hışrım veyâḥûd onların emsâlinden biri ile muḥammad ola. Ammâ demi muğallıza ve müberride ve ğaleyândan mâni'a olup evvel-i illette isti'mâli ile emr olunan edviyeler rîbâs ve hışrım ve fevâkih-i bâride miyâhı ve ḥâşşaten şarâb-ı keder ve şarâb-ı ṭal' ve ṭal'ın nefsi ve cümmâzdır. Ve şarâb-ı keder için nûsaḥ-ı keşîre vardır, biz o nûşaları aḫrabâdinde zıkr eyledik ve biz bu maḳâmda o nûsaḥtan 'acîb ve kavî bir nûşâ zıkr eyleriz ki onun ittiḥâzı muḥammad ve mükerrer mâ-ı râib ile olur ve kuvveti cidden şedîdedir, evvel-i emrde isti'mâl olunsa o illette şâlih devâ olur:

Nûşâ-i Şarâb-ı Keder: Rubb-ı keder iki cüz', eger rubb-ı keder mevcûd olmaz ise kederin kendi minşâr ile neşr olunup nûşâresi aḫz olunur veyâḥûd keder dakḳ olunup medḳûku aḫz olunur veyâḥûd keder nişfı kadar şandal ile ḥall-i muḳaṭtar içinde ḥall ve idâfe olunur veyâḥûd keder mâ-ı hışrım-ı

şırf içinde eyyâmen idâfe olunur ve ba'dehu teherrî edince kadar rıfk üzere ma'â-tûlin tabh olunur ve ba'dehu aşr olunur ve uşâresinden ahz olunur.

Ve her kaçan mâ-ı hışrım veyâhûd hall ekser olursa ondan ittiḥâz olunan şarâb ecved olur ve ba'dehu cübniyyeti menzû olan mâ-ı düğ-ı maḥḍ dahi ahz olunur gerekse onun cübniyyetini nez' tervîk-i bâlig ve taşfiye-i kâmil ile olsun ve gerekse mâiyyet mün'azile olunca kadar tabh ile olsun. Ve ba'dehu daḳîk-i şa'ir ahz olunur ve daḳîk-i şa'ir ile mâ-ı râyibden fuḳḳâ' ittiḥâz olunup o fuḳḳâ' dahi tervîk olunur ve o mürevvaktan daḳîk-i şa'ir ile müceddeden fuḳḳâ' ittiḥâz olunup taḥmîḍ olunur ve fuḳḳâ' o vech [üzere] her ne kadar tekrâr olunursa o kadar ecved olur. Pes fuḳḳâ'ın 'ameli tekmi-linden sonra ondan beş cüz' ahz olunur, mâ-ı kümmesrâ' ş-şinî ve mâ-ı sefercel-i ḥâmiḍ ve keşîrû'l-mâ ve mâ-ı rummân ve keşîrû'l-mâ⁸⁹ ve ḥâmiḍ olan tuffâḥın suyu ve mâ-ı zu'rûr ve mâu'l-leymû veyâhûd mâ-ı iccâş-ı ḥâmiḍ ve mâ-ı tal'-i ma'sûr ve mâ-ı kündüs-i tarî ve mâ-ı tûs-ı Şâmî ki onun tûsu tamâmen naḍic olmaya ve mâ-ı mişmiş-i ficc ü ḥâmiḍ ve uşâretü'l-hışrım ve uşâretü'r-rîbâs ve uşâretü 'asālîci'l-kerm ve uşâretü'l-verdi'l-Fârsî ve uşâretü'n-nîlüfer ve uşâretü'l-benefsec her birinden üçer cüz' ve uşâretü ḥummâḍi'l-ütrücc ve uşâretü ḥummâḍi'n-nârenc her birinden birer cüz'ün ikişer sülûsü ve uşâre-i küzbere ve ḥass ve ḥaşḥâş-ı raṭb varakı ve hindebâ ve baḳlatu'l-ḥamḳâ her birinden birer cüz'ün birer rub'u ve uşâre-i liḫyetü't-teys ve verd-i yâbis ve nîlüfer her birinden birer cüz'ün nişf-ı öşrü ve na'nâ-ı raṭb uşâresi südüis cüz', enberbâris-i raṭb uşâresi yarım cüz' zıkr olunan uşârât ve edviye nâr üzere cem' ve tertîb olunur ve üzerine 'adesten dört cüz' ve şa'ir-i muḳaşşerden iki cüz' ve summâktan üç cüz' ve ḥabb-ı rummândan üç [478b] cüz' ilkâ olunup 'ale'n-nâr cem'an nişfı kalınca kadar tabh olunup ve ba'dehu teberrüd edince kadar terk olunur ve bi-ḳuvvetin mers olunur ve ondan her üç yüz dirhem için birer mişḳâl kâfûr ahz ve saḥḳ olunup bir ḳar'a veyâhûd ḳinnînenin⁹⁰ aşlına ve ḳarına zerr olunup üzerine o devâ şabb olunur ve ba'dehu onun re'si bir şey' ile

89 Ya'nî suyu ve aşîri keşîr olan sefercel-i ḥâmiḍ ve rummânın suları ahz olunur demektir.

90 "Ḳinnîne" ḳâfın kesri ve nûn-ı evvelin kesri ve meddi ve teşdîdi ile şarâb koydukları kap. Vankulu.

ķaviyyen ğamm olunur ve ba'Ċdehu cembr űzere vaĊ' olunur ĥattā kaynamaĝa ķarĭb oldukta cembrden ref' olunup ĥaĊĥaĊa olunur ve bir bűstűķa⁹¹ iĊre vaĊ' ve ĭdā' olunup re'si űedd olunur kāfűr Ċāyi' olup űayerān eylemesin iĊin ve onun űerbet-i vāĥidesi on dirheme ķadar olur. Ve nāstan ba'Ċlıları onun iĊine sűnbűl ve zencebűl ve bezr-i rāziyānec ve enīsűn ve fűlful ve su'Ċ re'yleri miķdāri katarlar.

Ve ķaĥan cűderī bi't-tamām ĥurűc eylese ve yevm-i sābi'i tecāvűz edip onda nuĊc zāĥir olsa űavāb budur ki rıķķla o cűderīler altından maűnű'a ibre ile fak' oluna ve rűtűbeti bir ķuĥne ile aĥz oluna, ammā ba'Ċde'l-fak' onu temlĭĥ eylemek ya'nī iĝnenin yırtıĝı maĥalli tuzlamak lābűdd olur velākin cűderīden kebīr olup 'ahdi zamān fak'a ķarĭb olanlar tuzlanmaz, zīrā ele-mi ve veca'ı ziyāde olur. Ve o kibārdan mā-'adāsını temlĭĥ eyle ve biraz terk eyle ki fak'ının űarĭķi mesdűd ola ve ba'Ċdehu yine temlĭĥ eyle ve ķab-le-tamāmi'n-nuĊc temlĭĥ olunmaz, zīrā o vech űzere olan temlĭĥ ile ba'Ċı kerre veca'-ı űedīd 'arĭĊ ve verem ĥādiű olur ve ba'Ċde'n-nuĊc temlĭĥ emr-i lāzım olur. Ve onu temlĭĥ o mā-ı milĥ ile olur ki onda za'ferāndan bir ķuvvet ola ve eger mā-ı verde tuz katıp onunla fak' olunan cűderī temlĭĥ olunursa ecved olur ve eger su ile verd ve űarfā ve 'ades űabĥ olunup ba'Ċdehu temlĭĥ olunur ise o temlĭĥ ĝāyet-i cevdele bāliĝ olur ĥuűűűan onun iĊine kāfűr ve űandal katıla, zīrā temlĭĥ inĊāc ve tecfif eder ve sűr'at ile iűķāt eder.

Ve űarfā ile tedĥĭn cidden nāfi' olur. Ve faűl-ı űitāda vāciĊ olur ki űarfāya vekűd ittiűāl űzere kılına ya'nī űarfā ile vaķt vaķt tedĥĭn eylemekten ĥālī olunmaya.

Ve ķaĥan cűderī űedīdű'r-ruĥűbet olsa ās ile ve varāķ-ı āsla tedĥĭnden lābűdd olur.

Ve cűderīnin nuĊcu katında ve tecfifine ihtimām katında tedbīr-i ceyyid olur, erűzz ve cāvers ve űa'ır ve bāķılā daķıķķleri űzere 'alīli tenvīm eylemek. Ve o daķıķķler űzere tenvīmden evfaķ olur saĥĭf olup iĊinde olan devā-nın ķuvveti űeĥāfeti ĥasebiyle ĥārice ĥurűc eden bir űennden⁹² maĊribe ve firāű ittiĥāz olunup zıķr olunan daķıķķler ve edviye ona ĥaűy kılınıp o firāűın

91 "Bűstűķa" ĥunbara, *Muķaddimetű'l-Edeb*.

92 اَلشَّنُّ [eű-űenn] (űĭnin fetĥi ve nűn'un teűĊīdi ile) űol kırba ki kűhne olmaĝın suyu damlaya. Vankulu.

üzerinde tenvīm eylemek. Ve varak-ı süsen dahi onlara ceyyid olur. Ve o vakitte dühn redī olur, zīrā dühn-i cüderīyi cefāftan men' eder.

Ve kaçan cüderī cefāfı aḥz eylese vācib olur ki cefāfa mu'ine olan ed-viye ile mecdüre tılā oluna, zikri mürür eden edviyelere za'ferāndan bir kuvvet aḥz olunup cüderīlere tılā oluna.

Ve kaçan cüderī ḥasebiyle ḳurūḥ 'ārıda olsa o ḳurḥaya merhem-i ebyaḍ nāfi' olur ḥuṣūṣan kāfūrdan bir şey' ile merhem-i ebyaḍ ḥalt oluna. Ḳaṣab kökünün mā-ı verd ile nef'i olur. Ve şecer-i ḥilāf 'urūḳunun ḥukākesi ve şecer-i zu'rūr kökünün ḥukākesi dahi nāfi' olurlar. Ve ba'dı kerre üzerine isfīdāc neşr eylemek ve mürdāsenc neşr eylemek nāfi' olur. Ve eger enfinde ḥuṣkrīšet olur ise ona o ḳayrūtī nāfi' olur ki onun ittiḥāzı dühn-i verdin ḥālişinden ola ve onda isfīdāc ve iḳlīmiyādan birer ḳuvvet ola.

Ve cüderīnin cefāfından sonra ve teḳarruḥu katında dühn isti'māli ceyyid olur, ammā cefāf katında nāfi' olduḡu cüderīyi bi-sür'atin isḳāṭı ḥasebiyledir. Ve teḳarruḥ katında nāfi' olduḡu ḳurḥanın mu'ālecesi merāhimdir ve dühn merāhimin aşıldır ve ḳurūḥ-ı cüderīye merhem-i aḥmer ceyyid olur.

Cüderī ve Ḥaṣbe Āfetinden A'ḍāyı Ḥıyāta ve Muḥāfaẓa Beyānındadır

A'ḍā-i bedenden olup āfet-i cüderīden tevaḳḳīsi ve muḥāfaẓası vācib olan 'uḍvlar bunlardır: Ḥalk ve 'ayn ve ḥayāşim ve riye ve em'ā, zīrā bu a'ḍālar teḳarruḥ eder.

Ammā 'ayn ba'dı kerre zāhibe ve zāile olur ve ba'dı kerre dahi ona beyāḍ 'ārıḍ olur. Ve ammā ḥalk ba'dı kerre onda ḥunāk ḥādiş olur ve ba'dı kerre merīde ḳurūḥ olmak ḥasebiyle bel' asīr olur ve ba'dı kerre ākileye mü'eddī olup ḳattāle olur.

Ammā ḥayāşim ba'dı kerre onda ḳurūḥ ḥādiş olup mecrā-yı nesīmi sedd eder.

Ammā riye onda olan cüderī ve ḥaṣbe büşūru sebebiyle şedīden ḍīḳ-ı nefes ḥādiş olur ve ba'dı kerre 'alīli sill maraḍında iḳā' eder eger onlar teḳarruḥ ederlerse.

Ammā em'ā ba'dı kerre cüderī em'āda ḳurḥaya mü'eddī olup tedārükü 'usretli olur.

Ammâ 'aynı muhâfaza için 'ayn mürri ve küzbere ile iktihâl olunmak ecved olur ve onda summāk ve kāfūr dahi kılınır ve huşušan o yevmde onlar ile iktihâl olursa nef'i ve muhâfazası ekser olur ve yalnız mürri ile dahi iktihâl olunur. Ve kezâlik mâ-ı küzbere ve mâ-ı summāk içine kāfūr ve şahm-ı rummân uşâresi katılıp onunla terbiye olunan kuhl ile dahi iktihâl olunursa cidden ceyyid olur huşušan evvel-i 'illette cevdeti ekser olur. Ve kaçan cüderi zâhir olsa mâ-ı verd ve kāfūr evfağ olur. Ve eţibbâ zıkr eylediler ki nef-i ebyad ile iktihâl cidden ceyyiddir. Ve bizim diyarımızın nisvânı cüderi mündefi' olup 'aynda âfet bâkî kalsa o 'aynda dühn-i fustuk isti'mâl ederler ve o dühn ile 'aynda olan gamâme mündefi'a olup 'aynı o dühn ıslâh eder. Ve 'aynda zühür eden besreye şiyâf-ı ebyad cidden ceyyid olur.

Ammâ femi ve halkı muhâfaza maşş-ı rummân ve madğ-ı habb-ı rummân ile olur evâil-i zühûrunda ve tûş-ı Şâmî maşş olunup rubbu ile gârgara olunur huşušan fem ve halkta veca' zühür eylese. Ve o vakt-i istikâda tûş-ı Şâmînin rubbu şey'en-fe-şey'en la'k olunur.

Ammâ hayâşimi muhâfaza māmîsâ ve şandal ve rubb-ı hısırim ve hall-den mütteḥaze atlıye ile olur ve yalnız halli istinşâkın dahi nef'i 'azîm olur.

Ammâ riye'yi muhâfazada 'ades ve leben ve bezr-i haşḥaştan mütteḥaz olan le'ûk gibi nâfi' bir nesne olmaz.

Ve em'âyı ba'de'l-ibtidâ muhâfaza olunur ve onun muhâfazası kavâbid ile olur ve âḥir-i 'illette istiṭlâk zâhir olur ise akrâş-ı ṭabâşir rubb-ı rîbâs ile ve bezr-i hummâd akrâşı isti'mâl olunur.

Cüderiden Bâkiye Olan Āşârın Kâfı Beyânındadır

İnşâallâhu ta'âlâ bu bâbda zînet beyân olduğu mevdi'de merreten uḥrâ tekellüm eyleriz, ammâ şimdiki ḥâlde mâ-hüve'l-evfağ olup münâsebeti eşedd olanları zıkr eyleyelim: Āşâr-ı cüderiyi kal' eden edviyeden olur kaşabın uşûl-i müceffefi ve daḳîk-i bâkılâ ve ḥukâke-i ḥaşeb-ı ḥilâf ve ḥukâke-i uşûlü'l-kaşab ve 'anzerût ve bezr-i biṭṭîḥ ve kuşûr-ı biṭṭîḥ-i müceffef ve mağsûl-i erûzz ve mâ-ı şa'ir ve beyâd-ı beyd ve ṭîn-i mütteḥalḥil ve mürdâsenc ve sükker-i ṭaberzed ve neşâ ve levz-i ḥulv ve levz-i mürri ve edhândan âşârı kal' eden dühn-i süsen ve dühn-i fustuk ve şahm-ı ḥimâr bi-dühni'l-verd, mâ'iz ve ḥamelin azlâfı şeyy olundukta ḥâdiş olan

su ahz olunup o âsâra tılâ olunsu onu kal'da menfa'ati gâyete bâliğadır. *Ba'dı nüshada hâ-i mühmele bedeline cîm ile "cemel" vâkıf olmuştur.* Ve bu bâbda akvâ olan edviyelerdendir, zebedü'l-bahr, hicâretü'l-fülfül, kuşt, uşşak, kündür, şabûn, būrak, 'izâm-ı bâliye, 'izâm-ı muhrağa, bezr-i fücl, dakîk fücl-i müceffef, zerâvend, türmüs.

Ve levnini muhassine olan me'fûmât-ı ceyyideden olur rummân-ı hulv, hımmaş, şarâb-ı tayyib, nîm-birişt, şufretü'l-beyd ve dücüc ve kıbâc ve ferâric ve derâric ve tedâric-i semine merağaları. Ve vâcib olur ki âsar-ı cüderisi olanlar istihmâma müdâvemet eyleyeler.

Onların [479a] Edviye-i Mürekkebeleri Beyânındadır

'İzâm-ı muhrağa, gânemîn ba'r-ı atîki, hazef-i cedîd, neşâ, bezr-i bitîh, erüzz-i mağsûl, hımmaş her birinden onar habb, bân, türmüs, kuşt, zerâvend-i tavîl her birinden beşer, kaşabın uşûl-i yâbisi yirmi; bu edviye ahz olunup ondan mâ-ı bitîh veyâhûd mâ-ı kıssâ-i berri veyâhûd mâ-ı şa'ir veyâhûd mâ-ı bâkılâ ile tılâ ittihâz olunup onun ile uđv tılâ olunup gıdâen tabîh-i benefsec ile uđv tılâ olunur.

Mürekkeb-i Âher: Hazef-i cedîd, 'izâm-ı bâliye, uşûl-i kaşab-ı Fârsiye, neşâ, türmüs, bezr-i bitîh, erüzz-i mağsûl, habbu'l-bân, kuşt veznleri berâber ahz olunup onlardan gâmere ittihâz olunur. Ve kezâlik türmüs ve hımmaş-ı esvedden dahi gâmere ittihâz olunur.

Hummayât-ı Evrâm Beyânındadır

Evrâm-ı zâhireye tâbi'a olan hummayâtın hâli bundan akdem senin ma'lûmun oldu ki ekseriyyâ o hummâlar hummayât-ı yevm cinsinden olur, zîrâ ekser-i evrâmın kalbe sühûneti te'eddî edip ufunet-i verem te'eddî eylemez ve bunun ekseri esbâb-ı bâdiyeden olur verem a'zîm olmakla veyâhûd uđv-ı müteverrim kalbe qarîb olmakla. Veremin ufuneti kalbe te'eddî eylese o veremin hummâsı yevmiyye olmaz belki gayri hummâ olur ve bunun ekser-i emşâli ancak esbâb-ı sâbıkâ-i bedeniyyeden ve imtilâlardan olur. Ve ba'dı kerre dahi onun sebebi o kurûh olur ki ona mevâdd-ı habîşe teveccüh edip luğûm-ı rıhvede muhtebese olur.

Ammâ evrâm-ı bârideye tâbi^c olan hummayât karîb olur ki onun hummâsı ancak ʿufûnetin kalbe teʿeddîsinden hâdiş olup bilâ-ʿufûnet yalnız sühûnetin teʿeddîsinden hâdiş olmaya.

Ve evrâm-ı bâtineye tâbi^a olan hummânın şerrlisi aḥşâda olup bâtinî olan humrete tâbi^c olan hummâdır, zîrâ onda veca^c ve ʿaşaş ve iltihâb müştedd olur.

Ve aḥşâda olan humret-i deme mirrenin onunla muḥâlaṭası delâlet eder.

Ve zîkr olunan evrâm-ı bâtine dimâğ ve dimâğın hucubı ve şimâḥ ve halk ahyânen ve şadı vely eden hicâb ve kebid ve külye ve meşâne ve rahîm ve emʿâ ve onların müşâbihi olan ʿuḍvların evrâmıdır ve o aʿdâların kalbe kurb ve buʿdu ḥasepleri ile onlar evrâmından hâdiş olan hummayât şiddet ve daʿfta muḥtelife olur.

Ve evrâm-ı bâtineden ʿuḍv-ı lahmîde olan veremden hâdiş hummayât dahi şedîde ve ʿuḍv-ı ğışâinin hummâsı aḍʿaf olur. Ve kezâlik şerâyîn civârında olan veremin hummâsı eşedd ve yalnız evride civârında veremin hummâsı aḍʿaf olur. Ve evrâm-ı bâtine hummâlarının hummâsının o evrâma mevâddın inşibâbı ḥasebiyle edvârı olur ve onların edvârı mevâddın tevellüdü ve hareketi ve ḥarâret ve elemin o mevâddı evrâma cezbî ḥasebiyle tûl ve kışarda ihtilâf üzere olup her hultın hummâsının kendiye lâyık devri olur.

Ve maʿlûm ola ki çok kerre zâtü'l-cenbde ve onun emsâlinde veremden berâʿet ḥâşıla olur velâkin hummâsı bâkiye kalır ve hummânın beḳâsı delâlet eder ki mevâdd-ı veremden henüz neḳâ ḥâşıl olmamıştır, mevâdd-ı bâkiye vardır.

Ve bu hummâların kaçan müddeti tavîle olsa o hummâ dıḳka teʿeddî eder ve huşuşan evrâm-ı kebidde ola, ammâ hicâbiyye veremin istiḥkâmı katında hummâsı dıḳka teʿeddîde imhâli olmaz.

Evrâm-ı Bâtineye Tâbi^a Hummayâtın ʿAlâmâtı ve Aḥkâmı Beyânındadır

Evrâm-ı bâtineye tâbi^c hummâların üç şinf ʿalâmâtı ve aʿrâdı olur. O aşnâfın şinf-ı evveli o ʿalâmât ve aʿrâddır ki ʿuḍv-ı ʿalîle delâlet eder ve şinf-ı şânisi mâddeye ve şinf-ı şâlişi ʿalîlin ḥâline delâlet eder.

Ammâ 'uḍv-ı 'alîle delâlet eden şımf-ı evvel nabḍ-ı minşârî ve nevâhî-i şadrda olan veremi nâhıs veca' ve kezâlik o su'âl ki evvelâ yâbis ve sâniyen raḥb olur. Ve bunlara müşâbih zâtü'l-cenb a'râḍıdır ki nevâhî-i şadrda olan vereme delâlet eder. Ve bi'l-cümle mevḍî-i verem olan 'uḍvda veca' ve şıḳal olur ve a'ḍâ-i sâirede dahi süḥûnet-i mu'tâdeden ekser süḥûnet olur. Ve o 'alâmetin biri dahi teşennüc mişllidir, zîrâ çok kerre a'ḍâ-i 'aşabâniyyede olan evrâm-ı hârreye teşennüc 'ârıḍ olur.

Ammâ mâddeye delâlet eden şımf-ı şânî ḥummânın ğıbben iştîdâdı mişllidir, şafrâya delâlet eder.

Ve 'alîlin ḥâline delâlet eden şımf-ı sâliḥ o 'alâmet ve 'araḍlardır ki 'alîlin selâmetini tebşîr ve 'aṭabını inzâr eder.

Ve ba'ḍı kerre evrâm-ı bâṭinenin ḥummâ icâbında ihtilâfı olur, kimi kavî ve kimi ḍa'îf ve dâim ve fâtir olur ve bu ihtilâf nefsi-i veremin 'ızamda tefâvüt ile ve kezâlik 'urûḳun si'ada tefâvütü ile olur. Ve kezâlik a'ḍâ ḥasebiyle dahi ihtilâf olur, zîrâ a'ḍânın ba'ḍısı ḳalbe ḳarîb olur veyâḥûd ḳalbe müşâreketi şedîde olur ve ba'ḍı âḥerlerin ḳalbe bu'du olur velâkin müşâreketi olur külyeler mişlli, zîrâ evrâm-ı külye devâm ve lüzûm üzere ḥummayât-ı ḳaviyyeyi icâb eylemez ve çok kerre müfettire olur.

Ve külye evrâmının icâb eylediği ḥummâlar ḥummayât-ı muhteliṭe cinsinden olup ğıbb ve rib' ve ḥıms ve sids olur ve onun ile nâfid ve ḳuşa'rîret olur, pes verem-i külye ḥummâsının o sebebdan emri müşkil olmakla o ḥummânın ḥummayât-ı mezkûreden imtiyâzı ve iftirâkı mevḍî-i külyede ve nâhiye-i ḳaṭanda olan şıḳal ve veca' ile olur.

Ve 'uḍv-ı vârimeye ḥarâretin ihtîşâsı vech-i mu'tâddan ekserdir. Ve ḳaçan 'uḍv-ı vâhidin re'îse ḳurbiyyeti ve ḳuvvet-i müşâreketi ve şiddet-i hissi ve 'aşabiyyeti olsa ve bu aḥvâl 'uḍv-ı vâhidde cem' olsa o 'uḍvun vereminin icâb eylediği ḥummâlar müştedde olduğundan mâ-'adâ o ḥummâ şâhibine ḳalaḳ-ı 'aẓîm ve teşennüc 'ârıḍ olur ve ba'ḍı kerre onlara a'râḍ-ı ğarîbe 'ârıḍ olur, meşelâ verem-i raḥim ḥummâsına şudâ' ve veca'-ı 'unuk ve ḥarâret 'ârıḍ olur.

Ve veremî ḥummâda iştî'âl olsa o iştî'âlde olan ḥiddet ḥummâ-ı muḥrîḳa iştî'âli ve ḥiddeti meblağına bâliğ olmaz lâkin emr-i verem 'aẓîm olur ise ḥiddet dahi 'aẓîme olur. Ve veremî ḥummânın ḥiddeti nâḳışa olduğu onun

içindir ki onun ʿufûneti fâşiye değildir ve hârice dahi hareket eylemez ve lâ-maḥâle hâdiye olan ʿufûnetin aʿrâdı dahi hâdiye olur.

Verem-i bâtıniden hâdiye olan ḥummâda nabđ ḥummayât-ı ʿufûnetin nabdı gibi ibtidâda şağır olur ve müntehâ katında inkıbâdı serîʿ olur ve baʿdehu bi-ḥasebi'l-ʿuḍv ve'l-mâdde ʿazîm ve serîʿ ve mütevâtir olur senin maʿlûmun olduğu vech üzere ve baʿdehu ʿuḍvun ʿaşabiyyeti ve laḥmiyyeti ḥasebiyle minşâriyyeti ve mevcîyyeti olur. Ve ḥummâ-ı veremiyenin ekşerinde bevl beyâda ve kılllet-i şıbğa şâire olur, maddenin vereme senin bildiğin üzere meyelânı ḥasebiyle.

el-İlâc Bu ḥummâlarda evvelâ vereme muʿâlece olunup baʿdehu ḥummayât-ı ḥâdde ʿilâcî ile muʿâlece olunur, zîrâ bu ḥummayâtta aşl ʿilâc ʿilâc-ı veremdir velâkin nefsi ḥummânın muʿâlecesine dahi mürâʿât olunur, tebrîd ve tertîbe riʿâyet olunmakla. Ve ḥummâ-ı veremîye ʿilâcda ḥummâ-ı sâzece-i ḥâddeye muḥâlif olur, zîrâ veremî ḥummâlarda mâ-ı bârid şürbüne ve duḥûl-i ḥammâma ruḥşat olmaz. Ve eger ʿuḍv-ı bâtında olan verem ḥumret ise onun üzerine hâricden bâride ve bi'l-fiʿl müberride olan eşyâ vaḍı câiz olur, meşelâ ḥass ve ḥayyü'l-ʿâlem ve baklatu'l-ḥamkâ uşâreleri, şaʿîr-i ebyaḍ sevîkenden bir şey ʿile cemed üzere tebrîd olunduktan sonra ḥumret-i bâtine üzere vaḍʿ olunur ve tesahḥun eyledikçe vakt vakt tecdîd ve tebdîl eylemekten ḥâlî kalınmaz. Ve baʿdı kerre onun aḥlâtına zeyt-i ünfâk dahi ḥalt olunur veyâḥûd dühn-i verd ḥalt olunur. Ve eger ḥumret ḥummâsının şâḥibi ḥass-i mağsûlü tebrîd edip ekl eylese ondan intifâc eder.

Ḥummayât-ı Mürekkebe Ahvâlidir

Ḥummayât baʿdı kerre [479b] birbirleri ile terekküb eder, baʿdı kerre o terekküb ecnâs-ı mütebâʿidenin aşnâfları beyinde olur ḥummâ-ı dıkkın ḥummâ-ı ʿufûnet ile terekkübü gibi.

Ve baʿdı kerre cins-i karîbde müttefîka olan aşnâfın beynlerinde terekküb olur, meşelâ ḥummayât-ı ʿufûnet aşnâfından ğıbb-ı balğamiyye ḥummâ ile terekküb eder, şaṭr-ı ğıbb denmekle maʿrûf olan ḥummâda terekküb eylediği gibi ve ḥummayât-ı evrâmın terekkübü gibi.

Ve baʿdı kerre dahi nevʿde müttefîka olan aşnâf terekküb eder, iki ğıbbın terekkübü gibi ve iki ribʿin veyâḥûd üç ribʿin terekkübü gibi. Ve iki ğıbbdan

mürekkebe olan hummâ ba'dı kerre zâhir-i hâlde balgamiyye nevâibi üzere olur. Ve ba'dı kerre üç ğıbb terekkeb eder. Eger münâvebe ve mübâdele tarîkî üzere terekkeb ederler ise yevm-i şâliste nevbet-i hummâ eşedd olur, zîrâ yevm-i şâliste ğıbbu'l-ülânın nevbet-i sâniyesi ile ğıbb-ı sâniyenin nevbet-i ülâsı cem' olur ve lâ-mahâle iki hummânın a'râdı eşedd olur ve kezâlik yevm-i hâmistе dahi hummâ eşedd olur ve üç ğıbbdan mürekkebe olan hummâ, şa'r-ı ğıbb müşâbih olur, iki ğıbbdan terekkeb eden hummâ nâibe-i balgamiyyeye müşâbih olduğu gibi.

Ve bu mişlli esbâb hasebiyle nevâib-i hummayât beyinlerinde müşâbehet olmakla beyne'l-hummayât imtiyâz tahşîli için nevâibe iştiğâl-i külliyye ile şuğl olunmaz belki a'râda iştiğâl olunur. Ve bu hummayât ğıbb-ı hâlişa olur ise faşda sür'at eder hattâ o mürekkebden cüz'-i a'daf evvelâ mütelâş olur ve ba'dı kerre terkibe delâlet eder.

Hummâ hâdiye ve sâkine olunduktan sonra kuşa'rîretin mu'âvedesi delâil-i hummâya âlim olan tabîbden yevm-i evvelde veyâhüd yevm-i sânide hummânın terekkebüne tefatun eylemediği istikbâh olunur.

Ve dıkkın hummâ-ı ufûnet ile terekkeb eylediğini tefatun cidden müşkil olur, zîrâ etîbbâ o mişlli mürekkebe hummâda feterât ve nâfi'de ve kuşa'rîrette ibtidâ'ât ve 'arâka mu'âvedât ve evkât-ı cüz'iyye var ise ri'yet ederler, binâen 'aleyh zann ederler ki onda faķat hummayât-ı lâzıme vardır veyâhüd lâzımeden ve müfettireden mürekkebe hummâ vardır.

Ve ba'dı kerre terkib tevâlî edip nevâib bilâ-faşl birbirlerine muttaşla olur hattâ ittişâl ve eczâ-i hummânın teşâbühü hasebiyle zann olunur ki sünûhasa müşâbih o hummâ-ı müteşâbihü'l-eczâ hummâ-ı vâhidedir, o zamânda delâile müraca'at vâcib olur ve kaçan nevâib kaşire olsa onların ittişâlleri telâhuķ üzere olmaz meger ki o hummâ-ı mürekkebin eczâ-i terkibinin a'dâd-ı keşiresi olmakla emri 'azîm ola ve huşuşan nevâibi kaşire olanlarda feterât-ı tavile olsa o hummayâtın telâhuķu ziyâde olur.

Ve kaçan hummayât-ı muhtelifе terekkeb eylese meşelâ şa'r-ı ğıbbın terekkebü gibi, o hummâ-ı mürekkebenin eĥaddı evvelâ iklâ' eder ve müzmine olan şırfeten bākıye kalır gerek ise iki hummâ ma'an müfettire veyâhüd ikisi ma'an lâzıme veyâhüd eĥadühümâ lâzıme ve âĥer müfettire olsun.

Ve ba'ḍı kerre şaṭr-ı ğıbb ile ğıbb-ı āher ve balğamiyye ve sevdāviyye terkîb olunur. Eger terkîbi ğıbb ile olursa ğıbb iklâ' olur, şaṭr hâlişan bâkî kalır. Eger şaṭrın terkîbi balğamiyye veyâhüd sevdāviyye ile olursa şaṭr-ı ğıbb iklâ' olur, balğamiyye veyâhüd sevdāviyye hâlişaten bâkî kalır.

Ve ħummāda terkîb vech-i āherden dahi olur, o vech budur ki müfettire ile lâzıme terekküb eder ve terekküb eden müfettire ve lâzımenin cinsleri muhtelif veyâhüd müttefiḵ olur ve cinsleri müttefiḵ olanların dahi nev'leri muhtelif veyâhüd müttefiḵ olur, meşelâ ğıbb-ı dâire ile ğıbb-ı lâzıme terekküb eylese nev'leri müttefiḵtir. Ve kezâlik iki lâzıme dahi terekküb eder. Ve kavm zu'm eylediler ki iki lâzıme terekküb eylemez, meşelâ iki ğıbb-ı lâzıme ictimâ' edip onlar mürekkebe ħummâ olmaz, zîrâ lâzımede dâhil-i 'urûḳta olan hılt ta'afḫün eder ve kaçan dâhil-i 'urûḳta 'ufûnet olsa cümleye fâşiye olur, iki mevḍî'de başka başka 'ufûnet olmak mümkün olmaz.

Muşannif der ki benim katımda o kavmin bu kelâmı emr-i vâcib değildir, zîrâ ta'afḫün lâ-maḥâle bir mevḍî'den ibtidâ eder ve bir müddet sonra ve müterâhiyen fâş olur ve iştîdâd ve teftîr-i aḥkâmı 'afen evvel-i târîhi üzere vâki' olur ve onun için bi-ḥasebi'l-'afeni'l-evvel ḥarekât olur, pes ba'îd olmaz ki dâhil-i 'urûḳta olan mevâddın iki mevḍî'inde meşelâ a'lâda ve esfelde başka başka iki 'ufûnet ola ki onlarda sulṭân ibtidâ ola ya'nî onlara 'ufûnet evvelâ işâbet eyleye, cüz'-i āherden sârî olmaya ve ba'dehu 'ufûnetin evvelâ işâbet eylediği cüz'ler teremmiüd edip onların iştîdâdlarına fetret geldiği civârlarında olan cüz'lere ta'addî eyleye ve onlar için teftîr ve iştîdâd târîhiyle 'arîḍlar olup onlar o târîhte mütteḥid olalar ve kezâlik ibtidâda ve tebe'iyette dahi mütteḥid olalar. *Ve bu mü'eddâyı edâ eden Ḳânûn'un*

ibâreti budur: وقد زعموا أن لا زمتين لا يتركبان مثل غيبين لأن المادة إذا كانت داخل العروق لم يمكن أن يختلف ما يقع فيه العفن بل العفن يكون له فاشيا في الجميع وليس هذا الرأي مما يجب لا محالة عندي لأن التعفن لا محالة تبتدئ من موضع ثم يفسوا ثم يجري أحكام الإشتداد والتفتير على تاريخ العفن الأول ويكن له حركات بحسبه فلا يبعد أن يكون عفن له سلطان ما يبتدئ في جزء من المواد ليس سلطان ما يتبع غيره وإن يتبع معا فيكون تاريخ تفتير واشتداد، إنتهى.

Ve ħummayât terkîbinin aşnâfı üç şınfır: müdâḥale ve mübādele ve müşābekedir.

Müdâḥale odur ki eḥadühümânın üzerine ḳable'l-iklâ' āher dâhil olur.

Ve mübādele odur ki eḥadühümânın iklâ'ından sonra āher aḥz eder.

Ve müşâbeke odur ki iki hummā ma'an aḥz ve ma'an iklāc eder.

Ve kaçan hummā muṭbıka olup onda nāfiḍ olsa velâkin 'arâk olmasa veyâḥūd nevāfiḍ-i keşîrede 'arâk-ı vâḥid olsa o hummânın terekkübüne sen şehâdet eyle ve kezâlik sen muṭbıkada ifrâṭ üzere eṭrâfta bürüdet ve teḳabbuḍ rü'yet eylesen yine terekkübe şehâdet eyle. Ammâ bürüdet-i eṭrâf ve teḳabbuḍ ḳalîle ise terekkübe delâlet eylemez belki bilâ-terekküb yalnız muṭbıkada dahi ḳalîl bürüdet ve ḳalîl teḳabbuḍ olur.

Şaṭr-ı Ğıbb Beyânındadır

Şaṭr-ı ğıbb bir hummā-ı mürekkebedir ki onun terekkübü iki hummâdan olur, onun birisi ğıbb ve âḥeri balğamî olur ve yevm-i vâḥide ğıbbın ve balğamiyyenin ma'an nevbeti olur ve o mürekkebe terkîbin aşnâf-ı selâse-sinden her biri ile olur ya'nî müdâḥale veyâḥūd mübâdele veyâḥūd müşâbeke sebîlleri üzere terekküb eder ve onlardan ta'arrüfû aş'ab olan müşâbeket ve ba'dehu mübâdele olur. Ve şaṭr-ı ğıbbın o iki hummâları ya'nî şaṭr-ı ğıbb olan gibi ğıbb ve balğamî hummâların ikisi dahi ma'an lâzıme olur mütemeyyizân olan şafrâ ve balğamın dâhil-i 'urûḳta ta'affünleri ḥasebleri ile. Ve ba'dı kerre o iki ḥılt ḥâric-i 'urûḳta ta'affün etmekle ikisinde dahi iklâc olur. Ve ba'dı kerre şafrâviyye dâhilde ta'affün etmekle lâzıme olup balğamiyye ḥâricde ta'affün etmekle müfettire olur. Ve ba'dı kerre 'aks üzere olur balğamiyye lâzıme ve ğıbb müfettire olur.

Ve eṭıbbâ ba'dı kerre derler ki şaṭr-ı ğıbbın terekübü aşnâfından ğıbb-ı ḥârice ve balğamiyye-i dâhileden mürekkeb olan şınf şaṭru'l-ğıbbı'l-ḥâliş olur ve aşnâf-ı sāiresi ğayr-i ḥâlişa olur. Onların bu kelâmına faḍl-ı iştiğâl lâyıḳ değildir.

Ve ba'dı kerre şaṭr-ı ğıbbda 'ufûnet-i şafrâ sebḳat eder ve ba'dı kerre şafrâ ve balğam ma'an ta'affün edip mütevâfî ve mütesâvî olurlar ve kezâlik ba'dı kerre balğamiyye hummânın mâddesi gâlibe ve ba'dı kerre şafrâviyye hummânın mâddesi gâlibe olur ve iki ḥâlde dahi mâdde-i balğamiyye şafrâviyye hummânın nevbetini atvel ve buḥrânını ebṭa' eder ve ammâ mâdde-i şafrâviyye 'aks üzere balğamiyye hummânın nevbetini akşar ve buḥrânını esra' eder. Ve ba'dı kerre şaṭr-ı ğıbb tavîle olup dokuz ve dahi ekşer aya ḳadar mütemâdî olur. Ve ba'dı [480a] kerre şaṭr-ı ğıbb maraḍ-ı ḥâdd olur ve

ba'ḍı kerre aḳtel-i ḥummayâtтан olur dıḳḳa ve emrâḍ-ı müzmine-i 'asireye mü'eddî olmakla.

Şaṭr-ı Gıbb 'Alâmâtıdır: Zıkr-ı âtî 'alâmât şaṭr-ı gıbbın aḥaṣṣ ve evvel 'alâmâtıdır ve ma'a-hāzā 'alâmât kâfiye değildir belki qarāyin-i uḥrāya muḥtâcdır ve o 'alâmât bunlardır:

İki günün birinde ḥummânın nevbeti nevbet-i gıbbdan aṭvel ve a'râḍı a'râḍ-ı gıbbdan esken olur ve yevm-i âḥerde nevbet eḥaff ve a'râḍ eḳall olur.

Ve onda ḳuşa'rîret ekṣer-i emrde mirâren tekerrür eder iki mâddenin tesâru'u ḥasebiyle veyâḥûd eḥadühümânın âḥeri üzere duḥûlü ḥasebiyle ve ba'ḍı kerre tekrîr-i ḳuşa'rîret üç def'a olur ve ba'ḍı kerre a'ḍâ tesahḥun edip henüz ḳuşa'rîret bâḳiye olur ve bu mişlli aḥvâl ancak şaṭr-ı gıbbda olur, zîrâ şaṭr-ı gıbbda beden neḳā-ı tām̃ ile tenḳiye olunmaz ve onun zamân ibtidâsında ve zamân-ı tezeyyüdünde ıdṭırâb şedîd olur ḥuşûşan şaṭr-ı gıbbda teşâbüḳ ola veyâḥûd tedâḥîl ola müteşâbik ve mütedâḥîl şaṭr-ı gıbbın ibtidâsında ve tezeyyüdünde ıdṭırâb eşedd olur ve o vâkte ḳuşa'rîrette 'avdet olur ve muntehâ aṭvel olur ve her kaçan beden tesahḥun eyledikte sen zann eylesen ki o sülḥûnet-i ḥummâ sülḥûneti olur ve zamân-ı sülḥûnete muntehâdır o maḥallde sen ḳuşa'rîrette mu'âvede rüyet edersin ve bu ḥâlet aḥlâṭın mücâhedesı ile a'râḍın mücâhedesinden ḥâdiş olur.

Ve şaṭr-ı gıbbın evḳât-ı cüz'iyye ve evḳât-ı külliyyede muntehâları yalnız balḡamiyye ḥummâların o iki muntehâsından evvel ve esra' olur ve mirâriyye ḥummâsının muntehâsından ebṭa' olur, zîrâ şaṭr-ı gıbbda ve ḥuşûşan evâilinde ḥarâret ancak kedd ile münbasıṭ olur, mirâriyye gibi sühûlet ile münbasıṭa olmaz ve lâ-maḥâle muntehâsı mirâriyyeden ebṭa' olur ve muntehâ katında şaṭr-ı gıbbın ḥiddeti müştEDE olur.

Ve kezâlik bu ḥummânın inḥiṭâṭı dahi ṭavîl olur, zîrâ onda vaḳafât olur ve o vaḳfeleri iki mâdde beyninde olan münāza'a îcâb eder ve bu ḥummânın 'araḳ ile feterâtı ḳalîle olur.

Ve bu ḥummâ eyyâmından yevm-i ṣâliş yevm-i evvele ve yevm-i râbi' yevm-i şânîye müşâbih olur.

Ve ḥummânın şaṭr-ı gıbb olduğuna vücûh-ı şettâ ile istidlâl olunur, min-ciḥeti'l-'ādât ve min-ciḥeti'l-a'râḍ olan edille ile istidlâl olunur:

Ammā min-ciheti'l-‘ādāt olanlar budur ki bir insānın bedeninde şafrā keşire olup onda ‘ufūnet olur ve o mişli insān tereffüh eder ve terk-i riyaḍet eder ve aḡdiyeden ve aṣnāf-ı tedbīrden balgāmı müvellide olan eş-yāyı isti‘māl eder ve lā-maḥāle o insānda şaṭr-ı ḡıbb ḥādiş olur veyāḥūd bir insāda balgām keşir olup onda ‘ufūnet dahi olur, ba‘dehu o insān riyaḍeti ikṣār eder ve aṣnāf-ı tedbīrden şafrāyı müvellid olan eşyāya ta‘arruḍ eder veyāḥūd o eşyāya ta‘arruḍ eylemez velākin şafrā ḥudūşunu sinni icāb eder. Ve şafrāyı icāb eden sinn o insānın sinnidir ki ruṭūbetin ḡalebesi vakti olan sinn-i tufūleti tecāvüz edip sinn-i şebāba dāḥil olur veyāḥūd o insānın sinnidir ki şebāb ve ḥiddet-i mizāc vaktini tecāvüz eyleyip sinn-i kūhūlete dāḥil olmuş olur.

Ammā şaṭr-ı ḡıbbā a‘rāḍ ile istidlāl nabd ve bevl ve bürüz-ı mā-yübrez ile olur, o mā-yübrez gerek ise kay’ ve gerek ise berāz olsun. Ve kezālik ḥāl-i nuḍc ve ‘alāmāt-ı nuḍc ile olunan istidlāl mişlililer olur. Ve kezālik ḥāl-i lems ve ḥāl-i kuşa‘rīret ve ḥāl-i nāfiḍ ve evḳāt ve nevāib aḥvāli ile istidlāl olunur ve bi’l-cümle bu istidlāl a‘rāḍ ile istidlāl kabīlinden olur.

Ammā nabḍın şaṭr-ı ḡıbbda olan ‘ızam ve sür‘at ve tevātürü ḡıbbda olan ‘ızam ve sür‘at ve tevātürden eḳall olur, o üç nabḍın addādi şaṭr-ı ḡıbbda balgāmiyyede olan addāddan eḳall olur.

Ammā bevl baṭṭü’l-nuḍc olur.

Ve bu ḥummāda kay’ muḥtelif olup onda mirār ve balgām olur, kezālik berāzı dahi mirār ve balgām ile muḥtelif olur.

Ammā tesahḥun ve teberriḍ ve ‘aṭaş ve kuşa‘rīret ve evḳāt ve nevāib aḥvāli biz onlardan mā-vecebeyi bundan aḳdem beyān eyledik.

Ve şaṭr-ı ḡıbbın māddeleleri olan şafrā ve balgāmdan hangisi ḡālib idüğüne vukūf şafrā ve balgām edillesinden hangisinin ḡālib idiğıne edillesinden vukūf ḥasebiyle olur, zīrā kaçan balgām ḡālib olsa nevāib atvel ve ikṣār eḳall ve muṭlaḳan tedāḡuṭ ve ḥuṣūşan tedāḡuṭ-ı nabḍ aḳvā ve berdi kabūle eṭrāfta sür‘at ve evāil-i maraḍda berdi kabūl edip ‘alā-berdihā eṭrāfın beḳası ebṭa’ olur. Ve kezālik māddesi balgām olanlarda ‘aṭaş eḳall ve kay’-ı mirār eḳall ve bevlinde beyāḍ ve fecācet eşedd ve ‘araḳ eḳall ve onun sinni sinn-i şabī veyāḥūd sinn-i şeyḥūḥat olur. Ve ba‘dı kerre balgāma mizāc-ı beden ve ‘ādet ve ma‘a’l-‘ādet cereyān eden nesneler dahi delālet eder.

Ammâ ğalebe şafrânın ise onda şaṭr-ı ğıbbın nevâibi akşar ve eṭrâfın tesahhunu kabûlû esraḥ ve ḥaṣṣ ve kayḥ mirâr ekşer ve ḥarak ağzer yaḥnî ekşer olur ve baḥdî kerre evvelâ kuşaḥrîrete şâire olur ve sonra nâfiḍ gibi bir nesneye şâire olur. Ve kezâlik bevlinde şıbg eşedd ve sinin eşebb olur ve baḥdî kerre ona ḥâdet ve maḥahâ cârî olan nesneler dahi delâlet eder.

Ammâ o iki ḥılt berâber ise yaḥnî balğam ve şafrâ berâber ise onların delâili dahi müvâzin olurlar ve onlarda kuşaḥrîret tāmme ve şırfe olup nâfiḍ olmaz ve nefḍe müteḥaddiye dahi olmaz.

Ve eger şaṭr-ı ğıbbın terkîbi dâire ile lâzıme beyninde ise ekşerü'n-nâs ona şaṭru'l-ğıbbı'l-ḥâlişa ismini maḥşûş kılarlar. Ve eger onda balğamiyye lâzıme ve şafrâviyye dâire ise onda maḥa-ḥaḥf nâfiḍ olur, zîrâ onda ḥâric-i ḥurûḳta olan mādde şafrâ olur ve min-ciḥeti'l-balğam şafrânın bi-ḥasebi'l-lezḥ icâb eylediği nefḍ ve raḥdeye muḥârîḍ ḥâric-i ḥurûḳta bir şey bulunmaz ve lâ-maḥâle şafrâ nefḍ eder velâkin onun nefḍi maḥa-ḥaḥfin olur. Ve baḥdî kerre onda berd ve kuşaḥrîret tekerrür eder mādde müntehâda tağalluz edince kadar ve onlarda aḥşânın ve baṭnın ḥarâreti maḥa-berdi'l-eṭrâf keşîre olur ve nabḍları şıgar ve tefâvütte eşedd olur. Ve eger şafrâviyye lâzıme olup balğamiyye dâire ve nâibe ise onda nâfiḍ olmaz ve kuşaḥrîret dahi keşîr olmaz ve onun nabḍı aḥzam ve esraḥ ve kerb eşedd olur. Ve eger şaṭr-ı ğıbbın terekkebû iki dâimededen ise elbette onda nâfiḍ olmaz. Ve ğıbb-ı lâzıme balğamiyyeden muḥaddem ḥıffet ḥârîḍa olur, her ne kadar balğamiyyenin rücûḥundan muḥaddem şafrâviyye rücûḥ eylemez ise.

Şaṭr-ı Ğıbbın Muḥâlecâtı Beyânındadır

Şaṭr-ı ğıbbın muḥâlecâtında vâcib budur ki envâc-ı istifrâğât ile māddesini istifrâğa ḥinâyet müştedd olup ishâl ve taḳyîe ve idrâr ve taḥrîḳ ile istifrâğ oluna ve bu vücûh ile istifrâğa inḥâyet taḥfîye ḥinâyetten ekşer kılına. Ve müşhilâtta televvüm ve nuḍca intizâr oluna velâkin istiḥmâl olunan müşhilât müleyyinât ve muṭlîkât cinsinden olup māddeyi telyîn ve ıtlâḳ eyleye ve müşevveşe eylemeye. Ve mādde-i balğamı müleyyin olan maḥa'l-cülencebîn istiḥmâl olunan mâ-ı leblâbdır. Ve eger gâlib şafrâ ise onun müleyyinâtı terencebîn ve şîrhîşt ve nuḳûc-ı temr-i Hindî ve şarâb-ı benefşec olur. Eger balğam ve şafrâ o iki ḥılt mütesâviyân ve mütekâfiḥân olurlar ise onun

müleyyinâtı şafrâ ve balgâmdan her birinin müleyyinâtından mürekkebe olanlar olur.

Ve kaçan mādde nuḍc bulsa ḳavî müşilât ile istifrâğ olunmak cāiz olur. Ve ḳayᵛ dahi ġālib olan māddenin [480b] muḳayyîᵛatı ile olur, mā-ı fücl sikencebîn-i ḥārr ile ve sikencebîn mā-ı ḥārr ile istiᵛmāl olunup taḳyîᵛe olunur ve keẓālik idrār dahi müdirrât-ı muᵛtedile ile olunur. Ve ḳable'n-nuḍc maṭbūḫāt saḳyına sürᵛat olursa sersāmdan ḥavf olunur.

Ammā müntehāya sülûku ṭarîḳinde māddenin ıslāḥ ve inḍācına nāfiᵛ ve āfâtını tedārük ve telāfi eden edviyeler efsentîn mişllilerdir velâkin onun istiᵛmālî yevm-i sābiᵛden ve zuhûr-ı nuḍcdan sonra olur ve Rûmî ve ceyyid olan efsentîn istiᵛmāl olunur. Ve ḳable'n-nuḍc ᵛacele olunup efsentîn istiᵛmāl olursa ḥıltı taḥrîk eder velâkin istifrâğ eylemez ve bināen ᵛalā-zālik kerb ve ġamm ve ġaṣeyān ihḍās eder ve baᵛdehu merāreti ile ᵛamelini iᵛāde edip māddeyi tecfîf ve ḳabḍ ve teblîd eder.

Ve Cālînûs ve ona müteḳaddim olan eṭıbbā şaṭr-ı ġıbbā o mā-ı şaṭır ile muᵛālece eylediler ki onda fülfulden bir ḳuvvet ola. Evvel ezmān eṭıbbālarından baᵛdılar dediler ki Cālînûs sehᵛde imᵛān eyledi ve o sehᵛde vuḳūf edip taᵛaccüb olunacak vech üzere bāḳı oldu ve bilmedi ki fülful ḥummāyı ilhāb eder ve mā-ı şaṭır māddeyi teblîd eder.

Muṣannif der ki Cālînûs'a bu maḳālinde muᵛāraḍa eden kimse bir vech üzere ḫaṭā eyledi ki onun ḫaṭāsını yalnız Cālînûs'un bu maḳālî ḫaḳḳında zāhir olmaz belki bi'l-cümle eṭıbbānın ᵛaṭāsı olup düstûru'l-ᵛamel eyledikleri ḳānûn ḫaḳḳında dahi zāhir olur, o ḳānûn budur ki kaçan ṭabīᵛat mevādd-ı meẓkûre emşāline muḳāvemet için muntaşıbe ve müntehıḍa olsa vācib olur ki ona muᵛāḍade oluna ve onun muᵛāḍadesi müberridāt ve müsahḫināttan mürekkebe edviye ile ola ḫattā ṭabīᵛata iki ḳuvveti tefrîḳ ve temyîz edip müberridi ḥummāda ve nāhiye-i ḳalbde istiᵛmāl eyleye ve müsahḫinātı māddeye istiᵛmāl eyleye. Ve müberridāt ve müsahḫināttan terkîb olunan edviyeden mā-ᵛadā devā ile şaṭr-ı ġıbbā kim tedāᵛiye ḳādir olur ki ḫattā o mürekkeb ile muᵛālece edenleri taᵛyîr ve taḫṭîᵛe eylediler. Ve eger ṭabīᵛat-ı ḍaṭife olup devā-i mürekkeb-i meẓkûrda olan iki ḳuvveti temyîze ḳādire olmasa o mişlli ṭabīᵛat-ı ḍaṭife ġayri devāyı dahi istiᵛmāle ḳādire olmaz, pes şaṭr-ı ġıbbda mürekkeb-i meẓkûrdan mā-ᵛadā ile tedbîr edenler

vücûh-ı uhar ile dahi haṭā eylediler ki onu beyân ile taṭvîl-i kelâm edenlerin meslekine sülûk eylemezüz.

Ve o müteʿannid dedi ki şaṭr-ı ğıbb muʿâlecesinde vâcib olur ki kerefs ve şibt gibi teşhîn-i kavîsi olmayan muṭlîkât istiʿmâl oluna ve bilmedi ki fülful dahi taḳlîl olunmakla teşhîni münkesir olur ve taḳlîl hasebiyle telṭîfi kerefs-i keşîr telṭîfinden nâķış ve ķaşır olmaz ve mâ-ı şaṭr dahi ona ʿaḳud ve muʿîn olup kuvvetini aʿḳāya îşāl eder ve ifrâṭ-ı kuvveti hedm eder ve mevâddı naķʿ eder fülfulün kuvveti māddeye nüfûz eylesin için. Ve aʿcebü'l-ʿacâyibdendir ki o müteʿannid, Cālînûs fülfulün mülhib-i ḥummâ idüğünü cehle nisbet edip bu emr dahi ğafleti olanlar maʿaddından ʿadd eyledi zıkr olunan fetvâ ile iftâ eylediği vakṭte.

Ammâ şaṭr-ı ğıbbda edviye-i mürekebeden istiʿmâl olunacak devâlar akrâş-ı efsentîn ve akrâşü'l-verddir.

Şaṭr-ı Ğıbb İçin Akrâş-ı Ceyyide vü Hafife Nüşhasıdır: Verd, aṣl-ı süsen her birinden dörder, terencebîn üç, sünbül, ʿuşâre-i efsentîn, ṭabâşîr her birinden ikişer dirhem; bu mezkûrlardan akrâş ittiḥâz olunur.

Kezâlik verd altı, bezr-i ḥummâḍ, şamğ her birinden dörder, neşâ üç, enberbâris, ṭabâşîr, bezr-i ḥamķâ her birinden ikişer dirhem, keşîrâ, zaʿferân, sünbül, râvend her birinden birer, kāfûr iki dānık; bu mezkûrlar aḥz olunup onlardan akrâş ittiḥâz olunur.

Akrâş-ı Uḥrâ: Şaṭr-ı ğıbbda bu akrâş ceyyide olur ḥuşuşan o ḥummâ ile ishâl ve suʿâl ola: Sünbül-i ṭib, ʿūd zaʿferân, enberbâris veyâḥûd enberbâris ʿuşâresi her birinden üçer, râvend dört, ṭabâşîr, verd bi-aķmâʿihi, lükk, şamğ-ı maḳlûvv, kehrübâ her birinden beşer dirhem, ḥummâḍ bezrinin maḳlûvvü altı, ṭîn-i Rûmî yedi; bu mezkûrlar aḥz olunup onlardan akrâş ittiḥâz olunur.

Nüşha-i Ceyyide-i Uḥrâ: Verd-i aḥmer altı dirhem, enberbâris şamğ, bezr-i ḥummâḍ her birinden dörder, sünbül, ğâfes, ṭabâşîr, bezr-i ḥamķâ, ḥabbu'l-ķıṣṣâ her birinden ikişer dirhem, bezr-i hindebâ, bezr-i ekşûş her birinden birer buçuk dirhem, rubbu's-sûs bir dirhem, lükk, râvend her birinden yarımşar dirhem; bu mezkûrlardan baʿde'l-cemʿ ķurş ittiḥâz olunur.

Ḥabb-ı Ceyyid: Bu ʿillete ve cemîʿ-i müzminâta ve aḥşâya müziye olan ḥummayâta ve ḥuşuşan balğam ağleb olanlara bu ḥabb ceyyid olur: Şabır,

maştakî, helîlec-i aşfer, râvend, 'uşâretü'l-gâfes ve 'uşâretü'l-efsentîn, verd veznleri berâber, za'ferân yarım cüz'; bu mezkûrlar ahz olunup onlardan mâ-ı hindebâ ile hubûb ittiḥâz olunur ve şerbet-i vâhidesi iki dirhem miḳ-dârıdır, sikencebîn ile isti'mâl olunur.

Nüşa-i Ceyyide: Bunu nuḍc qarîb olduğu vakt isti'mâl ederler: Şabır, maştakî, 'uşâretü'l-gâfes, 'uşâretü'l-efsentîn, verd veznleri berâber ahz olunup ve yarım cüz' za'ferân ḥalṭ olunup mâ-ı hindebâ ile hubûb ittiḥâz olunup şerbet-i vâhidesi iki dirhem kılınıp sikencebîn ile şürb olunur.

Nüks Beyânındadır

Nüks ḥummâ aşldan ziyâde şerrli olur ve re'y-i şavâb budur ki nüksün mu'alecesine mübâderet olunmayıp o nüksün emri ve vechi zuhûr edince ḳadar tevaḳḳuf oluna, zîrâ ekser-i emrde nüks lâ-maḥâle ḥabîs olur. Fenn-i evvel tamâm oldu. el-Ḥamdü lillâhi 'ale'l-itmâm ve's-şalâtu ve's-selâmu 'alâ-seyyidi'l-enâm 'adede mâ yuktebu bi'l-aḳlâm mâ dâme'l-ibtidâu ve'l-iḥtitâm.

KİTÂB-I RÂBÎ'İN FÜNÛN-I SEB'ASINDAN FENN-İ SÂNÎ TAKDİME-İ MA'RİFET VE AĖKÂM-I BUĖRÂNDAN OLAN KELÂM-I KÜLLİDİR O DAĖİ İKİ MAĖÂLEYİ MÜŞTEMİLDİR

MaĖâle-i Ülä BuĖrân ve BuĖrâna Olan İstidlâlin Mezâhibi ve TûruĖu ve Ėayr ve Şerre İstidlâl Tarîķleri ve BuĖrânın AĖsâm ve AĖkâmı Beyânındadır

Faşl Fi'l-MuĖaddime

Biz bu fende buĖrânın aĖvâlini ve eyyâmını ve nefsi-i buĖrânın 'alâmâtını ve nuĖcun 'alâmâtını ve delâilinden her birine Ėâşş olan aĖkâmını ve cevdet ve redâ'etinin 'alâmâtını zıkr eyleriz. Ve bu mezkûrlar biraz umûr-
dur ki takdime-i ma'rifete medâr olur Ve takdime-i ma'rifet [481a] marîdin Ėâlî zamân-ı âtîde iĖbâl ve helâkten hangisine rücû' edeceđine Ėâlâ mevcûde olan edille delâletleri ile Ėükm eylemeđe derler; Ėuvvetin Ėuvveti ve sebâtı ve suĖûtu mişlîliler ile o aĖkâma ve vakt-i buĖrâna ve vech-i buĖrâna ya'nî buĖrân ne vech üzere olacađına ve ne umûr üzere olmayacađına istidlâl olunur, meşelâ ishâl ile olup Ėay'la olmayacađı ma'fûm olur.

BuĖrânın Mâhiyyeti ve AĖsâmı ve AĖkâmı Beyânındadır

BuĖrân, faşl fi'l-Ėitâba derler.⁹³ Pes bu ma'nâya mevdû'a olan lafz-ı “buĖrân”ı ma'nâ-yı ma'rûfta isti'mâlinin vechi ve te'vîli budur ki bu ma'rûf ma'nâda dahi ma'nâ-yı faşl mevcûdedir, zîrâ bür'le helâki faşl eder her ne Ėadar Ėitâb ma'nâsı mevcûde deđil ise. Ve “buĖrân”ın 'orf-i eĖtbbâda ma'nâ-

93 Lafz-ı “buĖrân” müvelledir, 'Arabiyyü'l-aşl deđildir, lüğat-ı Yûnân'da müsta'meldir. Şâhib-i *Kâmil* Süryânî olduđuna zâhibdir. “Ėitâb” faşıl ma'nâsınadır ya'nî Ėâkimin beyne'l-müteĖâşimeyn vâķi' olan münâza'ayı Ėat' için tekellüm eylediđi Ėitâbı ve Ėükmüdür. Ve marîdde defâten zühûr eden taĖayyüre buĖrân ıtlâķ eden evvelâ 'avâmm-ı nâstan bir recüldür ki bir marîdi vakt-i taĖayyüründe ve iştîdâdında rüyet edip onun şiddeti o recülü ifzâ' ve hevl-nâķ kıldı ve o recül marîdi Ėışâş da'vâsı ile Ėâkime ihĖâr olunan kimseye teşbîh edip dedi ki “İnne Ėâze'l-marîde le-fi buĖrânin.” Ve bu lafz ile'l-ân müsta'mel olup eĖtbbâ onu taĖayyür-i maraĖı mezkûrda isti'mâl eyledi.

yı meşhûru marîdin defâten şîhhat ve marađ cāniblerden birine tağyîridir. Ve buhrânın delâili vardır ki onlar ile tabîb mâ-se-yekûna vâsıl olur. Ve bunun tavdîh ve beyânı budur ki bedene kıyâsla marađ medîneye ve kal'aya kıyâsla olan 'adüvv-i hâricî menzilesinde olur ve tabî'at o kal'ayı muhâfız olan sulţân menzilesinde olur ve ba'dı kerre 'adüvv ile sulţân arasında müşâcerât-ı hafife olur ki ona itidâd ve itibâr olmaz ve ba'dı kerre dahi beynehümâda kıtâl-i şedîd olur ve o kıtâlin vaqt-i istidâdında biraz ahvâl ve esbâb hâdişe olur ki onlar istidâd-ı kıtâle 'alâmet olur, meşelâ nak'ı hâyic ve zu'r ve havf ve şurâh ve seyelân-ı dimâ mişlli nesne hâdişe olur. Ve o sulţân ile 'adüvv arasında faşl ve galebe kadri mahsûs olmayan zamânda ve ke-ennehu ân-ı vâhidde olur, o ânda yâ sulţân-ı hāmî gâlib olur veyâhüd 'adüvv-i bâgî gâlib olur ve eyyen mâ-kâne onlardan birinin galebeleri ba'dı kerre tāmme olur, bu şürette taraf-ı âherde hezîmet dahi tāmme olup medîne ile gâlib hangisi ise onun beynleri tahliye olunur. Ve ba'dı kerre dahi galebe nâkışa olup onda hezîmet olur velâkin o hezîmet dahi kāmile olmakla kerr ve ricate mâni' olmaz hattâ münhezimîn tecemmu' edip merreten uhırâ ve mirâren müte'addide kıtâl vukû'u câiz olur ve bu şürette faşl kıtâl-i ahırde olur ve nitekim sulţân bâgî üzere galebe edip bâgîyi nefy ve def' eyledikte ya tård-ı küllî ile tård eder hattâ o medînenin finâsından ve tevâbi' ve fûrû'âtından ve ona muttaşıla olan nevâhîlerden a'dâyı ib'âd ve ahâlîlerini irâha ve şâd eder veyâhüd tård-ı gayr-i küllî ile tård edip 'adüvvü medîneden tenhîye ve imâle eder velâkin medîneye muttaşıla olan nevâhî-i uhırâdan tenhîye hâşıl olmaz.

Kezâlik buhrân-ı ceyyidi ityân eden kuvvet qarî'a-ı bedenden ya'nî kalbden ve sâir a'đâ-i re'iseden ve kezâlik nevâhîsinden ya'nî eţrâftan mādde-i müziyeyi külliyyen def' eder veyâhüd qarî'a-ı bedenden def' eder velâkin eţrâftan def'e kâdire olmaz tårdından 'âcize olur belki mādde-i müziye qarî'a-i bedenden eţrâfa şâire olur ve ona buhrân-ı intikâl tesmiye olunur.

Ve her marađ ki zâile olur, onun zevâli yâ 'alâ-sebîli'l-buhrân olur veyâhüd 'alâ-sebîli'l-tahallül olur, mādde yesîren yesîren tahallül edip tedrîc ile fâniye olur. Ve bi-hasebi't-tahallül marađın zevâli ekşer-i hâlde emrâđ-ı müzminede ve mevâdd-ı bâridede olur ve o vechle marađın zevâline 'alâmât-ı hâile teğaddüm eylemez ve harekât-ı şa'besi olmaz. Ve kezâlik her

marad ki 'aṭab ve helāke mü'eddī olur, onun ihlāki dahi 'alā-sebīli'l-buḥrān olur veyāḥūd 'alā-sebīli'l-izbāl olur. 'Alā-sebīli'l-izbāl ihlāk bu vech üzere olur ki kuvvet yesiren yesiren taḥallül eder ḥattā külliyyen fenā buldukta 'aṭab ḥādîş olur.

Ve buḥrānın efḍali odur ki tām̄m ve mevşūkun bih olup ve beyyin ve zāhir ve selīmü'l-a'rād olup o a'rād eyyām-ı inzārdan bir günde inzār olunmuş ola ve o buḥrān yevm-i maḥmūd̄da vāķi' ola.

Ve buḥrāndan her biri yā ceyyid veyāḥūd redī olur. Ve ceyyid ve redī-den her birisi yā tām̄m veyāḥūd nākış olur. Ve buḥrānın tamām ve cevdeti ṭabī'atın māddeyi def'-i küllisi ile olur veyāḥūd intiḳāl ile olur. Ve buḥrān-ı nākıştandır taḥallül ṭarīķi ile maradın zevālī. Ve eger bi-ḥasebi't-tedric mādde taḥallül eder ise buḥrān-ı ceyyid nākış olur ve eger bi-ḥasebi't-tedric kuvvet taḥallül edip izbāl eder ise buḥrān redī-i nākış olur. Ve buḥrān-ı nākışın yevmi buḥrān-ı tām̄mın yevmini inzār eder, eger o buḥrān-ı nākış gününde bizim zikr ve beyān edeceğimiz vech üzere inzār vāķi' olur ise ve o vech buḥrān ve inzār beyān olunduğu maḥallde inşāallāhu ta'ālā zikr olunur. Ve buḥrān-ı nākış yevminin buḥrān-ı tām̄m yevmini inzārı cemī'an ceyyid ve redī buḥrānlarda olur, birine maḥşūş değildir. Ve emrādın mevāddı ḥādde ve raķīka olur ise ve kuvvet dahi ḳaviyye olur ise o marad̄da buḥrān-ı tām̄m ve def'-i külliyyeye tevaḳḳu' ve intizār olunur. Ve buḥrān-ı tām̄mın aḥvālī dahi muḥtelife olur, zīrā onun mād̄desinde olan rikḳat şedīd olur ise 'araḳ ile buḥrān eder; eger o mād̄denin miḳdār-ı rikḳati zikr olunan miḳdārdan dūn olup velākin ḥādde olur ise ru'āf ile buḥrān eder ve eger miḳdār-ı mezḳūrdan rikḳat dūn olup ḥiddet olmazsa idrār ile buḥrān eder ve eger mād̄dede rikḳat yok ise ishāl ile ve ḳay'la buḥrān eder.

Ve ma'ḷūm ola ki bi'l-cümle muḥāṭ ve üzünün meddesi ve 'aynın remaş ve dem'ası emrād-ı re'sin buḥrānından maḥsūb olur ve kezālik nefş emrād-ı şadrın buḥrānı olur. Ve dem-i bāsūrun infitāḥı emrād-ı keşīreye buḥrān-ı ceyyid olur, ekşeriyyā dem-i bāsūrun buḥrānda infitāḥı bilā-buḥrān infitāḥa mu'tādı olanlarda olur. Ve beḥārīnin eḥaddı ve faşla aḳrebi ru'āf olur, zīrā ru'āf mevāddı kerre-i vāḥidede nefḍ eylemek meblaḡına bālīga olur. Ve ru'āftan sonra eḥadd-ı beḥārīn ishāl ve ba'dehu ḳay' ve ba'dehu bevl ve ba'dehu 'araḳ ve ba'dehu ḥurācāt olur ve ḥurācāt buḥrān-ı

intikāl kabîlinden olur. Ve ba'dı kerre müşâdif olup hüracât buhrânîyet-te 'araktan akvâ olup onunla emrâd defaten zâile olur eger selîme olur ise. Ve eger o hürac buhrân-ı redî ise a'dâyı imâte eder, zîrâ hüracât ile buhrânın aşnâf-ı şettâsı olur, demâmîl ve dübeylât ve tavâ'in ve nemle ve cemre ve nâr-ı Fârsiyye ve âkile ve cüderî ve havânîk ve bedende keşîren vâkı' olan kûrûh olur. Ve ba'dı kerre buhrân veyâhüd buhrândan bir şey 'ađal ve 'aşabı ta'ķîd ile ve aşnâf-ı cerebden bir şînf ile ve kûbâ ve sereţân ve baraş ve ğuded ve kayl ve devâlî ve intifâhu'l-eţrâf ve o mişlliler ile dahi olur.

Ve intikāl aşnâfından olur o buhrân ki hüraca mü'eddî olmaz belki lakve ve teşennüc ve zâhr ve verik ve rûkbe evcâ'ına mü'eddî olur ve yerekân ve devâ-i kayl mişlli fi'leri olur. Ve ma'lûm ola ki intikāl ile olan buhrânda intikāl vâkı' olmadıkça marâddan bür' ve 'âfiyet hâşıl olmaz velâkin intikāl hâşıl oldukta o intikâlin takarrür edip 'uđvda hüracın ve hürac mişlli nesnelerin vaķı ba'dı kerre 'âfiyetten sonra olur.

Ve aħmed-i intikâlât esfelde intikâldir. Ve kezâlik hüruc ve intikâlin aħmedi hârice olup ba'de'n-nuđci't-tâmm vâkı' olanlar ve a'dâ-i şerîfe-den ba'd olanlardır, nitekim kal'ayı muhâşara eden ceyş-i a'dâ ile sulţân-ı hâminin muhârebe ve mukâtelesini müşâhede edenler müşâhede eylediği 'alâmâtın sulţân-ı hâminin ğalebesine veyâhüd ne'üzubillâh 'adüvv-i bâġî-nin ğalebesine istidlâl eylediği gibi kezâlik tabîb için dahi aħvâl-i buhrândan müşâhede eylediği 'alâmât ile [buhrânın] cevdeti ve tabîratın ğalebesine yâhüd buhrânın redâeti [481b] ve marâdın ğalebesine istidlâl eylemek vardır ve nitekim 'adüvv-i bâġî medîneyi nehb ve ğâret ve münâhaze ve muţâ'anede im'ân edip muhâfızlarını tad'yîk eylese ve 'alâ-ġafletin min-eh-lihâ fitne taraf taraf severân ve vaķı' şedîd 'alâmâtı zuhûr edip henüz muhâfız-ı hâminin itâd-ı 'atadı ve âlâtını isti'mâle temekkûn ve iktidârı olmasa bu aħvâlî müşâhede eden kimse muhâfızın sū-i hâli ve redâet-i aħvâline istidlâl eylediği gibi ve bunun çıddını ya'nî 'adüvv ġâfil iken vech-i meşrûh üzere sulţân-ı muhâminin 'adüvvü ġâretini müşâhede edenler sulţân-ı hâminin cevdet-i hâline müstedell olduğu gibi kezâlik marâd-ı zikri âti 'alâmât-ı buhrânı kable-vuķū'i'n-nuđc tahrik eylese o 'alâmâtın kable'n-nuđc zuhûru buhrân-ı redîye delâlet eder. Ve o 'alâmâtın zuhûrunda nuđcun-mâ mevcûd

ise buhrân-ı nâkışa delâlet eder ve eger o ‘alâmât zuhûrunda nuçc tām̄m ve kām̄l ise o ‘alâmât buhrân-ı tām̄m u ceyyide delâlet eder.

Ve buhrân-ı tām̄m marađın mün̄tehāsında olur ve ba‘dı kerre marađın inhiṭāṭı katında olur ve bināen ‘aleyh berd-i şedīd buhrân-ı tām̄mı ‘āyık olur, zīrā berd sebebiyle marađın intihaya bülūgu ‘usretli olur ve inhiṭāṭa bülūgu kanda müyesser olur! Ve ekşer-i aḥvâlde ṭabībe vācib budur ki berdin ḍar-rını telāfı ve tedārük edip mevḍi‘ini teşhīn ve marīḍın baṭnına ‘araḳ zuhūra bed’ edince ḳadar dühn-i ḥārr şabb eyleye ve ḳaçan ‘araḳ zāhir olsa şabb-ı dühnden imsāk edip ‘araḳı mesh eder ve mevḍi‘i berdden muḥāfaẓa eder.

Ve ma‘lûm ola ki ḳaçan buhrân vakt-i mu‘tādda ḥareket eylese ya‘nī o eyyām ve evḳāṭta ḥareket eylese ki onda bi-iznillāhi ta‘ālā marađın ḥāline ve vakt ve zamānına i‘tibār ile müstāzhiren marađı inhād eylemekte ṭabī‘a-tın ‘ādeti cereyān eyleye, o buhrân mercū olur. Ve eger o münāḥaḍa ḳab-le’l-vakt ya‘nī o mişlli marađın min-tilkāi nefsihi münāḥaḍası vaktinden muḳaddem olsa o münāḥaḍa bir nev‘ münāḥaḍadır ki onu marađ ıḍṭırāb ḥasebiyle iḥrāc ve izḥār eylemiştir. Ve o münāḥaḍa müzāḥame-i marađın şiddetine ve mād̄denin eşḳāl̄ine delâlet eder, meşelā fem-i mi‘deyi mād̄de īzā eylese ḳay’ ḥareket eder ve mād̄de ḳa‘r-ı mi‘deyi īzā eylese ishāl ḥareket eder ve mād̄denin su‘āl ve ‘uṭās iḥdāsı dahi bu minvāl üzere olur.

Ve kezālik ḳaçan delāil delâlet eylese ki buhrân yevm-i mu‘ayyen-i ma‘lûmda olur, meşelā on dördüncü günde olur lākin o gün üzere teḳaddüm edip ondan evvel olan eyyāmın birinde mebādī-i buhrân zāhire olsa, eger o yevm-i bāḥūru ise ya‘nī eyyām-ı buhrānda biri ise, meşelā farḍ-ı mezkūr üzere on dördüncü günden muḳaddem olan on birinci günde ḥareket eylese delâlet eder ki vāḳi‘ olan buhrân nâkıştır, tām̄m değıldir.

Her ne ḳadar ba‘dı kerre o buhrân-ı nâkış ceyyid olur ise lākin onda delâlet olur ki münāḥaḍayı mūcib ve ṭabī‘atı ta‘cile ḥaml eder bir sebep vardır, pes bu buhrân nâkışta marađ ḥabīs ise onda buhrânın cevdeti recā olunmaz ve eger marađ-ı selīm ise onda olan buhrân tām̄m olmak recā olunmaz. Ve bi’l-cümle her maraḍda mün̄tehādan ve buhrânın ḥarekātına müsteḥaḳḳ olan günden muḳaddem marađın buhrānı ḥareket eylese o ḥareket-i müsta‘cile marađın ḳuvveti veyāḥūd ḥareketin şiddet ve ḥiddet ḥasebleriyle olur veyāḥūd o sebep-i ḥāric ile olur ki ondan sākin olan mevādd ve a‘rāḍ iz‘āc

olunup hareket eder, meşelâ me'kûl ve meşrûb ve riyâdetde haţâ vukû'u gibi veyâhûd 'arîd-ı nefsanî gibi nesnelerde vâkı' olan haţâ gibi.

Ve 'avârîd-ı nefsanîyyenin buhrânı tahrîkte ve cihetini ta'cyînin dahilî vardır, zîrâ marîde 'arîd olan feza' buhrânı ishâlî ve kay'î ve bevli kılar ve marîde sürür 'arîd olsa buhrânı 'araķî olur onun için ki feza'da rûh dâhile ve sürür da hârice hareket edip ruţûbet dahi ona tâbi' olur.

Ve kıble'l-vaķt isti'câl eden münâhađa kuvveti ihâre ve id'âf eyleyip o kuvvet düne'l-müntehâ şâbite olmasa mevte delîl olur. Ve kıble'l-vaķt vâkı' olan münâhađada kuvvette vaķt-i müntehâya kadar baķiyye bulunur ise onda selâmet olur.

Ve ma'lûm ola ki buhrân dâirenin iklâ'ı zamânında ve lâzımenin işti-dâddan fetreti zamânında ğâlib-i hâlde vâkı' olmaz ve o vaķtlerde buhrân-ın vukû'u nâdir ve kıalil olur ve iklâ'da vukû'u teftîrde vukû'undan eķall olur. Ve Erkâġânîs nâm şabîb bi'l-cümle beġârînde zamân-ı iklâ'da vukû'-ı buhrânı iki def'a ve Câlînûs bir def'a rü'yet eylediler.

Ve efdal-i buhrân o buhrândır ki müntehâ-ı haķķta vâkı' ola ve ona teķaddüm eden buhrân mevsûķun bih ve mu'teber ve buhrân deġildir ve belki haķķ olan budur ki müntehâya teķaddüm eden buhrân yâ buhrân-ı nâķış olur veyâhûd redî iz'âcî olur. Ammâ zamân-ı ibtidâda buhrân olmaz ve eger o vaķtte buhrân olursa elbette mühlik olur. Ve'l-hâşıl evâil-i marađda 'alâmât-ı buhrânın 'urûđu helâke delâlet eder ve zamân-ı tezeyyüd-de 'urûđu eger buhrân maġmûd ise buhrân-ı nâķışa delâlet eder ve ammâ vaķt-i inġitâtta buhrân kaţ'â vâkı' olmaz. Ve zamân-ı inġitâtta mevtin ve kezâlik buhrâna müşâbih hâlin aġyânen vâkı' olanların keyfiyyet-i vukû'u bundan sonra inşâallâh biz beyân eyleyiz.

Ve ma'lûm ola ki emrâđ-ı selîmede ba'đı kerre buhrân vaķtinden te'eġġür eder, zîrâ marađda olan selâmet hasebiyle şabî'at için harec olmayıp tamâm-ı nuđc hâşıl olunca kıadar müşâbere eylemek ona mümkün olur. Ve eger marađ kıattâle olur ise lâ-maġâle onun buhrânı teķaddüm eder. Ve sebîl-i taġallülde olmayan marađın şâġibinin 'uhde-i marađı def'aten münkađî olmaz illâ istifrâġ-ı maġmûd ile ve ġurâc-ı maġmûd ile olur. Ammâ taġallül muġallîş ve zübûl-i mühlik o ikisine a'râđ-ı hâile ve istifrâġât-ı maġsûse teķaddüm eylemez.

Ve ma'lûm ola ki emrâd muhtelife olur, onun kimisi ibtidâda hareket eder ve sonra hâdî ve sâkin olur ve kimi dahi 'aks üzere olur. Ve çok vâkı' olur ki muđırır olan cihete maddenin indifâıyla buhrân vâkı' olacağına edille delâlet eder ve o vakitte vâcib olur ki o cānib ve onda olan 'uđv takviye oluna ve kezâlik mādde dahi o cānibin hılâfı olan cānibe imâle oluna.

Ve ma'lûm ola ki ba'dı kerre cāi olan buhrân zann olunur ki yevm-i sâ-distendir ve ma'a-hâzâ o buhrân yevm-i sâbi'den olur, pes gerektir ki evvel marađ taşhîh oluna, zîrâ buhrân-ı maħmûd altıncı günde nedret ve kılllet üzere olur.

Ve ma'lûm ola ki tağayyürât-ı marađın aşnâfı altı şımf olur, zîrâ marađ ba'dı kerre def'aten şıh̄hate veyâh̄üd def'aten mevte veyâh̄üd qalilen qalilen şıh̄hate veyâh̄üd qalilen qalilen mevte ve ba'dı kerre iki emr müctemi' olup şıh̄hate rāci veyâh̄üd iki emr cem' olup mevte rāci' olur.

Ve ma'lûm ola ki buhrân ismi mu'temedün 'aleyh kimsenin zikri üzere lisân-ı Yūnāniden ve o faşl-ı h̄itâbdan müştakktır, ehad-ı mütecādileyn ve ehad-ı mütehâşimeyn muhâşım-ı âher üzere onun ile ğalebe eder ve buhrân-ı marađda dahi 'uhde-i marađdan h̄urûc ve infişâl olmakla ona buhrân ıtlāk olundu.

Buhrân 'Alāmâtında Olan Qavl-i Küllîdir

Ve buhrân üzere ba'dı kerre biraz ahvâl-i hâile tekdaddüm edip eger leyli ise nehârda ve nehârî ise leyilde qalaq ve kerb ve temelmül ve tenak̄kul⁹⁴ ve ihtilâf-ı zihn ve şudâ' ve evcâ'-ı raqabe ve düvâr ve seder ve iki 'aynda vâkı' hayâlât ve devî ve tanîn ve enfte hikke ve vechin ve ernebe-i enfin levninde def'aten humrete veyâh̄üd şufrete tağayyür ve şefehde ihtilâc ve 'aşaş ve hafakân ve fem-i mi'dede veca' ve nefese d̄ik ve 'usrün bağteten 'urûdu ve şerâsîfîn şıkal ve temeddüdü ve veca'ı ve ihtilâcı ve zahrın veca'ı ve ihtilâc-ı ađal ve mağş ve karkara mişlli 'alāmât vâkı'a ve mütekdaddime olup buhrâna delâlet [482a] eder.⁹⁵

94 İntikâl ma'nāsına. Ba'dı nüshada "teşak̄kul" sâ-i müşelleşe ile vâkı'dir.

95 Ya'nî şıh̄hat ve helâkten birine tağayyür gece vâkı' olacak ise gündüz 'avarıd-ı mezkûre vâkı' olur.

Ve ba'dı kerre dahi nâfid 'arîd olup vukûc-ı buhrâna delâlet eder ve veca'-ı i'câyâ dahi 'arîd olur. Ve nabđ dahi müteğayyir olup o dahi buhrâna delâlet eder ve 'alâmât-ı leyliyye nehâriyyeden eşedd olur. Ve ba'dı kerre istifrâğ şânından olan dem-i tams ve dem-i bevâsîr ve kezâlik ihtilâf bi-hasebi'l-buhrân muhtebes olup delâlet eder ki buhrânın hareketi eşyâ-ı mezkûrenin cihet-i hareketinin hilâfına olur.

Ve buhrân üzere 'alâmât ve delâlatın te'addümüne sebep budur ki marađı fâ'il olan mādde biraz a'râd ve delâil olur ki bi-sebebi'l-hareke onda delâlet muhtelif olur ve o delâlatın ihtilâfı māddeye ihtilâf olmakla veyâhüd o maddenin cihet-i hareketi muhtelif olmakla olur.

Ammâ maddenin ihtilâfı hasebiyle delâletin ihtilâfı bu vech ile olur ki kaçan māddeye olan hareket cihet-i fevke olup ve nev'-i marađ ve sinn ve mizâc ve onlar mişli edille maddenin demeviyeye olduğuna delâlet eylese tabîb-i 'arîf ru'âfa teva'kku' eder. Ve eger mādde ke'l-evvel fevke hareket edip velâkin edille-i mezkûre maddenin şafrâviyyeye olduğuna delâlet ederse ekser-i emrde tabîb kay'a teva'kku' eder velâkin ru'âfa mahşuş delâil-i uhrâ dahi mu'adame olur ise o dahi ru'âfa delâlet eder ve keşîren onun buhrânı ru'âf ile olup o buhrândan mu'adde ona şufr ve nâriyye olan hayâlât 'arîda olur. Ve hevl-nâk ve me'ûf olan buhrân ba'dı kerre emrâd-ı habîsenin mevâddını istişâl ya'nî küliyyeten istihlâk edip fi'l-hâl âfiyet hâşıl olur.

Ve cihet-i hareketin ihtilâfı sebebiyle delâlatın dahi ihtilâfı bu vechle olur ki maddenin hareketi ba'dı kerre a'câ-i re'ise cihetine olur ve ona kurbîyyeti olan a'şşâya olur, o mādde-i müteharrikeden onların kendilerine ma'dâr ve ef'âllerine âfât lâhıka olur, meşelâ nâhiye-i dimâğa hareket eden mādde ihtilâf-ı zihni ve şudâ ve onlar ile bizim zikr eylediğimiz âfât-ı sâireyi ihdâs eder ve nâhiye-i kalbe müteharrike olan mādde hafakân ve sū-i teneffüs ve onlar ile bizim zikr eylediğimiz âfât-ı sâireyi ihdâs eder. Veyâhüd mādde indifâc cānibine hareket eder, o hareket dahi iki vech üzere olur: Vech-i evvel budur ki mādde hareketinde min-küllü cihetin ve bu'din indifâcı a'hz ve bi'l-cümle zāhir-i a'cāya müteveccihe olur ve onun buhrânı 'arâk ile olur. Ve vech-i şânî budur ki indifâc-ı mādde cihet-i vāhideyi a'hz eder ve kaçan mādde cihet-i vāhideye indifâcı a'hz eylese o mādde memerrinde ba'dı kerre a'câ-i re'iseyeye mürürdan hālî olmaz, meşelâ mādde cihet-i

‘âliyye indifâ‘ı ahz eylese memerri olan nevâhî-i şadra ve a‘dâ-i teneffü-se ve nevâhî-i dimāğa mürûrdan hâlî olmaz ve zıkr olunan a‘dâya hareket-i mādde katında hâdis olan âfât mevâddın mürûrunda dahi hâdis olur. Ve ba‘dı kerre hareket-i mādde ‘udv-ı re‘îsten dūn olan ‘udv cihetine olur, meşelâ buhrân ile mündefi‘a olan mādde kay’ ile indifâ‘ı kaşd eylese fem-i mi‘de cihetine hareket eder. Ve ba‘dı kerre mādde o ‘udv-ı re‘îs cihetine müteharrike olur ki o re‘îsin me‘ûnet-i harekete ihtimâli olup fesâda sür‘at ve mübâdereti olmaz, meşelâ mādde-i mûziye hîn-i buhrânda kebid cihetine hareket eylese onunla kebid ser‘an fâsid olmaz belki o mādde meşâne veyâhûd merâreden mündefi‘a olur.

Ve her cihette buhrâna medfa‘ olmağa şâlih birer mevdi‘ vardır, mi‘de-de medfa‘-ı kay’ ve nâhiye-i re‘ste ru‘âfın ve ru‘âf mişllilerin medâfi‘i ve nâhiye-i kebidde bevlın ve nâhiye-i em‘ada ishâlin medfa‘i olduğu gibi. Ve şûret-i hâl bu minvâl üzere olduğu mütehakkiğe oldu ise ba‘ıd değildir ki buhrân-ı ceyyidde mevâdd-ı buhrânın her cihete hareketi ve indifâ‘ı için birer ‘alâmet olup delâlet eyleye ki buhrânda mütevaqka‘ olan indifâ‘ zıkr olunan cihâttan cihet-i vâhide-i mu‘ayyeneden mündefi‘a olan kabîlinden ola.

Ve eger buhrân redî olur ise onda dahi biraz ‘alâmet olup delâlet eyleye ki o buhrânın cümle-i redâ‘etinin nikâyesi evvelâ o medfa‘ olan ‘udva ola. Ve ba‘dı kerre ‘alâmet-i vâhide mādde-i buhrân medâfi‘inin her birinden indifâ‘a delâlete şâlih olur, meşelâ ‘avârıd-ı buhrândan olan hafakân ba‘dı kerre maddenin fem-i mi‘deye indifâ‘ına ve ba‘dı kerre dahi māddeyi kalbe hâmile olduğuna delâlet eder.

Ve ba‘dı kerre dahi ‘alâmet-i vâhide emr-i küllî vâhid üzere delâlet eder ki onun iştirâki ve cüz‘iyyât-ı müte‘addidesi olur ve o emr-i küllînin cüz‘iyyâtını ta‘yîn ‘alâmet-i uhrâ ile olur, meşelâ buhrânî olan şudâ‘ ve dîk-ı nefes ve şerâsîfin fevk cânibine temeddüdü bu mezkûrlar bi’l-cümle delâlet eder ki mādde fevke taharrük eder. Ve fevke taharrük eden maddenin cihet-i indifâ‘ı ba‘dı kerre tarîk-i kay’ ve gâh tarîk-i ru‘âf olur ve hangisinden mündefi‘ olacağına zıkrî mürûr eden ‘alâmetler delâlet eylemez belki ‘alâmet-i fâşıla-ı uhrâya cihet-i indifâ‘ı faşl ve ta‘yîn için hâcet olur.

Ve ba‘dı kerre bir cihetten seyelân-ı mu‘tâdı olan mevâdd o cihetten muhtebeşe olsa o dahi delâlet eder ki buhrân cihet-i ihtibâsın hilâfından

vâkı' olur, meşelâ buhrân-ı ceyyidin 'alâmeti katında tabî'at imsâk üzere olsa delâlet eder ki hareket-i buhrâniyye fevķâniyyedir, süflâniyye değildir, pes o buhrân idrâr ile⁹⁶ veyâhûd kay' ile veyâhûd 'arâķ veyâ ru'âf ile olur.

Ve ba'dı kerre dahi marađın envâ'ı cihet-i buhrâna delâlet eder, meşelâ kebidin cânib-i muħaddebinde olan verem munħur-ı eyinden ru'âf ile veyâhûd 'arâķ-ı maħmûd ile veyâ bevl ile indifâ'ına delâlet eder. Ve eger kebidin cânib-i muķa'arında verem olsa onun buhrânı ihtilâf ve kay' ve 'arâķ bu mezkûrlardan biriyle olur. Ve kezâlik ħummâ-ı muħrıķa ekser-i ħâlde 'arâķ ve ru'âf ile buhrân eder ve onun buhrânına nâfid teķaddüm eder ve ba'dı kerre dahi kay' ve ihtilâf ile olur ħuşušan ħıbb mişli olan muħrıķanın buhrânı o minvâl üzere olur. Ve kezâlik evrâm-ı re's ħummâsının buhrânı ru'âf ile ve 'arâķ-ı ħarîz-i keşir ile olur. Ve balġamiyye ve bârîde olan ħummayâtın buhrânı elbette ru'âf ile olmaz. Ve kezâlik zâtü'r-riye ve lîserġusta dahi ru'âf ile buhrân olmaz, ammâ zâtü'l-cenbde buhrân beyne beyne olur.

Ve çok vâkı' olur ki marađ aşnâf-ı buhrân ile buhrân eder, o aşnâfın ictimâ'ı katında buhrân-ı tamm olur, meşelâ ħummâ-ı muħrıķa evvelâ ru'âf ve ba'dehu onun noķşânını ġazâret-i 'arâķ ile tekmîl eder ve ħâmil olan hatunların buhrânı iskât ile olur.

Ve ma'lûm buyurula ki her kaķan 'alâmât-ı buhrân ķâime olsa ceyyid ve redî buhrânların biri vâkı' olmaġı icâb eylemez belki o 'alâmâta tâbi' ve muttaşıl onda aşlâ buhrân olmaz, her ne ķadar o vaķtın ġayri olan vaķtte ceyyid ve redî buhrânların birinin vuķû'undan o 'alâmât ħâlî olmaz ise, zîrâ kaķan sen o marîdde 'arâķ ve kay' ve ihtilâf ve şudâ' ve ihtilâf-ı zihn ve sū'-i teneffüs ve sübât ve onlar mişlîleri rü'yet eylesen onun ile ma'an buhrân olur veyâhûd onun ile buhrân ma'ıyyet eylemez velâkin buhrân-ı âtiyeye delâlet eder, o dahi iki kısım olur: Bir kısım faķať buhrâna 'alâmet olur ve onda cihet-i buhrâna delâlet olmaz şudâ' mişli. Ve kısım-ı âķeri hem buhrâna 'alâmet ve hem cihet-i buhrâna delîl olur ġaķeyân gibi.

Ve kaķan 'alâmât-ı buhrân zuhûr edip buhrân vâkı' olmasa, Buķrât'ın zikr eylediġi üzere o mişli buhrân mevte veyâhûd buhrânın 'uşrüne delâ-

96 İdrâr ile vâkı' buhrânı fevķânî 'add eylediġi Allâhu a'lem mebdet-i idrâr kebid olduğundan olur.

let eder. Ve ba'dı kerre dahi 'alâmât-ı [482b] buhrân olan umûrdan bir emr 'alîle 'arîd olur ve her ne kadar eyyâm-ı buhrândan bir yevmde 'arîd olur ise onun 'urûdu buhrânın işrâfı sebebiyle olmaz belki buhrânın gayri bir sebebin işrâfı ile olur, onun mişâli ğıbb-ı mutetâvildir ki onun ekşer nevâibinde kable'n-nevbet şu'ûbet ve ıdtırâb olur ve onda buhrâna delâlet olmaz, ammâ ğıbb-ı hâlişede eyyâm-ı buhrânda kable'n-nevbet vâkı' olan şu'ûbet ve ıdtırâb kadr-i mu'tâddan ziyâde olur ise ekşer-i hâlde onlar buhrâna 'alâmet olur.

Ve marîdin selâmet ve mevtine mü'eddî buhrân vâkı' olacağına veyâhûd buhrân olmayıp marađ-ı müzmin olacağına delâlet eden sebîl ve tarîkte sana reh-nümâ ve hâdî olur marađın hareketine ve kuvvetine ve tabî'ata ve vâkt-i hâdıra mürâ'ât eylemen, zîrâ bu mürâ'ât ile senin ma'lûmun olur ki 'alîlin hâli beyne'l-mâddeti ve't-tabî'at müşâra'at-ı kavîyyeyi icâb edip o müşâra'at ehadühümânın galebesine ve şıhhat ve mevtin birinin huşûlüne veyâhûd beynehümâda müşâra'at-ı kavîyyeyi o ahvâl icâb eylemeyip mâdde ile tabî'atın müşâra'a-i dâ'ifeleri tekâfî' üzere olup marađ-ı müzmine mü'eddî olacağına delâleti vardır. Ve ma'lûm ola ki cevdet-i buhrânın delâili tabî'atın istîlâsına delâlet eder ve o delâlette taħallûf olmaz.

Ve buhrânın redâ'et ve nokşânı edillesi biraz delâildir ki tabî'atın tabî'at [ile] müşâra'a eylediği mevâddın beynerinde vâkı' olan mu'aşeret ve mu'avakaya delâlet eder ve senin için o edille ile hüküm-i kadîyyeyi ve tabî'atın müşâra'a eylediği mâddeyi kahr edip ona galebesini cezm hâşıl olmaz meger ki o edille emr-i keşîr ü a'zîm ola.

Ve biz sübât ve suķû'at-ı nabđ ve inkı'tâ'-ı 'arâk mişlî çok 'alâmât-ı hâile rü'yet eyledik ki ba'de-sâ'âtin o 'alâmât buhrân-ı tamm-ı ceyyide te'eddî eyledi ve onun sebebi budur ki tabî'at o mişlî hâlde bi'l-cümle ef'âlden i'râd edip bi-küllîyyetihâ marađa meşğûle olmakla ve i'râd hasebiyle 'alâmât-ı rediyye zuhûr eder ve tabî'at kuvvetini bi-küllîyyetihâ marađa şarf etmekle marađı şar' ve mâddesini def'aten def' eder ve ba'dı kerre dahi her ne kadar tabî'at cüll-i kuvvetini ve mu'zam-ı himmetini marađ cānibine şarf eder ise tabî'atın kuvveti marađı şar'a vefâ eylemez ve marađı def'den 'aciz olur ve onun o mişlî vâkte 'acz-i mezkûru keşîrî'l-vuķû' olur onun için ki tabî'at külliyyet-i ef'âlinde ancak emr-i 'a'zîm ve marađ-ı cesîm için ta'at'ül eder ve kaçan emr-i marađ kavî olsa karîb olur ki onu izâleden tabî'at 'acize ola.

Ve ma'lûm ola ki mütevâliyen iki günde meşelâ yevm-i şâliş ve yevm-i râbi'de buhrân 'alâmâtının 'ale'l-ittisâl şeverânı sür-at-i buhrâna delâlet eder. Ve o buhrân-ı serî'in cevdet ve redâ'eti karîben zikri âtî olan karâyın ile olur ve huşûşan nevbet-i hummâ tekdaddüm-i keşîr ile tekdaddüm eylese sür-at-i buhrâna delâlet-i kavîyye olur ve lâ-siyyemâ nabđda def'aten tağay-yür olsa delâlet aqvâ olur. Ve eger nabđın tağayyürü 'ızama olup münhafîda olmasa o 'alâmeti rüpyet eyledikte sen ferhân ve mesrûr ol.

Ve ma'lûm olsun ki eyyâm-ı marađda bedenın yübs ve kuḫûleti buhrânın buḫuna delâlet eder. Ve cidden yâbise olan marađ yâ kıattâl olur veyâḫûd baḫîetü'l-buhrân olur. Ve baḫı kerre buhrânın evḫâtına ve aḫvâlinin küllî-sine ve 'alâmâtının aḫkâmına ekşer-i emrde aḫvâl-i merḫâ delâlet eder.

Ve ma'lûm ola ki nabđ-ı müşrif buhrânât-i istifragiyye aşnâfına delîl-i müşterek gibidir velâkin min-beynehümâ 'ızam-ı buhrânın 'arâḫ veyâḫûd ru'âf ile olduḡuna delâlet eder. Ve ġayr-i 'azîm ve serî' hareket buhrân-ı bâḫî-ne olup istifrag-ı kay' ile ve ihtilâf ile olduḡuna delâlet eder. Ve bi'l-cümle o nabđ edille-i istifragın cumâı olur ve onda ḫabî'at kavîyye olmakla şühûḫ-ı nabđdan ḫâlî olmaz. Ve eger nabđda isti'râd ve iki cânıblere meyl yok ise o nabđ teḫavvîden evvel münhafîd ve münḫaḡıḫ olur.

Ve baḫı kerre buhrânın zâhir ve bâḫına hareketinin 'alâmetleri ma'an zâhire olup iki buhrân cem' olur, meşelâ kay' ve 'arâḫ ile veyâḫûd kay' ve ru'âfla buhrân eder. Ve biz kavânîn-i buhrânı çüñkü beyândan fâriğ olduk, fi'l-cümle tafşîl ve tefrî'e mübâşeret eyleyelim.

Buhrânda Mevâddın Fevke Olan Hareketin 'Alâmeti Beyânındadır

Onun 'alâmâtının birisi şudâ'dır, zîrâ şudâ' buḫarın şu'ûdundan yâḫûd fem-i mi'deye re'sin müşâreketinden olur, ikisi dahi buhrânın fevke hareketi vaḫtinde olur. Ve kezâlik 'alâmât-ı kay' dahi buhrânın fevke hareketine 'alâmet olur. Ve kezâlik o 'alâmâtıttandır düvâr ve iki şudḡlarda şıḫal ve ḫanîn ve şamem, zîrâ bu mezḫûrlar buhrânın fevke hareketinde def'aten ḫâdiş olurlar ve ḫudûšta onlara ḫîḫ-ı nefes ve veca'-ı 'unuḫ ve cihet-i fevke bilâ-veca' ve-lâ işti'âlî'r-re's temeddüd-i merâḫḫ ve şerâşîf muḫârin veyâḫûd zamân-ı yeşîr müteḫaddim olur.

Ve ma'lûm ola ki leylen maraḍ ve a'râḍ müştēde olur, zîrâ ṭabî'at leylen bi'l-cümle eşyâdan ve ef'âlden fâriğa olup bi-külliyetihâ inḍāca meşgûl olur.

Buḥrânın Cümlesinin 'Alāmâtını Tafşıldır

Eger buḥrâna zulmet-i 'ayn ve gışāve bilā-tebārîḳ muḳârin olsa ve kezâlik merāre-i fem ve şefe-i süflânın ihtilâcı muḳârin olup o emr fem-i mi' de veca'ı ve ğaseyân ve taḥallüb-i lu'âb ve ḥafakân ve nabḍın inḍigât ve inḥifâdı ile mü'ekked olsa ve ḥuşûşan onların 'akıbında 'alîle nâfid ve taḥt-ı şerâsife berd işâbet eylese sen hüküm eyle ki buḥrân kay' ile olur ve ḥuşûşan mādde ve ḥummâ şafrâviyye ola velâkin muḥrıka olmaya ve ḥuşûşan o hâlde vech dahi muşferre ola ve levn sâkıṭ olmaya. Ve şıbyânda çok vâkı' olur ki 'aşabları da'ife olmakla ba'de-şıkalî'r-re's ve veca'ı'l-mi' de onlara 'arîḍ olan kay' teşennüc-i 'aşabı celb eder. Ve kay'-ı mezkûr nisâda olsa veca'-ı erḥâmı celb eder onların o veca' mu'tâdı olmak ḥasebiyle. Ve o kay' meşâyıḥa 'arîḍ olsa onlara emrâḍ-ı muḥtelife celb eder kuvâlarının da'fı ḥasebiyle, zîrâ da'ifü'l-ḳuvâ olanlarda mādde münteşire olup emrâḍ-ı muḥtelifeye mü'eddi olur.

Ve eger buḥrâna bilā-veca' cihet-i kebid ve tıḥâlde ḥâdiş temeddüd muḳârin ise buḥrân e'âliden olduğuna delâlet olur, zîrâ tıḥâl e'âlîye dahi biraz 'urûḳ ile müşârik olur ki tıḥâlde olan o 'urûḳ cihet-i enfe ve enfîn 'urûḳu cihetine muḳârib olur her ne kadar onlara ittişâli olmaz ise. Ve şüret-i mezkûrede 'alîl 'aynı muḥâzîsinde ḥuyûṭ-ı ḥamrâ ve tele'lî ve tebārîḳ rü'yet edip cidden vechi veyâḥûd enfî veyâḥûd 'aynı veyâḥûd onların birer cânibi muḥmerre olup def'aten dem'ci seyelân eylese ve nabḍında şühûḳ ve temevvüc olsa ve inbisâta sür'at eylese ve enfinde ihtikâk ve re'sinde cidden şedîd işti'âl olsa ve kezâlik şudâ-ı' dârebânî olsa o 'alilde buḥrân ru'âf olacağına tevakkû' eyle ve ḥuşûşan onun māddesi demeviyye olduğuna maraḍ ve sinn ve 'âdet ve mizâc ve sâir delâil delâlet eyleye. Ve ma'a-hâzâ ba'dı kerre şafrâviyye maraḍ dahi ru'âf ile buḥrân eder ve onun 'alâmeti verâ'e'l-'ayn rü'yet olunan tebārîḳ ve ḥayṭıyye ve nâriyye ḥayâlât-ı şufr olur ve ekşer-i hâlde bu nev' buḥrân ḥummâ-ı muḥrıka-i şafrâviyyede olur. Ve ba'dı kerre levḥ-i şu'âfın ve ḥikke-i enfîn ciheti ru'âfın cihetine delâlet eder, eger o

‘alâmetler cânib-i yemînde olur ise ru‘âf dahi munḥur-ı eymeden ve cânib-i eyserde ise ru‘âf munḥur-ı eyserden ve iki cânibde dahi olur ise ru‘âf dahi iki cânibden olacağına delâlet eder. Ve ru‘âfin bu delâiline yevm-i buḥrânda işâbet eden berd ve baṭn ve cildin yübüseti dahi mu‘în olur. Ve ba‘ḍı kerre ru‘âfa sinn dahi delâlet eder, zîrâ ekser-i ḥâlde ru‘âf sinni otuz seneden eksik olanlara [483a] ‘arıḍ olur. Ve kezâlik zîkr olunan edille-i ru‘âfa şudâ‘ın cidden iştidâdı ve kay’ ile vâkı‘ olan şudâ‘dan ekser olduğu ve o şudâ‘ ile olan âlâm-ı uhṛâ ve işti‘âl ve ḥummâ ve emârât-ı uhṛânın cevdeti ve ‘alâmât-ı mevtin fıkhdâni dahi mu‘în olur ve bu mişlli ma‘a’l-mu‘ayyenât edille-i zuhûrunda elbette ru‘âfa tevakkû‘ olunur.

Zîkr Olunan ‘Alâmât-ı Müştereke ve ‘Alâmât-ı Hâşşaların Ahkâmı Beyânındadır

‘Alâmât-ı müştereke-i mezkûrelerin kimisinin ru‘âfa delâlet evlâ olur, o ‘alâmât dümû‘ ve ṭanîn ve şamem ve kebid ve ṭihâlin eḥad-ı cânibeyninde bilâ-veca‘ şerâsîfin temeddüdü ve işti‘âl mişlli ‘alâmetlerdir. Ve kiminin dahi delâleti kay’a aḥaşş olur, dîḳ-ı nefes ve şerâsîfin ḳuddâmda muṭlaḳan temeddüdü gibi ve onun ekseri fem-i mi‘dede olan veca‘dan ḥâdiş olur.

Ve ma‘lûm ola ki ‘alâmât-ı ru‘âfta dâhil olan dîḳ-ı nefes def‘-i ru‘âfiye ṭabī‘atın isti‘dâdı katında ‘arıḍ olur ve o isti‘dâd ırḳ-ı ecvef mümtelî olup mâddesini fevḳ cihetine def‘ ile a‘ḍâ-i nefese tezâḥümünden ḥâşıl olur.

Ve kay’ ve ru‘âftan her birine ḥâşş olan ‘alâmet budur ki eḥadühümâda mevcûd olan ‘alâmet âherin ‘alâmet-i ḥâşşesinin dıddı ola, meşelâ taḥayyül olunan şu‘â‘ât-ı berrâḳa ru‘âf ‘alâmâtındandır ve o ‘alâmet kay’a ‘alâmet-i ḥâşşa olan ‘aynda ḥâdişe zûlmet ve ḡışâve taḥayyülünün dıddı ve naḳîḍidir. Ve kezâlik ḥumret-i vech ru‘âfin aḥaşş-ı edillesindendir ve kay’ın delîl-i ḥâşşı olan levnin sukûṭ ve işfirârı onun dıddıdır. Ve ba‘ḍı kerre eḥadühümâya ḥâşş olan ‘alâmetin kimisi âherde dıddı olur ‘alâmet olmaz, meşelâ iḥtilâc-ı şefeh ‘alâmât-ı kay’dadır, ru‘âfta onun dıddı olur ‘alâmet yoktur ve kezâlik ḥikke-i enf ‘alâmât-ı ru‘âftır ve kay’ ‘alâmâtından ona muḳâbil olur bir ‘alâmet yoktur.

Mâddenin ʿArağa ʿAlâmât-ı Meyli Beyânındadır

Kaçan nabdda mevcuiyyet-i şedîde olup cild üzere yed vaḍʿ ve imsâk olundukta taht-ı yedde nedâvet ihsâsı ve yedin humrete inşibâğı olup cildde sühûnet ekşer bulunsa ve cildde intifâh ve ihmirâr-ı muʿtâddan ekşer ve bevl münşabığ ve gılâza mâil olsa huşûşan bevl yevm-i râbîʿde münşabığ ve yevm-i sâbîʿde gılâza meyl eylese bu ʿalâmetin zuhûrunda zamân-ı âtîde olan ʿaraķı ihdâs eyle.

Ve kezâlik maraḍ nâfiḍ-i kavî ile bedʿ edip baʿdehu hummâ müştette velâkin kuvvet kaviiye ve ʿalâmât ceyyide olsa sen ʿaraķa tevaḳḳuʿ eyle huşûşan berâz ve dürür-ı ḳalîl olup o hâl üzere müstemirr ola.

Ve bi'l-cümle hummayât-ı muhrıķa ruʿâf ile buhrân eylemese ʿaraķ ile buhrân eder ve ona nâfiḍ teḳaddüm eder.

Ve eger marîḍ hammâm ve âbzen ve onlara istiʿdâdı⁹⁷ menâmında rüʾyet eder ise o rüʾyet delîl-i ʿaraķ olur.

Ve bevl inşibâğı delâlet-i evveliiye ile delâlet eder ki mâdde tarîķ-i ʿurûḳtan buhrân eder ve o tarîķten olan buhrân hâlî olmaz ki yâ ʿaraķ ve ter ile veyâhûd idrâr ile olur ve hangisi ile olacağını taʿyîn ve taḳḳîķ bizim zıkr eylediklerimiz ile olur.

Ve ṭabîʿatta istiṭlâķ ḡâlib olsa onda ʿaraķ ile buhrân tevaḳḳuʿ olunmaz. Ve ʿaraķ ile istifrâḡ o zamân tevaḳḳuʿ olunur ki o kimsede ḫarâretin intişârı ve tezeyyüdü ve istizhârî⁹⁸ ve kuvvetin dahi şiddet-i kuvveti ola.

Mevâddın Aʿḍâ-i Bevl Meyli ʿAlâmâtıdır

O meyle şıķal-i meşâne ve ihtibâs-ı berâz ve ḳarîben zıkrî âtî olan ʿalâmât-ı ishâlin ve kezâlik sâbıķuʾz-zıkr ʿalâmât-ı ḳayʾ ve ruʿâf ve ʿaraķ ʿalâmâtının fıkḍanı delâlet eder. Maʿlûm ola ki şıķal-i meşâne ile ve sâir delâil ile ihlîlde ḫareket olduḡu buhrânın idrâr ile olacağına delîl-i kavî olur. Ve kezâlik idrâr ile mütevaḳḳaʿ buhrâna bevl inşibâğı ve gılzati-nin yevm-i buhrân eyyâmının ḡayri eyyâm-ı sâirede vukûʿu ve kezâlik o eyyâmda rüsüb olduḡu delâlet eder ve baʿḍı kerre berâz üzere ve berâz

97 “Onlara istiʿdâd”dan murâḍ hammâm ve âbzene girmeḡe teheyyiʿi mislli aḫvâldir.

98 “İstizhârî” yaʿnî zâhir-i bedene ḫurûcu.

bâbında zıkr olunanlar üzere idrâr 'arîd olur. Ve ma'ûm ola ki kaçan meşanede ictimâ'-ı bevl ekşer olup ve inşilâk-ı batında kılllet ve o vakte 'arakta dahi kılllet olsa veyâhüd kılllet-i 'araki 'alilin tab'ı ve hey'et-i a'dâsı icâb eylese ve zâhirde cesâvet dahi olsa bevl ile buhrâna tevaqqu' olunur, onun buhrânı berâz ile ve 'arâk ile olmaz huşuşan o 'alâmâtın zuhuru ey-yâm-ı şitâda ola.

Mâddenin Tarîk-i Berâza Meyli 'Alâmâtıdır

Berâz ile vâkı' buhrâna delâlet eder fađlın ihtibâsı eger o muhtebe olan fađl demevî olmadığı ve kezâlik gayr-i demevî olan muhtebe fađlın keşreti olduğu ma'ûm ise ve o 'alâmeti te'kîd eder haşr-ı bevl 'alâmâtı. Ve cümleten batında mevcûd olan mağş ve esfel-i batında olan şikal ve 'alâmât-ı kay'ın fakdı ve 'ademi belki karâkırın hudûsu ve hâlibin intifâhı ve berâzın kable'l-buhrân inşibâğı ve miqdâr-ı mu'tâddan ekşer mec'pî ve mâ-dûn-ı şerâsîfin 'ulüvv ve nütû'u ve karâranın veca'-ı zahra intikâli bu mezkûrlar cem'ran 'alâmet-i buhrân-ı berâziyi te'kîd eder. Ve ba'dı kerre o intikâl berâz hasebiyle olur ve ba'dı kerre bevl dürür eder ve 'akıbında delâil-i berâz ona mu'arađa eder huşuşan o 'alilde bu mu'arađa vâkı'a olur ki ona batnının 'usr ve şalâbeti mu'tâd ola ve icâbet üzere olanlar dahi şağır ve kalil olur ve huşuşan bu hâl havâ-i bâridde keşirü'l-'urûd olur ve onda nabđ-ı şağır kavî olur, şulb olmaz ve şıgarı inhıfâd hasebiyle olur. Ve ba'dı kerre dahi buhrân-ı ishâliye delâlet eder 'alilin ru'afının ve 'arâkının kılllet-i vukû'u ve ihtilâfının keşreti mu'tâdı olduğu huşuşan mâ-ı bârid şürbüne mu'tâdı olanlarda o delâlet muhkem olur.

Ve ba'dılar dediler ki hummâ-ı demeviyyede ba'de'l-buhrân bevl her kaçan ebyad-ı rakîk olsa onda bir nev' ihtilâf olur ki o ihtilâf ishâc eylemeğe karîb olur, zîrâ mirâr kaçan bevl ile veyâhüd gayri ile hurûc eylese lâ-mahâle ihtilâf ile hurûc eder. Ve kaçan 'arâkın ve dürür-ı bevlın galebesi olsa onda istitlâk ile buhrân kalilü'l-vukû' olur.

Ba'dı Kerre Buhrân Tarîk-i Raħimden Olur ve Onun 'Alâmâtı Budur: Kaçan sen sâir 'alâmâtı bulmasan ve istifrâğ-ı ishâli dahi olması ve raħimde ve kaçanda şikal ve veca' ve temeddüd olsa sen hükm eyle ki onun buhrânı tamş ile olur.

Ma'ade 'Urûkunun İnfıtâhı ile Buhrân Vukû'unun 'Alâmâtıdır: Buhrân-ı sāire 'alâmâtının fıkdanı ve bu nemaṭ ve üslûb üzere seyelâna itiyâd ve nevâhî-i ma'ade de olan şikal ve kuvvete mâil nabḍ-ı 'azîm zıkr olunan infitâhla buhrân vukû'una delâlet eder.

İntikâl ile Buhrân Vukû'una Delâlet Eden 'Alâmâtıdır: İntikâl ḥasebiyle olan buhrânın 'alâmâtı ma'a-şebâti'l-veca' ḥummânın kuvveti ve bevl ve berâz ve nefṣ ve 'araḡ-ı gâzîr ile istifragâtın ihtibâsı ve nuḍcun te'eḥḥürü veyâḥûd ma'a-şihḥati'l-kuvvet ve cevdeti'n-nabḍ nuḍcun 'ademi olur ve intikâle delâlet eder ve ḥuşûşan emrâḍ-ı selîme vü baṭî'e ve 'adîmetü'n-nuḍcda o 'alâmâtın delâlet-i mezkûresi mü'ekkide olur.

Ammâ cihet-i intikâle delâlet eden 'alâmât mevḍî-i intikâlde olan veca' olduğu ve onun mevḍî-i ḥâliyesinde intifâḡ-ı urûḡ ve şiddet-i iltihâb olduğu olur. Ve kezâlik cihet-i buhrân o cihet olur ki onda 'uḍv ḍa'if veyâḥûd o 'uḍvda evvelâ mefâşîlde veca' veyâḥûd o cihette 'uḍv müt'ib ola.

Ammâ kaçan şerâsîf temeddüd edip icâ'e eylese ondan mevḍî-i intikâlin nefesine veyâḥûd cihetine istidlâl mümkün olmaz, zîrâ temeddüd-i şerâsîf ma'a'l-icâ' bi'l-cümle müyül beyninde müşterektir ya'nî mevâdd hangi cihete meyl eder ise onda o 'alâmet zuhûr eder.

Ve ma'lûm ola ki cemî'an intikâlât ve ḥurâcât berdde ve faşl-ı şitâda ve sinn-i kühûlette ekşer olur. Ammâ berdde ekşer olduğu berdin [483b] ḥâbis ve mümsik olduğu içindir. Ve ammâ sinn-i kühûlette ekşer olduğu o sinnde olan kuvvetin def-i tāmmdan 'aczi olmak ḥasebiyledir. Ve ba'ḍılar dediler ki elli yaşını ve belki otuz yaşını tecâvüz edenlerde ḥurûc ve intikâl olmaz. Ve ba'ḍın o kelâmına ta'vîl ve itimâd yoktur belki intikâlin iki sebebi vardır: Eḥadühümâ mâddede olur, zîrâ mâdde-i ḡalîza ekşer-i ḥâlde def-i küllîyi kâbil değildir ve kezâlik mâddede keşret olsa o dahi külliyyeten ma'a-kılletin mündefî' olmaz. Ve sebep-i şânî kuvvette olur, zîrâ ba'ḍı kerre kuvvet cidden kaviyye ve tasalluṭu şedîd olmaz ve kezâlik ḍa'ife dahi olmayıp mütevassıṭu'l-ḥâl ve mütevassıṭu'l-ef'âl olur, onda 'acz-i küllî olmaz belki mevâddı ba'ḍan def eder ve mevâddı bi-küllîyyetihâ a'ḍâ-i re'îseden def'e def'aten iktidârı olmaz ve lâ-maḥâle ḥurâca ḥâcet olur. Ve bu esbâbdan ikinci sebep bi-kısmeyhi evâil-i şeyḥūḡata cidden münâsib olur, zîrâ evâil-i şeyḥūḡatta kuvvet mütevassıṭu'l-ḥâl ve'l-ef'âl olur ve çok vâḡî' olur

ki 'alilde 'alâmât-ı intikāl kâim olur ve ba'dehu ona istifrâğ-ı 'azîm 'arîd olur ve huşuşan bevl-i ğarîz-i ebyađ tareyân edip intikāl vâkı' olmaz.

Ve İntikālın Esâfile İdiğinin 'Alâmâtıdır: O intikâlde esâfile mâil veca' olur ve iki hâlibde ve veriklerde iltihâb ve intifâh olur.

E'aliye İntikālın 'Alâmâtıdır: O intikâle re's ve havâssın şıkalı delâlet eder huşuşan sem'de şıkal olur hattâ ba'dı kerre şameme mü'eddî olur ve o hâlde nefesine dıĥ ve nefesinin nizâmına tağayyür gelip gâhca nefesi ĥurûc eder ve gâhca sâkin olur. Ve o 'alâmetlerin ĥudûsu baĥteten olur ve başta ĥudûsu mu'tâd olan a'râd yine 'arîd olur. Ve kezâlik ona sübât 'arîd olsa ekser-i hâlde buĥrân aşl-ı üzünde ĥurâcla olur ve kezâlik dâimâ evdâcda dürür ve iki şudğlarda ĥarebân olup vechinde ĥumret lâbişe olsa yine aşl-ı 'unukta ĥurâc ile buĥrân eder.

Bir Marađın Marađ-ı Âhere İntikâli 'Alâmâtıdır: Kaçan sen rü'yet eylesen ki marađ-ı hâdde hâl-i inĥitâtta tekavvî eder, sen bil ki o marađ-ı hâddin vechi marađ-ı müzmine olur.

Ĥurâcla Olan Buĥrân 'Alâmâtıdır: Kaçan kuvvet şahîlha ve 'alâmât ceyyide olup rikât-i bevl zamân-ı tavîl dâim ve mütemâdî olsa o hâlet ĥurâcı inzâr eder. Ve kezâlik mâdde-i marađda ĥarâret olsa o dahi ĥurâcı inzâr eder. Ve kezâlik buĥrân-ı zâhir yok iken bi-ĥasebi'l-intikâl 'alîl ikbâl⁹⁹ eylese ve ba'dehu şudğlarda olan iki şiryânının şedîden münbasıt ve keşîren ĥarebânı olup ĥüdüvv ve sükûnu olmadıĥını rü'yet eylesen ve levni hâil ve nefesi mütezâyid ve ba'dı kerre dahi su'al-i yâbis rü'yet eylesen bu hâlâtın şâhibinin mefâşılı ĥurâca müte'arrıddır. Ve bir marađda a'dâ-i bedenden hangi 'uđv ziyâde terler ise o 'uđvda ĥurâca tevaĥķu' ekser olur.

Faşl-ı şitâ ve sinn-i küĥûlet bizim zıkr eylediğimiz üzere buĥrânın ĥurûcla vuķû'u delâilinden ve belki esbâbından olur ve onlarda olan ĥurâcâtın nuđcu batî'e olur velâkin şitâda ve sinn-i şeyĥûĥatta o ĥurâcâtın mu'avedesi ve tekerrürü ekall olur, zîrâ şitâda ve sinn-i şeyĥûĥatta olan bürüdet mevâddın sükûnunu îcâb eder. Ve ba'dı kerre bizim zıkr eylediğimiz üzere bu mezkûrun ĥilâfına zâhib olurlar.

Ve kaçan ĥummânın şu'udu katında bevl mâi ve keşîr olsa delâlet eder ki esâfil-i bedende veca' ĥâdiş olur. Ve ĥurâc-ı kavî ile buĥrâna delâlet eden

99 "İkbâl"den murâd bür'e ve sıĥhate meylidir.

edilleden olur buhrânât-ı uhrânın te'ehhûru ve 'illet te'tâvül edip yirmi günü tecâvüzü, pes bu mişlli 'illet-i müte'tâvilede kaçan def'aten ba'đı mevâđi'de veca' hâdis olsa hurâca tevaqqu' olunur. Ve kaçan hummayât-ı i'ya'iyye-de idrâr-ı şehîn ve ru'âf ve ishâl olmasa hurâc-ı mefâşıla tevaqqu' olunur huşuşan o 'alâmât yevm-i bâhürîde zuhûr eylese.

Ve yine hurâca edille-i kavîyyeden olur vâkı' olan buhrân ba'tı olup ma'a-bu'îhi o buhrânın tâmm olmadığı ve o buhrânın mu'âvedesine 'alâmet-i uhrâ olmadığı. Ve hummayât-ı i'ya'iyye eyyâmından yevm-i râbi'de bevl-i şehîn ile kaçan buhrân olmasa ru'âfa tevaqqu' olunur.

Ve kaçan müddet dahi tavîle olsa ta'abı olan mefâşılada hurûca tevaqqu' olunur veyâhüd iki lehâ üzere olan hurâca tevaqqu' olunur gerekse o i'yâ riyâdet ile olsun ve gerek ise min-tilkâi nefsihi olsun lâkin iki lehâda hurâcın vukû'u i'yâ-i temeddîde ekser olur, zîrâ mefâşılada ta'ab şedîd olmaz ve ona binâen mefâşılın mevâddı cezbi şedîd olmaz ve hummâ dahi mevâddı taş'îd eder ve lehâ üzere olan lahm-ı rıhv mevâdd-ı müteşa'ideyi sühûlet ile kabûl eder ve lâ-mahâle o i'yâ-i temeddüdîde lehâda hurâcın vukû'u mefâşılada vâkı' olan hurâcdan ekser olur. Ve ammâ i'yâ harekî¹⁰⁰ olsa onun icâb eylediği hurâc mefâşılada ekser olur ve çok vâkı' olur ki 'alâkat-ı hurâc zuhûr etmekle hurâca tevaqqu' olunur ve o 'alâmâtın şâhibi bevl-i keşîr ve gâlîz-i ebyad bevl-i tebevîl eder ve onunla hurâc mündefi'a olur.

Ammâ hummayâtın bed'i nâfiđ ile ve iklâı 'arak ile olsa onda hurâc kalîlü'l-vukû' olur, o mişlli hummâ gıbb ve rib'dir. Ve eger mādde cidden keşîre ise onda dahi hurâca tevaqqu' olunur. Ve bi'l-cümle nâfiđ-i mu'âved küllü yevmin nefđi ile mādde-i keşîreyi nefđ ve istifrag edip hurâc için şey'-i kalîl bâkî kalır, yalnız nâfiđde bu hâl olduğu ma'lûm oldukta nâfiđ ile 'arak cem' olsa hurâc için aşlâ fađl kalmadığı ondan ma'lûm olur. Ve kezâlik idrâr-ı gâlîz ile dahi hurâc kalîlü'l-vukû' olur.

Ve hummayât-ı müzmine-i müte'tâvilede ekseriyyâ hurâcât a'đâ-i süflâda ve hummayât-ı hâdde hurâcâtı a'đâ-i 'ulyâda ve beyne'l-hâdde ve'l-müzmine hummayâtta cem'an 'ulyâda ve süflâda hurâcât olur. Ve lîsergusta aşl-ı üzünde hurâcât olur. Ve ekser-i hâlde zîkr olunan hurâcât ile buhrân tâmm olur. Ve zâtü'r-riye çok kerre hurâcât-ı mefâşıl ile buhrân eder.

100 "İ'yâ-i harekî" hareket hasebiyle olan i'yâdır.

Zıkr Olunan Hurâcât Emsâlinin Ahkâmı Beyânıdır: Hurâcât-ı mezkûre-den hâdis olduktan sonra min-ğayri infitâhin ve inficârin gâib olan hurâcın emri iki vech üzere olur: Vech-i evvel budur ki o hurâc-ı gâibe 'avdet edip hacmi hacm-i evvelinden a'zam olur. Ve vech-i sâni budur ki aşl-ı marađ 'avdet edip onun mevâddı mefâşıla ve veca'a ve müt'ibe ve da'ife olan 'udv-lardan birine munşabbe olur. Ve bu hurâcâtın hayrlısı o hurâcdır ki onunla marađa hıffet gelir ve ba'de'n-nuđc hurûc eder ve hârice ya'nî zâhir-i bedene meyli şedîd ve a'dâ-i şerîfeden ba'îd olur ve zıkr olunan evrâmdan leyyin ve taht-ı yedde müteta'min olanların gâilesi şulb ve hâdd olanların gâilesinden ekall olur lâkin evvelin bür'ü bürüdeti hasebiyle ebta' olur ve gâilesinin kıletti ona veca'-ı şedîd maşhûb olmamakla olur. Bu mislli ba't' olan hurâcda hummâ bâkiye olup hurâc dahi taħallül eylemese o hurâc ba'des-sittin cem'-i midde eder ve ondan bu'da dün olanlar altmış gün ile yirmi gün arasında cem'-i midde eder.

Ve gâilesi ekall olan hurâc o hurâcdır ki onun mevdi'i 'udv-ı sâfilde ola ve o 'udv ma'a-kevnihi sâfilen hasıs ve vâsi'ü'l-mekân olup bi'l-cümle mād-deye si'ası ola, zîrâ cemî'an mevâdda mekânın si'ası olmasa fađla-i mevâdd mevdi'-i fesâd uta'ffüne 'avdet eder ve onda fesâd ve 'ufûneti ekser olup ba'dehu yine hurâca şerri ve 'ufûneti şedîd olduğu hâlde munşabbe olup şâhibini katl eder, nitekim bu hâl tabîb-i [484a] câhilin māddeyi tebrîd ile red' ve inşıbâbdan men' eyledike hâdis olduğu gibi bunda dahi hâdis olur.

Ve hurâcât-ı buhrâniyyenin şerrlisi dâhile meyli veyâhüd dâhilde olan hurâcdır velâkin hurâca evlâ olan 'udv da'if olup onda marađ-ı müzmin olanlardır huşuşan o mislli 'udv esâfilde ola, hurâc onlar akbel olur ve kezâlik seyelân-ı 'arağ onda ekser ola, lâ-mahâle hurâc zuhûru onda evlâ ve eshel olur.

Ve hurâcâtın efđali ve nüksten eb'adı münfetiħ olan hurâc olur. Ve nükse edell olan hurâc zuhûrundan sonra gâib olan hurâc olur.

Teşennüc Vuķû'unun 'Alâmâtıdır: Kaçan şıbyân nevminde keşret üzere feza' edip tabi'atları dahi mu'tekile ve bükâları keşire ve humret ve hudret ve kümüdete elvânları mâile olsa onlarda teşennüc hudûşuna sen tevaķķu'eyle. Ve şıbyânda bu hâl dokuz yaşına varınca kadar müstemirre olur ve her ne kadar şağır olursa onda o hâl ekser olur. Ammâ şübbânın hummayât-ı

hâddede gözlerine havel gelip tarfları keşir olsa ve a'nâk ve vücühuna 'ivec 'arîd olsa ve esnânları taşrîfi keşir olsa o şübbânda teşennüic hudûsuna sen hüküm eyle. Ve çok vâkı' olur ki evcâ'-ı rakabe ve şikal-i re's bi-hummâ ve bilâ-hummâ tavîle olur ve kaçan onunla verem dahi olsa ve huşûşan o verem-i hârr veca' olan 'udvun havâlîsinde olsa teşennüci cezm ve kaç' eyle.

Nâfid Vuķû'unun 'Alâmâtıdır: Kaçan sen hummayât-ı hâddede selâmet 'alâmetini ve buhrân-ı ceyyid 'alâmâtını rü'yet eylesen ve bevlde dahi kıilet olsa sen bil ki qarîben nâfid hâdiş olup onun ile buhrân vâkı' olur lâkin ictidâli mütecâviz ona ihtilâf-ı batn 'arîd olursa nâfid-i mevşûfun hudûsuna o ihtilâf mâni' olur ve eger 'arîd olan ihtilâf mu'tedil ise mütevaķķa' olan nâfide mâni' olmaz. Ve çok kerre nâfide 'arâķ tilv¹⁰¹ olur, zîrâ emrâd-ı hâddede nâfid 'arâķın muķaddimesidir.

Buhrân-ı Ceyyide Delâlet Eden 'Alâmâtıdır: Ma'lûm buyurula ki buhrân-ı fâdılin ecved-i 'alâmâtı evvelâ nuđc-ı tamm ve ba'dehu o buhrânın eyyâm-ı buhrândan birinde vuķû'u olur ve eyyâm-ı buhrânı qarîben biz zıkr eyleriz ve ba'dehu eyyâm-ı inzârdan evvel buhrâna münâsib bir günde o buhrânı inzârın vuķû'udur ve o buhrânın intikâl olmayıp istifrâğ ile ve hurâc ile vuķû'udur ve onun istifrâğı dahi hılt-ı fâ'ili ve mâdde-i marađ fâ'il olan hâl ile olduğudur ve istifrâğ dahi cihet-i münâsibden olduğu ve ihtimâlin sühûletidir. Ve ba'dı kerre cevdet-i buhrâna tab'-ı marađdan vüşûķ ve ictimâd olur ve o tab'at ba'dı kerre marađın ğıbb ve muhrıķa gibi nev'inde olur, zîrâ o hummâlar kaçan buhrân-ı münâsiblerini bulsalar onların cevdet-i buhrânlarına vüşûķ ve ictimâd olur. Ve ba'dı kerre o tab'at buhrânın ahvâlinde olur, zîrâ hangi marađda olur ise olsun emr-i kuvvet ve emr-i tab'at kemâyenbağı oldukta o marađın cevdet-i buhrânına vüşûķ olur. Ve 'alâmât-ı tab'iyye zuhûru evķâtında kuvvet ve nabđın hâli kavıyye ve metîne olsa ve huşûşan vakt vakt tezâyüd edip kalîlü'l-ihtilâf ve müstevî olsa o hâl 'amûd olur ve onun tamâmı hıffet ve râhata müşâdife olur ya'nî şuşûbet-i 'alâmât-tan havf olunmaz. Ve ma'lûm ola ki kaçan 'alâmât-ı rediyye ictimâ' edip ve yevm-i ictimâ' bâhûrî olsa onda recâ hilâf üzere olanlardan aķvâ ve eşahh olur ve vâcib olur ki ona ictimâd oluna. Ve çok kerre 'alâmât-ı hâile 'azîme olur velâkin onda nabdı şahîh ve kavî ve müstevî rü'yet edersin. Ve ma'lûm

101 "Tilv" bir nesneyi taķîb eden şey'dir.

ola ki ceyyidü'l-aḥlâṭ olan kimse kaçan marîd olup o maraḍda bevlinde nuḍc zāhir olsa o marîd emîn olur ve her kaçan ʿalāmât-ı hâile zāhire zuhûr eylese ona feraḥnâk olmak ziyâde vâcibdir, zîrâ buḥrânı aḳrebdir.

Buḥrân-ı Redî ʿAlāmâtıdır: Buḥrân-ı redî ʿalāmâtının uşûlü ve evâili ʿalāmât-ı ceyyide-i mezkûreye muḥâlîfe olan ʿalāmâtı ve o ʿalāmât-ı muḥâlîfe hareket-i buḥrânın nuḍc ve muntehâdan muḳaddem vukûʿu olur ve ona İbûkrâṭ sâbıku's-seyl tesmiye eyledi ve o ʿalāmâtın sebep-i redâʿeti seni maʿlûmun oldu.

ʿAlāmât-ı rediyyeden olur eyyâm-ı buḥrânın ḡayri eyyâmda buḥrânın vukûʿu ve nabḍın buḥrânda suḳûṭ ve şıḡarı aḥzı. Ve maʿlûm ola ki kaçan ʿalāmât-ı buḥrân muntehâdan ve nuḍcdan muḳaddem cāi olup ona keşîr ve zerî istifrâḡ tâbiʿ olsa ona maḡrûr olmak cāiz olmaz, zîrâ o istifrâḡın vukûʿu bi-ḡasebi'l-keşret olur ve o mişlli istifrâḡ ʿan-ʿaczin ve min-ḡayri tedbîrin defʿdir yaʿnî ṭabîʿat-ı müdebbire onun defʿi için tedbîr edip defʿ etmiştir. Ve kezâlik min-ḡayri istifrâḡı zāhirin marîdın bulduḡu ḡiffete dahi maḡrûr olunmaz, zîrâ o ḡiffet mâddenin sükûnundan ʿarîd olur, mâddenin şalâḥından olmaz belki çok kerre mâdde nuḍc bulur ve yine o mâdde-i naḍiceyi defʿden ṭabîʿat-ı dâʿife ʿâcize olur.

Buḥrân-ı Redîye Delâlet Eden ʿAlāmâtın Ahkâmıdır: Ve kaçan ʿalāmât-ı redîye müctemiʿa olsan nuḍcun ʿademi ve vâcib olan ḡâlden taḡayyürü ve onlar mişlli ʿalāmât-ı rediyyeler birikse ve ictimâʿ ḡasebiyle ʿalîlin mevtine ḡükm olursa onun mevtinin sürʿat ve buṭuna mücerred ʿalāmât-ı redînin ictimâʿı ile ḡükm olunmaz belki o ḡükm-i şânîde buḥrân için esbâb-ı müteḳaddimenin ḡâlini taʿarrüfe tevaḳḳuf olunur ve bundan aḳdem vech-i taʿarrüfî biz beyân eyledik. Ve onun mişâli budur ki kaçan ʿalāmât-ı rediyye-i mezkûre cemîʿan zuhûr eylese ve rûsûb-i esved mişlliler dahi mevcûd olsa, eger o aḡvâl yevm-i râbiʿde ʿarîda ise mevt yevm-i sâbiʿde olur, eger esbâb-ı mezkûre mevtin teḳaddümünü icâb eyler ise mevt yevm-i sâdiste olur.

Nuḍcun ve Ahkâm-ı Nuḍcun ʿAlāmâtı Beyânıdır: Nuḍc bevlden taʿarrüf olunur ve onu biz bundan aḳdem beyân eyledik. Ve vâcib olur ki bevlinde rûsûb olmasa bevlin şiddet-i şıḡına maḡrûr olunmaya, zîrâ o bevlin şiddet-i şıḡı nuḍc sebebiyle ḡâdiş olmamıştır. Ve kıvâmda olan ʿadem-i

nuç levnde olan ‘adem-i nuçdan ađarrdır, zîrâ kıvâmda olan ‘adem-i nuç ‘usr-i indifâ‘a ve nuçcun kıvâmda vücûdu indifâ‘ın yûsrüne mü‘eddî olur. Ve kaçan evvel marađda ‘alâmât-ı nuç zühûr eylese marîd selîmdir ve onun selâmetinde şekk olmaz, ammâ nuç evvel-i marađdan te‘ehhûr eylese her hâlde ھاٲar olmak vâcib deđildir, zîrâ ba‘dı kerre o hâl üzere olan marađ tavîl olur ve onda ھاٲar olmaz ve o hâl üzere olan marađa tavîl olmak her hâlde lâzımdır. Ve her kaçan buhrân ceyyid ola, onda nuç mevcûd olur velâkin her nuçcu olan marađın buhrânı olmak lâzım deđildir, belki marađ ba‘dı kerre bilâ-buhrân taħallûl-i mücerred ile münkađî olur.

Ve ma‘lûm ola ki kaçan ħummâda nuç zâhir olsa o ħummâda şavlet ve şiddet olmaz, nitekim mâdde-i veremde nuç zâhir olsa onda veca‘-ı şedîd olmaz ve kaçan nuç te‘ehhûr edip velâkin a‘râdı ceyyide ve kuvveti şâbite rüyet eylesen nuçcun ħudûşuna tevaĸķu‘ olunur.

Muţlakan ‘Alâmâtın Ahkâmıdır: Levn ve lemsin def‘at-i tağayyürü her zamân redî olmaz, ba‘dı kerre o tağayyür def‘î ħayr-ı ‘azîme ve buhrân-ı nâfi‘a delâlet eder, pes o mislli tağayyürü aĥvâl-i bedenden ta‘ķîb eden hâle itibâr olunur, eger o tağayyürü aĥvâl-i şehaneden vech ve eţrâfta zübûlün zühûru ta‘ķîb edip ve onun sebebi seher ve ta‘ab ve riyâdet ve ishâlden biri olur ise o marađ selîm olur, iki veyâĥûd üç günde şalâĥa ‘avdet eder ve eger o ‘uđvların zübûlü ihtirâķ ve sukût-ı kuvvet ĥasebiyle ise redî olur.

‘Alâmât-ı Ceyyide Zikridir: [484b] ‘Alâmât-ı ceyyide marîdın marađı ihtimâli ve şebât-ı kuvvet ve şebât-ı şehane olur her ne kadar a‘râđ müştette olsa kuvvet ve şehane ‘alâ-ĥâlihâ şâbite olur ise ‘alâmet-i ceyyide olur. Ve kezâlik nabđın kuvveti ve iştîdâdı ve intizâmı ve nuç ‘alâmâtının zühûru ve incâĥ-ı buhrân ve buhrân ‘alâmâtının cevdeti ve ‘aķîb-i istifrâġda ĥiffetin vücûdu ve onun ile nabđın cevdele iķbâli ve ‘aķîb-i istifrâġda ‘arıđ olan iķşî‘râr ‘alâmât-ı ceyyideden olur, zîrâ o iķşî‘râr sühûnetin iķlâ‘ına ve ma‘a-iklâ‘i’l-mâdde berdin ta‘aĸķubuna delâlet eder. Ve onun efđali o istifrâġdır ki ĥılt-ı müzîyi iĥrâc eyleye ve iĥrâcı sühûlet ve istikâmet üzere ola. Ve ma‘lûm ola ki ‘alâmât-ı redîyye zühûrunda kuvvetin şübûtu recâyı icâb eder ve kezâlik ‘aĸlın şebâtı ve teneffüsün cevdeti ve ehvâl-i hâile-i ġarîbe urûđunda marîdın o ehvâli cevdet-i ihtimâli ve ‘aķîb-i nevmde ĥiffet-i ‘arıđa olduđu bi’l-cümle ‘alâmât-ı ceyyideden olur. Ve yine ‘alâmât-ı

ceyyideden olur bi-ıtidāl-i şehvet ve ğıdāyı hüsni kabûl ve ğıdânın menfaati ve kuvveti in'âş ve tecevvu'u. Ve kezâlik 'alâmât-ı ceyyideden olur şehane-i tabîiyye ve idticâ ve nevm-i tabîi ve harâret bedeninin istivâsı ve teneffüsün hüsni ve sühûleti. Ve ma'lûm ola ki 'alâmât-ı ceyyide şıhât-ı kuvvete mukârin ise 'âfiyet-i 'âcileye delâlet eder ve eger da'f-ı kuvvete mukârin olur ise 'âfiyet-i batîye delâlet eder.

'Alâmât-ı Rediyye Ahkâmıdır: Ma'lûm ola ki ğâyet-i redâet ile redî olan 'alâmât mevdi inzâr eder. Eger ğâyet-i redâetinde olan 'alâmâtın zuhûrunda kuvvet kavîyye ise o marağ tavîl olup âhir-i emrde 'alîlî katl eyleyeceğine delâlet eder. Ve eger o 'alâmât-ı rediyye-i bâliğa zuhûrunda kuvvet da'ife ise min-ğayri tûlin katl eder.

Ve çok vâkı' olur ki eyyâm-ı rediyyede 'alâmât-ı mühlîke zuhûr eder ve ba'dehu buhrân-ı ceyyid veyâhüd maddede-i marağ uđv-i âhere intikâl edip selâmete münkalib olur. Ve 'inde'l-müntehâ vâkı' olan 'alâmât-ı ceyyideye vüşûk ve itimâd olunmak vâcib olur. Ve kezâlik 'alâmât-ı mühlîke zuhûrunda havf olunmak dahi vâcib olur eger 'alâmât-ı mühlîkede mübâderet ve müsâra'at olur velâkin sukûtu kuvvet rüyet olunmasa o vakitte dahi helâk cezm olunmaz ve yalnız kuvvetin sukûtu 'alâmet-i rediyye olur. Ve bundan sonra vâcib olur ki mebd-i uđv-ı mu'ayyen olan emrâd-ı hâddede o uđvun hâline ri'âyet oluna, meşelâ zâtü'l-cenbde şadrın ahvâline ri'âyet oluna, zîrâ mebd-i marağ olan uđvun ahvâli a'âd-i sâirenin ahvâlinde marağın hâline edell olur, zîrâ zâtü'l-cenbde nefsin nuđcu maddenin nuđcundan selâmete edell olur.

Ve tabîb-i müteferrise vâcib olur ki vechte ve 'aynda ve ğayri uđvdâ biraz hey'et rüyet eylese ki onun ekseri ğayr-i tabîi olsa o tabîb evvelâ ta'arrüf eyleye ki o ğayr-i tabîi 'avârıd o şahş kıyâs ile tabîi midir ya'nî tabîi olup olmamak eşhâşın ihtilâfıyla muhtelif olur, ba'dı a'râd ekser-i nâsa kıyâsla ğayr-i tabîi olur velâkin şahş-ı vâhîde kıyâsla tabîi olur, mücerred ekser-i nâsta ğayr-i tabîi olan 'avârıd rüyet etmekle cüzâfen redâete hüküm eylemeyip şahş-ı 'alîlin tabîisi olduğunu veyâhüd ğayr-i tabîisi olduğunu ta'arrüf eyleye hattâ nabdda dahi şahş-ı 'alîlin [nabdd-ı] tabîisini ta'arrüf eylemedikçe redâetine hüküm olunmaz. Ve kezâlik tabîb-i müteferrise vâcibdir ki rüyet eylediği hey'et-i ğayr-i tabîinin 'urûduna sebep

o marađ olduğunu veyâhûd sebebi sebeb-i bâdî olduğunu ta'arrüf eyleye, meşelâ lisân üzere şıbg-ı redî ve huşûnet-i müfrița 'arıđ olsa ba'đı kerre onun 'urûdunu icâb eden bir nesne tenâvülü olur, marađın onda dâhli olmaz ve onun ile marađın hâline istidlâl olunmaz.

[‘Alâmât-ı Rediyye Zikridir]: ‘Alâmât-ı rediyye bi-ḥasebi'l-fi'l ve bi-ḥasebi'l-‘udv muhtelif olur, lâyıķ olur ki onlar ‘ale't-taḫṣîl başka başka zıkr oluna.

Seḥaneye ve Levne Müte'allika ‘Alâmâtır: Kaçan marîdde meyyit seḥanesı gibi seḥane olup o seḥane 'urûdu seher ve cûc ve istifrâğ ḥasebiyle olmasa o seḥane 'alâmet-i rediyye olur ve o vechle vech-i meyyite müşâbih ve eşîḥḥâ vücûhuna muḥâlîf olup gözleri ğâire ve enfi daḳıķa ve iki şudğ-larında laṭ ve teḳabbuđ olsa ve üzünün şahmeleri münkalibe ve cildine temeddüd ve levnine kümüdet ve iḥdırâr ve isvidâddan biri 'arıđ olsa ve cildin üzerinde ğubret dahi olsa huşûşan o ğubre kuṭn-ı mendûf üzerinde olan ğubreye müşâbih olsa o hâl mevt-i 'âcil 'alâmeti olur.

Ve ma'lûm ola ki ḳalîlü'l-marađ olup ekseriyyâ şahîḥ olan kimse kaçan marîd olsa ḥaṭara delâlet eder. Ve zıkr olunan tağayyür marađın ğayri esbâbdan bir sebep ile 'arıđ olsa serî'an o tağayyür hâlet-i ṭabî'isine 'avdet eder her ne kadar bir ğün ve bir gecede olur ise. Ammâ o tağayyür ki marađ ḥasebiyle ola, o tağayyür 'alâmet-i rediyye olur, sühûlet ile hâlet-i ülâsına 'avdet eylemez. Ve ma'a-zâlik evvelâ zıkr eylediğimiz cûc ve istifrâğ ve seher mişlliden ḥâdiş olan tağayyürü dahi ceyyid olmaz her ne kadar ğayri-lerden eslem olur ise. Ve eger tağayyür o esbâbdan biri ile emrâđ-ı ḥâddede 'arıđ olsa redî olup delâlet eder ki marađ ona ḳarîben ğalib olur ve ma'a-hâzâ o tağayyür bi-ḥasebi'l-marađ emrâđ-ı ḥâddede 'arıđ olan tağayyürden eslem olur.

Ve kezâlik vâcib olur ki inḥirâṭ-ı vech ve tağayyür-i levn rû'yet olundukta onun sebebi fesâd-ı marađ olduđu veyâhûd seher ve istifrâğ olduđu ta'arrüf ve fark oluna, zîrâ seher ve istifrâğdan olan tağayyürde keşîren be's olmaz. Ve kezâlik bizim zıkr eylediğimiz vech üzere 'aynın tağayyürünün esbâb-ı ḥudûşu dahi fark ve temyîz olunmak vâcib olur, 'aynın tağayyür-i mezkûru bi-ḥasebi's-seher olur ise ecfânda şıķal ve sübâta meyl ve nabḍda tevâtür-i şedîd olup o tağayyüre seher-i müzî teḳaddüm eder.

Ve eger tağayyür-i 'ayn bi-hasebi'l-ishâl ise o tağayyüre ishâl-i müfrit tekaddüm eder. Ve eger bi-hasebi'l-cûc ise 'aynın tağayyür-i mezkûru tedricle 'arîd olur, def'aten olmaz ve o tağayyür bi-hasebi'l-marađ olduğunu te'kîd eder. Zıkr olunan esbâbın ve 'alâmâtın fıkhdânı ve hummânın şiddeti ve mevdi'-i tağayyüre yed vađc olundukta şerârât mislli nesnelerin ihsâs olunduđu ve kezâlik def'aten levnin işfirârı 'alâmet-i gayr-i ceyyide olur ve bađteten levnin isvidâdı 'alâmet-i rediyyedir. Ve tağayyürât-ı mezkûrenin cümlesinden şerrli ve ğarîziyyenin mevtine edell olan isvidâd-ı levndir ve ba'dehu kümüdetir. Ve işfirâr-ı levn ceyyid değildir velâkin eslemdir, zîrâ işfirâr ba'dı kerre hâre't ile hâdiş olur, bi-külliyetihi onun hüdûsu bürüdet hasebiyle olmaz, binâen 'aleyh işfirârda ğarîziyye mevtine delâlet da'ife olur. Ve ba'dı kerre işfirâr seher ve cûc ve teveccu'dan biri ile hâdiş olur o tağayyür selim olur ve eger cebhede ve enfte 'uşûn¹⁰² olsa 'alâmet-i rediyye olmaz.

Şudâ'dan Me'hûze Olan 'Alâmât Beyânındadır: Kaçan şudâc dâim ve kuvvet da'ife ve marađ hârr olup o hâlde 'alâmât-ı rediyye zuhûr eylese marađ kattâl olur, eger katl eylemez ise yevm-i sâbi'e kadar ru'âfa tevaqqu' olunur ve ba'de's-sâbi' enf ve üzünden bir şey cereyân eder. Eger yirmi gün kadar dâim olur ise o marađın ru'âf ile inhilâli kalîlü'l-vukûc olur velâkin ekser-i hâlde onun inhilâli iki munhur ve iki üzünden cereyân eden midde ile veyâhüd hurâcla huşuşan esfelde vâki' hurâcla olur. Ve ekseriyyâ şudâc ibtidâ-i marađda hâdiş olursa yevm-i râbi' ve hâmistе şa'b olup yevm-i sâbi'de [485a] iklâc eder, ammâ yevm-i şâliste şudâc bed' edip hâmistе şa'b olsa yevm-i tâsi'de ve hâdi 'aşerede iklâc eder. 'Ulemâ dediler ki bu şürette kıyâs yevm-i 'âşirde iklâcın vukû'udur, zîrâ şudâcın bed'i yevm-i şâliste olmakla yevm-i 'âşir ona nisbet ile sâbi' olur lâkin yevm-i 'âşir eyyâm-ı buhrândan olmamakla hâdi 'aşerede iklâc-ı şudâc te'ehhür eder.

Muşannif der ki bu kelâm benim katımda bir şey değildir, zîrâ hisâb onların zıkr eyledikleri minvâl üzere değildir onun için ki şudâc hâmistе ibtidâ eylese râbi' 'aşerede iklâc eder, eger iklâc lâyıkı üzere olur ise ma'a-hâzâ râbi' 'aşere hâmistе kıyâsla yevm-i tâsi' olur. Ve emrâdda olan 'arîda-i şudâcın ekseri hummâ-ı ğıbbda olur.

102 *Kāmūs*. أَغْصَنَ الْأَمْرُ إِذَا اغْوَجَّ وَعَسَرَ

Min-Ciheti'l-Hiss Vâkı' Olan 'Alâmât-ı Rediyye Beyânındadır: Marîd'in rü'yet ve sem'inin olmadığı ve buhlânı 'alâmet-i rediyyedir. Kaviyye olan aşvât ve revâyih ve elvândan 'alîlin herebi 'alâmât-ı rediyyedir, rûh-ı nef-sânînin da'fına delâlet eder.

'Ayndan Me'hûz Olan 'Alâmâtı: İshâl ve seher ve cû'dan gayri es-bâbdan hâdiş olan iki 'aynın gu'uru ve şikali ve tekalluşu 'alâmet-i gayri-ceyyidedir. Ve beyâd-ı 'aynın kümüdeti ve firfiriyyete ve âsmâncüniyyete nâzır ihmirârı 'alâmet-i rediyyedir. Ve iki 'aynın birinin emrâd-ı hâdde ve sersâm ve o mişlli emrâdda taşagğuru cidden 'alâmet-i rediyyedir. Ve 'alîlin meriyyâtan bir nesneyi rü'yet eylemediği 'alâmet-i mühlîkedir. Ve 'aynın emrâd-ı hâddede iltivâsı ve haveli 'alâmet-i rediyyedir. Ve o havel min-gayri âfetin fi'd-dimâğ fakat 'adal-i aynda olan teşennüc-i hâşş hasebiyle olur ise onda ihtilâf-ı 'aql mişlli 'avârıd-ı dimâgiyye olmaz.

Ammâ 'ayna leme'an rü'yetinden me'hûz olan 'alâmât, eger lem'-i sūd 'arîd ise ekser-i hâlde kay'a delâlet eder. Ve humr ve berrâk ekseriyyâ ru'âfa delâlet eder ve demin fevke meyline dahi delâlet eder ve fevkten cihet-i indifâc-ını ta'âyine edille-i uhrâ delâlet eder. Ve min-gayri irâdetin dem'in cereyânı huşûşan 'ayn-ı vâhîdden seyelânı 'alâmet-i rediyye olur lâkin o hâlde buhrânı ve âfiyet 'alâmetleri dahi var ise min-gayri irâdetin seyelân-ı dem'-de redâet olmaz ve o buhrân ve 'âfiyete 'alâmât-ı ru'âfiyye-i säire mevcûde olup 'alâmât-ı uhrânın dahi selâmeti olduğu delâlet eder. Ve dümû'un ahvâli tefak্কud ve tefahhuş olunup kılllet ve keşreti ve rikkat ve gılzati ve harr ve berdi ve cereyânının bi-irâdetin ve bi-gayri irâdetin olduğu ta'arrüf olunsun.

'Alîlin dav'a olan kerâhiyyeti 'alâmet-i gayri-ceyyidedir. Ve eger zulmete muhabbet müştêde olsa kıttâl olur lâkin o hâlde imtidâd ve veca' var ise kıttâl olmaz. Ve eger imtidâd ve veca' olmayıp zulmete muhabbet müştêde olsa o hâl rûh-ı nefsânî kuvvetinin sukkûtu için olur ve lâ-mahâle katle mü'eddî olur. Ve bilâ-tarf vâkıf olan nazar redîdir. Ve 'aynın hareket-i rediyyesi ve şey'en-ba'de-şey'in remaşın keşret üzere ictimâ'ı redîdir. Ve remaş-ı yâbis cidden redîdir ve remaş-ı yâbis 'aynın kuvvet-i garîziyyesinin māddeyi indâcdan 'acizden tevellüd eder ve o remaş şâhibi ihsâs eder ki bir şey 'aynından hüruc eylemeği kaşd edip garezân eder ya'nî naşs eder

ve o remaşın sebebi 'ayne câiye olan ruṭubette keşret olup keşret ḥasebiyle inḍâcından ṭabī'atın 'aczi olmak cāiz olmaz, zîrâ o remaş şāhibi 'ayn-ı yābi-se-i ğāiredir ve 'alāmet-i yübs dahi vāḍıḥadır, onda keşret taşavvur olunmaz ve ona bināen o remaş serī'an yābis olur. Ve buna münāsib 'alāmāttan olur ḥadeḳa-i meftūḥa üzere nesc-i 'ankebūt gibi bir şey' müctemī' olup ba'dehu şüfreye ya'nī kipriklerin menbetine tenaḥḥī eder ve o mekānda remaş olur ve bu ḥāl ondan zāile olmaz ve 'alīlin ḳurb-ı mevtine delālet eder.

Ve ḥiddet-i ḥummāda 'aynın şiddet-i ḥumreti ve remaştan neḳāsı 'alāmet-i rediyyedir, dimāğda veyāḥūd fem-i mi'dede verem-i ḥārr olduğuna delālet eder. Ve 'aynın taṭvīsī ya'nī reng-āmīz olduğu ve āsmāncūniyyeti erde'dir. Ve 'aynın cuḥūzu ve tebārīḳinin keşreti dahi delīl-i redīdir, zîrâ o aḥvāl ba'dı kerre mevādd-ı keşīre-i ḥarre ḥasebiyle ve nevāḥī-i dimāğa 'arıd olan evrām ḥasebiyle 'arıd olur.

Ve nevmde cefn meftūḥan min-ğayri 'ādetin bākī ḳalmaq 'alāmet-i ğayr-i ceyyidedir. Ve yübs-i ecfān delīl-i redīdir. Ve ḥāl-i yakāzada 'ayn meftūḥaten bākīye kalsa ḥattā ona işba' taḳrīb olundukta ṭarf eylemese o ḥāl delīl-i ḳātil olur. Ve 'ayn şedīden müttesī'a olup ḍa'f ve hezeyāna muḳārin olsa o dahi ḳātil olur. Ve deyildi ki taḥt-ı 'aynda küçümq mercimek miḳdārında beşre-i beyḍā zuhūr eylese yevm-i 'āşırde 'alīl helāk olur ve onda ḥalāvīye şehvet ḥādişe olur.

Cihet-i Enften Meḥḥūz Olan 'Alāmāt Beyānındadır: Enfin iltivāsı redī olur ve ḳurb-ı mevte delālet eder, zîrâ o iltivānın sebebi ḳattāl olan teşennüç-i redī olur. Ve enfin tefertuḥu dahi redīdir. Ve istinşāḳta enf ve munḥurāna ta'vīl eylemek 'alāmet-i rediyyedir. Ve kendi nefsinde misk ve semn ve ṭīn rāyihalarından biri bulunmaq ve burnundan mā-ı aşfer teḳātur eylemek ḥummayāt-ı ḥāddede vāḳī' ise ba'dı kerre ḳurb-ı mevte delālet eder. Ve mu'aṭṭīsāt 'alīli ta'ṭīs eylemese mevte ve buṭlān-ı ḥisse delī olur. Ve kezālīk 'aḳr ve ḥadş ile ru'āf olmasa ve min-ğayri sebebin enfini tenḳīye ḳaşdı ile enfini işba' ile ilḥāḥ ve ir'āf edenler mişllī marīḍi ilḥāḥ eyledikte ru'āf ḥādiş olmasa o ḥālāt 'alāmet-i ğayr-i ceyyide olur. Ve enften ḥurūc-ı mā dahi redīdir.

Cihet-i Üzünden Meḥḥūz Olan 'Alāmāttır: Şāḥme-i üzünün cefāfı ve inḳılābı ve şadefenin teḳabbuḍu 'alāmet-i rediyyedir. Ve deyildi ki vesāḥ-ı

üzün hılv olsa Cālînūs katında ‘alâmet-i rediyye ve akdemün katında ‘alâmet-i mühlike olur. Ve haţar-nâk olan hummayât-ı hâdde katında üzünde veca‘ hâdiş olsa kâtil olur lâkin üzünden bir şey³ seyelan edip ba‘dehu sâkin olsa o hâl üzere olan veca‘ meşâyihîta kâtil olmaz ammâ şübbânda o veca‘ tefettuh ve inficâr mertebesine bülûga imhâl eylemez, şiddet-i hissleri hasebiyle fi’l-hâl katli eder.

Cihet-i Esnândan Me’hûz Olan ‘Alâmât Beyânındadır: Bir nesne tenâvül eder gibi esnân hummayât-ı hâddede kaçkâda¹⁰³ eylese ‘alâmet-i gayr-i ceyyidedir. Ve deyildi ki hummayâtta esnânı lüzûcât gâşy ve setr eylese delâlet eder ki onun hummâsı müştette olur, zîrâ o hâl harâret-i şedîdeden hâdiş olur. Ve kezâlik o hâl baṭṭetü’t-tahallül olan o mādde-i leziceye delâlet eder ki merdâ min-gayri itiyâdin tenkîye-i esnâna muhtâc olur ve o hâl ‘alâmet-i gayr-i ceyyide olur.

Ve mu‘tâdı olmayanlarda esnânı taşrîr ve taşrîf olsa ba‘dı kerre cününü inzâr eder; eger evvelâ cünün ‘arıd olup ba‘dehu taşrîr ve taşrîf ‘arıd olsa helâke delâlet eder. Ve ‘adalât fekklerinde da‘f olanların ednâ sebep ile esnânında taşrîr olup onlara taşrîf ‘âdet olur, o mişlli taşrîr ve taşrîf cünûna ve mevte delâlet eylemez. Ve senâyânın ihḍırârı ‘alâmet-i rediyye olur.

Cihât-ı Lisân ve Fem ve Onları Vely Eden ‘Uḍvdan Me’hûze Olan ‘Alâmât Beyânındadır: Emrâḍ-ı hâddede lisânın isvidâdı redâ’ete mâile ‘alâmettir. Ve fem ve rîkin cefâfları gayr-i ceyyidlerdir ve kaçan o ‘uḍvlar evvelâ yâbis olup ba‘dehu vakt-i intihâda haşin ve ba‘dehu ona isvidâd ‘arıd olsa o maraḍ kâtildir huşuşan râbi‘ ‘aşerde katli ekşerdir.

Ve ma‘lûm ola ki emrâḍ-ı hâddede fem [485b] şedîden müntin olsa helâke delîl olur, zîrâ ahlâṭın bi-küllîyyetihâ fesâdına delâlet eder. İki şefelerin biri şefe-i uhṛâ üzere min-gayri hilḳatin ‘âlî olmak ‘alâmet-i rediyyedir. Ve hummayât-ı hâddede şefe iltivâsı ‘alâmet-i rediyyedir. Ve hummayâtta iki şefenin teşakḳuku farṭ-ı iltihâba delâlet eder ve iki şefenin tekalluşu ve berdi redî olur. Ve emrâḍ-ı hâddede femin meftûhan bekâsı delîl-i redî olur. Ve lisân ifrâṭ üzere yâbis olmak ‘alâmet-i gayr-i ceyyidedir.

103 الْقَطْطُ [el-qaḍḍat] [‘alâ-vezni الرُّزْلَةُ [ez-zelzelet]] ‘izâmı kesr etmenin âvâzı. Vankulu.

Ve deyildi ki lisân üzere hummâ-ı hâddede miqdâr-ı hımmaşa ve habb-ı hırva^c mislli bir şey²-i esved zâhir olsa mevt qarîb olur ve ona eşyâ-ı hârreye şehvet ârîd olur. Ve huşûnet-i lisân ve kezâlik lisânın yübsü delîl-i bersâm olur. Ve lisânın huşûnetinin ve levninin tağayyüründe sen fađl-ı te'emmül ile te'emmül eyle, zîrâ câizdir ki lisânın tağayyür-i levni şey²-i şâbiğ tenâvülünden ola. Ve ma'ûm ola ki lisân hılt-ı gâlib hasebiyle herhâlde münşabîğ olmaz. Ve eger hılt-ı şâbiğ bi-cevherihi ve bi-buğârihi lisânın müşâreketi olduğu ba'đı a'đâdan lisâna terakkîsi ve teşa'udu olur ise o zamân lisân münşabîğ olur.

Halk ve Merî ve Nevâhîleri Cihâtından Me'hûz 'Alâmâtır: Eyyâm-ı buhrândan mâ'adâ yevmlerde bağıteten ihtinâk ârîd olsa 'alâmet-i rediyyedir. Ve bilâ-zebed hâdiş olan ihtinâk eħaff olur, zîrâ ezbed o zamân ârîd olur ki onda harâret-i kalb bir meblâğa bâliğ olur ki o mertebede sühûnet-i kalb riye ve hicâbın ef'âlini ta'fil etmekle bi'l-istivâ³ redd-i nefese onların istiřâati ve iktidârı olmaz. Ve bilâ-verem bu mislli ihtinâk halkta ancak emr-i 'azîm ile hâdiş olur ve bu mislli ihtinâk keşiren ve belki ekseriyyâ bi-sebebi'd-dimâğ ârîd olur. Ve bi'l-cümle kaviyye olan hummâda havânîk-i şa'be hâdişe olsa o kimsede mevt şabâhlar, zîrâ hummâ-ı kaviyyede kalb şiddet-i harâret hasebiyle nesîm-i bârid-i keşiri istid'â eder ve hunâk-ı şa'bede nesîm-i bâridin sebîli mesdûd olmakla kalb mültehib olur ve sū-i mizâcı ifrâđ üzere olup hayâtı ihtimâl eylemez. Ve kezâlik rakabeye ma'a-ımtinâ'î'l-bel' i'vicâc ârîd olsa onun 'urûdu yâ zevâl-i feķârdan olur veyâhüd şiddet-i yübsten olur ve eyye mâ-kâne hummâda ikisi dahi şa'eb olur ve onlardan şerri bir nesne olmaz. Ve kezâlik bel'in sâyiğ olmayıp kedd ile olduğu delîl-i redîdir. Ve kezâlik su içtikte şeraķ¹⁰⁴ hâdiş olup içtiği su burnundan hurûc eylese her bâr rîķini ibtilâ^c eyledikte guşşa¹⁰⁵ hâdişe olsa onlar dahi 'alâmet-i ğayr-i ceyyide olur.

Mî'de ve Fem-i Mî'de Cānibinden Me'hûze Olan 'Alâmâtır: Emrâđ-ı hâddede ârîd olan fūvâķ delîl-i redîdir huşûşan aķîb-i ishâlde ârîd ola. Ve kezâlik mî'dede iltihâb olsa ve hafakân-ı mî'adî harâret-i hummâ katında ârîd olsa onlar dahi delîl-i redî olur.

104 “Şeraķ” iki fetħa ile bel' eylediği rîķ ile boğulmak.

105 Ve guşşa etmek ekşer ğammdan hâdiş olur.

A'çdâ-i Teneffüsten Me'hûze Olan 'Alâmâtıdır: Emrâd-ı hâddede 'arîd olan nefes-i bârid 'alâmet-i rediyyedir, ğarîzenin mevtine delâlet eder. Ve kezâlik nefes-i muhtelif dahi redîdir. Ve bâkînin nefesine müşâbih ve munkatı' ve onda istinşâk-ı havâ olan teneffüs dahi redîdir. Ve kezâlik ihtilâf-ı 'aql hasebiyle olan sū-i teneffüs dahi dahi redîdir velâkin nevâhî-i şadrda olan verem hasebiyle hâdis olan sū-i teneffüs erde' olur. Ve muhtađır olan kim-senin butûnları büyüir ve 'âlî olur ve nefeslerinde ma'a-çâf tetâbü' olur ve teneffüs-i şu'adâ ederler.

Hey'et-i 'Urûktan Me'hûze Olan 'Alâmâtıdır: Bukrât dedi ki cebîn ve cefn ve terkuve katında olan evride-i şığâr muntaşibe ve istikâmet üzere olsa redî olur.

İstirhâ-i Bedenden ve Sū-i İstilkâdan ve Da'ftan Me'hûze Olan 'Alâmât-ı Rediyye Beyânındadır: İstirhâ-i beden ve sū-i istilkâ ve çâf ba'çdı kerre ahşâda ahlâf-ı ğalîzanın kesret üzere olduğundna olur ve ba'çdı kerre dahi bedenin yübsünden ve ahlâfın şiddet üzere kılletinden olur ve ba'çdı kerre dahi kuvvet-i 'açalın farı-ı çâfından olur. Ve bu iki sebep beyninde olan fark bir kavmin zannı üzere bedenin ğılzati ve nehâfeti hasebiyle değildir, zîrâ ba'çdı kerre nâhilin ahşâsı rütübât ile memlûvve olur ve çok kerre dahi beden-i semînin 'açalı kuvvesi çâfıfe olur belki onların 'alâmât-ı fâriķası mevâđi'-i uhrâda zıkr olunanlar olur.

Hey'et İdîcâ'dan Me'hûze Olan 'Alâmât-ı Rediyye Beyânındadır: Firâş üzere hey'et-i istilkâ muhteliçe olup vech-i mu'tâd üzere olmasa 'alâmet-i rediyye olur huşuşan marîd kalîlen kalîlen firâşından münhadir olup her kaçan onu tesviye ve nuşbe mu'tâdesine i'ade eyleseler, onda karar eylemeyip belki 'alâ-zahrihi münkalib ola ve etrâfını keşf edip tarh-ı ğayr-i tabî' ile tarha cidden harâret-i zâhire yok iken muhabbet eyleye ve ona sebep kerb-i 'azîm olur. Bu bâbda bir emr vardır ki ona ri'âyet vâcib olur, zîrâ ba'çdı kerre insân 'able ve çahme ve şakîlü'l-beden olup serî'ü'l-istirhâ olur, hâl-i şihhatinde dahi küllü vaktin zıkr olunan hey'et-i ğayr-i tabî' üzere istilkâyâ muhabbet eder veyâhüd onda istilkâdan ğayri bir sebep ile hâdis veca' olup hey'et-i ğayr-i tabî' üzere istilkâsına mü'eddi olur, bu şüretlerde o istilkâ hudûşundan 'azîmen havf olunmaz. Ve hâl-i şihhatinde mu'tâd olmayan istilkâ ve imtidâd ve onlar mislli nuşbelerin küllîsi emrâd-ı hâddede

redîdir. Ve ma'lûm ola ki istilkāya muḥabbet aḥṣāda olan keşret-i aḥlāt ile veyāḥūd yübs ve taḥallül-i aḥlāt ile ḍa'f-ı 'aḍal ḥudûsu ile olur veyāḥūd cihet-i uḥrādan 'aḍale ḍa'f ḥudûşundan olur. Ve eger 'alil ıḍṭicā' ve istilkā ve ğayri nuşbelere kâdir olmayıp belki ku'ûdu iştihâ eder ise delîl-i redî olur ve o ḥâlin ekşer-i ḥudûsu a'ḍâ-i teneffüste evrām ve âfât olduğundan ḥâdiş nefesin 'inde'l-ıḍṭicā' 'işyânından olur ve o ḥâl bundan aḳdem senin ma'lûmun oldu. Ve eger nâstan i'râḍ edip ḥâyıta ve duvara müteveccih olur ise o dahi delîl-i ğayr-i ceyyiddir. Ve mu'tādı deĝil iken 'ale'l-baṭn nevme meylî redîdir, zîrâ meyl-i mezküreye iḥtilât-ı 'aḳldan veyāḥūd baṭnda elem olduğundan olur.

Ve ıḍṭicā'-ı raṭb maḥmûddur ve ıḍṭicā'-ı raṭb ona derler ki vaḳt-i ıḍṭicā'-da mefâşılı bi-sür'atin kâbil-i teşniye ola ya'nî a'ḍâ-i mefâşılını kabḍ ve başt sühûletli ola.

Cildden Me'ḥûze Olan 'Alāmât: Kaçan cilde yübüset 'arıḍa olup cild yübüsette bir meblaĝa bâliĝa olsa ki yed ile cild medd olunsa ḥâlet-i ûlâsına ric'at eylemeye ve bu miḳdâr cildin yübüseti delîl-i redî olur. Ve buḥârın cildden ḥurûcu nefeste dahi bürüdet olur ise delîl-i helâk olur ve o ḥâl ancak ḥarâretin fenâsı ḥasebiyle 'arıḍa olur.

Baṭndan ve Nevāḥî-i Şerâsîften Me'ḥûze 'Alāmâtı: Emrâḍ-ı ḥâddede baṭnın intifaḥı ve kılet-i inhiḍâmı olup onda istiṭlâḳ dahi olsa 'alâmet-i mevttir ḥuşuşan baṭnda beşr-i vâsi' ve kemidü'l-levn zâhir olup şerâsîf dahi temeddüd eylese ve baṭnının iki cāniblerinden biri âḥerden ente' ve erfa' olsa redîdir. Ve kezâlik mevâḍi'-i baṭndan nütû' ve irtifā'da ve inhıfâḍ ve inhıṭâtta müstevî olan ikişer mevâḍi'-den her biri âḥerler üzere nütû'da ekşer olsa o dahi redîdir. Ve kezâlik baṭnın leyyin ve şalâbette melmesi mütefâvit olup bir cānibi leyyin ve cānib-i âḥeri şulb olsa o dahi delîl-i redîdir. Ve bilâ-rîḥ merâḳḳ müntefih olsa ve onda kuḥûlet ve yübs dahi olsa onun dâhilinde verem vardır ve o verem ḥasebiyle yübüset 'arıḍ olmuştur ve eger dâhilinde verem varsa idi yübüset olmaz idi. Ve şerâsîfin temeddüdü eger icā' ve îlâm ederse mādde esfele mâiledir ve eger temeddüdde veca' yok ise mādde fevke mâiledir.

Maḳ'adeden Me'ḥûze 'Alāmât Beyânındadır: Ḥummayât-ı ḥâddeden maḳ'ade min-kıbeli nefsihâ bürüz eylese delîl-i redî olur.

Kaḍîb ve Ünseyândan Me'hûz Olan 'Alâmât: İki huşyelerin leyyin olduğu 'alâmet-i rediyyedir ve kezâlik emrâḍ-ı hâddede teverrümü dahi rediyyedir. Ve ünseyânın ve zekerin teḳalluşu ve teḳabbuḍu dahi ğarîziyyenin mevtine veyâhûd veca'-ı şedîde delâlet eder. Ve ihtilâm evvel-i maraḍda tûle delâlet eder ve maraḍın âhîrinde aḥmed olur.

Erhâmdan Me'hûze 'Alâmet: Hummayât-ı hâddede raḥim ve ḳubûlün bürûzu delîl-i redî olur.

Eṭrâftan Me'hûze Olan 'Alâmet-i Rediyye: Eṭrâfın keyfiyyâtı cihâtından olan 'alâmet eger hummâ-ı hâddenin ḥarâreti şâbite ve ğayr-i muḳli'a iken eṭrâfta bürüdet olsa 'alâmet-i ğayr-i ceyyide olur, ammâ müzmîne hummâda bürüdet eṭrâf ğayr-i münker olur. Bürüdet eṭrâfın hummayât-ı hâddede sebebi cevfte olan teverrüm-i 'azîm veyâhûd ğarîziyyenin tuḫû olur veyâhûd ğaşyın muṭıll ve müşrif olduğu ve inḫilâl olduğu olur. Ve hummayât-ı hâddede berd-i eṭrâfın helâke aḳvâ delâili o berd olur ki o maraḍda eṭrâfa 'arîḍ ola ve kezâlik berd-i eṭrâf teshîn ile müsahḥane olmasa o dahi helâke delâlet eder. Ve bu 'alâmâtın küllîsi delâlet eder ki verem ḥasebiyle dem münhezim olup baṭına şâyirdir.

İki yedin ve iki riclin işba'larının ve tırnaklarının kümüdeti helâke 'alâmâtıdır. Ve eṭrâfın iḥmirârı ve def'aten teferfûrî¹⁰⁶ kümüdetten âkteldir; eger o hâlde şîḳal dahi olur ise mevt ḳarîbdır, zîrâ şîḳal ḳuvvet-i nefsanîyyenin da'fına delâlet eder. Ve kümüdet ḥarâret-i ğarîziyye da'fına ve ḥumret fesâda ve aḥlâṭın ğalebesine delâlet eder ve sevâd kümüdet ve ḥumretten ḥayrlı olur. Ve bunların küllîsi ile kaçan marîḍde 'alâmât-ı ceyyideyi keşîren rû'yet eylesen ba'îd değildir ki marîḍ maraḍdan selîm olup o eṭrâf-ı müteğayyire sâḳıta ola. Ve eṭrâfın ve cildin ihtirâkı ma'a-bürüdeti'l-bâṭın mevte delîl olur.

Ammâ eṭrâfın cihet-i evḍâ'ından me'hûz olan delîl budur ki ba'ḍı kerre eṭrâfta teşennüc olur huşuşan 'aḳîb-i ishâlde olursa onlar ḳattâl olur ve ma'a'l-hezeyân küzâz ve şiddet-i hummâ olsa delîl-i mevt olur.

Nevm ve Yakaza Cihetinden Me'hûze 'Alâmât Beyânındadır: Nehâren nevm olup leylan olmadığı 'alâmet-i ğayr-i ceyyidedir. Leyl ve nehârdan birinde dahi nevm olmadığı şerrli olur, zîrâ onun sebebi dimâğın fesâdı

106 “Teferfûrî” demek baḳlatu'l-ḥamkâ levni üzere olursa demektir.

olur o fesâd ne vech üzere olursa olsun. Ve nevm-i nehârînin eslemi evâil-i nehârda olan nevmidir. Ve bunların küllîsi nevâib-i hummânın muntehâsında şerrli olur, ammâ ibtidâ-i nevâibde ba'đı kerre onlar muđırır olmaz. Ve sübât 'arıđ olup nabđda đaf olsa redîdir, zîrâ o vech üzere 'arıđ olan sübât ruţûbet-i dimâğ hasebiyle değıldir belki đaf-ı kuvvet sebebiyle 'arıđdır ve onda ihtilâf-ı 'aql dahi olur ise redâet ekşer olur. Ve ba'đı kerre dahi o sübât hıl-ı bâridin 'ufûneti hasebiyle olur ve 'illette kadr-i hâcetten ekşer olan nevmi ihtilâf-ı 'aql ta'ķīb edip onda berd-i eţrâf dahi olsa redî olur, nitekim nevmi hıffet ta'ķīb eylese o nevm ceyyid olur.

A'mâl-i Yedden Me'hûze Olan 'Alâmât-ı Rediyyedir: Zi'bir iltikâtı ve ke-enne iltikâf eder gibi nefsinde ve hâyitten bir nesneye ta'arruđ 'alâmet-i rediyyedir; [sebebi] ebhîrenin dimâğa taşa'ud edip ondan 'ayna ve ruţûbet-i beydiyyeye inhidârı hasebiyle vücûdu olmayan nesneleri tahayyüldür.

Evcâdan Me'hûze 'Alâmâttır: Hummayât-ı hâddede ahşâda veca'-ı şedîd hudûsu 'alâmet-i rediyyedir, ihtirâķ-ı şedîde ve verem-i 'azîme veyâhüd ħurâca delâlet eder. Ve kaçan ba'đı a'đâda veca' şedîd olup bağıteten sâkin olsa o dahi 'alâmet-i rediyyedir.

Şavt ve Kelâm ve Sükûtta Me'hûze Olan 'Alâmâttır: Şavt-ı kavî ceyyiddir ve kelâm-ı muntazam dahi ceyyiddir, bunların ħilâfı redîdir. 'Ale'l-ekşer sükût-ı tavîl vesvâsa delâlet eder veyâhüd 'ađal-i lisânın ve ħancerenin istirhâsına veyâhüd teşennüciine veyâhüd mebd'-i kelâm olan tahayyülün zehâbına delâlet eder. Ve kaçan marîđ buĥrânda tekellüm eylese ceyyid olur. Ve bi'l-cümle kelîm olan kimsenin sükûtu sübâtın ve vesvâsın ve bizim zıkr eylediğimiz sâir nesnelerin ibtidâsına delâlet eder. Ve sikkît olan kimsenin keşret-i kelâmı hezeyânın ve ihtilâf-ı 'aqlın ibtidâsına delâlet eder.

'Aqldan Me'hûz Olan 'Alâmettir: Hezeyân 'arıđ olup onda ħareket ve đarebân-ı re's ve đarebân-ı munĥur olsa, o 'alâmet-i selîme olur, ammâ vakâr ve sekînet ile olan hezeyân kıttâl olur.

Ĥarekâtta Me'hûze Olan 'Alâmâttır: İhtilâf ve ħalakın keşreti 'alâmet-i ħayr-i ceyyiddir, zîrâ ebhîrenin re'se keşret-i irtifâ'ına delâlet eder. Ve 'alîlin küllü sâ'atin veşbe edip cülûs eylediğı delîl-i redîdir, zîrâ o veşbe kerb veyâhüd ihtilâf-ı 'aql veyâhüd đıķ-ı nefes ve ħunâķ ve zât-ı riyeden biri ile ħâdiş olur ve sebeb-i ahîr ile ħâdiş olan erde' olur. Ve veşbe-i mevşûfenin

ekşeri hunāk ve dîk-ı nefes sebebiyle olur her ne kadar esbâb-ı uhrâ ile dahi 'ârîd olur ise. Ve kezâlik a'ḍâ hareketten şakıl olsa o dahi delîl-i redî olur. Ve kaçan ezâfır kemidü'l-levn olsa mevt hâdırıdır. Ve ra'ṣe 'alâmet-i rediyyedir eger buhrân-ı ceyyid hasebiyle 'ârîd değil ise.

Evhâmdan Me'hûze 'Alâmettir: Ve kaçan marîḍin mevt ve helâkten havfî keşîr olsa hâtarıdır.

Teşâ'üb ve Temattîden Me'hûze Ahkâmdır: Teşâ'üb ve temattîden her biri faḍlı def için ṭabî'atın a'ḍâ-i 'adâlâniyyeyi ṭahrîki sebebiyle hâdiş olur. Ve mādām ki 'uḍv-ı saḥîf veyâhûd mādde ḳalîle ve mücîbe ola def-i faḍl için teşâ'üb temattîye hâcet olmaz belki onlara ihtiyâc o iki hâlin çıddı bulunduğa olur ve eger onlar ile ya'nî temattî ve teşâ'üb ile harrdan berde intikâl olup o hâl ṭabî'ata red ve mu'în olup reddi 'alâmete olur, zîrâ keşîren delâlet eder ki ṭabî'at ṭahlîlden 'âciz olup keşret-i mevâdd veyâhûd ḍa'f hasebiyle lifin me'ûnetine muhtâc olur.

Ahlâmdan Me'hûz Olan 'Alâmât: Marîḍ olan kimse ekşeriyyâ menâmindā buhrânî cinsinden olan nesneleri rû'yet eder, meşelâ 'arâḳ ile buhrânî olur ise o kimse rû'yâsında ḥammâma dâhil olur ve duḥûle teheyyü eder.

Şehvât ve 'Aṭaştan Me'hûz Olan 'Alâmettir: Emrâḍ-ı müzminede şehvetin zevâlî 'alâmet-i rediyyedir; hâdde dahi müzmîne gibidir lâkin maraḍ-ı hâdde şehvetin suḳûtunun redâ'eti müzminede olan suḳûtun redâ'etinden dündür. Ve bi'l-cümle şehvetin zevâlî ahlât-ı fâsideye veyâhûd ḳuvvet-i nefsâniyyenin ve ṭabî'iyyenin mevtine delâlet eder. Ve kaçan ḥummâ-ı muhrîḳada 'aṭaş bâṭıl olsa delîl-i redî olur ḥuşûşan lisân esved ola.

Yerekândan Me'hûze Olan Ahkâm ve İstidlâlâtır: Ḳable'l-yevmî's-sâbi' ve ḳable'n-nuḍc yerekân 'ârîd olsa berdi olur lâkin ba'ḍıların zu'mu üzere o vâḳtte onun maḍarratını ishâl tedârük ve telâfî eder ise redî olmaz. ḳıyâs dahi onun üzerinedir. Ve'l-hâşıl yevm-i sâbi'den muḳaddem olan buhrân, buhrân-ı maḥmûd olmaz [486b] ve o buhrân mādām ki 'alâmât-ı uhrâya muḳârin olmadıkça selîm olmaz. Ve eger sâbi'de veyâhûd tâsi'de veyâhûd râbi' 'aşerde ma'a-'alâmetin maḥmûdetin yerekân 'ârîd olup nâhiye-i kebidde âfet ve şalâbet ve evrâmdan biri olmasa o yerekân maḥmûd olur ve çok kerre o mişlli yerekân buhrân-ı tâmm olur ve onun maḥmûd olduğuna yerekân 'urûḍundan sonra ḥiffet ḥâşıl olduğü delâlet eder ve ondan sonra

hıffet hâşıl olmaz ise redâ'etine delâlet eder. Ve kezâlik redâ'et-i yereķā-na onda ihtilâf-ı mirâr keşir olup hâric olan mirârın galeyânı dahi delâlet eder. Ve kezâlik eşyâ-ı zebediyye-i muhrikanın hurucu dahi delâlet eder ve bu mişlli yereķāndan havf olunur lâkin o havfı ishâl-i bâliğ ü münakķının hudûsu tedârük eder. Ve kezâlik 'arak-ı sâbig 'arîd olup kuvvet dahi kavîye olur ise bi-sür'atin hıffet 'arîd olup onun mađarratı tedârük olur.

Evrâmdan Me'hûze Olan Delâildir: Hummayât-ı hâdde evvelâ hâdişe olup ba'de evrâm meğâbin ve etrâfa o hummâ te'eddî eylese redîdir ve onun redâ'eti evvelâ evrâm-ı mezkûre hâdişe olup ba'dehu bi-sebebi'l-ufûnet hummayâta te'eddî edenlerin redâ'etinden ekser ve erde' olur. Ve aşl-ı üzünde evrâm olup o verem nuđc ve teheyyüc eylemez ve veremi istifrâğ dahi ta'ķib eylemese redî olur, ammâ bu mezkûrlardan biri olmayıp nuđc ve 'akıbında istifrâğ-ı kavî olmasa 'alâmet-i rediyye olur. Ve kaçan hurâca ve sâir ahlât-ı ğayr-i nađiceye nuđc 'arîd olsa o nuđc seni mağrûr eylemek câiz olmaz, zirâ o nuđc muğnî deĝildir, bu mişlli hâl ekseriyyâ hâdiş olup zann olunur ki vakt vakt inhiât ve helâkten emn zamânıdır ve ma'a-hâzâ onlar yine kâtil olur. Ve beşr ve veremden her biri zâhir olup ba'dehu ğâir olsa redî olur lâkin ba'de'l-ĝu'r yine zuhûra 'avdet eylese kuvvet-i tabî'ate delâlet eder ve ba'dı kerre o zuhûr ve ĝu'r tabî'atinde olan bir nesne hasebiyle insâna mu'tâd olur ve onda redâ'et-i şedîdeye delâlet olmaz.

Hey'et-i Büşür Mişllilerden Me'hûze 'Alâmâtır: Hummayât-ı hâddede himmaşa miķdârı beşre-i esved zuhûr eylemek cidden redî olur ve kaçan o beşreler işâre olunsa o kimse yevm-i şânide keşiren helâk olur. Ve ķurûh-ı bedenin huđret ve sevâd ve âsmâncüniyyet ve şufret işbu elvândan birine istihâlesi 'alâmet-i rediyye olur velâkin şufrete istihâlenin redâ'ete delâleti sâir elvân-ı mezkûreye istihâlenin redâ'etine delâletinden eħaff olur. Ve deyildi ki marîdin rûkbesi üzere 'ineb-i esved mişlli bir şey' zâhir olup etrâfı aħmer olsa o marîd 'âcilen helâk olur; eger elli gün miķdârı hayâtı mümtedde olur ise onun 'alâmet-i mevti sovuk ter dök-tüğü olur. Ve eger 'unuķta olan verîd üzere habb-ı hırva' şebîhi bir nesne olup onunla dahi haşaf-ı ebyad keşiren zuhûru olup ona eşyâ-ı hârreye şehvet 'arîd olur ise o kimse yevm-i işrînde helâk olur. Ve lisânda zuhûr eden büşür-i mühlikeyi biz zikr eyledik.

Ve deyildi ki hummâda eyyü hummen-kâne iki yedin cemî'an eşâbi'î üzere hâbb-ı kirsenne mişâlinde verem-i esved zuhûr edip veca'-ı şedîd olsa o kimse râbî'de helâk olur ve ona şikâl 'arîd olur ve sübât eger tabî'at mu'tekîle ise onda sersâm dahi hâdiş olur ve ba'đı kerre onun i'tikâli bir meblağa bâliğ olur ki tabî'atı istiḥcâr eder.

Hey'et-i 'Urûktan Me'hûz Olan 'Alâmâtıdır: İbukrât dedi ki cebîn ve cüfûn ve terkuve katlarında vâkı' evride-i şığâr muntaşib olup istikâmet üzere olsa redî olur. 'Urûk-ı zâhirenin levni olduğu ḥâlden tatvîse ve ferfîriyeyte tağayyür eylese ve kezâlik gavrda olup rü'yeti mu'tâd olmayan ḥârice zuhûr etmekle muṭavvesen rü'yet olunsa o dahi redî olur.

Nâfidden Me'hûze 'Alâmâtıdır: Kesîrî'l-mu'âvede olan nâfiḍ ma'a-ḍa'fin hummâ-ı şa'bade mühlîktir ve o mişlli nâfiḍ ma'a-şebâti'l-kuvve hummâ ile kal' olunmazsa o dahi ceyyid değildir. Ve cümlesinden erde' o nâfiddir ki ona necâh ve necâta mü'eddî olmayan istifrâğ tâbi' ola ve o istifrâğ hummâyı teskîn eylemeye, zîrâ o istifrâğ delâlet eder ki onda hılt müteḥarriktir, definden tabî'at 'âcizdir, pes o nâfiḍ redîdir. Ammâ min-ğayri mu'âvedetin 'arîd olan nâfiḍ onda faşl-ı hüküm şihḥate kârîb olmaz ve bilinmez ki merreten vâkı' olan nâfiḍ kuvvetin ifrât-ı ḍa'fı ḥasebiyle mi vâkı'dır yâḥûd âḥer sebeb ile mi 'arîddir ma'lûm olmaz.

İstifrâğın Ahkâmıdır

İshâl ve kay' ve ğayri ile olan istifrâğdan nâfi' olan istifrâğ ba'ḍe'n-nuḍc olanlardır. Ve istifrâğa lâyıḳ olan, hılt-ı müziyi istifrâğdır ve sühûlet ile ḥâşıl olup 'aḳıbında ḥiffet hâdiş olan istifrâğdır. Bi-devâin ve bi-ğayri devâin vâkı' olan istifrâğın hılt-ı müziyi ifnâ eylediğinin 'alâmâtı müstefriğin hılt-ı âḥeri istifrâğa bidâyesi olur. Ammâ istifrâğ gâhca olur ki hılt-ı müziyi istifrâğdan ḥurâṭaya ve cürâde ve dem-i esved ve hılt-ı müntin istifrâğına intikâl eder ve yâḥûd kay' ile hılt-ı şırf istifrâğına intikâl eder.

Ve kaçan istifrâğda kuşur olsa vâcib olur ki ona i'ânet oluna. Ve kaçan nuḍc-ı zâhir yok iken istifrâğda ifrât olsa onun nef'ine vüṣûḳ ve i'timâd olunmaz. 'Araḳ ve ru'âf ve ğayriler ile vâkı' olan istifrâğ-ı ḍa'if delâlet eder ki tabî'at māddeyi def' için ḥareket eyledi velâkin def'e kavî olma-

yıp tamâmen istifrâğdan 'âcize oldu. Bu şürette 'alâmât-ı uhrâ dahi seyyi'e olur ise mevte delâlet eder ve eger 'alâmât-ı seyyi'e olmaz ise tûl-i marađa delâlet eder.

Ahkâm-ı 'Araştır

Emrâđ-ı hâddede ve müzminede ve kezâlik balgamiyyede ve haşarlı ev-râmda ve evrâm-ı ahşâda 'araştır ile buhrân ni'me'l-buhrân olur.

Sebeb-i Keşreti'l-'Araştır: Keşret-i 'araştır esbâbı maddenin keşreti veyâhüd maddenin rikķati veyâhüd kuvve-i dâfi'anın iştidâdı veyâhüd kuvve-i mâ-sikenin istirķâsı veyâhüd kuvve-i dâfi'anın iştidâdı veyâhüd esbâbından bir sebep ile mecârî-i 'araştırın ittisâ'ı cemî'an bu mezkûrlar keşret-i 'araştırı sebeb olur. Ve kılllet-i 'araştırın esbâbı keşret-i 'araştır esbâbının addâdı olur. Ve kaçan hürüc eden 'araştır mesh olursa artıp ekşer olur ve terk olursa munkatı' olur.

'Araştırı A'đâ Muhtelif Olduğının Beyânıdır: Ba'đı kerre a'đânın ta'ar-ruķı muhtelif olur, kiminin 'araştırı keşir ve kiminin nokşân veyâhüd 'adım olur. 'Araştır marađı fâile olan maddenin bulunduğú uđvda keşir olur ve bir uđvda mädde-i fâile olmasa veyâhüd onun mesâmmâtında esbâbdan bir sebep ile dayyık olsa onda 'araştır kâlil olur. Ve bu kabilden olup dâimâ bir cânibe ıdticâ' eden kimsenin cânib-i ıdticâ'ının kılllet-i 'araştırı, zîrâ cânib-i mezkûrda mesâmmât ıdticâ'ı hasebiyle münđağı olup câffe olur ve ruţûbât ona ve ondan hârice seyelân eylemez ve hâlfte ya'nî ensede olan a'đâda meşelâ zâhrda 'araştır keşir olur ve zâhrın 'araştırı şadr mişlli quddâmda olan uđvun 'araştırından ekşer olur. Ve e'âlî-i bedenin 'araştırı esâfil-i bedenden ekşer olur huşuşan 'araştır-ı re'sin keşreti ezyed olur.

Ta'arruķta ve Ğayride Vâķi' Olan İhtilâf Ahvâlidir: Nevmdde 'araştır yaķazada olan 'araştırdan ekşer olur, zîrâ hârr-ı ğazîrinin ruţûbâtta taşarru-fu nevmdde ekşer olur, yaķazada taşarrufu ondan eķall olur, zîrâ yaķazada nefsin ezâsı su'ûbetli olur ve su'ûbet-i ezâ mevâddı bātına tahrîk eder. Ve İbuķrât dedi ki mücib-i 'araştır yok iken nevminde keşiren terleyen kimsenin keşret-i 'araştırı delâlet eder ki o kimse tahammülünden ekşer bedenine ğidâ tahmîl eylemiştir ve eger o hâl vâķi' olup şâhibinin nâil-i ğidâ olmadığı ma'lûm olursa sen bil ki o kimse istifrâğa muhtâcdır, zîrâ

şahîhu'l-kuvve olanlarda keşret-i 'arâk ancak keşret-i mādde [487a] hasebiyle olur, zîrâ mevâddın keşreti katında tabî'at onu def'e taşaddî eder. Ve mevâddın keşreti ba'dı kerre sebep-i karîb ile olur imtilâ-i karîb gibi ve imtilâ-i karîb me'ûmât-ı vaktiyeden olur ve bu imtilâyı def' eder cû' veyâhûd riyâdet veyâhûd 'arâk-ı tabî'î ve mevâddın keşreti ba'dı kerre dahi sebep-i ba'id-i müte'âdim ile olur ve o imtilâ fu'ûl-i sâbika ile olur ve onu ancak bedeni münakkî olan istifrâğ def' eder. Ammâ 'arâk ba'dı kerre o mevâddın la'tifini ve rakîk ve kalîlini def' edip fâsid ve 'âşî-yi bedende terk eder ve tabî'at o hılt-ı fâsidin şikâli tahtında kalıp da'ife olur. Ve ma'lûm ola ki harâret-i ğarîziyye ne miqdâr aqvâ olursa bi-hasebihâ tahallül dahi ahfâ olur ve onda 'arâk olmaz meger ki ona esbâb-ı uh'râ hasebiyle 'arâk 'arîd ola ve ona binâen 'arâk tabî'attan hâric olur ise yâ imtilâ' ve keşretten veyâhûd şiddet-i ittisâc-ı mesâmmadan 'arîd olur veyâhûd ha'dm-ı ceyyidden kuvvetin 'aczinden veyâhûd şiddet-i hareketten olur.

'Arağın Keşret ve Kılleti Eyyâmı Beyânıdır: Emrâd-ı hâddede 'arağın keşreti günü yevm-i şâliş ve yevm-i hâmistir, yevm-i râbi'de 'arağ kalîl olur ve belki emrâd-ı hâdde yevm-i râbi'de vücûh-ı uh'râ ile dahi buhrân eylemez illâ nâdiren o günde buhrân olur. Ve mücerribünün zu'mu üzere yirmi yedi ve otuz bir ve otuz dört işbu eyyâmı marîdin ta'arruku kalîl-lü'l-vukû' olur.

'Arağtan Me'hûz Olan Vücûh-ı İstidlâlâtıdır: 'Arağ melmesi hasebiyle harâret [ve] bürüdetten birine ve melmesi hasebiyle şâf olduğuna veyâhûd şufret ve hu'dretten birine meyli olduğuna ve ta'mı hasebiyle hulv veyâhûd mürr veyâhûd humûdata mâil olduğuna delâlet eder. Ve râyihası hasebiyle müntine ve hâmi'de ve hulve ve ta'm-ı sâireden birinin râyihasına delâlet eder. Ve aqvâmı hasebiyle rakabeti veyâhûd lezic olduğuna delâlet eder. Ve miqdârı hasebiyle keşir ve kalîl olduğuna delâlet eder. Ve mevdi'i hasebiyle sâyig veyâhûd kâşır olduğuna ve hangi 'u'dvdan olduğuna delâlet eder. Ve vakti hasebiyle ibtidâ ve intihâ ve inhi'tât zamânlarının hangisinde vâki' olduğuna delâlet eder. Ve 'âkıbeti hasebiyle hiffet ve ezâ ve nâfid ve kuşa'rîret ve onlar mişlli nesnelerin hangisi 'arağı ta'kîb eylediğine delâlet eder.

Min-Ciheti'l-‘Arağ Me’hûze Olan ‘Alāmâtıdır: Harâret-i hummâ katında olan ‘arağ-ı bârid cidden ‘alâmet-i rediyyedir huşuşan re’s ve rakabeye mahşûş ola, o ‘arağ hârr olsa dahi ğaşyi inzâr eder; bârid olur ise ne keyfiyyette olduğunu ona kıyâs eyle. Hummâ-ı hâddede o ‘arağ-ı bârid aşnâf-ı ‘arağın erde’i olur, zîrâ o ‘arağ ğaşy-ı sâbıka delâlet eder, ğaşy-ı âtiye onun delâleti yoktur; eger o ‘arağ-ı bârid şâhibinin hummâsı ‘azîm ise mevt karîb olur. ‘Arağ-ı bârid ancak harâret-i ğarîziyyenin suķûtunda olur ve suķût hasebiyle harâret ruķûbatı hıfzdan ‘âcize olup ruķûbatın sebîlini tahliye eder ve harâret-ı ğarîbe ona istilâ edip ruķûbeti tefriķ ve tebhîr eyledikten sonra ğarâbeti hasebiyle o harâret müfâraķat eyledikte o ‘arağ bâriden ħurûc eder.

Ve ‘arağ-ı munkatı‘ redîdir. Ve ‘arağ-ı keşîr mâddenin keşreti hasebiyle tûl-i marađa delâlet eder. Ve ‘arağ-ı bârid şâhibine da‘fına binâen faşd ve ishâl muvâfık olmaz belki ona ħukun-ı leyyine muvâfık olur.

Ve kaçan ‘arağı ħiffet ta‘ķîb eylemese ‘alâmet-i ceyyide değildir. Eger ‘aķîb-i ‘arağta ezâ ziyâde olursa ‘alâmet-i redî’e olur, her ne kadar o ‘arağ cemî‘an bedeni istî‘âb dahi ederse.

Ve evvel-i marađa müsâri‘an zühûr eden ‘arağ redîdir, keşret-i māddeye delâlet eder meger ki o ‘arağın müsâra‘ası keşret-i emtâr hasebiyle havânın ruķûbeti sebebiyle ola, o mişlli sebep ile hâdiş olan ‘arağ-ı bârid dahi her ne kadar redî olur ise onun redâ‘eti marađ hasebiyle olan ‘arağın redâ‘etinden eķall olur.

Ve çok vâķi‘ olur ki marađ ‘araķile ibtidâ edip ba‘dehu ona hummâ tâbi‘a olur ve o hummâ tavîle olur. Ve eger ‘arağ ile iķşî‘râr ‘ârıd olur ise ceyyid olmaz belki redî olur. Ve onun sebebi budur ki iķşî‘râr mûzî ve redî olan ħıltın bedende intişârına delâlet eder ve intişâr dahi aĥlât-ı redîeden bi-muĥâlâta‘ı r-ruķûbât meksûretü’l-ĥiddet olup tenķiye olunmayan ruķûbâtın ‘arağ ile taĥallülüne delâlet eder ve yine delâlet eder ki mādde keşîre olmakla istifrâğ-ı ‘araķî ile tamâmen taĥallül etmemekle mādde-i bākîye iķşî‘rârı ihdâş eylemiştir.

Ve kaçan kuvvet ve nabđ da‘îf olup cebîninde ‘arağ ķalîl olsa ‘alâmet-i rediyyedir. Ve eger nabđ sâķıķ olur ise mevt hâşıldır.

Ve o ‘arağ-ı ceyyid ki onunla tamâmen buĥrân ola, ancak yevm-i buĥrânide olup cemî‘an bedeni istî‘âb eder ve onda keşret ve ğazâret olur

ve o 'araktan sonra marîda hîffet hâşıla olur. Ve ondan sonra ceyyid olan 'arax o 'araktır ki cemî'an bedene 'amm olmaz velâkin ondan sonra marîda hîffet gelir.

Ve bi'l-cümle 'araxın ahvâli tefak্কud ve tefahhuş olunur, harâret ve bürüdet keyfiyyetleri ve levn ve râyiha ve ta'm keyfiyyetleri ve kemmiyyetinin kıllet ve kesreti ve hurûcunun ezminesi ya'nî ibtidâ ve intihâ ve inhiât zamânlarının hangisinde hurûc eylediği ve kezâlik muğârin olduğu hummânın kuvvet ve da'fı ve 'arax 'akîbinde hîffet ve şikâlden hangisinin huşulü vardır ta'arrüf olunur.

Ve ma'lûm ola ki nâkıhın 'araxı keşir olur maddenin beğâyası hasebiyle ve be's yoktur ki ondan faşd-ı yesir oluna.

Cihet-i Nabddan Me'hûze Olan 'Alâmâtıdır: Maṭrakî ve nemlî ve minşâ-riyyet-i şedîde ve mevcıyye cemî'an bu nabḍlar redîlerdir ve ma'a'd-ı da'f ğazâlî dahi redîdir. Ve o nabḍ-ı muhtelif ki onda evvelâ inkişâ'-ı şedîd ve harekât-ı da'fe olup ba'dehu tedârük için nabḍ-ı kavî aḥz oluna ve o tedârük müteväliyen ve mütedâriken olmayıp vakt vakt ola, işbu minvâl üzere olan nabḍ cidden redî olur. Ve eṭıbbâ dediler ki cânib-i eyserin nabḍı mütevätir olup nabḍ-ı eymen mütefâvit olsa ve onda da'f dahi olsa delîl-i redî olur.

Ve ma'lûm ola ki nâstan çok kimselerin min-ğayri maraḍın nabḍ-ı ṭabî'i-si muhtelif-i redîdir, pes o nabḍ rü'yet olundukta vâcib olur ki o redî nabḍ ṭabî'i midir yâḥûd maraḍ hasebiyle 'arîḍ mıdır ta'arrüf oluna.

Ru'âf Ahkâmıdır

Sersâm ve kebidin evrâm-ı hârresi ve taht-ı şerâsîfte olan evrâm-ı hârre cemî'an bu maraḍlar ru'âf ile buḥrân-ı tamm ederler. Ammâ sersâm iki munḥurların her birinden buḥrân eder ve ammâ âḥerleri verem cânibinde olan munḥurdan buḥrân eder. Ve kezâlik hummayât-ı muḥrıka dahi ru'âf ile tamâmen buḥrân edip sersâm gibi min-eyyi munḥurun kâne buḥrân eder: Ammâ zâtü'r-riye ru'âfla buḥrân eylemez. Ve zâtü'l-cenbin emri ru'âf ile buḥrân huşuşanda emr-i vasattır. Ve ba'dı kerre ğıbb dahi ru'âf ile buḥrân eder. Ve ekşer-i hâlde nâfi' olan ru'âfın 'urûḍu tek günlerde ve ifrâdda olur ve yevm-i râbi'de vukû'u nâdir olur ve onun vukû'u yevm-i hâmis ve yevm-i sābi' ve tâsi'de olur.

Ve kaçan marîdde ru'âf-ı hayr me'mûl ve mercû olsa velâkin marîd da'if olsa Bukrât'ın ta'lîmi üzere o marîdin ru'âfına i'ânet olunup re'sine mâ-ı hârr şabb olunur ve re'sine kimâd dahi vađ olunur. Ve kezâlik ru'âfın ifrâtıdan havf olursa mâ-ı bârid ile ve kezâlik ru'âf hangi munhurdan hüruc eder ise onun cânibinde olan şerâsîf tahtına mihceme vađ olunmakla ru'âf men' olunur.

Ve ru'âfın ecvedi şıkk-ı 'alîl cânibinden olan ru'âftır; cânib-i 'illetin hilâfı cânibinden vâkı' olan ru'âf o cevdette olmaz, cevdeti ondan dün [487b] olur. Ve ru'âf buhrâna elyak olan evrâm fevka's-sürre olan verem olur. Ve verem-i balgâmiden ve tahaccür edip tûl-i müddet bâkî olan veremden tefettüh ve inficâra tevaqqu' olunur, ondan ru'âf mislli buhrân me'mûl olmaz. Ve dimâğda vâkı' evrâm-ı bârideden ve kezâlik zâtü'r-riyeden ru'âf ile buhrân tevaqqu' olunmaz.

Ru'âftan Me'hûze Delîl Beyânındadır: Ru'âf-ı kalîl redî olur ve ru'âf-ı redînin ekseri esvedü'd-dem olur. Dem-i aħmer-i müşrik u berrâk ile olan ru'âf redî ve kalîlî'l-vukû' olur. Ve yevm-i râbî'de vâkı' olan ru'âf 'usr-i buhrâna delâlet eder belki buhrân-ı ru'âfiyyenin ecvedi ifrâdda vâkı' olur.

Uṭāstan Me'hûze Olan Delâildir: Zamân-ı intihâda vâkı' olan uṭās cey-yid olur ve zamân-ı ibtidâda vâkı' olan uṭās zükâma ve hılt-ı lezzâ'a delâlet eder.

Berâz Ahkâmıdır

Kitâb-ı evvelde kelâm-ı küllî vü muhtaşar ile berâzda biz tekellüm eyledik, bize şimdiki hâlde vâcib olan budur ki berâz bâbında zıkr olunan o akvâli fađl-ı işbâ'la işbâ' ve iş'âb eyleyeyüz ve emrâd-ı hâddede ona müte'allîk olan kelâmı baş eyleyeyüz. Ve ma'lûm ola ki 'arağ-ı keşir ile ta'ar-ruğ eden kimsede ihtilâf-ı tamm ile buhrân olmaz.

Berâzdan Me'hûze Olan 'Alâmâtıdır: Berâz ile hüruc eden eşyanın ihtilâf-ı elvânı iki vâkte mahmûd olur, evkât-ı sāirede mahmûd olmaz. Eḥadühümâ budur ki o vâkte vâkı' olan ihtilâfı buhrân olan ve 'akîb-i nuḍda ve yevm-i bâhūrîde vâkı' ola ve onda buhrân-ı mahmûd 'alâmetleri ola. Ve sânisî budur ki muhtelif-i kavî olan ihtilâf-ı şûrb-i müşhil 'akıbında ola. İşbu iki şurûtu câmi' olan ihtilâfta vâkı' elvân-ı muhtelifa bedenden mü-

tevak্কı^c olan neķāya delālet eder, ammā bu iki şūretin ğayride berāzın iķ-tilāf-ı elvānı iķtirāķa ve zevebāna ve aķlāt-ı fāsidenin keşretine delālet eder.

Ve berāz-ı şıbyāna ve ‘ıķy-i eţfāle ya‘nī tıflın hāl-i vilādetinde baţnından ħurūc eden nesneye şebīh olan berāz redīdir. Ve evvel-i marađda berāz-ı mirārī mirārın ğalebesine delālet etmekle ğayr-i ceyyid olur, ammā berāz-ı mirārī āķir-i marađda ve ‘inde’l-inĥitāt zuhūr ederse delālet eder ki beden onunla müstenķī olur ve ‘alāmet-i ceyyidedir. Ve kaçan berāz-ı mirārī keşiren munfaşıl olup marađa ħıffet ‘arıđa olmasa ‘alāmet-i rediyye olur ve ‘alāmet-i rediyyeden ve suķūt-ı kuvvetten sonra iķtilāf-ı keşir olup onun ‘aķıbında ħıffet ‘arıđa olmasa delīl-i mevt olur.

Her ne kadar ħummā muķlı‘a dahi olur ise dūsümetli eţime tenāvül eylemeyen kimsenin berāzı üzere dūsümet rüyeyet olursa a‘đā-i aşlıyyenin zevebānına delālet edip delīl-i redī olur velākin helāke delālet eylemez, zīrā merī olan zevebān ba‘đı kerre laħmın zevebānı olur. Ammā ħummayāt-ı ĥāddede berāz üzere şadīde müşābih bir şey^c olup levni aşfer-i müşabba‘ olsa ve netn dahi ğālib olsa mühlik olur. Ve şol iķtilāf ki nevāĥīsinde şey^c-i rakīķ ola delālet eder ki o şey^c şadīd olup mebdē-i nevāĥī-i kebid olur ve o şadīd lez‘i ĥasebiyle berāzı bi-sür‘atin iķrāc eder ve ba‘đı kerre o şadīd vahdehu ħurūc eder. Ve kaçan berāz ile türmüs kuşūru gibi nesne ħurūc eylese bi’l-cümle emrāđda ‘alāmet-i mühlike olur.

Aĥkāmu’l-Ķay^c

Ve yine kitāb-ı evvelde Ķay^c bābında bizim Ķavlimiz sebķat eyledi ve bize vācib olur ki bu maķāmda onlardan ve ğayrdan biraz maķāl irād eyleyeyüz ki onlar bu maķāma mülāyim ola. Ve biz deriz ki Ķay^cın enfa‘ı o Ķay^c-dır ki onun ile ħurūc eden balĝam ile mirār şedīden muĥtelīķ ola ve ğılaızı şedīd olmaya. Ve Ķay^c her ne kadar şırf olursa erde^c olur, zīrā şırfen ħurūc eden mirār ise şiddet-i ĥarārete delālet eder ve baĝam-ı şırf ħurūc eder ise şiddet-i berde delālet eder.

Ķay^cdan Meĥĥūze Olan ‘Alāmāttır: Levni Ķay^c-ı mu‘tādın levnine muĥālif olan Ķay^c redī olur ve o levn-i mu‘tād ebyāđ-ı māī ve levn-i aşferdir ve ona muĥālif olan Ķay^c aĥđar ve kürrāşī ve ĥuşuşan müntin olanlardır ve kezālik sılķı ve aĥmer-i ķānī ve kemiddir ve ziyāde şerrlisi zencārī ve

esveddir ve eger onda baġteten teŝennüc dahi olur ise fi'l-hâl katl eder ve eger o hâlde kuvvet bâkıye ise ba'dı kerre iki gün kadar mütemâdî olur. Ve o levn-i redîler zuhûrunda vâcib olur ki levn-i mezķûrun 'urûdu ŝey'i me'kûlden olmadığı dahi tefahhuŝ ve taħarrî oluna. Ve zıkr olunan elvânı cemî'an kay' cidden redî olur ve kay'-ı müntin dahi cidden redîdir ve bizim zıkr eylediklerimiz üzere kay'-ı sırf dahi redîdir.

Ahkâm-ı Bevlirdir

Kitâb-ı evvelde a'râđ zıkr olunduġu maħallde ve fenn-i evvelde bevl müte'allik ekâvîl-i külliyyenin zıkrı bizden teķaddüm eyledi, ŝimdiki hâlde biz onlardan ve ġayrilerden zıkrı maķâma elyaķ olanları beyân eyleriz. Ve biz deriz ki bevlde nuđc-ı kavî 'alâmeti rü'yet olunmamakla marîđin helâki-ne hûkm ve kađâ câiz olmaz, zîrâ ba'dı kerre marîđde cihâtтан bir cihet ile istifrag-ı kavî hâdiŝ olup mevâdd-ı nađice ve ġayr-i nađiceyi iħrâc etmekle 'alîl hâlâŝ olur. Ve ba'dı kerre dahi tûl-i mühlet ile hılt taħallül eder veyâhûd ġurâc ile buħrân eder ve ġuŝuŝan hılt ŝedîdü'r-redâ'et olmasa o hâller vâķi' olur ve ma'a-hâze'l-i ihtimâl nađic olmayan bevl aġleb-i hâlde redî olur ve marađın kuvvetine delâlet eder ve ekallu mâ-yekûn tûl-i marađa delâlet olur. Ve kezâlik marîđ olan kimsenin evķât-ı marađının küllisinde elvân-ı bevlî ŝihhâtinde olan bevlın elvânı gibi olsa o bevl dahi redî olur. Ve eger marađ ŝu'ud üzere iken bevlın levni dahi taġayyürü aħz eylese o marađ eslem olur. Ve ba'dı kerre emrâđ-ı vebâiyyede bevl ceyyid olup kıvâmında ve levninde ve rüsübunda vech-i tabî'ı üzere olur ve ma'a-hâzâ o bevlın ŝâhibi helâk olur. Ve ma'lûm ola ki çok kerre marîđ olan kimseler kıvâmında ve levninde ve âher ġuŝuŝunda redî olan bevl ile tebevvl eder ve o bevl nefđ-i buħrânî olur ġuŝuŝan o bevl emrâđ-ı hâddede olup sebebi kebid ve nevâhî-i bevl olursa nefđ-i buħrânî olmak aġleb olur.

Bevlın Kıllet ve Keŝretinden Me'hûz Olan 'Alâmât Beyânındadır: Bir marađa bevl ba'dı kerre keŝiren ve ba'dı kerre ķalîlen ġurûc eylese ve ba'dı kerre dahi bevl muħtebes olup marîđ aŝlâ bevl eylemese 'alâmet-i rediyye olur. Ammâ o hâl-i ġummayât-ı hâddede 'arîđ olur ise beyne'l-marađ ve't-tabî'at mücâhede-i ŝedîde vuķû'una delâlet eder, mâddenin ġılaızı ve nuđcu 'usr-i ķabûlü hasebiyle ġâh ġalib ve ġâh maġlûb olup 'usret ve ŝiddet

hâşıla olur, ammâ o hâl hummayât-ı hâdiyede tûlü inzâr eder hılâtın gılağı hasebiyle

Rıkkat-i Bevliden Me'hûze 'Alâmât Beyânındadır: Bevl-i rakîk ba'dı kerre ziyânîtis mişllide vâkı' olur ve onda devâm-ı 'ataş ve sür'at-i kıyâm ve sühûlet-i hürûc olur ve ba'dı kerre rıkkat-i bevl fecâcet hasebiyle ve bi-hasebi's-süded hürûc-ı mevâdda mâni' olmak ile olur ve ba'dı kerre dahi kuvve-i muğayyirenin da'findan mâddede ma'a's-suhûle hürûc olmamakla olur ve bu vechle rıkkatin redâ'eti ziyânîtiste olan rıkkat-i bevlın redâ'etinden ekall olur. Ve kaçan emrâd-ı hâddede bevl-i rakîk sâbit olup birkaç eyyâm mütemâdî olursa ihtilâta delâlet eder. Ve kaçan ihtilâta urûdundan sonra dahi rıkkat dâim olursa mevt-i serî'e delâlet eder, zîrâ o hâl üzere olan marîdin mevâddı dimâğa haml olunmuştur ve o sebebdan nefsi müte'atlıdır. Ve kaçan o bevl-i rakîk gılağa istihâle edip ba'de'l-istihâle hıffet 'arîd olmasa ba'dı kerre bevlın o gılzati zevebân-ı a'dâ hasebiyle olur ya'nî redî olur. Ve hummâ-ı külliyyenin vaqt-i şu'ûdunda ve tezeyyüdünde bevl-i mâi keşîr olsa esâfilde hudûş-ı vereme delâlet eder ve onda ve ba'dehu olanlarda levne muhâli' olan kıvâm-ı bevlle dahi nazar eyle.

Ve ma'lûm ola ki bevl-i rakîka sevâd muhâli' [488a] olmaz. Ve kaçan sen bevl-i rakîkte sevâd rûyet eylesen sen bil ki onun sevâdı bevl-i şâbiğ hasebiyle veyâhûd mâddede mü'essire olan keyfiyyet-i marâdiyyenin şiddet-i kuvveti hasebiyle olur.

Kıvâm-ı Bevlın Gılağından ve Levninin Kûdûretinden Me'hûze Olan 'Alâmâtıdır: Kaçan bevl-i rakîk bevl-i gâlıze hummâ-ı lâzımede istihâle eylese ve onda 'alâmât dahi ceyyide olsa bi-'arağın buhrâna delâlet eder ve kaçan o hâlde 'alâmât-ı ceyyide olmasa ve hummânın ihtirâkı dahi şedîd olsa kalb ve kebiddan birinde işti'âl olduğuna delâlet eder. Ve kable'l-buhrân bevl-i gâlızin şafası gayr-i ceyyiddir, zîrâ o bevl maddenin ihtibâsına ve definden tâbî'atin 'aczone delâlet eder. Ve bevl gâlız ve kedir olup onda rûsûb olmasa ve o bevl şâf dahi olmasa harâret-i garîbenin şiddeti hasebiyle galeyân-ı ahlâta delâlet eder ve garîziyye-i mündicenin da'fına 'alâmet olup redî olur. Ve bevl-i şehîn ile huşûşan râbi'de olan bevl-i şehîn ile hummayât-ı iyâiyyenin buhrânı keşîrü'l-vukû' olur huşûşan o bevl-i şehîne ru'âf dahi mukârin ola.

Emrâd-ı Hâddede Vâkı' Bevl-i Ebyâd Beyânındadır: Emrâd-ı hâddede bevl-i ebyâd maddenin cihet-i 'urûkun ve âlât-ı bevlî hîlâfına meyl eylediğine delâlet eder ve o şürette ba'dı kerre mevâdd dimâğa meyl edip şudâ' ve sersâm ihdâs eder ve gâhca dahi ba'dı aḥşâya meyl edip vereme delâlet eder ve o şürette eger 'alâmette selâmet var ise ḳalîlen delâlet eder ki mevâdd-ı ḥummâ kay'la ḥurûc eder ve ekṣer-i hâlde ve ḥuṣûṣan 'alâmet-i kay' olmadıkta mevâddın ishâl ile ḥurûcuna ve o ishâli saḥcin ta'ḳîbine delâlet eder. Ve ḥummâ-ı hâddede evvelâ bevl-i ebyâd rakîk olup ba'dehu küdüret ve ma'a-beyâdîhi ḡılaṣ 'ârîd olsa teşennüce ve mevte delâlet eder.

Emrâd-ı Hâddede Zuhûr Eden Bevl-i Esved Beyânındadır: Ma'lûm ola ki emrâd-ı hâddede sevâd-ı bevlle helâke ḥükm ve ḳaṭ' eylemek câiz olmaz her ne ḳadar ḥadd-i zâtında bevl-i esved 'alâmet-i rediyye ise ve her ne ḳadar bevl-i esved-i mezkûre 'alâmet-i uḡrâ-yı sâire muṣāḥib ve mu'âdîd olursa dahi yine helâke ḥükm olunmaz eger 'alilde ḳuvvetin ḳaviyye ve istifrâḡât-ı muḥtelifeye iḳtidârı olduğunu rü'yet eder isen ve min-küllî cinsin vâkı' olan o istifrâḡât-ı muḥtelifeyi istirâḥat ta'ḳîb eylediğini dahi rü'yet eder isen. Ve bu hâlde nisvânda ṭams ile istifrâḡ katında min-küllî cinsin aḥlât-ı rediyye-i muḥtelifeyi istifrâḡ vâkı' olur ve binâen 'aleyh bevl-i mezkûr nisâda eslem olur, zîrâ ba'dı kerre onlara bevl-i esved mevâddı ṭarîk-i ḥayḍdan istifrâḡ sebebiyle 'ârîd olur.

Ve ma'lûm ola ki bevl-i esved her ne ḳadar ḳalîlü'l-kemmiyye olsa bi-ḥasebi ḳilletiḥi ṣerri ve redâ'eti ziyâde olur ruṭûbetin fenâ bulduğuna delâlet eylediği için. Ve kezâlik emrâd-ı hâddede bevl her ne ḳadar ḡalîz olsa ṣerri o miḳdâr ziyâde olur.

Ve kaçan bevl-i esved rikḳate ve leṭâfete mâil olup onda ḡüfl-i müte'alîlik mevcûd ve râyiḥası ḥâdde olsa ve o bevlî vukû'u dahi ḥummayât-ı hâddede olsa şudâ'a ve iḥtilâta delâlet eder. Ve onun aşlah-ı aḥvâlî ru'âf-ı esvede delâlet olur, zîrâ onun mâddesi 'âlîye ve ḡalibedir. Ve ba'dı kerre onda ḥarâret ifrâṭ üzere olmayıp ḳalîlü'l-kemmiyyet ve 'aḍal cānibine mün-defi' ise ḥarâret-i ḡayr-i müfriṭa ḥasebiyle 'araḳ dahi olur ve onun 'araḳına ḳuṣârîret tekaddüm eder.

Ve kaçan bevl esved olup onda ta'alluḳ-ı esved müstedîr ve müctemi' olsa ve o bevlle 'adem-i râyiḥa ve iki cāniblerin temeddüdü ve taḥte'ş-şerâsîf

vâkı' olan verem ve 'arak muķārın olsa mevte delâlet eder. Ve şerâsifte olan temeddüd-i mezķūr teşennüce delâlet eder ve 'arak-ı mezķūr đaf hasebiyle hâdis olur.

Ve sevâda đarib olan bevl-i rakıķ-i mâi rikķati hasebiyle tûl-i marađa ve sevâdı hasebiyle redâ'ete delâlet eder. Ve deyildi ki esved-i eltaf olan bevl-in şâhibi ta'amı istihâ eylese helâk olur. Ve kaçan bevl-i rakıķ-i esved şukret ve ğılaza istihâle eylese harâretin¹⁰⁷ nokşânına ve hadmın vukû'una delâlet eder ve ona hıffet yâ şöhet eder veyâhûd onu taķib eder. Eger istihâle-i mezķûre olup şöhet ve taķib-i mezķûrlardan biri bulunmazsa delâlet ki mevâdd kebide luhûc edip ve istinkâ eylemeyip süded ihdâs eylemiştir ve belki o mevâdd hârre ise verem ihdâs eylemiştir.

Ve hummayât-ı hâddede zamân-ı tavîl kalilen kalilen vâkı' olan bevl-i laţif-i esved re's ve rakabe veca'larına muķārın olur ise bi-tedricin zehâb-ı 'akla delâlet eder ve o hâl nisâda vâkı' olur ise eslem olur.

Emrâđ-ı Hâddede Olan Aķmerü'l-Levn Bevl Beyânındadır: Kaçan bevl aķmer-i rakıķ olup 'alâmât-ı maķmûde üzere vâkı' olur ise sür'at-i buhrâna delâlet eder ve o bevl-i aķmer 'aks üzere olur ise ya'nî ğalîz veyâhûd ğayr-i maķmûd 'alâmet üzere zuhûr ederse sür'at-i mevte delâlet eder. Ve bi'l-cümle bevl-i aķmer şiddet-i iltihâba delâlet eder.

Ve emrâđ-ı hâddede aķmer-i rakıķ bevl şudâ'a ve ihtilâta delâlet eder. Ve bevl-i aķmer-i ğalîz kezâlik emrâđ-ı hâddede eger hurûcu kalilen kalilen ve mütevâtiren olup onda netn dahi olur ise haţra delâlet eder, zîrâ delâlet harâret-i şedîde ve ıdţırâba ve 'acz-i tabî'ata olur ve lâ-maķâle onlar haţarlı olurlar. Ve eger zıkr olunan bevl-in hurûcu ğazîr ve keşîren olup onda şüfl-i keşîr olursa ifrâķa¹⁰⁸ ve şıh ate tev  he delâlet eder ve huşu an o bevl hummayât-ı muhteli ede vâkı' olur ise delâlet-i kaviiyye olur.

Ve emrâđ-ı hâddede dem-i sırf bevlî kıattâl olur, zîrâ onun delâleti harâret-i şedîde ve ıdţırâb ve 'acz-i tabî'ata olur ve lâ-maķâle onlar haţarlı olurlar ve eger zıkr olunan bevl-in hurûcu ğazîr ve keşîr olup onda şüfl-i keşîr

107 "Harâret"ten murâd harâret-i ğarîbedir.

108 مَا أَمَارُ إِفْرَاقِ الْمَوْزُودِ فَقَالَ الرَّحْضَاءُ eyitti ki: Ya'nî hasta ifâķat bulmasının 'alâmeti nedir dedikte, عَرَقُ ['arak]tır dedi. Ve رُحْضَاءُ [ruhađâ] râ-i mühmelenin đammı ve hâ-i mühmelenin fet i ile ve đâd-ı muceme ile عَرَقُ ['arak] ma'nâsımadır. Vankulu.

olur ise ifrâka ve şihhate tevcih delâlet eder ve huşuşan o bevl hummayât-ı muhteliçede vâki olur ise delâlet-i kaviyye olur. Ve emrâd-ı hâdede dem-ı şırf bevlî kattâl olur, zîrâ o bevl delâlet eder ki hiddet-i galeyânı olan imtilâ-i demevî-i şedîd vardır ve ondan tecâvî-f kalbde vâki olan ihtinâk mişli ihtinâk vukû'undan havf olunur eger mevâdd kalbe meyl eder ise ve eger mevâdd-ı dimâga mâile ise sektenen havf olunur.

Ve hummayât-ı i'âyîyyede cidden aħmer olan bevl gılaza meyl edip ve ba'dehu şüfl-i keşir zühür edip velâkin o şüfl rüsüb eylemese ve onda şudâc dahi olsa tül-i marađa delâlet eder, zîrâ onda olan mâdde aşiyedir ve işyân hasebiyle evvelâ onda gılzat hâdis olmamıştır ve gılzat hudûşundan sonra dahi bi-sür'atin rüsüb hudûş etmemiştir velâkin o mişlli bevl buhrânın arak ile olduğuna delâlet eder mevâddı urûka meyl eylediği için ve bu mişlli bevl yerekânî bevl müşâbih olup beynehümâda fark yerekânî bevl in işâbet eylediği şevbi işbâğı ve bu bevl in adem-i işbâğı olur.

Ve bi'l-cümle cevheri ve şüflü aħmer olan bevl nehve ve fecâcete ve tül-i marađa delâlet eder ve huşuşan humret-i şedîde olmaya ve küdürete mâil ola. Ve hummayât-ı hâdede bevl-i aşkar beyâđa veyâhüd sevâda istiħâle eylese redî olur, zîrâ bevl-i ebyad mâddenin re'se şu'ûduna ve bevl-i esved keyfiyyet-i marađın ihtidâdına delâlet eder.

Rüsûbdan Me'hûze Olan 'Alâmât Beyânındadır: Levn ve kıvâmda muhtelif olup ahlât-ı muhtelifenin keşretine delâlet eden rüsüb redî olur ve o rüsübun erde'i aşgarü'l-eczâ olanlardır ve delâlet eder ki tabî'at mevâddı def'e evvelâ kâdire olmayıp ona kudret-i mâddenin teşâğgurundan sonra gelmiştir. Ve ekser-i hâlde rüsübun melâsetinin hayra delâleti rüsüb-ı ebyadın hayra delâletinden ekser olur, zîrâ çok vâki olur ki humrete mâil olan rüsüb ebyad olmakla onun şâhibi ta'ayyüş eder. Ammâ melâseti olmayan şüfl-i ebyadın şâhibi helâk olur, zîrâ melâseti olmayıp ceriş ihtilâfı gibi muhtelif olan şüflde kıvâm olmamakla indifâı kâbüle şalâhiyyet olmaz ve sühûlet-i indifâ kıvâm-ı şâlihde levn-i şâlihi olan mevâddın sühûlet-i indifâından ekser olur.

Ve kezâlik eczâsı şağir rüsüb dahi delâlet eder ki marađdan ahlât keşiren münfa'il olmamıştır, nitekim rüsüb-ı ceyyidin eczâsı şağire olsa o rüsüb delâlet eder ki tabî'atın onda cidden fi'li ve te'siri [488b] olup marađın onda

fî'li olmamıştır. Rıgıvî ve zebedî olan rüsüb-ı ebyadın beyâdı muhâlağa-i havâ hasebiyle hâricen 'ani't-tabî'a cidden redî olur. Ve rüsüb-ı hâm dahi redîdir. Ve e'âlîsi müstedakk ve müteharrik olan rüsüb e'âlîsi mütesatṭah-ı cāmîd ya'nî gayr-i müteharrik olan rüsübden efḍal olup maraḍın hâdd ve serî'ü'l-müntehâ olduğuna dahi edell olur.

Ve evvel-i emrde min-gayri sebkin rikḳatın ve fıkḍânın vâkı' olan şüfl delâlet eder ki onda hılt-ı keşîr vardır ve onun hıltın naḍîc olduğuna delâleti olmaz belki nuḍcdan sonra olan rüsüb vaqt-i ibtidâda bevl rakîḳ ve rüsüb kalîl olmakla olur ve bu şurûṭ bulunmasa delâlet eder ki o marîḍde mevâdd-ı şüflüyye-i ḡalîza keşîre ve maraḍ şakîldir. Ve kezâlik min-gayri rüsübün şıbgın şiddeti hayra ve nuḍca delâlet eylemez, zîrâ ba'dı kerre şiddet-i şıbg elem ve şiddet ve harâret ve cû'la hâdiş olur ve câyi'in şıbg-ı bevl ziyâde ve şüflü kalîl olur.

Ve rüsüb-ı aḥmer demin keşretine ve nuḍcun te'eḥḥürüne delâlet eder ve o rüsüb-ı aḥmeri ḥummayât-ı muhrıḳada kerb ve ḡamm müstaşşıb olur ve eger kırk güne kadar mütemâdî olsa 'illet tavîle olup buhrân ondan buhrân altmış günde dahi recâ olunmaz. Ve fevke meyli olan şüfl-i aḥmer-i müte'allik emrâḍ-ı hâddede vâkı' bevl-i laṭifte olursa ihtilâṭ-ı 'aḳla delâlet eder ve eger o hâl mütemâdî olursa ondan 'aṭab ve helâḳ ḡavf olunur. Ve eger bevl ḡılaṣa mâil kıvâmı aḥz ederse ve ta'alluk dahi rüsûbu ve tebayyudu aḥz ederse selâmete delâlet eder.

Ve ḥummayât-ı hâddede laḥm kıṭ'ası gibi olan rüsüb onda delâil-i nuḍc yok ise a'ḍânın incirâdına delâlet eder ve o incirâd külyeden değildir. Ve eger o rüsübda nuḍc mevcûd ise ve ḥummâsı yok ise hâl-i külyeden senin bildiğin nesnelere delâlet eder. Ve eger kuşûr-ı semeke müşâbih rüsüb olup onda 'alâmet-i nuḍc olmasa ve ḥummâ dahi hâdde olsa o rüsüb ḥummânın 'aşabı ve 'izâmı ve 'urûḳu ceredinden olur ve ammâ ḥummâ-ı ḡaddenin gayrilerinde meşâne incirâdınandır ve rüsüb-ı nuḡâlî dahi ona delâlet eder ve dahi delâlet eder ki ḥummâ 'umḳtan tecrîdi aḥz eyledi. Ve meşâne cürâdesi ile cürâde-i 'umḳun farkı budur ki meşânî cerâdesinde meşânede elem olur ve nuḍc olup onda ḡılaṣ olur.

Levn ve Kıvâm Sebepleri ile Bevlde Olan Aḥvâlden Me'ḥûze 'Alâmâtı: Ve o 'alâmetlerin evvelkisi ebvâl-i dühniyyedir. O bevl-i dühnî ki onun

levn ve kıvâmı dühn levnine ve kıvâmına müşâbih olur, o bevl her ne kadar redî ise lâkin delâil-i uhırâ selâmete delâlet ederse onun şey'-i mekrûha delâleti olmaz velâkin rüsüb zeytî olur ise cidden redî olur ve bi'l-cümle zeytî-i hâliş rüsüb redî olur. Ve zeytî-i hâliş o levndir ki onda ma'a-şufret ve hıdret levn-i dühn rü'yet olunur. Ve kaçan zeytî bevl-i esvedden sonra 'arıd olsa Rûfus-ı hekîmin şehâdeti üzere hayra delîl olur. Ve zeytinin erde' evvel-i marađda olan zeytîdir. Ve kaçan marađın redâetine edille delâlet edip râbi'de bevl-i zeytî zühûr eylese yevm-i sâdiste 'alîlin mevtini inzâr eder.

Ve 'alâmât-ı maħmûdesi olan bevl def'aten 'alâmet-i mezmûmeye tağayyür eylese eger o tağayyür emrâđ-ı hâddede ise mevte delâlet eder, zîrâ o tağayyür şu'ûbet-i emrâđ hasebiyle kuvvetin sukûtuna delâlet eder. Ve ba'dı kerre bevl-i dühnî ihtilâf-ı 'aqla delâlet eder, zîrâ cefâf hâdis olur.

Ve hummâ-ı hâdde olup lisâna yübûset 'arıd olsa ve bevlde dahi dem-i câmid gibi kıt'alar olsa 'alâmet-i rediyye olur ve bu hâl üzere olan bevl esved olur ise erde' olur. Ve hummâ-ı hâdde[de] bevl ile demin seyelânı ancak şiddet-i harâfet ile ve ev'iyenin ve cedâvilin inficârı ile olur ve bu demin cmûdu şiddet-i harâret ile olur.

Ve o bevl-i ebyađ u rakîķ ki onda zebed ve şehâbe-i şafrâ ola onun haţar-ı şedîde delâleti olur, zîrâ o hâl ıdtırâba ve mâddenin şedîdetü'l-hîdet olduğuna delâlet eder.

Ve bevl-i esved-i rakîķte olan qavl-i kâfi bundan aķdem zıkr olundu.

Ve bevl-i rakîķ eşķar hummayât-ı hâdde ibtidâsında ile'l-gılaz ve'l-beyâd istiħâle eylese ve ba'dehu bevl-i himâr mişlli mütekeddiren ve müte'akkiren bâķi kalsa ve min-ğayri irâdetin ħurûcu aħz eylese ve o maķâm-da qalaķ ve seher olsa delâlet eder ki 'alîlin iki câniblerinde teşennüc hâdis olup mevte mü'eddî olur eger o 'alâmete ġâlib 'alâmet-i ceyyid bulunmas ise, zîrâ şukret levni üzeri olan bevl rakîķ olur ona ħılt-ı şafrâvî-i ħârr ġalebe eylemek hasebiyle ve eger rakîķ deġil ise onun ġılzat ve şehîn olduğu marađda şu'ûbet ve mâddede ıdtırâb olmakla olur.

Ve eţbbâ dediler ki levn-i dem üzere ħurûc eden bevl-i qalîl redîdir ħuşuşan maħmûm olan o bevlın şâhibinde ırķ-ı nesâ ola.

İnfisâl-i Bevlın Keyfiyyeti Cihetinden Me'ħûze Olan 'Alâmâtıtr: Hummâsı hâdde olan maħmûmda bevlle temekkün ancak qalîlen qalîlen olup

bilâ-vecâc⁶ âlât-ı bevlinde kırğa ve verem olsa ve nabdında dahi tevâtür ve dâf olsa ‘alâmet-i rediyye olur. Ve hummâ-ı dâime ve şudâ-ı şedîd ve ‘arâk keşîr oldukta bevl muhtebes olsa küzâza delâlet eder. Ve hummâ-ı sâkinede bevl tekâtur eylese ru‘âfa delâlet eder ve o tekâtur-ı bevl hummâ-ı hâdde-i muhrıkada olsa dimâğa harâret-i rediyye işâbetine delâlet eder. Ve eger hummâ-ı muhrıka hâdiye ise imtilâ keşret üzere olup tabîratın māddeyi definden ‘acizine delâlet eder. Ve hummayât-ı hâddede min-ğayri irâdetin bevl-i hâricin sebebi kuvvetin dâfı ve dimâğda âfetin vücûdu olur ve o hâl ancak mevâddın hâdde ve müsahhene olup dimâğa teşa‘udünden ve a‘dâ-i ‘adaliyyenin dimâğa iştirâkinden olur.

Bevlde Olan ‘Alâmât-ı Rediyye-i Müt’eaddide Beyânındadır: Mâi bevl ve esved, müntin ve gâliż rediyyedir. Ve o kırûre ki esfelinden a‘lâsına duĥân gibi bir şey⁷ bürüz ve zuhûr eyleye ‘an kıarîb mühlıktır. Ve kezâlık bevl-i desimin levni mâ-ı lahın levni üzere olup onda netn gâlib olsa o dahi kıattâl olur.

Marîdde Ecnâs-ı A‘râd-ı Muhtelifenin İctimâ‘ı Hasebiyle Zuhûr Eden ‘Alâmât-ı Rediyyelerdir ki Onun Redâ‘eti Hummâya ve Ėayri Marađlara ‘Amm Olur: Ve kıaın kıay⁸ ve maĥş ve ihtilâf-ı ‘akl bir ‘alilde cem‘ olsa ‘alâmet-i kıattâledir. Ve kıaın beden melmesinde ve levninde ve kıay⁹ ve istifrag eylediĥi nesnelerde müteĥâyir ve muhtelif olsa o hâl delâlet eder ki tabîrat ahlât-ı muhtelifi ile memnûvve ve emrâd-ı muhtelifi ile maĥhûre olup ibtilâ olunan emrâdın küllîsine muĥâvemete ve muĥâbeleye hâcet olmakla lâ-maĥâle tabîrat muĥâvemetten ‘acize olmuştur.

Ve kıaın hummâ-ı ĥayr-i müfârıkada ya‘nî hummâ-ı lâzımede berd-i zâhir ile ihtirâf-ı bâtın ve iştidâd-ı ‘aşaş cem‘ olsa o ictimâ‘ kıattâl olur.

Ve kıaın şarîr-i esnân ile tahlîl-i ‘akl cem‘ olsa marîd ‘aĥaba müşârif ve muĥâribdir.

Ve marîda defaten ma‘a-hurkıatin ve lez‘in ishâl-i sevdâ ‘arîd olsa ve kıaınında elem-i muhrık ve hafâkân ve ĥaşşy olsa o hâlâtın ictimâ‘ı ‘alâmet-i mevt olur.

Ve cebîn ‘arâk-ı bârid ile ta‘arruk edip azfâr sararsa ve muĥdarra ve müteĥayyire olsa ve lisânı dahi teverrüm eylese ve lisân ve beden üzerlerinde beşr-i ĥarîb zuhûr eylese mevt ve helâk kıarîb olur.

Ve nevâhî-i şerâsîfte ma'â'l-ḥummâ ḍarebân ve ihtilâc olup ve ma'â-zâlik 'aynda ḥareket-i münkere olsa redâ'et-i hâle tevaḳḳu' vâcib olur, zîrâ hâlet-i mezḳûre riyâḥ-ı nâfiḥaya delâlet eder. Ve ḍarebân dahi verem-i şedîd ḥasebiyle ve ırḳ-ı kebîrin şiddet-i nabḍı ḥasebiyle olur. Ve kaçan nabḍ şedîdü'd-ḍarb ve mütelâhık ve cidden 'azîm olsa cünûnu müstaşḥib olur. Ve ba'dı kerre ḍarebân ve ihtilâc aḥşâya gâiṣ olmaz belki zâhir-i merâḳḳta [489a] olur ve bu mişlli ḍarebân ve ihtilâc ḍarr olmazlar her ne kadar vereme muḳârin olurlarsa meger ki o verem ifrâṭ üzere olup cidden 'azîm ola, pes vâcib olur ki o ḍarebân ve ihtilâcda cidden te'emmül oluna hattâ ḥaṭarı 'azîm olan ḍarebân ve ihtilâc 'azîmü'l-adrâr olmayanlardan fark oluna. Ve eger zıkr olunan hâl yirmi gün miḳdârı mütemâdî olup o verem ve ḥummâ teskîn olmasa infitâḥ ve inficâra delâlet eder. Ve ba'dı kerre o maraḍdan marîde selâmet ḥâşıl olur bevl-i gâzîr ü keşîr 'arîḍ olmakla veyâḥûd mâddenin eṭrâfa intikâli ile ve ḥuṣûşan ricleyne intikâli ile.

Ve kaçan maraḍdan ḍa'îf olan kimselere evvel-i maraḍda nefes-i mütevâtîr ve gâşy 'arîḍ olsa o marîḍ mevt ve helâke muḳâribdir ve onun bakıye-i ḥayâtı dört sâ'ati tecâvüz eylemez.

Ve kaçan bir insânda ḥummâ-ı muḥrıka olup bir miḳdâr ḥıffet ve baġteten ḥarâretine sükûn gelse ve onda istifrâġla veyâḥûd intikâl ile buḥrân zâhir olmasa ve kezâlik taṭfi'e'ye bâliġa ve min-havâin ilâ-havâin belde-i vâhidede veyâḥûd iki beldede intikâl dahi olmasa ve nabḍda olan sür'at dahi sâkin olsa ve o marîdde râḥat mişilli bir hâl dahi bulunsa sen ḥükm eyle ki o marîḍ serî'an helâk olur.

Ve bir insânda dahi ḥummâ olup baġteten onun ḳalbine ḥafekân 'arîḍ olsa ve onu fûvâḳ dahi aḥz edip bilâ-sebebin ma'rûfîn baṭnı mu'tekıl olsa o kimse helâk olur.

Ve kaçan maraḍ-ı ḥaddı olan kimsenin bevl-i evvelâ aşḳar-ı laṭîf olup ba'dehu taġalluḫ eylese ve ba'dehu ṣeverân edip ebyaḍ olsa ve ṣeverânı dahi bâkıye olup bevl-i ḥımâra müşâbih olsa ve onun tebevvlü bi-gayri irâdetin olsa ve onda seher ve ḳalaḳ dahi olsa delâlet eder ki onun iki câniblerinde temeddüd ḥâdiṣ olup ba'dehu helâk olur.

Ve ba'ḍılar dediler ki kaçan bevl ebyaḍ iken sonradan mirrî olup üzerinde dahi mişlü'z-zebed bir şey olsa ve iki munḥurlarından dahi dem-i esved seyelân eylese o a'râḍ şerr ve redî olur.

Ve bir nev' alâmet dahi vardır ki onu eṭṭebbâdan bir ḳavm zıkr ederler ve ona kıyâs ancak 'usret ile müteveccih olur, o alâka budur ki kaçan bir insânın raḳa-besinde olan verîd üzere ḥabb-ı ḳar'a müşâbih beşr-i zâhir olup onda ḥaşaf-ı ebyaḍ-ı keşîr dahi olsa ve ona eşyâ-ı ḥârreye şehvet dahi 'arîḍ olsa o kimse helâk olur. Ve kezâlik deyildi ki bir insânın şudḡ-i eyserinde beşr-i aḥmer ü şulb 'arîḍ olsa ve o hâl üzere olan kimsenin iki 'aynına ḥikke-i şedîd 'arîḍ olsa o kimse yevm-i râbî'de olur. Ve deyildi ki iki 'aynlarının altında 'ades mişli beşr zâhir olsa yevm-i 'âşîrde helâk olur ve bu veca'ın şâhibi ḥelvâya iştihâ eder. Ve kezâlik deyildi ki her hangi 'illet ki baḡteten şiddet üzere 'arîḍ olup ve ba'dehu ona ḳay' veyâḥûd ḥilfe 'arîḍ olsa delîl-i mevt olur. Ve deyildi ki maḥmûma veyâḥûd marîḍ-i âḥere evrâm ve ḳurûḥ-ı leyyine 'arîḍ olup 'aklı zâhib olsa helâk olur. Ve yine deyildi ki bir insânın yüzünde ve burnunda terehhül olup onda veca' olsa ve ona o terehhül evâilinde ḥikke-i enf 'arîḍ olsa yevm-i şânîde veyâḥûd yevm-i sâliste helâk olur. Ve kezâlik deyildi ki bir insânın rûkbesinde müdevver 'ineb gibi bir şey-i esved zâhir olup onun eṭṭrâfı ve ḥavâlîsi kırmızı olsa o kimse 'âcilen helâk olur ve onun mevtine elli güne ḳadar intizâr olunur ve onun 'alâmet-i mevti 'araḳ-ı bârid ile 'alîlin ta'arruḳu olur.

Tûl-i Maraḍ 'Alâmâtıdır: Ve ma'lûm ola ki tûl-i maraḍın sebebi ḡılaz-ı aḥşâ veyâḥûd tedbîrde olan taḥlîṭ olur ve eyye-mâ kâne onlarda mi'de ḍa'ife olur mi'deye o sebebden hüẓâl 'arîḍ olmak ḥasebiyle. Ve hüẓâl-i mi'denin dahi 'alâmeti nuḍcun buṭ' üzere ḥâşıl olduḡu olur, zîrâ buṭ' ile mi'de aḥvâ-line istidlâl olunur. Ve kezâlik şüfl-i müte'allıḳın bevlde buṭ'-ı rûsûbu ve rûsûb-ı aḥmerin devâmı ile istidlâl olunur.

Ve kezâlik tûl-i 'illet 'alâmâtından olur ḍumûrun ḳillet-i zuhûru ve ma'a-ḥiddeti'l-maraḍ nabḍ-ı 'aẓîm ve vech-i semîn ve şerâşîf münfetiḥa ve ḡayr-i dâmile okuḡu ve bu hâlât ḳillet-i taḥallüle ve tûl-i maraḍa delâlet eder.

Ve kaçan buḥrân 'alâmâtı ḳable'n-nuḍc ṭârî ve 'arîḍ olup o marîḍin kuvveti sâḳıta olmasa ve onda 'alâmet-i mevt dahi ḥâdiş olmasa tûl-i maraḍa delâlet eder. Ve ma'lûm ola ki buḥrânın tehvîlâtı ve âlâmı nef' ve ḍarrdan birine mü'eddî olmasa ve o ehvâl-ı ḥâile bâḳıye kalsa maraḍ ṭavîl olur.

Ve maraḍda keşret-i ihtilâc tûl-i maraḍa delâlet eder huşûşan evvel-i maraḍda o ihtilâc zuhûra bed' eylese, ammâ maraḍın âhîrinde olan ihtilâc aşlah olur.

Ve 'araḳın keşreti tûle delâlet eder.

Ve ru'af ve 'araḳ ve istifrâgât-ı sāire ḳalilü'l-kemmiyyet olmakla mād-deyi onlar tahrik edip velâkin bi't-tamām def'inden 'aczi olduğuna delâlet eylese ve o istifrâgla 'alāmât-ı ceyyide-i uhrâ olsa veyâhüd 'alāmât-ı rediyye ma'ḍûm olsa o hâl tûle delâlet eder.

Ve kaçan rüsüb-ı ahmer kırk [güne kadar] bâkî kalsa tûlü inzâr eder ve ondan buhrân ve inḳidâ recâ olunmaz ne kadar müddeti altmış güne bâliğ olur ise.

Ve evvel-i maraḍda ihtilâm 'arîḍ olsa tûle delâlet eder.

Ve kaçan tûl-i maraḍ 'alāmâtı eyyâm-ı müteḳaddimedede rü'yet olunsa onun tûle delâleti eyyâm-ı müteḳaddimededen sonra rü'yet olunan tûl-i 'alāmâtının tûle delâleti gibi değildir belki ekşerdir. Ve kaçan o 'alāmâtı eyyâm-ı müteḳaddimedede rü'yet edip vasaṭ-ı eyyâmda veyâhüd âhîr-i eyyâmda 'alāmât-ı müteḳaddime-i mezkûrenin müdâddesi olan 'alāmâtı rü'yet eylesen sana gerektir hükm-i inzârda te'emmül edip ta'arrüf eylesesin ki o 'alāmât hangi günde vâki' olmuştur ve o gün dahi hangi günü inzâr eylemiştir ve onlar ma'ḳûm oldukta o inzârda olan şerâiṭe ri'âyet eylesesin ve sinn ve faşl ve mizâca ve maraḍın keyfiyyet ve kemmiyyette olan harekâtının ahvâlinde ve maraḍın evḳâtında ve huşûşan hummayât-ı hâddenin münteheyâtında ve tûl ve kışarında ve hareket ve sükûndan hangisine meyli olduğunda dahi te'emmül edip onların delâlet eylediği miḳdâr maraḍın tûl ve kışarına hükm eylesesin.

Buhrân ve Taḥallül ile Münḳaḍî Olan Maraḍların

'Alāmâtı Beyânındadır

Kaçan kuvvet kaviiyye ve maraḍ hâdde ve nevâib kemm ü keyfte mütezâ-yide ve sinn ve mizâc ve faşl harekete mâile olup sükûna meyli olmasa ve nuḍc veyâhüd 'adem-i nuḍc 'alâmeti dahi bulunsa onlar buhrânın taḥallül ile olacağına 'alāmât-ı müsta'ciledir. Ve eger eşyâ-i mezkûre dıdd üzere olursa ve 'alāmât-ı buḥ dahi mevcûde ise maraḍ tavîl olup âhîrî'l-emr taḥallül ile

katl eder veyâhûd taḥallül ile maraḍ zâil olur. Ve ammâ o eşyâ muḥtelife ise ya'nî kiminin kendi ve kiminin ḍıddı bulunur ise buḥrânât onda nâkıṣa ve müte'ahḥire ve intikâliyye olduğuna istidlâl olunur. Ammâ ḥayât ve mevte aḥvâl-i kuvvet ve şıḥḥat ve mevt 'alâmâtının biriyle istidlâl olunur.

Nüks Aḥkâmıdır

Erde'-i nüks esra' olup ḍa'f-ı kuvvet ile olan nükstür, bu şüret-i nüks bu minvâl üzere oldukta ya'nî ednâ sebeb ile 'illet ser'ān nüks edip kuvvet dahi ziyâde oldukta o nükse 'alâmet-ı 'aṭab u helāk şoḥbet eder. Ve tedbîr-de ḥaṭâ vukû'uyla olan nüks ḥaṭâ olmayıp şavâb üzere tedbîr olunmuşken maraḍın kendiliğinden olan nüksünden eslem olur. Ve tedbîrde ḥaṭâ budur ki o 'alile müsaḥḥinât saḳy olunur ve cevdet-i şehvet ve cevdet-i haḍm içip ona cülencebîn-i 'aselî [489b] ve verd akrâşı ve onların emşâli saḳy olunur.

Ve buḥrândan bâkıye kalan mevâdd nüks-i 'âcili celb eder meger ki tedârük oluna. Ve nüks aṣl-ı maraḍdan şerrli olur, zîrâ vebâl 'âyiddir ve kayyım dahi mu'yâdır ya'nî mevâdd-ı fâ'ile 'avde müsta'iddir, o mevâddı ḳahr ve def' edecek ṭabî'at yorgundur. Ve kaçan mevâdd fâ'ile 'avd ve rücû'e eylese o mevâdd ḥükmünü bi-tamâmihâ icrâ ve marîḍi idnâ eder.

Nüks 'Alâmâtıdır: Kaçan buḥrân-ı tām̄ ile ḥummâ sâkin olmasa yevm-i buḥrânda nüksten ḥavf olunur. Ve eger ḥummâ bilâ-buḥrân sâkine olsa o ḥummâyâ nüks lâzım olur.

Ve cüderî ve yerekân ve cereb ve bi'l-cümle bi-sebebin cildiyyin vâkı' olan emrâḍın buḥrânında ḍa'f ve kuvvet ve ḍa'f-ı şehvet ve ḡaṣeyân ve ḥuḅs-i nefes ve kıllet-i haḍm ve mi'dede ṭa'âmın ḥumûḍata ve duḡāniyyete fesâdı ve şerâsîf ve nevâḥî-i kebid ve tıḥâlin intifâḥı ve fesâd-ı nevm ve tûl-i seher ve cemî'an bunlar ile nükse istidlâl olunur.

Ve 'aṭaşın şiddeti ve tehebbüc-i vechin şiddeti nükse 'alâmet-i 'azîmedir ḥuşuşan o tehebbüc cefn-i a'lâda ola ve cefn-i a'lâ teverrüm edip vech dahi mütehebbic olup tehebbücün zevâlinde sonra verem bâkî kala.

Ve kezâlik nükse delâlet eden 'alâmâtın olur beden ṭa'âmı ḳabûl-i ḥasen ile ḳabûl eylemeyip bedenin hüẓâlî me'kûl olan ṭa'âm ile zâil olmaya ve ḥuşuşan a'râd-ı müteḳaddime dahi yok iken zâhir ola ve mevcûde ise maraḍın nevâibinde o a'râd-ı mevcûde müştetde ola.

Ve kezâlik nükse nabddan dahi istidlâl olunur. Eger tevâtür ve sür'at zâil olmazsa ba' de'l-ifâka onların beğâsı nükse delî olur.

Ve hüracât-ı buhrâniyyenin gavrından ve gaybetinden ve kezâlik beven dahi nükse istidlâl olunur eger bevle şufret ve şukret ve humret işbu elvânın birinden şıbg-ı keşir bâkî kalsa veyâhüd bevl ficc olup onda ta'alluk ve rüsûbdan bir nesne olmasa ve 'alîlin bevl bevl-i tabî'ye benzemese onlar ile nükse istidlâl olunur.

Ve fuđûlün ba' dısı ba'dı âherden nükse edell olur, zîrâ hırrîf olan fađlda fuđûl-i sâireden nüks ekşer olur.

Ve edille-i nükse delâlette cins-i marađ dahi mu'ayyen olur, meşelâ hummâ-ı veremiycede hummâ zâil olup aışâda harâret ve telehhübü bâkı-ye kalsa. Ve kezâlik şar' ve seder ve külâ ve kebid ve şakîka ve beyda ve nevâzil ve nevâzilden mütevellid remed ve gayrisi ve emrâđ-ı nefes cem'an bu mezkûrlar nükse mu'in olur.

Esbâb-ı Mevt Beyânındadır

Mevt iki sebebin biri ile olur: Evvelkisi o sebebdır ki mizâc-ı kalb onunla fâsid olur. Ve ikincisi o sebebdır ki onunla kuvvet münţafî'e olur taħallül hasebiyle. Ve mizâc-ı kalbi ifsâd eden sebep elem-i şedîd olur veyâhüd keyfiyyât-ı ma'lûmeden bir keyfiyyetin ifrâtı olur ya'nî harâret ve bürûdet ve ruţûbet ve yübüsetten birinin ifrâtı olur veyâhüd keyfiyyet-i garbiyye-i semmiyye olur veyâhüd mizâc-ı kalbi ifsâd eden nefesin ihtibâsı olur ve ekşer-i hâlde mübersimûn 'adem-i nefes ile ölürler, binâen 'aleyh onlar müstelkıyen terk olunmak ve hulûklarına cefâf 'arîđ olunca kadar terk olunmak câiz olmaz.

Evkât-ı Hummayâtta 'Arîda Olan Aşnâf-ı Mevt ve Mevt-i 'Alîlin Keyfiyyeti 'Alâmâtı Beyânındadır: Hummayâtta 'arîđ olan mevtten olur o mevt ki hummânın ibtidâ nevbetinin vaqt-i tezeyyüdünde veyâhüd devrinde maħmûma 'arîđ olur ve bu nev' mevt evrâm-ı bâtına hummâlarında def'aten evrâm-ı bâtineye fađl munşabbe oldukta olur ve kezâlik evrâm-ı habîse hummâlarında dahi olur, zîrâ tabî'at bi-kuvvetin evvel-i hareketinde münhezime olur huşuşan tabî'atta da'f olursa inhizâm ekşer olur ve bi'l-cümle bu sınıf mevt ihtinâk ile olan mevt gibi olur ve nâr üzere ilkâ olunan haţab-ı keşirin nâr-ı

dâ'îfi itfâsı gibi olur. Ve kezâlik yine o mevt kabîlinden olur nevâib-i hummânın müntehâsında olup tabî'atın inhizâmı hasebiyle olan mevt.

Ve aşnâf-ı mevtin üçüncüsü hummânın vakt-i inhişâtında olan mevt-tir ve bu sınıf mevt nâdirü'l-vuķû'dur ve onun dahi ekşeri inhişât-ı cüz'îde olur, inhişât-ı küllîde olmaz. Ve onun sebebi budur ki vakt-i inhişâtta tabî'at emîn gibi olur ve onun için marađa müteveccih olmaz, pes o vakt-i emnde harâret-i ğarîbe-i bâkıye müteferriķa olup evâil-i evķât-ı hummâda hâcet olan mâsik müfâraķat eder ya'nî tabî'atın ğafleti hasebiyle 'alîlin meskesi ve kuvveti noķşân üzere olmakla harâret-i bâkıye münteşire bedeni ifnâ eder ve bu mevtin ekşeri ğaşy ile olur ve defaten 'arîd olur ve ba'dıları dahi tedric ile helâk olurlar.

Ve ba'dı kerre dahi inhişât-ı devrde ya'nî küllî inhişâtta helâk vâķi' olur kuvvetin istirhâşı ve harâret-i ğarîziyyenin taħallülü hasebiyle velâkin o inhişât bi-hasebi'z-zann inhişâttır, hâķîķî inhişât deĝildir. Ve bu iki inhişâtta ya'nî bi-hasebi'z-zan olan küllî ve cüz'î inhişâtlarda nabđ muhtelif olur, zîrâ o nabđ hâķîķatte kavîdir ve onun bi-hasebi'z-zâhir istirhâşı bâtıldır ya'nî nabđ ğavrda olmakla kuvveti hiss olunmaz; kavî olduđu hakk ve müsterhî ve da'îf olduđu bâtıldır. Ve kezâlik o iki inhişâta nabđ-ı hâķîķî müstevî olur, ammâ bâtılda muhtelif ve nizâmdan hâricdir. Ammâ inhişât-ı küllîde olan ya'nî hâķķ olan küllî inhişâtta mevt ancak esbâb-ı 'anîfe-i hâriciyye ile olur.

Da'îf olan marîdin hareket ve kıyâm ve ğađabı gibi 'anîf sebebler hâricden 'arîd oldukta mevte mü'eddi olur ve bu mişlli sebep-i hâricî ile evvel-i marađa dahi mevt hâdiş olur ve bu sebep ile olan mevte yesîren 'araķ-ı lezic teķaddüm eder.

Ve çok vâķi' olur ki cüderîde insân vakt-i inhişâtta helâk olur ve ona çok kerre berde mâil 'araķ-ı ğayr-i müstevî teķaddüm eder. Ve ba'dı kerre o 'araķ re's ve raķabe ve şadrın her birinde yalnız vâķi' olur. Ve kaçan cild nez' katında yâbis-i mütemeddid olsa o cild şâhibinin mevti 'araķile olmaz ve mevti 'araķ ile olacak kimselerin cildi onun dıddı üzere olur.

Ve emrâd-ı kattâlede mevt emrâd-ı selîmede buhrân-ı ceyyid ile hâdiş olan vücûh-ı mevtin bir vechi ile olur, meşelâ 'illet ezvâcda¹⁰⁹ oldu ise mevt dahi ezvâcda olur ve 'illet efrâdda ise mevt dahi efrâdda olur.

109 İletin ezvâcda ve efrâdda hüdüşünden murâd ayın tekinde ve çiftinde hüdüşüdür.

Ve ma'ûm buyurula ki muhriķa ve muhriķaya müşābih olan emrād 'inde'l-müntehā mine'n-nevbe mevti celb eder ve o vakte onunla a'rād-ı rediyye olur, ihtilāt-ı 'aql ve iştidād-ı kerb ve sübāt ve ihtimāl-i hummādan hādīs đaf mişlli a'rād olur ve ba'dehu şudā' ve zulmet-i 'ayn ve veca'-ı fu'ād ve ķalaķ hādīs olur.

Ve hummā-ı balğamiyye evvel-i nevbette mevti celb eder ve onda berd-i müteṭāvil olup sühūnet olmaz ve nabđ cidden şağır-i redī olur ve sübāt ve kesel müştedd olur. Ve bi'l-cümle o hummā mevti o sâ'atte celb eder ki onda marīda iştidād 'arıđ olur gerek ise o sâ'at vakt-i ibtidā ve gerek ise vakt-i tezeyyüd ü şu'ud veyāhūd vakt-i müntehā olsun. Ve vakt-i tezeyyüdde mevte ķalīl olur. Ve vakt-i 'alāmāt-ı mevti te'emmül eyledikte o evķātın birinde o 'alāmātı bulmasan o hummādan sen ḥavf eyleme ve eger evķāt-ı mezkūrenin birinde sen 'alāmāt-ı mevti bulursan mevte atıye olacağını sen iḥdās eyle ve onun ile 'alāmāt-ı rediyye-i mezkūreden bir şey dahi bulursan mevte cezm eyle. Ve ekşer-i ḥālde nevāib efrād ise mevte sâbi'de olur ve nevāib ezvāc ise mevte sādiste olur ḥuşuşan ki marīđ ser'ü'l-ḥareket ola.

Bilā-Buḥrān Vākī Olan Mevt Delāili [490a] Beyānındadır: O delāil-den olur kuvvet đā'ife olmakla marađın muķāvemetinden 'aczi ve 'aāmāt-ı nuđcun elbette te'eḥḥürü ve ma'a-buṭ'i'l-ḥareke marađın kuvveti. Ve bu mezkūrların her birisi bilā-buḥrān mevte delīl olur ve cemī'an mevcüde olur ise mevte edell olur.

Nāķıha 'Ārıda Olan Ahvāl Beyānındadır

Nāķıhlara ba'dı kerre nüks 'arıđ olur bizim bābu'n-nükste zıkr eylediklerimizden biri bulunur ise. Ve onlara kuvvetin iştidādı ve đafı dahi 'arıđ olur bizim tedbīr-i nāķıhta zıkr eylediklerimiz nesneler ḥasebiyle. Ve onlara mütenāvelleriyle 'adem-i intifā' dahi 'arıđ olup tenāvülden bedenlerine kuvvet gelmez. Ve onlara ḥurācāt dahi 'arıđ olur bedenleri aḥlāt-ı rediyyeden bi-ḥasebi'l-istifrāğ tenķiye olunmadıkta. Ve onların ba'dı a'dālarına fesād dahi 'arıđ olur o uđva mevādd mündefī'a olmak ḥasebiyle. Ve onlara marađ-ı aşlīlerinin müdāddesi olan marađ dahi 'arıđ olur marađ-ı aşlīsine mu'ālece katında o marađın ađdādını ifrāt üzere isti'māl eyleseler, meşelā onlara şıķal-i lisān ve fālic ve ķūlinc-ı bārīd ve sekte ve şar' ve şudā'-ı lāzım

ve şakîka ve onlara müşâbih nesneler ʿarîd olur eger maraḍ-ı ahlîsinin adı dâdı olan tebrîd ve tertîb kadr-i maʿrûftan ziyâde ifrâṭ üzere istiʿmâl olunsâ. Ve baʿdî kerre dahi onlara keşîren hîkke ʿarîda olur ve onların hîkkesini mâ-ı fâtir izâle eder. Ve baʿdî kerre onların eşʿârı ebyâd olur onların gıdâya şuʿûru olmayıp ve sevâd-ı şaʿrî imsâk ve ikâmet eden harâret-i garîziyye-nin tefeşşîsi hasebiyle. Bunun nazîri o zerʿdir ki kaçan ona cefâf ʿarîd olsa ebyâd olur ve kaçan ahvâli hasen kılınıp tertîb olunsâ o eşʿâr-ı beydâ yine esved olur, nitekim cefâf hasebiyle tebeyyud eden ne zürû kaçan suvarılıp tertîb olunsâ yine hadrâ olur.

Tedbîr-i Nâkîh Beyânındadır

Vâcib olur ki küllü şeyʿin nâkîh terfîk oluna ve ona ağdiye-i şakîle îrâd olunmaya ve kezâlik harekât ve hammâmât ve esbâb-ı müzʿice hâtteʿl-aşvât ve onlar mişlli bir şeyʿ dahi îrâd olunmaya. Ve riyâdet-i muʿtedile vü rakîka ile be-tedrîc tervîd oluna, bu vech üzere onlara riyâdet cidden nâfiʿ olur.

Ve sana vâcib olur ki onların demini tekşîr eden nesnelere meşgûl olasın. Ve vâcib olur ki onları deʿa ve sükûn üzere kılıp tefrîh eyleyesin ve sürür üzere kılasın ve istifrâğattan huşûşan cimâʿla istifrâğdan mücânib kılasın.

Ve nâkîha iʿtidâl üzere olan şarâb-ı laţîf-i rakîk bi-hasebi ʿt-tıbb nâfiʿ olur.

Tevessüʿ-i tedbîrden hacr ve menʿ olunmağa evlâ ve ahrâ olan nâkîh o nâkîhtır ki onun hâl-i maraḍında olan buhrânı hafî olmuş ola, zîrâ o mişlli nâkîh nükse müstaʿidd ve müteheyyîdir. Ve o mişlli nâkîh baʿdî kerre istifrâğa muhtâc olur ve onun aşvebi ishâl-i laţîf ile istifrâğ olur huşûşan ona hâcet müştetde olur eger o nâkîhın berâzı mirârî olup mādde-i maraḍı ve hummâsını fâʿil olan hıltın levnine ve kıvâmına o berâzın levni ve kıvâmı mâil ola ve şehvette hâlel dahi rüʿyet oluna. Ve kaçan o hâl üzere olan nâkîhın istifrâğını sen kâsd eylesen nâkîhı istirâhatte kıl ve rıfk ile kuvvetini takviye eyle ve baʿdehu istifrâğ eyle. Ve baʿdî kerre hâcet olur ki onu istifrâğ katında kuvveti dahi tağdiye ile takviye oluna ve o şürette onun müshili ağdiye-i devâiyye-i müşhile kılınır veyâhûd onun ağdiyesine edviye-i müşhile-i muvâfîka kuvvâları mezc olunur, iccâş ve şîrhîşt ve terencebîn ve onlar gibi nesnelerin kuvveti hâlt olunur eger o nâkîh aşhâb-ı mirârdan ise.

Ve ba'dı kerre onlar idrâr ile intifâğ ederler ʿurûkları idrâr ile tenkîye olunmakla ve bu fî'li ba'dı kerre müdirrât-ı ma'rûfe ve kezâlik şarâb-ı memzûc dahi işler.

Ammâ nâkıhın faşda hâceti kalîlû'l-vuķûc olur. Ve faşda nâkıhın hâceti-ne seḥane ve ʿalâmât-ı dem delâlet eder ḥuşuşan ʿurûķta ḥummâdan baķiyeye ve şefede dahi büşür rüpyet oluna. Ve ba'dı kerre dahi aḥlât-ı rediyyeden bâķī kalan remâdiyyet ile demde mevcûde olan redâiyyet dahi nâķihı faşda muḥtâc eder ve lâzım olur ki onun dem-i redîsi iḥrâc olunup ve dem-i ceyyidi ziyâde kılına ve ona evlâ olan iḥrâc ve iķşâr-ı mezkûrlardan her birisi rıfķ ile işlene, defaten ve ķaviyyen olmaya.

Ve ba'dı kerre nâķiha nevm-i nehâr muḍırr olur ve maḍarratı irḥâşı ḥasebiyle olur, ammâ nevm-i nehâr ḥummâsı ve teshîni ḥasebiyle nâķiha nâfiʿ olur. Ve eger nâķiha nevm-i nehâr muvâfık olmaz ise ba'dı kerre o nevm ḥummâyı celb eder tefcîci ve ḥârr-ı ğarîzînin kuvvetini kesri ḥasebiyle.

Ve bedenleri naķī ve ğayr-i naķī olan cemʿan nâķihinde ihtiyâṭ olan budur ki onun tedbîri iki veyâḥûd üç ğün kadar veyâḥûd onlara ķarîb olan ğünlerde ḥâl-i maraḍda olan tedbîr gibi olup maraḍa muvâfık müzevvere ve ğayr-i müzevvere tedâvî ile tedbîr oluna.

Ve'l-ḥâşıl nâķihın marîḍ tedbîri gibi tedbîr eylediği eyyâmın miķdârı yevm-i şihḥat¹¹⁰ ile yevm-i şihḥatten muķaddem olan yevm-i bâḥûrî bey-ninde vâķiʿ eyyâm miķdârı ola. Ve kaçan nâķihın tedbîri miķdâr-ı mezkûr eyyâmda müzevverât mişli kılındıktan sonra tedricle onun ğıdâsı eşihḥâ ğıdâsı gibi kılınır.

Ve bedeni naķī ve ḥummâsı selîme olan nâķiha vâcib olur ki tedbîrini telṭif eylemeye, zîrâ telṭif-i tedbîr onlara ḥummâyı isticlâb edip ḥâli seyyiʿe olur.

Ve vâcib olur ki nâķihın ḍumûr ve hüẓâlî az vakte ḥışb ve simene redd oluna, zîrâ onlarda kuvvet sābitedir, ednâ ʿinâyet ile ḥışb ve simen ḥâşıl olur ve iʿânet olunmasa ḥilâfı olur.

Ve eger nâķih bir nesne iştiḥâ eylemezse onda imtilâ vardır. Ve eger ğıdâyı iştiḥâ edip me'kûlû ile simen gelmese o nâķih nefesine kendi ṭâķatinden

110 “Yevm-i şihḥat”ten murâd nâķih olduğu yevmdir, zîrâ Şeyh beyne's-şihḥat ve'l-maraḍ vâsıtayı inkâr eder.

ve taḳāt-ı ṭabīʿatinden ekser ḡidā tahmîl eylemiştir, ona bināen meḳülünü istimrā ve haḍmdan ve bedene tefrîḳ ve tevzîʿden ṭabīʿat ʿāciz olur veyāḥūd o kimsenin aḥlāt-ı bedeni keṣīre olmakla ṭabīʿat ona meşḡul olur veyāḥūd miʿdesinin kuvveti veyāḥūd cemīʿan bedeninin kuvveti ve ḥarāret-i ḡarīziyyesi sāḳıta olmakla ḡidāyı ihāleye ḳādir olmaz ve miʿde ve ḥarāret ḡidā-ı mütenāveli ihāle eylememekle ṭabīʿat dahi ondan imtiyāza ve bi'l-fiʿl ḡidā kılmağa ḳādir olmayıp simen ihdās eylemez ve bu hāl üzere olanlar evāil-i ḥāllerinde her ne kadar taʿām iştiḥā ederler ise onlara āḥir-i ḥāllerinde ʿadem-i iştiḥā ʿarîd olur, zîrā aḥlāttan ḥādiṣ olan āfāt ve imtilā āḥir-i emrlerinde ḳaviyye ve zāide olur ve evāil-i ḥālinde iştiḥā olmayıp sonra şehvet olmak ʿaksinden ḥayrlı olur. Ve kaçan iştiḥā dāim olup beden müteḡayyir olmasa ve onda ʿabālet¹¹¹ ve kuvvet ḥādiṣ olmasa delālet eder ki şehvetin kuvveti ve ālātı cemīʿan ṣaḥīḥlerdir lākin haḍmın kuvveti ve ālātı daʿiflerdir. Ve nāḳıhı taḡdiyyede evlā olan tadrīc olunup ṭayhücdan ve ferrücdan bedʿ olunup cedye varınca ḳadar müderrecen taḡdiye olunur. Ve mādām ki ʿurūḳta ḏīḳ vardır, onlara sikencebîn saḳyı baʿḏı kerre saḥca müʿeddī olur. Ve ḥavāmıd-ı sāire dahi sikencebîn gibidir.

Ve nāḳıhının tedbîrinden olur onları oldukları havādan o havānın müdāddesi olan havāya naḳl eylemek. Ve kezālik nāḳıhının tedbîrinden olur maraḍının nevʿinden olan nesnelerden taḥarrüze mürāʿāt olunmak, meşelā mübersiminde vācibdir ki ḥuṣūnet-i ṣadrda ḥavf olunup onu icāb eden nesnelerden taḥarrüz oluna.

Ve nāḳıhı ḥammāmıda taʿrîḳ cāiz olmaz onların laḥm-ı daʿfi taḥallül eylesin için. Ve nāḳıhın ʿarāḳı keṣir olsa onda faḍl [490b] olduğuna delālet eder ve müsā ile başın tırāş eylemek onlara muḏırr olur zikri mürür eylediği üzere.

Nāḳıhı Taḡdiye Beyânındadır

Vācib olur ki onların ḡidāları keyfiyyeti bu vech üzere ola yaʿnī ḥase-nü'l-keymūs sehlü'l-inhiḍām ola. Ve vācib olur ki nāḳıh cūʿa ve ʿaṭaşa müşābere eylemeye. Ve baʿḏı kerre o aḡdiye keyfiyyette illet-i sālifenin

111 “ʿAbālet” bā-i muvaḥḥade ile ḏaḥāmet maʿnāsındır.

keyfiyyet-i mizâcının hilâfı üzere kılına 'illet-i sâbıkadan eser ve ba'kiye var ise dıdd ile mu'âbele ve mu'âvemet hâsıl olsun için ve eger 'illet-i sâbıkadan eser yok ise ihtiyâ' için.

Ve ma'lûm ola ki ra'tbe ve seyyâle olan ağdiyenin tağdiyesi esra' olur; galîza ve şehîne olan ağdiye dıdd üzere olup tağdiyesi ba't'e olur gerek ise o ağdiye e'time olsun ve gerek ise eşribe olsun. Ve eger mara'd-ı nâkıhta harâret terk eylemedi ise vâcib olur ki ona bâridât tahmîl olunmaya belki onlara mu'tedil ve harâret-i la'tifesi olup ha'dmı sür'at ile kabûl eden ve ru'tubet-i kâmile olan gıdâlar ile tedbîr oluna. Ve kezâlik vâcibdir ki onların gıdâsının kemmiyyeti ha'dmı ve infişâli hasen olacak mi'qdârı kılınır ve gıdâsı tadrîc üzere ziyâde kılınır eger onda şıkal ve qarâkir ve sür'at-i inhidâr ve cidden bu't-ı inhidâr olmaz ise. Ve mezkûrlardan bir şey' münker olursa gıdâsı nokşân kılınır.

Ve kaçan nâkıh def'aten mümteli'e olup mi'desi mütemeddid olsa ba'dı kerre ma'hum olur. Ve kezâlik vâcib olur ki def'aten şürb dahi eylemeye, zîrâ ba'dı kerre def'aten şürbde ha'tar olur. Ve ammâ nâkıhın va'kt-i gıdâsı 'aşıyyât-ı şayfta va'kt-i itidâl-i havâda olur ve şitâda va'kt-i zahâyirde olur meger ki tağdiyeye dâ'ir bir nesne isti'câl eyleye. Ve vâcib olur ki onun mi'qdâr-ı gıdâsı tefrîk oluna ya'nî ona şiba'ına qarîb gıdâ kalîlen kalîlen verile. Ve şedîdü'l-berd olan mâdan nâkıha ictinâb eylemek vâcib olur, zîrâ şedîdü'l-berd olan mâ ba'dı kerre a'şşâya hıml olur ve ba'dı kerre teşennüce mü'eddî olur ve mâ-ı bârid şürbünden helâk olmuş kimseyi biz rü'yet eyledik.

Ve ma'lûm ola ki nâkıhın şehveti ba'dı kerre bi-hasebi'd-ı dâf kalîl olur. Ve ba'dı kerre onun kılet-i şehveti mi'dede mevcûd olan ahlâ't hasebiyle olur ve ona ekşer-i hâlde gâşy gibi nesne 'ârîd olur. Ve ba'dı kerre dahi kılet-i şehvet kebidin gıdâyı kılet-i cezbi sebebiyle 'ârîd olur ve levnde ve berâzda rakîk-i ebya'd zâhir olur. Ve ba'dı kerre dahi ahlâ't-ı mezkûre [cemî'an] bedende olup to'hme olmakla kılet-i şehvet 'ârîda olur veyâhûd kuvvet-i beden ve harâet-i garîziyyenin dâfı olmakla veyâhûd hâşşaten mi'de kuvvetinin dâfı olmakla kılet-i şehvet olur ve zikr olunan kılet esbâbına bildiğin tedbîrlerden mümkün olanların erfa'ı ile her birine başka başka sen tedbîr eyle.

Ve ma'lûm ola ki sikencebîn-i sefercelî nâkıhlara ni'me'd-devâ olur huşuşan onların şehvetleri fem-i mi'delerinin da'fı hasebiyle sâkıta olmuş ola ve o sikencebînin mi'dede sahc ihdâsından dahi emn ola ve ammâ ondan eşhan olup mi'deyi muḳavvî olanlardan ḳurş-ı verd ve ona müşâbih nesneler ba'ḳı kerre nûkse mü'eddî olur.

Emrâdın Harekâtı Beyânındadır

Ve maraḳdın cüz'îyye ve külliyye olan evḳât-ı erba'ası senin ma'lûmun oldu. Ve şimdiki hâlde ma'lûm ola ki edvârda a'râdın harekâtı bi-hasebi'l-unf mütezeyyide olur ise onun tezeyyüdü intihâya delâlet eder ve ba'ḳı kerre mütenâḳış olur ve onun tenâḳuşu inhiṭâta delâlet eder. Emrâdın [ve a'râḳ-ı emrâdın] leylen iştidâdı olur ṭabî'atın inḳâc-ı mâddeye iştigâli olup min-mâ'-adâ i'râḳı hasebiyle. İşbu buhrân hakkında olan fenn-i şânîden maḳâle-i ülä tamâm oldu. el-Ḥamdü lillâhi 'ale'l-itmâmi ve's-şalâtu ve's-selâmu 'alâ-seyyidi'l-enâmi 'adede mâ-yüktebü bi'l-aḳlâmi mâ dâ-me'l-ibtidâu ve'l-iḥtitâmu. Allâhümme yessir itmâmehu bi-hürmeti faḫ-ri'l-enâmi.

Maḳâle-i Şâniye Buhrânın Evḳât ve Eyyâmı ve Edvârı Beyânındadır

Faṣl İbtidâ-i Maraḳ ve Yevm-i Buhrân Hangi Vaktten Ḥisâb Olunmakla Ta'yîn Olunduğu Beyânındadır

O evvel-i maraḳ ki ondan ḥisâba ibtidâ olunmakla eyyâm-ı buhrân hangi gün olduğu ma'lûm olur, pes o mebd'e-i ḥisâb maraḳdın evvel vaktidir ki onda eṣer-i maraḳ evvelâ ihsâs olunur. Ve nâstan ba'ḳılar dediler ki o ḥisâb zıkr olunan vaktten deḡildir belki o vaktten ḥisâba bed' olunur ki 'alîl o vakte nefsinin ṭarḥ eder ve ef'âl-i ṭabî'iyyede ḍarar zâhir olur ya'nî şâhib-i firâş olur. Ve bu ihtilâfın semeresi baḡteten ḥadiş olmayan ḥummayâtta zâhir olur, ammâ baḡteten 'arîḳ olan emrâḳda evvel-i vakt hafî olmaz, meşelâ baḡteten ḥadişe olan ḥummâda evvel-i emrde ḥummâ zâhire olup eṣer-i ḥummâyı ihsâsla 'alîlin nefsinin ṭarḥı ve ef'âl-i ṭabî'iyyeye ḍararı

ma'an zâhir ve evkâtı müttehide olur, binâen 'aleyh onda semere-i hilâf olmaz, zîrâ ba'dı kerre insân bilâ-zuhûri eşeri'l-hummâ şahîh-i tamm olup onda muḳaddimât-ı hummâdan bir eşer ve ḳalbe yok iken o kimse nâim olur veyâhûd hammâma dâhil olur veyâhûd ta'abda olup 'aḳıbında hummâ-ı zâhir onu aḥz eder.

Ammâ o hummayât ki ona tekessür-i a'ḳâ ve şudâ'-ı re's ve o mişlli a'râd teḳaddüm eyleye onda semere-i hilâf zâhire olur velâkin evlâ olan mebdâ-i ḥisâb ibtidâ-i hummâdan itibâr olunmaktır. Ve nefsi-i hummânın ibtidâsında ḥâlet-i taḳbîyyeden ḥurûc zuhûr-ı beyyin ile zuhûr eder.

Ammâ nefsi-i hummâya teḳaddüm eden şudâ' ve tekessüre ve kezâlik ıttırâḥ ve nevme itibâr olunmaz ḥuşûşan ıttırâḥ aşlen mevşûḳun bih deḡildir, zîrâ ba'dı kerre nefsi-i hummâ 'ârıda olur ve yine 'alîl kendiyi tarḥ eylemez.

Ve vaḍ'-ı ḥam eden mer'eyi ba'de müddet-i hummâ aḥz eylese o hummânın mebdâ-i ḥisâbı hummânın aḥzı vaḳtinden olur, vaḳt-i vilâdetten ḥisâb olunmaz velâkin bir ḳavm vaḳt-i vilâdet mebdâ' olmasına zâhib oldular, onların mezhepleri bâtıldır. Ve nüfesâya işâbet eden hummânın ekşeri yevm-i vilâdetin ikinci veyâhûd üçüncü gününde 'ârıda olur.

Buḥrân Eyyâmının ve Edvârının Sebebi Beyânındadır

Ekşer-i nâs emrâḍ-ı ḥâdde buḥrânâtında ezmine taḳdîrine sebep ḳamer cihetindendir derler, zîrâ ḳamerin ḳuvveti ruḥbât-ı 'âlemde sârî bir ḳuvvet-tir, o ḳuvvet ruḥbâtta aşnâf-ı taḡayyür icâb eder, bi-ḥasebi isti'dâdi'l-mâdde kiminde nuḍc ve ḥaḍma mu'în olur ve kiminde ḥilâfına mu'în olur.¹¹² Ve ḳamerde ḳuvvet-i sâriye olduğuna onlar medd ve cezeri ve edmiḡa ile istid-

112 Ma'lûm ola ki eyyâm-ı buḥrânın mebnâsı ḳamerin şemse ittişâl-i mezkûru olduğu marâḍ evvel-i şehrde ḥâdiş olur ise zâhirdir velâkin eyyâm-ı sâirede ḥâdiş olan emrâḍ-ı sâire dahi o ḳâide üzere cereyân eylediḡi bi-ḥasebi't-tecribe sâbit olmakla biz deriz ki ḳamerin ittişâli gibi nücûm-ı sâiren birinin şemse marâḍın ḥudûşü katında ittişâli vardır ve o ittişâl devr-i ḳamer ḥisâbı üzere o buḥrânâtı iḳtiḍâ eder. Ve sebebi buḥrân nûr-ı ḳamerin tezâyüd ve tenâḳuşu deḡildir belki buḥrânı icâb eden ittişâldir ve zamân-ı ittişâl ḳamerin nûru ile ma'lûm olduğundan nûra müsâmaḡat nisbet ederler. Ve muḥaḳḳıḳîn dediler ki buḥrânı mücib olan şemsin mu'addile ittişâlidir lâkin o ittişâl ḳamerin şemse ittişâline zâhir olmakla ḳamerin şemse ittişâline nisbet ederler.

lâl ederler, zîrâ edmiğa kamerin nûru ziyâde oldukta zâide olur. Ve kezâlik semerât-ı şecerîyye vü bakliyyenin kamer bedr oldukta sür'at-i nuçdu ile dahi istidlâl ederler ve onlar derler ki bedenin ruṭûbâtı kamerden münfa'iledir, binâen 'aleyh aḥvâl-i kamerin ihtilâfı ile ruṭûbât-ı beden dahi muḥtelife olur; ḥâl-i kamerde zuhûr-ı ihtilâf müştedd oldukça beden-i [491a] insânda olan ruṭûbâtta zuhûr ihtilâf dahi müştedd olur.

Ve kamerde olan ihtilâfın eşeddi ḥâl-i muḳâbilede olan ḥilâf olur ve ondan sonra eşedd-i ḥilâfı vaḳt-i terbî' de olan ḥilâf olur. Bunun beyânı budur ki devr-i kamer evvelâ nişfa taḳsîm olunur ve o nişftan her birisi dahi nişfa taḳsîm olunup mecmû'-ı devre dört kısım olur. Ve o ṭâife dediler ki kamerin devri yirmi dokuz gün ve bir günün şülûsü nihâyetinde taḳrîben tâmm olur ve kamerin şemsle ictimâ'-ı zamânında fi'li olmamakla ber-vech-i taḳrîb devre-i tâmmenin eyyâm-ı mezḳûresinden yevm-i ictimâ' olan iki buçuk gün ve bir günün dahi şülûsü ihrâc olundukta bâkî kalan yirmi altı buçuk gün taḳsîm-i mezḳûra muḳassem kılınır ve o muḳassemnin nişfı on üç gün ve bir günün rubu'ı olur ve o nişfin nihayeti yevm-i muḳâbile i'tibâr olunur ve onun rubu'ı altı buçuk gün ve bir günün dahi şümünü olur ve o gün yevm-i terbî' i'tibâr olunur ve o muḳassemnin şümünü üç kâmil gün ve bir günün dahi rubu'ı ve kezâlik şümünü olur ya'nî bir günün sekiz bölükte üç bölüğü olur ve o kısım devre-i kamerin merâtib-i muṭteberesinin mertebe-i şuḡrâsı olur.

Ve o ṭâife ba'dı kerre taḳsîmi vech-i âḫer üzere ederler ve o taḳsîmin ḥisâbı ḥişâb-ı mezḳûrdan ḳalîlen ekşer ve ḳalîlen enḳaş olur velâkin onda ta'assüf olmakla zîkr olunan müded ya'nî muḳâbile ve terbî' ve teşmîn müddetleri bu bâbda muṭtebere olur ve onları her birinde marîḍde ihtilâfât-ı 'aẓîme olur ve o günler edvâr-ı şuḡrâ eyyâmı olur. Ve kaçan müddet ibtidâ eylese onda mâdde şâliḥa olur ise müddet-i mübtedânın intihâsında şalâḥa taḡayyür-i 'aẓîm olur ve kaçan ibtidâ-i müddette mâdde ve aḥvâl fâside olur ise o müddet-i mübtedânın ihtitâmında fesâda taḡayyür zâhir olur.

Ammâ emrâḍ müzmine olup bir şehri mütecâviz ezmâna mâile ise onun eyyâm-ı buḫrânâtı şemsle i'tibâr olunur kamerin devre-i vâḫidesinin ona sî'ası olmamakla. Ve zîkr olunan taḳrîr ve tecrîbede şükûk ve mevâḍî-i

baḥş vardır ve onlara iştiğāl ʿilm-i ṭabīʿi ʿulemāsına gerektir ve onlara iştiğāl ṭabībe nāfiʿ olmaz, ancak ṭabībe gerekli olan tecārīb-i keşire ile iḥrāc olunan nesneleri taʿarrüf olur, nesnelerin ʿilletini bilmek onlara gerekli değildir, zīrā onların ʿilletini tefahḥuş ṭabībī şınāʿa-i uḥrāya iḥrāc eder. Belki eyyām-ı buḥrānda olan ḳavl ʿalā-sebīli't-tecribe olan ḳavl veyāḥūd ʿalā-sebīli'l-evḍāʿ ve'l-müşāderāt¹¹³ olan ḳavl olmak gerektir.

Ve maʿlûm ola ki ekşer-i eṭibbā devr diye o günlere tesmiye ederler ki onu taḍʿif etmekle ḥāşıl olan mecmûʿ-ı eyyām kendi cinsinden ola yaʿnî kendi yevm-i buḥrān olduğu muḍāʿafı dahi yevm-i buḥrān ola. Onun mişālî rābûʿ ve sâbûʿ olur, zīrā rābûʿ üç gün ve bir günün dahi rubuʿu ve nışf-ı şümününe ıtlāk olunur ve taḍʿif olundukta altı gün ve bir günün dahi nışfı ve şümünü olur. Ve baʿḍı emrāḍda dördüncü gün yevm-i buḥrān olduğu gibi onun muḍāʿafı olan yevm-i sâbiʿ dahi yevm-i buḥrān olur ve o dört ve yedi günlerin her birine birer devr tesmiye olunur. Ve kezâlik sâbûʿ altı gün ve bir günün nışfı ve şümününe ıtlāk olunur ve taḍʿif olundukta on üç gün ve bir günün dahi rubuʿu olur. Ve yedinci gün baʿḍı emrāḍda eyyām-ı buḥrān olduğu gibi on dördüncü gün dahi yevm-i buḥrān olur ve yedi günün ve on dört günün her birinin mecmûʿuna birer devr ıtlāk olunur. Pes edvār-ı ceyyide-i aşliyyenin evvelkisi devr-i erābīʿ ve ikincisi devr-i esābīʿ olur ve bu devrlerin her birisi devr-i tām̄m olur ve bu edvārın üçüncüsü bi-ḥasebi ḥareketi'ş-şems emrāḍ-ı müzminede ʿitibār olunan ʿişrîniyyâtır ve ʿişrîniyyât edvārın cümlesinden etemm olur. Ve erbaʿûn ve sittûn ve şemânûn bunların küllîsi eyyām-ı buḥrāndan olur ve iki evvelki devrler devr-i şâlişten enḳaş olur, zīrā onlarda zikri mürûr eylediği üzere kesr vâkıʿ olur ve o küsûra mürāʿât olunmakla onların devri şâlişinci devrden enḳaş olur ve enḳaş olduğuna bināen şelāse-i esābīʿ yirmi bir gün ʿitibār olunmak vâcib iken yirmi gün ʿitibār olundu. Ve rābûʿ-ı evvel devri dört gün ʿitibār olunup yevm-i rābiʿ yevm-i buḥrān ʿitibār olundu ve maʿa-hāzâ vâcib olan bu idi ki o devr üç gün ve bir günün dahi rubuʿu ve nışf-ı şümünü ʿitibār oluna. Ve rābûʿ-ı şânide kesr cebr olunup yedinci gün yevm-i sâbiʿ buḥrān kılındı, zīrā o iki rābûʿ bir sâbûʿdur ve taḳşim-i sâbık üzere devr-i

113 “Müşāderāt” o mesâildir ki onun delîli zannîdir ve eimme-i zaniyyeye taḳlîd ile maḍbûttadır.

sābū^c sitte-i eyyām ve bir yevmin dahi nısfı ve şümünü i'tibār olunur ve yevm-i sābi^cin ekşeri o dörtten olmakla yevm-i sābi^c tamāmen sābū^cdan ve rābū^c s̄āniden 'add olunur ve ona bināen o iki rābū^c mevşûl ve muttaşıl 'add olunur. Ve rābū^c-ı s̄ālîş yevm-i s̄āminden ibtidā edip hādī 'aşer hitāmı ve yevm-i buhrānı olur munfaşıl i'tibār olunmakla, zīrā yevm-i sābi^cde cebr olmakla rābū^c-ı s̄ālîşin evveli yevm-i s̄āminden i'tibār olunup rābū^c-ı s̄ālîş hādī 'aşerin rubu^cu ve nısf-ı şümünü olur ve o kesr kalîl olmakla rābū^c-ı rābi^cden 'add olunup sābū^cun taḍḍîfi ya'nî sābū^c-ı s̄ānî onun ile cebr olunur ve sābū^c-ı s̄ānîde yevm-i buhrān on dördüncü gün olur ve sābū^c-ı s̄ālîş dahi cebr olursa yevm-i buhrān yirminci gün olur, zīrā iki evvelki sābū^cların mecmū^cu on üç gün ve bir günün rubu^cu eder ve rubu^c kalîl olmakla cebr olunup sābū^c-ı s̄ālîş ona vaşl olunur ya'nî rābi^c 'aşer üsbū^c-ı s̄āniden 'add olduğu gibi üsbū^c-ı s̄ālîşin evveli dahi rābi^c-i 'aşerden 'add olunup yirminci gün yevm-i buhrān olur. Ve bi'l-cümle rābū^cât mevşûl ve muttaşıl i'tibār olunur ya'nî yevm-i rābi^c rābū^c-ı evvelin āhiri ve rābū^c-ı s̄ānînin evveli i'tibār olunup iki rābū^cun mecmū^cu sittete eyyām ve nısf ve şümün i'tibār olunur. Ve rābū^c-ı s̄ānî ile rābū^c-ı s̄ālîş munfaşıl i'tibār olunur, zīrā yevm-i sābi^cden rābū^c-ı s̄ānînin hisşesi nısf ve şümün olmakla ekşer-i yevm küll hükümünde kılınıp tamāmen rābū^c-ı s̄āniden 'add olunur. Ve rābū^c-ı s̄ālîşin bidāyesi yevm-i s̄āminden i'tibār olunup rābū^c-ı s̄ālîş rābū^c-ı s̄āniden munfaşıl kılınır ve rābū^c-ı s̄ālîş ile rābū^c-ı rābi^c mevşûl kılınır, zīrā yevm-i hādī 'aşerden rābū^c-ı s̄ālîş bir rubu^c ve nısf şümün aḥz eder ve o mikḍār kesr nısf-ı yevmden kalîl olmakla hādī 'aşer rābū^c-ı s̄ālîşin āhiri ve rābū^c-ı rābi^cin evveli i'tibār olunup ve rābū^c-ı rābi^c rābū^c-ı s̄ālîşe vaşl olunup yevm-i rābi^c 'aşer yevm-i buhrān olur ve rābi^c 'aşeri tecāvüz eyledikte onda beyne'l-eṭibbā hilāf vāḳi^c olur. *Ve onu taḳrîr keşf ve idāḥa muhtāc olmakla muşannifin 'ibāretini bi-'aynihā taḥrîr edip şerḥ eyleyelim:*

Emrāḍın on dört gün gelince eyyām-ı buhrānı zikr olundu ve o eyyāmda hilāf yoktur ve kaçan on dört günü tecāvüz eylese onda hilāf vardır. Efāḍıldan Buḳrāt ve Cālînūs m'a-et-bā'ihā yirminci günü yevm-i buhrān i'tibār eder ve Erkāgānis yirmi birinci günü yevm-i buhrān i'tibār eder. Ve zikri ātī beynehümāda hilāf-ı āḥer dahi vardır.

فالأفاضل مثل بقراط وجالينوس ابتدؤوا بالموصول *Ma'lum ola ki eyyām-ı buhrân hisâbında vâķf olan kesr nisf-ı yevmden eķall olur ise yevm kesr kablinde olan devrden ʿadd olunduğı gibi bāʿdinde olan devrden dahi ʿadd olunup yevm-i vāhîd iki devrden dahi cüzʾ kılınıp ve devr-i şānî devr-i evvele vaşl olunur gerek ise o iki devr erābīf veyāhūd esābīf veyāhūd biri erābīf den ve āheri esābīf den olsun. Ve eger kesr nisf yevmden eķall olmaz ise faşl olunup yevm-i kesr kabline ilhāk ve bāʿdinde olan devr-i şānî yevm-i kesrin bāʿdinde olan yevm ile ibtidā eder pes o efādıl eyyām-ı buhrānı takrîre mevşûl ile ibtidā ederler.*

فكأن ترتيب الأيام هكذا *Pes o [491b] efādıl katında tertîb-i eyyām-ı buhrân zikri âtî minvāl üzere olur. Bu kelām iki vech üzere ħaml olunmak mümkün olur: Yā demek olur ki yevm-i rābīf ʿaşereyi tecāvüz eyledikte tertîb bu minvāl olur, buna göre rābīf ʿaşere gelince kadar mevcūd olan eyyām-ı buhrân takrîri dahi o efādılın takrîri olur veyāhūd maʿnā bu olur ki cemʿan eyyām takrîrinde o efādıl bu vech üzere mevşûl ile ibtidā ederler, bu maʿnā üzere rābīf ʿaşere gelince kadar eyyām-ı buhrân tertîbi muşannîfin muhtârı olur, her ne kadar bi-ħasebi'l-meʿāl iki takrîr dahi mütteħid ise rābīf ʿaşerden muķaddem olan eyyām-ı buhrānı tertîb-i sābık üzere beyān fehme ķarîb ve bāʿdehu olan eyyām-ı buhrānda olan ihtilāfî fehme tertîb-i âtî ķarîb olur.*

السابع والعشرين موصول الرابع عشر *Ma'lum ola ki tağayyürāt-ı buhrāniyyenin sebebi ķamerin eşķāl-i vāđıķası ve eşķāl-i ħafıyyesi olur. Ve onun eşķāl-i vāđıķası sekiz şekl olur ve onun dördü ķavî ve dördü đāʿîf olur. Ammā ķavî olanlar istiħlāl ve istiķbāl ve terbīf-i evvel ve terbīf-i şānî olur ve đāʿîf olanlar ķamerin beyne'ş-şems ve't-terbīf-i'l-evvel tavassuťu ve beyne'ş-şems ve't-terbīf-i'ş-şānî tavassuťu ve beyne't-terbīf-i'l-evvel ve'l-muķabele ķamerin tavassuťu ve beyne'l-muķābele ve't-terbīf-i'ş-şānî tavassuťu olur. Ve ķamerin eşķāl-i ħafıyyeleri dahi sekiz şekldir, o şekller budur: Kıamerin şemse muķārenetinden bir gün muķaddem ve muķārenetinden bir gün muʿaħķar ve muķābeleden bir gün muķaddem ve muķābeleden bir gün muʿaħķar ve terbīf-i evvel ve terbīf-i şānîden birer gün muķaddem ve birer gün muʿaħķar olan eşķāl-i ķamerdir ki onlar đāʿîfe olmakla onlarda buhrân ķalîlen vāķf olur ve onlara zikri âtiye olduğı üzere el-vāķfatu fi'l-vasať tesmiye olunur.*

Ve mâ'lûm ola ki eyyâm-ı buhrânı ta'yîn iki tarîk üzere olur, ehadü-hümâ tarîk-i tađîf ve âheri tarîk-i tanşîf olur; rābî aşere gelince kadar zîkr olunan tarîk-i tađîf idi ve bundan sonra o efâdûlın zîkr eyledikleri tarîk tarîk-i tanşîftir. Ve tarîk-i tanşîf budur ki devre-i kamer eyyâmından ictimâ günleri ihrâc olunduktan sonra bâkî kalan yirmi altı gün ve bir günün nişfi idi ki ondan yirmi yedinci yevm yevm-i buhrân olur ve o mecmû tanşîf olundukta nişfi on üç gün ve bir günün dahi rubûu olur, pes rubû yevm-i kalîl olmakla kesri olan yevm-i vâhid iki nişftan dahi ʔtibâr olunup sâbî ve ʔşrûn rābî aşere vaşl olunur ve on dördüncü gün o iki nişfin her birinden cüz kılınır.

والواحد والعشرون مضاعف السابوعات على الفصل *Ve tarîk-i tađîften olan sâbî meşûlen cem olursa o mecmû yirmi bir olur, üçü yediye ʔarbdan hâşıl yirmi bir olmakla*

فنجد اسبوعين منفصلين يتلوهما ثالث منفصل فيتم العشرين *Ya'nî o üç sâbî'dan sâbî-ı evvel sâbî-ı şânîden munfaşıl olup ve sâbî-ı şâliş sâbî-ı şânîye mevşûl olmakla üç sâbî yirmi günde tamâm olur ve buhrân yirminci gün vâkî olur. Ve zîkri mürûr eylediği üzere sâbî-ı evvel altı gün ve bir günün dahi nişfi ve şümünü olur. Ve kûsûrun miqdâr-ı mezkûru nişf-ı yevmden ekşer olmakla sâbî-ı şânî faşl olunup yevm-i şâminden ʔtibâr olunur ve sâbî-ı şânî munfaşilen sâbî-ı evvele ʔamm olundukta buhrân on üç gün ve bir günün dahi rubûu tāmamında olur ve o kesr nişf-ı yevmden eḳall olmakla vaşl olunup rābî aşer sâbî-ı şâliştan ʔtibâr olunup ve yirminci günde üç sâbî tām olup o gün yevm-i buhrân olur.*

ثم منفصلا من العشرين وهو الرابع والعشرون *Ya'nî hisâb-ı mezkûr üzere yirminci günde olan kesr nişf yevmden ekşer olup ona bir rābî dahi ʔamm oldukta faşl olunup yirmi dördüncü gün yevm-i buhrân olur.*

ثم السابع والعشرين موصولا *Ya'nî yirmi dördüncü günün kesri olan üç şümün nişf-ı yevmden eḳall olmakla ona bir rābî dahi vaşl olunup yirmi yedinci gün dahi buhrân olur.*

ثم الواحد والثلاثون مفصلات على ثلث اسابيع *Ya'nî yirmi yedi gün dört sâbî-dur, sâbî-ı evvel sâbî-ı şânîden munfaşıl olmakla ʔtibâr olunmayıp bâkî üç sâbî'a meşûlen bir rābî dahi ʔamm oldukta otuz birinci gün yevm-i buhrân olur.*

ثم الرابع والثلاثون موصولات Otuz birinci güne bir rābīʿ dahi vaşl olunup otuz dördüncü [gün] yevm-i buhrân olur.

ثم اسبوع مفصل فيكون اربعين Ve otuz dörde bir üsbīʿ mufaşşalen damm olundukta kırk gün olur, zīrā üsbīʿ-ı vāhidin eyyām-ı tāmmesi altı gün eder ve onda kesre ʿtibār olmaz, zīrā kırktan sonra mufterber olan nesne şemsiyye olup onların buhrānları emrāḍ-ı müzmine buhrānı olur ve emrāḍ-ı müzmine erbāʿinde vāḳṭ olan buhrân emrāḍ-ı ḥāddede dördüncü günde vāḳṭ olan buhrân menzilesinde olur ve bundan sonra buhrân üç üsbīʿun ʿale'l-ittisāl ictimāʿından ḥāşıl olan yirmi günün yirminci günü olur, meşelâ kırktan sonra yevm-i buhrân altmışıncı gün ve bāʿdehu dahi sekseninci gün yevm-i buhrân olur ve bāʿdehu ʿişrîn dahi taḳṭīf olunup yüz yirminci gün yevm-i buhrân olur. Ve zikr olunan eyyām-ı buhrân aralarında dahi keşiren buhrân vāḳṭ olur, ona bi-ḥasebi'l-iltifāt buhrân derler, o günler yevm-i buhrân olmadığı için bu zikr olunanlar erbāʿına gelince kadar efādıl-ı mezkûrenin ittifâkları üzere olur ve bāʿde'l-erbāʿin yalnız İbuḳrāt'ın kavli üzere olan eyyām-ı buhrân idi. Ammā Erkāgānīs ve āḥerler dediler ki yevm-i buhrân rābīʿ ʿaşerden sonra şāmin ʿaşerdir ve bāʿdehu ḥādī ve ʿişründür ve bāʿdehu şāmin ve ʿişründür ve bāʿdehu şānī ve şelāşün ve bāʿdehu bi-tevāşil-i üsbīʿ şāmin ve şelāşündür. Ve bir kavm dahi kırk ikinci ve kırk beşinci ve kırk sekizinci günleri buhrân eyyāmından ʿadd edip vechinde taʿassüf ve tekellüf irtikâb eylediler.

Ve sana gerektir ki eṭibbā erābīʿ ve esābīʿ aḥkāmını tafşil edip birbirlerinden ne keyfiyyette faşl eylediler onda fikr ve nazar edip bilesin ki eyyām-ı buhrândan erābīʿ için yirmi güne varınca kadar kuvvet-i kaviiyye vardır ve yirmi günden sonra kuvvet otuz dördüncü güne varınca kadar erābīʿden esābīʿe intikāl eder. Ve emrāḍ-ı müzminede kaçan marīḍ yirmi günü tecāvüz eylese onda sābūʿāt münfaḳıd olur yaʿnī hangi gün sābūʿ olduğunu taʿyîninde ihtilāf vāḳīʿ olur, zīrā Erkāgānīs katında yirmi birinci günde buhrân-ı ceyyid yirminci günde olan buhrândan ekser vāḳīʿ olur. Ve sābīʿ ʿaşrın şāmin ʿaşr üzere tafḍilī ancak yirminci günün yevm-i buhrân olduğunun şehādetiyle şābit olmakla yevm-i buhrân yirmi birinci gün oldukta bilā-şāhid kalıp on sekizinci gün yevm-i buhrân olmak on yedinci gün yevm-i buhrân olmaktan efḍal olur, zīrā Buḳrāt ve Cālīnūs yevm-i sābīʿ-ı ʿaşerin şāmin ʿaşerden buhrân olmağa elyaḳ ve efḍal olduğunu ʿiş-

rûndan buldular. Ve kezâlik sâbi' ve işrûn ve sâmin ve işrûnda olan hilâf dahi bu minvâl olur, zîrâ o günler buhrâna eḥaḳḳ olmakta Erkâgânis'in kavli İbukrât'ın ve Cālînûs'un kavline muḡâyirdir, zîrâ Erkâgânis sâmin ve işrîni tafḏîl eder ve o efâḏıl zîkri mürûr eylediği üzere sâbi' ve işrîni tafḏîl ederler. Ve kezâlik vâhid ve selâşîn ile sâni ve selâşîn beyninde ihtilâfları ve râbi' ve selâşîn ile hâmis ve selâşîn beyninde ihtilâfları ve erba'un ile sâni ve erba'un beyninde [492a] ihtilâfları minvâl-i muḡarrer üzeredir. Efâḏıl-ı mezḳûre yevm-i müteḳaddimi tercîh ve Erkâgânis yevm-i müte'ahhiri tercîh edeler.

Ve ma'lûm ola ki emrâḏ-ı müzmineden ba'dı maraḏın buhrânı şühûr-ı sebada ve belki yedi yılda ve on dört yılda ve yirmi bir yılda buhrân eder. Ve ba'dı nâs zann ederler ki kırk günden sonra istifrâḡ-ı kavî ile buhrân vâқи olmaz lâkin vâқи'ı'l-hâl onların maznûnları gibi değildir. Ve ba'de'l-erba'in olan buhrânda maraḏda ḥiddet veyâḥûd nüks veyâḥûd emrâḏ-ı sâire dahi ḥâḏîşe olup maraḏ-ı sâbiḳ onlar ile terkîb olunmak vâcib olmaz. Ve maraḏ-ı müzminde mümteni' değildir ki taḃî'at onu inḏâcdan ḥâlî ve zâil olmayıp defaten istifrâḡ eyleye velâkin bu vechle istifrâḡ ḳalilü'l-vuḳû' olur, onların zîkr eyledikleri keşîrî'l-vuḳû'dur. Ve ekşer-i ḥâlde faḏlın ba'de'l-erba'in indifâi buhrân-ı nâḳış ile veyâḥûd baṭṭî'l-hareke ḥurâcla veyâḥûd taḥallül ile olur.

Ve Buḳrât dedi ki eyyâm-ı buhrânın kimisi ezvâc ve kimisi efrâd olur; efrâdın buhrânı ekşer-i emrde ve 'adedleri ekşer olanlarda aḳvâ olur. Ve ezvâcın mişâli râbi' ve sâdis ve sâmin ve 'aşîr ve râbi' 'aşer ve işrûndur. Ve bizim zîkr eylediğimiz ezvâc iki mezhebe dahi muvâfıktır. Ve efrâdın mişâli sâlis ve hâmis ve sâbi' ve tâsi' ve ḥādî 'aşer ve sâbi' 'aşer ve el-ḥādî ve'l-ışrûn ve el-vâhid ve's-selâşûn olur velâkin Cālînûs, Buḳrât'ın sâmin ve 'aşîri eyyâm-ı buhrândan ta'dâdını istinkâr edip dedi ki Buḳrât'ın ezvâc olan beḥârîni ta'dâdında sâmin ve 'aşîri îrâd eylediği uşûlüne muḡâliftir ve mercûdur ki onun ta'dâd-ı mezḳûru esâs uşûlünü te'sîsten muḳaddem ve eyyâm-ı buhrânda mezhebi müstahkem olmazdan aḳdem ola yâḥûd onun katında bizim bilmediğimiz bir te'vîl ola.

Ve ma'lûm ola ki ba'dı kerre eyyâm-ı müte'addide beḥârînde birbirine muttaşıl olup yevm-i vâhid gibi olur ve ekşerıyyâ o ittîşâl ba'de'l-ışrîn olan beḥârînde olur gerek ise o beḥârîn istifrâḡla ve gerek ise ḥurâcla olsun.

Ve ma'ûm ola ki kaçan buhrân-ı ceyyid günlerinde 'alâmât-ı rediye zâhir olsa erde' olur ve eger hâlde mevte delâlet eder, meşelâ buhrân-ı ceyyid günü olan sâbi' de ve râbi' 'aşerde 'alâmât-ı rediyyeden bir şey' zâhir olsa delâlet-i mezkûre mevcûd olur.

Eyyâm-ı Buhrânın Kuvvet ve Dâfta Birbirine Münâsebeti ve O Eyyâmın Emrâda Mukeyyesi Beyânındadır

Eyyâm-ı bâhüriyyenin ba' dısı kaviiye olup onun kuvveti gâyet-e bâliğa olur hattâ o mişlli yevm-i bâhürîde karîb olur ki her dâim buhrân vâki' ola. Ve eyyâm-ı bâhürînin kimisi dahi cidden dâ'if olur ve kimisi dahi beynehümâda mütevassıf olur, biz inşâallâhu ta'âlâ bundan sonra onları beyân eyleriz. Ve şimdiki hâlde deriz ki o beğârîn yevm-i râbi' dir ve ma'a-zâlik yevm-i râbi' de buhrân vukû'u keşir olmaz ve belki râbi' sâbi' i münzir olur, ammâ yevm-i sâbi' ceyyid ve kavîdir, ona binâen râbi' ile inzâr olunur. Ve câiz olur ki yevm-i sâbi' eyyâm-ı beğârînin şabağa-i 'âliyesinin evvelinde kılınâ. Ve kezâlik hâdî 'aşerin kuvveti râbi' kuvveti meblağına bâliğa olmaz lâkin ğıbb gibi nevâibi efrâdda gelen emrâdda hâdî 'aşer cidden kavî olur hattâ râbi' 'aşerden dahi aqvâ olur. Ve râbi' 'aşerin kuvveti şol meblağa bâliğ olur ki ona gayr-i münâsib olan ne kadar eyyâm-ı buhrân var ise onların cümlesinde buhrân ahkâmı ve selâmeti gâyet-i kuvvette olmaz ve o buhrânların 'adem-i tamâmını ona kıyâs eyle. Ve sâbi' 'aşer dahi yevm-i kavîdir ve sâbi' 'aşere münâsib olan eyyâm aqvâ olur. Sâbi' 'aşerin işrûna münâsebeti hâdî 'aşerin râbi' 'aşere münâsebeti gibi olur. Ve sâmin 'aşer kalîlü'l-vukû' olan buhrân eyyâmından bir gün olur velâkin eķall-i hâlde onun buhrânı hâdî ve işrîn buhrânına münâsib olur. Ve râbi' ve işrûn ve vâhîd ve şelâşûn eyyâm-ı buhrân-ı kalîledendir ve sâbi' ve şelâşûn onların ikisinden dahi eķall olur ve ke-enne sâbi' ve şelâşûn yevm-i buhrân değildir. Ve yevm-i erba'in râbi' ve şelâşûndan aqvâdır ve ma'a-hâzâ râbi' ve şelâşûn şâlihu'l-kuvve ve vâhîd ve şelâşûndan aqvâdır.

Ve ma'ûm olsun ki ğıbb mişlli efrâdda nâibe olan emrâd ve kezâlik ekşer-i emrâd-ı hâddenin buhrân-ı serî' olur ve efrâdda vâki' dir. Ve buhrâna ğıbbda hâdî 'aşerde intizâr olunur, râbi' 'aşerde ona intizâr kalîlü'l-vukû'

olur her ne kadar nevbet-i sābi'e rābi'e aşer nevbetinden kalîle münhatta olur ise. Ammā ezvācda nāibe olan emrād ebṭa' olur ve onun buhrānı ekseriyyā ezvācda olur.

Ve ṭabaḳa-i 'aliyede olan eyyām-ı bāhūriyye sābi'e aşer ve rābi'e aşer ve ḥādī aşer ve işrūn olur. Ve ba'dı kerre bir nev' maraḍın edvārı maraḍ-ı āherin eyyāmına muvāfiḳ olur ḡıbbın seb'a-i edvārı muḥriḳanın seb'a-i eyyāmına muvāfiḳ olduğu gibi. Ve ba'dı kerre dahi emrād-ı müzminede şühür-ı sinīnin 'adedinin ḥālī emrād-ı ḥāddenin eyyāmı ḥālī üzere olur hattā rubu'un seb'a-i eşhürü emrād-ı ḥāddenin seb'a-i eyyāmı mişlli olur ve seb'a-i eşhür buhrānının yevm-i inzārı seb'a-i eyyām inzārının kıyāsı üzere cereyān eder. Ve seb'a-i eşhürde olan inzār ve buhrānın iltifātı ve teḳaddüm ve te'eḥḥürü seb'a-i eyyāmda olan buhrān ve inzārın teḳaddümü ve te'eḥḥürü kıyāsı üzere olur, inşāallāhu ta'ālā onları biz zikr eyleriz.

Eyyām-ı Buhrān-ı Mezkûre Vasaṭında Vāḳı' Olan

Eyyām Beyāmındadır

Bizim bundan aḳdem mezkûrumuz olan eyyām-ı buhrānın eyyām-ı aşliyyesi idi. Ve ba'dı kerre eyyām-ı buhrāna li-sebebin mine'l-esbāb isti'cāl edip eyyām-ı aşliyyeye teḳaddüm eylemek veyāḥūd ondan te'eḥḥür eylemek 'ārıd olur ve o sebep-i ḥāricden veyāḥūd nefsi maraḍdan olur, zīrā emrādın hareketi serī'a olsa yevm-i buhrān teḳaddüm eder ve baṭī'e olur ise te'eḥḥür eder veyāḥūd sebep ḥāl-i beden olur, bedenın kuvveti ve da'fı i'tibārı ile yevm-i buhrān teḳaddüm ve te'eḥḥür eder veyāḥūd 'avārıd-ı beden ḥasebiyle teḳaddüm ve te'eḥḥür ḥādis olur müshir-i ḥāriciden 'ārıd olan seher-i şedīd gibi veyāḥūd teḳaddüm ve te'eḥḥürü mūcib olan esbāb-ı bedeniyye vü nefsāniyyenin ifrāt üzere şedīd olanlarıyla teḳaddüm ve te'eḥḥürü olur.

Velākin el-vāḳı'u fi'l-vasaṭ tesmiye olunan beḥārīn-i mezkûre vāḳtiyle olan buhrān-ı aşliyye-i mezkûre maḳāmına kāim olmaz belki onlardan enḳaş olur, eger teḳaddüm ve te'eḥḥüre mü'eddī ḳavī sebep olmasa idi onun buhrānı vāḳtinde olup tām olur idi ve teḳaddüm ve te'eḥḥür edip nāḳış olmaz idi. Velākin bilā-vāḳt buhrāna sebep sebep-i ḳavī ise buhrān münḥarif olup vāḳt-i aşlisine teḳaddüm veyāḥūd te'eḥḥür eder. Ve eger o sebep da'f

ise buhrânda ʿusret olup onun tamâmına mâniʿ olur ve o münharif ve mültefit olan buhrân eyyâmına el-vâkıʿatu fi'l-vasaʿ tesmiye olunur. Ve onlar için cihet-i maddeden eyyâm-ı buhrân aḥkâmı vardır ve o günler üçüncü ve beşinci ve altıncı ve dokuzuncu ve on üçüncü günlerdir ve şâliş ve ḥâmis râbiʿin câniblerinde olurlar yaʿnî râbiʿde olacak buhrân zıkr olunan esbâbın biri ile o iki cânibden birine iltifât ederler ve dokuzuncu yevm-i sâbiʿ ile ḥādî ʿaşer beyninde olurlar yaʿnî yevm-i sâbiʿ buhrânı teʿhḥür edip tâsiʿde vâkıʿ olur ve ḥādî ʿaşer buhrânı tekaddüm edip yevm-i tâsiʿe iltifât eder. Ve baʿdı kerre el-vâkıʿu fi'l-vasaʿ yevmi iki cânibde olan iki yevmin birine evlâ olur ve baʿdı kerre dahi yevm-i buhrân iki cânibinde olan iki el-vâkıʿu fi'l-vasaʿ yevmlerinden birine eḥaḳḳ olur, meşelâ ḥādî ʿaşerin tâsiʿe istiʿcâli sâbiʿin tâsiʿe teʿhḥüründen eḥaḳḳ olur fi'l-ḥaḳıka her birinde ne kadar keşret var ise.

el-Vâkıʿatu [492b] Fi'l-Vasaʿ Eyyâmının Kıvvet ve Daʿfı Beyânındadır

Ve maʿlûm ola ki yevm-i tâsiʿ yevm-i kavîdir, eger onda olan buhrân ḥādî ʿaşerin buhrân-ı mütekaddimi ise ve baʿdehu ḥâmis ve baʿdehu şâliş kavîdir. Ve şâliş râbiʿden kuşûr-ı beyyin ile kâsır değildir ve şâliş ʿaşer daʿfı ḥasebiyle eyyâm-ı buhrâdan değil gibidir. Ammâ sâdis yevm-i buhrân olur velâkin onda vâkıʿ olan buhrân redî olur ve eger onun redâʿeti olmaz ise lâ-eḳall ḥafî ve ʿasîr ve nâķış olup ḥaṭardan selîm olmaz ve zann olunur ki sâdis onda vukûʿ-ı buhrân[ın] kılletinde ve onda maʿa-ķilletin vâkıʿ olan buhrânın redâʿetinde veyâḥûd buhrânının ğayr-i henîʾ olmasında sâbiʿin dıddı olur. Ve yevm-i sâdis buhrânını yevm-i râbiʿ bi-şerrin inzâr eder ve râbiʿin sâdisi ḥayr ile inzârı ḳalîlen tamâm olur ve onda dahi ʿusret olup onda dahi ʿalâmât-ı hâile olur sekteler ve ğaşyler vukûʿu gibi ḥuşuşan yevm-i sâdis-i mezkûr buhrânı istifrâğla ola, o şürette kayʾ ile ğaşy elbette vâkıʿ olur; o istifrâğla kıvvetin suķûṭu ve irticâd ve raʿşe ve buṭlân-ı nabḍ ʿarîḍ olur, eger o günde ʿaraḳ zâhir olursa o ʿaraḳ müstevî olmaz. Ve baʿdı kerre onda buhrân-ı istifrâğî nâķış olup onun tamâmı ḥurâc-ı redî ve yereḳân ile olur ve redâʿet-i rüsüb ile bevli dahi redî olur. Bu aḥkâm-ı mezkûre sâdisin selâmeti ḥâletinde olan aḥkâm idî, ʿadem-i selâmeti aḥkâmını sen ona kıyâs

eyle. Ve sâdis vaqt-i selâmette mi'rađ-ı nükstür. Ve Cālînûs dedi ki yevm-i sâbi' melik-i 'âdil gibidir ve sâdis müteğallib-i câir gibidir ve yevm-i şâmin aḥkâmda sâdis e qarîb olur.

**Eyyâm-ı Buḫrândan Aşliyye Olanlardan ve Kezâlik el-Vâkıfatu
Fi'l-Vasatṭan ve Eyyâm-ı İnzârdan Eyyâm-ı Fâḍıla ve Eyyâm-ı
Rediyyenin 'Ale't-Tertîb Beyânındadır**

Eyyâm-ı buḫrânın efdali yevm-i sâbi' ve râbi' aşerdir ve ba'dehümâ yevm-i tâsi' ve sâbi' aşer ve işrûndur ve ba'dehâ ḥâmis ve ba'dehu râbi' ve ba'dehu şâmin aşer ve ba'dehu şâlis aşerdir.

Ve ma'lûm ola ki eyyâm-ı buḫrândan ve'l-vâkı'u fi'l-vasatṭan ve onların eyyâm-ı inzârından kavıyyü'l-aḥkâm olanlar eyyâm-ı mütekaddime olanlardır, her kaçan o eyyâmı bu'd ve im'ân olsa onun hükmü da'if olur.

**Min Külli Vechin Gerek Kaşd-ı Evvel ve Gerek Kaşd-ı Şânî ile
Buḫrân Olmayan Eyyâm Beyânındadır**

O eyyâm-ı evvel ve şânî ve 'aşir ve şânî aşer ve sâdis aşer ve tâsi' aşer ve kezâlik ḥâmis aşer dahi o cümledendir. Ta'accüb olunacak umûrdandır ki bu mezkûrların ekşeri eyyâm-ı buḫrânı vely ederler ya'nî ma'a-hâzâ bi-hasebi'l-iltifât ve'l-kaşdı's-şânî onlarda buḫrân vâkı' olmaz.

Eyyâm-ı İnzâr Beyânındadır

Eyyâm-ı inzâr o eyyâmıdır ki onda biraz âşâr zuhûr eder ki o âşârın zuhûru mâddenin tağayyürüne delâlet eder veyâḥûd eḥad-ı mütekâfiḥayn¹¹⁴ âḫer üzere gâlebesine ya'nî marađ ve kuvvetten birinin âḫer üzere gâlebesine delâlet eder veyâḥûd ṭab'at ile illetin o münâḥada-i ḥafıyyesine delâlet eder ki o münâḥada her biri heyecâna bed' edip onunla faşl kaşd eylemezler, ammâ tağayyür-i mâddeye delâlet eden âşâr-ı nuđc veyâḥûd 'adem-i nuđcun delâili olur. Ve 'alâmât-ı nuđc qârûrede olan ğamâme-i ḥamrâ veyâḥûd beyâda đarib ğamâmedir ve 'adem-i nuđcun delâili dahi ma'rûfedir.

114 “Mütekâfiḥayn” mütekâbileyn ma'nâsınadır.

Ammâ maraḍ ve kuvvetin mükāfaḥa ve mu'araḍa edip eḥadühümânın ğalebesine delâlet eden delâil o günde şehvetin zuhûr-ı kuvveti veyâhûd sukût-ı kuvveti ve hareketin hıffeti veyâhûd hareketin şikleti olur. Ve ammâ beyne't-tabî'a ve'l-illet ibtidâ-i münâhaḍa delâili şudâ ve kerb ve dîk-ı nefes ve 'arâk-ı ğayr-i 'amm ve istifrâğ-ı ğayr-i tâmm olur. Ve kaçan zîkr olunan âsâr eyyâm-ı inzârda zuhûr eylese onu tâlî olan eyyâm-ı buhrân-ı ma'lûmede buhrân vâkı' olur ve o âsâr yevm-i râbî' de vâkı' olup 'alâmât dahi ceyyide olursa yevm-i sâbî' buhrânını inzâr eder. Ve eger yevm-i râbî' inzârında 'alâmet-i rediyye var ise yevm-i sâdisi inzâr eder ve hâşşaten muhrıkada ve nâibede yevm-i râbî' ekseriyyâ yevm-i sâbî' buhrânını inzâr eder ve fi'l-ekall tâsi'i inzâr eder velâkin ğıbbda sâdisi inzârı keşir olur. Ve o âsâr-ı münzire yevm-i sâbî' de zuhûr eder ise hâdî 'aşeri ve 'ale'l-ekşer râbî' 'aşeri inzâr eder ve o âsâr hâdî 'aşerde zuhûr eder ise râbî' 'aşeri inzâr eder ve râbî' 'aşerde zuhûr eden âsâr-ı mezkûre sâbî' 'aşeri veyâhûd şâmin 'aşeri veyâhûd işrîni veyâhûd vâhid ve işrîni inzâr eder ve kezâlik sâbî' 'aşer dahi işrûnu ve vâhid ve işrûnu inzâr eder ve şâmin 'aşer dahi vâhid ve işrûnu inzâr eder ve yevm-i işrûn erba'ûnu inzâr eder, ammâ el-vâkı'a fi'l-vasaḥ olan eyyâmdan yevm-i şâliş hâmisî inzâr eder ve eger yevm-i şâliş inzârında redâet olur ise sâdisi inzâr eder ve yevm-i hâmis tâsi'i inzâr eder, eger hâmisin inzârı 'alâmet-i rediyyeye maḥrûn olur ise şâmini inzâr eder.

Ve ma'lûm ola ki delâil-i inzârât ba'ḍı kerre eyâm-ı buhrân maḥşûşasından münharife olur buhrânâtın eyyâmından inḥirâfa ve ḳabl ve ba'di-ne iltifâta mü'eddî esbâb ḥasebiyle. Ve ma'lûm ola ki eyyâm-ı inzârı tâlî olan yevm-i şânide yevm-i inzârda vâkı' olan âsâr zuhûr eylese maraḍ serî'ü'l-harekettir. Ve sana gerektir ki 'alât-ı mu'accile ve 'alâmât-ı mü'ahḥi-rede te'emmul eyleyip eyyâm-ı inzârda yevm-i buhrânın tekaddümüne ve te'eḥḥürüne ḥükm eylesin.

Eyyâm-ı Buhrândan Müşkil Olanları Ta'arrüf Beyânındadır

A'râḍ-ı keşire ḥasebiyle eyyâm-ı buhrânı ta'arrüfe ḥâcet olur, zîrâ yevm-i buhrân ḳable-mecîhi ma'lûm oldukta eger ḳarîb ise ona tedbîr olunmak vâcib olur ve eger ba'd ise ona tedbîr-i âḥer olunur. Ve yevm-i

buhrânın kendide ve qarîb oldukça vâcibdir ki marîde tedbîr-i hâşş ile tedbîr edip devâ ile marađı taħrîk eylemeyesin, zîrâ marađı devâ ile taħrîk tabî'ata mu'în olup istifrâğ ifrâ't-ı şiddet üzere olur. Ve ba'đı kerre dahi devâ mevâddı tabî'atın taħrîki cihetinin ħilâfı ve müdâdde olan cihete def' edip iki def' tekâfû' etmekle istifrâğ hâşıl olmaz. Ve buhrân ile istifrâğ olmamağın mađarratı zâhir ve beyândan ğanî olur.

Ve eyyâm-ı buhrânı ta'arrüfte vâcib olur ki eyyâm-ı buhrânı tağyîr eden umûr-ı muğayyire-i ma'lûmeye dahi mürâ'ât oluna. Ve buhrânda iki cihetten ta'arrüfe ĥâcet vardır: Eĥadühümâ muṭlakâ marađın buhrânıdır ve ikincisi müddet-i buhrân cümlesinden hangisi yevm-i buhrâdır, zîrâ ba'đı kerre aĥvâl-i buhrân iki ve üç gün kadar mütemâdî olur ve o günlerin hangisi buhrâna nisbet olunduğunu ta'yîn ve ta'arrüfe muṭtâc olur ta'yinde işkâl olmakla. Ammâ vech-i evvele ya'nî muṭlakâ marađın buhrânına iki vech üzere istidlâl olunur: Biri marađın ṭûl ve kışarı ile istidlâldir ve âĥeri emrâđın ṭabâyi'î ve kuvâsı ile istidlâldir. Ammâ ṭûl ve kışar ile istidlâl marađın inķıdâsına istidlâl ĥasebiyle olur, meşelâ ba'đı marađ râbî'îde ve râbî'î vely eden günde münkađî olmak mümkün olmaz velâkin sâbi'îde ve sâbi'îden sonra münkađî olmak mümkün olur. Bu mişlli marađda yevm-i râbî'î vely eden vakte 'alâmât-ı nuđc ceyyiden zuhûr eylese recâ olunur ki sâbi'îde buhrân eyleye ve bâbında zıkr olunan ṭûl-i marađ 'alâmâtı zâhir olur ise ma'lûm olur ki onun buhrânı te'eĥḥûr eder veyâĥûd onun 'aķıbında buhrân olmaz. Ve eger marađın ṭûl ve kışarı 'alâmâtından biri zuhûr eylemese recâ olunur ki sâbi'î ile râbî'î arasında marađ münkađî olur.

Ammâ ṭabâyi'î-i emrâđdan muṭlakâ marađın buhrânına istidlâl bu vechledir ki marađın ibtidâ-i ĥareketi yevm-i ferdde olursa senin bundan aķdem bildiğın üzere buhrân dahi yevm-i ferdde olur ve ĥârre ve ĥâdde olan marađın buhrânı dahi yevm-i ferdde olur.

Ammâ vech-i şâniye istidlâl ya'nî buhrânı ta'yîne istidlâl vücûh-i müte'addide ile olur, kıyâs-ı edvârdan ve evķât-ı buhrânın [493a] 'adedinden ve zamân-ı buhrândan ve istiĥķâķat-ı eyyâm ve kuvâ-yı eyyâmdan istidlâl olunur.

Ammâ kıyâs-ı edvârdan istidlâl senin bildiğın gibi yevm-i zevc bir nev' marađa ve yevm-i ferd marađdan nev'-i âĥere evlâ olur.

Ammâ zamân-ı buhrândan istidlâl ya'nî buhrânda zuhûr eden ahvâl ve a'râd iki gün mütemâdî oldukta o günlerden buhrân hangi güne müntesib olduğuna istidlâl onlarda tefekkür ve ta'arrûf olunup mu'ânât ya'nî şiddet ve meşakkât hangi günde ekşer olursa onunla buhrân o güne nisbet olunmağa istidlâl olunur meger ki o delîlden aqvâ onun hîlâfına delîl ola. Ve yine bu kabîlden olur 'avârîd-ı buhrân üç gün mütemâdî olup buhrânın yevm-i evsa'ta nisbet olunduğu ya'nî şiddet yevm-i evsa'tta ise o yevme nisbet olunur ve illâ iki tarafta olan günlerin hangisinde ise o güne nisbet olunur, mücerred yevmin vasatta bulunduğu zıkr olunan istidlâle gâlib ve kavî delîl olmaz. Ammâ ta'yîn-i eyyâm-ı mezkûreye eyyâmın kuvvetinden ve tabâyi'inden istidlâl leyle-i sâbi'ada 'arâk ibtidâ edip yevm-i şâminin nehârının küllisinde o 'arâk zâil olmamakla olur ve onunla istidlâl olunur ki yevm-i buhrân sâbi'dir her ne kadar hummânın iklâ'ı yevm-i şâminde olur ise şâmin yevm-i buhrân değildir. Ve bu hükmün hîlâfı üzere hüküm olunur eger 'arâk sâlis 'aşerde ibtidâ edip râbi' 'aşere kadar marîd 'araktan hâlî olmasa ve hummânın iklâ'ı dahi râbi' 'aşerde olsa bu şürette buhrân râbi' 'aşere nisbet olunur, zîrâ şüret-i ülâda yevm-i şâminin kuvveti yevm-i sâlis kuvveti meblağına ve şüret-i sâniyede sâlis 'aşerin kuvveti râbi' 'aşer kuvveti meblağına bâliğ olmaz ve kavî olmayanlardan hayr me'mûl olmaz ve mevt sâdise sâbi'den evlâdır ve kezâlik mevt 'âşire tâsi'en evlâdır.

Ammâ ahkâmın ictimâ'ından istidlâl zıkrı sâlif olduğu üzeredir onun mişâli bizim zıkr eylediğimiz üzere râbi' 'aşerdir 'arâk ve iklâ' onda ma'an cem' olur.

Ammâ eyyâm-ı münzireden olan istidlâl emsile-i mezkûreden yevm-i râbi'den inzâr var mıdır ona nazar olunur, eger yevm-i râbi'de inzâr bulunursa buhrân yevm-i sâbi'de olur ve eger inzâr yevm-i sâbi'de veyâhûd hâdî 'aşerde bulunursa buhrân râbi' 'aşerde olur.

Ekşer-i Emrâda Buhrânın Nisbeti Beyânındadır

Senin ma'lûmun oldu ki cidden hâdde olan emrâdın buhrânı sâbi'e nisbet olunur. Ve hâdd olan marâdın ya'nî hâdd-ı mu'tlağ olan marâdın buhrânı vâcibdir ki râbi' 'aşere veyâhûd işrûna nisbet oluna ve onu vely eden emrâd

beḥārîni ya'nî müzmine-i ḥādde buḥrânları erba'ûna nisbet olunur ve ondan sonra olan beḥārîn muṭlaḳan müzmine olan buḥrânları olur.

Ve eger muḥrîḳa ezvâcda müştEDE olur ise 'alâmet-i rediyye olup ekser-i ḥâlde şâlişte ḳatl eder ve onu râbi' inzâr eder ve onda 'araḳ-ı bârid ve o mişlli 'araḳ olur. Ve sersâm mişllilerin buḥrânı ekser-i emrde ḥādî 'aşere nisbet olunur ve ma'a-hâzâ sersâm emrâḳ-ı ḥâddedendir, zîrâ sersâm maraḳının cüllü ve mu'zamı şâliş ve râbi'den sonra olur ve sonra üsbû'da buḥrân eder. Temme'l-ḳavlu fi'l-ḥummayâti. el-Ḥamdü lillâhi 'ale'l-itmâm ve's-şalâtu ve's-selâmu 'alâ-seyyidi'l-enâm 'adede mâ yuktebu bi'l-aḳlâm mâ dâme'l-ibtidâu ve'l-iḥtitâm.

KİTÂB-I RÂBÎ'İN FÜNÛN-I SEB'ASININ FENN-İ ŞÂLİŞİ EVRÂM VE BÜŞÛR VE ONLARIN MU'ÂLECÂTINDA OLAN KELÂM-I KÜLLÎDİR O DAHÎ ÜÇ MAKÂLE ÜZERE MÜRETTEBEDİR

Maķāle-i Ūlā Hārre ve Fāsīde Evrām ve Büşûr Beyānındadır

[Faşl] Fi'l-Hārreti Mine'l-Evrāmi ve'l-Büşûr

Biz kitāb-ı evvelde kelām-ı küllî ile evrām ve büşûrda tekellüm eyledik, şimdiki hâlde kelām-ı cüz'î ile tekellüm eyleriz. Bizim kelāmımızı istimāc edip kavā'id e tatbîk murād edenler kitāb-ı evvele mürāca'at eylesinler. Ve biz deriz ki bi'l-cümle evrām yā hārre veyāhūd ğayr-i hārre olur ve verem-i hārre dahi demden ve dem mecrāsına cārī olandan veyāhūd şafrādan ve şafrā mecrāsına cārī olandan olur. Ve demden olan verem dahi dem-i maḥmūd-dan veyāhūd dem-i redīden olur ve dem-i maḥmūd-dan olan dahi maḥmūd-ı ğalīz veyāhūd maḥmūd-ı raķīķ olur. Pes dem-i maḥmūd-ı ğalīzden hādiş olan verem o filiġamūnīdir ki laḥmı ve cildi ma'an aḥz eder ve ḍarebānı dahi olur. Ve maḥmūd-ı raķīķ demden o filiġamūnī hādiş olur ki yalnız cildi aḥz eder ve ona şerā tesmiye olunur ve onda ḍarebān olmaz.

Ammā dem-i ğalīz-i redīden envāc-ı ḥurācāt-ı rediyye hādişe olur ve redā'eti ve ihtirākı müştēdde ise ondan ḥumret hādiş olup o ihtirāk ḥasebiyle ḥuşkrīşet hādiş olur ve onun şerrlisi nār-ı Fārsī olur. Ve dem-i raķīķ-i redīden ma'a-redā'etin ve ḥubşin ḥumrete māil filiġamūnī hādiş olur. Ve eger o dem-i redīnin rikḳati ziyāde olursa ondan hādiş olan verem ḥumret-i filiġamūniyye olur ve eger onda redā'et ziyāde olur ise o dem-i eraķķın iḥdās eylediġi ḥumrette nüfāḥāt ve nüfātāt ve ihtirāk ve ḥuşkrīşet olur.

Ammā verem-i şafrāvī eger onun māddesi cidden raķīķ ve laṭīf şafrā olup cildin zāhiri dāḥilinde muḥtebesse olmazsa ve ḥirriṭfe ise o mādde nemle iḥdās eder ve yalnız sā'īye olan nemle elṭaf olur ve sā'īye-i ekkāle rediyye olur. Ve eger verem-i şafrāvī zıkr olunan şafrādan aġlaḫ olur ise ve ḥarāfeti eķall olup şüret-i ūlāya kıyāsla cildin dāḥilde muḥtebes olur ise ve ona balġam dahi muḥteliṭ ise ondan nemle-i cāversiyye hādişe olur ve

onun iltihâbı ekall ve inhilâli ebta³ olur. Ve eger o şafrâ ağlaz ve erde³ olur ise nemle-i ekkâle ihdâş eder. Ve eger o şafrânın gılzati haddi tecâvüz edip dem kıvâmına bâlîğ olur [ise ve redâ²eti var ise ondan humret-i rediyye hâdişe olur.] Ve verem-i şafrâvînin bi'l-cümle envâ⁴ında evvelâ mādde rediye ve laṭife olup ve zıkr olunan ihtilâf sonradan ʿarîḍ olup ve leṭâfetine binâen bir mevḍi⁵de muḥtebes olmaz, onun ihtibâsı zâhir-i cilde ve cilde karîb olan mevḍi⁵de olur.

Ve kaçan verem-i hârrın māddesi keşîr olup verem cidden ʿazîm olur ise o verem evrâm-ı t̤âʿüniyye-i kıttâle zümresinden olur ve kezâlik zıkr olan kabîlden olur terâkıyâ denmekle maʿrûf olan verem. Ve bu aşnâf-ı rediyye-i mezkûre ve onlara müşâbih olanlara vebâ senesinde keşîrî'l-vuḳû⁶ olur.

Ve evrâm-ı hârreden redî olan verem odur ki onda inhiṭâta bülûğ hasebiyle lîn ve ḍumûr olmaz ve cem⁷-i midde dahi eylemez belki o verem ifsâd-ı ʿuḍva müʿeddî olur ve o redâ²et dâimâ keşret-i mevâdd ve ʿızam-ı veremle olmaz belki baʿḍı kerre ḥuḅş-i mādde hasebiyle redâ²et hâşıla olur.

Ve maʿlûm ola ki evrâm-ı müfrede ḳalîlü'l-vuḳû⁶ olur ve evrâm-ı mürekkebe keşîrî'l-vuḳû⁶dur. Ve maʿlûm ola ki zâhirde olup bilâ-ḍarebân olan veremin küllîsi tekayyuh eylemez, ammâ bâtında olan evrâmda biz tekel-lüm eyledik.

Filiğamûnî Beyânındadır

Filiğamûnînin mâhiyyetini ve ʿalâmâtının iltihâb ve ziyâde hacmi olduğundan ve temeddüd ve müdâfaʿa ve ḍarebân olduğunu bildirdik velâkin ḍarebân o filiğamûnîde olur ki gâiş ola [493b] ve şerâyîn kurbünde ola ve onun maḥalli olan ʿuḍvun ona âtî ʿaşab olmakla hissi ola, ekşer-i ahşâ gibi gayr-i hassâs olmaya ve her ne kadar onun şiryânı aʿzam ve ekşer ise onun ḍarebânı ve icâ⁸ı eşedd ve taḥallülü ve cem⁷i esra⁹ olur. Ve kaçan filiğamûnî ʿuḍv-ı hassâsta olsa ona keyfe mâ-kân veca¹⁰-ı şedîd tâbi¹¹ olur ve onda olan ʿurûḳ-ı şîğâr-ı hafıyye zuhûr edip âşikâr olur.

Ve maʿlûm ola ki lügat-i Yûnânîde “filiğamûnî” ismi muṭlaḳan iltihâbı olan eşyâya ıtlâḳ olunur ve baʿdehu verem-i hârre ıtlâḳ olundu ve baʿdehu min-beyni'l-evrâmi'l-hârre şıfat-ı mezkûre üzere olan verem-i hârre ıtlâḳ olundu. Ve o verem-i hâşş dahi iltihâbdan ḥâlî olmaz dem-i muḥtebes olup

menâfis mesdûde olduğu için. Ve filigamûnînin basîti kâlîlî'l-vukûc olur, ekser-i hâlde humrete veyâhûd şalâbete veyâhûd tehebbûce muķârin olur.

Ve filigamûnînin esbâbı vardır: Biri bedenîyye-i müteķaddimedir imtilâ ve redâet-i ahlât gibi eger o hâlde uđv-ı kâbilin daıfına muķârin olursa veyâhûd yalnız uđv-ı kâbilin daıfı sebep olur her ne kadar imtilâ ve redâet-i ahlâtтан bir nesne bulunmazsa. Ve o esbâbın kimisi sebep-i bādîdir, fesh ve kaç ve kesr ve hal mislliden biri gibi veyâhûd sebep o ķurûh olur ki uđvda keşir olup ona mādde meyl eder ķurûh-ı keşirede veca ve daıf ekser olmakla. Ve baıdı kerre ķurûha mevādd seyelān edip daıf olan mesālikte muhtebe olup o verem hādîş olur mūlim olan ķurûh ve cerebde o sebep ile mevādi-i hāliyede evrām hādîş olduğu gibi.

Ve onun ezmine-i erbaasından zamān-ı tezeyyüdü veremin hacminin ve temeddüdünün tezeyyüdü ile mütebeyyin ve zāhir olur ve zamān-ı intihāsı hacmi ve temeddüdün tezeyyüdü intihāsı ile zāhir olur. Ve kaçan muntelhī olsa midde cem eder eger verem cem-i middeye müstaidd ve müteheyyi ise. Ve veremin zamān-ı inhiātı veremin līn ve daıfı ahzıyla ma'lūm olur. Ammā o verem redī olur ki inhiātı ahz eylemez ve cem-i midde eylemez, o mislli verem mevt-i uđva ve uđvun taaffününe müeddī olur. Ve zikr olunan hālet-i veremde ekseriyyā veremin ızamı ve māddenin keşretiyle ve keşiren māddesi hūsbū ile dahi olur her ne kadar verem şağir olursa.

Ve verem-i filigamûnînin fāş olup dağılacağını dārebānın hūdūvvünden ve lehībin sūkūnundan ve cem-i midde edeceğini dārebānın ve harāretin izdiyād ve şebātından ve taaffününü usr-i nuđcdan ve kümūdet-i levnden ve şiddet-i temeddüdden sen bilirsın. Ve ma'lūm ola ki kaçan büşür-i dümmeliyye tecāvüz eylese ve dümmel-i hādîşi inzār eder. Ve vācib olur ki evrām-ı bātine aşhābına mā-ı hindebā ve mā-ı ınebü's-şaleb hıyārşenber fülusuyla saķy oluna.

Filigamûnî İlācı Beyānındadır

Sebeb-i bādiden hādîş olan filigamûnî hālî olmaz ki onun işābetinde beden yā naķı veyâhûd mümteli olur. Eger beden naķı ise o filigamûnî ancak veremin min-hayşü hüve verem ilāc-ı ma'lūmuna muhtāc olur ve o ilāc veremi ihdās eden mādde-i ğarbiyyeyi veremden ihrāc eylemekle

olur ve mādde-i ğarbiyyeden iħrāc-ı mürẖiyāt ve muħallilāt-ı leyyineden olup mā ile ve dühn ile maṭbūh daḳıḳ-i hınṭa dımādıyla olur. Ve ba'ḍı kerre veremi şart eylemek kifāyet edip 'ilāc-ı sāireden muġnī olur huşuşan mādde keşire ola.

Ve eger filiġamūnī işābetinde beden mümtelī ise vācib olur ki vereme mürẖiyāt ile mess olunmaya, zīrā mess olunur ise mevādd-ı vereme fevke mā-yeteħallel müncezibe olur ve bedeni mümtelī kılan mevādd faşḍ ile istifrāġ oluna. Ve ba'ḍı kerre imtilā şüretinde ishāle dahi hācet olur ve kaçan istifrāġ-ı mezkūr ile beden imtilādan taħalluş eylese mürẖiyāt isti'māl eyle, pes bu imtilā katında 'ārıḍ olan veremin 'ilācı imtilā sebebi ile 'ārıḍ olan emrāḍ 'ilācına qarīb olur ve beynehümāda fark budur ki ibtidā-i emrde bi-sebebi'l-imtilā 'ārıḍ olan maraḍın rādi'e ihtiyācı kadar bunda ihtiyāc olmaz belki bunun rādi'e ihtiyācı ḳalīl ve ondan dün olur.

Ve eger filiġamūnī sebeb-i ğayr-i bādiden ḥādiş ise vācib olur ki istifrāġ ile ibtidā oluna ve faşḍ ve ishāl ile istifrāġ istifā oluna. Ve istifrāġa hācet o vakt olur ki onda beden ğayr-i naḳī ola veyāḥūd illet-i 'azīme ola, bu şüretle istifrāġ edip māddeyi taḳlīl ve cihet-i ḥilāfa cezbe hācet olur her ne kadar beden keşirü'l-fuḍl deġil ise, zīrā verem ile uḍva ḍa'f 'ārıḍ olup bedende mevcūde mevādd ona müncezibe olur her ne kadar o mevādd faḍl olan mevādd deġil ise.

Ve mu'ālecātta mürā'atı vācib olan şerāiṭe ri'āyet olunmak vācib olur, o şerāiṭ sinn ve beled ve faşl ve sāir şerāiṭ-i aşreden ma'lūm olanlardır. Ve onun mu'ālecātında revādi' le bed olunur velākin onda kitāb-ı evvelde zıkr olunan şarta ri'āyet olunur ve ba'dehu vakt-i tezeyyüdde revādi'e mürẖiyāt idḥāl olup tezeyyüdün im'ānı mīḳḍārınca ḳalīlen ḳalīlen mürẖiyāt dahi ziyāde ve im'ān olunur. Ammā vakt-i müntehāda ve vakt-i vuḳūf ve hacm ve temeddüdün ġāyete bülūġu katında mürẖiyāt taġlīb olunur. Ve mürẖiyāttan müceffif olanlar müntehiyāta müberri'e olurlar, ammā mürẖiyāt-ı muraṭṭıbe mesāmmı tevsī' ve veca'ı iskān için isti'māl olunur; müberri' olup midde olmaġa şālīh bir şey bākī kalmaktan māni' olan ancak müceffif olanlar olur. Ve eger müceffif ḥasebiyle berā'et-i tāmme ḥāşıl olmayıp bir nesne bākī kalsa o bākī kalan şey ḳalīl olmakla onu ḥiddeti olan nesneler taḥlīl eder. Ve ba'ḍı kerre red'den şiddet-i veca' ḥāşıl olur, zīrā red'

ile mevâdd muhtenika ve ʿudv mürtekiz olur ve baʿdı kerre redʿ ile mevâdd aʿdâ-i reʿsiyyeye irtidâd eder ve baʿdı kerre dahi veremde şalâbet ihdâş eder ve baʿdı kerre dahi huḍret ve sevâd ihdâş eder huşûşan ki o vereme âhir-i emrde veremin vaḳt-i intihâya qurbünde muʿâlece oluna.

Ve maʿlûm ola ki şiddet-i vecaʿ bilâ-cezb seni irhâsı olan edviyeye muhtâc eder. Ve baʿdı kerre o mürhî devâya irhâya mâniʿ olmayan müberrid hâlt olunur. Ammâ mevâddın aʿdâ-i reʿseye irtidâdından istifrâğla emn hâşıl olur lâkin vereme gelen mevâdd aʿdâ-i reʿsenin defʿi ile olup ve mâddeʾ-i medfûʿayı kâbil olan [ʿudv] aʿdâ-i reʿseye müfrîğ olur ise o vaḳtte elbette redʿe sebîl olmaz, biz bunu mevdiʿinde tahkîk eyledik.

Ve eger veremin şalâbete meybinden havf eder isen bi-kuvvetin tertîb ve teşhîni olan mürhiyâtı istiʿmâl eyle. Ammâ edviye-i râdiʿadan mütevassıt olan buḳûl-i bâride ʿuşârâtıdır ki biz onları mevâdiʿ-i uhırâ-yı keşîrede zikr eyledik ki onlar baklatuʾl-hamkâ ve qarʿ ve hindebâ ve ʿaşaʾr-râʿî ve onlar mişlililerdir huşûşan ʿinebüʾs-saʿleb ʿuşârâtı muşlıha-i medkûka olan ecrâmı ile dîmâd-ı hâşşa nâfiʿdir. Ve kezâlik bezr-i ḳatûnâ ʿuşâresi ve mâ-ı bârid ile ḳayrûṭi istiʿmâli dahi nâfiʿdir. Ve baʿdı kerre o veremin emr ve haṭbına halle ve mâ-ı bâride maḡmûse olan isfence kifâyet eder ve vaḳt-i ibtidâda kâkünece ḳavî olur. Ve kezâlik ḳuşûr-ı rummân ve hayy-ı ʿâlem ve cidden maṭbûh olan sevîk-i şaʿîr ve huşûşan hall-i memzûc ile veyâhûd summâk ile tabh olmuş ola, nâfiʿdir. Ve kezâlik ona ṭuḥlub dahi ceyyid olur. Eger ondan aḳvâya hâcet olur ise şandal ve aḳâkıyâ ve māmîşâ ve fûfel ve benc ziyâde kılınır. Ve onların tecfif ve ḳabḍına baʿdı kerre zaʿferânla iʿâne olunur.

Ve evrâmı ibtidâda tertîb haṭarlı olur. Ve kaçan verem ifrâṭ üzere tebrîd olunsa baʿdı kerre ʿudvun fesâdına ve kezâlik veremde maḥkûn olan hıltın fesâdına müʿeddî olup verem huḍret ve sevâdı aḥz eder. Ve bunların birinden havf edersen o mevdiʿi daḳîk şaʿîr ile ve leblâb ile ve irhâsı ekşer olan nesneler ile dîmâd eyle ve eger o haṭarlardan bir şeyʾ zuhûr eder ise mevdiʿi şart ve şerh eyle ve nuḍc ve cemʿe intizâr eyleme. Ve bilâ-intizâr şart ve şerh o [494a] vaḳt olur ki vereme munşabb olan mevâdda keşret göresin, zîrâ keşret-i inşîbâb ʿudvu imâte eder. Ve şart iki kısımdır: Birisi azher olur yaʿnî zâhir-i verem şart olunur ve ikincisi ağverdir ve onun gavvı veremin mekânı ve ʿudvun hâli hâsebiyle olur. Ve kaçan veremi sen şart eylesen onu

mā-ı baħr ile ve sâir miyâh-ı mâliha ile tenñil eyle ve irhâsı olan edviye ile tađmîd eyle ve eger reşş ve naṭla hâcet yok ise mürhîyât üzere iktîşâr eyle.

Ve ma'lûm ola ki evvel-i veremde kavîyyetü'r-red^c olan edviye isti'mâli ve âhîrinde kavîyyü't-tahlîl olan edviye isti'mâli redî olur, mehmâ-emken hâzer lâzım olur, zîrâ tebrîd-i şedîd senin bildiğin mefâside mü'eddî olur ve onun gibi mā-ı bâridden tevaḳḳî dahi lâzım olur lâkin ħumret mişlli veremde berdden tevaḳḳî olunmaz ve tahlîl-i şedîd veca^c iħdâş eder.

Ve kaçan zamân-ı ibtidâda teskîn-i veca^c için tedbîr murâd olunsa ona mâr-ı ħarr takrîb olunmasın ve edhân-ı mürhîye ve onlar mişlli edviyeden mütteħaze dîmâdât dahi isti'mâl olunmasın, zîrâ onlar mevâdda mâni^c-i inşibâb olan nesnelere şedîdü'l-müďâdde olur velâkin ħîn-i Ermenî mā-ı bâridde ħall ve idâfe olunup isti'mâl olunsun veyâĥûd ħîn-i Ermenî ma'a-düĥni'l-verd isti'mâl olunsun. Ve düĥn-i verdin efďalı verd ve zeytten mütteħaz düĥndür, zîrâ zeytte tahlîlün-mâ vardır veyâĥûd ibtidâ-i veremde teskîn-i veca^c için maṭbûĥ olan 'ades veyâ düĥn-i verd ile mürdâsenc isti'mâl olunsun. Ve eger bu mezkûrlar ve o mecrâya cârî olanlar nâfi^c ve nâci^c olmaz ise leblâb isti'mâl olunur, zîrâ veremin ibtidâ ve intihâ zamânlarına leblâb şedîdü'l-muvâfaķa olur. Ve kezâlik sermaķ ve ħasek ve kerefs ve bâdrüc dahi ibtidâ ve intihâ zamânlara şedîdü'l-muvâfıķa olur. Ve çok kerre düĥn-i verd ile şarâb-ı ħulv isti'mâli veca^cı teskîn eder ve belki 'aķîd-i 'ineb ve ħalîl şem^c şûf üzere kılınıp isti'mâl olunsa veyâĥûd şûf-ı zûfâ şayfta müberreden ve şitâda müfetteren isti'mâl olunsa veyâĥûd şarâb-ı ħâbıďda ve ħall ve mā-ı bâridde maġmûse olan isfence isti'mâl olunsa cem'ân bu mezkûrlar teskîn-i veca^c eder.

Ve kaçan sen rü'yet eylesen ki verem řarîķ-i ħurâca sülûk üzeredir, o zamân tebrîdi terk edip mündic ve müfettiĥ řarîķini aĥz eyle.

Ammâ verem münteĥî olsa lâzımdır ki şibt ve bâbü nec ve ħatmî ve bezr-i kettân mişlliler isti'mâl oluna ve belki diyâĥliyyüniyye ve bâsilîķüniyye merâĥimi isti'mâl olunur. Ve ħulķutâr merheminde min-ġayri veca^cın tecfîf vardır, ona binâen filiġamünîden leheb sâkin oldukta onu isti'mâl şâlih olur eger cem^c ħavf olunmaz ise. Ve ecved olan o merhemın üzerine şarâb-ı ħâbıďda maġmûse bir kıṭ'a şufe fevķten vaď oluna. Ve laĥmın tecfife ħâceti 'aşabın tecfife ħâcetinden eķall olur, zîrâ tecfif-i yesîr ile mizâc-ı aşlîsine

rücû eder. Ve ve min-beyni'l-luḥûm tecfife ḥâceti ḳalîl olan laḥm kendi-
de şerâyîn eḳall olan laḥmdır. Ve çok kerre o veremde ḳable'n-nuḍc şarta
ḥâcet olur ve çok kerre biz ihtiyâl edip veremi ʿuḍv-ı şerîften ʿuḍv-ı ḥasîse
cevâzib ile cezb eyleriz ve baʿdehu muʿâlece edip teftîḥe muḥtâc olanla-
rı feth eyleriz. Ve evrâm-ı ḥârreden teftîḥe muḥtâc olanların reʿsi bezr-i
ḳatûnâ ile ve etrâfı muṭfiyât ile ḍimâd olunur ve atlıye ve ḍimâdât rişe ile
vaḍ olunur, zîrâ işbaʿ mûlime olur.

Ḥumret ve Aşnâf-ı Ḥumret Beyânındadır

Kitâb-ı evvelde ḥumreti ve aşnâfını sen bildin ve ḥumretin filiḡamûnî-
den vech-i imtiyâzı budur ki ḥumret vereminin levninde ḥumret olur ve
ḥumreti enşâ olur ve filiḡamûnîde olan ḥumret sevâda ve ḥuḍrete mâile
olur ve deminin ekser-i levni ġavrda kâmin olur. Ve ḥumret vereminde olan
levn-i ḥumret ona mess ile mekân-ı messte bâtıl olup o mekân ebyaḍ olur
mâdde-i ḥumret laṭife olup mess ile mâdde teferruḳ eylemediği için ve iş-
baʿı baʿde'r-ref yine levni ʿavdet eder, ammâ ḥumret-i filiḡamûnî onun gibi
değildir. Ve ḥumretü'l-ḥumrette zaʿferâniyyet rüpyet olunur ve şufretün-mâ
vardır, ammâ ḥumret-i filiḡamûnîde o şufret yoktur. Ve verem-i ḥumret an-
cak zâhir-i cildde olur ve filiḡamûnî laḥmda ġâirdir ve zâhirde dahi olur. Ve
ḥumret-i ḥâlîşada debîb olur, filiḡamûnîde o debîb olmaz. Ḥumret-i şadî-
diyyede nüfâtât olur ve filiḡamûnîde nüfâtât ḳalîle olur. Ve ḥumret-i ḥâlîşa
yedi def eylemez ve filiḡamûnî yedi müdâfaʿa eder ve şafrâ üzere demin
ġalebesi miḳdârı müdâfaʿa aḫher ve ziyâde olur ve vecaʿ ve ḍarebân eşedd
olur. Ḥumretin ḥummâyı celbi filiḡamûnînin ḥummâ celbinden eşedd olur.
Ve baʿdı kerre ḥumrette olan ḥarâret beşereyi iḫrâḳ mertebesine bâliḡ olup
cemre tesmiye olunan ʿillete istiḫâle eder, filiḡamûnî ḥarârette o meblaġa
bâliḡ olmaz. Ve ḥumretin iltihâbı filiḡamûnî iltihâbından eḳall değildir bel-
ki ezyedir velâkin filiḡamûnînin temeddüdü ve bi-sebebi't-temeddüd icâʿı
baʿdı kerre ekser olur ve temeddüd ḥumrette ḳalîl olmakla vecaʿ dahi ḳalîl
olur. Ve ḥumretin ekser-i ʿurûḍu yüzde olur, ernebe-i enften ibtidâ edip ve-
rem ziyâde olur vechin küllîsinde münbasıṭ olur. Ve kaçan ḥumret inkisâr-ı
ʿazm ḥasebiyle ḥâdiş olsa redî olur. Ve bu mevḍî'in ġayri mevḍî'de dahi
filiḡamûnî ile ḥumretin ihtilâfını sen bildin.

Humretin 'Îlâcı Beyânındadır

Humret 'îlâcında vâcibdir ki ishâl-i şafrâ ile beden istifrag oluna ve faş-da hâcet var ise faşd dahi oluna ve o hinde faşdın ona cidden menfa'ati olur ki mādde beyne'l-cildeyn ola. Ve eger mādde gâir olursa onun nef'-i kalîl olur ve belki faşd cezbe-i māddeye sebep olup verem ziyâde olur. Ve eger ba'de'l-faşd ishâli i'âdeye hâcet olursa i'âde olunur ve i'âdeye ihtiyâc ve 'adem-i ihtiyâc dem ile şafrâ tahmîn olunmakla ma'ûm olur. Ve bunlardan sonra filigamûnî bâbında zikr olunan müberridât-ı kavîyye-i ma'ûme ile tebrîde ikbâl olunup levn-i verem mütegayyir olunca kadar verem üzere mâ-ı bârid şabb olunur, zîrâ humret-i maḥḍanın kaçan levni mütegayyir veyâhûd nâkış olsa o humret bâtıl olur. Ve humrette lehîb ve veca' iltihâbı ekser olmakla onu tebrîd ziyâde vâcib olur ve filigamûnîde istifrag âked ve evceb olur, zîrâ filigamûnîde mādde ağlaz ve a'şadır.

Ve müberridât isti'mâl eyledikte evvelâ vâcib olur ki onun müberridâtı kavîyyetü'l-kabḍ olup kabḍı berdi üzere ziyâde olmağa qarîb ola ve ma'a-zâlik maddenin 'udv-ı bâtına ve 'udv-ı şerîfe irtidâdından ihtirâz olunur ve kezâlik isvidâdından ve kümüdetinden ve tarîk-i fesâdda olmamasından dahi ihtirâz olunur. O kabḍ ve tebrîd ile o ahvâlden biri rü'yet olunur ise mu'alecede kabḍ ve tebrîd tarîkinin gayri bir tarîka sülûk olunur. Ve eger humret cild üzere debbâbe olur ise habes-i reşâş ve şarâb-ı 'afîş ile mu'alece olunur bu vech ile ki varak-ı sılḳ evvelâ şarâbla kaynatılır ba'de-hu o şarâbla habes-i reşâş kaynatılıp isti'mâl olunur. Ve kezâlik o debbâbe humrete ma'a't-tebrîd kavî tahlîli ve tecfîfi olan edviye ile mu'alece olunur, o keyfiyyâtı olan devâ budur: Min-gayri ğaslin şûf-ı 'atîk aḥz olunup ba'de'l-ihrâḳ o muḥraktan on iki buçuk dirhem ve faḥm ve şecer şanevber kalbi o mişli ve şem' on beş dirhem ve habesü'r-reşâş dokuz dirhem ve şaḥm-ı mâ'iz-i 'atîk u mağsûl on beş dirhem, dühnü'l-âs beş ukîyye; bu mecmû'dan terkîb olunan devâ ona nâfî' olur. Ve ondan bu nüsha eḥaff olur ki habes-i reşâş sezâb 'uşârâtıyla ve şem' ve dühn ile merhem kılınır.

Nemle ve Câversiyye Beyânındadır

Nemle besre-i vâhîde veyâhûd büşûr-i müte'addidedir ki onda verem-i yesîr olur ve sa'y eder ve ba'dı kerre teḳarruḥ eder veyâhûd min-gayri

teḳarruḥin taḥallül eder ve onların her birinin sebebini sen bildin. Ve nemlenin levni şufrete ḍāribdir ve mültehibe olup şü'lülüyyü'l-kıvām olur ve müstedîre dahi olur ve ekser-i hâlde müsta'ridadır lâkin bir nev'î vardır ki müstedaḳḳu'l-aşl olup mu'allak gibi olur, ona efrûḥürüden derler. Ve her nemlede 'aḍḍ-ı nemle gibi ḥālet iḥsās [494b] olunur. Ve bi'l-cümle cildde olan verem ki sā'ı olup ḡavşı olmaz ona nemle derler ve onun bir sınıfı cā-versiyye ve bir sınıfı ekkāledir ve kaçan ḳurūḥ olup ta'caffün eder ise o ḳurḥa ism-i ta'caffüne ḥāşş olur.

İlācu'n-Nemle: Nemlede ve nemle mecrāsına cārî olan 'ilelde vācib olur ki evvelā mu'āleceye o 'illeti icāb eden ḥıltı istifrāḡla bed' oluna ve 'alā-mā hüve'l-vācib ḥıltı istifrāḡ oluna ve eger bilā-istifrāḡ ḳurḥaya 'ilac olunsa mevḍi'-i mu'ālecede her ne kadar berā'et ḥāşıla olur ise ona ḳarīb maḥallde o ḳurḥa 'avdet eder veyāḥūd ba'de'l-berā'et yine o mevḍi'den 'avdet eder ve cilde eklen ba'de-eklin te'ekkülden zāil olmaz. Ve onu istifrāḡda saḳmūnyā mā-ı cūbn ile nāfi' olur. Ammā nemlenin ṭarīḳ-i mu'ālecesi ekkāl olan nemle şāḥibi mu'ālecesinde ḥumrette isti'māl olunan muratṭıbat-tan ictināb oluna, zīrā tertīb ḳurūḥa mülāyim olmaz ve onun evvelinde ḥass ve nīlūfer ve ḥayy-ı 'ālem ve ṭuḥlub ve recle mişlliler isti'māl olunmak cāiz olmaz. Eger onda bir nesne isti'mālî gerekli olur ise 'inebü's-şā'leb ve ḥuşuşan 'inebü's-şā'lebin yābis-i medḳūḳu onda tecfif olmakla isti'māl olunur veyāḥūd lisānü'l-ḥamel ve 'ulleyḳ ve 'ades min-ba'd isti'māl olunur. Ve kezālik sevīḳ-i şa'ır ve ḳuşūr-ı rummān ve ḳudbānu'l-kerm isti'māl olunur. Ve kaçan onun te'ekkül ve teḳarruḥundan ḥavf olunur ise zıkr olunan müberriḍāt ile 'asel mişllilerden bir şey isti'māl olunur veyāḥūd diḳāḳ-ı kündür ma'a-ḥall isti'māl olunur. Kermin raṭb ḥaşabı iḥrāk olundukta ondan seyelān eden suyu isti'māl ceyyid olur. Ve ma'a'l-ḥall ba'r-ı ma'z *ve fī-nüşḥatin "ma'z" bedeline ḡanem vāḳt olmuştur* ve kezālik aḥsā-ı baḳar ma'a'l-ḥall dahi ceyyid olur.

Ve eger nemlede teḳarruḥ ve te'ekkül zuhūr ederse onda enderün akrāşı şarāb-ı ḳābıḍ ile veyāḥūd ḥall-i memzūc ile isti'māl olunur veyāḥūd kıssā-i ḥımār ma'a'l-milḥ ve merāretü't-teys ve sezāb ma'a'n-naṭrūn ve'l-fülful veyāḥūd bevl-i şabī ile naṭrūn isti'māl olunur. Ve Cālīnūs nemleyi ḳaṭ'ı istiṣvāb edip dedi ki rīşe ve rīşe mişllinin ṭarafından ünbüb gibi bir şey ittiḥāz

olunup onun tarafı nemleyi iltikâm edecek miqdârı kılınıp o taraf keskin ve muhadded kılınır ve ba'dehu onun hiddeti hasebiyle nemle havâlisinde o taraf tenfîz ve 'umka varınca kadar idhâl olunup kökünden nemle kal' ve ihrâc olunur. Ammâ şıbyân mişllilerin nemlesi onlar hammâma idhâl olunup hammâmın havâsı onlara darb ve te'sîr eyledikte sür'atle ihrâc olunup dühn-i verd ve mâ-ı verd ile tılâ olunmakla zâile olur.

Aşnâf-ı Nemleden Câversiyye 'İlâcıdır: Câversiyyenin 'ilâcı zıkr olunan nemleye şebîh olur velâkin câversiyyenin mevâddı ishâl olundukta onnun müşhilinde türbüdden bir kuvvvet olup onda müşhil-i şafrâ dahi olmak lâzımdır ve eger o müşhilde eftimûndan bir kuvvvet olursa ecved olur, zîrâ onun mâddesi şafrâya muhâliş sevdâ ve balgamdır ve bundan sonra 'afş ve kezmâzek ve şandal ve kuşûr-ı rummân ve tîn-i Ermenî ahz ve hall ile ve mâ-ı verd ile o edviyenin küllîsi cem' olunur ve halle halî olunan mâ-ı verd hallin lez'ini izâle edecek miqdâr kılınır ve o mecmû'dan rîşe ile câversiyye üzere tılâ olunur. Ve bu 'illetin 'ilâcına leben-i halîb şedîdü'l-mülâyemet olur.

Ve kaçan câversiyye vakt-i evveli tecâvüz eylese vâcib olur ki ona semek-i melîh re'si ihrâk olunup onun hurâkası şarâb-ı 'afîş ile tılâ oluna. Ve tecfîf-i belîge hâcet olup zıkr olunan edviyeden akvâ devâyâ ihtiyâc olursa varak-ı bâdrûc ahz ve dakğ ve onda kalkadîs dahi kılınıp isti'mâl olunur. Ve ondan dahi akvâ olur zencâr ve kibrît-i aşfer-i muhrağ, ondan şarâbla veyâhûd haşeb-i kermiden 'inde'l-ihrâk hurûc eden su ile le'tüh itti'hâz olunur.

Resmi Cîm Olan Cemre ve Nâr-ı Fârsî ve Onlar Gibi Olan 'İlel Beyânındadır

Cemre ile nâr-ı Fârsî iki isimlerdir ki münaffîţ ve muhrîk ve hark ve keyyin ihdâs eylediği huşkrîşeti muhdiş olan beşre ıtlâk olunur. Ve ba'dı kerre nâr-ı Fârsî nemle cinsinden o beşre ıtlâk olunur ki ekkâl ve muhrîk ve münaffîţ olup onda sa'y ve ru'tubet olup şafrâviyyetü'l-mevâdd ola ve sevdâ onda kalîl ve tak'îri dahi kalîl ola ve onun ma'yyetinde büşür-i keşîre-i şağîre ola ve o mekânda keşîrî'l-galeyân ve'l-beşr hılt-ı hârr ola. Ammâ ism-i cemre mekânı tesvîd ve min-gayri ru'tubetin 'uđvu fahm gibi edip ve

sevdâviyyeti keşîre ve gâişa ve beşresi kalîle olup hacmi kebîr ve türmüsi olana ıtlâk olunur. Ve baʿdî kerre onda elbette beşr olmaz belki bilâ-beşr cemre ibtidâr eder ve onların cümlesi cereb gibi hikke ile ibtidâ eder.

Ve baʿdî kerre nâr-ı Fârsî ve cemreden her biri teneffuʿ edip mekâvî-i muhraktan seyelân eden ruṭûbet gibi ondan dahi bir şey seyelân eder ve mevdîʿi levnde remâdî-i esved olur ve baʿdî kerre dahi reşâşî olur ve onun eṭrâfını lehîb-i şedîd itâfe eder velâkin o lehîb şâdîku'l-ḥumret olmaz belki onun ḥumretinde sevâda meyl olur.

Ammâ o beşrelerden ism-i cemreye hâşş olan ḥurâcda aşl cürh esved olup nâriyyete meylî olur ve onda cemre berîkî gibi berîk olur ve onlardan nâr-ı Fârsiyyenin zuhûru ve hareketi esraʿ ve cemre ebṭaʿ ve ağver olur.

Ve cemrenin mâddesi beşr ve kûbâ mâddesidir velâkin o mâdde nâr-ı Fârsîde eḥadd olur ve onların her birinden laḥma ʿarîḍ olanları serîʿü't-taḥallül olur ve ʿaşabe ʿarîḍ olanları eşbet ve taḥallülleri ebṭaʿ olur ve ona binâen onların her birinde sevdâdan ḥâdiş olan ḥuşkrîşet olur. Ve nâr-ı Fârsîde şafrâviyyet eşedd ve cemrede sevdâviyyet eşedd olur, pes bu iki verem baʿdî ḥuşûştâ müşterek olmakla o emr-i câmiʿ iʿtibârıyla ikisine dahi cemre tesmiye edip baʿdehu her birine maḥşûş olan ḥavâşş iʿtibârıyla iki kısma takşim eylemek senin için câiz olur. Ve kezâlik emr-i câmiʿ-i mezkûr için ikisine dahi nâr-ı Fârsî tesmiye edip baʿdehu iki kısma takşim eylemek dahi câizdir ve baʿde't-takşim o iki kısımdan her birine birer münâsib ism tesmiye eylemek câizdir. Ve bunların küllîsi ṭarîk-i meslûkedir, her birine birer ṭâife sülûk eylemiştir ve onlarda fark-ı keşîr yoktur.

Ve baʿdî kerre cemre ve nâr-ı Fârsî ve nemle-i câversiyye-i rediyye aşnâfî ile cemîʿan şedîdetü'r-redâʿet ve kıttâle ḥummâ olur. Ve bu ʿilletler baʿdî kerre vebâ hasebiyle ḥâdiş olur. Ve çok kerre ibtidâ-i emrde filigamünîye müşâbih olup sevâda meyl eder [495a] ve ḥuşûşan sene-i vebâda o müşâbeheti olan cemre ve nâr-ı Fârsî keşîrû'l-vukûʿ olur.

Cemre ve Nâr-ı Fârsî Muʿâlecâtıdır: Onların muʿâlecâtında vâcibdir ki dem-i şafrâviyî istifrag için faşd oluna ve eger ʿillet hâile olursa gâşy karîb olunca kadar demi katʿ olunmaz. Ve baʿdî kerre onlarda ve ḥuşûşan cemrede şart-ı ʿamîka ḥâcet olur semmiyyeti olup onda muḥtekin olan demi iḥrâc için ve eger mâddenin şafrâviyyete meylî var ise zîkr olunan şart câiz olmaz.

Ammâ onların ʿilâc-ı mevđîʿisi budur ki ona humret muʿalecesi gibi ʿilâc olunur velâkin bunlarda müstaʿmel olan leṭūḥ humret leṭūḥu gibi şedîdü'l-berd kılınmaz, zîrâ bunlarda mâdde ғılaза mâildir ve kezâlik o mâddede semmiyyet olmakla onun қаліlinin bâṭına irtidâd eylemek ihtimâli yoktur. Ve kezâlik cemrede ve nâr-ı Fârsîde şedîdü'l-қabđ olan edviye istiʿmâl olunmaz, zîrâ onların mevâddı ғalıız ve baṭrû't-taḥallüldür. Ve onlarda muḥallil edviye dahi istiʿmâl olunmaz. Onların evvel-i zuhûrunda ve kezâlik iltihâbın sükûnu katında muḥallilât istiʿmâl olunsa mâddesinin keyfiyyeti zâide olup muđırr olup belki onlarda istiʿmâl olunacak o edviye-i müceffifedir ki maʿa-def'in onda tebrîd ve taḥlîlün-mâ ola o dımâd gibi ki onun ittiḥâzı lisân-ı ḥamel ve ʿades ve keşrû'n-nuḥâle ḥubzdan ola ve o ḥubz elṭaf olur. Ve akrabâdinde muḥarrer olan ona müşâbih ađmide dahi nâfiʿ olur. Ve kezâlik ḥall-i ḥamr ile ʿafş ve ḥall ile şebb istiʿmâli dahi nâfiʿdir. Ve edviye-i ceyyidedendir o vâktlerde ve baʿdehu rummân-ı ḥâmiđ aḥz olunup şakḳ ve ḥall-i ḥamr ile leyyin olanca қadar ṭabḥ ve saḥḳ olunduktan sonra bir kıṭʿa қutn üzere aḥz olunup istiʿmâl olunmak ve o devâ küllü vâḳtin nâfiʿ olup o ʿilleti ibtidâda ve intihâda қalʿ eder. Ve baʿdı kerre o vâḳtin edviyelerine cevz-i ṭarî ve cevzin varâḳı idḥâl olunur. Ve kezâlik sevîḳ ve zebîb ve tîn şarâb ile ve ḥaşḥâş-ı esved dühnü ile idḥâl olunur ve bu edviyelerden cümleten dımâd ittiḥâzı ecved olur.

Ve kezâlik o ʿilletlerin ekşer-i evḳâtında edviye-i şâlihâdan olur: Af-yûn, aқâқıyâ, zâc-ı sūrî, қuşûr-ı rummân her birinden ikişer dirhem, zehretü'n-nuḥâs bir dirhem, bezrû'l-benc bir dirhem ve bu mişlli devâlar o ʿilletin müteқarriḥ olmayanlarında istiʿmâl olunur. Ammâ müteқarriḥ olanlarda devâ-i enderûn ve ferâsiyûn ve akrâş-ı bûlvânderûs ve devâ-i қaysûr şarâb-ı ḥulv ile ve meybuḥtec ile ve cemre-i müteқarriḥada ve nemle ve câversiyye de zikr olunan sâir edviyelerden tecfîf-i қavîsi olan devâlar istiʿmâl olunur. Ve o ʿilletlerin üzerine vađʿ olunan edviye beher yevm iki defʿa ve beher leyle bir veyâḥûd iki defʿa vađʿ olunmak vâcib olur ve қudret miқdârında muʿaffinât istiʿmâl olunmaz muʿaffinât redâʿet ʿilleti iқşâr etmekle.

Ve vâcib olur ki mevđîʿ-i vecaʿı ve mevđîʿ-i iḥrâḳı ḥall ve mâda idâfe olunan ṭın-i Ermenî eble ve sâir redʿ ve tebrîdi olanlar ile iḥâṭaya teʿâḥüd eyleyeler. Ve onlara қarîb olur şarâbda maғmûs olan şûf-ı zûfâ ile teʿâḥüd

olunmak. Ve kaçan iltihâb sâkin olup kûrûhu bâkî kalsa ona merâhim-i re'siyye ve merhem-i diyânû'tâmen ve akrabâdinde mezkûr kûrha-i müte'ekki-le edviyeleri ile 'ilâc olunur. Ve vâkı't-i mezkûrda nâr-ı Fârsiye cevz-i 'atîk dehîn-i şâlih olur.

Nüfâtât ve Nüfâhât Beyânındadır

Nüfâtât iki vech üzere hâdis olur: Ehadühümâ budur ki ahlât galeyân edip mâiyyetini taş'ıd ve def'aten vâhideten taht-ı cilde def' etmekle olur, zîrâ o mâiyyet-i mündefi'a cildi cildin tahtında olup nüfûz eylediği nesnelerden ekşef bulur ve ekşefe nüfûz edemeyip nüfâtât olduğu hâlde bâkî kalır. Ve ikinci vech budur ki galeyân hasebiyle taht-ı cildde mündefi' olan dem olup taht-ı cildde te'ayyuh eder.

el-Mu'alecât: Onların 'ilâclarından bedeni tenkîye ve faşd ve o mişlli nesneler senin bildiğin vech üzeredir ve onda isti'mâl olunan tedbîr ve gıdâ dahi bizim zıkr eylediğimiz vech üzeredir. Ve onlar zühûra karîb oldukta üzerine mâ ile ma'tbûh 'ades mişlli ve kuşûr-ı rummân mişlli veyâhûd rummânın kuşûr-ı ağşânı mişlliler mâ-ı rummân tabh ve telyîn olunup fâti-ren vađ olunur. Ve eger nüfâtât hurûc eyledikten sonra onun kendiye 'ilâc murâd eylesen onun cildi galîz olup veca'ı dahi var ise onlar ibre ile yırtılıp fağ olunur ve içinde olan mādde isâle olunur. Ve eger cildi rakîk ise bi-nefsihi kendisi tefakku' eder ve açılır ve onu dahi ishâl ve ihmâl eylemek câiz olmaz, fağ edip içinde olanı 'aşr-ı refîk ile kâlilen kâlilen ihrâc eylemek vâcib olur ve ba'de'l-fağ onlar hâlî olmaz ki yâ berâ'et üzere olur veyâhûd mütekarrih olurlar. Eger tekarruh ederse onlara isfîdâciyye ve mürdâsenciyye merâhim ve o mişlliler ile 'ilâc olunur ve o merâhimde huşûşan îresâ vâkı' ola ve onlarda sa'y ve te'ekkül var ise cemre ve nemle merâhimi dahi vađ olunur.

Devâ-i Mürekkeb: Mürdâsenc bir rıtl, zeyt-i 'atîk bir buçuk rıtl, zernîh bir rıtl. Mürdâsenc zeyt ile tabh olunur iltişâk eylemeyecek kadar ve ba'de-hu üzerine zernîh şabb olunur.

Ve kezâlik bu devâ dahi nüfâtâtta mezâkîr ve şefe ve o mişlli 'udvlar üzere vâkı' olanlara ve bi'l-cümle tecfife hâceti ekşer olan 'udvların nüfâtâtına nâfi' olur: Kulkutâr, kâlkadîs her birinden sekizer, bûrak iki; bu

devâlar su ile saḥḳ olunup isti'mâl olunur ve kezâlik 'asel ile ba'r-ı mâ'iz dahi isti'mâl olunur.

Ve kaçan onlardan huşkrîşât ve laḥm-ı fâsîd sâkıṭ ve laḥm-ı şaḥîḥ zâhir olsa ḥurâcât-ı basîta mu'âlecâtı ile 'ilâc olunur ve huşkrîşeti müşkîṭ olunan devâ-i ma'rûf ile huşkrîşet iskât olunur. Ve İskenderiyye'de huşkrîşeti o ḥaşışe ile iskât ederler ki ona sârâkıyâs derler ve nârḥas ve ṭarmâḥas¹¹⁵ ile dahi iskât ederler. Ve huşkrîşet dühn-i uḳḥuvân ile ceyyiden iskât olunur. Ve'l-hâşıl evvelâ huşkrîşet iskât olunup ba'dehu bâkî kalanlara ḥurâcât-ı şaḥîḥa 'ilâcî ile mu'âlece kılmak cidden şavâb olur.

Kudemânın Mücerrebi ve Muḥdesînin İntihâl Eyledikleri Bu Devâ Dahi Ceyyiddir: Anzerût, şabır, kündür, isfîdâc, zencâr veznleri berâber ve mec-mû'ları mikdârı ṭîn-i Ermenî işbu devâlar aḥz olunup onlardan benâdık it-tihâz olunur ve vakt-i ḥâcette onların biri ḥall ve mâdde ḥall olunup mevdi'i üzere ṭilâ olunur ve bir kerre ṭilâ olunduktan sonra üzerine bir dahi ṭilâ olunur hattâ ondan taḳbîd-i şedîd ḥâdiş ve huşkrîşet ḥâşıla kılınır ve eger huşkrîşet tahtında ruṭûbet var ise bi-nefsihâ sâkıṭa olur veyâḥûd huşkrîşet sukûṭta ḥakka ḥâcet olur ve cemî'an nüfâṭât şâkıta olunca kadar zıkr olunan ṭilâ ile mirâren taṭliye olunur.

Şerâ Beyânındadır

Şerâ büşûr-i şığâr-ı müsattaḥa ve nüfâḥât gibidir ve olduḡu kadar ḥum-rete mâildir, ḥakkâke ve mükerribedir. Ekşer-i emrde def'aten ḥâdiş olur ve ba'ḋı kerre ondan ruṭûbet seyelân eder ve ba'ḋı kerre demeviyye olur. Ve ekşeriyyâ leylen müştedd olur ve kerb ve ḡammı dahi leylen müştedd olur.

Ve şerânın ḥudûşuna sebep buḡâr-ı ḥârrın bedende def'aten şeverânı olur ve o buḡâr dem-i mirrîden veyâḥûd balḡam-ı būrakîden ḥâdiş olur. Ve demeviyyenin ḥumret ve ḥarâreti eşedd olur ve zuhûru esra' olur. Ve bu a'râḋ-ı mez-kûrenin cümlesinde balḡamî demevîden eḳall olur ve balḡamî-nin leylen iştidâdı demevînin leylen iştidâdından ekşer olur.

Ve kaçan şerâ mevdi'-i vâsi'i aḥz eylese eger faşd olunmazsa ḥummâ-ı ḡıbbdan ḥavf olunur ve vâcib olur ki şerânın ibtidâsı zamânı ile mevdi'-i vâsi'i aḥzı arasında faşd oluna.

115 “Ṭarmākîs” nüşḥa.

‘Îlâc-ı Şerâdır: Şerâyı fâ’il mâddede dem gâlib ise vâcib olur ki faşda mübâderet oluna ve ba‘dehu şafrâ ishâl oluna. Eger kuvvette ihtimâl var ise. Ve onun müşhili bu terkîb üzere kılına: Helîlec iki cüz’, eyâric bir cüz’; şerbet-i vâhidesi üç dirhemdir, sikencebîn ile saşy olunur.

Ve şerânın teskîni temr-i Hindî ve mâ-ı rummâneyn bi-kışrihimâ [495b] veyâhûd mâ-ı rummân-ı mizz bi-kışrihi ve naķîr-i mişmiş ve mâu’r-râib ve mâ-ı rummânla akrâş-ı şabâşîr-i kâfûriyye olur. Ve yevm-i vâhidde mirâren mâ-ı hârr saşy şerâyâ nâfi‘ olur ve şâhib-i şerânın şabîrâtını telyîn eder.

Ve şerâyı müsekkinâtan olur summâkın naķîr-i muşaffâsı, o naķîr-i muşaffâdan üç ûkıyye saşy olunur. Ve şâhib-i şerânın ağdiyesindendir tıfşîl ve hall, zeyt bi-dühni’l-levz ve hall, zeyt bi-mâi’l-hısrım ve’r-râib.

Ve eger hılî-ı bûrakî şerâyı fâ’il ise beden istifrâğ olunur ve onun müs-tefriği helîlec ve helîlecın nısfı miķdârı türbûd kılınır ve şerbet-i vâhidesi üç dirhem kadar kılınır ve ‘alîle raṭb cevz-i servden bir ûkıyye, bir dirhem şabır ile verilir ve ‘uşfur aḥz ve saḥķ olunup hall-i hâmiḍ ile ḍarb olunup saşy olunur veyâhûd mâ-ı maḡre veyâhûd âcürre-i cedîde suyu saşy olunur.

Ve balḡamî olanlara kebâbe bir dirhem, sūkker üç dirhem veyâhûd üç dirhem bezr-i fencengüşṭ leben-i ḡalîb ile saşy olunur.

Ve bi-ḡasebi’t-tecribe aşnâf-ı şerânın küllîsine muvâfiķ olan edviyeden olur: Fûtenec iki dirhem, şabâşîr iki dirhem, verd-i aḡmer yarım dirhem, kâfûr bir kîrât, mâ-ı rummân-ı hâmiḍde saşy olunur veyâhûd ‘ale’r-rîķ eb-hel saşy olunur.

Âkile ve Fesâd-ı ‘Uḍv ve Ġāḡarâyâ ile Şıķâķulûs Arasında Olan Farķı Beyân Eder

Bu eşyâlarda kelâm zikri sâlif olan umûra min-vechin münâsibdir. Biz deriz ki ba‘dı kerre ‘uḍva fesâd ve ta‘affûn ‘arîḍ olur o ‘uḍvda olan rûḡ-ı ḡayvânînin fesâdı ḡasebiyle veyâhûd rûḡ-ı ḡayvânîyi ḡalbden ‘uḍva vuşûle mâni‘ bir nesnenin vücûdu ḡasebiyle veyâhûd iki sebebin ictimâ‘i ile ve kezâlik rûḡ-ı ḡayvânîye bi-ḡasebi’l-cevher müḍâdde olan sümûm-ı ḡârre ve sümûm-ı bâride ḡasebleriyle ve kezâlik semmiyyetli ve rediyye ve sâ‘iye evrâm ve büşûr ve ḡurûḡ ḡasebleriyle ve kezâlik ḡurûḡ ve neḡâirleri üzere ḡaṭâ vürûdu ḡasebiyle dahi ‘uḍv fâsid ve müte‘affin olur, meşelâ ḡurûḡ-ı

ğāire üzere dühn-i şabī gibi, zīrā dühn laḥmi taʿfin eder ve evrām-ı ḥārreyi tebrīd-i şedīd gibi, zīrā tebrīd-i şedīd mizāc-ı ʿudvu ifsād eder. Ammā ʿudva rūḥ-ı ḥayvānī vüṣūlüne mānī^c südde olur ve o südde ʿaraḍiyye ve bādiye olur, meşelā bir ʿudvu aşılandan şedd-i veşīk ile şedden ḥādiş südde gibi, zīrā şedd-i veşīk ʿudv üzere dāim olsa ʿudvu ifsād eder, rūḥ-ı ḥayvānīnin ʿudvdan ihtibāsi veyāḥūd kuvve-i nefsiyyeden ḳalbe münteşire olan kuvvetin ʿudvda mevcūd rūḥ-ı ḥayvānīye sūtūʿundan ihtibāsi ile ʿudv fāsīd olur, zīrā o ihtibās ile mizāc-ı ʿudv fāsīd olup helāk olur. Ve baʿdī kerre dahi fesād-ı ʿudva sebeb südde-i bedenīyye olur, ḥārr ve redī ve ʿazīm ve ṣābit ve ḡalīzūʾl-mādde verem olup menāfizi ve medāḥil-i nefesi sedd eder ve ʿudva rūḥ-ı ḥayvānī o nefes ṭarīkinde vāşıl olmakla mesdūde oldukta mizāc-ı ʿudvu ifsād eder. Ve bu vücūh ile ʿudvda zuhūr eden fesād evvel-i zuhūrunda ve ḥissī olan ʿudvun kuvve-i ḥassāsesi henüz bāḳiye olduğu vakte ona ḡāṅḡarāyā tesmiye olunur ḥuṣūṣan o ʿudv-ı fāsīdin ḥurāc ve veremi ibtidā ḥālinde filigāmūniyye ola. Ammā fesād-ı ʿudv müstahkem olup o ʿudv-ı ḥassāsın ḥissī bāṭıl oldu ise ve laḥm ve laḥmı vely eden ʿudv aslı ḥattā ʿazm fāsīde oldu ise gerek bu aḥvāl ibtidāen veyāḥūd ʿaḳīb-i veremde ḥādiş olsun ona şıḳāḳulūs tesmiye olunur.

Ve baʿdī kerre ḡāṅḡarāyā şıḳāḳulūsa taḡayyūr eder ve belki şıḳāḳulūs ḥudūşuna ḡāṅḡarāyā bir ṭarīk olur ve bunların küllisi laḥmda ve ʿazmda ve aʿdā-i sāirde ʿarīḍ olur. Ve kaçan o fāsīdin fesādı ʿudvda saʿy eylese o fāsīd olan mevḍiʿe ve fesāda müʿeddī olan sebebdan ḥādiş vereme cemīʿan ākile tesmiye olunur ve onda olan cüzʾ-i müteʿaffine mevt ıtlāk olunur; eger onun māddesinde ḡılzāt olmasa idi o mādde ʿudvda muḥtebese olmayıp münde-fiʿa olur idi.

el-Muʿālece: Ammā ḡāṅḡarāyā evvel-i zuhūrunda muʿāleceyi ḳabūlū recā olunur. Ve kaçan onun fesādı laḥmda müstahkem olsa cemīʿan onu aḥz vācib olur. Ve kaçan ʿudvu müteḡayyir görsen o ʿudv ṭarīk-i taḡayyürde olur, pes vācib olur ki mānī^c-i taʿaffün olan ṭīn-i Ermenī ve ṭīn-i maḥtūm ve ḥall ile laṭḥaya mübāderet oluna, eger o leṭūḥ nāfi^c ve nāci^c olmazsa vücūhla muḥtelif mevākī^c-i müteʿaddidede şarṭ-ı ḡāire ḥācet olur ve irsāl-ı ʿalaḳa ve ona ḳarīb olan urūḳ-ı şıḡārdan faşda dahi mübāderet olunur ve onun küllisi dem-i redīyi aḥz içindir. Mevḍiʿin eṭrāfını zıkr olunan atliye

ile itâfe eylemek ile şıyânet olunup ve mevdi'in kendiye 'ufûnete mâni' ve müdâdde edviye vađ olunur ve 'ufûnete müdâdde olan edviye gavşî akvâ olup dakîk-i kirsenne ile sikencebîn veyâhüd dakîku'l-bâkılâ ve huşûşan milh ile maḥlût olanları olur. Ve onların üzerine tılâ olunan devâlardandır hıltût ve bezr-i kırrayş mişlliler ve kezâlik zerâvend-i müdahrec ve varak-ı vecc 'uşâresi her birinden birer cüz', zencâr yarım cüz'; bu edviyeler 'asel siḥanında olunca kadar mâ ile saḥk olunur ve kırhanın kendi ve havâlîsi onun ile tılâ olunur.

Ve âkileye mâni' edviyeden olur zencâr, 'asel, şebb veznleri berâber aḥz olunup onunla telṭḥ olunmak, zîrâ o leṭḥ âkileyi men' eder ve müte'affini iskât ve havâlîsini hıfz eder.

Ammâ onun ḥâlî verem ḥâlini ve fesâd-ı levn ḥâlini tecâvüz eylese ve terehhül ve teraṭṭubu aḥz eylese onun o ḥâlî tarîk-i ta'affünü ḥâlidir ve vâcib olur ki o ḥalde onun üzerine zerâvend ve 'afş veznleri berâber aḥz olunup teceffüf edince kadar neḡr oluna. Ve kezâlik zâc ve kulkutâr dahi ceyyidlerdir huşûşan ḥall ile ola. Ve cevz varakı ve kıssâ-i ḥimâr ve kıssâ-i ḥimârın 'uşâresi ile tılâ olunmak nâfi'dir.

Eger ba'dı laḥm fâsid olur ise o laḥm-ı fâsid kaṭ olunur veyâhüd akrâş-ı enderûn ile laḥm-ı fâsid iskât olunur; akrâş-ı enderûn[dan] akvâ olur feldefiyûn. Ve kaçan laḥm-ı fâsiden bu devâlar ile bir ṭabaḳa sâkıta olsa üzerine semn vađ olunmakla o devâların ḍararı tedârük olunup ba'dehu laḥm-ı fâsidden ṭabaḳa-ı uḥrâ dahi iskât olunur ve laḥm-ı şaḥîḥa müntehî olunca o vech ile iskât olunmaktan ḥâlî olmazlar. Ve zâc-ı aḥmeri terehhül ve ta'affün üzere nüşûr ceyyiddir.

Ve kaçan 'ufûnet zâhire olsa o 'ufûneti kaṭ ve ibâne ile müdâfa'a olunmaz ve eger kaṭ ve ibâne ile müdâfa'a olunursa onun ḥaṭbı ve şânı 'azîm olur. Ve kaçan cüz-i müte'affinin havâlîsinde verem-i 'azîm olsa onda 'uşâretü'l-benc ile sevîk isti'mâlî medḥ olundu. Muşannif der ki benim katımda onları isti'mâl ceyyid değildir, belki vâcib olur ki o devâlar mevdi-i şaḥîḥ üzere sirâyeti ve te'ekkülü men' ve red' için vađ oluna.

Ve kaçan 'udv-ı müte'affin kaṭ olursa vâcib olur ki maḥall-i kaṭ'ın etrâfı nâr ile keyy oluna ve nâr ile keyy hazmdır ya'nî kavî tedbîrdir veyâhüd edviye-i kâviye-i muḥrıḳa ile keyy olunur huşûşan ḥarâret ḥasebiyle veyâhüd

mecrâ-yı fuḍûl olan mezākîr ve dübürr mişlli ʿuḍvlara mücāveret ḥasebiyle ʿufūneti serîʿü'l-ḳabûl ʿuḍvlarda keyy olunmak müʾekkeden gerekli olur. Bu makāmda kelāmımız bu miḳdârdır ve bizim ḳurūḥ-ı müteʿaffine bâbında gelecek aḳvālimize bu bâba idāfe olunmağa lâyıḳ aḳvāl bulursun.

Ṭavāʿin Beyânındadır

Ḳudemâ-ı Yünāniyyûn evvelâ bu ʿillete lügat-ı Yünān üzere bir ism ile tesmiye eylediler ki onun lisân-ı ʿArab üzere tercemesi ṭāʿûn olur. Ve o ʿillet bir veremdir ki laḥm-ı ḡudedîsi olan ʿuḍv-ı ḥālîde olur ve o ʿuḍvun kimisi ḥassāse olur beyḍ ve şedyde ve aṣl-ı lisānda olan luḥûm-ı ḡudediyye gibi ve kimisi ḡayr-i ḥassāse olur, ibt̄te ve ürbıyyelerde olan luḥûm-ı ḡudediyyeler [496a] gibi. Ve baʿdehu ondan o ismi naḳl edip o şurūṭtan mâ-ʿadâ ḥarāreti olan vereme ıtlāk eylediler ve ondan dahi naḳl edip onlardan ḳattāl olana ve baʿdehu o ḳattālın dahi bi-ḥasebi's-semmiyyet ḳatli olanlara ḥāşş kıldılar. Ve bi-ḥasebi's-semmiyyet ḳatli o veremde olur ki onun māddesi cevher-i semmīye istiḥāle eder ve mādde-i müstaḥile ʿuḍvu ifsād ve o veremin ḥavālîsi levnini taḡyîr eder. Ve baʿdı kerre ondan dem ve şadîd mişlli nesne dahi teraşşuḥ eder ve ṭarîḳ-i şerāyinden ḳalbe keyfiyyet-i rediyyesini teʿdiye edip ḳayʿ ve ḥafakān ve ḡaşy iḥdās eder ve ḳaçan aʿrādı müştetde olsa ḳatli eder. Bu zıkr olunan şuverden şüret-i aḥîre zann olunur ki evāilın ve ḳudemānın ḳūmātā tesmiye eyledikleri ʿillettir.

Ve vācib olur ki zıkr olunan verem-i ḳattāl ekşer-i emrde ābāt ve ürbıyye ve ḥalf-i üzün mişlli olan aʿḍâ-i ḍaʿife ʿārîḍ ola. Ve o üç mevḍîde olan ṭavāʿinin erde-i ābātta ve ḥalf-i üzünde ḥurûc edenlerdir, zîrâ onların riyāseti eşedd olan aʿḍāya ḳurbiyyeti vardır. Ve ḳattāle olan ṭāʿûnun eslemi levn-i veremi aḥmer olanlardır ve baʿdehu aşfer olanlardır, ammâ esved olanlardan bir eḥad ḥalāş olmaz.

Ve ṭāʿûn vakt-i vebāda keşîrî'l-vuḳûʿ olur ve bilād-ı vebeyyede dahi keşîr olur. Ve biraz esmâ-ı Yünāniyye vardır ki onların her birini müsemmeyâtı ṭavāʿine müşābih olur, ṭarafîres (طرفيرس) ve ḳūmātā (قوماطا) ve fūmahālā (فوماخالا) ve yūkūs (يوقوس) mişlli. Muşannif der ki benim katımda bu evrāmları tafşîl edecek kelām yoktur.

el-İlâc: Onun 'ilâcı faşd ile veyâhûd vaktin ihtimâl ve icâb eylediği nesneler ile istifrâğ ve hılt-ı 'afini ihrâc olur ve bu istifrâğ vâcibdir. Ve bundan sonra dahi vâcib olur ki ikbâl olunup kalb muhâfaza oluna ve tebrîdi ve 'ıtriyyeti olan nesnelerle kalb takviye oluna, meşelâ hummâd-ı ütrücc ve leymû ve tuffâh ve sefercel rubbları mişlliler ile ve hummâd-ı hâmið ile takviye oluna ve verd ve şandal ve kâfür işmâm oluna ve ğidâları hâll ile 'ades ve cidden hâmið olup luhûm-ı tayâhic ve cidâdan müttehz meşûş ola.

Ve 'alilin me'vâsı ve mekânı cemed-i keşîr ve varâk-ı hilâf ve benefşec ve verd ve nîlûfer ve o mişlliler ile teklîl ve tezyîn oluna. Ve kalb üzere atliye-i müberride vü muhavviyeden hafakân-ı hârr aşhâbına ve aşhâb-ı vebâya vad' olunan edviye-i ma'lûme vad' oluna. Ve'l-hâşıl aşhâb-ı tavâ'ine havâ-ı vebâiyyede olunan tedbîr gibi tedbîr olunur.

Ammâ tã'unun kendiye ve tã'un mecrâsına cârî olan esmâ-ı mezkûrelerin müsemmeâtına mebd'e-i zühûrunda tebrîdi ve kabdı olan edviye ile ve mâ ve hâlde mağmûse olan isfence ile veyâhûd dühn-i tuffâha mağmûse olan isfence ile veyâhûd şecere-i maştakî ve dühn-i âs ile 'ilâc olunur ve bu mezkûrlar ile hâl-i ibtidâda tedbîr olunur. Ve eger mümkün ise şart olunup içinde olan mevâdd isâle olunur ve tecemmüd edecek kadar terk olunmaz, zîrâ tecemmüd ile semmiyyeti tezâyüd eder. Ve mihceme isti'mâline hâcet var ise rıfk ile maşş olunur.

Ve eger ma'tûnun tã'unu hurâciyyü'l-cevher ise onun vakt-i intihâsında veyâhûd intihâya kurbıyyeti vaktinde teftîh isti'mâl olunmak vâcib olur. Ve eger onda hummâ var ise tebrîdde te'ennî gerektir ilâ-hâlfın mevâddı mürtedde olmasın için. Ve onu teftîh mâ-ı bâbünec ve şibt mişlliler ile tenîl olunmakla olur ve sâir ebvâb-ı hurâcâtta zikri âtî müfettiht-ı laîfe ile olur.

Ve kudemâ dediler ki ammâ kûmâtâ ve makleyûs (مقليوس) isimleri ile müsemmâ olanlara bu dîmâd nâfi' olur, o dîmâd budur ki bersiyâvuşân ve sermak ve leblâb ve aşı-ı haţmî ve üşşec-i kalîlden müttehz olur ve şarâb-la 'asel ve rîtinâcla dıbk ve kayrûfî ve küvâretü'n-nahl vesahı ve hâlde münakka' türmüs ve ilk-i butm ile kıssâ-i hımâr ve tîn ile naţrûn veyâhûd hamîr ile naţrûn nâfi' olur.

Ğudedde Hâdişe Olan Evrām Beyânındadır

O evrām-ı ğudediyye ki tavā'ın mecrāsına cāriye olmaz, onlar ba'dı kerre beḥārinde lükū¹¹⁶ mevķi'inde vāķi' olur ve ba'dı kerre dahi a'ḍā-i ašliyyeden düfū' mevķi'inde vāķi' olur ve ba'dı kerre dahi o evrām-ı ḥādişeyi kūrūḥ ve evrām-ı sāireler o eṭrāfa celb eder ki ona mevādd cereyān edip tarīķinde luḥūm-ı ğudediyye-i mezķūreye sülūk edip ona teşebbūs eder, nitekim ūrbiyye ve ābātın teverrümünde cereb ve iki riclde ve iki yedde verem ḥudūsu olur ve ba'dı kerre dahi o evrām-ı ğudediyye bedende olan imtilā ile ve ba'dı kerre bilā-imtilā olur.

Ve o evrāmın 'ilacı senin ma'lūmun olduđu üzere evrām-ı sāire 'ilācına muḥālif olur, zīrā bu evrāmda def' ile 'ilāca bed olunmaz ve mevāddını ref' ve red'de isti'cāl olunmaz belki faşd ile ve ishāl ile istifrag gerekli olur. Ammā o evrām-ı ğudediyyenin 'ilac-ı sāiresi ḥāl müstebîn olunca kadar teḥīr olunur.

Eger o evrām 'alā-sebīli'l-buḥrān veyāḥūd 'uḍv-ı re'isten 'alā-sebīli'd-def' ḥādiş oldu ise onun def'i elbette cāiz olmaz belki mümkün olursa onun mevāddı velev bi'l-meḥācim 'uḍv-ı āḥere cezb olunur.

Ve eger o evrāmın ḥudūsu keşret-i imtilā ḥasebiyle ise ona 'ilācda aşl-ı viķā'da istifrag ve ğıdāyı taķlīl ve telṭīf olur ve onlarda dāfi'āt ve rādi'āt isti'māl olunmaz belki onlarda isti'māl olunacak mürḥiyāt olur ve ma'a-hāzā mürḥiyāt dahi min-ġayri istifragın isti'māl olunmaz, zīrā min-ġayri istifragın mürḥiyāt isti'māl olursa ba'dı kerre 'uḍv-ı müteverrime mādde-i keşire cezb eder ve belki mürḥiyāt isti'māl olundukta onunla ma'an istifrag olunmak ve mevāddı cihet-i ḥilāfa cezb eylemek gerekli olur.

Ve dāfi'āt ve mürḥiyāt isti'māllerinin her birinde ḥaṭar vardır. Ammā dāfi'āt isti'mālinin ḥaṭarı budur ki onunla mevādd aḥşāya ve a'ḍā-i re'iseye mürtedde olur ve mürḥiyātın ḥaṭarı mevādda keşireyi celb ve cezb olur. Ve istifrag ile ve māddeyi cihet-i uḥrāya imāle ile mürḥiyātın maḍarratından emān ḥāşıl olur.

Ve kaçan o veremde veca' müştetde olsa o veca'ı teskīnden lābüdd olur ve onun teskīni zeyt-i ḥārrda meblūle olan şūfa mirāren vaḍ' olunup āḥirinde milḥ dahi ziyāde olunmakla olur ve bu kimād veca' teskīn olunca kadar

116 "Lükū" remy ve def' ma'nāsındadır.

tekrâr olunur, zîrâ o kimâd evvel-i emrde veca'ı ziyâde kılsa bi'l-âhere tahtlîli hasebiyle veremi teskîn eder. Ve kaçan beden naķî olsa veyâhûd mümteli'e olup sen bedeni tenķiye eylesen veremi sen tahtlîl eyle ve âher nesneden mübâlât eyleme ve ba'đı kerre daķıķ-i hınța tahtlîlde nâfi' olur ve daķıķ-i şa'ır ondan eslem olur. Ve ba'đı kerre muhâllil-i kıvî veremi 'azîm eder ve ona binâen onu isti'mâle hâcet olmadıkça muhâllil-i kıvî isti'mâl olunmaz ve ona ihtiyâc o vaktte olur ki mevâddın 'uđv-ı re'îse inşibâbından hıvaf olup taħarrüzen 'anhü 'uđv-ı re'îs cihetinden mâdde verem cânibine muhâllil-i kıvî ile cezbe olunur.

Ve evrâm-ı ğudediyyeyi vakt-i ibtidâda ekser-i emrde zeyt-i müsahhan tebrî'e eder verem-i mezkûr üzerine yalnız şabb olunmakla. Ve eger o verem 'uđv-ı şerîf üzere olan lahm üzere olursa meşelâ sedy ve huşyeler üzere olan verem gibi ve o veremi mevdi'-i mezkûrundan men' âfete mü'eddî olur diye hıvaf eylemezsen onu sen men' ve red' eyle. Ve eger o veremin şalâbete meylini ihsâs edersen verem hangi mevdi'-de olursa olsun onu sen telyîn eyle.

Ĥurâcât-ı Ĥârre Beyânındadır

Min beyni'd-dübeylât ĥurâc odur ki evrâm-ı ĥârreden cem'-i midde eylemiş ola ve dübeyle ismi o veremin küllîsine itlâķ olunur ki onun bâtınında mevdi'-i fâriğ ü ĥâlî olup ona mevâdd munşabbe ola hangi mâdde olur ise olsun ve o mâdde o mevdi'-i fâriğde bâķî kala. Ve o cümleten ĥâr olup cem'-i midde eden evrâma ĥurâc itlâķ olunur.

Ve ba'đı kerre verem-i ĥâr evvel-i zuhûrunda ve ibtidâ-i ĥâlinde cem'-i midde ve ittîşâl-i [496b] bâtını tefrîķ eder. Ve ba'đı kerre dahi o vech üzere zuhûr ve bed' eylemez belki ibtidâ-i emrde o evrâm-ı ĥârre şahîha olmak üzere zuhûr eder ve münteħâda onun emri cem' ve tefrîķe mü'eddî olur. Ve aĥlât-ı muĥâtiyyeyi ve caşşıyyeyi ve ĥaşaviyyeyi ve şa'riyyeyi ve o mişlli aĥlâtı muĥteviye olan dübeylât-ı bârîdede olan kelâmı biz te'ĥîr eyleyelim. Ve nâsın ba'đısı aĥlât-ı mezkûre muĥteviye olan evrâma dübeyle ismini ĥâşş kıldılar ve cem'-i midde eden evrâma dübeyle itlâķ eylemediler ve şimdiki ĥâlde biz cem'-i midde eden evrâmda tekellüm eyleriz. Ve o evrâm bu vechle ĥâdiş olur ki taḡî'at māddeyi def' eder ve o māddeye cilde nüfûz

mümkün olmaz ve lahm dahi onu gılzati hasebiyle teşerrüb eylemeyip lahmı tefrîk-i zâhir ile tefrîk eder ve hâdis olan hâlel ve fercde müstekinn olur ve ekser-i emrde onun re's-i muhaddedi olur huşuşan ki mādde hādde ola ve o hurācāt ibtidā edip cem'-i midde eder ve ba'dehu māddeyi inḍāc ve ba'dehu tefcîr eder. Ve inḍāc ve tefcîrinde ba'dı kerre ona takviyeye hâcet olur ve ba'dı kerre takviyeye hâcet olmaz. Ve her ne kadar hurācın irtifāı eşedd ve iħmirārı ve re'si ehadd olur ise onu iħdāş eden hıltın harāreti o miqdār eşedd ve nuḍc ve taħallül ve inficārı dahi o miqdār esra' olur ve huşuşan nātı ve bāriz ve şanevberiyü'ş-şekl olanlarda o hālāt ziyāde olur. Ve zıkr olunan evşāfın hilāfı üzere olup müsta'riḍ ve gāiş ve ḳalilü'l-ħumret olanların māddesi ḡalīza ve rediyye ve bātına māile ve ḳalilü'l-veca' ve şakīlü'l-hareket olur ve bunun erde'i bātına münfecir olup memerrini ifsād edenlerdir. Ve ba'dı hurācātın inficārı iki cānibe olur ya'nı hem zāhire ve hem bātına münfecir olur ve bātına münfecire olan hurācātın aħmed-i inficārı o hurāc bulunduḡu 'uḍvun tecvîf-i hāşşına münfecir olup onun dahi hārice mesīli olmakla hārice müteveccih olan inficār olur mi'de hurācı gibi, zīrā mi'denin mi'de bātınına münfecir olan hurācı zāhir-i mi'deye münfecir olan hurācdan ve kezālik mi'de hurācının merākķın muhīt olduḡu tecvife inficārından hayrlı olur. Ve kezālik dimāḡda hādış olan veremin muḳaddemde olan iki tecvife inficārı aħmed olur, zīrā onların hārice menfezleri vardır, enf ve üzün ve feme vāşıl ḳam' gibi. Ammā verem-i dimāḡi dimāḡı muhīt olan feḍāya veyāhūd baṭn-ı mu'aḫḫare münfecir olsa hārice menfezi olmamakla ḍarar-ı şedid ile ıdrār eder.

Ve her 'uḍv hurāca şālih olmaz, meşelā mefāşılda hurācın hurūcu ḳalilü'l-vuḳū' olur, zīrā onda ahlāt-ı miḫāṭiyye vardır ve mekānı vāsi'dir ve o mekān-ı vāsi' māddeyi hānıḳ ve hābis deḡildir ki ḫattā onda 'afen hādış ola. Ve eger mefāşılda hurāc hādış olur ise emr-i 'azīm hasebiyle hādış olur. Ve hurācātın aħbesi ve şerrlisi o hurācdır ki a'sāb-ı keşire olan 'aḍalın eṭrāfında hurūc eyleye.

Ve midde hurācın müddet-i nuḍcu muḫtelif olur ve o iḫtilāf middenin letāfeti ve gılzati hasebiyle ve mizācın ḫarr ve berdi ve i'tidālî hasebiyle ve faşl ve sinn ve cevher-i 'uḍv hasebleriyle olur. Ve hurācın 'adem-i nuḍcu ve ḳayḫa istihālesi 'uḍvda ḫārr-ı ḡarīzinin ḳilleti hasebiyle olur veyāhūd

cevher-i maddenin gılzati hasebiyle kayha istihâle eder ve o gılzat ile kayha istihâle ba'dı kerre bâtında olup hisse zâhir olmaz kayh bi-hasebi'l-gılzat ğupûr etmekle. Ve ba'dı kerre middenin nuçcuna ve 'adem-i nuçcuna serî'an vukûf hâşıl olmaz, zîrâ cevher ba'dı kerre ğalîz olmakla her ne kadar nuçc bulsa sür'at üzere onda lînet olmaz, ammâ midde rakîka olur ise hurâc dahi sür'at ile leyyin olur. Ve kezâlik midde üzere olan lahmın kıllet ve keşreti hasebiyle dahi nuçca vukûf sür'at ve bu'atda muhtelif olur.

Ve hurâc zuhûrunun ve midde ile vukû'unun sebebi imtilâ olur ve maddenin keşret-i kemmiyyeti ve fesâd-ı keyfiyyeti olur ve esbâb-ı mezkürenin dahi esbâbı tohme ve riyâdet-i rediyye ve hümûm ve ğumûm gibi âfât-ı nefsanîyyenin demi ifsâdı olur ve o emrâd dahi olur ki onun istifrag-ı zâhir ile buhrânı olmaya.

Ve hurâcâtan bir nev' hurâc vardır ki ona şaramîsûs (طرميسوس) tesmiye olunur *ve ba'dı nüshada şarmediyûs (طرمديوس) vâk' olmuştur* ve o hurâc münfecir olup middesi tamâmen hurûc eder hattâ tahtında lahm-ı ceyyid zâhir olur sonra midde-i âheri dahi zâhir olur. Ve kezâlik bir nev' hurâc dahi vardır ki ona tîn tesmiye olunur, o hurâc kurhî ve müstedîr ve aħmerdir ve ekşer-i emrde o hurâcın şâhibi hummâdan 'ârî ve hâlî olmaz ve onun re'ste hudûşu ekşer ve a'câ-i sâirede eķall olur.

Veremin Hurâc Olduğunun Delâilidir: Kaçan veremde sen dârebân-ı keşir ve kâ'ide-i veremde şalâbet ve harâret rûyet eylesen zan eyle ki verem hurâca şayrûret şarîkindir.

Nuçcun Delâili ve 'Alâmâtı Beyânındadır

Ve kaçan hurâcda lînün-mâ ve veca'ında sükûn rûyet eylesen sen bil ki o hurâc şarîk-i nuçcdadır.

Aħkâm-ı Midde Beyânındadır

Ceyyide olan midde beydâ ve melsâ olur ve onda râyiha-i kerîhe olmaz, zîrâ onda harâret-i ğarîziyye taşarruf eder her ne miķdâr harâret-i ğarîbenin dahi mu'âveneti olur ise hükm ğarîziyyenin olmakla netn hâdiş olmaz. Ve midde melâsetinin hükmü budur ki onunla ma'lûm olur ki gerek muṭî' ve gerek 'âşî middenin eczâsı kuvve-i hâdîmeden infi'âlde müttefîka ve

müsteviyedir. Ve rāyihanın netn ve kerāhetinin ʿademinin hükmi budur ki onunla maʿlûm olur ki midde ʿufûnetten baʿîd olmuştur. Ve eṭibbā dediler ki middenin beydā olduğundan maṭlûb olan hükmi budur ki aʿdânın levni ebyaḍ olmakla middeyi aʿdā-i aşliyye levnine teşbîhe ancak kuvveti olan ṭabīʿat kâdire olur. Ve kaçan middede levn-i ebyaḍ rüʾyet olunsa ṭabīʿat fīʿlini icrāya kâdire olduğu maʿlûm olur. Ve midde-i rediyye müntine olup ʿufûnete delâlet eden midde olur, zîrâ netn ve ʿufûnet nuḍcun dıddıdır ve ḥarâret-i ğarîbenin istilâsına dahi delîldir. Ve kaçan ḥurûc eden middenin eczâsı kıvâmı muhtelif ve elvânı mütenevviʿ ve mütefennin olsa o dahi midde-i ceyyideye muhâlif olan cinsten olur. Ve bedende ḥâşıla olan middeye lâzımdır ki onda ʿufûnet veyâḥûd nuḍc veyâḥûd teberrüd edip naḥv-i âḥere istiḥâle eyleye.

Hurâc-ı Bâtinî Delâilidir: Kaçan aḥşâda verem-i ḥârr ḥâdiş olup onda kuşaʿrîrât ve bilâ-tertib ḥummayât olup vecaʿ müştetde ve müddet-i kuşaʿrîret evâilde ṭavîle ve baʿdehu bi-ḥasebi't-tedric kaşîre olsa ve şîkal ziyâde olsa sen bil ki o verem ḥurâca şâire olur ve ḥâlâ cemʿ-i midde tarîkindedir. Ve onun vecaʿı evâilde eşedd olup zamân-ı intihâda vecaʿ nokşân üzere olduğunun sebebi budur ki veremin temezzuḳu ḥurâcın evâilinde olur ve şiddet-i vecaʿ temezzuḳ ve teferruḳ-ı ittîşâl ḥasebiyle olur ve vakt-i intihâda temezzuḳ ve teferruḳ ḳalîl olmakla vecaʿ sâkin olur. Ve kezâlik mādde middeye istiḥâle eyledikte dahi ḥummâ ve iltihâb her ne kadar şedîde ise sâkin olur ve ḳalbin müşâreketi ḥasebiyle olan ḥummâ dahi sâkine olur.

Ve maʿlûm buyurula ki nabḍın şalâbeti veremin ḥurâca şâire olduğuna büyük ve ḳavî şâhid olur. Ve kaçan aḥşâda olan ḥurâc ve dübeylenin ʿalâmâtı zâhire olup velâkin nabḍda şalâbet olmasa mücerred ʿalâmât-ı sâirenin zuhûru ile bâtında ḥurâc olduğuna hükmi ve cezm olunmaz, zîrâ o mişlli ḥurâc baʿdî kerre aḥşâyı muḥîṭ olan şîfâktadır. Ve şîkal hangi cānibde olduğunu iḥsâs eylesen ḥurâc dahi o cānibde olduğunu iḥdâs eyle ve kezâlik vecaʿ cānibi ile ḥurâc cānibini iḥdâs eyle.

Nuḍc-ı Bâtinî Delâilidir: Evvelâ ḥurâc-ı bâtinî edillesi ʿarîḍ olup ve baʿdehu onun ḥummâ ve kuşaʿrîret ve evcāʿı sükûn-ı tamm ile sâkin [497a] olup velâkin şîkalî bâḳî kalsa midde müstahkem ve nuḍc ḥâşıldır.

Ve Hurâc-ı Bâtının Kırb-ı İnficârı Delâilidir: Kaçan evcâc ʿavdet edip nahs ve lezʿ eylese ve şikal müştedd olup hummayât müteşâbih olsa inficâr karîb olmuştur. Ve kaçan bağteten nâfid ʿarîd olup şikal ve vecaʿ sâkin olsa o hurâc bi'l-fi'l münfecirdir huşûşan istifrâğ-ı midde zuhûr edip memerrini lezʿ ederek hurûc eylese. Ve hâl-i inficârda kuvvete daʿf ve zübûl gelmek lâzım olur.

Ve hurâc-ı bâtin kaçan defʿaten münfecir olup ondan şeyʿ-i keşir hurûc eylese baʿdî kerre ona hafakân ve gâşy ʿarîd olur ve baʿdî kerre dahi kuvvetin inhilâli hasebiyle mevt ʿarîd olur ve kayʿ ve ishâl dahi ʿarîd olur ve baʿdî kerre dahi defʿaten midde-i keşire nefis eder eger hurâc şadrda olur ise ve baʿdî kerre ihtinâk ʿarîd olur defʿaten şadra şeyʿ-i keşir münfecir olur ise.

Hurâcât-ı Zâhire Muʿâlecâtı Beyânındadır

İstifrâgât ve evrâm-ı hârreye olunan muʿâlecât-ı maʿlûme hurâcât-ı hârre ile evrâm-ı hârre-i gayr-i hurâciyye beynlerinde emr-i müşterektir velâkin o muʿâlece mevâddın ʿudv-ı şerîfe rücûʿu havf olunan hurâc ve evrâmda istiʿmâl olunmaz ve onlarda o muʿâleceleri cühhâl-ı etibbâ istiʿmâl edip haţâ ederler. Ve onlardan mâ-ʿadâ hurâca mahşûş muʿâlece ve tedbîr budur ki hurâcda müctemiʿa olan midde iki vechin biri ile tedbîr olunup tahtlîl olunur:

O tedbîrin biri eger marađ vech-i muʿtâddan keşiren hurûc eylemedi ise sedâd üzere cereyân eden tedbîr olur ve o tedbîr budur ki evvelâ māddeyi inđâcda bir müddet ihtiyâl olunup baʿdehu hurâcî tefcîrde ihtiyâl oluna ve kuvvete ve kuvveti dahi hıfza vecaʿ ile ve defʿaten inficâr ile sâkıta olmasının için mürâʿât oluna, zîrâ nâstan keşire zübûl-ı kuvvet hasebiyle mevt ʿarîd olur belki eyyühe't-tabîb sana vâcib olur ki kuvvet ne keyfiyyette takviye olunur ise senin bildiğin muḳavviyât ve muḳâfîzât ile hıfz ve takviyeye mürâʿât eyleyesin. Ve vâcib olur ki aşhâb-ı dübeyle ağdiye-i ceyyide ile tağdiye oluna lâkin hurâc aḫşâda olur ise bi-hasebi'd-đarûre telţif-i ğidâya hâcet olur.

Ve iki tedbîrin ikinci tedbîri budur ki o tedbîrde dâire-i sedâddan hurûc olunup đarûret-i hâle itibâr olunur, meşelâ marađ ʿazîm ve hurâc muʿtâdı ʿizamda mücâviz olmakla nuđca intizâr ile istiʿcâl-i emrden havf olunsâ

veyâhüd kuvvetin cemî'an mevâdd-ı hurâcî inḍâca kadar vefâ eylemeyeceği ma'lûm olsa o zamân hurâc baṭṭ olunmak lâzım olur. Ve eger o hurâcın kurbünde aḍâ-i kerîme olup ona ḥadîdin mümâssesi muḍirre olursa vâcib olur ki ona ḥadîd işâbetinden tevaḳḳî ve ictinâb oluna. Eger 'adem-i vefâ şûretinde inḍâca kadar mu'âlece ve baṭṭ te'ḥîr olursa inḍâcdan 'âcize kuvvet te'sîr-i âḥer ile te'sîr eder. Ve kezâlik kaçan sen ihsâs eylesen ki mādde gılzati ḥasebiyle kuvvetten münfa'ile olmaz ve nuḍcu kabûl eylemez veyâhüd hurâcî olan 'uḍvun ḥârr-ı ġarîzîsi ḳalîl olduġu veyâhüd ġarîzînin ve kuvvetin ihmâl ve takṣîri olduġu ve inḍâc-ı ḥaḳḳtan inḥirâfı veyâhüd hurâc mefâşıl kurbünde veyâhüd aḍâ-i re'îse kurbünde olmakla nuḍca kadar 'ilâcî te'ḥîr olursa 'uḍvu ifsâdı ihsâs ve iḥdâs olursa o zamân te'ḥîr olunmayıp baṭṭ olunur, zîrâ baṭṭ olunmayıp muġarriye ve mündice olan edviyeye ta'vîl ve 'itimâd olursa ba'îd olmaz ki edviye-i muġarriye nesîmi mesâmmda nüfûzdan men' eyleye ve edviye mündice ḥarâret-i ḍa'îfeyi tahrîk eyleye.

Ve zîkr olunan men' ve tahrîkin her birisi ta'fîne mu'în olmakla lâ-maḥâle muḍirr olur, bu mişlli olan hurâc şart-ı ġâir ve baṭṭ-ı 'âmîḳ ile şart ve baṭṭ olunmak lâzımdır. Ve şart ve baṭṭtan sonra ġâyet-i taḥlîlî ve tecfîfî olan edviye onlara itbâ' olunur. Ve vâcib olur ki baṭṭ ve şartın her birisi o 'uḍvda olan 'aşablar elyâfının tûlü meslekine sülûk eyleye lâkin teşennücden ḥavf olunup o 'uḍvun fi'lini ibtâl ḳaşd olunur ise o zamân lif 'arḍan ḳaṭ' olunur, ḥavf olunan teşennücden emn ve selâmet taḥşîl olunur. Ve elyâfın ekşerinde tûl bedenın tûlünün vaḍ'ı gibidir velâkin aḍâ-i maḥşûşa a'şâbı elyâfının tûlü tûl-i bedene muḥâlif olur ve kezâlik cebhe mişlli olan 'uḍvlardan mâ-adâda olan elyâfın tûlünü o aḍânın esürre ve ġuḍunu kesr eder bulursun.

Ve meşrûṭ ve mebtûṭ olan kimselere vâcib olur ki mâ ve dühn ve şaḥmiyyeti olan nesneler takrîb olunmaya. Ve eger ġasl olunmaġın iḳtiḍâ ederse mâ ve 'asel ile veyâhüd mâ ve şarâb ile veyâhüd mâ ve ḥall ile ġasl olunur. Ve ba'de'l-baṭṭ verem ve iltihâb müştedd olur ise 'ades ile taḍmîd olunur ve eger onlara ḥâcet yok ise mülḥimât ve merâḥim isti'mâl olunur. Ve ma'lûm ola ki zîkr olunan baṭṭ, şadîd ve veḍar ve nâşûru müvellid olur velâkin baṭṭa ḥâcet oldukta onları 'adem-i tevliḍe çâre yoktur ve ona çâre

için işlenen nesnelerin evlâsı mevâdi^c-i lahmiyyeden aşab ve urûku kalîl olan mevdi^cleri indâc eylemektir.

Ve ma'lûm ola ki şanevberiiyyü's-şekl mürtefi^c ve muhaddedü'r-rü'ûs olan hurâc baṭṭa kalîlen muhtâc olur ve ekser-i hâlde kâble'n-nuḍc ve ba^c-de'n-nuḍc onun baṭṭa ihtiyâcı olmaz.

Tedbîr-i İndâc ve Tekayyuh-ı Hurâc İhtiyâli Beyânındadır

Vâcib olur ki edviye-i mündicenin harâreti harâret-i bedene karîb ola ve onda tağriyetün-mâ ola. Ve mündicâtın derece-i ülâlâlarından olur mâ-ı fâtir ile tenṭil ve daḳıḳ-i hınṭa veyâhûd daḳıḳ-i şa'ır ile taḍmîd olunmak. Ve hınṭa-i memdûğanın indâcı ecved olur. Ve kezâlik derece-i ülâda mündic olandan olur hubz mâ ve zeyt ile veyâhûd şem^c ve za'ferân ve diḳâḳ-ı kündür ve zift dühn-i verd ile veyâhûd şahm-ı hınzîr ile ve kezâlik hatmî ve bezr-i kettândan müttehaz olan ḍimâd ve kezâlik yâbis ve hulv ve desim ve semîn olan yalnız tîn ile veyâhûd ma'a-daḳıḳi's-şa'ır ḍimâd veyâhûd daḳıḳ-i şa'ır ile ve huşûşan içine zûfâ ve sa'ter-i berrî idhâl olunan daḳıḳ-i şa'ır ve kezâlik o daḳıḳ-i şa'ır ki mâ ile ve min-ğayri ifrâṭin milḥ-i kalîl ile cem^c olunup ḍimâd oluna ve ba'dı kerre onun içine şahm ve dühn dahi idhâl ve ziyâde kılınır. Ve bu mezkûrlardan aḳvâ olur ḥurf ilk-i buṭm ile ḍimâd olunsa.

Ve indâca nâfi^c edviye-i mürekkebedendir: Zeyt ve mey^ca ve kınne ve mürr ve lâzen ve râtiyânec ve semn ve maşṭakî ve zûfa'r-raṭb ve aşl-ı kışşâi'l-hımâr ve aşl-ı demü'l-aḥaveyn. Ve kezâlik min-ğayri şem^cin merhem-i Câlînûs dühn-i ḥurva'la ve huşûşan o merhem zeytte idâfe olunsa indâcı keşîr olur. Ve kezâlik Dülûs merhemi ve bâsilikûn merhemi kavî mündicidir. Ve kezâlik ceyyid mündicidir ḥacer-i mârkaşîsâ üşşec ile hurâc üzere vaḍ^c olunsa ve kendiliğinden suḳûṭ edince ḳadar üzerinde terk olsa ceyyid olur.

Nuḍc Bulan Hurâcât-ı Zâhire Tedbîri Beyânındadır

Kaçan sen cild-i hurâcı ḡalîz bulsan ondan mâddesi her ne ḳadar nuḍc buldu ise dahi inḑicâr ümîd ve recâ olunmaz ve o ḡlṣat delâlet eder ki o mevḳi^cde urûḳ ve evtâr ve aşab vardır. Ve vâcib olur ki o hurâc baṭṭ oluna,

zîrâ battı eylemeyip middeyi onda terk eylersen fâsîd olup onu dahi ifsâd eder ve ʿurûku ve lîf-i ʿaşabı ekl eder. Ve o hürâcın eşeddi kurb-ı mefâşıl-da olan hürâc olur ve onu battı eylemek murâd eyledikte mevdiʿ-i middeyi taleb ve taʿarrûf edip o mevdiʿi battı eyle ve ictihâd eyle ki mümkün oldukça battın bâbı süfle müşâdif ola. Ve eger hürâc üzere semîn olursa ve sen onu şakḳ murâd eder isen fakat bâbı şakḳ eyle, zîrâ semnin verâsına iltizâkı olmaz ve mücerred bâbı şakḳ eylemek midde ihrâcında kifâyet eder ve ammâ battı olunacak hürâc naḥîf ise hürâcın cümlesi tûlen şakḳ olunur.

Ve maʿlûm [497b] ola ki midde olan mevdiʿ baʿdî kerre mess ile zâhir ve mütebeyyin olur huşûşan ki işbaʿ-ı vâhid ile hürâc üzere sen kebs edip velev fî-yedin uhra işbaʿ-ı uhra ile mürâʿât eylesen ve kebs ile middeden bir nesne mündefiʿ olduğunu taʿarrûf eylesen. Ve mevdiʿ-i midde levnin beyâda dâbir olduğundan dahi maʿlûm olur. Ve nuḍcu olmayanların levni humrete mâildir. Ve mevdiʿ-i middenin baʿdî kerre levni hudrete ve şufrete mâil olur eger midde ceyyide değil ise velâkin bu ʿalâmetlerden muʿtemed olan ʿalâmet-i lemstir, başâr değildir ve maʿa-hâzâ başarin lemse ifâneti vardır.

Ve kaçan o hürâc şakḳ olursa vâcib olur ki esürrenin huṭût-ı tabîʿiyyesine muvâfıḳ şakḳ oluna, lâkin hürâc o ʿuḍvda olsa ki onun tûl-i lîfi esürre tûlüne muḥâlîf olur, pes onun şakḳı bi-hasebiʿd-ḍarûret esürre tûlüne muḥâlîf kılınır tûl-i life muvâfıḳ olsun için. Cebhe hürâcında şakḳ murâd olursa esürre tûlüne muḥâlîf kılınır, zîrâ esürrenin tûlü vefkince şakḳ olunsa lîf munḳaṭiʿ olup cebhenin cildi sâḳıt olur vech üzere nüzûl eder.

Ve ammâ ürbiyyelerde olan hürâc cildin ʿaraḍına şakḳ olunup esürreye muvâfıḳ kılınır, zîrâ onda liften ve esürreden her birinin tûlü cildin ʿaraḍına mevdiʿa olur. Ve kaçan minvâl-i muḥarrer üzere hürâcı şakḳ edip ve içinde olan middeyi ihrâc eylesen sana vâcib olur ki mübâderet edip cildi lahma ilşâk eylesesin, zîrâ cilde lahma ilşâқта mübâderet olunmasa cild taḥarrûf edip müteşallib olur, bir dahi ilşâkı kâbûl eylemeyip onda meḥâbî¹¹⁷ hudûş eder ve mümtelî olmaktan zâil olmayıp o mişli olan mevdiʿde yine hürâc ʿâid olur. Ve her kaçan o meḥâbîyi sen tenḳiye eylesen yine mümtelî olur ve fiʿl-haḳîka o meḥâbî nevâşîr cinsinden olur velâkin vâktinde bi-sürʾatin

117 الْحَوْبَةُ [el-ḥavbet] (hânın fethi ve vâvın sükûnu ile) şol yerdir ki iki yağmur yağan yerlerin beyninde ola, yağmur değmeye. Vankulu.

cildi lahma ilşâk ba'de't-tenkîye olmak vâcib olur. Ve eger hâcet olur ise mebtût olan hurâcın mevdi'-i ba'tını hırka-i haşineden maşnû' mirved idhâl edip onunla tenkîye ve hakk ve ba'dehu ribât-ı kühûfla bizim inşaallâhu ta'âlâ zıkr edeceğim minvâl üzere şedd etmekle dabt edersen ve senin bu fi'lin emr-i şavâb olur.

Ve ba'tt murâd edenlere vâcibdir ki bizim zıkr eylediklerimiz şerâyite ri'âyetten sonra hurâcın ençac ve keşîrû'l-laħm olan ve şerâyinden ve 'urûk-ı evrideden ve evtârdan ba'id olan mevdi'-den ba'tt eyleye.

Anţâlîs¹¹⁸ hekim dedi ki kaçan hurâc re'ste olsa o hurâc şakķ-ı müstevî ile şakķ olunur ve şa'rın aşl-ı nebâtının ma'ıyyeti üzere kılınıp mu'terid kılınmaz. Bu minvâl üzere şakķ olunan hurâcın mevki'ini ba'de'l-bür' eş'âr setr edip 'aybı zâhir olmaz. Ve yine o hekim dedi ki eger hurâc aşl-ı 'aynda olursa biz onu mu'arrađan şakķ eyleriz. Ve eger hurâc enfte hurûc eyledi ise biz onu müsteviyen tûl-i enf kadarı üzere şakķ eyleriz. Ve eger hurâc 'ayna qarîb mevdi'-de olur ise biz onu re's-i hilâle müşâbih ba'tt ile ba'tt eyleriz ve onun i'vicâcını câ nib-i esfele kılarız. Eger hurâc iki fekkte olursa onu müsteviyen şakķ eyleriz, zîrâ o mevdi'-de olan terkîb müstevîdir ve onun istivâsı ecsâd-ı şüyûhta zâhir olur. Ammâ ħalf-i üzünde olan hurâcı müsteviyen şakķ eyleriz, ammâ zîrâ'ân ve mirfaķân ve yedân ve enâmil ve ürbiyyetân onların her birinin hurâcını tûlen şakķ eyleriz. Ve yine o hekim dedi ki eger hurâc iki faĥîzin kurbünde ise onu ba'tt-ı müstedîr ile ba'tt eyleyiriz. Ba'tt-ı müstedîr ona derler ki onda tûl ma'a-şey'in mine'l-'arđ aĥz oluna. Ve o hekim dedi ki zıkr olunan mevdi' vech-i muĥarrer üzere müstedîren ba'tt olunmasa mümkün olur ki onda mevâdd müctemi'a olup nâşûr ola. Ve kezâlik maķ'ade kurbünde ĥadiş olan hurâc dahi onlar gibi müstedîren ba'tt olunur mekân-ı ruţûbet olmakla. Ve cenb ve adlâ'da olan hurâc müverreben ve ĥuşyelerde ve kađîbde olan müsteviyen ba'tt olunur. Ve yine o hekim dedi ki ba'tt eden kimse ĥarîş olup dâimâ mümkün oldukça ba'ttını şekl-i küyânîye¹¹⁹ müşâbih kıla, ammâ sâķlar ve 'ađudlarda olan hurâcın şakķı tûl üzere kılınır ve 'aşabe işâbet-i ĥadîdden ihtirâz olunur.

118 "Anţîlûs" nüşĥa.

119 اَلْكَیْنُ [el-keyn] (kâfın fethi ve yânın sükûnu ile) bir et pâresidir ki nisâ tâ'ifesinin fercinin dâĥilinde olur, bez mişâlinde. Vankulu

Ve ma'ûm ola ki baṭṭ mevḍi'î ḥasebiyle muhtelif kılınır: Eger 'ayn ka-tında olan ḥurâc baṭṭ olunur ise onun baṭṭı vaḍ'-ı 'ayn şibhi üzere muḳar-ren kılınır. Ve enfte olan ḥurâc enfin tûlü üzere şakḳ olunur. Ve fekkte ve ḳarîb-i üzünde müstevî kılınır, zîrâ o mevḍi'în terkîbî müstevîdir ve onun isitvâsı ecsâd-ı meşâyıhtan ma'ûm olur. Ve ḥalf-i üzünde olan baṭṭ müstevî kılınır. Ve zîrâc ve sâḳ ve faḥîz ve 'aḍud bunların cümlesinin baṭṭı müstevî ve tûle şâir kılınır ve kezâlik 'aḍal-ı baṭn ḥurâcının baṭṭı onun gibi müstevî ve tûle şâir kılınır. Ve zahr ve ürbîyye ve ibṭte olan ḥurâcı baṭṭa 'arḍdan dahi baṭṭ olunur, meḥâbî olup nâşûr olmasın için ve kezâlik maḳ'ade ḳurbünde olan ḥurâcın dahi 'araḍından aḥz olunur vech-i meşrûḥ üzere maḥbâ ve nâşûr olmasın için. Ve ünşeyeynde ve ḳaḍîbde müstevi-yen bi't-tûl baṭṭ olunur. Ve cenb ve aḍlâc ḥurâcının baṭṭı muḳarrenen olsun için ḥazve'l-aḍlâc hilâlî kılınır, zîrâ aḍlâc'ın vaḍ'ı ve üzerinde olan laḥmın vaḍ'ı hilâlîdir. Ve yine Anṭalîs ḥekîm dedi ki sen dâimâ mevḍi'î-i ḥurâcın laḥmı ve 'aḍalının lifî vaḍ'ını tefakḳud ve tefahḥuş eyle, zîrâ bizim baṭṭa ḥırşımız mevḍi'e ittibâc ile dir, zîrâ mevḍi'î ittibâc olunmasa onda kehf ve ġâr ḥudûşu ḥavf olunur ve ittibâc olundukta ondan emn ḥuşûlünden mâ-'a-dâ iltihâm dahi mûḥiş olmayıp ḥasen olur ve senin her hâlde hemmin ve 'inâyetin ḥîn-i baṭṭa şîryândan ve ırḳ-ı 'azîmden ve 'asabe ve lif-i 'aḍaldan birinin ḳaṭc olunmamasına olsun.

Ve baṭṭ ḥurâcın 'ızamı ve sığarı ḥasebiyle kılınır. Eger ḥurâc şaġîr olup mevḍi'î vâḥidin baṭṭı ile tenḳiye ḥâşıl ve mevâddı cemî'an sâile olur ise onun şakḳı mevḍi'î vâḥidden olur ve eger ḥurâc 'azîm ise onun baṭṭı tedrîc-le ziyâde kılınır. *Ve baḍı nüshada فبطه بين بين vâḳf olmuştur, iki nüshanın me'âli müttehiddir.* Pes baṭṭ-ı evvelden sonra yed-i yûsrânın sebbâbe işba'ı ile ḥadîd aḥz olunup ve mevḍi'î baṭṭa idḥâl olunup sâniyen baṭṭ olunur ve bu minvâl üzere bi-ḥasebi't-tedrîc mevḍi'î middeye vâşıl olunca ḳadar baṭṭ tekrâr olunur. Ve eger midde-i ḥurâc mevḍi'î süflânîde ictimâc edip o mevḍi' vech-i meşrûḥ üzere baṭṭ olundukta midde cemî'an ondan ḥurûc etmek mümkün ise o mevḍi' baṭṭ olunur. Ve eger mevḍi'î middenin şek-li müstedîr veyâḥûd mevḍi'î vâḥidden baṭṭ ile middenin cemî'an ḥurûcu mümkün olmayan eşkâlden bir şekl üzere ise o mevḍi'în cihet-i süflânîsinin iki veyâḥûd bi-ḥasebi'l-ḥâce üç mevḍi'inden ve dahi ezyed mevâḍi'inden

bi-hasebi mâ-yu'lem ba't olunur eger hurâcda olan mevâdî'-i mezkûrenin cümlesi nu'c bulmakla seyelânı kâbil ise. Ve yine An'âlîs hekîm dedi ki eger hurâc mafşalda veyâhûd 'udv-ı şerîfte veyâhûd 'azmda veyâhûd gışâyâ karîb olan mevâdî'de ise kable en-yüsta'hkeme nu'dcuhu biz onu ba'tta isrâ' eyleriz, zîrâ kayh o 'udvlardan bir şey' ifsâd eder.

Biz deriz ki zîkr olunan vücûh-ı ba't ile tedbîre hâcet o vâkt olur ki ondan bi-nefsihi inficâr veyâhûd edviye ile inficâr recâ olunmaya. Eger o iki vechten biri ile inficâr recâ olunur ise o hurâc ba't olunmaz, bi-nefsihi münfecir olunca kadar intizâr olunur veyâhûd edviye ile tefcîr olunur ve ba'dı edviye-i müfeccirde ba't ma'âmına kâim olan devâyı sen bulursun. Ve çok kerre hurâc ba't olunup ondan bir şey' a'hz olunduktan sonra üzerine edviye müfeccire va'd olunur ve o devâ ağvaş olup hurâcın [498a] şukbesi ağver olur.

Hâricden Hurâcî Tefcîr Eden Edviye Beyânındadır

Keşret-i redâ'eti olmayan hurâcât-ı selîme mişlliler mâ-ı hârr ile takyîh ve tefcîr olunur, ammâ müte'affine olan hurâc mâ-ı hârrdan ta'darrur-ı şedîd ile muta'darrır olur mevâdî'-i âherden mevâddı hurâca cezb eylediği için. Ve kaçan mâ-ı hârrın hurâcî işlâhı rü'yet olunur ise onun cevdetine sen i'timâd eyle. Ve ma'lûm ola ki a'şl-ı nerces her şa'b olan hurâcî tefcîr eder huşuşan o a'şl 'asel ve mâ ile mecmû'an dühn-i süsen içinde iğlâ oluna veyâhûd kaşâbın a'şl-ı tārîsi 'asel ile veyâhûd zift-i yâbis kevârîr-i 'asel ile veyâhûd merhem-i evbûselûs tefcîr-i hurâcda isti'mâl olunur veyâhûd şem' ve rîtiyânec ve semn her birinden birer rıtl ve zift-i yâbis ve 'asel nışf rıtl, zencâr üç ûkıyye ve zeyt kâdr-i kifâye bu mecmû' isti'mâl olunmakla tefcîr olunur. Ve devâ-i şûm cidden ceyyid olur veyâhûd uşşak altı ûkıyye bu'tm dört ve şem' dört, kibrîr-i aşfer üç, na'trûn üç ondan merhem ittihâz olunur.

Ve bizim tecrîbe eylediğimiz müfeccirâtta dı ku'tn habbının lübbü ve cevzü'z-zenc ve hamîr ve kerneb-i ma'tbûh ve başal-ı ma'tbûh ve hardal ve zerku'l-hamâm bu mezkûrlardan dımad ittihâz olunur ve sür'at ile münfecir olur. Ve kezâlik diyâhaylûn lu'âb-ı hardalda idâfe olunup ve şâbûn tibn ile hâll olunup isti'mâl olunur.

Ve baṭṭ makāmına kāim olan edviye-i müfeccireden olur o merhem ki onun ittiḥāzı bu vech üzeredir: ‘Asel-i belāzur, zift-i raṭb bu ikisi veznleri berāber nār ile ma‘an cem‘ olunur ve nişf yevm o mecmū‘ ḥurāc üzere vaḍ‘ olunmakla tefcīr olunur.

Ve müfeccirāt-ı kavıyyedendir kıly, nūre-i ḡayr-i muṭfī ve o devāları setr edecek miḳdārın bir buçuḡu miḳdār su içinde iḡlā olunduktan sonra taşfiye olunur ve yine o muşaffānın içine kıly ve nūre tekrāren ilkā olup ba‘dehu aḡz ve bir kaş‘a-i nuḡās içine vaḍ‘ olup o kaş‘a cemr üzere vaḍ‘ olunur ve cemr üzere iken mün‘akid olup milḥ olur ve o milḥten bir şey³ ve onun rubu‘u miḳdārı nüşādur aḡz olup lu‘āb-ı ḥurf içine vaḍ‘ olunur ve onda ‘asel-i belāzurdan bir şemme kılınıp isti‘māl olunur veyāḡūd zerārīḥ aḡz olup saḡk olunur ve meshūku zeyt-i ‘atīk içine konulup nār-ı cemr üzere vaḍ‘ olunur ve cemī‘an mütteḥid olduktan sonra merhem gibi saḡk olup ondan ḍimād ittiḥāz olunur ḡuşūşan üzerine ‘asel-i belāzur dahi vaḍ‘ olunur ise ve ḡuşūşan zerḳ-ı bāzī veyāḡūd zerḳ-ı ‘aşāfir veyāḡūd zerḳ-ı baṭṭ vaḍ‘ olunur ise ziyāde ḳavī olur ve ba‘ḍı eṭibbā dahi kebūngeç¹²⁰ vaḍ‘ını dahi zıkr eylediler.

Ve edviye-i muḡallileden olur ḡādd ve muḡallil olan devāların küllisi beher yevm mevḍi‘ üzere iki def‘a vaḍ‘ olunmakla velākin o muḡallilātın vaḍ‘ı ‘uḍvu teşḡif ve ḡalḡale ile olur ya‘nī o şehāfet ve ḡalḡaleyi fā‘il olan kimādāt vaḍ‘ olup evvelā ‘uḍv teşḡif olunur ve ba‘dehu muḡallilāt-ı ḡādde vaḍ‘ olunur ve onu fā‘il kimādāt ruṭubāt-ı ḡārresi olan edviyelerdir. Ve bu muḡallilāt ve kimādāt ile ḡurācın mevāddı taḡallül eyledikçe vaḍ‘ ve tekmīdin mirārı noḡşān kılınır.

Ve vācib olur ki ona kılınan tedbīrde müleyyināt idḡālinden ḡālī olunmaya ḡattā onda şalābet ḡudūş eder ise onu o müleyyin telyīn eyleye ve midde dahi tecemmüd eylemeye. Ve eger midde zāile olup taḡallül eylese ve onda şalābet bākīye kalsa yalnız müleyyināt isti‘mālī vācib olur. Ve zıkr olunan edviye-i muḡallile cinsi būraḳ ve ḡardal ve ziblū‘ṭ-ṭayr ve zernīḥ ve nūre ve ḳardemānā mişllilerdir, onlar kündür ve ‘ilk-i buṭm ve maşṭakī ve dıḳk mişllilerle ḡalt olunur ve ḡall ve zeyt-i ‘atīk ile cem‘ olunur. Ve kezālik o muḡallil sūm ile mütteḡaz devā ve uḳḡuvān ile mütteḡaz devādır ve kezā-

120 Kebīkectir.

lik o devâdır ki ʿâkırkarhâ ve mîvîzec ve bûraktan ʿasel ile ittihâz olunur. Ve bu devâları istiʿmâl katında evvelâ mevdiʿ mâ-ı hârr ile tanzîf olup baʿdehu devâ vađ olunur.

Ve kezâlik muhallilâtın biri dahi devâ-i mârkaşîsâdır ve onun nüshası budur ki hacet-i mârkaşîsâ on iki dirhem ve uşşak o mişli ve daķık-i bâķilâ altı dirhem; bu mezķûrlar aħz olup râtinec-i raṭb ile ḥalt olunur ve cild üzere telṭiḥ ve midde üzere bi-zâtihi suķûṭ edince kadar vađ olunur. Ve vâcib olur ki terkîb olunduđu sâʿatte o devâ istiʿmâl oluna, zîrâ serîʿü'l-cefâftır. Ve kezâlik o muhallilin biri dahi devâ-i nûşâzurdur:

Nûşâ-i Devâ-i Nûşâzur: Nûşâzur bir cüzʾ, bâzerd rubuʿ cüzʾ, mertek bir cüzʾ ve şülüş cüzʾ, zeyt-i ʿatîķ bir cüzʾ ve bir cüzʾün dahi iki şülüşü; bu edviye aħz olup ondan leṭûḥ ittihâz olunur. Ve eger bu edviyeler nâfiʿ olmazsa bizim zîkr eylediklerimiz üzere baṭṭ ve keyyden birine ḥâcet olur.

Hurâcât-ı Bâṭine Tedbîri Beyânındadır

Vâcib olur ki dübeylât-ı bâṭine istifrâğ ile tedbîr oluna ḥuşûşan berâz ve bevl ile ḥurûc eden mirâr cemîʿan demin redâʿetine delâlet eyleye. Ve eger bevl ve berâz şâlihler olup cevdet-i demi ṭabîb ḥads ederse ve ḥurâca mündefiʿ olan demden mâ-ʿadâda ʿadem-i fesâd maʿlûmu olur ise istifrâğdan sonra vâcib olur ki edviye-i muʿtedile ile dem inḍâc oluna. Ve şarâb-ı rakîķ-i laṭîf ḳalîlen ḳalîlen şûrb olursa inḍâc eder. Müstaʿşî olan mevâddı inḍâcda iʿtimâd edviye-i mûlaṭṭife-i müceffifeyedir, mürr ve dâr-ı şînî ve efâviye-i sâire gibi ve onlara şarâb-ı rakîķin beyâda mâil olanları ittibâʿ olunur. Ve mürekkebâtan tiryâķ ve meşrûdîṭûs ve emrûsiyâ istiʿmâl olunur.

Demâmîl Beyânındadır

Demâmîl yaʿnî çıbanlar dahi ḥurâcât cinsindendir ve ekşeri redâʿet-i haḍmdan ve ʿale'l-imtilâ hareketten ve o mecrâyâ cârî olan esbâbdan olur ve demâmîl her ne kadar ağver olur ise erdeʾ olur.

el-İlâc: Kaçan dümmel zâhir olsa üç güne kadar onun ʿilâcı evrâm-ı ḥârre ʿilâcıdır ve baʿdehu taḥlîl ve inḍâca iştigâl olunur. Baʿdı kerre taḥallül eder ve onun taḥallülü ḳalîlü'l-vuķûʿ olur ve baʿdı kerre dahi nuḍc bulur. Ve ʿilâc-ı dümmelden teğâfûl eylemek câiz olmaz, zîrâ teğâfûl olursa ḥurâc-ı

‘azîme râci‘ olur. Ve kaçan bi-ğadri’l-vâcib faşd ve ishâlle istifrâğ olunsa ħurâca şâyir olmak ħatarından emn ħâşıl olur. Ve eger çıbanda ħarebân olup aşl ve kâ‘idesi olur ise ona nuđc lâbüdd olur ve sana gerektir ki o nuđca i‘ânet eylesin.

Demâmîl kesret üzere ħurûc eden kimselerin ħalâşî ishâlle ve teşĥîf-i cild ile olur ve teşĥîf-i cild ħammâm isti‘mâline müdâvemet ve riyâdet ile olur. Ve demâmîli inđâc eder leben ile medķūk veyâĥûd ma‘a’t-tîn ve ‘l-‘a-sel¹²¹ medķūk olan bezr-i merv ve kezâlik bilâ-merv tîn ve ‘asel. Ve ammâ ħınṭa-i memđûğanın inđâcı ceyyid olur. Ve kezâlik būraq ile ma‘cûn kılınan zebîb veyâĥûd dühn-i süsen ile maĥlûṭ tîn ma‘a’l-ĥardal ve kezâlik devâ-i dümmelî ve devâ-i cümmezyü’l-ma‘rûf inđâc eder. Ve bu şıfat üzere olan devâ dahi rıfķ ile inđâc eder: Semn bir ũķıyye ve buçuk ũķıyye, ħamîr-ı ħamîd iki ũķıyye, medķūk bezr-i merv ve bezr-i ħatûnâ her birinden birer buçuk ũķıyye, şîrec, tîn üç ũķıyye, ĥulbe, bezr-i kettân her birinden beşer dirhem; bu mezkûrlar aĥz ve lebende ba‘de’t-ṭabĥ isti‘mâl olunur ve mu‘tedil inđâcı olur.

Ve kaçan dümmelin nuđcu ‘usretli olsa ve ħarâreti sâkin olup şakîl olsa o dümmeli saķy eden ırķı sen faşd eyle ve ba‘dehu mevđî‘ üzere sen ħacâmet eyle velâkin zamân-ı ibtidâsında o faşd ve ħacâmet işlenmez. Eger zamân-ı ibtidâda faşd ve ħacâmet olunsa dem-i şadîdî ħurûc eder ve dem-i ġalîz muĥtebes olup ħurĥa-i şulbeye mü‘eddî olur.

Ve kaçan dümmel nuđc bulup münbasıṭ ve münfecir olmasa sen onu baṭṭ eyle yâ edviye veyâĥûd ĥadîd ile ħurâcât bâbında zıkr olunduĥu üzere. Ve dümmeli müfeccirât-ı ceyyideden olur bezr-i kettân zerķu’l-ĥamâm ve ħamîr. [498b]

Tûşe Beyânındadır

Tûşe verem-i ħurĥîdîr ve laĥm-ı zâid cinsindendir, laĥm-ı saĥîfte ‘arîd olur ve ekser-i ĥudûşu maķ‘adede ve fûrûcda olur ve onun ba‘dısı selîm ve ba‘dısı ħabîş olur.

121 “ĥardal” nüşĥa.

Fenn-i Şalışın Maḳāle-i Şāniyesi Evrām-ı Bārîde ve Onların Mecnāsına Cārî Olanların Beyānındadır

Faşl-ı Evvel Evrām-ı Bārîdenin Keyfiyyet-i Tevellüdü Beyānındadır

Bedende olan ahlāt-ı bārîde ve ahlāt-ı bārîde mecnāsına cārî olanlar balgām ve sevdā ve rih ve onlardan mürekkeb olanlardır, sen onların aşnāfını cemī'an bildin. Pes evrām-ı bārîde yā balgāmiyye olur veyāhūd sevdāviyye olur veyāhūd rihîyye olur veyāhūd mürekkebe olur. Ve evrām-ı balgāmiyye dahi balgām-ı sāzecedden olur ve ona evrām-ı rihve tesmiye ederler veyāhūd māiyye olur, nitekim baḍı aḍḍāya mām ictimāī ʿārîd olup o ʿuḍva maḥşuş istiskā mişlli bir hālet ʿārîd olur veyāhūd evrām-ı balgāmiyye dübeylāt-ı leyyine olur, sila-ı leyyine gibi veyāhūd leyyine olmayıp müstahşife olur ḥanāzîr ve sila-i şulbe gibi. Ve evrām-ı sevdāviyye yā şakîrûs veyāhūd sereṭān olur ve sen beynehümāda olan farkı vakt-i âṭide bilirsin. Ammā evrām-ı rihîyye tehebbüc veyāhūd nefḥa olur; ammā rihṭen tehebbücün ḥudûsu rih-i münteşireye buḥāriyyetin muḥālaṭası ile olur, ammā nefḥanın ḥudûsu fedā-ı vāhidde riyāḥ müctemī'a ve mürtekize olmakla olur. Ve baḍı kerre zıkr olunan evrām-ı bārîdeden baḍılar baḍı aḥer-i bārîd ile ve kezālik evrām-ı ḥārr ile terekkeb eder.

Rihv ve Balgāmî olup Ūzīmā Tesmiye Olunan Verem Beyānındadır

Ūzīmā o veremdir ki ebyaḍ ve müsterḥî olur onda ḥarāret olmaz, her ne kadar māddeşi eraḳḳ-ı vābil olur ise rehāvet-i verem o miḳdār eşedd olur ve işba'nın ḡamz olunduḡu maḥalle nüfûzu eshel olur, ma'a-hāzā o veremde olan işba'a veremin mümāna'atı ve müdāfa'atı olur ki o mümāna'at tehebbüde olmaz ve her kaçan mādde aḡlaḡ olsa şalābet ve berde meyli ekşer olur ve çok kerre verem-i rihv buḥār-ı balgāmdan ḥādiş olup tehebbüc kabīlinden olur. Ve ūzīmā verem-i sevdāviyyeden kıllet-i şalābet ve kıllet-i kümüdet ile müfārik olur. Ve kaçan verem-i rihv ḍarbeden ve ḍarbe nezāirinden ḥādiş olursa mevḍi-i ḍarbeye ekşer-i hālde balgāmdan ḡayri münceḡib olur mevādd olmaz. Ve verem-i mezkûr baḍı kerre ḍarbe katında ḡalilen balgāmın ḡayriden dahi ḥādiş olur ve onda verem veca'dan ḡālî olmaz.

Verem-i Rıhvin Mu'âlecâtı Beyânındadır

Ammâ balğamî olan [verem-i] rıhvda ishâlle istifrâğ ve müvellidât-ı balğam olan edviyeden hımye ile balğam tevellüdünden ictinâb her hâlde lâzım ve lâyıf olur. Ve kaçan onlara mürâ'ât olunsa vâcib olur ki zamân-ı ibtidâda onda isti'mâl olunan râdi' tecfîf ve tahtlîlî câmi' ola. Ve vâcib olur ki evvelâ mevdi' ve mekân menâdil ile, şalâbet ile o verem delk olup ba'dehu üzerine müceffifât vađ' oluna ve ona mâ mess olunmaya.

Ve üzîmânın ibtidâsında isti'mâlî ceyyid olan edviyeden olur o isfence-i cedîde ki hâl-i memzûca veyâhûd mâ-ı bûrağa ve mâ-ı remâda mağmûse ola cevher-i isfencede tecfîf ve tahtlîl olmakla. Ve her kaçan 'illet vaqt-i tezeyyüdde olsa isfence gams olunan hâl kalîlen aḥzâk ve kaçan zamân-ı intihâya bâliğ olsa o hâllin ḥazâkati gâyeteye iblâğ olunur ve hâl isfence ile yalnız isti'mâl olunur. Ve ba'dı kerre dahi şedîdetü't-tahtlîl olan edhân ile ma'an isti'mâl olunur ve o mişlli vaqte ya'nî vaqt-i intihâda yalnız isfence remâd-ı tîn ve remâd-ı kerm ve bellût ve o mişlli remâd sularına mağmûseten isti'mâl olunur. Ve vâcib olur ki isfencât veremin cemî'-i cevânibini iktinâf ve isti'âb eyle, zîrâ bir cânibe zıkr olunan isfence vađ' olunsa mevâdd isfence olmayan mevdi'e meyl eder. Ve ba'dı kerre isfence olmayan bilâdda ve mekânda isfence maḳâmına ḥıraḳ ikişer kat kılınıp mâ-ı remâd ile isti'mâl olunur. Ve ba'dı kerre vâḥideten-ba'de-vâḥidetin devâm üzere verem-i rıhva o ḥıraḳ vađ' olunsa kifâyet eder velâkin mâ-ı nûre mâ-ı remâddan aqvâ olur.

Ve kezâlik nâfi' olan devâlardan olur dühn-i verd hâl ile ve milḥ ve kibrit-i muḥraḳ ile ve kibritin kendi dahi yalnız isti'mâl olunsa ceyyid olur ve hımmaş mâ-ı kerneb ile 'acîbü'n-nef' olur.

Ve zamân-ı ibtidâda māmîsâ vaḥdehu veyâhûd ba'dı müceffifât-ı ḥârre ile isti'mâl olunsa ceyyid devâ olur. Ve o veremde mâdde ḡalıza olmazsa onu ribâtla şedd eylemek nâfi' olur ve onun rabtında vâcib olur ki fevkten bed' olup süfle nüzûl oluna. Ve zamân-ı ibtidâda âs 'uşâresi ceyyide olur ve zamân-ı ibtidâdan sonra isti'mâl olan edviye o 'uşâre ile ma'cûn kılınmak dahi ceyyid olur.

Ve kaçan verem 'uḍv-ı 'aşabî vü keşifte veyâhûd ribât ve evtârda olsa onun edviyesine muḳattı' ve müleyyin devâlar ḥalt olunur. Ve ma'a-zâlik

deyilen esbâbdan bir sebep ile onda veca^c dahi olsa vâcib olur ki evvelâ veca^c teskîn oluna zûfâ-i raṭb ve meyfuḥtec ve zeytten ittiḥâz olunan kay-rûṭiyât ile ve şarâb-ı esved-i kâbîd ile tenṭîl olunmakla ve ba^cdehu mâ-ı remâd mişlli [ile] tenṭîl olunmakla.

Ve atlıye-i ceyyideden olur: Mürr ve ḥuḍaḍ ve su^d ve şabır ve za^cferân ve akâkıyâ ve miḳdâr-ı kalîl ṭîn-i Ermenî aḥz olunup ḥall ve mâ-ı kerneb ile ma^ccûn kılınan ḍimâd. Ve kezâlik veca^c-ı müteḳâdimi olan verem için ve-saḥu'l-ḥamâm aḥz ve iḡlâ olunup nûre ile taḳvîm olunur ve ona nûre 'acîn-i rıḥv kıvâmında olunca ḳadar vaḍ^c olunur, ba^cdehu ṭîlâ olunur. Ve kezâlik o verem mevḍî'î ṭîlâ olunup üzerine ḥall şûrb eden isfence veyâḥûd şûfe üzerine vaḍ^c olunup mevḍî'î-i mezkûra şedd olunur. Ve devâ-i cümmeysz isti^cmâli dahi nâfi^cdir.

Ve yine nâfi^c olan devâlardandır varaḳ-ı süsen aḥz olunup nâ'imen selḳ olunduktan sonra 'aşr olunup veremin üzerine vaḍ^c olunmak, onun te'sîri 'acîbdir. Ve kezâlik şebb ve ḥuḍaḍ ḥall ve mâ-ı remâd ile daḳḳ olunup isti^cmâl oluna.

Ve ḳaviyyetü'l-menfa^cat atlıyeden olur: Şebb, aḥsâ-ı baḳar, kündür, mey^a, üşne, ḳaşabu'z-zerîre, sünbül, efsentîn; onların cümlesi nâfi^c ve ceyyiddir. Ve anḳrabâdinde evrâm-ı mezkûre cedâvilinde zıkr olunan devâların küllîsi nâfi^cdir.

Ve ḥâmil hatunların ayaklarında zuhur eden terehhüle nâfi^c olur süpürge ittiḥâz olunan ḳaşabın fiḳâhı halle ğams olunup mevḍî'î müterehhil üzere vaḍ^c olunmak ve ba^cde'd-daḳḳ vaḍ^c olunur ise ecved olur. Ve kezâlik ḳay-müliyâ ḥall ve şebb ile ecved olur. Ve ona nâfi^c olan neṭûlât o sudur ki onda kerneb veyâḥûd şibt ṭabḥ olmuş ola veyâḥûd ḳuşûr-ı ütrücc ṭabîḥî ile tenṭîl olunur. Ve ammâ istiskâya veyâḥûd maraḍ-ı âḫere tâbi^c olan terehhülün 'îlâcî o sebebe olan 'îlâc olur.

Sila^c Beyânındadır

Sila^c o dübeyledir ki aḥlât-ı balġamiyyeyi muḥteṭvî olur veyâḥûd kendisi balġamdan mütevellid olup laḥm veyâḥûd 'aşîd veyâḥûd 'asel ve o mişlli nesneler gibi olur ve ḥuşuşan bâṭn-ı mefâşılâda veyâḥûd bir şulb olan mevḍî'de ḥâdiş olan sila^c ba'îd olmaz ki sevdâvî olanlara ilḥâḳ oluna,

zîrâ ben o sil'a-i şulbeyi dahi balgamî kılıp derim ki o şalâbetin aşlı dahi balgamdır ve ona cefâf tarî olmakla gılzat 'ârîda olmuştur. Ve ba'dı kerre dahi 'aşab mün'aqid olup sil'aya müşâbih olur ve ma'a-hâzâ o mün'aqid sil'a değildir. Ve 'aşab-ı mün'aqid ile sil'anın farkı ve mâ-bihi'l-imtiyâzı budur ki 'aşab min-küllî cānib mevdi'inden izâle kaşd olundukta zâil olmaz belki yemneten ve yesreten izâle [499a] olunur, tûlen ona zevâl olmaz. Ve çok vâkı' olur ki darbeden sil'a mişli bir nesne 'ârîd olur ve ona evvel-i zühûrunda şedd ile 'ilâc olursa zâil olup taḥallül eder.

el-İlâc: Sila'dan şınf-ı güdedî mu'alecesi battı ve kaçır olur, o şınf şil'a onların gayri 'ilâcî kabûl eylemez ve kezâlik sila'nın 'aselî mişli şınfı dahi battı ve kaçır'dan gayri 'ilâcî kabûl eylemez. Ve Anṭalîs ḥekîm sil'a kaçırının tedbîrinde dedi ki sil'a fevķinde olan cildeyi evvelâ kendi yed-i yüsran ile veyâḥûd ḥâdim-i âḥer yedi ile [medd eyle] velâkin o medd rıfķ üzere kılınıp keşķ katında keşķi istikşâdan kîs-i sil'a imtinâ' eylemesin için 'unf ile medd olunmaz. Ve kaçan cilde-i mezkûreyi rıfķ ile kendi cānibine nâ'imen cezb eylediğinde rıfķ ile cildeyi şakķ eyle, zîrâ sil'anın ḥicābı ya'nî kîsi mümkün olur ki fevķānî cilde medd olundukta ḥicāb dahi ona tâbi' olup mümtedd ola. 'Unf ile şakķ olunup şakķta taḥarrî ve rıfķ olunmasa o ḥicāb dahi şakķ olunup keşķte istikşâ olunmaz. Pes cümle-i fevķāniyye bu vech üzere şakķ olundukta cilde-i meşķûkanın iki şefeleri iki şınnâre ile medd olunup kîsi laḥmdan keşķte şürû' olunur, zîrâ ba'dı kerre o vech ile kîsi keşķ mümkün olur ve ba'dı kerre kîs laḥma mülteşık olup keşķi mümkün olmaz. Pes kîsin muḥtevî olduđu nesne şaḥîḥan ḥurûc eylesin için kamāzeyn قماذین ile kîs selḥ olunur ve o vech üzere selḥ mümkün mertebenin aḥkemi olur.¹²²

Ve kaçan sen sil'ayı iḥrâc eylesen nazar olunur, sil'a şağîre olup cild-i meşķûk mevdi'-i şakķı setr edecek miķdârdan fâḍıl değıl ise o mevdi'de olan dem mesh olunup ve mâ-ı 'asel ile cürḥ ğasl olunduktan sonra o cildeyi ḥayt ve ilḥâm eyle ve eger cilde mevdi'î setr edecek miķdârdan sil'anın kiberi ḥasebiyle keşķren fâḍıla ise fâḍlın küllîsi kaçır olunup ba'dehu mu'alece olunur.

122 Ke-enne muşannif keşķ ile müteberri olan kîsi bilâ-isti'mâl-i âlet el ile iḥrâcî murâd eyledi ve selḥ ile âlet ile o mültezık olan kîsi yüzmeğı murâd eyledi. Zâhir budur ki "kamāzeyn" âletin ismi ola veyâḥûd cemî'an nüshalarda her ne kadar "kamāzeyn" ise ḥkuffāzeyn"den muḥarref ola. "Ḥuffāzîn" eldivenler demektir, "ḥuffāzeyn" teşniyesidir ve "aḥkemi" dediğı dahi ona şāhiddir.

Ve eger sil'â aşabe veyâhûd ırķa mücâvir ise ona nazar olunur, eger o sil'â keşî olunan kabîlden ise onu keşîtte be's yoktur ve eger kumazeyn ile selhe muhtâc ise ve sen ırķ ve aşabdan bir nesnenin inkıţâından havf edersen o sil'adan hurûcu mümkün olanları ihrâc eyle ve bâķîsi üzere devâ-i hâdd vađ' eyle ve onu ilhâm eyleme devâ-i hâdd ile o kîsten bir nesne kalmadıķı sana ma'lûm olunca kadar, zîrâ ondan velev qalîlen bir nesne bâķî kalsa yine o sil'â âid olur. Ve eger sil'â azîme olup onu sen aħz eylesen o gün onun mevđî'ine kuttndan haşv idhâl eyle ve devâ ile mu'âlece eyle.

Ve eger sen sil'ayı bađ edersen vâcib olur ki onun kîsini bi-tamâmihi aħz eylesen ve onu aħzi ne kadar şanânîr ile olur ise, zîrâ ondan bir cüz' velev qalîlen terk olursa yine 'avdet eder ve eger mümkün ise kîs selh olunup ma'a's-sil'â aħz olunur ve kîsi ma'a's-sil'â aħz ecved olur. Ve eger kîsten bir nesne bâķî kalır ise o bâķînin üzerine devâ-i hâdd vađ' olunur ve ba'dehu devâ-i hâdd fi'lini işledikten sonra semn ilhâk olunur ya'nî devâ-i hâddın mađarratı semn isti'îmâliyle tedârük olunur.

Ve silâ hurâcâtı aşnâfından 'aselî şînfında vâcib olur ki ictihâd olunup kîsi münharik kılınmaya ve kîsi ihrâcda ihtiyâl oluna, zîrâ o sil'anın kîsi münharik olsa ihrâcî şa'b olur; ammâ ona inhîrâķ 'ârîd olsa sen onu içinde olan nesne üzerine dikmek şavâb olur. Ve kaçan 'udvdan sil'â selh olursa meslûhün 'anhû olan 'udvun eczâ-ı müteferriķası cem' olunup ribâţâtla şedd olunur. Eger ondan şey'-i keşîr seyelân eyledi ise onun şâhibine vâcib olur ki muķavviyât-ı laţîfeye mürâ'ât eyleye ve 'inde'n-nevm hıfz üzere ola. Ve ba'dı kerre ona ğaşy mübâderet eder ve ona vâcib olur ki ğaşyin 'urûdu havf olunanlara ğaşyin 'urûdunu men' için olunan mu'âlece ile 'ilâc oluna.

Ve aşhâb-ı silâ'dan çok kimseler selhi ihtimâl eylemezler ve edviye-i hâddeyi dahi ihtimâl eylemezler marađlarının 'ızamı hasebleriyle ve mizâcları hasebleriyle ve onlar bađtan mâ-'adâ bir nesneyi ihtimâl eylemezler, o mişlli kimselerin vâcib olur ki sil'aları bađ olunup ihrâc vâcib olan nesneler ihrâc olunduktan sonra kîse ta'arruđ olunmaya belki o kîste müctemî' olanlar küllü yevmin ihrâc olunup müfettiren dühn-i semn vađ' oluna, o dühn ile kîs ta'affün edip bi-nefsihi sâķıť olur.

Ve aşnâf-ı silâ'dan 'aseliyye-i şehdiyyenin mu'âlecât-ı ciyâdındandır: 'Îlâca bed' olunup evvelâ bi-şey'in hârrin kimâd oluna ve ba'dehu men-

zû'ı'l-^ıacem zebîb ile dımâd oluna. Ve evlâ olan budur ki cild keşî olunup üzerine merhem vađ^ı oluna ve bađ^ı kerre devâ-i hâdd cildi keşîtte meblağ-ı ma'lûme bâliğ olur o devâ-i hâdd nûre ve şâbûn ve remâd ve onlar mecrâsına cârî olan devâ-i hâdd gibi, biz oları müfeccirât-ı hûrâcda zıkr eyledik. Ve kezâlik nûre dört, hamrın dürd-i muhrağı iki dirhem, naîrûn iki dirhem, mağre bir dirhem; bu edviyeler ağız olunur ve mâ-ı remâd içinde galyât-ı kalîle ile kaynatılır ve reşâştan bir hoşka içine vađ^ı olunup kurumasin için dâime tendiye olunur.

Ve bu devâ^ı sil'a-i mezkûreye şâlih olduğu gibi şe'âlîle ve ğudedde ve onlar gibi olan nesnelere dahi devâ-i şâlih olur, o devâ budur: Harbak-ı zernîk-i ağımer iki cüz^ı, kuşûr-ı nuhâs dört cüz^ı; bu mezkûrlar ağız olunup ondan dühn-i verd ile leîh ittiâz olunur veyâhûd bezr-i encüre, kuşûr-ı nuhâs, zernîh dühn-i verd ile isti'mâl olunur.

Ve sil'a-i ^ıaseliyyeye ve hûrâcât-ı sâireye ve hârreye ve hılt-ı leyyini olanların cümlesine adıde-i ceyyideden olur: Lâzen, kınne, uşşak, muğl, vesah-ı kevârîrû'n-nağl, 'ilkü'l-butm veznleri berâber ağız olunup ondan merhem ittiâz olunur.

Ve zıkrî âtî devâ bilâ-keşîrin lez'in müzevvebât-ı nâfi'adandır, o devâ-i müzevveb budur: Bûrak ve bûrakın nısfı miqdârı harbak bunlar ağız olunup ve şem^ı ile ve dühn-i verd ile mûm-ı rûğan ittiâz olunur.¹²³ Ve kezâlik nûre bir cüz^ı kulkuşâr ve zernîh her birinden bir cüz^ı.

Ammâ o ğuded ki sil'alara müşâbih olur, onlar ta'akkuddan bir şıfır eger onu ihrâc mümkün olursa ve aşabdan veyâhûd aşab mişlli ^ıudvlerden civârında vâkî olan ađâ onu ihrâcdan mutađarrır olmazsa o mişlli ğuded sil'a gibi ihrâc olunur. Eger o ğuded yed ve ricl mişlli ^ıudvlarda ve aşab ve evtâra muttaşıl mevdi'de olursa onun ihrâcına ta'arruđ olunmaz, zîrâ ta'arruđ olunursa teşennüce mü'eddî olur belki o mişlli ğuded rađđ olunup üzerine şıkalî olan bir nesne şedd olunur o merdûd ğuded hađm oluncaya kadar. Ve bu mişlli ğudedin ^ıalâmâte budur ki onun üzerine ğamz olursa o ğamz ^ıudvu tađdır eder ya'nî ^ıudvun hader-i mezkûru ğudedin a'sâb ve evtâra mücâvir olduğuna ^ıalâmet olur.

123 Ya'nî ^ıameli mûm-ı rûğan gibi kılınır.

Ğuded Beyânındadır

Ba‘dı a‘dâda ba‘dı kerre verem-i ğudedî miqdâr-ı bunduğa vü cevze ‘arıđ olur ve ekseriyyâ o verem keff ve cebhe üzere ‘arıđ olur. Ve o verem evvel-i ħudüşunda bir ħâl üzere olur ki onun üzerine ğamz olursa teferruđ eder ve ba‘de’t-teferruđ ħable’l-ĝamz olan ħâline keşiren ‘avdet eder ve ba‘dı kerre dahi ‘avdet eylemez. Onun ‘ilâcı sil‘a ‘ilâcı cinsinden olur.

Ve ba‘dı kerre o [499b] verem-i ğudedî radđ ve fed‘ ya‘nî telyîn olunup ba‘dehu üzerine üsrüb-i şakıl şedd olunmakla ħaly olunur¹²⁴ ğuded-i merđūd u mefdū‘ hađm olunca ħadar ħuşūşan taht-ı üsrübde ma‘lûm olan tılâ hâđım ola. Ve kezâlik vech-i muħarrer üzere ğuded hađm olunduktan dahi şedd-i mezkûr terk olunmamak vâcib olur mu‘âvededen ihtirâzen.

Büşür-i Ğudediyye Beyânındadır

Ve ba‘dı kerre a‘dâya büşür-i ğudediyye-i şaĝire dahi ‘arıđ olur. Onun ‘ilâcı şedđ ve ‘aşr edip üzerine üsrüb vađ‘ etmekle olur.

Füceşlâ

Füceşlâ dahi evrâm-ı ğudediyye cinsinden olur ve benzer ki bu ism ħalf-i üzünde olan vereme ħaşştır ve o mecrâya cārî olanlarda biz kelâm-ı küllîleri zıkr eyledik. Ve onun ‘ilâcı ğuded evrâmında ve ħalf-i üzün evrâmında zıkr olunan ‘ilâclar olur. Ammâ füceşlâya ħaşş olan ‘ilâc remâd-ı ħalezün ĝayr-i melîĥ olan şaĥm-ı ‘atîĥ ile ma‘cûn kılınıp isti‘mâl olunmakla olur ve o devâ nazîri olmayan devâlardan olur. Ve kezâlik ibn ‘urs remâdı dühn-i sūsenden mütteħaz ħayrūĥi ile ħalt olunup üzerine zamân mürûr etmekle ‘atîĥ olduktan sonra isti‘mâl olunur ve o devâ füceşlâya nâfi‘ olduĝu gibi ħanâzîre dahi nâfi‘ olur.

Ĥanâzîr Beyânındadır

Ĥanâzîr sıraca denmekle ma‘rûf olan ‘illetir. Onun sil‘aya müşâbeheti vardır ve beynehümâda fark budur: Ĥanâzîr ‘udvdan müteberriye deĝildir, ammâ sil‘a müteberriyedir; ħanâzîr laĥma ta‘alluĥ ve teşebbüs eylemiştir

124 “Ĥaly olunur” ya‘nî kavrulur ve puĥte kılınır.

ve hanâzîrin ekser-i 'urûdu lahm-ı rıhve olur ve onun dahi hicâb-ı aşabîsi olur ve 'azmı şedîd olmuş hınzîr kalîlû'l-vukû olur. Ve hanâzîrin ba'đı kerre birinden hanâzîr-i keşîre tevellüd eder ve onlar şe'alîle müşâbih olur ve ba'đı kerre o hâdis olan hanâzîr-i keşîre 'ukde 'ukde olup olup kılâde nazmı gibi muntazam olur. *Ve bundan sonra bir 'ibâret vardır ki onda nüshalar muhtelifedir: Birinde العقود وكأنه من vâkıf olmuştur, m'ânâsı: "Benzer ki o muntazam olan hanâzîr 'ukde ve kılâde cinsinden ola." Ve nüshanın ikisinde العنقود وكأنه من vâkıf olmuştur, onun m'ânâsı demektir ki "O hanâzîr-i muntazame benzer ki şalkam cinsindendir."*

Ve bi'l-cümle hanâzîr guded-i şakîrüsüyyedendir. Ve ba'đı hanâzîr vardır ki ona veca' şöhet eder ve veca'ı olan hanâzîre verem-i hârr veyâhüd mādde-i harre muhâliittir. Ve ba'đı hanâzîrde veca' olmaz veca'ı olmayan hanâzîrin 'ilâcı ziyâde 'usretli olur.

Ve hanâzîr 'ilâcında ba'đı kerre batı ve ba'đı kerre ta'fine hâcet olur. Ve nâsın hanâzîre şedîden müsta'idd olanları rakabeleri kaşîre ve mizâcları mertûb olanlar olur. Ve rakabede ve ibtte hanâzîr tevellüdü a'đâ-i sâirede tevellüdünden ekser olur. Ve zann olunur ki bu 'illete hanâzîr tesmiyesi hınzîre o 'illetin keşret-i 'urûdu hasebiyledir ve keşret-i 'urûdu şedîdü'l-hırş olduğu hasebiyledir ve yâhüd hanâzîr 'urûduna müsta'idd olanların rakabesi hınzîr rakabesine müşâbih olmaqlardır. Ve hanâzîrin eslemi şıbyâna 'arîd olanlardır ve a'ser-i hanâzîr şübbâna 'arîd olanlardır.

el-'İlâc: Onun 'ilâcında ta'vîl ve 'itimâd istifrâğa ve tel'îf-i tedbîre olur. Ve istifrâğ-ı fâdıldandır kay' ile istifrâğ ve balgâm-ı gâlîzi ishâl dahi lâzımdır huşûşan vâsılî tesmiye olunan habb ile ishâl ziyâde fâdıldır. Ve kezâlik türbüd, zencebîl, sükker veznleri berâber ahz olunup iki dirheme varınca kadar şürb olunur ve o şerbet balgâm-ı gâlîzi ıtlâk eder ve ma'a-hâzâ onda teşhîn olmaz ve sahc dahi ihdâs eylemez. Ve kezâlik faşd dahi nâfi'dir ve vâcib olur ki lâ-mahâle onun faşdı kîfâlden ola.

Ammâ onun 'ilâcında tel'îf-i tedbîr bu vech iledir ki onlar ağdiye-i gâlîza tenâvül edip üzerine şürb-i mâdan ve kezâlik tohmeden ve imtilâdan ictinâb eyleyeler ve hasbe mâ-emken cû' üzere olup re'si mādde ile mümtelî eden ağdiye tenâvülünden dahi ictinâb eyleyeler.

Ve hanâzîre müsta'idd ve müteheyyî olan kimselere vâcib olur ki mevâddı re'se imâle eden nuşbelerden re'sini şavn üzere olalar tavîle olan rûkû ve sücûd ve visâde-i lâti'e nuşbeleri gibi ve kezâlik mevâddı re'se cezbe eden keşret-i kelâm ve şudâ ve đacer mişli ef'âlden dahi şavn üzere olalar. Ve ekser-i emrde aşhâb-ı hanâzîre muvâfık olmayan hacâmetten dahi hâzer eyleyeler, zîrâ o hacâmet mevâdd-ı hanâzîri istifrâğ eylemez belki hacâmet-i mezkûre mevâddı hanâzîre cezbe edip tağlîz eder mevâdd-ı rakıka-i demeviyye o hacâmet ile istifrâğ olunmak hasebiyle. Ve belki çok vâkı' olur ki zübûl ve taḥallülü aḥz eden hanâzîr hacâmet olunmakla yine hâlete ülâsına 'avdet eder.

Ve bi'l-cümle hanâzîrin tedbîri saḳîrûs tedbîrine müşâkil olur nefis-i 'illet cihetinden. Ve eger hanâzîr 'azîme ise cerrâḥlar ona ḥadîd ile ve devâ-i ḥadd ile 'ilâcdan ictinâb ederler, zîrâ o mişli hanâzîre ḥadîd ile ve devâ-i ḥadd ile 'ilâc hanâzîri takrîḥ ve ifsâda mü'eddî olur, pes gerektir ki ona ve onun emşâline istifrâğ ve tenkıye ve telṭîf-i gıdâ ile tedbîr oluna ve rıfḳ ile muḥallil olan edviye isti'mâl oluna. Ve hanâzîr-i kadîḥa-i müteḳarriḥada si-kencebîne mensûb olan merhem-i rûsûl için biz eşer-i 'azîm bulduk velâkin rıfḳ ve müdârât olunmakla. *Zıkr olunan terceme ba'dı nüsaḥta taşḥîḥ olunan 'ibâretin tercemesidir, ammâ aşl nüşḥanın 'ibâreti المرهم الرسل المسؤوب ومهم السكنجين vâkı' olmuştur, ma'nâsı: “Sikencebîn müşerreḥ olunan merhem-i rûsûlün eşer-i 'azîmi vardır” demek olur.*

Ve hanâzîrde isti'mâli maḥbûs olan merâhimdendir diyâḥaylûn merhemi. Ve ba'dı kerre o merheme edviye-i âḥer dahi ḥalt olunup 'ameli ziyâde olur, meşelâ bi'l-hâşşa o bâbda nâfi' olan aşl-ı süsen ḥalt olunur ve kezâlik ba'r-ı ğanem ve ba'r-ı mâ'iz ve ḥurf ve kıssâ-i ḥimârın aşlı ve zebîb-i cebel ve ḳable'n-nuḍc sâḳıṭ olup kuruyan tîn ve daḳıḳ-ı bâḳılâ ve levz-i mürr ve muḳl; bu edviyeler diyâḥaylûn merhemi ile cem' olunup isti'mâl olunur.

Ve merâhim-i ceyyidedendir bu şıfat üzere olan merhem: Daḳıḳ-ı şa'îr ve daḳıḳ-ı bâḳılâ ve şaḥm-ı ıvezz her birinden birer cüz', aşl-ı ḥanḳal, şebb-i Yemânî, aşl-ı süsen, zift-i raṭb her birinden yarımşar cüz'; bu edviye aḥz ve cem' ve zeyt-i 'atîḳ ile saḥḳ-ı ma'lûm üzere saḥḳ olunur velâkin şaḥm ve zift zeyt içinde izâbe olunduktan sonra saḥḳ olunmak gerektir. Ve zıkr-i âtî olan merhem dahi şulb olan hanâzîri bir üsbû'da ve şalâbeti dün olanları üç

günde tahlîl eder ve onu Cālînûs *Ḳāṭācānis* 'inde vaşf eyledi ve o merhem budur: Ḥardal, bezr-i encüre, kibrît, zebedü'l-bahr, zerāvend, muḳl, uşşak, zeyt-i 'atîḳ, şem^c; bu edviyelerden merhem ittiḥāz olunur.

Ve ḥanāzîr üzere vaḍ^c olunan edviyeden olur zift daḳîḳ ile ma^ccûn olunsa veyāḥûd ma^ca-^cunşul ma^ccûn olunsa yāḥûd meshûḳ olan aşl-ı kerneb ile ma^ccûn olunsa. Ve kezālik aşl-ı keber ma^ca'l-muḳl ve türmîs ma^ca'l-ḥall ve'l-^casel veyāḥûd keber aşlı sikencebîn ile veyāḥûd aḥşā-ı baḳar ile cem^c olup veyāḥûd ṭabḥ olup isti^cmāl olunur ve terākîb-i mezkûrede şaḥm-ı ḥinzîr veyāḥûd zeyt olmak lâzımdır.

Devā-i Ceyyid: Ḥulbe dört cüz², nûre, naṭrûn her birinden birer cüz²; onlar ^casel ile cem^c olunur. Ve kezālik kıssā-i ḥımār aşlı, varak-ı ğār daḳḳ olup ^cilk-i buṭm ile veyāḥûd o iki devānın remādı ^cilk-i buṭm ile cem^c olup isti^cmāl olunur veyāḥûd daḳîḳ-i kirsenne, ba^cr-ı mā'iz, ba^cr-ı ğanem ḥuşuşan onlardan cebelî olanların ba^crı bevl-i şabî ile cem^c olup ondan leṭûḥ ittiḥāz olunur. Ve kezālik bu devā dahi nāfi^cdir: Mürr on, üşşec yedi, dıḳḳu'l-bel-lûṭ beş, kınne ya^cnî bārzed, vesāḥu'l-kevāir her birinden birer cümlesi cem^c olup daḳḳ olunur. Ve kezālik dıḳḳ-i memḍûĝ, rîtiyānec her birinden birer [500a] rıtl, kınne üç ūḳıyye; bu mezkûrlar hāvende cem^c olup leṭûḥ-ı ceyyid kılınır.

Ve yine edviye-i ceyyiden olur: Şem^c, şamĝ-ı şanevber, şaḥm-ı ḥinzîr-i ğayr-i mümellaḥ, ferāsiyûn, zencār veznleri berāber aḥz olup ondan leṭûḥ ittiḥāz olunur. Ve kezālik rîtiyānec bir cüz², kuşûru'n-nuḥās iki cüz², şebb-i Yemānî, zernîḥ her birinden dörder cüz² o edviyelerden leṭûḥ ittiḥāz olunur.

Ve edviye-i ceyyideden olur devāu'l-ḳaṭrān ve devā-i kıssāu'l-ḥımār ve devāu'l-kündüs *ve ba^cdı nüshada devā-i kündür vāḳ^c olmuştur* ve o devā ki ona isnedûs - اسندوس tesmiye olunur.

Ve ḥayyattan mütteḥaze edviye dahi isti^cmāl olunur ve onun sâzec devā-sı budur ki ḥayye-i meyyite aḥz olunur ve bir kıdrın içine vaḍ^c olup o kıdrın aĝzı ṭîn-i ḥikmet ile tatyîn olunur ve mescûr olan bir tennûra vaḍ^c olup o ḥayye teremmiüd eyledikten sonra ḥall ve ḥallin bir mişli ^casel ile ḥayyenin remādı ma^ccûn kılınır.

Ve kezālik ḳardemānā, ḥurf, zibl-i ḥamām zeyt ile ḥalt olunur. Ve bunların her birisini başka başka isti^cmāl eyleseler bu bâbda nāfi^c olur ve kezā-

lik daķık-i kirsenne ile ma'ân veyâhûd vahdehu isti'mâl olunsa nâfi' olur velâkin vahdehu isti'mâl olundukta ĥall 'asel ile veyâhûd zift-i şem' zeyt ile isti'mâl olunur.

Ve kezâlik zebîb-i cebel naṭrûn ve râtiyânec ve daķık-i kirsenne aḥz olunup 'asel ve ĥall ile cem' olunur veyâhûd aṣl-ı sūsen ve bezr-i kettân aḥz olunup şarâbla kaynatılır ve ba'de'l-ğaleyân içine zibl-i ĥamâm müşâhede iktidâ eylediği miķdârı¹²⁵ katılıp ondan dımâd gibi bir nesne ittiḥâz olunur ve onun nef'i 'acîb olur.

Be bu 'illette mücerreb devâlardandır cemel-i a'râbînin bevli ve o bevlîni 'aķîdi dımâden veyâhûd merhemen isti'mâlî. Ve o bevle edviye-i ĥinzîriyye ĥalt edip onun isti'mâlî nâfi' olur; muğâş dahi aḍmide-i 'acîbedendir.

Ve Kindî zu'm eyledi ki ĥarn-ı mâ'izin müşâşı¹²⁶ iḥrâk olunup beher yevm ikişer dirhem bir hafta mütevâliyeten saḳy olunsa berâ'et-i 'illete bâ'is olur ve vâcib olur ki beher şehir bir üsbû' o devâ vech-i meşrûḥ üzere saḳy oluna. Ve ma'lûm ola ki ba'dı ĥanâzîrde sereṭâniyyetün-mâ olur ve o mişlli ĥanâzîrde vâcib olur ki mezkûr olan edviye-i ḥârre dühn-i verd ile ma'cûn kılınıp birkaç eyyâm o ma'cûn terk olunduktan sonra isti'mâl oluna, ammâ o ĥanâzîr ki onun mizâcı eḥarr ola onun edviyesinde cezzâb olan devâ ifrât üzere kılınmaz belki sevîķ mişlli ile iktifâ olunup sevîķ-i ĥınṭa mâ-ı küzbere ile isti'mâl olunur. Ve ondan aḳvâ olur mürr iki dırfı ḥuḍaḍ ile aḥz ve cem' olunup mâ-ı küsfüre ile ma'cûn kılınır ve verem ĥanâzîre nâzar olunur, eger müşâhede edviyeyi mâ-ı küsfüreye ġâlib kılmak îcâb ederse edviye taḡlîb olunur ve eger müşâhede mâ-ı küsfüreyi taḡlîb eylemek îcâb ederse mâ-ı küsfüre edviye üzere taḡlîb olunur ve kezâlik taḡlîb iltihâbın şiddet ve ḍa'fı ḥasebiyle dahi kılınır. Ve o 'illete nâfi' olan devâlardandır nevât-ı ḥavḥ -ı muḳaşşere vü muḥraķa dühnü ile isti'âṭ eylemek.

Ve eger ĥanâzîr 'ilâcında ḥadîd ḥâcet olursa vâcib olur ki 'urûķ-ı keşî-reye ve 'urûķ-ı şerîfeye ve 'aşaba mücâvir olan ĥinzîrde ḥadîd isti'mâlî ihtiyât ve taḳıyye ile ola, zîrâ bir kimse ĥanâzîri baṭṭ eyledi ve ba'dı ĥanâzîri baṭnda ḥaṭâ edip ḥadîdi 'aşabe işâbet etmekle mebtûṭun şavtını ibtâl eyledi ve ba'dı kerre dahi o civârda olan ĥinzîri baṭṭ 'aşaba işâbet eylemez velâkin

125 Ya'nî müşâhede olunan 'illetin iktidâ eylediği miķdâr.

126 المشاشة بالضم رأس العظم الممكن المضغ *Kāmūs*.

üzerinde olan setrleri izâle edip perde-i aşabı keşf eder ve berd işâbetinde mizâc-ı aşab seyyi olup fırlı bâtıl olur o aşab teşhîn olunmakla mizâc-ı evveline redd olunca kadar. Ve ba'dı kerre batât hatâ edip vidâca hâdîd işâbet i hatârlı olur ve hâdîd işâbet eden evdâcın şerrlisi vidâc-ı gâir olur ve ona binâen vâcib olur ki cânib-i selîmden hanâzîr keşf ve ahz olunup âfet olan cânibin keşti terk oluna ya'nî o mişlli ve urûk ve aşab ve evtâr cânibinde olan hînzîr keşf olunmayıp belki onu tahtlîl eden devâ-i hâdd vaç olunmakla iktifâ oluna.

Evrâm-ı Şulbe Beyânındadır

Evrâm-ı şulbe beyninden sakîrûs-ı hâliş o şulb veremdir ki onda hiss ve elem olmaz eger o veremde vele v kalîlen hissün-mâ olur ise eger sakîrûs-ı hâliş ıtlâk olunmaz. Ve gayr-i hâliş olup hissün-mâsı olan veremde dahi veca olmaz. Ve sakîrûs ba'dı kerre yalnız o sevdâdan hâdiş olur ki o sevdâ şikriyye ve aşliyye olur ve o veremin levni ibârî olur. *“İbâr” reşâs-ı muh-rakadırlar ve alâ-ğavlin âherin üsrübe derler.* Ve ba'dı kerre sakîrûsun maddesi balgâm ile mahtlût sevdâ olur ve bu veremin levni levni-i bedene emyel olur. Ve ba'dı kerre yalnız balgâmdan dahi sakîrûs ârıd olur balgâm taşallüb edip sevdâ-i gayr-i tabîrî olmakla.

Ve hâliş olan sakîrûsun ekser-i hâlde levni levni-i üsrüb gibi olur ve temeddüd ve şalâbeti şedîd olur ve ba'dı kerre üzerinde zeğab olur ve bu mişlli olan sakîrûsta bür olmaz. Ve sakîrûstan bir nev vardır ki onun levni cesed levni üzere olur ve bir uđvdan uđv-ı âhere intikâl eder ve ona kûşûs tesmiye olunur. Ve ba'dı kerre levni-i cesed üzere şulb ve azmî verem hâdiş olup kâbil-i bür olmaz ve bir mevdi'den mevdi-i âhere intikâl eylemez.

Ve sakîrûsun küllisi yâ mübtedîe olur ve o sakîrûs bir verem-i şulbdür ki kalîlen kalîlen hâdiş olur ve tezâyüd eder veyâhüd gayriden müstahîl olur, meşelâ filigâmüniden veyâhüd humretten ve mevdi-i hâlîde hurûc eden hurâcdan istihâle eder. Ve ahşâda hâdiş olan şalâbet ekser-i hâlde verem-i hârrdan sonra hâdiş olur ona edviye ve ağıdiyeden müberridât-ı lezice ile tedbîr ve ilâc olunmakla. Ve ba'dı kerre sakîrûs tesartun eder ya'nî se-refân hükmünde olur ve sakîrûsun serefâna kurb ve burdî iltihâbın keşreti

ve kılleti el ve dârebânın zühûr ve hafâsı ile ve sakîrûs havâlîsinde olan ʿurûkun zühûru ve ʿadem-i zühûru ile olur.

el-İlâc: Vâcib budur ki bu veremden hissî olanlar muʿâlece oluna ve onun muʿâlecesinde iʿtimâd evvelâ tenkîye edip baʿdehu hılt-ı fâʿili iḥrâca ola. Ve baʿdı kerre tenkîye-i mezkûre faşd ile olur eger onun deminde sevdâ keşîre ise yaʿnî deme maḥlûta olan sevdâ edviye ile taḥlîl ve telyîn olunmağı kâbile olan sevdâdan ekşer ise ve o mertebede olan sevdâ şâḥibi faşd olunmayıp muḥallil ve müceffif devâlar ile muʿâlece olunsa ḥavf olunur ki laṭîf taḥallîl edip ğalîz taḥaccür etmekle şalâbet-i şedîde ola. Ve vâcib olur ki onun muʿâlecesi deverân ile olup devr-i vâḥidde müdârâtla keşîrîʾt-tecîf olmayan muḥallilât ile muʿâlece oluna ve muḥallilâtın küllîsinde tecîf vardır velâkin onun tecîfi keşret ve kıllet ile mütefâvite olmakla muḥallilât istiʿmâl olundukta min-beyniʾl-muḥallilât kalîlüʾt-tecîf olan muḥallil ihtiyâr oluna, zîrâ muraṭṭıbâtan muḥallil kalîlüʾl-vukûc olur. Ve vâcib olur ki istiʿmâl olunan muḥallilin ḥarâreti derece-i sâniyeden şâlişeye kadar ola ve tecîfi derece-i ülâda ola. Ve ammâ muʿâlecât-ı mezkûre deverânından devr-i âḥerde müleyyinât istiʿmâl oluna ve o iki devr müteʿâkib ve müteʿâvin kılma. Ve vâcib olur ki muḥallil istiʿmâl olunan devrde verem olan ʿudv tecvîc oluna onun ğıdâsı muḳâbilinde olan ʿudva nakl olunmakla ve naklin tarîki ʿudv-ı muḳâbil evvelâ tecvîc olunur ve baʿdehu taḥrîk ve tervîd olunmakla olur. Ve kezâlik vâcib olur ki telyîn devrinde ʿudv-ı verem işbâc oluna ğıdâyı ona cezb etmekle ve ona ğıdâyı cezb ʿudvu delk etmekle ve delk mişlliler ile ve ziftle [500b] tılâ etmekle olur.

Ve ʿudvun taḥalḥul ve tekâşüfü ve şalâbetin şiddet ve daʿfı ile edviye-i muḥallile ve müleyyineye ḥâcet muḥtelife olur, o devâların kimi kavîsine ve kimi daʿîfine muḥtâc olur. Ve kezâlik vâcib olur ki terkîb olunan edviyede iki kuvvet ola yaʿnî taḥlîl ve telyîni câmiʿ ola. Ve onlara vâcib olur ki ḥammâmı istiksâr eylemeyeler, zîrâ keşret-i istiḥmâm laṭîfi taḥlîl eder ve keşîfi cemʿ eder, keşîfi telyîn eylemeğe kuvveti bâliġa olmaz. Ve taḥlîlün-mâsı olan müleyyinât bunlardır: şuḥûm-ı decâc ve ivezz ve ʿacâcîl ve şîrân ve ḥâşsaten eyâyil şaḥımları ve miḥâḥı yaʿnî ilikleri ve tûyûs şaḥmı ve ḥımâr şaḥmı dahi ceyyiddir ve kezâlik şuḥûm-ı sibâc yaʿnî arslan ve kurt ve kaplan ve ayı ve o mecrâya cârî olan tilki ve sırtlan mişllilerin şuḥûmu ve

sibâ^c-ı tıyûrun şuhûmu sakîrûsa cemî'an nâfi^cdir. Ve vâcib olur ki o şuhûma üşşec, muql, kınne, mey^a ve maştakî hâl olunur eger o şuhûm tahlîl için isti'mâl olunursa ve telyîn için isti'mâl olunan şuhûm yalnız isti'mâl olunur. Ve zikr olunan şuhûmdan efdal olan şahm şahm-ı esed ve şahm-ı dübbdür. Ve lu'âb-ı hulbe vü kettânda tahlîl ve telyîn vardır. Ve vâcib olur ki zikr olunan şuhûmda ve onların emsâli olan müleyyinât-ı sāirede milh olmaya, zîrâ milh müceffef ve muşallibdir belki vâcib olur ki şemsin şem'i telyîn ve tezvîb eylediği gibi o şuhûm dahi şalâbeti telyîn ve tezvîb eyleye velâkin tecfif eylemeye.

Ve kezâlik telyînün-mâsı olan muhallilâtandır muql-i Şaklebî ve zeyt-i 'atîk ve dühn-i hınnâ ve dühn-i süsen ve kınne ve lâzen ve mey^a ve zûfâ-i ratb ve zûfânın ecvedi ıtkı ve cefâfı ekall ve ruṭûbeti eşedd olanlarıdır ve maştakî dahi o mezkûrlara menfa'at-ı mezkûrede muḳârib olur. Ve dühn-i hınnâ ve dühn-i süsen ve tîn-i Büstî ve hırva; bu mezkûrlarda ma'an tahlîl ve telyînden mâ-fevka'l-kifâye kuvvet vardır. Ve müleyyinâttan ba'ddır bezrin 'akeri ve ḥallin 'akeri aḫz olunup ikisi ma'an ceyyiden kaynatıldıktan sonra üzerine elye ihâli şabb olup isti'mâl olunmak.

Ve şalâbet-i mezkûreye ceyyiden olan edviyeden olur kıssâ-i hımâr ve ḥatmî kökü aḫz olunup onlardan leṭûḥ ittihâz olunmak ve eger onların ma'iyetinde mey^a dahi olur ise ecved olur. Ve kezâlik onda lîn zâhir olur ise o sakîrûs[a] lînin zuhûrundan sonra ḥall-i şikkîf ile eyyâm-ı keşîrede üşşec ḥall olunup ba'dehu telṭîḥ olunur ve ba'dehu telyîn mu'âvede olunur veyâḥûd kınne ve cāvşîr ile telṭîḥ olunur. Ve kezâlik o 'illete edviye ceyyideden olur: Kınne, uşşak, muql bu mezkûrlar aḫz olup cemî'an saḥk olunur. Ve dühn-i bân ve dühn-i süsen ve lu'âb-ı hulbe ve kettândan bir şey ile lett olunup merhem gibi bir nesne ittihâz olunur. Ve vesahu'l-ḥamâm şedîdedü'n-nef' edviyeden olur merâhim-i evrâm aḥlâtına idḥâl olunur ise. Ve eger vesah-ı ḥamâm bulunmaz ise onun bedeline ḥatmî ve naṭrûn isti'mâl olunur.

Ve vakt-i tahlîlde aḍmide-i ceyyideden olur ḥanâzîr bâbında bizim zikr eylediğimiz aḍmideler. Ve ḍımâd yâyûs¹²⁷ ve kûtâvun.

Ve kaçan verem şedîdü'l-ğılaḫ olur ise ḥallden lâzım olur, zîrâ ḥallda taḳṭî^c vardır ve 'uḍvun kuvvetine dahi vehn verir ḥuşuşan o 'uḍv 'aşabî ola.

127 “Yārîs” nüsha.

Ve kuvvet-i uḍvun vehni ḥasebiyle o uḍvu veremi izāle için isti'māl olunan devāya teslīm ve beynehümāyı taḥliye etmekle ḥāricden isti'māl olunan sebeb-i mü'essirin te'sîri eşedd olur velâkin vâcib olur ki edviyeye idḥāl ile ḥalli isti'māl āḥir-i emrde ola ve evvel-i emrde ve telyinde mübālağa kaşd olunduğu vakte olmaya. Ve telyinde feterât kaşd olunup edviyeye ḥall idḥāl olunur ise rıfķ üzere idḥāl oluna, zîrâ ḥall isti'māline rıfķ olunmasa 'aşaba taḥcîri ḥasebiyle ḍarar verir. Ve ṭabîbin ḥall isti'māline ziyāde cür'et edeceği verem-i şulb uḍv-ı laḥmîde olan verem olur tıḥāl mişlli. Ve ba'dı kerre mevdi' ḥall ile tılâ olunur hem tebhîr olunur ve ba'dehümâ cāvşîr ile ve ba'dehu uşşak ile tılâ olunur ve evvelâ ḳalîlü'l-mikdâr ve rakîķü'l-kıvām olanlar isti'māl olunur ve ba'dehu kuvveti ziyāde kılınır ve ba'dehu telyîne tedrîc olunur.

Ve vâcib olur ki verem-i mezkûr üzere bilâ-ḳabḍ olan dühn-i leyyin isti'māl oluna ve onu isti'māl māyı isti'mâlden ziyāde evfaķ olur ve ḥuşûşan ratt şibtin dühnünü isti'māl ziyāde evfaķtır.

Ve evtâr ve 'aşabda olan şalābāta muḳaṭṭı'ât ile mu'ālece olunur ve onlara mu'ālecāt-ı ceyyideden olur ḥicāre-i rehā kızdırılıp onunla bir nesne tebhîr olunmak. Ve onunla tebhîr olunacak nesnelerin efḍali ḥall olur ve mā-yütebahḥaru 'anhün efḍali mārķaşîşâ ḥāceri olur. Ve tebhîr ve tedḥinde 'arāķ zāhir olunca ḳadar mübālağa olunmak lâzımdır. Ve ba'dı kerre ḥacer-i mārķaşîşâ ḥall ile saḥķ olunup tılâ olunur ve o tılâ nāfi' olur ve bu şüretle dahi ḥalli isti'mâlde rıfķ vâcib olur ḥall ve onun laṭifini tefrîķ ve keşifini taşlîb eylemesin için ve 'aşabın kuvvetini ifrât üzere ifsād eylemesin için.

Ve ḥall ibtidâ-i veremde redîdir ve ḥalli isti'māl feterâtle olmak gerektir, ya'nî iki def'a mütevāliyen ḥall isti'māl olunmayıp beynehümâda müleyyinât isti'māl olmak gerektir. Evvelâ bizim zıkr eylediğimiz minvāl üzere tebhîr ile ve atliye-i muvāfıķa ile ṭatliye eyle ve bu şalābet uḍv-ı laḥmîde eslem olur.

Şalābetü'l-Mefāşıl

Ba'dı kerre mefāşıla şalābet 'arîḍ olup mefāşılı sühûlet üzere ḥareketten men' eder velâkin ḥissini ibṭāl eylemez ve ba'dı kerre mefāşıl 'aşabî olup ma'ıyyetinde ḥader olur ve ba'dı kerre dahi mefāşıl laḥmî olur ve 'ilâcları senin ma'lûmun üzere olur.

Mesâmîr Denmekle Ma'rûfe 'İllet Beyânındadır

Mismâr o 'uqdedir ki mismâr re'si gibi müstedîr ve beydâ olur ve şücûc-da keşîrû'l-vuķû' olur ve ekser-i vuķû'u esâfilde ve ricl ve eşâbi'-i riclde olup meşye mâni' olur. Ve vâcib olur ki mevđi'-i mismâr şakķ olunup iħrâc oluna ve iħrâcî mümkün deđil ise dâimâ yed ile fed' olunup üzerine üsrüb ilzâm oluna. Ve mesâmîrden terk terk olunup mu'âlece olunmayanlar çok kerre sereţāna şāire olur.

Sereţān Beyânındadır

Sereţān bir nev' verem-i sevdāvidir ki sevdā-i ihtirākıyyeden tevellüd eder ve onun ihtirākı madde-i şafrāvîden olur veyāhūd o māddeyin ihtirākından olur ki onda maħlūt şafrā ola; sevdā-i şırf-ı 'akerîden ya'nî sevdā-ı tabî'îden sereţān tevellüd eylemez.

Ve sereţānın saķîrûstan farkı bu olur ki sereţānda veca' ve ĥiddet olur ve đarebānun-mā olur ve māddesinin keşreti ile serî'an ziyāde olur ve intifāhı dahi vardır onun için ki māddesi munfaşıl olup mevđi'-i 'illete teveccüh eyledikte ġaleyān üzere müteveccih olur ve onda sereţān denmekle ma'rûf olan hayvānın ercülü gibi ricller olur ki o veremin havālîsinde onlar 'urûķ-ı mürseledir velâkin filigāmünîde olduđu gibi aħmer olmaz belki sevāda ve kûmûdet ve ĥudrete mâil olur. Ve saķîrûstan fark-ı âheri dahi budur ki sereţānın ĥudûsu evvelā ve ibtidāen olur, ammā saķîrûs ġālib-i ĥâlde verem-i ĥârardan intikāl tarîķi üzere olur. Ve yine saķîrûs-ı ĥakķta ya'nî sevdā-i şırf-tan tevellüd eden saķîrûsa sereţān müfârık olur ĥiss sebebiyle, zîrā sereţānda ĥiss olur ammā saķîrûs-ı ĥakķta ĥiss mün'adimdir.

Ve sereţān ekser-i ĥâlde 'uđv-ı müteħalĥile 'arıđ olur, ona bināen nisā ŧāifesinde keşîrû'l-vuķû' olur ve a'đā-i 'aşabiyyede dahi ĥādiş olur. Ve sereţān evvel-i 'urûdunda ĥafıyyü'l-ĥāl olur, ekser-i emrde sereţān ibtidā zühûr eyledikte onun emri müşkil olup fark olunmaz ve sonra 'alâmetleri zāhir olur. Ve sereţān evvel-i zühûrunda mikdârı bâkılât-ı şaġîre ĥadrinde zühûr edip şulbe ve müstedîre ve kemidetü'l-levn olup onda ĥarâretün-mā olur.

Ve sereţānın kimisi şedîdü'l-veca' olur ve kimis ģalîlü'l-veca' ve sâkin olur. Ba'đısı teĥarruĥa te'eddî eder eger şafrā-ı maĥdā ĥarrāķasından ĥaşıl olan mādde-i sevdāviyyeden olur ise [501a] ve ba'đısı dahi ĥâlî üzere şābit

olup tekkarruh eylemez. Ve ba'dı kerre mütekkarrih olan sereṭān, ğayr-i mütekkarriha intikāl eder ve ba'dı kerre sereṭānı takrîhe ḥadîd ile 'amel redd eder, zîrâ ḥadîd onda şifâh-ı ağlaz u aşleb ihdâs eder.

Ve zann olunur ki bu nev' vereme sereṭān tesmiyesi iki emrin biriyledir: Biri budur ki sereṭān tesmiye olunan hayvân şayyâdın 'uḍvuna teşebbüs ve ta'alluk eylediği gibi o verem dahi onun gibi 'uḍva ta'alluk ve mevdi'e teşebbüs eder veyâhüd bu verem bi-ḥasebi's-şüret o hayvâna müşâbih olmak ḥasebiyle sereṭān tesmiye olunmuştur, o hayvân gibi sereṭān veremi müstedir ve levni ile mütelevvin ve havâlisinde ercüle müşâbih 'urûk-ı ḥârice vardır.

el-İlâc: Onun mu'alecâtından vâcibü't-tevaḳḳu' olan mu'alece budur ki kaçan sereṭān zuhûra ibtidâ eylese mümkün olur ki o şağır sereṭān hâl-i şığarı üzere ibkâ olup hacmi tezâyüdden men' oluna ve hem mümkündür ki muḥâfaza olup tekkarruḥa te'eddî eylemeye. Ve ahyânen vâki' olur ki sereṭān için evvel-i zuhûrunda berâ'et ḥâşıl ola, ammâ müstaḥkem olduktan sonra ona berâ'et olmaz.

Ve çok kerre bâtında sereṭān olup ḥafî olur ve ona şâlih olur ki o sereṭān tahrik olunmaya, zîrâ tahrik olunur ise helâke mü'eddî olur ve eger mu'alece olunmayıp terk olunur ise müddet-i âfet tavile olur lâkin onda selâmetün-mâ olur huşuşan 'alîlin ağdiyesi ıslâh olup müberrid ve murattıb cinsinden kılınsa ve mevâdd-ı hâdiye vü sâlimeyi tevlîd eden ğıdâlar ile tağdiye olunsâ; o ğıdâlar mâ-ı şa'ir ve semek-i radrâdî ve şufretü'l-beydin nîm-birişti ve o mişliller gibi. Ve eger onda ḥarâet olur ise meḥîd-i baḳar küllemâ yümḥaḍ ve yuşaffâ saḳy olunur ve buḳûl-i raṭbeden mütteḥaz ḥattâ qar'dan mütteḥaz olan ağdiye dahi iç'am olunur. Ve ba'dı kerre sereṭān-ı şağır dahi kâbil-i kaṭ' olur. Ve eger o sereṭān ibtidâ-i zuhûrunda ve şağır iken bir nesne ile ibtâl olunur ise kaṭ'-ı şedîd ile kaṭ' ve istîṭâl olup cem'an onu saḳy edip ercül meşâbesinde olan 'urûḳdan bir nesne terk olunmamak üzere iḥrâc ve istîşâl olunduktan sonra ondan dem-i keşir isâle etmekle ibtâl olunur. Ve ba'dı kerre kaṭ'-ı mezkûr üzere tenkiye-i beden takdîm olunur, faşd ve ishâl ile mevâdd-ı rediyye bedenden izâle olur ve ba'de't-tenkiye bedeninin neḳâsı ceyyidetü'l-kemm ve'l-keyf ağdiye tenâvül etmekle muḥâfaza ve 'uḍvun dâfi'ası takviye olunur. Ve ma'a-zâlik ekser-i

evkâtta kaç şerri ziyâde eder ve ba'dı kerre kaçdan sonra keyye hâcet olur ve ba'dı kerre keyyde hatar-ı 'azîm olur eger sereţân a'đâ-i re'îse ve a'đâ-i nefîse kurbünde olur ise.

Ve ba'du'l-evvelîn hikâye eylediler ki tabîbin birisi sereţânı olan sedyi aşlından kaç eyledi ve sereţân-ı âher ile o mevdi' tesartun eyledi. Muşan-nif der ki mümkün olur ki mevdi'-i kaç sedyi kaçdan muğaddem tarîk-i tesartunda olup onun zuhûru zamân-ı kaç 'akıbına müşâdif ola ve kaç-ı evvel şânî sereţânın zuhûruna sebep olmaya. Velâkin zâhir olan budur ki sereţân-ı evvele müteveccih olan mādde o mevdi'e intikâl etmekle sereţân-ı şânî 'arîd olmuştur.

Aşhâb-ı Sereţân İshâli Tedbîrinin Zikridir: Dört misķāl eftîmün mâ-ı cübñ ile veyâhûd mâ-ı 'asel ile veyâhûd tabîh-i eftîmün sikencebîn ile sakı olunur. Ve nâstan kavî olanlara eyâric-i harbak sakı olunur ve tarîk-i sakı budur ki zîkr olunan mikdâr devâ-i mezkûr ya'nî eftîmün-ı mevşûf ve nezâ-yiri mirâren sakı olunur velâkin her iki sakıyn beyninde eyyâm-ı kalîle ile faşl olunur.

Sereţânın Edviye-i Mevdi'iyyesi Zikridir: Sereţânın edviye-i mevdi'iyyesinde erba'a-i âgrâđ vardır: Evvelkisi sereţânı ibtâldir, bu ğarađ edviye ile tahşîl şa'bıdır. İkinci ğarađ sereţânı ziyâdeden men'dir. Üçüncü ğarađ sereţânı teķarruhtan men'dir. Dördüncü ğarađ müteķarrih olan sereţân mu'alecesidir.

Ammâ ibtâl-ı sereţân için olunan tedbîr budur ki onda o edviye cānibine kaşd olunur ki veremde hâşıl olan mādde-i rediyyeyi tahlîl ola ve huşûle müsta'idd olan māddeyi 'uđvdan def' kuvvesi ola velâkin kuvveti şedîd olup mevâdd-ı sāireyi tahrîki olmaya, zîrâ kuvveti kavîyye olan edviye şerr-i sereţânı ziyâde eder. Ve kezâlik edviye-i mezkûre kavîyyetü'l-ķuvve olmadıĝı gibi lezzâ'a dahi olmaya, binâen 'aleyh sereţân edviyelerinden ma'denî ve maĝsûl olan devâlar isti'mâle evlâ ve ahrâ olur, meşelâ tütîyâ maĝsûlû gibi devâlar edhândan dühn-i verd ve dühn-i hîrî halķ olunup ma'an isti'mâl olunur.

Ammâ sereţânın tezâyüdünü men' kaşd olunan tedbîr māddeyi hasm ve ğıdâyı işlâh ve 'uđvu takviye ile olur ve 'uđvu takviye edviye-i rādi'a-i ma'rûfe ile olur. Ve kezâlik leŭhât-ı ma'deniyye olan hacet-i rehâ ve hacet-i

misenne hûkâkeleri leṭūhuyla olur ve kezâlik üsrübden mütteḥaz olan fihr-i şalâye üzere dühn-i verd veyâḥûd mâ-ı küsfüre mislli ruṭûbet şabb olduktan sonra o şalâyeye hakk olunup beynehümâda ḥâşıl olan ḥulâle ile ʿudv telṭîḥ olunur ve kezâlik hısrım-ı medḳûḳ ile taḍmîd dahi nâfiʿdir.

Ammâ menʿ-ı teḳarruḥ için istiʿmâl olunan edviye sereṭânı tezâyüdden menʿ eden leṭūhât-ı mezḳûredir, eger lezʿ yok ise o leṭūhât cemʿan menʿ-ı teḳarruḥta dahi nâfiʿdir ḥuşûşan o leṭūhâta üsrübiyye olan fihr ve şalâye beyninde ḥâşıl ḥulâle-i mezḳûre ḥalt oluna; eger o cümlede ṭîn-i maḥtûm veyâḥûd ṭîn-i Ermenî veyâḥûd zeyt-i ünfâḳ ve mâ-ı ḥayy-ı ʿâlem veyâḥûd isfidâc maʿâ-ʿuşâreti'l-ḥass veyâḥûd bezr-i ḳaṭûnâ luʿâbı veyâḥûd üsrüb ve isfidâc olur ise terkîb-i ceyyid olur. Ve menfaʿat-ı belîğası olan dımâddan olur sereṭân-ı nehrinin ṭarîsi ile taḍmîd eylemek ḥuşûşan iḳlîmiyâ ile maʿan taḍmîd oluna.

Ammâ teḳarruḥ-ı sereṭâna ʿilâc için istiʿmâl olunan devâlar, onlardan ceyyid olan tedbîr budur ki bir kıṭʿa kettân hırḳası ʿinebü's-ṣaʿleb suyuna ḡams olunup sereṭân veremi üzere ilkâ olunur ve o hırḳa her kaçan kurusa üzerine mâ-ı ʿinebü's-ṣaʿleb reşş olunur veyâḥûd lübb-i ḳamḥ ve lübân ve isfidâcu'r-reşâş her birinden birer dirhem ve ṭîn-i Ermenî ve ṭîn-i maḥtûm ve şabır-ı maḡsûl her birinden ikişer dirhem; bu mezḳûrlar aḥz ve cemʿ ve saḥḳ olunur ve müteḳarriḥ olan sereṭân raṭb ise o meşḥûḳ zerûren istiʿmâl olunur ve eger yâbis ise o edviye-i meşḥûḳadan dühn-i verd ile merhem ittiḥâz olunur.

Ve baʿḍı kerre sereṭân-ı müteḳarriḥte remâd-ı sereṭândan dühn-i verd ile ḳayrûṭî ittiḥâz olunup istiʿmâl olunmak nâfiʿ olur ve o ḳayrûṭînin ecvedî aḥlâtına iḳlîmiyâ ḥalt olunanlardır. Ve baʿḍı kerre o müteḳarriḥ sereṭâna devâ-i tütîyâ veyâḥûd mâ-ı recle ile maḡsûl tütîyâ veyâḥûd luʿâb-ı bezr-i ḳaṭûnâ dahi nâfiʿ olur.

Evrâm-ı Rîḥiyye ve Nüfâḥât-ı ʿAḳaliyye Beyânındadır

Evrâm-ı rîḥiyyenin aşnâfindandır o verem ki buḡâr-ı selisten ḥâdiş olup tehebbüce müşâbih ve tehebbüc mecrâsına cârî olur. Ve bir şıfı dahi buḡâr-ı rîḥiden ḥâdiş olup ona nefḥa tesmiye olunur ve onda müdâfaʿa ve tezâḳḳuḳ vardır ve onun baʿḍı kerre ona yed ile ḍarb olundukta şavtı olur ḥuşûşan rîḥ

mi'de vü mi'â gibi fedâsı ve tecvîfi olan ʿudvlerde müctemî' olsa ve kezâlik ʿizâmı itâfe ve ihâta eden ağşıye aralarında müctemî' olsa veyâhüd ʿizâmla gışâsı arasında veyâhüd ʿadal ile gışâsı arasında olsa şavt ekser olur; evtârı muṭîfe olan gışâ dahi onlar gibidir. Ve o tecvîf ve efdîyede müctemî' olan riyâh ba'dı kerre o fedâda taḥallül eylemez belki o fedâyâ muttasıl olan ʿudvu temzîk edip ʿudva dâhil olur ve ba'dı kerre dahi o a'dâda tekevvin edip kendiye mekân kılmak için ʿudvu temzîke muḥtâc olur. Ve a'dâda rîhin bekâsı rîhin keşâfeti ve gılaḫı ve rîhi muḥîṭ olan ʿudvun gılaḫı ve mesâmmının dıḫı ḥasebiyle olur. Ve ba'dı kerre rûkbe mişlli ʿudvlerde verem olup insân zann eder ki o verem baṭta muḥtâc verem ḥıltı olur ve onu zannına binâen baṭt eder ondan [501b] riḥten ḡayri bir nesne ḥurûc eylemez.

el-Mu'âlecât: Verem-i rîhiden tehebbüce müşâbih olanların ʿilâcı tehebbüce olunan mu'âlecât olur. Ammâ nefḥaya o mu'âlecât olunur ki onun edviyelerinin fi'li cildi müteḥalḫil kılmak ve taḥt-ı cildde olanları taḥlîl eylemek ola ve o edviyenin mevḍî' üzere tûl-i müddet bekâsı mümkün ola ve hem o edviyenin leṭâfeti ḡâyete bâliḡa ola ḥattâ eczâlarının leṭâfeti ḥasebiyle ona bâṭın-ı ʿudva ḡavş mümkün ola. Ve ba'dı kerre o nefḥaya mu'âlece bilâ-şart vâḍ-ı meḥâcime muḥtâc olur ve onu meḥâcim fâş edip daḡdır. Ve edviye-i mevḍî'yyeleri edhân-ı ḥârredir, meşelâ laṭîfî'l-eczâ olan zeyt içinde sezâb ve kemmûn ve büzür-ı mülattîfeden bezr-i kerefs ve enîsûn ve nânḫâh ve onların nezâiri ṭabḫ olunup onunla mevḍî' tedhîn olunur.

Ve nefḥaya nâfi' merâhim-i muḥalliledendir ḥuşûşan a'dâ-i veteriyye vü ʿadaliyyede olan verem-i rîḫilere nâfi' olanlardandır vesâḫu'l-ḥamâm aḫz olunup ṭancere içine su ile vâḍ olunduktan sonra üzerine kıvâmı ṭîn kıvâmı gibi olunca kadar nûre-i ḡayr-i muṭfât şabb olunup ve onunla mevḍî' telṭîḫ olunur ise. Ve ba'dı kerre o leṭûḫ ḥumer ile nûreden ittiḫâz olunur. *Ve ʿatîḫ nûşḫanın birinde “ḥumer” bedeline “kafr” vâḫî' olmuştur.*¹²⁸

Merhem-i Ceyyid ü Mu'tedile: Zûfâ-i yâbis aḫz ve saḫḫ olunduktan sonra o ḡayrûṭî üzere zerûr kılınır ki onun ittiḫâzı şem' ve dühn-i şibt ile olur ve onun mecmû'undan leṭûḫ kılmak için merhem ittiḫâz olunur.

128 O iki nûşḫanın me'âli vâḫiddir her ne kadar ḥumer'in ma'nâsı ʿale'l-eşher temr-i Hindî ise ba'dı kerre kafru'l-yehûda dahi ıtlâḫ olunur; “kafr” kârdır, kaṭrân cin-sindendir.

Ammâ ‘ađale rađđ ‘ārıd olmak hasebiyle nefha ‘ārıd olsa vâcib olur ki o nefha şāhibi cidden hārr veyāhūd hırrıfe olan edviyeden ictināb eyleye o edviyeyi a‘dā istihāş edip müşme‘izze olmasın için belki o mişlli nefhaya muhallilāt ile ‘ilāc olundukta ona müsekkınāt-ı veca‘ olan edviye halı oluna, o maḥlūt senin meyfuḥteci zeyte meḡmūs olan sūfeye ḍarb edip isti‘māl eylediğin devādır. Ve eger onlara ḥarāretün-mā var ise dühn-i verd sūfe-i zūfā ḡams olunur veyāhūd dühn-i verd içinde zūfā-i raṭb ḥall olunup isti‘māl olunur ve onların cem‘isi ḥarārete māl tefṭir ile tefṭir olunup isti‘māl olunur, bārid olunca ḡadar terk olunmaz, zīrā bürüdet o mişlli ‘illete ḡarr olur.

Ve eger nefha aşhābında ibtidā-i emrde veca‘ var ise onun üzerine teskīn-i veca‘ edip ve zamān-ı ibtidāda ḡādiş olan ‘avārıd-ı sāireyi men‘ eden edhān eden vaḍ olunur ve o dühn dühn-i şibtten bir miḡdār kuvvet aḡz eden benefşec dühnü ve verd dühnüdür.

Ve kaçan ‘alile ba‘dı ḡiffet ‘ārıd olsa edviyeden kuvvet-i taḡlilî ziyāde olanlar ya‘nī naṭrūn ve ḡall mişlli olanlar isti‘māl olunur ve sonra mā-ı remād ve ba‘dehu merāhim-i mezḡüre gibi muḡallile olan merāhim isti‘māl olunur.

‘Irḡ-ı Medenī Beyānındadır

‘Irḡ-ı medenī ‘illetinde a‘ḡā-i beden[den] bir ‘uḡvda evvelā beşretün-mā zuhūr edip müntefihā olur ve ba‘dehu müteneffīṭa olur ve ba‘dehu müteşakkıbe olur ve ba‘dehu ondan sevāda māl bir şey-i aḡmer ḡurūc eder ve o şey azar azar ṭavīl¹²⁹ olmaktan zāil olmaz. Ve ba‘dı kerre taḡt-ı cildde ḡareket-i düdiyye iḡsās olunur, ke-enne o mütēḡarrik ḡayvāndır¹³⁰ ve ke-enne o ḡayvān-ı mütēḡarrik düddur ḡattā ba‘dılar ṡann eylediler ki o mütēḡarrik fi’l-ḡaḡıḡa ḡayvāndır, taḡt-ı cildde tevellüd eylemiştir ve ba‘dı āḡer ṡann eylediler ki o şey lif-i ‘aşabdan bir şu‘bedir, taḡt-ı cildde fāsıd olup taḡalluṡ eylemiştir.

Ve o ‘illetin ekşer-i ‘urūḡu sākılarda olur ve ben o ‘illetin yedlere ve cenbe ‘ārıd olduğunu rüyet eyledim ve şıbyānda iki cenbler üzere keşiren

129 ḡattā bir şibr ḡadar ve dahi ziyāde üzere.

130 Ve Ḳarşī o nesne ḡayvān idiḡine cezm ve o ḡayvānı rüyet eylediḡini da‘vā eyledi.

‘ārıd olur. Ve kaçan o şey²-i tavīl medd olunup munkaṭı³ olsa o ‘illetin haṭbı ve elemi ‘azīm olur ve belki onu medd eylemek ilām ve icā⁴ eder, her ne kadar munkaṭı³ olmaz ise. Ve Cālīnūs dedi ki onun emrinden vādih ve muṭtemed bir nesne hāşıl olmadı ya’nī meczūmen ona ‘ilm hāşıl olmadı velākin bi-ḥasebi’z-zann dedi ki ‘ırk-ı medenīnin sebebi o demdir ki hārr ve redī ve sevdāvi olur veyāhūd sebeb balğam-ı muḥteriktir, yūbs-i mizāc ḥasebiyle istidād gelip muḥtedd olur.

Ve kezālik ba’dı kerre o ‘illeti ba’dı miyāh ve buḫūl tevliḍ eder ve tevliḍi onlarda onları müvellide hāşsiyyet olmakla olur. Ve ağdiyeden onları tevliḍ eden ekser-i ḥālde cāff ve yābis olan gıdālardır ve her ne kadar onu müvellide olan mevādd-ı beden eḥadd olsa veca’ı eşedd olur. Ve ba’dı kerre beden-i vāhıdden mevādi⁵-i müte⁶addidede ve kırk ve elli ‘aded mevādi⁵-de ‘ırk-ı mezkūr ḥādiş olur ve ma’a-zālike’l-keşret o ‘illet yine ‘ilāci kabūl eder. Ve o ‘illet ebdān-ı raṭbda ve istiḥmām ve ağdiye-i muraṭṭıbe ve bi-ḳadrin şarāb isti‘māl edenlerde ḳalīlū’l-vuḳū⁷ olur.

Ve ekser-i vuḳū⁷u medīne ahālilerinde olur, onun için medīneye nisbet olunup ‘ırk-ı medīnī denir.¹³¹ Ve ba’dı kerre dahi bilād-ı Hūzistān’da ve bilād-ı sāirede olur ve bilād-ı Mısr ve bilād-ı āherde keşirū’l-vuḳū⁷dur.

[el-‘İlāc:] ‘ırk-ı medenī tevelliḍü keşir olan [bilādda] ahālilerinin ve kezālik onun müvellidi olan ağdiyeyi tenāvül edenlerin o ‘illetten ḳable-ḥudūşihā muḥāfazaları o ‘illete sebeb olan eşyānın müdāddesini isti‘māl ile olur ve o müdādde bāsīlīkten dem-i redīyi faşd ile iḥrāc veyāhūd şāfinden bi-ḥasebi’l-mevdi⁵ dem-i redīyi iḥrāc ile olur. Ve demi iki nev⁸ helīlec ve eftīmūn ṭabīhī şürbüyle ve ḥāşşaten ḳūḳıyā ḥabbı şürbüyle tenḳıye olur ve kezālik senā ve şāhterec ile mütteḥaz ıtrifil isti‘mālīyle ve bedeni ağdiye-i muraṭṭıbe ile ve istiḥmāmāt ile ve sāir muraṭṭıb ma‘lūm tedbīrler dahi o ‘illetin esbāb-ı ḥudūşuna müdādde olur.

131 Semerkandī ve Nefīsī ‘ırkın mensūbun ileyhi olan “medīne”yi medīne-i Resūlulāh’a ḥaml ederler velākin *Ḳānūn* nüshalarının muşahḥaf olan ba’dı nüshasında “medīnī” vāki⁹ olmuştur, pes o nüshanın nūndan evvel yā ile resminden fehm olunur ki “medīne”den murād medīne-i Resūlullāh şallallāhu ‘aleyhi ve sellem’in gayri medīnedir, zīrā muşarraḥtır ki Resūlullāhın medīnesinin nisbeti “medenī” ve uḫrā medīnenin nisbeti “medīnī” gelir.

Bu zîkr olunan tedbîrler kable-zuhûri'l-‘illet muhâfaẓa için olunan tedbîrler idi, ammâ o ‘illetin eşerinin evvel-i zuhûrunda tedbîr-i şavâb odur ki admide-i müberride-i muraṭṭıbe ile ‘udv tebrîd oluna, meşelâ ‘uşârât-ı bâride-i ma‘lûme ma‘a’ş-şandeleyn ve’l-kâfûr ba‘de-tenkıyeti’l-beden isti‘mâl oluna ve mevdi‘ üzere irsâl-ı ‘alak ile istizhâr oluna.

Ve atlıye-i ceyyideden olur şabır ve şandal ve kâfûr ve mürr ve bezr-i kaṭûnâ ve leben-i hâlibden müttehaz olan tılâ. Ve eger onlar nâfi‘ olmayıp velâkin teneffuṭu ahz eylese onu teneffuṭtan ba‘dı kerre men‘ ve şarf eder. Ve onun haṭbını ve şânını tahfif eder o ‘illet şâhibine üç gün ‘ale’l-vilâ beher gün birer dirhem şabır saḳy eylemek veyâhûd yevm-i evvelde yarım dirhem ve yevm-i şânide bir dirhem ve yevm-i sâlişte bir buçuk dirhem şabır saḳy eylemek ve o mevdi‘ üzere şabırın kendiyi veyâhûd o ‘illetin ağzına şabırın raṭb ve lezic ruṭbetini tılâ eylemek ve bu tedbîr o ‘illetin evvel-i zuhûrunda ba‘dı kerre nâfi‘ olur. Eger o tedbîrden müte‘essir olmayıp ‘ırk-ı medenî ḥurûc eder ise onun üzerine şedd olunacak bir nesne hâdırlanıp üzerine rıfk ile kalîlen kalîlen leff olunur hattâ o ‘ırk ilâ-âhîrihi min-ğayri inkıṭâ‘in ḥurûc edince kadar. Ve aḥsen olan o şedd olunacak lifâfe reşâştan ittihâz olunup o reşâş leff olundukta ‘ırk-ı mezkûr o reşâşın şikâli ile min-ğayri inkıṭâ‘in bi-tamâmihi ḥurûc eder, onu iḥrâcda cezbe hâcet kalmaz.

Ve vâcib olur ki o ‘ırkın ḥurûcunda ictihâd olunup sühûletine i‘ânet oluna ‘ale’d-devâm ‘udvu teşhîf etmekle ve mâ-ı hârr ile tentîl edip ‘udvu ḥalḥale ile ve lu‘âbât-ı müberride ve edhân-ı müleyyineden ḥarâreti laṭife ve bâridesi olan edviyeyi isti‘mâl etmekle. Ve ba‘dı kerre o mişlli tedbîr ile dahi sühûlet-i ḥurûc olmaz belki dühn-i ḥîrî ile telṭiḥe ve belki dühn-i zanbaḳ ile ve belki bân ile telṭiḥe hâcet olur ve o edhân üzerine merhem-i zift isti‘mâl olunur. [502a]

Ve eger ḥads icâb ederse ki onu baṭṭla o ‘ırk bi-külliyetihi ḥurûc eder ve baṭṭtan dahi mâni‘-i mevcûd yoktur diye onu baṭṭ eylemek ve ‘ırkı iḥrâc eylemek sana câiz olur. Ve eger onu vech-i mezkûr üzere cezbe ile iḥrâc sehl ve mümkün olmayıp ve kezâlik baṭṭ olunmak dahi mümkün olmasa sen onu semn ile ta‘fîn eyle, zîrâ o ‘ırk bi-külliyetihi ta‘affûn edip ḥurûc eder. Ve sana ḥazer eylemek gerektir o ‘illette edviye-i ḥâdde isti‘mâl eylemekten, onlarda edviye-i ḥâdde isti‘mâli âkileye mü‘eddi olur. Ve o ‘ırkın evâhiri

üzere milh ile kalilen kalilen delk olunmağa idmân olunsa ve halften dahi rıfk ile delk olunup o ırk lutf ile mahrecinden medd olunsa bi-külliyetihi mahrecinden hurûc eder huşuşan onun ense ve half cânibinden eb'ad olan mevdi' şakķ olunup ve o şakķın alt tarafından ve tahtundan bir mîl idhâl olunup def' olunsa ve devâm üzere ona mesh olunsa ve o ırk milh ile kalilen kalilen rıfk üzere hurûc eder. Kaçan zıkr olunan tedbîr işlendikte o ırkın cem'isi hurûc eder lakin o ırk munkatı' olup kâmine olsa ona battı olunan maktan lâzım ve lâbüdd olur ve onu tekrâr battı olunan mevdi'den şayd ve ahz edip rıfk üzere ihrâc olunur ve mevdi'-i şakķ hurâcât mu'âlecâtıyla ilâc olunur ve leblâb-ı medkûk ile ona tılâ olunmak enfa'-ı edviye olur, cidden şâlihtir. Allâhu a'lemü bi's-şavâb ve ileyhi'l-merci'ü ve'l-me'âb.

Üçüncü Makāle Cüzāmda Kelām-ı Müşebba'dır

Faşl-ı Evvel Cüzāmın Mâhiyyeti ve Sebebi Beyânındadır

Cüzām bir illet-i rediyyedir ki mirre ve sevdânın külliyyen bedende inişâr edip a'dânın mizâcını ve hey'etini ifsâd eder ve ba'dı kerre âhirinde a'dânın ittişâlini dahi ifsâd eder hâttâ a'dânın te'ekkül ve te'karruh olup u'dv sâķıt olur. Ve cüzām cem'-i bedenın seretânı olur, ba'dı kerre mütekarrih ve ba'dan gayr-i mütekarrih olur. Ve cüzām illetinin ba'dısı zamân-ı tavîl şâhibinde bâkî kalır. Ve ba'dı kerre sevdâ u'dv-ı vâhıde mündefi' olur ve ondan şalâbet veyâhüd saķîrûs veyâhüd seretân hâdiş olur o hıltın ahvâl ve keyfiyyâtının ihtilâfı hasebiyle. Ve eger sevdâ rakîk ve gâlibe ise ondan âkile hâdiş olur ve eger o hılt cildin saķına mündefi' olur ise cilde 'arîda olan behaķ-ı esved ve bereş ve kûbâ mişlli ma'rûf nesneler ihdâş eder. Ve ba'dı kerre sevdâ cem'an bedene münteşire olur, eger o münteşire sevdâ bedende ta'affün ederse hummâ-ı sevdâviyye ihdâş eder ve o sevdâ-i münteşire bedende mürtekim ve müctemi' olup velâkin ta'affün eylemese o sevdâ cüzām ihdâş eder.

Ve cüzāmın aķdem olan sebab-i fâ'ilisi cidden harârete ve yübüsete mâil kebidin sū-i mizâcı olur veyâhüd küllü bedenın sū-i mizâcı olur veyâhüd sū-i mizâc ma'an bi'l-cümle bedende ve kebidde olur ki onlara berd işâbeti ile dem keşif olur.

Ve cüzâmın sebeb-i mâddisi ağdiye-i sevdâviyye olur ve ağdiye-i balgâ-miyye tenâvülü dahi mādde-i cüzâmı tevlîd eder eger mādde tohme hasebiyle birikip ve o müctemîc olan balgâmla harâret teşîr ve laţîfini tahlîl etmekle mādde-i balgâmı teksîf ve sevdâviyye ihâle ederse. Ve bi-‘aynihi bu ‘illet hasebiyle dahi keşret-i imtilâ‘ât ve ‘ale’ş-şîba‘ keşret-i ekelât me’kûlî sevdâya ihâle edip o ‘illete sebeb-i mâddî olur.

Ve ammâ cüzâmın esbâb-ı mu‘înesi mesâmmâtın münsedde olup hârr-ı ğarîzînin ihtinâkı ve demin teberrüdü ve tağalluzu olur huşûşan ki tihâl südedi ve da‘îf olmakla demden sevdâyı cezb ve tenkîyeye kuvveti olmaya veyâhüd ahsâda olan kuvvet-i dâfi‘anın sevdâyı ‘urûk-ı müte‘addideye veyâhüd ‘urûk-ı rahime def‘den da‘fı olsa ve mesâmmalar dahi mesdüde olsa cüzâma onun i‘âneti ekşer olur. Ve kezâlik havânın hadd-i zâtında fesâdı veyâhüd mecزümüne mücâveret hasebiyle havânın fesâdı dahi i‘ânet eder, zîrâ bu ‘illet sârîdir ta‘addî eder ve hem irş ile dahi intikâl eder. Ve ba‘dı kerre dahi mizâc-ı nuţfe hasebiyle o nuţfeden hâşıl olan veled mecزüm olur gerek o nuţfenin mizâcı aşlen fâsid olsun veyâhüd o nuţfe şaḥîḥü’l-micâc munfaşıl olup rahim-i ümmde onun mizâc-ı fâsidi mükteseb olsun, meşele nuţfe rahime heyd vaktinde vâkı‘ olsa o nuţfenin mizâcı rahimde fâsid olur. Ve kaçan harâret-i havâ redâ‘et-i ğıdâ ile müctemîc olsa, meşelâ eyyâm-ı kayzda semek ve laḥm-ı kadîd ve luḥûm-ı ğalîza ve laḥm-ı ḥamîr ve ‘ades mişlli eţime tenâvül olunsa onda cüzâm vâkı‘ olmak layık ve harîdir; bu sebeb ile İskenderiyye’de cüzâm keşîrî’l-vukû‘ olur.

Ve kaçan sevdâ deme muḥâlaṭa eylese o muḥâliṭ olan sevdâ her ne kadar kalîl ise keşîren dem-i sevdâvî tevlîdine i‘ânet eder iki vechten için: Evvelki vech budur ki sevdâ-i muḥâliṭ demi taġlîz eder cevheri hasebiyle ve ḥâdiş olan dem keşîren ğalîz olur. Ve ikinci vech sevdânın berd-i mücemmed-i demi taġlîz eder ve ruṭûbeti tenkîş eder ve harâret-i beden ile o mişlli dem teceffüf edip sevdâ olması sühûletli olur. Ve ba‘dı kerre mecزûmların deminin ğılzati o ḳadara bâliġ olur ki onlardan faşd olundukta rimâl gibi nesneler ḥurûc eder.

Ve bu ‘illete dâü’l-esed tesmiye olunur. Ve ba‘dılar vech tesmiyesini beyân edip dediler ki bu ‘ilet esede keşîren ‘arıḳ olur ve binâen ‘aleyh esede idâfet ile dâü’l-esed tesmiye olunur. Ve kezâlik deyildi ki bu ‘illet, şaḥibi-

nin vechini müstedir eder ve onun sehanesi esed sehanesi gibi olur, onun için dâü'l-esed tesmiye olunur. Ve yine deyildi ki esed mülâkî olduğu kimseyi iftirâs edip ihlâk eylediği gibi bu 'illet dahi işâbet eylediği kimsenin 'uđvunu parçalar ve ihlâk eder.

Ve bu 'illetin da'f üzere olanlarına mu'alece 'usretli olur, ammâ müstahkem ve kavî olan cüzâma 'ilâc olunmaz, onun 'ilâcından e'tıbbâ me'yûslardır. Ve bu 'illate zamân-ı ibtidâda aķbel ve ercâ olur ve râsih olduktan sonra o 'illet a'sâ olur.

Ve şafrâdan olan sevdâ ile hâdiş cüzâm ehyec olur ve ezâsı ekşer ve a'râdı aş'ab ve iħrâķı ve takrîhi eşedd olur velâkin 'ilâc kabûlü şafrâvî cüzâmın ekşer olur. Ammâ şüfl-i demden olan sevdâdan hâdiş cüzâm eslem ve esken olur ve onda kırh olmaz. Ve ammâ sevdâ-i muħterikadan olan cüzâm a'râdında şafrâya müşâbih olur velâkin 'ilâcî kabûlü bu nev' cüzâmın şafrâviden hâdiş olan cüzâmın kabûlünden eb'tâ olur.

Ve bu cüzâm marađı a'đânın mizâcını ifsâddan hâlî olmaz, zîrâ bu 'illet a'đâda hayâta muvâfık olan keyfiyyetin müdâddesi olan bir keyfiyyet iħdâş eder ya'nî harâret ve ruṭûbete müdâdde olan bürüdet [502b] ve yübüset keyfiyyetlerini iħdâş eder ve kaçan o keyfiyyet-i müdâdde a'đâ-i re'iseye bâliğ oldukta o zamân katl eder. Ve o 'illet evvelâ leyyine olan a'đâdan ve eṭrâftan zuhûra ibtidâ eder ve o maħallde tüyler münteşire olur ve o maħallin levni müteğayyir olur ve ba'đı kerre o mevdi' teķarruḥ eder ve ba'dehu bi'l-cümle bedene yesiren yesiren debâbı ve sereyânı olur.

Ve bu 'illetin her ne kadar evvel tevellüdü aḥşâda olur ise lâkin [o 'illetin te'sîrinin evvel-i] zuhûru eṭrâfta olur eṭrâfın da'fı olmak ḥasebiyle. Ve ba'đı kerre vâķi' olur ki cüzâmın gâile-i zâhiriyesi aḥşâya ve a'đâ-i re'iseye vâsıl olmazdan muķaddem meczûm helâk olur ve onun mevti keyfiyyet-i rediyye-i mezkûrenin aḥşâya ve a'đâ-i re'iseye mün'akis olduğundan olmaz belki nefsi-i cüzâm ve sū-i mizâc sebep-i helâki olur.

Ve kaçan 'uđv-ı vâhîdin cüzâmı mesâbesinde olan sereṭândan müstahkem olanlar için bür' olmadığı bundan aķdem senin ma'lûmun olduysa cemî'an bedeninin sereṭânı meşâbesinde olan cüzâmın hakkında senin zannın ne minvâl üzere olur! Velâkin cüzâmda bir şey-i fâđıl vardır ki sereṭânda olmaz, o şey' bu olur ki cüzâmda marađ bi'l-cümle bedende fâş olur. Ve

kaçan edviye-i kavîyye isti'mâl olunsa bi'l-cümle bedende olan maraḍa o kavîyye mu'alecât meşgûl olur, yalnız uḍv-ı vâhîde tahmîl olunmaz ve se-reṭân bu ma'nâda cüzâm gibi değildir.

el-'Alâmât: Kaçan cüzâm zuhûra ibtidâ eylese levn sevâda ḍarib ḥum-rete ibtidâ eder ve 'aynda ḥumrete ḍarib kümûdet 'arîḍ olur [ve nefse ḍîḳ 'arîḍ olur] ve şavta buḥḥa gelir riyenin ve kaşaba-i ri'enin te'ezzîsî ḥaseb-leriyle ve onda 'uṭās-ı keşîr olur ve enfine ḡunne 'arîḍ olur ve baḍı kerre onda südde ve ḥaşem olur ve tüyler diḳḳati ve kılleti aḥz eder ve şadrında ve nevâhî-i vechte 'araḳ zuhûra bidâyet eder ve bedeninde râyiḥa olur ve ḥuşuşan 'araḳının ve nefesinin râyiḥası netne mâil olur ve onda aḥlâḳ sev-dâya ḥâdiş olur, tîh ve ḥıkd gibi melekeler ḥâdiş olur ve nevminde aḥlâm-ı sevdâviyye olur ve nevminde iḥsâs eder ki ke-enne kendi bedeni üzere şıḳal-i 'azîm vardır. Ve bunlardan sonra onların şa'rında intişâr ve temerruṭ olur 'ale'l-ḥuşuş vech üzere [ve nevâhî-i vech üzere olan] eş'ârda intişâr ve temerruṭ ekşer olur. Ve baḍı kerre mevâḍî-i şa'r müteḳallî'a ve azfâr mün-şakḳa olur ve şüreti semâceti ve vech cehâmeti aḥz eder ve levn esved olur ve dem mefâşıl-da cümûdu aḥz eder ve ta'affün olur ve ḍîḳ-ı nefesi şedîd olur hattâ onun ḍîḳı 'usr-ı şedîd ve bühr-i 'azîme mü'eddî olur ve şavtında ḡâyet buḥḥa olur ve iki şefeleri taḡalluḫ eder ve lisânı sevâd üzere olur ve bedeninde zevâid-i ḡudediyye 'arîḍ olur ve o zevâid o ḥayvâna müşâbih olur ki ona Yûnânî lügatinde sâtûs derler ve baḍehu teḳarruḫı aḥz eder eger cüzâm ḡayr-i sâkin ise. Ve enfîn ḡudrûfu te'ekküle bed' edip baḍehu enf ve eṭrâf suḳûṭ eder ve şadîd-i müntin seyelân eder ve şavt ḥafâya 'âid olur ve bedende bir şa'r bâḳî kalmaz ve levn cidden sevâd levni üzere olur. Meczûmun nabḍı ḍa'f olur ḍa'f-ı kuvveti ḥasebiyle ve nabḍa ḥâcetin kıl-leti ile. Maraḍ bârid olmakla nesîm-i bâride ḥâcet-i ḳalîle olur. Ve kezâlik cüzâmın nabḍı baṭı-i ḡayr-i serî' olur, berdin ḍa'fı ile velâkin meczûmun nabḍı mütevâtir olur sür'at ve 'izâm olmamak ile.

el-'Îlâc: Cüzâmın mu'alecesinde vâcib olur ki maraḍın taḡalluḫundan muḳaddem istifrâḡa ve tenḳiyye mübâderet ve müsâra'at oluna. Ve eger onda dem keşîr ve fâsid olduḡu müteḥakkıḳ oldu ise vâcib olur ki mübâde-ret olunup velev min-yedeyn faşd-ı belîḡ olunur. Ve eger dem-i mevşûf-ı mezkûrun vücûdu müteḥakkıḳ deḡil ise ondan faşd câiz olmaz, zîrâ onda

‘urûk-ı kibâr faşd olunsa ba‘dı kerre o faşdın ma‘darratı menfa‘atinden cid-den keşir olur velâkin bu vech ile ‘urûk-ı kibârı faşddan havf olunur ise ‘urûk-ı şığârın tefâriklerinden faşda emr olunur eger dem-i bârid zâhir-i bedende olduğu ma‘lûm ise. Ve bu vech üzere olan faşdın menfa‘ati hacâmetten ve irsâl-i ‘alak menfa‘atinden eblağ olur ve ahşâya çararı ekall-ı ekall olur ve o tefârik ‘urûk-ı şığâr ‘ırk-ı cebhe ve ‘ırk-ı enf mişlilerdir. Ve bu ‘illetin ekser-i ahvâlinde faşda hâcet olur ve faşda sebep-i ihtiyâc nefesin dıkkı ve ‘usreti olur. Ve ba‘dı kerre buhhatü’ş-şavtın iştîdâdından ve ihtinâktan havf hasebiyle vidâcın faşdına dahi hâceti olur.

Ve kaçan meczûm faşd olundukta vâcib olur ki ba‘de’l-faşd bir üsbûc mikdârı o ‘alîl istirâhatte kılınıp ba‘dehu eyâric-i lügâziyâ ve eyâric-i şahm-ı hançal ile istifrag oluna ve kezâlik maţbühât ile ve kezâlik zikri âti hubûbât ile istifrag oluna, o habbin nüshası budur: Eftûmün, ustûhûdus, besfâyec, helîlec-i esved, helîlec-i Kâbüli, harbak-ı esved, lâciverd, hacar-i Ermenî; bu mezkûrlardan terkib olunan hubûb ile istifrag olunurlar ve onların içine şahm-ı hançal hâlt olunsa çararı olmaz ve kezâlik sakmûnyâ hâltının dahi çararı olmaz ve huşûşan onda şafrâ ola ve o habba şabır kıssâu’l-hımâr dahi idâfe olunur. Ve sâderitûs meczûmîne ceyyid olur ve eyâric-i feykarâ dahi onlara ceyyiddir huşûşan sakmûnyâ ile takviye olunursa meczûmünün ceyyid müshilâtından olur huşûşan o müshile harbaktan bir şemme işmâm olunsa veyâhûd onda hacar-i Ermenî kılınsa. Ve eyyâm-ı sayfta vâcib olur ki tecfif olunup onlara sakı olunan maţbühâlara takviyesi olan edviye ilkâ olunmaya, zîrâ muqavvî hıltı mevâddı işâre ve neşr eder.

Buhtec li’l-Meczûmîn: İhlîlec-i aşfer ihlîlec-i esved her birinden onar dirhem, nânghâh beş dirhem, hıltî-i tayyib yarım dirhem, menzû‘u’l-‘acem zebîb yarım batman; bu mezkûrlar ahz olunup üç ibrik su içinde şülüşü kalınca kadar kaynatılıp ‘aşr ve taşfiye olunur ve ba‘dehu ona beş dirhem ‘asel hâlt olunup meczûma sakı olunur. Ve meczûmun cesedi semn ile temrîh olunup şemste iclâs olunur cesedde o semn galeyân edince kadar veyâhûd o meczûma ba‘de’t-tedhîn yetmiş huţve ile adımlatılır ve yemînden şimâle ve zâhrdan batna münkalib kılınır ve ona hubz ve ‘asel içâm olunur ve bu devâ yedi gün kadar vaşf-ı mezkûr üzere sakı olunur ve devânın tabh-ı mezkûru minvâl-i muharrer üzere tecdîd olunur.

Ve cüzâmı müstahkem olmayanlara istifrâğ-ı vâhid kifâyet eylemez belki küllü şehrin iki def'a veyâhûd bir def'a bi-hasebi'l-müşâhede istifrâğ olunur ve onun istifrâğı edviye-i mu'tedile ile kılınır. Ve ba'dı kerre dahi küllü yevmin ve bi-rıfķın bir meclis ve iki meclis onları ishâl eden edviye-i mezkûreden mütteḥaz şerbât-ı nâķışa ile kırk gün miķdârı 'ale'l-vilâ ishâl olunur. Ammâ cidden kavîyye olan ḥarbak ve ḥarbak mişlli müşilât ve kezâlik vezni ve kemmiyyeti keşir olan müşilât isti'mâli merreten ḥarîfte ve merreten rebî'de olmak kifâyet eder veyâhûd ondan dahi ekşer ishâl olunur. Ve vâcib olur ki onların dimâğlarını ġarġara ile ve se'ûṭât-ı ma'rûfe ile emrâḍ-ı re's bâbında zikr olunduġu üzere tenķiye eyleyeler.

Nüşa-i Se'ûṭ: Dâr-ı fülful, māmîrân, şeytarec, cevḑ-i birinc her birinden birer dirhem, cevz-i bevvâ, müşk-ṭarâmşîr her birinden yarımşar dirhem, fencengîşt 'uşâresi üç kavâṭîl, dühn-i ḥall üç kavâṭîl; bunlar aḥz olup ṭabḥ olunur suyu zâil olunca kadar ve ba'dehu taşfiye olup bir zücâce içinde muḥâfaẓa olup [503a] meczûmun munḥurlarına munḥurlarının si'ası kadar o edviye ile isti'âṭ olunur ve miķdârı keşir oldukta ona se'ûṭât-ı muraṭṭıbe itbâc olunur.

Ve vâcib olur o 'ilel şâḥibleri müceffifât isti'mâlinden ve ruṭûbet-i ġarî-ziyyeyi taḥlîl edenlerden men' olunalar ve onlara ta'ab ve ġamm ḥarâm kılınır. Ve kezâlik onlara vâcibdir ki bir havâdan onun müdâddesi olan havâ-ı âḥere intikâl eyleyeler. Ve tenķiye olunduktan sonra vâcib olur ki onlara edhân saķy oluna, meşelâ dühn-i levz, 'aşîr-i 'ineb ile saķy oluna ve onun saķyı mirâren istifrâğdan sonra ola. Ve vâcib olur ki onlar küllü ġadâtin em'âdan fuḍûlî müdâfa'adan sonra riyâdet eyleyeler, şavt-ı 'âlî ile ref'-i şavta ve veşbeye ve müşâra'aya tekellüf eyleyeler. Ve kaçan onlara 'arak 'arîḍ olsa onların 'arakları neşf olunur. Pes bu vech üzere riyâdet ve tedbîrden sonra onlara edhân-ı mu'tedile ile ya'nî ḥarr ve berdde mu'tedil olan ve ekşer-i emrde muraṭṭıb olan edhân ile ve ekşer-i emrde muḥavvî olan dühn ile tedhîn olunurlar, zîrâ meczûmîn evvel-i emrde helîlec mişlli muḥavviyâta ve kezâlik 'afşî ḥall ile isti'mâle muḥtâc olurlar. Ve onların üzerlerine ba'dı kerre leben-i nisâ ile dühn merûḥunu isti'mâle dahi muḥtâc olurlar ve kezâlik onlarda yûbs keşir oldukta vâcib olur ki leben-i nisâ ile isti'âṭ, eyleyeler ve onlara ġaseyân hâyice olsa onlar ḳay' ettirilir.

Ve ecved olan budur ki onlarda hammâm isti'mâl olunur ve ba'de-hu temrîh olunur. Ve kaçan onlar isti'hmâm eyleseler, onların merûhâtı bu edhân kılınır: dühn-i âs ve'l-maştaķī, dühn-i fiķāhu'l-kerm ve dār-ı şīşe'ân ve eṭrāfına dühn-i kuşt temrîh olunur ve ba'dehu bir sâ'ât miķ-dârı 'alîl rāḥatta kılınıp rîşe ile 'alîl kay'a 'arḍ olunur ve üzerine efsentîn saķy olunur. Ve ba'dı kerre mûlaṭṭifât-ı muḥallile ile hammâmda temrîhe muḥtâc olurlar ki onun içinde naṭrûn ve kibrît ve ḥabb-ı ğâr ve ğirâ-ı neccâr ola ve belki ḥardal ve sa'ter ve fûlfül ve dār-ı fûlfül ve 'ākırķarḥâ ve mîvîzec ve şabır ve fûtenec dahi ola ve onlar edviye-i mezkûreler ile evşâllerine taḍmîde dahi muḥtâc olurlar ve belki ferfiûn mişlliye dahi muḥtâc olurlar. Ve bu mezkûrlar o vakt isti'mâl olunur ki 'alîlîn fuḍlûnû taḥlîl ve ta'rîķ için hammâma ḥâcet ola. Ve cüzâm mu'alecesinde meczûmu ta'rîķ kânûn-ı ceyyid olur. Ve ba'dı kerre onlar tiryāk ile ve şelîsâ ile ve heftârgân ile temrîh olunurlar ve ba'dı kerre o merûhât ile şemste ḥâr-rede temrîh olunmaĝa ḥâcet olur. Ve onların hammâmda ĝasûlâtlarının ḥayrlısı o ṭabîḥtir ki onun içinde ḥulbe ma'a's-şâbûni'l-ceyyid ve't-ṭayyib ṭabḥ olmuş ola.

Ve meczûma vâcib olur ki cimâ'dan aşlen ictinâb eyleye. Ve ammâ onlara saķy olunan eşyânın efâḍıl-ı edviyeleri o tiryāk-ı fârûktur ki onun ittiḥâzı luḥûm-ı efâ'yle ola. Ve kezâlik tiryāķu'l-erba'a ve'l-hefyârcân ve debîd-i kibrît olur ve onunla ba'dı kerre isti'âṭ dahi ederler. Ve kezâlik efâḍıl-ı mesâķîleri vaḥdehâ akrâş-ı efâ'idir ve o akrâş birer mişķâl saķy olunur, şarâb-ı ĝalîzden veyâḥûd tılâdan birer ûķıyye içinde saķy olunurlar. Ve kezâlik akrâş-ı unşul saķyı dahi nâfi'dir.

Ve ma'ûm ola ki efâ'inin laḥmı veyâḥûd o laḥmın kuvvetini aḥz eden sâir devâlar cüzâm edviyesinin ecelli ve enfa'idır. Ve vâcib olur ki laḥmı isti'mâl olunan ef' sebâḥıyye olmaya ve kezâlik ezîfiyye¹³² ve rakķıyye ve şaṭṭıyye efâ'ilerinden biri dahi olmaya, zîrâ zıkr olunan efâ' aşnâfının menfa'atleri ḳalîl olur ve ekşerinin luḥûmunda ĝâile-i taṭîş ü itlâf vardır belki min-beyni'l-efâ' isti'mâle lâyıķ ve muḥtâr olan cebeliyye ve ḥuşuşan cebeliyyenin beyḍâ olanlarıdır ve onların rû'ûs ve eznâbları def'aten vâḥi-detten ḳaṭ' olunur ve o ḳaṭ' ile ondan dem-i keşîr seyelân edip ve zamân-ı

132 ["Ezîfiyye" yerine ekinli yer anlamında "rîfiyye" beklenirdi"]

ṭavîl ḥayye bâkîye ve o müddette idṭirâb-ı keşîr ile muḍtarib olur ise onun laḥmı isti'mâl olunur ve bu şurûṭ onda mevcûde deġil ise o ef'î terk olunur, isti'mâl olunmaz ba'de'z-zebḥ keşret-i seyelânı ve keşret-i idṭirâbı olan ef'î isti'mâle evfaḳ olur, pes o muvâfıḳ ef'î ba'de'z-zebḥ tanzîf olunur ve bizim zıkr edeceġimiz minvâl üzere ṭabḥ olunup ondan meczûm tenâvül ve ekl eder ve onun merakasından dahi tenâvül eder.

Ve ḥikâye olundu ki ḥamr içine ef'î düşüp içinde helâk oldu veyâḥûd ef'î o ḥamrdan ker' eyledi. Ve meczûmından bir ṭâifenin kimisi bi-ḥasebi'l-it-tifâḳ o ḥamrdan şûrb eylediler bilmedikleri ḥasebiyle ve kimine katl qaşdı ile sâkî saḳy eyledi, 'alîl veyâḥûd müdâvî istirâḥat eylesin için ve kimisi dahi rü'yâsında görmekle ona ittibâ' edip şûrb eylediler ve şûrb edenlerin cümlesi 'âfiyet buldular.

Ammâ ef'îden şûrbâce ṭabḥı bu vechledir ki ef'înin rü'ûs ve eznâbları vech-i mezkûr üzere kaṭ' olunduktan sonra ef'î aḥşâsından tenḳiye olunur ve ba'dehu o ef'î kürrâs ve şibt ve ḥımmaş ve miḳdâr-ı ḳalîl milḥ ile selḳ olunup mâ-ı keşîr ile teherî edince ḳadar ṭabḥ olunur ve ba'dehu 'izâmından laḥmı tenḳiye olunup laḥmı ekl ve merakası teḥassî ve ḥubz-ı semîd üzere kılınmakla isti'mâl olunur ve ba'dı kerre onunla firâḥ-ı ḥamâmdan ef'îyi taṭyîb edecek miḳdârı bir şey' tarḥ olunur. Ve bu tedbîrin nef'i ba'dı kerre evvel-i emrde zuhûr eylemeyip sonra def'aten zuhûr eder. Ve ba'dı kerre bu tedbîrler ile 'âfiyet vuḳû'undan birkaç eyyâm muḳaddem 'aḳl zâil olur. Ve laḥm-ı ef'î isti'mâlinin fâidesi zuhûrunun 'alâmeti ve fâidenin vaḳt ve zamânı geldiġinin ve kezâlik o laḥmı tenâvül eylemek câiz olmadıġı zamânın geldiġinin 'alâmeti budur ki meczûm olan kimse intifâḥa bed' eder ve ba'dehu ba'dı kerre 'aḳlı muḥteliṭ olur ve sonra münseliḥ olup ba'dehu 'âfiyet gelir. Ve o tedbîrden sonra 'alîle seder ve intifâḥ 'arıḳ olmasa tedbîr-i mezkûr târeten uḫrâ tekrâr olunur.

Ve cüzâm illeti için vaşf eyledikleri üzere isti'mâlî nâfi' olan tedbîr-dendir ki esved-i sâlih zebḥ olunup tedevvüd edince ḳadar defn olunur ve ba'dehu ma'a-dûde medfeninden iḫrâc olunup tecfif olunur ve ifrâṭ üzere cüzâmı olanlara üç gün miḳdârı küllü yevmin birer dirhem ondan şarâb-ı 'asel ile saḳy olunur. Ve ef'îden bir kuvvet aḫz eden merûḥât ile temerruḥ onlara nâfi'dir, meşelâ içinde ef'î ṭabḥ olunan zeyt ile temrîḥ nâfi'dir.

Ve kezâlik nâfi' devânın biri dahi budur: Esved-i sâlih aḥz olunur ve bir kıdr içine vaḍ olunur ve üzerine ḥall-i şikkîften sekiz ūḳıyye ve sudan bir ūḳıyye ve şırec ve aṣl-ı lûf her birinden ikişer ūḳıyye şabb olunup içinde ḥayye teherri edince kıdr nâr-ı leyyine üzere ṭabl olunur ve ba'dehu meczûmun re's ve liḥyesi ḥalk olunduktan sonra onun ile tedellük olunur, üç gün miḳdârı o düllük isti'mâl olunur.

Ve kaçan meczûmlar efavî devâlar isti'mâl eyleseler onlardan cild-i fâsidleri münselih olur ve bedeline laḥm ve cild-i şaḥîḥler nâbit olur. Ve kezâlik meczûmlar mu'tediletü'l-ḥarâret olan murattıbbât ile temerruḥ eylese yübsün şiddeti vaktinde nâfi' olur. Ve kezâlik dühn-i benefşec içine miḳdâr-ı ḳalîl dühn-i ḥîrî ḥalt edip iştidâd-ı yübs katında onunla isti'âṭ eylemek nâfi' olur. Ve kezâlik sibâ' ve sevrler şuhûmu ve şaḥm-ı tıyûr ile isti'âṭ olunur. Ve dühn-i kuşt ve dâr-ı şışe'ân ve dühn-i süsen ile delk olunmak ile ba'de't-tenḳıye eṭrâf ḥıfz olunur ve ammâ tenḳıyeden muḳaddem temrîḥ olunmaz mesâmmı sedd eylesinin için.

Ve meczûmuna nâfi' olan meşrûbâtandır bezr-i celî ve devâ-i sülâḥa. Ve onlara enfa'-ı mu'alecâtandır leben saḳyı ḥuşuşan nefeslerine dıḳ ve 'usr ve şavtlarına buḥḥa 'âriḳ olduktan sonra beyne'l-istifrâḡât isti'mâl olunan leben ziyâde menfa'atlı olur ve vâcib olur ki leben-i ḥalîb ḥalbi fevrinde saḳy oluna. Ve o 'illete leben-i ḍa'n enfa'-i eşyadandır ve vâcib olur ki onun lebni şürbü ḥaḍm eyleyeceḡi [503b] miḳdâr ola ve yalnız lebni şürb edip onunla ḳanâ'at eder ise cidden nâfi' olur. Ve eger lebene ḳanâ'at mümkün olmayıp âḥer ḡıḍâya dahi ḥâcet olur ise ḥubz-ı naḳîden ve luḥûm-ı ḥımlân ile mütteḥaz isfîdbâcât ve bizim zıkr edeceğimiz o mişlli nesnelerden mâ'-adâ leben ile bir şey ziyâde eylemez. Ve kaçan nefsi şalâḥa 'avdet eylese evlâ olan leben terk olunup eşyâ-ı ḥırrîfeye ḳay' için iḳbâl oluna, onlardan ḡayri ile tekayyü' eylemeyip zıkrî mürür eden müstefriḡ ile istifrâḡ isti'mâl eyleye ve ba'de'l-istifrâḡ ḥâcet olur ise yine lebni i'ade eyleye nefes ıslâḥ olunca ḳadar ve tedbîr-i mezkûr senede mirâren i'ade ve tekrâr olunmak vâcib olur.

Ammâ cüzâmdan müstaḥkem olanın mu'alecesinde faşda ve edviye-i ḳaviyye ile ishâle iştiḡâl olunmaz, zîrâ onlar fuḍlûlî taḥrîk eder velâkin mevḍî'inden munfaşıl olmaz ve belki onların mevâddı rıfḳ ile cihet-i em'â-

ya imâle olunur ve onlarda mevâddını fâş ve tahlîl eden edviye hâricden vađ olunmağa iştiğâl olunur.

Ve onlara şâliha eşribeden olur bu şerbet: Hâll bir buçuk ûkıyye ve kaţrân hâll ûkıyye, niyy ve berrî olan kerneb ‘uşâresi üç ûkıyye; bu mezkûrlar ahz ve hâl olunup ğadât ve ‘aşıyyde onlara saqy olunur veyâhûd ‘âc bürâdesinden on kîrât ahz olunup üç ûkıyye şarâb ve semn içinde saqy olunur veyâhûd hiltîf cevze miqdârı ‘asel ile saqy olunur veyâhûd ‘unşuldan on kîrât ahz olunup le‘ûk gibi muḳavvim şarâb-ı ‘asel içinde saqy olunur veyâhûd beş dirhem miqdârı kemmûn ahz olunup le‘ûk kıvâmında olacak miqdârı ‘asel ile isti‘mâl olunur. ‘Uşâre-i fütenec onlara cidden ceyyide olur, üç kuvâsûstan olatı kuvâsûsa varınca kadar isti‘mâl olunur. Ve ahÿā-nen semek-i mâlih isti‘mâl eylemek onlara vâcib olur devā isti‘mâl eylemek vâcib olduğu gibi.

Ve cidden hîrrîf olan eşyâyı kay’ için isti‘mâlinde mâ-‘adâ isti‘mâlden onlara tecennüb vâcib olur. Ve cidden hîrrîf onlara taḃḥ olunan ta‘âmlarında ebârîz mevķi‘inde isti‘mâl olunmak câiz olur.

Ve aşḥâb-ı cüzâmın a‘ḍâsına keyy-i müteferriḳ ile tekviye olunur, meşelâ yâfûhâ ve dîrûz-i re’s ve aşl-ı hancere ve şudġayn ve kafâ ve mefâşıl-ı yedeyn ve mefâşıl-ı ricleyn bi’l-cümle bu mevâḍi‘-i müteferriḳa üzere keyy ile onlar mu‘âlece olunurlar. Ve ba‘ḍılar dediler ki cüzâm lühûḳunda evvel-i emrde muḳaddem-i re’sden yâfûḥtan erfa‘ maḥall üzere keyye-i vâhîde olunur ve bir keyye dahi yâfûḥtan esfele olunur ve ‘inde’l-kışâş ve fevķa’l-hâcib dahi ve yemîn-i re’sden ve yesâr-ı re’sden ve ḥalften fevķa’n-nuḳre birer keyye kılınır ve iki keyye dahi iki dîrûza kışreler üzere ve bir dahi tıḥâl üzere kılınır ve bu zîkr olunan keyyeler mikvât-ı ḥafîfe ile olunur. Ve kaçan baş üzere keyy olursa vâcib olur ki o keyy ‘azma bâliğ ola ḥattâ ‘azm-ı re’s keyy ḥasebiyle taḳaşşür eyleye velev bi-mirârin keşîretin taḳaşşür-i ‘azm ḥâşıl olmadıkça keyy terk olunmaya, ammâ o keyyde dimâġ muḥâfaza olunmak vâcibdir keyyin eşeri dimâġdan bir cümle üzere vâķi‘ olup mizâc-ı dimâġı ifsâd eylesin için, zîrâ bu ma‘nâya câhil olup yedi ḥafîf olmayan kâvîler ba‘ḍı kerre onları keyy ile ḳatl ederler.

Onlara Nâfi‘ Edviye-i Mürekkebe Şıfatıdır: O devā-i mürekkebler bezr-i celî ve bîşî devâlarıdır ki onlar cüzâm ‘illetinde laḥm-ı efâ‘ maḳâmına ḳâim

olur. Ve o mürekkeb devânın biri dahi devâ-i sülâhâdır. Ve bezr-i celî için nüshâ-i keşîr vardır ve o nüshayı eṭbbâ-ı Hind zikr eylediler ve tecrîbe kıldılar ve bezr-i celînin şîfat-ı ma'rûfesinden biri budur ki helîlec-i esved, şeytarec her birinden on dirhem, dâr-ı fülful beş dirhem, bîş-i ebyad iki buçuk dirhem; bu mezkûrlar aḥz olunup daḳḳ olunduktan sonra sem-i baḳar ile lett olunur ve 'asel ile ma'cûn kılınır ve şerbet-i vâhidesi bir mişkâl-den iki dirheme varınca ḳadardır, tenḳiye-i bedenden sonra isti'mâl olunur; onunla bir mişli miḳdârı devâ-i misk aḥz olunur ise bezr-i celînin ḡâilesinden emân ḥâşıl olur ve devâ-i misk bezr-i celînin fâd-zehri olur.

Bezr-i Celî ile Müsemma Civânderân Ma'cûnunun Şîfatı Budur: O devâ cüzâm ve barâş ve behaḳ ve ḳübâ ve mâ-ı aşfer ve ḥikke ve cereb-i 'atîḳ bi'l-cümle emrâd-ı mezkûreye nâfi'dir ve 'aḳlı işbât ve nisyânı izhâb eder ve ḥıfza ceyyid ve ḡaşye nâfi' olur ve o devâyı 'ulemâ-ı Hind mülûkleri için ittiḥâz eylediler, onun aḥlâtı budur: Helîlec, belîlec, emlec, şeytarec-i Hindî her birinden on dörder dirhem, cevz-i bevvâ, ḥîr-i bevvâ, ḳuşûr-ı kündür, mû, fû, fülful, dâr-ı fülful, fülfulmûye, nâr-ı ḳayşar, nâr-ı müşk, kündüş 'uşâre-i işḳîl, sâzec-i Hindî her birinden sekizer mişkâl, bîş-i azrak-ı ceyyid dört mişkâl; edviye-i mezkûre daḳḳ olunup elekten geçirilir ve bîş başka başta saḥḳ olunur ve daḳḳ eden kendi enfîni ve femîni ve munḥurlarını sedd eder ve ḳable's-saḥḳ munḥurlarını semn-i baḳar ile tedhîn dahi eder ve ba'dehu o meshûḳu edviye-i sâire üzere neşr eder.

Ve fânîz-i ḥazâinî-i ceyyidden veyâḥûd fânîz-i Sicziden menn-i Bağdâdî ile iki buçuk menn aḥz olunup radḍ olunur ve ḳıdr-ı ḥadîd içre fânîz ilkâ olunup ve üzerine fânîz izâbe edecek miḳdâr su şabb olunur ve ḳaçan fânîz nâr üzere izâbe olunsa ḳıdr nârdan inzâl olunur, üzerine zikri mürûr eden edviyeyi sen ekip 'acn-i ceyyid ile onu ma'cûn eyle ve ondan her bunduḳa birer mişkâl olmak üzere benâdîḳ ittiḥâz edip küllü yevmin ondan 'ale'r-rîḳ mâ-ı fâtîr ile veyâḥûd nebîz ile birer bunduḳa saḳy eyle.

Ma'cûnu's-Sülâḥa: Bu ma'cûn ma'cûn-ı kebîr ü Hindîdir ve bezr-i celî tarîkindedir. Bu dahi tenâşûr-i eşfâr ve beyâdu's-şar ve bühr ve ḥafaḳân ve fûtûr-ı şehvet ve ishâl-i zerî ve istiskâ ve yereḳân ve ḳillet-i zer ve bäsûr ve şüyühûn şebâbına ve bi'l-cümle bu mezkûrlara nefî olur ve ḥikkeye ve ḳurûḥa dahi nâfi'dir. Ammâ sülâḥânın mâhiyyeti budur ki fi'l-aşl sülâḥa

bir nev' şahırn ismidir, tûyûs-ı cebeliyye eyyâm-ı heyecânında o şahra te-bevvül ederler ve onların bevlile o şahır esved olur ve ke-enne kâr-ı desim ü rakîk gibi olur ve maḥallinin ismi ile o şey'-i esvede sülâḥa derler. Ve o sülâḥa ma'cûnunun terkîbi budur: Münakkât ve maḡsûle olan sülâḥadan iki yüz altmış mişkâl aḡz olunur ve kezâlik ihlîlec, belîlec, emlec, fûlfül, dâr-ı fûlfül, dehmet, hîr-ı bevva, kûrfe, besbâse, 'ûd ve bâle, deşkāre, ṭabâşîr ekitmekt, turunc, nâr-ı kayşar, mārķîş her birinden dörder mişkâl, muḡl iki yüz altmış mişkâl, sükker-i ṭaberzed yüz otuz dört mişkâl, zeheb-i aḡmer, fıḡḡa-i şāfiye, nuḡâs-ı aḡmer, ḡadîd, ānûk, fûlāz her birinden sekizer mişkâl; bu mezkûrlar aḡz olunurlar ve cevāhirler iḡrāk olunur ve onların ḡurākaları edviye-i sāire ile daḡḡ olunup elekten geçirilir ve semn ve 'asel ile cemī'an cem' olunup bir püstûka-i ḡaḡrā içinde ḡıfz olunur; şerbet-i vāḡidesi bir mişkâl olur leben-i ma'z veyāḡûd mā-ı fātîr ile isti'māl olunur ve ona menzû'î'r-rıḡve 'aselden altmış yedi mişkâl ve semnden otuz dört mişkâl ziyāde kılınır. Ve eger ṭabḡ eder isen ḡayrlı olur, zîrā ṭabḡla ona nemā gelip yirmi bir günde idrāk eder.

İḡrāk-ı Fûlāz Şıfatıdır: ḡadîd ḡarb olunmakla şafāyîḡ kılınır ve ba'dehu helîlec, belîlec, emlec ṭabḡ olunup māı taşfiye olunur ve o mā-ı muşaffā nuḡâs kıdr içine konulup taḡtında nâr-ı ceyyide [504a] îkād olunur ve fûlāz teşḡîn olunur kızarınca ḡadar ve kaçan teşḡîn olunmakla fûlāza iḡmirār ḡâşıl oldukta o fûlāz zîkr olunan māya ḡams olunup ba'dehu yine fûlāz teşḡîn ve kızarınca ḡadar taḡmiye olunur ve kaçan muḡmerre olsa yine zîkr olunan suya ḡams olunur, bu minvāl üzere taḡmîr ve taḡmîs yirmi bir kerre tekrār ve i'āde olunur ve ba'dehu o su taşfiye olunup ḡamsât-ı mezkûrelerde suya rûsûb eden şüfl aḡz olunur ve kıdrı yine nâr üzere i'āde olunup içine bevl-i baḡar konulup ve şaḡāyif kılınan ḡadîd-i mezkûr kızdırılıp o bevl-i baḡara yirmi bir deḡa ḡams olunur, minvāl-i müteḡaddim üzere onun rûsûbu dahi aḡz olunur ḡattā fûlāzın rûsûbu sekiz mişkâl ve ḡadîdin rûsûbu sekiz mişkâl olunca ḡadar rûsûblar aḡz olunur. Ve kezâlik nuḡâsın dahi şüflü ḡadîd şüflü gibi sekiz mişkâle bâliḡ olunca ḡadar aḡz olunur. Ammā fıḡḡa mibred ile ibrād olunup tûrāb gibi kılınır ba'dehu ḡadîdden miḡrefe içinde mā-ı milḡ ile ceyyiden iḡrāk olunca ḡadar iḡrāk olunur; eger iḡrākı ḡabûl eylemezse miḡrefenin içine kibrît-i aşferden şey'-i ḡalîl kılınır ḡattā

fıddâ muhterik olunca kadar ve muhterik oldukta ondan dahi sekiz mişkâl aḥz olunur ve cem'an o me'hûz sekizer mişkâl hırâkalardan her biri medkûk ve menhûl aḥz olunur. Ammâ zehebin ihrâkı bu vech üzere olur ki o zeheb mibred ile ibrâd olunup türâb gibi kılınır ve bürâde-i zehebe bir mişkâl ânûk ya'nî üsrüb bürâdesi katılıp ikisi ma'an tezvîb olunur ve bir sâ'at miqdârı terk olunur yine onlar ibrâd olunur ve üzerine bir mişkâl ânûk ziyâde kılınıp o dahi ibrâd olunur ve onlar miğrefeye ilkâ olunup üzerine mâ-ı milh şabb olunur ve o mâ zâil olup zeheb ve ânûk bâkî kalınca kadar kaynatılır ve sonra hâvende nâ'imen daḳḳ olunur ve zerîre gibi oldukta o zeheb zıkr olunan edviye-i sāireye ḥalt olunur.

Ammâ Sülâhanın Taşfiyesi Bu Vech İledir: Sülâha inâ-ı hadîd içine vaḍ olunur ve mâ-ı ḥasek bevl-i baḳar ile aḥz olunup sülâhayı setr edecek kadar sülâhanın üzerine şabb olunur ve şems-i hârrda bir sâ'at terk olunup ba'de-hu delk-i şedîd ile delk ve inâ-i hadîd içinde mâiyyetinden taşfiye olunur, üç gün kadar şemste terk olunur ve ba'de-hu yine taşfiye olunup şüfl-i ḥâsiri aḥz olunur ve yine üzerine mâu'l-ḥasek ve bevl ya'nî bevl-i baḳar şabb olunup evvelâ tedbîr olunduğu gibi tedbîr olunur ve üç def'a bu minvâl üzere işlenip ba'de-hu yirmi bir gün miqdârı şemste vaḍ olunur ḥattâ o günlerde 'asel kıvâmında taḡalluz eder ve siyâhlanıp kâr gibi olur.

Sülâha Ma'cûnunun Şuğrâsının Şıfatıdır ki Onun Menfa'ati Kübrâ Menfa'ati Üzeredir: Sülâha-i muşaffattan bir cüz', kevr dört cüz' aḥz olunup kevr daḳḳ olunur ve ona bir mişli 'asel ve bir mişli sükker ve 'aselin nısfı mişlli semn-i baḳar ḥalt olunup bir kârûre içinde ref olunur ve şerbet-i vâhidesi bir mişkâl olur, leben-i baḳar ile fâtiren sakı olunur.

Cüzâma Nâfi' Devânın Şıfatıdır: Helîlec-i esved-i münakḳâ, helîlec-i aşfer-i münakḳâ, zencebîl her birinden on birer dirhem, nânḫâh beş dirhem, hılît-i tayyib üç dirhem, zebîb-i münakḳâ nısf mekkûk, üç zevrak su ile taḃḫ olunur ḥattâ şülüşânı gidip şülüşü bâkî kalınca kadar. Ve zevrak rıtl-ı Bağdâdî ile dört rıtl sudur. Ve taḃḫ-ı mezkûrdan sonra o maṭbûḫ 'aşr ve taşfiye olunup ve muşaffa üzere 'aselden kifâyet miqdârı ilkâ olunup ondan bir rıtl miqdârı sakı olunur. Ve beden-i 'alîlden mevdi'-i cüzâm semn-i baḳar ile tedhîn olunup şemste terleyince kadar iclâs olunur. Ve eger 'alîl muṭîḳ ise yetmiş ḥuṭve ile taḡaṭṭî eyle diye emr olunur, bir kerre cenb-i eyemen

üzere ıdcâc olunur ve bir kerre dahi cânib-i eysere ve merreten baṭn üzere ve târeten uhṛâ zahr üzere ıdcâc olunur ve kaşḍ ve irâde olunduğu mikdâr ḥubz ve ʿasel ona yedi gün kadar içâm olunur ve her gün onun edviyesi tâze ve tarî ittiḥâz olunur.

Cüzâm İçin Nâfi Tılânın Şıfatı Budur: Esved-i sâlih aḥz olunup zebḥ olunur ve bir kıdr içine vaḍc olunup üzerine ḥall-i şikḳıftan sekiz ūḳıyye ve sudan bir ūḳıyye ve aşl-ı lûf ve şeytarec-i raṭb her birinden ikişer ūḳıyye işbu eşyâ esved-i sâlih-i mezkûrun üzerine şabb olunup ḥayye teherri edin-ce kadar nâr-ı leyyine üzere ṭabḥ olunur ve baʿdehu bir hırka ile taşfiye olunup sonra laḥmı ʿazmından tebriʿe ve temyîz olunur ve süflü zücâcdan bir inâ içine vaḍc olunur. Ve kaçan onunla ʿalîle muʿâlece kaşḍ eylesen başını ve kaşını tıraş ve ḥalk eyle diye ʿalîle emr edersin ve ona üç gün mikdârı o süfl ile tılâ edersin.

Şıfat-ı Tılâ-ı Âḥer: Mîvîzec, helîlec-i esved-i münakkâ, emlec her birinden birer cüzʿ aḥz olunup zeyt-i ünfâḳla kaynatılıp ondan leṭûḥ ittiḥâz olunur ve mevdiʿ ʿavsec ve cüllenâr ṭabîḥi ile gâsl olunduktan sonra onun ile telṭîḥ olunur.

Tılâ-ı Âḥer: Helîlec ve ʿafş ihrâḳ olunup ḥall ile ve o ḥurâḳa ile mevdiʿ tılâ olunur.

Ammâ onların ağdiyeleri haḍmı serîʿ, keymûsu ḥasen olan ağdiye olur, o mişlli taʿâm tuyûr-ı maʿrûfeden mütteḥâz isfîdbâce ve raṭb ve ḥafîfû'l-laḥm olan semek gibi ve o ğıdâda dahi ebârîzden lâzım olur. Ve ğıdâlarının ḥayrısı ḥubz-ı şaʿîr-i [naḳî ve ḥubz-ı] ḥanderûs ve o ḥubzlardan mütteḥâz olan aḥsâ ve buḳûl-i raṭbedir. Ve baʿdî kerre onlara sılḳ ve fücl ve kürrâs ḥalt olunmağa ḥâcet olur.

Ve onlara vâcib olur ki onlar muḳaṭṭıʿât istiʿmâlinde gâfil olmayalar ḥuşûşan ḳable't-tenḳıye istiʿmâlinde aşlâ gâfil ve zâhil olmayalar. O muḳaṭṭıʿât keber, râziyânec ve kürrâs gibilerdir, zîrâ onlar meczûmînin ğıdâlarını fuḍûlden tenḳıye eder ve fuḍûlü dahi indifâʿa müstaʿidd kılar ve kaçan sen bu ʿilletle edviye-i maḥmûde istiʿmâl eylesen onda zıkr ü beyân olunan tedbîri dahi istiʿmâl eyle.

Ve bu cüzâm bâbında semek-i mâlih tenâvülû onlara cidden nâfiʿdir. Muşannif der ki ammâ biz kaçan meczûmînin ḳaynı ve ishâline kaşḍ eyle-

sek onlara semek-i mâlih iç'âmına harîş oluruz. Ve onlara kerneb bi'l-hâşşa nâfi' olur. Ve ma'a'l-leben ve'l-âsel hubz onlara nâfi'dir ve kezâlik tîn ve 'ineb ve zebîb ve levz-i ma'klüvv ve kırtım ve habbu's-şanevber ve onlar ile ittihâz olunan e'ime o 'illete muvâfık olur. Ve onların ha'dmlarında kuvvet olanlara vâcib olur ki beher yevm iki def'a tağaddî eyleyeler, zîrâ bir def'a tağaddî ile iktifâ onlara mu'dırr olur.

Ve o 'illet aşhâbı 'illetlerinin heyecânı katında şarâb şürb eylemezler ve şürbü lâbüdd olur ise kalîlen şürb ederler. Ammâ 'illetin sükûnu katında 'atîk olmayan şarâb-ı da'ik'ten qadr-i mu'tedil şürb ederlerse onlar mu'dırr olmaz.

Ammâ meczûmların kaşlarının iş'arı su'ûtuna mu'âlece dâ-i şa'leb mu'âlecesidir ve sâir bâb-ı zînette zîkr olunan ona muvâfık mu'âlecelerdir. Ma'a-ma'âlâtihi fenn-i sâliş tamâm oldu. Ve ha'qq-ı hamd ile hamdimiz Allâhu ta'âlâya mahşûştur. [504b]

**KİTÂBU'R-RÂBİ' FÜNÛN-I SEB'ASINDAN
DÖRDÜNCÜ FENN CEBR VE KESRDEN MÂ'ADÂ
TEFERRUĞ-I İTTİŞÂLDE OLAN KELÂM-I KÜLLİDİR
O DAHİ DÖRT MAKÂLE ÜZERE MÜRETTEBEDİR**

Maķāle-i Ūlā Cirāhāt Beyānındadır

aşl-ı Evvel Teferruğ-ı İttişāl Beyānındadır

Biz kitāb-ı evvelde bu mişlî maķāmda bilinmesi vācib olan minvāl üzere teferruğ-ı ittişālın aşnāfını beyān eyledik, şimdiki hālde biz murād eyleyiz ki teferruğ-ı ittişālın 'ale'l-icmāl ahvāline beyāndan murād eylediğimiz nesnelerin emāmında işāret eyleyeyüz. Ve biz deriz ki a'ḍāda vāķi' olan teferruğ-ı ittişālın ba'ḍısında biz kaçd eyleriz ki o teferruğu mu'ālece ile hālet-i ūlāsına redd eyleyeyüz ve o kaçdımız laħmda vāķi' olan teferruķta olur ve ba'ḍı 'uḍvda olan teferruğun iki şefelerinin mümāssesini ve mu'ālece ile muḥāfazasını kaçd eyleriz her ne kadar hālet-i ūlāsına reddi mümkün olmaz ise. Ve bu nev' teferruğ-ı 'azmın teferruğ-ı ittişāli olur lākin eṭfālın ve şıbyānın 'izāmlarının teferruğ-ı ittişāllerinde hālet-i ūlāsına istirdādı recā olunur, ammā a'şāb ve 'urūķun teferruğ-ı ittişāllerinde eṭbbādan ba'ḍı kavım zāhib oldular ki onlar hālet-i ūlāsına 'avdet eylemezler belki bi-ḥasebi'l-ḥāfiz ba'ḍı kerre mümāssesi ve iltişākı bākī kalır ve iltihāmı ve ittişāli olmaz. Ve kavım-i āḥer dediler ki iltihāmı mümkün olmayan şerāyīnin tefrīkidir; 'urūķ ve a'şāb-ı sāire mülteħim olurlar. Ammā Cālīnūs onların ḥilāfına zāhib olup dedi ki şerāyīnin dahi iltihāmı ve hālet-i ūlāsına 'avdi tecārib ile ve hem kıyāsla cāizdir. Ammā müşāhede ile cāiz olduğunun beyānı budur ki Cālīnūs taht-ı bāsiliķte olan şiryānın hālet-i ūlāsına 'avdini ve kezālik şerāyīn-i şudġ ve şerāyīn-i sākın iltihāmını rü'yet eyledi, ammā kıyāsen o 'uḍvların iltihāmı mümkün olduğunun beyānı budur ki 'azm şalābetin ṭaraf-ı a'ḷāsındadır, onun iltihāmı cāiz olmaz lākin şıbyānda ve eṭfālde ḳalīlen mülteħim olur ve laħm-ı leyyinin ṭarafında olmakla mülteħim olur, ammā şerāyīn ve 'urūķ beyne'l-'izām ve'l-laħm leyyin ve şalābette mütevassıṭadır ve vācib olur ki onların ḥālî dahi mütevassıṭa ve beyne beyne olup iltihāmı ḳabūlū laħmdan eķall ve 'azmdan ekşer ve eshel olup şaķķ ve teferruğ ḳalīl

ve şağîr ve beden raṭb ve leyyin olur ise mülteham ola ve hilâf üzere olur ise mültehim olmaya. Cālînûs'un bu kelâmı ihticâcdan bir nev'îdir ki ona ḥiṭâbî derler ya'nî ḥaşmı ilzâm eylemez ve muḳteni'ine bâ'is-i ḳanâ'at olur; bu da'vâyı işbâtta ta'vîl ve itimâd tecribeye olur.

Ḥurâcâtta Kelâm-ı İcmâlidir

Aḳḁadan bir nev'î ṣudv vardır ki onda ḥurâc vâkı' olsa ḁararı ṣazîm olur ve ekşer-i emrde ḳatl eder ve nâdiren ḳatl eylemez, o ṣudv meşane ve külä ve dimâğ ve em'â-ı diḳâḳ ve kebid gibi ṣudvlardır. Ve kebid üzere ḥurûc eden ḥurâc ḥafîfe olur ise ondan selâmet mümkün olur ve ammâ ḥurâc-ı ḳalbden selâmet tevaḳḳu' olunmaz. Ve baṭnında cirâḥat olanların ekşeri tehevvu' veyâḥûd füvâḳ veyâḥûd istiṭlâḳ-ı baṭn ârıḁ oldukta helâk olurlar. Ve eger ḥurâc mevâḁi'-i müte'addidede olur ise vâcib olur ki onda veca' müştedd ola ve kezâlik ṣadalin rü'ûsunda veyâḥûd evâḥirinde verem olur ise onda dahi veca' müştedd olur ḥuşûşan ṣudv ṣaşabânî ola. Ve kaçan veca' şedîd olup zıkr olan âfetlerin biri olmasa o veca' delâlet eder ki onun bâṭnında âfet vardır ve mevâdd mevḁi'-i âfete şâire olmuştur ve cirâḥat-ı zâhire icâb eder faḁl bâḳî kalmamıştır. Ve vâcib olur ki bizim bâb-ı ḳurûḥ beyânında zıkr edip ve ḳurûḥ ile cirâḥat arasında müşterek olan aḥḳâmı bizim zıkr eylediğimiz vech üzere te'emmul eylediler ve mâ-hüve'l-evfaḳa zafer bulalar.

Cirâḥât 'İlâcında Kelâm-ı Küllîdir

Cirâḥât-i laḥmiyye şaḳḳı ḥâlî olmaz ki yâ şaḳḳ-ı basîṭ-i müstakîm olur veyâḥûd şaḳḳ-ı müdevver veyâḥûd zât-ı adlâ' veyâḥûd noḳşân-ı laḥm ile şaḳḳ olur. Ve baḁdı kerre cirâḥat-ı gâire nâfiz olur ve baḁdı kerre mekşûf olur. Ve bu aşnâf-ı cirâḥatin her birisi için tedbîr vardır, dem-i sâil tedbîrinde cümlesi müsterektir ve biz o tedbîr için bir bâb kıldık.

Ve baḁdı kerre cirâḥâten seyelân eden ḳadr-i mu'tedil dem, cirâḥate nâfi' ve verem ve büşür ve ḥummâ ḥudûşunu mâni' ve dâfi' olur, zîrâ cirâḥât 'ilâcında 'inâyet olunan nesnelerin efḁali teverrümü men'e olan 'inâyet olur, zîrâ cirâḥatte kaçan verem olmasa onun 'ilâcı mümkün olur ve cirâḥatte verem ve raḁḁ ve feshṭen biri olsa ve fûrcelerinde dem müctemi' olup tever-

rûm ve tekayyuhu kaşd eylese onun mu'alecesi mümkün olmaz mādām ki o veremin mādresi tedbîr olunmadıkça. Ammā raḡḡ olunan mevḍî'de dem muhtekîn ise onu taḥlîlde 'acele olunmak gerektir o mevḍî'de muhtekîn olan dem miḡdār-ı mu'teber ise ve temḍîdi dahi var ise ve o demi taḥlîl kayḡa ihāle ile olur ve demi kayḡa ihāle bundan aḡdem ma'lûm olan ḡarr-ı leyyin ile olur ve cürḡe tedbîr demi ba'de'l-ihrāc olmak lâzım olduğundan demin seyelanında kuşûr olsa onu isāleye i'ānet olunur.

Ve zikri sâbık cürḡün aḡsāmından kısım-ı evvelde ya'nî cürḡün şakḡı basîṭ ve müstakîn olup ondan bir nesne sâḡıṭ olmayanlarda onu şedd ve rabṭ eylemek ve ondan dühniyyeti ve mâiyyeti men' ve kezālik beyne's-şefeteyn şa'r mişli ve ḡayr bir nesnenin duḡûlünü ve taḡallülünü men' ona tedbîr-i kâfî olur eger sen mizāc-ı 'uḡvu muḡāfaẓa edersen ve 'uḡv-ı mecrûḡa dem-i tabî'iden ḡayri bir mādde münceẓib olmamasına sa'y ve ictihād edersen.

Ammā cürḡ 'azîm olup eṭrāfı ve şefeleri birbiriyle telākî eylemezse şakḡın müstedîr ve mütebā'id olduğundan için veyāḡûd şekli muhtelif veyāḡûd o cürḡten miḡdār-ı kalîl ve ḡayr-i keşîr laḡmın suḡûṭ ve zāhib olduğundan için, pes o mişli cürḡün 'ilācı ḡıyāṭa ve ictimā'-ı ruṭûbete mānî müceffifāt-ı rādi'ayı o cürḡün içine idḡāl ve isti'mālî ve zikri ātiye mülşıkāt isti'mālî ile olur. Ve eger cürḡ ḡāir ise onu dahi ke'l-evvel şedd ekşer-i ḡâlde ilşāḡ ve ilḡām eder, o ḡāir cürḡü keşfe ḡācet olmaz ve ba'dı kerre mümkün ise keşfe ḡācet olur eger ribāṭ-ı vāşıḡa ile o cürḡ şedd olunup nāci' ve nāfi' olmadıysa ve onu biz zamān-ı ātîde beyān eyleriz ve ḡuşûşan o cürḡ-i ḡāirin ḡavrını ceyyiden şedd mümkün olmazsa, zîrā o şûrette mevādd ḡavra munşabbe olur ḡa'f ḡasebiyle ve veca' ve sâir bizim bâbu'l-kurûḡta zikr edeceğimiz nesneler ḡasebiyle. Kaçan keşfe ḡācet olsa lâzım olur ki ruṭûbete cürḡü neşf için fûvvehesine ḡutne veyāḡûd ḡutne mecrāsına cārî olan şey'-i nāşif vaḡ' oluna ḡuşûşan ḡarîben bizim zikr eylediğimiz üzere aşl-ı cürḡe şeddi îḡā' mümkün olmaya veyāḡûd o cürḡün nuşbesi bir nev' nuşbe ola ki ondan mevādd-ı rediyye munşabbe olmak mümkün olmaya veyāḡûd o cürḡte 'azm ola veyāḡûd ḡazîne bağlayıp nāşûr olmuş ola veyāḡûd onda cidden rediyye olan ruṭûbet ola, bu sûretlerde cirāḡat kendi ḡükmünden ḡurûc edip ḡurûḡ ḡükmüne girmekle keşf olunmaḡa ḡācet olur.

Ve şedd-i cürh'te mahāreti olan ʿākim¹³³ ve ʿālim dedi ki cürh'te iki şefe-
rini cāmīʿ olan rabṭa o zamān hācet olur ki o şedd ile ilzāk ve ilṣāk ve ilhām
kaşd olursa, ammā o cürh'te inbāt-ı lahma hācet olup mücerred ilzāk kaşd
olunmasa onda vech-i meşrūh üzere şedd ve rabṭa hācet olmaz belki [505a]
inbāt-ı lahma hāceti olan cürh bir kerre onda olan veḍarī şabb için şedd-i ri-
bāta muhtāc olur ve bir kerre dahi üzerine vaḍʿ olunan devāyı imsāk edecek
mikdārı ribāta hācet olur.

Ve yine o ʿālim-i ʿākim dedi ki gerektir ki taḥarrī olunup o cürh'te dāimā
vedarın bi-ṭabʿihi seyelān edecek bir mevḍīʿden bir fūvvehe feth oluna o
mişlli maḥallden cürh baṭṭ olunmakla veyāhūd o cürhün şeklini taḡyīr edip
şekl-i āḥer-i mezkūrda kılmakla olur. Ve ben çok cürhü sağalttım ve ibrāʾ
eyledim ki onun ḡavrı rükbede ve aḡzı faḥizde idi ve onda ben ṭaraf-ı es-
felden rükbe katında baṭṭ ile fūvvehe-i uḡrā keşf eylemedim ve belki faḥizi
bir nuşbe üzere kıldım ki rükbede olan ḡavr fevkte ve faḥizde olan fūvvehe
taḥtta vāḳīʿ olup veḍar bi-ṭabʿihi seyelān eyledi, cihet-i rükbede esfelden
fūvvehe-i uḡrā feth ve keşfine hācet kalmadı ve kezālik cürh keffte ve fem-i
sāʿidde olanların cirāḥatini dahi sağalattım sāʿidini ve keffini taʿlīk edip
dāimā fūvvehe esfelde ve cürh ʿulüvvde olmaḡı iktidā eden nuşbe üzere
kılmakla. Ve bu zıkr eylediğimiz o ʿālimin ḡavlidir.

Ve ben derim ki baʿḍı kerre cirāḥat bir mevḳīʿde vāḳīʿ olur ki onda olan
cirāḥat-i ʿuḍvun bi't-tamām ḡaṭʿını sana icāb eder, ammā zıkr olan aḡsām-ı
cirāḥatten lahm-ı keşir munkaṭʿ ve zāil olan cirāḥat tedbīrinde münbitāt-ı
lahm istiʿmāline hācet olur ve zıkrı müteḡaddim olan müceffif ve māniʿ-i
inşibāb nesne istiʿmāli ona kifāyet eylemez ve belki o mişlli cürhe mücef-
fif ve māniʿ olan nesneler muḍırr olur, zīrā redʿi ḡasebiyle münbit-i lahm
olan dem-i şāliḡi dahi inşibābdan menʿ eder. Ve baʿḍı kerre cürhün ʿizāmı
ḡasebiyle ḡavrı noḡşān üzere kalır, tamāmen dolmaz ve baʿḍı kerre dahi
vācibden ziyāde lahm nābit olur.

Ve vācib olur ki cirāḥatında inbāt-ı lahm murād olunan mecrūḡun ḡidāsı
maḡmūd ve ceyyidü'l-keymūs nesneler kılına. Ve baʿḍı münbit olan devā
vardır ki o devā lahmı inbāt eder ve cild bi-küllüyyetihi munkaṭʿ omakla
onu inbāt eylemez belki cild mevḳīʿinde lahm-ı şulb inbāt edip üzerinde

133 عَکَمَ الْمَتَاعَ يَغْكُمُهُ شُدُّ بَنَوْبٍ *Kāmūs*.

şar inbât olunmaz, ammâ ʿurûk baʿdî kerre onun şuʿabı tevellüd eder ve lahmın nebâtı gibi nâbite olur.

Ve bir nevʿ cirāhat vardır ki ḥaṭar-nāk ve meḥūftur, o cirāhat aʿşabda ve eṭrāf-ı ʿadalde vāqıʿ olan cirāhat gibilerdir ve biz aḥvāl-i ʿaşab zıkr eylediğimiz bābda o cirāhatın ḥaṭarını beyān eyleriz. Ve çok vāqıʿ olur ki o cirāhate aʿrād-ı münkere-i rediyye tâbiʿa olur, meşelâ ṭaraf-ı ʿadalde vāqıʿ olan cirāhate tağayyür-i levn ve suḳût-ı nabḍ tâbiʿ olduğu gibi. O cirāhat şāhibinin evvelā nabḍı şağır ve mütevâtir olup baʿdehu nabḍı sākıt olur ve gāşye ve suḳût-ı kuvvete dahi müʿeddî olur ve baʿdî kerre ʿaşab ve eṭrāf-ı ʿadal cirāhatına teşennüç tâbiʿ olur ve zıkr olan cirāhat gibi rükbenin kud-dāmında raşfe¹³⁴ katında vāqıʿ olan cirāhate dahi aʿrād-ı münkere-i rediyye tâbiʿ olur ve ondan taḥalluş ḳalîlü'l-vuḳûʿ ve ḳâtildir.

Ve cirāhat-i ʿadal ile kaçan teşennüç ʿarîḍ olup o teşennüç o sebebdan ʿarîḍ olan ihtilâṭ-ı ʿaḳl ḳaṭʿdan ğayri bir şey ile ḳâbil-i ʿilâc olmasa onun ʿilâc-ı ʿadaleyi ʿaraḍından ḳaṭʿ edip onun fiʿlinin buṭlânına rıḍâdır velâkin o vech üzere ʿadaleyi ḳaṭʿ ḳaṣd oldukta vâcib olur ki onu ḳaṭʿda ʿacele olunmaya, teşennüce ʿilâc mümkün olduğca o ʿilâc oluna. Ve cirāhat-i rükbe mişlliler baʿdî kerre şakḳ-ı şalîbî ile şakḳa ve idāḥa muḥtâc olur. Ve onun evrāmında ve ḳurûḥ ve cirāhatinde faşda ve ishâle ve menʿ-ı iltihâma dahi ḥâcet olur ve onun iltihâmı tenḳiye-i mübâlağa ile ḥâşıl olduktan sonra kılınır.

Münbit ve Mülḥim ve Ḥâtım ve Ekkāl Olan Edviyeler Beyânındadır

Laḥmı münbit olan o devâdır ki dem-i şāliḥi ʿaḳd edip laḥm kıla. Ve hangi devâda tecfîf-i şedîd var ise dem-i vâridi menʿ ve redʿ eder ve mād-de-i laḥm olmaz. Ve devâda cilâ-i şedîd kuvvesi olsa demi izâle edip akıtip laḥmı münbit olan mādde meḳkûde olur ve ona binâen vâcib olur ki münbit-tü'l-laḥm olan devânın tecfîfi ilâ-ḥaddın olup o devâ keşîrî't-tecfîf olmaya ve cilâsı dahi cidden şedîd olmayıp ḳalîlü'l-cilâ ola ve o ḳadre bâliğ ola ki onun ile min-ğayri lezʿin ve vedârı cālî ola. Ve kezâlik edviye-i mülḥimede muʿteddün bih olacak miḳdâr ḳabḍa ḥâcet olmaz ve belki onun ḥarâret ve bürûdeti cirāhat ve ḳurḥa mizâcî ḥasebiyle olmak gerektir. Eger onların

134 رَصف [raşf] İki nesneyi birbirine ḍamm etmeğe dahi derler. Vankulu. [Tercüme-de beklenen kelime diz kapağı anlamında “radfe” idi.]

mizâcî mizâc-ı laḥmdan zâil oldu ise zevâli kadar dıdd üzere olan edviye onda inbât-ı laḥm eder; eger mizâc-ı evvel zâil değil ise müşâkil devâ ile inbât-ı laḥm olunur, meşelâ cidden ḥârr olan mizâcda laḥm cidden ḥârr olan edviye ile inbât olunur ve cidden bâridü'l-mizâc olan bedende cidden bârid olan edviye ile inbât olunur. Ve münbitâtta devânın mevdi'inde olan te'sîri-ne dahi ri'âyet olunur, eger o münbit devâ mevdi'in cidden isâ'et-i mizâcına mü'eddî olur ise onun muşlıḥı münbit devânın aḥlâtına idḥâl olunur.

Ammâ edviye-i mülḥime o edviyedir ki onun fi'li iki cürḥün mütebâ'id şefelerini cem' eder ve onun ancak satḥında taşarruf eder ve iki şefeleri bâtınında mülḥim edviye taşarruf eylemez belki onların kaynayıp ke'l-evvel ittışâli o luḥûmun cevherinde olan nedâvet ile olur. Ve eger cirâḥatte dem-i ḥâdır var ise o edviye dem-i ḥâdırı tecfif-i serî ile tecfif edip ḳable en-yetekayyah serî'an cürḥün iltışâḳına kifâyet eder eger o edviyede kuvvet-i tecfif ziyâde ve ekşer ise. Ve vâcib olur ki o müceffif-i ḳavî devâda cilâ kuvvesi olmaya, zîrâ cilâda o edviyeden maṭlûb olan ğaraḍın ḥilâfı vardır. O edviyeden maḳşûd olan ğaraḍ dem-i ḥâşılı ğirâ ve lûşûḳ kılmaktır ve cilâ ile dem 'uḍvdan ba'îd olup kendiden ğireviyyet ümîd olunur mādde 'uḍvda bâḳıye kalmaz. Ve edviye-i mülḥimede tecfiften noḳşân olmaĝa ḥâcet olmaz; edviye-i münbitenin noḳşân-ı tecfife ihtiyâcî gibi değildir. Ve beynehümâda fark budur ki edviye-i münbite fi'li icrâda 'uḍva mādde seyelânına muḥtâc olur ḥattâ edviye ile o dem mün'aḳid olup laḥm ola ve tecfif-i seyelâna mâni' olmakla fi'line muḍırr olur; ammâ edviye-i mülḥimede seyelân-ı deme ḥâcet olmaz ve tecfifin red'i ona muḍırr olmaz belki mülḥimeye nâfi' olan tecfif-i aḳvâsı ve ḳabḍ-ı yesîri olan devâlardır.

Ve müdemmil ve ḥâtım olan edviyenin ḳabḍa ihtiyâcî münbit ve mülḥim olan edviyenin ḳabḍa ihtiyâcından ekşer ve ezyed olur, zîrâ müdemmil ve ḥâtım devâlar bi't-tab' şedîdü'l-cefâf olan cildi tecfife muḥtâc olur. Ve kezâlik müdemmil ve ḥâtimde ruṭûbet-i ğarîbeyi ve ruṭûbet-i aşliyyeyi tecfif-i şedîd ile tecfife ḥâcet olur. Ammâ münbit ve mülḥim edviyede ruṭûbet-i ğarîbeyi tecfif ekşere ve ruṭûbet-i aşliyyeyi bi-ḳadr-i mâ yuĝrî ve yuĝallız tecfif edip cevherinden bir nesne noḳşân olmamakla ḥâcet olur.

Ammâ o edviye-i ekkâle ki laḥmı noḳşân üzere kıla, onda vâcib olur ki onun devâsında olan cilâ cidden şedîd ola.

Ve kaçan cirāhat baṭṭ olunsa onun ʿilācında şavāb olan budur ki cirāhat-i ʿalīle su takrīb olunmaya; eger suyu istiʿmāl lābüdd ve lāzım olup ve ʿalīl terk-i istiḥmāma şabr ve taḥammül eylemezse o zamān lāyık olur ki o cirāhatin üzerine merāhim ve kezālik dühn ile [505b] meblûle olan hırkalar vaḍ olunup bir hāl üzere baṭṭ oluna ki cirāhate suyun vuşûlünü o şedd māniʿ ola veyāḥūd mānın cirāhate vuşûlüne māniʿ ḥile-i uḥrā ile ihtiyāl olunup ḥammāmda baʿdehu idḥāl oluna.

Ve Keşfe İhtiyāc Katında Cürhü ve Nezāirini Baṭṭ Ne Vech Üzere Olduğunu Bildirir

Cālînūs dedi ki vācib olur ki cürḥ o mevḍiʿden baṭṭ oluna ki onda nütûʿ ve rikḫat ziyāde ola ve baṭṭı tevcīh o nāhiyeye ola ki ondan kayḥın seyelānı mümkin ola ve esürre ve ḡudūna¹³⁵ zikri mürûr eylediği üzere ḥīn-i baṭṭa mürāʿāt oluna lākin ḥurācāt ve dübeylāt bâblarında istiḡnā olunan mevāḍiʿ baṭṭ olundukta esürre-i ḡudūna mürāʿāt olunmaz.

Ammā ürbiyye ve ibṭ üzere olan cürḥün baṭṭı cildin ṭabʿında kılınıp edviye-i müfrede cedāvilinde irād olunan min-ḡayri lezʿin müceffifāt-ı cürḥün üzerine vaḍ olunur; bu bâbda diḡāk-ı kündür kündürden evlā ve enfaʿ olur, zīrā diḡākın ḡabḍı eşeddir.

Zātü'l-Evcāʿ ve'l-Evrām Olan Cirāḥātın Tedbīrleri Beyānındadır

O mişlli cirāḥāt rıfḡa muḥtācdır ve iʿtikād olunmak gerektir ki mādām ki verem sākin olmaya cirāḥāt elbette mündemile olmaz. Ve indimāl o edviye ile olur ki onda fī evveli'l-emr tebrīd olup şāniyede irḡāsı ola. Ve evrāmda istiʿmāl olunan ʿilāc cemīʿan cirāḥatte dahi istiʿmāl olunur, ammā cirāḥate ḡaşş olup menfaʿati küllü ʿuḍvin mine'l-ḡarn ile'l-ḡadem ʿāmm olan tedbīr ve ʿilāc budur ki bir ʿaded rummāne-i ḡulve şarāb-ı ʿafīş ile ṭabḡ olunup mevḍiʿ onunla ḡimād olunur.

Ve vācib olur ki veremin ḡālī neye şāir ve āil olacağında teʿemmül oluna. Ve eger sen cürḡte merhem-i esved istiʿmāl eylesen ve rüʿyet eylesen ki

135 “Ḡudun” ḡayn ve ḡād-ı muʿceme ile derinin ve dirʿin büküm yerine derler; cemʿi “ḡudūn” gelir. Ve “esurre” “serer”in cemʿidir. “Serer” el ayasında ve alında olan ḡaṭṭlardır.

onun humreti tezâyüd eder veyâhüd teneffü eder, o zamân müberridâta ve merhem-i ebyađa sen meyl edersin. Ve ammâ evvelâ merhem-i ebyađ isti'mâl edip ba'dehu rü'yet eylesen ki o 'udv terehhül veyâhüd taşallüb ihdâs eder, o merhem-i ebyađ isti'mâli terk olunup merhem-i esved veyâhüd gayr merâhim isti'mâl olunur.

Ahşâda Olan Cirâhatlere Bâtından ve Zâhirden Mu'âlece Beyânındadır

Kaçan tevehhüm olunsa ki bâtında olan bir 'udv şakķ ve şad' olunmuştur, ona o nesne ile mu'âlece olunmak gerektir ki ondan ğarađ ilhâm ola ve bâtında dem cümüd edecek kadar terk olunmaya ve ondan nezf-i dem men' oluna. İki evvelki ğarađlarını ya'nî ilhâmı taḥşîl ve cümüd-ı demi men' belâbis¹³⁶ ḥalde taḥḥ olunup veyâhüd kaṇṭuriyün-ı kebîr bir dirhem miḳdârı saḳy olunmakla ḥâşıl olur. Ve ṭîn-i maḥtûm için o menfa'atte ğinâ-ı 'azîm vardır.

Ammâ men'-i nezf için saḳy olunacak nesne bezr-i bencdir, ondan bir buçuk dâniḳ mâ-ı 'asel ile saḳy olunur ve kezâlik demi nezf ve nefṣ için zıkr olunan sâir edviye dahi saḳy olunur.

Ammâ cürḥ ve şakķtan zâhirde olanların 'ilâcında o 'âlim dedi ki eger merâḳķ-ı baṭn münḥariḳ olup ba'd-ı em'â ḥurûc eylese bilinmek vâcibdir ki o ḥâric olan mi'â ne keyfiyyette ḍamm olup dâḥil-i merâḳķa idḥâl olunur ve kezâlik şerbden bir şey' ḥurûc eylese bilinmek gerektir ki o şakķ ribâṭ-ı veşîḳ ile rabṭa muḥtâc olur mu veyâhüd olmaz mı ve onun cirâhati ḥıyâṭa olunmağa muḥtâc mıdır ve onu ḥıyâṭanın keyfiyyet-i sebîli ve ṭarîķi nedir cemî'an bu mezkûrlar ma'lûm olmak gerektir. Ve Câlînüs merâḳķın teşrîhini zıkr eyledi ve biz dahi bâbu't-teşrîḥte zıkr eyledik. Ve kezâlik o 'âlim dedi ki ḥaşrda olan inḥirâḳ ḥaṭarı mevđi'-i bührede olan inḥirâḳ ḥaṭarından eḳall olur. "Bühre" vasaṭ-ı bedene derler ve iki taraftan bühreye dört parmak ḳarîb olan mevđi'ce "ḥaşr" derler.

Ve o 'âlim dedi ki ḥaşrın inḥirâḳı ḥaṭarı ḳalîl ve behre inḥirâḳı ondan ḥatarlı olduđu onun içindir ki şakķ kaçan bührede olsa o şakķtan mi'â miḳ-

136 "Belâbis" "bülbüs"ün cem'idir, yaban soğanı ma'nâsınadır.

dâr-ı keşir hürûc eder ve keşret miqdârı olan mi'âyı şakktan bâtına idhâl a' ser olur. Ve onun tavdîh ve tebyîni budur ki em'âyı muhâfaza ve dâbt eden o iki 'ađaledir ki onlar tûl-i bedende şadrdan 'âneve varınca kadar münhadir olurlar ve binâen 'aleyh her kaçan o iki 'ađaleden biri münharika olsa elbet te ba'cı em'â hürûc edip o harktan nütû' eder, pes hâşirenin 'adal-i mezkûru em'âyı dâbt etmekle hâşirede olan harktan em'anın hürûcu kalilü'l-mikdâr olur. Ammâ vasatta bühre mevdi'inde em'âyı dâbt edecek mikdâr kuvvet şâhibi 'adal yoktur ve li-hâzâ hürûc eden mi'anın mikdârı çoktur ve eger bühre mevdi'inde olan cirâhat 'azîme olmağa teheyîyü' eylese em'adan birkaçı mi'â hürûc ederler ve lâ-mahâle em'â-ı müte'addideyi idhâl 'usretli olur. Ammâ cirâhât-i şığârdan hürûc eden mi'âyı idhâle mübâderet olunmasa onda rîh tevelüd eder, müntefih ve ğalîz olup bir dahi o harktan duhûl eylemez, o sebeblerden merâkkta vâki' olan cirâhât-i hârîkâdan şığarda ve 'ızamda mu'teddün leh olanlar eslem olur.

Ve yine o 'âlim dedi ki bu cirâhatler tedbîrde eşyâ-i müte'addideye muhtâc olur: Evvelkisi bâriz olan mi'âyı kendiye maşşûş olan mevdi'-i aşlisine istirdâddır. İkincisi o mevdi'-i inhîrâkı hıyâttattır. Üçüncüsü üzerine devâ-i muvâfîk vad'ıdır. Dördüncüsü ictihâd edip o cirâhat ve inhîrâk hasebiyle a'đâ-i şerîfeden bir 'udva haţar getirmemektir, meşelâ tenzîl ve farđ olursa ki vâki' olan hark ve cirâhat şaĝîr olup ondan hürûc eden mi'â-i bâriz maħalline redd olunmak mümkün olamaz, onu dâhile idhâl için mi'â-i hâricde tekevvin eden rîh taħlîl olunur veyâhûd hark-ı şaĝîr-i mezkûr tevsîr olunur. Ve eger sen rîh-i mi'âyı taħlîle kâdir isen onu taħlîl evlâ ve harkı tevsîr'den ecved olur. Ve mi'anın intifâhına sebep havânın bürüdeti olur ve onu taħlîlde lâzım olur ki isfence mâ-ı hârre ğams olunup o mi'â-i hâricin üzerine 'aşr oluna ve o isfence ile kimâd oluna. Ve şarâb-ı kâbîd işhân olunup mâ-ı hâr ile 'amel olunduğu gibi onunla dahi 'amel olursa bu mevdi'-de nâfi' olur, zîrâ mâ-ı hârrın teşhîninden ezyed kâbîd şarâbda teşhîn olduğundan mâ-'adâ em'âyı takviye eder. Ve bu 'ilâc rîh-i em'âyı taħlîl eylemez ise o zamân tevsîr-i cirâhat isti'mâl olunur ve onu tevsîr'de isti'mâl olunan âlâtın evfakı mibatt-ı nevâşîr denmekle ma'rûf olan âlettir. Ammâ battın o sikkînleri ki iki vechi dahi hâdde ve re'si dahi muħadded olur, ondan hâzer olunmak lâyıktır.

Ve o marîdin nuşbesi ve şeklinin aşlahı odur ki cirâhatin teveccühü süfl nâhiyesine ise şekl ve nuşbesi fevke müttecih kılınır ve eger cirâhatin teveccühü ve itticâhı fevķ cānibine ise esfele müttecih ve müteveccih olan şekl ve nuşbe ona evfaķ olur ve ‘ale’t-taķdîreyn gerektir ki senin ķaşd ve ğarađın mi‘ā-i ħāric üzere sâir em‘ānın ‘adem-i vuķū‘u ola, zîrā onların vuķū‘u mi‘ā-i bârizeyi şaķıl eder. Ve kaçan sen o ğarađı iltizām eylesen sana lâyıķ olur ki eger marîdin cirâhati sağ cānibinde ise ‘alîli sol cānibine imāle eylesesin ve eger cirâhat sol cānibde ise ‘alîli sağ cānibe imāle eylesesin ve senin dāimā ķaşdın cirâhat olan nâhiyeyi muķābili olan nâhiyenin fevķinde olmaĝa ola ve cemī‘-i cirâhatte bu ķaşd üzere olmak sana gerektir.

Ammā em‘āyı dāhile reddinden sonra bātında [506a] olan mevđi‘-i ħāşşında muĥāfazanın tārîķi budur cirâhat ‘azīme ise ona bir cezl ve cerī ħādim lâzımdır ki o ħādim mevđi‘-i cirâhati iki yedleriyle ħāricden aĥz ve đamm ve cem‘ eyleye ve me‘ĥūzundan ķalilen ķalilen o cirâhati ĥıyāta eden kimseye şey‘en ba‘de şey‘in o cirâhati ibrāz ve keşf eyleye ve o ĥıyātın ķalilen ķalilen ĥıyāta eylediĝi mevāđi‘i o ħādim ķaşd ve ‘amd edip rıķ üzere đamm ve cem‘ eyleye ve o vaşf üzere cirâhatin küllîsi ĥıyāta oluna.

Ve ben sana baťn ĥıyātalarından ecvedî beyān eyleyip derim ki eger ĥıyātadan ğarađ-ı maťlûb şıfākla merākķ beynini vaşl ise lâyıķ olur ki onu ĥıyātatta bed‘ olunup ibre cilde ħāricinden dāhiline idĥāl olunur. Ve ibre cildeye ve tûl-i baťnda ‘alā-istiķāmetin zāhibe olan ‘ādalenin küllîsine nüfûz eylese şıfākın o cānibi terk olunup ona o cānibde ibre ondan ziyāde tenfîz olunmaz belki ibre şıfākta olan cānib-i āherin dāhilinden ħāricine tenfîz olunur. Kaçan bu vech üzere ibreyi tenfîz eylesen yine o cānibde olan ĥāffe-i merākķın ħāricinden dāhiline ibreyi tenfîz edip o cānibde olan şıfāk ĥāffesine ibreyi tenfîz eyleme belki o cānibin ĥāffe-i merākķı dāhilinden ħāricine tenfîz ile şıfākın ĥāffe-i ūlāsında olduĝu gibi. Ve kaçan bu vech üzere ibre tenfîz olunsu yine o cānibin merākķı ħāricinden ibre tenfîz olunup kemā-bed‘ evvelā ibre cildeye ve ‘ādale-i mezkûreye ħāricden idĥāl olunup o cānibde olan ĥāffe-i şıfāķa idĥāl olunmaz belki cānib-i āherde olan ĥāffe-i şıfākın dāhilinden ibre tenfîz olunup o cānibde olan merākķa dahi ma‘an bi-tamāmihi tenfîz olunur ve yine o cānibin ħāricinden minvāl-i sâbık üzere ĥıyātaya bed‘ olunup ħāric-i cildeden tûl-i bedende zāhibe olan

‘adalenin ‘umkuna tenfîz olunup o cānibde olan hāffe-i şifāk terk olunur ve belki cānib-i mukābil hāffe-i şifāka min-dāhilin ilā-hāricin tenfîz olunup merākķın o cānibde olan hāffesinden ya‘nî cildeden iħrāc olunur ve cirāhat mevdi‘inin iħtirākı merreten-ba‘de-uħrā o vech üzere tamāmen hıyātat olunur.

Ammā iki ġarze arasında vākî‘ olan bu‘dda vācib olur ki onun si‘asında ve dıķında isrāf olunmaya, zīrā mā-beyne’l-ġarzeteyn evsa‘ kılınsa vech-i lāyık üzere o hıyāta batnı đabť eylemez ve eger teferrüz olunsā kıvrılssa ve đayyık deġilse ondan ruťubet seyelān eder ve hayť dahi o minvāl üzere leyyin ve šalābette mu‘tedil kılınıp ne veterī ve ne rıḥv kılınır, zīrā kiriş gibi şulb ve meftûl kılınssa tefezzüze¹³⁷ mü‘eddī olur ve eger rıḥv kılınssa munķatır olur, pes gerektir ki onun hayťı beyne’ş-şalābet ve’l-līn mu‘tedilü’l-kıvām bir hayť ola. Belī eger ġarzeyi ta‘mīķ edip cirāhatin ‘umķundan hıyāta eylesen tefezzüzden ba‘d olur lākin o şürette hayť dāhil-i cirāhatte kalıp mülteħim olmaz, onda dahi i‘tidāle mürā‘atı hıfz eyle.

Ve yine o ‘ālim dedi ki batnı hıyāta eylediġinde cüll-i ġarađını ve mu‘zam-ı ‘ināyeni şifākı merākķa ilzākā şarf eyle, zīrā onlar ‘udv-ı ‘aşabī olmakla onların iltişākā ħurbiyyeti olmaz ve iltihāmdan ba‘d olurlar, pes onun taħşilinde sırf ‘ināyete hācet olur. Ve bir ħavm dahi vech-i aħer üzere hıyātat ederler ve derler ki lāyık olur ki ibre hāric-i merākķ hāşiyesine ġarz olunup dāhil-i merākķtan iħrāc oluna lākin şifākın iki hāşiyesine ta‘arruđ olunmayıp belki yine merākķın dāhilinden hāricine redd olunur ve ba‘dehu ibre o cihetin ħilāfı cihetinden şifākın iki hāşiyesine tenfîz olunur ve ba‘dehu ibre merākķın hāşiyeye-i [uħrāsına] tenfîz olunur ve bu minvāl üzere ilā-āhirihi hıyāta olunur ve hıyātadan bu đarb hıyāta-i ‘āmmiyeden efďaldır.

Ve o ‘āmmiyye hıyāta budur ki iki merākķtan ve iki şifākdan cem‘ān dört ‘aded havāşī bir ġarzede şell¹³⁸ olunup o vech üzere tamāmen hıyāta oluna. Ve zıkr olunan hıyāta hıyāta-i ‘āmmiyyeden efďal olduġunun vec-hi budur ki o sābık hıyātada dahi şifāk merākķın verāsında müstetir olur

137 “Tefezzüz” yaradan ħayhın seyelānıdır. Evvelā mezkûr olanda rā-i mühmele ve zā-i mu‘ceme ile tefezzüzdür şevbin kenārını kıvrırmaktır; iki dahi fā iledir, ġayn deġildir.

138 شَلَّلْتُ الثَّوْبَ إِذَا خَطَّتُهُ [şell] bezi terzi olan kimse iylemeġe dahi derler; tekûlu: شَلَّلْتُ الثَّوْبَ إِذَا خَطَّتُهُ خَفِيفَةً Vankulu.

hıyâta-i 'âmmiyyede müstetir olduğu gibi velâkin o hıyâtanın verâsında istitârî ve ittişâli hıyâta-i 'âmmiyyede olan ittişâlden muhkem olur.

Ve yine o 'âlim dedi ki bu vücûhtan biri ile hıyâta olunduktan sonra üzerine edviye-i mülhîme vađ olunur ve bu mişlli cirâhatte ribâta hâcet eşedd olur ve Mergazî şüfu kalîlen zeyt ile ıslatılıp ibtlere ve hâliblere leff olunur ve onun leffi tedvîr olduğu gibi harâreti bâkiye iken kılınır ve edhân ve el'ibeden müleyyen bir nesne ile ihtikân olunur. Ve eger bađn üzere vâkı' olan cirâhat em'âya vâsıl olup onu dahi tefrîk eyledi ise onun dahi tedbîrî bizim zîkr eylediğimiz olur velâkin bu şürette lâyıf olur ki ona şarâb-ı esved-i kâbîd ile fâtiren ihtikân oluna huşûşan o cirâhat mi'ânın verâsına bâliğ veyâhüd nâfiz olmuş ola. Ve kaçan cirâhat mi'â-i şâime işâbet eylese ona berâ'et elbette hâşıla olmaz şâimin rikât-i cirmi olup ve onda 'urûk-ı keşîre olduğu ve kezâlik onun tabî'atı 'aşab tabî'atına karîb olduğu için ve ona keşîren mirâr munşabbe olup ve kebide dahi karîb olmakla harâreti şedîde olduğu için. Ve ammâ esâfil-i bađnın tabî'atı lahm tabî'atı üzere olmakla onun müdâvâtında şîka ve 'timâdımız vardır.

Cālînûs, *Hîletü'l-Bür* kitabında dedi ki kaçan bađnın merâkkı ve şıfâkı ma'an münharîk olup ittişâlleri müteferriğ olsa gerektir [ki] onun tedbîrinde senin ğarađın ve 'inâyetin merâkk ile şıfâkı ma'an dikmeĝe ve hıyâta maşrûf ola o vech ile ki o hıyâta ile şıfâk merâkkâ ilzâk ve ilşâk oluna, zîrâ merâkk 'udv-ı 'aşabî olmakla hıyâtın ğayri tedbîr ile merâkk şıfâk ile mülteşîk olmaz ve onun hıyâtası bizim zîkr eylediğimiz nev'le hıyâta olunur, zîrâ onunla merâkk şıfâk ile cem' olur ve şıfâka mülâzım ve mülâzık olur.

Ve yine Cālînûs dedi ki kaçan em'â hurûc eylese şarâb-ı esved-i kavî aħz ve teşhîn olunup bir kıt'a şüf içine ğams olunduktan sonra hurûc eden em'â üzere vađ olunup onda mevcûd olan intifâh-ı em'â tebdîd ve tefrîk olunup çamm olunur. Ve eger şarâb-ı esved bulunmazsa kâbîda ve kavîyye olan ba'dı miyâh-ı müsahhînât isti'mâl olunur; o mişlli miyâh dahi hâdır olmazsa mi'â-i hâric çumûr edince kadar mâ-ı hârr ile tekmîd olunur ve bu mişlli tedbîr ile mi'â-i bâđına duĝul eylemezse o mevđî'in ħarkı tevsi' olunur.

Fâđıl İbukrât dedi ki kaçan bađndan şerb cirâhat hasebiyle hurûc eylese lâyıf olur ki ondan hurûc eden şerb ta'fîn oluna. Ve kaçan zamândan miğ-

dâr-ı kâlîl hâricde lebs ve meks eylese onun mađarratı hâric olan em'ânın ve kezâlik eṭrâf-ı kebidin ħurûcu mađarratından eşedd olur onun için ki em'â ve eṭrâf-ı kebid tûl-i müddet hâricde meks eylemez ve ona binâen onların teberrüdü şedîd omaz ve kezâlik batna duĥûl edip cürĥ mülteĥim olduktan sonra o 'uđvlar ya'nî em'â ve eṭrâf-ı kebid ṭabî'at-ı aşliyyesine 'avd ve rücû eder. Ammâ şerbin hâricde müddet-i meksî her ne kadar kâlîl olur ise dahi batna duĥûlünden sonra ona ta'affün etmek 'arîd olur ve o sebebeden için onu eṭibbâ kaṭ'a mübâderet ve müsâra'at ederler ve şerbden hârice ħurûc edenleri elbette batna idĥâl eylemezler. Velâkin aĥkâm-ı mezkûre şerbin 'âlînin aĥkâmıdır, onun muĥâlifi olan şerb dahi vardır [506b] velâkin ġâyetle nâdirdir ve ħarîb olur ki vukû'u olmaya.

Pes kaçan şerbden bir şey ħurûc eylese bilinmek ve ta'arrûf olunmak gerektir ki evvelâ onu kaṭ lāyık mıdır yoksa deġil midir, kezâlik onu dikmek mi yâĥûd dikmemek mi lāyıktır ve ħıyâtası dahi ne vech üzere olmak gerektir cemî'an onları ta'arrûf eylemek gerektir.

Eger cirâĥat bührede ya'nî batnın vasaṭında vâkı' olur ise onun ĥaṭar-ı ekşer olur, zîrâ batnı muġaşşî ve sâir olan 'ađalın eṭrâfı bührede olur eger ĥaşriyyette olur ise ya'nî vasaṭ-ı bedenin iki cenblerinde yemîninde ve şimâlinde vasaṭa dört parmak mîqdârı ħurbiyyeti olan maĥallerde cirâĥat olur ise o cirâĥat eslem olur, zîrâ o maĥallde 'ađal-ı 'aşabî eṭrâfından bir nesne yoktur, ammâ mevđî-i bühre onun dahi ħıyâtası 'usretlidir, zîrâ em'â nütû ve müntefih olup o maĥallden ħurûc eder münĥariĥ ise ve o hârici dâĥile redd şu'ûbetli olur. Ve onun şu'ûbetli olduġunun beyânı budur ki o maĥallin aĥşâsını đabt ve rabṭ eden ve mađmûm ve müctemî'a kılan tûl-i bedende memdûd olan iki 'ađale-i laĥmiyyelerdir ki onlar şadrdan münĥadır olurlar, rûkbe ya'nî 'azm-ı 'âneye vâşıl ve nâzil olurlar, binâen 'aleyh her kaçan bühre mevķî'inde cirâĥat vâķî olup o 'ađaller munĥaṭî' olsalar mi'ânın nütû'u ve irtifâ'ı ekşer olur, zîrâ ĥaşrlerde olan 'ađaller ĥuşrde olan retķi daġṭ edip mi'ânın ħurûcuna min-vechin mâni' olur, ammâ bührelerde o mişlli ħavî 'ađaller olmamakla mi'âyı imsâk ve ĥarkı đamm eder nesne olmaz. Eger bu ĥâlât ile vasaṭ-ı bedende olan cirâĥat 'azîm olmaġa müteheyyî ise o mevđî' münşakĥ olup ondan em'â-ı müte'addide ħurûc eder ve ona binâen onu idĥâl 'usretli olur.

Cirāhâtın Keyfiyyet-i Rabtı Beyânındadır

Kaçan sen cürh-i zāhir ve şakḳ-ı zāhirden her birinin iltihāmın murād eylesen sana vācib olur ki bu şinā'a 'ulemāsından 'ālimin ḳavli ile 'amel eylesesin ve o 'ālim dedi ki bu mişlli şakḳda sen her kaçan iltihām ḳaşd eylesen bu vechle ribātı ona ilzām eyle ki o ribātın iki re'si ola. İki re'sli ribāt şüretidir



Ve onda zikri ātī rifāde olmağa hācet yoktur. Ve eger şakḳ 'azīm olursa ona müşelleşetü'ş-şekl rifāde ilzāmına hācet olur. Ve eger mevḍi'-i şakḳ mümtelī ise hıyātaya hācet olur. Ve zevāid-i müşelleşesi olan rifāde şakḳı cem'ce zevāid-i murabba'ası olan rifādeden ḫayrlı olur, zīrā o rifāde şakḳ üzere maḍbūta olur ve onun rabtının tarīķi budur ki iki 'aded müşelleşü'ş-şekl rifāde ittiḫāz olunup her birisi şakḳın bir cānibine vaḍ' olunur o vech üzere ki şakḳ iki rifāde arasında ḫatt-ı müstakīm gibi bāķī kalır ve iki rifādenin birine "b" tesmiye olunur ve āḫırına "c" tesmiye olunur. Bu tarīķ üzere müşelleş vaḍ'ı murabba' rifāde vaḍ'ından iki re'sli ribātla rabt olundukta mevḍi'-i şakḳı şedīden ḍabt eder ve tehendümü ziyāde olur ve ḍamm-ı cürhte iki re'sli ribāttan ḡayri ribāt isti'māl olunmaz. O refāid-i müşelleşenin şekli ve şeddinin şekli budur:



Hiletü'l-Bür' nām kitābda deyildi ki bir recülde bir nev' cürh var idi ki onun ḡavrı ürbiyyeye ḳarīb ve fūvvehesi rükbeye ḳarīb idi ve onu biz bilā-batt saḡalttık, ona bür' ḫāşıl oldu ve tedbīrlerimiz bu idi ki onun rükbesi tahtına miḫād vaḍ' edip cürhün nuşbesi bir vech üzere kıldık ki fūvvehesi bi-sühūletin manşūbe oldu; kezālik sāk ve sā'idde olan sāir cürūḫa bu min-vāl üzere bizim tedbīrimiz ile cemī'an onlara dahi bi-sühūletin bür' ḫāşıl oldu. Mu'ānāt-ı tecrībe ile aḫvāl-i cirāḫatı mu'āyene eden erbāb-ı tecārībe ma'lūmdur ki hangi cirāḫatın demini middeye ihāleye hācet ola o demin dāḫilinde ve ma'ıyyetinde olan dimā-i sāire ile müteḡayyirler olunca ḳadar meḳsi ecved ve taḡayyürü esra' olur ve o cirāḫat ki müteberriye ve iki şe-

fesi birbirinden mütebâ'ide ola, onun iki şefelerini ribâtla cem'e hâcet olur velâkin cem'-i mezkûr ile veca' hâdis olur ise veyâhûd o cirâhat vârimе olup rabtı veca'a mü'eddî olursa o vâkte rabt olunmaz her ne kadar o rabt rıfk ile olunur ise. Ve kezâlik 'adale 'arđan münbetire ve müteferrika olsa onun dahi şefeleri ribâtla cem' olmaz belki iltihâmdan havf için iki şefelerin vasaına fetile vađc olunur ve eger fetile vađc olunmasa cilde mültehime olup 'adale gayr-i mültehime olduđu hâlde bâkî kalır. Ve kezâlik kaçan biz cilde-i re'si şakķ eylesek iki şefelerin vasaına bir şey' vađc eyleriz ki o şey' vasaıı doldurur, bu şürette cilde-i müteşakķıkanın şefeleri ba'dı kerre dâhil-i kūrħaya münkabıda ve müncezibe olur ise o cildenin şefeleri hârice müncezibe olsun için ribât ile muhkem rabt olunur. Kaçan cirâhat tûlen vâķi' olsa cem'-i muhkem ile şefeleri cem'e ribât vefâ eder. Ve kaçan 'arđan vâķi' olsa hıyâta muhtâc olur ve bi-kadr-i ğavri'l-cürħ hıyâta ğaire ile hıyâta eylemek teşrihi ziyâde eylemekten evlâ olur.

Ve yine *Hîle-i Bür'* kitâbında dedi ki ba'dı kerre cürħ nahise olup biz havf eyleriz ki ğavr hasebiyle cürħün a'lâsı mültehim olur ve kaçrı gayr-i mültehim kalır, o zamân muđtarr olup cürħün si'asını ziyâde eyleriz. Ve kezâlik 'udv-ı mecrûħ hîn-i cürħte bir şekl-i gayr-i müstevî üzere olsa ki o 'udv şekl-i istivâya i'ade olunsâ cürħün middesi seyelân ve ħurûc eylemez ve eger hîn-i cürħte olan şekli üzere o 'udv ibkâ olunsâ veca' heyecân eder, pes bu şürette dahi muđtarr olup cürħü şakķ-ı muvâfık ile şakķ eyleriz.

'Ale'l-icmâl sana ma'lûm olsun ki kaçan cirâhat 'adalin 'arđında olsa [507a] ekser-i hâlde o cirâhatın şefeleri birbirinden ba'd olmağa elyak olur ve ona binâen o cirâhat şefeleri cem' murâd olundukta ictimâ'ı 'usretli olur ve onun cem'inin tedbîrinde istikşâya hâcet olur ve ba'dı kerre onun istikşâsı hıyâta ve refâid-i müsellese isti'mâline muhtâc olur 'ale'l-ħuşuş 'adali ve 'arđı olan cirâhatın laħminde nokşân vâķi' ola. Ve eger cirâhat 'adalin tûlünde vâķi' oldu ise zıkr olunan istikşâya o cürħün hâceti kalil olur.

el-Edvîetü'l-Mülhime Li'l-Cürħ

Bundan âkdem o edvîelerin evşâf-ı kuvvetini ve ittişâlî mevâdi'ini biz beyân eyledik. Ve şekk olunmaz ki o edvîyelerden zerûrât edhânla isti'mâl olunanlardan ve kayrûtiyâttan bi-hasebi'l-kuvve ekall olur; o edvîyenin

edhânla hâlt olunup kayrûti ittiḥâzına ḥâceti edviyenin yübüseti sebebiyle olur ḥuşuşan o edviye-i yâbise mürdâsenc mişlli ve sâir ma'deniyyât mişlli devâlar ola, zîrâ o devâlar ka'ra ġâyîşa ve mesâmme nâfîze olmaz. Ka-çan edhânla terkîb olunup onlardan kayrûti ittiḥâz olunsa dühnün seyelânı ḥasebiyle murâd eylediğimiz mevâdi'e bâliğ olur. Ve o edviye-i mülḥime-nin kimisi ma'deniyyâtтан olur ve nebâtâtтан ve ḥayvânâtтан dahi olur ve her şıftan dahi olur:

Ve ma'deniyyâtтан isfidâc mişlliler dühn-i âs ve şem' ile isti'mâl olunur.

Nebâtât evrâkından evrâk-ı bellûtu'z-zeker dımâden isti'mâl olunur ve ḥilâf ve kerneb ve şecer-i tuffâḥ varakları ve şecer-i tuffâḥ liḥâlarının kışrı ve kezâlık lisân-ı ḥamel ve ḥalfâ evrâkı ḥall ile veyâḥûd şarâbdan bir şey ile nak' olunup nükû'u isti'mâl olunur ḥuşuşan onlara zeker ve ünsâ şanev-ber şecerinin evrâkı hâlt oluna ve o şecerin liḥâsı ile o cürḥ rabṭ olunur. Ve kezâlık servin varakı ve ağşânı ve evrâk-ı feyṭâflûn ma'a-âsel edviye-i mülḥime-i nebâtiyyedendir.

Ammâ şumûğun mülḥimesi ilk-i butmdır ḥuşuşan o ilk a'sâb-ı keşîre kurbünde olan cürḥü ziyâde ilḥâm eder.

Ve şemerât ve ḥubûbdan edviye-i mülḥime cevz-i tarîdir, o cevz meshûkan mâ ve milḥ ile veyâḥûd şarâb-ı varak-ı ḥummâd veyâḥûd varak-ı sılḳ ve varak-ı ḥass ve berri kümmesrânın varakı işbu aşnâf-ı evrâkın biri ile muğlâ ittiḥâz olunup o şarâb isti'mâl olunur ve o şarâb mülḥim olduğı gibi nezleyi men' eder. Ve kezâlık edviye-i mülḥime cevz-i serv ve şüm-ı muḥrak ve ġubâr-ı rehâ ve şa'ir-i muḥrak mişllilerdir ḥuşuşan meşâyıḥın cirâḥatına ma'a-şem' ve dühn-i verd ziyâde nâfî'dir. Ve ezhârdan mülḥim olan edviye zehr-i zu'rûre ve zehr-i ḥaşışe, zenebü'l-ḥayle müşâbih olan zehrâttr ḥuşuşan 'azm ve laḥmdan ḥaşvi olanların civârında vâkı'a cirâḥate ziyâde nâfî'dir. *Ba'dı nüshada "azm" bedeline "uḍv" vâkı' olmuştur.* Ve kezâlık o edviye ḥuşuşan rü'ûs-ı 'aḍale karîb olan cirâḥate dahi enfa'dır.

Ve ḥayvânâtтан meḥûz olan mülḥimâtтан leben-i ḥamıd cirâḥat-i 'azî-meyi cidden ilşâk eder.

Ve mürekkebâtтан mülḥim olan edviye diyârûfus ve zehebiyye ve suḳûlâvus devâsı ve müşk-ṭarâmşî'le mütteḥaz olan cüllâb devâları ve mer-hem-i kettândır.

Cirāḥātî Müdemmil ve Ḥātîm Olan Edviyeler ve Sâir Edviyeler Beyânındadır

Bu edviyelerin bundan aḳdem ṭabāyî'i senin ma'ḷûmun oldu ve kezâlik sen bildin ki bu edviyelerden mütteḥaz olan zerûrde vâcib budur ki onun kuvveti merâhimde vâkî' olan o edviye kuvvetlerinde olmaya. Ve şimdi ki hâlde bilinmesi vâcib olur ki onların isti'mâl olunacak mevḍî'in laḥm-ı şulbû cilde ile ma'an tesviye olunup onların saṭḥı ğāyet istivâ üzere kılına. Ammâ laḥm-ı raṭb ba'ḍı kerre müstevî ve ṭabî'îsi üzere olur ve ba'ḍı kerre ṭabî'îden ziyâde olup artar ve istivâsı gider ve cefâf geldikte yine nüzûl eder, pes bu mişlli laḥm-ı raṭbde edviye-i mezkûre isti'mâlî o zamân olur ki o laḥm-ı raṭba cefâf 'ârîḍ olup nüzûl eylese müstevî ola, vaḳt-i cefâfta melâseti ve istivâsı nâil olmaya. Ve laḥm-ı raṭbın hâl-i ruṭûbetinde ba'de'l-cefâf istivâ üzere olacağı ḥads ile ma'ḷûm olur.

Ve vâcib olur ki devâ-i müdemmil o zamân isti'mâl oluna ki cirāḥat bi-ṭabî'hâ inbât-ı laḥm edip istivâyı izâle mertebesine bâliĝ olmaya, zîrâ edviye o mertebeye bâliĝ olsa müdemmile kuvve-i inbâtı taḳviye edip inbât-ı laḥm idmâlde vâcib ḳadri tecâvüz etmekle müdemmilât isti'mâlinden maṭlûb olan ğaraḍ fevt olur belki cirāḥatte müdemmil isti'mâlî o vaḳt olmak vâcib olur ki cefâf gelse ve edviye fi'lini işlese ṭabî'at idmâle muvâfîḳ inbât edip ğāyet-i idmâlden ekser inbât eylemeye ve laḥm ma'a'l-cild ḥadd-ı istivâyı tecâvüz eylemeye. Ammâ bu şurûṭa ri'âyet olunmasa ḳarîb olur ki eṣer-i cirāḥat cilde üzere 'âlî olup 'uḍv ḳabîḥu'l-manẓar ola.

Ve ḥātîm isti'mâl olundukta vâcib olur ki o ḥātîm o isti'mâlde raṭb ola ve ba'dehu ḳarîb-i ḥatm oldukta yâbisen isti'mâl oluna ṭaraf-ı meyl ile cürḥ üzere ifrâz olunmakla. Ve o edviye-i müdemmile bunlardır: şecere-i şanevber lihâsı ve dühn-i verd ve dühn-i âs ḳayrûṭileriyle ve râziyânec-i yâbis ve ḳayşûr-ı meşvî ve ḳuşûr-ı nuḥâs ve diḳâḳ-ı kündür ve mürdâsenc ve ḳanṭuriyûn-ı şaĝîr ve 'urûḳ-ı ceyyide ve 'izâm-ı muḥraḳadır ve zerâvend-i muḥraḳ şedîdü'l-idmâldir ve kezâlik şebb ve 'afş-ı ficc ve varâḳu't-tîn dahi şedîdü'l-idmâldir.

Eṭṭibbâ dediler ki bu mevḍî'de İbûḳrâṭ ricl-i 'aḳ'âḳ diye zikr eylediĝi nebât ile bi-ṭarîḳi'l-kinâye varâḳ-ı tîn murâd eylemiştir lâkin zâhir budur ki Buḳrâṭ'ın ricl-i 'aḳ'âḳtan murâdı ricl-i ğurâb denmekle ma'rûf olan nebâtır.

Ve kezâlik kemik tenâvül eden kelbin ca'rı ya'nî kuru necâseti ve dabbın ba'rı dahi müdem mildir lâkin ba'r-ı dabbın hâlâveti ca'r-ı kelb hâlâvetinden ekser olmakla onun hâlâvet keyfiyyetini kesre hâcet olur ve kavâbîd ile kesr olunur. Ve kezâlik âsmâncünî süsen aşı ve aşl-ı cāvşîrin lihâsı ve tütîyâ dahi müdem mildir.

Mizâc-ı hârâ ve müteverrime olan qurûhta münbitât-ı 'acîbden olur sandal ve nîlûfer ve şabır huşuşan o qurûha nâhiye-i ma'cadda ve mezâkîrde ola. *Ba'dı nüshada vâk'îdir ki ve devâ-i zerâvenden merhem ittiḥâz olunsâ o dahi nâf' olur.* Ve o qurûhanın edviyesine ba'dı kerre zâc ve kulkutâr dahi idhâl olunur, zîrâ zâc ve kulkutâr her ne kadar edviye-i ekkâleden olup lahmı nokşân ederse lâkin ba'dı kerre şedîdetü'r-ruṭûbet olanları idmâl eder ve huşuşan onlar iḥrâk olunsalar idmâli eklinden eḳall olmaz ve huşuşan ğasl olunsâ idmâle emyel olur. Ammâ o qurûhalarda zencâr ve sâir şedîdü'l-ekl olan edviyeleri isti'mâl câiz deĝildir meger ki tedbîr-i kavî ile tedbîr oluna ve ba'dı şedîdü'r-ruṭûbet olan qurûhalarda isti'mâl oluna. Ammâ nuḥâs-ı muḥrak kaçan ğasl olunsâ idmâlde ceyyid olur ve kaçan idmâl için merâhim ittiḥâz olunmaĝa kaçd olunsâ min-beyni'l-müdemmilât idmâli aqvâ olan edviyeden ittiḥâz olunur iḳlîmiyâ mişlîllerden huşuşan onun muḥrakından ve kulkutâr-ı muḥrakâ ve mertekten ve isfîdâc mişlîllerden ittiḥâz oluna. Ammâ onlar merhem ittiḥâzının keyfiyyeti budur ki mürdâsenc ve isfîdâc sirke ile ḥall olunur ve ba'dehu isti'mâl olunur ve iḳlîmiyâ saḥḳ olunur. Ecved olan budur ki iḳlîmiyâ iḥrâk olunup ba'dehu kulkutâr ile ḥalt oluna ve o maḥlûta ḥall ile dühn-i âs işrâb oluna veyâḥûd şarâb-ı kâbîd işrâb olunup merhem kılına ve ba'dı kerre o eczâlar üzere zâc-ı muḥrak ve cüllenâr ve 'afş ziyâde kılınır. Ve eger cirâḥat ve qurûhanın ruṭûbeti şedîde ise ceyyid ve 'acîb olan merhem-i [507b] kettânın sıfatı budur: Maĝsûle nazîfe olan ḥırka-i kettân aḥz olunup ğubâr ve kuḥl mişlî olunca kadar daḳḳ olunur ve ba'dehu kavîyyü'l-ḳabḳ olan zeyt veyâḥûd dühn-i âs aḥz olunup içine ḳinneden şey'-i yesîr katılıp o dühnde izâbe olunur ve ba'dehu ḥırka-i medkûka-i mezkûre dahi üzerine ilkâ olunur ve ondan merhem ittiḥâz olunup 'acîb olur. Ve ba'dı kerre merhem-i esved dahi inbât eder. Ve eger inbâtı kavî olduĝun kaçd edersen onun içine kündür ve cāvşîr ve zerâvend bu mecmû'un veznlerini berâber edip idhâl edersin; ammâ

bu üç devânın mecmû'unun veznini merhem-i esvedin ahlât-ı erba'asının¹³⁹ mecmû'u vezninde kılarınsın.

Zerûr-ı Hafîf Şıfatıdır: İsfidâc, mürdâsenc her birinden birer cüz', habes-i reşâş, mürr, 'afş her birinden nısf cüz' ahz olunup onlardan zerûr ittiḥâz olunur.

Âher: Şadef-i muḫrak on iki, şecerinden sukût eden rummân-ı şığar, cüft, kâlkadîs her birinden on altı, karn-ı iyyel-i muḫrak, kayşûr, iklîmiyâ, râtiyânec, aşl-ı süsen her birinden dörder, kündür diḳâkı, şecere-i şanevber lihâsı her birinden altışar, kuşûr-ı rummân, isfidâc, şebb her birinden sekiz, 'afş bir.

Zerûr-ı Âher: Fûvve, 'izâm-ı muḫrak, mürdâsenc her birinden ikişer dirhem, kündür, şabır her birinden üçer, 'anzerût, māmîsâ her birinden birer dirhem; bu mecmû'dan zerûr ittiḥâz olunur.

Zerûr-ı Âher: Verd, isfidâc, reşâş, cüllenâr, bezrî'l-verd, şebb bu edviyeler veznleri berâber kılınıp onlardan zerûr ittiḥâz olunur.

Âher: Aşl-ı süsen, aşl-ı cāvşîr veznleri berâber, zerâvend iki mişkâl, diḳâk-ı kündür bir mişkâl.

Ebdân-ı Meşâyih Cirâḫatine Nâfi' Merhem Şıfatı Budur: Şa'ir ahz ve iḫrâk olunup dühn-i verd ile veyâḫûd isfidâc-ı reşâş ile dühn-i âstan kayrûṭi ittiḥâz olunur.

Cürûḫ ve Qurûḫta Münbit-i Laḫm Olan Edviyedir: Bundan aḳdem münbitü'l-laḫm olan edviyenin ḥaşşıyyeti senin ma'ḷûmun oldu ve o edviyenin mizâcı ne keyfiyyette olmak gerektir onu dahi sen bildin.

Ve vâcib olur ki laḫmı münbit olan edviye mevḍi-i devâ olan cirâḫat ve qurûḫ evsâhtan ve evsâḫ mişslilerden naḳî iken isti'mâl oluna; eger kâ'ide-i cirâḫat 'azm ise o 'azm dahi tenḳiye ve ḡâyete bâliḡ yübûset ile yâbis kılınma ve 'azmda kümûdet ve fesâddan bir nesne terk olunmayıp taḳşîr ve tenḳiye olunur ve 'azmda olan ruṭûbâtan dahi bir şey' terk olunmayıp tecfîf olunur ve ḥuşûşan kâ'ide-i cirâḫat ve qurûḫa 'azm-ı re's olur ise bu şurûṭa ri'âyet mü'ekkeden vâcib olur, zîrâ 'azm-ı re'ste melâset olmakla onun ruṭûbeti ne-

139 Ve ma'ḷûm ola ki merhem-i esvedin ahlâtı *Kânûn*'un anḳrabâdinde zikr eylediği üzere üç 'aded eczâdır: mürdâsenc, ḥall ve şebbdır. Bu makâmda "ahlât-ı erba'a" yazıldığı kâtibden sehvdır veyâḫûd merhem-i esvedin nüsha-i uḫrâsıdır.

bât-ı lahma mâni^c olan esbâbın biri olur. Ve kaçan 'azm hakk olunup tahşîn olunsa mevâdd-ı gıdâiyyeden o 'azma şâire olan mâddeden nâbit olan lahm eşbet olup ber-çarâr olur.

Ve ma'ûm ola ki ba'dı devâ vardır ki ba'dı bedende veyâhûd a'â-i bedenden bir 'uđvda lahmı inbât eder ve âherde inbât-ı lahm eylemez, zîrâ ba'dı beden veyâhûd ba'dı 'azm tecfifi kâbil olur ve ba'dı âher tecfifi kâbil olmaz mizâclarının ihtilâfları hasebiyle ve senin bildiğin vücûh-ı sâire hasebiyle. Ve idmâl ve inbât için tedâvî olundukta ba'dı ebdânın cilâsında ifrât olunur ve ba'dı âherde ifrât olunmaz velâkin külliyyen cilâdan hâlî dahi kılınmaz, zîrâ onun devâsında lâ-maḥâle tecfifün-mâya ve cilâun-mâya hâcet vardır, o cilâ muṭlâk değildir belki bi-hasebi'l-beden muḳayyedir, kiminde ziyâde ve kiminde nokşân üzere kılınır, ḳadr-i lâyıḳı üzere olmak gerektir; ziyâde ve nokşân kılınsa ve ḳadr-i lâyıḳa muvâfıḳ olmasa o şey'-i muḳadderin te'sîri ve bedenin ondan infî'âlî muḥtelif olur. Ve kezâlik inbât için isti'mâl olunan devânın tecfifi gerektir ki bedenin tecfifinden nâḳış olmaya; eger nâḳış olur ise inbâtı dahi nâḳış olup ḳadr-i lâyıḳ üzere olmaz ve ona binâen ebdân yübüsette ḳadr-i itidâli tecâvüz eylese onda kendi lahm inbât eylemez.

Ve devânın muvâfaḳatini tecribenin tārîḳi devânın beden-i raḥbda cefâf ihdâsı ve beden-i yâbiste yübüsetin beḳâsı ve 'ale'l-istimrâr lahmı inbâtı ve cirâḥatin tevessuḥu olur. Ve eger sen isti'mâl eylediğin devâdan cirâḥatin cefâfını müşâhede eylesen velâkin inbât-ı lahm eylemese o devâyı kalîlen tertîb edersin. Ve eger devâ-i müsta'mel cirâḥatte vesâḥ ihdâs eder ise devâ-i yâbisi ziyâde edersin ve eger 'ale'l-istimrâr inbât-ı lahm eder ise onu hâlî üzere ibḳâ edip keyfiyyetini taḡyîr eylemezsin.

Ve ba'dı edviyenin ba'dı ebdâna muvâfaḳatı olur lâkin vech-i münâsebetleri nuṭḳ ile edâ olunmaz, binâen 'aleyh vâcib olur ki edviye-i şettâ birbirleriyle da'îf ve ḳavî ma'an terkîb oluna. Ammâ merhem ittiḥâzı ve merâhime ihtiyâcın sebebi bundan âḳdem senin ma'ûmun oldu.

Ve vâcib olur ki bu bâbda isti'mâl olunan devâların keyfiyyet-i tecfîf ve tertîblerine nâzar ḳaşr olunmaya ve belki bizim zıkrını taḳdîm eylediğimiz vech üzere keyfiyyet-i fâ'ilelere ya'nî ḥarâret ve bürüdete dahi mürâ'ât oluna ve kezâlik iki fâ'ile ve iki münfa'ileye ya'nî ḥarâret ve bürüdet ve yübüset ve ruṭûbete dahi nâzar ḳaşr olunmaya belki onlara mürâ'âttan mâ'-adâ

ve kûrha ve beden ahvâlleri beyinde olan mukâyeseye dahi mürâ'ât oluna, zîrâ ba'ḍı kerre mizâc-ı beden raṭb ve kûrha yâbis olur ve ba'ḍı kerre dahi mizâc-ı beden yâbis ve kûrha raṭb olur veyâhûd ikisi ma'an raṭb veyâhûd ikisi ma'an yâbis olur. Şûret-i ûlâda kündür ve daḳîk-i bâkılâ ve daḳîk-i şa'ır mişlli da'ife olan edviye isti'mâl olunur. Ve eger beden yâbis ve kûrha cidden raṭb ise münbitetü'l-laḥm olan edviyeye kıyâs ile tecfîfî şedîd olan edviyeye hâcet olur, o edviye zerâvend ve aşl-ı cāvşîr ve zâc-ı muḥrak mişlli devâlardır. Ve şuver-i bâkıyede edviye-i mütevassıta olan îresâ ve daḳîk-i türmüs mişlli devâlara hâcet olur.

Ve bi-hasebi'l-ittifâk ba'ḍı edviyede bir nev' ḥaşlet olur ki o ḥaşlet hasebiyle inbât-ı laḥmda tefrîṭi ve taḳşîri olan devâlar ona muhtâc olur, meşelâ münbitü'l-laḥm olan edviyenin tecfîfî şedîd olup veḍatı ḥabs eylese ve māddeyi dahi men' eylese. Ve kezâlik farṭ-ı cilâsı hasebiyle ekkâl olsa inbâtta kuşûr üzere olur ve kaçan müdâddı olan edviye ile ḥalṭ olunsâ keyfiyetini kesr ve ta'dîl eder ve o mecmûc-ı mu'addil vech-i lâyıḳ üzere inbât-ı laḥm eder, meşelâ zencâr inbât-ı laḥm için isti'mâl olunsâ ona şem' ve zeyt ḥalṭ olunur ve onlar cirâhati tertîb ve tevsîḥ ederken ve zencârın tecfîfine ve şiddet-i cilâsına tertîb ve tevsîḥ hasebiyle mukâvemet edip müdemmil olurlar. Ve vâcibdir ki zencâr eybesü'l-ebdânda isti'mâl olunsâ kayrûṭînin on cüz'ünden bir cüz'ü ola ve ertab-ı ebdânda isti'mâl olunan zencâr kayrûṭînin on iki cüz'ünden bir cüz'ü ola. *Ve ba'ḍı nüshada mes'ele-i mezkûre şûret-i vâhîde üzere zıkr olunmuştur, o dahi mezkûrun ḥilâfı üzere vâkı' olmuştur, onun 'ibâreti budur: ويجب ان يكون الزنجار جزءا من عشرة اجزاء من Mütercim 'abd-i fakîr der ki bu nüsha-i sâniyede şûretin birisi [508a] ihmâl olunmakla iktidâ eder ki onda sâkıta elfâz olup o sâkıtı işbât ile nüsha-i sâniye nüsha-i ûlâya taṭbîk oluna. Velâkin on cüz'den bir cüz' on iki cüz'den bir cüz'den ekser olmakla ebdân-ı yâbisede râb'ada ḥarr ve yâbis olan zencârın miqdâr-ı ist'mâlini ebdân-ı raṭbede ist'mâl olunan miqdârdan ekser kılmak ḥilâf-ı kâide sâbıkadır, pes bu ma'nâya nazar ile nüsha-i sâniyede iki şûretin biri her ne kadar metrûk ise lâkin kavâ'id-i mezkûreye muṭâbıktır ve nüsha-i ûlâ şahîḥa olur ise lâ-mahâle onda taḥrîf vardır, ertab mevķîfine eybes ve eybes mevķîfine ertab yazılmıştır, intehâ.*

Muşannif der ki zencârın miqdâr-ı mezkûruna ri'âyet vâcib olduğu gibi kezâlik vâcib olur ki imtiḥân-ı sâbika dahi ri'âyet oluna ya'nî devânın raṭb cirâhati tecfifine ve cirâhat-i yâbisin yübsünü ibkâya ve 'ale'l-istimrâr laḥmı inbâtına dahi nazar ile devânın muvâfaqatı imtiḥân olunur. Ve meşâyih bu bâbda ḥarâreti ekser ve cezbi aqvâ olan edviyeye muhtâc olurlar ve onlarda isti'mâl olunan edviyeye zift ve kündür ve daḳîk-i şa'ir ve daḳîk-i bâkılâ ve daḳîk-i kirsenne ve aşl-ı süsen ve zerâvend ve iḳlîmiyâ ve cāv-şîr ḥaşışesi idḥâl olunur. Ve bir nev' müsta'mel olan devânın nef'i olmasa onu terk edip âhere meyl eyle. Ve eger cirâhat 'uşubetli olup 'işyân ederse kurûḥa ḥaşş olan edviye ile mu'alece eyle.

Cirâḥât-i Şicâc Mu'alecâtı Beyânındadır

Ammâ bu nev' cirâḥatte 'azmın tedbiri ve onun a'râd-ı meḥûfesinin tedbiri bâbu'l-izâm ve'l-cebrde zîkr olundu. Ve ammâ onun mülḥimât-ı kurûḥu devâsı eger o kurḥanın keyfiyyet-i ḥâricesi ednâ olursa müceffif-i ḥafif devâlar olur, onun üzerine devâ-i re'sî zerûru zerr olunur.

Devâ-i Re'sî: Şabır ve mürr ve kündür ve dem-i aḥaveyn devâlarından terkîb ve ittiḥâz olunur ve kezâlik cirâḥatte mezkûr olan edviye-i ḥafifeden terkîb olunur. Eger o şeccede seyelân-ı dem olur ise nezf-i dem bâbında bizim zîkr eylediklerimiz mu'alecât ile 'ilâc olunur.

Ve vâcib olur ki aşḥâb-ı şicâca edmiğa-i decâc-ı meşviyye içâm oluna mümkün oldukça, zîrâ bir kavmin şehâdeti üzere edmiğa-i decâc dimâğı muḥavvî ve nezf-i demi ḥâbis olur her ne kadar bu bâbda re'y-i âḥer dahi var ise ve kezâlik mayḥoş rummân dahi içâm olunur ve 'aşa'r-râ'î ile dîmâd olunur.

Cirâḥat ve deme edviye-i ceyyideden olur ḥamîr-i muḥammiḍ-i yâbis aḥz ve saḥḳ olup cirâḥatin üzerine ekilir ve tertîb olunmaz. Ammâ mâ-nî'-i verem olan 'ilâc-ı daḳîk şa'ir ve semîd, zûfâ-ı raṭb ile ma'cûn kılınıp dîmâd olunur ve kezâlik sevîḳ-i şa'ir fûtenec ile şicâcın raḍḍasına nâfi' olur. Ve şeccenin tedbir-i sairleri bâbu'l-izâmda zîkr olunan tedbirlerden aḥz olunur. el-Ḥamdü lillâhi 'ale'l-itmâmi ve's-şalâtu ve's-selâmu 'alâ-seyyidi'l-enâmi 'adede mâ-yüktebü bi'l-aḳlâmi mâ dâme'l-ibtidâu ve'l-iḥtitâmu. Allâhümme yessir itmâmehü bi-ḥürmeti faḥri'l-enâmi.

Maḳāle-i Sāniye Saḥc ve Raḍḍ ve Fesh ve Veşy ve Saḳta ve Şadme ve Ḥarḳ ve Nezf-i Dem ve O Mişllilerin Beyānındadır

Muḳaddime

Hetk ve feshin ma'nāsını kitāb-ı evvelde sen bildin. Ammā veşyin ma'nası budur ki 'uḍv maḥşaldan zevāl-i ğayr-i tāmmla zāil olup zuhūr-ı beyyin ile zuhūr eylemektir, eger tamm veyāhūd zāhir olursa ona ḥal' derler.¹⁴⁰ Ammā vehn, veşyden dahi dūn ve ḍa'if olur, ke-enne vehn ile 'uḍv müte'ezzī olmuştur, maḥşalın ve maḥşalı muḥīṭ olan laḥmda vāḳi' olan temmeddūd ḥasebiyle o vehnde zevālden bir nesne yoktur; eger onda ednā zevāl olursa ona veşy itlāk olunur vehn itlāk olunmaz. Ve nāsın ba'ḍısı vehne ve bizi veşy tesmiye eylediğimiz ma'nāya ism-i 'āmm itlāk ederler ve ba'ḍı nās dahi maḥşalın eḥad-ı cevānibinden infişāle veşy dediler, meşelā ka'b ve ruşğ birer cānibden munfaşıl olup cānibe āḥerlerinde lüzüm olsa ona veşy itlāk eylediler her ne kadar infişālden zuhūr ḥādiş olur ise. Ve bizim onlardan evvelā zikrini murād eylediğimiz 'aḍalın vasaṭına 'ārıḍ olan fesh ve 'aḍalın etrāfına 'ārıḍ olan hetktir.

Fi'l-Fesh ve'l-Hetk

Kaçan 'aḍaleye tefessuḥ 'ārıḍ olsa o 'aḍalenin eczāları beynlerinde teferruḳ-ı keşir 'ārıḍ olup fūrcelerine lā-maḥāle dem-i keşir muḥşabb olur ve bilā-şübhetin o 'aḍale müteverrime olur ve o 'aḍalenin aḥvāli lā-eḳall dem-i keşirin onda ictimā'ı olur. Ve onda müctemi' olan demin me'ālî iki emrin biridir: yā ta'affün eder veyāhūd menāfisten ḥurūc ve taḥallül eder. Velākin onun ta'affünü taḥallülünden ziyāde recā olunur ḥuşuşan ḥāricden onu fesh eden fāsiḥin ḍaḡtı ve dāḥilden veremin ḍaḡtı ḥasebleriyle mesāmm ve menāfis-i ḍayyık ile ola, onda lā-maḥāle ta'affün recāsı taḥallül recāsından

140 Ma'lûm ola ki maḥşal iki 'uḍvun, kemiklerin mültekāsıdır, ekşer-i hālde eḥadü-hümānın ṭarafı āḥerin ṭarafına duḥûl eder ve o ṭaraf-ı dāḥil bi-cümletihî ḥurūc eder ise veyāhūd bir ṭarafı ḥurūc edip āḥer ṭarafa lüzüm olur ise ona ḥal' derler eger o ḥurūc eden 'araf hisse mütebeyyin ise ve eger zāhir ve mütebeyyin deḡil ise ona veşy derler.

ekşer olur, binâen 'aleyh emr-i feshin tedârükü olunmasa o fesh fesâd-ı 'uđva mü'eddî olur.

Ve ba'đı kerre fesh ve sakıtaya ve şadmeye ğudde tebe'ıyyet eder ve onların 'ilâclarına mübâderet vâcib olur ve eger mübâderet olunmasa se-refân edip hatarlı olur. Ammâ hetkte lîf-i munkatı'ın i'ade-i ittişâline iştiğâl olunmaz belki veca'ı teskîn olunur.

el-İlâc: Bu 'arıdanın ahvâl-i keşîresinde faşd lâzım ve lâbüdd olur belki aşhâb-ı şınâ'a faşda mübâderet ederler, her ne kadar beden nakî olursa faşdı te'hîr eylemezler.

Ve kaçan faşddan sonra dahi edviye-i mâni'a vü müşeddide ile tađmîde mübâderet olunsa o âfetlerden ihtifâle ve 'inâyete muhtâc emr-i âher 'arîd olmaz ve o admda müberrid ve kâbîd devâlar ile olur, zîrâ kabđ ve tebrîd veyâhûd yalnız biri inşibâba mâni' olur.

Ammâ faşd ve tađmîd te'hîr olunup hâlel-i teferruğa dem mübâderet eylese ve sen âfât-ı mezkûrelerden havf eylesen onun 'ilâcında dem-i mezkûru [508b] istihrâca muhtâc olursun o teferrukun ittişâle 'avdeti dem 'avķ eylesin için. Eger o dem kâbil-i taħallül ise onun istihrâcı mesâmmı teşhîf eden ne'ûlât ile olur, o ne'ûlât-ı sehife mâ-ı hârr mişlillerdir. Ve ba'đı kerre bizim zıkr edeceğimiz 'uđv-ı mađrûb üzere müsta'mel olan edviye dahi bu bâbda isti'mâl olunur. Ve kezâlik dem-i meyyiti müfeşşîye olan edviye ve i'yâyı taħlîl eden edhânla dahi mu'âlece olunur. Ve kezâlik onlara meşrûbât-ı nâfi'a saķy olunup hâricden taħlîl ile o meşrûbun fi'line i'ânet olunur ve o meşrûb-ı muħallil isti'mâline mu'âlece kaşr olunur. Ve o fi'le mu'ın ve dem-i müctemi'i müfeşşî olan devâlar muķl-ı yehûd ve ķuşt ve ķanţu-riyûn-ı ğalîz sikencebîn ile isti'mâl olunur ve bu bâbda sikencebîn dahi o fi'le mu'ın olur taķtî'i hasebiyle.

Ammâ dem-i meyyiti müfeşşî olan devâlar daķıķ-i şa'ır, zûfâ-ı raţb, su ile ma'cûn olan semîddir. Ve o edviyeden kavî olanlar bunlardandır fû-tenec-i cebelî sevîķ ile huşuşan re'ste vâķi' fesh ve hetk mişlillere ziyâde nâfi'dir. Ve'l-hâşıl harâret-i laţife hasebiyle irhâsı olan edviye taħlîl-i laţîf ile taħlîl eder ve o harâreti olan tecfîf-i laţîfi hasebiyle dahi taħlîli-i laţîf ile taħlîl eder, ammâ taħlîl ve tecfîf şedîd olursa te'sîrde 'acele edip tecfîfi ile ve mesâmmı sedd ile laţîfi taħlîl ve keşîfi ħabs eder.

Ve eger o teferruk-ı ittişâlât cilde karîb ve zâhirden olup gayr-i gâyişa olur ise onun me'ûnetine zîkr olunan mu'âlece kifâyet eder.

Ammâ teferrukât gâişa ve keşîre ve zâhirden ba'ide olur ise onun hâlini kürûh-ı rediyye ve evrâm hâli üzere kılıp onu şart eylemek lâzım olur ve onun hâli mađrûb hâli gibi olmaz, zîrâ mađrûbda mādde zâhire müncezi-be olur ve onda cild tarîk-i tekarruhta olur ve şüret-i mütekdime teferruk-ı ittişâl gâiş ve gâirdir, ona binâen muṭîr olmaz ve cezzâbât-ı kavîyye ve meḥâcim ve şart isti'mâline muḥtâcdır. Ve ba'dı kerre emr ondan dahi a'zam olup 'uđv teverrüm-i 'azîm ü ḥârr ü ḥādde şâir olur ve cem'-i mādde eder, bu şürette takyîhe ve mevâdd-ı müctemi'ayı middeye ihâleye ḥâcet olur, teḳayyuh ile veca' sākin ve tefṭîh ile mādde taḥallül eylesin için, zîrâ o mişlli teferruk-ı müteverrim bi'l-âḥere teḳayyuh eder ve me'ûnet-i 'ilâcla o teḳayyuhta isrâ' eslem olur. Ve ba'dı kerre onu edviye-i müfettiḥa min-gayri tefṭîhin tahlîl eder ḥarâret-i ğarîziyye ve si'a-i menâfis o edviyeye i'ânet eder ise. Ve bunlardan sonra bâbu's-sakṭa ve's-şadmede mezkûr olan edviyede dahi te'emmul eyle.

Ammâ füsûḥ üzere isti'mâl olunan ribât, onun şıfatında deyildi ki kaçan bedenden bir mevdi'e rađd ve feshden biri 'arîd olsa onu sen rabṭ eyle o vech üzere ki mevdi'-i rađd u fesh üzere o ribâtı leff ve rabṭ cidden şedîd ola ve ribâtın fevk cānibine zehâbı keşîr ve cānib-i esfele ribâtın zehâbı ḳalîl ola. *Ba'dı nüshalarda fevk cānibi "nāhiye-i kebid" ile tefsîr olunmuştur fe'fhem.* Ve o ribâtta cebâir ve refâid ziyâde olunmaz ve üzerine edviye-i cebbâre ile ya'ni teferruku cebr ve ilḥâm eden edviye ile taṭliye olunmaz, onlar kendilerde mevcûd olan dem-i meyyitin taḥallülüne muḥtâc olur ve cebr serî'an o taḥallüle mâni' olur. Ve ribâtın fevke zehâbını im'ân ve ib'âd eylemek elyak olur o mevdi'e mevâdd-ı muṣabbe olmasın için. Ve fevk cānibine zâhib olan ribât irḥâ olur ve o ribât rakîka olup şulb olan ḥırkadan ittiḥâz olunur şedde müteḥammil ve ona neṭülün ittişâli serî' olsun için. Ve onun nuşbesi nezf-i demde olunduğu gibi fevk cānibine kılınır ve bu ribât ile mu'âlece 'uđv-ı müteverrim olmazdan aḳdem olur, zîrâ kaçan 'uđv müteverrim olsa rabṭ-ı mu'tedilden ğayri rabṭı ihtimâl etmez, fe-keyfe ki rabṭta ğamz-ı şedîd ola! Ve ona binâen o bâbda ve 'uđv-ı mefsûhta verem oldukta ḳavm 'ilâca ađmide ile ve mâ-ı ḥârr şabbını muvâşale ile ederler. Ve ammâ

füsûha tâbî'a olan ğuded artıp büyümesin için üzerine üsrüb vađı ile tedbîr olunur ve bađı kerre üsrüb vađı ile ğudde tefedduĝ ve tefessuĝ eder.

Hacer ve Hâit ve Onlar Gibi Nesneler İle Ebdân-ı İnsân Üzere Vâkıf Olan Şademât ve Saķaķât Beyânındadır

Saķta ve şadme mülimdir, fesh ve rađda mü'eddî olur ve onlarda muĥâta vardır aẓmın ve aĥşâda olan aĝşiyenin ve aşabiyyetin ve urûk-ı kibârının teferruk-ı ittişâline mü'eddî olmak ĥasebiyle ve kezâlik şiddet-i elem ĥasebiyle dahi onda muĥâta vardır. Ve her ne kadar cüsse ekber ve aẓam olur ise onda ĥatar ziyâde olur ve ona binâen etfâlin saķaķâtında ezâ bâliğlerin saķaķâtı ezâsından eķall olur.

Ve saķaķât ve şademât ve đarabâtta ğuded keşrî'l-vukûc olur ve vâcib olur ki o ğuddenin mevđi'inde zıkr eylediĝimiz üzere tedârükü rü'yet oluna.

Ve bađı kerre dahi saķta ve şadmeden âfât-ı aẓîme olan ĥalbin ve mi'de nevâĥîsinin inkıķâcı o sebebdan fevren alîlin mevti ĥâdiş olur. Ve kezâlik onlardan bevl ve berâzın ihtibâsı veyâĥûd bi-ĝayri irâdetin ĥurûcu dahi ârıđ olur. Ve kezâlik saķta ve şadme ile re's veyâĥûd kebid veyâĥûd tıĥâl urûkundan biri munkatı' olup ondan kay-ı dem ve ru'af-ı şedîd ârıđ olur. Ve kezâlik intifâĥ-ı bađn ve şiddet-i nefes ve şavt ve kelâmın inkıķâcı dahi ârıđ olur.

Ve şadme ve đarbe ve saķta ve o mişlli nesneler işâbet edip ve o muşâbın kelâmı munkatı' ve re'si muntekis ve nefsine zübül gelse ve cebhesi terleyip vechi muşferr veyâĥûd muĥđarr olsa o kimse fi'l-ĥâl meyyittir. Ve eger onlara veyâĥûd menĥûsa veyâĥûd đarb-ı müberriĥ ile mađrûba o vâķtte kay-ı dem ve lîn-i řabî'at ârıđ olsa o dahi mâittir. Ve onların eslemi řa'âmla maĥlûť dem kay edenler olur ĥuşuşan onun zâhirinde verem dahi ola. Eger verem bâđına ârıđ olup bađdehu verem sâkin olsa ve ba'de's-sükûn kay-ı midde eylese o kimse alâ-mekânihi helâk olur.

Ve her kimse ki şimâĥı üzere suķûť edip onun şimâĥından ya'nî suķbe-i üzününden dem-i keşir seyelân eylese o saķta onu tevrîm edip ĥatle mü'eddî olur. Alâ-re'sihi suķûť ekşer-i ĥâlde ona tekellüm eylememek ârıđ olur eger üç ĝüne varınca ĥadar saĝ kalır ise ve onun ĥâleti ziyâde ve noķşân olmayıp bir řarâr üzere vâķife olursa üçüncü ĝünde ona ihtikân olunup

yevm-i sâbî'e kadar intizâr olunur ve o iki gün ya'nî şālîş ile sâbî'e arasında bir şey' ile tahrîk olunmaz. Ve sakta şāhibinin mevdi'-i saktaşı muḥmerr olmasa delâlet eder ki o mevdi' aşabîdir.

el-İlâc: Eger sakta'da ve nezâirinde kesr ve ḥal' ve nefz-i demden biri bulunmazsa vâcib olur ki mübâderet olunup maşdûm ve sakta ile mevḥûn olan uḍvlar üzere onları şedd eden nesneler vaḍ' oluna. Ve ma'a-zâlik o mu'âlece eden kimseye vâcib olur ki vaḍ' eylediği edviye-i müşeddide üzere sâbit olup 'alîlin bâtınında sebeb-i mütlif olmadığı zâhir olunca kadar âher 'ilâca taşaddî eylemeye. Ve eger zîkr olunan müşeddid devâ vaḍ'ından ekser ile istizhâra ḥâcet var ise ve 'alîlin ḥâlî o istizhârî icâb ederse vâcib olur ki mübâderet olunup faşd oluna ve ḥukne-i leyyine vü rakıka ile dahi ihtikân oluna ve kezâlik mevdi'-de şakḳ var ise o şakḳ mümkün ise bizim zîkr edeceğimiz edviye ile mübâderet olunup şedd oluna. Ve onun mu'âlecesinde ḥâcet edviye müşeddideye ve müseddide-i muğarriyye ve rıfk ve irhâ [509a] ile muḥallilâta olur fesh'te o edviyeye ḥâcet olduğu gibi ve edviye-i mülhimeye ve ḥâric ve dâhilden mülşık olan edviyeye dahi ḥâcet olur.

Ve onların ecved-i gıdaları mâş ve ḥımmaş olur. Ve fesh ve şadme ve sakta aşhâbına tenâvülü vâcib edviyenin efdali ve akdemi mûmiyâ-ı ḥâlîş olur ve o mûmiyâ zanbaḳ denmmekle ma'rûf dühn ve şarâbla saḳy olunur ve baḍı kerre ḥukundan bir şey' ona ittibâ' olunur veyâḥûd ona rîvend-i şînî füvvehü's-şıbgından bir mişkâl ile şarâb içinde saḳy olunur ve baḍehu Lânî-i¹⁴¹ Ermenî ve summâk saḳy olunur. *Ve baḍı nüshâda vâv ile "Lânî ve Ermenî" vâḳf olmuştur.* Ve 'anzerût onların ilhâmına cidden nâfi'dir ve ilşâkı vardır, şedd eder ve onun şiddet-i nef'i vardır. Ve zernîḥin o 'illetin muḥtâc olduğu ilhâm ve taḥlîl-i dem ve men'-i verem ve men'-i dem ve men'-i âfet mişlli nesnelerin cümlesine nef'-i 'acîbi vardır saḳy ile isti'mâl olunursa. Ve uşâre-i kaṇṭuriyûn-ı ekber ve rîvend ve kuşt ve muḳlun küllîsinin sikencebîn ile şürbü nâfi'dir. Ve o 'ilelde telyîn ve ıtlâk için ḥıyârşenber ve dühnü'l-levz şürb olunur.

141 "Lân" Ermeniyeye semtinde biraz bilâdın ve kavmin ismleridir, 'avâmm ḡalaṭ edip "Alân" derler. Ve bir def'a *Kânûn*'da "tîn-i maḥtûm ve Lânî ve Ermenî" diye zikri âtî olur ve iḳtiḍâ eder ki "Lânî" atyândan ola ve tîn-i Ermenînin bir nev'i ola. Ammâ âḥiri mîm ile olan "lâmî" bir nev' urûḳ-ı Hindiyedir.

Kurş-ı Ceyyid: Rîvend-i şînî, lükk, fûvve dörder, tîn-i mahtûm üç; bu mecmû'dan akrâş ittiḥâz olunup mâ-ı hımmaşta saḳy olunur. Ve o âfetlerin mevâdî'î [üzere] vad' olunan edviyedendir zerîre mürr ve maştakî ile.

Ve muḡâs ile kaçan ḍimād olunsu kesr ve ḥal' ve veşy ve fesh ve ḍarbe ve saḳta ve şadmede ḥâşşıyyeti ceyyide olur, zîrâ muḡâs o 'ileli saḡaltır ve serî'an ilḥâm ve veca'ı teskîn eder ve eger kesrde düşbüz nâbit oldu ise onu takviye ve taşlîb eder.

Ve edviye-i müşedededendir aḳâkıyâ; onun şeddi 'acîbdır ve cebri dahi vardır. Ve şabır ve tîn-i Ermenî vü Lânî ve mahtûm ve mâş ve summâḳ ve caşş-ı meyyit ve nûre-i meyyite ve erüzz-i meshûḳ bu edviye dahi müşeddede olur. Ve mülşıkât devâlardan olur anzerût.

Ve kimādât-ı ceyyidedendir zanbaḳ ile maṭbûḥ ve ma'şûr varâḳu's-serv ve kezâlık varâḳ-ı eşl; o iki kimâdda şebb dahi kılınır ise ceyyid olur.

Şıfat-ı Devâ-i Mürekkeb: Muḡâs üç cüz', ḥaṭmî-i ebyaḍ, anzerût her birinden birer cüz', za'ferân miḳdâr-ı ḳalîl; bu mecmû' ḍimād-ı ceyyid ve ḡavre nâfizdir.

Ammâ ḍarbe veca' icâb edip onda a'râḍ-ı sâire olmasa, ancak veca'ı şedîd olsa ve neḳâ-ı beden ḥasebiyle verem-i 'azîmde ve teḳayyuh ve te-fettühten ve teḳarruhtan dahi ḥavf olunmasa ve onun nevâḥîsinde 'udv-ı meḥûf dahi olmasa zeyt-i müsahḫan ve zeyt-i müsahḫan mişlli ile o 'udvu irḫâya mübâderet olunur. Ve bu ḳabîldendir zahr üzere ve kezâlık yed ve faḫîz üzere vâḳî' olan ḍarbe ve zîkr olunan tedbîr bu mişlli ḍarbe veca'ını teskîn eder.

Baṭn ve Ahşâ Üzere Vâḳî' Olan Şadme ve Ḍarbe Beyânındadır

Kitâb-ı şâlişte bizim onları beyânımızdan ḡinâ ḥâşıldır, o mezkûr ile 'amel vâcibdir. Ve onların ḡidâsı leblâb ve sermak ve ḥubbâzâ gibi müleyyin ve müberrid nesneler kılınır ve lisân-ı ḥamel gibi muḡarrîlerle dahi taḡdiye olunur. Ve kezâlık onlara evvel-i emrde 'uşârât-ı müberrideye müleyyin ḥalt olunup saḳy olunur 'aşîr-i 'inebü's-şaleb gibi ve lisânü'l-ḥamel gibi veyâḥûd ḥıyârşenber ile hindebâ gibi 'aşîrler saḳy olunur.

Ve bu bâbda tecrîbe olunan nesnelerdendir: Medḳûḳ bezr-i ḳaṭûnâdan bir cüz, lükk, kehrübâ her birinden birer cüz'ün nişfi ve rubu'u ya'nî selâse-

te erbâ'ı, za'ferân sübü' cüz'; bu mecmû'dan devâ ittihâz olunur ve şerbet-i vâhidesi iki dirhem kılınıp mâ-ı hârr ile sağy olunur.

Ve kezâlik bu şıfat üzere olan kûrşa sağy olunur, o kûrşa budur: Kehrü-bâ on cüz', verd on cüz', aķāķıyâ-ı mağsûl bir ûķıyye, sünbül-i Hindî altı, iklîl-i melik on cüz', maştakî dört cüz', kûşûr-ı kündür dört, tîn-i Ermenî yedi, za'ferân altı, cevz-i serv sekiz; bu mezkûrlardan mâ-ı lisânü'l-ḥamel ile kûrş ittihâz olunur ve o kûrş muvâfık olur ḥuşuşan ki 'illet zamân-i ev-veli tecâvüz eyleye.

Ve onlara bu cins dımâd tađmîd olunur, o dımâd budur: Tuffâh-ı Şâmî maţbûḥ reyḥānıyla nuđc bulunca kadar ṭabḥ olunup daķķ-ı nâ'im ile daķķ olunur ve ondan yüz dirhem ve lâzen yirmi dirhem, verd on altı dirhem, sünbül, maştakî, aķāķıyâ-ı mağsûl her birinden on dörder cüz'; bu mezkûrlar ma'şûr serv ve lisânü'l-ḥamel suyuyla ma'cûn kılınıp, mâ-ı küzbere ile ma'cûn kılınmak bana eḥabb olur ve dühn-i süsen ḥalt olunmak dahi câiz olur ve ba'dehu onunla tađmîd olunur.

Siyât İle ve Siyât Mişli İle Mađrûbun Ḥâlî ve Mu'âlecesi Beyânındadır

Vâcib olur ki mađrûb bi's-siyâtın ṭa'âmı ḥımmaş-ı muķaşşer-i merđûd ve muķaşşer lûbiyâ-i aḥmer kılına ve ona su yerine mâ-ı ḥımmaş-ı menķû' sağy oluna ve şâḥib-i şadme vü saķta edviyeleri dahi sağy oluna, 'ale'l-ḥuşuş tîn-i Ermenî sağy oluna ve kezâlik râvend ve zencebîl ikisinin mecmû'undan bir buçuk dirhem mâ-ı hârr ile sağy oluna. Ammâ mevđi' üzerine vađc olunacak edviyenin efđali budur ki mislâḥ-ı şât vaķt-i selḥte aḥz olunup ḥarâreti bâķıye iken mevđi'-i darbe ilzâķ olunur ve üzerinde terk olunup aḥz olunmaz. Ba'dı kerre olur ki vađc-ı mislâḥ-ı mezkûr ile yevm-i şânide bür' ḥâşıl olur, veremi taḥlîl ve 'ufûneti def' eder ḥuşuşan ki o mislâḥın taḥtına şedîdü's-saḥķ milḥten bir şey' zerûr kılına. Ve mevđi' üzere ḥazef-i medķûķ ve türâb-ı ettûn ve o mişli nesneler dahi zerr olunur. Ve kezâlik mürdâsenc ve isfidâc veznleri berâber aḥz olunup onlardan dühn-i verd ve şem'le dımâd-ı kayrûṭî ittihâz olunur. Ve kezâlik keşîrâ, za'ferân veznleri berâber aḥz olunup onlardan tılâ ittihâz olunur ve ba'de'l-bür' o mevđi'de siyâtın eser bâķî kalır ise o eşeri zernîḥ ve ḥacer-i fülful ibtâl

eder. Ve ba'ḍılar bu maḳāmda mevt-i demi zıkr ederler, ammā biz mevt-i demi bāb-ı zīnette zıkr eyleriz.

Ves̱y Beyānındadır

Mu'ālecāt-ı ves̱yin efdali elye ve temrdir, mevḍi'-i ves̱yin üzerine vaḍ olunup üzerinde terk olunur ve ondan bi-meşiyetillāhi ta'ālā bürḥ hāşıl olur. Ve kesr-i ızām bābında biz biraz edviye zıkr eyledik ki onun her birisi ves̱yde isti'māle şālīḥ olur, o maḳāma mürāca'at olunsun. Ve eger mevḍi'-i ves̱yde veca' var ise onu şedde müdārāt eyle ve eger veca' yok ise şedde mübālāt eyleme, onu muḥkem bağlamakta ḥaṭar yoktur.

Saḥc ve Saḥc-ı Ḥıff Beyānındadır

Saḥc bir inḳışārdır ki bir nesnenin mümāssesinden saṭḥ-ı cildde 'arīḍ olur. Ba'ḍı kerre o inḳışārın urūḍu ma'a-verem ve ba'ḍı kerre bilā-verem olur ve ba'ḍı kerre saḥc cildin küllisinde olup cild munḳaṭı' olur yāḥūd cild tedellī edip sarkar ve ilşākla mu'ālece olunmağa ḥācet olur ve bābu'l-cirāḥatte zıkr olunan mulşīkāt ile mu'ālece olunup ilşāk olunur.

Ve vācib olur ki ḥasbe mā-emken cild kaṭ olunmaya belki 'uḍv üzerine o cilde-i mütedelliye merreten-ba'de-uḥrā başt oluna, zīrā o cilde evvel-i emrde ilşākı kabūl eylemese dahi bi'l-āḥere mülteşīḳ olur. Ve eger başt-ı mücerred ile ilşākı kabūl eylemese bu şānda mütteḥaze olan merāhim ile ilşāk olunur.

Ve eger maḥall-i saḥc-ı mezkūr 'uḍv-ı mekşūf ise evlā ve elyaḳ olan onu 'adem-i rabṭtır lākin bilā-rabṭ o 'uḍv-ı mekşūf üzere vaḍ olunan devānın mekşī mümkin olmazsa o şūrette rabṭ olunur. Ve 'adem-i rabṭın fāidesi budur ki edviye cild-i mebsūtu tecfīf eder ve havā dahi onun tecfīfine i'ānet eder ve o tecfīf ilşāka nāfi' ve ecved olur.

Ammā saḥc ḥafīf olur ise onun müfred olanlarına [509b] ve ḥuşūşan saḥc-ı ḥıffa edviye-i ceyyide budur ki riye ya'nī akciğer aḥz ḥuşūşan riye-i ḥamel aḥz olunur ve saḥcın üzerine ilşāk olunur ve berā'et ondan hāşıl olur ve eger verem yok ise köhne ve ḥalīḳ cilde iḥrāk olunur, üzerine vaḍ olunmakla 'ilāc olunur veyāḥūd verd zernīḥ-i aḥmer ile mu'ālece olunur.

Ve ƙar-ı muhraqın nef'i cidden 'acîb olur ve onun te'sîri mevşûkûn bihtir huşuşan sahc-ı hıffta te'sîri ekser ve azherdir. Ve edviye-i ƙabîdanın küllî-si hâtîm ve mülhîm ve müdem mildir ve onlar akâkıyâ ve 'afş mişlîlilerdir 'ale'l-huşuş onların muhraqlarında o keyfiyyât ekserdir. Ve kaçan bu tedbîrlerle şehânetde olan suhuc-ı hafîfe vü hıffîye tedbîr olursa onlara kifâyet eder ve ba'dı kerre merhem-i ebyad isti'mâli dahi kifâyet eder. Ve aqvâ edviyedendir isfîdâc ve uşşak ve dühn-i verd ve dühn ya'nî dühn-i hırva ve dühn-i süsen bu mezkûrlar ahz olunup uşşak mâ ile veyâhüd şarâbla hall olunur ve onlardan merhem ittihâz olunur. Ve ba'dı kerre yalnız mürdâsenc şarâbla isti'mâl olursa kifâyet eder. Ve sahc-ı hafîf ü hıffîye ve şehâniyi summâk tecfîf eder ve vereme dahi mâni olur.

Ve ne'tûlât dahi nâfi olur huşuşan teselluh-ı cild hasebiyle şikâk 'arîda olsa ve o ne'tûlât bunlardır: Mâ-ı 'ades ve tabîh-i kirsenne ve 'ades ile mâu'l-baħr müftiren isti'mâl olunur ve onlara dürdî-i yâbis ile dahi tađmîd olunur.

Ammâ cild bi-küllîyyetihi zâil olsa onun tedbîri budur ki edviye-i müceffife ve hâtîm-i aqvâ ile verem men olur ve onun 'ilâcı aşab olur.

Vahz ve Ħarķ ve Kezâlik Şevk ve Sihâm-ı 'İzâmdan Bedende Muhtebes Olan Eşyâyı İhrâc Beyânındadır

Vahz ve Ħarķın mâhiyyetleri birbirlerine müteķâriblerdir, zîrâ ikisi dahi cism-i hâdd ü şulbün bedene nüfûzundan hâşıl olur ve onların ihtilâfları nâfîz olan cismin ihtilâfı hasebiyle olur. Ve müşâbih olur ki vahz daķıķ ve şaĝîr olan cismin nüfûzu ile ve Ħarķ zâ-i mu'ceme ile o cism-i nâfîzin zû-hacm ve 'azîm olanlarının eķeri olur. Ve kezâlik müşâbih olur ki vahz cism-i şaĝîrin o eķeridir ki cildi keşîren ta'addî eylemeyip nüfûzu kaşîr olur ve bu mişlli vahzın mađarratı hafîfe olur, onun mu'alecesine ta'arruđ olunmasa bi-nefsihi berâ'et hâşıl olur her ne ķadar o vahz şâhibinin laħmı redî olur ise velâkin onun redâ'eti şedîde ise vahz-ı mezkûrun mevđî'i teverrüm edip ondan ğarebân hâdiş olur ve huşuşan o ğarz ve vahz dahi müştedd olup laħma vâsıl naħsı ola, pes bu mişlli vahzın ekber-i 'ilâcı veremi ve veca'ı tesķîn olur ve onun tedbîr-i cirâhate ihtiyâcı olmaz.

Ammâ Ħarķ tedbîr-i cirâhate muhtâcdır ve onda cem'ân tedbîr-i cirâhat ve tedbîr-i verem ü veca' isti'mâl olunur. Ve cirâhat ve verem tedbîrlerin-

de qadr-i kifāye bundan aqdem tekellüm olundu, bize bu mevdi'de gerekli olan vahz ve hark tedbirlerinden şey²-i vāhiz ü hārıktan şevk ve naşl ve onlara müşābih nesnelerin bedende muhtebes olanlarını ihracı tedbirlerinde tekellümdür. Ve onları ihrac ba'dı kerre o ālātla olur ki onunla bedende muhtebes olan o şey'e teşebbüs olunup cezb olunur ve ba'dı kerre o mevdi'i aşır ile ve aşra müşābih nesne ile şey²-i muhtebes hüruc eder ve ba'dı kerre dahi edviye-i hādde-i cezzābe ile ihrac olunur, zīrā o edviyelerin ba'dısında bir nev' kuvve-i cāzibe olur ki kelbetānın cezb eylemediği nesneleri o cāzib devā cezb eder.

Ammā ālāt ile cezbın kânûnu budur ki eger nuşul misllilerin müberridiyyetü'r-rü'üs ve şedīdü'n-nüfūs olan kelbetān ile ahz ve cezb edip istihracı kaşd olursa vācib olur ki kabđ olunan şey²-i muhtebesin dāhil-i bedende inkisārından tevaqqī ve ictināb oluna ve o āletin şey²-i menzū'a vuşülü tārīki müvessa' kılına, zīrā muđayyak olsa āletin onu nez'i cevdet üzere olmaz cevdet nez'e temekkün ve si'at-ı tārīk ile olur. Ve kezālik o şey²-i muhtebes-i ihrācda eshel-i tārīk taleb oluna, eger o şey²-i muhtebes iki cānibe nāfiz ise o şey'in hangi cānibden ihracı eshel ise o cānib bi-kadri'l-hāce tevsi' olunur. O şey²-i nāşib ü muhtebesin nez' ve ihracı katında 'adem-i inkisārı için hile budur ki o şey²-i muhtebes ālet ile evvel-i ahzda bağıteten tahrik-i kavī vü şedīd ile tahrik olunmaz belki kabđ olunup bir nev' hezz ve hareket ile tahrik olunur ki onunla o şey²-i nāşibin miqdār-ı nüşubu ve nüfuzu ve kezālik o nāşibin şābiť ve müteşebbiş ve rāsih veyāhūd mütekalķıl ve müteharrik olduđu ma'łum olur, ba'dehu 'ale'l-istikāmet cezb olunur. Ve çok kerre dahi o nāşib müteşebbiş ise ihrac olunmayıp bi-nefsihi hareket eylesin için birkaç eyyām 'alā-hālihi terk olunur.

Ve bu şan'atta ba'dı 'ulemā bir kavlı dediler, biz o kavli 'alā-vechihi irād eyleriz o kavlı budur: Sihām intizā'ından muqaddem gerektir ki sihāmın envā'ı ma'łum ola, zīrā sihāmın ba'dısı haşebden ve ba'dısı kaşabdan olur ve ezicceleri hadīdden ve nuhāstan ve reşāş-ı kal'iden ve qurūndan ve 'izāmdan ve hicāreden ve haşebden ve kaşabdan olur; o eziccelerin ya'nī temrenlerin kimisi müstedir ve kimi dahi üç zāviyeli ve dört zāviyeli ve kiminde sinn olup iki veyāhūd üç lisān olur ve kiminde zücc olur ve kiminde zücc olmaz ve züccü olanların dahi züccü kiminde halfe māl olur o sehm hārice cezb

olundukta cisme ta'alluk ve teşebbüs eylemesin için ve kiminin dahi kuddāma olur mündefî olsun için ve kiminin eziccesi levlebe¹⁴² müşābih olup bir şey⁹ ile hareket eder, kaçan hārice sehm cez̄b olsa o levleb münbasit olup sehmi hūrūcdan men^c eder ve kiminin zücresi 'azīm olup üç işba^c miqdārı tarafı olur ve kimisi bir işba^c miqdārı olur, cona zenebāniyye tesmiye olur ve ba'dısı basit ya'nī sāde olur ve kiminin daḳīḳ ve ḥadīd üzerinde zevāyidi olur ve kaçan o zücce nāşib olduğu cisimden ihrāc olunsa o daḳīḳ zevāyid münkesire olup içinde kalır ve ba'dı zücce sehme maḡrūz ve kakılmış olur ve ba'dı züczenin dahi ünbūbu olur, sehmin tarafı o ünbūba idhāl olunur ve ba'dı sehmin zücresinin terkibi veşākat üzere olur ve ba'dısı ḡayr-i veşīḳ olur, cez̄b olundukta sehm hūrūc edip zücce bāṭn-ı cisminde kalsın için ve ba'dısı mesmūm ve ba'dısı dahi ḡayr-i mesmūm olur.

Ve sehmin hūrūcu iki nev^c üzere olur bir nev^ci cez̄b ile ve āheri def^c ile olur. Onun beyānı ve tavdīhi budur ki kaçan sehm ancak zāhir-i cesede nüşūb ve nüfūz eylese onun ihrācı cez̄b ile olur. Ve kezālik sehm cildin 'umkuna nüfūz edip sehmin kubbālesinde ya'nī önünde olan mevdi'den ḡavf olunsa ki eger sehm cez̄ble ihrāc olunmayıp ve def^cle taraf-ı āherden ihrāc olunsa o mevdi'de nez̄f-i dem mühlik olur ve ezā-yı şedīd ḥādīs olur, o şūrette dahi sehm cez̄ble ihrāc olunur. Ve kaçan sehm lahma nüşūb edip o sehme istikbāl eder ecsām-ı kalīle ve o ecsām-ı kalīleyi şakḳa mānī^c 'aşeb ve 'azm ve onlara müşābih bir şey⁹ dahi olmasa o zamān sehm def^cle ihrāc olunur. Ve eger 'udv-ı maḡrūc kemik ise onu cerḥ eden sehmi dahi cez̄b ile ihrāc eyleriz. Ve eger sehm zāhir ise lā-maḡāle biz onu cez̄b eyleriz.

Ve eger sehm ḡafī ve müstetir ise lāyık olur ki İbukrāt'ın ḳavli ile 'amel oluna, o ḳavl budur ki mümkün olursa mecrūh ḥīn-i cerḥte olan hey'eti ve nuşbesi üzere kılınır ve o hey'etten sehmin mevdi'ine istidlāl olunur ve eger 'alīli o hey'et üzere kılmak mümkün olmaz ise 'alīl mümkün olduğu şekl üzere istilkā olunup teftīş ve 'aşr olunmakla sehmi muḥtefinin mevdi'i ta'arrūf olunur ve mevdi'i ta'arrūftan sonra eger nüşūbu ve sehmi nāşibin mevdi'i laḡmda ise sehm yed ile cez̄b olunur ve ḡaşebi sākıt deḡil ise ḡaşebiyle cez̄b olunur ḡuşūşan o ḡaşeb ḳaşab olmaya. Eger ḡaşebi sākıt ise kelbeteyn veyāḡhūd minḳāş veyāḡhūd ihrāc-ı siḡāma ḡāşş ālet ile zücce ḳābd ve

142 "Levleb" mizved ma'nāsınadır ya'nī zād vaḍ^c olunan sofradır ki dūrülür ve açılır.

cezb olunur. Ve ba'dı kerre zücce şakḳ-ı evvelden iḥrâc olunmak mümkün olmamakla şakḳ-ı evvel tevsîr olunur. Ve eger sehm şakḳ-ı evvelin ḳubâlesinde olsa ve sehm dâhil olduğu cihetten ḥurûcu şu'ûbetli olsa lâıyık olur ki o mevḍîc cihet-i ḳubâleden şakḳ olunup o şakḳ-ı cedîdden cezb veyâḥûd def'le iḥrâc oluna. Eger ḥaṣbe-i zücce zücce üzere ise ḥaṣbe ile ve eger sâḳıta ise şey'î âḥer ile [510a] zücce ḥârice def' olunur.

Ve lâıyık olur ki bizim o zücceyi ḥârice def'imiz ile 'aşab ve şiryândan bir nesne kaṭ olunmaya. Eger bizi teftîşimiz ile züccede zenb olduğu zâhir ve âşikâr olsa lâıyık olur ki o zenb-i sehmi def' için şakḳa idḥâl eylediğimiz âletin ünbûbesi içine idḥâl oluna ve ba'dehu def' oluna. Ve kaçan zücc ḥurûc edip ve o züccde mevâḍî-i maḥfûre rü'yet olunup ondan o züccde fi'l-aşl zevâid-i uḥrâ olup ḥîn-i iḥrâcda münkesir olup küsâresi dâhil-i cürḥte bâkıye olmak tevehhüm olursa o vâkt dahi cürḥ teftîş olunur, eger ḥadîdden bir nesneye işâbet olunur ise zıkr olunan ḥile ile ya'nî ünbûbe-i âlet ile iḥrâc olunur ve eger züccün şu'ab-ı muḥtelifesi olsa ve ḥurûca icâbet eylemese lâıyık olur ki biz onun şakḳını tevsîr eyleyeyüz eger ḳurbünde meḥûf olan bir 'uḍv yok ise. Ve kaçan şakḳ olunup zücce münkeşife olsa onu biz rıfḳ ile iḥrâc eyleriz. Ve ba'dı nâs o şu'abı ünbûbe içine idḥâl ederler, ma'an laḥmı dahi ḥurûcunda iḥrâc eylesin için. Ve ba'dehu eger cürḥ sâkin olup onda verem-i ḥârr olmazsa ona evvelâ ḥıyâṭatı isti'mâl eyleriz ve sonra münbitü'l-laḥm olan mu'âlecâtı isti'mâl eyleriz. Ve eger cürḥe verem-i ḥârr işâbet eylediye lâıyık olur ki onda tenṭil isti'mâl oluna ve aḍmide ile dahi mu'âlece oluna.

Ammâ sehm-i ḥâric mesmûme olsa lâıyık budur ki sehmin işâbet eylediği mevḍî-i semmin te'sîri miḳdârı mümkün ise takvîr oluna ve o mevḍîc laḥmının taḡyîri ile ma'ûm olur, zîrâ laḥm-ı mesmûm laḥm-ı şaḥîḥa levnde muḡâyir ve levn-i meyyit gibi kemidü'l-levn olur. Ve eger sehm 'azma münḡariz olur ise âlet ile iḥrâc olunur. Ve eger 'azmdan âlet ile iḥrâca laḥmdan bir nesne mâni' olur ise lâıyık olur ki o nesne takvîr veyâḥûd şakḳ oluna. Ve eger sehm 'umḳ-ı 'azma münḡariz olup sehmin ṣebâtından 'umḳa ingizârı ta'arrûf olunur ise ve bizim o sehmi taḥrîk ile sehm ḥareket eylemezse bize lâıyık olur ki o 'azmı fevḳ-ı sehmden evvelâ maḳṭa' ile kaṭ eyleyeyüz veyâḥûd mişḳab ile sehmin eṭrâfını eger 'azm ṣeḥîn ise şakḳ edip sehmi taḥlîş eyleyeyüz. Ve eger sehm a'ḍâ-i re'îseden birine münḡariz

meşelâ dimâğ ve kalb ve baṭn ve em'â ve raḥim ve kebid ve meşâne işbu a'ḍâ-i şerîfeden birine ğarz olunup onlarda mevt ve helâk 'alâmâtı zâhir oldu ise lâyıḳ olur ki o sehm cezḅ olunmaya, zîrâ cezḅ ile ḳalak-ı keşîr 'arîḍ olur ve eger cezḅ olunsa o cezḅ ile 'alîlin ḳalak ve ıdṭırâbından mâ-'adâ ṭabîbe cehele tarafından ṭa'ne ve bî-vech kelâmla şemânete mü'eddî olur ve ma'a-hâzâ o cezḅin nef'i dahi ḳalîl olur. Ve eger 'alâmât-ı mevt onlarda zâhir olmazsa o ingirâzdan ḥudûsu ḥavf olunan nesneleri biz ihbâr eyleyip ekser-i hâlde ondan ḥadîş olan 'aṭabı takdîm eyleyelim ve ba'dehu 'ilâc beyânına şîrûc eyleyelim, zîrâ o a'ḍâlarına sehm işâbet eden kimselerden ḥilâf-ı me'mûl çok kimseler selâmet-i 'acîbe ile selîm oldular ve o sehm ḥasebiyle muşâb olanların kebidinden bir cüz' ve baṭn üzere olan şîfâḳ ve şerbden birer şey' ve raḥimin küllîsi ba'dı kerre ḥurûc edip yine onlar ḥalâş oldular, o cirâḥat ile helâk olmadılar ve 'ale'l-ḥuşûş o sehm ihrâc olunmasa dahi onlar helâk olmaları muḳarrerdir, üzerinde sehmi terkin nef'i olmaz ve o terki biz ḳillet-i merḥamete ḥaml ve nisbet eyleriz, zîrâ sehmi nez' ba'dı kerre selâmete mü'eddî olur.

O Sehmi Câzibe Edviye Beyânındadır

Vâcib olur ki sehm-i nâşib mevḍî'ine ḳavî câzib olan uşşâḳ vaḍ' oluna veyâḥûd aşl-ı ḳaşab aḥz olunup daḳḳ oluna ve onun medḳûḳu ile ḍimâd oluna ve ba'dı kerre 'asel ve ḥubz ile o aşl-ı medḳûḳ ma'cûn kılınır. Ve kezâlik varâḳ-ı ḥaşḥâş-ı esved ve varâḳ-ı şecerü't-tîn sevîḳ ile taḍmîd olunur ve kezâlik bezrû'l-benc ḳalkâḍisle ḍimâd olunur ve benc şemeresi ile bi-hâlihâ ḍimâd olunur ve ḥîrî aşnâfının küllîsi ile ve zerâvend ve başal-ı nerces ile dahi ḍimâd olunur.

Ve edviye-i ḥayvâniyyeden dahi çok devâ vardır ki onlar ile ḍimâd olunur, onlardan ḍıfḍı-ı meslûḥun 'izâmda olan nâşibe menfa'ati cidden 'acîb olur ve o ḍıfḍı-ı meslûḥ esnânı dahi ḳal' eder ve meshûḳan seretânı isti'mâl dahi onun gibidir ve kezâlik irbiyân ve enâfiḥ¹⁴³ dahi o mişllidir. Ve deyildi

143 “Enâfiḥ” “infeḥa”nın cem'idir, peynir mayası ma'nâsına. Ammâ irbiyân ḥayvân-ı mâdan bir nev'dir, seretândan şağîr olur. İbn Kütübî der ki o ḥayvâna “rûbiyân” derler, ona “irbiyân” ıtlâḳı ğalaṭtır belki “irbiyân” hemze ile bahâr ma'nâsındır.

ki 'azāye dedikleri hayvân bir nâşib üzere şedd olunsa *ve bâdî nüshada şedh olunsa vâkı'dir*, onun şedd ve şedhi o nâşibi şediden cezb eder. Ve edviye-i cāzibe-i mürekkebedendir 'azāyenin re'si zerāvend-i tavîl ve aşı-ı kaşab ve başal-ı nerces ile. Ammâ kurûh-ı mündemilenin tahtından 'izām-ı fasideyi cezbi biz bâbu'l-'izāmda zikr eyleriz.

Hark-ı Nâr 'İlâcî Kânûnudur:

Hark-ı nâr 'ilâcî iki ğarađ hasebiyle olur: Evvelki ğarađ teneffuđu def' ve ikincisi muhterik olan 'udvu işlâhtır. Ve teneffuđu men' de bilâ-lez' tebrîd eden edviye isti'mâline hâcet olur. Ammâ harkı işlâh için bilâ-kesret ve bilâ-ledğ tecfifün-mâsı olup harr ve berdde mu'tedil olan edviye-i cāliyeye muhtâc olur. Ve eger o tedbirlere ma'an hâcet olur ise evvelâ müberrid ile 'ilâc olunup hâcet kalır ise sonra 'ilâc-ı sâni ile dahi tedbîr olunur, ammâ o hark idrâk ve teneffuđ eylediye vâcib olan tedbîr-i sâni olur.

Ve edviye-i harkıyye kaymüliyâ ve hafîfetü'l-hacm atyân ve 'ades-i ma'tbûh ve midâd-ı Hindî ve o misllilerdir. Ammâ kündür ve kündürün emsâli olan dūsümât ve 'ilk bu bâbda devâ-i şâlih olmaz, zîrâ onların ba'dısı qadr-i lâyıktan eşhan olur ve ledğı dahi olur ve ba'dısı dahi qadr-i lâyıktan ertab olur.

Ğarađ-ı evvel için ya'nî tenfîti def' için isti'mâl olunan edviye-i harkıyye bunlardır: Şandal ve fûfel-i ebyađ u cedîd, âcür veyâhûd hazef bu mezkûrlar aħz olunup 'ineb-i şa'leb suyuyla ve mâ-ı verd ile tılâ olunur veyâhûd yumurta sarısı ve dühn-i verdden merhem ittiḥâz olunur. Ve kezâlik hindebâ, şa'ir-i mağsûl daķıķı, muḥḥ-ı beyḍ ve dühn-i beyḍ ile ve kezâlik 'ades-i meslûk ma'a'l-verd dühn-i verd ile ve kezâlik tîn-i Ermenî ḥall; bu mezkûrlardan 'alâ-mâ-yenbağî merhem ittiḥâz olunup sonra onda ğasl-ı tâmm ile mağsûl nûre-i isfîdâc, beyâḍ-ı beyḍ ve lebenden bir şey' dahi kılınır. Ve kezâlik ḥubbâzâ varakı mâ-ı 'azb ile mü'ekmeden selk olunup saḥk olunur ve ḥubbâzâ eşyâ-i ḥayṭiyyesinden dahi tenkıye olunur ve ba'dehu o meshûk ḥubbâzâ mürdâsenc-i mürebbâ ve isfîdâc-ı kal'ıyy her birinden ikişer buçuk cüz', dühn-i verd dört cüz', mâ-ı 'ineb-i şa'leb, mâ-ı küzbere her birinden birer cüz' işbu mezkûrlarla o ḥubbâzâ cem' olunur.

Ve ğarađ-ı sâni için ya'nî işlâh-ı hark için isti'mâl olunan edviye bunlardır: O edviyenin ecvedi merhem-i nevredir, o merhem budur: Nûre aħz

olunup hiddetin küllîsi zâil olsun için yedi kerre gâsl olunur ve baʿdehu dühn-i verd ile veyâhûd zeyt ve ʔalîl-i şemʿle eger hâcet olursa ʔarb olunur, baʿdı kerre dahi o eczâlar üzere ʔîn-i ʔaymûliyâ ve beyâd-ı beyd ve ʔall-i hamrdan miqdâr-ı ʔalîl dahi ziyâde olunur.

Nüşa-i Uhra Li-Merhemi'n-Nüre: Maʿlûmun olduđu vech üzere nüre gâsl olunur ve ondan varak-ı sılķ ve varak-ı kerneb ve dühn-i verd ve şemʿle merhem ittiḥâz olunur.

Ve bu bâbda eger tebeşşür ve teneffuṭtan ḥavf olunmaz ise şâlih olur varak-ı eşl-i muḥrak ve ḥarnûb-ı muḥrak saḥķ olunup istiʿmâl olunmak.

ʔalîlî'l-ḥarâret olanlara merhem şâliḥdir, o merhem ṭavîlî'l-teʿlîftir, tecrîbe olunup ceyyid bulunmuştur: Baķar-ı râʿnin ḥişy-i müceffefi, şecer-i şanevber kuşûru, müşķ-ṭarâmşîr her birinden onar dirhem, mürdâ-senc üç, ḥabeş-i fîdâ iki, ḥabeş-i reşâş dört mâ-ı bârid ile mirâr-ı keşîr ile mağsûl nüre beş, ʔaymûliyâ beş, Kıbrısî veyâhûd Ermenî veyâhûd Rûmî ʔîn ve isfîdâc-ı reşâş her birinden yedişer, medķûķ ʿaşaʿr-râʿ onar, midâd-ı Fârsî veyâhûd midâd-ı şînî altı, tûtiyâ-ı aḥḍar yedi, baʿrûʿd-ḍaʿn on, leblâb ḥabbı ve varakı her birinden on beşer, ḥabeş-i ḥadîd, varak-ı ḥaṭmî ʿuşâresi, varak-ı ḥubbâzâ ʿuşâresi her birinden onar, süsen-i âzâd yaʿnî beyâd süsen, âzâdın başalı, süsen-i âsmancûnî ve zaʿferân her birinden beşer, kâfur dört, mûm, dühn-i verd, geyik kemiğinin iliğî ve şaḥmı miqdâr-ı kifâye; bu mezkûrlardan mütteḥâz merhemini kuvveti eşedd olur.

Ve kezâlik ʔalîlî'l-ḥarâret olanlara şâlih olur nuḥâs ve ḥadîd bürâdeleri [510b] aḥz olunup ʔîn-i ḥurr ile veyâhûd ʔîn-i aḥmer ile maʿcûn kılındıktan sonra tennürda veyâhûd ettûnda iḥrâķ olunup ķurş kılındıktan sonra ḥıfz olunup baʿdehu tecfîfe hâcet olan mevḍî-i ḥarkâ ekilse veyâhûd dühn-i verd ile o ķurş ṭîlâ olunsâ. Ve yine bu ʔabîlden olur ḥur-ı ḥamâm ḥırķa-i kettân içinde terem müd edince ʔadar ḥark olunup o remâd dühn ile ṭîlâ olunsâ ve onun nefʿi ʿacîb olur.

Ve ḥarkın mevâḍî-i müteḥarriḥasına nâfiʿ olur gerek meslûķ veyâhûd baķlatuʿl-ḥamķâ maʿa-sevîķ ve varak-ı âs-ı meshûķ üzerine zerr olunur ise. Eger o ķurḥa bu devâ ile müntefîʿa olmayıp ʿişyân ederse eşlin varak-ı muḥrakı veyâhûd varak-ı yenbût-ı muḥrak ile zerr olunur. Ve eger onlara dahi ʿişyân ederse ķurûḥ-i ḥabîşede müstaʿmel olan edviye-i müdemmile istiʿmâl olunur.

Mâ-ı Muğlâdan Hâdiş Olan Hark Beyânındadır

Ba'dı kerre tancerede galeyân eden su mişlliler ʿuḍv-ı insân üzere munşabb olup nârin fi'li gibi ʿuḍvda o mâ-ı ḥârrın fi'li olur. Onun tedbîrinde şavâb olan budur ki mübâderet olunup teneffüştan muḳaddem onun üzerine sandal ve mâ-ı verd ve kâfûr ile tılâ oluna ve o mevḍî cefâf edince kadar terk olunmaz belki mâ-ı bârid mişlice mağmûse olan bir ḥırka ile küllü sâa-tin tertîb olunur ve bu tedbîr o ḥarkı tenaffüştan men' eder. Ve bir kavm o ḥarka tedbîrde mübâderet edip o ḥarkın üzerine mâ-ı zanbak veyâḥûd mâ-ı remâd saçarlar. Ve ecved olan onların her hangisi isti'mâl olunursa sevîk ile veyâḥûd merhem-i nûre ile saḥk oluna. Ve kezâlik zibl-i ḥamâmın devâ-i mezkûru dahi cidden ʿacîb olur ve onun ḳurḥası kürrâş-ı meslûk veyâḥûd kürrâş-ı müceffef-i meshûkla mu'âlece olunur veyâḥûd bâb-ı evvelde bizim zikr eylediklerimiz ile mu'âlece olunur.

Demin Nezfi ve Habsi Beyânındadır

Kitâb-ı evvelde ma'lûm oldu ki ba'dı kerre dem ʿurûḳtan ḥurûc eder ve onun ḥurûcu ʿurûḳun ḍa'fı ḥasebiyle fûvvehe-i ʿurûḳ münfetiḥa olmakla olur veyâḥûd o infitâḥ şiddet-i imtilâdan veyâḥûd ḥareket-i ḳaviyyeden ḥattâ şayḥa ve veşbeden dahi olur veyâḥûd nezf-i dem ḥâricden vârid olan ḥârr-ı câzibden olur veyâḥûd ırḳın inşidâc ve inḳitâcından olur ve o inşidâc ve inḳitâc dahi ḳâtıf-ı fessâḥ veyâḥûd dâḥilden te'ekkül veyâḥûd ʿale'l-imtilâ şiddet-i ḥareket sebebiyle olur veyâḥûd nezf tehelhül-i ırḳ ḥasebiyle reşṭen olur ve o tehelhül gâhca ırḳın cirminde ve gâhca şıfâḳında olur.

Ve dem-i ʿurûḳtan tarîḳ bulundukta seyelâna elyâk ve evlâ olan dem-i şiryândır, zîrâ şiryân münḳabıḍ ve münbasıṭ olup müteḥarrik olur ve lâ-maḥâle muḥtevî olduğu dem merreten münḳabıḍ ve merreten uḥrâ mün-teşir olup nezfe mü'eddî olur. Ve kaçan o ḥareket ile teferruk-ı ittişâl ḥâdiş olduğundan sonra ḥurûc eden demin mekânı vâsi' ve ḡayr-i ḳayyık olsa ve dem mekân-ı ḥâlî bulsa o emr ebûresmâ tesmiye olunan ümmü'd-deme âil ve râci' olur. Ve şiryân her ne kadar iltihâmı ḳâbil olur ise velâkin onun iltihâmı a'ser ve aş'ab olur ve çok vâḳi' olur ki şiryân mülteḥim olmaz lâ-kin şiryânı muḥîṭ olan nesne mülteḥim olup taḍyîke mü'eddî olur ve dem seyelân-ı fâḥiše ḳâdir olmayıp o mülteḥim muḥîṭin fûrceleri vüs'ati mik-

dârı demden bir şey² nâhiye-i cilde hürûc eder ve kaçan ğamz-ı rakîk ile o maħalle ğamz olunsa bâtına ‘avd eder, fetkte ğamz-ı rakîkle şey²-i hâricin bâtına ‘avd ve rücu‘ eylediği gibi. Ve ba‘dı kerre taht-ı cildde ‘ırkın kendisi bâkî kalıp onun nabdı ve tefettuku ihsâs olunur ve çok kerre şiryâna o hâl bâtından ‘arıd olup cild münfetik olmaz ve tahtta verem-i leyyin ile ebû-resmâ hâdiş olur dem ve rih-i muhtebeşler olmakla ve onu ğamz ile teskîn kâbil olur ve bu hâl çok kerre ‘unukta ve ürbiyyede ve mâbiḍde kendiliğinden ‘arıd olur ve çok kerre dahi sebeb-i hârici ve kaşd ile ‘arıd olur.

Ve eṭibbâdan çok kimseler zann eylediler ki şiryân fetkinin küllisi ümm-i deme mü‘eddî olur, zîrâ onun fetki mültehim olmaz ve ekser-i hâlde onun havâlisi mültehim olup verem-i ma‘rûf hâdiş olur, ammâ şiryânın kendide iltihâm olmaz velâkin hakîkatü'l-hâl onların zann eyledikleri gibi değildir. Ve fetk-i şiryânın ‘adem-i iltihâmına zâhib olanlar kıyâs ve tecrîbe ile istidlâl eylediler, ammâ kıyâsla istidlâlleri budur ki şiryânın iki tabaķasının biri ğuḍrûfiyyedir, ğuḍrûf ise mültehim olmaz; ammâ bi-hasebi’t-tecrîbe olan istidlâlleri budur ki her ne kadar şiryân münfetik olduysa birinin iltihâmı rü’yet olunmamıştır. Ve Cālînûs onlara bi-hasebi’l-kıyâs ve’t-tecrîbe muķâbele edip dedi ki şiryân iltihâm şânından olan lahm ile iltihâm şânından olmayan ‘azm beyninde mütevassıttır ve ona lâıık budur ki iki tarafın hükmi onda mevcûd olup iltihâmı kabûl ede velâkin kabûlü şu‘ûbetli ola. Ve Cālînûs’un bu kelâmı emr-i ḥiṭâbîdir, ammâ bi-hasebi’t-tecrîbe mu‘âraḍası müşâhededir ya’nî Cālînûs da‘vâ eder ki çok şiryân-ı münfetika ben mu‘âlece eyledim ve iltihâmı kabûl eylediler. Ve bundan aķdem o kelâm üzere bir şey² zikrinden biz fâriğ olduk lâkin el-ân biz deriz ki bi’l-cümle a‘ḍâdan inbi‘âs-ı dem müstevî olmaz belki ‘uḍvlar münfetik oldukta demin inbi‘âsı muhtelif olur, kebid ve riye mişlliden dem infitâķ katında kebirin münba‘is olur ve ba‘dı a‘ḍâdan demin inbi‘âsı kalîl olur iki kısmın her birinin kiminde ḥaṭar olur ve kiminde ḥaṭar olmaz, meşâlâ riyede münba‘is olan demde ḥaṭar olur ve enften dem inbi‘âsında ḥaṭar olmaz ve o iki ‘uḍvdan münba‘is olan dem keşir olur. Ve meşâne ve raḥim ve külye mişlli ‘uḍvlardan def’e münba‘is olan dem cidden keşir olmaz velâkin tûl-i müddet ile münba‘is olan dem keşir olup ‘âķıbet-ı ğayr-i maḥmûdeye mü‘eddî olur. Ve kezâlik şerâyinden nezf eden dahi muhtelif olup ba‘dı şiryânın

nezfî şa'eb ve hatarlı olur yed ve ricde olan şiryânların nezfî gibi ve o mislli şiryânın nezfî muhtebes olmaz ve ekser-i hâlde katl eder. Ve ba'dı şiryânda nezf sühûletli olur, kıhfta olan nezf şiryânı habs sühûletli olur ve onu şedd mücerred habs-i nezfte kâfidir. Ve çok vâkı' olur ki şerâyîn-i şıgârdan dem nezf eder ve ba'dehu kendiliğinden muhtebes olur.

Ve dem-i şiryân ile de dem-i verîdin farkı budur ki dem-i şiryân nezfî nezv ve dârebânla olur ve kıvâmda erağk ve levnde urcuvâniyyeti eşedd olup onda dem-i verîd sevâdı ve kutmesi olmaz.

Ve ma'lûm ola ki o kimse ki onda istifrâğ ve huşuşan istifrâğ-ı dem ola huşuşan şiryânı dem istifrâğ eyleye ve istifrâğı ifrât üzere olup teşennüce mü'eddî ola, o istifrâğ redî olur ve fuvâka mü'eddî olur ise kâtil olur ve eger fuvâkla ma'an gâşy dahi olur ise katl ve mevt-i 'acildir. Ammâ o müs-tefrîğin hezeyân ve ihtilât-ı 'aklı redîdir, eger hezeyân ve ihtilât teşennüce mu'ârin ise ekser-i hâlde kâtildir.

Ķânûn-ı 'İlâc-ı Nezfî'd-Dem

Nezf-i dem 'ilâcında vâcib olur ki ona bed' olunup evvelâ nezf habs oluna mu'âlece olunmakla. Eger nezfîn habsi mu'âleceye muhtâc olur ise meşelâ nezfîn sebebi ekkâl mislli sâbit nesne olur ise mu'âlece ile o [izâle] olunmakla nezf habs olunur ba'dehu kırıhaya mu'âlece olunur. Ve eger sebebi izâleye hâl imhâl eylemezse min-ğayri izâleti's-sebebi demi hâbis olan devâlarla dem habs olunur ve demi hâbse sebep olan devvâlar kitâb-ı evvelde zıkr olundu lâkin onları biz bi-tarîķi'l-istizhâr ya'nî 'an-zahri'l-ķalb zıkr eyleyelim.

Ve biz deriz ki demi hâbse sebep olan devâların habsi demi cihet-i maħrecin hılâfı olan cihete şarf ile olur veyâhūd o devâ demi cihet-i maħrece inşırâftan mâni' olmaz ve cihet-i hılâfa şarf eylemez lâkin dem cihet-i maħrece munşarîf olup nefsi maħrece karîb oldukta habs edip maħrecden hırûcuna mâni' olur veyâhūd demi o sebep kurb-ı maħrecde dahi habs eylemez ve belki dem maħrece vâşıl olur velâkin maħrecden hırûca o sebep mâni' olur veyâhūd o sebep habsât-ı selâsedan iki vech ile habsi veyâhūd cemî'an vücûda habsin üçünü dahi câmi' olur. Ve demi cihet-i maħrecin hılâfı cihetine şarîf olup kısm-ı evvel olan sebep dahi cihet-i uħrâya şar-

findan mâ-‘adâ fi‘l-i âheri olmaz ve cihet-i uhrâda mahrec ihdâs eylemez kebid üzere vad‘ olunan mehâcim gibi, zîrâ o mehâcim demi cihet-i hilâfa şarf edip munhur-ı eyemenden irâka ve isâle eder, müceddeden mahrec [511a] ihdâs eylemez yâhûd o sebep cihet-i uhrâya demi şarf ve cezb eylediğinden mâ-‘adâ mahrec-i âher dahi ihdâs eder, mer‘ûf olan kimseye yed-i muhâzîden faşd-ı dayyık ile faşd olundukta demi o tarafa cezb ve şukbe-i dayyıkayı ihdâs eder.

Ve ammâ üç kısım esbâb-ı hâbisenin ikinci kısmı olup demi cihet-i mahrecden kurb-ı mahrecde hâbs eden sebep o nesnelerdir [ki] demi nüfûz ve hareketten men‘ eder ve o harekete mâni‘ yâ sebep-i muhâssir yâhûd sebep-i muhaddir olur, zîrâ gâşy dahi demi hâbs eder.

Ve ammâ mevdi‘de ve mahrecde demi hâbs eden ve mahreci sedd eden şey²-i sâdd dahi yâ rabt olur veyâhûd redm¹⁴⁴-i ilkâm olur veyâhûd redm-i gayr-i ilkâm olup keyy ile veyâhûd devâ-i kâvî ile hâdisê huşkrîşet olur yâhûd mahrecde vâki‘ olan dem-i câmid ve ‘alaqa veyâhûd tagriye veyâhûd mahrecin iltihâmı veyâhûd cefâfî olur veyâhûd o mâni‘ ‘ırkı [mu‘tîf] olan lahmın mahreci dağıtılır, zîrâ o lahm-ı dağıtıl mahreci sedd edip şediden itbâk eder.

Ve bilinmek gerekir ki eger o cirâhate verem şöhbet ederse zîkr olunan a‘mâlin çoğu müte‘azzir olur, huyût ile rabt mümkün olmaz ve fetâil idhâli ve şedd-i ‘anîf isti‘mâl olunmaz ve verem olduğu hâlde ancak tagriye ve kabd ve tahdîr ve tahşîr-i dem isti‘mâl olunur. Ve eger şedd ve şakḳ ve takrîb-i devâdan biri isti‘mâl olunsa veca‘ ihdâs ederse cidden cerî olur ve ona her naşbe-i müci‘a redîdir. Ve vâcib olur ki ona muvâfık olan naşbe iki emri câmi‘ ola, biri o naşbede veca‘ olmaya ve âheri onda mesîl-i dem mürtefi‘ ola hattâ tedliye ve ta‘lîke i‘ânet bulunmamakla sühûlet ile dem hurûc ve bürûz eylemeye. Ve eger bu iki gâraḍda temânu‘ ve teḥâlûf olur ise ya‘nî ikisini ma‘an cem‘ mümkün olmayıp eḥadühümânın huşûlü âherin intifâsına mevķûf olur ise bi-hasebi’l-müşâhede ‘alîle evfaḳ ve hâline akreb olan hangisi ise ona meyl olunur. Ve ma‘lûm olması vâcib olan şey²den sonra o vücûhu birer birer biz zîkr eyleriz:

Ve o bilinmesi vâcib olan şey² budur ki evvelâ tefakḳud ve tefahḥuş olunup ‘alâmet-i mezkûre ile ‘ırḳ-ı nâzif şiryân ve verîdden hangisi idüğü

144 “Redm” sedd ma‘nâsına.

ta'arrüf oluna, eger şiryân ise ona verîdden ziyâde 'inâyet şarf oluna. Pes bundan sonra biz deriz ki maḥrec-i dem cihetinin ḥilâfı cihetine demi şırf 'uḍvu delk ḥasebiyle icâ' etmekle ve rabṭ ve şedd ve meḥâcim vaḍı ile olur ya'nî bu vücūhun küllîsi cihet-i ḥilâf üzere ikâ' olunur. Ve vâcib budur ki cihet-i ḥilâfta bu fi'iller işlenecek mevḍi' 'uḍv-ı me'ûfa müşârik ola bir ḥâl üzere ki beynehümâda bir ḥaṭṭ-ı müstaḳîm-i vâsıl farḍı mümkün olup o iki 'uḍv ḥaṭṭ-ı müstaḳîm-i mezkûrun her biri birer tarafında ola ve o ḥaṭṭ gerek ise 'uḍvun tûlüne ve gerek 'arḍına sâlik olsun ol müşârekette gerek bi-ḥasebi't-tûl ve gerek bi-ḥasebi'l-'arḍ olsun dem cânib-i ḥilâfa o zamân cezb olunur ki beynehümâda olan mesâfe ba'ide ola. Ve eger mesâfe qarîb olup 'uḍv-ı me'ûftan o cezble dem tamâmen muṣarîf olmazsa o cezb müfid olmamakla terk olunur. Ve o qarîb olan müşârikler yedin iki câniblerinin ve re'sin dahi iki câniblerinin birbirine müşârekeleri gibi ve müşâreket ḥasebiyle cezb bir şey'dir ki kitâb-ı evvelde bizim zıkr eylediklerimiz maḳâlâtı ve qavânîn-i istifrâgâtı tezekkür ve istiḥdâra muḥtâc olur.

Ve vâcib [olur ki] cihet-i ḥilâfa demi cezb için şedd ve cezb isti'mâl olundukta 'uḍv-ı dāmîye qarîb maḥallden bed' olunup cihet-i ḥilâfa nüzûl ve sülûk oluna. Ve vâcib olur ki fütûḳ-ı şerâyîn mişlîlere bu tedbîr tedbîr-i kâfî olduğuna tevakkû' olunmaya belki onların ḥabs-i nezfe i'âneti olduğu me'mûl oluna. Ve kezâlik müşârik-i mübâ'id olan cânibi faşddan dahi ḥabs-i nezf tevakkû' olunmaz belki ondan dahi ḥabse i'âne me'mûl olur.

Ammâ ḥâbis-i dem aḳsâmından kısım-ı şânînin kısım-ı evveli olan ḳurb-ı maḥrecde demi muḥaṣṣir isti'mâlî ile ḥabs, ru'âfî ve ru'âf mişlî nezfi olanlara keymûsu ḡalîz ve demi muḥaṣṣir olan 'ades ve 'unnâb mişlî gıdâlar iṭ'âm olunmakla olur. Ammâ o vech-i şânînin ikinci vechini isti'mâl 'alîle muḥaddir ve mâ-ı bârid saḳy olunup bedeni tebrîd ve marîḍi tenvîm etmekle olur. Ve ba'ḍı kerre ḡaşyın nef'i olup nezfi ḥabs eder.

Ammâ kısım-ı âḫerın ya'nî maḥrecde demi ḥabsin vücūhu için bâb-ı vâhîde ri'âyet vâcib olur ve o bâb budur ki ba'ḍı şiryân ḳalbe yalnız taraf-ı vâhîd ile muttasıl olmaz belki iki taraftan ma'an muttasıl olur pes o şiryân bir taraftan sedd olunsa taraf-ı âḫerden vârid olan demi nezf eder, bir taraftan sedd bu şürette müfid olmaz. Ve iki taraftan şiryânın ḳalbe ittîşâlinin vechi budur ki ḳalbe muttasıl olan şiryân-ı nâzifte mu'terîḍ şiryândan bir

şu'be olur ki o şu'be kalbe şiryân-ı nâzifin muttasıl olduğu cānibin hilâfı cānibinden muttasıl olur ve o şu'be kalbden istifade eylediği demi şiryân-ı nâzife ifâde eder ve şiryân-ı nâzifin kendi kalbden istifade ve aḥz eylediği tarîkı sedd olunsa şu'be tarîkından o şiryâna te'eddî olunan demi yine nezf edip o sedd ile nezften emn ḥâşıl olmaz. Ve vâcib olur ki bu mişlli nezfte iki nezfî iki cihetten ya'nî şiryân-ı nâzifin kalbe ittîşālî cihetinden ve şu'be [cihetinden] teşdîd eyleye ki hattâ nezften emân ola. Velâkin bu tesdîdlerden muḳaddem vâcib olur ki o nezf eden ırkın mebde'i ta'arrûf oluna, zîrâ ba'dı ırkın mebde'i esfelde ve ba'dı ırkın mebde'i fevkte olur: 'Unukta olan ırk esfelden olur ve faḥîz ve ricl ırûkunun mebde'i fevkten olur. Ve kaçan ciheti sen tahsîl eylesen onda rabṭ ve şeddi isti'mâl edersin.

Bu bâbda isti'mâl olunan tedbîrlerden olur o tedbîr ki onda şinnâre ile ırkı iḥrâca tevaşşul olunur her ne kadar o tevaşşul ırkı setr ve taḡtiye eden laḥmı şakḳ-ı kalîl ile olur ise ve ba'dehu o ırk leff olunur ya'nî şakḳ ve şad'ı sarılır ve ba'dehu zikrî âtî edviye isti'mâl olunur. Ve eger ırk-ı nâzif dârib ise ya'nî şiryân ise ya'nî onu ḥayṭ-ı kettânla ta'aşşub eylemek gerekli olur ve kezâlik ırk-ı nâzif ḡayr-i dârib olur ise o dahi ta'şîb olunur eger o ḡayr-i dârib olan ırk kebîr olup nezfî munkatî' olmazsa. Ve kaçan ırkı bu şûrette iḥrâc ve leff eylesen ona edviyeyi ilzâm eyle ve yevm-i şâlişe ve râbi'e kadar rabṭı terk eyle; o günlerde devâ-i muḡarriye-i mevḍû'anın lüzûmunu ve iltîşâkını rü'yet eder isen elbette onu kal' eyle velâkin o edviyenin ḥavâlîsine onu muratṭıb bir nesne vaḍ' eyle ki onun cefâfına mâni' olup kalîlen tendiye eyleye ve o edviye fevkinde olan 'aşâbesi izâle olundukta kendiliğinden müteberrî olursa tarîk-i demden edviyenin esfelini işba'ın ile ḡamz edip demi ta'freden ve teveşşubden men' eyle ba'dehu o müteberrî ve mevḍî' üzere muḍtarib olan edviyeyi kal' edip tebdîl eyle ve ona yerine müceddeden edviye vaḍ' eyle ve o zamân nuşbe-i 'uḍvu lâyıķı üzere eyle ve o nuşbe budur ki fûvvehe mebde'den a'lâ ola, meşelâ o nezf esâfil-i em'âda ve raḥimde olur ise 'alîle bir nev' firâş ferş olunur ki onun esâfilî mürtefi' ve 'âlî ve o firâşın e'âlîsi münḡafid ve müteseffil olur ve kezâlik vâcib olur ki onun nuşbesi veca'dan dahi ba'id olan nuşbe ola ve o edviye-i müceddede dahi üç gün üzerinde terk olunur, bu minvâl üzere def' ve nezf munkatî' vecrûkû'-i ḥâl zuhûr edince kadar terk ve tebdîl olunur.

Ammā redm bi'l-ilkām tarīkiyle tedbīr şiryān-ı 'azīmde mümkün olur, zīrā onda ve bezden veyāhūd nesc-i 'ankebüttan veyāhūd rakīk penbeden veyāhūd hıraq-ı kettān bāliyeden fetīle ittiḥāz olunduktan sonra üzerine māni'atü'd-dem olan edviye-i muğarriye zerr olunup o fetīle nefsi-i şiryāna lokma mişli dess olunur ve üzerine ribāṭ şedd olunur ve ba'dı kerre o fetīle veber-i erneb mişliden ittiḥāz olunup yalnız ya'nī bilā-zerūr onu isti'māl 'ilāc-ı kāfī olur. Ve vācib olur ki o şiryān ba'de'l-ilkām şedd-i lāzım ile şedd olunup mülteḥam olunca kadar üzerinde ribāṭ terk oluna. Ve ammā fetīlenin emr-i iḥrācına ṭabī'at tedbīr eder ve ḳalīlen ḳalīlen [511b] iḥrāc ve def' eder.

Ammā bilā-ilkām redmde şüret-i ilkāmda fetīle ittiḥāz olunan eşya-dan biri fūvvehe üzere bilā-ilkām vađ' olunmakla olur ve 'ırķa nüfūzu olmaksızın üzeri şedd olunur. Ve kezālik vācib olur ki nezf-i dem bilā-ilkām refāid ile ḥabs oluna ve ḥuṣūṣan rifāde isfenciyye ola ve kezālik şeddi ḳavī 'aṣāib ve şediden şedd ile ola ve cezb için evvelā isti'māl olan şeddin 'aksı üzere ola, zīrā cezb için isti'māl olunan şedd evvelde fūvvehe ḳurbünden bed' olunup sonra ḥalfe sülūk ederek leff olunur ve tedric ile şeddin şiddeti taḳlīl olunur ve nezf-i demi men' için isti'māl olunan şedd onun ḥilāfı üzere olur. Ma'lūm ola ki kaçan şedd-i refāid ḳa'f üzere olsa onda cezb maḍarratı olur ve men'-i nezf ya'nī demi ḥabs ve redm menfa'ati ḥāşıl olmaz, bināen 'aleyh vācib olur ki bu bābda telṭīf olunup şedd-i ceyyid ile kaçan şedd olunsa cānib-i muḥāliften dahi şedd-i āḥer ile şedd oluna şedd-i evvel ceyyidin cezbine şedd-i ṣānī muḳāvemmet eylesin ve o şeddler ile nezf-i dem bilā-ilkām ḥāşıl olsun için ya'nī şedd bir ṭaraf-tan kılınıp şedid olsa her ne kadar o şedd-i şedid-i vāḥid nezf-i men' eder ise lākin mülimdir. Şedd minvāl-i muḥarrer üzere laṭīf ve müte'addid olsa bilā-ilkām deme māni' olur, onun için o şedd-i müte'addidi iḥtiyār evlā olur. Lākin ba'dı kerre o şedd-i şedide ḥācet olup evvelā şediden şedd olunup ba'dehu ḳalīlen ḳalīlen irḥā olunur.

Ve çok kerre dahi 'ırķı ibrāz için şakḳ olunan laḥmın iki şefeleri cem' olunup ḥıyāta ve ta'sīb olunmağa ḥācet olur. Ve çok kerre dahi iki şefeleri cem' ve ḳam olunup üzerine ḳammı ḥāfiẓa rifāde-i ma'rūfe vađ' olunmak kifāyet eder ve ba'dehu üzerine edviye-i mülḥime neşr olunup şedd olunur.

Ve vidâc mişlli ırk kaçan münfetik olsa vâcib olur ki evvel-i infitâkıta iki yedden bir yedin eşâbî'î ile o fetk dığta oluna ve ba'de üzerine zıkr olunan edviye ve refâid yed-i uhırâ ile vad' oluna.

Ammâ 'alaķa ile redm mu'alecesi budur ki fûvvehe üzere devâ-i râdim vad' olunup o devâ fûvvehe üzere demi dondurup redm edince ķadar im-sâk olunur. Ammâ o mevdi'in lahmı ile fetkî dağt ĥasebiyle olan tedbîr budur ki o ırk-ı meftûķ 'arđan ķaķ olunur ve iki cānibine evvel-i emrde o ırk teķalluş ve teķabbuđ eder ve seyelān cānibinde olan ĥarafa o mevdi'in lahmı itbāk olunur velākin bu vech ile tedbîr ancak mevdi'-i lahmıda olan ırkın fetkine olur ve ķok kerre dahi ĥaraf-ı ırķta olan şu'benin ķaķına ĥâcet olur ırkın ğavra şediden duĥûlû ile nezf men' olunsun iķin ve ba'de'l-ķaķ üzerine edviye vad' olunur ve ķok kerre o tedbîr ile ümmü'd-demsiz iltihām ĥâşıl olur.

Ammâ ĥuşkrîşet ile ırkın şülmesini ve fetkini sedd nefsi-nâr ile olur eger o fetkin ĥaķbı 'azîm olur ise. Ve o fetk da'ıf olur ise onda ĥuşkrîşet ihdâsı nûre ve zencâr ve zâcât ve zerānîĥ ve kemmûn mişlliler ile olur. Mevdi' üzere evvelâ edviye-i kâviye zerr olunup ekilir ise ondan nezf-i da'ıfî sâdd ĥuşkrîşet ĥâdişe olur ve kezâlik zebedü'l-baĥr dahi onlar gibi mevdi' üzere neşr olunup üzeri şedd olunsa demi muĥtebes olur. Velākin edviyeden ĥâdiş ĥuşkrîşet ile seddin ĥaķarı vardır ve o ĥaķar budur ki ĥuşkrîşet serî'atü'l-inķılâ'dır, ba'dı kerre bi-nefsihâ ve ba'dı kerre dahi demi münfecirin ednâ muķâvemetiyle ve esbâb-ı sâireden ednâ sebeb ile sâķıķta olur ve ĥaķb ve nezf-i ķuvvet ile 'avdet eder, onun iķin emr olundu ki onların keyyi ihmâsı şedid ve ķavî olan ĥadid ile kılina ĥattâ nâr ile miĥmât-ı ĥadidden ĥâdiş olan ĥuşkrîşet 'amîķ ve ğalîz olmakla sühûlet ile sâķıķ olmayıp onun suķûtu müddet-i ĥavilede ola, zîrâ müddet-i ĥavilede lahm nâbit olmakla nezften emn ĥâşıl olur. Ve keyy-i da'ıften ĥâdiş olan ĥaşgerîşe da'ıfe olduğundan mâ-'adâ o keyy-i da'ıf mādde-i keşireyi cezb eder ve teşhîn-i şedid ile teşhîn eder. Ammâ keyy-i ķavînin ihdâs eylediĝi ĥuşkrîşet redm-i ķavî olup fetkî izâle eder ve idmâr edip ķabd eder.

Ve mu'tedil ve ceyyid-i tedbîrât kâviyeden olur beyâdu'l-beyd ĝayr-i mutfât-ı nûre ile cem' olup onunla veber-i erneb veyâĥûd veber-i erneb mişlli telvîş olunduktan sonra mevdi'-i nezfe vad' ve şedd oluna. Ve mü-

bālāğa ile keşiren ceyyid olan tedbîrlerden olur kemmûn ve nûre aḥz olunup maḥall-i nezfe vaḍ olunduktan sonra şedd oluna ve baḍı kerre ona kulkutâr dahi ziyâde olunur ve bu cümleden zâcât ma'a'l-keyy zevât-ı kabd olur. Ve nûrede keyy olur velâkin onda miḳdâr-ı muṭteber kabd olmaz.

Ve ammâ keyyden tevellüd eden huşkrîşetin kiminde şebâtı atvel ve aṣmak-ı kabd olur. Ve revş-i ḥımārın uşâresinde ve kezâlık cevherinde bi-ḥiddetin keyy ile taḡriyeyi cemṣ olur. Ve nezf-i demi bi-ḥasebi't-taḡriye ḥabs eden edviyeler cibsîn-i maḡsûl ve ṣilk-i maṭbûḥ ve neşâ ve ḡubâr-ı rehâ ve şumûḡ ve kündür ve rîtânec olur ve kezâlık zebîb-i ṣinebin kendi dahi ve çıfdıṣ dahi bu kabîlden olur deyildiḡi üzere ve kevkeb-i şâmûs dahi bunlar gibidir.

Ammâ tecfîf ve ilḥâmla ḥabs-i nezf eden edviyeler şabır ve kuşâr-ı kündür ve cidden medḡûḡ olan ṣacem-i zebîb ve dühn ile ṣafş-ı muḥraḡ mişlilerdir ve onun iḥrâḡı o miḳdâr olur ki ṣafş işṣâl olunur ve kaçan onun iştiṣâli tamâm olsa söndürülür. Ve kezâlık berdiyy-i muḥraḡ ve maḡlûvv-i rîtiyânec ve ḥadîdin şadâsı ve pası ve zibl-i feres-i muḥraḡ ve zibl-i ḥımâr-ı muḥraḡ ve kezâlık o iki ziblin ḡayr-i muḥraḡları ve remâd-ı ṣizâm-ı ḡayr-i maḡsûl ve şadefîn ḡayr-i maḡsûl remâdı ve muḥraḡ isfenc ki onun iḥrâḡı ziffe baḍe'l-ḡams ola. *Ve baḍı nüshada “zift” bedeline “zeyt” vâkıf olmuştur.* Ve kezâlık şaṣır-i muḥraḡ cemṣan bu mezkûrlardan her birleri tecfîf ve ilḥâmla ḥâbistir ve zikr olunan remâd-ı maḡsûl olursa muḡarrî olur.

O Edviye-i Mürekkebe Evşâfı Beyânındadır Ki Nezf-i Demde

Ḳaviyye ve Terkîbi Aşnâf-ı Şettâdan Olur

Ve bu zikri âti devâyi Cālînûs vaşf-ı ceyyid ile vaşf edip sonra gelenlerin dahi onu tecribesinden sonra ceyyid olduḡu zâhir olan devâlardandır ve o devâ budur: Ḳulkutâr yirmi, diḡāk-ı kündür on altı, şabır, fûlfûl, ṣilk-i yâbis her birinden sekizer, zernîḡ dört saḡḡ olunup ve elekten geçirilip hebâ gibi olan cibsîn yirmi; bu mezkûrlar cemṣ olunup zerûren istiṣmâl olunur fetâil üzere ve mevḍiṣe zerr olunmakla ve onun nef-i ṣacîbi olur. Veyâḡud ṣanzerût ve şabır-ı Mekkî ve dem-i aḡaveyn aḡz ve fetîle üzere kılınıp şedd olunur. Veyâḡud yalnız şabır ve kündür veber üzere kılınıp mevḍiṣe şedd olunur.

Ve kezâlik ba'de'l-gams bi'z-zift ihrâk olunan isfenc ve âcürr-i muhrak-ı sahîki ve habes-i reşâş ve tütîyâ ve şabır veyâhüd kündür ve kibrit ve şabır veyâhüd kibrit ve şabırdan zerûr ittihâz olunur ve beyâd-ı beyd fetîlesiyle isti'mâl olunur. Veyâhüd kılkuţâr yirmi, kündürün kendi veyâhüd diğâkı sekiz ve rîtiyânec sekiz, cibsîn-i muhrak sekiz yâhüd kılkuţâr, nuhâs-ı muhrak, kalkadîs, zâc-ı meşvî veznleri berâber.

Ve demevî nezfe ve huşuşan mebde'i re's olan nezfe şabır bir cüz' eger beden cāsî ve şulb ise ve ğayr-i cāsî olup beden-i leyyin için şabır yarım cüz'. Kezâlik beden-i cāsîde kuşâr-ı kündür bir cüz' ve beden-i desimde nefsi kündür bir cüz' aħz olup onlara iktişâr olunur veyâhüd onlarla dem-i aħaveyn ve anzerût dahi kılınıp beyâd-ı beyd ile ma'cûn kılınır ve ba'dehu veber-i erneb üzere mevdi' şedd veyâhüd mevdi' üzere zerûren isti'mâl olunur.

Üçüncü Maqâle Qurûh ve Aşnâf-ı Qurûh Beyânındadır

Qurûhta Kelâm-ı Küllîdir

Qurûh cirâhâten ve cirâhat-i münfecireden ve büşürdan tevellüdüder, zîrâ lahmıda olan teferruk-ı ittişâlde kayh ve midde hâşıl olsa ona qurha derler.

Ve cirâhâtın tekayyuhu o sebebdendir ki ona müteveccih olan [512a] ğidâ fesâda istihâle eder 'udvun da'fî hasebiyle veyâhüd qurbünde olan a'cânın fuđûlü o 'udv-ı mecrûh-ı da'ife tahallül ve tahallüb etmekle kayh hâdis olur veyâhüd o cirâhat üzere vađ olunan merhemden 'udvda terehhül olmakla ve düsümet ve ruţûbetiyle o merhem cirâhatı dahi leşîka ve murattabe kılmakla olur.

Ve kayh kabîlinden olup rakîk olanlara şadîd tesmiye olunur ve ğalîz olanlara vesah tesmiye olunur. Ve sah bir şey-i hâşir ü cāmiddir ki ebyad olur veyâhüd sevâda mâil olur veyâhüd dürdî gibi olur. Ve şadîdin tevellüdü ahlâtın rakîkından ve mâiyyetinden veyâhüd ahlâtın hâdd olanlarından olur ve vesah ahlât-ı ğalîzadan olur. Ve şadîd keşîren verem tevli'd eder. Ve şadîd müceffife ve vesah cālîye muhtâc olur.

Ve qurha ba'dı kerre zâhire ve ba'dı kerre dahi zât-ı ğavr olur. Ve ğavrı olan qurhayı muhît olan lahm ba'dı kerre şulb olur ve ona nâşûr tesmiye olu-

nur ve o nâşûr ğavra nâfize ünbûbe gibi olur veyâhûd o lahm-ı muhîṭ şulb olmaz ve ona maḥbe' ve kehf tesmiye olunur. Ve ba'dılar maḥbe' o kûrḥaya ıtlâk ederler ki taht-ı cilde nüfûz edip ondan cild müteberrî ve müfâriḳ olur. Ve ammâ kehf o kûrḥaya ıtlâk ederler ki taht-ı lahmıda mün'atıfe olup ittisâc eder. Ve ba'dı âḥer dediler ki belki vâsi'e kehf ve ḍayyık-i 'amîka nâşûr derler ve tesmiyede münâkaşa olmaz. Ve kûrḥa üzere şalâbet zâhire olur ise ona kûrḥa-i ḥazefiyye derler.

Ve hisse zâhir olmayan nâşûr nâşûr-ı redî olur ve onun redâ'eti hissten bur'dü miqdârı olur. Ve nâşûrun kimisi müstevî ve kimisi mu'vacc olur. Ve o nâşûr dahi redî olur ki 'aşabe mü'eddî olup veca'ı şedîdi ola ḥuşûşan es-feline meyl ile mess olunsa veca' ekser ola ve o nâşûr ile 'udv fi'lini 'usret ile işler ve onun ruṭûbeti ruṭûbet-i rakîka-i laṭife olur 'azma mü'eddî olan nâşûrda olduğu gibi. Ve eger ribâta mü'eddî olur ise ondan seyelân eden 'azm ve 'aşabe mü'eddî olan nâşûrlardan sâile ruṭûbetler gibi rakîk ve laṭif olur velâkin 'azmî ve ribâtî olanlarda 'aşabî gibi veca' ba'dı kerre 'azîm olmaz. Ve 'azma mü'eddî olanların ruṭûbeti eraḳḳ ve şufrete emyel olur. Verîde ve şiryâna müfḍî olan nâşûrdan çok kerre dürdî mislli şey' ḥurûc eder. Ve ba'dı ahyânda nâşûr verîde müntehî oldukta dem-i naḳî vü keşîr ve şiryâna müntehî oldukta dem aşkar ma'a-nezfin ve nezvin ḥurûc eder. Ve lahma müntehî olan nâşûrdan lezice ve ğalîzi keşîre-i ficce seyelân eder.

Ve çok vâki' olur ki nâşûr-ı vâhidde efvâh-ı keşîre olup onun emr-i müşkil olur ve bilinmez ki nâşûr vâhid midir veyâhûd keşîr midir. Ve o efvâhın ba'dısı zâtü's-şibğ olan ruṭûbeti şabb eder eger nâşûr vâhid ise, efvâh-ı uḥarden onun levnine muṭâbık ruṭûbet ḥurûc ve nâşûr-ı muḥteliften muḥtelifetü'l-elvân ruṭûbet ḥurûc eder, kimi ebyaḍ ve kimi kemid ve aḥmer ve elvân-ı sâire ḥurûc eder.

Ve kûrûḥ-ı aḳsâm ve aşnâfa münkasim olur. Ve deyilir ki kûrûḥun kimi mûlim ve kimi 'âdimü'l-elem olur ve kimi müteverrim ve kimi 'âdimü'l-verem olur ve kimi naḳî ve kimi ğayr-i naḳî olur. Ve ğayr-i naḳî kûrḥanın kimi leşîka olur ya'nî redîve ğayr-i redî ruṭûbet-i keşîreyi câmi' ve muḥtevî olur ve kimi vesîḥa olur ve kimi muşaddâ ve paslı olur ve ba'dı kûrḥa dahi müte'affin olur. Ve kûrûḥa adarr-ı eşyâ cenûb-ı rîhî ve ma'a-ḥarâretin havânın ruṭûbeti olur. Ve kûrûḥun kimi müte'ekkil ve kimi

sâ'î ve kimi rehl-i bârid ve kimi rehl-i hârr olur. Ve rehle-i kûrûh nevâhî-i kûrhada olan şa'ırın sukkûtnu icâb eder. Ve ba'đı kûrûh dahi reşşâha olup ondan şadîd-i şufr-ı hârr reşh eder ve ba'đı kerre o kûrhadan mâ-ı hârr seyelân edip nevâhîsini ihrâk eder; o mişlli kûrha redî-i mühlîk olur ve kimi dahi 'asiretü'l-indimâl olur.

Ve kûrha-i müte'affine, kûrha-i müte'ekkileye muğâyir başka kûrhadır velâkin ikisinde dahi sa'ı olur. Ve ba'đı ekkâlde hiddet olmakla min-gayri 'ufûnetin ve bilâ-hummâ itişâlinde olan mevâdî'î ekl eder velâkin kûrha-i müte'affine-i sâ'iyede hummâ yâ keşîre veyâhûd lâzîme ve gayr-i müfârîka olur. Ve Câlînûs nâr-ı Fârsî ve nemle-i sâ'iyeye kûrûh-ı müte'ekkile tesmiye eyledi ve kûrha-i müte'affine kûrha ve marađ-ı müte'affinden mürekkebirdir dedi.

Ve zîkr olunan aşnâf-ı kûrûhtan her sınıfın başka başka hâlleri vardır: Kûrha-i şulbeden ihdırâr ve isvidâdı ahz edenler rediyyedir. Ve kûrûh-ı bâride-i rehle-i beyd edviye-i müsahhine ile istirâhat eder ve humrete mâile olan kûrûh-ı hârre berd ile istirâhat eder. Ve kûrûh-ı rediyyeye bedenden bir levn müstaşhîb olur ise ya'nî levni ebyad-ı reşâşî veyâhûd aşfar olur ise mizâc-ı kebidin fesâdına ve kûrhaya vârid olan demin dahi fesâdına ve 'usr-ı indimâle delâlet. Ve o kûrha ki onun zemîni ve yeri hârr olup hîkkesi dahi olsa onun fađlı hîrrîf olur. Ve kûrhanın uşûlü 'arîda ve beyd ve kâlîlettü'l-hîkke olur ise onun mizâc-ı bârid olur. Ve 'akîbü'l-emrâdda mütevellide olan kûrûh rediyye olur, zîrâ marađın mevâdd-ı rediyyesini tabî'atın o kûrha mevâdî'ine def'inden kûrhanın hudûsuna delâlet eder. Ve nevâhîsinden şa'ır nâşire olan kûrha rediyyedir. 'Alâmât-ı mevt-i serî'de deyildi ki insânda evrâm ve kûrûh-ı leyyine olup 'aklı dahi zâile olsa o insân helâk olur.

Ve kûrûh-ı habîşenin sebebi ba'đı kerre fuđûl-ı habîşeye müşâdif olan cirâhat olur veyâhûd tedbîr-i müfsid olur. Ve ba'đı kerre habâset-i kûrha büşûr-i rediyyeye tâbî' olur, evvelâ büşûr-i rediyye hâdiş olup ba'dehu tekarruh etmekle. Ve kûrhanın 'alâmet-i hûşü kûrhanın ta'affünü ve sa'ı ve nevâhîsini ifsâdı ve bür'ünün ma'a-şavâbî'l-ilâc 'usrü olur.

Ve kûrûh ve cirâhatın selâmet-i 'âkıbetlerine delîl ve 'alâmeti bi-devâin ve bi-'aklin mine't-tabî'a tefth olunan midde olur, zîrâ middenin huşûlü tabî'atın fi'li mecrâ-yı tabî'î üzere olmakla olur ve midde-i şahîha ancak

nuḍc-ı ṭabīrī ḥāşıl olup kūrūh-ı rediyye a'râdından bir şey' ona 'arîd olma-
makla olur huşûşan teftîh olunan midde midde-i maḥmûde ve melsâ ve
müsteviye ve beydâ olup nuḍc-ı tām̄ma delâlet eyleye ve ona netn dahi
şoḥbet eylemeye onda 'ufûnet olmamakla. Ve ba'dı kerre netn-i ḳalîlden
ḳurḥa-i selîme ḥālîye olmaz, zîrâ middenin ḥudûsu ḥârr-ı ġarîzî ile ve ḥarâ-
ret-i ġarîbenin dahi ona te'âvûn ve te'âdudu ile olur. Ve midde ḥaḳḳında
bizden biraz kelâm mervî eyledi.

Ve teşennüce ve ta'effüne mü'eddiye ḳurḥalar ve kezâlık sereṭâniyye ve
ḥîrûniyye¹⁴⁵ ve müte'ekkilâ ve o mecâriye cârîye olan ḳurḥalardan midde
tevellüd eylemez belki ḳurḥadan midde tevellüd edip ondan verem olsa
'alâmet ḥayr olup o ḳurḥa ḥasebiyle teşennüce ḥudûşundan ḥavf olunmaz ve
ih̄tilâṭ-ı 'aḳl ve onun mecrâsına cârî olan a'râdı dahi olmaz her ne ḳadar o
ḳurḥa zîkr olunan a'râdı mücib olan a'ḳâ-i ḥalfiyye vü ḳuddâmiyyede olur
ise velâkin o ḳurḥanın emri ve veremi ḥaddi mütecâviz olur ise o 'avârîdın
'urûdundan emn olmaz.

Ve ḳurḥadan ḥâdiş olan verem defâten ġâib ve ġâir olursa ḳayḥla ve
ḳayḥ mişlîlilerle taḥallül eylemese ve zâhr gibi ve faḥîz ve rûkbe gibi olan
mevâḳî'de a'ḳâ-i 'aşabiyyeye mücâvir olsa o ḳurḥa dahi teşennüce ve ih̄-
tilâṭ-ı 'aḳla mü'eddiye olur, zîrâ zâhrda olan ḳurḥa şulbe ve nuḥâ'a ve
muḳaddim-i [faḥîz ü] rûkbede olanlar dahi o mevḳî'de olan a'ḳâ-i 'aşabiyye-
yeye mücâvir olurlar.

Ve eger ḳurḥa tennûr-ı bedende olup a'ḳâ-i ırḳiyyenin esfeline mücâvir
olur ise ishâl-i dem ve ih̄tilâṭ-ı 'aḳldan ḥavf olunur. Ve eger tennûr-ı bede-
nin nışf-ı a'ḳlâsında olursa zâtü'l-cenb [512b] ḥudûşundan ve ba'dehu tekay-
yuhundan ḥavf olunur ve sen tekayyuhun ma'nâsını kitâb-ı şâliş şadrında
bildin. Ve o nışf-ı 'âlîde olan ḳurḥadan dahi ih̄tilâṭ-ı 'aḳl ḥavf olunur.

Ve kūrūhun 'alâmât-ı ceyyidesindendir nevâḥî-i ḳurḥada şa'rın tenâşür
eyledikten sonra nebâtı.

Ve bedenin 'ilâc-ı kūrūhu ziyâde ḳabûl edenleri o bedendir ki mizâcî
aḥsen-i o[lu]p ruṭûbet-i faḍl[iyye]si ḳalîl ve dem-i ceyyidi olan beden olur.

145 “Ḥîrûn” ḥâ-i mu'ceme ile bir ṭabîbin ismidir, 'asiretül-indimâl bir nev' ḳurḥa
evvelâ ona 'arîd olup o ḳurḥaya evvelâ tefatṭun edip ve evvelâ o 'ilâc etmekle ona
ḥîrûniyye tesmiye olundu.

Ve ruṭûbeti veyâhûd yûbüseti keşîre olan bedenî kûrḥa ʿilâcını kabûlû baṭî olur. Şıbyân mişlîlilerin beden-i raṭbî meşâyîhînin beden-i yâbisinden ʿilâc-ı mezkûru akbel olur ḥuşuşan kûrḥa şâhibinin mizâc-ı aşlîsi yâbis olup onda dem-i ceyyid-i nakî olmaya ve ʿaraḍîsi raṭb-ı müterehhil ola meşâyîhtaki gibi. Ve bu kâʿideye binâen müstesḳûn kûrûḥunun ve ḥabâlâ kûrûḥunun muʿâleceleri ʿusret üzere olur ḥâbel ḥaydî imsâk etmekle fuḍûlleri muḥtebes olduğu ḥasebiyle. Ve ammâ meşâyîhînin kûrûḥu ruṭûbet-i ʿaraḍiyyeden ve dem-i ceyyidi ʿâdim olduğundan ʿilâcî kabûlû baṭî olur.

Ve baʿdî kerre dahi kûrḥaya berâʿet gelip sağalır ve baʿdehu müntefid olur, o berâʿet ḳable't-tenḳiye nâbit laḥm ḥasebiyle olmakla, zîrâ laḥm-ı ḥâdiş tahtında faḍl-ı ğayr-i nakî bâḳî kalmakla o faḍl ittişâl-i ḥâdişi sâniyen tefrîḳ eder.

Ve baʿdî kerre nevâşîr bürʿü ihâm eder ve ona cefâf ve imsâk-ı ruṭûbet bir mertebe gelir ki nefis o nesneler ḥasebiyle bürʿe teyakḳun edip muṭmaʿinne olur ve onun ḥâli bürʿ ḥâli gibi olur ve baʿdehu ednâ hareket ve ihtizâz ve suʿâl ve şadme ve sûʿ-î idṭicâc ve o mişlîli nesnelerden müntefid olur.

Ve laḥm nâbit olan kûrḥaların kiminde laḥm-ı zâid nâbit olur ve kiminde laḥm-ı zâid nâbit olmaz. Ve laḥm-ı zâid inbâtına o kûrḥa müstaʿidd olur ki istiʿcâl edip ḳable't-tenḳiye laḥmı inbât eyleye ve istiʿcâl eylemeyip ḳable't-tenḳiye inbât-ı laḥm eylemeyenler laḥm-ı zâidi ʿadem-i inbâta elyâḳ ve aḥrâ olur.

Ve kaçan kûrḥanın müddeti tavîle olup teʿekkül ve taʿaffüne müʿeddiye olsa ve onun laḥmında dahi şeyʿ-i keşîr zâhib olsa ondan indimâl tevaḳḳuʿ olunmaz ve ondan tevaḳḳuʿ olunan ğuʿûr olur ḥuşuşan ki kûrḥa ḳadîme ve bir sene mikḍârı bâḳî ve mütemâdî ola veyâhûd o kûrḥanın nâşûru olup ondan nâşûr aḥz olunmuş ola. Ve kûrḥa-i ḳadîmenin civârında olan ʿazm iḥrâc olunmak lâzım olur. Ve kûrûḥ-ı sevdâviyye için bürʿ yoktur meger ki o kûrḥanın cemʿan fesâdı laḥm-ı şâḥîḥa veyâhûd ʿazm-ı şâḥîḥa iḥrâc oluna.

Ve kûrûḥun esbâb-ı fesâdı ʿudvun ḳaʿfî ḥasebiyle cemʿan vârid olan mevâddî kabûlû ve mizâc-ı ʿudvun redâʿeti ve ʿudva vârid olan demin redâʿeti olur. Ve demin redâʿeti dahi bi-ḥasebi'l-kemmiyyet veyâhûd bi-ḥasebi'l-keyfiyyet olur ve ekşer-i ḥâlde keyfiyyet-i demin redâʿeti mizâc-ı kebidin redâʿeti ḥasebiyle olur ve onda levn beyâd-ı reşâşîye veyâhûd şuf-

rete mâil olur veyâhüd kûrhanın redâ'eti mizâc-ı tıhâlin redâ'eti hasebiyle olur ve bu şürette levni sevâda ve humrete mâile noktalar olur. Ve tıhâl sebebiyle olan kûrha-ı rediyye hasebiyle bi'l-cümle ahlât-ı beden rediyye olur bu mişlli redî mevâdd lahma istihâle eylemediğinden mâ-‘adâ ondan veđar hudûsu ile tađarrur olunur. Ammâ demin kemmiyyeti ile kûrhanın fesâdı demin qadr-i lâyıqtan ziyâde veyâhüd nokşân olması ile olur kûrha-da dem-i şâlih nokşân oldukta mādde-i inbât nokşân olmak hasebiyle ve şüret-i nokşânda kûrha nakıyye-i şâfiye olup huşkrîşete müsâra‘at eder ve beden-i nakıyye ve qalilü'd-dem ise kûrhayı lahma doldurmağa zafer bulmaz veyâhüd kûrhanın redâ'eti kûrha hâyiğine ve hâffâtına taħazzüf ‘urûdu ve kezâlik ona âtiye olan ‘urûkun ittisâ‘ı ile veyâhüd ittişâlinde olan ‘izâ-mın fesâdı ve levnin kümüdet ve hudret [ve] sevâdı aħz ile ifsâdıyla olur. Ve kûrha mücâvirinde olan mevdi‘in mizâc-ı redîsi hasebiyle dahi rediyye olur. Ve şa‘betu’l-‘ilâc olan kûrha-i müstedîre mişlliler kâtiletu’ş-şıbyândır, zîrâ şıbyân kûrhanın şiddet-i icâ‘ını ve ‘ilâcının ‘usr ve şu‘ubetini ihtimâl eylemezler.

‘İlâc-ı Kûrûh Kânûnudur

Ma‘lûm ola ki rađd-ı ađalden mâ-‘adâ cem‘an kûrûh mu‘alecesi tecfife muhtâcdır.

Ammâ ađalın rađd ve feshi mu‘alecesinde evvelâ irhâ ve tertîbe muhtâc olur ve kûrûh ekser-i hâlde tecfife muhtâc olduđu gibi nefsi-i kûrûha mülhak aħvâl-i sâire hasebiyle tenkıye ve cilâya dahi muhtâc olur; kûrha her ne kadar a‘zam ve ağver olursa o miqdâr tecfife ve tenkıye için cem‘e hâcet ekser olur ve onları bâb-ı cirâhatte biz zıkr eyledik.

Ve ba‘dı kûrha hıyâta dahi muhtâc olur.

Ve ma‘lûm ola ki mu‘alecât-ı kûrûhta ba‘dı kerre seyyâle ve nâfize ve münzerika ve gâişa olan edviyeye hâcet olur ve o tađdîr üzere merhem mişlliler istimâl olunmaktan lâbüdd olur ve o vakitte vâcib budur ki kûrhanın zâhiri ra‘b ve bātını yâbis ola huşuşan nâşüriyyede vâcibdir ki onda bir nev‘ yübüset ola ki onun kuvveti cirminin ru‘ubet-i şedidesine gâlib ola.

Ve ba‘dı kerre dahi edviye-i kûrûh lezika ve lezice olmakla edviye-i müseyyile hâltına muhtâc olur, o dahi senin ma‘lûmun olsun.

Ve ma'lûm ola ki kûrûh şedd ve ribâta üç vechten muhtâc olur:

Vech-i evvel vedârı izâledir. Ve vâcib budur ki şedd-i ribâtın kuvveti âhîr-i kûrhada ve irhâsı fûvvehe katında ola tâ ki o şeddin 'aşrı hasen ve cevdet üzere ola.

Rabta hâcetin vech-i şânîsi devâ-i mûlahhîmi ve münbit-i lahmı kûrha üzere olan rabtı hıfzdır ve bu vech için şeddi teşdîde hâcet olmaz, şedd-i da'îf ile o devâları kûrha üzere hıfz ve imsâk mümkün olur.

Ve üçüncü vech kûrhanın iki şefelerini ilhâmdır. Bu vechten için olan şedd 'inde's-şefeteyn rıhv olmamak vâcib olur belki dâmm-ı şâlih ile dâmm edici şedd ile şedd olunur ve vâcib olur ki şedd ilâmı hasebiyle tevrîm eylemek meblağına bâliğ olmaya.

Ve edviye-i kûrhada vâcib olur ki onun ahlâtında men'ci verem eylemeğe mu'în olur devâlar ola ve ma'a-vücûdî'l-verem kûrhaya mu'alece mümkün olmaz. Eger verem men'ci olunmayıp zühûr eder ise kûrhaya mürâât ederek vereme mu'alece eyle ve ondan ferâğdan sonra kûrhaya mu'alece eyle. Ve kezâlik kûrhanın havâlîsi ve etrâfı fâside olup muhâdarre ve müsvedde olsa evvelâ şart ile velev bi'l-mihceme ihrâc-ı dem ile 'ilâc olunup nevâhî-i mezkûrun fesâdı men'ci olunduktan sonra üzerine isfence-i yâbise vađ ve ba'dehu edviye-i müceffife vađ olunur. Ve kaçan verem ve fesâdı def' edip yalnız kûrha bâkiye olsa veyâhûd kûrha fi'l-aşl sâzece olsa onun tedbîrinde evvelâ vâcib budur ki te'emmül eylesin ki o kûrhaya bedenden hâlâ bir şey munşabb mıdır veyâhûd inşibâb munkatı' olmuş mudur. Eger munkatı' idiği ba'de't-te'emmül zâhir olur ise nefsi-i kûrha mu'alecesini kasd eyle. Eger o kûrhada hâlâ inşibâb var ise def-i inşibâba faşd ve ishâl ve kay' ile iştiğâl eyle ve kay'ın dahi men'ci inşibâbda ba'dı kerre menfa'ati olur ve ona İbûkrât dahi şehâdet eylemiştir. Ve eger kûrûhta şaziyye-i 'izâm ve ağşiye ve o mişlli nesneler olursa onları cezbde isti'câl olunmaz velâkin bizim bâb-ı 'izâmda zikr eylediğimiz nesneler ile 'amel olunur.

Ve tedbîr-i kûrhada evvelâ vâcib olan edviye ile kûrhayı takyîh ve kezâlik edviye-i münakkiye ile kayhı tenkiye ve ba'dehu lahmı inbât ve idmâl olur. Ve eger kûrhayı nakiiyye ve müsteviye ve bilâ-gavr bulursan ancak lez'ci olmayan müdemmilâtla idmâl olunur. Ammâ kûrhada olan vedâra tedbîrinde lâzîc ve câlî [513a] edviyeye hâcet olur, o vedâra edviyeleri o

isti'mâlde elza' kılınır, zîrâ vedarı hisse mâni' olmakla şedîdü'l-lez' edviye-
nin îlâmını şedîden ihsâs eylemez ve ba'dehu tadrîcle inbât-ı lahm zamânı-
na idrâk edince kadar lez' nokşân üzere kılınır ve cemî'an şuver-i mezkûre-
lerde hasbe mâ-emken elem-i şedîdden tevaqqî ve tecennüb olunur huşûşan
kırhada harâret ve iltihâb ola. Ve vâcib olur ki mevânî-i indimâl esbâbı
var ise imâta ve izâle oluna ve o esbâb-ı mâni'a kırhayı redâ'ete imâle eden
zikri sâbık sebeblerdir. Ve kaçan sen evvelâ vedara mu'âlece eylemesen
kırha 'ilâc kabûl eylemez. Ve çok kerre dahi vedar imâta ve izâle olundukta
mizâc-ı 'udv şâlih olup işlâh-ı kırhaya vedar edviyesi 'ilâc-ı kâfi olunur.

Ve çok vâkı' olur ki kırha rehle olup üzerine lahm-ı redî nâbit olur, o
lahm fî-nefsihi humret ve sühûnete mâil olup kırhayı mu'tif olan lahm-ı
nâbit-i mezkûru tebrîd eder atliyye hâcet olur ve o atliye bunlardır: 'İne-
bü's-sa'leb, tîn-i Ermenî hall ile ve atliye-i şandaliyye ve atliye-i kâfuriyye,
bu mezkûrlar müberreden bi's-selc isti'mâl olunur. Ve bu tedbîrler ile o
kırûh-ı müterehhile mündemil ve cirâhati mu'dayyak olmaktan zâil olmaz.

Ve şedîdü'l-veca' olan kırûh-ı veci'ada vâcib olur ki evvelâ teskîn-i ve-
ca'a iştiğâl oluna. Ve lâ-mahâle teskîn-i veca' senin ma'lûmun olan müsek-
kinât-ı veca' ve mürhiyâtladır her ne kadar o mürhiyât müsekkinetü'l-veca'
kırûha müdâdde ise, zîrâ kırha veca' mevcûd iken mu'âleceden müte'essire
olmaz. Ve kaçan veca' mürhiyâtla teskîn olursa ondan hâdiş olan ma'darrat
tedârük ve telâfi olunur.

Ve kırûh-ı vedîre tenkiyye muhtâc olur. Ve kırûh-ı vedîre bir nev'
kırhadır ki onun ru'tûbeti ve ondan seyelân eden keşîr ve mütelevvin olur.
Ve ba'dı kerre o kırha 'asel ile ve ba'dı kerre dahi zerûrât ve merâhim ile
tenkiye olunur; eger tenkiye olunmasa edviyelerle kırha arasına vedar hâil
olup te'sîrine mâni' olur huşûşan zerûrâta vedarın haylûlesi gâlib olur. Pes
vâcib olur ki evvelâ kırha tenkiye olunup ba'dehu inbât-ı lahm oluna; onu
münakkî olan edviye cilâsı ekşer olan devâlardır. Ammâ senin ma'lûmun
üzere münbitât-ı lahm kalîlü'l-cilâ olan evdiye olur.

Ve ba'dı kerre lahm-ı redî nâbit olup onu devâ-i hâdde ekl ettirmekle
izâleye hâcet olur, o lahm-ı zâidin hârici müberredât ile tîlâ olunup ba'dehu
huşkrîşeti kal' eden eşyâ ile kal' olunur ve ba'dehu 'ilâc olunur ve bu tarîk
nâşûra dahi bizim zikr eylediğimiz 'ilâc tarîkidir, zîrâ nâşûra 'ilâcda biz

evvelâ hazefî kal' edip ba'dehu kûrḥaya 'ilâc eylemeye muhtâc oluruz. Ve devâ-i vâhid ba'dı ebdânda laḥmı münbit olur ve beden âherde cidden o beden leyyin olmakla ekkâl ve şedîdü'l-cilâ olur ve ba'dı bedende dahi o devâ-i vâhid-i mezkûrda cilâdan ve inbât-ı laḥmdan biri bulunmaz, ğayr-i cālî ve ğayr-i münbit olur. Ve devâ-i vâhidin ebdânda eṣeri muhtelif olmakla isti'mâl olundukta o devâ takviye olunmağa muhtâc olur, ebdânın kiminde veznini teksîr ile veyâḥud dühniyyetini taḳlîl ile veyâḥud ona müceffif ve cellâ olan devâ-i âher idâfesiyle takviye olunur ve kiminde dahi vezni noḳşân ve dühniyyeti ziyâde kılınır, onun için o bedene kıyâs ile devâ-i mezkûr ekkâl iken onu vezni eḳall ve dühniyyeti ezyed oldukta mu'tedil olur veyâḥud o devâ-i vâhid-i mezkûra ba'dı kavâbıd idâfe olunmakla maḍarrat-ı ekl men' olunur.

Ve kûrûḥtan takviye-i edviyeye ḥâceti eşedd olan kûrḥa indimâli 'usretli olan kûrḥalardır. Ve vâcib olur ki kûrḥa üzere devâ üç gün miḳdârı terk ve ba'dehu ḥakk oluna. Eger devâyı ḥakkta 'acele olunup üç gün muḳaddem ref' olunur ise devâ fi'lini işlemez ve te'sîri olmaz. Ve kezâlik vâcib olur ki kûrûḥtan dühn teb'îd oluna, eger dühn isti'mâli lâzım olur ise dühn-i ḥırva' ve dühn-i âs ve dühn-i maşṭakîden biri isti'mâl oluna.

Ve kûrḥa sâzece olup kûrḥanın mevdi'i olan 'udv zekîyyü'l-ḥiss ve müteveccî'a olur ise vâcib olur ki müsekkînât-ı kaviyye ile ve muḥaddirât ile onun veca'ı teskîn oluna ve eger belîdü'l-ḥiss ise tevakkûf olunmayıp kûrḥa tedbîrinde vâcib olan mu'âlecâtla 'ilâc oluna.

Ve min-beyni'l-kurûḥ bâtında olan kûrḥa ve şerîf ve ḥaṭîr ve keşîrî'n-nef' olan 'udvda ve âfâtı serî'an kabûl eden 'udvda cemî'an bu a'ḍâlar-da olan kûrûḥ ḥissî kavî olan 'udvun kûrḥası ḥükmünde olur ya'nî evvelâ onların veca'ını teskîn ve ba'dehu kûrḥaya tedbîr olunur. Ve o kûrḥanın ḥilâfî üzere olanlar ğayr-i ḥâss yâḥud da'ifü'l-ḥiss olan 'udv kûrḥaları ḥükmünde olur ve bu sesebden için kûrûḥ-ı bâtına zencârı ve zencâr mişlîleri ihtimâl eylemez ḥuşûşân meşrûben isti'mâlini kat'â ihtimâl eylemez belki kûrûḥ-ı bâtına keşîrâ ve şamḡ mişlî muḡarriyât isti'mâline muhtâc olur ve ḥukne edviyeleri iki emr beyninde olmağa muhtâc olur.

Ve mu'âlecât-ı kûrûḥta şavâb budur ki a'ḍâ-i kûrûḥ tahrîk olunmayıp sâkin kılınır, evvel-i emrde ḥareket-i rakîka ile kûrḥa 'udvunu tahrîkin

mađarratı ba'ce'l-evvel harekât-ı 'anîfe mađarratından ekall olur huşuşan rediyyü'l-aḥlât bedende hareket-i 'anîfe ziyâde muđırr olur. Cefn ile 'ayn veyâḥûd iki cefn veyâḥûd iki işba' mişlli mütecâvirân olan aralarında ve civârında vâkı' olan ḡurûḥun iltihâmından tevaḡḡı olunmak vâcib olur, zîrâ ḡurḡanın iltihâmı ḡasebiyle o mücâvir olan 'udvlarda iltişâḡ olur ve küḡḡ ve meḡâbinin nevâşîre istihâlesi serî' olur. Ve şerâyînin ve evride-i kibârın mücâviri olan ḡurḡalar civârında olan laḡm-ı rıḡvın ürbîyyeteyn ve ibt̄ ve ḡalf-i üzün gibi 'udvların veremine mü'eddiye o olur ve kezâlik o ḡurḡalar cerebe ve cereb mişlli bizim bundan aḡdem zıkr eylediğimiz nesnelere dahi mü'eddiye olur ve bi-'aynihi bu 'illetten için veca' müştedd olup o a'ḡâda verem ḡudûşuna mü'eddî olduḡu gibi ḡurḡa ḡudûşuna dahi mü'eddî olur huşuşan beden redî ve fuḡûl ile memlû ola, bu şürette vâcib olur ki beden tenḡıye oluna ve bâbında zıkr olunan mu'âlecât-ı sāire ile dahi 'ilâc oluna mādām ki verem tenḡıye olunmadıkça 'ilâcın te'sîri recâ olunmaz ve o mişlli ḡurḡalarda vâcib olur ki ezâdan ḡurḡa muḡâfaẓa oluna bâsilîḡun mişlliler ile eger beden naḡı olursa. Ve ḡurḡa ile 'udvun beynine ḡâciz ve mânî' vaḡ' olunmakla her ḡâlde 'udv-ı vârimin ezâsı ḡurḡaya vuşûlünden men' olunur.

Ve vâcib olur ki bu vaşıyyet-i câmi'a istimâ' oluna, o vaşıyyet budur ki ḡurḡa mu'âlecesi için isti'mâl olunan edviye ḡâlî olmaz ki ḡurḡa ḡâline yâ muvâfıḡ olur veyâḥûd ḡayr-i muvâfıḡ olur. Eger muvâfıḡ olursa o mu'âleceenin her ne ḡadar nef'i olmazsa mađarratı dahi olmaz, ammâ ḡayr-i muvâfıḡ olan edviyenin 'adem-i muvâfaḡati ve ḡurḡaya muḡâlefeti devânın aḡ'af olduḡundan olursa vâcib olur ki o devâ takviye oluna. Ve ḡa'f ḡasebiyle olan muḡâlefetin delîli budur ki o devâdan mütevaḡḡa' olan tecfîf ve tenḡıye mişlli keyfiyyâtın aḡḡadı ziyâde olur velâkin ondan fesâd-ı âḡer ḡudûş eylemez. Ve eger edyivenin ḡurḡa ḡâline muḡâlefeti ḡa'f-ı edviye-den olmayıp vech-i âḡerden olursa meşelâ ḡurḡaya ḡadr-i ḡâcetten ziyâde teshîn edip ḡurḡada ḡumret-i iltihâb iḡḡâs ederse o devânın ḡuvveti tenḡış ve taklîl olunup iltihâbı o vakte merhem-i müberrid ile teskîn olunmaḡa ḡâcet olur veyâḥûd vech-i âḡerden muḡâlefet o devânın levn-i ḡurḡayı sevâd ve kümûdete imâlesi olur, [513b] o imâle ile ma'ḡûm olur ki devâ ḡurḡa tebrîd eylemiştir veyâḥûd ḡadr-i ḡâcet teshîn eylememiştir, bu şürette ḡâcet olur ki ḡurḡanın o edviyesine cüllenâr ve 'aḡş ve o mişlli ḡavâbıd ve

müceffifât ziyâde oluna veyâhûd devânın muhâlifini kûrhayı tecfîf ya'ni kadr-i hâcetten ekser tecfîf hasebiyle olur, bu şürette bizim zıkr edeceğimiz nesnelerle onun cefâfı tedârük olunur veyâhûd devâ-i muhâlif kûrhayı ekl ve takvîr eder beyân olunacağı minvâl üzere ve onun kuvvet-i cilâsı kesr olunmağa hâcet olur.

Ve çok kerre devânın 'adem-i muvâfaqati 'alîlin mizâcı ebvâb-ı keyfiyyetten bir bâbda ifrâţ üzere olduğundan olur, pes vâcib olan o keyfiyyet-i müfriţanın devâ-i dıdd-ı kavîsi üzere kılına hattâ kuvveti hasebiyle mizâc-ı evvel-i mu'tedile redd eyleye ve eger o devâ muvâfaqatte ifrâţ üzere ise onu da'if kılmağa hâcet olur.

Ḳurûḥ-ı Şadîdiyye Mu'âlecâtıdır

Tenķiye-i şadîd için edviye-i münakķiye isti'mâline hâcet olur ve ba'dehu inbât-ı lahma iştigâl olunur. Eger kûrḥa-i şadîdiyye rehle olup onun üzerine edviye-i inbâtiyye isti'mâl olunursa o edviye kûrḥa-i müterehhileyi ğâire edip ta'fîn eder, pes vâcib olur ki evvelâ o kûrḥa tecfîf ve rehli izâle olunur ba'dehu münbit devâ isti'mâl oluna.

Ve kaçan devâyı isti'mâl edip te'sîri ve ruṭûbetinin nokşânı rûyet olunmasa belki ruṭûbet ziyâde olduğu müşâhede olunsa isti'mâl eylediğin devâ-i müceffif o bedene kıyâs ile müceffif değildir, pes o devânın takviye ve tecfîfini ziyâde eyle ve cilâ-i yesîr ile dahi ona i'ânet eyle, meşelâ 'asel gibi nesne ile yardım eyle. Ve kezâlik cülîlenâr ve şebb mişlli edviye-i kabbâda ile dahi i'âne olunur, onda müsta'mel olan dühnün kuvveti taklîl olunur, ancak onda edhân-ı müceffife isti'mâl olunur.

Ve kaçan sen kûrḥanın ifrâţ üzere cefâfını rûyet eylesen onda isti'mâl eylediğin edviyelerden kavıyyü't-tecfîf olanları ve kezâlik cilâ ve kabḍı olanları naķs eyle ve kûrûḥta münbitü'l-laḥm olan edviye isti'mâlinde bu vaşıyyeti hıfz eyle. Ve bu maķâmda ṭabîbi taġlîṭ eder bir ḥâl vardır, o ḥâl budur ki isti'mâl olunan devânın cilâsı vech-i lâyıktan ekser olup kûrḥanın laḥmiyyetini bi-hasebi'l-cilâ ruṭûbet-i sâileye ihâle etmekle ṭabîb onu şadîd zann edip edviye-i câliyenin kuvvetini ziyâde kılar ve bu mişlli devâ kûrḥayı ağver ve eşḥan ve müteverrim ve münḥariku's-şefeye eşbeh kılar ve onda 'alîl lez'-i zâhir iḥsâs eder, pes lâzımdır ki bu mevdi'de o ğalâtan tevakkî oluna.

Ve ma'lûm ola ki qurûhu müceffif olan edviyenin kimisi şedîdü't-tebrîd olur benc ve aşl-ı lüfâh ve afyûn gibi ve kimisi dahi şedîdü't-teshîn olur rîtiyâ nec ve zift gibi; senin için ehadühümâyı âher ile ta'dîl eylemek vardır ve onun ta'dîli emzice-i cüz'iyyelerden bi-hasebi mizâcin mizâcin olmak elyaktır.

Ve şadîdi münakkıye olan edviye-i müceffifedir, o edviyeler şebb ve 'afş ve kuşûr-ı rummân ve kuşâr-ı kündür ve mürdâsenc, daķık-i şa'ır ve sevîk-i şa'ır ve şakâyıku'n-nu'mân ve varak-ı şecerü'l-be'ûd mişllilerdir. Ve kaçan şecer-i cevzin varak-ı tarîsi ve cevzi olduđu hâl üzere dîmâd olursa yâhûd şarâbla tabh olunan maţbûhuyla dîmâd olursa cidden nâfi' olur ve ruţubâtı bi-gayri ezâ neşf eder.

Merhem-i Ceyyid: Mürdâsenc aĥz olunup merreten hâl ile ve merreten zeyt ile tenkıye olunur beyâd olunca kadar ve ba'dehu kühl, rûsaĥtec, 'urûk, 'afş, cüllenâr, dem-i aĥaveyn, şebb, iklîmiya'l-fıddâ; bunlar mütesâviyetü'l-eczâ aĥz ve daķķ ve nâ'imen saĥķ ve bunların her birisi mürdâsencden ıslâh ve müheyyâ eylediĥin miķdârın südüsü kılınır ve cümlesi ĥalt olunup merhem kılınır. Ve bizim ankrabâdinde zîkr eylediĥimiz edviyeler dahi isti'mâl olunur. Bizim qurûh-ı ĥâirede zîkr edeceĥimiz minvâl üzere qurûh-ı şadîdiyye seyâlât ile ĥasl olunur, o seyâlâtтан olur mâu'l-baĥr. Ammâ mâ-ı şebb şadîdî hem ĥasl hem red' eder. Ve bu maĥallde zîkr olunan edviyelerin küllisi eger ma'a'l-qurĥa verem olursa muđırr olur. Su'd ile tabh olunan mâ ceyyidü't-tecfîf olur. Helîlec ve emlec tabîĥleri ve âzâd-dıraĥt ve varak-ı sidr tabîĥleri bu bâbda ceyyiddir.

Qurûh-ı Vesîĥa 'İlâcıdır

Qurûh-ı vesîĥada edviye-i câliye isti'mâli vâcibdir, bizim *Kânûn*'da zîkr eylediĥimiz üzere edviye-i câliyenin akvâsı ve elza'ı ile ibtidâ olunur ve ba'dehu şeytarec ve zerâvend mişllileri 'asel ile ve miķdâr-ı ĥalîl hâl ile isti'mâle tedrîc olunur. Ve kezâlik ilk-i buţm bir mişli, dühn-i verd veyâĥûd semn ile isti'mâl olunur. Ve kezâlik aşl-ı süsen ma'a'l-'asel veyâĥûd daķık-i kirsenne ve ĥaşîşe-i cāvşîr isti'mâl olunur.

Ve mürekkebâtтан merhem-i Hindî ve merâhim-i ĥadır bi-cemrî asnâ-fihâ ya'nî zencâriyye ve basîta ve uşşak ile maĥlûta ve sâir şınfları isti'mâl

olunur. Ve kezâlik merâhim-i kıysûriyye ve daķık-i kırsenne ile müttehaz merhem ve merhem-i milh ve kırs-ı esved ve kırs-ı ahđar ve kıarmücânîs denmekle ma'rûf olan mürekkeb dahi isti'mâl olunur.

Ve edviye-i ceffâfedendir dürdî-i zeyt, 'asel, şebb mütesâviyetü'l-eczâ ahz olunur. Ve kezâlik isfidâc, ca'de veznleri berâber ahz olunur. Ve eger vesah müştedd olursa ferâsiyûn ma'a'l-'asel nâfi' olur. Ve aḍmide-i ceyyideden olur zeytûn-ı mümellaḥ. Bu maķâmda ya'nî kıurḥa-i vesihada dahi bizim kıurḥa-i ğâire bâbında zikrimiz minvâli üzere seyyâlât ile ğasle ḥâcet olur. Ve eger verem olursa seyyâlâtın küllîsi muđırır olur.

Kühûf ve Kıurûḥ-ı Ğâire ve Meḥâbî Mu'âlecâtıdır

Bu mezkûrların mu'alecesinde onların tecâvîfini laḥmla doldurmaĝa ḥâcet olur ve o imtilâ dem ve ğıdânın ğazâret ve keşretine muhtâcdır ve kezâlik onda cem'ân şedidetü't-tecîf ve't-tenķıye olan edviyeye dahi ḥâcet olur.

Ve vâcib olur ki 'alîl şadîd seyelân edip muhtebeş olmayacak vađ' üzere kılına eger bi-ḥasebi'l-infâķ 'alîli o ḥâl üzere bulup 'udvda olan kıurḥanın aşlı fevķe ve fûvvehesi esfele olduĝunu rûyet eder isen onun ḥâlî ḥasen olur ve eger kıurḥanın nuşbesini onun ḥilâfı üzere rûyet eder isen bu şürette o vađ' ve nuşbe-i ğayr-i ṭabî'ıyye zikri mürûr eden vechlerle taĝyîr olunmak mümkün ise taĝyîr olunur ve eger taĝyîr-i nuşbe mümkün olmazsa aşl-ı kıurḥaya vâşıl ve mâil bi'l-istikşâ kıurḥanın şakķına ḥâcet olur ve o istikşâ kehf bâķî olmayacak miķdâr kılınır veyâḥûd kıurḥa aşlında fûvvehe-i ṭabî'îsinden ğayri 'amel-i yed ile bir mesîl ve menfez ihdâş olunur velâkin fûvvehe-i mezkûre ihdâşından bir ḥaṭar 'arîd olmayacaĝı ba'de't-te'emmul mütebeyyin olduktan sonra ihdâş olunur. Ve kaçan menfez-i mezkûru aşl-ı kıurḥayı şakķ edip ihdâş eylesen kıurḥayı ribât ile sen şedd edersin ve şedde fûvvehe-i kadîmesinden bidâye edip aşl-ı kıurḥada müceddeden keşf olunan menfez cânibine müntehî kııarsın.

Ammâ şüret-i ülâda ya'nî kıurḥa nuşbesi ṭabî'î üzere olup aşl-ı kıurḥa fevķte ve fûvvehe esfelde olduĝu şürette rabṭa şüret-i sâniyede olan rabṭın 'aksi üzere bidâye edersin ve iki şürette cem'ân cihet-i 'âliye şeddini teşdîd edersin. Ve şeddi îlâm ve îrâm meblaĝına ya'nî veca' ve verem ihdâş ede-

cek mertebesine ulaştırmak cāiz olmaz. Ve eger kūrḥa-i mezkūreyi şakk müte‘azzir olursa kūrḥa ğasle ve münbite-i münakḳıye olan o fetāili idhāle ḥācet olur ki onun kūrḥayı tenḳıyesi inbātı ibtāl eylemeye o fetāilde tenḳıye kuvvesi ḳaviyye olduğu gibi inbāt kuvvesi [514a] dahi ḳaviyye olmak ḥasebiyle. Bu bābda merhem-i rūsülü tecrube edip müdirrāt ile isti‘mālını ceyyid-i bālīg bulduk. Ve o kūrḥa içine ḳanṭuriyūn ḥaşv kılınsa cidden ‘acīb olur ve ondan sonra ‘acībū’n-nef’ sūḳūtūn ba‘dehu īresā ba‘dehu daḳīḳ-i kirsenne ile ihtisā ‘acīb olur.

Ve meḥābīnin tedārükü rūyet olunmasa iltisāk-ı ceyyid ile cild mülteşik olmaz velākin mümkün olur ki cild tecfif olunmakla kūrḥa üzere ‘udv-ı şāḥīh cildine müşābih ilzām ve ilşāk oluna.

Ve kūrūḥ-ı gāireyi ve kezālik kūhūf ve meḥābīyi edviye-i münakḳıye tenḳıye-i bālīga ile tenḳıye eylemez ve onda edviye laḥm dahi inbāt eylemez meger ki onda edviye-i seyyāle vü ğassāle isti‘māl oluna zerrāka ile izrāk olunmakla veyāḥūd fetāil ile dess olunmakla, ‘ale’l-ḥuşūş o kūrḥanın şekli bir nev’ şekli ola ki onun nuşbesi ve şedd olunan ribātın ‘aşrı tenḳıye-ye kifāyet eylemeye bizim bundan aḳdem zıkr eylediğimiz nuşbe gibi; bu şürette edviye ile tenḳıye-i bālīga ḳaṭ‘ā münkün olmaz.

Ve ‘asel edviye-i ğassāledendir ḥuşūşan şarābla ve mā-ı remād ile isti‘māl olunsā ğasli ḳavī olur; kūrūḥta olan vedār-ı ḳavī onu ihtimāl eylemez. Ve ğasle mā-ı baḥr ğasl-ı mevşūf-ı mezkūra ḳarīb olur, zīrā māu’l-baḥr hem ğasl hem tecfif eder. Ve mā-ı şebbī dahi ğassāldır ve ma‘a-zālik ‘udva taḥallüb-i mevādda māni‘ olur. Ve bu mezkūrların birisi şālih ve nāfi‘ olmaz ḥattā şarābla ğasl dahi şālih olmaz eger o kūrḥalarda verem olur ise.

Ve zıkr olunan kūrūḥ üzere edviye vaḍ‘ olundukta vācib olur ki kūrḥa-ı mezkūre ve üzerinde ve ribātātında ‘udvun şalāḥ-ı mizācı muḥtāc olduğu eşyā ile melṭūḥa ve kezālik dāḥilen¹⁴⁶ isti‘māl olunan merhemin māddeye muḳāvemetine nāfi‘ eşyā ile dahi melṭūḥa olan ḥıraḳ kılınır fem-i kūrḥa üzere dahi isti‘mālī vācib olan devā ḥıraḳ ile tatliye olunsun için.

Ve kūrḥa iltisākına delīl olur seyyelātın kıletti ve esāfil-i kūrḥanın ṭuma’nīneti. Ve ba‘dı kerre ribāt ve ḳuvvet-i devā ile kūrḥanın in‘işarı ḥasebiyle ruṭubāt-ı keşire def‘aten mün‘aşire olup ḥiffet ve iltisāk ḥāşıl olur.

146 “Dāḥilden” murād kūrḥanın cevfidir.

Kırhada Tevellüd Eden Dîdânın Ya'nî Kurtların Mu'aleceleridir

Ona nâfi' eşyâdandır fütenec-i nehrî 'uşâresi ve kitâb-ı sâlişte dūd-ı üzün bâbında zîkr eylediğimiz edviye cemî'an nâfi'dir.

Kurûhta İnbat-ı Lahm Beyânındadır

Vâcib budur ki kable't-tenkîye inbat-ı lahma taşaddî olunmaya ve ba'de't-tenkîye onad gîdâ kâlîl ise ve ona vâşıl olmazsa gîdâ cezb oluna; kırha hangi 'uđvda ve hangi keyfiyyet üzere olursa olsun cilâsı ve lez'î kavî olan edviyeler ondan teb'îd oluna. Ve vâcib olur ki lahmı münbite olan edviye isti'mâl olundukta kurûh-ı şadîdiyye bâbında zîkr olunan vaşıyyete mürâ'ât olunup onda zühûr eden fađl-ı ruţûbete ve fađl-ı cefâfa mürâ'at oluna ve o mevdi'de zîkr olunan o edviye ile mu'alece oluna ki onun kurûh-ı şadîdiyyede isti'mâlî ruţûbet-i kırha için veyâhûd kırhanın cefâfı için olmayıp belki şedîdü'r-ruţûbet veyâhûd câff ve kâlîlü'r-ruţûbet olan o kırhada inbat-ı lahm tedbîri için tahrîr olunmuş ola. Ve kurûh-ı mezkûrenin cefâfını onu tesyîl eylemek ve edviyesi merhem ise dühn ve şem'ini teksîr eylemek ile olur. Ve kırhanın cefâfını ziyâde eder kırhayı tağlîz ve tahşîr eylemek ve dühniyyetini taklîl ve edviyeyi teksîr eylemek veyâhûd onun edviyesinde 'aseli ziyâde eylemek.

Ve kırhada merâhim ile inbat-ı lahm evfağ olur velâkin merâhimin inbatı ebta'dır, geç inbat eder ve zerûrât ile inbat a'serdir lâkin inbatı serî' olur ve ba'dı kerre onun inbat eylediği lahm şulb olur ve vâcib olur ki zerûr neşr olunur merâhim ile ihdâk ve ihâta oluna.

Ve şarâb 'ale'l-ğuşûş şarâb-ı kâbıd bi'l-cümle kurûha devâ-i ceyyidir, zîrâ bi'l-cümle kurûhu o şarâb gâsl ve tenkîye ve takviye eder. Ve biz bâbu'l-cirâhatte edviye-i münbiteyi zîkr eyledik ve onların hıyârını bu maķâmda zîkr evlâ olur ve o hıyâr budur kuhl-i muhrak, anzerût, gıra's-semek, halezûn-ı muhrak-ı meshûk, tûbâl-i Şâbürkân, âbâr-ı muhrak, vecc, birincâsef, lûf, su'd işbu edviye münbitât-ı lahmın hıyârıdır ğuşûşan veđara nef-i beyyini vardır. Veca'da bu bâbda cidden kavîdir kanţuriyûn ğayete bâliĝdir, zücâc-ı muhrak tecfif ve idmâlde 'acîbdır.

‘Ufûneti Olmayan Kırûh-ı Müte‘ekkile-i Hâbiş Mu‘alecâtıdır

Müte‘ekkile-i hâbiş olan kırûh mu‘alecesinde kânûn budur ki beden tenkıye oluna eger nakî değil ise ve eger beden nakî ise ‘udv tenkıye oluna hacâmât ve irsâl-ı ‘alak ile ve ‘udvun mizâcî atlıye ile ta‘dîl oluna ve gıdâsı ıslâh olunup ağdiye-i şâlihe bilâ-te‘hîr ve lâ-müdâfa‘atin tağdiye oluna, zîrâ tağdiyede müdâfa‘a redâet-i kırhayı teksîr eder. Ve ba‘dî kerre kırhanın sa‘yi kaç-ı ‘udva muhtâc eder.¹⁴⁷

Ve bilâ-ufûnet müte‘ekkile olan kırhaya nâfi‘dir bu ne‘tûlâtla tentîl eylemek: mâ-ı bârid, mâ-ı âs, mâ-ı verd, mâ-ı ‘aşâ’r-râî, şarâb-ı kâbîd harâreti olmayan kırhada ve mâ-ı verd ile memzûc hall ve mâ-ı sâzec-i keşîr eger harâret var ise ve o mişli miyâh-ı müberride-i müceffife.

Eger o kırha-ı müte‘ekkilede ‘ufûnet var ise ona mâ-ı bahr ve bizim kırha-ı müte‘affinede zîkr edeceğimiz eşyâlar nâfi‘ olur. Ve müte‘ekkilenin ecved-i ‘ilâcî kavâbîd-ı müberride vü müceffife isti‘mâlidir kuşûr-ı rummân ve ‘ades ve varâk-ı maştakî ve bezr-i verd ve şevke-i Mısrıyye ve habbu’l-âs mişliler gibi ve o ne‘tûlât gibi ki onların içinde bu edviyeler ola ve bu edviyeler mişliler şebdden bir tırme ile takviye olunur. Ve kezâlik bu bâbda nâfi‘dir varâk-ı hummâd ve ağsânî şarâbla kaynatılıp kırha-ı müte‘ekkile tađmîd olunsu ve kezâlik tîn-i Rûmî hall ile veyâ sikencebîn ile ma‘cûn kılınıp tađmîd olunsu veyâhûd kar-ı yâbis-i muhrağ ile veyâhûd lisân-ı hamel sevîk ile veyâhûd zeytûnun varâk-ı tarîsi ile tađmîd olunsu cemî‘an nâfi‘ olur.

Kırûh-ı Müte‘affine-i Rediyye Mu‘alecesidir

O kırûh-ı rediyyenin aşl-ı ‘ilâcî bedeni tenkıyedir. Ve eger beden nakî ise ‘udvu tenkıye-i ‘udva mahşûş münakkiyât ile tenkıyedir hacâmet ve ‘alak ve mizâc muşliha atliyelerle, mirâren biz onları zîkr eyledik ve kezâlik tecvîd-i gıdâdır. Ve bu kırhanın ‘atîkî şerrli olmakla ‘ilâcında isti‘câl olunup tevânî ve tekâsül eylememek gerektir. Ve vâcib olur ki o kırha verem-i hârrdan men‘ oluna ve o harâretli veremi benc sevîk ile isti‘mâl olunsu teskîn eder. Ve bu mişli kırûh ifrât üzere fâsid olsa nâr ile veyâhûd devâ-i kâvî-i hâdd ile keyy olunmağa veyâhûd kırha kaç ve istişâl olun-

147 “‘Udvu kaç’a muhtâc eder” nüsha.

mağâ hâcet olur lahm-ı şahîhten mâ-‘adâ eşer-i kûrhadan bir nesne bâkî kalmasının için ve lahm-ı şahîh cevdet-i dem ve cûd-ı levn ile ve şîhhat ‘azm ebyad ve nakî olduğundan ma‘lûm olur. Ve devâ-i hâdde kûrhanın hazeflerini cem‘an ahz edip ihrâc eder velâkin hiddetinin icâb eylediği ilâm semn ile tedârük olunur kûrha üzerine merreten-ba‘de-uhrâ vad‘ olunmakla.

Eger kûrha-i müte‘affinde nevâşîr ve hâzeften biri olmazsa o kûrha rediyye ve habîse olur ve ‘ufûnetten emn olsun için ba‘dı kerre kaç-ı ‘udva hâcet olur. Ve kûrha-i müte‘affineyi ıslâh eden ne‘tüller mâu’l-bahr ve bâbu’n-nevâşîrde mezkûr olan miyâh mişlîliler olunur. Ve bu kûrûhta ve gayri kûrhalarda vâcib olur ki üzerlerine vad‘ olunan edviye biraz eyyâm üzerinde terk oluna ve ribâtı hall olunmaya. Ve o kûrûhta isti‘mâli vâcib olan edviyeler budur: Daķık-i kirsenne şebbden bir şey ile veyâhûd semek-i mâlih-i muḳadded lübb-i ḥubzdan bir şey ile ve zerâvend ve aşl-ı kerneb ve aşl-ı sılḳ ve aşl-ı kıssâu’l-ḥımâr ve meshûḳ bezr-i kettân ḳalkadîsle [514b] ve hâşâ zebîb ile ve tûn kendi ve şecerinin varâķı ve naṭrûn ve kemmûn ve daķık ma‘a’l-‘asel; bu edviyenin her biri kûrha-i mezkûreye nâfi‘dir. Ve bu admideler dahi nâfi‘dir: Başal-ı fâr ‘asel ile ṭabḥ olunur dımâd kılınır veyâhûd kerneb ‘asel ile veyâhûd ḳar‘-ı yâbis-i muḥraḳ ve varâķ-ı zeytûn-ı ṭarî ile dahi taḍmîd olunur.

Devâ-i Mürekkeb: Zerâvend, varâķ-ı ḥırva‘ ‘uşâresi her birinden birer cüz, zencâr nışf cüz bu mezkûrlardan su ile ‘asel kıvâmında leṭûḥ ittiḥâz olunur ve ba‘dı kerre o leṭûḥ kıssâ-i ḥımâr ‘uşâresi ve sūrî ile taḳviye olunmağâ hâcet olur ve bu leṭûḥ ile kûrha telṭîḥ olunduktan sonra üzerine ḥıraḳ-ı yâbise vad‘ olunur. Ve kezâlik zerâvend ve ‘afş ve zeyt veznleri berâber ahz olup onlardan leṭûḥ ittiḥâz olunur ve onunla kûrhanın kendi ve nevâḥîsi telṭîḥ olunur veyâhûd nûre ve ḳulḳuṭâr her birinden birer cüz ve zernîḥ nışf cüz ahz olunur. Ve kezâlik sūrî on iki, ḳulḳuṭâr on, zâc dört bu mecmû‘dan leṭûḥ ittiḥâz olunur, nışf ḳuṭûlû ḥall-i şikkîf içinde o edviye ḥall zâil olunca ḳadar ṭabḥ olunur, ondan mirved ya‘nî mîl ile ahz olup onunla kûrha telṭîḥ olunur.

Ve kezâlik ḳulḳuṭâr, zâc her birinden yirmi cüz ve ḳuşûr-ı ḥadîd on altı cüz ve ‘afş ḡayr-i meşḳûb sekiz veyâhûd milḥ bir cüz, şebbd-i muḥraḳ, ḳuşûr-ı nuḥâs, ḳaysûr-ı muḥraḳ her birinden nışf cüz.

Merhem-i Ceyyid: Anzerût, rûsahtec, ‘afş, zencâr, zerâvend; bu edviye ‘ilkten bir şey’ ile cem‘ olunur lüdûnet ve ‘ilkiyyetten bir şey’ taḥşîli için ve ba‘de tanzîfî’l-kurḥa o merhem isti‘mâl olunur.

Bu Devâ Tecribe Olunup Nef-i Bâligi Müşâhede Olunmuştur: Zâc-ı aḥmer yirmi dört, nûre-i ḥayye on altı, şebb on altı, kuşûr-ı rummân on altı, kündür, ‘afş her birinden otuz ikişer, şem‘ yüz yirmi, zeyt, uşşak bir kütûlî.

Devâ-i Âḥer-i Ceyyid: Reşâş-ı muḥrak ma‘a’l-kibrît, nuḥâs-ı muḥrak, isfidâc-ı reşâş, kündür, mürdâsenc, mürr, iklîmiyâ-ı muḥrak, uşşak, cāvşîr her birinden ikişer dirhem, keçi böbreğinin yağı, rîtiyâ nec, ‘ilk-i enbât, dühn-i âs her birinden üçer ve bu edviyelerin kâbil-i zevebân olanları o edviyeyi ma‘cûn edecek kadar ḥall içinde tezvîb ve saḥk olunacak edviye saḥk olunduktan sonra olunup ma‘cûn kılınır.

Cālînûs’un ve Gayrilerin Cem‘ Eylediği Devâ-i Müncihtir: Tübâl-i nuḥâs bir ūkıyye, zencâr-ı maḥkûk bir ūkıyye, şem‘ nısf rıtl, şamğ-ı lârkes¹⁴⁸ bir ūkıyye ve nısf ūkıyye; bu mezkûrların devâ-i müteḳaddim resmi üzere zevebânı kâbil olanları tezvîb ve saḥk kâbil olanları saḥk olunup mecmû‘undan merhem ittiḥâz olunur ve şem‘ bi-ḥasebi’l-ḥâcet miḳdâr-ı mezkûreden ziyâde ve nokşân olunur ve onları difergânîs - ديفرغانس ile ḥalt olunmağı müsteḥabb gördüler. *“Difergânîs” bedeline ba‘dı nüshada “derürûğas” ve ba‘dı âḥerde “zîferûcâs” vâk’ olmuştur.* Ve devâ-i mezkûr üzere Cālînûs çok kelâm tekellüm eyledi. Ve zîkr olunan ḳurûḥ-ı müte‘affine-i rediyye zeker mişlli ‘udva ‘arîd olsa onda kırtâs-ı muḥrak devâsı ve devâ-i enderûn ve ḳar‘-ı yâbis-i muḥrak veyâḥûd şûf-ı vesîḥ-i muḥrak ve varak-ı serv dımâdı veyâḥûd dülbûn varak-ı muḥrakı dımâdı isti‘mâl olunur.

‘Asiretü’l-İndimâl ve Hîrûniyye Ḳurḥalarının Mu‘âlecâtıdır

Bilâ-takyyîd itlâk üzere ‘asiretü’l-indimâl tesmiye olunan ḳurḥa müte‘affine ve müte‘ekkilile tesmiye olunan ḳurḥaların gayridir, ‘amm ḥâşşın gayri olduğu gibi, zîrâ müte‘ekkilile ve müte‘affine ḳurḥaların her birisi sâ‘iye-dir, ‘asiretü’l-indimâl olan ḳurḥanın sa‘yi ba‘dı kere olmaz belki ‘alâ-ḥâlihâ bâkıyye olur. Ve kezâlik ‘asiretü’l-indimâl olan ḳurḥa nevâşîrin dahi

148 “Lârkes” şanevber diye işâret olunmuştur.

gayridir, zîrâ 'asiretü'l-indimâl olan kûrhadâ ihtirâk olmak lâzım değildir ya'nî ruṭûbet-i külliyyeten zâile olup taḥazzûf eylemek 'asiretü'l-indimâl-de lâzım olmaz, nevâşîrde taḥazzûf lâzımdır. Ve'l-hâşıl nevâşîrin küllîsî 'asiretü'l-indimâldir velâkin her 'asiretü'l-indimâl olan kûrha nevâşîr değil değildir, beynehümâda 'umûm ve ḥuṣûş-ı muṭlaḳ vardır.

Ammâ ḥîrûniyye kûrhasının indimâlden bu'dü ve fesâdı ḡayete bâliğdir ve onun kânûn-ı mu'âlecâtı budur ki:

Eger ḥîrûniyyenin sebep-i ḥudûsu redâ'et-i mizâc ise o mizâc ıslâḥ olunur.

Ve eger redâ'et-i dem ise onun ḡıdâsı dem-i ceyyidi tevlîd eden ve o demin müdâddı demi tevlîd eden aḡdiye kılınır.

Ve eger sebep kıllet-i dem ise dem teḳşîr olunur ve ceyyid ḡıdâsı tevsîr olunur ve eger sebep terehhül ve tevessuḥ ise ona rehl ve vesahın 'ilâcî ile mu'âlece olunur.

Ve eger sebep cefâf-ı müfriṭ olup henüz nâşûr olmadı ise tertîb-i mu'tedil ile tertîb olunur ve ona muraṭṭıḅ mu'tedil devâ ile 'ilâc olunur 'alîl mâ-ı ḥârre ile ta'rîḳ olunmak gibi ve 'udv terleyip ve iḥmirâr ve intifâḥ ḥâşıl olunca ḳadar mâ-ı ḥarr ile ta'rîḳ ve ba'dehu 'araḳ imsâk olunur, o ḳadri tecâvüz eylemek câiz olmaz eger tecâvüz olunsa 'udv-ı müteḳarriḥa mâdde-i keşîre ve âfet-i 'aẓîme münceẓib olur ve ḳadr-i mezkûr ta'rîfından sonra kûrha üzere tecfîfî eḳall olan devâ vaḍc olunur ve ba'dı kerre mâ-ı fâtir ile meblûle olan ḥıraḳı vaḍc nâfîc olur ve ba'dı kerre ḥakk ile kûrha idmâya ve kûrha 'udvunu delke ve kûrha üzere merâhim-i ziftiyye vaḍc olunmaḡa ḥâcet olur.

Ve eger ḥîrûniyye ḥudûsuna sebep o kûrhayı muḥîṭ olan laḥmın redâ'et-i a'râḍı ve aḥvâlî olursa ona senin ma'lûmun olan şart ile iḥrâc-ı dem ve ba'dehu müceffifât ile tedârük olunmakla 'ilâc olunur.

Ve eger sebep dâliyenin saḳyî ise o dâliye ḳaṭc olup demi tesyîl olunur veyâḥûd o dâliye sell olunur ve çok kerre bu tedbîr irâḥa eder velâkin o 'alîlde imtilâ var ise o 'ilâca faşd ile ve ḥılt-ı sevdâviyyeyi istifrâḡ ile ibtidâ olunur ve ba'dehu dâliyyeye ta'arruḍ ve demi ḥasbe'l-imekân tesyîl olunur, zîrâ ḳable'l-istifrâḡ dâliyyeye ta'arruḍ olunsa kûrha-i ûlâdan şerri ekşer olan kûrha ḥudûsuna bâ'îş olur. Ve tenḳiye-i mezkûreden sonra dâliyyeye ta'ar-

ruđ olunup dâliyeye ve ba'dehu dâliyeden 'arîd olan cirâhiyye 'ilâc olunur ve ba'dehu 'asiretü'l-indimâl olan kûrḥaya 'ilâc olunur.

Ve eger o kûrḥanın sebep-i ḥudûsu da'f ve 'uḍvun sū-i mizâcî olursa ve o sū-i mizâc dahi i'tidâlden ba'îd olan sū-i mizâc-ı müfriṭ olup onun ḥudûsunu ḥarr ve berdden veyâḥûd emziceye tâbi' olan taḥalḥul-i müfriṭ ve tekâşüf-i şedîdden zann ve ḥisbân edersin, ekşer-i ḥâlde taḥalḥul-i müfriṭ ḥarârete ve ruṭûbete veyâḥûd yalnız ruṭûbete tâbi' olmakla ve tekâşüf-i şedîd bürüdet ve yübûsete veyâḥûd yalnız yübûsete tâbi' olmakla pes bu misli sebebi hâdiş olan 'asiretü'l-indimâl kûrḥa vâcib olur ki sebebin dıddı ile yâḥûd sebebin dıddını icâb eden edviye ile 'ilâc oluna.

Ve çok kerre dahi sebep bir nev' ḥarâret olur ki o ḥarâret māddeyi cezb ve irsâl eder ve onun kûrḥasına 'ilâc müberrid ve kâbıd edviye ile olur.

Eger sebep-i kûrḥa nâşûr olur ise ona nâşûr 'ilâcıyla 'ilâc olunur.

Eger sebep kûrḥa nevâḥîsinde olan 'azm-ı fâsid olur ise o 'azm şart-ı laḥm ile keşf olunup nazar olunur, eger 'azmın fesâdını ḥakk ile izâle mümkün ise 'alâ-vechi'l-istikşâ o 'azm ḥakk olunur, eger ḥakk mümkün olmazsa 'azm kaç olunur ve bâb-ı fesâdü'l-'azmda bizim şerḥ edeceğimiz minvâl üzere amel olunur.

Cālînûs dedi ki şadrında nâşûru olan bir ḡulâmın nâşûru vasat-ı kaşşında olan 'azma müntehî ve bâliḡ oldu, o 'azmın [515a] üzerinde olan eş-yâ-i muḥîṭayı şerḥ edip 'azmı keşf eyledik ve nâşûrun o 'azma işâbetini rü'yet eyledik ve onu kaç'a biz muḍṭarr olduk velâkin 'azmdan mevdi'-i fesâd 'alâka-i ḡalbin mi'elâkı ve müstekarrı olduğunu müşâhede eylediğimize binâen o fesâdı 'azmdan izâlede şedîden rıfk eyledik ve bizim o fesâdı izâlede inâyetimiz o 'azmı dâḥilden taḡşiye eden ḡışâyı 'alâ-selâmetihi ḥıfzda istikşâyâ maşrûf oldu ve 'azmın mevdi'-i fesâdına ve kaşşa o ḡışâdan muttaşıl olan maḥall-i müte'affin idiḡi dahi rü'yet olundu. Ve Cālînûs dedi ki biz o ḥâlde ḡulâm-ı mezkûrun ḡalbinin rü'yet edip nazar eyledik, ḡalbin üzerinde olan ḥâil ve ḥâcib ref' olundukta ḡalbe nazar edenlerin rü'yetleri gibi rü'yet ḥâsıl oldu ve bizim rıfk ile o 'azmı nez'imiz ḥasebiyle o ḡulâm sâlim oldu ve kaşştan nez' eylediğimiz 'azm-ı fâsid mevdi'-inde laḥm-ı şaḥîḥ nâbit oldu ḥattâ o maḥall mümtelî ve müteferriḡ olan şefeler birbirlerine muttaşıl oldu ve ḡulâf-ı ḡalbin re'si ḡable-nez'i'l-'azm ḡalbi ne minvâl üzere

setr ve tağtiye eder ise ba'de'n-nez' ve'l-iltihâm o minvâl üzere tağtiye eder oldu. Ve Cālînûs dedi ki zıkr olunan qurhanın hâl ve şanı o cirâhat şânından a'zam değildir, onda şadrda şukbe hâdiş ola. Cālînûs'un bu kelâmını ahz eyle.

Ve biz deriz ki kaçan qurha 'atîk ve qadîm olsa ondan mihceme ile qadr-i lâyıq dem isâle olunmak şavâb olur, ammâ 'usr-i indimâl için ekser-i hâlde mu'adde olan ya'nî müheyyâ kılınan edviye tûbâl-i nuhâs ve zencâr-ı muhrağ ve gayr-i muhrağ ve tûbâl-i şâbürkân ve tûbâl-i hadîd-i sâire ve lizâku'z-zehab mişlîlilerdir, bu mezkûrlardan kayrûtiyât ittihâz olunur. Ve kezâlik kulkuṭâr ve zâc ve onlara müşâbih edviyeler 'udva taḥallûbe mâni' şebb ve 'afş mişlîlilerle isti'mâl olunur.

Ve 'asiretü'l-indimâl olan qurha 'ilâcında isti'mâl olunan devâlardandır: İklîmiyâ, ğıra'z-zehab, şebb her birinden sekizer, zencâr, kuşûr-ı nuhâs her birinden birer, şamğ-ı serv dört, şem', dühn bildiğin miqdâr. Ve kezâlik şem' on, şamğ-ı şanevber dokuz, iklîmiyâ üç, kulkuṭâr altı, dühn-i âs qadr-i kifâye. Ve kezâlik kulkuṭâr, iklîmiyâ bu iki devâ mâ-ı baḥr ile ve mâ-ı hısrım ile terbiye olunsu. Ve kezâlik qal'ıyy ve nûre içinde ṭabḥ-ı yesîr ile ṭabḥ olunan su ile bi-ḥasebi'l-mizâc terbiye olunsu ve onların şems-i sayfta cevdet üzere terbiyesinden sonra kendilerde olan mâ-ı baḥr ve kıly temelluḥ eylemezden muḳaddem ya'nî onlardan milḥ mün'akid olmazdan muḳaddem o edviye taşfiye olunsu o mürebbâ ve şâf kulkuṭâr dahi ve iklîmiyâ dahi 'ilâc-ı nâfi' olur. Ve kezâlik nuhâs-ı muhrağ ve rîtiyânec ve milḥ-i enderânî her birinden ikişer ûkıyye, şem' ve dühn miqdâr-ı kifâye ahz olunup isti'mâl olunur. Ve onlara ezviye-i nâşûriyye dahi nâfi' olur eger o edviye-i nâşûriyye tecfîf ve daḳḳ olunduktan sonra isti'mâl olunursa. Ve o qurhada isti'mâl olunan edviyeden olur daḳḳ-i kirsenne ve îresâ ve zerâvend-i muhrağ ve nuhâs-ı muhrağ ve türâb-ı kündür dahi isti'mâl olunur ve her birinden zıkr olunan edviyeden hangisine müsteḥaḳḳ olur ise o beden qurha-i mezkûresi müsteḥaḳḳ olduğu devâ ile mu'âlece olunur.

Devâ-i Ceyyid: Bürâdetü'n-nuhâs, bürâdetü'l-hadîd ahz olunup mâ-ı şebb ile ma'cûn kılınır ve ḫin-i aḥmer ile taṭyîn olunup tennûrda iḥrâk olunur ba'dehu iḥrâc olunup saḥḳ olunur ve zerûren isti'mâl olunur veyâḫûd onlar mürdâsencle merhem kılınır.

Merhem-i Zehebî-i Ceyyid Şıfatıdır: Mürdâsenc-i zehebîden bir menn ve şem^c ve aşl-ı mâzeryûn otuz altı mişkâl, zencâr on sekiz mişkâl tîn-i hikmet ile ve mürdâsencden bir râyiha ile meshûk olan bürâde-i zeheb kırk mişkâl, dühn-i 'atîk üç rıtl bu mezkûrlar aḥz olunup dühnün üzerine mürdâsenc, zeheb ve zencâr ilkâ ve ḥalt olunur ve ba^cdehu sâir edviye vaḍ^c olunur. Ve kezâlik ḥazef-i tennûr ve remâd-ı ved^c ve reşâs-ı muḥrak-ı maḡsûl aḥz olunup dühn-i âsla merhem ittiḥâz olunur ve vâcib olur ki o dühn-i âs mürdâsencle takviye ve takvîm oluna ve o takvîm ve takviyenin şıfatı budur ki evvelâ mürdâsencden bir ûkıyye aḥz olunur ve cidden ḥadd olan ḥallden mürdâsencin üç mişli aḥz olunur, zeyt ve âs dühnlerinden yâḥûd edhân-ı sâirenin birinden iki ûkıyye aḥz olunup o edviyeler dühn içine vaḍ^c olunduktan sonra mürdâsenc o iki ûkıyye içinde ḥall olup dühn ḥâşir olunca kadar taḥrîk olunur ve mürdâsencin ihtirâkından tevaḳḳî olunur.

Ve ḥirûniyye için ittiḥâz olunan edviyeden olur: Kuşûr-ı nuḥâs, zencâr ve bilâ-istikşâin maḡsûle olan nûre; bu mezkûrlardan zerûr ittiḥâz olunur ve şebb-i meshûk dahi zerûr olur. Ve kezâlik zûfâ dört, naṭrûn iki; onlardan dahi zerûr ittiḥâz olunur veyâḥûd evvelâ ḳurḥa-i mezkûre 'asel ile telṭîḥ olunup ba^cdehu bu zerûr ekilir, o zerû budur: Kuşûr-ı nuḥâs iki cüz², ḳayrûṭî on cüz²; şemste mers olunur isti'mâl olunur veyâḥûd isfîdâc ve şebb her birinden sekizer, kuşûr-ı nuḥâs ve milḥ-i derânî ve kündür ve zencâr ve kuşûr-ı rummân her birinden ikişer cüz² ve nûre bir cüz² ve bir cüz²ün dahi iki şülüşü ve dühn-i âs kifâyet ḳadar. Ve kezâlik mürdâsenc, zeyt her birinden birer rıtl ve zerâvend ve 'afş-ı ḡayr-i maṭbûḥ her birinden birer ûkıyye, üşsec bir ûkıyye, diḳâḳ-ı kündür iki ûkıyye; o edviyelerden nâr üzere leṭûḥ ittiḥâz olunur ve aşl-ı ḳaşab ile taḥrîk olunur.

‘İlâc-ı Nevâşîr ve Mülteşîḳ Olmayan Cülûdun Dahi ‘İlâcıdır

Nevâşîrin mâhiyyeti ve aḥkâmı ve aşnâfı ḥaḳḳında ḳudemânın zikr eyledikleri kelâmı biz beyân eyledik. Ammâ tedbîr-i nevâşîrde vâcib olan budur ki onun şadîdi ve ruṭûbât-ı fâsidesi nuşbe-i müseyyile ile ve rabṭ ile isâle olunur ve o vechlerle şadîd ve ruṭûbât-ı sâireleri isâleyi bu mevâḍî'den muḳaddem mevâḍî'-i uḥrâda biz beyân eyledik.

Ammâ nevâşîre mahşûş 'ilâc beyânı budur ki nâşûrun ihtilâfıyla 'ilâc muhtelif olur, zîrâ ba'dı nâşûr ṯariyye ve sehle olur ve ba'dı uh'râ 'atîka olup tahazzüfî gavş-ı şedîd ile lahmıda gâişa olur. Ve nâşûr-ı gâişa-i mez'kûrenin 'ilâcî 'usretli olur, onun 'ilâcî micrâd ile ve gayr ile o hazefin küllîsi kaç-ı müste'sıl ile kaç ve ahz etmekle veyâhûd nârda keyy etmekle veyâhûd edviye-i kâviye isti'mâl etmekle olur. Bu mez'kûrlardan her biri şa'b ve şakk olduğu zâhirdir huşûşan nâşûrun civârında 'aşab ve sâir a'câ-i şerîfe olsa şu'ûbeti gâyete bâliğ olur. Ve ba'dı kerre marîdin meyli o nâşûrun be'kâsına olur ya'nî şedâyid-i 'ilâca 'adem-i ta'hammülü hasebiyle o mişlli marîde mu'alecede 'ilâca mukâsât edince kadar müdârât olunur.

Ve nâşûrun mu'alecesinde mümkün olur ki nâşûr tecfif olunup dâhîlinde olan lahm-ı vedekî vü habîs ekl ettirilir ve lahm-ı meyyitten bâkî kalan dahi tecfif olunup idmâl olunur, o nâşûr müddet-i tavîle sâkinen bâkî kalır velâkin idmâli tâmm olmaz. Ve idmâl-i tâmmı murâd edenlere vâcib olur nâşûru lahm-ı habîs ü vedekîden tenkîye edip içini edviye-i müceffife ile mahşüvv edip terk eyleyeler, bu tedbîr ile nâşûr 'alâ-cefâfîhi bâkî kalır eger imtilâda ha'tâ olmazsa ve ru'ûbet-i mizâc ve vuşûl-i mâ üzerine ıd'ticâ-ı mûlim ve şadme ve darbe ve su'âl ve ra'de mişllilerden biri olmazsa.

Ammâ nâşûru kal' edip külliyyen istîşâl ve istihlâkin 'ilâcî budur ki eger kurha-i nâşûr [515b] habîse ve 'atîka ve kadîme olursa ona devâ-i sâire yoktur, ancak ona 'ilâc hazefini kaç'la veyâhûd nâr ile bizim beyân eylediğimiz üzere keyy etmekle olur ve o keyy nâşûrun menâfiz-i mülteviye-i mu'veccesini keyyin ṯarîkîni takrîb için ma'a-tevaqqin ve hazerin rabt eyledikten sonra olur, zîrâ vech-i muharrer üzere olan keyy ile nâşûr münkalî ve munka'tî olur veyâhûd o nâşûrun keyyi edviye-i hâdde ile olur, o edviye nüşâdur ve zernîh ve kibrît ve zencâr ve zîbak mişllilerdir. Ve zîbak isti'mâl olundukta her hâlde katl olunur, [bir mişli bürâde-i hâdîd ve nısfı kadar kıly ve kezâlik nısfı miqdârı nûre ile hâlt olunup] eşâl içinde taş'îd ve kinnîne içinde mah'nûkan hıfz olunur ve onun taş'îd-i mez'kûrunu o bâbda iştiğâli olanlar bilirlir ve milh gibi taş'îd olunur. Ve kaçan ondan nâşûra bir şey vâc' olursa ondan nâşûr mültehib ve münşevî olur ve lahmıdan munfaşıl olur ve kelbetânla nâşûru ahz ve ihrâc

olunur ve ʿudva sâʿaten fe-şâʿat semn içâm olunur vecaı hâdî ve sâkin olsun için ve baʿdehu ʿilâc-ı kûrûhla muʿâlece olunur.

Ammâ nevâşîrden tarî-i sehl olan nâşûr ʿilâcında vâcib olur ki nâşûr edviye-i kaviyye ile gâsl oluna velâkin o gâssâl olan edviyede kaṭrân mıslî devâ olmaya, o edviye-i gâssâle bunlardır: Ermide, mâu'l-baḥri'l-üçâc, zernîḥ ve nûşâdur ile maḥlûṭ mâ-ı sâbûn ve nûşâdur ve rûsahtec ikisi dahi yâbis iken veyâḥûd min-gayri seyelânin nedâvet ve rıgvesi olduğu hâlde taşîd olunursa mâ-ı muşâʿadleri dahi nâşûru gâsl eder. Ve kezâlik edviye-i gâssâledendir o su ki içinde kıly, kils, kuşûr-ı beyḍ, nûre ṭabḥ olmuş ola. Ve kaçan o nâşûr tenkıye olunsu üzerine devâ-i hırvaʿî vaḍʿ olunur. Ve edviye-i ğarbe mevride olunan merhem-i zernîḥin nefʿi ʿacîb olur ve Câlînûs'un kırtâsî devâsı dahi istiʿmâl olunur. Ve zâc, kâlkadîs, nuḥâs-ı muḥraq, zencâr bu mezkûrlardan müʿellef devâ ve kezâlik onlara müşâbih olan kaṭuriyûn-ı daḳîk, kirsenne, îresâ, sermaḳûṭun istiʿmâl olunur.

Ve Bâbda Devâ-i Mücerrebdır: İşkûlaḳandriyûnun aşlı, zîrâ o aşl ile nâşûr mümtelî kılınsa berâʿet ḥâşıla olur. Ve kezâlik ḥarbaḳ ile dahi nâşûr doldurulsa ve on gün kadar terk olunsu berâʿet ḥâdiş olur ve kezâlik sûrî dahi onlar gibidir. Ve kezâlik kıssâ-i ḥımâr ilk-i buṭmla veyâḥûd ʿuşare-i aşlu'l-maḥrûs ve üşşec ḥall ile veyâḥûd üşşec ve kâlkadîs ve zâc ve kûlḳuṭâr ḥall ile bu mezkûrlarla nâşûr maḥşûvv kılınsa nâşûra berâʿet ḥâşıl olur veyâḥûd bevl-i eṭfâl aḥz olunup reşâştan mütteḥaz olunan hâven içinde bevl-e ḥuşûret gelince kadar saḥḳ olunmaktan ḥâlî olunmaz baʿdehu tecfif olunup istiʿmâl olunur.

Nâşûrda Ehl-i İskenderiyye'nin İstiʿmâl Eyledikleri Devâdır: Aşl-ı encûsâ ve zâc-ı meşvî ve kûlḳuṭâr ve zencâr ve şebb her birinden birer cüzʿ ve zerârîḥ nişf cüzʿ, mezkûrdan zerûr yâḥûd merhem ittîḥâz olunur veyâḥûd ḥall içinde zerârîḥ ṭabḥ olunup edviyeden zerârîḥ ḥazf olunur ve bâkî edviye o ḥall-i maṭbûḥla cemʿ olunur ve baʿḍı kerre onda ʿasel dahi kılınır. Ve kezâlik şabır ve zencâr ve mürdâsenc ve kuşûr-ı beyḍ mükelles olurse keşîren aḳvâ olur. Ve bu bâbda keşîren aḳvâdır ʿusr-i indimâlde zıkr eylediğimiz devâlar.

Kaçan laḥm-ı ceyyid zâhir olsa mülsıḳa ve münbitetü'l-laḥm olan devâlar istiʿmâl olunur. Ve eger nâşûra qarîb ʿazm-ı fâsid var ise vâcib olur ki

o ‘azm ıslâh olunup o sebeble ihdâs olunan cirâhate ‘ilâc olunur. Ve eger ruṭûbât-ı şadîdiyyenin kalîle olduğunu veyâhûd ruṭûbât-ı şadîdiyye middiyye olduğunu rü’yet eylesen ‘ilâc nef’ vermeğe karîb olur.

Cirâhât Üzere Olan Lahm-ı Zâid Beyânındadır

Lahm-ı zâidin ‘ilâcında câliye ve müceffife olan edviyeye hâcet olur; o edviyenin her ne miqdâr lez’i eḳall olursa o miqdâr ecved olur. Ve vâcib olur ki inbât-ı lahmıda ṭabî’attan mütevaḳḳa‘ olan fi’l lahm-ı zâidi izâlede tevaḳḳûc olunmaya, zîrâ inbât-ı lahm fi’l-i ṭabî’attır ve ṭabî’atın inbât eylediği lahmı ekl lâ-mahâle me‘ûnet-i devâ ile olur veyâhûd bilâ-me‘ûnet ṭabî’at-ı fi’l olana müdâdde fi’l işleyip lahm-ı zâidi nâdiren ekl eder velâkin ta‘vîl ve istimâd devâ me‘ûnetiyle ekline olur. Ve ma‘lûm ola ki bu şânda mütteḥaz olan aḳrâşın menfa‘ati tarî ve tâze iken olur ve ḳurş-ı ‘atîḳin menfa‘ati olmaz. Ve eger ḳurş isti‘mâline hâcet olursa o ḳurş ittiḥâz olundukta vâcib olur ki onu taḳrîş edip havâ ifsâd etmeyecek bir mevdi‘e defn olunmakla hıfz oluna ve secîr-i ḥall içinde ya‘nî küspe içinde hıfz olunmak medḥ olundu lâkin onların medḥleri benim katımda küll-i şıḥhat ile şaḥîḥ değildir belki o edviyeden aḳrâş-ı benâdîḳ ittiḥâz olunup ‘alâ-ḥâlihi hıfz olunmakla ḳuvvet ziyâde mahfûza [olur.] Ve ba‘dılar dediler ki hıfz-ı ḳuvvet için o edviyeye gâh bîgâh zernîḥ ve sūmdan meḥḥûz olan mâ-ı ḥâdd saḳy olunur ve o ḳavl mu‘teber değildir, zîrâ miyâh-ı ḥâdde-i mezkûre ḳuvveti taḥallüle müheyyâ kılar ve havâ-ı fâsid dahi ona mu‘în olur.

Ve lahm-ı zâidi ekl için isti‘mâl olunan edviyeden ağlaz ve eşbet devâlarının menfa‘ati ekser olur velâkin onun menfa‘ati ḳuvveti ḥasebiyle değildir, zîrâ ba‘dı elṭaf devâlar ağlaz ve eşbetten aḳvâdır belki ağlaz olan edviyenin havâdan ve aḥlât-ı mizâcdan te’sîri ve infî‘âlî kalîl olup ‘alâ-ḥâlihi ve ḳuvvetihi bâḳî kalır ve menfa‘ati zâil olmaz. Ve o ağlaz edviyeler bunlardır: Ḳuşûr-i nuḥâs, şadef-i muḥraḳ ḳanâfîzin bi-luḥûmihâ muḥraḳ olan iki nevî¹⁴⁹ velâkin ḳanâfîzin tenḳiyesi kalîl ve lahmı ḳabdı vech-i lâyıktan

149 “Ḳanâfîz” kirpi dedikleri ḥayvândır; onun envâ‘-ı selâsesi vardır: biri berrî ve cebelî ve baḥrîdir; ke-enne muşannif cebelîyi berrî şınından ‘add edip iki ḳısmdır dedi.

ekşer olur. Ve bizim ta'cād eylediğimiz devâlardan aqvâdır âsiyâ tesmiye olunan hâcerin zehresi ve ondan dahi aqvâdır sūrî, ğıra'z-zeheb, kulkutâr, zâc ve bu edviyeleri ihrâk edviyenin kuvvetini ve lez'ini taklîl eder ve le'âfetini ziyâde eder. Ve zehretü'n-nuḥâs dahi kavıyyedir lâkin zencâr kuvvetine bâliğ olmaz huşûşan kuşûr-ı nuḥâstan me'hûz olan zehre bâķî zehreden aqvâ olur.

Ve laḥm-ı zâidi ekl-i ceyyid ile ekl eden edviye bunlardır: kıly, zencâr ve çok kerre vâķi^c olur ki mā-ı bahre veyāḥūd milḥ-i mürr maḥlûṭ olan ḥalle maġmûse olan hıraķ laḥm-ı zâid üzere tarḥ olursa o laḥmı taḥlîl ve ıdmâr eder veyāḥūd kıly ve ğayr-i muṭfât olan nûre aḥz olunup o me'hûz yedi mişli olan suya vađ^c olunduktan sonra yedi gün miķdârı şemste terk olunur ve her gün vaķt-i vâḥidde tesvîṭ olunur ona huşûret gelip tîn gibi olunca kadar ve ba'dehu ondan akrâş ittiḥâz olunup isti'mâl olunur. Ve kezâlik nîtalkûs - نيطلقوس kurşu ve merhem-i aḥḍar 'acîbü'n-nef' olur. Ve milḥ-i derânî ile müttehâz olan merhem-i aḥḍar ve isķarîṭâtî - اسقريطاطي tesmiye olunan merhem laḥmı bilâ-lez^c ekl eder ve diyârûn - ديارون devâsı ve düzû-diyâ - دودويا devâsı ve kezâlik kuşûr-ı nuḥâş ve dikâķ-ı kündürden müttehâz olan devâ o laḥm-ı zâyidi ıslâḥ eder ki cirâḥat üzere ḳuṭn-ı menfûş gibi cidden nemâ bulmuş ola. Ve irbiyân-ı enf için ma'cûle olan edviyenin küllisi bu bâbda dahi nâfi'dir.

Evvelâ Mündemile Olup Ba'dehu Münşakķa ve Münkaḍda Olan Ḳurûḥ Tedbîridir

Ḳurḥa-i mündemilenin intikâdından sonra 'ilâcî budur ki o ḳurḥanın nevâḥisinde olan 'azm-ı redî ve laḥm-ı redî aḥz olunur ve ba'dehu bilindiĝi üzere ḳurḥa tecfîfine meşĝûl olunur ve ba'dehu müstaḥricât-ı 'izâm olan edviye-i ḥâdiye¹⁵⁰ devâlar olur, o devâlar bunlardır: Varâķ-ı ḥaşḥaş-ı esved, varâķ-ı tîn ve sevîķ tîn ile dîmâd olursa veyāḥūd bezr-i benc, ḳalkadîs veznleri berâber aḥz olunup dîmâd olursa vech-i meşrûḥ üzere 'azmı iḥrâc eder. [516a]

150 [Burada "ḥâdiye" yerine "câzibe" beklenirdi!]

Ve Kırûh ve Cirâhâtin Âşarı Beyânındadır

O âşâr kal' için mu'alecât kaviiyetü'l-cilâ olan edviye-i câliyyeye muhtâc olur, zîrâ onun tenkîyesi kuvvet-i cilâ hasebiyle olur; âşâr-ı kaviiyeler kuvveti cilâ ile ve âşâr-ı da'ifeler da'ifü'l-cilâ devâ ile kal' olunur. Ve âşâr-ı kaviiyyeyi kal' ve tenkiye eden edviye-i kaviiyye budur: Sühâle-i hadîd ma'a'l-lükk ve'l-itrîfili'l-kebîr ahz olunup âşâr üzere tılâ olunur. Ve benim katımda şadâ-i hadîd ecved olur ve kezâlik zencâr dahi re's-i ibre ile garz olunmak ecved olur ve üzerine nûre ve 'asel ile tılâ olunur veyâhüd mîvîzece ve 'asel ile veyâhüd futenec uşâresini beyâd-ı beyd ile tılâ olunur.

Ve âşâr-ı âşiiyyeye zernîh ve hacet-i fülful ile tedbîr olunur.

Ammâ âşâr-ı hafîfede isti'mâl olunan edviye-i hafîfe bâkılâ ve da'ik-i hımmaş ve bezr-i fücl ve rete ve rıhv ve şahîf olan tîn ve kuşûr-ı bitîhtir. Ve şahm-ı hımârın âşâr-ı da'ifeyi kal'ı cidden ceyyiddir huşûşan o edviyenin ba'dısına mu'ârin ola.

Ammâ çarbdan bâkiye olan âşârı dühn-i süsen ile üzerine mesh o âşârı serî'an kal' ve izâle eder. Ve bundan sonra bizim bâbu'z-zînette tahrîr edeceğimiz edviyeyi kırâ'et edip 'amel eyle.

Dördüncü Makâle 'Aşabın Teferruk-ı İttisâli ve Kezâlik 'Azâmın Cebîreye Muhtâc Olmayan Teferruk-ı İttisâli Beyânındadır

Cirâhatü'l-'aşab 'aşabın hissi şedîd olup dîmâğa ittisâli olmakla onun cirâhatından cidden şedîde evcâ' ve cidden azîme olan âlâm hâdiş olur ve teşennüc ve ihtilâf-ı 'aql hâdiş olur ve ba'dı kerre elem-i şa'b tekaddüm eylemeden teşennüc 'arîd olur velâkin elem 'azîm olmazsa dahi onda verem 'azîm olmak lâzımdır.

Teferruk-ı 'aşabın ziyâde sehle olan a'râdı hummayât ve mevdi'-i cirâhatin gayri mevdi'de zühûr eden evrâm-ı kebîre olur ve kezâlik 'aşaş ve seher ve cüfûf-ı lisân olur ve hâşşaten verem oldukça o 'avârid kesîrî'l-vukû' olur. Evtâr-ı 'ađal cirâhatı dahi cirâhât-i 'aşab gibidir huşûşan veter cânib-i re'ste ola.

Ve kaçan 'aşabda verem ve verem mişlli nesne hâdiş olsa ve ona berd işâbet eylese teşennüc eder, eger verem-i 'aşaba 'ufûnet işâbet eder ise o 'udv-ı vârim fâsid olur ve 'aşabe 'ufûnet serî'an hâdiş olur, zîrâ 'aşabın

mâddesi ruṭübettir ve onu berd ʿaḳd ve icmād etmekle o ruṭübetten ʿaşab tekevvün eylemiştir, pes o mişlli ʿuḍva ruṭübet veyāḥūd ḥarāret-i raṭbe işābet edip muntabıḥ oldukta serīʿan taʿaffün eder. Ve aʿşābın aḥvālī min-vāl-i mezkūr üzere olmakla ona miyāh-ı bāride ve miyāh-ı ḥārreden her biri muḍırr olur miyāh-ı bāride teşnīc ve miyāh-ı ḥārre taʿfīn etmekle. Ve edhān-ı bāride dahi miyāh-ı mezkûre gibidir yaʿnī onun dahi bārid ve ḥārı teşnīc ve taʿfīne müʿeddī olup muḍırr olur velākin baʿḍı kerre edhān istiʿmāl olundukta bi'l-fīl teşhīne muḥtāc [olur, iskān-ı vecaʿda teşhīne muḥtāc] olduğu gibi ve kezālik edviye ile istiʿmāl olunan dühn dahi teşhīn olunur edviyeyi teşhīn ve tesyīl eylesin [için.] Ammā o müsāḥḥin dühnün aʿşābı terṭīb ve taʿfīn maḍarratını edviye ona mukāvemmet edip refʿ eder.

Ve aʿşāb üzere vāḳīʿ olan naḥsa dahi cirāḥatin fiʿlini işler velākin naḥsa vereminin zuhūru baṭīʿ olur ve kezālik onun vereminin nuḍcu ve ʿilācī kabūlū dahi baṭīʿ olur. Ve baʿḍı kerre ʿaşabda nuḍc ve iltihāmı baṭīʿ olan ḳurḥa ḥādiṣe olur.

Her cirāḥat ki ʿaşabda ḥādiṣe olur yā naḥs olur veyāḥūd şakḳ olur; eger şakḳ olursa o şakḳ ile ʿaşab yā münkeşif olur veyāḥūd münkeşif olmaz ve bunların her birisinde şakḳ tūlen yā ʿarḍan olur. ʿAşabda tūlen vāḳīʿ olan cirāḥat ʿarḍan vāḳīʿ olan cirāḥatten eslem olur, zīrā ʿarḍan olan cirāḥatte līf-i şāḥīḥ-i mücāvir mücāveret ḥasebiyle ʿarḍan maḳṭūʿ olan elyāftan müteʿellim ve müteʿezzī olup onların elemi dimāḡa teʿeddī eder ve teşennüc ve emrād-ı ʿazımeysi dimāḡın teʿeddīsī ḥasebiyle icāb eder ve o şürette çok kerre ʿuḍv-ı mecrūḥu ve menḥūsu bi-küllıyyetihimā ḳaṭʿa ḥācet olur, zīrā ḳaṭʿ ḥasebiyle aʿrād-ı rediyye zāil olup istirāḥat ḥāşıl olur.

Ve ağşıyede ḥādiṣ olan cirāḥat evtārda olan cirāḥatten eḥaff olur ve ʿaşab cirāḥatından bi-ṭarīḳiʿl-evlā eḥaff olur. Ve ḡışā baʿḍısı müşāhede ve baʿḍısı teşrīḥ ḥasebiyle senin maʿlūmun oldu ki ḳuvvet-i intisāc u ittīşāl ḥasebiyle mübrem yaʿnī şeyʿ-i vāḥid olmuştur, onun mesālik-i elyāfī rūyet olunmaz, ammā veter-i ḡışāınin elyāfında mesālik-i tūlū müşāheddir ve veter-i ḡışāī cidden şulbdür ve ḡışāda o şalābet yoktur ve ḡışānın ḥıyāṭate ihtimālī vardır.

Ve bir ʿazmdan nābit olup ʿazm-ı āḥere vāşıl olan ribāṭın ḥarḳından ve cirāḥatından bir mekrūḥ ʿarīḍ olmaz ve eşedd-i ʿilācī ihtimāl eder ve aʿşābın

inşidâhından ve ‘arḍan ba‘ḍan inkıṭā‘ından ḥavf olunduğu miqdâr a‘şâbın külliyyen inbitârından ḥavf olunmaz her ne kadar inbitâr ile ‘uḍv müzmin olur ise.

‘Aşabın Teferruk-ı İttişâli Mu‘âlecâtı Beyânındadır

Cirâhat-i ‘aşab devâsı ḥârr-ı yâbis ve eczâsı laṭîf ve ḥarâreti mu‘tedile olup gayr-i lâzî‘ ve cidden şedîd tecfîfi olan ve bilâ-ḳabḍ cezbi olan devâlardır. Ve her devâ ki onda ḥarâret-i laṭîfe olup leṭâfet-i cevheri ḥasebiyle tecfîf-i şedîdi ola, o devâ cezbden ḥâlî olmaz ve onun ḳabḍından sen ḥazer eyle ḥuşûşan evvel- emrde ḳabḍdan ḥazer ekser olmak lâzımdır meger ki rûsahtec ve tûbâlû’n-nuḥâs mişlli cellâ olan devâlar [ile] ma‘an isti‘mâl oluna. Ve zıkr olunan devâlardan cevheri şakîl olanları ḳabḍı olmayan ḥall ile saḥḳ edip telṭîf eyle, zîrâ ba‘ḍı kerre keşîfte kâmine olan ḥarâret-i laṭîfeyi ḥallin ve cevher-i keşîfi saḥḳ ile telṭîfin ibrâz ve izḥârına tevaḳḳu‘ olunur. Ve ahyânen ḳaviyyetü’l-ḥarâret olan edviye isti‘mâline ḥâcet olur ḳuvvet-i ḥarâret ḥasebiyle gâiş olsun için velâkin ḳuvveti bir miqdâr kesr olup muḥâlaṭa-i kâsir ile itidâle imâle olunur ve o mişlli maḥlûṭ devâ bi-ḳadrin teshîn ve bi-ḳuvvetin tecfîf eder.

Ve eger teferruk-ı ittişâli olan ‘aşabe mekşûfe ise ḥiddetli olan edviyenin birini ḳabûl eylemez ve ona ḥiddetli edviye isti‘mâli ziyâde muḍırr olur. Ve o ‘aşab üzere vaḍ‘ olunan devâ veyâḥḥüd ḥıraḳ-ı bâride olsa ondan ‘aşab ziyâde mutedarrır olur.

Ve kaçan ‘aşabda cirâhat vâқи‘ olsa onu ilḥâma mübâderet olunmaz belki onun mu‘âlecesinde evvelâ teskîn-i veca‘ olunur ḥıraḳ-ı ḥârre ile tekmiḍ edip veyâḥḥüd edhân-ı müsahḥine ve ḥuşûşan o zeyt-i üfâḳ ki onda ḳabḍ ve fevḳe’l-fâtir sühûnet ola, onlarla veca‘ teskîn olunur. Ve zeytin sühûnet-i fâtiresi bâride ḥükmünde olmakla teskîn-i veca‘da nef‘i olmaz. Ve kezâlik o ‘aşabeye iltihâm mu‘âlecesinden muḳaddem gerektir ki senin himmetin veremi dahi teskîne ola. Ve zamân-ı ibtidâda isti‘mâl olunacak edviyenin biri dahi bu ḍımâddır: Daḳîḳ-i bâkılâ ve kirsenne ve ḥımmaş ve türmüs, mürr mişlli ḥubûbâtın edikḳası ve sevîḳ-i şa‘îr mişlli esviḳa ahz olup ondan sikencebîn ve mâ-ı remâd ile ḍımâd ittiḥâz olunur ve belki bu ḍımâdın isti‘mâli [516b] ḳable’l-iltihâm olmak lâzım olduğu gibi verem zuhûrundan

muḳaddem olmak dahi lâzımdır. Ve ba'ḍı kerre aḍmide-i ḥafīfe ile dahi intifā olunur. Ve kaçan sen bu tedbīrleri eylesen ve ondan muḳaddem faşḍ ve ishāl ile bedeni tenḳiye etmekle mevāddın inşibābından emīn olsan o zamān iltihām için 'ilāca mübāşeret eyle ve onun mevcūd olan veca'ını mā-ı ḥārr ile elbette teskīn eyleme belki laṭifü'l-eczā ve ḡayr-i ḳābıḍ ve keyfiyyeti ḥadd-i ifrāṭa bālīg olmayan dühn ile veca'ı teskīn eyle, zīrā keyfiyyet-i ḳaviyyesi olan ya'nī ifrāṭ üzere ḥārr olan ve ifrāṭ üzere bārid olan edhān onlara muvāfıḳ olmaz. ve çok kerre vāḳi' olur ki cürḥ 'āfiyete ḳarīb olur. Ve ona berd ḍarb ve işābet etmekle veca' müştedd olur ve ezā mu'āvede eder ve teşhīn ile fi'l-hāl tedārük olunmağa ḥācet olur ve ona edhān-ı müsahḥhine ile tenṭil olunur.

Ve eger 'aşab meḳşūf ise ve onda olan ḳaṭ'-ı ṭulānī ise onu laḥmla taḡtiye etmeğe ictihād eyle ve üzerine bizim zıkr eylediğimiz edviye-i vahziyye vad' eyle ve mevḍi'-i şaḥīḥten bir şey'-i şālīḥ ahz edip onunla şaḳḳın iki şefelerini cāmi' ve ḍāmm olan şedd ile üzerini bir ḥırḳa-i 'arīḍa ile şedd eyle, ammā cirāḥat-i 'aşabın 'arḍında olursa onda ḥıyāṭate ḥācet olur ve illā lem yelzem. *Bu 'ibāre iki ma'nā üzere ihtimālî olur: Biri eger şaḳḳ 'arḍında olmazsa belki ṭulde ise onu ḥıyāṭat etmek icāb eylemez. Ve ma'nā-yı āḥer budur ki eger ḥıyāṭat olunmasa 'arḍda olan cirāḥatin şaḳḳaları birbirine muttaşıl ve mülāzım olmaz, ikisi dahi ma'nā-yı şaḥīḥ olur.*

Ve kaçan emr-i cirāḥat faḥl ve ḳavī olup 'ufūnet dahi 'aşabı ḥāffe ve muḥīṭa olsa ve cirāḥat 'arḍ-ı 'aşabda olsa o 'aşab betr ve ḳaṭ' olunur ve ictihād edip cirāḥatı tevrīm ve ta'finde ḥasbe mā-emken sen muḥāfaẓa eyle, zīrā verem ve vereme berd işābeti teşennüce ve 'ufūnet zemānet-i 'uḍva mü'eddī olur ve bināen 'aleyh vācib olur ki esfel-i cürḥ mülteḥim olmazdan muḳaddem re's-i cürḥ ilhām ve ḍamm olunmaya ve re's-i cürḥte müḍāyaka var ise tevsī' oluna, zīrā re's ve fūvvehenin inḍimāmı ve tedayyūḳu 'ufūnete mü'eddī olur cirāḥatte şadīḍ ve ruṭubāt-ı sāire ictimā' etmekle ve ma'a-hāzā cirāḥat içinde muḥtebes şadīdden veca' müştedd olur ve re's-i cürḥ cirāḥat cefāf-ı muḥkem ile teceffūf edip min-küllü ve-chin veremden emn ḥāşıl olmadıkça ḍamm ve ilvām olunmaz, bināen 'aleyh devā üzere olan şedd sāir şedden esra' ḥall olunmak vācib olur. Ve ba'ḍı kerre gecede veyāḥūd bir günde iki def'a veyāḥūd üç def'a halle

hâcet olur ve ba^çdı kerre leylen hâll olursa o leylin favîl olan nehârında dahi hâlle hâcet olur veyâhûd nehâren hâll olursa onun leyl-i favîlesinde dahi hâlle hâcet olur eger o edviyede lez^c olursa ve eger lez^c yok ise hâlle hâcet kalîl olur bükreten ve aşîyyeten hâlli kifâyet eder. Ve vâcib olur ki onun edviyesine mürâ^cât olursa fevka'l-vâcib teşhîni olan edviye ve kıadr-i vâcibden teşhîni ekall olan edviye olunmaya isti^cmâl ve kezâlik cilâ ve tecfîfinde ve dıddlarında ifrâ^t ve tefrî^t olmaya belki kıadr-i lâyı^k keyfiyyetler ola. Ve sen kıadr-i vâcibden ziyâde teşhîn rû^yet eylesen o kıadr-i ezyed olanın sühûnet-i zâidesini tebrîd ile izâle eyle.

Ve kaçan alîlde kıayrûtiyât-ı ferbiyûniyye isti^cmâl olunmak murâd olursa lâyı^k budur ki o kıayrûtiler evvelâ tecrîbe olunup ancak teşhîni kıadr-i vâcibe bâliğ ise isti^cmâl oluna ve o kıayrûtiyâtı tecribenin tarîkı budur ki tefahhüş olunup alîlin mizâcına muvâfık ve müşâbih şâhîhü'l-ebdân olan kimse-lerde bir mizâc ta^carrûf olunup ihtiyâr olunur ve kıayrûti o recûl-i şâhîhin sâkına vad^c olunup ifrâ^t-ı teşhîni olanlardan müsahhînât tenkîş olunur ve teşhînde tefrîti olanların müsahhînâtı ziyâde kılınmakla itidâl mertebesi o kıayrûtiyâtı tağyîr olunarak tahşîl olunur ve tahşîl olunan mu^ttedil kıayrûti sâniyen alîlde dahi tecrîbe olunup yakîn hâşıl olur velâkin tağyîrât-ı keşî-reye hâcet olmasın için tecrîbe-i ulâ mevşûf olan şâhîhü'l-ebdânda olmak evlâdır. Ve ma^ca-hâzâ küllihi eger mecrûh olan aşabe mekşûfe ve cirâhat cidden vâsi^a ise o cirâhat ferbiyûn ve kibrît mişlli cidden hârr olan eşyâyı ihtimâl eylemez belki onda tütîyâ mişlli devâ isti^cmâl olunur ve kezâlik vakt-i vâhidde gâsl-ı bâliğle mağsûle olan nûreden müttehaz devâ dahi isti^cmâl olunur. Ve kezâlik vâcib olur ki onların kıayrûtiyâtında ve le^tûhâtında isti^cmâl olunan dühn o dühn-i verd ve o dühn-i âs ola ki milh mess eylemiş olmaya ve kezâlik bu edviyelerde ilk dahi isti^cmâl olursa mağsûlen isti^cmâl oluna ve tütîyâ ve dahi mağsûlen isti^cmâl olunur. Ve onun edviyesinde hîdet ve lez^cden bir şey^y olmak câiz olmaz ve mekşûf olan aşabda kab^d-ı yesîri olan devâ isti^cmâl olunmak câiz olur; eger kab^dı olan devâda bilâ-lez^c kuvve-i muhallile olursa huşuşan da^cifü'l-mizâc olanlar lez^c ve hîddetten bir nesneyi kabûl eylemez.

Ve min-beyni'l-aşâb bârid ve mâiyyet ve dühniyyet kendiden teb^cdi ah^râ olan mekşûfe olan aşâb olur, zîrâ o keyfiyyâtın mekşûfe olan aşâba

işâbeti ekser ve mestûre olan aʿşâba işâbeti ekall olmakla mekşûfun o keyfiyyâtta taḍarruru ekser olur ve eger o keyfiyyâtı olan edviyeyi istiʿmâl iktidâ ederse bizim zıkr eylediğimiz minvâl üzere kuvveti kesr ve taʿdîl olunup istiʿmâl olunur. Ve o mecrûhun bi-ḥasebi'l-ḥilkât olan kuvvetinden kuvvetün-mâ bâkiye ise onda akrâş-ı bulesdâs ve akrâş-ı kulkuṭâr ve akrâş-ı enderûn ve ferâsiyûn meybuḥtec ile dühn ile istiʿmâl olunmakta be's yoktur; faşl-ı şitâda dühn-i zeyt-i laṭîf ile ve faşl-ı şayfta dühn-i verd ile istiʿmâl olunur ve kündür ve ʿilk-i buṭm ve bârzed ʿaşab-ı mekşûfta istiʿmâl olunan edviyeden miḳdâr-ı ḳalîl ile istiʿmâl olunur.

Ve cirâḫat-i ʿaşab ʿalâ-eyyet-i ḥâlin kânet ona tedbîrde şavâb budur ki onun üzerine zeyte maḡmûs olan mergûzâ-yı laṭîf ü leyyin vaḍʿ oluna.

Ve min-beyni'l-aʿşâb münkeşif olan ʿaşab ḥîn-i tedbîrde mürâfakata evlâ olduḡu gibi beyne'l-ʿizâm nâbit olan ribâtâta dahi min-beyni eşḳâlîhâ ve emsâlihâ devâ-i ḳâvî ḥaml olunmaḡa aḫrâ ve evlâ olur. Ammâ ʿadale muttaşıl olan ribâtât edviyeleri beyne'l-emreyn mütevassıṭ kılınır yaʿnî onlarda ne ḳaviyyü'l-ḳuvve ve ne daʿîfî'l-ḳuvve istiʿmâl olunur belki beyne-hümâda muʿtedil edviyeler istiʿmâl olunur. Ve min-beyni'l-cirâḫât cirâḫat-i ʿaşabdan suyu tebʿîd eylemek ziyâde vâcib olur. Ve kezâlik berd dahi her ne ḳadar ḳalîl olursa ʿaşaba aḍarr-ı eşyâdan olur ve zeyt dahi ʿaşaba ḳârr olur, ona ʿaşab muʿâlecâtında ḥâcet olmaz, ancak teskîn-i vecaʿ için ḫârren ʿaşabda istiʿmâl olunur.

Ve cürḫü ḡasl câiz olmaz, su ile ve dühn ile ḡasl olunmaz belki ictihâd olunup onun ruṭûbâtı ḡâyet mülâyim ve leyyin olan ḫırḳa ve şûfe ile mess olunup izâle olunur. Ve kezâlik cirâḫât-i meybuḥtec ile dahi ḡasl olunmaz meger ki terṭîbinden emn ola.

Ve eger li-ʿilletin mine'l-ʿilel ʿaşab-ı mecrûḫ üzere ḫuşûşân mekşûf ʿaşab üzere dühn vaḍʿı vâcib olursa gerektir ki ḳable'l-vaḍʿ o ʿaşab üzere evvelâ meybuḥtec imrâr olunup baʿdehu zeyt imrâr oluna, zîrâ Câlînûs dedi ki bir kimseye zücce işâbet eyledi ve o züccede daḳîḳü'r-re's bir ḫadıde dahi var idi, o zücce cildeyi ḫarḳ edip bedende olan ʿaşaba vâsıl oldu ve bir ṭabîb [517a] ona merhem-i mülḫim vaḍʿ eyledi ki ilḫâm-ı cirâḫât-i laḫmiyye-i ʿaẓîmede o merhem onun mücerrebi idi ve o merhem ile cirâḫat-i ʿaşab müteverrim oldu, o verem üzerine daḳîḳ-i ḫınta ve zeyt ve mâ ile taḍmîd edip

o edviye-i mürhîyeyi isti'mâl etmekle verem ta'affün edip o recül helâk oldu, ihfaz hâzihi'l-kıssa.

Ve kaçan a'sâbda olan kûrhada teşennüc olsa vâcib olur ki cilde-nin şakķı eger kapandı ve münsedd oldu ise o şakķ teftîh oluna ve ba'-de't-teftîh o kûrûha nâfi' olan kûrhayı müceffif ve cidden la'tîf edviye vad' oluna ve edviyeyi ğavra îşâlde ictihâd oluna. Ve eger o cirâhat vahze ve naḥseden berî olup bilâ-verem olursa ona 'ilâc-ı mevdi'yye ile mu'alece olunur. Ve vâcib olur ki onun edviyelerinde isti'mâl olunan edviyelerin ḥarâreti ve kuvvet-i tecfîfi şakķta müsta'mel olan edviye ḥarâreti ve tecfîfi kuvvelerinden akvâ ola, zîrâ şûret-i şakķta edviyenin kuvveti mevdi'-i maraḍa sühûlet ile vâsıl olur.

Ve vâcib olur ki cirâhât-i 'aşabın tedbîri ğâyet-i le'tâfet ile la'tîf ola. Ve kaçan o cirâhatte veca' ve verem olsa o vakte ona ta'âm tenâvülünden şerrli bir nesne olmaz ḥuşûşan ki o cürh 'aşabın 'arḍında ola, zîrâ o hâlde faşd-ı 'ırķa ḥâcet ve ıdtırâr olur, ğaşy mişlli ḥaṭar ve 'avârıddan taḳıyye ve ihtirâz olunmaz. Vakt-i faşdda imtilâ üzere olmak aḍarr-ı eşyâdan olur. Ve vâcib olur ki şey'-i vaṭî'e ve yumuşak nesne üzere idcâ' oluna ve tedhînde a'ḍâ-i karîbeye dahi ri'âyet oluna ve kezâlik re'sine ve 'unukuna ve iki ibtleri-ne tedhîne mürâ'ât oluna ḥuşûşan cirâhat mevâdi'-i 'âliyede ola ve kezâlik 'âneye ve iki ürbıyyeye tedhîn ile mürâ'ât oluna ḥuşûşan cürh esâfilde ve nâhiye-i sâķta ola.

'Aşabın Cirâh ve Kûrûhu Edviyeleri Beyânındadır

'İlk-i buṭm cirâh-ı 'aşab edviyelerinin ecvedi olur, ammâ şıbyân ve nisâ mişlli mizâcî şedîdü'r-ruṭûbet olanlara yalnız 'İlk-i buṭm zerûr kılınmak kifâyet eder; eger yübûset var ise onu telyîn ve lezic kılmak için zeyt-i ḳalîl ile isti'mâl olunur ve 'İlk-i buṭma râṭıne bedel olur.

Ammâ mizâcî eceff ve laḥmı aşleb olanlarda vâcib budur ki o 'İlke ferbiyûn mişlliler ḥalt olunur ve beden mizâc ve seḥanesi ḥasebiyle ferbiyûnun 'atîķ ve ḥadışi isti'mâl olunur ve kezâlik bi-ḥasebi'l-mizâc taklîl ve teksîr olunur. Ve ferbiyûnun ḥadıṣ ve ḳavîsi ḳayrûṭıyye ḥalt olundukta ḥalt olunan ferbiyûnun miḳdârı ḳayrûṭının on iki cüzde cüz'-i vâhidi miḳdârından sülûse-i eczâya varınca ḳadar kılınır ve 'İlk mişlli ile maḥlûṭ olan

ferbiyûnun miqdârı dahi o minvâl üzere kılınır. Ve ba'đı kerre o edviyelere eferbiyûnun gayri leben-i yetûc hâlt olunup nef-i 'acîbi müşâhede olunur; kezâlik o edviyeye hılît ve sekbî nec ve cāvşîr hâlt olunur. Ve da'îf olanlarda o edviyeye bûrak ve rıgve-i bûrak zeyt ile 'alâ-ğadr müsahhânen hâlt olunur ve vesah-ı hammâm ve hacet-i esyûs zehresi ve cezzâb olup ruṭûbatı hârice cezb eden edviye ve kezâlik zâc ve muḥallaş nuḥâs remâdı ve sirinc ve lizâku'z-zeheb cemî'an 'aşab cirâhı ve kırâhı edviyelerindendir.

Ve ba'đı kerre 'aşabe cirâhatinin evvel-i işâbetinde hamîrden gayri bir devâ bulunmaz ve ona hamîr vađc olunup intifâc olunur ve 'umḳtan cezb-i ceyyid ile cezb eder. Ve çok kerre küvârât-ı naḥl ile intifâc olunur eger ferbiyûn mevcûd değil ise veyâhûd daḳîk-i şeylem mâ-i remâd ile dîmâd olunur. Ve o cirâhâtte evvelâ isti'mâle 'ilk-i buṭmla bidâye olunur ve ba'dehu muḥtâc olduđu muḳavviyât takviye olunan merhem bâsilîkûn isti'mâl olunur ve o merhemın muḳavviyâtı bundan âkdem zîkr olundu. Ve ba'đı kerre isti'mâl olunan kayrûṭiyâta li-ecli't-teshîin nûre dahi olunur ve vâcib olur ki nûre ğasl olunup ba'dehu hâlt oluna ve onun mâ-ı baḥr ile şedîdü'l-ḥarâret olan şemste ğasl olunanları ecved olur ve her ne kadar keşîren ğasl olunursa o miqdâr nefi ekşer olur. Ve bu bâbda edviye-i ceyyideden olur Câlînüs devâsı ve o devânın terkîbi eczâları budur: Şemc, râṭî nec, üferbiyûn, zift, zeyt-i ğalîz her birinden birer cüz velâkin zeyt-i ğalîzden nısf cüz ve zeyt-i ğayr-i ğalîz olursa ondan bir cüz ve bu mecmû'dan devâ-i mezkûr ittiḥâz olunur. Ve dühn-i belesân ma'a-leṭâfetihi keşîrü'l-işḫân olmaz. Ben derim ki keşîrü'l-esḫân olmadığının sebebi sür'at-ı taḥallülüdür.

Ve kaçan cirâhat vaḥîze ve naḥise olup ona verem ve 'ufûnetten birinin şöḥbeti olmasa onda vâcib olur ki üferbiyûn merhemi veyâḥ ḥur-ı hamâm isti'mâl oluna. Beden-i elṭafa üferbiyûn merhemi vađc olunur ve ekşef eb-dâna zerḳu'l-ḥamâm vađc olunur ve bedenın ḥâl ve seḫanesi ve mizâcı ḥasebleriyle o devâlar ziyâde veyâhûd nokşân kılınır ve ma'a-zâlik fem-i vaḥîze iltihâmıdan elbette menc olunur; vaḥîze ḳayyîḳu'l-fem ise femi tevsi olunur. Ve ma'lûm ola ki vaḥîze 'ilâcında müsta'mel olunan edviye şakḳta isti'mâl olunacak edviyeden âkvâ olmak vâcibdir.

Ve kaçan cirâhâte 'ufûnet 'arıḳda olsa sikencebîn ceyyiddir, daḳîk-i kirsenne dahi isti'mâl olunur, ammâ daḳîk-i kirsenne mâ-ı remâdda veyâhûd

sikencebînden bir kuvvesi olan mâ-ı sâzede taḥḥ olunduktan sonra isti'mâl olunur. Ve kaçan cirāḥat ikbāl eylese onda meybuḥtec isti'mâlinden keşîren ḥavf eyleme, pes o vâkhte isti'mâl olunan edviyeler meybuḥtec ile idāfe olunup ba'dehu isti'mâl olunur. Ammâ ebdânı ḳaviyye olanlarda akrâş-ı bülîdâs meyfuḥtecede idāfe olunup ba'dehu teshîn olunur ve bir ḥırḳa-i menfûşe ile aḥz olunup üzerine vaḍ olunur

‘Aşab-ı Maḥrûca İşābet Eden Evrām Beyânındadır

Bizim bundan aḳdem zıkr eylediğimiz cirāḥ-ı ‘aşab ‘ilâcî kânûnundan zıkr olunan ile evrām-ı ‘aşab-ı mecrûḥtan vechûn-mâ senin ma'lûmun oldu ve vâcib olur ki bu maḳâmda o icmâli baş ve tafşîl eyleyevüz. Biz deriz ki Cālînûs *Kitāb-ı Fâtācānis*'te dedi ki eger cirāḥât-ı ‘aşabda ve a'ḳdā-i ‘aşabiyyede filiḡamûnî ḥâdiş olursa ve o filiḡamûnî cidden ḳaviyye ve mültehibe ise lâyıḳ olur ki onun ‘ilâcında ḥall ile mütteḥaze olan edviye ve bizim zıkr eylediğimiz aḥcār-ı ma'deniyye isti'mâl oluna ve o edviye ve aḥcārı Cālînûs *Kātācānis* kitābının maḳāle-i şāniyesinde keşîren beyân eyledi, onların biri budur ki ḳalkādîsten bir dirhem ve rubu' dirhem, zâc dokuz dirhem ve bir dirhemini dahi selāsete erbā'ı, tûbāl-i nuḥâs iki ūḳıyye ve iki dirhem ve nişf dirhem ve ḳuşār-ı kündür bir buçuk ūḳıyye, bārzed bir ūḳıyye, şem' yedi ūḳıyye, zeyt dokuz ūḳıyye, ḥall-i şıḳḳîf iki rıtl ve rubu' rıtl bu mezkûrlar aḥz olunup o edviyeden yābise olanlar ḥall ile on gün miḳdārı saḥḳ olunur ve zevebānı ḳābil olanlar tezvîb olunur, tebrîd olunduktan sonra cemī'an bir ḳıdr içinde ḥalt ve müstevî olunca ḳadar bi'l-istikşā taḥrîk olunur ve vâcib olur ki ‘udv-ı ‘alîl üzere yevm-i vāḥidde iki def'a veyā üçer def'a zeyt taḳtîr oluna. Ve zıkr olunan devā mevḍi'-i ‘illete müsahḥhinler ve mu'tedilü'l-ḥarāret olan zeyt ve ḥalle maḡmûs olan şûf vaḍ olunduktan sonra o şūfenin ḥāricinden vaḍ oluna, ammâ sūfeyi bāriden vaḍından ḥazer oluna, zîrā a'şāb-ı ‘alîleye eşyā-i bārideye mülākātından aḍarr ve erde' bir şey [517b] yoktur. Ve o a'ḳdā-i ‘aşaba ve ‘aşabiyyeye ba'dı aḥvālinde ḥall ve ‘asel ve remāddan mütteḥaz devāyı ḍimād eylemek murād edersen lâyıḳ budur ki o ḍimād maṭbūḥ ola ve onun daḳîḳi kirsenne daḳîḳi ola ve eger kirsenne daḳîḳi mevcūd deḡil ise bāḳılā ve şa'ır daḳîḳi isti'mâl oluna

‘Aşabın Raḍdı ve Vesyi Beyânındadır

Kaçan ‘aşaba raḍd işâbet edip onda henüz cirâhat ve veremden biri yok ise onda müsekkinat-ı veca‘ isti‘mâl olunur ve kezâlik verem ḥâdiş olduysa yine müsekkinat-ı veca‘ isti‘mâl olunur ve onda mâ-ı remâd mişlli müfec-cirât isti‘mâl olunmaz. Ve kezâlik vâcib olur ki ‘udv dühn ile ‘ale’l-ittişâl tenṭil oluna ve o dühnde irhâ ve taḥlîl kuvvesi kılına. Ve bu bâbda edhân-ı fâḍıladan olur şibt dühnü ve dühn-i ukḥuvân ve dühn-i sezâb ve kezâlik o edhânla taḍmîd dahi nâfi‘ olur ve ḥaṭmî daḳḳ olunup ‘aşab-ı merḍûd üzere vaḍ‘ olursa ‘acîbü’n-nef‘ olur ve laḥm-ı şadef dahi ‘acîbdir. Ve ba‘dı kerre bülbûs-ı müherrâ ile eṭibbâ ‘ilâc eylediler.

Ammâ raḍd mevḍi‘inde verem var ise onun veca‘ını teskînde ‘aḳîd-i ‘ineb şarâbla ve ḳalîl ḥall ile ve ḳaşd olunduğu mikḍâr zeyt ile isti‘mâl olunur o vech üzere ki o edviye bi-i‘tidâl teshîn olunur ve ona şûf-ı vesah ve ḥuşuşan şûf-ı zûfâ ḡams olunur, mevḍi‘-i merḍûda vaḍ‘ olunur. Ve eger o elem mevḍi‘-i mefâşılada olursa onun veca‘ı def‘ olunmağa ve edviyesi aḳvâ ve ma‘a-ḳabḍ mu‘tedil ve mündic ve muḥalil edviyelerden terkîb olunmağa ḥâcet olur. Bu mişlli edviye isti‘mâl olundukta vereme muḳâbele edip te-zeyyüd-i veremi men‘ eder.

Ve sen verem ve veca‘dan her birine nazar ile her hangisine mu‘âlece ehemmi ise onu ḳaşd eyle, eger veca‘ yok ise ‘ilâcî basîṭ eyle ya‘nî yalnız verem mu‘âlecâtını isti‘mâl eyle ve onun dahi ḳavîlerini isti‘mâl eyle mâ-ı remâd ve şarâb ve ḥall mişlliler gibi. Ve eger müddet-i verem ṭavîle olduysa devâyı ḳavî ve taḥlîlîni eşedd eyle ve onun devâsında ḳabḍ olanları isti‘mâlden mübâlât ve ihtirâz eyleme ve mâ-ı remâd ve vesah-ı ḥamâmdan mütteḥaz olan devâ-i ḳavî mişllileri isti‘mâl eyle.

Ve o raḍda da verem olduğu gibi cildesinde cirâhat dahi olsa onun ‘ilâcında tecfîf ve cem‘-i ḳavîsi olan edviyeye ve eczâ-i merḍûdayı ḍamm eder şedde ḥâcet olur ve eger cildeye raḍy ve cürḥten bir şey işâbet eylemezse onda daḳîḳ-i bâkılâ ḥall ve ‘aselden mütteḥaze olan ḍımâd isti‘mâl olunur, o ḍımâd ona devâ-i ceyyid olur. Eger tecfîfî ḳavî olmağı murâd edersen o ḍımâdın aḥlâtına daḳîḳ-i kirsenneyi idḥâl eyle ve kezâlik yine aḳvâ olmağı murâd edersen aşl-ı süseni idḥâl eyle. Ve eger o cirâhat iltifât olunacak mikḍâr olmazsa ‘aşabdan men‘-i teverrüm eder mu‘âlece ile ‘ilâc olunur,

cirâhate iştigâl olunmaz ve lahm-ı şadef 'acîbü'n-nef' olur ve ba'dı kerre milhten mütteḥaz olan kayrûṭî ile mu'alece eylediler ve ḍimâd-ı kündür ve mürr iki ḥâle nef'i 'âmm olur ya'nî 'udv-ı merdûdda cirâhât oldukça ve kezâlik cirâhat olmadıkta nâfi' olur. Ve eger o iki ḥâlin herhangisinde veca' müberriḥ olursa onun edviyesine zift ḥalt olunur ve o edviye ḥârren isti'mâl olunur.

Ve vâcib olur ki vesy-i 'aşabda sudan ihtirâz oluna ve 'aşabında vesy olanlara su gerek ḥârr ve gerek bârid olsun her ḥâlde takrîb olunmaya belki onda o edhân isti'mâl oluna ki onda reyâḥîn-i laṭife vü ḳâbîda vü müsahḥine ve kezâlik o mişlli efâvîh ola.

'Aşab-ı Fâsidin Hükümü Beyânındadır

Ba'dı kerre şaziyye-i 'aşaba fesâd 'arîḍ olup onu istiḥrâca ḥâcet olur ve o şaziyye ırḳ-ı medenî istiḥrâcî gibi istiḥrâc olunur.

'Aşabın Şalâbeti ve İltivâsı Beyânındadır

Şalâbet ve iltivânın 'aşaba ekşer-i ḥudûsu ḍarbe ve saḳṭadan olur ve ona ḡamz olunsa bi-ḥaderin o ḡamzı iḥsâs eder. Ve şalâbet-i 'aşabın 'ilâcî ev-râm-ı şulbe ve düşbüzât mu'alecâtına ḳârîb olur ve ona 'ilâcda ḥâcet olan edviye edviye-i cedâvil-i müfredede ve kezâlik ankrabâḍinde zikr olundu ve bu maḳâmda o 'illete nef'i mücerreb olan edviyeyi zikr eyleriz: O edviyenin ḥafîf olanları bunlardır: Muḳl-i yehûddan on dirhem aḡz olunup suda naḳ' ve idâfe olunur ve onunla cidden meshûḳ olan aşl-ı ḥaṭmî ma'cûn kılınıp onunla taḍmîd olunur ve kezâlik aşl-ı süsen 'aḳîd-i 'ineb ile ma'cûn kılınır ve kezâlik üşsec ve ḳınne ve ferfiyûn dürdî-i zeyt ile cem' olunur ve kezâlik bezr-i mürr aḡz olunup meyfuḥtecle ḍimâd ittîḡâz olunur ve kezâlik diyâḥaylûn ba'r-ı mâ'iz ile isti'mâlinin nef'i ḡâyete bâliḡdir.

Emrâd-ı 'İzâm Zikridir

Ba'dı kerre 'izâmnda dahi fesâd olur, sū-i mizâc ve'l-ḥilâl ferd ve inkisâr ve ḥal' ve ta'affûn ve teḳarruḥ ve taḳaşşür mişlli fesâdlar olur. Ve biz ba'de ḥâze'l-mevḍî' cebre muḥtâc olan kesr ve ḥal'de tekellüm eyleriz ve amma

cebre muhtâc olmayıp edviye-i sāireye muhtâc fesādât-ı sāire-i mezkûreyi müste'inen billâh bu makâmda zıkr eyleriz.

Rîh-i Şevket ve Fesād-ı 'Azım Beyânındadır

Rîh-i şevketin sebebi ahlâ-ı câddenin 'azma nüfûzu ve ekli olur. Ve rîh-i şevketin mezheb ve sebîli veca'-ı mefâsıl mezhebidir lâkin farkı budur ki veca'-ı mefâsılda mādde lahmıda olur ve rîh-i şevkette mādde 'azımda olur ve o maddenin debâb ve sa'yi olup 'azmı cüz'en-ba'de-cüz' ifsād eder. Ve bir kavim dedi ki şevkette cem'-i beden teşennüc eder kırğa olmak hasebiyle. O kavmin kavli-i mezkûru şâbit değildir.

Fesād-ı 'Azımın 'Alāmâtıdır

Kaçan 'azma fesād 'arîd olsa onun fevkinde olan lahm müterehhil olup istirhâ eder ve netn ve şadîd tarîkîni ahlz eder ve o lahma 'azma varınca kadar mirved ve mîl bi-sühûletin nüfûz eder, kaçan 'azma vâsıl olsa onu emles bulmaz ve ondan münzelik olmaz belki 'azma kalîlen mülteşik olur belki mirved o mevdi'de bi-nefsihi şâbit olmayıp mütefettit ve müte'affin bir nesneye ulaşır ve ba'dı kerre haşhaşe eder ve leyyin olur huşuşan fesād ibtidâen olmayıp 'atîk ola, zîrâ ibtidâ-i fesâdda mirved idhâl olunsa zıkr olunan ahlvâl zâhir olmaz belki 'azmın fesâdına mirvedin 'azma kar'ı delâlet eder o vechden ki 'azma idhâl olunan mîl cevânib-i 'azmın küllisinden izlâk olunsa gışâyı 'azımdan müteberrî ve munfaşıl bulur.

Ve 'azmın fevkinde olan lahm-ı fâsid olup 'azm fesâda ibtidâ eylese evvelâ o 'azımdan gışâ teberrî eder ve kaçan o hâlde 'azımdan lahmı keşf eylesen 'azmı mütegayyirü'l-levn bulursun. Ve çok kerre fesād-ı 'azma verem ve lahm ve 'udvun fesâdı ve mevti tekdaddüm edip ba'dehu o fesād 'azma debb ve sirâyet eder.

el-İlâc: Fesād-ı 'azmın 'ilacı 'azımdan o fesâdı hakk ve ibtâl veyâhüd cüz'-i fâsidi ka' ve neşr olur onda gerek nâşûr olsun gerek olmasın her hâlde fesâdı hakk ve cerd eylemek vâcibdir veyâhüd cüz'-i fâsid fesâdı gâyetine kadar keyy olunur, kuşûr-ı fâsideler o 'azımdan sâkıta olup şahîh olan bâkî kalsın için ve ba'dı kerre dahi kuşûr-ı 'izâm edviye ile sâkıta olur 'izâm-ı re'is ve gayriler gibi.

Ve takşîr-i 'izâm eden edviyedendir o devâ ki onun şıfatı budur: Zerâvend, îresâ, şabır, nebât-ı cāvşîr lihâsı, kınbıl-ı muhrak, tûbâlû'n-nuḥâs kuşûru's-şanevber; bu edviyeler aḥz olunup cem' olunur, kuşûr-ı 'izâmı iskāṭta ve 'azm-ı muḳaşşer üzere inbât-ı laḥmda fi'li 'acîb olur. Ve eger fesâd-ı 'azm ağvaş ve a'mak [518a] olur ise o 'azmı takvîr lâzım olur. Ve eger fesâd-ı muḥḥ 'azma bâliğ olduysa o 'azmı bi-muḥḥihi aḥza ḥâcet olur. Ve eger fesâd kaç' ve neşrden ğayri tedbîr ile bür'ü kabûl eylemezse o fesâd-ı 'azmın küllîsi veyâḥûd ekşer-i eczâsını müstev'ib ve muḥîṭ olmakla elbette kaç' ve neşrden lâbüdd olur.

Ve miḳdâr-ı fâsidi ma'rifetin tarîkı budur ki mirved 'azmdan mevdi'-i fesâdda idâre olunur o mevdi'-de ki 'azmda bâliğan ittişâl olur, fesâd o mevdi'-de müntehî olur.

Ammâ feşâda faḥîz ve verik 'azmlerinin re'sinde ve ḥazerât-ı zâhrda olursa onun 'ilâcından isti'fâ eylemek evlâ olur nuḥâ' sebebi ile. Ve eger fesâd-ı 'udv mütevaḳḳa' ise fesâd-ı laḥma tâbi' olmak ḥasebiyle onun 'ilâcı budur ki laḥma fesâd 'arîd oldukta laḥm-ı fâsid 'azmdan tebriye olunup aḥz olunur ve vâcib olur ki 'udv-ı şaḥîḥ atliye ile tebrîd oluna, fesâd-ı laḥm bâbında bildiğin atliye ile. Ve kezâlik atliye ile 'azmdan mekşûf olan maḥall dahi ibrâd ve iskāṭ olunur.

'Azm-ı Fâsidin Neşri Şıfatıdır

Bu bâbda mahâreti olan dedi ki kaçan 'azm-ı fâsidin neşri kaçd olursa bir ḥayṭ ile laḥm-ı 'azm üzere işâle ve terfî' olunup ve bir 'işâbe ile dahi sâir 'udvlar ya'nî ribâtât ve a'sâb ve 'urûḳ mişlliler mevdi'-i 'azmdan medd olunup teb'îd olunur o a'dâlara minşârın esnânı işâbet eylesin için ve ba'dehu 'azm-ı fâsid neşr olunur.

Ve kaçan adlâ'-ı şadrda dıl'-ı vâhidi veyâḥûd tahtında şıfâḳ ḥuşûşan şıfâḳ-ı dıl' ve nuḥâ' gibi şey'-i şerîf olan bir 'azmı sen neşr mirâd eylesen taht-ı minşâra o 'udv-ı şerîfi muḥâfaza için bir şafiḥa vad' eyle ve 'azmın üzerinden laḥm bi'l-istidâre müfârık olup 'azm cem'ân ve min-küllî cânib münkeşif olduysa o 'azm-ı münkeşifi cem'ân kaç' eyle, zîrâ min-küllî cânib münkeşif olan 'azm üzere müceddeden laḥm nâbit olmaz. Ve eger 'azm-ı fâsidin cem'ân eczâsı maşsala qarîb ise o 'azm-ı fâsidi maşsaldan iḥrâc

eyle. Ve eger 'azm-ı zirâcın küllisi veyâhüd sâk fâsid olduysa zirâc ve sâkın küllisini nez' eyle. Ve eger faḥiz ve verik ve ḥarezât-ı zahr 'izâmı fâsid olduysa onun 'ilâcından isti'fâ eyle o 'izâm mevâdi-i nuḥâc olmakla.

Ḳurûḥ-ı Mündemilede Bâkıye Olan Şezâyâ-yı 'İzâm ve Ḳuşûr Beyânındadır

Onları istiḥrâcda 'acele olunmamak ve onun istiḥrâcı ṭabî'ata ihâle olunup ona mu'în olan eşyâ ile i'ânet olunmak evlâ ve elyâk olur. Ve mu'în olan o edviyedir ki onda yesîren ve ḳalîlen cezb olur ve o cezb dahi müddet-i ḡayr-i 'âcilde olur ve edviye-i şedîdetü'l-cezble ve 'amel-i yed ile o şaziyye taḥrîk olunmaz, zirâ ki onlar kerhen iḥrâc olunsa ḳurûḥ-ı nâşûriyyeye mü'eddî olur ve kaçan ṭabî'at o şaziyyeyi cilde def' edip iḥrâcı aḥz eylese ḳurḥaya berâ'et ḥâşıla olur ve o vâkte i'ânet olunup cirâḥat ilḥâm olunur ve kezâlik şezâyâ-yı sâire ve aḡşiyenin ḳurḥadan istiḥrâcında ḥükm bu minvâl üzeredir, zirâ onları dahi istiḥrâcda isti'câl olunsa ḥaṭar-ı teşennüce ve ihtilâṭ-ı 'aḳla ve ḥummayâta mü'eddî olur ve eger tekayyuh ederse onda maḍarrat-ı keşîre olmaz. Ve onların edviyelerini ta'arrûf murâd edersen onların birisi bu şîfat üzere olan devâ olur: Zeyt-i 'atîk, şem'-i aşfer, vesâḥ-ı küvârât vesâḥ ile şem'-i zeytle cem' olunup cemî'an izâbe olunduktan sonra ferbiyûndan bir cüz' ve leyyin yetû' bir cüz' ve zerâvend üç cüz' aḥz olunup onlardan ḳayrûṭî ittiḥâz olunur ve kezâlik uşşâk, muḳl aḥz olunup dühn-i süsen ile lett olunur ve cemî'an saḥḳ olunup merhem ittiḥâz olunur ve kendüde şezâyâ muḥtebes olan ḳurḥa üzere vad' olundukta serî'an iḥrâc eder.

Kesr-i 'İzâm Edviyeleri Beyânındadır

Kesre yed ile 'ilâc olunur ve edviye ile dahi 'ilâc olunur ve onların her birisini biz zıkr eyleriz ve onların her birisi 'izâmın kesr ve vesyine nâfi' olur.

Kesr ve vesy için tılâ muḡâs, mâş-ı muḳaşşer her birinden onar, mürr, şabır, ḥaṭmî-i ebyaḍ, aḳâkıyâ her birinden beşer, ṭîn-i Ermeni yirmi dirhem, bu mezkûrlar beyâḍ-ı beyḍ ile tılâ olunur eger onda verem-i ḥârr var ise. Ve kezâlik varaḳ-ı eşl ve serv ve âs ve ḥilâf bunların evrâḳı aḥz ve daḳḳ ve 'aşr olunur. Ve kezâlik sükk, verd, başal, nerces, mürr, diyâḡaylûn, şandal-ı

aḥmer, ṭīn-i Ermenī, lāzen, fūfel, ḳamḥa, ḥaṭmī, māş aḳāḳıyā, iklīl-i melik, merzencūş ve bunlara verd dahi ziyāde eyle ve eger işhāna ḥācet olursa onlara merzencūş ve rāsen ve serv dahi ilkā eyle.

Verem-i Hārrı Olan Kesr ve Vesı Mu‘ālecetidir: Māş-ı muḳaşşer yirmi dirhem, muḡās, cūllenār, aḳāḳıyā bu mezkūrlar ḍimād-ı ḳavīdir, cidden ḳuvveti vardır. Ve bu edviyelerden olur varak-ı ās lāzen, sükk, za‘ferān, ṭīn ve o devālar kesr ve vesıye ceyyid olduḡu gibi raḍḍa ve vehne devā-i ceyyid olur. Ve kesre ve vehne ve ḥal‘e bu devā cemī‘an nāfi‘ olur, o devā budur: Muḡās, māş, aḳāḳıyā, ḥaṭmī, ṭīn, şabır, mürr mā-ı āsla ṭılā olunur.

KİTÂB-I RÂBÎ'İN FÜNÛN-I SEB'ASINDAN BEŞİNCİ FENN CEBRDE OLAN KELÂM VE TARÎK-İ MU'ALECESİ BEYÂNINDADIR O DAHİ ÜÇ MAKÂLE ÜZERE MÜRETTEBDİR

Makâle-i Ūlâ Hal' ve Hal'a Mute'allık Olanların Beyânındadır

Kelâm Fî Ma'rifeti'l-Hal'

Hal' azmın mevdi'inden tamâmen hurûcuna derler eger mefâşıl-ı azm-
lerinin biri âhere nüfûz ve duhûl eylediyse. Ve eger mefâşıl-ı azm-
larında duhûl olmayıp ancak ehadühümâ âhere mücâvir ve gayr-i müdâhil ise on-
lara kıyâsla hal' onların vad'-ı tabî'lerinin ve ittisâl-i hulkîsinin külliyyen
zevâline derler. Ve bu iki şüretin her birinde hurûc ve zevâl-i tamm olma-
yıp onda nâkışan zevâl olup onun zevâli müşâhed olsa gerek ise o zevâl-i
nâkış gâiş ve gerek bâriz olsun ona bir kavm veşy tesmiye eylediler. Ammâ
mafsala ezâ işâbet edip azm mevdi'inden kaç'a hareket eylemese velâkin
azmı muhîf olan eşyâyı o ezâ rad'd eylese ona vehn ıtlâk olunur, veşy den-
mez. Ve ba'dı kerre hal' ve veşyin gayri mafşala emr-i sâlis 'arîd olur, o emr
budur ki mafşal uzar, tûl-i tabî'isinden ezyed olur ve o minvâl üzere olan
mafsala henüz hal' 'arîd değildir velâkin sehlü'l-inhilâ'dır ve ekşer-i hâlde
bu mişlli tûl 'aduda ve fahîze 'arîd olur.

Ve ba'dı nâs hal'-i mefâşıla müsta'idd olur [518b] 'izâm-ı mefâşılının
nüfûzu gayr-i amîk olup luğam medâhili keşîren duhûl etmemekle ve ri-
bâtı dahi gayr-i veşîka ve bi-hasebi'l-hilkat da'ife ve rakîka veyâhûd ra'tbe
olmakla, zîrâ ra'tbe olan ribât temeddüdü kâbil olur ve ona ru'tubât-ı lezice
dahi munşabb olur ve azmı izlâk eder. Ve ba'dı azmın mefâşıldan duhûl
eylediği hufrelerin etrâfı cemî'an münkesire ve müselleme¹⁵¹ olup o huf-
relerin etrâfında hâciz ve hâcibden bir nesne kalmaz ve lâ-mahâle hîn-i
harekette münze'ic olup hurûc eder.

Ve mefâşıldan ba'dıları sehletü'l-inhilâ' ve ba'dısı şa'betü'l-inhilâ' olur
ve diğer mefâşıllar beynehümâda mütevassıt olup onun inhilâ'ı ne sehl ve

151 "Müselleme" ism-i mef'ûldür, "sülme" gedik ma'nâsınadır.

ne şa'b olur. Sehlü'l-inhilâc mafşal rükbe mişlilerdir, zîrâ rükbe bi-hasebi'l-hilkat teşrihte mezkûr menâfi' için selisü'r-ribât kılınmıştır ve selâset hasebiyle inhilâcı sehlidir ve binâen 'aleyh fülke¹⁵² ile irfâd olundu ve rükbe mafşalı hürûc eyledikte maḥalline reddi dahi sehl olur, zîrâ inhilâcı sehl olan mafşalın irtidâdı dahi sehl olur ve inhilâcı şa'b olanların irtidâdı dahi şa'b olur ve'l-hâşıl irtidâd inhilâc vizânında olur. Ve hüzáli olanların menkibleri mafşalları rükbe mafşalı gibi sehlü'l-inhilâc olur, ammâ semîn olanların menkibleri onlar gibi sehl olmaz.

Ve mefâşıldan şa'b olanlar mefâşıl-ı eşâbi' dir ve eşâbi' mafşalları inhilâc'a karîb olmaz, onun 'azmı münkesir olur, münhalîc olmaz. Ve mirfaḫ dahi onlar gibi şa'bü'l-inhilâc olur ve ona binâen mirfaḫı hürûcundan sonra mevdi'ine reddi dahi şa'b olur. Ve verik mefâşılı sühûlet ile şu'ûbet arasında mütevassıf olur. Ve ba'dı kerre inhilâcı şu'ûbetli olan mafşala bi-sebebin mine'l-esbâb sühûlet 'arıd olur, o mişlli mafşalın irtidâdı dahi sühûletli olur ve bu mişlli sühûlet-i 'arıda mafşal-ı verikte olur, zîrâ verik mafşalının hıḫḫu ya'nî hufresi ba'dı kerre ruḫûbet ile mümteli'e olmakla inhilâcı sühûletli olur ve irtidâdı dahi sühûletli olur. Verike bu hâle ekser-i hâlde 'ırk-ı nesâ 'illetinde 'arıd olur, ona küllü sâ'atin inhilâc 'arıd olup ednâ sa'y ile istirdâd olunur ve yine münhalîc ve müsteridd olur, bu mişlli inhilâc keyy olunmağa muhtâc olur, âḫer mu'alece nâfi' ve nâci' olmaz.

Ve inhilâcın asba'ı o inhilâc'dır ki mafşal 'izâmını birbirine ilzâk ve ilşâk eden 'akıbın ya'nî 'aşabın rü'ûs-ı şezâyâsı teḫaṭṭu' eyleye ve o vech üzere münhalîc olan mafşalı hâlet-i ülâsına redd eylemek ḫalîlü'l-vuḫûc olur ve ekser-i hâlde bu inhilâc ve inḫıṭâc re's-i verikte olur ve ba'dehu re's-i 'aḫud-da ve iki kademlerin her birinin iki ka'bları katında iki zendlerinde vuḫûc dahi keşir olur. Ve reddi ḫabûl eylemeyen inhilâc cebri ḫabûl eylemeyen kesrden aḫbaḫ olur.

Hâl-i Küllî 'Alâmâtıdır: Mafşalda olan küllî inhilâcın 'alâmâtı mafşalda ḡayr-i ma'ḥûd olan inḫıfâd ve ḡavr ḫudûşudur. Ve inḫıfâd ve ḡavrın ḫudûşu mafşal-ı ketif ve mafşal-ı riclin inhilâc'larında zâhir ve âşikâr olur ve mafşal-ı unuḫ münhalîc olsa onda olan ḡavr ve inḫıfâd, ketif ve ricl inḫıfâd-

152 "Fülke" her değirmi nesneye itlâk olunur. Bu makâmda murâd radfe ve 'aynu'r-rükbe dedikleri 'azmdır.

larından azher olur. Ve mefâşıl-ı sāirelerin inhıfâd ve gavrı muķāyese ile istihrâc olunur ve onun muķāyese-i inhılâı olan kimsenin ʿudv-ı münhali-i yine o kimsede olup mafşal-ı münhaliʿaya nazır olan mafşal-ı şahîhe muķāyese ile olur, şahş-ı âherin mafşal-ı mezkûruna muķāyese olunmaz¹⁵³ ve minvâl-i mezkûr üzere hâlʿi istihrâc-ı şahîh olup taḥallûf eylemez. Ve kaçan mafşal kâbil-i hareket olmasa hâlʿin etemm olduğuna sen hüküm eyle. Ve eger mafşal-ı meʿûf her cânibe hareket ve bi'l-cümle mebâligine bülûga iktidârı olsa sen hüküm eyle ki onda zevâlden bir nesne yoktur.

Fî ʿAlâmâtî'l-Meyl: Mafşal bi-külliyetihi ḥurûc eylemeyip belki bir tarafa meyl eylese ona bir cânibde zuhûr eden takṣır ve cânib-i âherde zuhûr eden nütûʿ delâlet eder veyâḥûd ḥufre-i mafşala duḥûl eden ʿazmın merʿi olan nütûʿ-ı hâricîsinin fikdânı ve hissten gaybeti o meyle delâlet eder ve o nütûʿun gaybeti zikri mürûr eden muķāyese ile maʿlûm olur.

Min-Ġayri Ḥafin Mafşalın Tavîl Olduğunun ʿAlâmâtıdır

O mişlli mafşal-ı müteʿallik gibi olur, kaçan idġâm edersen mürtedd olup min-ġayri tekellüfin o mafşalın kıadr-i ṭabîʿisine rücûʿ eder ve eger terk edersen yine onun kıaddi kıadr-i ʿaraḍiye ʿavdet eder ve laḥmı ekser olmayan menkıb gibi mafşalda isbaʿ duḥûl edecek mikdârı ġavr ḥâdiş olur.

Ḥalʿ ve Meylin Muʿâlecâtıdır: Ṭabîbe muʿâlece için ʿarḍ olunan hâlʿ ḥâlî olmaz ki yâ hâlʿ-i müfred olur veyâḥûd kıurûḥ ve cirâḥat ve verem gibi maraḍ-ı âherle o hâlʿ mürekkeb olur. Eger hâlʿ zikr olunan âfâtın biri ile mürekkeb ise nazar olunur, eger o hâlʿ medd-i ḥafif ile mevḍiʿ-ı ṭabîʿisine mürtedd olursa ve o medd ile kıurḥaya müʿeddî olan, şedîd-i ġayr-i müteḥammil vecaʿ ʿarîḍ olmazsa o vech üzere ḥafifen medd olunup mafşal maḥalline redd olunur, ammâ emr-i redd ḥilâf üzere olursa evvelâ kıurḥaya ve cirâḥate ʿilâc olunup baʿdehu hâlʿe muʿâlece olunur ḥuşuşan bu ḥâlât mefâşıl-ı kebîrde ola, zîrâ kıurḥa mişllilere muʿâleceden muķad-dem hâlʿe muʿâlece eylesen ekser-i emrde o muʿâlece teşennüc-i ʿazîme müʿeddî olur ḥuşuşan o münhaliʿ olan mafşal aḍâ-i reʿîseye kıarîb olan ʿudvda ola.

153 Meşelâ taraf-ı yemînde olan rûkbeye hâlʿ ʿarîḍ olsa cânib-i yesârında olan yine o şahşın rûkbesine muķāyese olunur.

Ve ʿuḍv-ı münḥalîʿde olan veremin ḥālî dahi ḳurḥa ḥālî gibidir ve ḥalʿde verem olduğu şürette muʿālecenin esbābı bu olur ki biz ḥalʿi tecrîbe eyleriz, eger emr sehl olup ve o veremden vecaʿ heyecân eylemeyip ve ḥalʿi maḥal-line redd dahi ʿusretli olmaz ise biz o ḥalʿi cebr eyleriz ve sāir aḥvâlden mübālât eylemeziz ve eger vecaʿ ḥâdiş olursa vâcib olur ki ḥalʿi redd ve cebre taṣaddî olunmaya ve eger cebr eylemiş isen vâcib olur ki onun rabṭını ḥall eylesin eger rabṭ müciʿ ve mülîm ise. Ve verem-i müciʿ ve ḳurḥa mevcûd iken ḥalʿe redd ile muʿālece olunmaz her ne kadar onu redd sühûletli olursa. Ammâ kesr ve ḥalʿ cemʿ olsa ve ikisinin dahi tedbîrinde cihet-i vâḥidiyye medde ḥâcet olursa tedbîrde ikisine maʿan tedbîr olunur.

Bir ʿālim ḥikāyet eyledi ki bir recûlün menkibi üzere şaḥre vâḳiʿ oldu ve menkibden cilde ve laḥmı o şaḥre ḥazf ve iskāt etmekle ʿaḍudun ṭarafı ʿāriyen zāhir oldu ve taḥtından reʿs-i terḳuve münḥalîʿ oldu ve cebîrecilerden baʿḍı cühḥâl o ʿazımları tesviyeye ve ʿazmın üzerine laḥm ve cildi redde ve ḍimād ve şedde meşḡul oldu ve o sū-i tedbîr ile laḥma netn ve ʿazma biʿl-mücāveret fesād ʿarıḍ olup ʿazma iḥḍirār geldi. Ve bundan aḳdem maʿlûm olduğu üzere onun tedbîr-i şavābı bu idi ki o laḥm ḳaṭ olunup mevḍiʿi zeyd-i ḡālî ile keyy oluna ve kezālik onda verem ḥâdiş olduysa evvelâ verem muʿālece oluna.

Ammâ ḥalʿ-i sâzecein tedbîri budur ki ʿazm-ı münḥalîʿ mevḍiʿ-i ṭabîʿisinin cānib-i ḥilāfına medd olunur hattâ ḥurûc eylediği ʿazm ile ʿazm-ı ḥāricin ṭarafları birbirine muḥāzî olurlar ve baʿdehu ʿazm-ı ḥāric mevḍiʿ-i ṭabîʿi-sine redd olunur. Ve çok vâḳiʿ olur ki redd katında bir şavt istimāʿ olunur ve o şavt-ı mesmûʿ ʿazm-ı münḥalîʿin maḥalline vâşıl olduğuna ve reddin vukûʿuna delālet eder ve baʿdeʿr-redd üzeri rabṭ olunur.

Ve ribāṭta veremden emān olur veyāḥḡud veremin ʿadem-i ḥudûsuna muʿin olup verem ḥâdiş olsa dahi ʿazîm ve ʿanîf olmaz, bu nevʿ emān dahi nāfiʿdir. Ve verem-i ʿanîfî menʿe ḥâcet ekşer ve ḳavîdir, zîrâ verem mevcûd iken münḥalîʿ olan ʿazm gerek terḳuve ve gerek mefāşıl sāir ʿazmı mevḍiʿe redd olunmak cāiz olmaz belki evvelâ verem muʿālece olunur baʿdehu redd olunur.

Ve mecbûr olan ʿuḍva ḥıraḳ-ı cāffe vaḍʿı kerîh olur, zîrâ cefāfı olan [519a] ḥırḳa ʿuḍvu mülākātla teşḡîn ve veremi işāre eder belki onun üzerine

hırak vađ olundukta meblûleten vađ olunur, kayrûṭî-i müberrid ve şarâb-ı ʿafîş ile o hırka ıslatılır ve baʿdehu ʿuḍv üzere vađ olunur.

Ve İbukrât vaşıyyet eyledi ki ʿazmın zıkr olunduğu üzere medd ve reddi müstesnâ olan eşyâdan mâ-ʿadâda yevm-i şâlişe ve râbiʿe teḥîr oluna ve ʿazm tamâmen münḥaliʿ olmayıp ancak meyl eylese o dahi münḥaliʿ gibi o günlere kadar meddi ve reddi teḥîr olunur, ʿacele olunmaz ve kaçan o günlerde redd olunsa üzeri rabṭ olunur. Ve kaçan mafşal her hareket ile münḥaliʿ olsa ve redd oldukça yine ḥurûc eylese delâlet eder ki o mafşal-da istirḥâ ve ruṭûbet vardır ve lâ-maḥâle ona keyy olunmak lâzımdır. Ve kaçan ḥalʿ ve zevâlî olan mafşal mevḍîʿine redd olunsa lâkin baʿdeʿr-redd onda şalâbet bâkıye kalıp verem gibi olsa o ʿuḍv üzere aḍmide ve neṭûlât-ı müleyyine istiʿmâl olunur. Ammâ zamân-ı ibtidâda muḳavviye olan aḍmideye ve neṭûlâta ḥâcet olur ve onun neṭûlâtı şedd üzere istiʿmâl olunmak evlâdır. Ammâ faşl-ı şitâda edhândan müsahḥhin ve muḳavvî olan dühnlerle taḍmîd ve tenṭil olunur ve faşl-ı şayfta mâ-ı bârid ile tenṭil olunur. Ve vâcib olur ki maḥlûṭının taḡdiyeleri muḳavviyet ola ve onun taḳviyesi mafşalı taḳviye ola, zîrâ o mişlli ağdiye mafşalı rabṭ edip şebât vâcib üzere olur.

Ṭul-i Mefâşıl Muʿâlecâtıdır

Vâcib olur ki ʿazm-ı müsterḥî dâhile ve müstekarrına redd oluna ve kuvvet-i kâbıdası olan edviye ile edviye-i müsahḥhine maḥlûṭan dımâd oluna, meşelâ ʿafş, cüllenâr, akâkıyâ mişlli kavâbıd ile cünd-i bîdester ve kuşt ve ûşne mişlli müsahḥhinât ḥalṭ olunup dımâd oluna ve kezâlik cevz serv ve ebhel ve edviye-i fetḳte müstaʿmel olunan sâir edviye üzere iḳtişâr olunur ve baʿdehu şedd olunur.

Fekkin Ḥalʿi Beyânındadır

Baʿdı kerre fekk-i esfele rakabesinden inḥilâʿ ʿârıd olur ve ḥalʿ-i mezkûr ile fem meftûḥan bâkî kalır ve bu mişlli fekk inḥilâʿı nâdirü'l-vuḳûʿ olur, vuḳûʿ-ı tāmmla vâḳiʿ olmaz. Kaçan fekkte ḥalʿ olur, o fekk ḳuddâma meyl eder ʿindeʿt-teşâʿüb fekke ʿârıd olan istirḥânın ʿaksi üzere. Ve eḥad-ı fekkkeyni âḫere ḍamm eylemek ʿusretli olur ve maʿa-hâzâ ḥalṭ cânibinden

vârid olan 'aḍalât ḥasebiyle ḥareket edip külliyyen ḥareketi ma'ḍûm olmaz. Ve ba'ḍı ḥal' cānib-i vāḥidden olur ve ona hey'et-i 'uḍv-ı münḥali' delâlet eder, meṣelâ fekk cānib-i vāḥidden münḥali' olsa ma'a-tevrîb ḳud-dāma mâil olur.

Ve bi'l-cümle bu bâbda 'ilâc-ı vāḥid olur ve onda mübâderet olunup 'uḍv-ı münḥali' mevḍi'ine redd olunur ve eger redde sür'at olunmasa emrâḍ ve âfât-ı sāirelere mü'eddî olur ve ma'a-zâlik onu redd şu'ûbetli olur, zîrâ fekk-i münḥali' reddin esheli esra' olan redd olur ve eger onu redde müdâfa'a olunup teḥîr olursa taṣallüb ve teverrüm eder ve 'aḍalât temeddüd ve ḥummayât-ı lâzime teheyüç eder ve şudâ' muḳîm olur 'aḍalde şiddet-i temeddüd olmakla. Ve ba'ḍı kerre emr şa'b olup yevm-i 'âşirde ḳatl eder ve ba'ḍı kerre baṭnı münṭalık olup mirre-i keşîre-i şırfe olan fuḍûl iḥrâc eder ve ḳay' ile dahi o mişlli fuḍûl iḥrâc eder ve binâen 'aleyh onun 'ilâcına mübâderet vâcib olur. Ve onun vech-i tedbîri budur ki bir kimse onun re'sini imsâk eder ve cebr eden kimse ibhāmını 'alî-lin femine idḡâl eder ve 'alîl min-küllü cānib fekkini irḡāya mülâzemet eder, zîrâ o mevḍi'de bir 'aḍal vardır ki fekki şedd eder her ne ḳadar fekk münḥali'a ise ve bunlardan sonra o mücebbir ibhāmı ile fekki yemneten ve yesreten taḥrîk eder ve ba'dehu defaten medd edip mevḍi'ine redd eder ve fekkın müfâraḳat eylediği mevḍi'e duḡûlü cihet-i ḫalften olur. Ve vâcib olur ki fekk tesviye olununca ḳadar medd oluna ve nuşbe-i aş-liye üzere kılına. Ve fekkın tesviye olunduğunun 'alâmeti budur ki onun rubâ'ıyyâtı ya'nî ön dişlerin yanında olan dişleri müsteviye olur ve femi muntabık olur. Ve fekk mevḍi'ine redd olunduktan sonra refâid ve ḳayrûṭî şem' ve dühn-i verd ile irfâd olunur ve ba'dehu terk olunur; bür'ü mümkün olan ezminenin esra'ında inşâllahu ta'âlâ berâ'et ḫâşıl olur. Ammâ min-vâl-i muḥarrer üzere redde isti'câl olunmasa ve onda şalâbet ḫâdişe olsa o şûrette vâcib olur ki 'ilâca bed' olunup evvelâ neṭûlât ile şalâbet telyîn oluna, ḥammâmda mâ-ı ḫârr ve dühn ile telyîn olunca ḳadar keşîren tentîl oluna ve ba'dehu fekki cānib-i ḫalfe fekk tehendüm edince ḳadar cezb olunup şedd oluna. Ve ba'dehu vâcib olur ki ḫaşvı cidden leyyin olan bir visâde üzere istilkâ olunup sükûn üzere tamâm-ı bür' ḫâşıl olunca ḳadar ilzâm oluna ve re'sini taḥrîkten ictinâb eyleye.

Terķuve Hâfinin Beyânındadır

Bu bâbda ʿâlim ve mâhir dedi ki terķuve cānib-i dāhilden münfekk olmaz, onun cānib-i dāhili şadra muttaşıldır ve o cānibde maşalı yoktur, onun için hareketi dahi olmaz. Ve eger terķuve üzere şediden darb olunmakla terķuve şadrđan berī ve müfārık olsa terķuve ʿazmının inkisārına olan muʿālecāt ile ʿilāc olunur. Ammā terķuvenin menkibi vely eden tarafları her ne kadar munfaşıl ise lâkin keşiren hâl olunmaz, zîrā onun ʿađalının iki reʿsi vardır, o taraflı muhkem dābı eder ve infişâlden menʿ eder ve kezālik hareket-i şedide ile hareket eylemez, zîrā onun menfaʿati ve sebep-i hilķati şadrı baş edecek miķdārı hareket olur ve şadrı baş ve tefrîke terķuvenin hareket-i hafîfesi kifāyet eder. Ve terķuvenin hilķati o maşlahat için olmakla insāndan mā-ʿadā hayvānātın terķuvesi olmaz yaʿnī insān mişlli hayvānāt-ı sāirenin şadrında hareket ve şadrı inbisātına hācet olmamakla terķuve hilķatine hācet olmaz. Ve terķuveden cānib-i mezkûre şadın veyāhüd şadın nezāiri hasebiyle mefāşıl-ı sāire gibi hâl ʿarıđ olursa terķuve tesviye ve mevđiʿine yed ile idhāl olunur veyāhüd vadı vācib olan miķdārdan keşire redd eder, ribāt vad olunup ke-mā hüve'l-lāyık şedd olunmamakla redd olunur ve bu ʿilācla menkib zāil oldukta muʿālece olunmakla mevđiʿine redd olunur.

Ve terķuveyi menkibe rabı eden ʿazm guđrūfıdır ve mehzul olan kimse de terķuve zāil oldukta erbāb-ı tecribeden olmayanlar ğalaıedip zann ederler ki ʿađudun reʿsi münfekk olup mevđiʿinden ğuruc eylemiştir ve ğalaıa bāış budur ki kaıan terķuve zāil olup mevđiʿinden ğuruc eylese reʿs-i ketif o hâlde ğiddetli rüyet olunur ve onun zāil olduđu mevđiʿi muıaıar rüyet olunur ʿađud ğurucunda olduđu gibi ve aşğāb-ı tecrube onu delāil ile fark ederler. ʿAđud ğurucunda yedi reʿse đamm eylemek mümkün olmaz ve terķuve de o hāl olmaz ve menkib ğurucu dahi ʿađud minvāli üzeredir.

Hâf-i Menkib Beyânındadır

Badı kerre menkib münhalı olur, ammā ketifin inğilāında badı kerre şekk olunur ve ketifin inğilāı istiıām olunur velākin menkibin maşalı ʿađuddan inğilāı seğldir, zîrā onların muıārenetleri ğayr-i ʿamık ve eğadühümāyı āğere şedd eden ribātları ğayr-i veşiktir ve belki o ribāt selise ve rakıkadır ve selise olmasında maşlahat teshil-i ğarekettir. Ve menkib

hâlcî ancak cihet-i vâhidedendir, zîrâ cihet-i fevke hürücuna nütû'u mâni^c olur ve cihet-i hâlfe hürücuna ketif mâni^c olur ve nâhiye-i batna hürücuna kuddâmında olan iki re'sli [519b] 'ađale ve kezâlık re's-i menkib mâni^c olur, binâen 'aleyh o câniblere menkib zâil ve hâric olmaz ve belki cânib-i ünsiyeye veyâhüd cânib-i vahşiyeye yesiren zâil olur ve cânib-i esfele hürüc-ı keşir ile hürüc eder huşuşan kıdâf ve mehâzilde esfele hürücu ziyâde keşir olur, zîrâ mehâzilde 'ađudun inhilâ'ı ve irtidâdı ehven olur, ednâ sebeb ile hürüc eder, ammâ semîn olanlarda o iki emr ya'nî inhilâ' ve irtidâd cidden şabb olur.

Ve kaçan cenînin vilâdeti şu'ubetli olmakla senin ma'lûmun olduđu üzere onun re'si 'ađudu münhali^c olsa veyâhüd iki cenbine muttaşıl olmakla şakķ olundukta 'udvu münhali^c olsa ve serî'an maħalline redd olunmasa ba'de-zâlik o 'ađudda tûl-i neş'et eylemez, miķdâr-ı tabîrî üzere tavîl olmaz ve mirfaķı daķıķan bâķî kalır her ne kadar ıslâh dahi olunursa. Ve ba'dı kerre ona 'abel ve đahâmet dahi 'arîd olmaz belki ba'dılarında 'ađud ve sâ'idi daķıķan bâķî kalır ve ba'dı âherde onlara gelecek zamânda 'abel gelip ekşerinin hâli ceyyid olur ve her hâlde onların 'ađudu kaşir olur ve ibn 'ursun kâimesi ve kolları gibi olur, ammâ bu mişlli ahvâl-i cenbeynin efhâzında olsa onlar dahi bu iki nokşândan hâlî olmaz. Ve kaçan 'ađud 'arđan münkesir olsa ve ba'dehu cebr olunsa o mişlli mecbûr olan 'ađud hâl^c olundukta cebri bilâ-naķş maħlû'u redd mümkün olmaz, o cebr evvelâ kesr olunup ba'dehu redd olunur.

'Ađudun İnhilâ'ı 'Alâmâtıdır

'Ađud münhali^c oldukta re's-i menkibde tecvîf ve te'ta'mün rü'yet olunur velâkin bu 'alâmetin zuhûru hâl^c-i 'ađude münhaşır deđildir ve re's-i ketif münkalib olup menkibin âher tarafı o cânibde hiddetli rü'yet olunsa onda dahi o 'alâmet mevcûde olur. Eger o şürette ketifin kendide veyâhüd ketifin re'si olan 'azmda şadme veyâhüd gayr sebebeden zevâl yok ise ve mevcûd olan ezâsı def^c olunup onda ezâ olmamak zann olunur ise onda o 'alâmet mevcûde olup 'alâmât-ı müşterekeden olur. Ve kezâlik 'ađud münhali^c oldukta hâl^c olunan 'ađudun re'si cihetinde taht-ı ibtte küreviyyü's-şekl nütû' rü'yet olunur. Ve 'ađudun cenbine iltişâķı yed-i şahîhin iltişâķı gibi ceyyid

olmaz, ‘aḍudun cenbine ilşākı ancak ‘unfle ve veca‘-ı şedîd ile olur. Ve kaçan münḥalî‘ü’l-‘aḍud olan kimse yedini fevke ref‘ ve üzününe yedi ile mess eylemeği kaşd eylese ona kudreti olmaz ve harekât-ı uḥrâ dahi müte‘azzir ve mümteni‘ olur ve bu ‘alâmetler vesy ve verem ve iştikâki olan yedde dahi olur.

Ḥal-i ‘Aḍudun ‘Îlâcı Beyânındadır

Ḥal-i ‘aḍudun sehlü’l-‘ilâc olanları ebdân-ı şıbyân ve leyyinü’l-ebdân mişlîlerin ḥal’ıdır, o mişlî ebdân-ı raṭblarda ḥal-i ‘aḍudu cebr eden ṭabîb yed-i vâhidini ‘alîlin ibtîne idḥâl edip ve o yedi re’s-i ‘aḍudun ḳurbüne ilzâm edip o mevḍî‘i fevḳ cānibine def‘ eder ve yed-i uḥrâ ile nefis-i ‘aḍudu esfele medd eder ve onun ile ‘aḍud mevḍî‘ine müsteridd olur. Ve ba‘ḍı kerre şıbyânın işba‘-ı vusṭâ ile re’s-i ‘aḍud tesviye olunup o yedin eşâbi‘-i sāire-siyle ‘aḍud medd olunmakla redd mümkün olur.

Ve ammâ ‘aḍudun inḥilâ‘ı ebdân-ı ḳaviyyede olup onun reddi şuşûbetli olsa onun vücūd-ı tedbîrinden eḥaff olan tedbîr budur ki mücebbir olan kimse ‘alîli müstelḳıyen ıdcâ‘ eder ve ba‘dehu mücebbir olan kimse ricl-i vâhidini ‘alîlin cenbine idḥâl ve ‘aḳıbını re’s-i ‘aḍud ḳurbünde temkîn ve tavṭîn eder veyâḥūd ‘aḳıb bedeline o maḥalle bir küre-i yâbiseyi ve eger verem var ise bir küre-i medhūneyi re’s-i ‘aḍud ḳurbüne ilzâm eder ve mücebbir yedi ile ‘alîlin yedini şedîden ve ḳaviyyen o yedi ketiften ḥal‘ murâd edenlerin meddi gibi ‘ale’l-istikâmet medd eder ve miḳdâr-ı yesîr yedini dâḥile imâle edip ‘aḍudu mevḍî‘ine idḥâl eder ve bu vech ‘aḍud-ı münḥalî‘ vücūhunun küllisinden aşveb ve eḥaftır. Ve onun vücūhundan biri dahi budur ki bir recül-i ḳavî vü ṭavîl ṭaleb olunur ki onun ṭül-i ḳâmeti ‘alîlin ṭülünden ezyed ola ve o ḳavî kimse yedini ‘alîlin ibtîne idḥâl eder ve ‘alîli arḍdan kaldırır bir vech üzere ki menkibinden ‘alîl mu‘allaḳ olur ve yedini baṭnına medd eder¹⁵⁴ ve eger ‘alîl ḥafifü’l-vezn olup ‘alîlin bedeni ‘alîlin yedine şaḳîl olmazsa ‘alîlin bedenine bir şaḳîl nesne ta‘lîḳ olunup tercîḥ olunur ya‘nî o şiklet-i bedenle re’s-i ‘aḍud mürtefi‘ olup yedini baṭnına cezb ile ‘aḍudun kendi müteseffil olup irtidâd ḥâşıl olur. Ve ba‘ḍı kerre o mişlî ḳavî

154 Bundan sonra zikr olunan kelâmdan istifâde olunur ki o recül-i ṭavîl ‘alîlin ibtîni kendi menkibine ta‘lîḳ eder ve illâ yalnız yedi ile ta‘lîḳ mümkün değildir.

recül mevcûd olmamakla recül bedeline ard üzere bir 'amûd vađ' ve ikâme olunur, o 'amûdun menkib-i recül bedeline hırağ ve cülûddan maşnû'a bir küre vađ' olunur ki hîn-i 'amelde o küre menkib-i recül maķāmına ikâme olunur ya'nî 'alîlin ibtî tahtına 'amûd-ı kâim üzere vađ' olunan o küre idhâl ve 'alîl arđdan ref' olunur ve mücebbir olan kimse 'alîlin yedini cânib-i âherden medd eder ve ricl-i 'alîl tercîh olunur eger cüssesi hafife ise ve tercîhi zıkr olunduğı üzere bir şey'-i şakîl ta'lik etmekle veyâhûd ona bir recül-i âher ta'alluk etmekle olur.

Ammâ 'ađud redde taşacub ve ta'assür eylese veyâhûd müddet dahi tavîl olsa ba'dı kerre bundan aqvāya hâcet olur, evvelâ tenţilât ve istiḥmāmât isti'mâl olunduktan sonra o aqvā tedbîr ile tebîr olunur ve o kavî tedbîr budur ki hirāve mişlli bir âlet ittîhâz olunur hirāve bir 'aşā-yı kaşîrdır ki onun tülü 'ađud tülünde veyâhûd eķall veyâhûd ondan atvel, olur, onun re'sine bir küre terkîb olunur ve eshel olan budur ki o küre hırağtan ve cülûddan kılınıp o 'aşā ile küre taht-ı ibtâ def' oluna. Ve kaçan onunla 'amel kaşd olunsa vâcib olur ki aqvā olan bir kimse o hirāveyi 'alîlin ibtî-i me'ûfuna ilzâm edip hirāve ile ibtî fevķ cânibine def' ede veyâhû ibtî o hirāve ile fevķ cânibine medd ede. Eger 'amel-i mezkûra kuvveti vefâ eder recül-i vâhid kavî bulunmaz ise o def'i veyâhûd meddî iki recül işleye tā ki onların fevķ cânibine medd ve def'i ṭabîb-i mücebbirin yed-i 'alîleyi zıkrî mürûr eylediğı vech üzere bi'l-istikâmet medine muķâvemet ede ve recül-i âher dahi 'alîlin menkib-i uḫrâsını đabṭ ve hıfz edip menkib-i 'alîl def' ve ref' olundukta menkib-i âher şaḫîḫ hareket eylesin için ve mücebbir olan kimse dahi minvâl-i sâbık üzere 'alîlin yedini ketiften ḫal' kaşd edenlerin cezbi ve meddî gibi bi'l-istikâmet ve dâhile min-vechin meyl ettirerek cezḫ ve medd eder ve bu 'amel ile 'ađud maşşaldan mevđî'ne gelir ba'dehu o küre ilşāk-ı kavî ile re's-i 'ađudun fevķine mu'temedden ve kaḫiyyen ibte ilşāk olunur. Ve def'-i mütেকaddim katında vâcib olur ki küre ve ḫaṣebenin i'timâdı re's-i 'ađudu vely eden cânibe kılına ve tahtına i'timâd ettirilmeye, zîrâ re's tahtına i'timâd ettirilmese medd ve def' katında 'ađud münkesir olunur ve cebr olunup o inkisâr zâile olsa ḫal' redd olmak mümkün olmaz ve bu mezkûrların zıkrî ve beyânı mürûr eyledi.

Ve ba'dı kerre 'ađud-i münhali' mevđi'ine süllem ya'nî nerdübân 'ameli ile redd olunur, onun tarîkı budur bir süllem ittiḥāz olunup onun 'atebesi lefâif ile telyîn olunup hey'et-i muvâfıka üzere müheyyâ kılınır, o 'atebenin cānib-i muḥālifinden ona 'alıl ta'lik olunup yedi medd olunur ve re's-i 'ađud mevđi'ine idḥāl olunur ve vācib olur ki süllemin 'atebesi re's-i 'ađud kurbünde kılınmakla [520a] ta'lik oluna. Ve 'atebe ve kübbede kereb olmakla ba'dı kerre 'atebe bedeline resen kılınır ve o resen mevđi'-i mezkûra ya'nî re's-i 'ađud kurbüne temkîn olunur ve o mevđi'den mevđi'-i âhere inzāl olunmaz inkisâr-ı 'ađuda mûzî olmasın için. Ve bu vücūhtan mâ-'adā vücūd-ı âherlerle dahi 'ađud mevđi'ine redd olunur velâkin onların meşakḳati bu mezkûrlardan eşedd olur ve vücūh-ı üvel efdāl-ı vücūhtur.

Ve kaçan 'ađud mevđi'ine mürtedde olsa onun ecved-i ribâtı budur ki küre ma'a'l-menkib 'aşaib-i 'arîda ile merdûdun zevâline mâni' şedd ile şedd oluna ve vācib olur ki menkib-i 'alile şedd olunan 'ıṣābe bi-'aynihâ veyâḥûd 'ıṣābe-i uḥrâ menkib-i âhere teşdîd ve tenfîz oluna ve o şeddler 'alâ-vechi't-taṣlîb ya'nî şekl-i şalîb üzere kılınıp taṣlîb menkib-i me'ûf üzere kılına ve 'ađud ma'a'l-cenb esfele rabṭ olunup mirfaḳ ve taraf-ı yed naḥiye-i 'unuktan fevke rabṭ oluna, yevm-i sâbi'e ve yevm-i sâbi'in mâ-ba'dine varınca kadar ḥall eylemeye ve senin bildiğinin ağdiye ile dahi tağdiye oluna “Küllü mâ rüdde 'ade” feḥvâsı üzere inḥilâ'da lecc olup 'ađudu mevđi'ine redd müfid olmasa keyy olunmağa ḥâcet olur.

Ketifin Fî-Nefsihi İnḥilâ'ı Beyânındadır

Onun¹⁵⁵ zikri mürûr ve vürûd eyledi ve onun vuḳû'una müşâdif olunmamıştır ve Buḳrât ve Cālînûs o inḥilâ'ın vuḳû'undan ta'accüb-i istib'âdî ile ta'accüb eylemiştir.

Menkib Katında olan 'Azım-ı Şağîrin Beyânındadır

Re's-i menkib üzere 'azım-ı şağîr ba'dı kerre vađ'ından zâil olur menkin zevâlinde taḳ'ır ḥâdiş olduğu gibi; 'azım-ı şağîrin vađ'ının zevâlinde dahi o taḳ'ır ḥâdiş olur

155 “Ketif” omuz başında olan yassı kürek kemiğidir.” “Menkib” ketif ile 'ađudun mültekâları olan maḥallidir.

el-İlâc: Onun 'ilâcında kesr olunan 'azmın meddi gibi o 'azm-ı şağîr-i zâil medd olunmaz lâkin dağt olup eşâbi'le şedd olunur ve mekânına meyl ettirilip refâid ile terkuve şeddi gibi şedd olunur, zîrâ o şağîr 'azm yalnız şedd ile bilâ-'amelin âherin mevdi'ine kasren müsteridd olur ve o rabtın şiddetinden rabt ile muhâfazadan hâzer ve mübâlât olunmaz terkuvede mübâlât olunduğu gibi.

Mirfağın Hâfî Beyânındadır

Dirseğin hâl' ve reddinden her biri şuşûbetli olur mirfağı muhîta olan ribâtât kaşîre ve şedîde olup ve nukresinin mu'arađası ve hürûc ve duhûle mümâna'ati için. Ve mirfağa zevâl-i qalîl 'arîd olur ve ba'dı kerre dahi zevâli ve hâl'i tamm olur. Ve kaçan mirfağ münhâlî' olsa onun inhilâ'ına cânib-i vâhidde tahaddüb ve cânib-i âherde tekaşşu' hudûsu ve zuhûru delâlet eder ve onun ziyâde şerrlisi hâl'in hâlf cânibe olanlarıdır, zîrâ o mişlli hâl'i olan mirfağ-ı cebre cidden 'âşîdîr. Ekseriyyâ 'arîd olan hâl' zend-i esfele 'arîd olup esmec ve akbağ olur zend-i esfelin keşret-i tereddüdü hasebiyle. Ve zend-i a'lâya hâl' hudûsu qalîlî'l-vukû' olur ve onun hâl'inin semâceti ve kûbhu zend-i esfel semâceti ve kûbhu üzere olmaz, zîrâ zend-i a'lânın keffe ittîşâli eşedd ve harekette eb'addır. Ve iki zendin¹⁵⁶ biri münhâlî' olmak mümkün olmaz¹⁵⁷ lâkin ehadühümâ âherden cidden mütebâ'id olur ise o zamân yalnız birinin hâl'i mutaşavver ve mümkün olur.

el-İlâc: Vâcib olur ki onun 'ilâcına mübâderet oluna, zîrâ mâni'-i 'ilâc olan verem-i hârr ona serî'an 'arîd olur ve verîm-i hârr hudûşundan zend tesviye için medd olursa 'aţab ve helâke mü'eddi olur ve ma'a-hâzâ verem mevcûd onu tesviyeye mâni' olmakla redd ve tesviye dahi mümkün olmaz. Ve zevâl-i yesîr aşl-ı keff ile gamz olunup 'uđv-ı münhâlî' mevdi'ine redd etmekle telâfî ve tedârük olunur, ammâ tamm olan hâl' eger kıddâma ise onun müstakill tedbîri olur ve eger hâlfe [ise] onun için dahi başka tedbîr olur.

156 “Sâ'id” ya'nî “zirâ” iki 'azmdan mü'elleftir, bir a'lâda ve biri esfelde olur ve o iki 'azma zendân derler.

157 *Qânûn*'un “mimkin olmaz” dediği, kelâm-ı mütekkaddimine muhâlif gibidir velâkin tebâ'ud şüreti ile mündefî'dir.

Ve kıddāma olan ḥal^c-i tāmmda mirfaḳ-ı münḥali^cin ḥizāsında olan ‘alîlin keffine münkebb¹⁵⁸ olduğu ḥâlde ḍarebât-ı mütevâliye ile ḍarb olunur ve ḍarib yedini ḍarb için ke-mā yenbaḡi tehyi^e edip ḍarb eylediğinden mā-‘adā yed-i uḡrā ile ona i‘ānet eder ve bu tedbîr ile mirfaḳ maḥalline duḡûl edip müstereḍde olur. Ammā mirfaḳın ḥal^c-i tāmı cihet-i ḥalfe ise vâcib olur mirfaḳı medd-i şedîd ile medd edip ḥalfe mâil ḍarb eylesin, o ḍarbe icâbet eylemeyip redd ḥâşıl olmazsa birkaç ḳavî olan kimseler onun ‘aḍudunu ve sâ‘idini ḍabt ederler ve mücebbir olan kimse yedini dühn ile telṭîḥ edip bi-şiddetin mirfaḳa meşḥ eder, mafşal-ı mirfaḳ tesviye ve ‘uḍv-ı münḥali^c maḥalline gelince ḳadar o minvâl üzere meşḥten ḥâlî olmaz. Ve ba‘de’r-redd vâcib olur ki o mücebbir ‘uḍvu şedd ve sâ‘idi ya’nî zirâ‘ı için bir ‘alâḳa kılıp üzerine vaḍ‘ ede ve mirfaḳını zâviye mişâlinde ‘alâḳadan ḳâdir olduğu miḳdâr taşrada kıla ve o vâḳte zirâ‘ını vaḍ‘ eylediği ‘alâḳayı ihtimâli miḳdârı kıla ba‘dehu ‘alâḳayı taḍyîḳ etmekle zâviyeyi taḍyîḳ eyleye.¹⁵⁹

Mafşal-ı Rusḡun Ḥal’i Beyânındadır

Ḥal^c olan mafşal-ı rusḡu maḥalline redd eylemek sehldir velâkin ilzâmı şa‘bdır, zirâ rusḡ yesîren medd olunsa ve mafşalın iki ‘uḍvu birbirine muḥâzî kılınsa ḥâric olan ‘uḍv mevḍi‘ine dâḥil olur velâkin ilḳâmı şa‘b olur, zirâ rusḡ iḥâta eden ecsâm teverrüm edip o verem cevdet-i iltiyâma mâni^c olur. Ve o rusḡu meddin tarîḳi budur ki bir recül zendi ḥalfe medd eder ve mücebbir olan ṭabîb ‘alîlin keffini onun ḥilâfına medd eder ve belki kıddāma medd eder ve her işba‘ı birer birer medd eder, ibhâmdan bed’ edip ḥınşıra üzere meddi müstemirr kılar ve bu tedbîr ile rusḡ müstevî ve mevḍi‘ine mürtedde olur ba‘dehu taḍmîd olunup şedd olunur.

158 “Münkebb” ser-nigûn, başı aşağı demektir.

159 Bu taşvîrin ḥâşılı budur ki zirâ‘ını bir ‘alâḳa ile asar ve mirfaḳı taşrada kılıp ‘alâḳaya idḥâl eylemez ve evvel-i emrde zirâ‘ını bükme müte‘azzir olmakla ‘alâḳa uzun kılınıp zirâ‘ tarafından mevḍi‘-i keşîr taşra kalır ve şîḥhate iḳbâl eylediḳçe ‘alâḳayı kısa kılar ve mirfaḳ tarafından ba‘ḍı maḥallerine ‘alâḳayı idḥâl eder.

Eşâb'ın Hâfî ve Hâfinin 'Alāmâtı Beyânındadır

Kaçan eşâbi'-i münhali'a olsa bâtına meyl eder ve bâtında nütû³ ve zâhirde taķ'ır hâdiş olur. Rusğ 'izâmının hâl'i dahi işba' hâl'i gibidir.

el-İlâc: Eşâbi'-i münhali'ayı mevdi'ine redde 'usr-mâ vardır o münhali'a olan 'udvu medd-i müstevî ile medd eylemek lâıyık olmaz. Ve vâcib olur ki o münhali'a olan 'udv kabđ olunur ve kâbıđ mücebbirin sebbâbesi işba'-ı münhali'anın aşlı üzerinde kılınıp mücebbirin o işba'-ı sebbâbesi işâle ve o 'udv-ı münhali'i maħallinden kal' eylemek vechi üzere tereffu' olunur. Ve sen bu tedbîr katında görürsün ki işba'dan şavt hâdiş olur ve mevdi'-i aşlisine dâhil olur.

'İzâm-ı Rusğun İnfikākı Beyânındadır

'İzâm-ı rusğun infikākında vâcib olur ki tesviyeden [mümkün] olanların küllisi işlene ve cihet-i tabî'attan meylî ve nütû'u olanlar meylin cihet-i ħilâfına def' oluna ve üzerine cebîre vađ' olunup terk oluna veyâĥûd üzere cebîre bedeline üsrübb vađ' oluna, zîrâ üsrübb şıķalı ĥasebiyle 'udvu tesviye eder ve vađ'ını muĥâfaẓa eder. Ve üsrübb ve cebbâreden herhangi isti'mâl olunursa vâcib olur ki evvelâ muķavvî đımadât ile tađmîd olunup ba'dehu onların biri vađ' oluna ve taĥrîk olunmaya.

Ĥarezâtın İnĥilâfı ve Zevâli Beyânındadır

Kaçan feķâr zevâl[-i tamm] ile zâil olsa lâ-maĥâle katl eder ve kezâlik zevâl keşîr olup velâkin tamm olmasa o dahi [katl eder], zîrâ [onun] nuĥâfı feķârın zevâl-i keşîri dahi dađt-ı kavî ile dađt eder eger tedbîrde müsâmaĥa edip ıslâĥına ihtimâm olunmazsa.

Ve eger zâil olan ĥareze fıķarât-ı 'unuķtan fıķra-i ülä veyâĥûd onu vely eder fıķra ise fi'l-hâl helâk olur, zîrâ onun zevâli 'aşab-ı nefsi dađt eder ve onun zevâliyle 'aşab-ı nefes fi'lini icrâdan 'âciz olup ĥayât mün'adım olur. Eger zâil olan fıķra [520b] feķâr-ı şulbeden olup zevâli bâtına ise ona dahi mu'âlece olunmaz ve serî'an o dahi katl eder velâkin bir miķdâr imhâli vardır, onun sebep-i ihlâki nefesi ĥabs ĥasebiyle deđildir belki onun ihlâkine sebep fıķarât-ı şulbün bâtına zevâlinin ĥâyîti ve bevli ĥabsi olur ve onları ĥabsin katli imhâlle olup ĥabs-i nefes gibi 'ale'l-fevr katl eylemez,

zîrâ onun nuhâ'ı dağtı şedîd olmaz ve dağt ederse dahi tevrîm eylemez; eger tevrîm edip veremi teskîn olunsâ dahi lâ-mahâle onda olan nuhâ'a ve tahtında olan aşaba âfet işâbet eder ve onun fuđûlü bi-ğayrı irâdetin ħurûc eder.

Ve eger zâil olan feķâr-ı şulb ħalfe olursa onun nuhâ'a đararı eķall olur velâkin tahtında olan aşabı id'âf etmekle ricl đa'îf olur ve kezâlik ve kezâlik meşâne ve maķade adalları dahi đa'îf olur, pes kuvvet-i kaviyyeye ve def-i şedîdeye ve o fıkranın senâsini inkisâra qarîb olunca kadar şakkeye muhtâc olur hattâ ħalfe zâil olan feķâr mevđî'ine redd oluna. Ve mevđî'ine fıkra avd eylemezden muķaddem ba'dı kerre o đarbe ve şakke ile fıkranın senâsini münkesire olur ve ba'dı kerre fıkra-i şulb iki cânibe ya'nî baţna ve ħalfe ma'an zâil olur ve fevķe dahi zâil olur ve biz onun aķsâmında bâbu'l-ħudbede müstevfiyen tekellüm eyledik o bâba mürâca'at olunsun. Ve bu inĥilâ'ın alâmeti ħalfe olan zevâlde nütû' ve baţna zevâlde teķaşşu'un zuhûru olur, ke-enne sinsinesinin inkisârı gibi teķaşşu'u olur ve sinsinenin inkisârında keşîren be's olmaz ve feķârın inĥilâ'ında helâk ħavfı olur.

el-İlâc: Ammâ inĥilâ'dan zâhrdan quddâma olan ħal'de recâ kalîl olur, o ħal'i olanlar kalîlen felâĥ bulur. Ammâ zevâlî ħalfe alfe olanlarda ħammâmînin fi'li gibi bi-ķuvvetin iki rûkbe ile dağt oluna ve üzerine ħaml olunâ veyâĥud alîl baţn üzere tenvîm olunup o fıkra-i zâile üzerinde aķıb ile kıyâm ede veyâĥud ħabbâzın¹⁶⁰ ferezdaķa¹⁶¹ bi-ķuvvetin cevbaķ¹⁶² ile da'ķi gibi da'ķ¹⁶³ eyleye.

Ve o zevâl onda dahi eşedd olup da'ķ-i mevşûfla redd olunmaz ise ve zevâl dahi ĥadîs ise onun tedbîrinde Buķrâť dedi ki tûlü ve arđının alîle sı'ası vefâ edecek ķadar bir ħaşebe veyâĥud o miķdâr bir dükkân ĥâyîte qarîb bir maĥallde ittiĥâz olunur o vech üzere ki o dükkânın ve ħaşebenin tûlü ĥâyîte cânibine memdûd ola ve ĥâyî ile ħaşebe beyninde ancak bir ķadem miķdârı bu'd ola ve o dükkân ve ħaşebe üzere bir firâş vať ve mülâyim başt oluna ve alîl istiĥmâm olunup ħaşebe ve dükkândan hangisi ittiĥâz olunduyşâ onun üzerine alîl alâ-vechihi başt olunur ve ba'dehu alîlin

160 "Ĥabbâz" etmekçidir.

161 "Ferezdaķ" kıt'a-i ĥamîre derler.

162 "Cevbaķ" "ķüb"dan mu'arrebdir.

163 "Da'ķ" đarb ma'nâsınadır.

şadı üzerine bir kımât iki kerre leff olunur ve o kımâtın iki tarafları 'alîlin iki koltuklarından ihrâc olunup iki ketifi arasında rabt olunur da ve destece-i hâven gibi bir haşebe dahi ittiḥâz olunup ona kımât-ı mezkûrun etrâfı rabt olunur ve bu haşebe-i sâniye haşebe-i ulâ veyâḥûd dükkân-ı mezkûr yanında 'inde'r-re's kâimen 'ale'l-arḍ ikâme olunur ve o haşebe-i sâniye-i merbûta 'alîlin başı ucunda vâkıf olan bir ḥādime def' olunur, 'alâ-ḥâletihâ o haşebeyi dâbt edip cezb-i âtî katında o haşebenin taraf-ı süflâsı bir şey'e müstenid olmasın için ve medde lâıyk olan zamân geldikte 'inde'r-re's olan ya'nî haşebe-i sâniye başına rabt olunan kımât medd olunur ve kezâlik 'alîlin iki ayakları dahi cem'ân fevka'r-rükbe ve fevka'l-ka'beyn kımât-ı âḥer ile rabt olunur ve kezâlik iki faḥizlerin ictimâ'e eylediği mevdi'in fevkinde olan maḥaller dahi kımât-ı sâliṣ ile rabt olunur ve bu ribâtların etrâfı cem' olunup ve destece gibi ittiḥâz olunup 'alîlin re'si cānibine vaḍ' olunan haşebe gibi haşebe-i uḥrâ dahi ittiḥâz olunup 'alîlin ayakları cānibine haşebe-i ulâ gibi kâimen 'ale'l-arḍ ikâme olunduktan sonra zikr olunan etrâf-ı kımâtlar ona rabt olunur ve ba'dehu bu ribâtları 'ale'l-ḥilâf medd eylemek üzere a'vâna emr olunur.¹⁶⁴

Ve ba'dılar bu meddi âlâtla isti'mâl ederler ve haşebe-i 'azîmenin veyâḥûd dükkânın re'si ve iki ricli vely eden cāniblerine siḥâm vaḍ' ederler ve kaçan o siḥâm idâre olursa meddi murâd olunan ribâtât o siḥâma mülteffe olur ve bu minvâl üzere medd olundukta taḥaddüb eden ḥareze iki keffler aşılları ile def' olunur ve eger o ḥadebe üzere cülûs dahi iktidâ ederse onu dahi işlerler ve bir şey'den ḥavf eylemezler.

Ve bu eşyâlardan bir şey ile feḳâr tesviye olunmayıp fıkrâ-i zâile maḥal-line redd olunmaz ise ve 'alîlde dağṭa taḥammül var ise lâıyk olur ki zikri mürûr eden haşebe-i 'azîmenin cānib-i re'sine qarîb olan ḥâitṭe ve ḥadebe muḥâzîsinde mîzâba şebîḥ bir ḥufre ḥafr olunur ve o ḥufrenin miqdârı bir zirâc kılınıp ve 'alîlin feḳârından keşîren a'la ve esfel kılınmaz belki lâıyk olan budur ki bu ḥufre evvel-i 'amelde ḥafr oluna, zirâ haşebe-i 'azîme yâḥûd dükkân-ı mütteḥaze kurbünde ḥâit ola dediğimiz bu ḥafr içindir, pes o ḥufre ḥafr olunduktan sonra mu'tedilü'l-ḳadr bir levḥa aḥz olunur ve

164 Ya'nî re's cānibinde olan haşebe ribâtlar ile ricl cānibinde olan ribâtlar 'ale'l-ḥilâf medd oluna.

levhanın bir tarafı hufreye, vasaatı hadebe üzere ve taraf-ı âheri esfele def olunur ve fekâr istivâ-i beyyin ile müsteviye olunca kadar o def mütemâdî kılınır.

Ve İbukrât zikr eyledi ki levha-i mezkûre ittiḥâz olunmaksızın dahi yalnız medd bu şey'e şâlih olur. Ve kezâlik yine İbukrât dedi ki levha kebs vahdehu o fi'li işler. Eger İbukrât'ın bu kavli hakk ise envâc-ı zevâlden fekâr-ı şulbün quddâma zevâli olan zikr eylediğimiz nev'-i evvelde yalnız meddi bilâ-kebs isti'mâl münker değildir.

Ve vâcib olur ki ba'de't-tesviye ḥaṣebden bir levha ittiḥâz oluna ki onun 'arḍı üç parmak miqdârı ve tûlû hadebeyi ve ba'dı ḥarezât-ı şahîḥayı ihâta edecek kadar ola ve ona bir miqdâr hırka-i kettân veyâḥûd yumuşak ve refîk bez leff olunur o levhanın şalâbetini izâle için ve o levha-i melfûfe tesviye olunan ḥareze üzere vaḍ olunup vech-i lâyıḳ üzere rabṭ olunur. Ve 'alîl ağdiye-i laṭîfe ile tağaddî ede. Ve eger hadebeden bir baḳiyye bâkî kalır ise lâyıḳ budur ki ona irḥâ ve telyîni olan edviye ile 'ilâc oluna ve zamân-ı tavîl vaşf eylediğimiz levh isti'mâl oluna. Ve bu bâbda ba'dı nâs reşâstan mütteḥaze bir safiḥa isti'mâl eylediler ve iki cāniblere olan ḥal' bir cebbâre veyâḥûd iki cebbâre ile ve şedd ile tesviye olunurlar.

Ammâ 'unuḳta olan ḥalfe mâil zevâl ki min-beyni fıkârâtî'l-'unuḳ ancak kâbil-i 'ilâc olan o nev' zevâldir, onun mu'alecesinde 'alîl istilkâ olunur ve re'sini fevke bi-rıfḳin medd olunur ve ḥareze-i zâilesi ḡamz ile ve meshle tesviye olunur. Ve kaçan ḥareze-i 'unuḳ vech-i meşrûḥ üzere tesviye olunsâ üzerine muḳavvî ḍimâd ve onun dahi üzerine hırak vaḍ olunup 'unuḳun ḳadr ve tûlünde cebbâre şedd olunur, re'se ve şadra bir vech üzere rabṭ olunur ki onun ribâtı ḥalk üzere vâḳi' olmaya ve eyyâm-ı 'adideden sonra o ribât ḥall oluna ve onun huyûtu ḥavâşî-i şevbde olan 'aşâib hey'eti üzere ola, zirâ o hey'et üzere olmayıp müstedîre ya'nî bükülmüş olsa lâ-maḥâle îzâ eder.

'Uṣuṣun Ḥaḳî Beyânındadır

Kaçan 'uṣuṣ münḥali' olsa onun inḥilâcı ḥiss ile ma'ḥûm olur. Ve eger ḥal' 'azîm ise ḥissten mâ-'adâ onun 'alâmeti budur ki 'alîl riclini mevḍi'-i ḥal'de ve rûkbe mevḍi'inde baş edemez belki rûkbenin teşennîsi eşedd

olur. Ve onun tedbîri budur ki kaçan sen onu tesviye murâd eylesen vâcib olur ki işba'ı vasaatı ma'adeye mevdi'-i hal'e varınca kadar idhâl olunup bi-kuvvetin fevke gamz oluna ve yed-i uhra ile mevdi'-i uşuş tesviye oluna ve ba'dehu dımâd olunup şedd oluna ve 'alîl gıdâsını taklîl eyleye berâzı kalîl olsun [521a] için ve ma'a-zâlik onun gıdâsı müleyyin gıdâ ola.

Hal'-i Verik Beyânındadır

Ba'dı kerre 'ađud cihet-i esfele münhalî olup müsterhî mişlli olduğu gibi fahîze dahi o mişlli hal' 'arıd olur. Ve fahîzi münhalî olan kimsenin ricli hal'e qarîb olan mevdi'-de ve rükbe mevdi'-inde inbisâtı kabûl eylemez belki rükbe katında inbisât ziyâde aş'ab olur. Ve fahîzin hal'i ba'dı kerre dâhile ve ba'dı kerre hârice olur ve ekşer-i emrde onun inhilâ'ı hârice olur ve dâhile inhilâ'ı kalîlü'l-vukû' olur ve ba'dı kerre dahi onun inhilâ'ı kud-dâm ve halften birine olur ve bu nev' inhilâ'ın esbâbı envâ'-ı evvelin sebeblerinin biri olur. Ve kaçan fahîzin inhilâ'ı hâl-i vilâdda ve cenîn üzere şakķ katında cenîne 'arıd olsa o ricl kaşîre ve sâķı daķıķa kalıp bedenini hamlden 'acize olur ve da'ife olup takviye kabûl eylemez.

el-'Alâmât: Verikin inhilâ'¹⁶⁵ 'alâmâtı budur ki eger o inhilâ' dâhile olur ise veriki münhalî olan ricl ricl-i şahîhten atvel rü'yet olunur ve rükbe-i müteşennî olur ve ürbiyyeler teşennîyi kabûl eylemez ve ürbiyyeler mün-tefiha ve vârimde rü'yet olunur, zîrâ re's-i verik ürbiyyede mündesse olur.

Ve eger verik hârice münhalî olur ise ricl kaşîre olur ve ürbiyyede 'umķ olur ve onun muhâzîsi ve muķâbili olup cihet-i halfte olan mevdi'-de nütû' ve intifâh olur ve rükbede dâhil-i tak'ır mişlli nesne olur.

Ve eger verik kud-dâma münhalî olursa ricl atvel olur ve 'alîl için baştı sâķ mümkün olur velâkin kabd ve teşniye mümkün olmaz elemi hasebiyle ve meşye müteheyyi' ve müsta'idd olmaz ve meşy mümkün olursa onun meşyi 'aķıb üzere olur ve onların çoğuna teverrüm-i ürbiyye ve ihtibâs-ı bevl 'arıd olur.

165 'Azım-ı verik hufresine fahîz 'azmi dâhil olur ve o mafşal hal'ine hal'-i verik ve hal'-i fahîz derler.

Ammā verik ḥalf cānibine münḥali^c olursa ricli kısa olur ve ḳabḍ ve baştan her biri maʿan müteʿazzir olur lâkin baʿḍı kerre onun sâḳı ūrbiyyeye teṣennî eder ve ūrbiyyede istirḫā olur ve reʿs-i faḥîz aʿfāca olur.¹⁶⁶

eL-Muʿālecāt: Bu ḥalʿde vācib olur ki muʿāleyece mübāderet olunup serīʿan verik mevḍiʿine redd oluna, zīrā reddinde sürʿat olunmasa baʿḍı kerre ona ruṭûbāt munṣabbe olup taʿaffün etmekle bi-küllüyyetihi ʿuḍvun fesādına müʿeddî olur ve ona maʿlûm olan ḥaṭarlar ʿārîḍ olur.

Ammā faḥîzin esfele inḫilāʿının tedbîri budur ki ricl yemneten ve yesreten merdûdun ileyh olan maḥalle yaʿnî ʿazmı verike muḥāzî olunca ḳadar taḥrîk olunduktan sonra bi-ṣiddetin medd olunup redd olunur ve nûvār ve ḥizām-dan¹⁶⁷ bir nesne aḥz olunup üzengi gibi o ricle taḥmîl olunur ve evvelā sâḳ üzere baʿdehu faḥîz redd üzere ṣedd-i ḥāfîz ile ṣedd olunur ve menkibe bir rütbe taʿlîḳ olunur ki o taʿlîḳ mevcûd iken sâḳın imtidādı mümkün olmaz.

Faḥîz dāḫile münḥali^c ise o ʿalîle rükûʿla emr olunur ve ḥālib cānibinden o rākiʿi bir insān-ı ḳavī ḳabṭ eder ve mücebbir olan kimse ʿindeʿr-rükbe reʿs-i faḥîzi iki yediyle aḥz edip dāḫile cerr eder bir vech üzere ki faḥîzden meḥûzu olan ṭarafı dāḫile cerr ile ṭaraf-ı āḫer fevḳe ve ḥārice mündefiʿ olur ve eger ricl-i āḫer dahi mücebbirin cihet-i taḥrîki ḫilāfına iʿāne edip¹⁶⁸ bir ʿışābe ve ḥabl ile temkîn olunursa ceyyid olur ve bu vech üzere tesviye olunduktan sonra rabṭ olunur.

Ve eger faḥîzin inḫilāʿı ḥārice olursa vācib olur ki mücebbir olan kimse faḥîzin rükbe katında olan ṭarafına teṣebbûş eyleye ve rükbenin ḫilāfı cihe-tine taḥrîk eyleye ve ricl-i āḫer dahi faḥîzin ṭaraf-ı āḫerini faḥîzi mücebbirin taḥrîki cihetinin ḫilāfına taḥrîk eyleye ve o ḥâlde bir ʿışābe veyāḥûd ḥabl ile ona müknet vermiş ola.


Ve eger faḥîzin zevālî ḳuddāma veyāḥûd ḫalfe ise mücebbir olan kimse aṣl-ı faḥîzi ḳimāṭ ile ṣedd edip bi-ḥasebi mā-vecebe ve bi-ḥasebi misliʿl-ḥalf menkibe varınca ḳadar aḥz olunur ve bir recûl dahi ḳimāṭın iki ṭarafını aḥz edip cemīʿan bir nevʿ medd ile medd ederler ki onun ile ricl havāya taʿlîḳ olunur ve bu mislli taʿlîḳ ile ḳuddām ve ḫalfe münḥali^c verik mevḍiʿine

166 Yaʿnî meṣārîn cānibine māil olur.

167 “Nûvār” at kolanı; “ḥizām” şerit maʿnāsına.

168 Yaʿnî cihet-i ḫilāfa taḥrîk iʿānet eder ise.

redd olunduğu gibi ḥal^c-i verikin vücūh-ı sāirelerini dahi şalāḥa redd mümkin olur ve ba^cdı kerre ona beyrem¹⁶⁹ ile mu^cālece ederler. Ve ba^cdılar onu vaşfta icāde edip dediler ki bir ḥaṣbe-i müstaṭīlede bir ḥufre-i müstaṭīlele ḥafr olunur ve içinde ḥendekler kılınmakla o ḥufre-i müstaṭīle ḥanādīki müştemil olan maḥalle şebīḥ kılınır ve o ḥufrenin ^carḍ ve ^cumḵundan her biri üç parmaktan ziyāde kılınmaz ve o ḥanādīkten her iki ḥendek arasında dört parmaktan ekşer bu^d kılınmaz onun için ki vakt-i ^camelde beyremin bir ṭarafı o ḥufrenin birinde kılınıp onunla o ḥaṣbe üzere ^calīl istilkā ve vech-i ātī üzere medd olunduktan sonra ^cuḍvu maḥalline def^c mümkün ola ve münḥali^c olan ^cuḍv defⁱ lāyık olan cihete o beyremle def^c oluna.

Ve vācib olur ki ḥarezāt-ı münḥali^ca bābında medd için ittiḥāz olunan ḥaṣbe-i kebīre veyāḥūd dükkānın vasaṭına ḥaṣbe-i uḥrā veted ile terkīb oluna ki onun ṭülü ḳadem-i vāḥid ve kalınlığı balta sapı kalınlığında ola, ^calī ḥaṣbe-i ^caẓīme veyāḥūd dükkān üzere istilkā olundukta o ḥaṣbe beyne'l-a^ccāf ve re^sü'l-faḥīz devr eyleye ya^cnī faḥīz başı ile bağarsıklar arasında devr eyleye, zīrā o ḥaṣbenin beynehümāya tavassuṭu ile ricle ve esfel cānibinde olan medde cesed tābī^c olmaz ve çok kerre fevḵten dahi medde ḥācet olur ve o şürette dahi ḥaṣbe-i ^caẓīme vasaṭında yine ḥaṣbe-i şaḡīre veted ile terkīb olunur. Ve o ḥaṣbe-i şaḡīrede cesedin esfele ḥareketine mānī^c olduğunun bir menfa^cati dahi budur ki o ḥaṣbe re^s-i faḥīzī ḥārice def^c eder. Ve vācib olur ki esfele olan medd ḥuṣūşan ricli medd bundan aḳdem zīkr olunan şıfat üzere ola ve bu nev^c tedbīr ile dahi faḥīz mevḍī^cine dāḥil olmazsa zīkr olunan ḥaṣbe-i mevṭūde nez^c olunup mevḍī^c-i ḥaṣbe-i menzū^canın cāniblerine bābın iki ^carıḍları gibi iki ḥaṣbe terkīb olunur ki onların her biri bir ḳademin ḳāmetinden eḳall olmaya ve o iki ḥaṣbeye nerdübān basamaḡı gibi bir ḥaṣbe dahi terkīb olunur ki o üç ḥaṣbenin hey^ceti Yūnānī ḥattında eyṭā tesmiye olunan ḥarfe müşābih ola ^calā-ḥāzihi'ş-şüre , zīrā üçüncü ḥaṣbe o iki ^carıḍ bāb gibi olan ḥaṣbelerin ḥāḳḳ-ı vasaṭından mīḳdār-ı ḳalīl esfele terkīb olunsa o şekl ḥarf-i eyṭā olur. Ve bu şekl üzere ḥaṣbe ittiḥāz olunduktan sonra ^calīl cenb-i şaḥīḥi üzere istilkā ve ıdcā^c olunur ve onun şaḥīḥa olan ricli basamak gibi olan ḥaṣbin taḥtından beyne'l-^carıḍayn medd olunur ve ^calīl olan ricli o basamaḡın üzerinden uzatılır ḥattā re^s-i faḥīz o basamaḡa rükūb eder, ammā

169 “Beyrem” neccārın ay demiri dedikleri ālettir.

bu ‘amel o haşebeler üzere tayy-i keşîri olan bir sevb baş olunduktan sonra olur o haşebâtın şalâbeti faḥîze îzâ eylesin için. Ve bundan sonra bir haşebe-i uḥrâ dahi ittiḥâz olunur ki ‘arḍı mu‘tedil olur ve tûlî re’s-i faḥîzden ka’ba varınca kadar olur ve o haşebe taḥt-ı sâka dâhilden tûl üzere vaḍ olunur re’s-i faḥîzi ka’ba kadar muḥâfaẓa eylesin için ve o mevḍî‘ ma’a’l-haşebe rabṭ olunur ve ba‘dehu ḥazerât ḥal’i bâbında zîkr olunan medd isti‘mâl olunur. Ve lâyıḳ olur ki sâḳ-ı esfele ma’a’l-haşebetî’l-merbûṭa medd oluna o medd ve şedd ile faḥîz mevḍî‘ine rûcû‘ eylesin için.

Ve inḥilâı olan faḥîzi mevḍî‘ine redd için ‘amel-i âḥer dahi vardır ki ma’a’l-haşebe onu medde o ‘amelde ḥâcet olmaz ve o ‘ameli Buḳrât medḥ eyledi. Ve Buḳrât’ın zu‘mü üzere o ‘amel budur ki ‘alîlin iki yedi kımât-ı leyyin ile cemî‘an rabṭ olunur ve iki ayakları kımât-ı ḳavî leyyin ile ka‘blar üzere ve rûkbeler üzere rabṭ olunur ve o ayaklardan [521b] her birinin şâḥi-binden burḍü dört parmak miḳdârı kılınır ve ‘alîl olan sâḳ sâḳ-ı şâḥiḥten iki parmak miḳdârı ekşer uzatılır ve ‘alîl başı aşâḡı ta‘lîḳ olunup iki zirâ‘ miḳdârı yerden ref olunur ve şâbb ve tecrîbe aşḥâbından bir ḡulâm iki sâ‘idi ile faḥîz-i ‘alîle iki faḥîzin aḡlaẓ mevâḍı‘ından ve re’s-i faḥîz olan mevḍî‘den ihtîdân edip kucaklar ve ‘alîle def‘aten ta‘alluḳ eder, o fi‘l ile maḡşal mevḍî‘ine bi-ehvenin sa‘yin vâşıl olur. Ve bu nev‘ eshel olur onda ‘amel-i keşîr olmamakla lâkin bu ‘amelin sühûletine binâen ekşer-i mu‘âlicîn tehâvün edip onu lâyıḳı üzere işlemez, tekâsül ile ‘amel müfîd olmaz.

Ammâ faḥîzin ḥal’i ḥârice ise bizim zîkr eylediğimiz minvâl üzere ‘alîl baş olunur ve ba‘dehu ṭabîbe lâyıḳ budur ki faḥîz-i münḥali‘i beyremle ḥâricden dâḥile def‘ eyleye zîkr olunan haşebde vâḳi‘ ḥufreye beyremin tarafını idḡâl edip ona istinâd etmekle. Ve bu ḥâlde lâyıḳ olur ki faḥîzin naḥiye-i şâḥiḥasında a‘vân ikâme edip onlar dahi def‘ eyleyeler ve faḥîz-i ḥâric keşîren bâṭına duḡûl eylesin için def‘e istikbâl eyleyeler.

Ve eger ḥal‘ ḳuddâma ise lâyıḳ olur ki ‘alîl medd oluna ve ba‘dehu bir recûl-i ḳavî yed-i yümnâsı aşl-ı keffini ürbiyye-i ‘alîle üzere vaḍ edip yed-i uḥrâ ile onu ḍaḡṭ eyleye ve onun ḍaḡṭı esfele ve nâḥiye-i rûkbeye memdûd olarak ola.

Ve eger ḥal‘ ḥalf cānibine ise o ‘alîl esfele medd olundukta arḍ üzere mürtefi‘an medd olunmaya belki bu şûrette ve kezâlik verikin ḥârice ḡurû-

cu şüretinde hâdebede zikrimiz minvâli üzere bir şey-i şulb üzere medd oluna, meşelâ sâbıkta taşvîr olunduğu üzere haşebe veyâhüd dükkân vaşf olundukları üzere ittiḥâz olunup ʿalîl vechi üzere onlardan bir iüzere ilkâ oluna ve sâķı ribâṭla rabṭ olunup verik üzere rabṭ olunmaya bizim qarîben zikr eylediğimiz üzere. Ve zikri mürûr eden levḥ ile mafşalın ḥurûc eylediği mevḍî üzere ve aʿfâc üzere kebs dahi olunmak lâyıķ olur. Bu maķâma gelince qadar zikr eylediklerimiz ʿillet būnye-i müteḳaddimeden verike ʿarîd olan ḥalʿin envâcı idi.

Ve baʿḍı kerre ketife keşret-i ruṭûbet ḥasebiyle ḥalʿ ʿarîd olduđu gibi verike dahi keşret-i ruṭûbet ḥasebiyle ḥalʿ ʿarîd olur, bu şürette verik bâbu'l-kebide zikr eylediğimiz minvâl üzere keyy olunur.

Ḥalʿ-i Rükbe Beyânındadır

Rükbe serîʿan münḥaliʿ olur ve baʿḍı kerre bilâ-sebeb-i ḳavî mücerred meşy-i serîʿin fevķinde meşy ile ve zelķ-i yesîr ile münḥaliʿ olur, nitekim liḥy bilâ-sebeb mücerred teşâvûb ile münḥaliʿ olduđu gibi. Ve rükbe, ḳuddâmdan mâ-ʿadâ her cânibe münḥaliʿ olur ve ḳuddâma fülkenin muʿâvaķası ile münḥaliʿ olmaz.

el-İlâc: Arḍa qarîb bir kürsî üzere ʿalîl iclâs olunup ricli ḳalîlen refʿ olunur ve bir recül-i ḳavî iki yedi ile ricli fevķten ve esfelden medd-i ḳavî ile medd eder ve mücebbir dahi mafşalı ʿalâ-ḥükmi'l-ḥalʿi'l-küllî ḥâlet-i ūlâsına redd edip rabṭ eder.

Raḍfe İnḥilâcı Beyânındadır

Raḍfe rükbenin fülkesidir. Kaḳan raḍfeye ḥalʿ ʿarîd olsa vâcib olur ki ricl başt oluna ve fülke redd oluna ve ḳâbıḍ-ı rükbe inşinâ-yı rükbeye mâniʿ olacak miḳḍarı ḥıraķ ile mümtelî kılınıp üzerine raḍfenin meyli cihetine muʿarîd olan cebâir vaḍʿ oluna ve raḍfe redd olunduđu mevḍî-i aşlîsinde peķiştikte teşniyesinde ʿacele olunmaya belki tedricle ḳalîlen ḳalîlen teşniye oluna, zîrâ bu vech üzere teşniyede ḥaṭar olmaz belki ehven ve eshel olur.

Ka'b Katında Olan Ma'şal-ı 'Aķıbın Hâfî Beyânındadır

Ba'dı kerre ka'b münhalîc olup 'ilâcında medd-i kavîye ve 'ilâc-ı şedî-de ve bi-kuvvetin def'e mevdi'ine redd olunsun için hâcet olur. Ve ba'-de'r-redd vâcib olur ki kırk gün miqdârı meşy hecr ve terk oluna mücedde-den münhalîc olmasın için.

Ammâ ka'bda zevâl kalîl olup hâl' tamm olmasa onun tedbîrinde ednâ medd kifâyet eder, ednâ medd olunduktan sonra mevdi'ine redd olunur.

Ammâ hâl' tamm olup müştedd olsa ve redde icâbet eylemese evvelû-nun kavilleri üzere vâcib olur ki vech-i arda 'alîl 'alâ-zahrihi başt olunur ve iki uylukları arasına 'inde'l-a'fâc 'umk-ı arda dâhil bir veted-i tavîl kavîyyen tenfîz olunur ve ayakları esfele medd olunduktan cesed hareket etmeğe terk olunmaz belki lâyıķ olan budur ki 'alîlin istilkâsından muqaddem arda o veted tevtîd oluna. Ve bizim bundan aķdem zîkr eylediğimiz vasaatında haşebe-i uhrâ-yı mevtûde olan haşebe-i 'azîme ihdâr olanda lâyıķ budur ki 'alîlin ricli o haşebe üzere medd oluna ve lâyıķ olur ki biraz mu'ınler dahi olup faķîzî dâbı eyleyeler ve faķîzî medd edeler ve biraz mu'ın dahi olup ricli iki elleriyle veyâhûd ribâtla mu'ın-i evvelin meddî cihetinin hilâfına medd edeler ve řabîb dahi bi-yedihi fekki ve hâl'i tesviye eyleye ve biraz mu'ınler dahi ricli-i uhrâyı esfele mâil imsâk eyleye. Ve ba'de't-tesviye lâyıķ olur ki ribâtât-ı veşîķa ile rabt oluna o merbût olan ribâtâtın kimisi muşt-ı ricle ve kimi ka'ba zâhib ve sâlik olup rabtı o maķallerde ola. Ve lâyıķ olur ki min-halfin fevķa'l-'aķıbda olan 'aşabdan ittikâ oluna ve onun üzerinde ribât-ı şedîd kılınmaya ve 'alîl kırk gün miqdâr meşy eylemeye, zîrâ ona müddet-i mezkûre mürûr edip bür'-i kâmil hâşıl olmazdan muqaddem onlar meşy eyleseler 'udvları müntefîd olup 'ilâcları fâsîd olur.

Ve eger 'aķıb-ı 'azmı veşbe ile ke-mâ hüve'l-ekşer zâil olduysa ve mevdi'-i zevâlde verem-i hârr dahi mevcûd ise vâcib olur ki 'alîl 'alâ-ve-chihi istilkâ oluna ve medd olunup tesviye oluna ve evrâm-ı hârreyi teskîn eden ne'ulât ile tenfîl oluna ve ribâtât-ı veşîķa isti'mâl oluna ve 'alîl sükûn üzere kılınıp hareketten men' oluna 'udva şalâh-ı tamm gelince kadar ve vâcib olur ki eşâbi'e varınca kadar ka'b rabt oluna ve 'aķıb meftûhan bâķî kala.

‘İzām-ı Kadem İnḥilā‘ı Beyānındadır

Bunun tedbiri keffin ‘izāmı inḥilā‘ının tedbiri gibidir. Ve ba‘dı kerre o ‘izām-ı münḥalī‘a iki kadem arasına bir şevb vaḍ‘ edip çiynelemek ile tesviye olunur. Ve kaçan tesviye olunsu vācib olur ki üzerine dımād vaḍ‘ olunup bilindiği minvāl üzere şedd oluna.

Fenn-i Ḥāmisin Maḳāle-i Şāniyesi Kesrde Olan Uşul-i Külliyye ve Kelām-ı Küllī Beyānındadır

Kesr ‘azmda olan teferruk-ı ittişāle derler. Ve kesrin kimisinde teferruk olur ya‘nī pāre pāre olur, o parçalar cidden şağirler olur ise ona raḍd tesmiye ederler ve ba‘dı kerre ‘azm-ı meksūr parçalanmaz ğayr-i müteferriḳ olur ve o ğayr-i müteferriḳ olan kesrin kimisi müstevī olur ve kimisi müteşā‘cib olur. Ve kesr-i müstevī ba‘dı kerre ‘arḍda ve ba‘dı kerre ṭülde olur ve ‘arḍda vāḳi‘ olan kesr dahi kiminde mütebeyyin ve kiminde ğayr-i mütebeyyin olur. Ve ṭülde vāḳi‘ olan şad‘ ve kaçm tesmiye olunur ve o kesr ṭülü mütebeyyin olmaz. Ve bir ḳavm aḳsām-ı mezkūrenin her birine birer ism tesmiye eylediler ve dediler ki ‘azīm olup ‘arḍa ve ‘umḳa zāhib olursa ona füclī ve ḳışevī ve ḳaḍībī tesmiye olunur ve ṭülen [522a] zāhib olana müşaṭṭab¹⁷⁰ tesmiye olunur ve ṭülen zāhib olan kesrede isti‘rāḍ dahi olursa ona hilālī tesmiye olunur ve ḳaḍībī dahi itlāk olunur ve eczāları şağir olursa ona sevīḳī ve cevzī ve cerīşī tesmiye olunur.

Ve kaçan inkisār-ı tām olssa o inkisārı olan ‘azmın iki tarafları ittişāl ḫālinde olan muḫāzāt-ı ṭabī‘i üzere bāḳī kalmazlar, muḫāzātı tezāyül eder, ona bināen onda naḥs olur o ‘azmı muḫīṭ olan ğışā ve laḥmı ‘azm-ı münkesirin naḥsı ḫasebiyle ve ona veremi icāb eden veca‘ ḫādiş olur. Ve eger ‘azmın beynūneti müdevvere ve bilā-şezāyā olssa bi-sühūletin ‘uḍv münḳalib olur.

Ve Buḳrāt’ın kavli üzere ‘uḍv-ı meksūrun ḫārice inḳılābı dāḫile inḳılābından hayrlı olur, dāḫilde ‘aşab ekser olmakla dāḫile inḳılābda izā ekser olur.

170 “el-Müşaṭṭab” o kılıçtır ki yolları ola. Vankulu, muḫtaşaran.

Ve kaçan kesr mafşal katında vâkı^c olsa ve hâcizlere ve lukme-i mefâşılı iltikâm eden nukrelerin taraflarına ve hufrelere rađd işabet eylese o mafşal inhilâa müsta'idd olur. Ve kaçan mafşal katında vâkı^c olan kesr müncebir olsa o mafşal 'usretü'l-hareket bâkî kalır şalâbet-i hâdisê hasebiyle ve kesr üzere düşbüz hudûsu ile ve 'usr-i hareket düşbüz ve şalâbet ba'de-müddetin leyyin olunca kadar bâkî kalır.

Ve kesrin mevâkıfı cihetinden aş'abı 'izâm-ı şığâr mefâşılında olanlar olur ve kezâlik aş'ab-ı mevâkıfendendir bi-hasebi'l-hilkat adyâk olan mafşal, ka'bın mafşalı gibi.

Ve kesrden iltihâm ve iltiyâmı kabûlü a'sâ ve aş'ab olanlar tedvîr üzere olan kesrdir ve ba'dehu tedvîre meyli olan kesrin iltihâmı [aş'abdır onun için ki onların iltihâmı hendâm-ı] 'acîbi olan rabt ile o kesr rabt olunup tûl-i müddet o rabtın bekâsı ile olur.

Ve kesr aşhâbı ağdiye ve edviyeden o şâna demi şâlih ve muvâfık eden ğidâ ve devâyı isti'mâl ederler ve biz onları zîkr eyleriz.

Ve kesr-i 'izâmın ziyâde şerrlisi hârice olmayıp bâtına ve dâhile olanlarıdır eţibbâ zîkr eyledikleri üzere. Ve kavm dediler ki kaçan bi-hasebi'l-kesr muhğ ya'nî tecvîf-i 'izâmda olan ilik munkaţı' olsa 'alîl helâk olur ve onların bu kelâmının hâşılı yoktur, zîrâ ilik zâib ve leyyin ve lezic olmakla inkıţâ'ı kabûl eylemez.

Ve ba'dı kerre kesr ile ma'an cirâhat ve nezf-i dem ve verem ve rađd 'arîd olur ve onların 'urûdu 'azm-ı meksûru muţîf olan o lahma olur ki onlara tedbîr olunup 'ufûnetin hudûsu men' olunmasa ve şart ile dem ihrâc dahi olunmasa o âfetler âkileye mü'eddî olur.

Kibârın 'izâm-ı münkesirelerinin mevdi'-i kesri veca' ile ve sebeb-i kâsirin mevki'i ile ve mess-i yed ile ma'lûm olur, ammâ şığârın 'izâm-ı münkesireleri veca'-ı verem ve humret ile ma'lûm olur, zîrâ kesr-i 'izâm katında o 'avârîd şıbyâna ekser 'arîd olur.

İncibârın ve 'Adem-i İncibârın Ahkâmı Beyânındadır

Şıbyânda ve sinn-i şabâvete qarîb olanlarda vâkı^c olan kesr mevdi'-ine redd olunsa incibârı kabûl eder onlarda kuvvet-i ûlâ bâkıye olmakla, ammâ sinn-i fetâda ve sinn-i fetânın mâ-ba'dinde olanların 'izâm-ı mek-

sûrları müncebir olmaz belki mevđi-i kesrin üzerinde mādde-i guđrûfî-den liḥām cārî olup ʿazm-i meksûru cemʿ eder, nuḥāstan ve ğayriden müt-teḥaz olan evānînin kesrlerini sedd eden şufâr ve reşāştan mütteḥaz olan licām gibi olur.

Ve incibāra aʿşā olan ʿizām ʿađud ʿazmı olur ve baʿdehu sâʿide aʿşā olur ve terḳuve dāḫile münkesire olursa ʿilācî şaʿb olur. Ve zendeyn kesrinin aḳ-baḫı zend-i esfelin kesri olur ve aḳbaḫ olduĖunun vechi zend-i esfelin ḫalʿi aḳbaḫ olduĖunun vechinde zıkr eylediĖimizdir. Ammā faḫiz ve sāk ʿazmle-rinin inkisārı emr-i sehldir, zīrā onların cebrleri inbisāta mānîc olmaz.

Ve müddet-i incibār muḫtelif olur, meşelā enf deyildiĖi üzere ʿaşerede ve dılʿ ʿiştirinde ve zirāʿ ve zirāʿa ḳarīb olan maḫall şelāşîn veyāḫūd erbaʿinde ve faḫiz ḫamsinde müncebir olurlar baʿdı kerre müddet-i tavīle mürûruda müncebir olur hattā faḫiz mişlli üç veyāḫūd dört veyāḫūd dahi ezyed şühûr mürûrunda müncebir olur.

Ve incibārda ḫaṭā olanlarda ʿudvun meyli baṭnı cānibine olmak zahrı cānibine olmaktan ḫayrlı olur, zīrā zahr cānibine meyl eylese meyli şıḳal cānibine olur.

Ve kesrin incibārına mānîc olan esbāb tenṭilin keşreti ve ribāṭı ḫall ve ra-bṭın keşreti ve ḫarekette istiʿcāl ve bedende muṭlakā demin kılleti veyāḫūd dem-i lezicin kılleti olur ve ona bināen mirārı keşir olanların ve nāḫıḫların ʿizām-ı meksûrelerinde incibār ḳalîlü'l-vuḳûc olur.

Ve kesrin incibārına delālet eden nezzen demin zuhûru olur, zīrā mevđi-i kesre dem keşiren teveccüh eder. Kaḫan kesr cebr olunsa ğidā-i ṭabīʿiden faḫla kalanları ṭabīʿat defʿ eder.

Cebr ve Rabṭ Beyânındadır

Cebrin ḳāʿidesi budur ki ʿudv lâyıḳı miḳdârı medd olunur, zīrā ḳadr-i ḫâcetten ziyāde medd olunsa teşennüce ve eleme müʿeddî olur ve elemden ḫummayāt ʿarîd olur ve baʿdı kerre ḳadr-i ḫâcetten ziyāde medd ile istirḫā dahi ʿarîd olur. Ve ebdân-ı raṭbede meddîn ḫararı eḳall olur, zīrā beden-i raṭbın medde müvāsâtı¹⁷¹ olur. Ve kaḫan medd ḳadr-i lâyıḳtan nokşān üzere

171 “Müvāsāt” muvāfaḳat maʿnâsındır.

olsa kesrin cevdet-i iltiyâmını men' eder. Ve meddin kadr-i lâıyıkdan ziyâde veyâhûd nokşân olduđunun bu mahzûrları kesr ve ĥal'de berâber olur.

Ve kaçan kesr vech-i lâıyık üzere medd olunsa iki şakķ 'azımlerin 'ale'l-is-tikâmet nuşbelerine iştiğâl olunur ve 'alâ-mâ yenbađı refâid ve ribâtât vađ' olunur ve üzerine cebâir ve cebâir üzerlerine dahi ribâtât i'la olunur. Ve vâ-cib olur ki mümkün oldukça 'udv sâkin kılınır velâkin ahyânen taħammülü miķdârı tahrîkinde be's olmaz. Eger âfet-i sâire ve verem yok ise tabî'at-ı 'udv 'ale'd-devâm sükûn ĥasebiyle müstehleke olmasın için ve onlara vâcib olur ki ĥal' ve kesr için medd olundukta icâ'-ı şedidden ĥazer eyleyeler. Ve çok kerre şedd-i şedidden ve ibtâ-i ĥallden ve şedd ve ĥalle kıllet-i ta'ah-hüdden 'udvun mevt ve helâki 'arid olur ve ta'affün edip bi'd-darûre kať olunmađa ĥâcet olur.

Ve 'izâm-ı re'sten mâ-'adâ 'azımlarda vâkı' cibrden ekser-i ĥâlde maťlûb olan düşbüz ihdâsıdır ve 'izâm-ı re'ste düşbüz sâbit olmaz. Ve düşbüz ĥudûsu maťlûb olan mahallerde vâcib olur ki tedbîrinde icâde olunup düşbüzün yâbi-sen veyâhûd miķdâr-ı ĥâcetten kalil veyâhûd ĥalîz ve ĥâcetten ekser ĥudûsun-dan ihtirâz oluna. Ve ma'lûmdur ki 'udvun ihtilâfı ve 'azmına kıyasla kesrin 'izâmı ve şıgarı ve kıllet ve kesreti ĥasebiyle düşbüz ĥudûsu muťteľif olur ve o aķsâmın her birinde işlenmesi lâıyık olan 'ameli tađdiye ve şedd zıkr olunan mahallde eylediđimiz mufaşşalen beyânımızdan sen bilirsin.

Ve vâcib budur ki düşbüzün ĥudûsu katında ĥarekât-ı müz'iceden ve cimâ'dan ve ĥadâbdan ve ĥarrdan ĥazer oluna, zîrâ onların her biri demi terfîķ eder ve kezâlik mevdi'-i ĥârr dahi hecr ve terk olunup mesken-i bâ-rid ihtiyâr olunur ve kâbid olup ĥarâretün-mâsı ve tađriyesi olan ađmide-i kaviyye isti'mâli ile düşbüz ĥudûsuna i'ânet olunur ve o đımâdda ebhel ve cevz-i serv ve keşîrâ ve fetķ edviyeleri kılınır.

Ve 'azm-ı meksûra miķdâr-ı mu'teber incibârı kabûl eylememek 'arid olsa onda kâbil-i bür' olmayan ĥurĥada işlenen ĥakk mişlli işlenir ve onun 'ameli bu vech üzere olur ki o [522b] mevdi'-i meksûr ve 'udv şey'-i mu'teber olmayan lüzûcet-i ĥafife vü da'tife ondan munteĥiye ve müfârıķa olunca kadar iki [yed] ile delk olunur, zîrâ o delk ile 'udv tedeffü' ve tesahĥun eder ve ona dem-i cedîd-i ceyyid mündefi' olur ve o demden düşbüz-i kavî mün'aķid olur.

Ve ba'dı kerre levn-i 'azmın tağayyürü ve 'azmdan kuşûr ve fülûs intişârı hasebleriyle hakk-ı 'azma hâcet olur ve bu mişlli 'azmın üzerine cebire vad' olunmaz ve eger cebr vad'ına hâcet var ise ribât-ı ceyyid isti'mâli ile iktidâ olunur.

Ve kaçan kesr ile cirâhat müctemi'a olsa cirâhate berâ'et hâşıl oldukça cebri müdâfa'a câiz olmaz, zîrâ kable-bür'ü'l-cirâha cebr-i 'azmı taşlıb eder ve 'azmın şalâbeti cebre mâni' olur ve onun cebri şu'ûbet ile ve medd-i şedîd ve ahvâl-i 'azîme ile olur ve ma'a-hâzâ o cirâhat ile evcâc ve evrâm olursa onda haţar olur ve bu şürette cebri terk her ne kadar uđvun i'vicâcına mü'eddî olursa i'vicâc-ı uđv haţar-ı 'azîm hudûşundan hayrlı olmakla onu cebrde mübâlağa olunmamak vâcib olur. Ve eger kesr ile rađd dahi olursa onda te'ekkül-i uđv haţarı olur ve vâcib olur ki mevdi' şart olunup dem ihrâc oluna, zîrâ dem ihrâc olunmasa uđvun mevdi haţarına mü'eddî olur ve eger o kesrde nezf dahi olursa nezfî habs olunmak vâcib olur. Ve ba'dı kerre verem ve âfet-i uhırâ hudûşu havfı kesrde câiz olmayan nesneleri işlemeğe muhtâc kılar, meşelâ o 'alîl faşd ve ishâl olunur ve gıdâsı telţif olunur. Ve ba'dı kerre bi-hasebi's-şedd hikke hadîse olur ve o şedd hâll olunup ruţûbet-i lezzâ'ay tahlîl için mâ-ı hârr ile tenţile hâcet olur.

Ve Bukrât cebr olunanlara emr eyledi ki o vakitte harbağtan bir şey maşş eyleyeler. Ve o emrden ğarađı harbağın mevâddı bâtine cezbidir. Ve Cālînûs harbağ isti'mâlinde havf eyledi ve ğarîkûn şürbüyle emr eyledi ve dedi ki harbağtan bir şey isti'mali gerekli ise sikencebînden bir şey isti'mâl oluna ki onda harbağtan bir kuvvet ola. Ve Cālînûs dedi ki harbağ şerbetiyle Bukrât'ın emri kendi zamânına kıyâsladır. Muşannif der ki Cālînûs'un iki zamân arasını faşl ve tefrîki emr-i 'acîbdir.

Ve kaçan cebri terdîd eylesen¹⁷² ve ba'dehu ona veca' ve çalak hâdiş olsa şavâb olan cebri terk edip mâ-rüddeyi ihrâc eylemek olur, zîrâ ihrâcla ba'dı kerre 'alîl istirâhat eder ve evcâcı noşsân üzere olur.

Ammâ tûlen olan kesre şedîden şedd eylemek kifâyet eder ve onun şeddi sâir kesrlerde olan şedden eşedd kılınıp dâhile ğamzda mübâlağa olunur. Ammâ 'arđan olan kesrde vâcib olur ki iki 'azm ğayet mâ-yümkin 'ale'l-istikâmet takvîm olunur ve eczâ-i selîmenin vad'ı cihetinden ona ri'âyet olunur

172 Cebri terdîdden murâd rabtî hallden sonra yine şeddi olur.

ve nazar olunur ki o iki 'azmdan her biri âhere muhâzî veyâhûd gayr-i muhâzî midir ta'arrûf oluna ve muhâzâtın taḥakkûkundan sonra cebr olunur.

Ve bu eṣnâda biraz eşyâya mürâ'at olunur ve o eşyâdandır şezâyâ ve zevâid ve sülme. Ve eger şezâyâ var ise onun hendâmına mürâ'at olunmasa o şaziyye 'azm-la incibâr beynine ḥâil olur ve kezâlik o şaziyye kesr olunsa 'azm-ı münkesirin iki şefeleri arasında onun küsâresi vâkıf olup eḥadî-hümânın uhrâya lüzûmuna ve lüşûkuna mâni' olur ve maḥall-i mezbûrdan küsâre zâil oldukta beynehümâda kûrḥa bâkıye kalıp mecma'-ı şadîd olur ve cem' olan şadîd o mecma'-da ta'affün edip ba'dehu ta'affün-i 'udva ta'addî eder ve bunlardan mâ-'adâ onda iltizâm veşîk ve muḥkem olmaz, zîrâ vişâkat şezâyânın ve zevâidin muhâzîlerinde ve mukâbillerinde tehendümü ile ḥâşıl olur ve lâzım olur ki o vakitte iki yed ile veyâhûd ḥıbâl ile veyâhûd âlât-ı uhrâ ile cidden şediden temdîd mümkün olduğu miqdârın gayetine varınca kadar ve beyne'l-'azmeyn muhâzât ḥâşıl olup ve zevâyidi muhâzâsinde olan 'udv iltikâm edip cebr şaḥîḥ olunca kadar medd mütemâdî kılınır. Ve kaçan minvâl-i muḥarrer üzere medd olunup muhâzât ḥâşıl olsa şavâb olan budur ki muhâzât-ı şaḥîḥadan sonra medd yesîren yesîren irḥâ oluna ve meyl eylemesin için o hâlde dahi muhâzâta mürâ'at oluna.

Ve kaçan kesr tehendüm eylese ona gerektir ki 'avd edip elin ile tehendüm eden mevdi'e mürâ'at eyleyesin, eger onda nütû' mişli bir nesne bulur isen yedin ile ıslâḥ eyleyesin. Ve bundan sonra 'udvu 'alâ-sükûnihi muḥâfaza eder ribâta ḥâcet olur velâkin gerektir ki ribât şulb olmaya cidden rücû' eylemesin için ve o ribât leyyin dahi olmaya ḥıfzdan zâil olmasın için ve ḥayrî'l-umûri evsâtuḥa maḍmûnu ile 'amelen ribât-ı mu'tedile ile 'amel oluna. Ve vâcib olur ki ribât 'azm-ı meksûrun meylî mevdi'inde eşedd ola ve eger kesr tâmm ise vâcib olur ki küllü cihetin onun şeddi tesviye oluna ve eger cihet-i vâhidede kesr ekber olursa o cihetin şeddi ekber kılına. Ve eger ma'a'l-kesr şezâyâdan ve 'ızâm-ı şığardan bir şey' olup mûlim ve mûci' olursa onu ıslâḥa ta'arruḍ eyle, eger mûlim değil ise ona ta'arruḍ eyleme. Ve eger o 'azmdan ḥaşḥaşe istimâ olunursa onda düşbüz nâbit olup ḥaşḥaşe zâile olmak recâ olunur.

Eger düşbüz ḥudûşundan me'yûs olur isen vâcib olur ki onun emrinde [ihmâl] olunmayıp tedârükü görüle. Ve şezâyâdan laḥma inḥırâk ḥâdiş

olursa o harkı tevsî'e iştiğâl emr-i şavâb değildir, onu tevsî'e a'mâl-i cüh-hâldendir velâkin o şürette vâcib budur ki iki 'azm iki cânibe 'ale'l-istikâ-meti'l-bâliğa bilâ-ıvecc medd olunur; eger o medde ta'vîc olursa fesâd-ı 'azîme mü'eddî olur. Ve kaçan o iki 'azm medd olursa sen o şaziyyeye 'amd edip ve mevdi'ine redd edip şedd eyle; eger reddi mümkün olmazsa hırakı tevsî'e eyleme belki hâcet miqdârı libd ya'nî keçe ihdâr eyle ve onda şaziyye nüfûz edecek miqdârı bir şukbe ihdâs eyle ve o libd üzere cild-i leyyinden libd miqdârı bir cilde terkîb edip libdin şukbesine muvâfık cilde dahi bir şukbe ihdâs eyle ve şaziyyeyi o şukbeden idhâl edip libd ve cilde üzerlerini bir nev' gamz eyle ki onunla cilde ve libd tesseffül eder ve şukbede ilâ-aşlihi 'azm zâhir olur ve ba'dehu minşâr-ı 'amel ile o şaziyyeyi neşr eyle. Ve minşâr-ı 'amel o minşâra derler ki dakîk ve terkîk ve hâdd ola meşşâtinin minşârı gibi. Ve ba'dı kerre ibânesi kaşd olunan şaziyyenin aşlını şukûb-ı mütevâliye ile ahzı murâd olunduğu miqdâr mişkâb ile şakb ederler velâkin o şukbede hâtaradan emn olmaz, zîrâ o 'azmın verâsında ba'dı kerre cism-i kerîm olur velâkin ba'dı kerre ya'nî cism kerîm olmayan mevdi'de âlât-ı hezzâze isti'mâlınden eslem olur o âlâtta tahrîk ve lakı ve kaç olmak hasebiyle. Ve ba'dı kerre ihtiyâl olunup verâ-i 'azmda cism-i kerîm olmak hâtarını def' için mişkâb cevherden bir 'arıda üzere kılınır ve o 'arıda mişkâbı kadr-i mu'ayyenden ziyâde nüfûza mâni' olur ve bu şürette dahi cism-i kerîm olan mevdi'in şaziyyesini ahzda mişkâb isti'mâli âlet-i hezzâze isti'mâlınden eslem olur ve binâen 'aleyh bu bâbda cür'et ve cesâreti olan kimselere vâcib olur ki onların katında meşâkıbdan aşnâf-ı keşîre mu'adde ola. Ve ba'dı kerre şaziyye zâhire olmaz velâkin her ne kadar zuhûr eylemezse dahi onda seyelân-ı şadîd olur ve seyelân-ı şadîdden şaziyyeye istidlâl olunur ve onun 'ilâcî şadîdi tecfif ve hâbs edip ve ba'dehu şaziyyeye vech-i lâyıkkı üzere tedbîr olunmakla olur. Ve eger [523a] şaziyye veyâhûd kıt'a-i 'izâm mütemâyize olup 'adali nahs eylese ve veca'ı dahi olsa şakq olunmak lâbüdd olur ve tedbîr olunup ihrâcî mümkün olanlar ihrâc ve neşri iktidâ edenler neşr olunur.

Ve mütefettit olan 'azm keşîr olursa vâcib olur ki onlar cemî'an ihrâc oluna. Eger 'azm-ı münkesir mütefettit değil ise ve inkılâ' ve inşidâ' mekân-ı keşîri ahz eylese onun ziyâde me'ûf ve muđırr olan mevdi'î kaç olup

bâkîsi terk olunur ve o mikdârı kaçda mađarrat olmaz belki muđırr olan o mevđî-i kesr-i ʿazmı cemʿan kaçda olur.

Mücebbire Veşâyadır

Ve mücebbir olan kimseye vâcibdir ki ʿazm-ı meksûrun meylinde teʿemmül eyleye, zîrâ ʿazm-ı meksûr hangi tarafa meyl eylese o taraf tahaddüb ve taraf-ı hilâfı taқаʿur eder ve o hâl [cihet-i] meyle delâlet eder ve ekşeriyyâ o meyl lems ile dahi maʿlûm olur ve kezâlik cihet-i meylde vecaʿ ziyâde olur ve onda haşhaşe dahi olur ve onlar delâlet edip cihet-i meyli sana bildirir.

Ve kezâlik mücebbire vâcib olur ki fî-küllî hâl mücebbir yedini rıfk ve lutf ile mevđî-i kesre ilâ-fevkin ve ilâ-esfelin imrâr eyleye hattâ onda zevâl ve nütûʿ ve şaziyye var ise onu taʿarrüf eyleye, zîrâ kableʿt-teʿemmül rabt olunsu ve baʿdeʿr-rabt o âfetlerin biri zühûr eylese rabt evvel hâll olunup şâniyen rabta hâcet olunur ve rabt ve hâll-i mezkûrlar feshe veyâhüd vecaʿa müʿeddî olur ve ʿudvun başa ile maḥsûs olan istivâsına mağrûr olmak câiz olmaz mâdemki ʿâkıbet-i tāmme hâşıla oldukça minvâl-i mezkûr üzere te-fahḥuş olunmak vâcib olur, zîrâ baʿdı kerre verem ve kayḥ iʿvicâcdan hafî olur.

Ve kaçan mücebbir teʿemmül edip kesri bir hâl üzere bulsa ki onun ted-bîrinde istikşâ olunmasa ʿudv semâcet ve kubḥ üzere olur ve eger istikşâ olunsu teşennüce ve şaʿbe ḥummâya müʿeddî olur. Bu şürette evlâ olan o mislli kesri ʿalâ-hâlihi terk edip istikşâsına taʿarrud olunmamaktır.

Ve kaçan cebre taʿarrud olunup ʿazm nüfûza ʿişyân eylese vâcib olur ki o ʿazmı maḥalline idḥâl için ʿunf ve kasr olunmaya; eger olunursa ʿudvun ğayr-i müstevî beķâsından aʿzam ʿalîle âfet ʿarîd olur.

Ve eger ʿazm-ı meksûru maḥalline redd ve ıslâḥ vecaʿa müʿeddî olsa velâkin maʿaʿl-vecaʿ ʿazm-ı mezkûru maḥalline redd mümkün olsa onda ʿalîli terfîh ve irâḥa ʿazîme olur.

Ve vâcib olur ki kesri cebre mübâderet eyleyip yevm-i kesrde cebr eyleye, zîrâ müddet-i inkisâr her ne kadar atvel olsa onu mevđîʿine idḥâl ʿusretli olur ve onda âfât dahi ekşer olur ḥuşûşan meksûr olan ʿudvu muṭîf ve muḥîṭ olan ʿađal ve ʿaşab-ı faḥîz gibi keşîr olsa o mislli ʿazmın cebrini teḥîr ziyâde muđırr olur.

Ve vâcib olur ki esbâb-ı incibâr ile ta'cîl-i incibâra mu'âvenet oluna. Ve ba'tı incibârın esbâbının addâdî ta'cîl-i incibâr esbâbı olur ve ta'cîl-i incibâr esbâbının evlâsı dem-i lezici tağzîr ve teksîr olur.

Mecbûrun Nuşbesi Beyânındadır

Cebr olunan 'udvun her birinde vâcib olur ki onun nuşbesi kendiye muvâfık bir nuşbe ola ve o nuşbe veca'ı def' eyleye. Ve her 'udvda evlâ olan nuşbe o 'udvun nuşbe-i tab'îsî olur, meşelâ yedde olan nuşbe tezviye ve ricde medde mâ'il ola ve 'alîlin 'âdeti olan nuşbeyi dahi te'emmül edip o nuşbe ihtiyâr oluna.

Ve a'â-i mecbûreden ta'likî iktidâ edenlerde vâcib olur ki 'ale'l-istivâ ta'lik oluna. Ve hâline 'adem-i ta'lik elyak olanlarda dahi vâcib olur ki bir şey-i müstevî ve va'tı üzere o 'udv müttekî ve müstenid kılın o 'udvun ba'dısı müstenid ve ba'dısı müte'allik olmasın için. Ve her mecbûra ta'lik redî olur ve mâni' olmaz ise mecbûr olan 'udvu fevke ref' muvâfık olur. Ve kaçan [kâdr-i] vâcibden nuşbe-i 'udv râfi' veyâhûd ahfađ olsa 'azm televvî ve ta'avvüc eder 'alâka ve nuşbenin meyli hasebiyle.

Ribâfât ve Refâidin Keyfiyyetleri Beyânındadır

Vâcib budur ki ribâtin hırkası nazîfe ola, zîrâ hırka-i vesîha şulb olmakla icâ' eder. Ve kezâlik o hırka rakîka olmak gerektir hattâ üzerine tılâ olunsâ tahtına nüfûz eyleye. Ve o hırka hafîfe olmak dahi lâzımdır elem-nâk olan 'udva şakîl olmasın için.

Ve vâcib olur ki 'udv-ı meksûrun ribâtı mevdi'-i şahîhten mikdâr-ı mu'teber maḥall ahz eyleye, o mişlli rabt-ı 'udvu zevâlden ađbať ve veşâkati eşedd olur velâkin o dahi ifrât üzere kılınmaz, zîrâ şedd mevdi'-i şahîthe ifrât üzere ta'addî eylese mesâmmât-ı 'udv dayyika olup ona ğidâ nüfûz eylemez. Ve kezâlik bizim şedd-i 'udv bâbında zıkr olunan veşâyâmız 'udv-ı 'alîle munşabbe olan ruṭubâtı şedd, mevâdi'-i ba'ideye 'aşr ve def' ve ona taḥallüb şadedinde olan ruṭubeti taḥallübden men' eylesin içindir.

Ve şedd-i cebrde ribât-ı 'arîd ecved ve elzem olur ve onun ittisâ'ı ḥasbe-mâ yümkin her 'udvda kendiye kıyâsla ekşer kılınır. Ve şadrda imkân-ı ittisâ' yedde ve sâir a'â-i gayr-i 'arîdada olan imkân-ı ittisâ' meblağına

bâlig olmaz, zîrâ'arîda olan şadr mişlli a'ḍâda ıṣābe 'arîda olsa o ıṣābenin intizâmı ḥâsen olmaz belki ḳabîḥ olur, binâen 'aleyh a'ḍâ-i 'arîdanın ıṣābe-si üç işba' veyâḥûd dört işba' 'arḍında kılınır, meşelâ zend ve terküvede o miḳdârdan ekşer ıṣābe'arîda kılınmaz, onlarda ıṣābe-i ḡayr-i daḳîḳ şeddi temekûn olmaz, zîrâ terküvede ıṣābe-i 'arîḍ münşak' olmaz ve o mişllilerin leffleri tekşîr olunur onların keşret-i leffi a'ḍâ-i sāire ıṣābelerinde olan si'â maḳâmına ḳāim olsun için ve leff olunan ıṣābenin 'arḍı üç veyâḥûd dört parmak miḳdârı ve ṭülü üç zîrâ' miḳdârı kılınmak kifāyet eder.

Ve refāid ile ba'dı kerre 'ale'l-lüzûm ribâtâta me'ûnet için istirfād olunur. Ve belki refāid için iki şımf vardır: Eḥadühümâ o rifāedir ki ondan ḡaraḍ 'uḍvda kesr ḥasebiyle ḥadiş olan taḳ'iri tesviye olur ve onun ıṣābe-sinde gerektir ki icthād olunup ıṣābenin tākātı aralarında fūrce terk olunmaya ve onda terākûm-i muḥtelife dahi kılınmaya ve vāḳi' olan fūrcelere ıṣābe ilkām oluna. Ve zıkr olunan iki rifādenin ikincisi budur ki ondan ḡaraḍ şedd olunan ribâtı taḡtiye ve setr ve 'uḍvu sâniyen tesviye olur, zîrâ o rifāde 'ale'l-istivâ ribâtı 'uḍv üzere ilzām eder ve ribât bir mevḍi'de eşedd ve mevḍi'-i âḡerde erḡā olmaz ve cebāiri lüzûm-ı ceyyid ile ilzām eder, pes o iki rifādenin birinin menfa'ati ribâtat ve 'aşâyibe ve ikinci rifādenin menfa'ati cebāire rāci' olur ve ribât-ı esfel mevāddı men' eder ve ribât-ı sâni iltivâyı men' eder.

Ve vâcib olur refāidin tākātı akvâ ribât olduğu mevḍi'de ola ve refāid tedvîr ve leff olunduḡu sâatte mümkün ise 'uḍva terkîb ve vaḍ' oluna ve refāidin 'adedi ribâtâtın 'adedi miḳdârı ola. Ve ba'dı kerre mevḍi' üzere vaḍ' oluna ribâtın ṭülü üzere refāid-i şıḡār vaḍ' olunup üzeri rifāde-i uḡrâ ile taḡşiye ve tesviye olunmaḡa ḥâcet olur.

Ve bir nev' ribât vardır ki ona zâ-vecheyn [523b] ve zâ-re'seyn derler ve onun isti'mâlinin ṭarîḳi budur ki mevḍi'-i 'illet tesviye olunduktan sonra tesviyeyi ḥıfz için vaḍ' olunan ḡurḳanın vasaṭına ve muntaşifına ribât vaḍ' olunur ve iki nişfindan her birisi cihet-i muḡālife tevcîḥ olunur ya'nî bi-ḡasebi'l-vaḍ' yemîne müteveccih olan yesâra ve yesâra müteveccih olan yemîne olunup meşhûr ve ma'rûf olduğu minvâl üzere iki yed ile cem'ân leff olunur ve şöhreti tefsîrinden muḡnî olmakla meşhûr olduğu üzere 'amel olunur.

Tefsîr ve Tafşîl ile Keyfiyyet-i Ribât Zıkr Olunur

Vâcib olur ki mevdi-i meksûrdan rabta bed³ oluna ve ondan 'azmdan meyl olan mevdi rabt olunup mevdi-i meylin şeddi akvâ ve eşedd ola ve hangi kesr eşedd olur [ise] onun rabtı akvâ kılınır ve bi'l-cümle mevdi-i kesr ve mevâdd-ı müctemiası def^c olunmağa muhtâc olan mevdi ve vadının muhâfazasına hâcet olan mevdi ribâtâtı akvâ kılınır ve ribâtlâ teverrûmden emân hâşıl olur ve belki ribât ba'dı kerre teverrûmü hâll eder ve teverrûmden emân ile ta'affün-i 'azmdan emân hâşıl olur velâkin 'azmda muhâza varınca kadar şadîd tevellüd edip muhhu ve 'azmı ifsâd eylese rabt-ı kavînin ona menfa'ati olmaz meger ki o 'azm kesr ve tebyîn ve ta'rîk oluna ya'nî kayhın hurûcuna tarîk ittihâz oluna. Ve bu kabilden olan 'izâm fâsidden himâyeye ahrâ olan cihet-i fevkte olanlardır.¹⁷³ Ve ma'a-hâzâ ba'dı kerre 'udv-ı sâfil dahi fađlını 'âlîye def^c ede eger 'âlî olan 'udva da'if olursa. Ve ribâtât ve cebâiri gıdâ ve demin 'udva vuşûlüne mâni^c olacak meblağ iblâğ olunmak lâıyk olmaz, zîrâ o mertebeye bâliğ olan rabt incibâra mâni^c olur.

Ve Bukrât def^c-i verem kaşd edip rabt eylediği ribâta zeyt-i ünfâk ve sem^c ile müttehz olan kayrûtiyât-ı râdi'a ile i'âne eder. Ve ba'dı ribâtât bi'l-fi'l tebrîde muhtâc olur, veremi def^c ve takviye-i 'udv için havâ ile veyâhüd mâ ile ribât tebrîd olunur ve fûrce olan maħalle kayrûti takrîb olunmaz. Ve ba'dı kerre [takviye] ve tahlîli olanlara hâcet olur zeyt, maşakî, uşşak gibi. Ve bi'l-cümle ribât isti'mâlî hadîs olup veremi olmayan kesr için ise o ribât kettândan ittihâz olunur ve müberrid ve râdi^c kılınır. Ve ba'dı kerre ribâtî mâ ve hâll ile telîh kifâye eder ve ba'dı kerre kayrûti ve bizim zıkr eylediğimiz kayrûti mişli nesneler dahi kifâyet eder.

Ve ba'de'l-verem isti'mâl olunan ribâtın evlâsı sūftan ittihâz olunup veremi muħallil ve müleyyin olan edhâna mağmûs ribât olur. Ve 'alâ-küllî hâl kayrûti vad^c olunan ribât-ı esfel olur ya'nî kayrûti ribâtın fevkine vad^c olunur ve ondan heyecân-ı veca'a emân hadîs olur huşuşan tabîb ona hâll ve rabtında mürâ'ât edip ilzâm üzere olmaya. Ve ribâtât-ı kesrde kayrûti isti'mâlî vâcib olmaz huşuşan kurhası ola, zîrâ ba'dı kerre kayrûti^c udva 'ufûnet celb eder, ona binâen kayrûtiye şarâb-ı esved bedel kılınır.

173 Ve o vakte sâfilde olan azm dahi himâyeye ahrâ olur.

Ve kesr-i muhtelifin ekşerine kûrha şoḥbet eder, ona binâen kesr-i muhteliften kayrûṭî teb'îd olunur ve onda şarâb-ı kâbîd ile iktifâ olunur, onun rifâde-i tavîlesi o şarâbla ıslatılır. Ve biz aṭliye-i kesr için başka bir bâb kılarız.

Ve kaçan rabṭı evvelâ vâcib olan maḥallden rabṭa sen şürûc eylesen onu leffât-ı müte'addide ile sen leff edersin, münkesir olan 'azmın ziyâdesi miḳdârı leffî dahi ziyâde kılarısin ve 'izâm-ı meksûrun nokşânı miḳdârı dahi leffî nâkış kılarısin. Eger verem var ise zâhir ḥasebiyle leffleri ziyâde ve nokşân edersin ve ba'dehu ribâtı o mevdi'e redd edip ba'dehu mevdi'-i şaḥîḥ üzere müstemirr kılarısin ve bu vech üzere şedd olan ribât ribât-ı evveldir. Ve bundan sonra ribât-ı sâniyi ihdâr ve müheyyâ edersin ve kesr üzere iki kerre veyâhûd üç kerre leff edersin ve ba'dehu ribâtı ḳalîlen ḳalîlen irḥâ eyleyerek esfele inzâl edersin. Ve ba'dehu ribât-ı sâlişi ihdâr ve ribât-ı sâni gibi mevdi'-i kesrden bed' edip ḳalîlen ḳalîlen irḥâ edersin lâkin o irḥâ ile ribâtı fevḳ cānibine iş'âd edersin ve bu iki ribât tezâhür edip fevḳ ve taḥtından mevdi'-i kesre mevâddın indifâcına mâni' olurlar ve bi'l-ittihâd 'udvu taḳvîm ederler ve rabṭtan maṭlûb olan hey'et-i tesviyeyi muḥâfaza ederler velâkin esfele ve fevḳe sâlik olan sâni ve sâlis ribâtların şeddi iki cāniblerde teb'îd olunmazlar, zîrâ teb'îd olursa 'udvun 'urûḳu münsedde olup ḡidâyı ḳâbil olmaz belki ba'dı kerre 'udvu müzmin kılar. Ve ba'dı kerre ribât minvâl-i muḥarrer üzere rabṭ olunmaz belki ribât-ı şâ'id ile ibtidâ olunur ve ba'dehu ribât-ı nâzil ona itbâc olunur ve ba'dehu ribât-ı nâzilin esfelinden ibtidâ olunup ribât-ı şâ'idin a'fâsında ḥatm olunur ve bu vech üzere olan ribât-ı sâlis nâzil ve şâ'id olan iki ribâtı ḥıfz eder ve kesr katında şeddini eşedd eder. Ve bir de nev'-i rabṭ dahi vardır ki ondan maṭlûb olan 'udva ḡidâyı cezb olur, ona ribât-ı muḥâlîf derler. Onun şıfatı budur ki taḥt-ı 'udvda olan mevâdi'-i ba'ideden şedde bed' olunup 'udva varınca ḳadar ḳalîlen ḳalîlen irḥâ olunur.

Ve bu zîkr olunan vücûh taḥt-ı cebâirde olan ribâtlar idi, bu maḳâmda biraz ribâtlar dahi vardır ki onlar fevḳe'l-cebâir rabṭ olunur. Fevḳe'l-cebâir rabṭ olunan ribâtâtan ribât-ı a'fâda vâcib budur ki o ribât 'udvu şey'-i vâḥid ve kıṭ'a-ı vâḥid egibi kıla ve eczâları ḥareketi ḳabûl eylemeye ve o ribât iltivâyâ dahi mâni' ola.

Ve eger kesr 'arḍda olup tām̄m ise vācib olur ki onun ribāṭı şedd ve ihāṭada mütesāwī ola. Ve eger ekser-i kesr bir cihette olursa ve o kesr 'uhūn ve vūhūnda ya'c̄nī cevārihte ise vācib olur ki şeddin i'timādı kesri ekser olan mevḍi' üzere kılına ve onun üzerinde olan rabṭın şeklini şeklen-ba'ḍe-şeklin istibdāl vācib olmaz, zīrā istibdāl-i şekl cebrin taḳviyesini ifsād eder. Ve ba'ḍı kerre eşkāl-i muhtelif [ile] şedd-i ribāṭ iltivāya mü'eddī olan veca' irāş eder.

Ve rabṭın şerrlisi rabṭ-ı müşennicdir ki eger rabṭ olursa teşennüc ihḍāş eder ve eger irḥā olursa 'uḍvu ta'vīc eder.

Ve ribāṭı bir gün ḥall edip ve bir gün ḥall etmemeği Buḳrāt taşvīb eder, zīrā bu mislli bir gün ḥall edip ve bir gün terk-i ḥall ile 'alīle necāt ve ḍac-retten emn ḥāşıl olur ve beher yevm ḥall gibi 'uḍv-ı 'alīl ile 'abeşe ve ruṭūbet-i raḳīka-i mūziyenin 'uḍva indifāndan ve ba'ḍı kerre o ruṭūbetin şadīde istihālesinden ḥādişe olan ḥikkeyi ḥakke ihtiyācından emn olur.

Ve cevdet-i ribāṭa mūrā'ata ve şerāyiṭ-i mezkūresini muḥāfazaya vācib olan evḳāttan ziyāde ihtimām olunacak vāḳt eyyām-ı 'aşerenin ba'ḍı ve 'iş-rīnin nevāḥisi olur, zīrā o günlerde lāḥim olan düşbüz ḥudūsa bed' eder ve şerāyiṭ-i mezkūreye o günlerde ke-mā yenbaḡi mūrā'at olunmasa o ribāṭ düşbüzün 'azma lüzūmunu men' eder ve cidden müştedd olmaz ve mevḍi'-i şedd düşbüz inbātından i'ṣād eder düşbüz ḍaḡṭ eylemesin için ve nābit olursa dahi iltihām-ı tām̄m olacak kadar nābit olmaz belki ḍa'ṭfen ve raḳīkan ḥādiş olur velākin düşbüz ḳadr-i ḥācet miḳḍarı tekevvün edip ḥācetten ziyāde nemā üzere iken o zamān ribāṭın şerāyiṭ-i mezkūresine ihmāl olunmakta keşiren be's olmaz maṭlūb ḥāşıl olunduktan sonra ancak nemā-i müfriṭ men' olunmakla. Ve ḳavābıḍ isti'mālī dahi düşbüze [524a] māni' olur, ḳavābıḍ ḡıḍāyı men' eder veyāḥūd düşbüzü şedd etmekle ona vāşıl olan ḡıḍā nüfūz eylemez. Ve kezālik mevāni'-i düşbüzün biri dahi bi-ḡayr-i vāḳt 'alīle irāḥa ve ribāṭını 'afv eylemek olur.

Cebāir Keyfiyeti Beyānındadır

Vācib olur ki ittiḥāz olunan cebīrenin cevheri şulb olup şalābetine lū-dūnet ve līni cāmi' ola, ḳanā ve ḥaşeb diflā ve ḥaşeb-i rummān ve o mislli aḥşāb gibi. Ve vācib olur ki cebīrenin aḡlaz-ı mevāḍi' kesrin iki cānib-

lerinden kesre mülākī olan maḥalleri ola, zīrā vācib olur ki kesr cānibine veyāḥūd kesr ekşer ve eşedd olan cānibe evvelā ḡalīz cebīre vaḍʿ oluna ve bākī cevānibin cebīresi edaḳḳ kılına ve kesre ʿusr ve meşakḳat işābet eylesin için cebīrenin etrāfı mümellese ola ve rabṭı vaṭīʿ ve mülāyim ola.

Ve cebāir cevānib-i erbaʿaya cemīʿan vaḍʿ olunmak aḥvaṭ olur. Ve cebīrede faḍl-ı ṭūl olur ise beʿs olmaz, zīrā faḍl-ı ṭūlü olan cebīrede maḍarrat ve ḥüsran yoktur ve kezālîk cebīreyi mafşalın ḳurbünden mafşal-ı āḥere varınca ḳadar şedd edip mafşalı taḡşîye etmekle ve cebīre ile şedd eylemekte ḥüsran yoktur. Ve ʿuḍvun meylinin ḥareketi hangi cānibe ise o cānibin cebīresi aḡlaz kılınır velākin ʿuḍva şakīl olup ʿuḍvu şedīden ḡamz ve ḍaḡṭ etmek mertebesine iblāḡ olunmaz ve ribāṭāt-ı cebāirden noḳşān dahi kılınmaz, zīrā keşīren noḳşān kılınsa cebāir müzāḥame eder ve ḡammāze olur. Ve bu mezkûrlardan bir nesne rüpyet eylesen onu ʿitidāl üzere kılmaḡa meyl eyle. Ve cebīre keşīrūʾl-ıṛḳ olup ʿaşabānī ve ʿazmī ve laḥmdan ʿārī olan mevḳīʿe mülākī kılınmaz.

Tefsīr [ve] Tafşīl Üzere Cebāirin Keyfiyyātı Beyānındadır

Cebāir vaḍʿının vācib olduḡu vaḳt beş gün veyāḥūd ekşer eyyām mürûrundan sonra olan vaḳttir vaḍʿ-ı cebāir ḥasebiyle āfāt ḥudûşundan emn ḥāşıl olunca ḳadar cebāir teḥḥīr olunur ve her ne ḳadar ʿuḍv kebīr olsa o miḳḍār vaḍʿ-ı cebāyir baṭīʿ kılınır. Ve çok kerre vaḍʿ-ı cebāirde istiʿcāl olursa evrām ve ḥikke ve nüfāṭāta teʿeddī eder velākin cebāir teḥḥīr olundukta vācib olur ki cebīre maḳāmına ḳāim olan rabṭ ve ʿaşāyibde ve nuşbede cevdet ola ve o rabṭ ve nuşbede cevdet mümkün olmazsa her ne ḳadar evvel-i emrde olursa vaḍʿ-ı cebāirden lābüdd olur.

Ve vācib olur ki cebāir ribāṭāt ve refāide bir vech üzere ilzām oluna ki ḍābiṭ ve müstevī ve munṭabık ve mühendem ola ve aḡlazı cānib-i kesrde ola ve şedīden ḡamz eylemeye belki şeddi yesīren yesīren ziyāde kılına ve o şedd ʿalīlin nefsinı tecribesiyle ola. Eger ribāṭāt ve refāid cebāiri ihāṭa ederse onların kendi ve leffātı ziyāde kılınmaz, zīrā ihāṭa ṭarīḳiyle olan rabṭ ve lefāif rıḥv olur.

Ve vācib olur ki cebāir üzere ribāṭ-ı ʿālī şedd olundukta cebīre iltivāsına ve vaḍʿ hendāmını izāleye müʿeddī olan şedd ile rabṭ olunmaya. Ve vācib

olur ki cebîre evâil-i vâd'da vâkt-i dârurette her iki günde bir def'a def'-i dâruret için hâll oluna ve eger dâruret yok ise o hâlle dahi mesâğ olmaz ve huşûşan hikkesi olursa o iki günde bir kerre hîll olunur ve bizim zîkr eylediğimiz işlenir. Ve kaçan o şedden yedi gün mürûr eylese onun hâllini ibtâ' edersin, dört ve beş günde bir kerre hâll edersin, zîrâ ba'de'l-yevmi's-sâbi' hikke ve verem hudûsundan emân hâşıl olur ve o vâkte ribât dahi kâlilen kâlilen irhâ olunur nüfûzu gıdâya mâni' olmasın için. Eger cebâiri bilâ-hâll imsâk edip velev ilâ-işrîn hâll eylememek mümkün olursa ve o müddet-i tavilede 'adem-i hâlle ma'darrat terettüb eylemezse cebâiri hâll eylemez velâkin sebep-i zâhir yok iken ba'dı kerre hâll eder, o hâll ihtiyât için ve mekşûfen 'udva nâzar ve hâline ittılâ' ve vukûf için ve o nâzar ile lahmın levni ve hâli müteğayyirler olduğunu veyâhûd gayr-i müteğayyir olduğunu ta'arrûf edip mukte'dâsınca 'amel eder.

Ve bundan âkdem senin ma'lûmun oldu ki kesre gıdânın vuşûlüne mâni' olacak miqdârı şeddi teşdîd eylememek vâcib olur, zîrâ kesrin incibârı gâzâret-ı dem ile ve 'udva vâşıl gıdâ-i kavî ile olur. Ve sen her ne miqdâr kesrin incibârını rü'yet edersen dahi cebâiri ref' ve tarhta isti'câl eyleme, zîrâ düşbüz-i gayr-i müstahkemden dahi ba'dı kerre iltişâk olup cebâiri ref' ve tarh isti'câl üzere oldukta 'udvun i'vicâcına mü'eddî olur. Ve 'udv üzere cebâiri ba'de'l-istignâ ibkâ eylemek kable'l-istignâ tarh-ı cebâirden evlâ ve ahrâ olup binâen 'aleyh sana gerektir ki isti'câl eylemeyip tarh-ı cebâiri te'hîr eylesin.

Cirâhâti Olan Kesr Beyânındadır

Kaçan bir 'udvda kesr ile cirâhat cem' olsa mücebbire gerektir ki rifk eyleyip şediden cebr eylemeye ve cebîreyi mevdi'-i cirâhatten teb'id eylemeye ve cirâhat üzere merâhim-i lâyıka vâd' eyleye ve huşûşan ziftî olan merhem vâd' eyleye. Ve bir kavm emr eyledi ki cürhün iki cânibinden şedîd edip cürhü mekşûfen terk eylemeyeler ve onların bu makâli hasen olur eger cirâhat mevdi'-i kesrde olmazsa. Ve mevdi'-i cirâhât terk olunup cebîre şedd olunmazsa vâcib olur ki cirâhat üzere havâdan setr eylesin için bir şey' vâd' olunur. Ve eger cirâhat kesr üzere ise vâcib olur ki ihtiyâl oluna ve şeddi teşdîdi bi-hîletin ola ve cirâhatın iki cânibinde şedd şedîd ola ve

nefs-i cirâhat hey'et-i muvâfıka üzere ve yesîren muhallâ ola ve onun refâi-di şarâb-ı 'afîş ile ıslatıla. Ve bu hîlenin 'ameli bu vech üzere olur ki ribâtın tarafı cürhün şefesine vađ olunur ve verâb üzere half cânibine getirilir ve ribât-ı âhere dahi şefe-i uhrâ-i sâfileye vađ olunur ve ba'dehu sâir rabt 'alâ-mâ yenbağî itmâm olunur ve sonra tevrîb olunur hattâ bu minvâl üzere şedd ile taraflar müstevsîk ve nefsi cürh meftûh ve taraflara kıyâs ile veşâkati kâlîl olur ve onda bir ribât-ı 'âlî ve bir ribât-ı nâzil olup mevdi'-i kesr üzere şedd-i şedîd vâkı' olur ve cürh meftûhan gayr-i müvassak bâkî kalır ve bir vech üzere olur ki her kaçan mevdi'-i cürhü feth murâd eylesen keşf olunur.

Ve senin için cirâhate muhâzî cebîre üzere bir şukbe kılmak câiz olur cirâhat için vađ olunan cirâhat edviyesi cirâhat vâsıl olsun için ve o şukbeden şadîdi ihrâc dahi mümkün olsun için. Ve o şukbe bir vech üzere ola ki ba'de-zâlike'l-'amel onu setr mümkün ola, zîrâ cürhü mekşûfen terk eylemek redî olur huşûşan zamân-ı berdde redâ'et ziyâde olur.

Ve ancak cürhle olan kesrde vâcib olan cürh dağt olunmamaktır, ammâ cürhü mekşûf kılmak vâcib ve belki câiz değildir ve gece ile mülessem kılınır ya'nî cürhün üzeri örtülür. Ve kaçan bu tedbîr üzere cürh şahîh olsa eger cürhün berâ'etine intizâr hasebiyle cebâir vađ'ını te'hîr eyledin ise o zamân cebîreyi vađ edersin ve eger kable'l-bür' cebîre vađ edip mevdi'-i cirâhati bilâ-cebîre terk eyledin ise ba'de'l-bür' o mevdi'e dahi cebîre vađ edersin. Ve cürhün üzerinde olan gîta bir vech üzere kılınır ki onu gudveten ve 'aşıyyeten vakt vakt keşf kaşd olursa keşf olunup cirâhatin 'ilâc-ı hâşşî isti'mâl olunmak mümkün ola ve onu keşf için kesr-i ribâtını halle hâcet olmaya.

Ve Bukrât dedi ki eger cirâhat-i kesr tarî ise [524b] cirâhat ribât-ı kesrin vasa'tından rabt olunmak lâıyk olur. Eger cirâhat müte'kâdim ve müte'kayyih olduysa ve te'kayyuhu ba'de'n-nu'dc ise ribât-ı kesrin fevkinde cirâhat rabtına bed' [olunur, vasa'ta] varınca kadar rabt olunur. Ve ceyyid olan budur ki ribâtâtan cürhü vely eden ribâtâtın şeddi ve huşûşan ribât-ı fevkanînin şeddi eşedd ola cirâhati tesyîle temkîn olsun için velâkin rabtın şiddeti 'udvun ihtimâli miqdâr kılınâ. Ve ribât cürhten ba'd oldukça rabt telyîn olunur. Ve eger kûrhada gavr-ı şedîd var ise mekân-ı gavra ribât şiddet üzere rabt olunur, eger rabt-ı şedîd mevdi'-i cebr muvâfık olursa gârađ hâşıl olur ve

eger muvâfık olmazsa cürh mürûr eden vech üzere rabt olunur. Ve kaçan ribât mevdi-i kesre bâliğ ise kezâlik ribât teşdîd olunur. Ve vâcib olur ki o uđvun nuşbesi cirâhatte müctemi olan kayhı isâleyi teshîl eyleye.

Ve vâcib olur ki cirâhati muhîf olan ribâtât faşl-ı şayfta müberred kılına hudûs ve remyi men' de mu'ın olsun için. Ve mevdi-i cirâhate kayrûfî takrîb olunmaya huşuşan eyyâm-ı şayfta elbette takrîb olunmaya, zîrâ takrîb olursa ba'dı kerre uđvda ufûnet ihdâs eder belki o mişli uđvda râdi'e hâcet olursa bundan akdem bizim beyân eylediğimiz üzere şarâb-ı kâbîd ile red olunur.

Ve eger ma'a'l-kesr rađd olursa uđvun mevtinden havf olunur, şarta hâcet olur.

'Ale'l-icmâl ma'lûm ola ki cürh müstahkemen rabt olursa nevâzili nüzûlden def ve men eder ve eger rabtta haâ olursa verem ihdâs eder ve huşuşan mevdi irhâ üzere rabt olunur, havâlîsi şedd olursa. O şürette eger onda menfez ve mekşef olmayıp onda olan şadîd hârice seyelân eylemese ve devâyı muvâfık dahi ona vâsıl olmasa bu hâl üzere olan uđv-ı meksûrun cirâhati mekşûfeten terk olunur ise o cirâhat ta'affûn eder ve teberrüd dahi edip uđvun mevtine ve evcâ'a ve hummayât hudûsuna te'eddî eder. Ve tabîbe hâcet olur ki onda bir şey ve bir iş işleye ki mütevassıtu'l-hâl ola şedd ve irhâ ve setr ve keşf arasında bir nesne ola ve ondan dahi hâdis olana nazar ve murâkabe kable-istihkâmihi tedârükünü rü'yet eyleye.

**Kesr-i 'Aşm Beyânındadır Ya'nî 'Uđv-ı Meksûr Terk-i Tedbîr
Olunmakla Veyâhûd Mücebbirin Haâsı ile Eğri ve Mu'vecen
Mültehim Olup Müceddeden Onu Kesr Edip Mevdi'ine Reddin
Tedbîri Beyânındadır**

Muşannif [der ki] ba'dı kerre uđv-ı meksûr lâ-'alâ-vâcibihi cebr olunur ve hâcet olur ki o uđv tekrâr kesr oluna, bu şürette mücebbire vâcib olur ki o uđv-ı mu'vecen üzerinde nâbit olan düşbüzün hâlini ta'arrûf eyleye, eger düşbüz 'azîm ve kavî ise onu sâniyen kesre ta'arrûd eylemeye, eger ta'arrûd ederse ba'dı kerre onun kesri evvelâ meksûr olan mevdi'ine müşâdif olmaz düşbüz-i nâbitin 'ızamı ve kuvveti hasebiyle ve o 'azm mevdi-i âherden münkesir olup kesre keşret terettüb eder ve keşret-i kesrin fesâdı uđvun i'vicacı fesâdından ekşer olur.

Ve eger kesr-i ‘aşma hâcet müştette olursa vâcib olur ki kesrden muḳaddem düşbüz telyîn olunup müsterḫî kılına ve onun müleyyinâtı şalâbât bâbında zıkr olunan edviye-i müleyyinedir. Ve bu maḳâmda müsta‘mel olan elye cildesi ve elyenin kendi ve temr ve ‘aker-i edhân aşnâfı ve ihâlât ve mihâh ve ḥabbu’l-kuṭn lübâbı ve o mişlillerdir. Ve bu mezkûrlar ile düşbüz telyîn olunduktan sonra ‘azm kesr olunur ve ma‘a-zâlik mâ-ı ḥârr ile ‘ale’d-devâm tenṭil olunur, beher yevm âbzene mirâren idḥâl olunur. Ve eger onların nef‘i olmaz ise ve tecrîbe ve tahrîk o düşbüzün veşâkatına delâlet ederse vâcib olur ki laḥm şerḥ oluna, ḥakk ile düşbüze vehn vermeḡe şalâhiyyet gelecek miḳdâr keşf olunur ve ba‘dehu ‘azm kesr olunup mevdi‘ine redd ve tesviye olunduktan sonra cebr olunur ve cürḥ ‘ilâcıyla mu‘alece olunur. Ve ba‘dı kerre kesr ‘aşm bilâ-kesr mu‘alece olunur ve o mu‘alece budur ki düşbüz zıkr olunan müleyyinât ile telyîn olunur ve ba‘dehu def‘ ile ve vaḍ-ı cebâir ile ‘uḍv tesviye olunur ve o tesviye ile kesr tehendüm edip müstevî olur ve o istivâ muḥâfaza olunursa düşbüz dahi müstevî olur ve o kesre o düşbüz kifâyet eder ve bilâ-kesr-i cedîd vech-i mezkûr üzere olan mu‘alece ebdân-ı raṭbede sühûletli olur.

Ve O Mecerâya Cârî Olanların Aṭliyesidir: Ve onlarda müsta‘mel olan aṭliyenin kimisi def‘-i verem ve ıslâh-ı ḥikke için ve kimisi düşbüzü taşlîb ve taḡdiye için ve kimisi düşbüz-i ‘azîmi ta‘dîl için ve kimisi dahi ba‘de’l-cebr ḥâdiş olan şalâbeti izâle için ve kimisi dahi mefâşılâ vâkı‘ olan istirḫâyı izâle için isti‘mâl olunur.

Aṭliye-i Mânî‘a ve Mânî‘a Mecerâsına Cârîye Ḥikkeyi Muşlîha Olan Aṭliye Beyânındadır

Bu bâbda lâzım ve müsta‘mel olan aṭliyeye bâbu’r-rabṭta biz işâret eyledik ve ḳayrûṭıyâtı ve şarâb-ı ‘aṭîş ile müsta‘mel olacak neṭûlâtı ve o mişlilleri dahi zıkr eyledik. Ve bu maḳâmda mu‘âvede edip şimdiki hâlde biz deriz ki bu bâbda isti‘mâl olunan ḳayrûṭî ve sâir devâlardan dahi isti‘mâle lâyıḳ budur ki onda bi-vechin mine’l-vücûḥ ḥuşûnet olmaya belki mümkün olduğu miḳdâr esles ve elyen ola. Ve ‘ufûnet ḥavf olunan mevâdi‘de ve kezâlik kesri keşir olanlarda ḳayrûṭî isti‘mâlî câiz olmaz, zîrâ kesri keşir olan ‘uḍv ‘ufûnete müsta‘idd ve müheyyâ olur ekşer-i hâlde keşirü’l-inkisar

olan ʿuḍvda kırıḡa olmakla. Ammā miyāh-ı hārre ve o miyāhı şabb bundan aḡdem biz onlarda tekellüm eyledik ve biz sana taʿrîf edip bildirdik ki onun fâidesi hıkke icâb eden mevâddı taḡlîl ve mevâdd-ı ġıdâiyyeyi cezbdır. Ve kaçan şedd ile ʿuḍv kırıḡ olsa ve cidden cefâf ʿârıḡ olsa o zamân dahi mâ-ı hārri istiʿmâline hâcet olur ve meblaġ-ı maʿlûmdur yaʿnî mâ-ı hārri ile tenṡîlin defeʿâtı senin bundan aḡdem maʿlûmudur.

Taşlîb-i Düşbüz İçin İstiʿmâl Olunan Aṡliye Beyânındadır

Bu bâbda nâfiʿa olan eşyâ-i laṡîfe olan neṡûlât-ı kâbıḡadır ve o aḡmidedir ki onlara müşâbih ola ṡabîḡ-i âs ve dühn-i âs gibi. Ve dühne hâcet varsa dühn-i ḡınnâ istiʿmâl olunur ve varak-ı âs ve ḡabb-ı âs suyu ile ṡılâ olunur ve şecer-i karaz ṡabîḡiyle ve aṡl-ı derdâr ṡabîḡiyle ve varak-ı derdâr ṡabîḡiyle ṡılâ olunur bu mezkûrlar mülaḡḡim-i muşallib olmakla. Ve mâşdan mütteḡaz olan ḡımâd ceyyid olur ḡuşuşan onunla zaʿferân ve mürr cemʿ ve ḡalt olup şarâb-ı reyḡânî ile maʿcûn kılına. Ve kuşûr-ı ṡalʿ dahi ceyyid olur.

Taʿdîl-i Düşbüz Tedbîri Beyânındadır

Düşbüzüñ evvel-i nebâtında ve ṡarâveti vâḡtinde kavâbıḡ-ı mezkûre nâfiʿ olur, zîrâ o kavâbıḡ düşbüzü cemʿ ve şedd eder ve ḡacmini taşġîr eder. Ammâ o vâḡtten sonra düşbüz ifrâṡ üzere olsa ve ḡuşuşan kurb-ı mafşalda ifrâṡ üzere ʿazîm olsa vâcib olur ki o mevḡḡi şakḡ olup düşbüz ḡakk olunmakla taʿdîl oluna. Ve cemîʿan bu mezkûrların zikri mürûr eyledi.

Edviye-i Müleyyine Beyânındadır

Ve kaçan telyîn-i düşbüz kaşḡ olursa vâcib olur ki ona bedʿ olup evvelâ mâ-ı hārri ile [525a] tenṡîl oluna ve baʿdehu üzerine o aḡmide-i müleyyine ve merûḡât-ı müleyyine istiʿmâl oluna ki onlar elʿibe ve şumûġ ve şuḡûm ve edḡândan mütteḡaz ola ve onların aḡlâṡına ḡall-i ḡazıḡ kılınırsa devâ aġvaş olur. Ve istiʿmâli onlara karîb olan edviyeden olur temr ve elye ve şîrec istiʿmâli, zîrâ bunlar ḡımâd-ı ceyyid-i ḡafîf olur. Ve kezâlik nâfiʿ olur ḡabb-ı ḡırvaʿ ṡabîḡi aḡz ve meḡḡuzun nıṡfı mikḡdâr semne ve rubuʿu mikḡdârı ʿasele ḡalt olup istiʿmâl olunsun. Ve baʿḡı kerre onun

emrine bu kayrûti kifâyet eder, o kayrûti budur: Dühn-i süsen yalnız ahz olunup ondan kayrûti ittiḥâz olunur. Ve baḍı kerre saḳîrûs bâbında zıkr olunan cemî'an müleyyinât ile ona isti'âne olunur. Ve eger mizâcın berde istihâlesini iḥsâs edersen onun devâsında cünd-i bîdester ve sekbîne ve cāvşîr ziyâde kılınır.

Devâ-i Ceyyid: Dühn-i kettân dürdü ve dühn-i şîrec dürdü ve lebende maṭbûḥ ḥulbe ve ihâl-i elye bu mezkûrlardan devâ ittiḥâz olunup isti'mâl olunur. Ve kezâlik uşûl-i ḥaṭmî ve uşûl-i kıssâu'l-ḥımâr ve muḳl ve uşşâk isti'mâl olunur ve cāvşîr ḥall-i şikkîfte ḥall olunup tılâ olunur ve merhem-i 'acî dahi ceyyiddir.

Devâ-i Ceyyid-i Âḥer: Lu'âb-ı ḥulbe, bezr-i kettân, lu'âb-ı kıssâ-i ḥımâr, uşşâk, lâden, zûfâ-i raṭb, dühn-i süsen, şaḥm-ı baṭṭ, muḳl-i leyyin, bârzed-i ḥâlîş, muḥḥ-i 'icl ahz olunup onlardan merhem ittiḥâz olunduktan sonra isti'mâl olunur.

Âḥer: Zeyt-i 'atîḳ-i kavî iki rıtl, dühn-i süsen nısf rıtl, mey'a-i sâile rubu' rıtl, şem'-i aşfer nısf rıtl, 'ilk-i buṭm iki ūḳıyye, ferfiyûn iki ūḳıyye, 'izâm-ı iyyel muḥḥu dört ūḳıyye; bu mezkûrlardan merhem ittiḥâz olunur

Cebrden Hâdis Olan Şalâbet-i Mefâsılda Müsta'mel Merhem-i Ceyyiddir: Uşşâk bir cüz', muḳl-i yehûd nısf cüz', lâden yarım cüz', dühn-i ḥınnâ, şaḥm-ı baṭṭ her birinden rubu' cüz'; bu aḥlâtın şumûḡu izâbe olunup cemî'an ḥalt olunur.

Merhem-i Ceyyid: Uşşâk altı ve iki sülûş ve o miḳdâr şem'-i aşfer, şaḡ-ı buṭm, muḳl, kınne her birinden sekizer ūḳıyye, dühn-i ḥınnâ dört ūḳıyye. Şumûḡ-ı mezkûre ḥallde idâfe olunup saḥḳ olunur ve baḍdehu dühn-i süsen ile memsûḥ olan hâvende cem' olunur ve o hâven dühn-i süsen ile memsûḥ olduḡu gibi destecesi dahi o dühn ile memsûḥ kılınır ve ğudde mânendi hâdis olan ta'aḳḳuda ğudde bâbında zıkr olunan edviye ile 'ilâc olunur o ta'aḳḳud hangi mevdi'de zuhûr ederse eylesin ve onda bu mevdi'de zıkr olunan merhem dahi isti'mâl olunur ve eger nâfi' olmazsa cünd-i bîdeste, r ḥur'-ı ḥamâm, kuşt, ḥardal ḍimâden isti'mâl olunur ve nef'i ġâyete bâliḡ olur.

Müleyyin-i Ceyyid: Dühn-i süsen 'akeri bir ūḳıyye, 'aker-i bezr bir ūḳıyye, mey'a-i leyyine, kınne, cāvşîr, uşşâk her birinden nısf ūḳıyye, muḳl-i

leyyin bir ūkıyye, şaḥm-i dübb veyāḥūd şaḥm-ı baṭṭ veyāḥūd decāc veyāḥūd hınzır şaḥmı iki ūkıyye; bu mecmū^c aḥz olunup ondan merhem ittiḥāz olunur. Muşannif der ki fuḳahā-ı Dāvūdiyye¹⁷⁴ tedāwī için şaḥm-ı hınzır ile tedavīyi tecvīz ederler.

Müsterhî Olan Düşbüzü Takviye Eden Eşyâ Beyânındadır

‘Îlâc-ı istirḥâda i’timâd kavâbıd-ı laṭıfeye olur ebhel ve serv ve onlar gibi veyāḥūd i’timâd kavâbıd-ı keşıfeye olur ve ona za‘ferân ve dâr-ı şînî ve mürr ḥalṭ olunur. Ve râren cidden ceyyiddir ḥuşūşan onunla vecc ṭabḥ olmuş ola. Ve remâd-ı kerm şaḥm-ı ‘atıḳ ile ve kuşūr-ı ṭal^c ve taşlīb-i düşbüzede zıkr olunanlar cemī‘an nâfi^c olur.

Mâ-ı Ḥârr ve Dühn İstī‘mâli Beyânındadır

Ma‘lûm ola ki mâ-ı ḥârr ve dühn isti‘mâl olunmağa cebr katında şâlih olmazlar, zîrâ onlar cebri men^c ederler lâkin cebrden muḳaddem isti‘mâle şâlihlerdir, zîrâ onlar ‘azmı incibâra müheyyâ ederler ve onlar ba‘de’l-incibâr dahi isti‘mâle şâlih olurlar, zîrâ ba‘de’l-incibâr bâḳî kalan veremi onlar taḥlîl ederler ve kezâlik o şalâbeti ve düşbüzü ve yübsü taḥlîl ederler ki onları şedd olunan ribâṭât a‘şâba îrâs etmiş ola ve a‘şâbda o ‘avârıd mevcûde iken sühûlet-i hareket müntefî ola. Ve kaçan o mişlli a‘râdı olan kimse mâ-ı ḥârr ve edhân ve şuhûm ve miḥāḥ isti‘mâl eyleseler o âfâtı tedârük ederler, ammâ beynehümâda ya‘nî vakt-i incibârda mâ-ı ḥârr ve dühn mâni^c-i iltihâm olurlar.

Ve vakt-i incibârda ba‘dı kerre mâ-ı ḥârr ve edhân eṭfâlde ve sinn-i ṭufûliyyete qarīb olanlarda isti‘mâl olunur mâ-‘adâda isti‘mâlleri câiz olmaz ve eṭfâlde isti‘mâli dahi o ḥâlde câiz olur ki onlara vaḍ^c olunan ḍımâd tecfîf edip icâc eyleye. Ve mevḍi^c-i veca^c tedhîne muḥtâc ola, o vakte tedhîn olunurlar ve üzerine refâid vaḍ^c olunduktan cebr olunur. Ammâ veca‘ın sükûnu katında eṭfâlde dahi dühn isti‘mâline ruḥşat verilmez.

174 Dāvūd b. Alî b. Ḥalef aşḥâb-ı Zâhir imâmıdır. Aşlı İşfahânıdan ve mevlidi Kûfe ve neş’eti Bağdâdıdır. İki yüz otuzda tevellüd edip iki yüz doksan ramadânında vefât eylemiştir. Onlar edille-i erba‘adan kıyâs delîl idiğini inkâr ederler. Onun bâḳî aḥvâli Nevevînin *Tehzîbü’l-Esmâi* ve *’l-Lügât* kitabında mufaşşaldır.

Ve ba'ḍı kerre ḥall-i ribât katında eṭibbâ mâ-ı ḥârrı isti'mâl ederler ve ondan menfa'at iltimâs ederler. Ve mâ-ı ḥârr uḍva mādde-i ğıdâiyyeyi cezb ederler ve lâıyık olur ki o vâkte isti'mâl olunan mâ ḥarâret ve bürûdette 'alîle kıyâsla mu'tedil ola, zîrâ cidden ḥârr olan mâyı isti'mâl cezb eylediği mādleden ekşer naķı olan bedeni taḥlîl eder ḥuşuşan zamân-ı ṭavîl şabb oluna ve beden-i mümteli'den māddeyi miķdâr-ı vâcibden ziyâde cezb eder ḥuşuşan müddet-i şabb kaşîre ola, pes vâcib olur ki bu bâbda isti'mâl olunan suyun ḥarâreti i'tidâle mâile ola ve zamân-ı şabbı dahi uḍvun intifâhı ve nemâsı zamânı miķdâr olup uḍvda ḍumûr ihdâs edecek miķdârı mütemâdî olmaya. Ve biz bâbu'l-ḥal' de aḥkâm-ı tenṭilden biraz hükmler zıkr eyledik ki bu mevḍi'de dahi onlarda te'emmül eylemek vâcib olur.

Muşannif der ki bana eḥabb olan budur ki eğer maḥall-i mecbûrda veca' yok ise ona dühn ve mâ-ı ḥârr elbette taķrîb olunmaz. Ve ḳable'l-cebr cebr isti'dâd ḥâşıl olsun için taķrîb olunan mâ-ı ḥârrdan ğayrı zamân-ı cebrde onları taķrîb ihtiyâtan terk olunur ve kezâlik vesy ve raḍd-ı cebr olunup mefâşıl üzere cebr ḥasebiyle ḥâdiş olan şalâbeti telyîn için temr ve elye ile taḍmîd olunur.

Mecbûru Taġdiye ve Saķy Beyânındadır

Vâcib olur ki onun ğıdâsı şehîn-i lezic olan demi müvellid olan aġdiye ola ve şehîn-i yâbis dem tevlîd eylemeye, zîrâ düşbüz-i ledn ü kavî dem-i şehîn ü lezicden tekevvün eder, ammâ şehîn ve yâbişten tekevvün eden düşbüz ḍa'îf ve mükesser olur. Ve şehîn ve lezic dem tevlîd eden aġdiye ekari' ve herîse ve buṭûn ve rûûs ve cedy ve ḥamel cildleri maṭbûḥları ve o mişlli nesneler ve şarâb-ı ğalîz-i kâbîḍ olur ve buķûlden o mişlli olan aġdiye şâh-bellût ve bilâ-ḥiddet olan lübûb olur. Ve demi terfîķ ve teşḥîn edip in'ikâddan teb'îd eden şarâb-ı raķîķ ve cidden mütevebbele olan eşyâdan onlar ictinâb ederler. Ve'l-ḥâşıl onun 'inâyet ve kaşdı taġlîz-i deme olur lâkin o maḥallde cirâḥat mişlli nesneler olup telṭîf-i ğıdâya ḥâcet olursa cirâḥatin şıġarı ve kiberi ḥasebiyle ve ḥudûs-ı elem ḥavfıyla ğıdâsı telṭîf olunur, ammâ o mevâni' olmadıkta ğıdâda ve şarâbda tevsî' olunur.

Ve cebâir vaḍ'ında ihtiyâta muḥabbet edenlere gerektir ki ğıdâya telṭîf-i aġdiye ile bed' eyleye verem ḥudûşundan emn ḥâşıl olunca ḳadar ve kezâ-

lik evvelâ faşd [525b] ve ishâl edip kılâil-i eyyâmdan sonra cebri isti'mâl eyleye ve kezâlik düşbüz ifrât üzere nâbiğ olsa onu men' için gıdâ tağlîzini terk eyleye.

Elvân-ı Ağdıyeden Düşbüz İn'ikâdı Zamânında İstf'mâl Olunacak Levn-i Muvâfıkın Şıfatıdır

Hubz-ı semîd, daķık-i erüzz, baķar-ı semînin şahmı, leben bu mezkûrlar aķz olunup đarb-ı ceyyid ile ondan herîse ittihâz olunur, ammâ cebr için tenâvül eylediğî devâlerden mümiyâyî devâ 'acib olur.

Kesr ve Cebre Tâbi' Olan Arâd ve Onun Tedârükü Beyânındadır

Bađı kerre kesrden lahma intihâķ 'arîd olup mülteşik olmaz, eger o lahm kaç olunmasa ta'affün edip havâlisinde olan 'azmı dahi ta'affün eder, binâen 'aleyh hâcet olur ki o maħall kaç olunup keyy ve bađı kerre kesre nezf tâbi' olup men'-i nezfe hâcet olur. Ve bađı kerre lahma rađd-ı kavî fesh dahi 'arîd olur ve ona şart olunmasa ve 'afene mâni' olan edviye isti'mâl olunmasa âkileye mü'eddî olur, pes ona mürâ'attan lâbüdd olur. Ve bađı kerre dahi verem-i hârr hâdiş olup onda muhâţara olur ve ona tedbîr olunmak vâcib olur. Ve bađı kerre cirâhât dahi kerre tâbi' olup zikri mürûr eden tedbirlere hâcet olur. Ve bađı kerre dahi kıadr-i hâcetten ziyâde düşbüz hâdiş olur, o şürette vâcib olur ki taklîl-i gıdâ ve şedd ve sâir mezkûrlarla düşbüzün ifrâtı ve kıadr-i hâcetten ziyâde tevellüdü men' oluna. Ve bađı kerre cebr için isti'mâl olunan medd hasebiyle mefâşıla istirhâ gelip bađı kerre 'azmda şadîd tevellüd edip muhğa seyelân eder, pes bu şürette vâcib olur ki 'azm iħrâc olup şadîd için tarîķ ve mesîl keşf oluna ezâ-yı 'azîme mü'eddî olmasın için, bu merâmları sen fehm eyle. Temmeti'l-maķâletü's-sâniye.

Makâle-i Şâlişe Bi-Küllî 'Uđvin 'Uđvin Vâķ' Olan Kesrler Beyânındadır

Kesr-i Faķizde Vâķ' Kelâm-ı Küllîdir

Ve çok kerre kııhf münkesir olur velâkin cildi münşakķa olmaz belki teverrüm eder. Ve kaçan o teverrümün 'ilâcına iştiğâl olunsu ve şecceye

ta'arruḍ olunmasa ba'ḍı [kerre] cihet-i taḥttan 'azma fesād 'ārıḍ olur ve berā'et-i veremden sonra veyāḥūd ḳable'l-berā'et ḥummayāt ve ra'ṣe ve zehāb-ı 'aql ve onlar mişlli nesneler 'ārıḍ olur ve bi'l-āḥere onu şakḳa ḥācet olur.

Ve kesrin mevḍi'î çok [kerre] 'alîl küllü vaktin kıḥftan bir mevḍi'î 'abes ve mess eyledikten ma'ḥûm olur ve bu 'alāmet ile mevḍi'î-i şecce bilindik-ten sonra vācib olur ki o verem ve cirāḥati ḥālî üzere terk edip kesre 'ilāc oluna. Kıḥfta ve ğayr-i 'azmda bu mişlli kesr vāḳi' oldukta vācib olur ki 'alā-küllî ḥāl şadīd muḥtebes olmayacak miḳdār şakḳ olunur, zīrā kesr-i maḥbes-i şadīd olmak lāyık olmaz meger ki verem ḥudūşundan emīn ola ve verem vakt-i tezeyyüdde olmayıp inḥitātı ve nokşanı aḥz eylemiş ola. Ve eger kesr müte'addid olup cildin şakḳı ḳalîl olmakla ancak o şakḳ kesr-i vāḥide muḥāzī ve verem dahi münfecir olup ondan ancak kesr-i vāḥid zāhir olsa o ḥāl üzere olan kesrde ğalaṭ vāḳi' olup zann olunur ki rü'yet olunan kesrden mā-'adā onda kesr yoktur, bināen 'aleyh vācib olur ki kesrin ḥālinde cevdet üzere te'emmül oluna ve ḥadsî şavāba imāle eder.

Kesrin sebebinde te'emmül oluna. Kāsir olan sebebin şıḳalde ve 'azmda ve kuvvette meblağ-ı kuvvetini te'emmül eylemekle, zīrā onlarda te'emmül ile kesrin meblağı ma'ḥûm olur. Ve kezālik a'rāḍ dahi meblağ-ı kesre delālet eder, sekte ve seder ve buṭlān-ı şavt ve onlar amüşābih a'rāḍ kıḥfın kesrinin meblağına delālet eder. Ve ba'ḍı kerre dahi inşikāk-ı cildin kesreti ve ihtilāfı ve semt-i vāḥidde vukū'u kesrin ḥālîne delālet eder velākin bunların delāleti delālet-i külliyye olmaz, zīrā bātında ba'ḍı kerre kesr 'azīm olup cild üzere şakḳ olmaz veyāḥūd şakḳ ḳalîl olur ve ona bināen ḥāl-i kıḥf ta'arrüf olunmak vācib olur kesrin ḥālî temkīn-i başar ile mümkün olduğunu ḳadar teftiṣ olunmakla. Ve bu mişlli aḥvālide cild şekl-i şalībî ile şakḳ olunup kaşt olunmakla ḥācet olur ḥattā heşm ve kesr olunan 'azm zāhir olunca ḳadar. Ve eger ondan nezf 'ārıḍ olursa kaşt ḥıraḳ-ı yābise ile ḥaşv olunur ve ba'ḍehu şarābda mağmūse olan rifāde ile istirfād olunup yevm-i ğade gelince ḳadar terk olunur. Ammā şecce-i mūdīḥa ḥaddine bālīg olanların 'ilācı bāb-ı ḳurūḥta ve ḳablehu zikr olundu. Ammā ḥāşime ve munaḳḳıle olanların mu'ālecesi bu maḳāmda zikrimiz üzere olur.

Başta olan kesr-i 'izâmın eḳall-i aḥvâli, onda şad^c kısrı olup cânib-i âḥere nâfiz olmaz ve ba^dı teḥâzib¹⁷⁵ katında vukûf eder. Ve bu vech üzere olan inşidâe hissten ḥafî gibi olur ve müşâbih olur ki o şad^c şa^cr mişâlinindedir ve bu mişlli olan şad^cda dahi onu ḥakk edip külliyyen izâle eylemek aşveb olur ve o şad^c-ı ḥafiyi ihtiyâl ile izhâr edersen evlâ olur. Ve onun ihtiyâli ruṭûbet-i sevdâviyyeyi câzib olan nesneyi mevdi^c-i şad^ca şabb ile olur ve ba^de'z-zuhûr şad^cdan bir eṣer bâkî kalmayınca kadar ḥakk olunur. Ve onu ḥakk eden kimse katında vâcib olur ki muḥtelifü'l-aḳdâr biraz miḥâkk müheyyâ ola ve 'arḍı ekṣer olanlar evvelâ isti'mâl olunup ba^ddehu bâḳîleri isti'mâl olunur tedricle 'arḍı noḳsân kılınmakla. Ve kaçan vech-i meşrûḥ üzere ḥakk itmâm olursa devâ-i re'sî isti'mâl olunur ve bu tedbîr o bâbda kifâyet eder. Ve edviye-i re'siyye bunlardır: îresâ, dakîḳ-i kirsenne, diḳâḳ-ı kündür, zerâvend, aṣl-ı cāvşîrin kuşûru, mürr, anzerût, dem-i aḥaveyn ve bilâ lez^c müceffifât-ı sâire ve bu edviyelerle ḳurûḥa mu'alece olunduğu gibi 'ilâc olunur.

Ve eger sen ḥads edersen ki şad^c cânib-i âḥere nâfizdir, onu ifnâ ancak tenfiz ile mümkin olur, o şürette ḥakki im'ân ve ib'âddan sen ḥazer eyle belki zamân-ı ḥadste ḥakk hangi maḥalle bâliḡ olduysa o maḥallde ḥakki vaḳf eyleyip ḥâl-i heyecânı ta'arrüf eyle: Eger ḥicâb-ı 'azma kıyâs ile olan vaḍ^c-ı ḳadîmini muḥâfiz ise âfet eḳall ve emn aḫher olur ve ona verem 'urûḍu dahi eḳall olup eslem ve 'arḍı olan [verem] aşḡar ve ḳayḫ-ı naḍîcin zuḫûru esra^c ve ekmel olur. Ve eger ḥicâbın vaḍ^cı tebeddül edip vâḳi^c olan şadme ḥasebiyle 'azmdan ḥicâb müfâraḳat ve mübâyene eylediyse onda ḥaṭar ekṣer ve evcâ^c ve ḥummayât ve onlar mişlli âfât ekṣer olur ve kezâlik 'azmın taḡayyür-i levni dahi esra^c ve şadîdi ve rakîḳ ḳayḫın seyelânı ekṣer olur ve bu mişlli ḥâli olan şad^c-ı ḳıḫfın mu'alecesine ihmâl oldukça ona evcâ^c ve ḥummayât ve temeddüd ve ḡaşy ve zehâb-ı 'aḳl 'urûḍu ekṣer olur belki her ḥâlde berdden velev fi'ş-şayf şedîden tevakkî vâcib olur.

Ammâ o şadîa ki onda şad^cdan mâ-'adâ âḥer âfet olmayıp ancak şecenin keşreti [526a] ḥasebiyle simḥâḳı ya'ni laḥm ile 'azm arasında olan cilde-i rakîḳayı izhâr eylese onun ekṣer-i ḥâlde mu'alecesine şedd ve rabṭ ve müberridâtla ḍimâd kifâyet eder ve lakin aşveb olur ki onun 'ilâcına bed

175 “Tehâzib” hizbler ve bölükler demektir.

olunup o şakka müftiren dühn-i verd şabb olunduktan sonra şakkın iki cânı-bi cem^c olunup eger hıyâta olunmağa hâcet var ise hıyâta olunmak üzerine zerûr-ı re'sî zerr olunup dahi üzerine beyâd beydle meblûle hırak-ı kettân ve onun dahi üzerine zeyt ile mađrûb şarâb-ı kâbıd işrâb olunan refâid vađ^c olunmak ve ba'dehu ribât-ı sâire ile rabt olunmak kifâyet eder ve 'alîl mûzî olan 'avârıd teskîn ve 'alîl tefih ve tenvîm olunur ve faşda hâcet olursa faşd dahi olunur.

Ve her şad^c ve kesrde 'azm bi-külliyetihi aħz olunmaz, zîrâ her mevdi^c-de onun imkânı yoktur velâkin bizim bâbu'l-kesr ve'l-cebrde zıkr eylediğimiz vaşıyyet tezekkür olunur ve ma'a-hâzâ nâstan çok kimseler bizim vaşıyyetimize muğâyir rû'uslarından kıta^c-ı 'azmı aħz eylediler ve şecce üzere lahm ve cilde nâbit olup hayâtları bâkıye kaldı, helâk olmadılar.

Ammâ hâşime ve hâşimenin mâ-ba'dı ya'nî baş kemiğini yalnız kesr eden şecce veyâhûd ba'de'l-kesr 'azm-ı meksûru mevdi^c-i âhere nakl eden şecce-i munakkkilenin tafşîli budur ki 'izâm-ı re's 'izâm-ı sâireye muhâlif olur; kaçan 'azm-ı re's münkesir olsa tabî'at o 'azm üzere düşbüz-i kavî inbât ve icrâ eylemez sâir 'izâm-ı meksûre üzere inbât eylediği gibi belki 'azm-ı re'ste nâbit olan düşbüz da'ife olur ve ona binâen bâtın-ı kıhfa kayh munşabbe olmasın için vâcib olur [ki] eger şecce tâmm ise o 'azm ihrâc oluna ve eger şecce tâmm değil ise 'azm kaç^c oluna ve o şecce cebr olunmağa iştigâl olunmaz. Ve o şecce mu'alecesi faşl-ı şayfta yedi günden ve faşl-ı şitâda on günden ekser müdâfa'a olunmaz ve her ne kadar mu'aleceye sür'at olunursa o miqdâr ecved olur ve âfât-ı 'azîme 'urûdundan eb'ad olur.

Ve kesr-i kıhfin mu'alecesinde isti'câli icâb ve istid'â eden sebep budur ki sâir meksûr olan 'izâmın rabtı mevâddı mevdi^c-i kesre inşibâbdan men^c eder ve mâni^c-i inşibâb olan rabt ile re'si rabt mümkün olmaz ve ona binâen baş kemiğinde olup qadr-i mu'teberi olan kesri ke-mâ yahtâcu ileyh şadîd hüruc eylesin için aħz olunmak lâzım olur. Ve kezâlik o 'azm-ı meksûr 'izâm-ı sâirede aħz olunmayıp mevâddı dâfi^c olan rabt-ı 'âşır ile rabt olundukta ba'dı kerre o mişlli 'azm-ı mecbûrun cevherinde ve nefsi mevdi^c-de şadîd tevellüd edip muhha nüfûz ederse keşfe ve tenkıyeye hâcet olur. Vebre şâlih 'azm-ı mecbûrda bu haţar oldukta cebre şâlih olmayan baş kemiğinde olan haţarı sen ona kıyâs eyle. Binâen 'aleyh lâzım olur ki başta olan

‘azm-ı meksûrun kesri nâfiz ise ondan miqdâr-ı vâcib aḥz ve iltikâf oluna ve eger nâfiz olmazsa kaç oluna ve emn ḥâşıl olunca kadar mevdi^c keşf ve nuḥâme men^c oluna; eger seyelân-ı şadidden ḥavf olunmasa ‘azm-ı gayr-i nâfiz kaç olunmaz idi.

Ve ‘azmın kaç-ı mevdi^c-i evfaḳtan kılınır ve mevdi^c-i evfaḳ o mevdi^c-dir ki şadide muḥâzî olup o mevdi^c kaç olundukta ondan seyelân-ı şadide cevdet ve kaç-ında sühûlet olup hezz ve ta‘aba ḥâcet ḳalîl ola ve ma‘a-ḥâzâ o mevdi^c-i kaç a‘şâba ba‘id ola yâfûḥ mişlli, zîrâ yâfûḥun vasaṭı menbit-i a‘şâya ba‘id olur ve gerektir ki ictihâd olunup ḥicâba berd işâbet ettirilme-ye ve tedbîr telṭîf oluna ve dâimâ dühn-i müftir şabb oluna. Eger ḥicâba sevâd işâbet edip ḥicâbın o sevâd zâhirinde olursa onun maḍarratı olmaz. Ve ba‘dı kerre o sevâd edviye ḥasebiyle olur, o mişlli sevâda ‘asel aḥz olunup üç mişlli dühn-i verd ile ḍarb olunup onunla sevâd zâil olunca kadar mu‘âlece olunur ve üzerine devâ-i re’sî zerûr kılınır. Ve eger sevâd ḥicâbda mütemekkin ise o ‘alîlden sen hereb eyle. Ve kaçan sen o ‘azmdan bir şey neşre ve kaç’a ve iḥrâca ḥâcet-i şaḥîḥa ile muḥtâc olsan ona sen mübâderet eyleyip o mevdi^c-de tevellüd-i ḳayḥın istikmâline intizâr eyleme, zîrâ ümm tesmiye olunan ḡışânın indîḡâṭında ve naḥsında re’s kesrin ezâsını ihtimâl eylemez belki teverrüm ve teşennüce sür‘at eder ve ba‘dı kerre sekteye dahi mü‘eddî olur, pes vâcib olur ki kesr ḥasebiyle ümmü ḍaḡt eden ‘azm fi’l-ḥâl iḥrâc olunup ḥissi i‘âde oluna eger fi’l-ḥâl sekte aḥz edip ḥissi zâil olduysa ve eger o ḥâlde şukbe dahi var ise isti‘câle ḥâcet eşedd olur.

Ve kaçan ḳıḥf münkesir olup ḥicâb zâhir ve verem ḥâşıl olsa ona feṭare tesmiye olunur ve bizim zikr eylediḡımız vech üzere mu‘âlecesinde isti‘câl sana vâcib olur. Eger sana intizâr eylemek gerekli olursa iki ve üç gün ‘ilâcı teḥîr olunur ve ekşer-i emrde yevm-i şânide ‘ilâca bed olunur.

Ve baş kemiḡinin kaç-ı ba‘dı kerre zikri teḳaddüm eden minşâr-ı laṭîf ile olur ve ba‘dı kerre dahi ḳıḥfın ba‘dı eczâsını iskâf murâd olunup mişḳab ile o maḥallin ḥavâlîsi şakb-ı şıḡâr u mütevâliye ile şakb olunmakla iskâf olunur velâkin mişḳab isti‘mâlinde ḥaṭar vardır, zîrâ ba‘dı mişḳab ḳadr-i vâcibi tecâvüz edip ḥicâba nüfûz eder meger ki zikri mürûr eden ḥile ile ihtiyâl oluna ya‘nî ‘avârîḍ üzere vaḍ olunup mişḳabın ḳadr-i vâcibden ekşer nüfûzu men^c oluna, bu şürette tecâvüzden emn ḥâşıl [olur.]

Ve bu 'ilâcın keyfiyyetinde evvelünün zîkr eylediklerini biz beyân eyleyelim onlar dediler ki o 'ilâca taşaddî olundukta evvelâ 'alîlin başı tıraş olunur ve o mevdi'de iki şakḳ kılınır ya'nî iki şerḥa ile teşriḥ olunur, ih-dâhümâyâ uḥrâyı şekl-i şalîb üzere 'alâ-zevâyâ kâimetin taḳṭîr ettirilir ve ḍarbeden ḥâdiş olan şecce o iki şakḳtan şakḳ-ı evvelde kılınır ve minvâl-i mezḳûr üzere ihdâş olunan şeklde ḥâdiş olan dört 'aded kâime zâviyelerden her birisi selḥ olunup taḳvîri ve oyulması maṭlûb olan 'azm bi-külliyetihi keşf olunur. Ve eger bu şan'attan nezf-i dem 'arîd olursa sana lâıyık olur ki mâ ve ḥallde maḡmûse olan bir hırḳa ile o mevdi'ci maḥşûvve eyleyesin ve eger o teşriḥ nezf-i deme mü'eddî olmazsa hırḳa-i yâbise ile ḥaşv eyle şarâb ve zeytte maḡmûse olan rifâdeyi vaḍ' edip o şâna şâliḥa olan ribâtâtla rabṭ eyle ve yevm-i ḡadde a'râd-ı rediyyeden bir nesne zuḥûr eylemezse 'azm-ı meksûru taḳvîre mübâşeret eyle.

Ve taḳvîrin keyfiyyeti bu vech üzeredir ki 'alîl iclâs olunur veyâḥûd kesre şâliḥ olan vech üzere istilkâ ile 'alîle emr olunur ve ba'dehu 'alîlin iki kulakları şûf veyâḥûd ḳuṭn ile şedd ve sedd olunur ḍarbdan ḥâdiş şavtla müte'ezzî olmasın için ve ribât ḥall olunup o mevdi' üzere olan cemî'an hırâḳ nezf [526b] olunup ve mevdi' mesh olunur ve ba'dehu iki ḥâdime dört kıṭ'a hırḳa verilip ḍabṭı ile emr olunur ve zevâyâ-yı erba'adan zâviye-i ûlâda olup şecce üzerinden meslûḥa olan cilde cihet-i fevḳe medd olunur. Ve o 'azm-ı meşcûc bi-ḥasebi'l-hılḳa veyâḥûd kesr ḥasebiyle ḍa'ife ise lâıyık olur ki o 'azm nezf oluna ve onun nezf-i meḳâṭı'-ı müte'addidenin ba'ḍısı ba'ḍı âḥer ḥizâsına vaḍ' olunmakla olur ve o âlât ve meḳâṭı'n 'arîdi ile 'amele bed' olunur ve ba'dehu daḳıḳ olan âletlerle ve ba'dehu âlât-ı şa'riyye ile 'amel olunur ve naḳr ve ḍarbdan rıfḳ olunur re'se îzâ eylemesin ve ḳalaḳa mü'eddî olmasın için. Ve eger 'azm ḳavî ise vâcib olur ki o 'azm-ı ḳavî evvelâ ḡayr-i ḡâişa tesmiye olunan meşâḳıḅ ile şakḅ oluna; o mişḳab bir nev' mişḳabdır ki mevâdi'-i ḥâddesinin dâḥilinde nütû' olur ve o nütû' onu ḡavştan men' eder ve şıfâḳa vâşıl olup 'azm-ı maşḍû'u taḳvîr ve ḳal' eder velâkin onun ḳal'ı def'aten olmaz belki ḳalîlen ḳalîlen ḳal' eder ve o âlet ile ba'de't-taḳvîr o 'azm-ı muḳavveri eşâbi'le iḥrâc mümkin olursa iḥrâc olunur ve eger eşâbi'le ḳal' ve iḥrâc mümkin deḡil ise minḳaş veyâḥûd kelbetân ve o mişlîli âletlerin biriyle aḥz olunup iḥrâc ve ḳal' olunur. Ve lâıyık olur ki her

iki şukbe mā-beyninde bir mirved miqdārı fūrce ola 'azmın saṭḥ-ı dāḥiline karīb olunca kadar. Ve lāyık olur ki şıfāktan bir şey'e mişkabın istinādından ictināb oluna ve ona bināen vācib olur ki mişkab 'azmın şihānı miqdārında ittiḥāz oluna ve onda meşākīb-ı keşire isti'māl oluna. Ve eger kesr-i 'azmın ancak inşināsı ve bükümü olduğu mevdi'de olursa şukbeler dahi ancak o mevdi'-i inşināya kılına. Ve kaçan biz 'azmı takvīr eylesek kaç ve takvīrden 'azma ḥādīs olan ḥuşūnet-i mücerred ile yāḥūd şefreye müşābih mekātīr'dan bir şey ile ta'dīl ve tesviye olunur velākin 'azmın tahtına şıfākı setr ve mücerredten muḥāfaza eden bir nesne vaḍ olunur. Ve 'izām-ı şığār ve şeẓāyādan bir nesne bākī kalırsa lāyık olur ki o şey-i bākī dahi bi-rıfķın aḥz oluna ve ba'dehu fetl ve merāhim ile mu'āleceye mübāşeret olunur. Bu zıkr eylediğimiz 'ilāc min-beyn-i envā'i'l-mu'ālecāt cümleden eshel ve maḍarratta eḳall olur.

Ve Cālīnūs dedi ki kaçan sen 'azmdan bir cüz'ü keşf eylesen o cüz-i mekşūfun tahtına bir maḳṭa' vaḍ edersin ki onun 'adesi mişālinde olan emles kâidesi şıfāka müstenid ve ḥādd olan tarafı cihet-i tülde olur ve lāyık olur ki miṭraḳa-i şağīre ile o maḳṭa'a a'lāsından ḍarb olunup 'azm kaç oluna. Ve kaçan biz bu minvāl üzere 'azmı kaç eylesek kaç'ın muḥtāc olduğu nesneleri cem'an eylemiş oluruz. Vu nev' kaç'da şıfāk mecrūḥ olmaz her ne kadar mu'ālece eden kimse nā'is dahi olursa, zīrā ālet-i 'adesiyyenin kâidesi ve 'adesesi şıfāka müstaḳbel olur ve bu mişlī ālet min-ḡayri ezā fi'lini işler, zīrā şekl-i 'adesi müstedīr cihet-i ḥalftan taraf-ı kātī'a hidāyet eder ve ona istināden maḳṭa' 'azmı sühūlet ile kaç eder ve 'azm-ı re'si [bu nev'] kaç'dan eshel ve kaç'ı esra' olan bir nev' olmaz. Ammā cünīkīdes tesmiye olunan ālātla ve menāşīr ile kaç olunmağı aḥdās-ı eṭibbā o kaç'ın redā'e-ti ḥasebiyle zemm eylediler. Ve şakḳ 'ārīḍ olan 'azm-ı re's mu'ālecesinde bizim ḳavlimiz budur. Ve re'se min-ḡayri şakḳın 'ārīḍ olan envā'-ı kesrde dahi o 'ilācla bi-'aynihi mu'ālece olunur mevridi her ne kadar ḥāşş olduysa lākin ḥükmü 'āmm olur.

Büles ve yine Cālīnūs bize kaç'ı vācib olan ['azmın] miqdārını ta'līm edip dediler ki alīl olan 'azmdan kaç'ı lāyık olan budur ki eger 'azmda te-fettüt-i şedīd var ise o 'azm külliyyen iḥrāc olunur ve eger 'azmda şukūk-ı mümtedde keşīr ise ba'dı kerre 'ārīḍ olduğu gibi o şukūkun cümlesine itti-

bâ olunmak câiz olmaz ve o şakıtan mâ-‘adâ ef‘âl-ı sâirede mađarrat yok ise mücerred o şukûktan muđırır bir nesne ‘arıđ olmaz.

Ve hadîd ile mu‘aleceden sonra vâcib olur ki bir kıt‘a hırka-i kettân ahz olunup cürhûn sı‘ası miqdârı baş oluna ve o hırka dühn-i verde gams olunup cirâhatin ağzı onunla örtüle ve bir hırka dahi ahz olunup iki kat veyâhüd üç kat kılına ve şarâbda ve dühn[-i verde] gams oluna ve cürhûn küllîsi dahi dühn-i verd ile telîh olunduktan sonra o hırka bi-eħaffi mâ-yekûn üzerine vađ oluna şifâka şakıl olmasın için ve ba‘dehu üzerine ribât isti‘mâl olunur ve onun rabtı vađ olunan hırakı imsâk edecek miqdâr kılınır ve ba‘dehu iltihâbı teskîn ve hummâyı izâle ve hicâbı murattıb edviye dühn-i verd ile fevkten küllü vaktin isti‘mâl olunur ve yevm-i şâliste şeddi hâll olunup mesh olunur ve lahmı münbit olan ‘ilâcla mu‘alece ve iltihâbı teskîn olunur ve şifâk üzere edviye-i yâbiseden edviye-i re’s tesmiye olunan devâlar zerr olunur üzerinde lahm nâbit olunca kadar. Ba‘dı kerre ‘izâmda nütû olmakla hikke hâcib olur, zîrâ ‘azmı hakk nütûu izâle ve re’si tesviye eder ve üzerinde lahmı serî‘an inbât eder ve ona cirâhât bâbında zıkr eylediğimiz edviye ile dahi mu‘alece olunur.

Ve Bûles der ki çok kerre ba‘de’l-‘ilâc bi’l-hadîd şifâk-ı re’sse verem-i hârr ‘arıđ olup hattâ şihan-ı ‘azm ve şihan-ı cild üzere ‘âlî olur ve o verem ile cesâvet ve şalâbet olup hattâ hareket-i tabîyyeyi men‘ eder ve o kimselere dahi çok kerre imtidâđ ve a‘râđ-ı sâire-i rediyye ‘arıđ olur ve bu mezkûrlara mevt tâbi‘ olur ve şifâka verem-i hârr o sebebden ‘arıđ olur ki şifâka bir ‘azm ulaşıp onu naıhs eder veyâhüd kabâil teskiye olunan kıhfin cüdrânı mevđi‘inden nakl ile ve kezâlik işâbet-i berd ve keşret-i ekl ü şürb ve ‘illet-i uhırâ-yı hafıyye ile dahi şifâka verem-i hârr ‘arıđ olur. Ve o verem hudûsunun ‘illeti beyyine ve âşikâr ise vâcib olur ki o ‘illet serî‘an hasm ve izâle oluna ve eger sebep hafıyye ise o sebebi ta‘arrüf ve izâleye ictihad olunur ve ‘ırkı faşd olunur ve eger ona bir nâfi‘ tedbîr bulunmazsa taklîl-i ta‘âm ile veyâhüd evrâm-ı hârreye şâlih ne‘ûl ile tedbîr olunur, dühn-i verd-i hârr ile veyâhüd hatmî ve hulbe ve bezr kettân ve bâbünec ve o mislli edviye tabh olunan tabihle tentîl olunur ve dađık-ı şa‘ır ve mâ-ı hârr ve dühn-i hârr ve bezr-i kettân işbu edviyelerden müttehaz dımâd dahi isti‘mâl olunur ve şahm-ı decâc şüfede isti‘mâl olunur onunla re’s ve ‘unuk ve fekâr tertîb olu-

nur ve harâreti müsekkkin olan edhândan bir şey² kulaklarına takât olunur ve oda içinde ‘alîl mâ-ı hârra iclâs olunup temrîh olunur. Ve eger o [527a] verem-i hârr dâim olup o mu‘âlecâttan müte‘essir olmazsa ve onda mirreyi ishâl eder devâ isti‘mâline mâni‘ dahi yok ise ona müşhil-i mirreyi sakıy eyle, zîrâ o müşhili şüret-i mezkûrede sakıye Bukrât emr eylemiştir.

Ve Bûles dedi ki eger şifâka isvidâd ‘arîd olsa, eger o isvidâd şifâkın ancak saṭhında ise ve isvidâd-ı mezkûrun ‘urûdu dahi devâdan ise, nitekim esvedü’l-levn devâ isti‘mâl olundukta ba‘dı kerre saṭh-ı şifâka isvidâd ‘arîd olduğu gibi müsevved olduysa lâyıḳ olur ki ‘aselden bir cüz‘ ve dühn-i verdden üç cüz‘ aḥḫ ve ḥalt olunur ve onunla bir hırka telṭih olunup şifâk üzere vaḍ‘ olunur. Ve eger sevâd-ı mezkûr devâdan olmayıp zât-ı şifâk ḥasebiyle ‘arîd ve ‘umḳa nâfiz olduysa ve o sevâd ile ‘alâmete rediyye-i uḥrâ dahi var ise lâyıḳ budur ki o ‘alîlden ye’s üzere oluna, zîrâ o aḥvâl harâret-i ġarîziyyenin fenâsına ve zehâbına delâlet eder. Ve ben bir kimse gördüm ki onun başına kesr işâbet eyledi ve bir seneden sonra baş kemiği takvîr olunup şıḥḥat buldu ve şıḥḥatine vech bu olur ki onun kesri yâfûḥta idi ve inkisârına sebeb remye-i siḥâm idi ve onun ḳayḥ ve şadîdi maḥall-i âḥere seyelâna yol bulup ve ondan şifâka bir nesne işâbet eylemeyip onun selâmetiyle kendi dahi selîm oldu. Ve Câlînûs der ki bir insânın yâfûḥuna kesr işâbet eyledi ve onun şudḡu dahi kesr-i mümtedd ile münkesir oldu ve o kesrlerden birine ta‘arruḍ eyledim, ancak ġaraḍ-ı ma‘lûm için yâfûḥtan bir şey² ḳaṭ‘ eyledim ve o ḳaṭ‘ ilâc-ı kâfi olup o insân ‘âfiyet buldu.

Kesr-i Laḫy Beyânındadır

Bu bâbda ḥazâḳati kemâle bâliḡ olan ‘âlim der ki eger laḫy ya‘nî çene kemiği dâḫile munḳatı‘ ise ve iki pâre olup münḳaşıf ve münkesir olduysa ve o laḫy eyvende olan laḫy¹⁷⁶ ise ‘ilâc eden kimse yed-i yûsrâsının vasaṭı ve sebbâbe parmaklarını ‘alîlin femine idḥâl edip ve kezâlik eyserde olan laḫy münkesir olduysa yed-i yûmnâdan o işba‘ları ‘alîlin femine idḥâl edip ḥadebe-i kesri dâḫilden def‘ ve ḥâricden yed-i uḥrâ ile ‘azm-ı medfû‘a is-

176 [Çene kemiği anlamında kelime “laḫy” beklenirken yazmada kelime sonu bazen elifle imlâlıdır, bu takdirde okuma “leḫâ” olmalı, ancak biz “laḫy” okumasında ısrar ettik!]

tiķbāl olunup ʿazm tesviye olunur ve o ʿazm-ı münkesirin istivāsı o lahyda olan esnānın müsāvātından maʿlûm olunur. Ammā münkesir olan lahy iki parça olup külliyyen munkatıʿ olduysa o lahy muķābele üzere iki cānibden medd olunur o vech üzere ki iki hādım ittiḥāz olunup biri medd ve āheri im-sāk eder ve o esnāda ṭabīb-i muʿālic dahi tesviye eder bizim bundana aķdem zıkr eylediğimiz minvāl üzere ve muʿvecce olan esnān baʿdısı baʿdı āhere rabṭ olunur ve eger kesr ile cürḥ dahi var ise veyāḥūd ʿazm-ı meksürda şaẓıyye-i nāḥise var ise onun üzeri şakķ veyāḥūd mevcūd olan şakķ-ı day-yiķi tevsīʿ olunup şaẓıyye-i nāḥise iḥrāc olunur ve baʿde'r-redd ve't-tesviye onda hıyāṭat ve refāid ve edviye-i mülḥime istiʿmāl olunur.

Ve o ʿālim dedi ki onun rabṭı bu vech üzeredir ki ıṣābenin vasaṭı nukre-i ḳafā üzere kılınıp ıṣābenin iki tarafları iki cāniblerinden üzün lahy üzere izḥāb olunup ondan dahi nukre üzere ve ondan dahi taḥt-ı lahya izḥab olunur ve iki ḥadd üzere yāfūḥa varınca ḳadar dahi kılınıp baʿdehu ondan dahi taḥt-ı nukreye imrār olunur ve bir ribāṭ-ı āher dahi cebhe ve ḫalf-ı re's üzere vaḍʿ olunup zıkr olunan ıṣābe-i melfūfenin küllisi rabṭ olunur ve üzerine bir cebire-i ḫafife vaḍʿ olunur. Ve eger iki tarafta vāķiʿ olan iki lahy cemīʿan munfaşıl olduysa o lahyların ikisi dahi yed ile ḳalīlen temdīd olunup iki taraftan müfāriķ olan iki ʿazm-ı müfāriķ olduđu maḥalle muķābil kılınıp teʿlif olunur ve baʿdehu esnānın teʿlifine nazar olunur ve şenāyā sinnleri zehebden mütteḥaz ḫayṭ ile rabṭ olunur taķvīmi zāil olmasın için ve ribāṭın vasaṭı ḳafā üzere kılınır ve re's-i ribāṭ lahyın tarafına getirilir ve ʿalīle sūkūn ve ḫüdüvv ve terk-i kelāmıla emr olunur. Ve onun ğıdāsı aḥsā yaʿnī bulamaç cinsinden kılınır. Ve eger şeklinden bir şey müteġayyir olursa rabṭ ḫall olunur ve verem-i ḫārr ʿārid olursa ona şālih neṭūldan ğaflet olunmaz ve iʿtidālle o verem taḥlīl olunur. Ve ʿazm-ı [fekķ] ḳable-şelāse esābīʿ müştedd olur yaʿnī yirmi bir ğüne bāliĝ olmazdan muķaddem iltihām eder, zīrā o ʿazmda līn vardır ve muḥḥu dahi keşīrdır mevḍiʿi doldurup imlā eder.

Enfin Kesri Beyānındadır

Enfin aʿlāsı ʿazm ve esfeli ğuḍrūftur ve o ğuḍrūfa ancak raḍḍ ve te-farṭuḥ-ı müfaṭṭıs ve bir tarafa zevāl ʿārid olur ve o ğuḍrūfa kesr ʿārid olmaz, ammā ʿazmī olan aʿlāsına kesr ʿārid olur.

Ve kaçan enf kesr olunup mu'alece olunmasa haşeme mü'eddî olur ya'nî kuvve-i şämme bâtıl olur. Ve mu'aleceyi te'hîrin bir mađarratı budur ki enf 'alâ-ıvecihi taşallüb eder, bir dahi tesviye olmağı kabûl etmez, binâen 'aleyh vâcib olur ki mübâderet olunup yevm-i evvelde mu'alece oluna ve yevm-i 'aşiri tecâvüz edince kadar te'hîre ruḡşat verilmez.

Ma'lûm ola ki kesr-i enf enften mevdi'-i 'âliyyeye bâliğ veyâhûd enfın kendide olur ise onun tedbîrâtının aşlahı budur ki bir mîl-i mühendem ü emles aḡz olunur ve rıfḡ ile o mîl ḡayşûmun aḡşâsına bâliğ olunca kadar enfe idḡâl olunur ve yed-i vâhid ile mîl imsâk olunup yed-i âḡer ile enf tesviye olunur kâmilten tesviye ḡaşıl olunca kadar ve bir fetîle ittiḡâz olunup şekl-i tesviyeyi muḡâfaza eylesin için o fetîle enfe luḡf ve rıfḡ ile idḡâl olunur ve evlâ olan fetîle kettândan ittiḡâz olunmaktır. Ve ihtiyâḡ olunup burun şukḡbelerinin ikisine ma'an fetîle idḡâl olunur her ne kadar âfet cânib-i vâhidde ise ve ba'dı [kerre] tesviye şeklini muḡâfaza eṡaḡḡ olsun için fetîle dâḡiline rîşe aslı vaḡc olunur ve bundan sonra enf taḡmîd olunup üzerine ḡırḡa-i ḡımâd vaḡc olunur. Ve tesviye-i enf 'ale'l-kemâl müstahkem olmadıkça fetîle enften istiḡrâc olunmaz ve enfe ribât terkîb ve rabḡ olunmaz ve eger enf rabḡ olunsa feḡasa mü'eddî olur velâkin enfte fet' ve kesr-i 'azîm olup nütû' olmakla rabḡtan ḡâdiṡ olan teḡâ'mün enfe ḡüsn verse o vaḡt rabḡta mađarrat olmaz. Ammâ o âfet 'azm-ı enfın eczâ-i süflâsında olsa iki yedden iki işba'la meṡelâ iki sebbâbe veyâhûd iki ḡınsır ile tesviye olunmak mümkün olur. Ve eger o ḡâlde verem 'arıḡ olursa diyâḡaylûn merhemi cidden nâfi' olur, zîrâ o merhem veremi teskîn ve tesviye-i enfın şeklini muḡâfaza ve taḡviye eder. Ve kezâlik o devâ dahi nâfi' olur ki ḡall ve zeyt ve semîd ve diḡâḡ-ı kündürden ittiḡâz olunup üzerine remâd zerr olunup ḡımâd olunur.

Eger enfte olan kesr raḡḡ-ı müfettit olursa o ḡâl üzere olan enfın şalâḡa 'avdi mümkün olmaz meger ki enf şakḡ olunup [527b] münheṡîm ve müteffit olan 'izâm iḡrâc olunduktan sonra enf ḡıyâta oluna ve üzerine zerûrât zerr oluna. *Ve ba'dı nüshada "ve yuzerru 'aleyhi min-bu'din ez-zerûrât"*¹⁷⁷ *vâḡt olmuştur.*

Ve eger enfe ḡudrûfun mevdi'inden zevâliyle meyl 'arıḡ olur ise o ḡudrûf-ı mâil ḡasren tesviye olunup tesviye-i şekli ḡâfız ribât ile rabḡ olunur

177 "Min-bu'din" demek, üzerine vaḡc olunan rifâde üzere zerr oluna demektir.

ve onu o rabt muhâfaẓa eder ki cānib-i meylde olan şafha-i ‘unuḳtan meş-dūd ola. Ve bu şeddin tarîḳ-i esheli ve ecvedi budur ki bir şevbin hāşiye-i kaviyyesi veyāhūd bir işba‘ ‘ardı olan seyr ya‘nî kayış aḥz olunup onun iki taraftan biri ğirā-i semek veyāhūd cülūd-ı baḳar ğirāsı ile veyāhūd şamğla veyāhūd leşūḳāt-ı sāire ile telṭiḥ olunup hangi cānibden enf meyl eylediyese enfîn o cānibine ilşāk ve o maḥallde tecfif olunur ve ḳahren enf vaḍ-ı ḳadîmi üzere kılınıp seyr veyāhūd hāşiye-i şevb medd olunur meyl-i evvelin cānib-i muḥālifine meyl edince ḳadar ve o seyr rakabe üzere cebr olunup enfi māsik olan rabt ile rabt olunur ve muvāfîḳ olan ḍimād ile taḍmîd olunur.

‘Azm-ı Terḳuvenin Kesri Beyānındadır

Terḳuvenin inkisârı ba‘dı kerre maḥmûlün şıḳalı ile ve ba‘dı kerre saḳta-i ‘azîme veyahūd ḍarbe-i şedîde ile olur. Ve terḳuve-i meksûreyi cebr şurûbetli olur ve cebr olundukta luṭf ile cebr olunmak vācib olur. Ve terḳuvenin cebri beyānında etîbbā dediler ki eger terḳuve ḳaşṣa ḳarîb maḥallde mündakḳa ve münkesire oldu ise re’s-i ‘aḍud cānib-i esfele ḳalîlen zâil olur. Ve yine etîbbā dedi ki terḳuve münkesire olup iki nışf olsa ona mu‘ālece ḳaşḍ olundukta ‘alîl bir kürsî üzere iclās olunup ve terḳuvenin kesri cānibinde olan ‘aḍudu ḍabt ile bir ḥādime emr olunur ve o ḥādim maḍbûṭu olan ‘aḍudu ḥārice ve fevḳe medd eder ve ḥādim-i āḥer dahi ‘unuḳu ve muḳābilde olan menkibi ‘alā-ḳadri’l-ḥācet medd eder ve ṭabîb dahi terḳuve-i meksûre eczāsından nütûu olanları işba‘ıyla def‘ ve ḳa‘rda olanları cezḅ ve cerr etmekle tesviye eder. Ve eger bu ‘amelde medd-i keşîre ḥācet olursa hıraḳtan bir küre-i ‘azîme ittihāz olunup taḥt-ı ibṭe vaḍ‘ olunur ve mirfaḳ-ı adlā‘a ḳarîb olunca ḳadar def‘ olunur ve bu def‘le terḳuve vech-i lâyıḳ üzere temdîd olunur eger terḳuvenin kesri keşîr-i dāḥile ise. Ve ṭabîbin cezḅine ve tesviyesine icābet eylemez ve ‘umḳa şāire olmakla ‘ulüvve ḥurūcdan imtinā‘ ederse o vakıtte ‘alîl ḳafāsı üzere ilḳā olunur ve menkibi taḥtına ḥadebi ve yumrusu olan bir miḥadde ya‘nî baş yastığı vaḍ‘ olunur ve menkibi esfele kebs ve def‘ olunur dāḥile nüfûz eden ‘azm mürtefi‘ olunca ḳadar ve ba‘dehu eşābi‘ ile tesviye ve ıslāḥ olunup şedd ve rabt olunur. Ve imrār-ı yed katında ‘alîl naḥs iḥsās eder ise o naḥs şaziyye ḥasebiyle olup bi-ḥasebi’l-mevḍi‘ naḥs eder ise o mevḍi‘ şakḳ olunup şaziyye iḥrāc olunur ve eger şaziyye cihet-i

tahtta ise şadrın şıfâkı münharik olmasın için onun ilhrâcında lutf vâcib olur, 'azmın tahtına şıfâkı hâfız âlet idhâl olunup ba'dehu 'azm kesr olunur ve eger verem-i hârr yok ise şakḳ hıyâta olunup ilhâm olunur ve eger ona verem-i hârr hâdis oldu ise onun refâidi dühn ile meblûle kılınır.

Ve vakt-i kesrde 'adud terḳuveden bir kıṭ'a ile esfele nüzûl eylese 'adud ribât-ı 'arîd ile ta'lik olunup nâhiye-i 'unuḳa terfî ve işâle oluna. Ve eger kıṭ'a-i terḳuve fevḳe mâil olur ise 'adud ta'lik olunmaz velâkin kıṭ'a-i terḳuvenin fevḳe meyli nadirü'l-vuḳû olur.

Ve terḳuve-i meksûre şâhibi arkası üzere istilkâ olunur ve tedbiri telṭif olunur ve terḳuve şedd olunup bir ay miḳdârı veyâhûd bir aydan eḳall o hâl üzere terk olunur.

Ammâ terḳuvete ribâtâtında eṭıbbâ dediler ki terḳuve cānib-i dâhilden münfekk olmaz, zîrâ terḳuve cihet-i dâhilden şadra muttaşıla olmakla munfaşıl olmaz, binâen 'aleyh o cānibde terḳuve hareket eylemez. Ve kaçan hâricden terḳuvenin cānib-i dâhiline şediden darb olunup betr ve ḳaṭ olunsâ onun kesri tesviye olunup küsûr-ı sâireler mu'alecesi ile 'ilâc olunur. Ammâ terḳuvenin menkibi vely eden cānibi menkibden munfaşıl olmakla her ne kadar menkibden ḥal'i cāiz ise lâkin keşîrû'l-vuḳû değildir, zîrâ onda iki re'sli 'adale olmakla terḳuveyi ḥal'den ḳaviyyen men' eder ve kezâlik re's-i ketif dahi ḥal'den men' eder ve o tarafta terḳuvenin hareket-i şedidesi olmaz, zîrâ terḳuvenin menfa'ati ve ḥilkâtinde olan maşlahat şadri tefriḳ ve baş olur ve hareket-i ḡayr-i şedide o menfa'ati taḥşile kifâyet eder ve hareket-i şedidesi olmayan mafşalda lâ-maḥâle ḥal' ḳalîl olur velâkin muşâra'at mişlli eşyâdan ona ḥal' 'arîd olur ise tesviye olunur ve mevḏî'ine yed ile ve refâid-i keşîre ve rabṭ ile idhâl olunur ve bu vech üzere mu'alece zâil olan taraf-ı menkibe dahi 'ilâc-ı şâlih olur ve onu mevḏî-i aḥlisine ulaştırır.

Ve terḳuveyi menkibe rabṭ eden o 'azmdır ki cevheri ḡudrûfî olur ve mehzûl olan kimselerde o 'azm ḡalîz olur ve maḥallinden o 'azm zâil olsa tecribesi olmayan kimse re's-i 'udv münfekk oldu ḳann eder, re's-i ketif o hâlde ziyâde ḥiddet üzere rü'yet olunur ve onun mevḏî-i ṭabî'isinde intikâl ḥasebiyle taḳ'ır olur ve ona binâen ḡalaṭ olunup re's-i 'adud münfekk oldu ḳann olunur velâkin beynehümâyı fark eden zıkrî âtî delâil ile temyîz olunur.

Ketifin Kesri Beyânındadır

Ketifin mevdi-i 'arîdî kalîlen münkesir olur ve ekser-i hâlde kesr-i ketifin hurûfuna ve cevânibine ve şezâyâsına 'arîd olur ve kaçan kesr 'arîd olsa o kesr lems ile ma'lûm olur ve kesre tâbi olan naḥstan dahi ma'lûm olur velâkin ba'dı kerre ketifin mevdi-i 'arîdine şakḳ 'arîd olur ve ona lems ile ta'arrûf olunan huşûnet delâlet eder ve mekân-ı şakḳta olan veca' ve naḥs dahi delâlet eder eğer veca' ve naḥs mevcûd ise ve âfât-ı sāirenin 'alāmâtı olmadığı dahi delâlet eder. Ve ba'dı kerre ketife ilâ-dâhilin kesr 'arîd olup ona 'arîd olan teḳaṣṣu' ve mess olundukta yedin ḥaderi ve mevdi'de olan veca' delâlet eder.

Ve onun 'ilâcî meddi telṭîf ve ḳuddāma def'de ḥüsn-i te'ennî ve tesviye olur. Ve ba'dı kerre bana maznûn olduḡu üzere meḥâcime dahi ḥâcet olur hattâ meḥâcim ḥasebiyle dâhile münkesir olan ketif ḥalfe müncezb ola ve maḍarratından ihtirâz olunarak ketif tesviye olunur. Ammâ ketifin şezâyâsı münkesir olsa eğer o şaziyyede ḳalak ve naḥs-ı müziye var ise onu iḥrâc lâzım olur ve eğer sâkine ise o şaziyye tesviye olunup terḳuve ribâtına müşâbih ribâtât ile rabṭ olunur. Ve ketifî münkesir olan kimsenin nevmi cānib-i şaḥîḥ üzere olmak vâcib olur, cānib-i münkesir üzere [528a] ve âḡer tarîḳ ile nevme ruḡṣat olmaz.

Ḳaṣṣın Kesri Beyânındadır

Ba'dı kerre ḳaṣṣına infilâḳ-ı müfred ya'nî inhilâl-ı ferd 'arîd olup mevdi'inden hurûc eder ve ba'dı kerre ilâ-dâhilin inkisâr 'arîd olur. Ve ev-vele ya'nî infilâḳ-ı müfrede lems ve sem' ile maḥsûse olan ferḳa'a ya'nî in-tikâd ve şavt ve kezâlık iki cüz'ün tebâyünü ve veca'ın imtidâdî delâlet eder ve sâniye ya'nî ilâ-dâhilin inkisâra ba'dı kerre ḡıḳ-ı nefes ve su'âl-i yâbis mişlli a'râḡ-ı rediyye tâbi olur. Ve ba'dı kerre o kesrin şâhibine nefis-i dem 'arîd olur ve ba'dı kerre dahi o kesr ḥasebiyle ḥicâbda 'ufûnet tevellüd eder ve bunların 'ilâcî menkibde olan o âfetlerin 'ilâcî olur.

Ve eğer kass esfele meyl eyledi ise onun 'ilâcî teṭa'mûn edip kesr ile iz'âc olunan terḳuvete 'ilâcî resminde olur. Ve eğer adlâ' bâṭına ve ve dâhile mâile oldu ise onda şuftan mütteḥaz ribât istidâre üzere isti'mâl olunur cihet-i esfelden bi'l-istikâmet ribât isti'mâl olunduktan sonra ve ba'dehu iki ribâtın tarafları cem' olunup ba'dısı ba'dısı ile rabṭ olunur ve bu vech üzere

olan rabṭ ribāṭât-ı müstedîreyi inḥilâlden men^c eder. Allâhu ta'âlâ a'lemu bi-haḳîkati'l-hâl.

Aḳlâ'ın Kesri Beyânındadır

Yedi 'aded aḳlâ'-ı şādıkaya iki cānibden kesr 'arıḳ olur, ammâ aḳlâ'-ı kâzibeye ya'nî aḳlâ'-ı ḥılfe şulb cānibinden kesr 'arıḳ olur, zîrâ eṭrâf-ı eczâsında ğaḳārîf-i şerâsîf vardır ve ona ancak raḳḳ 'arıḳ olur.

Ve ammâ aḳlâ'ın kesrini ta'arrüf sehldir, lemse ḥafî olmaz, zîrâ ḥâsse-i lems kesri olan dıl'da ḥuşûnet iḥşâs eder ve onda fî-ğayri mevḍi'ihâ ḥareket dahi olur ve ba'ḍılardan istimâ^c olunduğu üzere ondan ba'ḍı kerre ḥaṣṣe-i ḥafîyye dahi istimâ^c olunur. Ve kesrin meyli dâḥile olur ise ona zâtü'l-cenb a'râḳı delâlet eder ve ba'ḍı kerre onda nefş-i dem olur. Ve o dâḥile olan kesri ḥârice medd için mücebbiründen ḥîle olunup iḥrâc olunmağa raġbet eyleme, onu ḥârice iḥrâcda 'usret vardır ve her hâlde meḥâcim isti'mâl olunmağa muḥtâcdır. Ve meḥâcim isti'mâlinde mevḍi'-i kesrde mevâdd-ı keşîre ictimâ'ından ḥavf olunur ve o mevḍi'de mevâdd-ı keşîre ictimâ'ından fesâd-ı 'azîm ḥâdiş olur, ammâ meḥâcim ile müddet-i ḳalîlede dâḥile olan kesri ref' edip tûl-i zamân meḥâcimi imsâk eylemesen onda be's yoktur velâkin şâhib-i kesre cidden neffâḥa olan aġdiye iṭ'âm olunur o aġdiye ecvâfını nefḥ edip ve nefḥ kesri ḥârice müzâḥame ḥasebiyle def' eylesin için. Ve bu vech üzere nefḥi isti'mâl her ne ḳadar ba'ḍı evḳâtta iḳtiḍâ eder ise velâkin verem ḥudûsuna nefḥi sebep-i 'azîm olur.

Ve ehl-i cebrden ba'ḍı 'ulemâ dediler ki zeyt-i ḥârrda bir kıṭ'a şûfe ğams olunup onun ile mevḍi'-i kesr setr olunur ve aḳlâ' araları refâid ile doldurulur 'ale'l-istidâre leff olunan ribâṭ müstevî olsun için, şadrda vaşf olunduğu min-vâl üzere ve aşḥâb-ı şevşada işlenenler 'azma mülâyim olduğu miḳdâr bunda dahi işlenir. Ammâ bizi emr-i şedîd iḥâta ve irḥâk edip 'azm ḥicâbı müziyen naḥş eylese lâyıḳ budur ki cilde şakḳ oluna ve dıl'ından meksûr olan keşf oluna ve kesrin taḥtına şıfâkı ḥıfz eden âlet vaḍ' oluna şıfâk ḥurûc eylemesin için ve 'izâm-ı nâhis bi-rıfḳin ḳaṭ olunup iḥrâc oluna ve eger verem-i ḥârr ḥâdiş olmaz ise şukûḳ cem^c olunup merâhim ile 'ilâc oluna ve eger verem-i ḥârr 'arıḳ olur ise dühne maġmûse olan refâid ile mevḍi' taġtiye ve setr olunur ve veca^c müsekkîn olan nesneler ile 'alîl taġdiye ve mu'âlece olunur.

Ḥarezâta ‘Ârîd Olan Kesr Beyânındadır

Eṭibbâdan Fûles der ki ḥarâzâtın istidârâtına kesr ḳalîlen ‘ârîd olur belki ona keşîren raḳḳ ‘ârîd olur velev nâdiren ḥarezâta kesr ‘ârîd olsa nuḥâ‘ın şîfâḳâtına ve belki nuḥâ‘ın kendiye ‘aşr ‘ârîd olur ve onlara elemde ‘aşab müşârik olur ve ona mevt tâbî‘ olur ḥuşûşân kesr-i ḥarezât ‘unuḳa ‘ârîd ola ve ona binâen ḥareze-i ‘unuḳa kesr ‘ârîd oldukta ḳable’l-mevt iḥbâr-ı helâk eylemek câiz olur. Ve ḥaṭarından ḥavf eylemeyip ḥareze-i meksûreyi şakḳ ile nez‘ mümkün ise o nez‘ tedbîr-i ḥasen olur ve eger mümkün olmaz ise evrâm-ı ḥârreyi müsekkîn olan tedbîr ile tedbîr olunur. Ve ḥarezedden nâbit olan eşyâdan şevke tesmiye olunan keḳbetli, mûzî bir şeyḳ bâḳî olur ise eşâbî ile ḥatt ve ḥakk olunup isḳâṭ olunur. Ve lâyıḳ olur ki cilde şakḳ olunup ḥârice iḥrâc oluna ve ba‘dehu ḥıyâta ile o cilde cem‘ olunup mülḥimât ile mu‘âlece oluna.

Ve eger ‘azm-ı kâhil esfel-i ḳaṭanda ve kezâlik ‘uşuş münkesir olur ise yed-i yûsrâdan işba‘-ı sebbâbe maḳ‘adeye idḥâl olunup yed-i uḥrâ işba‘ sebbâbe maḳ‘adeye idḥâl olunup yed-i uḥrâ ile ‘azm-ı meksûr ḥasbe-mâ emken tesviye olunur. Ve biz iḥsâs edersek ki ‘azm kesr olunup teberrî ve müfârâḳat eyledi, lâyıḳ olur ki zikri sebḳat eylediği üzere şakḳ olunup ‘azm-ı müteberrî iḥrac oluna ve ba‘dehu maḳ‘adeye lâyıḳ rabṭ ile rabṭ ve ona muvâfıḳ ‘ilâc ile mu‘âlece oluna.

‘Aḳudun Kesri Beyânındadır

Kaçan ‘azm-ı ‘aḳud münkesir olsa ekşer-i ḥâlde onun meyli ḥârice olur ve vâcib olur ki kesri mevḍî‘ine redd için işlenen fi‘l onda işlene senin bildiğin vech üzere ve yed ile mess olunup tesviye-i bâliḡa ile tesviye oluna ve ba‘dehu ribât-ı müteşâ‘ide ile rabṭ ve menkib ḳarîb ise menkibe ḳadar şedd oluna ve ba‘dehu senin ma‘lûmun olduğu üzere ribât-ı mütenâzil rabṭ oluna her ne ḳadar taḥt-ı mirfaḳa ḳadar olur ise ve ba‘dehu ribât-ı ḡâlîs ile rabṭ olunup esfelden bedḳ olunur ve fevḳe şu‘ûd olunur ve yed tezviye¹⁷⁸ tarîḳi ile ta‘lîḳ olunur ve tedellî¹⁷⁹ ile ta‘lîḳ olunmaz, zîrâ o vech üzere ta‘lîḳ

178 “Tezviye” bükme.

179 “Tedellî” aşağı sarmak.

redîdir; ecved olan 'ađudu şadra şedd eylemektir mirfakı hareket eylesin için tevzîye edip bükmele huşuşan bu vech üzere şedd ve tezviye kesr-i mirfaka qarîb oldukta ziyâde lâzım olur. Ve eger ribât ile rabt mevdi'-i kesrde verem hudûşundan sonra olur ise hall ve mâ veyâhüd yalnız mâ o ribât üzere kılınır ve onun ribâtı kettândan kılınır ve 'arđı dört parmak kılınır, ziyâde veyâhüd nokşân kılınmaz. Ve eger kesrden sonra zamân mürür edip verem ba'dehu hâdis oldu ise onun ribâtı şuftan ittiḥâz olunup dühnde ğams olunur, eger imkân mevcûd ve mâni' mefkûd olur ise yevm-i sâbi'a ve mâ-ba'dine 'aşire varınca kadar hall olunmaz ve o vakt mürûrunda hall olunup cebâir ile rabt olunur ve ihtiyât dâi olup yevm-i sâbi'-den muḳaddem hall olunmak kaşd olunur ise yevm-i şâliste ḥall olunur ve Buḳrât'ın meyli yevm-i şâliste ḥalle olur, zîrâ yevm-i şâliste ḥall her ne kadar incibârın buḫüne mü'eddî olur ise velâkin niçe âfât 'urûduna mâni' olur.

Ammâ vađ-ı cebâir keyfiyyetini ta'lim ve beyânına bâbu'l-cebâirde mürûr eden beyân kifâyet eder ve kırk güne varınca kadar şedden elbette müfâraḳat olunmaz. Ve kesri mevdi'ine redd ve i'ade ḥasen olsun için [528b] medd-i şedide ḥâcet olur. Ve onu meddin sana muvâfaḳatı olmayıp ve mu'inden dahi ğinâ ḥâşıl olmaz ise bir kürsî üzere 'alîli iclâs eyle ki onun kâime işrâfı kâide işrâfından ekşer olsa ve 'alîlin ibtîni süllemeden veyâhüd süllem gibi nesneden bir dereceye müstenid ve müttekî eyle ve bâbu'l-ḥal'-da bildiğin minvâl üzere o istinâd olunan dereceyi mülâyim ḥıraḳ leff etmekle telyîn ve temhîd ve tavṫi'e eyledikten sonra 'alîlin mirfakına bir ağır sengîn nesne ta'lik eyle 'ađudu esfele medd eylesin için. Ve kaçan bu tedbîr ile imtidâd maṭlûb ḥâşıl olsa o zamân kesr tesviye olunur. Ve eger mevdi'-i kesrin fevkine ve tahtına 'aşâib-i kaviyye rabt ve 'alîli müstelḳiyen inâme ve aḳviyâdan biraz ricâl ile ilâ-fevḳin ve ila-tahtın medd eylemek mümkün ise bu vech üzere medd seni kürsi ittiḥâzından iġnâ eder.

Ve eger kesr 'ađudun vasaṭında ise maḫşalın ya'ni mevdi'-i kesrin iki tarafında eylediğin rabtların bu'dünü ve mesâfesini mütesâviye eyle. Eger kesr vasaṭta olmayıp mirfak veyâhüd menkib cānibine qarîb ise şedd ve rabtı bir taraftan qarîb ve bir taraftan ba'd edip mesâfe-i rabtı mütefâvite eyle. Ve eger 'ađude yalnız şad' 'arıd oldu ise şad'ın 'ilâc-ı mezkûru ile mu'alece edip üzerine şedd-i ribât eyle.

Sâ'idin Kesri Beyânındadır

Sâ'id dirsek ile bilek arasına derler. Ve teşrîhte zîkr olunduğu üzere sâ'id iki ʿazmdan mürekkebdir, biri fevķānî ve biri tahtānîdir, onlara zendān tesmiye ederler. Pes baʿdî kerre iki zendlere maʿan kesr ʿarîd olur ve baʿdî kerre eħadühümā münkesir olup āher şaħîḥan bâķî kalır. Ve zend-i esfelin inkisârı ziyāde şerrli ve zend-i aʿlânın inkisârından aķbah olur, zîrā zend-i esfel fi'l-ḥaķîķa sâ'iddir ve zend-i aʿlâyı ḥāmildir ve ḥāmilin inkisârı maḥmûlün inkisârından şerrlidir ve kezâlik zend-i esfel laḥmdan ʿarî olmakla ķubḥ-ı inkisâr onda ziyāde zāhir olur ve kezâlik zend-i aʿlâyı sühûlet ile ķabûl eder ve medd-i yesîr ona kifāyet eder; zend-i esfel onun gibi değildir ve ḥuşûşân iki zend maʿan münkesir olsa esfelin şerri ekşer olur.

Ve kaçan kesr-i sâ'ide muʿālece eṣnâsında sâ'idin meddi kaçd olursa vâcib olur ki ʿalîl kûʿu üzere yaʿnî aşl-ı keffi üzere ittikâ olunur ve şedd-i ribâtın meblağı taʿarrûf olunur, zîrā onun eşâbiʿinde verem-i yesîr ve vecaʿ-ı yesîr var ise o ribât muʿtedil olmuştur ve eger eşâbiʿde verem ve vecaʿ yok ise ribât rıḥvdır ve eger verem-i eşâbiʿ ve vecaʿ ifrât üzere ise ribât şedîd ve ķadr-i vâcibden ekşerdir, bu şürette sana vâcib olur ki ribâtı irḥâ edip itidâle redd eylesin.

Ammâ cebâiri vađʿ keyfiyyeti sana ḥafî değildir velâkin vâcibdir ki cebîrenin tûlû keffe ve uşûl-i eşâbiʿe bâliğ olmaya belki o miķdârdan tûlû aķşar ola velâkin sâ'idin kesri mafşal-ı rusğa müretteb maḥallde olur ise o vakte keffe ve uşûl-i eşâbiʿe cebîreyi iblāğa ruḥşat olur velâkin o şürette dahi vâcib olur ki berâcim¹⁸⁰-i eşâbiʿa cebîre mess eylemeye. Pes kaçan sâ'id cebr ve rabṭ olursa vâcib olur ki şekl-i müzevvâ üzere sâ'id ʿunuḳtan taʿlîķ oluna. Ve vâcibdir ki onun taʿlîķi muṭlaķan ve ḥuşûşân sâ'idin kesri esfele oldukta bir kıṭʿa ḥırķa ile ola ki onun ʿarđı tûl-i sâ'idi bi-küllîyyetihi iḥâta eyleye, zîrā sâ'id-i meksûrun ʿalâķası ʿarîdā olmamakla ʿalâķa-i sâ'ide kesre ķarîb maḥallde mess eyleyip sâ'idin mevâdiʿ-i sāiresi bir nesneye müstenid olmasa o ḥâl iltivāya müʿeddî olunur ve meyl-i keffin icâb eylediği taraḫa mâʿil olur ve belki vâcib budur ki keff ve sâ'idin ekşeri ʿalâķada ola. Ammâ kesr fevķe mâʿil ise vâcib olur ki taʿlîķ bir vech üzere ola ki mevdiʿ-i kesr ʿalâķadan berî olup kesri iki taraḫı yaʿnî sâ'iddin mevdiʿ-i

180 Parmakta olan mafşal kemiklerine berâcim derler.

kesrin gayri keff ve 'aḍud cānibleri 'alāka ile terfî' ve ta'lik oluna, zîrā o vech ile ta'lik edip kesr mevḍi'ini ḥāricde kılmak istivā-i şeikle mu'ın olur ve 'alāka hırka-i leyyineden ittiḥāz olunur ve bir ḥayṣiyyet üzere ta'lik olunur ki onda elbette kebb olmaz ve baş-ı 'anîfle baş dahi olmaz ve ba'ḍı kerre bi-sür'atin sā'id müncebîr olur, yirmi sekiz güne qarîb incibâr ḥāşıl olur.

Rusgun Kesri Beyânındadır

'Azm-ı rusga kesrin 'urūḍu ḳalîlü'l-vuḳû' olur, zîrā cidden şulbdür. Ka-çan kesri mücib bir sebep 'arıḍ olsa mevḍi'inden zâil olur ve kesri ḳabûl eylemez ve onun gâyet-i 'ilâcî ḥal' 'ilâcî olur.

'İzām-ı Eşābî'n Kesri Beyânındadır

'İzām-ı eşābî'e dahi rusg gibi kesrin 'urūḍu ḳalîl olur belki o dahi zâil olur, münkesir olmaz. Ve erbāb-ı cebr dediler ki eger 'izām-ı eşābî'e kesr 'arıḍ olsa 'alîl bir kürsî-i mürtefi' üzere iclās olunur ve kürsî-i müstevî-i āḥer üzere yedini vaḍ' ile ona emr olunur ve ḥādîm 'izām-ı meksûreyi medd edip ibhām ve sebbābe ile ṭabîb tesviye eder ve eger 'alîlin ibhāmı esfele meyl eylediyse ribâtı fevḳten isti'māl lâyıḳ olur. Ve ba'ḍı kerre ona verem-i ḥārr 'arıḍ olur ve bu 'izāmda istirḥā olmakla onda fudûl-i keşîre müctemi' olur ve onda o fudûl serî'an cāmid olur ve cümüdu müş-tedd olur.

Ve eger kesr sülāmāya¹⁸¹ veyāḥūd işba'-ı ibhāma 'arıḍ olursa lâyıḳ olur ki onlara ḥāşş olan ribât ile ma'a'l-keff rabṭ oluna ḥarekete mānî' olup ve şebāt üzere olsun için. Ve eger kesr sebbābede ve ḥınşırda ise o işba'lar civārında olan işba'la ma'an rabṭ olunur. Ve eger kesr vusṭāda ise cānibde olan işba'larla rabṭ olunur veyāḥūd 'ale'l-vilā küllü eşābî' ba'ḍısı ba'ḍı āḥerlerle rabṭ olunur ve bu rabṭ ecved olur ḍabṭı ve ḥareketten men'î ekşer olmakla ve senin bu vech [üzere] rabṭın cebāir ile rabṭ olanlara müşābeheti olur.

181 السُّلَامِيَّاتُ [es-sulāmeyāt] (sînin ḍammı ve mîm'in fethi ve lām'ın ve yā'nın taḥfî-fiyle) parmaklarda olan kemiklerdir. السُّلَامَى [es-sulāmā] (sînin ḍammı ve elifin ḳaşıyla) vāḥididir. Vankulu.

‘Azm-ı ‘Arîda ve Verike Hâdis Kesr Beyânındadır

‘Azm-ı verikte kuvvet olmakla nâdiren münkesir olur ve ba‘dî kerre ona kesr etrâfının tefettütü hasebiyle olur ve ba‘dî kerre tûlen münşakḳ olur ve ba‘dî kerre dâhili bâtına mündefi‘ olur ve bu ahvâlin ‘urûdundan sonra veca‘ ve naḥs ve sâḳ ve faḥîze ḥader dahi ‘arîd olur ve o ‘avârîdın miḳdârı menkib inkisârında ‘aḍude o ‘avârîdın ‘urûdu miḳdârına ḳarîb olur.

Ammâ fevḳa’l-‘uṣṣuṣ olan ‘azm-ı ‘arîd münkesir olsa veyâḥûd onun ‘adalesi teşazzî eylese onun işlâhı şa‘b olur ve iki veriklerden biri noḳşâna şâir olur. Ve onun ‘ilâcî ‘alîl ibtâḥ olunur ya‘nî yüzü üzere yatırılır, iki ḳavî kimse iḥdâr olunur, her biri birer faḥîzini medd ederler ve bir kimse dahi iki yed ile teşebbûş eder o iki kimseler müdâfa‘ada müsâra‘a eylesin [için] ve iki mücebbir dahi verikleri şiddet ve kuvvet ile ḡamz ederler tesviye olunca ḳadar ve ba‘dehu üzerine muvâfiḳ ve şâlih ḍimâd vaḍ‘ olunur ve ba‘dehu ḥırḳadan bir kübbe ve küre gibi şalâbetli bir nesne ittiḥâz olunur, üzerine ‘alîl istilkâ olunur ve bu vech üzere olan ‘ilâc ketifte olan ‘ilâca ḳarîb olur.

Ve eger verikin cevânibi münkesir olursa onun mu‘alecesi münkesir olan menkibin mu‘alecesi olur ve vâcib olur ki onun rabṭı üzere [529a] terṭib isti‘mâl olunup ke-mâ yenbaḡî refâid tesviye oluna ve vâcib olur ki mevdi‘-i ‘illet bir şey’ vaṭî‘ ve yumuşak nesneye müstenid kılına.

Kesr-i Faḥîz Beyânındadır

Kaçan faḥîz münkesir olsa ḳavî ve şedîd medde ḥâcet olur ve ba‘de’l-medd faḥîz hey‘et-i ṭabî‘iyyesi üzere tesviye olunur ya‘nî faḥîzin cānib-i vaḥşîsi muḥaddeb ve cānib-i ünsîsi ḳalîlen muḳa‘ar kılınıp hey‘et-i şihḥîsi üzere müstemirr kılınır ve inkisâr-ı ‘aḍud bâbında zîkr olunduğu üzere kesr vasatṭa ve a‘lâda ve esfelde olduğu ahvâle mürâ‘ât olunur ve şeddi fevḳ cānibine kılınır ḥabs ve muḥâfaẓa eylesin için. Ve eṭṭibbâ dediler ki kaçan faḥîz münkesir olsa ḳuddām cihetine ve ḥârice münḳalib olur, ekṣer-i ḥâlde o mevâdi‘ ‘arîda olmakla onun tesviyesi yed ile ve ribâṭât ile ve ‘ale’l-müsâvât envâf-ı medd ile olur veyâḥûd iki ribâṭın biri kesr üzere ve âḥeri taḥte’l-kesr kılınır eger kesr vasatṭa ise, ammâ vasatṭan mâil ve re’s-i faḥîze ḳarîb ise bir ḳimât aḥz olunup onun vasatṭına bir şûfe leff olunur laḥmı ḳaṭ‘ eylesin için ve o ḳimâtın vasatṭı ‘âne üzere kılınıp etrâfı nâhi-

ye-i re'se taş'ıd olunur ve o eṭrāf bir ḥādime verilip cānib-i esfele imsākla emr olunur. Ve eger kesr rükbeyi vely eden cānibde ise ribāṭı fevḳa'l-kesr rabṭ edip eṭrāfını medd eden kimseye fevḳe medd eylesin için verimiz ve rükbe dahi bir ribāṭ leff olunmakla ḍabṭ olunur ve 'alīl sākı memdūd olduğu ḥālde 'alā-vechihi istilkā olup faḥiz tesviye olunur. Ve eger onda dahi sāir aḍḍa vukū'u üzere 'azm-ı nāḥiṣ var ise lāyık olur ki o 'azm-ı nāḥiṣ mirāren mürür eylediği üzere tesviye oluna ve eger o 'azm-ı nāḥiṣ mürtefi' ise aḥz olunur, ammā onun sāir tadbīri 'aḍud mu'ālecātı bābında zıkr olduğu üzere kılınır.

Ve 'azm-ı faḥizin kesri cebr olundukta elli gecede müncebir ve müştedd olur. Ve biz sana 'ilāc-ı sāk beyān olundukta faḥizin vaḍı ne keyfiyyete olmak lāyık olduğunu beyān ve iḥbār eyleriz. Ve vācib olur ki faḥiz tesviye olundukta iki faḥiz arasına ḥaṣebden ve ḥaṣeb mişlliden hey'et-i küre üzere bir kıṭ'a ḥaṣeb vaḍı olup tesviyeyi muḥāfaza için ve kesr tesviye olup ve cebr-i ma'rūf üzere cebr olup cebrden ḥādiṣ olacak 'avārıda dahi te'ā-ḥüd olunur ya'nī ḥikkeyi ve veremi dāfi' olan ṭarīḳ üzere cebr olunur.

Ve eger faḥize verem 'ārıd olsa faḥize 'ārıd verem ḳavī olur ve faḥize o mişlli verem serī'an 'ārıd olur, pes o veremin 'urūdunda vācib olur ki faḥizin ribāṭı ḥall oluna verem tefeşşī ve tebeddüd eylesin için ve veremi dağıtıcı neṭūlatı bundan aḳdem sen bildin. Ammā onda isti'māl olunan ḳavālib ve berābiḳ o 'azīm levḫalardır ki onda miḳdār-ı ḳalīl taḳ'ir olur faḥize melfūfe olan lefāyif tehendüm eylesin için ve o ḳavālib ṭūl-i ricli aḥz eder, zīrā ṭūl-i riclden ḳaṣīr olup sāk üzere cereyān eylemese belki dūne's-sāk munḳaṭı' olsa maṭlūb olan fevāyid o mişlli elvāḥ isti'mālinden ḥāşıl olmaz ve eger ḳadr-i vācibden ṭülü ezyed olsa marīḍa ta'ab verir ve ḳadr-i vācibden ṭülü ekāl oldukta dahi marīḍi it'ābdan ḥālī olmaz ve zıkr olduğu miḳdār elvāḥı taṭvīlin fāidesi riclden ṭāife-i şaḥīḥayı hareketten men' olur, zīrā mevāḍi'-i şaḥīḥadan ba'dı mevḍi'in hareketi cebre muḥill olur ve ḥuṣūşan ḥāl-i ḡaflet ve nevmde o elvāḥa ḥācet ekşer olur ve o ḳavālib ve birānce ḥācet cidden kesr-i 'azīm oldukta olur ve kesr-i 'azīmde dahi ancak ḳable't-teverrüm isti'māl olunur, zīrā verem o mişlli ālātı ihtimāl eylemez. Ve'l-ḥāşıl o ālāt şıḳal ve belā olmakla mādām ki ondan istiḡnā ḥīle-i uḫrā ile mümkün ola, ona raḡbet olunmaz.

Ammâ fahîzi cibr olunan kimsenin nuşbesi lâıyık olur ki hâl-i şıhhatte olan nuşbe üzere ola şıhhatte dâimü'l-kabđ veyâhüd dâimü'l-başt ise o minvâl üzere kılına ve ekşer-i nâsta fahîzin nuşbe-i şıhhiyyesi başt üzere olur ve ma'lûm ola ki fahîzi ve veriki münkesir olan kimsenin kesri müncebir olsa 'aracdan o kimse hâlî olmaz ve kaçan 'adalinin şezâyâsı munķatı' olsa fahîz evvelâ istirsâl edip sâniyen munķatı' olur.

Fülkenin Kesri Beyânındadır

Fülkenin inkisârı kâlîl olur, ekşer-i hâlde ona dıkk 'arıđ olur ve onun 'arıdası mess ile ve huşûnet ihsâs olunmakla ve ferka'a ile ta'arrüf olunur, zîrâ onlara lems ile tefatţun olunup üzün ile ferka'anın şavtı istimâc olunur. Ve onun 'ilâcında sâķ medd olunup fülke mevđi'-i tabî'isine ilķâm oluna. Ve eger fülke müteferriķ oldu ise evvelâ o müteferriķ cemc olunup ve ba' dehu mevđi'ine dess oluna.

Sâķın Kesri Beyânındadır

Sâķın terekkebü iki 'azmdan olur, biri şağîr ve 'ulyâ ve biri kebîr ve süflâ olur ve şağîr olan 'azmın inkisârı kebîrden eslem olur. Ve kaçan şağîr-i 'ulyâ münkesir olsa sâķın meyli hârice ve ķuddâma olur ve kübrâ ve süflâ olan ķaşabe münkesir olsa sâķın meyli hâlfe ve hârice olur ve iki ķaşaba cemî'an münkesir olsa ziyâde redî olur ve o hâlde sâķ cemî-i cihâta meyl eder.

Ve ma'lûm ola ki kesr-i sâķın 'ilâcı sâ'id kesrinin 'ilâcı kıyâsı üzere olur ve onun meyli gibi meyli olur. Ve sâķın şekl-i tabî'idin inhirâfta hâlî 'adûd hâlî gibi değildir belki şekli müstakîmdir ve vâcib olur ki onun meddi istikâmete redd tarîķi üzere ola.

Ka'b Beyânındadır

Ka'b inkisârdan maşûn ve me'mündür, şalâbet-i cevheri olup onu viķâyeler muhîta olmakla ve ona ekşer-i hâlde hâl' 'arıđ olur ve hâl'-i ka'bın zikri mürûr eyledi.

‘Aķıb Beyânındadır

‘Aķıbın inkisârı şa‘bdır ve ‘ilâcî müte‘assirdir ve ekşeriyyâ onun sebeb-i inkisârı mevđi‘-i ‘âliden mütteki‘en ‘alâ-riclihi suķūttır. Ve ba‘dı kerre kesr-ı ‘aķıbda rađd-ı ‘azîm olur ve buķûn-ı ‘ađale dem seyelân edip cümüd eder ve ba‘dı kerre a‘râđ-ı ‘azîmeye ĥummâ ve iĥtilât-ı ‘aķl ve irti‘âş ve te-şennüc-i ricl mişlli nesneler mü‘eddî olur. Ve ‘aķıbda dem-i cāmîd ĥudūşu zâhirde ma‘lûm olmaz ve ĥârice ĥurûc eylemez. Ve eger ‘aķıbda fi’l-aşl olmayan kümüdet ĥâdiş olursa ‘alâmet-i rediyye olup delâlet eder ki o mevđi‘ tarîķ-i ‘ufûnette olur. Ve eger ‘aķıbın veremi zâhir ve müdâfi‘ ise ecved olur ve ba‘dı kerre onun inficârı yesîr olur. Ve kaçan ‘aķıb müncebir olsa onun üzerine meşy ya‘nî ona müsteniden meşyde veca‘ olur. Ve eger ‘aķıb lâyıķı üzere müncebir olmasa onunla intifâ‘ bâtıl olur.

Eşâbü’r-Ricl

Kesr ve ĥal‘de ayak parmaklarının ‘ilâcî eşâbi‘-i yed ‘ilâcî gibi olur. Ve ba‘dı kerre eşâbi‘-i ricli cebr eden kimse ĥademi ile va‘p edip tesviye eder. Ve cebr eden kimseye vâcib olur ki bu mezkûrları iĥtiyât üzere [529b] işleyeler. Ve’l-ĥamdü lillâhi dâimen.

KĀNŪNDAN KİTĀB-I RĀBİʿ FÜNŪNUNUN FENN-İ SĀDİSİ BEŞ MAKĀLEYİ MÜŞTEMİL OLUP

Maḳāle-i Ūlā Ahvāl-i Sümūmdan Maʿlūm Olanların Uşūlū ve Muʿālecātı Maḳālātını Tafşıl Hūşūşan Ḥayvāniyye Olmayanları Kemāl-i Tafşıl Beyānındadır

Meşrūb Olan Sümūmdan Taḥarrüzde ve Baʿde'ş-Şürb Muʿālecātında Kelām-ı Küllīdir

Semm saḳy olunmaktan ḥavf eden kimseye vācib olur ki o aḡdiye-i ḡalīza tenāvülünden ictināb ve ḥazet eyleye ki onda tuʿūm ḡalibe ola yaʿnī ḥumūdat ve mülūḥat ve ḥarāfet ve ḥalāvet tuʿūm-ı ḡalibelerinden biri ola ve kezālik rāyiḥası ḡalib olan mütenāvelden dahi ḥazet eyleye, zīrā semmin rāyiḥasını ve taʿmını taʿāmin taʿm-ı ḡalibi ve rāyiḥa-ı ḡalibesi kesr eder ve o taʿāma dess olunan semmin taʿm ve rāyiḥasını iḥsāsa mānīʿ olup ona saḳy olundukta bilā-şuʿūr şürb eder. Ve kezālik şürb semmden ḥavf eden kimseye vācib olur ki saḳy-ı semm ile müttehem olan kimsenin meclisine cūʿ-ı şedīd ve ʿaṭaş-ı şedīd zamānında ḥādır olmaya, zīrā cūʿ ve ʿaṭaş şiddet-i nehem katında saḳy olunan semme tefatṭundan şāribi menʿ ve semmin keyfiyyatını setr eder. Ve maʿa-hāzā şarāb ve taʿām ile mümtelī olan kimseye iki ʿarad ʿarīd olur: Eḥādühümā budur ki kendiyi mümtelī olan taʿām-ı keşīrde semmi ihfā ederler. İkincisi budur ki mütenāvel olan ḡidā ile ʿurūḳ memlūvve olur ve ʿurūḳta menfeẓ bulmaz ve baʿdī kerre o mütenāvel olunan taʿāmda semme müdādde olan nesne olur yaʿnī semm için ʿurūḳta menfez olsa o taʿām semmin maḍarratını defʿ eder idi.

Ve kezālik saḳy-ı semm olunmaktan ḥavf eden kimseye vācib olur ki semmin maḍarratını dāfiʿ olan edviye tenāvülüne itiyād eyleye, meşrūdītūs mişlliler tenāvülünü ʿādet eyleye ve devām üzere onun tenāvülünün semme menfaʿati tecrube olunmuştur ve kezālik tīn-i Ermenī maʿcūn mişlliye ve varak-ı sezāb ile tīn ve cevz ve milḥ-i ceriş tenāvülünü deyden edeler, ammā bunların veznleri sezāb-ı yābisten yirmi cüzʾ ve cevz iki cüzʾ ve milḥ beş cüzʾ olur. Ve cedvārın defʿ-i sümūmda menfaʿati ʿacībedir, küllü maḍarratını sümūmun defʿ eder ve būḥā dahi onun gibidir. Muşannif der ki “būḥā”

devā-i vāhid midir veyāhūd “bū” bir devā ve “hā” başka başka devā mıdır onu ben tahkik edemedim. Ve kezālik bu devā dahi nāfi'dir: Bezr-i şelcem-i şığār nısf dirhem aḥz olunup maṭbūḥ ile şürb olunur. Ve kezālik sezāb ve milḥ dahi onlar gibi nāfi'dir.

Ve semm sakı olunmaktan ḥavf eden kimseye vācib olur ki ancak onun ihtirāzı ḡayrin ta'āmından ve şarābından olmaya belki min-ḡayṣi lā-yaḡte-sibü me'mülü olmayan kimseden zuhūr eder ve belki me'kel ve meşrebine ḡaşerāt, semmiyyetli ve ḡabīs 'azāye ve rüṡeylā ve 'akreb mişlli nesneler ḡāl-i ṭabḡta ta'āmına ve şarābına suḡūt eder, zīrā ekşer-i hevāmm rāyiḡa-ı şarāba muḡibb olmakla te'āṡi kaşdı ile suḡūt eder ve dināndan ḡurūc edemeyip helāk olurlar. Ve ba'dı kerre dahi o hevāmm evānide olan şarābı şürb edip ba'dehu ḡay' etmekle şarābı tesmīm ve ifsād eder. Ve hevāmmın semmiyyeti olmakla onların mazınnesi olan müsakḡafāt ve şecere-i 'azāye taḡtları ve me'āşibden¹⁸² taḡarrüz dahi vācib olur.

Sümüm-i Meşrūbede Vāḡı Kelām-ı Küllīdir

Bi'l-cümle sümüm aşnāfi iki şınfa rāci'adır, birisi bi-keyfiyyetihi fā'il-dir ve āḡeri bi-şüretihi ve bi-cümleti cevherihi fā'ildir. Ammā şınf-ı evvel onlardan kimisi erneb-i baḡrī gibi ekkāl ve mu'affindir ve kimisi ferfiyün gibi mülhib ve müsahḡindir ve kimisi afyün gibi müberrid ve muḡaddir ve kimisi dahi mürdāsenc gibi bedende olan mesālik-i nefesi müseddiddir. Ve şınf-ı şānī ya'nī bi-cümleti cevherihi fā'il olan bīş mişllilerdir ve kezālik helhel dedikleri semm dahi o ḡabildendir ve iddi'ā olunduḡu üzere helhel bīşin veyāhūd ferbiyünün veyāhūd ḡurūn-ı sünbülün veyāhūd şey-i āḡerin şamḡıdır ve kezālik ḡurūn-ı sünbül dahi o ḡabildendir. Ve merāret-i nemir ve ona müşābih olanlar dahi onun gibidir, merāretü'n-nemrin şerri cümleden ziyādedir.

Ve sümümün bir kısmının ḡamlı 'udv-ı vāhid-i mu'ayyene olur, meşelā zerārīḡ meşāneye ve erneb-i baḡrī riyeye ḡamlı olur ve bir kısmı dahi afyün gibi bi'l-cümle beden ḡamlı olur sümümdan tebdīl-i mizācla veyāhūd ta'fīn ile veyāhūd ḡamlı 'udv-ı vāhid-i mu'ayyene olmakla ḡatl eden semmin fi'li te'ḡḡür edip ba'de-ḡīnin zuhūr eylemek cāiz olur.

182 “Me'āşib” otlu yerdir.

Ve ‘ufûnet ihdâsıyla katl eden semmin bedende mekşî her ne kadar at-vel olur ise şerri o mikdâr ekşer olur. Ve onun selîmi şûrb olunduğu gibi meşrûbun ve ta‘fîn eylediği mevâddın ‘arâk mişlliler ile yâhûd o ‘ufûnete muqâbil olan devâ isti‘mâliyle tahallül edenleri olur.

Ve ma‘lûm ola ki emzice-i hârre aşhâbına muhaddirâtın mađarratı bir cihetten ađ‘af ve cihet-i uhırâdan aqvâ olur ve o iki cihetten hangisi ğâlib ise hüküm ğâlibin olur. Ve harâret-i kalbin sümüm-ı muhaddireye muqâvemeti hasebiyle semmin fi‘li da‘f olur, ammâ semm beden-i hârda telaţţuf edip onun cevher-i bârid-i şakîli latîf ve şiryânların şiddet-i hâreketleriyle ictizâb ve ‘inde’l-inkıbâd cezbî hasebiyle onun ebdân-ı hârreye nikâyesi eşedd ve aqvâ olmakla semmin te’sîri kavî olur huşûşan ki sümüm-ı muhaddire bârid olmakla mizâc-ı hârre müdâdde ola. Ve müşâbih olur ki sümüm-ı hârre de dahi kavî bu minvâl olup min-vechin ađ‘af ve min-vechin âher aqvâ ola, zîrâ mizâc-ı hârre sümüm-ı hârreyi kalbden def‘ etmekle sümûma muqâve- met eder ve kuvvet-i mizâcî semmi tahtlîl eder lâkin mizâc-ı hârre şâhibinin şerâyini semmi cezb edip min-vechin ađ‘af ve min-vechin aqvâ olur. Ve onun için Câlînûs dedi ki kûniyûn¹⁸³ ya‘nî o semm ki muşannifin ğâlib-i zannı üzere bîş dedikleri semmdir ve ihtimâldir ki semm-i âher kâtil ola, pes o ism ile müsemma olan semm insânı katl eder velâkin onu ekl eden zerâzîri ya‘nî sığırık kuşunu katl eylemez o sebep ile ki zerâzîrin kalbine mütenâvel olan kûniyûnun semmiyeti tahallül ve zâil olup ancak ğıdâiyete istihâlesi bâkıye iken vâsıl olur, ammâ onu tenâvül [e]den insânın kalbine keyfiyyet-i semmiyyet bâkıye iken vâsıl olur ve lâ-maḥâle insânı katl eder. Ve insânda kalbe vuşûlü serîf olduğunun vechi budur ki insânda olan mecârî vâsi‘ ve harâret ğâlib ve şerâyîninde cezbe mü‘eddi olan hareket kavîdir, ammâ zürzürda bu hâlât yoktur. Muşannif der ki Câlînûs’un zikr eylediği vech huşûş-ı mezkûre vechün-mâ olur lâkin kuvâ-yı fâ‘iliyye ve kuvâ-yı münfa‘ile aralarında olan münâsebate mürâ‘ât olunmak vâcibdir. Pes Câlînûs’un vechine o zamân hâcet olur ki cem‘an hayvânâta kıyâs ile kûniyûn semm ola ve bu semmin bi’l-cümle hayvânâta kıyâsla semm ol-

183 Ma‘lûm ola ki tab‘ ile olan nüshada “kûniyûn” vâkı‘ olmuştur, âher nüshaların kiminde “ferfîr” ve kiminde “ferbiyûn” vâkı‘ olmuştur. Şâhîh olan nüsha-i ülâdır, bundan sonra kûniyûn resminde muşannifin kelâmı ona şehâdet eder.

duğu ma'ûlüm değildir ve câizdir ki kûniyûn zerâzîre kıyâsla semm olmayıp mizâc-ı insâna kıyâsla semm ola. Ve Cālînûs dedi ki ba'đı 'acâiz evvelâ bîş-ten mîkdâr-ı kalîl tenâvül ederler ve ba'dehu o tenâvüle müdâvemet ederek [530a] tabîr-atı onu tenâvüle me'lûf edip keşîren tenâvülüne cür'et ederler ve onlara onun tenâvülü muđırr olmaz. Muşannif der ki Cālînûs gibi Rûfus dahi tahdîs ve hikâye eyledi ki bir câriye semm ile minvâl-i mezkûr üzere tağdiyeye me'lûfe kılındı, ona mübâşeret ve mücâma'at eden mülûk helâk olsun için ve o câriyenin mizâc-ı bir meblağa bâliğ oldu ki onun lu'âbı işâbet eylediği hayvânı katıl eyledi, binâen 'alâ-zâlik lu'âbını arda ilkâ eylese ona decâc takarrüb eylemez idi.

Aşnâf-ı Sümûma Olan İstidlâlât Beyânındadır

O aşnafa bedende onların ihdâş eylediği evşâf ile istidlâl olunur:

Eger bedende lez'â ve teğattu'a ve mağşa ve ekkâle müşâbih nesne hâdis olursa delâlet eder ki semm-i meşrûb edviye-i hârre vü hâdde vü hîrrîfedir zernîh ve sükk ve zıbağ-ı mahtûl gibi.

Ve eger iltihâb-ı şedîd ve dürûr-ı 'arâk ve humret-i 'ayn ve kerb ve 'ataş olursa delâlet eder ki o semm-i meşrûbun semmiyyeti ancak harâreti hasebiyledir ferbiyûn gibi.

Ve eger sübât ve hâder ve berd hâdis olursa delâlet eder ki semm muhad-dirât kabîlindendir.

Ammâ evşâf-ı mezkûreden biri olmayıp ancak suķût-ı kuvvet ve 'arâk-ı bârid ve ğaşy hâdis olduysa delâlet eder ki o semm bi-cümleti cevherihi mizâc-ı insâna müdâdde olan kabîlindendir ve bu semm sümûm-ı sâireden erde' olur.

Ve ba'đı kerre sümûma revâyihiyle istidlâl olunur ve o râyiha dahi bedenin küllisinde olur afyûn şûrb edenlerin bedeninden sûtû' eden afyûn râyihası gibi veyâhûd a'đâ-i bedenden bir 'uđvda olur sümûm-ı mu'affine şûrb edenlerin feminde olan râyiha-ı 'afîne gibi, meşelâ erneb-i bahrî şûrb ve efünîhun ve zerârîh şûrb edenler feminde o revâyîh olur.

Ve ba'đı kerre semme takyî'e ile istidlâl olunur, zîrâ ba'îd olmaz ki kay'a nazar eden kimse kay'da semm-i meşrûbun cevherini rû'yet ve müşâhede eyleye veyâhûd semm-i meşrûbun râyihasını ve ta'cını kay'dan istişmâm

ve tezevvuk edip onlar ile semme istidlâl eylediler, zîrâ ba'đı kerre kay'a nazar olundukta başarı mürdâsence ve cıbsîne vâkı' olup o semmlerin meş-rûb olduğuna delîl olur ve kezâlik dem-i câmid ve leben-i mün'akide dahi nazar ta'alluk eder, ammâ afyûn cevheri kay'a müşâhede olunmaz belki kay'da afyûn râyihası şemm olunmakla afyûn şürbü ma'lûm olur. Ve er-neb-i bahrî ve dıfdrî zehûket ile ma'lûm olur.

‘Alâmât-ı Rediye Beyânındadır

Ve kaçan mesmûmu gâşy ahz edip hâdekası münkalibe ve sevâd-ı ‘aynı gâyib olsa ondan bür recâ olunmaz. Ve kezâlik ‘aynı muhmerre olup lisânı taşra istirhâ eylese ve nabdı sâkıf olup bârid ‘arağ olsa delîl-i sû olur ve o mişlli mesmûmun ‘ayşı ve hayâtı kalîlü'l-vukûc olur.

Semm Sağy Olunan Kimsenin Mu'âlecâtı Kânûnudur

Vâcib olur ki te'hîr olunmayıp şürb-i semm edenlerin ‘ilâcına mübâderet oluna ve semmin kuvveti bedene fâş olmazdan mu'âlecesine bed olunup ona mâ-ı fâtir ve dühn-i şîrec ve zeyt sağy edip kay ettirile ve o vechle takyîede mübâlağa oluna. Ve ecved olan takyîe için sağy olunan o nesnelerde şibtten ve bûrakıtan bir kuvvet ola ve ba'đı kerre zeyte hudağ ve şahm-i ıvezz halı olunur.

Ve müsteħabb olan budur ki kay için her ne tenâvül ederse onda mâ-ı keşîr ve gıdâ-i keşîr ola, zîrâ keşîr olan mâ ve gıdâ her ne kadar bi-hase-bi'l-keyfiyyet semmin te'sîrine mâni' değil ise lâkin kemmiyyetinin kesreti hasebiyle semmin sevretni kesr edip ona gâlib olur.

Ve kaçan mesmûm hasbe-mâ emken kay eylese semmin ‘âdiyesini ve dararını def için ona leben-i keşîr sağy olunmakta be's yoktur eger o leben-i meşrûb ba'de's-şürb kazf olunursa ve kezâlik bezr-i kettân ve kezâlik şar[â]b-ı hulv şahm-ı ıvezz-i müzâbla ve kezâlik haşab-ı kerm remâdının suyu sağy olunur.

Ve vâcib olur ki kay'a hûkne itbâc oluna huşûşan ezânın esfele nüzûl eylediği ihsâs olunsâ hûkne isti'mâli ziyâde nâfi' olur. Ve eger mesmûmun ıdıtırabı zıkr olunan miqdârdan ezyed ve ekser olursa hem mu'ayyî ve hem müşhil nesneler isti'mâl olunur ve şürb-i lebenden gaflet olunmaz.

Ve eger tîn-i mahtûm tiryākını isti'māle hācet olursa o dahi isti'māl olunur, zîrā o tiryāk def'-i semme ni'me'l-ʿavn olur huşuşan o tiryāk evvel-i emrde saḳy oluna. O tiryāk nüshası üzere terkîb olundukta meşrûb olan semmi ḳazf eder ve onun nüshası budur: Hıbbu'l-gār iki mişḳāl, tîn-i mahtûm iki mişḳāl, iresā iki mişḳāl bu eczālar zeyt ile ma'cûn kılınır, şerbet-i vāhidesi bunduḳa miktārıdır. Ve kezālik ḥabb-ı belesān, zūfā-i yābis, lift-i berrînin bezri ve fülful-i ebyaḳ ve fülful-i esved ve dār-ı fülful ve vecc ve enîsûn ve fuṫrāsāliyûn ve esārûn ve kemmûn-ı Kirmānî ve bezr-i benc her birinden dörder dıraḥmî, sünbül, fiḳāḥ-ı idḥir her birinden beşer dıraḥmî, selîḥa on sekiz dıraḥmî, ḥamāmā, za'ferān her birinden altışar dıraḥmî; bu mezḳûrlar ʿasel ile ma'cûn kılınıp bâḳılā-i Rūmiyye şarābıyla saḳy olunur. Ve kezālik tîn-i mahtûm olduḡu ḥāl üzere bilā-tagyîr şarābla saḳy olunur. Ve bir ḳavm zu'm eylediler ki ḥur-ı dîk şûrb-i semm ʿaḳıbında saḳy olursa semmi ḳazf eder.

Ve mesmûma saḳy olunan devālardandır ferāsiyûn ʿuşāresi, varaḳ-ı ḳaşab, nārdîn, bezr-i cezr, cünd-i bîdeste, bunduḳ, tîn-i yābis, sezāb. Ve bu bâbda maḥmûd olan edviyeden olur: Ḳınne-i müntine dört dirhem, mürr bir dirhem şarāb-ı ḥulv ile saḳy olursa. Ve ḳaçan ḳaydan sonra iltihāb-ı şedîd ʿarîḳ olsa sen ona mā-ı selc ve müberreden dühn-i verd saḳy edip onu taḳyî'e eyle.

Ve vācib olur ki mesmûm elbette uyumaya ve nefsi terk eylemeye ya'nî nefsinî sükûn üzere kılmaya teşāḥḥun ve tegalluz eylemesin için belki o mesmûm müntebih olup etrāfında ḳa'ḳa'e eyleye ya'nî ḥavālî-i beytte o vech üzere meşy eyleye ki ayaḡının savtı işitile.

Ve ḳaçan semmin ḥālî mütebeyyine olup meşrûb olan hangi semm olduḡu âşikār oldukta sen her semme bi-mā yukābiluhu ʿilāc eyle. Ve semmin hangi semm olduḡu ʿayān olmak iki vech üzere olur: Birisi semmin hangi cinsten idiḡi zāhir olur. İkincisi cins-i vāḥidin envā'ından hangi nev' olduḡu ma'lûm olur. Evvelin mişālî ya'nî cinsi ma'lûm olmaḡın mişālî meşrûbun muḳaṭṭı'āt-ı ḥāddeden olduḡu ma'lûm olur ve ona leben ve zübd ve dühn-i levz ile veyāḥûd semn ile mütteḥaz olan fālūzec-i seyyāl ile ve ḥiddeti kāsîr olan nesnelerin küllîsi ile ʿilāc olunur veyāḥûd semm-i meşrûbun mülhibāt-tan olduḡu zāhir olur, o zamān ona kāfûr ve mā-ı verd ve mā-ı küzbere ve o

mişlli devâlarla ʿilâc olur ve vakt-i istiʿmâlde selc ile tebrîd olunup baʿdehu istiʿmâl olunur ve aʿdâ-i reʾîsesine tuhlubmişlli ile dîmâd olunur ve vakt vakt tebrîdi tecdîd olunur. Ve [530b] bumişlli semme cidden müberred olan mehîd-i bakar cidden nâfiʿ olur ve eger faşda muhtâc ise faşd olunur.

Ve eger meşrûb olan semm ʿalâmet-i mezkûre ile muhaddirâtan idiği maʿlûm olur ise ona muʿalecede tiryâk ve devâ-i hiltî şarâb-ı sırfta sakı olunur ve kezâlik süm dahi sakı olunur.

Ve eger semm-i meşrûbun mizâc-ı insâna bi-cümleti cevherihi müdâdde olan sümûmdan idiği ʿalâmetinden zâhir olursa ona ʿilâcda meşrûdîtüs ve tiryâk ve devâu'l-misk ve bâdzehr sakı olunur ve mâu'l-laḥm ve şarâb istiʿmâl ve ʿalîl muṭayyibâtla tatıyb olunur, meʿvâsı ve meskeni tervîḥ olunur ve elbise-i muṭayyibe ilbâs olunur ve taʿtîs olunur ve fem-i miʿdesi delk olup ağzına nefḥ olunur ve şarḥı netf olunur. Bu muʿalecât sümûmda ictinâb maʿlûm olan semmin muʿalecâtı idi.

Ammâ envâı ʿalâmât-ı hâşşasından maʿlûm olan semmin muʿaleceleri bizim zıkr edeceğimiz ʿilâcla olur: Ve bi'l-cümle sümûm için şûrb olunan edviyeden ğaraḍ semmi kesr olur veyâḥûd cevherini ihâle olur leben ve fâd-zehr ile kesr ve ihâle olunduğu gibi veyâḥûd ğaraḍ semmin cevherini ihrac olur tîn-i maḥtûmla semmin cevheri ihrâc olunduğu gibi veyâḥûd devâ-i meşrûbdan ğaraḍ semmin keyfiyyetine muḳâbele olur şarâb içinde süm sakı olunmakla lesʿa-i ʿakreb keyfiyyetine muḳâbele olunduğu gibi.

Aşnâf-ı Sümûm Beyninde Müsterek Olan Edviye Beyânındadır

O edviyeler bir nevʿ edviyedir ki semme muʿâraḍa edip ḳalbe vuşûlüne mâniʿ olur ve onlar tiryâk ve meşrûdîtüs ve fâd-zehrâtan mücerreb olanlar, tîn-i maḥtûmdan mütteḥaz olan tiryâk ve tiryâk-ı erbaʿa.

Ve eṭṭbâ dediler ki diflâ zehresi ve varâkı semmden mesmûmu taḥlîş eder. Ve denildi ki ḥabb-ı ʿarʿar bu şânda ʿacîbdır ve onun naẓîri yoktur ve onun nüshası encudân ve encudânın uşûlü veznleri berâber ve ikisinden birer dirhem, şîḥ-i Ermenî iki dirhem aḥz olup ʿasel ile maʿcûn kılınır ve mâ-ı tuffâhta sakı olunur ve o eczâdan mütteḥaz devânın menfaʿati ğâyete bâligadır. Ve buḥûr-ı meryem uşûlü şarâbla şûrb olunur. Ve fütenec ve bezr-i şelcem dahi nâfiʿdir. Ve kezâlik ğarîḳûn iki dirhem şarâbla ve

bersiyāvuşān ve ḥubbāzā ve ḥubbāzānın bezri ve varakını sakıy nāfi'dir. Ve kezālik dār-ı şīnī ve muḥḥ-ı erneb ḥamr ḥalli ile iki ūḳıyye veyāḥūd cünd-i bīdester bir mişkāl veyāḥūd iki ūḳıyye zeyt-i ḳaysūm ile isti'māl olunur. Ve ḥasek-i ma'sūrun suyu aḥz olunup sakıy olunur. Ve cezrin bezri ve ḥuṣūşan Aḳlīṭī ve ḥılūt ve ṭabīḥ-i ca'de ve ṭabīḥ-i sāsāliyūs ve sekbīnec şeceresinin bezri 'acībedir.

Devā-i Mürekkeb: Sekbīnec-i berrīnin bezri ve cünd-i bīdester ve varak-ı ḳaşab her birinden birer cüz' ve mecmū'un üç mişli şaḥm-ı ḥanzal; bu mezkūrlar aḥz olunup bunduḳa-i kebīre miḳdārı sakıy olunur.

Ve o eşyalar dahi isti'māl olunur ki ḳavm onu bi'l-ḥāşşa dāfi'-i semdir diye zıkr eylemişlerdir. Ve munazzaf ve meslūḥ ibn 'ursun ḳadīdi def'-i sümüm için müsta'mel edviyenin aḳvāsı olur.

Sümüm-ı Cemādiye vü Ma'deniyye ve Gayriler Beyānındadır O Cümle Bunlardır

Ḥacer-i Aḥmer

Ba'dı nās ḥikāye eyledi ki aḥcārdan ba'dı ḥacerde semmiyet vardır, o ḥacer büssede müşābihtir ve onun bir dānıḳı ḳattāldır ve o ḳavm ḥacer-i mezkūru bi-cümleti'l-cevher bīş gibi fā'il olan sümüm-ı ḥaḳīḳıyyeden 'add eyledi. Ve o ba'dı dedi ki onun 'ilācı bīş 'ilācıdır ve ona enfa-ı 'ilāc fād-zehrdır. *Ve ekşer-i nüsaḥta "ḥacer-i Ermenī" vāḳı'dır "ḥacer-i aḥmer" bedeline.*

Zıbaḳ

Ammā zıbaḳ ḥayy sakıy olunan kimseye muḍırr olmaz, zīrā zıbaḳ 'alā-eyyi ḥālın kāne bir ṭarīḳ bulup esfelden ḥurūc eder ve ekşer-i ḥālde muḍırr olmaz ve belki üzüününe zıbaḳ şabb olunan kimseye elem-i şedīd ve iḥtilāt-ı 'aḳl 'arīḍ olur ve ba'dı kerre teşennüce mü'eddī olur. Zıbaḳ maşbūb olunan üzüün cānibinden şıḳal iḥsās olunur ve ba'dı kerre dahi cevher-i dimāḡ ondan müte'ezzī olup şar' ve sekteye mü'eddī olur ve dimāḡın te'ezzīsī zıbaḳın berdi ve zaḫzaḫası ve şıḳalı ḥasebiyle olur.

Ammā zîbak-ı meyyit ve zîbak-ı muşac'id redî ve dârr ve muḳattı'dır, onu şûrb edenlere mertek şāribine 'ārıda olan a'rāda müşābih 'araḍlar ḥādiş olur mağş ve iltivā-i em'ā ve meşyü'd-dem ve şikal-i lişān ve şikal-i mi'de gibi ve o şāribin cesedi teverrüm edip bevli muḥtebes olur.

el-İlāc: Onun ecved-i mu'alecâtındandır tenḳiye ve tenḳiye mecrāsına cārî nesnelerden sonra ona edviyelerden üç dirhem miḳdârı mürr şarābla saḳy olunur veyāḥûd mā-ı 'asel merreten-ba'de-uḥrā saḳy olunur. Ve kezālik mā-ı 'asel būrak ile ihtikān olunup ve ba'dehu 'ilāc-ı saḥḥla 'ilāc olunur ve ḳalbi taḳviye eden edviye-i müştereke-i mezkûre ile 'ilāc olunur.

Ammā üzüne şabb olunan zîbakın 'ilâcı budur ki o kimse me'ûf olan cānibden bir ayak üzere ḥacle eder ya'nî seker, başını yine o cānibe ekser mā-yümkin imāle eylediği ḥâlde ve bu vech üzere meşy ona nāfi' olur ḥuşuşān cānib-i āherde olan yedine bir nesne ta'lîḳ oluna. Ve kezālik üzüni me'ûf cānibine meyl ederek ürcūḥa isti'mālî dahi zîbakı iḥrāc eder. Ammā ba'ḍılar reşāştan mütteḥaz mîl ile zîbakı üzünden aḥz ve iltikāta taşaddî ederler ve o ba'ḍın bu mişli tedbiri ḥaṭâdır, zîrā o zîbak mevāḍi'-i üzünden mevḍi'-i ḳarîbde ise onun 'ilâcı ancak tereccuḥ ve ḥacl olur ve mekāmı ağvaştā ve ḳar'da ise mîl ona vāşıl olmamakla onun menfa'ati olmaz.

Mertek ve Bürâdetü'r-Reşāş

Mürdāsenc ya'nî mertek şûrb eden kimsenin bedenine verem 'ārıḍ olur ve lişânında şikal ve bevli ve ḡāiṭi muḥtebes olur ve ba'ḍı kerre 'aks üzere olup ḡāiṭinde inṭilāḳ-ı müfriṭ olur ve mi'desinde ve em'āsında şikal olur ḥattā sürmü ya'nî maḥrec-i şüflü ḥurûc eder ve saḥḥa mü'eddî olur ve e'ālîsinde nefḥa olur ve berāzı ile ḡudde-i müteḥaccire gibi nesneler ḥurûc eder ve levni reşāşî olur ve nefesinde ḍîḳ olup ba'ḍı kerre ḥanîḳ eder ve ba'ḍı kerre onda ilāvus 'alāmeti zuhûr edip bedeninin levni üsrüb levni gibi olur. Ve bürâde-i reşāş şûrb edenin aḥḳāmı şārib-i mertek aḥḳāmı gibidir.

el-İlāc:¹⁸⁴ Onun mu'alecesine mübāderet olup 'ilāc-ı müştereke ve taḳvi'e isti'māl oluna ve o dahi tefṭîḥi olan edviyeden kılınır bezr-i kerefs ve

184 [Buradan itibaren müstensihin gözü isfîdâc maddesinin ilacına kaymıştır. Atlanan bu kısmı "isfîdâc" maddesinin 'ilâc kısmına kadar Ragıp Paşa'dan tamamlandı.]

tîn ve şibt ve būrak tabîhi gibi. Ve vâcib olur ki ona mürreden iki dirhem veyâhûd üç dirhem şarâbda saqı oluna ve sünbül-i Rûmî, zibl-i hamâm-ı râ'îye ile şarâbda saqı oluna ve bu 'ilâcın nef'-i bâlîği olur veyâhûd ef-sentîn ve zûfâ veyâhûd bezr-i kerefs veyâhûd fülful hâşşaten saqı olunur ve bunların her birisinin saqı şarâbla kılınır veyâhûd bir dirhem mürr, nısf dirhem fülful ile terleyince kadar saqı olunur ve altı kırât sakmünyâ mâ-ı 'aselde saqı olunur. Ammâ onların devâm üzere tenâvül eyleyeceği gıdaları o isfîdbacât kılınır ki onun ittiḥâzı laḥm-ı ḥarûf ile ola.

Ve onun bürü 'alâmeti budur ki onun tabî'atı muntalîk olur ve idrâr dahi olur ve bi'l-cümle onlar müfettiḥât-ı ma'rûfe-i mu'arraḳaya ve müdirreye ve müşhileye muḥtâc olur.

el-İsfîdâc

İsfîdâc şûrb eden kimsenin lisânı ebyaḍ ve a'ḳdâsı müsterḥî ve su'âlî müştedd ve kezâlik fûvâḳı dahi müştedd ve 'aḳlı muḥtelîṭ olur ve bedenine ve dimâğına bürüdet 'arîḍ ve cefâf ṭarî olur ve ba'ḍı kerre boğazında 'ufuşat iḥsâs eder, lehâtında ve lisânında ḥuşûnet ve yübüset bulur ve baṭnında mağş ve mi'desinde lez' ve fupâdında veca' ve şerâsifinde temeddüd ve nefesinde ḍıḳ olur ve ba'ḍı kerre ḥunâḳa muntehî ve levn-i bedeni mübyaḍḍ olur ve ba'ḍı kerre bevli esved veyâhûd demevî olur.

el-İlâc: Onun 'ilâcı mertek şûrb edenlerin 'ilâcı gibidir ve ona mâ-ı 'asel ile sakmünyâ saqı olunur ve kezâlik ona müdirrât saqı olunup ihtikân olunur ve nemvden men' olunur ve onun muḳayyi'âtına dühn-i uḳḥuvân ve dühn-i süsen ve dühn-i nerces idḥâl olunur ve edviyesine şamg-ı iccâş ve şamg-ı düvâdimü'd-derdâr idḥâl olunur ve kezâlik simsim ve ḳamḥa maḍḡ ṭarîki ile tenâvül olunup üzerine ṭlâen şûrb olunur.

Cibsîn

Onu şûrb edenlere isfîdâc şûrbünden 'arîḍ olan a'râḍ ḥâdiṣe olur velâkin cibsînin icâb eylediği ḥunâḳ 'azîm olur ve vâcib olur ki ona isfîdâc 'ilâcı ve fuṭr 'ilâcıyla mu'âlece olunup sonra lu'âbât-ı lezice saqı oluna [lâkin müleyyinât-ı mezkûre ve aḥsâ isti'mâl olunduktan sonra saqı oluna], zîrâ bu tedbîr ḥuşûnet-i ḥalkı izâle eder. Ve şârib-i cibsîn sakmünyâ mişlli ile

ishâle muhtâc olur ve mirâren onun ishâli mu'âvede olunur; eger ondan sahc 'arîd olur ise sahcı 'ilâc olunur. [531a] Ve cibsîn 'ilâcında mezkûr olan edviyeden olur eṭrâf-ı kermin remâdının hâşâ ile isti'mâlî.

Zincefr ve Şükk

Bu ikisinden zıbağ-ı maḳtûl a'râdı mişlli a'râḍ ḥâdiṣe olur velâkin şük-kten ishâl-i keşîr 'arîd olur ve şükk¹⁸⁵ şürbüne ishâlin delâleti sâir a'râḍın delâletinden aḳvâ ve evlâ olur.

el-'Îlâc: Onun 'ilâcı semm-i müteḳaddimin 'ilâcı gibidir ve o 'ilâcdan sonra aḥşâ-yı desime ve şuhûm-ı leyyine isti'mâl olunur.

ez-Zencâr

Zencâr şürbünden mağş-ı şedîd ve ḥalkta lez'-i kavî ve aḥşâda taḳṭîr ve ḳay' ve ḳurûḥ ḥâdiṣe olur.

el-'Îlâc: Zikri âtî zernîḥ 'ilâcı gibi mu'âlece olunur.

Ḥadîdin Bürâdesi ve Ḥabeşi

Onları şürbden baṭnda veca'-ı şedîd ve femde yûbs ve lehîb ve şudâ'-ı ğâlib 'arîd olur.

el-'Îlâc: Bi-ḳuvvetin müşhil olana edviye ile ona leben saḳy olunur ve ba'dehu semn ve zübd o aḥvâl sâkine olunca ḳadar saḳy olunur ve dühn-i verd ve dühn-i benefşec ve dühn-i ḥilâf işbu dühnler ḥall ile ḍarb olunup devâm üzere başta şabb olunur. Ve ba'dı kerre o semmi şürb edenlere müteferriḳâtı nefsin eylesin için mıġnâṭîş saḳy olunup ardınca müşhilât-ı mezkûre saḳy olunur. Ve ba'dı kerre beher yevm mıġnâṭîşten bir dirhem saḳy olunup ardınca düsûmetli ve müzlik merak ḥasvi semn-i baḳar ile iṭ'âm olunur ishâl eylesin için eger o bürâde ve ḥabeş esfele nüzûl eyledi ise ve eger o semm henüz mi'dede ise o edviye ile taḳyî'e olunur.

185 “Şükk” sıçan otudur, müfredâtta mezkûrdur.

en-Nüretü ve'z-Zernîh

Nüre ve zernîhi cemî'an şürb edenlere mağş ve em'âda kûrûh hâdiş olur. Ve zernîh-i muşac'id saqy olunanlara şükk a'râdına qarîb a'râd hâdiş olur ve ba'đı kerre su'al-i mü'ezzi 'arîd olur. Ve yalnız nüre saqy olunanlara yübs-i fem ve veca'-ı mi'de ve habs-i bevl ve istiqlâk-ı batn ma'a'd-dem 'arîd olur. Ve ba'đı kerre yalnız nüre şürbünden berd-i etrâf ve gaşy 'arîd olur ve ba'đı kerre dahi lisâna cefâf ve hunâk 'arîd olur.

el-İlâc: Onun 'ilâcında isti'mâli vâcib olan eşyâ ile ona bed' olunup ba'-dehu cüllâbla mâ-yı hârr ona saqy olunur kay' eylesin için veyâhüd mâ-ı hârr dühn ile saqy olunur ve ba'-dehu bezr-i kettân tabîhî ve tabîh-i erüzz ve tabîh-i circîr bu tabîhlerden biri veyâhüd ikisi ahz ve saqy olunur ve 'asel ile mülûkiyye 'uşâresi saqy olunur ve leben ve el'ibe saqyından zâil olunmaz ve lüzücât ve düsümât ve marâk-ı şahmiyye saqy olunur huşuşan hubbâzâ ile saqy olunur; eger ondan su'al hâdiş olur ise ona müleyyinât ile 'ilâc olunur.

Ve kezâlik nürenin 'ilâcında takyî'e ve haqn ve tedsîm ve telyîn ve zerârîh 'ilâcına qarîb 'ilâc isti'mâl olunur. Ve bu bâbda eţibbânın aqvâlin-dendir ki bevl-i hımâr ve merâre-i gâzâl ahz olunup mâ-ı hârr ile iki dâniş mîkdârı isti'mâl olunur.

Mâ-ı Şâbûn

Onun hâli nüre hâline qarîbdır ve 'ilacı onun 'ilâcına qarîbdır.

Zâc ve Şebb

Onların ma'an şürbü su'al-i şedîdi teheyyüc edip sille mü'eddî olur.

el-İlâc: Onun 'ilâcı leben-i etân ve zübd ve sükker ve eşribe-i züfâiyye ve o mişlîlilerin şürbü olur

'Ale'r-Rîk Mâ-ı Bârid Şürbü

'Ale'r-rîk veyâhüd 'ale'l-hammâm veyâhüd 'ale'l-cimâ' mâ-ı bârid şürbünden fesâd-ı mizâc ve istiskâ havf olunur.

el-İlâc: Onun 'ilâcı devâ-i lükk ve devâ-i kürküm ve o mişlî edviye olur. Ve ba'đı kerre mâ-ı bârid üzere şarâb-ı şırf şürb etmek onun mađarra-tını def'e kifâyet eder.

Sümûm-ı Nebâtiyye Cümlesi Budur

Bîş

Bu semm sümsüm-ı sāireden şerrlidir, onu şürb edenlerin şefelerine ve lisânına verem ʿarîd olur ve gözleri cuhûz eder ve ona düvâr ve ğaşy tevâtür eder ve iki sâkı ʿamel eylemez ve onu şürb cidden redî olur ve ondan taħalluş kalîlû'l-vukûc olur ve olduğu hâlde dıkk ve sille intikâlle olur ve baʿdî kerre onun rîhi şarʿa müʿeddî olur. Ve bîşin ʿaşîri nüşşâba yaʿnî sehmin peykânına saqy olunur ve o sehmin her kime işâbet eylese fi'l-hâl katl eder.

el-İlâc: Şârib-i bîş ʿilâcında vâcib olur ki mübâderet olunur, bezr-i şûl-cüm tabîhiyle takyîe olunup ona tılâ ve semn-i baķar merreten-baʿde-uhrâ saqy olunur ve kezâlik kuşûr-ı bellût tabîhi hamr ile saqy oluna. Ve bundan sonra biz deriz ki onun ʿilâc-ı aslîsi fâd-zehr ve devâ-i misk ve cedvâr ve bühâdır ve tiryâķ-ı kebîr dahi ilâ-hâddin ona nâfi olur.

Ve ona ecved-i ʿilâcdan olur fâd-zehr hukâķesinde misk saqy eylemek veyâhûd mîkdâr-ı dirhem devâ-i misk bir kırât misk ile saqy eylemek. Ve bir kavm zuʿm eyledi ki uşûl-i keber bîşin bâd-zehrî olur ve bâd-zehrâtın küllîşi bîşe ceyyiddir huşûşan şebbe müşâbih olur mertek¹⁸⁶ huyûtu gibi huyûtu olan fâd-zehr ziyâde nâfiʿdir.

Ve bîş-müşî tesmiye olunan hayvân bir nevʿ fârdır ki bîşe müdâddedir ve o fâr bîşin fiʿlini ibtâl eder eger lahmından tenâvül olunursa.

Ķurûn-ı Sûnbûl

Bu semm her kime saqy olunsâ ona sersâm ʿalâmâtı ʿarîd olur ve lisânı müsevvid olur ve ihlîlinden kaçre kaçre dem tekâtur eder.

el-İlâc: Ona ʿilâc-ı müşterek olan mâ-ı şaʿîr dühn-i verd-i müftir ile veyâhûd o mişlli muķayyîʾâtle takyîe olunduktan sonra vâcib olur ki bir mişķâl kâfûr bir ûķıyye mâ-ı verd içinde saqy oluna ve onun kebidî ve ķalbi şedîdü'l-berd olan edviye-i muşandele vü mûkeffere ile tađmîd oluna ve ona sevîķ-i tuffâķ-ı hâmiđ ve sevîķ-i şaʿîr mâ-ı şelcle cüllâb içinde saqy oluna ve ona rummân-ı hâmiđ uşâresi ve hıyâr uşâresi ve biţţîķ-i zıķķî ve mâu'ş-şâʿîr ve mâ-ı ʿinebi's-şâʿleb ve râib-i hâmiđ saqy olunur.

186 “Mertek” mürdâsencidir.

Kûniyûn

Ben bu devâyı ta'arrüf eylemedim ve vücûh-ı zunûndan ba'cdı vechle ben zann ederim ki kûniyûn bîşe şebîh bir semmdir. Ve ona hâşşaten delâlet eden 'alâmât kavmin zıkr eyledikleri üzere budur ki onu şürb eden kimseye lez'-ı ba'tn ve füvâk ve gâşy ve vechinin küllisinde şufret ve huşûşan şufret-i şefe ve berd-i nefes ve bedeninde netm ve ibtilâl ve hader olup 'aklı muhteli't olur evvelâ re'sine şikal 'arîd olduktan sonra ve nabdı şağîr-i munkatı' olur ve 'arak-ı bârid ile ta'arruk eder ve mahmûm olup helâk olur.

Semmiyyetli Edviye-i Müte'addidedir

Ferbiyûn

Ondan kerb-i şedîd ve kehîb ve ba'tnında lez' ve füvâk 'arîd olur ve ba'cdı kerre ifrât üzere ba'tnında isti'lâk olur.

el-İlâc: Vâcib olur ki evvelâ takyî'e ve ba'dehu tebrîd oluna ve ona semn ve zübd füvve ile saky olunur ve ba'dehu kûrûn-ı sünbül 'ilâcî ile mu'alece olunur ve ona dâimâ mayhoş enâr suyu ve mayhoş tuffâh suyu ve mâ-ı râib saky olunur.

Elbân-ı Yetû'ât

Yetû'ât yedi nev'dir onlar edviye-i müfredede ta'dâd olunmuştur huşûşan leben-i şübrüm ve leben-i 'uşer ve leben-i lâğîye min-beyni'l-yetû'âti'd-devâiyye ondan lez' ve isrâf üzere ishâl 'arîd olur, ferbiyûnda 'arîd olan lez' ve ishâl meblağına bâliğ olur. Ve vâcib olur ki onun kuvveti düğ ve semn ve zübd ile kesr olunup ondan 'arîd olan ishâl-i dem idrâr ve bevl mişli a'râd bâbında zıkr olunan mu'alecâtla 'ilâc oluna. Ve deyildi ki leben-i şübrümün iki dirhem miqdârı şâribini katl eder ve onun 'ilâcî mâ-ı selcle istihmâm ya'nî iğtisâl olur. Ve leben-i 'uşerin üç dirhem miqdârını şürb iki günde katl eder ve kebedi teftît ve tefrîk eder ve onun 'ilâcî dahi leben-i şübrüm 'ilâcî gibidir.

es-Sakmūnyā

Onun şerbet-i kıttālesi iki dirhemdir ve onun [531b] ahvālî ānifen zıkr olunan ahvāle karıbdır. Ve vācib olur ki onun ʿādiyesi ve ɗararı dūġla ve sevīk-i tuffāh ve rubb-ı sefercel ve rubb-ı rībās ve summāk ile kesr oluna.

Māzeryūn ve Ĥāmālyūn

Māzeryūnun şerbet-i kıttālesi iki dirhemdir ve o miqdārını şürbden kay⁹ ve ishāl-i müfriṭ ʿārıḍ olur. Ve deyildi ki māzeryūnun nev^c-i esvedü'l-levni ki ona ĥāmālyūn tesmiye olunur, o nev^c aḳtel ve aʿrāḍi eşedd olur ve onu şürbden ahşāda lez^c-i şedīḍ ve küll-i bedende veca^c ve daġdaġa ve fūvāk ʿārıḍ olup baʿdehu balġamī ve zebedī kay⁹ eder ve baʿdehu küzāza müʿeddī olur ve şavtı izhāb ve izāle eder.

el-ʿİlāc: Ona ʿilācda leben-i ĥalīb ve semni ʿale't-tevātūr saḳy olunur ve cüllāb dahi saḳy olunur onun sevrete-i şerrini kesr eylesin için. Ve onun şerrinin ĥatbı ve emri ʿazīm oldukta ona tiryāk ve meşrūdītūs saḳyından lābüdd olur veyāḥūd ona tīn-i maḥtūm devāsı saḳy olunur. Ve kaçan aʿrāḍi sākin olsa baʿde's-sükūn ona sikencebīn ve hindebā birkaç eyyām saḳy olunur sū⁹-i mizācı izāle eylesin için.

ed-Diflā

Eger diflā miqdār-ı keşir tenāvül olunursa nāsı ve devābbı katl eder ve miqdār-ı ḳalīl tenāvül olursa kerb-i şedīd ve intifāḡ-ı baṭn ve lehīb-i ʿazīm iḥdāş eder. Ve diflā ḥār-ı yābis ve lezzā^c ve muḳaṭṭı^cdır. Ve içinde diflā nābit olan şu redīdir ve onu şürb iḳtiḍā ederse vācib olur ki taḳṭīr olup baʿdehu şürb oluna veyāḥūd ona ḥalāvāt mezc oluna.

el-ʿİlāc: Vācib olur ki onun muʿalecesinde ḥulbe ve temr-i Şehrbüz ṭabīḡi aḡz yaʿnī şürb olunur ve onun nefʿi ʿacībdi ve bezr-i fencengüşt ve fencengüştün kendi ve ikisinin ṭabīḡi diflānın tiryākıdır. Ve ʿasel ile tīn ve sükker ve cüllāb ve ḥalāvātın küllisi ve rubb-ı ʿineb ceyyiddir ve bu mezkūrlarla dūsūmāt ve lüzūcāt-ı maʿlūme mirāren istiʿmāl olunur veyāḥūd onların ardınca ḥuḳun ile o dūsūmāt ve lüzūcāt istiʿmāl olunur.

el-Belâzur

Şürb-i belâzurdan halkta ve cevfte taḳṭīṣ ve iltihâb ve emrâd-ı hâdde ʿarîd olur ve baʿdı kerre baʿdı aʿdâyı taʿṭil eder ve kaçan o aʿrâddan selâmet hâşıla olsa onun sevdâyı ihrâkı ḥasebiyle vesvâs ʿarîd olur. Ve onun iki mişkâli kıttâl olur. Ve onun baʿdı nâsa bi'l-hâşşa dararı olmaz ve huşûşan cevz ile saḳy olunsa. Ve ben onu cevz ile kaḍm edip maḍarratından ḥavf eylemez kimseyi rüyet eyledim.

el-ʿİlâc: Onu şürb edenlere muʿâlece için dühn ve şîrec ve zübd ve semn ve leben-i ḥalîb ve dūsümâtlı emrāk ve o mecrâya cārî olan nesneler saḳy olunur lez ve meḍḍi teskîn için ve baʿdehu ṣelc ile müberred râib-i baḳar ve dühn-i benefsec-i müberred ve mâ-ı şaʿîr-i müberred ve miyâh-ı fevâkih-i müberrede saḳy olunur ve mâ-ı ṣelce iclâs olunur ve sersâm muʿâlecesiyle ʿilâc olunur. Ve ona ʿilâc olan eşyâdan olur şanevber ḥabbı ve cevz onun bâd-zehri olur.

el-Kebîkec

O dahi bi-ḥiddetihi kıttıldır. Onun ʿilâcı belâzur ʿilâcı gibidir ve dihanât onun maḍarratını edfaʿ-ı eşyâdan olur.

Mivîzec

Onun aʿrâd ve ʿilâcı zikri âtî zerârîh aʿrâdı ve ʿilâcı gibidir.

Sezâb-ı Berrî

Onu şürb eden cuḥûz-ı ʿayn ve ḥurḳat ve iltihâb-ı şedîd ʿarîd olur. Ve ʿilâcı mâ-ı ḥârr ile taḳyî'e ve zeyt olur ve baʿdehu diflâ ʿilâcıyla muʿâlece olunur.

Şâfsiyâ

Bunun mâhiyyeti sezâb-ı cebeli şamḡı olur. Ve baʿdı kerre onun taʿmında bâdrûc taʿmı zuhûr eder ve o devâda bâfrûc taʿmı olur, onda ḥiddet vardır. Onu şürbünden sübât ʿarîd olur ve iki sebîlden ḥurûc eden nesnelerin her birini ḥabs eder ve lisânı tevrim edip qarḳara ve nefḥ ve ḥurḳat-ı halk ve ḥurḳat-ı miʿde ihdâs eder ve ʿaynında cuḥûz ve vechinde ḥumret olur ve

baʿdî kerre kemâl-i hiddeti hasebiyle o ʿarîda bi'l-cümle bedene sârî olur ve çok kerre gâşye ve şıgar-ı nefese müʿeddî olur.

el-İlâc: Onun ʿilâcına mübâderet olunup evvelâ kayʾ istiʿmâl olunur ve baʿdehu ona leben ve semn ve zübd ve mâ-ı şaʿîr saqı olunur ve dühn-i verd ve leben-i hâlîb ile gârgara ettirilir ve on sikencebîn ve nakîʿ-i efsentîn saqı olunur. Ve şâfsiyânın bezr-i efsentîn bād-zehri olduğu ve kezâlik ilk-i buṭm ve aşl-ı maḥrûş ve ṭabîḥ-i saʿter fād-zehri idiği maʿrûftur. Ve deyilir ki cünd-i bîdester ḥall-i müsahḥan ile veyâḥûd ʿasel ile onlar gibidir ve qarîb olur ki cünd-i bîdesterin o qabîlden olduğu bi'l-hâşşa ola veyâḥûd taḥlîl ile o semmi kalbden bedene defʿi hasebiyle ola velâkin bi-hasebi'z-zâhir vâcib olan bizim îrâd eylediğimiz olur.

Celbehenk

Onun aʿrâdı ve muʿâlecâtı kündüs ve ḥarbak aʿrâdı ve muʿâlecâtı gibidir.

Dend-i Şînî

Onu şürbden cidden ʿazîm ishâl olur.

el-İlâc: Mümkün ise kayʾ olunmak vâcib olur ve o semmin kuvveti leben ve zübd merreten-baʿde-uḥrâ saqı olunmakla kesr olunur veyâḥûd düğ saqı olunur ve ishâlini menʿe iştigâl olunur ve baʿdî kerre onun maḍarratını ve ishâlini menʿe tiryâk gâvş olur.

Kündüş ve Ḥarbak-ı Ebyaḍ ve ʿArṭanîşâ ve ʿUşâre-i Kıssâu'l-Hımâr ve Şünîzin Bir Nevʿi, Ğârîkûn-ı Esved

Bu mezkûrların küllîsi redîdir. Ammâ kündüş muğassîdir ve onun tağsiyesi ʿazîmdir ve baʿdî kerre onun tağsiyesi ḥanıka müʿeddî olur ve ʿarṭanîşâ ve ḥarbak-ı ebyaḍ dahi onun gibidir, muğassî ve muḳayyiʾ olur ve belki baʿdî kerre onlar gâşeyânları ile mevâddı o miqdâr cemʿ eder ki kesreti hasebiyle ḥanıka müʿeddî olur ve baʿdî kerre ishâle müʿeddî olur ve bu aʿrâd insâna gâşyi teʿdiye eder ve kezâlik sukût-ı kuvvetlerine ve ʿarâk-ı bâride ve teşennüce müʿeddî olur ve ḥuşûşan ḥarbak-ı ebyaḍın ve Ğârîkûnun teʿeddîsi ekşer olur ve o ikisinin teʿşîrleri müteşâbih olur.

Ve Cālînûs dedi ki ħarbak-ı ebyađ şāribinin nabđı evvelinde ʿarīđ ve mütefāvit ve cidden đaʿīf ve cidden baʿī olur ħarāret-i ġarīziyyenin mādde-i keşire tahtında ihtinākı ħasebiyle ve keşret-i mevādd kuvvet-i edviyenin defʿaten onlara vāride olup tabīʿat onu defʿde müstaķille olmamakla olur. Ve kaçan kayʿ aĥz eylese onun nabđında bilā-nizām ihtilāf ʿarīđ olur kuvvet-i bāṭınıyyede đađt olmakla ve kaçan nabđ intizāmı aĥz eylese ve cidden müstevī olsa ʿalīl ħüsn-i ħālī aĥz etmiş olur. Ve ʿalīlin teveccühü şalāĥa olmayıp belki fivāķa ve teşennüce ise nabđ đaʿīf ve muĥtelif ve cidden mütevātir olur ve kaçan muĥtenik olsa tefāvütü bilā-nizām olur ve hem ebṭaʿ olur, zīrā ħārr-ı ġazīrī münṭafī olur ve baʿdı kerre o nabđda mevcuiyet zāhire olur ruṭubet ħasebiyle. Ve ħarbak kilābı dahi ķatl eder.

el-İlāc: Vācib olur ki onları ķazfa ve senin bildiġin eşyā ile takyiʿe ye mübāderet olunur ve đararlarının müdedi esfele istinzāl oluna şaĥm-ı ħanzal mişlī ħuķne-i ķaviyye ile ve baʿdehu bābu'l-fuṭṭa zıķr olunan ħuķne ile muʿālece oluna. Ve eger o mesmūm şürb-i semmin evāilinde kayʿ ettirildikte kayʿ ķalīl olsa vācib olur ki mā-ı fātir ile [532a] onun baṭnı doldurulup takyiʿe olunur ve baʿdehu o vechle kayʿ yine muʿāvede olunur. Ve ona teşennüic ʿarīđ olursa ona miķdār-ı keşir leben ve semn saķy olunur ve kayrūṭıyāt-ı leyyine ile evşālī ve mefāşılı temrīĥ olunur ve ābzen-i muʿtedil dāimā istiʿmāl olunur ve teşennüic-i yābis muʿālecātiyla ʿilāc olunur.

Ammā Ĥarbak-ı Esved

Onu şāribe ishāl-i keşir-i şedīd ve ħanık ʿarīđ olur ve ondan iki dirhem miķdārı şürb edenlere teşennüic ʿarīđ olup ķatl eder ve ķable'l-ķatl ħafaķān ve ħurķatü'l-lisān ve ʿađđ-ı lisān ve cüşā-i keşir ve nefĥ ʿarīđ olup baʿdehu teşennüic ve irticāş gelip helāk olur.

el-İlāc: Senin maʿlūmun olan nesnelerle ħarbak-ı esvedin kuvveti kesir olunur ve ona kesir-i kuvvet için efsentīn şarābıyla saķy olunup veyāĥūd kemmūn, enīsūn ve cünd-i bīdester ve sūnbül bu edviyeler veznleri berāber aĥz olunup o mecmūʿdan iki dirheme ķarīb şarābla saķy olunur ve nefĥ üzere dahi ħırķa-i müsahĥine ve senin maʿlūmun olan kimādāt-ı müfeşşıye vadʿ olunur ve baʿdehu ona maʿa'l-ʿasel ħubz-ı raṭb ve semn-i ṭarī ve em-rāk-ı desime ve şarāb-ı ĥulv ve keşirü'l-mizāc şarāb iṭʿām olunur; eger ona

teneşşüc 'ârîd ise ħarbak-ı ebyad bâbında zıkr olunanlar ile tedbîr olunur ve ishâl-i müfriṭi var ise mâ-ı bâridde iclâs ve rubûb-ı şarâb ve edviye-i ħâbise saḳy olunur.

Cirmedānaḳ

Ondan iki dirhem şûrb edene ħikke ve verem 'ârîda olup ḳatlı eder ve onun 'ilâcî ferfiyûn 'ilâcıdır.

Dāzî

Ondan miḳdâr-ı keşîr şûrb olunsâ ḳatlı eder.

el-'Îlâc: Senin ma'lûmun olan muḳayyi'ât ve müshilât ve elbân ve dūsümâtla ona 'ilâc olunur.

Ḫırva^c ve Simsim Küspeleri Ya'ni Onların Cibreleri

Baḳdılar dediler ki ħırva^c ve simsimden her biri 'alâ-vechi'l-istikşâ 'aşr olunsâ onların küsbeleri semm-i ḳâtıldır ve onların 'ilâcî zıkrî mürûr eden bi'l-cümle sümûmâ 'ilâc-ı müşterek olan edviyelerdir.

Cünd-i Bîdeste

Onun şûrbünden şâribine bersâm-ı ħârr ma'a'z-zebḫa a'râdı 'ârîd olsa yevm-i vâhidde ḳatlı eder. *Baḳdî nüshada "izâ şeribe" bedeline "izâ zenihâ" vâḳf olmuştur, ma'nâsı kirâren ve mirâren şûrb olunsâ demektir.* Ḫuşûşan esved-i müntin ve sevâda dârib ağber olan cünd-i bîdeste aḳtel olur.

el-'Îlâc: Onu şûrb edenlere vâcib olur ki ḳay' için şibt ve fûtenec ve sebistân 'asel ile ve tılâ ile şûrb eyleye ve baḳdehu ona ħumûdâtan ħummâdu'l-ütrücc ve fevâkih-i ħâmiḳa rubûbâtı saḳy oluna ve ħall-i ħamr vaḳdehu ve râib-i baḳar ve 'uşâretü't-tuffâḫ saḳy oluna ve leben-i ütün saḳyının nef'i ġâyete bâliğadır.

‘Unşul-i Berri

Onu tenāvülden ve onun ceyyidini dahi miqdâr-ı keşir tenāvülden em‘â-nın ve cedâvil-i kebidin teḳarruḥu ‘arîd olur ve teḳarruḥa maḡş ve teḳaṭṭu‘ teḳaddüm eder.

el-İlâc: Kaçan ‘unşul ‘araḍları zâhir oldukta vâcib olur ki muḥmât olan ḥadîd kıṭ‘aları ile maṭbûḥ leben şûrbüne müsâra‘a oluna ve kezâlik ḥalalde meslûk şufretü’l-beyḍ ve sefûf-ı büzûr ve maḳleyâsâ ve o mişlliler isti‘mâ-line dahi mübâderet oluna.

Hâniḳu’z-Zîb ve Hâniḳu’n-Nemir

Onları tenāvülden ḥanekte ve lehâtta ve merîde ve ḳaşabe-i riye-de ‘ufûşat ‘arîd olur ve ma‘a’l-verem yûbs dahi olur ve aḡzından buḥâr-ı duḥânî teş‘ud edip in‘ikâd-ı lisâna ve iki şudḡlarının ihtilâcına mü‘eddî olur ve ba‘dehu ra‘şe ve teşennüc ve kümüdetü’l-levn ve ihtinâḳ dahi ‘arîd olur ve ma‘a-zâlik batında ḳarâḳır ve riyâḥ-ı keşire olur. Ve ḥâniḳu’n-nemir şûrb edene seder ve zulmet-i ‘ayn ḳıyâma nühûḍunda ‘arîd olur, iki gözlerinde ruṭûbet olur ve şadrında şıḳal olur. Ve ḥâniḳu’n-nemiri’l-müntine ard-ı Hiraḳle’de ve mevâḍi‘-i uḥrâda nâbit olur, onun ta‘mı mürr ve râyiḥası kerîhe olur.

el-İlâc: Senin bildiḡin eşyâ ile onun tenḳıyesine mübâderet olunur ve ba‘dehu ḥuḳne isti‘mâl olunup ba‘dehu sa‘ter-i cebelî ve ferâsiyûn ve sezâb ve efsentîn ve şîḥ-i Ermenî şarâbla ve kemâfîṭûs şarâbla saḳy olunup veyâḥûd bir buçuk dirhem dühn-i belesân şarâbda saḳy olunur. Ve şarâbın onlara enfa‘ı o şarâbdır ki onun içinde kızgın ḥadîd ve fıḍda ve zehebden biri söndürülmüş ola ve ḥabeş-i ḥadîdin nefsi dahi ceyyiddir ve enâfilḥ ḥuşûşan infeha-ı iyyel ve infeha-ı ğazâl ve infeha-ı cedy ve ba‘dehu emrâḳ-ı desime saḳy olunur.

Azâd-dıraḥt

Onun varaḳı behâyimi ḳatl eder ve ḥaşebi dahi ba‘ḍı kerre ḳatl eder. Ve ‘ilâc-ı diflâ ve beyne’s-sümûm müşterek olan ‘ilâc ile ona mu‘âlece olunur.

Kışru'l-Erüz

Evâil-i evvelinden ba'dın kavli üzere onun şâribine vaqt-i şürbünde lisânında ve feminde veca' ve kezâlik lisânında verem 'arîd olur ve onun veca' merîye ve mi'deye ve em'âya mümtedd olur ve cümle bedeninde iltihâb olur ve o ba'd kışr-ı erüzü sümûmdan ta'dâd eylediler.

el-Îlâc: Ona zerârîh mu'alecesiyle 'ilâc olunur. Ve vâcib olur ki ona sakıy olunan zeyt içinde evvelâ sefercel tabh olunup ba'dehu sakıy oluna.

Bezrû'l-Encüre

Onu şürbden 'unşul şürbünün 'avârıdı 'arîd olur, kezâlik onun şürbden su'âl-i kavî 'arîd olur ve ona 'unşul 'ilâcıyla mu'alece olunur velâkin bunun su'âline müleyyinâtla 'ilâc olunur, şarâb-ı benefsec mâ-ı şa'ir ile sakıy olunur ve edviye-i su'âlden sâirler ile dahi tedbîr olunur.

Esved ve Aşfer olan Türbüd-i Redî

Harbak-ı esved ve gârîkûn-ı esved şâriblerine 'arîd olan a'râd türbüd-i redî şâribine dahi 'arîd olur ve 'ilâc dahi onlara olan 'ilâc olur ve hâşşaten türbüd dühn-i levzi keşîren tecerru'la 'ilâc olunur.

Büderînün

Bu semmin mâhiyyeti ve 'ilâc benim ma'lûmum değildir, ancak ona 'ilâc-ı müşterek ile 'ilâc olunur. Ben zann ederim ki sümûm-ı hâddedendir ve gayr-i hâdde olmak dahi ba'd değildir. Ve kavm dediler ki bu derî'nün bir devâdır ki onu şâribe ihtilâ-ı 'akl ve temeddüd 'arîd olur hattâ şefelesine 'arîd olan temeddüd hasebiyle ona dıhk gibi bir hâlet 'arîd olur ve ona binâen Yünâniyyûn o hâleti dıhk ile temsîl edip derler ki ona "Yadħaku dıhka sârdüniyâ."

el-Îlâc: Onun 'ilâcı 'ilâc-ı müşterektir. Ve kavmden ba'dılar dediler ki vâcib olur ki onun şâribi takıye olunup ba'dehu mâ-ı asel sakıy oluna. Ve ona nâfi' olur leben şürb edip bedenini edhân-ı müsahhine ile tedhîn eylemek ve âbzen-i hârr ve tedlîk isti'mâli ve teşennüc-i habîsi dâfi' olan edviye isti'mâli dahi nâfi' olur.

Ṭubiyûn

Bunun dahi ṭab'ını ve 'ilâcını ben yakînen bilmedim ve zann ederim ki onun ṭab'ı hâddır ve ğayr-i hâdd olmak dahi ba'îd değildir. Ve ba'ḍılar dediler ki o semm şefede ve lisânda filiğamûnî ihdâş eder ve cünûn ve vesvâs ve suķûṭ-ı nabḍ îrâş eder.

el-Lübûbu'z-Zeniha

Onun ahvâli ve 'ilâcî 'unşulda ve encürede zıkr olunan ahvâle ve 'ilâca karîb olur ve huşûşan ona rubûb-ı fevâkihten rubb-ı hısrım ve rîbâs ve tuf-fâh rubûbu nâfi' olur. Ve o semmden ğaşeyân ve ğaşy ve kerb 'arıḍ olur ve o semm olan lübûb-ı zeniha cevz ve mişmiş nevâtı ve nârcîl olur.

eş-Şarâbu's-Şırfu 'Ale'r-Rîk

Ve çok kerre o şürbden hunâk ve evcâ' ve iltihâb 'arıḍ olur ve huşûşan ki şarâb ğalîz ve hulv ola. [532b]

el-'Îlâc: Onun 'ilâcî istifrâğ ve faşd ve ishâl olur eger onlara hâcet olur ise ve kay'ı onlara ni'me'd-devâ olur eger kay'de sühûlet var ise ve mizâcî mâ-ı bârid ile ve fuķķâ'-ı bârid ile ve mâ-ı râib-i muḥammıḍ ile ve mâ-ı fevâkih ile ve akrâş-ı kâfir ile ve o mişliler ile tebrîd olunur.

el-'Aselü'r-Redî

O 'aselin ekşerî İrakliyâ bilâdından meclûb olur. Ve o 'asel bir nev' aseldir ki onu şemm eden kimseye 'utse 'arıḍ olur ve kezâlik 'unşuldan ve ebhîreden 'arıḍ olan a'râḍ o 'aselden dahi 'arıḍ olur ve onu şemmden ğaşy ve 'arak-ı bârid 'arıḍ olur. Ve 'aselden bir sınıf dahi vardır ki o dahi redîdir, a'râḍda ve 'ilâcda onun hükmü şevkerân hükmü gibidir.

el-'Îlâc: Onu şarîb olan kimse sezâb ve semek-i mâliḥ tenâvül eylesin, ünümâlî tesmiye olunan şarâbı şürb eylesin ve eṭ'ime ekl edip ba'dehu kay' eylemekten zâil olmasın mümkün oldukça.

ed-Dıbk

Dıbk şüreb eden kimseye batnında qarqara ve mağş ‘arıd olur velâkin ihtilâf ve düvârı olmaz.

el-İlâc: Vâcib olur ki ona mâ ve ‘asel sağy olunup kay’ ettirile ve hıķne-i leyyine ile ihtikân oluna ve ona ma‘a’l-ħamrî’l-keşîr ve’s-sikencebîn efsentîn sağyı nâfi‘ olur ve onun ‘ilâcına ħâşşaten tabîh-i circîr nâfi‘ olur ve kezâlık fülful ve cünd-i bîdeste ile sünbül sağy olunur ve mâ-ı ħarr ile ve ħall ile dımâd olunur.

Cümle-i Uĥrâ: Bu Cümlede Bâride Olan Edviye-i Semmiyye Zıkr Olunur

el-Afyûn

Afyûn şüreb eden kimsenin etrâfına ĥader ve berd ve ĥikke ‘arıd olur ve bedeninden râyiħa-i afyûn fâyiħa olur ve ona fûvâķ ve düvâr ve zûlmet-i ‘ayn ve ĥalk ve nefesine dıķ ve şufret ve kümûdet, etrâf ve şefe ve vec-hine şufret ‘arıd olur ve kezâlık şu‘ûbet mü‘eddî cüşâ ve sübât ve itikâl-i lisân ve ğu‘ûr-ı ‘ayn ĥâdiş olup ba‘dehu küzâz-ı ĥânıķa ve ‘araķ-ı bâride ve nefsi-bârîde ve mevte mü‘eddî olur. Ve afyûnun katli esbâbından olur demi taĝlîz ĥasebiyle cereyânından men‘i ve rûĥu tebrîdi ve âlât-ı nefesi teşnîci. Ve afyûnun şerbet-i vâĥide-i kâtâlesi iki dirhemdir, afyûndan o miķdâr şüreb edenleri iki güne ķadar katl eder ĥuşûşan şarâbla şüreb olunan afyûnun ‘ameli ekşer olur lâkin şarâbın miķdârı bir meblaĝa bâliĝ olsa ki o miķdâr şarâb afyûnun maďarratına muķâvemete eylese veyâĥûd ebdân-ı ĥarrenin mu‘âveneti ile şarâb muķâvemete eylese o şarâb afyûnun ‘amelini ziyâde eylemez.

el-İlâc: Bi’l-iştirâķ müstefriĝa olan edviye sağyından mezķûr ķânûnlar isti‘mâl olunup dühn ile ve mâ ve milħ ve būraķ ile takyi‘e olunur ve ba‘dehu sikencebîn ve mâ ve ‘asel sağy olunur ve ba‘dehu hıķne-i ķaviyye ile ihtikân olunur. Ve kezâlık onun edviyesinden olur sikencebîn efsentîn ile sağy olunmak ve kezâlık şarâbla efsentîn ve ĥiltîl onun tiryâķı olur ve kezâlık dâr-ı şînî ĥâşşaten veyâĥûd dâr-ı şînî ma‘a’l-ħall ve sekbîne şüreb olunur ve kezâlık cünd-i bîdeste ĥâşşaten ve şarâbla fülful yâĥûd sikence-

bîn ile fülful ve sa'fer ve sezâb ve milh ve kezâlik dühn-i verd ma'a'l-hall veyâhûd dühn-i verd ma'a'l-âsel isti'mâl olunur. Ve süm ve cevz afyûn şâribine ceyyiddir. Ve ba'dı kerre afyûn şâribine hâşş olan tiryâk saqı olunur, onun terkibi budur: Hıltıt, ebhel, cünd-i bîdester, fülful veznleri berâber aḥz olup âsel ile ma'cûn kılınır ve şerbet-i vâhidesi nebka miqdârından cevze miqdârına varınca kadardır. Ve çok vâkı' olur ki bir mişkâ hıltıt on beş dirhem miqdârı şarâb-ı reyhânîyle saqı olursa afyûn şürbünün maḍarratından ḥalâşına sebep olur. Miqdâr-ı keşir şarâb-ı atîk şürbünün o bâbda nef'-i 'acîbi vardır huşuşan o şarâb-ı atîk rakîk ve reyhânî olup mâ-ı keşiri ihtimâl eyleye ve dâr-ı şînî ile şürb oluna. Ve ona tiryâk ve sencerînâ ve meşrûdîtüs bu mezkûrlardan birinin şarâbla şürbü kadar bir nâfi' şey olmaz. Ve vâcib olur ki kündüş mişllilerle ta'tis olup dimâğı müteza'zi kılına ya'nî ervâh-ı dimâğ in'âş oluna ve bu ta'tis afyûndan ḥâdiş olan sübâta 'ilâc-ı ceyyid olur. Ve vâcib olur ki onun şar'ı netf oluna ve uyumaktan men' oluna ve bedeni dühn-ı kuşt ve dühn-i süsen gibi şeylerle edhân-ı ḥârre ile tedhîn oluna ve ona cünd-i bîdester ve sükk mişlliler işmâm oluna. Ve vâcib olur ki şârib-i afyûn âbzen-i ḥârre iclâs oluna teşennüc eylemesin ve ḥikke müştedd olmasın için ve emrâk-ı desime ile ve ḥâşşâten miḥâḥ ve şuhûm ile teḥassî eder.

Cevz-i Mâsil

Cevz-i mâsil şâribine düvâr ve ḥumret-i 'ayn ve gîşâve ve sekr ve sübât 'arîd olur ve ba'dı kerre onun bir mişkâli şâribini yevm-i şürbde katl eder huşuşan Hindî nev'î şürb oluna. Ve kable'l-katl onu şâribe 'arâk-ı bârid ve nefes-i bârid 'arîd olur, ammâ nişf dirhemden noḡşân şürb olursa sübât ve sekr ihdâş eder velâkin katl eylemez meger ki o miqdârı şârib da'ifu'l-kuvve ola.

el-'İlâc: Onun a'zam-ı 'ilâcı naṭrûn ve mâ ve dühn ile takyî'e olur ve semn onun tiryâkıdır ve onunla şarâb-ı keşir fülful ile ve 'âkırḳarḥâ ve ḥabb-ı gâr ve dâr-ı şînî ve cünd-i bîdester saqı olunur. Ve mâ-ı ḥârre etrâfı idḥâl olunmak ve bedeni ḥırak ile teşhîn olunmak ve dühn-i kuşt ve dühn-i bân ile tedhîn olunmak nâfi' olur ve onlardan mümkün olanlarını ihdâr edip riyâdet eder ve ba'dehu taḡaddî edip ağdiye-i desime tenâvül ve şarâb-ı ḥulvü şürb eder ve müheyyâ eylediği 'ilâc-ı afyûnu isti'mâl eder.

Yebrûh

Lüffâh ve ve sâbîzecîn aşıldır, onun aḥvâl, a'râdı cevz-i mâsîl aḥvâlî gibi olup ondan lîşergûs ve ḥukāk ve küzâz ve şamem 'ārîd olur. Eczâ-i yebrûh-tan ziyâde şerrli olan cüz' kuşûru olur, ḥabbın şerrî dahi kuşûrun kısrına qarîb olur ve yebrûhın cirmi dahi a'râd-ı mez-kûreden bir şey' ihdâs eder.

el-İlâc: Onun 'ilâcî cevz-i mâsîl ve afyûn 'ilâclarına qarîb olur ve vâcib olur ki ona şarâb içinde efsentîn sakı oluna ve kezâlik fülful ve cünd-i bîdeste ve sezâb ve ḥardal ve ḥall ona ve bi'l-cümle ḥadere nâfi' olur ve kezâlik o edviye mişlîler ile ta'ṭîs olunur ve ona zift ve söndürülen fetîlin duḥânı şemm ettirilir. Ve vâcib olur ki onların başlarına ḥall-i ḥamr, dühn-i verd vaḍ' oluna ve onlar nevmde men' oluna ve nevmde olanları netf-i şa'r ile ve ta'ṭîs ve aşı-ı ibhâmı gamz ile tenbîh oluna.

Zerufînûn

Bu devâ cümle-i muḥaddirâtandır ve benc ṭabî'atında olup müskir olur ve ondan evvelâ ḡaşeyân-ı şedîd ve fûvâḡ ve maḡş 'ārîd olup ba'dı kerre îlâvus gibi ḥâlî olur ve ba'dı kerre kay' ve ishâl-i dem 'ārîd olur, ḡaşye mü'eddî olunca kadar dem ḥurûc eder ve sübât dahi 'ārîd olup beyne'r-râbî' ve's-sâbî' helâk olur ve helâkinden muḡaddem bedenine cemî'an ḥader 'ārîd olur. Ve onun 'ilâcî zikrî mürûr eden 'ilâc müşterek olur.

el-Benc

Onu şâribe istirḡâ-i a'dâ ve verem-i lisân 'ārîd olur ve aḡzı köpürüp zebdi ḥurûc eder, iki gözleri kızarır ve ona düvâr ve ḡışâve-i 'ayn ve dîḡ-ı nefes ve şamem 'ārîd olur ve kezâlik ḥukâke-i beden ü lişe ve sekr ve ihtilâl-ı 'aḡl 'ārîd olur, ba'dı kerre şa'r'a mü'eddî olur ve ba'dı kerre aşvât-ı muḡtelife ḡikâye eden eşek şavtı gibi şavtı olup nühâḡ eder [533a] ve şahîl-i feres gibi şahîl eder ve ba'dı kerre ba'ṭrîn şadâ-yı aḡfâfı ve ḡurâbın şavtı gibi seḡ ve na'ḡı olur.

el-İlâc: Vâcib olur ki ona 'âcilen mâ ve 'asel ve leben-i baḡar veyâḡhûd leben-i mâ'iz sakı oluna ve kezâlik leben-i ḡanem bi-'aselin ve bi-ḡayrî 'aselin sakı oluna ve semn ve ḡabbu's-şanevber zeyt ile ṭabḡ olunup sakı

oluna ve kezâlik levz-i şanevber-i tabîh tîn ile ve kezâlik şarâb-ı hılv-ı keşir ve kezâlik başal-ı meşvî sağy oluna ve ona bezr-i fücl ve hırdal ve hırf ve bezr-i encüre ve hırrîf ve muḳaṭṭıṣ olan edviyenin küllîsi sağy olunur ve kezâlik başal ve sūm ve fücl ve büzûrları dahi sağy olunur. Ve benc ʿilâcında meşrûdîṭūs ve tiryāk ve sencerînâ mişllilere ve afyûn tiryākına muʿâdil bir nesne olmaz ve onun ʿilâcî taḳyî'e ile olur.

eş-Şevkerân

Onu şürbden hunāk ve berd-ş etrâf ve temeddüd-i şedîd-i ḥānık ve gıṣāvetü'l-başar ʿarîd olur hattâ bir nesneyi görmeğe ḳarîb olmaz ve taḥayyülî dahi bâṭıl ve etrâfî bârid olur ve baʿdehu teşennüc ve ḥanık ihdâs edip ḳatlı eder.

el-ʿÎlâc: Onu ʿilâcda evvelâ ḥaḳn ve taḳyî'e ve ishāl maʿlûmun olduğu üzere istiʿmâl olunur, ḥuḳun ile bedʾ olunur ve baʿdehu şeyʿen baʿde şeyʿin ve sâʿaten baʿde sâʿatin şarâb-ı şırf sağy olunur ve bu tedbîrin nefʿi ʿazîm olur ve baʿdehu ona leben-i baḳar ve efsentîn sağy olunur ve şarâbla fülful sağy olunur ve kezâlik cünd-i bîdester ve sezâb ve naʿnâ ve ḥiltîṭ ve varâḳ-ı ğâr ve ḥabb-ı ğâr ve rubb-ı ʿineb sağy olunur ve onlara tiryāk-ı afyûn dahi nâfiʿ olur. Ve onlara nâfiʿ olan edviyedendir bezr-i encüre ve encudân ve ḳardemânâ ve meyʿa onların hangisine sağy olunsa şarâbla sağy olunur. Ve kezâlik şecer-i tûş kuşûrunun tabîhî ve dühn-i belesân maʿa'l-leben sağy olunur. Ve vâcib olur ki şevkerân şâribinin baṭnı ve miʿdesi maʿa'l-ḥamr daḳîḳ-i ḥınta ile ḍimâd oluna.

ʿİnebü's-Şaʿleb

Onun redî ve muḥaddir olan sınıfından şâribine kümüdet-i levn ve cefâf-ı lisân ve fûvâḳ ve dem-i keşir ḳayṯı ve nefṣ-i dem ve saḥcî ve muḥâṭî ihtilâf ʿarîd olur ve onun zevḳine ṭaʿm-ı leben ʿarîd olur.

el-ʿÎlâc: Onların muʿâlecâtları ḳânûn-ı ʿâmm üzere ʿamel olunup ve baʿdehu leben-i etân mâ-ı ʿasel ile ve leben-i mâʿiz ve ḥalîb ile enîsûn sağy olunur. Ve aşdâfın küllîsi ona nâfiʿ olur ve şudûr-ı decâc-ı maṭbûḥa ve levz-i mürr tenâvülû dahi nâfiʿ olur.

Küzbere-i Raṭbe

Onu dahi tenāvülde istiksâr olunup nısf rıfta qarîb ekl olunsa veyâhûd onun ‘uşâresi def’aten saḳy olunsa veyâhûd ona qarîb dört ûkıyyeye varınca kadar saḳy olunsa ondan düvâr ve seder ve ihtilât-ı ‘aql ve ğılzat-ı şavt ve sübât ve sekr gibi hâlet ‘arîd olup kelâm-ı sükârânın efâhişi ile hezeyân eder ve ondan râyiha-i küzbere dahi şemm olunur.

el-‘İlâc: Vâcib olur ki teḳayyü’ ettirile ve huşûşan onu taḳyî’e dühn-i sūsen veyâhûd zeyt ile ve huşûşan bûraklı olan ṭabîh-i şibt ile ola ve ona şufretü’l-beyḍ-i nîm-birişt milḥ ve fülful ile iç’âm olunur. Ve kezâlik decâc-ı semîn milḥ-i keşîr ve fülful ile ve kezâlik meraḳu’l-[i]vezz ile ve şarâb-ı kavî-i şırf ile ḳalîlen ḳalîlen iç’âm olunur. Ve onların me’kûlâtı fülful-i keşîr ile ve milḥ ile kılınır ve onlara efsentîn veyâhûd dâr-ı şînî veyâhûd şarâb içinde fülful dahi nâfi’ olur ve mâ-ı mâlih ve meyfuhtec saḳyının menfa’ati ğâyete bâliĝ olur.

Bezr-i Ḳaṭûnâ

Ba’ḍı kerre onu şürbden ma’a-ḍa’f kalaḳ ve ḥader ve ba’dehu ğaşy ‘arîd olur ve onun ‘ilâcı küzbere ‘ilâcı olur.

Fuṭr ve Kem’e-i Rediyyeler

Maḍarrat-ı fuṭr ba’ḍı kerre cinsi ḥasebiyle olur, zîrâ onun ba’ḍı ecnâsı ḳattâldır veyâhûd fuṭr keşret-i kemmiyyeti ile ḳatl eder. Ammâ bi-ḥasebi’l-cins redî olan o fuṭrdur ki onun menbiti olan arḍ nebâtât-ı selîme inbâtıyla ma’rûfe olmaya belki o fuṭrun nebâtı mevâḍi’-i rediyyede ve hevâmm hücrelerinde ve keyfiyyât-ı ḳaviyyesi olan [eşcâr] katında olur. Ve elvân-ı fuṭrdan aḥḍar ve esved ve ṭâvûsî olanların küllîsi redîdir ve redî fuṭr tenāvülünden zebḥa ve ḍıḳ-ı nefes ve nefḥa-i baṭn u mi’de ve fûvâḳ ve maĝş ve şufret-i levn ve şıĝar-ı nabḍ ve iḳşîrâr ve ğaşy ve ‘araḳ-ı bârid ‘arîd olup ḳatl olunur.

el-‘İlâc: Onun ‘ilâcı senin ma’lûmun olanlar ile taḳyî’e olur huşûşan ma’a’l-bûrak ‘uşâre-i fi’cl ile taḳyî’e olunur ve ba’dehu ona sikencebîn ile remâd-ı kerm saḳy olunur. Ve kümmeşrânın tiryâkı olur huşûşan kümmeşrâ

şecer-i berrîsinin varakı ve kezâlik merî ona tiryâk olur. Ve ba'de't-tenkîye vâcib olur ki merî-i Nebatîden ona şey'en ba'de şey'in sakı oluna ve bûrak ve 'asel dahi sakı oluna ve kezâlik bûrak ve zerķ-ı decâc sikencebîn ile sakı olunsâ nefî 'azîm olur. Ve milh-i Hindî ve 'aşîr-i fûtenec sikencebîn ile ve bûrak ve ma'âcîn-i hâddeden felâfilî ve kemmûnî ve şarâb-ı 'atîķ ü kavî ve zerâvend ve aşı-ı cāvşîr ve şarâb tortu ve hardal ve huruf dahi isti'mâl olunur. Ve kezâlik efsentîn ve sa'ter-i cebelî ve onların tabîhî ve tabîh-i tîn dahi sakı olunur ve onun tahte's-şerâsîfî dâimâ tekmîd olunur.

Sihâm-ı Ermeniyeye

İşbu bâb her ne kadar şûrb-i semm beyânı için mec'ûl ise sihâm-ı Ermeniyeye-i mesmûmenin cerhî şûrb-i semm ahkâmında olmakla o dahi şûrb-i semme ilhâķ olunup bu maķâmla onlar dahi tedbîrî zikr olunmak lâyıktır. Ve bu bâbda hâzâķati olan 'âlim dedi ki o sihâm işâbet eylediđi gibi ona kınne sakı olunur. Sehm-i mezkûr semminin 'ilâcî budur ki cildi selh olunup ahşâsı tahtîr ve temlîh ve taķdîd olunan ibn 'urs kadîdinden iki mişķâl ona sakı olunur. Ve bana bâliđ ve vâşıl oldu ki insânın zibli o sihâmın mađarratına tiryâk olur.

İkinci Maķâle Sümûm-ı Meşrûbe-i Hayvâniyye Beyânındadır

el-Cümle: İşbu Cümle Hayvânâtın ve Sümûmunun Beyânındadır

Ben derim ki hayvânâtta min-ciheti's-şûrb semm olan eşyanın kimisi o hayvânın lahmı ve keyfe-mâ-kân cümle-i bedeni olur ve kiminde hâşşaten ba'dı 'udvu olur ve kiminde ruķûbet-i semm olur. Ve bu aķsâmın her birisi iki kısımla üzere olur: Evvelki kısımla onda olan semm bi-cevherihi ve zâtîhi olur đafâdîr-ı âcâmiyye lahmında olduđu gibi. Ve ikinci kısımla semmiyyet bi-cevherihi olmayıp bi-hasebî'l-'ârîd olur semmin bârid ve şivâ-yı mađmûm ve mi'dede câmid olan leben gibi.

Fi'l-Ḥayvânâtilleti Takṭulu Bi-Cem'î Eczâihi

O ḥayvânâtan bi-cevherihi ve zâtihi katl eden vezegadır ve kezâlik zerârîḥ ve ḍafâdıḥ ve erneb-i baḥrî ve ḥirzevn mişlililerdir ve semmiyyet-i 'arâdiyye ile katl eden semek-i bârid ve şivâ-i mağmûmdur.

Zerârîḥ

Onun ṭab'ı ḥâdde ve ḥirriḥ ve kâtâledir, onu şâribe mağş ve veca'-ı aḥşâ ve bi'l-cümle femden 'âneye varınca kadar veca'-ı mümtedd 'arîd olur ve kezâlik verik katında ve iki böbreklerde ve şerâsîfte veca' olup meşâne dahi veca'-ı müverrim ile takrîḥ olunur ve қаḍib-i 'âne ve nevâḥî-i 'aneyi tevrim eder iltihâbı şedîd olmak ḥasebiyle ve bevl teḳâḍî edip kıyâm eder velâkin tebevvue kâdir olmaz veyâḥûd kâdir olur velâkin dem ve kıṭa'-ı laḥm veca'-ı şedîd ile tebevvue eder Ve ba'ḍı kerre ma'a-tilke'l-a'râḍ ishâl saḥcı ve ḡaşeyân ve ihtilât-ı 'aql ve kıyâm katında suḳûṭ ve ḡaşy 'arîd olur ve ba'dehu katl eder. Ve zerârîḥin ekser-i nikâyesi meşâneye olur ve onu şûrb eden kimse feminde қаṭrân ve zift ṭa'mı bulur. Ve o ḥayvânâtın ṭulû'-ı Şîrâ kubeylinde ve bu'aydında ya'nî zamân-ı ṭulû'dan ḳalîlen muḳaddem ve ḳalîlen mu'aḥḥar olan zamânlarda ve vâḳt-i ḥarîfte şerrî ekseri olur.

el-İlâc: Vâcib olur ki onu şûrb eden kimse ḳay' ettirile ve senin bildiğin üzere ḥuḳne isti'mâl oluna ve vâcib olur ki onun muḳayyî'ine ve ḥuḳnesine naṭrûn ve ṭabîḥ-i tîn dahi idḥâl oluna ve onun taḳyî'esi mütedârik kılına ve ḥıfzan li'l-meşâne faşd olunmak re'y olunursa o dahi işlenir ve ba'dehu saḳy-ı mütedârik ile [533b] ona leben ve lu'âb-ı bezr-i қаṭûnâ ve mâ-ı recle ve zûbd-i keşîr saḳy olunur ve o vâḳtte mâ-ı şa'îr ve ḥaṭmî ve beyâḍu'l-beyḍ ve bezr-i kettân lu'âbıyla veyâḥûd mâ-ı şa'îr ve mâ-ı erüzz veyâḥûd ṭabîḥ-i ḥulbe veyâḥûd ṭabîḥ-i ḥanderûsla onlara ihtikân olunur ve emrâḳ-ı desime ve dühn-i levz ve şaḥmu'l-ivezz ve şufretü'l-beyḍi'n-nîm-birişt ve semn ve 'asel ve cüllâb ve meḥîḍ-i baḳar onlara nâfi'dir ve onlara mâ-ı 'asel ve şanevber-i ḥabbının kibârı ve şıḡârı ve meyfuḥtec ma'a-şahmi'l-ivezz şarâb-ı 'aselde saḳy olunmak nâfi'dir. Ve müdirr olan ḥubûb-ı maṭbûḥu ḥabb-ı biṭṭîḥ ve kıssâ ve ṭabîḥ-i tîn ve şarâb-ı benefşec dahi nâfi'dir. Ve ba'ḍılar dediler ki onun şâribine dühn-i sefercel saḳy olursa onun tiryâkı olur ve dühn-i süsen ve kezâlik tîn-i Şâmûs onlar gibidir ve edrûmâlî şarâbı

sağy onların ishâline nef^c verir. Ve vâcib olur ki zerârîh şürb eden kimsenin ihlîline dühn-i verd takţır oluna velâkin onun kam^c-ı laţîf ile ve mevcûd olan kam^cın dahi elyeni ile olup zerrâka ile olmaya ve onda âbzen-i fâtir dahi isti^cmâl oluna.

Erneb-i Bahrî

Onu sağydan nefsin dîkı ve ʿusrü ve humret-i ʿayn ve suʿâl-i yâbis ve nef^s-i dem ve ʿusr-i bevl ve bevl-i dem ve bevl-i benefşecî ve veca^c-ı mi^c-de ve ifrâṭ üzere kay^c-ı şafrâ ve kay^c-ı dem ve yerekân ve kerb ve veca^c-ı külye ve berâz-ı benefşecî ve ba^cdı kerre berâz-ı muḥâfî ve ʿarak-ı müntin ve kerâhet-i ta^câm ʿarîd olur; her kaçan semek rüy^cet eylese müşme^cizz ve münkabıd olur ve kaçan semeki rüy^cetinde müşme^cizz olmasa onun ʿâfiyetine delâlet eder ve onun semek-i müntin râyihası feminden ve cüşâsından ma^ca'l-mülûha ihsâs olunur. Ve erneb-i bahrî şürbünden ʿâfiyet bulanların ekseri sillde vâkı^c olurlar.

el-İlâc: Onlara leben-i mâʿiz şürbünün menfaʿat-ı bâliğası olur ve kezâlik eşek sütü dahi nâfi^cdir ve sedyden leben-i nisâ maşşî ve hubbâzâ kuḍbânı veyâḥûd meslûk olan ḥaṭmî-i raṭb ve seretân-ı nehrî meraķası ḥaşşaten nâfi^cdir ve o ʿalîl seretân-ı nehrî meraķasını ekle kâdir olur, ammâ sāir māl olan hayvânâtın kendiyi ve emrâķını tenâvülden müşme^cizz olup ekle kâdir olmaz. Ammâ o bâbda edviye-i nâfi^cadan aķvâ olan edviye fütenec-i nehrîyi ṭariyyen tenâvül ve dem-i ivezz ḥârr[en] ṭariyyen ve bevl-i insân-ı muʿtaḳ ve buķûl-i meryem¹⁸⁷ uşûlünden sekiz übûlûs şarâbla ve o miḳdâr şarâb veyâḥûd ṭılâ ile ve ḥarbaķ-ı kalîl şarâbla şürb olunmak nâfi^c olur ve a^crâḍ heyecân ve sükûn eylediğinden ikinci günde ona ḥarbaķ-ı esved ve saķmünyâ ve ġarîķûn ve rubb-ı sūs ve keşîrâ bu edviyeler veznleri berâber aḥḫ olunup onlardan ḥubûb ittiḥâz olunur ve şerbet-i vâhidesi bir dirhem veyâḥûd bir dirhemden kalîlen ziyâde kılınır ve cüllâb ile sağy olunur. Ve onun ʿalâmet-i bürʿü semekte müşme^cizz olmayıp tenâvül eylemeğē ʿalîlin kudreti olur. Ve ba^cde'l-ʿâfiyet sill maraḍı ʿarîd olur ise ona emrâḍ-ı sill ile muʿâlece olunur.

187 [Sehven “buķûl-i meryem” yazılmışsa da doğrusu “buḥûr-ı meryem”]

Vezeğa ve Hırbā

Vezeğanın lahmı kâtildir. Ve ba'đı kerre vezeğa şarāb içine suķūt edip helāk olur ve a'đāsı tefettüt edip o şarāb bi-külliyetihi semm olur ve onu şürbden kay' ve veca'ı fu'ād-ı şedīd hādiş olur. Ve hırbā dahi katl ve ihlākta vezeğaya karīb olur. Ve kavmin zıkrı üzere hırbānın beydi dahi semmdir sā'at-i şürbde şāribini katl eder, biz onu zıkrı eyleriz. Ve bir kavim dediler ki hırbā tabh olunur, onun tabihī mā-ı hammāma reşş olunsa ondan müstahimm olanların bedeni bir müddet muhđarre ve ba'dehā qalilen qalilen levn-i evveline āid olur. Bu kelām bir kavldir ki ben onu taḥkik eylemem. Ve bunun ilācı ilāc-ı müsterektiler ve zerārīh ilācıdır.

Hırzevn

Hırzevnin sālāmendār bir nev'idir, onların tabiatleri birbirlerine müşābihdir, pes sālāmendāra müşābih olan hırzevn kattāldir, onun lahmını şāribe verem-i lisān ve hikke ve şudāf ve hurka ve gışāve-i ayn ārid olur.

el-İlāc: Simsim, ḥarnūb-ı Nebatī, sükker veznleri berāber aḥz olunup semn-i baqar ile saqy olunur. Ve vācib olur ki leben-i ḥalīb saqy olunup dühn ile temrīh ve istiḥmām oluna.

Fı Şürbi Sālāmendār

Bu ḥayvān āzāyāttan bir nev'dir, biz onu bābu'l-aḥḍda zıkrı ve vaşf eyleriz. Onun şürbünden mi'dede evcā'ı şedīde ve baṭnda istiskā gibi verem ve küzāz ve ihtibās-ı bevl ārid olur. Ve o kailin ḡayrilerinden Atyūs-ı Āmidī ve ḡayrileri dedi ki onu şāribe verem-i lisān ve zehāb-ı aql ve istirḡā ve zemānet ve isvidād-ı mevādi' mine'l-beden ve eczā-i bedenin ufuneti ārid olur; kaçan mu'alece olunup alile şihḡat ve bür' ḡaşıl olsa o sevād ve ufunetinin mevdi'i olan uḍv sākit olur.

el-İlāc: Ona ilāc-ı müsterekle ilāc olunur ve afyūn şāribine olan ilācla dahi tedbir olunur ve tiryāk-ı kebīrden fārūk ve meşrūdītūs mişlliler saqy olunur. Ammā etibbādan Atyūs-ı Āmidī ve emsāli zıkrı eylediler ki zerārīh şürb edenlerin ilācı ona ilāc olur, ammā kendiye maḡşuş ilāc budur ki rātīnec, ilk-i buṭm gerek her birisi yalnız ve gerek ikisi ma'an aḥz ve is-

ti'cāl olunur lâkin mey'a ileve centiyânâ ile ve kezâlik o 'alile kemâfîtü's içinde ḥabbu's-şanevberi's-şığâr ve varak-ı serv ve bezr-i encüre taḥḥ olun- duktan sonra sakı olunur ve zeyt ile şürb olunur ve kezâlik baḥrî sülâḥfâtın batnı ve fütenecele maṭbûḥ ḍafâdî dahi nâfi' olur.

Ḍafâdî'da Ācâmiyyenin Aḥḍarı ve Baḥriyyenin Aḥmeri

Onun şâribe şufrete nâzır kümüdet-i levn ve terehhül tarîki ile bedenin teverrümü ve ḥalk ve femin ḥurḳatı ve 'usr-i nefes ve zûlmet-i 'ayn ve düvâr ve netn-i fem 'arîḍ olur ve ba'ḍı kerre aḥyânen teşennüce ve imtidâda mü'eddî olur ve onlara ba'ḍı kerre ishâl-i zûsentârî ve ğaseyân ve kay' ve ihtilâṭ ve ğaşy 'arîḍ olur ve ba'ḍı kerre menîlerini ve fuḍûlü bi-ğayri-irâderin kâzıf eder- ler ve bu 'illetten ḥalâş olan kimsenin esnânı suḳûttan ḥalâş olmaz.

el-İlâc: O ḍafâdî'ı rediyye şâribine zeyt saḳ olunup takıye olunur ve kezâlik mâ-ı ḥârr veyâḥûd şarâb-ı keşîr ile takıye olunur ve riyâdet-i keşîre ile tervîḍ ve âbzen-i ḥârrda hammâmda ta'rik ve edhân-ı ḥârre ile temrîḥ olunur ve onlara kürküm devâsı ve lükk ve istiskâdan nâfi' edviyenin küllîsi nâfi' olur; üç dirhem uşûl-i kaşab ile şarâb-ı keşîr saḳıy nâfi' ve kezâlik su'ḍ ve kaşab-ı zerîre şarâbda saḳıy olunur.

Ḍafâdî-ı Şufr

Sarı kurbağa laḥmını şürb edenlere şehvet-i ta'âmın inḳitâ'ı ve cüşâ-i ḥamîḍ ve fesâd-ı levn ve kay' ve ğaseyân ve veca'-ı fu'âd ve verem-i batn ve iki sâḳın veremi 'arîḍ olur.

el-İlâc: Onun 'ilâcı âcâmiyye ve baḥriyye olup bundan muḳaddem zıkr olunan ḍafâdî şâribine olunan 'ilâca ḳarîb olur.

Ve Ḥayvânâtta Bi-Külliyetihi ev Bi-Ba'ḍi Eczâihi

Bi'l-'Araḍ Semm Olan Kısım-ı Âḥer Bunlardır

Semek-i Bârid

Semek-i bârid şürbünden ḥuşuşan mekân-ı nedîde ve nem-nâk mevḍi'de olan semek-i bâridi şürbden a'râḍ fuṭr 'arîḍa olur ve ba'ḍı kerre onu şürbden bir gün veyâḥûd iki gün 'araḍ-ı mezkûr zuhûr eylemez.

el-İlâc: Onun ʿilâcî takyî'e ve sâir ʿilâc-ı fuṭr olur

Şivâ-i Mağmûm ve Laḥm-ı Fâsid

Luhûmdan hangi laḥm şeyy olursa vâcib olur ki üzeri setr olunmayıp mekşûf kılına tâ ki o laḥm hâl-i şeyyde teneffüs eyleye. Ve kaçan keşf olunmayıp o hâlde laḥm mağmûm olursa bi'l-ʿaraḍ semmi olup onu tenâvülden kerb ve inṭilâk-ı baṭn gibi heyḍa ʿalâmâtı zâhire olur ve belki o vech üzere olan laḥm-ı meşvînin ṭaʿimi bir gün ve iki gün miḳdârı ʿaqlını izâle eder ve baʿdî kerre sübâta ve katle müʿeddî olur.

Ve Ḥayvâniyyenin Cins-i Şânisi

Yaʿnî ḥayvândan semm olan ruṭûbetlerin merârîleri merârât-ı kâtile ve zeneb-i iyyel mişlîlilerdir.

Merâretü'l-Efâ

O merâret ʿalâ-hâlihi saḳy olursa katl eder, şâribinin nefesi tevâtür eder ve merâre edviyeye kalîlen hâlṭ olunur.

el-İlâc: Merâre-i efî şâribine nâfiʿ bir nesne var ise ona hâlen baʿde-hâlin [534a] semn saḳy edip takyî'e eylemek nâfiʿ olur ve baʿde't-takyî'e tiryāk ve meşrûḍîṭus saḳy olunmağa mübâderet olunur ve ona fâd-zehr saḳy olunmak ecell-i eşyâ-ı nâfiʿadan olur ve misk ona devâ olur ve ona ğaşy tevâtür edip devâyı şûrb edemese ona şar[â]b ve mâu'l-laḥmi'l-ferâric mis-kten bir şey ile icâr olunur yaʿnî vecûr ile halkına şabb olunur.

Merâretü'n-Nemir

Kaplan merâresini şûrb eden kimseye şafrâ ve ḥaḍrâ mirreler kayʿ eylemek ʿarîḍ olur ve o kimse şabır rîḥini enfinde ve ṭaʿmını feminde bulur ve ʿaynına yerekân ʿarîḍ olup katl eder ve onu şûrb eden kimse üç sâʿati geçirse onun ḥayâtı recâ olunur.

el-İlâc: Ona senin bildiğin üzere muḳayyîât saḳy olunup kusturulur ve ona maḥşûş olan tiryāk saḳy olunur ve o tiryāk budur: Ṭîn-i maḥtûm, ḥabbu'l-ġâr her birinden birer cüz, infeḥa-ı ğazâl dört cüz, bezr-i sezâb, mürr

her birinden nısf cüz'; bu mezkûrlar aḥz olunup 'asel ile ma'cûn kılınır ve onun şerbeti cevze miḳdârıdır ve ma'a-zâlik takyîesi olur ve vâcib olur ki ona reyâḥinden âbzen ittiḥâz oluna.

Kelb-i Mâ Merâresi

Ba'dılar dediler ki kelb-i mânın merâresini mercimek miḳdârı bir insân ekl eylese bir üsbû' mürûrundan sonra ḳatl eder.

el-İlâc: Ona semn-i baḳar, centiyânâ'r-Rûmî ve dâr-ı şînî ile saḳy olunur ve kezâlik erneb infeḥası saḳy olunur ve dühn-i ṭayyib ile temrîḥ ve tedbîri telṭîf olunur.

Zeneb-i İyyel Tarafı

Onu şûrbden kerb-i şedîd ve ḡaşy 'ârıd olur, o taraf semm-i ḳâtildir.

el-İlâc: Senin bildiḡin vech üzere takyîe olunur ve onu muḳayyî'in ecvedî semn ve şîrec olur ve onlardan sonra bunduḳ veyâḥûd fustuḳ ve fîl-zehrec; onlar ma'cûn kılınıp saḳy olunur ve her def'a bunduḳa-i kebîre ḳadar saḳy olunur ve o miḳdâr bir yevmde dört def'a saḳy olunur ve o vech üzere saḳy bi-ḳudretillâhi ta'âlâ nâfi' olur.

Cins-i Sâliḡ Şevrin Dem-i Ṭarîsidir

Onu şâribe 'usr-i nefes ve iki levzelerin¹⁸⁸ veca'ı ve merînin veca'ı ve ḥumret-i lisân ve esnânda ve liṣâtta dem-i câmid kıṭ'aları ve ḡaşeyân-ı şedîd ve kerb ve ıdṭirâb 'ârıd olur ve ba'dı kerre esnânda te'ekkül olur ve ba'dehu ḥanıḳ ve küzâza mü'eddî olur.

el-İlâc: Onun 'ilâcında vâcib olur ki ḥuḳneye ve ishâle mübâderet oluna velâkin takyîe olunmaya, zîrâ ba'dı kerre takyîe ḥasebiyle indifâ'ına taḥammül olunmayacak ḳadar def'a[ten] mevâdd müctemi' olup onda ḥanıḳ ḥatârı olur. Ve vâcib olur ki cümûd-ı deme nâfi' edviye ona saḳy oluna, leben ile memlû tîn-i ficc ve bezr-i kerneb ve uşûl-i encudân ve ḥılṭût ve būraḳ ve ḥaṭab-ı tînin remâdî ḥall ile ve fülful ḥall ile ve 'uşâre-i varâḳ-ı 'ul-

188 "Levzetân" aṣl-ı lisânda kulak gibi iki 'uḍvdur, merîye ta'âm onun arasından geçer.

leyk hall ile saqı oluna. Ve onların buṭūnlārında olan dem-i cāmid edviye-i mezkûre saqı olunduktan sonra ishāl olunur ve onların buṭūnları daḳıḳ-i şaʿır ve mā-ı qarātın¹⁸⁹ ile taḍmīd olunur.

‘Araḳu’d-Devābb

Onu şüirbden vech muḥḍarr ve müteverrim olur ve bedenden ‘araḳ-ı müntin seyelān eder ve kezālîk iki koltuktan dahi ‘araḳ-ı müntin seyelān eder.

el-‘İlāc: Mā-ı fātir ile taḳyîe olunur ve ona ṭılā ile nıṣf dirhem dühn-i verd ve nıṣf dirhem milḥ-i derānî saqı olunur ve ona ṭin-i maḥtûm tiryāḳı dahi nāfi^c olur.

Hırbā Beyḍi

Beyḍ-i hırbā şāribini fi’l-hāl ḳatlı eder; eger tedārük olunmaz ise ona bir şey⁹ neḫ^c vermez.

el-‘İlāc: Ona ṭılā içinde zerḳ-ı bāzî saqı olunup baʿdehu ḳay⁹-ı tām̄m ile taḳyîe olunur ve cesedi semn-i baḳarî ile temrîḫ ve re⁹si milḥ ile tekmīd olunur ve ona ṭin-i yābis ve zübd ve çenṭāyānā içʿām olunur.

Leben-i Fāsîd

Leben-i fāsîd o lebendir ki ṭarîḳ-i ḥumūḍetle ʿufūnet-i uḫrāya istiḥāle eyleye ve o mişlli lebenden düvār ve ḡaşy ve fem-i miʿdeye maḡş ʿārıḍ olur ve baʿḍı kerre ondan heyda-i ḳattāle ʿārıḍ olur.

el-‘İlāc: Mā-ı ʿasel saqı olunup taḳyîe olunur ve baʿdehu felāfilî ile şarāb-ı şırf saqı olunmakla taḳyîe olunur ve miʿdesi dühn-i nārdīn ile tekmīd olunur.

ed-Demü’l-Cāmid

Kaçan baṭnda dem cāmid olsa ruṭūbet-i beden cinsinden semm olur ve semmiyyeti ḥāricden istifāde eylemeyip şadr ve baṭn ve emʿā ve meşāne

189 “Mā-ı qarātın” mā-ı ʿaseldir.

mişlli efdiye-i bedenden istifâde etmekle ondan a'râd-ı rediyye 'ârıd olur. Kaçan dem şadrda cümüd etmekle semmiyyet istifâde eylese levn-i beden zâhib olur ve nabđ şağır ve da'if olup evvelâ tevâtüre mü'eddî olur ve marîdin istirhâsına ve gâşyine mü'eddî olur. Ve dem mi'dede cümüd ederse beden bârid olur ve ihtinâk ve şıgar-ı nabđ ve gâşy-i müterâdif 'ârıd olur. Ve kaçan meşâne ve kezâlık em'âda dem cümüd eylese mi'dede cümüd-ı dem 'avâridi 'ârıd olur.

Ve onlara 'âmm olan edviye hâşşaten ukhuvân-ı ebyad u ahmer ve muķl ve hâşâ ve enâfih üç üsûlî ve huşuşan infeha-ı erneb ve leben-i tîn ve hall-i hırîf ve hıltî ve haşeb-i tîn remâdının suyu ki mükerrer isti'mâl oluna. Bu bâbda irâd olunan bir 'acîb devâ vardır, o devâ leben-i mâ'izdir. Eţibbâ dediler ki leben-i mâ'iz cevfte olan dem-i câmidi cem'ân izâbe eder veyâhûd encudân ve kibrît veznleri berâber ahz olunup hall içinde saķy olunur ve bu bâbda devâ-i 'acîb olur.

Mi'dede ve Meşâne Cümüd Eden Dem 'İlâcıdır

O iki 'uđvda dem cümüdünü bir kerre dahi zıkr eyledik, o bâb ile bu mezkûr muķâbele olunsun. Ve biz deriz ki vâcib olur ki onun şâhibi takyî'e olunur eger kay'ı mümkün ise ve onun muķayyi'i 'asel ve kerefs 'uşâresi kılına. Ve ona nâfî' olur tîn-i mahtûm tiryâķı. Ve kırtım taķîni mâ-ı hârrda tezvîb olursa cidden nâfî' olur ve o devânın şıfatı budur: Tîn-i mahtûm sekiz dirhem, infeha-i erneb otuz altı dirhem, infeha-i gızlân otuz iki dirhem, çentâyânâ dört dirhem, zerâvend-i müdahrec dört dirhem, sezâb-ı berrînin bezri dört dirhem, mürr dört dirhem, hıltî dört dirhem ahz olunup 'asel ile ma'cûn kılınır ve şerbet-i vâhidesi cevze miķdârı olup mâ-ı hârrda veyâhûd sikencebîn içinde saķy olunur. Ve kezâlık tîn remâdı iki dirhem ahz olunup bir mişķâl muķh-ı erneb ile saķy olunur. Muşannif der ki kavmin muķh-ı ernebden benim zannım üzere murâdları erneb infehasıdır ve o ikisi hall-i hamrde idâfe olunup şûrb olunur. Ve milh-i enderânî infeha-i cedy ile şûrb olunur veyâhûd hur-ı kelbden bir mişķâl dahi isti'mâl olunur.

Ve meşâne mün'akid olan deme hâşşaten 'ilâc olur zerrîn- dıraht varâķının 'uşâresi iţâ oluna onun bu bâbda hâşşıyyeti 'acîbdir ve sikencebîn şûrbüne idâme olunur. Ve tiryâķ ve meşrûdîş ve müdirrât-ı kavîyye ve

birincâsef varakı ve hıltût ve kerefs ʿuşâresi ve bezr-i fücl ve bu devâlar sikencebîn içinde veyâhûd hâll içinde hâll olunur ve bu bâbda hâll devâ-i ʿacîb olur. Ve kezâlik kardemânâdan bir mişkâl mâ-ı hârr ile veyâhûd hıltûtten nısf mişkâl veyâhûd gârîkûndan bir şerbet veyâhûd sîsâliyûs veyâhûd enâfihten bir şey² veyâhûd habb-ı belesândan iki dirhem veyâhûd azfâr-ı tîbden iki dirhem veyâhûd ʿud-ı fâvâniyâdan iki dirhem istiʿmâl olunur. Ve haşâtı müfettit olan edviye dahi meşrûbeten ve maḥkûneten ve tılâen istiʿmâl olunur. Ve meşânesine milḥ-i meshûk suda hâll olunduktan sonra miḥdâr-ı nevât izrâk olunur veyâhûd remâd-ı kürküm suyu istiʿmâl olunur ve bu tedbîr nâfiʿ ve nâciʿ olmazsa haşât istiḥrâc olunur gibi demin üzeri şakḳ ve dem istiḥrâc olunmak vâcib olur.

Miʿdede Cümûd-ı Leben Beyânındadır

Baʿdı kerre miʿdede leben cümûd eder ve onun cümûdu esbâb-ı mücem-mide-i muvâfıkadan bir sebep ile olur veyâhûd lebende cümûda istiʿdâd kavî olmakla olur veyâhûd infeḥa ile maḥlût leben [534b] şûrb etmekle olur ve miʿdede leben cümûdundan ʿarâk-ı bârid ve ğaşy ve ḥummâ-ı nâfiḍ ʿarîḍ olur ve eger leben cümûdu infeḥa ihtilâṭı ile olursa erde² ve ḥanaḳa esraʿ olur.

Ve miʿdede leben cümûdu miʿdede cümûd-ı dem cinsinden olur ve ondan cümûd-ı dem aʿrâḍı ve kezâlik sümûm aʿrâḍı gibi aʿrâḍ tevellüd eder. Miʿdede cümûd-ı demden berd-i beden ve şığar-ı nabḍ ve nefesi tadyîk eden ihtinâk ve ğaşy ʿarîḍ olur. Ve baʿdı kerre o leben şâribinin miʿdesinde leben cümûdu ḥasebiyle baṭnı dahi müntefih olur.

el-İlâc: Miʿdesinde leben tecebbün eden kimseye vâcib olur ki mülûḥât-tan ictinâb eyleye, zîrâ mülûḥât leben-i mütecebbbinin cübniyyetini ziyâde eder. Ve onlara vâcib olur ki yalnız hâll veyâhûd mâ ile memzûc olan hâll saḳy oluna ve onlara beş dirhem miḥdârı futenec-i yâbis saḳy olunur, zîrâ onun fevr-i şûrbde taḥlîl cihetinden nefʿ-i ʿacîbi olur ve taḥlîlde kuvveti ḥasebiyle leben-i ḥalîbi cümûddan menʿ eder ve kıvâmını terkîk eder ve ona enâfihten bir şey² bir mişkâla varınca kadar saḳy olunur, zîrâ enâfiḥ dahi taḥlîl eder, ḳay²la veyâhûd ishâl ile lebeni iḥrâc eder. Ve ona miʿdede olan cümûd-ı dem edviyesi saḳy olunur ḥuşuşan zîkr eylediğimiz tîn-i maḥtûm-

dan müttehaz devā saḳy olunur ve devā-i encudān ve kibrīt saḳy olunur veyāḥūd o iki devā bi's-seviyye ḥalde saḳy olunur. Ve ḥaṣeb-i tīn remādı nāfi^c olur eger mükerrer isti^cmāl olunursa. Bu mezkûrlar Rûfus'un maḥkîsi-ni ḥikāyedir, şimdiki ḥalde biz nühûş ve lüsû^cda olan kelāma ibtidā eyleriz.

el-Maḳāletu's-Şāliṣetü: İşbu Maḳāle-i Şāliṣe Nehşin Tedbîr-i Küllisinde ve Tard-ı Ḥaṣerâtta ve Ḥayyâtın Ledḡı ve Aşnâfında Olan Kelām-ı Küllidir

Faṣl Ḳavânîn-i Mu'alecât-ı Külliyye Beyânındadır

Ma'lûm ola ki 'ilâc-ı semmde kânû ekşer ḥârr-ı garîzîyi taḳviye ve semmi def'e ḥârr-ı garîzîyi tehyîc ve taḥrîk olur. Ve onları fâ'il olan edviye tiryāk ve lu'be-i berberîyye mişli olan edviyedir ve kezâlik kânûn taḳviye katında tedbîr edip semmi iḥrāk ve ba^cdehu iḥrâc ve taḳviye-i aḥşāya mürâ'ât ve ba^cdehu semmi def' ve fi'lini ibtāl olur. Ve onları fâ'il olan edviye meşrûbât ve o bâbda ḥāşsiyyeti olan aṭliye veyāḥūd ona nāfi^c ṭabî'at-ı ma'rifesi olan edviye olur ve onları biz zıkr eyleriz. Ve ba^cdı kerre o edviyelere ḡaraḍ-ı âḡer için edviye-i âḡeri dahi idḡāl olunur ruṭûbât-ı bedeni taḳlîl eden edviye ile tedbîr olunmak gibi, zîrâ ruṭûbet-i bedene semmin nüfûzu esheldir, o ruṭûbet zâile oldukta semmin nüfûzu a^cḍâ-i aşliyyeye a^cser olmakla serî'an bedene te'sîr eylemez ve edviye ile ḳable-infi'âlî'l-beden iḥrâcî eshel olur. Ve ruṭûbet-i bedeni muḳallil olan tedbîrlerden olur faşd ve ishāl mişli nesneleri isti^cmāl eylemek.

Ve evḳât-ı faşddan evlâ olan vâḳt semmin 'adem-i intişârı ve 'adem-i incizâbı bilindiḡi vâḳt olur ḡuşuşan bedenleri mümtelî olanlara faşd isti^cmālî o vâḳtte evlâ olur. Ve bu bâbda şey²-i âḡer dahi dâḡil olur ya'nî tedbîr olunup ve aḡlât-ı müteḡarrike a^cḍâ-i reîse cihetinin ḡilâfı cihetine şarf olunur, a^cḍâ-i reîseye inşibâbda muḡâfaza olunur.

Ve sümûma mu'alece için meşrûb olan tiryākât veyāḥūd fâd-zehrât olur, onların her birisi ancak meşrûbun leh için ḡāşş olur veyāḥūd bi'l-cümle sümûma 'amm olup müşterek 'ilâc olur veyāḥūd meşrûb olan devā mizâc-ı semme bi-ḡasebi'l-mizâc muḡālîf olur, meşelâ semm-i 'aḳreb mizâcına

muḥālîf mizâcî olan ḥiltût gibi veyâḥûd meşrûb olan edviye ahlâṭı taḥrîk edip semmî ḥârice mevclemdirici devâ olur ve o ḥâl üzere olan edviye mu'arrikâdır veyâḥûd o meşrûb olan edviye ahlâṭı vech-i semmden tenkıye ve temyîl edip tecmîde mâni' olur ve o edviye bizim zıkr eylediğimiz mürekkeb edviye-i muḳayyi'e ve edviye-i müshiledir ki lûsû'da isti'mâl olunur ve kezâlik müdirrât dahi isti'mâl olunur.

Ve o edviye isti'mâl olunur ki mevâddı a'ḍâ-i reîseden maḥall-i ba'ide taḥrîk edip zıkr olunan edviye müshile ve muḳayyi'e ve müdirre olan edviyenin taḥrîki ḥasebiyle a'ḍâ-i reîseye müteveccih olan mevâddı müdâfa'a eder.

Ve 'uḍv-ı ma'ḍûd üzere müsta'mel olan aṭliyyede aḡrâḍ-ı müte'addide vardır: Onların biri budur ki o aṭliye semmin bedende nüfûzunu men' [eder] ve o men' ṭuruk-ı semmî ribâṭâtla rabṭ ḥasebiyle olur ve nevmden men' edip ḥârr-ı ḡarîzîyi ḥârice taḥrîk ve semmî müdâfa'a ile olur.

Ve 'uḍv-ı melsû'u kaṭ' dahi bu bâbdan olur veyâḥûd onun aṭliyesi edviye-i kâviye ve esbâb-ı câzibe olur, binâen 'aleyh ona kavâbid ile tılâ olunmak muḍırr olur, zîrâ semmî ḥârice cezb ve dâḥile nüfûzdan men' eden edviyeden enfa' ona devâ olmaz ḥuşûşan semm henüz bedene mün-teşir olmuş olmaya. Ve meḥâcim isti'mâli dahi edviye-i cezzâbe isti'mâli kabîlinden olur.

Ve ba'dı kerre semm nüfûz ve ta'ammuk etmekle şarṭa dahi ḥâcet olur.

Ve eger semm zâhirde temekkün eyledi ise o vâkte irsâl-ı 'alâk eylemek şarṭ eylemekten muḡnî olur ve maşşa dahi ḥâcet olmaz. Ve semm mādâm ki cildi tecâvûz eylemeye, ona maşş kifâyet eder. Ve vâcib olur ki onu maşş eden kimse şâim olmaya belki ta'am ekl edip aḡzını ḡasl eyledikten sonra maşş eyleye ve o mâşşın esnânında te'ekkül olmaya ve şarâb-ı reyḥânîyle maḍmaḍa edip ba'dehu maşş eyleye ve aḡzında dühn-i verd ve dühn-i be-nefşec imsâk ede ve eger o mâşşın feminde âfet-i uḡrâ var ise onu dahi def' eder. Ve her maşşının 'aķıbında vâcib olur ki büşâķını remy ve ilkâ eyleye. Ve isti'mâle muvâfık olan edviye şûrben edviye-i mu'arrikâ ve tılâen edviye-i muḥammire-i câzibedir.

Câlînûs der ki edviyenin semmî cezbi ba'dı kerre kuvve-i teşḥîni ile olur veyâḥûd müşâkelesi ḥasebiyle olur, timsâḥ 'aḍḍ eden kimseye şaḡm-ı

timsâhla ve efâ' les' eden kimse efâ' lahmı ile ba'de kaç'ı'l-e'râf onların semmleri cezb olunduğu gibi ve ona binâen ba'dı sümûmun mu'alecesi ba'dı kerre yine semm isti'mâli ile kılınır velâkin devâ olmak üzere isti'mâl olunan semmin semmiyyeti vâcib olur ki les' eden hayvânın semminden ad'af ola. Ve ben zann ederim ki murâd budur ki devâ olan semmde bir mizâc ola ki mizâc-ı beden ile semm-i les'a mizâcı beyninde mütevasıf ola velâkin vâcib olur ki bu kavle hukemâdan hikmet-i tabî' ıulemâsı nazar eyleye, emzicenin mizâc-ı maşûşlarını istihrâcda gayr-i müt'in olup kemâl ve hazâkati olmayanların 'adem-i hazâkati zâhir olsun için; ammâ tabîbe onu bilmemek çarar vermez, tabî'ıyyûndan ahz onlara kifâyet eder. Ve ne'ûlât-ı câzibenin çoğu takrîh ve tenfî' eder.

Ve vâcib olur ki onlardan hâdişe kûrûh ve nüfââtın ru'ubâtı tesyîl oluna ve zıkr olunan tesyîl bi'l-cümle mu'tallâ olan edviyenin şerâiyitinden olur. Ve kezâlik şurû'ı tılâdan olur o devânın tabî'at-ı semmi vücûh-ı ihâlâttan bir vech ile ihâle eylemek ve onun bir vechi icmâddır, o fi'l ve ihâle aşl-ı yebrûh misllilerin fi'li olur. Ve bir vechi dahi ihrâktır nâr ile ve zeyt ve zift ile ve huşûşan zift-i muğlâ ile keyyde olan ihrâk gibi; bu vech üzere semmi ihâle ehl-i Mısr'ın 'ameli olur. Veyahûd devâda bir hâşşıyyet olur ki [535a] semmi ihâle ve çararını def' eder veyâhûd devâda harr ve berdden bir keyfiyyet olur ki semme müdâdde olup mu'âbele eder.

Ve kaçan evâil-i les'ada edviye-i câzibe isti'mâl olunsa ve zıkr olunan tedbîrler ile tedbîr olunsa ve onların nef'i olmasa ve onun şânı 'azîm olsa les'a mevdi'inin havâlisi kaç' olunup kemiğe varınca kadar lahmın küllîsi ahz olunur. Ve o les'adan havf ve ha'ar o miqdârdan dahi ezyed ise 'azm dahi kaç' olunup ba'dehu tekviye olunur.

Ve edviye sümûmun küllisinde ve huşûşân tılâ olunacak devâlarda teskin-i veca' olmağa hâcet olur ve kezâlik lüsû'a tâbi' olan a'râd-ı hafıyyeyi tedârük kuvvesi olmağa dahi hâcet olur kul'utâr mislli, zîrâ edviye-i lüsû' ahlâtına nehşeden nâşî im'ân eden seyelân-ı dem habs eylesin için kul'utâr idhâl olunur.

Veşâyâ-yı sümûmdan mürâ'atı vâcib olan vaşıyyet budur ki semmin gâilesi mündefi' olup 'alile bür' hâşıl olunca kadar sümûm ve 'udûd cirâhatleri indimâlden men' olunur.

Lüsû' İçin Nâfi' Meşrûbâtır: Ona ceyyid edviyedendir handekûkâ bezr-i handekûkâ suyu içinde veyâhûd şarâb içinde sakı olunmak. Envâ'-ı fütene- cin üç nev'-inin tabîhi dahi ceyyiddir ve cünd-i bîdesterün dahi nef'i 'acîbdır. Ammâ leben-i lâğiye ya'nî muşannifin zannı üzere bûşencî demekle ma'rûf olan tiryâk ve kezâlik qarâvî bi'l-cümle semmiyyetli hevâmmın les'ine menfa'ati şedîd olur huşûşan efâ'î les'ine ziyâde şedîdü'l-menfa'at olur. Ve cedvâr ve bûhâ ve bîş-müşek ve âzeryün ve bâzâverdin bezri ve hurf dahi sakı olunur. Ve kezâlik şünîze müşâbih kemmün ve kâşim ve şüm ve ma'a'l-fülful kuşur-ı varâku'l-ar'ar ve fülfulün nefsi sakı olunur.

Cālînûs dedi ki o şarâb ki içinde ef'î nak' oluna, ledğ-ı hevâmma nâfi' olur; o şarâbın nef'ine tiryâkın menfa'ati ne mikdâra bâlîğ olduğun sen kıyâs eyle. Ve ağaç kavunu çekirdeği cemî'an sümûma nâfi' olur, şerbet-i vâhidesi iki mişkâl olur. Ve encudân uşulü bi'l-cümle sümûma nâfi' olur. Ve fencengüşt semeresi ve dühn-i belesân ve habb-ı belesân ve fencengüşt ve cevz ma'a't-tün ve bunduk ve çentâyânâ ve çâvşîr ma'a-zerâvend ve zehr-i diflâ ve varâk-ı diflâ ve cemer-i dülb-i tarî bu bâbda 'acîbdır.

Ve dâr-ı şînî ve ba'r-ı ma'izin muhrağı dîmâden ve sukıyen ve kemâzer-yûs ve kâşim nâfi'dir. Ve kezâlik sereţân-ı nehrî ma'a'l-leben ve nânîhâh ve sikencebîn ve fustuk ma'a-şarâb ve futenec ve tabîh-i futenec şürben ve dîmâden nâfi'dir. Ve râsen ve kıysüm ve kardemânâ ve gârikûn ve aşl-ı hunşâ üç dirhem ve kezâlik ibn 'ursun butûnu mi'desine varınca kadar küz-bere ile doldurulup tecfîf olunsu ve vakt-i hâcette ahz ve isti'mâl olunur ise nâfi'dir. Bostânî ebegümeci tabîhi ve haţmî tohumu ve dimâğ-ı decâc nâfi'dir huşûşan ma'a'l-infeha isti'mâl oluna. Ve hayy olan ibn 'ursun merakası ve cerv-i hayy¹⁹⁰ merakası şarâbla şürb olunsu nâfi'dir. Ve kezâlik rakk-ı mümellaḥ ya'nî sülâhfât-ı mümellaḥ ve sereţân-ı nehriyye tabîhi ve dem-i sülâhfât ve kınne 'acîbedir ve kezâlik çentâyânâ dahi 'acîbdır. Ve cezr-i berrinin bezri nâfi'dir.

Bu şâna edviye-i bârîdeden nâfi' olanlar bunlardır: Aşl-ı yebrûḥ 'asel ile tađmîd olunur. Ve hindebâ-ı berri 'acîbdır. Ve bersiyâvuşân nef'i [cemî'an] sümûma 'âmdır. Ve ba'dı kerre dahi gârikûn zerâvend-i tavîlden bir mişkâl ile terkîb olunur.

190 "Cerv" hayy, sağ kelb yavrusu lâkin sağ hayvândan meraka ittiḥâzı harâmdır.

Tiryāk-ı 'Acīb: Afyün, mürr her birinden birer dirhem, fülful bir dirhem ve nışf dirhem, zerāvend-i tavīl, zerāvend-i müdahrec aşılları üç dirhem, h̄armele, kemmūn-ı Hindī her birinden birer dirhem, şūnīz beş dirhem, çentāyānā üç dirhem, sezāb iki dirhem, 'asel ve mā-ı circir ile ma'cūn kılınır, şerbet-i vāhidesi bir mişkāl olur ve maṭbūh-ı ceyyid ile saḳy olunur. Ve kezālik tīn-i maḥtūm devāsı, ḥabb-ı gār iki mişkāl, tīn-i maḥtūm iki ūbūlus zeyt ile şürb olunur, şerbet-i vāhidesi bunduḳa miḳdārı olur, üç ūḳıyye mā-ı 'asel ile şürb olunur.

Uḥrā: Bu tiryāk cemī'an sümūm-ı les'aya ve şürbiyyeye nāfi' olur: Fülful on dirhem, sūnbül iki dirhem, zerāvend ve aşı-ı ḥizā her birinden birer dirhem; bu edviyeler 'aşı-ı ḥarnūbla ma'cūn kılınır, kırk gün miḳdārı şemse vaḍ' olunup küllü yevmin bir kerre taḥrīk ve küllemā-ceffe tendiye olunur ya'nī her ne zamān kurur ise ıslatılır ve vaḳt-i ḥacette mā-ı ḥarr ile saḳy olunur ve bir ḳavm da'vā ederler ki onu kuḥlen isti'māl dahi nāfi'dir.

Ve sereṭānāt-ı nehriye taḃīḥi ve dem-i sūlaḥfāt, varaḳ-ı mūmellaḥ dahi devā-i nāfi'dir, her nehşeye nef'i 'āmmdır.

Şūnīz, bezr-i ḥarmel, kemmūn her birinden iki dirhem, çentāyānā, zerāvend-i müdahrec her birinden bir dıraḥmī, fülful-i ebyaḍ, mürr her birinden nışf dıraḥmī, 'asel ile ma'cūn kılınır, şerbet-i vāhidesi bāḳılāt-ı Rūmiyye miḳdārıdır, şarābda saḳy olunur.

Āḥer: Çentāyānā iki dıraḥmī, fülful, sezāb her birinden birer dıraḥmī, 'asel ile ma'cūn kılınır, o mecmū' şerbet-i vāhidedir, şarābda saḳy olunur.

Āḥer: Ḥamāmā, ḥabb-ı belesān her birinden üçer dıraḥmī, bezr-i circir, bezr-i kürrās her birinden birer dıraḥmī, zerāvend, aşı-ı encudān-ı esved her birinden ikişer dıraḥmī, mürr, za'ferān her birinden birer dıraḥmī, tīn-i buḥayre dört dıraḥmī; bu edviye menzū'ı r-rıḡve 'asel ile ma'cūn kılınır şerbet-i vāhidesi miḳdār-ı bāḳılāt olur.

Āḥer: Ḥabb-ı belesān, zūfā-i yābis, lift-i berri bezri, fülful-i ebyaḍ, fülful-i esved, dār-ı fülful, vecc, enīsūn, fuṭrāsāliyūn, esārūn, kemmūn-ı Kirmānī, bezrū'l-benc her birinden dörder, sūnbül, fiḳāḥ-ı idḥir her birinden altışar; 'asel ile ma'cūn kılınır, şerbeti bāḳılāt-ı Rūmiyye miḳdārıdır.

Lüsûc Üzere Kılınan Atliye: Neft-ı ebyad veyâhüd neft-i azrak veyâhüd süm olduğu hâl üzere veyâhüd semn ile meslûkşüm veyâhüd cünd-i bîdes-ter ma'a'z-zeyt veyâhüd 'aşîr-i kürrâs ki onu su mess etmiş olmaya.

Ammâ fûzenec-i nehrî semmi hârice ne güzel cezzâb olur. Ve kibrît ma'a'l-bevl ve kezâlik decâc ve dîk-i hayyın batnı şakķ olunup les'a üzere onunla dîmâd olunur, küllü sâa'atin tebdîl olunup dîmâden isti'mâl olunur. Bir kavm dediler ki decâc şedîdü'l-harârettir hattâ ibtilâc eylediği nuhâs ve rimâli ve haşâtı izâbe eder. Ve benzer ki onların zîkr eyledikleri harâret decâcın havşalasına ve kirşine hâşş ola ve a'đâ-i sâiresinde olan harâret o meblağa bâliğa olmaya.

Ve dîmâdât-ı nâfi'adandır milh veyâhüd hall veyâhüd merâretü's-sevr veyâhüd nemmâm ve varak-ı hunşâ veyâhüd remâd ve hall huşuşan tîn ve kerm haţablarının remâdı ve huşuşan zamân-ı ibtidâda nâfi' olur. Zift ve milh tabh olunup dîmâd kılınır. Ve eţîbbâ dediler ki şüm ve milh ve ba'r-ı ma'z ile dîmâd her les'den nâfi' olur illâ aşâletü's-şamm tesmiye olunan hayye les'asına nef'i olmaz. Ve nûre ve 'asel ve zeyt ile dîmâd her les'aya nâfi'dir hattâ aşeliyye les'asına dahi nâfi' olur.

Âher: Hârdal, hall, nûre bu edviyeler ahz olunup mâ-ı şâbûnla les'a mevđi'i üzere tîlâ olunur veyâhüd kaţrânla veyâhüd zift ve milh tabhiyle tîlâ olunur ve les'a üzere zift-i muğlâ şabbı ile 'ilâc ederler ve keyy ceyyid olur. Ve kezâlik başal ma'a's-sevîķ ve milh ile ma'mûl olan merhem ve naţrûn merhemi dahi nâfi'dir.

Ve les'âta olan neţûl bunlardır: mâ-ı baħr hârren ve müfreden ve ma'a'l-hall ve tabîh-i cerv-i hayy¹⁹¹ ve ibn 'urs.

Atliye: Bu atliye ile tîlâ olunan kimseye hevâmm taķarrüb eylemez: Dimâğ-ı erneb ma'a'l-hall ve zeyt ve mey'a eger mey'a zeyt içinde hall olunur ise. Ve içinde şanevberin varak-ı ţarîsi ve medķûķu naķ olunan zeyt veyâhüd fîķâh-ı serv veyâhüd hâbb-ı 'ar'ar ve kezâlik varak-ı fencengüşt zeyt içinde ve ķaysûm ve aşl-ı encudân ve hunşâ ve dūķû ve hâbb-ı belesân ve aşl-ı [535b] ħurf bunların küllîsi zeyt ile tîlâ olunur. Ammâ o tîlânın mürekebatı encudân-ı esved aşlı ve sâzec fîķâhının ţarîsi ve hâbb-ı 'ar'ar her birinden ikişer cüz' ve aşl-ı yebrûh iki cüz', hâbb-ı belesân, ķardemânâ

191 Kelb yavrusunu diri iken tabh edip tabhı ile tenţîl hilâf-ı şer'dir.

üç cüz² raḍḍ olunup zeyt içinde ṭabḥ-ı ceyyid ile ṭabḥ olunur vesah-ı ḥamām kıvāmına varınca kadar ve onun ile mevḍi^c tedhîn olunur. Ve kezâlik ḥunṣâ iki dıraḥmî, ḥabb-ı belesân ve bezrî'l-benc her birinden nıṣf dıraḥmî aḥz olunup ḥall ve zeyt ile ḥalt olunduktan sonra tılâ olunur.

Âḥer: Fikâḥ-ı idḥir bir cüz², aṣl-ı yebrûḥ iki cüz², bezrî'l-benc üç cüz²; bu edviyeler zeyt ile ḥalt olunup tılâ olunur ve bu edviye tebhîr olunmağa dahi şâlih olur.

Âḥer: Ḥabb-ı 'ar'ar iki cüz², mey'a vâhid; cemî'an dühn ile ḥalt olunup onun ile tılâ olunur ve dühn-i fücl ile tılâ olursa ondan bakḥ hereb eder.

‘Ale’l-Küllîyye Hevâmm Ṭardlarıdır

Bizim zıkr edeceğimiz eşyâ beyte reṣṣ olunur ve mefrûṣât-ı âtiye dahi beyte ferṣ olunur ve cuḥra ve küvâ dahi baḥûrât yazıldığı mevḍi^cde ve ğayri mevḍi^cde zıkr-ı âti neṭûlât ile hevâmm taḳarrüb eylesin için tılâ olunur.

Ammâ Bu Şânda Baḥûrât-ı Müsta‘mele: Enâr ağacının duḥânı olur, zîrâ o duḥân hevâmmı ṭard eder ve kezâlik aṣl-ı süsen ve kuḍbânü'r-rummân bu şânda ‘acîbdir. Ve kezâlik kınne ve ḳurûn ve azlâf ve ḥavâfir ve şa‘r ve muḳl ve sekbînec ve ḥıltît ve varaḳ-ı ğâr ve ḥabb-ı ğâr ve fûtenec ve şîḥ ve fûtenec ve şîḥi iftirâş ve kaṭrânı ve ca‘deyi dahi iftirâş nâfi^c olur ve fencen-güşṭ tebhîri kezâlik nâfi^cdir ve onu iftirâş dahi nâfi^cdir. Ve ḥurf ve ḥaṣeb-i şanevber remâdı ve ḥuṣûṣân kınne ile isti‘mâl dahi onları isti‘mâl gibi olur.

Ammâ afyûn ve şûnîz ve kınne ve ḳurûn-ı iyyel ve kibrît ve azlâf-ı ma‘z-dan mütteḥaze olan deḥane ḥayyât ve hevâmmı ṭard-ı bâliĝ ile ṭard eder. Ve kezâlik mey'a ve ḳurûn-ı iyyel ve şûnîz ve ḳafr her birinden birer cüz^c ve mâ‘iz şa‘rı ve azlâfı her birinden nıṣf cüz² aḥz olunup onlardan ḳurş ittiḥâz olunur ve onun ile firâş tebhîr olunur.

Âḥer: Ḳardemânâ, encudân-ı esved aṣlı, mey'a her birinden birer ûḳıyye, beyḍ-i ne‘âm ḳuşûru, şûnîz, bezr-i ḥarmel her birinden ikişer ûḳıyye.

Âḥer: Varaḳ-ı serv, ve şanevber ve şûnîz ve bezr-i benc her birinden birer dıraḥmî, aṣl-ı yebrûḥ ḳuşûru bir dıraḥmî, şa‘r-ı mâ‘iz üç dıraḥmî; bu mezkûrlar cem^c olunup cembr-i kerm üzere tebhîr olunur ve onun baḥûrunda emân olur.

Ve o eşyâ ki onlar ferş olursa ondan ekşer hevâmm firâr eder, onlar sîsenber¹⁹² ve habâk misllilerdir. Ve fencengüş hevâmmdan hırz-ı ‘acîbdır eger merkad ve firâşının havâlisine ferş olursa ve şîh ve hiltût dahi onlar gibidir. Ve bu bâbda menfa‘at-i gâr ‘acîbdır. Ve kezâlik meclisi eṭrâfına haşeb-i şanevber remâdı bir mendîl ile vaḍ‘ olursa o dahi gâr gibi ‘acî-bü'l-menfa‘at olur.

Ve hevâmmı ib‘âd eden nesneleri takviye eder eṭrâf-ı merkadına mevḍi‘-i ba‘ıdden meşâbîh ve sürüc vaḍ‘ eylemek, zîrâ hevâmm ona meyl eder. Ve kezâlik hevâmm ve haşerâtı dâfi‘ olan nesneleri takviye eder laḳlaḳ ve ṭāvus ve beyḍāniyât ve eyâyıl ve ḳanāfiz ve benātu ‘urs ve o mecrāya cārî olanlar, zîrâ hevâmm onlardan feza‘ ederler ve kaçan hevâmm zuhûr eylese onlar hevâmmı ḳatıl ederler.

Ve ba‘ḍılar dediler ki kim ki cild-i nāmûrdan sofrâ ittiḥâz eylese ona ḥayye takarrüb eylemez ve kezâlik cild-i nāmûrdan libās ittiḥâz eylese onun lâbisine dahi takarrüb eylemez ve bu maḳālî mevşûḳun bih olmayan kimse naḳl eyledi.

Sibâ‘ı itlâf eden biraz eşyâdır ki onu bir ḳavm zîkr eyledi, o ḳavm dediler ki ḥarbak zübbı ve kilâbı ḳatıl eder ve ḥānıḳu’n-nemir nemiri ya‘nî kaplanı ḳatıl eder ve ḥānıḳu’z-zıḳb zıḳbi ve kelbi ve ibn āvāyı ḳatıl eder ve levz-i mürr şe‘ālibi ḳatıl eder diflâ ve āzād-dıraḥt varaḳı behāyimi ḳatıl eder; bunların ekşeri ma‘lûm ve ma‘rûftur.

Tardu'l-Hayyât

Tedḥî ile ḥayyâtı def‘ ve ref‘ eden bunlardır: Geyik boynuzu ve keçi tırnağı ve sūsen kökü ve ‘ākırḳarḥâ ve kibrit. Ve kim ki yedini lûf-ı ḥayye ile ve onun ‘uşâresi ile ve ṭabîḥî ile telṭîḥ eylese onu ef‘î neḥş eylemez. Ve nūşâzur ḥâll olunan su bir mevḍi‘e reşş olursa ondan efā‘î hereb eder. Ve ḥardal ef‘iyi ḳatıl eder ef‘înin memerrine ḥardal vaḍ‘ olursa o memerrden tenaḥḥî eder. Ve ḥayyâtı ḳatıl eden eşyâdandır şâi‘min feminde olan tefli ḥuşuşan şâim feminde nūşâzur aḥz eylemiş ola.

192 “Sîsenber” ba‘ḍılar nemmām derler lâkin zāhir budur ki na‘nā‘a müşābih bir nettir, tafşîli İbn Kûtübî müfredâtında mezkûrdur.

Ṭardu'l-ʿAḳārib

Hārru'l-mizāc olup şāim olan kimse ʿaḳārib üzere tūfünü ilkā eylese o tūfl ʿaḳāribi ḳatl eder. Ve fücl-i meşdüḥ ve füclün ʿuşāresi ve varakı ve bād-rūc bu eşyādan her biri ʿaḳāribi mess eylese helāk eder.

ʿAḳāribi Cuḥrundan İhrāc Eden Eşyādır: Meyʿa, zernīḥ, baʿr-ı ḡanem, ḡanemin şaḥm-ı şerbi yaʿnī içyağı veznleri berāber aḫz olunur. Eevvelā şerb izābe olunup bākī edviye onun ile ḥalt olunup ʿaḳāribin cuḥru atında o maḥlūt tebhīr olunur ve fücl taḳṭīʿ olunup cuḥr-ı ʿaḳrebe vaḍʿ olursa ondan ḥurūca cüret ve ceşāret eylemez. Ve ʿaḳreb için yine ʿaḳrebin nefsi tebhīr olunur ve zernīḥ dahi tebhīr olunur.

Ṭardu'l-Berāḡīs

Beyte ḥanzal naḳīʿi reşş olursa ondan berāḡīs tehāfūt ve tehāriib eder ve kezālik ṭabīḥ-i ḥarnüb ve ṭabīḥ-i ʿulleyḳ reşş olunursa yine hereb eder. Ve mücerrebün dediler ki teysin demi beyt içinde olan bir ḥufrede kılın-sa berāḡīs o cuḥrda cemʿ olur ve baʿdehu ḳatl olunur. Ve kezālik şaḥm-ı ḳunfuz ile bir ḥaşebe tılā olursa berāḡīs ona müctemīʿ olur. Ve berāḡīs kibrīt kokusundan hereb eder ve varak-ı diflādan dahi hereb eder. Ve bu maḳāmda bir ḥaşışe vardır ki keykvāşe demekle maʿrūftur, onun maʿnāsı ḥaşıšetü'l-bürḡüş demektir, kaçan o ḥaşışe firāşa vaḍʿ olursa ona sekr ve ḥader gelip sağ kalmaz.

Baʿūd ve Baḳḳ Ṭardıdır

Şanevber ḥaşebinin nüşāresi ile tedḥīn olunur veyāḥūd ḳalkādīs veyāḥūd şūnīz ile tedḥīn olunur ve ās-ı yābis ile tedḥīn olunur ve mā-ı kerneb ve muḳl ve münbite¹⁹³ olup kūnūr tesmiye olunan şevke ve aḥşā-i baḳar ile dahi tedḥīn olunur. Ve ḥarmel dahi ṭard-ı berāḡīs eder gerek ise ḥarmel tebhīr olunsun ve gerek ise firāş ve küvā üzere vaḍʿ olunsun. Ve kezālik servin cevzi ve varakı ile dahi tebhīr olunur. Ve aḣl-ı türmüs ṭabīḥi beyte reşş olursa onun dahi nefʿi olur veyāḥūd ṭabīḥ-i şūnīz veyāḥūd ṭabīḥ-i ḥarmel ve efsentīn ve sezābdan birinin ṭabīḥi dahi reşş olunur.

193 “Müntine” nüsha.

Ṭard-ı İbn ʿUrs

Mücerrebûn dediler ki rîh-i sezâb onu ṭard eder.

Fârî Ṭard ve Qatl

Fârî mürdâsenc ve ḥarbak qatl eder ve kezâlik ḥarbak ile bezr-i benc ve kezâlik aşl-ı kerneb ve kezâlik başal-ı fâr ve şükk ve ḥabes-i ḥadîd ve zaʿferân-ı ḥadîd tesmiye olunan ḥadîdin şadâsı yaʿnî pası dahi kâtildir. Ve kaçan fâr-ı zeker selḥ olup beytte terk olunsa veyâḥûd o fârın ḥuşyesi burulsa veyâḥûd zenebi kaṭʿ olsa fârât-ı sāireyi beytten ṭard eder velâkin selḥin ṭardı aqvâ olur. Ve denildi ki fârâtın birinin ricleri ḥayt-ı şûf [ile] şedd olup beytte merbûṭaten terk olunsa fârât-ı sāire o beytten hereb eder velâkin o kavli muşannif “ve fihi naẓar” ʿunvânıyla taḥsîn eylemez.

Ṭard-ı Neml

Karıncaın cuḥruna ve ḥufresine kaṭrân vaḍʿ olunsa ondan karıncalar hereb eder ve kezâlik mîḡnâṭis ve merâretü's-sevr ve zift ve ḥiltit bunların her birinden dahi hereb eder; nemlin nefsi tedḥîn olunsa sāirleri ondan hereb eder.

Ṭardu'z-Zübâb

Zernîhten bir şeyʿ leben içine vaḍʿ olup baʿdehu leben zübâb üzere vaḍʿ olunsa zübâbı qatl eder. Ve kezâlik zernîḥ ve kündürden her birinin duḥânı dahi qatl eder ve kezâlik [536a] ḥarbak-ı esved ṭabîḥi ile dahi ṭard olunur.

Ṭardu'z-Zenâbîr

Kibrît ve süm buḥârından arı hereb eder. Ve ḥaṭmî ile telaṭṭuḥ edenlere ve kezâlik ḥubbâzâ ʿuşâresi ve zeyt ile telaṭṭuḥ edenlere karîb olmazlar.

Ṭardu'l-Ḥanâfis

Dedikleri üzere ḥanâfisi dülbün duḥânı ve ḥuşuşan varâkının duḥânı ṭard eder.

Ṭardu'l-Araḍa

Hüdhüd ve ḵanābir olan dārda araḍa ya'nî ağaç ekl eden kurd olmaz. Hüdhüdün a'ḍāsı veyāḥūd rīṣi tedḥīn olunsa araḍayı ḵatlı eder deyildi

Ṭardu's-Sūs

Efsentīn ṣiyābı tesevvüsten men' eder ve kezālik fūtenec ve kezālik ḵuṣūr-ı ütrücc ṣiyābı tesevvüsten men' eder.

Aṣnāfu'l-Ḥayyāt

Ḥayyātın emrine ve ṭabāyī'ine vāḵıf olan 'ulemā ḥayyātı üç kısma taḵsīm eyledi:

Ḵısm-ı evvel ṣedīdetü'l-ḥiddet olan ḥayyāttır ki onun melsū'u üç sâ'at-ten ekṣer imhāl olunmaz, ona ṣamm derler onun les'i 'ilâcı kâbil olmaz.

Ve kısım-ı ṣānisi aşalāttır, onun mu'alecesi ancak 'uḍvu fi'l-hāl ḵaṭ' ile veyāḥūd keyy-i nāfiṣ ü bālīg ile ve nār ile keyy olur, zīrā o vech üzere keyy semmi iḥrāk ve mecārīyi taḍyīḵ eder. Ve ba'dı kerre onun mu'alecesinde nāfi' olur ba'de'l-les' semek-i mālīhten mümteli'e olup ḵay' eylemek ve ba'dehu mu'alecāt-ı uḥrāyī ḵay'a itbā' eylemek. Eger o ḥayye-i aşaliyye ḵalīlen ḍa'if olursa onun mu'alecesinde rabṭ-ı ṣedīd ile rabṭ ve ba'dehu 'ilâc-ı müṣṭerek ile mu'alece kifāyet eder.

Ve kısım-ı ṣālisi ḥayye-i ḍa'ifedir, onun ḵatlı ḵalīlü'l-vuḵū' olur. Ve kısım-ı ṣānī mütevassıṭ üç günden yedi güne varınca ḵadar imhāl edip ziyāde imhāl eylemez. Ve o 'ulemā dediler ki ammā tinnīn-i berrī gibi kibāru'l-cüṣeṣ olan ḥayyātın les'alarına faḵat ḵurḥa mu'alecesi ile 'ilâc olunur, onda miḵdār-ı mu'teber semm olmamakla semme müte'allik miḵdār-ı mu'teber semm 'ilâcıyla mu'aleceyi icāb eylemez.

Ve kezālik o 'ulemā dediler ki ḥayyātın ṭabaḵa-i ülāsı ya'nî ṣedīdetü'l-ḥiddet olan ḥayyāt birkaç ecnās üzeredir: Bir cinsi o ḥayyedir ki ona melike derler, göz kuyruğu ile naḵar ve laḥza ile veyāḥūd ṣavtını ismā' ile iḥlāk eder ve o ḥayyeye lügat-ı Yūnān üzere bāsīḵilūs derler ve bu cinsine dahi ḥuṭṭāf tesmiye olunur onun levni ḥuṭāf levnine müṣābihtir ve ṭülü bir zirā'a ḵarībdir onun les'i iki sâ'atten muḵaddem melsū'u ḵatlı eder. Ve bir

cinsine dahi esfis-i yâbise derler, onun cildinde yübüset-i şedîde olmakla ve onun tûlû üç zirâc ile beş zirâc arasında olur ve onun levni remâdî olur veyâhüd şufrete nâzırdır dıyâ-ı ‘aynı şediddir iki sâ‘at ile üç sâ‘at arasında melsû‘unu katl eder. Ve bir cinsi dahi bezzâkadır, o hayye esnânını ‘aşr edip tükürüğünü mecce ve remye kâdire olur ve onun tükürüğü hangi şey’e vâşıl olursa o nesneyi helâk eder, kezâlik büzâkının râyihâsı dahi katl eder ve onun tûlû iki zirâc kâdardır ve levni remâdî-i şufrete nâzırdır ve melsû‘unu melsû‘un elem-i les‘ayî ihsâsından mu‘kaddem katl eder.

Ve bu tabakayı zıkrden maksûd keşîren mu‘âlecesi değıldir belki onları zıkrden ğarađ hayyât bi-cem‘î ecnâsihâ ma‘lûm olup mu‘âlece recâ olunan, olmayanlardan mümtâz kılınmaktır ve ‘ilâcî kalîl olanlar dahi ahyânen ‘ilâcî kabûl etmekle bizim zıkr eylediğimiz vech üzere velev nâdiren mu‘âlececin nef‘i dahi olur.

Ve şamm-ı mu‘akkaşa için aşnâf-ı uhırâ vardır ki hudûd-ı Mısr’da keşîrû’l-vukûc olur ve ba‘dılarının iki karnı ya‘nî iki boynuzu olur ve elvânı muhtelif olup ebyad ve aşkar ve ahmer ve ‘aseliyye ve remid olur ve ba‘dısı hilkat-ı efâ‘î üzere olur ve ba‘dısında şinnâreler gibi esnân olur ve fi’l-hâl kattâl olan şubânlar o kabîlden olur

Ammâ hayyâtın ikinci kısım gerek efâ‘î ve gerek efâ‘î mişliler onlar dahi muhtelifedir; kimisi efâ‘î-i aşaliyyedir kimisi efâ‘î-i bellûtiyyedir ve kimisi mu‘atışedir ve sair bizim vakt-i âtîde zıkr edeceklerimizdit inşâallâh ta‘âlâ.

Ve ba‘dı hayyâtın ihtilâfı bi-hasebi’l-envâc olmaz belki nev‘-i vâhidede dahi ihtilâf olur. Eger o ihtilâf zükûret ve ünüşette ise onun imtiyâzı en-yâbla olur. Hayye-i zekerin enyâbı ekall ve semmi ekşer ve eḥadd olur. Ve ma‘a-hâzâ bir kavm zâhib oldular ki hayye-i ünsâ zekerdan erde’dir keşret-i enyâbı hasebiyle. Ve kezâlik nev‘-i vâhîdin ihtilâfı min-ciheti’s-sinn olur, zirâ hayye-i fetiyye hayye-i müsinneden erde’ olur. Ve ba‘dı kerre bi-hasebi’l-cüşse ihtilâfı olur, zirâ kibâr şıġâr-ı kışârdan erde’ olur her ne kadar nev‘leri mütteḥid olursa. Ve ba‘dı kerre min-kıbeli’l-mekân muhtelif olur, zirâ me‘âtiş ve cibâl hayyâtı rüyûf ya‘nî çemen-zâr ve keşîretü’l-miyâh olan emkine hayyâtından erde’ olur. Ve kezâlik nev‘-i vâhîdin ihtilâfı imtilâ ve ḥalâ hasebiyle olur, zirâ ciyâ-ı hayyâtın semmi erde’ olur. Ve ba‘dı kerre

infî'âlâtı hasebiyle dahi muhtelif olur, zîrâ mecrûh olup cürhü hasebiyle gâdab-nâk olan hayyâtın semmi erde' olur. Ve ezmine ve fuşûl ile dahi muhtelif olur, zîrâ hayye-i vâhidenin eyyâm-ı şayfta olan semmi fuşûl-i sâire semminden erde' olur.

Ve kavm dediler ki cins-i vâhidin tıvâl-ı gılâz olanları o cinsin mâ-âdâ-larından ya'nî kışâr-ı dîkâkından erde' olur. Ve ba'dı nâs zann eylediler ki hayyât ve efâ'inin semmi bâriddir melsû'larına bürüdet 'arîd olmağın delâleti ile lâkin onların zannları haşâdır belki melsû'larına bürüdet 'urûdu harâret-i gârîziyyenin mevti ve fenâsı hasebiyledir, zîrâ semm harâret-i gârîziyyeye müdâddedir, lâ-maḥâle semm gâlib oldukta gârîziyyeyi ifnâ eder ve gârîziyyenin fenâsı bedende bürüdet ihdâs eder, zîrâ bedeni teşhîn eden gârîziyyedir, onun işti'âl ve inti'âsıyla beden teseḥḥun eder ve kaçan ḥarr-ı gârîzî olmasa ve ancak kalbde nâriyye hafife bâkıye kalsa o nâriyyet etrâfı teşhîn eylemez ve lâ-maḥâle bürüdet-i ardıyye istilâ eder. Ve bir kavm dahi zann eylediler ki min-beyni'l-efâ' cins-i aşalenin semmi hâşşaten bâriddir, dem-i kalbi cem' edip tecmîd eder. Ve o dahi onların zannı üzere değildir, onun semmi dahi gârîziyyeyi tahlîl ve imâte eder.

Ammâ hayyâtın bürüdet-i semmi için irâd olunan delîl budur ki cem'ân bâridü'l-mizâc olan hayvânât vaqt-i şitâda meyyit olurlar ve vaqt-i ḥârda onların harâretleri ve ḥiddetleri ziyâde olur; hayyâtın ḥâli dahi bu minvâl üzere olmakla bâridü'l-mizâc oldukları müteḥakkıḳ olur. Ve bâridü'l-mizâc olan semmiyyetli hayvânın semmi bârid idiği müteḥakkıḳ olur ve kâinen men kân o kâilin ḥucceti gayr-i şaḥîḥadır ve eylediği da'vâ dahi ḥaşerât-ı şıgârda şaḥîḥa değildir ve belki o da'vâ hayvânât-ı kibârda şaḥîḥa olur. Ve onun fesâdına delâlet eder zünbûrun ya'nî arının mizâcı cidden ḥârddır ve ma'a-hâzâ zünbûr şitâda temâvût ve tehâlûk eder, aşlâ hareket eylemez. Ve câiz olur ki hayyât dahi ḥarru'l-mizâc olup zünbûr gibi vaqt-i şitâda tabî'at-ı müdâdde bir nesne olmakla aşlâ hareket eylemeyip temâvût eyleye.

Leṣ-i Bâsilîkûs

Bu ef' cins-i şammin evvelidir. Ammâ cermânâ demekle ma'rûf olan bâsilîkûs mudur yâḥûd şammin bâsilîkûştan mâ-âdâ bir âḥer sınıf mıdır onu ben bilmedim. Bir kavm dedi ki bâsilîkûş melike dedikleri ef'ıldır, zîrâ

onun başına iklîli vardır ve mükelleletü'r-re'stir, onun tûlü bir şibrden üç şibre varınca kadardır ve re'si cidden hâddedir ve iki gözlerinden her birisi hamrâdır ve levni sevâd ve şufrete olur ve ona münsâb olan nesneleri ihrâk eder ve cuhrunun havâlîsinde bir şey nâbit olmaz ve meskenine bir tâir muhâzî olsa sâkıt olur ve onu hangi hayvân ihsâs eylese hereb eder, eger ona qarîb olsa hader 'ârîd olup harekete kâdir olmaz ve bir galve mikdârı mahallinden şafîri katl eder ve mekân-ı ba'idden nazarı her kime vâkı' olur ise katl eder. Velâkin ba'đılar dediler ki her kimin nazarı o hayye üzere vâkı' olsa nâzır olan kimse helâk olur; o ba'đın bu kelâmı şahîh değildir. Ve kaçan o hayye bir kimseyi [536b] les'e eylese melsû'un bedeni zâib ve müntefih olur ve ondan şadîd seyelân edip fi'l-hâl helâk olur ve o meyyite takarrüb edenler dahi helâk olur velâkin ona ba'đı kerre 'aşâ ile mess edenler necât bulur ve ekser-i hâlde onlar dahi helâk olur. Ve kezâlik fâris olan kimse rumhû ile mess eylese feres ve fâris cemî'an helâk olur. Ve o hayye bir fârisin feresi caḥfelesini ya'nî dudağını les'e eyledi ve o les'den hem feres ve hem fâris helâk oldu. Ve bu nev'e hayye bilâd-ı Türk'te ve Lübiyye'de keşîrû'l-vuḳû' olur.

Onun Les'inin 'Alâmeti: Sebeb-i zâhir yok iken bağıteten mevt 'ârîd olmak olmaktadır ve huşuşan o hayye ile ma'rûf olan diyârın ahâlîsinin bağıteten mevti o les'aya 'alâmet-i kavîyye olur ve ona aşlâ 'ilâc olmaz.

Cermânâ

Biz cermânâ tesmiye olunan hayyeyi melike evşâfına qarîb vaşflarla vaşf eyledik ki onun teşevvü'ü ve maḍarrat-ı gâḍabının sükûnu olmaz ve onun katli yalnız laḥs ile değildir belki laḥz ile ve ismâ'-ı şafîr ile dahi katl eder ve melsû'unu tehriye eder, ona takarrüb eden hayvânâtı katl eder.

Velâkin kavm cermânâyı vaşf ederler ki onun qaddi ve tûlü bir zirâ'dan bir buçuk zirâ'a varınca kadar olur ve bu vaşf melike vaşfına muḥâliftir, zirâ onun qaddi ve tûlü iki zirâ'dan üç zirâ'a varınca kadar olur. Ve kavm dediler ki onun melsû'una bir 'ilâc nâfi' olmaz, eger nâfi' olursa onun 'ilâc-ı ḥaṣḥâş bezri iki dirheme varınca kadar, kezâlik cünd-i bîdeste dahi iki dirheme varınca kadar nâfi' olur ve onun menfa'atini bir kavm müşâhede eyledi.

Ḥuṭṭâf Tesmiye Olunan Ḥayyenin Les'ası 'Alâmâtı

O ḥayye şamm ecnâsındandır, onun melsû'una fûvâk ve tağayyür-i levn ve ḥader ve berd-i aḍâ ve sübât ve göz yumukluğu 'ârîd olur onlar ile ma'a-şiddetin ḥafaḳân-ı ḥâşşa ve veca'-ı 'azîm olur. Onun 'ilâcî zikri sâbık şammın 'ilâcî gibi olur.

Esfîyûs-ı Yâbise Les'i 'Alâmâtıdır

Bu ef'î dahi şamm cinsindendir ḥuṭṭâf les'inin a'râdı gibi bunda dahi a'râd olur; onun les'inden tağayyür-i levn ve ḥader ve keşret-i fûvâk ve bürüdet-i aḍâ ve ingimâd-ı ecfân ve sübât ḥâdiş olur ve şammın 'ilâcî ile ona mu'alece olunur, biz o mu'aleceleri karîben zîkr eyledik.

Ḥayye-i Bezzâka ve Esfîlûs Les'ası Beyânındadır

Onun melsû'u bilâ-hiss ve lâ-hareket meskûten bâkî kalır ve onun o ḥâline esfîyûs bâbında zîkr olunan umûr-ı uḥrâ teḳaddüm edip teşvûb-i mütetâbi'a ve taḡmîd ve iltivâ-i rakabe ve küzâz ve nabd-ı ğayr-i mun-tazamdan sonra olur ve veca'ı iḥsâs eylemez ve baḍı kerre evâil-i emrde veca'-ı muḡaṣṣî iḥsâs eder ve sen o melsû'u görürsün ki işba'ını ḥalkına idḡâl eder kay' eylemek için. Ve baḍılar esli'yûsu zîkr edip vaşf eylediler ki o ḥayye başını ref' ve büzâk-ı semmiyyesini remy eder. Muşannif der ki ben bilmem ki o baḍın zîkr eylediği esli'üs ile bizim zîkr eylediğimiz bezzâka cins-i vâhid midir yoksa başka başka her biri âḡer cins midir benim ma'lûmum olmadı, her ḥâlde esîlûs bezzâkadır velâkin onun a'râdını zîkr eylediler ki o ḥayyenin mevdi'-i les'i naḡs-ı ibre miḳdârında şaḡîr olur ve onda verem olmaz ve dem-i esved-i ḳalîl seyelân eder ve onun melsû'una ğışâve-i 'ayn ve veca'-ı aḡşâ ve veca'-ı fuâd 'ârîd olur ve evvelâ onların 'urûdundan sonra taḡmîd ve sübât 'ârîd olup üç nehârdan ziyâde 'ayş eylemez. Onun 'ilâcî bizim zîkr eylediğimiz şamm 'ilâcî olur.

Ḥayye-i Muḳarrene Les'idir

O ḥayye-i muḳarrene dahi şamm cinsindendir, onun tûlü bir zirâ'dan iki zirâ'a varınca ḳadar olur ve re'sinde boynuzlar gibi iki nütû' ollur, bedeni-

nin levni rimâl levninde olur ve batnı fülûs-ı yâbise vü şulbe gibi olur ve arđ üzere ‘alâ-batnihi meşyinden keşîş ve şarîri olur ve onun esnânı müsteviye ve ğayr-i mu‘vecce olur ve onun me‘vâsı ekşer-i hâlde mevâdî‘-i remliyyede olur.

Ve bir kavm dedi ki mu‘karreneden cins dahi vardır ki ona kaşîre tesmiye olunur, zîrâ onun karnı akşar olur veyâhûd onun karnı sâkîş olur, onun kad-di dahi kışâr ve şıġâr olur ve iki lihâları kebîr olur ona, binâen o hayyeye lihÿâniyye dahi tesmiye olunur. Ve onun les‘inin ‘alâmeti budur ki onun mevđî‘-i les‘i mismâr maġrûz ve merkûz olan mevđî‘ gibi ihsâs olunur ve bedeninde şîkal-i ‘azîm olur, göz kapakları müntefih olur ve ona düvâr ve zulmet-i ‘ayn ve zehâb-ı ‘akl ‘arîd olur. Ve onun ‘ilâcı şammın ‘ilâcı gibidir.

Ve mu‘karreneye maḥşûş ‘ilâc budur ki ona bezr-i fücl ma‘a-şarâb sakıy olunur ḥuşûşan onunla tekayyü‘ olursa nef‘i ekşer olur. Ve kaçan o melsû‘ kazf eylese onlara kemmûn-ı Hindî nâfi‘ olur, simsim dahi kezâlık nâfi‘-dir; ma‘a’ş-şarâb simsim şûrb olursa o hayye ‘adḍasına nâfi‘ olur. Cünd-i bîdester ma‘a’ş-şarâb ve fütenec-i berrî ma‘a’ş-şarâb nâfi‘dir ve bezr-i fücl ‘acîbü’l-menfa‘at olur. Ve milḥ-i meshûk kaṭrân ile ma‘cûn kılınıp mevđî‘-i les‘a üzere vad‘ olunur veyâhûd başal-ı medkûk ḥall ile vad‘ olunur.

Üzerûs ve Kezûsüderûs Tesmiye Olunan Hayye Les‘asıdır

Eger o hayye suda olur ise ona Yünâniyyûn üzerûs tesmiye ederler ve eger onun meskeni berrde ise ona kezûsüderûs tesmiye ederler. O hayye aşale-i şammdan aşgar ve ‘unuḳu a‘raḳ ya‘nî ziyâde yassı olur ve eşerr ve adarr olur ve onun les‘ası veca‘-ı şedîd ve iltihâbı aḥz edip ba‘dehu mevđî‘-i les‘a muḥḍarr olup te‘ekkül eder ve melsû‘una düvâr ve kazf-ı mirre-i muntine ve hareket-i ğayr-i muntazama ve ḍa‘f-ı kuvvet ‘arîd olup ekşer-i hâlde sâ‘at-ı şâlişede helâk olur ve ba‘dı melsû‘un kuvveti kavıyye ve lâsî‘ mât olup semmi berrî gibi kavî olmamakla sâ‘at-ı şâlişeyi üfûl ve mütecâviz olursa ona emrâḍ-ı saîre ‘arîd olup melsû‘ ondan berâ‘ete qarîb olmaz.

el-‘Îlâc: ‘Îlâc-ı ‘âmm ve müşterek ile ona mu‘âlece olunur. Ve ona maḥşûş mu‘âlecâtandır: Ona cevz-i serv-i münakḳâdan ve ḥabb-ı âstan her birinden birer dıraḥmî mâ-ı ‘asel ile veyâhûd şarâbla sakıy olunmak ve kezâlık iki dirhem zerâvend şarâbla veyâhûd ḥall-i memzûc ile sakıy olunur ve

kezâlik ferâsiyûn uşâresi dahi sakı olunur. Ve ona kils ve zeyt ve fütenec ve bellût aşlının kuşûru ve o mişllilerle müfreden ve maḥlûṭan ḍimâd olunur ve ona ḥaṭṭ olunan edviyeden olur daḳṭḳ-i şa'ır.

Üzerîs

Üzerîsi bu cümlede taḥrîrime bâ'is budur ki bu ḥayyede iki ihtimâl vardır ki ya üzeriyûs tesmiye olunan ḥayyedir lâkin luġat-ı Yûnân kitâbetinde dâbıṭa olmamakla luġat-ı vâhîde muḥtelife taḥrîr olunmağın şüüyûna binâen üzeriyûs üzerîs yazılmıştır veyâḥûd ḥayye-i uḥrâdır. Velâkin üzerîs resmini naḳl eylediğim nüsha şâḥibi o ḥayyeyi vaşf eder ki onun les'ası cerḥ-i müsta'raḍ ile cerḥ eder ve mevḍî-i cerḥ kemid olup ondan cidden müntin ve keşîr sevdâvî ruṭûbet seyelân eder ve 'ilâcî ṭavîl ve 'usretli olur ve o ḥayyenin bu vech üzere vaşfı üzeriyûs vaşfına muḥâlif olur, pes benim ğayrilerime vâcib olur ki onda nazar ve taḥarrî eyleye, eger bu vaşf üzere üzerîs ismi ile müsemma ve üzereyûs ismi ile müsemmayâ muġâyir bir nev' ḥayyeyi taḥkîḳ eder ise onu ṭabaḳa-ı sâniyeye naḳl eyleye.

Efâî Les'inde ve Ahkâmında Ḳavl-i Küllîdir

Ḥayyât ve se'âbînin zükûrları şerrli olur, ammâ inâşları eslemdir ve ünsânın les'i mevḍî-i les'de iki maġriz-i nâbdan ekşer maġriz olmakla ma'ḷûm olur ve ekşer-i ḥâlde iki nâbı veyâḥûd ikiden ekşer nâbları [537a] mevḍî'inden evvelâ dem seyelân eder ve ba'dehu şadîd-i ğusâlî seyelân eder ve ba'dı kerre seyelâna mâi mevâdd ibtidâ edip ba'dehu zeytî olur ve ba'dehu zencârî olup semm cevherine ve levnine istihâle eder ve evvelâ mevḍî' teveccu' edip ba'dehu o veca' bedenden mevâḍî-i sâireye sârî ve sâî olur ve ba'dehu verem-i ḥârr u aḥmer zâhir olup o veremde ḥarîḳ-i nâr gibi büşûr-i keşîre ve nüfâṭât olur ve ba'dı kerre büşûr fâş olur ve ba'dehu o veremden mevḍî-i les'aya ḳarîb olan maḥall muḥḍarr ve femi câff ve aḥşâda iltihâb ve bedende ma'a-nâfiḍ ḥummâ olur ve ba'dehu 'araḳ-ı bârid ve fesâd-ı levn ilâ-ḥuḍret ve düvârın teheyycü ve nefesin tevâtür ve şıġarı ve ğaşy ve fûvâḳ 'arîḍ olur ve ba'dı kerre ḥılt-ı mirârî ḳay' eder ve bevli 'asir ve liġesi idmâ eder ve re'si şaḳîl olup ba'dı kerre ir'âf eder ve şulbünde şıḳal zuhûr edip ba'dehu 'araḳ-ı bârid ve ra'de-i şedîde ve ğaşy 'arîḍ olur.

Ve ekşeriyyâ helâk olanlar üç günde helâk olur ve ba'dı kerre yevm-i sâbi'e kadar 'aış eder.

Les'-i Efā'ıye Kānūn Gibi Olan Mu'alecāttır

Onların mu'alecātında olan uşūl-i müşterekeye mūrā'āt olunur ve onlara mu'alecāt-ı kavıyye tiryāk-ı efā'ıye mübāderet olur ve ammā mübāderet olunmayıp tiryāk saıyında te'eħħūr olursa mu'aħħaren saıy olunan tiryāk ba'dı kerre nāfi' olur ve ba'dı kerre onda menfa'at olmaz ve bu şürette ihtimāldir ki menfa'ati olmayan tiryāk semme ālet ola velākin onda semme ālet olmak ne kadar cāiz ise ālātı tabī'at istimāl eder ve tabī'at onu muđırır olan nesnelerde istimāl eylemez ve tabī'ata müdādde olan şey-i ğarīb ālātı istimāle kādır olmaz meger ki semmde ve şey-i ğarībde ma'an heyecān olup tabī'ata ğālib olalar. Ve āleti muđırır olan nesnelerde ħilāf-ı tabī'at istimāl eyleyeler.

Ve eger melsū' olan kimse sūm ve şarāb tenāvülünü iķşāra kādır olursa ba'dı kerre o iķşār 'ilāc-ı sāireden muġnī olur; kürrās ve başalı ma'a'ş-şarāb istimāl eylemek dahi onlar gibidir, sūm bulunmadıġı maħallde bedel olur. Ve zıkr eylediler ki zeker-i iyyel meşviyyen fi'l-ħāl istimāl olursa nāfi' olur ve ħarmel edviye muħallişadandır ve kezālik ütrücc ħabbının lübbü dahi onun gibidir.

Ve semm-i efā'ıye maħşuş ve kavī tiryāklarındanır: Enīsūn eksünāfin ve fülful dört dırāħmī, zerāvend-i müdahrec ve cünd-i bīdester her birinden birer dırāħmī, tılā ile ma'cūn kılınır ve şerbet-i vāhidesi cevz miķdārındır.

Kezālik mürr, cünd-i bīdester, fülful, zernīh-i aħmer her birinden birer dirhem, durak otu toħumu iki ūkıyye, tılā ile ma'cūn kılınır.

Kezālik bezr-i ħandeķūkā, zerāvend-i müdahrec, sezāb-ı berrī bunlar dahi nāfi'dir velākin sezāb-ı berrīyi ba'dı nās ħarmel olmak üzere zann ederler, onların zannı fāsiddir belki sezāb-ı berrī nefis-i sezābdan bir sınıftır.

Ve vācib olur ki ona semn-i keşir i'tā oluna ħuşuşan o semn 'atīķ ola. Ve çok vāķi' olur ki semn-i 'atīķ saıyı vāħdehu kifāyet eder ve sebeb-i ħalāşı olur.

Ve lebenden ābzen ittihāz olunup melsū' iclās olunur ve onların intibāhında tekellūf olunur ve meşy ettirilir ve onlara ahyānen ħammām-ı mu'ar-ıķ istimāl ettirilir ve onlara enāfiķ mişlli nesneler o ħammām 'aķbında

sakıy olunur. Ve bu bâbda isti'mâl olunan enâfiğin hayırlısı erānibin infeha-ı tarîsi olur, zîrâ o enâfiğ hamrın bi-îtidāl memzûcundan dört ūkıyye ile sakıy olunsa atıyeb olur ve kezâlik enâfiğ-i iyyel dahi ceyyid olur.

Ve bir kavm dedi ki bir insân başal-ı bahrîyi aḥz ve maḍğ edip seyelān eden ruṭûbetini bel^c ve şüflünü mevḍi^c-i les^caya ḍimād eylese o melsû^c el-bette helāk olmaz. Ve bir kavm dahi ḍafādi^c merakasını tecrîbe edip bu şānda onu tenāvülü nāfi^c ve muḥalliş buldu. Ve muḥallel ve mümellaḥ ibn ^curs laḥmı ve sereṭānāt-ı bahriyye ve dem-i sūlaḥfāt-ı bahriyye dahi nāfi^cdir. Ve bir kavm dahi dedi ki cuḥr-ı ḥayye demekle ma'rûf cuḥr melsû'a kaçan ta'lik olunsa sebep-i 'āfiyet olur.

Les^c-i Efā'î İçin Memdûh Olan Meşrûbât-ı Sâiredir

Eṭibbā dediler ki kerefs-i berrî ya'nî semerfiyûn isti'mâli les^ca ceyyid devā olur. Ve aşl-ı vecc ve varak-ı zerāvend ve aşl-ı zerāvend ve aşl-ı mürr ve aşl-ı fāşerā veyāḥūd fāşerşin ve ġārīkûn dahi ceyyid olur, onların hangisi şürb olunur ise şarāb-ı ḥulvde bir dıraḥmî kadar şürb olunur. Ve kezâlik āzān-ı fār uşāresi ve kezâlik kemmûn lâ-siyyemā cebelisi ve uşāre-i kerneb veyāḥūd iki dıraḥmî kuşt ile iki ūbûlûs fûlfûl veyāḥūd buḥûr-ı meryem aşlı veyāḥūd kâşim bezri veyāḥūd aşl-ı kâşim veyāḥūd bezr-i ḥarmel, uşāre-i kürrās ve uşāre-i ḥarşef ile sakıy olunmak ceyyid olur.

Ve kezâlik infeha-ı erneb ve ḥāşşaten burçak daḳıķı ve zencebîl leben-i nisāda sakıy olunur. Ve aşl-ı ḥizā ve o ḥarmel ki nevāḥî-i Yezd'de ma'rûf ve şedîdü'l-menfa'a olur ve zerāvend kışrı ve aşl-ı ḥandeḳūkā mişlli dahi sakıy olunur. Ve kavm zu'm eylediler ki tirbid kaçan leben-i ḥalîbde şürb olunsa cidden nāfi^c olur ve leben-i lâğıya dahi efā'î ve hevāmm-ı sāirenin cemī'an les^clerine nāfi^c olur. Ben zānn ederim ki onların leben-i lâğıye dedikleri tiryāk-ı ferāvî vü busencîdir.

Ve cāvşırde iki dirhem miḳdârı ma'a-ḥall nāfi^c olur. Ve kezâlik üç mişḳāl kuşttan veyāḥūd çentāyānādan aḥz olunur. Ve kezâlik edviye-i ceyyidedendir ba'r-ı mā'iz şarābda tefṭit olunup şürb olunmak. Ve muḳaṭṭi'āt-ı ḥādde cemī'an ceyyiddir ḥuşuşān şūm ve başal ve kürrās ve fûcl ve mā-ı fûcl ve cemī'an mümelleḥat, cevḑ-i ibn ^curs ve 'aḳreb-i meşviyye ve merāretü'd-dîk ve ṭuyûr-ı sāire merāreti sakıy olunur.

Ve şedîdetü'l-menfa'at 'uşârâtandır sezâb 'uşâresi ve varak-ı tuffâh 'uşâresi ve merzencûş 'uşâresi. Ve nefis-i hall kaynatılıp dört ûkıyye mikdârı isti'mâl olunur. Ve kezâlik kerneb-i nabtî etrâfının 'uşâresi ve bevl-i insân dedikleri üzere sakı olunur.

Les'ât Üzere Hâricden Ađmidelerdir

Bu cezzâbe olan ađmideler lâıyık olur ki kıable't-teverrüm isti'mâl oluna, o ađmide-i cezzâbe ebhel ve kıabb-ı ğâr ve bâbünec ve kıaşşaten iskıl-i meşvî ve daķık-i kırsenneden ittiķâz olunan çımâdlar olur. Bunların küllîsi ifrâden ve şarâbla maķlûtan isti'mâl olunur. Ve cübn-i 'atık ile tađmîd dahi ceyyid-i bâliğ olur; decâc-ı meşķûķla tađmîd cidden ceyyid olur. Ve kezâlik ef'î laķmı dahi tađmîd olunsa ceyyid olur. Ve daķâdi'-i meşķûķa ile tađmîd dahi onun gibidir. Ve onlara edhân-ı nâfi'a dühn-i ğâr veyâķûd varak-ı ğâr řabķ olunan şey'in dühnü olur.

Emüriyûs ve Naķıs Ħayyeleri ve Bi'l-Cümle Bedenden Dem Nezf Eden Ħayyât Beyânındadır

Bunlar kıayyât-ı rediyyedir. Kıaçan bir kıimseyi onlar les' eyleseler mesâmm ve menâfizden cemî'an demi tefcîr eder ve ondan münba'îsen ve şecâcen dem seyelân eder kıattâ kıurûķ-ı mündemileden dahi seyelân eder ve maķşalda veca' ve kıay'-ı dem ve nefis-i dem olur. Ve 'ulemâ zıķr eylediler ki o iki kıayyeler remliyyetü'l-ebdânlardır ve onların ebdânlarında sūd ve bîķ nokķalar vardır ve onların tûlû muķarrene tûlünden ezyedir. Ve ba'đılar dediler ki onların ef'iden aşķar olur, başları ve kıuyrukları incedir ve levni remiddir ve onlarda sevdâ ve kıamrâ ve beydâ dahi olur ve onların rû'ûsları üzere cüded-i bîd mütekâtı'a¹⁹⁴ olur ve buķtununun kıuşûrunda yübüset olmakla kıareketinde ve insiyâb ve insiķâbında muķaşşabada olan kıaşķaşe gibi kıeşîşi olur, onların kıareketi şaķîle ve esnânı müsteviye[dir.] Ve biz bu kıayyeleri řabaķa-i ûlâ kıayyeleri evşâfı ile vaşf edip deriz ki onlar kıayye-i rediyyedir, onun les'ası řabî'î olan mecârî ve mesâmmâtı tefcîr eder ve dem-i münba'îş-i şecâc zühûr eder ve ba'đı kerre şey'-i kıalîl mâî kıurûc

194 Ya'nî řarîķ gibi beyâķ kıutû-ı muķattı'a olur.

eder hattâ kurûh-ı mündemile ve mûk-ı 'ayndan dahi seyelân zuhûr eder ve ondan kay-ı dem münze'ic olur ve onda nefs-i dem ve ru'af ve veca'-ı mi'de olur. Ve ba'dılar dediler ki onların mevdi'-i les'aları teverrüm edip müsevede olur ve ondan şey-i kalîl-i mâi seyelân eder ve batnı müstaflık olur ve nefesi dayyik ve bevl 'asîr [537b] ve şavtı munkatı' ve a'cdası müsterhiye ve ona nisyân gibi hâlet gâlib ve küzâz ve sukût-ı esnân 'arîd olup helâk olur.

el-İlâc: Bunların 'ilâc-ı aşale ve efâ' 'ilâcına karîbdir o hayşiyetle ki onların melsû'larına şarâb-ı keşîr sakı olunur ve üzerine tağdiye olunup tırîh ve semek-i mâlih ve şüm mislli gıdâlar içâm olunduktan sonra tak-yi'e olunur ve kay'ları tekrîr olunur 'ale'l-hamr hubz ma'a's-semeki'l-mükebbab içâm olunur ve onlar zebîb ve bezr-i fücl tenâvül ederler huşûşan şarâbla ve 'uşâre-i haşhâş süsen-i âsmâncünü aşı ile şarâb sakı olunur. Ve ba'dı kerre beyâd-ı beyd dahi onlara nâfi' olur. Ve o les'alarda nezf-i dem olmak hasebiyle onlara baklatu'l-hamkâ ve dakîk-i şa'îr dîmâdı nâfi' olur veyâhüd maḥbûh varak-ı kerm ile ve lisân-ı hamel maḥbûh ve 'afş ile dîmâd olunur. Ve demi keyy hasebiyle kürrâs ve encüre ve sezâb ve beyâd-ı beyd dîmâd kılinsa habs eder.

el-Mu'atṭışe

Ḳavm dediler ki hayye-i mu'atṭışenin tûlü bir şibrdir ve bedeninde âsâr-ı sûd keşîredir ve re'si şağîr ve 'unuğu gâlizdir ve onun hilkatı 'unuğ-ı gâlizden bed' edip zeneb-i dakîka muntelhî olur. Ve bir kavm dahi dediler ki onun ekser-i vücûdu bilâd-Lûbiyye ve Şâm'da olur ve onun şüreti ef'î şüretidir ve me'âhirinin levni zeneblerine varınca kadar sevâda mâildir. Ve bir kavm dahi dedi ki o hayye sevâhilde olur ve dahi dediler ki onun melsû'unun batnına ihtirâk ve iltihâb 'arîd olur ve o melsû' suya kanmaz ve belki şûrb-i mâdan zâile olmaz velâkin meşrûbu 'arâk ve bevl olup hurûc eylemez belki bedeninin küllisi müntefih olup bi'l-cümle 'urûkunda su cereyân eder.

el-İlâc: Onlara 'ilâc-ı müşterek ile 'ilâc ve dühn-i keşîr sakı ve tak-yi'eleri ilzâm olunduktan sonra onlara esfâli ve ruṭubâtı ihrâc eden edviye ile ihtikân olunur ve müdirrât ile mâ esfele cezb olunur, meşelâ kerefs ve sünbül-i Hindî ve dâr-ı şînî ve esârûn ve sîsâliyûn ve fuṭrâsâliyûn misllilerin ṭabîhi sakı olunmakla cezb olunur ve hâricden milh ve zeyt ve nûre ile

çımād olunur ve bizm kelb-i kelb bâbında zıkr eylediğimiz ađmide ile dahi çımād olunur.

el-Ķaffāze ve't-Ṭaffāre

Sıçrayıcı ve ıafre edici hayyelerdir. İşbu hayyeler şığār ve kışār olurlar; ba'đı kerre eşcār üzere temekün edip taraşşud ederler, kaçan o mevđi'e bir kimse mürūr eylese o hayyāt nefsinı mārın üzerine remy ederler ve müteveccih olduđu nesnelere veşbe ederler. Ve muşannif der ki ben nevāhi-i Dehistānda bu hayyāttan bir cinsi gördüm, o hāyye ĥumrete māl ve cidden ĥabīs idi ve ĥavm dediler ki onun nehşinden veca^c-ı şedīd ve cemī'an be-dende verem-i ĥarr hādīs olur ve benim rūyet eylediğim cinsten ise melsū^c helāk olur. Ve yine o ĥavm dediler ki onun 'ilācı 'ilāc-ı müşterek olur ve efā'ī 'ilācı ile dahi mu'ālece olunur. Ve bir hayye dahi zıkr eylediler ki onun ismi maķīşīnādır ve o hayyenin iki tarafa dahi ıafresi olur ve ben taĥķīķ eylemedim ki o hayye kaffāze midir veyāĥūd ġayrı mıdır lākin onu vāşif olanlar dediler ki onun iki tarafı ve vasaıı cemī'an ġılağda müsāvilerdir ve ben zann eylemem ki mevsūf-ı mezķūr benim ĥakk-ı rūyet ile rūyet eyle-diğimidir.

Bellūtiyye

Ona derūniyūs derler ve o hayye bellūt keşir olan mevāđi'de olur ve onun melsū'unun cildi münselih ve ona muĥālaıa ve mu'ālece edenlerin dahi cildi münselih olur ve onun rāyiĥa-i ĥabīsesi olur; onu ĥatle mübāşeret edenlere o ĥabīs rāyiĥayı bezl eder gerek o mübāşir rāyiĥayı şemm eylesin ve gerek eylemesin ve ondan les^c-i efā'ī a'rāđı dahi 'ārıđ olur.

el-'İlāc: Bunun 'ilācı dahi efā'ī 'ilācıdır ve ĥāşşaten olan 'ilācı budur ki onlara zerāvend-i řavīl şarābla saķy olunur ve kezālik ĥandekūkā ve aşl-ı ĥunşā şarābda saķy olunur ve şemere-i bellūt ile tađmīd olunur.

Cāversiyye

Bu dahi hayyāttan bir cinstir, onun levni levni-i cāvers gibi sarıdır ve onun les'inden les^c-i efā'ī gibi a'rāđ-ı rediyye 'ārıđ olur ve onun 'ilācı dahi efā'ī 'ilācı gibidir.

Sisâtili Tesmiye Olunan Hayyât

Bu hayye iki tarafa taḥfâre olan hayyeye müşâbihtir lâkin taḥfârenin şerri ekşerdir ve a'râdı taḥfâre a'râdı gibidir ve 'ilâcı onun 'ilâcı olur.

el-Hayyetü'r-Rakşâ

Bu hayye murakkaş ya'nî alacadır onun elvân-ı muhtelifi vardır. Ba'dı-lar zıkr eylediler ki o hayye ḥabîşedir, yevm-i şânide melsû'unun kebidî te'ekkül ve em'âsı tefettüt edip helâk olur ve onun 'ilâcı efâ'î şa'be 'ilâcıdır.

Hayye-i Mârsatlis

Ben bu hayyeyi vaşf eyledim ki onun a'râdı efâ'î a'râdı gibidir velâkin bunun mevdi'-i les'asında intifaḥ ve şalâbet ve nüfâhât olur ve ondan demevî ve sevdâvî ruḥubet seyelân eder ve ondan taḡayyür-i 'aql ve ḡışâve-i başar ve küzâz 'arıḍ olup helâk olur ve onun 'ilâcı efâ'î 'ilâcı olur. Ve ben bu maḳâmda bu hayyeyi taḥmînen zıkr eyledim ve onun zâtını ve ṭabî'atını ve cinsini ḥakîkatî ve vukû'u üzere bilmem ve dahi bilmem ki o hayye mü-kerrer midir deḡil midir.

Fencerniyûs

Ve ḳavm dediler ki onun les'î efâ'î les'ine şebîhedir lâkin bunun les'in-den laḥm-ı melsû'a fesâd ve istirḫâ 'arıḍ olup müstesḳî laḥmı gibi olur ve ondan sübât ve nisyân 'arıḍ olur ve kebidde ve mi'â-ı şâim ve külûnda eşkâm 'arıḍ olur. Ve bu hayyede benim ḳavlim bundan aḳdem ḳavlim gibi ḳavl-i taḥmîni olur ve belki bu hayye mu'affine olan hayyât ṭabaḳasından olup bu ṭabaḳada olmamak câizdir ve bunun 'ilâcı 'ilâc-ı efâ'î gibidir.

Ehmûz ve Ṭays ve Mevâḡarûs

Ḳavm dediler ki bu hayyâtta her birinin ṭülü birer zirâ'a bâliḡ olur ve onların elvânında reml elvânı olur ve ebdânlarında âşâr vardır. Ve ḳavm dediler ki onların les'asından veca'-ı şedîd 'arıḍ olur ve mevdi'de verem-i 'aẓîm olur ve demevî şadîd seyelân eder ve meşâne ve kebid ve merâḳḳ işbu a'dâlarda veca'-ı müberriḥ 'arıḍ olur ve bu hayyât yevm-i şâliste ḳatlı eder ve yedinci günü geçirmez. Ve onların 'ilâcı efâ'î meldüğünün 'ilâcı gibidir.

Ve bunlara hâşş 'ilâc budur ki o melsû'a cünd-i bîdester ve dâr-ı şînî ve kañuriyûn aşlı sağy olunur, herhangi sağy olunursa iki dirhem miğdârı şarâbla sağy olunur ve onlara aşl-ı zerâvend nâfi' olur huşuşan zerâvend-i tavilde menfa'at-ı 'azîme olur ve kezâlik aşl-ı şevâşîrâ ve kezâlik şevâşîrâ 'uşâresi hâşşaten ve aşl-ı çentâyânâ dahi sağy olunur. Ve onlara admideden maṭbûḥ ve müceffef ve medkûḫ olan dîmâd-ı 'asel ve kuşur-ı rummân ve kezâlik kañuriyûn ve bezr-i kettân ve ḥass ve bezr-i ḥarmel ve leblâb ve sezâb-ı berri dîmâdı nâfi'dir ve kezâlik kurûḥ-ı müte'affineye maḥşûş olan dîmâdât dahi nâfi'dir.

Sîser Tesmiye Olunan Ḥayyedir

Ve bu ḥayye mu'affinedir ve bir kavm zu'm eder ki o ḥayyât Şâm ve Mısr bilâdında olurlar, 'arîdü'r-re's ve a'nâkı dîkâḫ ve eznâbı kışâr ve buṭûnu müstedir olur; onların rû'usunda huṭûṭ ve cüded olmaz velâkin cesedlerinde muhtelifetü'l-elvân huṭûṭ olur ve kaçan münsâb olup 'alâ-baṭnihi meşy eylediklerinde ta'acrûf ya'nî serî'an münsâb olur ve meşy istikâmet üzere olmaz ve onun meldûğuna bedeninin küllisinde 'afen ve verem 'arîḍ olup ve o 'araḍlardan muḳaddem baraş ve temerruṭ-ı şa'r 'arîḍ olup ba'de-hu verem ve 'ufûnet 'arîḍ olur. Ve ba'dı kerre 'afen o a'râḍdan muḳaddem bi-sür'atin 'arîḍ olup selîmen ya'nî o a'râḍdan selîm iken melsû' helâk olur ve müşâbih olur ki ḥayye-i sîser efâ'id den bir nev'dir.

el-'Îlâc: Vâcib olur ona 'ilâc 'âmm-ı müşterek ile olur ve efâ'î [538a] mu'âlecâtından dahi mütevassıṭ olan 'ilâcla mu'âlece oluna ve ba'de-hu les'asından 'arîḍ olan aḥvâl ve a'râḍa mu'âlece oluna.

Semmi Olmayıp Mücerred 'Aḍdı ile İzâ Eden Ḥayyât

Aşnâfıdır Onlar O Ḥayyelerdir ki

Cüsseleri Cidden 'Azîm Olur

Fi't-Tinnîn

Ve kavm dediler ki tenânînin ziyâde aşğarı beş zirâ'e olur, ammâ kibârı otuz zirâ'e ve dahi ekşer olur. Ve tinnînin iki 'ayn-ı kebîri olur ve fekk-i esfeli tahtında zekân mânendi bir nütû' olur ve onun enyâb-ı keşîresi olur.

Ve bir kavm dedi ki tinnîn Nûbe ve Hind bilâdında keşir olur ve Hindî cidden kebîr olur ve kavm bizim vaşfımız gibi vaşf eylediler ve dahi dediler ki onların vechleri şağîr ve esved ve ağızları şedîden vâsî'a ve kaşları gözlerini sâtir ve a'nâkında teflîs,¹⁹⁵ her çene kemiğinde üçer nâb olur. Muşannif der ki bu kabîlden olan hayyeyi ben bilâd-ı Hind'in gayride dahi gördüm ve onun boynunun iki câniblerinde şa'r-ı gâliz var idi. Ve kavm der ki tinnîn 'ađđ eylediği mevđi'de evvelâ veca'-ı yesîr ihdâs edip ba'dehu mültehib olur ve onun erkeği dışısından aḥbeş olur. Ve ben derim ki şaḥîḥ ve müteḥakkıktır ki bilâd-ı Hind'in gayri bilâdda cidden 'azîme tenânînin bulunur. Ve kavm dediler ki 'ađđ-ı tenânînin 'ilâcî ancak kûrûḥ-ı rediyye 'ilâcî olur.

Ağāzenîmûn ve's-Seyr

Müşābih olur ki bu hayye ecnâs-ı tenânînden ola. Ve kavm dediler ki ağāzenîmûnun nehş eylediği menhûşa tenânîni sâire nehşinin a'râdı 'arîd olur. Ammâ seyr hakkında kavm dediler ki onun enyâbı şedidedir ve onun nehşi ile mevđi'-i nehşte olan laḥmın mâiyyeti zâile olup kurur ve onun kûrḥasının şânî ve ḥaṭbı 'azîm olur ve onun tedbîrinde cidden rediyye olan cirāḥât 'ilâcına ḥâcet olur.

Tinnîn-i Baḥrî 'Ađđı Tedbîridir

Kavm dediler ki onun mevđi'-i 'ađđı kibrîr ve ḥall ile tîlâ olunur. Ve yine kavm dediler ki şaḥm-ı timsâḥ dahi tîlâen nâfi'dir ve kezâlik tarîfelâ ve rađdâđ tesmiye olan semek ile mevđi' delk olursa nef'i olur. *Bu bâbda 'ibâret-i Kânûn'da "Ve's-semeketu'l-musemmâtu tarîfelâ ve'r-reşâş izâ dulike 'aleyhi untuṭṭa" vâkı olup "reşâş" iki şâd-ı mühmele ile ve ba'dı nüşḥa iki ḍâd-ı mufceme ile taḥrîr olunmuştur; zâhir olan mufceme olup murâd semek-i rađrâđı olmaktı, r taḥkîkı tecrîbe ile mâ'lûm olur.* Ve kezâlik onun mu'alecesinde bizim rüteylâ bâbında zikr edeceğimiz edviyeler ve ḥuşuşan tiryâḳ-ı evvel ve bâdrûc şürben ve ḍimâden nâfi' olur.

195 Teflîs olur ya'nî fülûs gibi lem'alar olur, kezâ fi'l-Kâmûs.

İki Hayvân-ı Bahrî Dahi Vardır ki Birine Semûriyâ ve Âherine Tarûğurûn Derler:

Ammâ Semûriyâ

‘Alim-i müteḥazzık dedi ki onun nehşinden efâ‘ nehşinin a‘râdı ‘arîd olur ve benzer ki onun ‘ilâcı dahi ef‘ ‘ilâcı ola.

Ammâ Tarûğurûn

O ‘âlim dedi ki tarûğurûn menhûşunda veca‘-ı şedîd ve bürûdet-i keşîre ve ḥader ve mevt-i veşîk ya‘nî mevt-i serî‘ ḥadîş olur ve o ‘âlim işâret eyledi ki onun ‘ilâcı sümûm-ı bâride ‘ilâcı olur ve ‘âlim-i mezkûr dedi ki vâcib olur ki onun nehşesi ḥall-i müftir ile tenṭil olunup ve mevdî‘ varaḳ-ı ġâr ile taḍmîd oluna ve dühn-i kuşṭ ile ve ‘âkırkarḥâ dühnü ile ve edhân-ı sāireden onlara müşâbih olanlar ve içinde ‘unşul ve encüreden birer kuvvet olanlar ile temrîḥ olunur. Ammâ onların meşrûbatı varaḳ-ı ġâr sülâkası ḥall ile ve encudân ve sezâb ile veyâḥûd mürr, fûlfül, sezâb veznleri berâber aḥz olunur ve şerbeti iki dıraḥmî kılınıp şarâbda saḳy olunur ve rûteylâ bâbında zikri âtî tiryâḳ-ı evvel dahi saḳy olunur.

**Dördüncü Maḳâle İnsân ve Dört Ayaklı Hayvân ‘Aḍdıdır
Bu Maḳâlede İnsân ve Kelb ve Zîb Mişlîlerin ‘Aḍdlarını
Biz Zîkr eyleriz ve Kezâlik Kilâbdan Kelb ve Kuduz
Olanların ve Sibâ‘ ve Timsâḥ ve Kurt ve İbn ‘Urs ve Mûğālî
Denmekle Ma‘rûf Ḳalâ ‘Aḍdalarını Cem‘an Zîkr Eyleriz**

‘Aḍḍ ‘İlâcına Kelâm-ı Küllîdir

İnsân ve sāir hayvân ciyâ‘ iken ‘aḍḍ eylese ziyâde şerri olur. Ve ‘aḍḍa mu‘âlece olunsâ vâcib olur ki zeyte maḡmûs olan bir hırḳa vaḍ‘ oluna veyâḥûd mevdî‘-i ‘aḍḍa zeytin kendi ile mesh oluna ve ondan ġaraḍa bülûğ ḥâşıl olmazsa ‘asel ve başal mişlli ile ve bâḳılâ-ı memḍûğ u niyy ile olduğı ḥâl üzere taḍmîd olunur ve o ḍimâd ona nef‘de ‘acîbü’ş-şân olur. Ve kezâlik mürdâsencle tılâ ve daḳıḳ-ı kirsenne ile taḍmîd ‘acîb olur. Eger mevdî‘de

fesâd rü'yet olunursa o mevdi^c evvelâ maşş ve mihceme ile ve devâ-i cāzib isti'mālî ile tenkîye olunup terk olunur tekayyuh edince kadar ve ba'dehu kayha nazar olunur, eger kayhta 'ufûnet ihsâs olunursa ma'lûm olur ki onun tenkîyesi kem-yenbağî olunmamıştır, pes bizim bâbu'l-lüsû'da zıkr eylediğimiz bi-kuvvetin cezzābe olan edviye ile tekrâr tenkîye olunur ve eger 'udvda fesâd yok ise onda verem hüdûsu men^c olunup cürhü ilhâm olunur.

Ve 'ađdada ve menâşib maħallinde müsta'mel olan merāhimin ecvedî merhem-i esveddir ve ğāile-i fesâd mevdi^cden cezḫ olunduktan sonra isti'māl olunur eger cezḫe ḫācet olur ise ve 'asel ve milḫ isti'mālinden sonra isti'māl olunur.

'Ađdu'l-İnsân

'Ađda-i insân üzere eger 'ađda-i şedîde ise başal ve milḫ ve 'asel vađ^c olunup bir gün ve bir gece üzerinde imsāk olunur ve ba'dehu merhem-i esved ile mu'ālece olunur; onun ittiḫāzı şem^c ve zeyt ve bārzedden kılınır ve o merhem 'ađda dımādātının ḫayrlısı olur. Ve kezālik remād ve ḫall ve 'asel ve başal ile ma'cûn kılınır.

Ve ba'dı kerre 'ađda-i insândan ve ḫuşūşan şāimin 'ađdasından ve fesâda müsta'idde olan ḫubûb tenāvül eden ḫuşūşan 'ades tenāvül eden insânın 'ađdasından ḫālet-i rediyye 'ārıda olur ve vācib olur ki onun 'ađdasına zeyt ile mesh olunup 'asel ile rāziyānec aşlı veyāḫūd suyla ve ḫall ile daḫḫ-i bākılā dımād olunur ve küllü merretin dımādı tebdil olunur ve kezālik daḫḫ-i kündür şarāb ve zeyt ile dımād olunur. Ve kezālik buzağı kemiği iḫrāk olunur beyād olunca kadar ba'dehu 'asel ile ma'cûn kılınır ve kezālik milḫ saḫḫ olunup 'asel ile ma'cûn kılınır ve şamğ-ı buṭm ve mürr dahi nāfi^cdir. Ve ba'dı kerre kuru durak otu iḫrāk olunup cirāḫat onunla doldurulur ve üzeri bağlanır ve onun üzerine remād-ı kerneb dımādıyla tılā olunur.

Kuduz Olmayan Kelb-i Ehlinin 'Ađdası ve Zi'b Mişlilerin 'Ađdalarıdır

Onun 'ilācı ḫarîben küllî 'ilāc-ı 'ađdade ve 'ađd-ı insānda zıkr olunan mu'ālecāt olur. Ve ba'dı kerre ona 'ilāc için mevdi^c-i 'ađda fevr-i 'ađdada ḫall reşş etmek kifāyet eder ve mevdi^c-i 'ađda keff ile mirāren ḫarb olunup

üzerine hâll ile naṭrûn vaḍ^c edip her üç günde bir def'a tecdîd eylemek nâfi^c olur ḥuşuşan kelb ʿurûḍundan ḥavf olunur ise nefʿi ziyâde olur. Ve baʿdı kerre başal ve milḥ ve sezâb ve bâkılâ ve levz-i mürr ʿasl ile ve lisân-ı ḥamel milḥ ile ve kıssâ varakı ve hıyâr ve fûtenec-i medķûķ şarâbla istiʿmâl olunmak kifâyet eder. Ve kezâlik o ʿaḍda üzere mürdâsenc ile tılâ olunur ʿale'l-ḥuşûş mevḍiʿ-i ʿaḍdda verem ola. Ve eger onda lehîb-i şedîd olursa ona daķıķ-i kirsenne ʿasel ile ḍimâd olunur. Ve ona nâfi^c nesnelerden olur saʿter-i berrî milḥ ve ʿasel ile ve merî-i muḥallel ve kezâlik o hâll ki onda milḥ izâbe olunup üç gün miķdârı terk oluna; mürûr eden iki evvelki bâb-lara dahi bu tedbîr nâfi^c olur.

Kelb ve Zıḥb ve İbn Avâ Bu Ḥayvânların Kelib Olanları Yaʿnî Kuduz Olanları Zikridir

Kelbe [538b] ve zıkr olunanların bâķîlerine baʿdı kerre keleb ʿarıḍ olur, keleb o ḥayvânların mizâcının sevdâviyye-i ḥabîşe-i semmiyyeye istiḥâlesidir ve o ḥayvânlara istiḥâle-i mezkûre havâdan veyâḥûd ağdıye ve eşribeden ʿarıḍ olur. Ammâ havâdan ʿurûḍu onun aḥlâtını harr-ı şedîd ihrâķ etmekle olur ve aḥlâtı muḥrak olanlara ḥarîfte keleb ʿarıḍ olur veyâḥûd o ḥayvânların demini berd-i şedîd tecmîd edip sevdâviyyeye istiḥâle eder, o ḥayvânlara rebîʿde keleb ʿarıḍ olur. Ve ammâ ağdıye ve eşribeden kelebin ʿurûḍu o ḥayvânlar kaşşâbînin dimâlarına yaʿnî mecerelerine varıp cîfeden ekl ve miyâh-ı ʿafinelere şürb edip aḥlâtı sevdâ-i ʿafineye meyl etmekle olur. Ve baʿdı kerre dahi bu esbâbdan biri yok iken bi-ḥasebi'l-ḥilkât mizâcına tağayyür ve teşevvüş ʿarıḍ olmakla olur meczûmîne cüzâm ʿarıḍ olduđu gibi. Ve baʿdı kerre kelib olan ḥayvânât-ı mezkûrenin bedenine verem ve levnine remediyyete istiḥâle ʿarıḍ olur ve fesâdı esbâbında temâdî olur, zîrâ onlara cûʿ ʿarıḍ olur velâkin ekl eylemezler ve ʿataş ʿarıḍ olur, su içmezler ve suya mülâķî olsalar ondan feza^c ederler ve suyu kerîḥ görürler ve belki rûyet-i mâdan mürteʿiş ve mürteʿid olurlar ve irtîʿâşının ekşeri cilde-i vechinde olur belki baʿdı kerre sudan ḥavfından helâk olur ḥuşuşan âḥir-i emrinde bu ḥavf ve helâk keşîrîʿl-vuķûʿ olur ve onun başarına gışâve ʿarıḍ olur ve dâimâ lâhiş olup lisânı câffen ağzından ḥâric olur, aşḥâbını ve yanında olanları bilmez ve sen onu şeẓrîʿn-naẓar yaʿnî ğaḍab naẓarî ile

naẓar eder görürsün ve gözleri aḥmer, dālî'u'l-lisân ve rîkî sâil ve zebedî ve enfi kulağına mâil, re'sini ıta'te eder ya'nî başını aşığ eger ve kulaklarını irhâ ve tahrîk eder ve zâhrını tahdîb ve şulbünü bir cānibe ʿaṭf ve imāle eder ve bir cānibe ve fevke mu'vecc olur görürsün, kezālik zenebini istinfāz edip ḥāifen ve māilen sekrān ve ke'tb ve mağmūm meşyi gibi māsî ve küllü ḥuṭvetin meşyinde tağayyür eder ve bir şebah zāhir olsa ona ʿadv ve ḥamle eder her ne kadar o şebah cidār ve şecer ve ḥayvān olursa ve ḥamlesine niyāḥa kalilen muḳārın olur ve ekser-i ḥâlde sâkit ve zemmiyyet ya'nî vakūr olur kelib olmayan kelbin ḥilāf-ı mu'tādî üzere. Ve nevḥa eylese onun nevḥası ebaḥḥ ya'nî buḥḥa ile olur ve kilāb-ı sāire ondan münḥarîf olurlar, sebīlin-den ve uğurundan savuşurlar her ne kadar uzaktan rü'yet ederlerse, ammā ḡaflet ile qarīb olan kilāb önünde tebşîş ve temelluḳ eder ve ona teḥāşu' edip herebi kaşd eder.

Ve zîbin kelibi kelbin kelibinden şerrli olur ve kezālik ḍabuc'lardan cüşsesi kelb cüşsesi ḳadrinde ve ḳaddında olanlar ve benāt-ı āvā ondan şerrli olur.

Ḥayvānāt-ı Mezḳüreden Mā-ʿadā Kelibler Beyānındadır

Ḳavm dediler ki şa'leb ve ibn ʿurs dahi tekellüb eder. Ve ba'ḍılar ḥikāye eylediler ki ba'ḍı şe'ālîb tekellüb edip şāḥibini ʿaḍḍ eyledi ve onun şāḥibine sāir kelbin ʿaḍḍından ḥādiş olan cünün ʿārîḍ oldu.

Kelib-i Kelibin ʿAḍḍından Ma'ḍūḍa ʿĀrîḍa Olan Aḥvāldir

Kaçan kelb-i kelib¹⁹⁶ bir insānı ʿaḍḍ eylese evvel-i emrde onda eṣer-i cirāḥat ve veca'dan ḡayri bir nesne rü'yet olunmaz ve kaçan biraz eyyām mürür eylese onda fikr-i fāsîd ve aḥlām-ı fāsîde ve ḡaḍab mişli ḥālet ve vesvās ve iḥtilāt-ı ʿaḳl olur ve ondan su'āl olunmayan nesneden cevāb verir ve sen onu görürsün ki eṣābi'î teşennüc eder ve eṭrāfını kendiye ḳabḍ eder ve ḍav'dan kaçır ve ḥicābından iḥtilāc olur ve fivāk ve ʿaṭaş ve yübs-i fem ve zihāmdan hereb ve istifrāda muḥabbet eder ve ba'ḍı kerre ḍav'a buḡḍ eder ve a'ḍāsı muḥmerre ve ḥuşūşan vücūhu muḥmerre olur ve ba'ḍehu

196 “Kelb-i kelib” evvelde lāmın sükūnu ve şānide lāmın kesri ile kuduz ite derler.

vechinde kûrûh zühûr eder ve veca'ı keşîr ve şavtında buhğa olur ve bükâ eder ve âhîrinde sudan ve ruṭbât-ı sāireden onu ḥavf aḥz edip her ne vakt suya takarrüb eylese kelbi taḥayyül edip ondan korkar ve ba'dı kerre sudan ḥavf eylemeyip velâkin onu istikzâr eder.

Ve ba'dı kerre türâb üzere temerruğa muḥabbet eder ve ba'dı kerre bilâ-şehvet menîsini izrâk eder ve lâ-maḥâle teşennüce ve küzâza mü'eddî olur ve kezâlik 'arâk-ı bâride ve ğaşy ve mevte mü'eddî olur ve ba'dı kerre bu aḥvâlin zühûrundan mukaddem 'aşaşen helâk olur. Ve ba'dı kerre suyu iştiḥâ edip ba'dehu suya mülâkî oldukta sudan istiğâse eder ve ba'dı kerre dahi suyu tecerru' edip su boğazında kalır ve ğuşşadan boğulup helâk olur.

Ve ba'dı kerre kelb gibi nevḥa eder ve onun niyâhı buḥḥalı olur ve ba'dı kerre onun şavtı meskût gibi munḳatı' olur, edâ-ı kelâma iktidârı olmaz. Ve ba'dı kerre bir şey bevl eder ki onda eşyâ-ı laḥmiyye-i 'acîbe olur ve onlar ḥayvâna müşâbih ke-enne o eşyâ-ı laḥmiyye kilâb-ı şîğâr hey'eti üzere olur, ammâ ekşer-i aḥvâlde onun bevli rakîk olur ve ba'dı kerre esved olur ve ba'dı kerre bevli muḥtebes olup tebevvue kudreti olmaz ve ekşer-i ḥalde batnı yâbis olur.

Ve onun 'acâyib-i aḥvâli insânı 'adḍa ḥarîş olur ve kaçan o insân-ı meklûb insân-ı âheri ba'de-heyecânın 'adḍ eylese insân-ı evvele 'ârîd olan aḥvâl onun 'adḍ eylediği insân-ı şânîye dahi 'ârîd olur. Ve kezâlik tekellüb eden insânın sü'rü ya'nî içtiği suyun artığının ve yediği ta'âmın faḍlasının onları tenâvül edenlerde 'adḍının fi'li gibi fi'li olur.

Ve o insân-ı kelib ki sudan feza' etmek mertebesine bâliğ ola, onlar ḥalâş olmak mümkün değildir gerek 'ilâc olunsun ve gerek 'ilâc olunmasın ḥuşûşân âyîneye nazar eyledikte yüzünü görse velâkin kendi yüzü olduğunu bilmeseyyâḥûd ona kendi yüzü o kelb-i kelib yüzü olmak üzere taḥyîl olunsâ. Velâkin evâil-i eṭṭbâ zu'm eyledikleri üzere o rûtbeye bâliğ olan insân-ı kelibden iki recül ḥalâş oldular ve ta'ayyüs eylediler ve onları kelb-i kelib 'adḍ eylemedi idi belki kelb-i kelibin 'adḍ eylediği insân-ı kelib 'adḍ eylemiş idi, ammâ sudan feza' mertebesine bâliğ olmayanlar 'ilâca qarîb olurlar.

Ve ba'dı kerre bu 'illet bir üsbü' kurbundan altı ay arasında katl eder ve itidâl üzere olan müddet-i katl kırk gündür. Ve her ne kadar taşdıḳ olun-

mazsa bir kavm da'vâ ederler ki ba'dı kelb yedi sene mürûrundan sonra sudan [feza^c] ve havf rütbesine bâliğ olurlar. Ve ba'dılar dediler ki ya'nî benim zannım üzere Rûfus dedi ki kelib olan hayvân sudan feza^c ve türâbda temerruğa muhabbet eylediğinin vechi budur ki onun mizâcında yübüset müstahkem olmuştur, ona yübüsete müdâdde olan mâdan feza^c ve yübüsete muvâfık olan türâba bi'l-muvâfaқа muhabbet ârıd olur. Muşannif der ki Rûfus'un bu kavli benim meyl eylediğim aqvâldendir, zîrâ o mizâcın yübüseti mizâc-ı aşlî değildir belki mizâc-ı ğarîbdir ve mizâc-ı ğarîbe muvâfık olan eşyâya meylin aşlı yoktur.

Ve kelb-i kelib 'ađđ eden insân ahvâlinden eslem olan hâl budur ki o 'ađđadan dem-i keşir seyelân eyleye ve kezâlık o ma'đđ edviye-i tiryâkiyeye şürb edip ba'dehu dem bevl ederse o ma'đđ feza^c mertebesine bulûğdan emîn olur.

Kelb-i Kelib 'Ađđı İle Ğayr-i Kelib Olan Kelb 'Ađđının Farkı Beyânındadır

Ba'dı nâsı kelb 'ađđ eder velâkin o ma'đđda zıkr olunan ahvâl ve şuver hâşıl olmaz ve onun mu'alecesinde idmâl-i cirâhat için 'ilâca kaçd olunur, âher 'ilâca hâcet olmaz. Ammâ kelb-i kelib 'ađđının 'ilâcında tekayyuh ve tekayyuha hâcet olur, zîrâ kelb-i kelib 'ađđasına 'ilâc idmâl oluna o 'alîl helâk olur, pes hâcet olur ki 'ađđ eden kelbin hâli taharrî olunur, onun kelib olduğu veyâhüd ğayr-i kelib olduğu ta'arrüf oluna ve onu ta'arrüfte kavm dediler ki mülūkî veyâhüd ğayr-i mülūkî cevze ahz ve cürh üzere bir sâ'at miqdârı vađ ve ba'dehu ref olunup decâca tarh olunsa, eger decâc onu müstekrih ve müstaķzir olur ise o kelb-i 'ađđ kelibdir ve eger decâc o cevzi ekl edip ba'dehu helâk olursa yine kelb-i 'ađđ kelibdir. Ve bir 'alâmeti dahi budur ki bir kıt'a hubz mevđi-i 'ađđdan seyelân eden gerek dem ve gerek ğayri ruṭubet ile telṭih olunup o hubz kilâba tarh olunur, [539a] eger kelb onu müstekrih olur ise kelb-i 'ađđın kelib olduğuna delâlet eder. Ve kavm dediler ki o ma'đđdun üzerine mâ-ı bârid şabb olunur, eger der-'aķab ma'đđdun cesedi tesahhun ederse kelibdir; ben derim ki bu bir 'alâmettir ki kelb-i kelibin ma'đđduna maḥşuş değildir.

el-İlâc: Onun mu'alecesinde evvelâ vâcib budur ki o cirâhat ilti'âm-dan men' oluna. Ve eger cürhü vâşi' değil ise tevsî' ve teftîh olunur ve bâbu'l-lüsû'da zîkr olunduğu üzere üzerine mehâcim vađ olunur ve maşş olunur ve indimâlden men' eyyâmı ekall-i mertebe kırk güne iblâğ olunur. Eger evvel-i emrde cezbe edip iltihâmdana dahi men' eyledin ise cidden fi'l-i nâfi' işlemiş olursun. Ve eger haţâ edip iltihâm olduysa vâcib olur ki o iltihâm nekş olunup bozula ve nekşte mübâlağa oluna ve vâcib olur ki onun üzerine müfettiḥât vađ oluna. Ve eyyâm-ı iltihâmın evâilinde tedârük murâd eyler sen üzerine cāvşîr ve şûm ve cevz vađ olunur ve zift ve cāvşîr ve ḥallden mütteḥaz merhem ve ḥallden bir kışt aḥz olunur o ḥall-i ḥâzık olmak üzere ve ziftten bir rıtl ve cāvşîrden üç ükyye aḥz olunur ve cāvşîr ḥalde ḥall olunca kadar nak' olunur ve ba'dehu cemî'an ḥalt olunup merhem ittihâz olunur. Ve ba'dı kerre teftîhe şûm ve başal ve kezâlık circîr-i meslûk ve ḥiltî kifâyet eder, mürekkebeten ve müfredeten bi-ḥasebi'l-ḥâl isti'mâl olunur. Ve ba'dı kerre edviye-i ekkâle isti'mâline ḥâcet olur, ḳalkâdîs mişlli ekkâl isti'mâl olunur, ona semn itbâ' olunur.

Ve cürh-ü muḍayyakı tevsî' eden edviyeden olur: Milḥ üç cüz', nûşâdur iki cüz', ḳalkâdîs sekiz cüz', isḳîl-i meşvî on altı cüz', sezâb dört, büssed on, nuḥâs-ı muḥrak dört, zencâr üç, bezr-i ferâsiyûn iki; bu edviye ḥarîrden geçirilip tevsî' için cürh üzere vađ olunur.

Ve gerektir ki ibtidâ'-ı emrde onlar ta'rîk oluna mümkün olduğu kadar meşy ve istiḥmâm ettirmekle ve mübâderet edip eyyâm-ı üvelde istifrâğât olunmaya belki ḥârice cezbe iştiğâl oluna, zîrâ evvel-i emrde istifrâğ-ı semmin 'umḳa nüfûzuna sebeb ve ḥârice mevâddı cezbden mu'âvîḳ olur, zîrâ istifrâğ mevâddı dâḥile cezbe eder ve aḥlâtın dâḥile ictizâbıyla semm dahi dâḥile müncezb olur. Ve kaçan sen ḥasbe-mâ emken semmi ḥârice cezbe eylesen iki ve üç gün sonra istifrâğa meşgûl olup semmden nüfûza ḳarîb olanları istifrâğ eyle. Ve eger evvel-i ḥâlde ḡaflet edip ḥârice semmi cezbe eylemedin ise o vâkte istifrâğ evlâ ve evceb olur ve vâcib olur ki müstefriğât-ı ḳaviyye ile istifrâğ oluna. Ve eger o ma'ḍûḍda sen imtilâ-ı demeviyye rü'yet eder isen faşd eyle ve imtilâ yok ise faşd olunmaz. Ve kaçan faşd eylesen onu demine nazar eylemekten men' eyle ve ḥuşûşan âḥir-i emrde men' ziyâde eyle. Ammâ onun ishâli müshilât-ı sevdâ ile ḥattâ ḥarbak ve

ḥabb-ı ḥarbak mişlli ile kılınır ve bunun ikisi ile ishâlden lâzımdır ve onlara eyâric-i Rûfus 'acîbdir ve kıssâ-i ḥımâr dahi ishâlde isti'mâl olunmaktan lâzım olur.

Onlara Ceyyid Müshilin Şıfatıdır: İhlilec-i Kâbüli iki mişkâl, eftümün bir mişkâl ve nısf mişkâl, milḥ-i Hindî nısf mişkâl, besfâyec bir mişkâl, ḥacer-i Ermenî bir mişkâl, gâriḳûn bir buçuk mişkâl, ḥarbak-ı esved iki buçuk mişkâl; bu mecmû'dan şerbet-i vâhîde iki mişkâl olur eger ṭabî'at mücîbe ise. Ve kaçan sen ishâl-i kavîyye ile ishâl eylesen vâcib olur ki küllü yevmin ve küllü yevmeyn ḥuḳne-i hafîfeye mürâ'ât eylesesin, maḳ'adeye îzâ eylemesin için zeyt ile ve mâ-ı sılḳ ile ḥuḳne kılasın veyâḥûd onların ishâli mâ-ı cübñ ve eftümün ile kılınır.

Ve vâcib olur ki onlar ba'de'l-ishâl semîne olan dürrâc ve fûrûcdan mütteḥaz ağdiye ile tağdiye olunalar ve ba'de't-teğaddî müdirrât-ı latîfe ve şarâb-ı ḥulv saḳy oluna ḥuşûşan ma'a-beḳâi'l-ḥalâvet 'atîḳ ola ve tîlâ dahi saḳy olunur. Ve leben ve şarâb şedîdü'l-menfa'attir. Ve onların eḥabb-ı umûrları ta'dîl-i ağdiye ve tertîbdır ve o ta'dîl ve tertîb emr-i mu'aleceleriñin milâkidir ve o ağdiyeler emrâḳ-ı tıyûr-ı fâḍile ve ḥubz-ı ḥuvvârâyı mâ-ı bârid ile tenâvül mişlilerdir.

Ve onlara içinde mirâren ḥadîd-i maḥmî söndürülen suyun menfa'at-i keşîresi olur lâkin başal ve şüm sümûma muvâfıḳ ağdiyeden olur sümümü kaṭ' ve bedenden der' ve ṭard eder ve vâcib olur ki onun isti'mâli nisyân olunmaya. Ve ona sen tiryâḳ-ı fârûḳ ve onlara maḥşûş devâ ve sereṭân dahi saḳy eyle. Ve denilir ki onlara tiryâḳ-ı erba'a ve kezâlik tiryâḳ-ı enâfiḥin nefi şedîd olur ve biz tiryâḳ-ı mezkûru zıkr eyleriz inşâallâhu ta'âlâ. Ve sereṭân-ı nehrî eṭimesi dahi iṭ'am olunur ve mücerrebdir ki kerm-i ebyad ḥaṭabı üzere bi-i'tidâl iḥrâḳ olunan sereṭân-ı nehrîden münseḥıḳ olunduḡu miḳdâr faḥmı aḥz olunur ve kezâlik o ḥaṭab üzere iḥrâḳ olunan çentâyânâdan dahi miḳdâr-ı mezkûr aḥz olunup şarâb-ı şırf ile saḥḳ olunur ve ikisinden şerbet dört mil'aḳa olur, yine o şarâb-ı şırf ile şürb olunur ve vâcib olur ki o iki faḥm kuḥl gibi saḳy oluna.

Nüşa-i Uḥrâ: Şems, Esed burcunda iken şayd olunan sereṭân-ı nehrîye tennûrda kıdr-ı nuḥâs içinde mu'tedilen şeyy ve iḥrâḳ olunduktan sonra onun faḥmından beş cüz', çentâyânâ beş cüz', kündür bir cüz' bu eczâlar

aḥz ve saḥk olunup ḥıfz olunur ve onun şerbeti eyyâm-ı üvelde bir mil'aka kılınıp birkaç gün o miqdâr su ile saḳy olunur ve ba'de-eyyâmin iki mil'aka saḳy olunup dört mil'akaya kadar terakkî olunur.

Ve kavmin onlara menfa'at-i bâliğası olmak üzere vaşf eyledikleri edviyeden olur devâ-i zerârîḥ ve o devâyı 'an-ḳarîb biz zıkr eyleriz. Ve onların evâil-i ezminesinde devâ-i sereṭân onlara saḳy olunmaz velâkin o ezminede sudan feza' eyleser o devânın saḳyı câiz olur. Ve o devânın nüshasında ba'dı kerre sereṭân-ı muḥrakın nısfı miqdârı çentâyânâ idḥâl olunur eger o 'alîl iki üç günü geç[ir]irse o iki remâddan mütteḥâz devâdan yevm-i evvelde saḳ olunan miqdârın iki dıfı saḳy olunur ve bizim ḳarîben zıkr edeceğimiz edviyenin ḥâli dahi onun gibidir ya'nî üç gün mürûrundan sonra iki katı saḳy olunur ve yedi günden sonra ad'âfî tekşîr olunur. Velâkin bu eyyâmda cürḥün eṭrâfı şart-ı 'amîk ile ve maşş-ı şedîd ile maşş ve şart olunur ve onun üzerine biraz eyyâm dahi mürûr eylese onun cürḥünü tevsîrde mübâlağa olunmaz ve ifrât-ı tesvîr ḥasebiyle îlâm olunmaz, zîrâ o tevsîrde fâide-i keşîre olmaz belki cürḥün meftûḥan beḳâsı için ictihâd olunur, zîrâ o vâkte semm münteşir olmuştur; ifrât-ı tevsîr bir nesneden muḡnî olmaz, ḥurûcu mümkün olan mevâdd-ı semmiyyenin ḥurûcuna münfetih olan cürḥ-ü ḳadîmi kifâyet eder ve o şukbe-i meftûḥa ile ḳanâ'at olunur ve o tedbîre o 'ille-tin tedâbîr-i sāiresi idāfe olunur ya'nî onda tiryākāt-ı mezkûre ve istifragāt isti'mâl olunur.

Ve müşâbih olur ki semmin intişârı dört günde ola eger ma'ḍûd ḳavî ise ve ba'dı kerre dört günden ekâlde dahi münteşir olur. Ve ba'dılar dediler ki ekşer-i ḥâlde bir üsbû'da münteşir olur. Ve kaçan mevâdd-ı semmiyye intişâra mübâderet eylese bizim zıkr eylediğimiz mâni'-i intişâr olan cevâzib isti'mâlinde isrâ' olunur.

Ve cevâzibde keyye mu'âdil bir şey yoktur ḥattâ müddet zıkr olunan miqdârdan atvel olup mādan feza' ḥudûsı ḥavf olursa o müddetten sonra keyy-i 'azîme mübâderet olunur ve ba'd olmaz ki o keyy-i 'azîm cevher-i semmi ifnâ edip bâ'îş-i necâḥ ola, zîrâ cevher-i semmi keyy-i 'azîmin cezb ve ifnâsı cevâzib-i sāirenin cezbinden ekşerdir. Ve eger keyy-i 'azîme mâni' ve 'âik var ise o keyy maḳâmına ḳâim olan [539b] edviye isti'mâl olunur, merhem-i milḥ ve edviye-i muḥmerreden ḥardal mişli ḍımâden isti'mâl

olunur. Ve bu mişlli evkâtta elbette onlar hammâma idhâl olunmazlar hattâ şıhâte ikbâl edince kadar, zîrâ zîkr olunan evkâtta sen onları hammâma idhâl eylersen katl etmiş olursun. Ve deyildi ki onları âbzende iclâs nâfi'dir. Muşannif der ki benim zannım üzere âbzenin nef'i evâil-i 'illete maşşûştur. Ve vâcib olur ki berdden tevaşkî oluna.

Ve zîkr olunan vâkıtte ve ba'dehu sen faşda muhtâc olursun ve o vâkı-i hâcette faşd dahi eyle velâkin o 'alîli demine nazardan men' eyle. Ve kaçan kalîlen şıhâte teveccühünü rü'yet eylesen i'tidâl üzere onu tahşîm ile tervîd eyle ya'nî onu müvâcehende iclâs edip îzâ ve igdâb etmekle riyâdet ettir ve i'tidâl üzere hammâma idhâl edip keşîren mâ-ı fâtiri şabb eyle ve onu delk ve dühn-i mu'tedil ile temrîh ile. Ve kaçan onun emri sudan feza'a bâliğ olursa yine o tedbîrden cübûn ve havf eyleme mādâm ki mir'âta nâzar eyledikte kendi yüzü görmemek mertebesine bâliğ olmadıkça. Ve kavim dediler ki ba'dı kerre onlar âyîne de kendi yüzünü görmezler ve ma'a-zâlık ba'dı kerre zann ederler ki âyîne de kelb vardır, pes o hâle bâliğ olmayan kelib insân her ne kadar sudan feza' ederse ona sen zîkri sâbık içinde hadîd mükerreren itfâ olunan suyu saşy eyle ve o vâkıtte ma-ı mezkûru onlara saşy ni'me'l-îlâc olur, pes onu saşyde zîkr-i âtî hileye ve mümkün olan hîyel-i sâireye mürâ'ât ile saşy eyle. Ve eger onu saşyda şiddet ve ikrâha dahi muhtâc olur isen ikrâh ve teşdîd dahi eyle ve mi'cesi üzere müberri-dât ile taqmîd eyle. Ve munâsafeten su ile memzûc olan şarâbın bi-hase-bi't-tecribe nef'i 'acîbdir. Ve bu vâkıtte o devâ nâfi'dir ki onun şıfatı budur:

İnfeha-ı erneb ve İskenderiyye'den meclûb olan tîn-i buhayre ve habb-ı 'ar'ar ve çentâyânâ her birinden dörder dırahmî, habb-ı gâr ve mürr her birinden sekizer dırahmî; bu edviyeler aḥz olunup 'asel ile ma'cûn kılınır, miqdâr-ı şerbeti bâkılât-ı Mışriyye miqdârı olur.

Devâ-i Uḥrâ: Havâtîm-i buhayre, habb-ı 'ar'ar her birinden onar, infehatu'z-zaby dört, infehatu'l-erneb altı, zerâvend-i müdahrec, habbu'l-gâr, mürr, hamâmâ, bezr-i sezâb-ı berrî her birinden üçer dırahmî; onlar tedbîr olunup şarâb-ı hulv ile ma'cûn kılınır ve ba'dehu 'asel ile dahi ma'cûn kılınıp şerbet-i vâhidesi bâkılât miqdârında kılınır.

Devâ-i Uḥrâ: Tîn-i mahtûm sekizer mişkâl, habb-ı dehmet o miqdâr, infeha-ı [erneb] on altı, infeha-ı zaby otuz iki dirhem, uşul-i çentâyânâ dört,

mürr dört; ‘asel ile ma‘cûn olunup imsāk olunur ve vakt-i hâcette şerbet-i vâhidesi hımmāşa miqdârı kılınır, mā-ı hârr ile saqı olunur.

Ve ba‘dı nās dediler ki bir kimse üzerinde kelb-i kelibin nâbını getirse ve ta‘lîk eylese ondan kelb-i kelib münharif olur ve onu kaşd eylemez ve kezâlik gayr-i kelib olan kilâb-ı sāire dahi ondan münharif olur velâkin o kavlı mu‘temed değildir.

Edviye-i Meşrûbe: Onlardan basîta olan hudaḍ ve hiltût ve efsentîn ve ca‘dedir ve şarâbla tîn-i mahtûm ve şûnîz ‘acîbdır hattâ o devânın lügat-ı Yûnân’da ism-i “nef”den müştakḳ bir ismdir. Bu bâbda ya‘nî kelb-i kelib mu‘alecesinde nef-i ‘acibî olmakla mürrün dahi nef’i şürben ve dımâden ceyyid olur. Ve kavm dediler ki o mu‘alecede çentâyânâdan ve kezâlik kemâderyûstan enfa‘ bir devâ yoktur. Ve ba‘dılar hikâye eylediler ki ‘uyûn-ı serâfî şürb olundukta onlardan bu bâbda enfa‘ olur. Ve ba‘dılar dahi dediler ki cerv¹⁹⁷-i şağîrin infehası su ile saqı olursa ‘âfiyet hâşıl olur. Ve ba‘dılar dahi zu‘m eder ki kelb-i kelibin kendi demi ‘ilâc olur velâkin ben ona ikdâm ve cesâret eylemem.¹⁹⁸ Ve kezâlik kelb-i kelibin kebid-i meşvîsini ve huşûşân mu‘alece olunan kimseyi ‘aḍḍ eden kelbin kebidini ekl dahi demini ekl gibidir. Ve kezâlik o ‘alîle ba‘de’l-feza‘ mine’l-mâ kelb-i mezkûru ve kelb-i mezkûrun qalbini veyâhûd ḍabu‘a-i ‘arcâ cildini sen meşviyyeten iṭ‘âm eyle. Ve dediler ki mâhvîdâne, cünd-i bîdester ile o hâl mişllide saqı ve ondan mec‘ûl olan şiyâfe dahi ihtimâl olursa ondan ‘alîl intifâ‘ eder ve feza‘ı zâil olur.

Ammâ Meşrûbât-ı Mürekkebe: Devâ-i Cālînûs ve tiryāk-ı kebîr bizim bundan aḳdem zîkr eylediklerimize qarîbdır, o devâ budur: Sereṭân-ı nehrî-i muhrâk, çentâyânâ her birinden beşer, kündür, futenec her birinden üçer, tîn-i mahtûm iki; bu mezkûrlar aḥz olunup ‘ale’r-rîk üç dirhem ve ‘aşıyyen dahi üç dirhem mā-ı fâtir ile saqı olunur ve bu minvâl üzere eyyâm-ı keşîre ve ‘alâ-qavlin kırk gün isti‘mâl olunur.

Onlara Nâfi‘ Olan Devâ-i Zerârîḥ Nüşhası: Qavâimi ve rü‘ûsu ve ec-nihâsı mentûfe zerârîḥ-i simândan bir cüz’ ve ‘ades-i muḳaşşer bir cüz’ ve

197 “Cerv” köpek eniği.

198 Adem-i cesâretin vechi budur ki onun ahlâṭı semmdir ve semmi tenâvülde ḥaṭar vardır.

za'ferân ve sünbül ve karanfül ve fülful ve dâr-ı şînî her birinden südüs cüz' aḫz olunup cem'ran saḫḫ-ı nâ'im ile saḫḫ ve ḥuşuşan zerārîḥ saḫḫı ziyâde nâ'im kılınır ve mâ ile ma'cûn kılınır ve ondan her kuruşu iki dâniḳ olmak üzere akrâş ittiḥâz olunup küllü yevm mâ-ı fâtir ile bir kuruş saḳy olunur.

Ve eger meşânede maḡş olursa 'ades-i muḳaşşer ṭabîḥi ve dühn-i levz veyâḥûd zübd veyâḥûd semn şürb olunur ba'de'ş-şerbet ḥammâma idḥâl olunup âbzende bevl edince kadar iclâs olunur ve fûrûc-ı müsemminden mütteḥaz isfîdâc mişli ğidâ-i muratṭab isti'mâl olunur ve nebîz dahi saḳy olunup berdden muḥâfaza olunur.

Nüşa-i Muḥtaşara Li-Devâi'z-Zerārîḥ: Zerārîḥ-i mentûfe aḫz olunup râib içinde bir gün ve bir gece naḳ ve ba'dehu o râib zerārîḥten şabb olunup o zerārîḥ râib-i âher içinde ke-mâ fi'l-evvel bir gün ve bir gece terk olunur, üç def'a bu minvâl üzere naḳ olunduktan sonra zılda tecfîf olunur ve bir mişli 'ades-i muḳaşşer ile saḫḫ olunup ondan akrâş ittiḥâz olunur ve şerbet-i vâhidesi iki dâniḳ kılınıp şarâbla veyâḥûd mâ-ı fâtir ile saḳy olunur. Ve 'alîl onu şürbü eylese 'araḳa esbâb-ı 'araḳtan mümkün olan bir şey ile veyâḥûd iddişâr ile tevaşşul eylesin ve eger onun meşrûbu kerb iḥdâs eyledi ise o meşrûbun üzerine bir sükerrece zeyt veyâḥûd semn isti'mâl eder ve onlar âbzen ve âbzen bevl dahi mürâ'ât eder ve kaçan dem bevl eder ise feza' mine'l-mâdan emn ḥâşıl olur.

ed-Ḍimādât ve Naḥvuhâ: Bu aḍmide mevâdd-ı semmiyyeyi cezḅ ve cürḥü tevsîr eder, o ḍimādât bunlardır: Ḥılṭîṭ ḍimâd-ı ceyyiddir. Ve dediler ki kelb-i kelib kebidi ile ḥılṭîṭ taḍmîd olunsa cidden nâfi' olur ve bir cemâ'at ona şehâdet eylediler. Ve onlara şûm hem ḍimâd ve hem şerbet olur ve semek-i mâliḥin laḥmı onlara ceyyid-i bâliḡ olur. Ve cürḥten bi-ḳuvvetin cezḅ eden bevl-i insândır bevl-i insân-ı mu'taḳ 'aḍḍa üzere vaḍ olunsa ve ḥuşuşan naṭrûn ile vaḍ olunsa mevâdd-ı semmiyyeyi cezḅ eder. Ve remâd-ı kermi vaḥdehu veyâḥûd ma'a'l-hall isti'mâl olunmak nâfi'dir. Ve kezâlik na'nâc ma'a'l-milḥ ve'l-câvşîr 'acîb ve nâfi'dir; kıssâ-i bostânî varâḳı onlara şedîdü'n-nef'dir ve aṣl-ı râziyânec dahi onlar gibidir.

Ve ḳavm dediler ki mevdi'-i 'aḍḍa ğirâ-ı semek ile mirâren itlâ olunsa onun menfa'at-ı 'acîbesi olur ve neml-i medḳûḳ dahi onun gibidir. Ve kezâlik zencâr, milḥ her birinden dörder, şaḥm-ı 'acâcîl on iki bu mezkûrlardan

merhem kılınır. Ve kezâlik leblâb üç dirhem, būrak iki, zebedü'l-baḥr bir, milḥ dört, şaḥm-ı ıvezz on ve iki şülüṣ, dühn-i ḥinnâ miḳdâru'l-ḥâcet.

Onlara Sakı-ı Mâ İçin İhtiyâldir. Ve zıkr eylediler ki Filâğriyûs miṣlliler ḍabuṣ cildinden ittiḥâz olunan inâ içinde sudan fezaṣ eden insân-ı kelibe sakı olursa şürb eder. Ve baḍı âḥer dediler ki cild-i ḍabuṣ ile mestûr olan inâ-ı sāireden dahi şürb eder ḥuşûşân ki o inâ ḥaṣebden veyâḥûd kelb-i kelibin cildinden mütteḥâz ola. Ve baḍılar dahi dediler ki mütevaḍḍiât hatunların silindikleri ḥırka-i vuḍû'u inânın altına veyâḥûd üstüne vaḍṣ olursa ondan dahi şürb eder. Ve o [540a] ṭavâyifin bâkileri dediler ki ihtiyâlât-ı mezkûrenin birisi müfid olmaz. Ve baḍılar bu vech ile ihtiyâl ederler ki bir bûlbüle¹⁹⁹-i ṭavîleler ittiḥâz edip onun bir tarafı ṣalîlin femine idḥâl olunur ve taraf-ı âḥeri mekân-ı baḥdde kılınıp o taraf-ı baḥdden su şabb olunur ve o miṣlli enâbîb dahi ittiḥâz olunur ḥuşûşân zehebden ittiḥâz olunur. Ve sakı-ı mâya ḥiyeldendir ṣakîd-i ṣaselden veyâḥûd şemṣden eşyâ-ı mücevvefe ittiḥâz olunup içine mâ doldurulur ve onu belṣ eyle diye emr olunur.

Kaplan ve Pars ve Arslan ṣAdḍaları ve Meḥâlibleri Cirâhatleridir

Bu sibâḥlar ve eşbâḥları kilâb-ı selîme gibi değildir, zîrâ onların enyâb ve ḥâlibleri ṭabîṭat-ı semmiyyeden ḥâlî olmazlar, ona binâen onların mec-rûḥlarına evvelâ cezb ve baḍehu ilḥâm ile muṣâlece olunur velâkin cezb-i kalîl ona kifâyet eder.

ṣAdḍu't-Timsâḥ

Bir kimseyi timsâḥ ṣadḍ eylese ṣadḍ-ı kelb-i selîm bâbında zıkr olunan tedâbir ile onlara tedbîr olunur ve minvâl-i meşrûḥ üzere semm dahi cezb olunur her ne kadar selîm ise ve onu cezb ṣasel ve naṭrûn miṣlli vaḍṣ olunmakla olur. Ve kaçan tenkıye-i cürḥ ḥads olursa o cürḥün içi semn ile ve şaḥm-ı iyyel ve şaḥm-ı ıvez ve ṣasel ile doldurulur ve baḍehu ilḥâm olunur. Ve ṣadḍ eden ḥayvânın şaḥmı maḥḍûda enfaṣ-ı eşyâ olur. Ve baḍı ḥukemâ dediler ki timsâḥ bir kimsenin baḍı bedenini ekl eylese ona dahi şaḥm-ı timsâḥ şifâ olur.

199 “Bûlbüle” kilindir ve kaz enli bardak. Niṣmetullâh.

‘Add-ı Kırd

Bir kimseyi kırd ‘add eylese onun semmini ceẓb eden edviye vađ olu-
nur eger onda semmiyyet var ise ve onun ceẓbi remād ve ĥall ve başal ve
‘asel ve levz-i mürr ve tīn ve ĥuṣūṣan benc veyāḥūd mürdāsenc ma‘a’l-milḥ
ve aṣl-ı rāziyānec ma‘a’l-‘asel miṣlliler ile olur ve onun veremi suda idāfe
olunan mürdāsenc ile teskīn olunur ve ṣūnīz ve ‘asel ve kirsenne ve ‘asel ile
teftīḥ olunur.

‘Addu’s-Sinnevr

Kedinin ‘addına bađı kerre veca‘-ı ṣedīd ve ğudret-i cism ‘arıđ olur ve
onların ‘ilacı ‘ilāc-ı ‘āmm olur ve onlara đimād-ı başal ve fūtenec-i berrī
đimādını tađmīd ile onları ekl ile ‘ilāc olur ve kezālik ṣūnīz ve simsimden
biri su ile đimād olunur.

‘Add-ı İbn ‘Urs

Kavm dediler ki onun veca‘-ı ‘addası serī‘an fāṣ olur ve mevđi‘-i ‘adda-
nın levni kümūdete olur ve onun ‘ilacı bizim karīben zıkr eylediğimiz başal
ve ṣūm ile đimād ve onları ekl ile olan ‘ilāca karīb olur ve ṣūm ve başalı ekl
eyledikten sonra ṣarāb-ı sırf tenāvül olunur ve onlara tīn-i ficc burçak unu
ile tenāvül olursa nef‘i olur. Ve deyildi ki kitāb-ı tiryākta muḥarrerdir ki ibn
‘urs selḥ olunup meslūḥu ibn ‘ursun ve sāir kelb-i kelibin mevđi‘-i addaları
üzerine vađ olursa ceyyid-i nāfi‘dir, fi’l-ḥāl berā‘et ḥāṣıl olur.

‘Ađa-ı Mūgālī ki Ona Qalā Dahi Derler

Bađdılar dediler ki mūgālī ibn ‘urstan ṣaġīr bir ḥayvāndır ve onun levni
levn-i rümde[ye] māildir ve leṭāfet ve dıġkāt üzeredir ve femi ġāyet üzere
ṭavīl ve ġāyet üzere vāsi‘dir. Ve dediler ki kaçan o ḥayvān bir ḥayvā-
nı görse ona ṭafre edip ḥuṣyesine ta‘alluḫ eder. Ve bađdılar dediler ki o
mūgālī fāre ṣūretindedir ve fār levnindedir velākin ḥatmı ya‘nī muḳad-
dem-i femi muḥaddeddır ve gözleri ṣaġīredir ve esnānı üç ṭabaḳadır, o
ṭabaḳaların bađı bađı üzere vāḳi‘dir ve o esnān fevke ta‘ḳīf-i yesīr ile
mu‘aḳḳafadır ya‘nī fevḳ cānibinde i‘vicāc üzeredir. Ve ḳavm dediler ki

onun 'aḍḍasından veca'-ı şedîd 'ārîḍ olur ve bedende naḥs ve bedenin mevâḍı'ında bi-ḥasebi enyâbihâ ḥumret olur ve 'aḍḍasının ḥavâlîsinde ruṭûbet-i demeviyye ile memlûvve nüfâḥât olur ve o nüfâḥât kavâ'id-i kemide üzere olup o kavâ'id-i muḥîṭ olan mevḍi' dahi kemid olur ve kaçan o nüfâḥât şakḳ olunsa tahtından laḥm-ı ebyaḍ ḥurûc eder ve 'aşab beyâḍı gibi ebyaḍdır ve şifâḳât şâhibidir ve ba'ḍı kerre o 'aḍḍada ihtirâḳ olur ve ba'ḍı kerre dahi te'ekkül edip helâk olur. Ve kavm dediler ki belki evvelâ ondan kayḥ-ı şadîdî seyelân eder ba'dehu ta'affün eder ve te'ekkül edip laḥmı sâḳıṭ olur ve ba'ḍı kerre onun emri em'âda maḡşa ve 'usr-i bevle ve bârid ve fâsîd 'araḳa mü'eddî olur.

el-İlâc: Etıbbâ dediler ki vâcib olur ki mevḍi'-i 'aḍḍaya kınne müfredeten veyâḥûd ma'a-ḥall vaḍ' oluna ve mâ-ı mâlih-i ḥârr ile ile tenṭil oluna ve mu'âlecât-ı 'âmmede fi'li resm olunan dahi işlene veyâḥûd o 'aḍḍa üzere sikencebîn ile daḳṭk-i şa'ır vaḍ' oluna veyâḥûd o dâbbenin kendi şakḳ olunup 'aḍḍa üzerine vaḍ' oluna. Ve vâcib olur ki 'aḍḍa ḥavâlîsine ve kezâlik 'aḍḍanın kendiye 'âkırḳarḥâ zerr oluna veyâḥûd ḥubbâzâ veyâḥûd şûm-ı medḳûḳ ve ḥardal vaḍ' olunur; bunları vaḍ' ve zerrin küllîsi 'aḍḍada verem yok ise işlenir ve eger verem mevcûd ise o 'aḍḍa-i müteverrima üzere rummân-ı ḥulv ṭabḥ olunup ḍımâd olunur.

Ammâ onlara saḳy olunacak meşrûbât şîḥ-i Ermenî şarâbla muḡlâ kılınıp saḳy olunur ve circîr veyâḥûd nemmâm veyâḥûd bi-şarâbı cevzi's-serv veyâḥûd 'âkırḳarḥâ veyâḥûd bezr-i circîr ve kırtım saḳy olunur ve aḳvâ olanlardan buḥûr-ı meryem ma'a's-sikencebîn veyâḥûd cāvşîr veyâḥûd aşl-ı çentâyânâ saḳy olunur; cedy ve ḥarûf infehaları cidden ceyyid olur. Ve onlara leben ma'a's-sikencebîn saḳyının nef'-i bâliḡi olur. Ve ba'ḍı 'ulemâ dedi ki onlara enfa'-ı eşyâ ḡârin varâḳ-ı raṭbının 'uşâresini ma'a-şarâb saḳy olur veyâḥûd ṭabîḥ-i circîr ve ṭabîḥ-i kaysûm ve ma'a's-şarâb ṭabîḥ-i leblâb bu eşribeden biri saḳy olunur. Ve onlara mey'a dahi ceyyide olur şarâbla saḳy olunursa ve kezâlik o eşyâları 'alâ-ḥâlihâ bâḳıye iken ekl dahi ceyyid olur. Ve kaçan müḡâlî 'aḍḍasında olan laḥm-ı fâsîd sâḳıṭ olsa onun ḳurḥasına 'ilâc-ı ḳurḥa ile mu'âlece olunur.

Beşinci Makāle Haşerâtın Lüsû'u ve 'Uđūdudur
Bu Makālede Biz Les'-i 'Aķāribi ve Rüteylā ve Zenābīr ve
'İzāyāt ve O Mecerāya Cārī Olanları ve Onların
Tiryāklarının Bir Miķdārını Zikr Eyleriz
Onlardan Bu Cümle Berrī 'Aķārib Beyānındadır

Bir kavm dediler ki 'akreb-i ünsā bi'l-cümle 'akreblerin ekberidir, zīrā 'akreb-i zeker daķık ve naķıf olur ve 'akreb-i ünsā semīne ve 'azīme olur velākin ibreleri 'aks üzere olup ibre-i ünsā daķıķa ve ibre-i zeker ğalīza olur. Ve ba'dı 'aķāribde iki ibre olur diye zu'm olundu ve o ba'dın zu'mu üzere o 'akrebin mevđi'-i les'inde iki şukbe olur ve mevđi'-i les'a bāride ve mevāđi'-i sāire müsahhane olur ve ahyānen mevāđi'-i sāire dahi bāride olur. Ammā cenāhı olup ŧayerān eden 'akreb kebīr olur ve çok vāķi' olur ki o ŧayerān eden 'akrebi riyāh estikte bir mevđi'e vukū'dan men' edip riyāh ile ma'an bir beldeden belde-i uhrāya sefer eder.

Ve 'aķāribin ħarezāt-ı zenebi muhtelif olur, kiminin zenebinde altı ħareze olur. Ve 'akrebin saŧveti ŧulū'-ı Şi'rā zamānında müştette olup lez'ini katl eder. Ve ba'dı 'aķāribin zenebinde olan ħarezeler altı ħarezeden eķall olur. Ve bir kavm zu'm eyledi ki elvān-ı 'aķārib dokuz levndir: bīd, ħumr, şufr, remid, kühb, ħudr ve bir nev'inin kendi zehebiyyetü'l-levn ve zübānātı ya'nī ayakları ve eznābı esved olur. Ve bir nev'i dahi ħumriyyedir, onun darbesinden naĥs-ı ibri' ihsās olunur ve ondan mü'ezzī veca' ħādīş olur. Ve bir nev'i [540b] dahi duĥānīdir, onun lez'inden iĥtilāt-ı 'aķl ve ħahķaha 'ārıd olur. *Ba'dı nüshada "ķahķaha" bedeline "ķaķķa" vāķi' olmuştur, ma'naları müteķāribdir.*

Ve ba'dı kerre 'akreb leđġından a'rāđ-ı rediyye 'ārıda olup sā'at-i darbinda verem-i şulb-ı aĥmer ħādīş olur ve veca' mümtedd olup bir kerre mültehib ve āĥer kerre bārid olur ve o vaķt-i bürüdetde melsū' taĥayyül eder ki kar topu ile ona recm olunur ve ona baġteten 'ārıd olur ve naĥs-ı ibre gibi naĥsı olur ve ona 'araķ ve iĥtilāc-ı şefe ve berd-i şefe 'ārıd olur ve bir şey'-i lezic ħazf eder ki o şey' şefeleri üzere cümüd eder ve kezālik şa'rında teķabbüb ya'nī ortası raķīķ olmak 'ārıd olur ve irti'ād ve berd-i eŧrāf olur ve ħuşuşan o ħaller darbeyi vely eden iŧrāķta ekser olur ve

cemî'an bedende istirhâ ve iki ürbiyyelerde nütû³ ve kadîbde imtidâd olur ve batında nefha olur.

Ve onun ba'đı kerre melsû'una đurât 'arîd olur huşuşan les'a esâfil-i beden-de olursa. Ve koltuklarında evrâm ve cüşâ-ı keşir olur huşuşan đarbe fevkte ola ve levninde tağayyür ve istihâle olur. Ve eger đarbe-i 'akârib şiryâna işâbet ederse ğaşy ihdâs eder. Ve eger 'akreb-i lâzi^c şedîdetü'r-redâ'et ise a'râđ dahi cidden rediyye olur ve ahvâl-i mezkûre ifât üzere olur ve benzer ki les^c keyy gibi ola ihrâkta ona müşâbih olur ve bedenin küllîsi berd hasebiyle müntefid olur ve şefeden ruţûbet-i lezice 'âlî olup şefe üzere cümüd eder ve kezâlik gözlerinden dahi ruţûbet seyelan edip mûklarda remaş cümüd eder istihâle-i sehanе münbasıt olur ve mak'ade hurûc eder ve zekere verem ve lisana ğılaз ve esnâna ıstıķâk ve a'đâ-i halkıyyeye teşennüc 'arîd olur ve ba'đı kerre esnânın ba'đısı ba'đı âher ile terekkeb edip teftihi kâbil olmaz ve o hâl delîl-i redî olur. Câlînüs dedi ki eger 'akreb đarbesini şiryâna işâbet ettirse ğaşy ve 'aşaba işâbet ettirse teşennüc ve verîde işâbet ettirse ufûnet ihdâs eder.

el-İlâc: Ona kavânîn-i 'amme ile mu'alece olunur ve milh ve câvers mişli ile mu'alece olunur. Ve onda 'ameli vâcib olan nesnelerin evveli bi-şurûtihi mevdi^c maşş olunur ve cezb-i semmde deyilenler dahi işlenir ve üzerine edviye-i hâdde-i latife ve serî'atü'l-iltihâb hıltit ve şüm ve 'akırkarhâ isti'mâl olunur, ammâ hizâ onun efdal-ı edviyesinden olur. Ve kezâlik rubb-ı rete ya'nî bunduk-ı hindînin rubbu ve bundukun küllîsi ve o haşışeler ki onun varakı merzencüş varakı gibi vech-i arđa 'ale'l-istidâre münbasıt ola ve o varak dâiresinin kütü bir şibr ola ve ta'mında lüzüçet ve mezâkı nebķ-ı ğađđ gibi olup su ile şürb oluna, fi'l-hâl veca'mı teskîn eder. Ve kavm biraz haşâyış ve eşcâr bi-esmâihâ zikr eylediler ki biz onları bilmeziz. Ve bir nebât dahi zikr eylediler ki o nebât bir zirâ^c mikdârı 'âlî olur ve üzerinde belaha şebîh ve ta'mı belah ta'mı gibi bir nesne zâhir olur, onu şürb fi'l-hâl veca'-ı les'ay teskîn eder. *Ve ba'đı nüsha hâmişinde şahh 'alâmeti ile tahrîr olunmuştur ki* ve o kavm bir şecere dahi zikr eylediler ki sâķı arđ üzere bir işba^c mikdâr mürtefi^c olur ve ondan aġşân-ı müsteviye nâbit olur. Ve lu'be-i berberiyye bu şânda ğâyete bâliğdir ve başal-ı isķil ekl olursa nefi 'acîb olur. Ve onlara tiryâķ-ı fârûķ ve meşrûdîtüs ve tiryâķ-ı 'azre ve tiryâķ-ı erba'a ve sencerînâ ve devâ-i hıltit dahi nâfi'dir ve

hıltît onlara devâ-i ceyyid olur ve fâşerâ ve hârmel el-ân mücerrebâttandır. Ve kırtım-ı berrî Cālînüs'un şehâdeti üzere onu imsâk teskîn-i veca^c eder; kırtım-ı berrî harâşif-i şâkke aşnâfındandır. Ve bir kavm dedi ki bîşten sim-sime mîkdârı sakıy olunsa veca^cı teskîn edip dârarını def^c eder ve kendi sem-miyyeti ile katl eylemez, zîrâ bîşin mîkdâr-ı kâtîli nısf dirhem olur.

Ve les^a-i 'akrebin edviye-i ceyyidesinden olur şûm. Şarâbla şûm tenâvül olunup henî'e olduktan sonra şarâb dahi şûrb olunur ve huşûşân şûm bir mişli cevze ile şûrb oluna ve şûmdan bir ûkıyyeye karîb tenâvül olunur. Ve şûmu tenâvül edip üzerine şarâb şûrb olunduktan sonra vâcib olur ki şedîdü'd-difâ olan bir mevdi^cde tedessür oluna ya'nî ıssı olan bir maḥal-ide örtü örtüne ve hîle olunup onun nuşbesi buḥâr-ı ḥârr üzere kılınmak mümkün olur ise o ḥâl üzere olmak ona nâfi^c olur ve bu tedbîrlerden ğaraḍ onu ta^crîk olur ve ta^crîkten dahi ğaraḍ mevâddı ḥârice tahrîk olur. Ve ḥam-mâmda ta^carruk onlara şedîdü'n-nef^c olur ve ḥamâmdan ḥurûclarından sonra şarâb-ı şırf şûrb ederler.

Onlara Nâfi^c Tiryâk: Zerâvend-i tavîl, çentâyânâ, ḥabbu'l-ġâr, aşl-ı ke-berin kışrı, uşûl-i ḥanḫal, efsentîn-i Nebatî, 'urûk-ı şufr, fâşerâ bu mezkûr-lar 'asel ile cem^c olunur.

Ceyyid-i Âḥer: Sezâb-ı berrî bezri, kemmûn-ı Habeşî, ḥandeḫûkâ bez-ri her birinden birer eksünâ aḥz olunup o edviye ma^ccûn olacak mîkdârı ḥall ile ma^ccûn kılınır ve şamg dahi o ḥalle lüzûcet verip edviyeyi edecek mîkdârı aḥlâtına idḥâl olunur ve onun şerbet-i vâhidesi bir dıraḥmî olur o kâdrdan ziyâde şûrb olunmaz, zîrâ ziyâdede ḥatar vardır belki ba^cde-sâ'atin uḥrâ şûrbe ḥâcet olursa nısf dıraḥmî şûrb olunur.

Âḥer: Şûm, cevz her birinden birer cüz², varak-ı sezâb-ı yâbis, hıltît, mürr her birinden nısf cüz²; bu mezkûrlar aḥz olunup o tîn ile cem^c olunur ki o tîn yumuşayıp 'aseli zuhûr edince kadar nak^c olunmuş ola ve onun şerbet-i vâhidesi üç dirhemdir, şarâbla şûrb olunur.

Tiryâk-ı Ceyyid-i Âḥer: Cünd-i bîdester, fülful-i ebyaḍ, mürr, afyûn veznleri berâber aḥz olunup akrâş kılınır ve şerbeti üç übûlûs kılınır, dört ûkıyye şarâbla şûrb olunur ve bu tiryâk rüteylâ 'aḍḍasına dahi nâfi^cdir.

Ve kezâlik cāvşır mürr kınne cünd-i bîdester fülful-i ebyaḍbu mezkûrlar mey'a ile ve bi's-seviyye 'asel ile ma^ccûn kılınır.

Devâ-i Sükkerî: Onun şıfatı budur: Uşûl-i hanızal, uşûl-i keber, efsentîn, zerâvend-i tavîl, zerâvend-i müdahrec, şarahşekûk veznleri berâber aḥz olunur; şerbeti şıbyân için iki dânik ve kebîr için bir dirhem kılınıp onun teʿsîrinin nazîri olmaz ve nefʿ-i ʿacîbî gâyetle bâliğ olur.

Meşrûbât-ı Sâiredir: Hiltîr eşribe-i ceyyidedendir. Ve kezâlik fâşerâ ve kezâlik kırdemânâ şarâbla bir dirhem miqdârı ve suʿd ve ḥabbu'l-âs ve bâdrûc ve onun bezri ve ḥummâd-ı berrînin bezri ve şarahşekûk ve hindebâ ve sekbî nec şürben ve tılâen ve futenec-i berrî ve sereṭân-ı nehrî leben-i ütün ile nâfiʿdir. Ve meldûğıne ʿArab aşl-ı hanızaldan iki dirhem miqdârı meshûkaten saḳy ederler ve nefʿ-i beyyin ile menfaʿati olur. Ve bir kavm dahi tecribelerinde milḥ-i ʿacînden bir keff kamîḥa istifâfını nâfiʿ buldular. Ve bir kavm dahi zuʿm eylediler ki üşnân-ı aḥḍar daḳḳ olunup elekten geçirildikten sonra ve semn-i baḳar ile maʿcûn kılındıktan sonra ondan iki mişkâle karîb aḥzın yaʿnî şürbün nefʿi ʿazîm olur.

Ve fücl ve bâdrûc ekl eden kimse ʿakrebdan mutaḍarrır olmaz. Ve cenâhı olmayıp cüssesi ʿazîme ve ḥarkûl ismi ile müsemma olan çekirge kurutulup şarâbla şürb olursa nâfiʿ olur. Ve şıka ve muʿtemedün ʿaleyh olan kimseler dediler ki ledîğ-i ʿakrebe afyûn, bezr-i benc veznleri berâber aḥz ve ʿasel ile maʿcûn kılınsa onu şürbün nefʿi olur. Ve bir kavm zuʿm eylediler ki midâd-ı Hindî şürben nâfiʿdir, tılâ nâfiʿ olduğu gibi. Ve gâriḳûn ʿacîbü'l-menfaʿattir. Ve ḥunşânın semeresi ve zehresi ve ḥâşşaten ḥabbu'l-gâr ve bezr-i ḥandeḳûkā ve varâḳ-ı fücl ve ḥizâ kâmiḥi dahi nâfiʿdir. Ve kezâlik zerâvend, şünîz, aşl-ı cāvşîr, bezr-i ḥarmel veznleri berâber aḥz olunur şerbet-i vâhidesi iki dıraḥmî kılınıp şarâbla saḳy olunur. Ve kezâlik ʿâḳırḳarḥâ, zerâvend her birinden birer cüzʾ, fülful nısf cüzʾ, şamğ-ı encudân bir cüzʾ aḥz ve cemʿ olunur ve şerbet-i vâhidesi miqdâr-ı bâḳılât olur. Ve kezâlik zerâvend-i tavîl, ʿâḳırḳarḥâ veznleri berâber aḥz olunup ʿasel ile maʿcûn kılınır; [541a] şerbeti iki dirhem kılınıp şarâbla şürb olunur. Ve kezâlik mürr, cāvşîr, afyûn veznleri berâber, fâşerâ dört cüzʾ; bu edviyeler aḥz olunup ondan akrâş ittiḥâz olunur. Ve kezâlik aşl-ı zerâvend-i tavîl kuşûru, ʿâḳırḳarḥâ her birinden birer cüzʾ aḥz ve miqdâr-ı vâcib saḳy olunur.

Ve bir kavm dahi dedi ki dürdî-i şarâbdan altı, kibrit-i aşfer sekiz, bezr-i sezâb üç, cünd-i bîdeste, bezr-i circîr her birinden ikişer dirhem; bu edviye

aḥz ve dem-i sülâḥfât-ı bahriyye ile cem^c olunur ve şerbet-i vâhidesi bir dirhem kılınıp beş ūkıyye şarâbla şûrb olunur.

el-Aṭliye ve'l-Aḍmide: 'Aḳreb ledğına 'aḳrebin kendi ve kezâlik zenebi ḍimâd-ı ceyyid olur. Ve kezâlik zeneb-i 'aḳreb tesmiye olunan nebât dahi nâfi^c olur. Bu nebât eşihhâya ḍimâd kılinsa taḥḍîr edip demi imâte eder, binâen 'aleyh zeneb-i 'aḳreb tesmiye olunur diye ba'ḍı zu'm eylediler.

Ve kaçan fâre şakḳ olunup les^c-i 'aḳreb üzere vaḍ^c olursa bi-ic-mâ'i'l-eṭṭbâ nâfi^c olur; ḍıfḍı^c dahi onun gibidir. Ve midâd-ı Hindî ile tılâ-yı biz tecrîbe edip veca'ının sükûnunu ve menfa'atını müşâhede eyledik. Ve kezâlik tîn-i ficcin lebeni, cünd-i bîdester, belâzur bunların nef'i dahi kavmin zıkr eyledikleri üzere 'acîb olur, veca'ı teskîn eder. Ve kıly bi-ḥall ceyyiddir. Ve kibrit-i hayy ma'a'r-râtîneç ve ilk-i buṭm ve semek-i mâliḥin laḥmı ve şûm-ı maṭbûḥ ve semn bu aḍmide ile ḥârren taḍmîd olunur. Ve kezâlik bezr-i kettân ve bezr-i ḥaṭmî müfreden veyâḥûd ma'an ve ma'a'l-milḥ ḍimâd olunur. Ve kezâlik daḳîḳ-i şa'ır, sezâbın 'uşâresi veyâḥûd ṭabîḥiyle isti'mâl olunur. Ve kezâlik hınṭa nuḥâlesi ḥur'-ı ḥamâm ve bâdrûcla ṭabḥ olunur ve o tılâ fi'l-ḥâl veca'ı müsekkîn olan edviye-i ceyyideden olur. Ve kezâlik ebû cehl karpuzunun kökü ve hindebâ ve ṭaraḥşekûḳ ve ḥamâmâ ma'a'l-bâdrûc tılâ-ı ceyyiddir ve merzencûş-ı yâbis dahi nâfi^cdir. Ve kezâlik milḥ-i bevl bir devâdır ki onun verâsında bir nâfi'in nef'i yoktur. Ve ḥacer-i maḥmî üzere ya'nî kızgın taş üzere sirke şabb edip 'aḳrebin ledğ eylediği 'uḍvu buḥârının üzerinde imsâk eylemek dahi nâfi^cdir.

Ve onlara nâfi^c olan neṭulât nuḥâle ṭabîḥî ve encüre ṭabîḥî olur ve bâbū-nec ṭabîḥî 'acîbdır. Ve mâ-ı baḥr müsahḥanen ve 'uşâre-i ḥandeḳûḳâ ve ṭabîḥ-i ḥandeḳûḳâ dahi 'acîbdır. Vezega zeyt içinde ṭabḥ olunup les'a üzere ḥârren taḳṭîr olursa onun nef'i 'acîb olur.

Cerrâre Tesmiye Olunan 'Aḳreb

Bu şımf 'aḳreb²⁰⁰ encudâniyyetü'l-cüleş ve ḥâddetü'l-eşnâb olur ve onun sümümü dahi ḥâddedir. Ve bu 'aḳreb Ḥûz'da ve ḥâşşaten 'Asker-i Mük-

200 'Aḳreb iki kısmdır, birine cerrâre derler, kuyruğunu sürür ve âherine şeyyâle derler, kuyruğunu fevke ref^c eder, kıvrır.

rem'de ve ma'âdin-i encudânda keşîrû'l-vücûd olur ve onun les'ası sâ'atin-ce ihsâs olunmaz belki yevm-i les'anın ğadında veyahûd ba'de-ğad ihsas olunur, zîrâ o vakıtlarda melsû'una kerb ve tağayyür-i levn 'arîd olur ve ba'dı kerre yerekân 'arîd olur ve lisânı teverrüm ve şefesi teğarruh edip dem tebevül eder ve ba'dı kerre tabî'atı muhtebise olur ve ba'dı kerre emri helâka rücû' eder, onun helâki hafakân ve ğaşy ile ibtidâ eder ve onun hiffet-i veca'ına mağrûren tedbîrinde ihmâl ve tehâvün olunmak câiz olmaz, zîrâ cerrârenin sümûmu redîdir.

el-İlâc: Ona mu'âlecât-ı 'âmmenden sonra ef'âl-i 'ilâc mev'dî' keyy edip meşrûbâtta mâ-ı hass-ı mürr ve mâ-ı şarî ve cemî'an muţfiyât olur ve huşuşan lehîb müştedd oldukta muţfiyât isti'mâlî elzem olur. Ve onun mu'âlecât-ı mücerrebelerinin ef'ali tuffâh sevîki mâ-ı bârid ile isti'mâl olunmakla olur. Bir kavm dedi ki ca'denin aşlı mâ ile şûrb olunsa nâfi' olur. Ve deyildiği üzere râsen ona devâ-i ceyyid olur ve tiryâk-ı 'askerî dahi ona ceyyid olur.

Nüşa-i Tiryâk-ı 'Askerî: Kuşûr-ı keber, çentâyânâ, efsentîn-i Rûmî, zerâvend-i müdahrec, şarâşekûk-ı yâbis; bu edviyeler cemî'an sahk olunur ve onun şerbeti iki dirhem kılınır.

Tiryâk-ı Âher: Şarâşekûk-ı yâbis, tuffâh-ı hâmid varakı, küzbere veznleri berâber ahz olunup onlardan üç râha istifâ olunur.

Ve eger ona iltihâb-ı şedîd 'arîd olduysa miyâh-ı fevâkih ile ve fevâkihîni 'uşârât-ı müberridesi ile teskîn olunur. Ve eger hafakân var ise tuffâh-ı şâfi şarâbı ve sevîk-i tuffâh ve akrâş-ı kâfur ile râib-i hâmid ona nâfi' olur. Ve eger kerb müştedd olursa ona miyâh-ı fevâkih dühn-i verd müberrid ile sahy olunur. Eger tabî'atı muhtebes ise ihtikân olunur. Ve eger dem bevl ederse faşd olunup bevl-i dem 'ilâcıyla mu'âlece olunur. Eger lisânında verem var ise tahte'l-lisânda olan ırk faşd olunur ve hindebâ suyuyla ve sikencebîn ile ğargara olunur. Ve eger ledğa-i cerrâre âkile ihdâş eylerse devâ-i hâdd ile mu'âlece olunup o hâdd devâ mev'dî' i les'aya vađ' olundukta eţrâfı ve nevâhîsi tîn-i Ermenî ile ve hall ile tılâ olunup devâ-i hâddın mađarratından havâlî şahîha vikâye olunur ve ona kûrûh-ı habîşe 'ilâcıyla mu'âlece olunur.

Aşnâf-ı ʿAnākib ve Şibşân ve Rüteylāvāt

Bu eşyâlarda hibresi olan aşhâb-ı mürâʿât ve erbâb-ı tecribeler dediler ki rüteylāvāt altı şınıftır velâkin o aşnâfı vaşfta ihtilâf eylediler. Ve etibbâdan muʿtemed olanların baʿdıları dediler ki aşnâf-ı sitteden şımf-ı evvel râğanûn tesmiye olunur, müdevverü'ş-şekl, ʿinebiyyü'l-levn yaʿnî levni sevâda mâil olur. Ve ikinci şımfı lûkûs tesmiye olunur, onun cismi şımf-ı evvelde aʿ-radıdır ve o dahi müdevverü'ş-şekl ve eczâ-ı rakabesinde ħurûz²⁰¹-ı zâhireler vardır ve ağzında üç cism vardır ki nâtî ve bâriz ve mütehalhîl ve emlestir. Ve şımf-ı sâlisine mürâşkayûn derler, onlar büyük karınca hacminde olurlar ve ona ʿucrûf tesmiye olunur, onun levni remidedir ve onun bedenini nâbite olan ecsâm-ı şıgâr-ı ħumr ihâta eylemiştir ħuşûşan o ecsâm zâhırında ekşerdir. Dördüncü şımfı saklîs ve faklündür, zîrâ onun cemîr-i bedeni şulb olur ve nemle-i kebîre gibi iki kanatları vardır. Ve şımf-ı hâmisî saklîlîkündür, onların cismi tavîl ve daķık ve bedeni üzere nuķat ħuşûşan başında ve boy-nunda nuķat ekşerdir. Ve şımf-ı sâdisî kâyûlakķis denmekle maʿrûftur, o şımf tavîlî'l-cism, aĥḍaru'l-levn olup taĥt-ı ʿunuķunda ibre gibi bir şey olur. Ve bu tafşîli eden tabîb her birisinin lesʿi için başka başka aʿrâḍ beyân edip şımf-ı ahîrde aʿrâḍ-ı zâideler beyân eyledi. Ve o tabîbin ġayrileri dediler ki rüteylâ bir dâbbedir ki fehd tesmiye olunan ʿankebûta müşâbih olur ve o ʿankebût zübâb şayd eden örümceklerdir.

Ve rüteylânın aşnâfı keşîredir. Ve Cālînûs'un zikr eylediġi üzere rüteylâ on iki şınıftır ve Mışriyye olanlar şerrlidir ve o aķsâmdan kimi ħumr olur ke-enne o ħamrâ ʿankebût müstedîredir. Ve bir şımfı dahi sevdâ-i duġâniyyedir, o dahi ʿankebûta müşâbihtir. Ve bir şımfı dahi rakṭâdır. *Ķāmûs'ta yazıldığı üzere “rakṭâ” “erķaṭ”ın müʾennesidir; “erķaṭ” o nesnedir ki esvedü'l-levn olup üzerinde niķâṭ-ı beyḍ olur veyâĥḥud ebyaḍu'l-levn olup niķâṭ-ı sūdu olur.* Ve biri dahi beyḍâ ve müdevveretü'l-baṭn olur, femî saġîr ve kevkebiyye ve arkalarında ħuṭûṭ-ı berrâķadan cüded olur. Ve bir şımfı dahi şafrâ ve zaġbâ olur yaʿnî henüz zuhûr etmiş kuş yavrularının yeleġinde olan tüylere müşâbih nesneler olur. Ve bir şımfı dahi ʿinebiyye denmekle maʿrûftur ve o ism şımf-ı mezkûre maĥşûştur, onun ağzı vasaṭ-ı reʿsinde

201 “Ĥurûz” “ĥarze”nin cemʿidir, boġumlar vardır demektir. [Bu kelime münasip görülmüyor, her hâlde “ĥurûz” olmalıydı!]

olur ve ayakları kışâr ve halfe mâildir ve kaçan les^c eylemek murâd eylese iki ayağı üzere kalkıp ʿâlî olur ve darb murâd eylese ruṭûbet-i yesîre kazf eder ve bu şımf-ı ʿinebiyye ülâdan elṭaf olur. Ve bir şımfı dahi nemliyyedir, karıncaya benzer ʿunuḳları ḥumr ve reʿsleri esved ve arkaları beydâ olup elvân-ı muhtelifle ile münakḳaṭa olur. Ve bir şımfı dürüciyye ve bir şımfı zünbüriyye-i ḥamrâdır, zünbüra müşâbihtir ve bunların her birine Cālînüs aʿrâḍ zıkr eyledi. Ve bir şımfı dahi kirsenniyyedir, o şımf kirsenniyye tesmiye olunduğunun vechi budur ki ke-enne o ḥayvân kirsenne yaʿnî burçak gibi müdevverdir, femi şaḡîre, batnı aşkar ve kavâyimi yaʿnî ayakları ebyaḍ ve zegabı keşîr olur. Ve ammâ evvelâ zıkr olunan Mısrıyye ḥabîse ve batnı ve reʿsi [541b] kebîr ve şemʿin etrâfında ṭayerân eden zübâba müşâbih olur.

Rüteylâ Lesʿasından ʿÂrıḍ Olan Aʿrâḍı Bi'l-Cümle ve't-Tafşîl Beyân Eyleriz

Cālînüs der ki rüteylâ lesʿası ʿakreb lesʿası gibi gâiş olmaz, ona binâen onda ʿaraḳ ve ihḍîrâr olmaz. Ve rüteylâyı bundan aḳdem altı kısıma taḳşîm ve her kısıma zıkr-i sâbıḳı üzere birer ism ile tesmiye eden baʿḍ dedi ki bi'l-cümle o aḳsâm-ı sittenin mevḍî-i lesʿaları teverrümde müşterek olurlar ve eḳall-ı evḳâtta mevâḍî-i lesʿ ḥamrâ ve ekser-i evḳâtta kemide-i ḥaḍrâ olur, mevḍî-i lesʿanın kendide ve ḥavâlisinde ḥukāk olur ve baʿḍı kerre ḥikke sâḳa mümtedde olur ve o baʿḍın ḡayrileri aʿrâḍı ziyâde kılıp dediler ki o veremde cidden nütû olmaz ve iltihâb dahi olmaz. Ve baʿḍı evvel yine dedi ki onların lesʿalarından aʿḍâ-i ʿaşabiyyelere ve ʿizâma bürüdet-i dâime ʿârîḍa olur yaʿnî rûkbe ve ḳaṭan ve zahr ve ektâf mişlli mevâḍî'e bürüdet-i mezkûre ʿârîḍa olur ve baʿḍı kerre bedeninin küllîsi bârid olup mürteʿid ve mürteʿiş olur. Ve o baʿḍ yine dedi ki onda vecaʿ-ı şedîd müberriḥ ve seher ve levn-i vechte şufret olur ve ʿaynlarda taḥayyül olunur ki onlar vech-i muʿtâddan ertâbdır, onlardan mütevâtiren dem teḳâṭur eder ve esfel-i batnlarında ḥuşuşan ḳurb-ı ʿânede ferâḡ ve ḥalâ gibi boş mevâḍî'e olmak taḥayyül olunur ve ondan mâdde-i mâiyyeyi defʿi ṭabîʿata aḥz edip fevḳten ve esfelden defʿ eder ve baʿḍı kerre o ḥâric olan mevâdda nesc-i ʿankebût gibi nesneler zuhûr eder ve iki ürbiyyelerde ve ünşeyeynde intifâḥ olur ve mefâşılta teşennüc gibi teḳabbuḍ olup müsteviyeten inbisâta ḳarîb olmaz

ve veca^c-ı fu'ād ve ğaşeyān ve bedenden 'araḫ-ı bārid tereşşuḥu olur ve ba'ḍı kerre bersāmı olanların şudā^cı gibi onlarda şudā^c dahi olur. Ve āḫer ba'ḍlar ziyāde edip dediler ki onların vechlerine şufār ve bedenlerine şıḳal 'ārıḍ olur ve bevl için kıyām ve hareket eder velākin bevlinde 'usret olur ve ba'ḍı kerre bevlinde 'ankebūt gibi bir şey³ ḥurūc eder ve ba'ḍı kerre ḳaḍīb ve rükbe ve 'ānesine temeddūd-i şedīd 'ārıḍ olur ve kezālik mi'cesi dahi mütemeddid olur ve lisānına inkisār ve ḥabse 'ārıḍ olup evcā^cı dahi müştedde olur. Ve yine ba'ḍı evvel dedi ki ammā nev^c-i sādise ḥāşş olan a'rāḍ budur ki o nev^c rüteylā les'asından ḥikāye eylediği üzere mi'dede veca^c-ı şedīd ve cidden şedīd intifāḥ ve cidden keşir ihtilāc olur ve bu mezkūrlar bir ḳāl idi ki onları o iki ḳavm zıkr eyledi.

Ammā Cālīnūs'un ve ğayrilerin zıkr eyledikleri tafşıl budur ki onlar derler ki ammā o on kısmdan nev^c-i aḫmer les'inden veca^c-ı yesir serī'ü's-sükūn 'ārıḍ olur ve sevdādan ve rakḫādan veca^c-ı şedīd 'ārıḍ olur ve onda ḥikke ve iḫşī'rār ve berd ve ra'şe ve iki faḫizlerde şıḳal olur. Ammā beydā olup baṭnı müdevver ve femi şaġir olan nev'in les'inden veca^c-ı yesir ve ḥikke ve maġş ve istirḫā-i baṭn ve ihtilāf olur. Ammā kevkebiyye les'inden veca^c-ı müştedd ve ḥikke ve ḳuşa'tiret ve ḫader ve şıḳal-i re's ve istirḫā 'ārıḍ olur. Ammā 'inebiyye ledġından mevḍi^c-i ḍarbede veca^c-ı şedīd ve küll-i bedene bürüdet ve iḫşī'rār ve irtī'āş ve küzāz ve 'araḫ-ı seyyāl-ı bārid ve inkıṭā^c-ı şavt ve küllen ḫader-i cesed ve verem-i baṭn ve tevātür-i ḳaḍīb ve in'āz ve ma'a-ġayri irādetin bir şey³ ḳazf ve bevl-i kedir 'ārıḍ olur. Ammā sevdā-i duḫāniyye ḥabīsedir, o nev'in ledġından veca^c-ı mi'de ve tevātür-i ḳay³-ı dāim ve şudā^c ve su'al-i mütetābi^c ve ḫaşr 'ārıḍ olup serī'an ḳatl eder. Ammā şafrā-ı zaġbā les'asının veca^cı cidden şedīd olup ra'şe ve 'araḫ-ı bārid ve intifāḥ-ı baṭn ihdāş eder ve keşiren ḳatl eder. Ve ba'ḍılar 'inebiyye les'i a'rāḍına bir şey³ dahi ziyāde edip dediler ki onun les'inden in'āz ve tevettür-i ḳaḍīb ve inkıṭā^c-ı şavt ve ḳazf-i menī ve küzāz ḫādiş olur velākin o ba'ḍ tecribesinde mu'temed kimse değildir. Ammā nemliyyenin les'i selim ve elemi ḳalīl, ammā derüciyye les'inden beden teneffuḫ eder ve lisān şaḳīl olur. Ammā zünburiyyede mevḍi^c-i les'de verem olur ve küzāz ve sübāt ġālib ve iki rükbelerde ḍa'f olur. Ammā kirsenniyye onun a'rāḍı ḥabīsedir, ḍararı 'inebiyye ḍararından ekşerdir velākin onların a'rāḍları beynlerinde

mücânese vardır. Ammâ Mısrî rüteylâ habîstir, onun çarbindan şudâ^c-ı şedîd ve sübât ʿarîd olup onların helâkine müʿeddî olur.

el-İlâc: Onların dahi ʿilâclarında cezb ve maşş ile olan kânûn-ı küllî istiʿmâl olunur ve mevdi^c-i lesʿa mâ-ı milh ile hârren tılâ olunur ve bâbu'l-ʿaķâribde zıkr olunan tiryākât sakı olunur ve onların vecaʿlarını teskînde ham-mâm ve âbzen esra^c-ı muʿâlecâttan olur ve onlar âbzende her kaçan meks eyleseler vecaʿları sâkin olur ve kaçan hurûc eyleseler yine ʿavdet eder ve onlara vâcib olur ki küllü sâʿatin istiḥmâm eyleyeler.

Rüteylâya Ceyyid Tiryaktır: Ve bu tiryāk rüteylâya ceyyid olduğu gibi tinnîn-i bahrî ve ecnâs-ı ḥayyâta dahi ceyyiddir; onlara semûriyâ ve tarûgûn tiryâkları nâfi^c olduğu gibi bu şıfat üzere olan devâ dahi nâfiʿdir: Fülful-i ebyad, zerâvend, süsen-i âsmâncünî, aşl-ı nârdîn, ʿâķırķarḥâ, dükû, ḥarbak-ı esved, kemmûn-ı Ḥabeşî, varâķ-ı yenbûb, efrenîtürün,²⁰² aķmâ^c-ı rummân, infēḥatu'l-erneb, dâr-ı şînî, sereṭân-ı nehrî, meyʿa, ʿuşâretü'l-ḥaşḥâş, ḥabbu'l-belesân; bu edviyelerin her birinden birer ûķıyye aḥz olunup daķķ olunur ve keber ʿuşâresi ile maʿcûn kılınıp ondan akrâş ittiḥâz olunur ve her ķurşu bir dıraḥmî ve her şerbeti bir ķurş kılınıp şarâbla sakı olunur. Ve baʿdı nüshada aşl-ı süsen-i ebyad ve ʿidân-ı belesân ve bezr-i ḥandeķûķâ ve cevz-i serv ve bezr-i kerefs mişlliden terkîb olunmuştur.

Eşribe-i Sâire: Ḥabbu's-şanevber ve kemmûn-ı Ḥabeşî ve çınar ağacının varâķı ve ķuşûru ve bezr-i ḥandeķûķâ ve ḥımmaş-ı esved ḥuşuşan berri ḥımmaş-ı esved ve ḥabb-ı âs cidden ceyyiddir. Ve bezr-i ķaysûm ve bezr-i şibt ve zerâvend ve şemeretü't-ṭarfâ ve ḥayy-ı âlem ʿuşâresi ve leben-i ḥass-ı berri; bu edviye dahi meşrûben nâfiʿadandır ve hangisi sakı olunur ise ondan iki mişķâl miķdârı sakı olunur ve şarâbla şûrb ederler. Ve kezâlik içinde cevz-i serv ṭabḥ olunan şarâb nâfiʿdir ḥuşuşan dâr-ı şînî ile şûrb oluna. Ve sereṭânât meraķı ve ıvezz meraķı ve helyûn aşlının ṭabîḥi şarâbla sakı olunur. Ve onlara sakı olunan mürekkebâtın ceyyidinden olur zerâvend, kemmûn veznleri berâber cemʿ olunur ve ondan mâ-ı ḥârr ile üç dirhem miķdârı sakı olunur.

Onlara Mücerreb Tiryaktır: Şûnîz on, dükû, kemmûn her birinden beşer dirhem, ebhe,l cevz-i serv her birinden üçer dirhem, sünbül ṭib, ḥabb-ı ģâr,

202 İçinde naṭrûn olan cüvârişenâta efrenîtürün tesmiye olunur.

zerâvend-i müdahrec, habb-ı belesân, çentâyânâ, bezr-i handekūkâ, bezrî'l-kerefs her birinden ikişer dirhem; 'asel ile ma'cûn kılınır ve şerbet-i vâhidesi cevze miqdâridir, şarâb-ı 'atîk ile sakı olunur.

Atlıye ve Nezâirleri: Onların ceyyidinden olur şeceretü't-tîn remâdı şarâbla ma'cûn kılınıp tîlâ olunmak. Ve milh ve kâlkâs ve isfenc ki halle gams olup ba'dehu 'aşr olunmuş ola. Ve zerâvend-i daķîķ şa'ir ile ahz olup hall ile ma'cûn kılınır. Ve varâķ-ı harşef ve kürrâs ve 'aşa'r-râ'î ve zerâvend şeceretü't-tîn remâdı ile isti'mâl olunur.

Dımâd-ı Ceyyid: Kuşur-ı rummân, zerâvend, daķîķ-i şa'ir hall ile cirâhat mâ ve milh ile gâsl olunduktan sonra onlar ile dımâd olunur.

Ve merühâtan dühn-i handekūkâ nâfi'dir, onunla müsahhânen tenţîl ve temrîh olunur. Ve onlara netûlât-ı nâfi'a mâ-ı bahr müsahhânen ve mâ-ı mâlihîn küllîsi ve tabîh-i harşef ve tabîh-i cevzü's-servdir.

Şebes ve Onun Ledğının 'İlâcıdır

Bu hayvân kebîrî'l-kavâyim ya'nî ayaklar büyük ve uzun olan örümceğ e müşâbih bir hayvândır. Kavm dediler ki onun les'asından veca'-ı mi'de ve kay' ve 'usr-i bevl ve 'usr-i berâz 'arîd olur ve kâtildir. Ve şebes-i Mışriyye ve şibşân-ı sâireden erde'dir. Ve ben derim ki bu zıkr olunan şebes-i Mışriyye bâb-ı rüteylâda [542a] zıkr olunan rüteylâ-ı Mışriyye midir veyâhüd başka mıdır onu ben ta'arrüf ve taḥaḳḳuḳ eylemedim. Ve şebes les'asının 'ilâcî rüteylâ 'ilâcıdır.

'Ankebût ve Onun Ledğı Mur'alecâtıdır

'Ankebût les'asından batnda riyâh-ı keşir ve berd-i etraf ve kuşa'rîret ve intişâr-ı kađîb 'arîd olur ve onun 'ilâcî rüteylâ 'ilâcî cinsinden olur. Ve onlara cemî'-i nehârda şey'en-ba'de-şey'in sakı-ı şarâbın nef'i olur ve kezâlik şarâbla sakı-ı su'd dahi nâfi'dir ve o melsûc hammâmıda ta'rîķ olunur. Ve onların edviyesindendir şarâbla şünîz sakıyı ve kezâlik şarâbla yalnız sezâb-ı yâbis sakıyı veyâhüd yine şarâbla sezâb-ı yâbis ve su'd sakıyı.

Eṭṭibbâdan ehl-i 'ilmin ba'dıları sâlifü'z-zıkr hayvânlar cinsinden iki hayvân dahi zıkr eylediler lâkin ben bilmedim ki onlar ḥaşerât-ı sâlifede dâhil midir yoksa onlara muğâyir başka hayvânlar mıdır. Ve o iki hayvân

zevû-erba'a fükûk denmekle ma'rûftur. Ve o 'âlim dedi ki onların ikisi dahi rüteylâ cinsindendir o ikisinin biri 'arîd ve ayakları ebyađ ve re'si üzere iki nütû' vardır; birisi muḳaddem-i re'sinden 'ale'l-istikâmet nüzûl eder ve nütû'-ı âḫeri mürûr edip o nâzili 'arḁan teḳâtu' eder ve o sebebdan taḫayyûl olunur ki onda iki fem ve dört fekk vardır. Ve o iki ḫayvândan ikinci ḫayvânda zıkr olunan iki nütû' bedeline iki ḫaṭṭ vardır iki nütû'dan nâşî, ḫayvân-ı evvelde taḫayyûl olunan iki fem ve dört fekk ḫayvân-ı şânide dahi o iki ḫaṭṭ ḫasebiyle taḫayyûl olunur. Ve o o iki ḫayvânın her birinin les'inden 'aḳârib ledḡının a'râdı gibi a'râd 'ârıda olur ve kezâlik veca'-ı şedîd ve levn-i mevḍi' ebyađ ve terebbûl-i vech ve terebbûl-i re's ve seher olur. Ve onların 'ilâci rüteylâ 'ilâci olur ve edviye-i rüteylâdan onların les'ine aḫaşş olan edviye-i ḫabaḳ ve aşl-ı cāvşîr ve ḫandeḳûḳâ ve ḳaysûmdur.

Mûḡarnîṭâ

O iki ḫayvân-ı sâbıḳları zıkr [eden 'âlim bir ḫayvân-ı âḫer dahi] zıkr eyledi ki onun ismi mûḡarnîṭâdır ve o 'âlim dedi ki onun les'asından veca'-ı şedîd ve ḫumret ve ḫabs-i bevl 'ârıd olur ve onunla mübtelâ olanlar seme-re-i ṭarfâ ve kemmûn-ı berrî ve varaḳ-ı cevz ve şûm ve şarâb-ı ḫulv ile²⁰³ intifâ' ederler.

Ḳamletu'n-Nesr

Bu ḫayvân lügât-ı Fârsî'de deze ve Yûnânî'de şamlûkî ve Hindiyyede taḡânûs tesmiye olunur ve bu ḫayvân bir hâmmedir ki ḳamle miḳdârında veyâḫûd ḳırdânın aşḡarı miḳdârında olur. Câlînûs dedi ki o ḫayvân şaḡîr olur, ondan şıḡarı ḫasebiyle tevâḳḳî olunmaz ve onun eṣer-i les'ası rü'yeteye ḳarîb olmaz ve onun les'ası bevl ve ru'âfen demi tefcîr eder ve dem-i mu'aḳḳadeyi dahi tefcîr eder ve mi'de demini ḳay' ile ve şadr ve riye demini nefş ile ve uşûl-i esnân demini dahi tefcîr eder. Ve ba'dı kerre o les'anın şânı 'azîm olup devâyı ḳabûl eylemez.

el-'Îlâc: Onun 'ilâci cerrâre 'aḳrebin 'ilâci olur. Ve buna ḫâşş olan 'ilâc budur ki mevḍi'-i les'a bād-zehr ile ve 'uşâre-i ḫass ve şandal-ı aḫmer ile

203 [Hamidiye'de "şarâbla ḫulv"]

tılâ olunur ve melsû'a hâlib leben-i mâ'iz ve zübd ve tîn-i mahtûm ve ced-vâr ve ferfaḥ ve onun ʿuşâresi ve bezr-i kaṭûnâ ve bezr-i kaṭûnâ lu'âbı ve muṭfi'ât-ı sāireden mâ-ı hindebâ ve mâ-ı ḥass ve qar' ve ḥıyâr saḳy olunur.

et-Ṭabbû' ve Ḥazezü't-Tîn

Bu dâbbenin ayakları keşîre ve semmi ḥâddedir onun aḥkâmı ḳamle-tu'n-nesr aḥkâmı gibidir.

Les'ü'z-Zenâbîr

Onun teşhîni teşhîn-i nahlden ya'nî bal arısının teşhîninden eşdedir ve onun les'asından veca' ve ḥumret ve verem ʿarîd olur. Ve zenâbîr-i kibâr cinsinden bir nev' zünbûr vardır ki onun başı esved ve ibreleri keşîredir ve ḳattâldir ve fi'l-cümle ḥarezesi kebîr olan aḳtel²⁰⁴ olur ve ona binâen teşen-nüce ve rûkbeteynin da'fına mü'eddî olur. Ve ba'dı kerre zenâbîr-i şığârda dahi les'in şânı ʿazîm olup nüfâṭata ve şıḳal-i lisâna mü'eddî olur.

el-İlâc: O mevḍî-i les'a üzere senin ma'lûmun olduğu üzere maşşî isti'timâl eyle ve eger maşş ile zâil olmazsa o ḳavî olan les'a için bir dirhem bezr-i merzencûş saḳy eyle, zîrâ mekân-ı şûrbde veca'ı teskîn eder veyâḥûd küzbere-i yâbiseden üç râḥa saḳy eyle. Ve o melsû' ma'rûf olan ʿuşârât-ı bâride ve eşribe-i müberride tenâvül eder ve ba'dı kerre cemedi şiyâfe gibi o melsû' ihtimâl eder.

Ve onlara tatlıye olunan atlıyeden olur ḥubbâzâ ve mâ-ı bâzrûc velâkin ḥubbâzâ bi'l-hâşşıyye ʿacîb olur ve ḥaṭmî dahi ḥubbâzâ gibidir. Ve baḳla-i Yemâniyye ve ʿinebü's-şac'leb ve simsim-i medḳûḳ ve varâḳ-ı simsim dahi isti'timâl olunur. Ve kezâlik tîn ve ḥall ve tîn-i ḥurr ve mâ-ı ḥışrım dahi isti'timâl olunur. Ve kezâlik aḥsâ-ı baḳar ḥuşûşan ḥall ile tılâ olunur ve kezâlik varâḳ-ı nemmâm ve varâḳ-ı ğâr-ı tarî ile tılâa olunur ve kezâlik afyûn ve bezr-i şevkerân ve kâfûr aḥz olunup ʿuşare-i bâride ile tılâ olunur. Ve bir kıṭ'a ḥırḳa-i kettân mâ-ı bâride ğams olunup üzerine vaḍ' olunur ve o ḥırḳa-i mevḍû'anın etrâfına tîn ve ḥall ile tatlıye olunur. Ve kezâlik tuḥlub ḥall ile vaḍ' olmak ʿacîbü'n-nef'dir ve kezâlik su küplerinde zuhûr eden ḥudret dahi tuḥlub gibidir. Ve ba'dıların zu'mu üzere mâ ve milḥ ile kimâd ve leben-i

204 “Aḳbel”, “aḳtel” bâ ile ve tâ ile ikisi dahi nüşhâdır.

tîn ile tılâ olunur ve kezâlik şürec-i hîţân hall ile tılâ olunur. Ve bu mezkûr-ların miyâhından ve sülâkâtından ba'cdı kerre neţûl ittiḥâz olunur.

Ve mücerrebdır ki melsû-ı zünbûr olan mevdîc bir sâ'at mîkdârı mâ-ı ḥârr içinde imsâk olunsâ ve ba'dehu o mevdîc ḥall ile memzûc olan mâ-ı milḥ içine def'aten nakl olunsâ onun veca' ve a'râdı fi'l-ḥâl sâkin olur. Ve onun delûkâtı zübâbdır, veca'ını teskîn eder.

Nahl ve Nahlin Mu'âlecâtıdır

Bal arısının aḥvâli sâir arı aḥvâline qarîbdır lâkin bal arısı ibresini mevdîc-i les'ada terk eder ve 'ilâcî sâir arı 'ilâcî gibidir.

Kanatlı Karınca ve Ona Müşâbih Hayvân-ı Âḥer Zikr Olunur

Onların ḥâli nahlin ḥâline müşâbihtir ve nahlden eslemdir. Ben derim ki ḥume ve ibre müşâhiblerinden bir şey vardır ki neml-i tayyâra şebîhtir velâkin nemlden cidden ekberdir, zünbûr-ı şağîr ḳadrine bâliḡ olur velâkin tûlû zünbûr-ı şağîrden ekserdir ve onun ḡılzâtı ḳadar ḡılzâtı yoktur ve onun örümcek ayakları gibi uzun ve sarı ayakları vardır, zenâbir ayaklarından uzundur ve onun beyti zünbûr beyti gibi deḡildir belki onun beyti ṭniyyedir ve ebdânları vâsi'dir, örümcek gibi yavru çıkarır ve kaçan beytinden ḥurûc eylese 'ankebût meşyi gibi meşy eder, ke-enne o ḥayvân ṭayerân için mekân-ı ba'ıdden münselih olup sonra ṭayerân eder. Benim katımda onun ḥükmü zenâbir ḥükmüdür.

Sâmm-ı Abraş ve 'Azāye

O iki ḥayvân kaçan bir kimseyi 'aḍḍ eyleseler mevdîc-i 'aḍḍda şıḡâr ve diḳâḳ ve sevdâ dişler terk ederler ve o esnân-ı mezkûre ihrâc olmadıkça onun veca'ı ve ihtikâkı zâil olmaz. Ve onun ṭarîḳ-i nez'i budur ki ibrišem veyâḥûd ḳazz mevdîc-i les'aya imrâr olunur ve o ibrišem veyâḥûd o esnânı aḥz ve il-tikâṭ eder ve onun suḳûṭu ile veca' sâkin olur ve dühn-i verd ve remâd dahi o esnânı ihrâc eder ve ba'dehu o mevdîc maşş olunur ve mâ-ı ḥârra vaḍ' olunur. Ve ḳavm zikr eylediler ki ṭarahşekûḳ ekli sâmm-ı abraş 'aḍḍına nâfi'dir ve eger o 'aḍḍanın veca'ı 'azîm ise ona rûteylâ tiryâḳı saḳy olunur.

el-Erba'atu ve'l-Erba'un

‘Alā-mā fī ba‘dī’n-nüsaḥ ona deḥḥās dahi tesmiye olunur ve o ḥay-vān deḥḥālū’l-üzñ denmekle ma‘rūftur. Ve ba‘dılarının tülū bir şibre bālīg olur, onun yemīn ve yesār cāniblerinin her birinde yirmi ikişer ayakları kāime olur, ba‘dı kerre ḳademen meşy eder ve ba‘dı kerre dahi bi-ḥālī-hi tekevvüş ve tecemmu‘ eder. Ve ḳavmin dedikleri üzere onda bir nev‘ semmiyyet vardır ki ondan veca‘-ı yesīr ‘arıḍ olur ve fi’l-ḥāl sākin olur. Ve ḥunṣā zehresi onun tiryāḳındandır ve ba‘dı kerre onda ḥall ile millḥ isti‘mālī kifāyet eder.

Sālāmendārā

Zu‘m [542b] olundu ki sālāmendārā²⁰⁵ bir hāmmedir ki onun dört ayağı vardır ve ayakları ḳaşıredir. Ḳavm zu‘m ederler ki onlar muḥterik olmazlar ve ettūna tarḥ olunsalar onun nārını itfā edip söndürürler. Ve onun ‘adḍa-sından veca‘-ı şedīd ve bedende iltihāb-ı nārī ve lisānda verem-i ḥārī ve itīḳāl-i lisān ve temteme ve ri‘de ve ḥader ‘arıḍ olur ve ondan çok kerre ‘udva isvidād ‘arıḍ olup ‘udv-ı ma‘ḍūḍ suḳūṭ eder.

el-İlāc: Ḳavm dediler ki onun ‘ilācı zerārīḥ ‘ilācıdır ve ona aḥaşş olan ‘ilāc ona rātīnec saḳy etmekle olur ve o rātīnec hangi şanevberden aḥḫ olunursa olsun ‘asel ile saḳy olunur ve kezālik onlara kemāfiṭūs ṭabīḥi ve süsen ve varāḳ-ı ḳurays²⁰⁶ ṭabīḥleri ve zeyt saḳy olunur. Ve o ḳavmin ba‘dıları onlara ḍafādī‘-ı maṭbūḥanın merakasını saḳy ederler ve luḥūmunu ḍimād ederler ve ba‘dı kerre luḥūmunu ekl dahi ederler ve kezālik berriyye ve baḥriyye selāḥifin beyḍini maṭbūḥaten isti‘māl ederler.

Seḳūlūfenderü’l-Berriyye ve’l-Baḥriyye

Ben bu iki ḥayvānı²⁰⁷ bilmedim, ba‘īd deḡildir ki o ḥayvānlar bizim bundan aḳdem ism-i āḥer ile zıkr eylediklerimizin biri ola. Ve ḳavm dediler ki

205 Fārsī lügatinde “semender” resmi üzere iki rivāyet naḳl olunur, biri tıyūrdan, biri koyun mişālī olur diye taḥrīr olundu.

206 “Ḳurays” encüredir ya‘nī ısırgan.

207 Bu ḥayvān müfredātta “seḳūlūfender” resmi üzere yazılır ve ona el-ān ebū seb‘a-te ve seb‘ın tesmiye olunur, ammā ḳudemā ümmü erba‘ate ve erba‘ın derler idi.

onun birisinin ‘ađđasından mevđi’in evvelâ kümüdeti ve ba‘dehu verdiyye-tü’l-levn olmađı ‘arıđ olur ve ona ĥumret-i nāşı’a kalîleten ‘arıđ olur, ekser-i ĥâlde ona ‘arıđ olan ĥumret yesîre olur ve onda veca‘-ı şedîd ve bedende ĥikke olur, ammâ baĥrînin ‘ađđası mâiyyetü’l-levn olur. Ve benzer ki ikisi-nin ‘ilâcı rüteylâ mişllilerin ‘ilâcı gibi ola. Ve ba‘đılar dediler ki onlara milĥ veyâĥûd remâd ma‘a-şarâb dımâd olunsun veyâĥûd remâd ĥall-i ‘unşul ile ma‘cûn kılınıp veyâĥûd simsim-i muĥrak ve şarâb dımâd olunsun lâkin mevđi‘-i ‘ađđda evvelâ zeyt-i keşîr ve mâ-ı ĥârr ile tenţîl olunup ba‘dehu o dımâdât ile tađmîd olunur.

‘Aķreb-i Baĥrî

Ben zann ederim ki ‘aķreb-i baĥrî ledğından intifâĥ-ı baĥn ‘arıđ olup onda hey‘et-i istiskâiyye ‘arıđ olur ve ba‘dı kerre ondan bi-ğayri irâdetin rîĥ ĥurûc eder ve vâcib olur ki onu ta‘arrüfte istikşâ oluna. Ve onun ‘ilâ-cı tinnîn-i baĥrî ve rüteylâ ‘ilâcıdır. Ve mu‘temedün ‘aleyh olmayanlardan ba‘đılar dediler ki onun semmi ĥârr olur.

‘Ankebût-ı Baĥrî

Benzer ki onun aĥvâli ‘aķreb-i baĥrî ĥâli gibi ola

Deryâ Kurbağasının ‘Ađđıdır

O dıfıdı‘ aĥmer olur. ‘Ulemâdan müte‘addid kimseler ĥikâye eylediler ki o nev‘ đafâdı‘ ĥabîse ve rediyye olurlar, ĥayvânâta ve sâir ecsâma ta‘arruđ edip mekân-ı ba‘ıdden veşbe ve ĥamle ederler ‘ađđ eylemek kaşdıyla, eger ‘ađđa mâni‘ olup ona kâdir olmazsa nefĥa-i đârre ile nefĥ eder ve onun ‘ađđından verem-i ‘azîm ve helâk-ı serî‘ ĥâşıl olur. Ben derim ki onun ‘ilâcı benzer ki tiryâķ-ı kebîr ile ve ona mücânîs edviye ile olur ve kezâlik ĥay-vânât-ı baĥriyyeden semmiyyetli ĥayvânların cümle-i mu‘âlecâtı ile olur. Ve ĥavm dediler ki onun ‘ilâcı tiryâķât ve sümûm-ı bâride-i sâire mu‘âlecâtı olur ve rüteylâ edviyesi ve tiryâķâtı ile dahi mu‘âlece olunur. Bu maķâmda kitâbu’s-sümûm tâmm ve kâmil oldu.

KİTÂB-I RÂBİ' KÂNŪN'UN FÜNŪN-I SEB'ASINDAN YEDİNCİ FENN ZİNETTE KELÂM-I MÜSTEVFÂDIR VE DÖRT MAKÂLEYİ MÜŞTEMİLDİR

Maķāle-i Ūlā Aķvāl-i Şa'r ve Hāzāz Beyānındadır

Şa'rın tevellüdü buķār-ı duķānīdendir, o buķār mesāmmda mün'akıd olup müstemidd olduķu meded-i sāiresi buķāriyye ile nābit olur huşuşan menbiti olan beden lezice-i dühniyye ola, māiyye ve fīniyye olmaya. Bunun nazīri o eşcārdır ki onda dühniyyet olur ve dühniyyeti hasebiyle varakı münteşir olmaz. Ve şa'rın sevād ve şeybi ve elvān-ı sāireleri haķķında olan kelām kitāb-ı evvelde irād olundu. Aķvāl-i şa'rdan bābu'z-zīnete müte'allik aķvālī cevher-i şa'rı inbāt ve temrīt ve teksīr ve taķlīli için tedbīr ve kezālik hacminde ve taĝlīz ve terkīķinde ve taťvīlinde tedbīr ve şeklinde ve tesbīt ve tecīdinde tedbīr ve levninde ve tesvīd ve teşķirinde ve tebyīdinde tedbīr olur ve bizim bu maķālda tekellümümüz bu ma'ānī üzere olur.

Buťlān-ı Şa'rın Sebebi Beyānındadır

Şa'rın buťlānına ve nokşānına sebep ba'đı kerre mādde ve ba'đı kerre mevđī'-i nebātta olan bir sebep olur. Ve mādde olan sebep demin kıletī veyāhūd 'ademi olur ve kılet dahi demi setr ve ğamr eder bir nesne ile olur veyāhūd demi taĝyīr eder bir şey'in vücūduyla olur veyāhūd cevher-i şa'rın uşūlünün ya'nī buķār-ı duķānīnin kıletī ile olur şıbyānda ve hatunlarda buķār-ı duķānī ebķire-i raťbları keşīre olmakla ķalīl olduķu gibi, onlarda cevher-i şa'rın uşūlū olan buķār-ı duķānī ķalīl olduķundana liķyeleri nābit olmaz.

Ammā cevher-i şa'rın kılet-i uşūlū ba'đı kerre li-'ārīdīn ve ba'đı kerre dahi řabī'at hasebiyle olur. Li-'ārīdīn olanlar nāķıhlarda olduķu gibi, zīrā nāķıhlardan emrād-ı řavīle-i sillīyye vū dıķķiyye ruťūbetleri neşf eder ve o neşf hasebiyle aĝdiye-i eş'arları ķalīl olup sāķıta olur ve nābite olmaz. Bunun nazīri o nebāttır ki saķy ile istinmā olunur ve kaķan saķy olunmasa sāķıt olur. Ve kezālik huşyānın eş'arının 'adem-i nebātu dahi li-'ārīdīn olur, zīrā onlar bi-hasebi'l-ķaşā ruťūbet ve berdde nisāya müşābih olur, zīrā onlarda menī tekevvin etmemekle ruťūbet-i meneviyye terākūm ve ictimā'

edip bedenlerini tebrîd eder ve bürüdetleri a'ḍā-i şerîfeye te'eddî edip onları dahi tebrîd eder onların ruṭûbetleri cefāfa taḥallül eylemez ve taḥallül edenler dahi kıllet-i ve rikḳat-i ḥasebleriyle mesāmmdan ḥurûc edip ondan şa'r nābit olmaz. Ve kezālik re'si üzere dāimā 'amāim-i şikāl vaḍ' edenlerin dahi cevher-i şa'rının uşûlü li-ʿarîdîn ḳalîl olur, ammā cevher-i şa'rın kıllet-i uşûlü ṭabîrat ṭarîķi ile olanlar şul'da olur, zîrā şala' mādde-i şa'rın kuşûru ḥasebiyle olur ve o kuşûr dahi maddenin kıllet-i ile olur veyāḥûd dimāğ teṭa'mun edip kîḥfî mümâsse etmemekle olur, zîrā mümâsse eylemeyen dimāğ kîḥfî dimāğ-ı mümâss gibi sakıy eylemez ve mededi munḳaṭı' olmakla şala' ʿarîd olur.

Ammā menbit-i şa'rda olan sebep üç vech üzere olur: Vech-i evvel budur ki mādde-i şa'r o mevḍî'e nüfûz eylemez. Vech-i şânî budur ki o mevḍî'e mādde-i şa'r nüfûz eder velâkin o mevḍî'de muḥtebe olmaz. Ve üçüncü vech mādde-i şa'r fâsid olup nebât-ı şa'ra mülâyim olmayan bir keyfiyyete taḡayyür eder.

Ammā mevḍî-i nebât-ı şa'ra maddenin 'adem-i nüfûzu o mevḍî'e cefâf ʿarîd olmakla telezzüz²⁰⁸ eder ve mesāmmları munṭabîḳ ve münsedd olup mevâdd-ı nüfûzdan ʿâcize olur ve şala' ḥârû'l-mizâcda sür'at eder cefâf-ı mesāmmları ḥarâret-i mizâcları ḥasebiyle serî' olmakla ve ona binâen ya'nî ḥârû'l-mizâc olanlar şala'a müsta'idd olduğuna binâen o müsta'iddînin re'slerinden mâ-ʿadâ şadrında ve mevâḍî-i sāiresinde şa'r ziyâde olur ḥarâret-i mizâcları ḥasebiyle. Ve bu mişlli ḥarâret-i mizâcla nābit olan şa'rın ḳalîlinin netfi şu'ûbetli olur veyāḥûd mesāmmin insidâdı ḳurûḥ-ı müteḳaddimeden bâḳıye âşâr ile menbit-i şa'r mütelezziz ve münsedd olmakla olur akra'ḍa²⁰⁹ olduğu gibi.

Ammā mevâdd nüfûz edip velâkin o mevâdd-ı nâfîze menbit-i şa'rda muḥtebes olmadığı mesāmmatın taḥalḥulu ve ittisâ'ı ḥasebiyle olur lihyesi nābite olmayıp ve onların bâḳî şa'rları sehlû'l-intitâf olmaḡa mu'âvin ve müsta'idd olanlarda olduğu gibi velâkin o taḥalḥul ve ittisâ' aşḫâbının âḫir-i ʿömrlerinde mizâcları yâbis ve mesāmmları ḍayyîḳ olup kıllet-i ḥarâret ḥasebiyle [543a] mizâclarında mevâdd-ı şa'r olmaḡa şālîḳ ruṭûbet mevcûd

208 "Telezzüz" "taḥalḥül"ün muḳâbilidir.

209 "Akra'" başında ḳurḥa olan kellerdir.

oldu ise o hâl idâm-ı şala'da te'sîr eyledi ve huşyân ve nisâda olan şala' gibi onların mevcûd olan şala'ları zâil oldu ya'nî lihyeleri nâbite oldu.²¹⁰

Ammâ mevâdd-ı şa'rın fesâdı hılt-ı habîsin mâdde-i şa'rı 'akd ve nemâ-dan men' etmekle olur dâü'l-hayye ve's-sa'lebde olduğu gibi veyâhûd kûrûh-ı rediyye-i ekkâlede olduğu gibi ve kûr'un ba'dı aşnâfında bu hâl mevcûd olur.

Ve şala'nın mu'alecesi 'usretli olur velâkin ona 'ilâc olunmak mümkündür ya'nî şala' zuhûr eylemezden mu'addem tedbîr olunup def' ve zuhûr-dan men' eylemek veyâhûd vâkt-i zuhûru te'hîr eylemek mümkündür. Ve Bukrât'ın bu bâbda kavli budur ki kaçan aşla'a devâlî marađı 'arıđ olsa o aşla'nın şa'rı nâbit olur. Bukrât'ın aşla'dan murâdı dâü's-sa'leb hasebiyle eş'arı temerruť ya'nî tüyleri ve lihyesi sukûť edenlerdir.

Kaşların ve kirpiklerin intişarı serî' olmaz onların menâbiti haşîf ve ğudrûfî olmak hasebiyle. Menâbitlerinin istihşâfı ve ğudrûfî olduğu o eş'arı muhâfaẓa eder ve ona binâen şala' Habeşede ve zencde te'elhîr eder, onların şiddet-i cülûdu eş'arlarını dâbť eylediđi sebebdan kâbil-i netf olmaz ve şiddet-i cülûdlarına binâen onların şa'rı kalîl olur velâkin mahfûz olup serî'an menbitleri olmaz ve temerruť eylemez.

Ve leşâğ olanlarda şala' olmaz ruťubet-i edmiğalarında keşret olmak hasebiyle ve ona binâen elşâğda olan keşret-i nevâzil hasebiyle zereb keşîr olur.

Şa'rı Hâfız Olan Edviye Beyânındadır

Şa'rı hâfız olan o devâdır ki onda harâret-i laťife-i cezzâbe ve kaviyye-i kâbîda ola veyâhûd bi'l-hâşşa muhâfaẓa eyleye ve o edviyelerin besâyiťini edviye-i müfrede cedâvilinde ve mürekkebâtını ankrâbâdinde biz zıkr eyledik. Ve bu mevdi'de bu mevdi'e ahaşş ve elyak olanları zıkr eyleriz.

Pes hıfz-ı şa'ra şâlihâ ve tesâkuť eden eş'arı şurûť-ı âtiyeye mürâ'ât katında tedârük eden edviye bunlardır: Ās ve habbu'l-ās ve lâzen ve emlec ve helîlec-i Kâbüli ve mürr ve şabır ve bersiyâvuşân. Ve kâbdı hasebiyle 'afş dahi ba'dı kerre nâfi' olur. Ve fil-zehrec huşûşan şarâb-ı kâbîd ile yâhûd dü-

210 Sakalı geç bitip otuz kırk yaşında lihyesi bitenlerin sebep-i buťu beyândır.

hn-i âs ve dühn-i maştakî ve mâ-ı âs ve varak-ı âzâd-dıraht 'uşâresiyle işbu eşyâlardan biri ile isti'mâl oluna veyâhûd şecere-i bezr-i kettân ma'a-bezri-hi ihrâk olunup dühn ile eş'âra tılâ olunur. Ve kezâlik cevzin kuşûr-ı muhrakı dühn-i âs ve şarâb-ı kâbîd hâl olunup eş'âra ve huşûşan şıbyân eş'ârına mesh olunur.

Ammâ eş'ardan sâbiteyi hâfıza ve tesâkuţ edenleri tedârtük eden edviye-i mürekkebe: Habbu'l-âs ve 'afş ve emlec dühn-i verdde veyâhûd dühn-i âsta ma'lûm olduğu vech üzere tabh olunup isti'mâl olunur ve kezâlik âsın varak-ı ratbı ve lâden ve 'avsec ve etrâf-ı serv ve habbu'l-âs bu edviyeler ahz olunup dakğ olunur ve zeytle idâfe olunup re'se gılâf kılınır.

Ve kezâlik âsın habb-ı esvedi ve bezr-i kerefs ve etrâf-ı âs ve bezr-i sılğ ve etrâf-ı 'avsec her birinden birer cüz', bersiyâvuşân, lâzen her birinden nışf cüz', şarâb-ı esved altı cüz'; bunlar ahz olunup şarâb-ı mezkûr içinde edviye teherrî ve şarâbın şülüşü kalınca kadar tabh olunur ve ba'dehu üzerine su'd ve sünbûlden iki cüz' ile muţayyeb olan zeyt ilkâ olunur ve galeyân-ı selâse ile kaynayınca kadar tabhı icâde olunur ve ba'dehu mâ ve dühn edviyeden taşfiye olunur 'aşr-ı şedîd olunmakla ve bir inâ-ı büreniyye içine vad' olunup hadhâda olunur ve 'inde'l-hâcet isti'mâl olunur ve bu devâ şa'rı hâfız ve şa'rı müsevvid olur.

Ve kezâlik kerefs bezri ve bezr-i sılğ ve bersiyâvuşân ve kündür her birinden ikişer ûkıyye, cevz on beş 'aded, şanevber kuşûru bir rıtl; bu edviyenin cem'isi bir gece tennûrda şeyy olunur o vech ile ki bir kıdr-ı muţayyen içine vad' olunup ihrâk-ı münşahık ile muhterik olunca kadar tennûrda terk olunur ve sahk olunup üzerine şahm-ı dübbden ya'nî ayı yağından bir rıtl ilkâ olunur ve ayı yağı ilkâ olunmak şahm-ı ıvezz ilkâsından ecved olur ve ba'dehu ref' olunur ve her kaçan ona hacet olsa dühn-i muţayyebde izâbe olunup isti'mâl olunur ve o devâ şala'-ı mübtedîye dahi nâfi' olur.

Ve kezâlik şarâb-ı kâbîd bir buçuk rıtl, lâzen bir ûkıyye, şanevberin kuşûr-ı muhrakı iki ûkıyye, bersiyâvuşân-ı muhrak onun bir misli, şahm-ı dübb bir rıtl, 'inebü's-sa'leb 'uşâresi dört buçuk ûkıyye; bu mezkûrlar ahz olunur ve lâzen tılâ içinde şehîn ve koyu olunca kadar tabh olunup üzerine edviye-i bâkıye ilkâ ve hâl olunur ve ba'dehu ref' olunur ve vakt-i hâcette

dühn-i muṭayyeb içinde ondan bir şey² aḥz olunur ve onun ḥayrlısı dühn-i nârdîndir ve o meḥḥûz ile eş'âr tılâ olunur ve ba'ḍı kerre dahi bilâ-dühn tılâ olunur.

Ve hafîfe olan atliyeden olur mürr, lâzen, dühn-i âs ve ḥuşûşan dühn-i ḥîrî ve mâ-ı âs ṭabḥ olunmakla ittiḥâz olunan devâ ve şarâb-ı kâbîd; bu mezkûrlar 'alâ-mâ yücibuhu'l-müşâhede ḥalṭ olunup o maḥlûṭ ile tılâ olunur veyâḥûd şakâyıku'n-nu'mân varakı dühn-i âs ile aḥz olunup onunla re's mesh olunur ve bir gece terk olunup ba'dehu istiḥmâm olunur ve o tedbîr şa'rı muḥâfaẓa ve hem tesvîd eder veyâḥûd lâzen ve bersiyâvuşân ve şanevber kuşûrunun remâdı ve şaḥm-ı dübb ve kifâye miḡdârı şarâb-ı 'afîş ile dühn-i maştakî veyâḥûd dühn-i âsla maḥlûṭan isti'mâl olunur.

Ve kezâlik bersiyâvuşân ve lâzen veznleri berâber aḥz olunup kifâyet miḡdârı dühn-i âsla isti'mâl olunur. Ve kezâlik kündür, ḥur-ı ḡabb, ḥur-ı kunfuz-i baḥrî her birinden beşer dirhem, sezâb-ı cebelî iki dirhem şarâb-ı kâbîd ile saḡk olunup ve şaḥm-ı dübble ḥalṭ olunup isti'mâl olunur.

Kaş Tüylerini Hâfız Devâdır: Şakâyıku'n-nu'mân varakı dört, ri'yu'l-ḥamâm veyâḥûd onun kökü, eṭrâf-ı tîn her birinden birer, lâzen üç, bersiyâvuşân iki; bu mezkûrlar saḡk olunup bir mişli dühn-i maştakî ile isti'mâl olunur. Ve kezâlik aşl-ı fâşerâ veyâḥûd aşl-ı esrâş ve şemere-i şanevber-i ṭariyyenin remâdı her birinden birer cüz² ve būrak iki cüz²; bu mezkûrlar dühn-i âs-ı muṭayyeb ile ḥalṭ olunur, bu mezkûrlar kelâm-ı ekşerîdir. Velâkin tedbîre sebeb-i ihtiyâc yûbs-i mizâc ve kıllet-i dem ise o kimsenin bedeni terfîh ve ġidâ-ı ceyyid ü semîn ile taġdiye ve o tedbîr ile mizâcı ḥarâret-i laṭîfeye meyl eder 'afş ve mâlih ve ḥâmiḡin küllîsini terk ve bâ'eyi hecr ve şarâbın 'atîḡini dahi hecr eder ve miyâh-ı 'azbe ile dâimâ istiḥmâm eder ve bedenine naṭrûn ve üşnân ve şâbûn taḡrîb eylemez belki taḡrîbe elyak daḡıḡ-i bâkılât ve ḡabb-ı biṭṭîḡ ve tîn ve bezr-i kaṭûnâ ve onun emşâli olur.

Ve eger tedbîr-i ḡacibe ḡacet mesâmmın cidden taḡabbuḡu ḡasebiyle olur ise edviye-i muḡallileye ve bedende taḡalḡul iḡdâs eden devâlara ḡacet olur. Ve vâcib olur ki onların aġdiyesinde ḡardal ve şûm ve kür-râş gibi müfettiḡât kılına ve kezâlik cildi ġâfsiyâ ve ḡardal ve fütenec ve sezâb ve başal ile tılâ oluna ve miyâh-ı muḡallile ile ḡammâm is-

ti'mâl oluna ve başı bûrak ve zebedü'l-bahr ile gâsl oluna ve vâcib olur ki onun şâhibi edhândan ictinâb eyleye. Ve taḥalḥul sebebi ile tedbîre ḥâcet olur ise edviye-i mezkûrelerden ḳabḳa meyli olanlar ve atliye ve edhân-ı ḳâbîḳa ve duḥûl-i ḥammâm ve mâ-ı fâtir isti'mâli ve ona mâ-ı bârid irdâfı nâfi' olur.

Muṭavvilât-ı Şa'r: Eş'ârı tatvîl eden edviyeden kiminin cevherinde bir nevc lüzüçet olur ki eş'âr onu aḥz eder ve lüzüçet-i meḥḥûze mādde-i şa' rı taḥallûlden men' edip şa'r uzar, o edviyeler varaḳ-ı simsim ve varaḳ-ı ḳarḳ ve ḥarâret ve ḳabḳı olan sūsen-i muḥrak dühnü ma'a's-şem' veyâḥûd o dühn [543b] 'alâ-ḥâlihi ve dühn-i ḥinnâ ve ḥâşşaten dühn-i âs olur. Ve bu bâbda başı ḥanzal nakṛi ile gâsl nâfi' olur. Ve yine nâfi' olur lâzen-i ceyyid aḥz olunup ve ḳadeḥ-i muṭayyen içinde cemre-i laṭife üzere zeyt ile izâbe olunup üzerine nevât-ı muḥraktan bir şey zerr olunduktan sonra cem'an onlar mezc-i laṭifle 'ale'l-cemr mezc olunup isti'mâl olunur. Ve âzâd-dıraḥtın varaḳının kendi ve kezâlik varaḳının suyu için tatvîl-i şa'rda ḥâşşıyyet-i ceyyidesi vardır. Ve kezâlik bezr-i kettân fahmı dühn-i şîrec ile isti'mâl olunmak ceyyid olur.

Mürekkeb: Âzâd-dıraḥt varaḳı ve bersiyâvuşânın ḥadîsi ya'nî tâzesi ve Rûmîsi ve mürr ve emlec aḥz olunup aḡsâl-i ma'rûfenin ba'dısında başa ondan ḡlâf ittiḥâz olunur. Ve kezâlik ḥardal sılḳ ṭabîḥi içine vaḍ' olunup onunla baş gâsl olunur ve ba'dehu dühn-i âs veyâḥûd dühn-i emlec ile tedhîn olunur.

Mürekkeb-i Ceyyide: Merâretü's-sevr, merâretü'z-zîb, ehlîlec-i Kâbüli, belîlec, emlec, sâdrevân ve 'afş-ı şîḥâḥ her birinden birer cüz'; bu edviyeler daḳḳ olunup 'inebü's-sa'bel 'uşâresiyle yedi gün miḳdârı terbiye olunur, ba'dehu tecfîf olunup maṭbûḥtan bir şey ile ṭilâ olunur velâkin ṭilâ olunmazdan muḳaddem mâ ve 'asel ve züçâc-ı medkûḳ ile re's ve liḥye gâsl olunup ba'dehu o ṭilâ ile taṭliye olunur. Ve kezâlik şa'r-i maḳşûr otuz dirhem, emlec beş bu iki devâ ṭabḥ-ı şedîd ile ṭabḥ olunur ḥattâ su o iki devânın kuvvetini aḥz edince ḳadar ve o su içine suyun nısfı miḳdârı dühn-i benef-şec ve lâden üç dirhem, varaḳ-ı simsim ve ḳarḳın varaḳ-ı raṭbı ve yâbisi her birinden birer dirhem bu edviye vaḍ' olunup su zâil ve dühn bâḳî olunca ḳadar ṭabḥtan zâil olunmaz.

Nüşa-i Uhṛā: Bu nüşa Kindî'ye nisbet olunur: Şîr-i emlec yirmi dirhem aḥz olunup iki rıtl su ile rubu'u kalınca kadar taḥḥ olunur ve onun bir mişli dühn-i nârdîn ve şa'îr-i maḥşûrdan ve lâzenden biraz şey' üzerine ilkâ olunup suyu zâil ve dühnü bâkî olunca kadar yine taḥḥ olunur.

Münbitātu's-Şa'ri'l-Ḳaviyye Beyânındadır

Ve onun 'ilâcında şala' ve intişâr-ı havâcib mişliler mu'âlecâtında mezkûr olanlardan bu bâbda isti'mâlî mümkün olanlar isti'mâl olunur ve cemî'an dâü's-şaleb edviyeleri dahi isti'mâl olunur. Ve bi'l-cümle re'si delk ve taḥmîr ya'nî setr ve re's üzere isti'mâl-ı şuhûm ve ba'dehu dâü's-şaleb-de ḥâşsiyyeti olup şala'da ve 'udv-ı mütemerriṭte ve havâcib ve liḥyede inbât-ı şa'r eden ḳaviyyetü'l-cezb ve't-taḥlîl edviye dahi isti'mâl olunur. Ve aşl-ı ğareb kuşûru zeyt ile isti'mâl olunsa onun ma'a-tesvîdi's-şar taḳviyesi ve ḥıfzı 'acîb olur.

Ve bizim bu maḳâmda zikr etmeğe 'azm eylediğimiz edviyeler zikri âtî şurûṭa mürâ'ât olunur ise onların dâ-i şalebe dahi menfa'ati olur ve o edviye bunlardır: Başları ve ayakları maḳtû'a olan zerârîḥ-i ṭariyye zıllda tecfîf olunup dühn-i benefşec ile saḥḳ veyâḥûd dühn-i benefşecde veyâḥûd zeytte tağalluz edince kadar taḥḥ olunur ve onunla murâd eylediğin mevdî'e tılâ olunur ve o tılâ mevdî'i evvelâ tenfiṭ eder ve ba'dehu şar-ı inbât eder. Ve kezâlik 'asel-i belâzur dahi temerruṭ eden ya'nî tüyleri sukûṭ eden mevdî'e vaḍ' olunsa o dahi tenfiṭ ve inbât eder veyâḥûd kündüs dühn-i beyḍde saḥḳ olunup onunla insân dilediği mevdî'e mirâren tılâ eder ve o tılâ şar-ı inbât eder veyâḥûd muḥrak ḥâfir-i ḥumâr ve ḳurûn-ı muḥraḳa aḥz olunup dühn-i ḥall ile tılâ olunur ve onun inbâtı ḳavî olur. Ve kezâlik karınca yumurtası dühn-i bânla tılâ olunu ve o tılâ münbitât-ı şar'dan ma'dûd olunmuştur velâkin 'amme-i nâs onu nebât-ı şar mevnâ'inden ta'dâd ederler.

Ve bu bâbda mücerreb olan münbitâtın olur sevâkin-i büyüṭ olan 'azâyenin meyyiti tecfîf olunup saḥḳ olunduktan sonra onun meshûḳu dühn ile tılâ olunur. Ve kezâlik zücâc-ı fir'avnî saḥîḳi ma'a'z-zîbaḳ tılâ olunur. Ve ondan eḥaff olur re'sâştan bir fihr ve şalâye ittiḥâz olunup beynehümâya edhân-ı şariyye veyâḥûd şaḥm idḥâl olunur, re'sâştan bir kuvvet ḥall olunca

kadâr saḥḳ olunup mevdi' onunla telṭih olunur ve mevdi' varak-ı tîn sülâka-sı ile tılâ olunur ve o tılâda kuvvetün-mâ olmakla ceyyid olur.

Ve kezâlik yirmi 'aded bunduḳanın lübbü aḫz olunup şeyy olunur saḥḳa şalâhiyyet gelince kadâr ve ba'dehu dühn-i fücl ile cem' olunur veyâḥûd ḥargûş tesmiye olunan ḥaşışe ve ḥımârın қаđıbi ya'nî zekeri meşviyyen ve ḥımârın tıḥâli meşviyyen her birinden nısf rıtl ve lâzen yirmi mişli; bu edviyeler aḫz olunup ve lâzen şarâbda ḥall olunduktan sonra cem'an edviye ḥalt olunup isti'mâl olunur.

Ve eṭṭebânın mezḳûrlarından bir devâ dahi filgariyüstur ve onun nüsha-sı budur: Şevrin şaḥm-ı mümellaḥı doksan altı dirhem, üşnân şâfsiyâ her birinden on sekizer dirhem, mürr sekiz dirhem, lâden onun bir mişli, bersiyâvuşân kırk sekiz dirhem, қаđıb-i ḥımâr kırk sekiz dirhem, tıḥâl-i ḥımâr doksan altı dirhem, bu edviyeler aḫz olunup ḥımârın tıḥâli қаđıbi şeyy olunup ḥatt olunur ve bi'l-cümle edviye şarâb-ı esved ile cem' olunur ve baş ḥalk olunup onunla tılâ olunup ve başta o tılâ beş gün miḳdârı terk olunup ba'dehu ḡasl olunur ve iki gün miḳdârı 'alîl istirâḥatte kılınıp ba'dehu tılâ-ı mezḳûr mu'âvede olunur; eger teḳarruḥ eder ise mevdi'-i ḳurḥa şaḥm-ı ıvezz ile mu'âlece olunur.

Ve kezâlik Aḳrîṭin altı, re's-i ernebin buṭûnu nâ'imen tecfîf olunup kıdr-ı muṭayyen-i fahḥârda iḥrâḳ olunur ve üzerine 'avsec varakı ve âs varakı onun bir mişli miḳdârı üzerine ilkâ olunur. Ve kezâlik bersiyâvuşândan dokuz üḳıyye miḳdârı ilkâ olunup inâ-ı züicâc içinde merreten uḫrâ iḥrâḳ olunur ve ba'dehu saḥḳ olunup ona üç rıtl şaḥm-ı dübb ve bir mişli dühn-i fücl ḥalt olunup ref' olunur ve 'inde'l-ḥâce muṭayyebde isti'mâl olunur. Ve ḥabbu'l-ḡâr ve ḥabbu'l-fülfül ve dühn-i ḥırva' bu mezḳûrların küllisi inbât-ı şa'ra mu'în olur.

Ve kezâlik remâd-ı ḳaysûm zeyt-i 'atîḳ ile ḥalt olunsa baṭı'etü'n-nebât olan liḫyeyi inbât eder. Ve remâd-ı şünîz mâ ile isti'mâl olunur ve ḥuşuşan ḥavâcib inbâtında fi'li ziyâdedir.

Ve kezâlik ḥavâcibi inbât için iki cevze ancak münsaḥiḳ olunca kadâr iḥrâḳ olunur ve onlar ile istikṣâ min ḡayri istikṣâin ke'l-evvelîn iḥrâḳ olunan temr nevâtından bir mişḳâl ve on fülful cem' olunup dühn-i verd ile tılâ olunur. Ve kezâlik remâd-ı ḳaysûm ve bunduḳ-ı muḥrak ve lâden ve

zerārîh ve kündüs bu edviyeler migrefe içine mevđü'a olan dühn-i bānda müsevved olunca kadar kaynatılır ve bir mişli ğāliye ile mezc olunur ve mevđi' delk olup devā-i mez̄kür ile tılā olunur. Ve kezālik bersiyāvuşān ve ḥabbu'l-ās ve bezr-i kerefs bu edviyeler ile ḳalīlen saḥḳ olunur müsevvede olunca kadar ve şaḥm-ı dübb ile ve dühn-i fücl ile cem' olunur.

Kaşlarda Şa'rı Münbit Olan Devādır: Kündür dört dıraḥmī, ḥur-ı tim-sāḥ ve kunfuz-ı baḥrī ḥur-u ve sezāb-ı cebelī her birinden birer dıraḥmī; bu devālar şarāb-ı ḳābıd ile saḥḳ olunur ve şaḥm-ı dübb ile cem' olup isti'māl olunur

Devā-i Āḥer: Bu devā ḥācibde olan temerruṭ-ı ḳadīme ve dāü's-ṣa'leb mişli emrāddan bākī şa'bu'l-ilāc āsāra nāfi'dir: Şiḥ bir cüz', zebedü'l-baḥr sekiz cüz', eferbiyūn, ḥabbu'l-ġār her birinden üçer, zift-i raṭb dört; bu edviye aḥz olunur ve zift dühn-i süsende izabe olunur ve onunla eferbiyūn idāfe olunur ve sāir edviye ḥaṭ olunur.

Devā-i Āḥer: Bu devā dahi onun gibidir: Ḳaḍīb-i muḥrak yedi, remād-ı ḳafādī' beş, bezr-i circir dört, aşl-ı esrāş üç, dühn-i ġār ile saḥḳ olup isti'māl olunur.

Devā-i Şa'leb ve Devā-i Ḥayye Beyânındadır

Bundan aḳdem senin ma'lûm oldu ki [544a] dā-i şa'lebin sebeb-i tevel-lüdü cildde ve uşul-i şa'r menābitinde müstekinn olan mādde-i rediyyedir, pes o mādde uşul-i şa'rı ifsād edip ekl eder ve ğidā-ı ceyyidi şa'rdan men' eder. Ve ona dā-i şa'leb tesmiyesinin vechi o maraḳın se'ālibde vuḳū'u ekşer olduğu olur.

Ve dā-i şa'leb ile dāü'l-ḥayye farkı budur ki dāü'l-ḥayyede hem eş'ār tesāḳuṭ eder ve hem cildi münselih olur, ḥayye insilāḥı gibi ondan selḥ-i raḳīḳ munfaşıl olur ve ba'ḳı kerre onun 'udvunda ḥayye şeklinde bir şey' nütü' eder.

Ve dāü's-ṣa'leb ve'l-ḥayyeyi mücib olan mādde ba'ḳı kerre şafrāviyye ve ba'ḳı kerre sevdāviyye ve ba'ḳı kerre balġamiyye ve ba'ḳı kerre dem-i fāsīd olur ve onlardan her birine mevđi' ḥalk olunur müşāhede olunan levnden istidlāl olunur ḥuşuşān bir miḳdār delk olundukta delāleti ziyāde olur. Ve ba'ḳı kerre tedbīr-i müteḳaddimden ve o mevāddın müstaşḥīb olup se-

nin bildiğin hılt-ı gâlibin 'alâmâtı olan a'râddan dahi istidlâl olunur ve o marađ bür'ünün sür'atine ve bu'üne mevdi'-i halk delk olundukta humre-tin serîaten veyâhûd ba'teten hudûsu ile istidlâl olunur. Dem-i ceyyidin serî'an incizâbı sür'at-i bür'e ve ba'ten incizâbı bür'ün bu'üne delâlet eder. Ve delk-i keşir o mevdi'î takrîh edip nebât-ı şa'ra mâni' olur.

el-İlâc: Şekk yoktur ki bu bâbda tedbîr-i nâfi' evvelâ hılt-ı fâ'ili be-
denden istifrag ve cidden keymûsu hasen olan senin bildiğin bedene nâfi'
ağdiyeyi idhâl olur. Ve mu'tedil ve memzûc ve halâvetten eser-i kalîle mâil
ve rakîk ve şâf olan şarâb ağdâ olur. Ve kable'd-delk ve ba'dehu ham-
mâm onlara nâfi'dir. Ve vech-i meşrûh üzere olan istifragâ evvelâ hılt-ı
fâ'ili ihrâc eden edviye ile veyâhûd mādde-i faşdı icâb ederse faşd ile ibtidâ
olunur ve ba'dehu mādde hâşşaten re'sten istifrag olunur. Ve baştan istifrag
senin bildiğin neşûkât ve se'ûtât ve gârâgır ile tenkiye-i re's bâbında zikr
olunduğu vech üzere isti'mâl olunmakla olur ve ba'dehu cilde ikbâl olunup
cildde müstekinne ve mu'dmere olan mevâdda mübâderet olunup ihrâc ve
tahlîl olunur; eger bu tahlilde mübâderet olunmasa mevâddın keyfiyyet-i
fâsidesi cildde râsih olur. Ve iştibâh yoktur ki mevdi'-den mevâdd-ı habîseyi
istifrag eden edviye lâzım olur ki mu'at'tı' ola ve onda bir nev' tahlîl ola ki
o tahlîli fâ'il olan cildi tecfife mü'eddiye sühûnet-i şedîde ve harâret-i 'anife
olmaya, zîrâ sühûnet-i şedîde ve cefâf-ı cildi icâb eden harâret her ne kadar
fi'l-hâl o 'illete sebep-i bür' olursa ba'de-müddetin sukût-ı şa'ra mü'eddî
olur, pes bu bâbda isti'mâli lâzım olup şâfsiyâ gibi harâreti kavî olanların
ona gâlibe olan edhân-ı mu'tedile hıltı ile kuvvetleri kesr olunur ve miyâh
dahi onun mürâfıkından kılınır. Ve bu bâbda olan aşl olan şâfsiyânın ecvedî
hadîs olanlardır, ammâ 'atîk olup üzerine birkaç sene mürûr edenler da'if
olurlar. Ve hakk olan budur ki kavî olan edviyenin kadri ve kemmiyyeti
kalîl ve mizâcî ya'nî kesret-i kuvvet için katılan muşlîhî keşir kılınır ve
o kavî ile mevdi'e tîlâ olundukta 'udv üzere o tîlâ kalîlen imsâk olunur,
üzerinde ahzı serî' kılınır. Ve ammâ da'if edviye tîlâ olundukta 'aks üzere
kılınıp kemmiyyeti ve 'udv üzere imsâki keşir ve tavîl kılınır.

Ve vâcib olur ki bu bâbda isti'mâl olunan edviye la'tîf ola, eger la'tîf ol-
masa gavr-ı cilde nüfûz eylemez. Ve kezâlik vâcib olur ki bu bâbda isti'mâl
olunan edviyede takviye ve men' ve red' olup 'udv mevâdd-ı munşabbe-i

hâbîseyi kabûl eylemey. Ve eger mevâdd ʿudva nüfûz eyledikte ʿudvun kuvveti o mevâdd-ı nâfizeyi mesâmmâta defʿ ve tahlîl eylemeğe vefâ eyler ise ʿudva mevâddı külliyyen nüfûza mâniʿ kavâbıd-ı kavîyye istiʿmâline hâcet olmaz.

Ve kaçan beden tenkîye olunsa vâcib olur ki onun edviyesine bir kuvvet ahz oluna ki o kuvvet mevdiʿe bedenden dem-i ceyyidi ve dem-i ceyyidin buhâr-ı lezic ü ʿalikini cezb eyleye ve bu cezbî evvelâ cildde mütemekkin olan mevâdd-ı fâsideyi tahlîlden sonra eyleye hattâ onda fâsid-i qarîbi tahlîl ve ceyyid-i baʿdi cezb cemʿ ola ve bu mişlli fiʿli olan edviye baʿdeʿt-tenkîye istiʿmâl oluna. Ve kaçan bu edviyeler istiʿmâl olunsa vâcib olur ki o edviyelerin teʾşîrine mürâʿaat oluna o vech üzere ki evvelâ mizâcî ʿâtf ve ʿadârı kalîl olan edviye ile bedʿ oluna ve baʿdehu nazar oluna, eger ʿalilde ihtimâl ve devânın eserinde selâmet rûyet olunursa devânın kuvveti ziyâde kılına, ammâ ʿalilde ʿadem-i ihtimâl ve eserin ʿadem-i selâmeti ve haṭb-ı ʿazîm rûyet olunursa o devâda kemmiyyet ve mizâc nakş olunur.

Ve o devâların ʿadem-i takrîhinde sen ictihâd eyle huşûşan mizâcî leyyinlerde. Ve kezâlik s,nn-, ruṭûbette veyâhûd nisâ gibi cinsi raṭîb olanlarda ʿadem-i takrîhten ictinâb müʾekked olur. Ammâ bi-hasebiʿl-ittifâk mevdiʿ tekarruh eyledi ise onun tedârükü o mevdiʿ üzere şuhûm tılâ kılınmakla olur, şahm-ı batt u decâcla ve kayrûṭî-i leyyin ile tılâ olunur. Ve kaçan o şuhûm ile ʿurha sâkine olursa edviye-i sâbıka ʿalîlin ihtimâli miqdârı muʿâvede olunur; eger mādde-i fâsidenin eseri ʿazîme ise o ʿillet zâile olunca kadar muʿâvede terk olunmaz. Ve devâ-i mezkûrun ʿalâmet-i teʾşîri budur ki mevdiʿ-i meʾûf delk-i leyyin ile delk olunsa dem-i şâlih münceziḫ olup mevdiʿine humret ʿarîda ola ve o delkin ʿadedi mevdiʿ meʾûf iken ihmirâra müʾeddî olan delkâtın ʿadedinden eḳall ola. Eger istiʿmâl olunan devâ ile hâl mütegayyir olmaz ise sen bil ki o devâdan kavî devâ istiʿmâline hâcet olur. Ve eger yed ile delk olunmaktan mevdiʿe humret ʿarîd olmazsa inkîşâr havf olunca kadar hıraḳ ile delk olunur ve baʿdehu başal mişlli muḥamirrâtla delk olunur ve onunla dahi humret hâdiṣe olmazsa şart-ı müciʿden ve baʿdeʿş-şart şüm mişlli ile taṭliyeden lâzım olur ve devâ-i şaʿlebin mevâdd-ı rediyyesinden cildi tenkîye için irsâl-i ʿalaḳa ve meḥâcime ve keşîren mevdiʿe ibre ğazrına hâcet olur ve kezâlik zikri âtî müneffîṭât-ı hârre ile tenfiʿi

mevdi'e hâcet olur ve zuhûr eden nüfâtât fak' ve tenkıye olunur o mevdi'-den şar' hurûc eylesin için.

Ve bu 'illette olan mevâddı tahtlile mu'ın olur veberden müttehaze olan kalensüve giymek ve idmân edip gece ve gündüz o kalensüveyi başından gidermemek, zîrâ o vech üzere olan kalensüve-i melbûse başı ta'rik edip mevâddı 'arağ ile tahtlil eder. Ve vâcib olur ki o 'illette mu'alecede her iki günde üç kerre mevdi'-i 'illet müsâ ile halk oluna ve her kaçan o mevdi'-de şar' nâbit olsa halk oluna.

Ve her kaçan edviye ve atliye isti'mâl olunmak kaçd olunsa vâcib olur ki kable'l-isti'mâl 'alilin re'si halk oluna ve zikri sâbık minvâli üzere başı hırka-i haşine ve başal veyâhüd turpun kabuğuyla humret 'arîd olunca kadar delk oluna, zîrâ delk ile humret 'arîda oldukça mesâmm müfettiğ olup 'udv devâyı kâbil olur ve ba'dı kerre bi-hasebi'd-delk hummâ-ı nâibe 'arîd olur. Ve eger re's halk olunmazsa devâ terkik olunur aşı-ı şar'a nüfûz eylesin için.

Ammâ istifragât bu vechle tedbîr olunur ki eger mādde şafrāvīyise onun istifragı harbahtan efetümünden birer kuvvet ahz eden helilec tabîhiyle kılınır ve kezâlik kûkiyâ habbi ve eyâric-i feykarâ ile kılınır. Ve bu bâbda şahm-ı hanzal [544b] eyârici ceyyid olur huşuşan balgāmî için nef'i ekser olur ve eger o makâmda sevdâ var ise o eyârice şahmünyâ halı olunur ve eyâric-i Rûfus ve lügâziyâ dahi ceyyidlerdir huşuşan sevdâvî olanlara nef'i ekserdir.

Ve bu 'illet çok kerre yalnız istifragla zâile olup şihhat ve berâ'et hâdiş olur ve bu istifragatın aşnâfı bundan akdem senin ma'lûmun oldu. Ve eger mu'alic olan kimse bundan ehaffı kaçd eder ise eyâric-i mürrü şahm-ı hanzal ve türbüd ile beher şehir üç ve dört def'a sağı eder ve eger bir def'a istifrag nâfi' ve nâci' olmazsa müstefrigatı kirâren isti'mâl eder velâkin her iki istifrag arasında 'alili istirâhatte kılar. Ve eger sen cilde-i re'si ve 'urûkunu humret üzere ve mümteli'e görürsen ba'de'l-faşdî'l-küllî 'ırk-ı re'si ve cebhe ve şudgayn 'ırklarını sen faşd edersin ve eger humret ve imtilâyı müşâhede eylemezsen onlardan bir nesneyi eylemezsin, zîrâ demin o 'illette lüzümü vardır, mücib-i faşd olan imtilâ olmadıkça dem izâle ve istifrag olunmaz. Ammâ garâğır ve se'ûtât ve o mişlli tedbîrleri mu'alecât-ı re's bâbında sen bildin.

Ammâ edviye-i mevdi'yye onun aqvâsı ferbiyûn olur velâkin vâcib olur ki onda müsta'mel olan ferbiyûn hadîsolup üzerine üç sene mürûr etmiş olmaya ve kânûnda bizim ta'lim eylediğimiz tedbîr ile müdebber ola. Ve ferbiyûndan sonra aqvâ olan edviye-i mevdi'yye sâfsiyâdır, zîrâ sâfsiyâ cidden 'acîb ve nef'î gâyetе bâliğ bu bâbda bir devâdır. Ve bundan sonra aqvâ olan hûrf ve hardal ve remâd-ı zerârîh olur, o devâlar zift-i raṭb ile ma'cûn kılınıp isti'mâl olunur ve kezâlik mîvîzec dühn-i gâr ile saḥḥ olunup kavî devâ olur. Ve leben-i yetû ile mevdi' tenfiṭ olunup ve nüfâṭâtı şakḥ ve mevâddı isâle olunur.

Ve kaçan onun kışrî izâle olunsa tahtından şa'r tûlû eder ve kebîkeç 'uḍv üzere müddet-i kalîle vad' olunur ve dâü's-sa'leb maraḍından kavî olanlara kebîkeç vad'ına hâcet olur. Ve onlardan sonra kavî olanlar kibrît ve ebyaḍ ve esved iki nev' harbaḥ ve bezr-i circîr ve rıḡve-i būraḥ ve zebedü'l-bahrin iki şımfı ve kaşabın kuşûru ve uşûl-i muḥraḥası ve fe'r hûru ve ğanemin ba'r-ı muḥraḥı ve mürr ve dâr-ı fûlfûl ve hardal ve bunduḡ-ı muḥraḥ ve varaḡ-ı tîn ve kündüş ve māmîrân 'urûku ve kaṭrân ve ba'dı kerre bu devâlara merârî's-şevr dahi idḡâl olunur. Ve bunlardan sonra bi-kışrihi levz-i mürr-i muḥraḥ mişlliler ve hall-i fâyiḡte eyyâmen meshûḡ olan kündür ve ḡarnûb-ı Nebaṭî bu 'illetin edviyelerinden olur.

Ve bu bâbda müsta'mele olan edhânın efḍali dühn-i gâr ve dühn-i hûrva'. Ve edviye-i şem'iyenin efḍali kaṭrân ve ba'dehu zift olur. Ve şahmın efḍali ayı şahmıdır ḡuşuşan 'aṭîḡ ola ve 'atîḡ olan ceyyiddir.

Leṭûḡ-ı Kavî Şıfatıdır: Ferbiyûn, sâfsiyâ, dühn-i gâr her birinden ikişer mişḡâl, kibrît ve harbaḡ-ı esved ve harbaḡ-ı ebyaḍdan biri her birinden birer mişḡâl; bu edviyelerden miḡdâr-ı kifâye şem' ile kayrûṭî ittiḡâz olunur.

Ve kezâlik būraḡ-ı İfrîḡî iki cüz', nûşâzur bir cüz'; bu edviyeler iḡrâḡ ve hall-i şıḡḡifte saḥḡ olunur ve mevdi' ba'de'd-delk tılâ-ı ḡafîf ile tılâ olunur ve üç sâ'atten sonra o tılâ î'ade olunur ve ba'dı kerre neşf olunur ve üç gün miḡdârı bu tedbîre müdâvemet olunur ve eger o devâ teneffûta mü'eddi olur ise onda senin bundan aḡdem ma'lûmun olan tedbîr ile 'amel olunur.

Ve kezâlik zerârîh ve hardal dühn içinde ğâliye gibi olunca ḡadar ma'an ṭabḡ olunup ve ba'dehu onu isti'mâl ile mevdi' tenfiṭ olunur ve tenfiṭ için isti'mâl olunan devâ-ı kavînin mizâc-ı ḡa'f ile kuvveti kesr olunur ve bundan

aḥaff ve nefi 'acîb olan devâlardanır ḥall-i şikkîf, onun bir mişli dühn-i verd-i ceyyid aḥz olunup onlardan laḥlaḥa ittiḥāz olunur ve ba'dehu ḥırka-i ḥaşîne ile mevdi' delk olunup onunla tılâ olunur ve kezâlik mevdi'e içinde sāfsiyâdan bir kuvvet olan ġâliye ile mesh olunur.

Ve ma'lûm buyurula ki bu âfetin 'ilâcına şıbyânda ḥımye kifâyet eder ve şıbyândan mürâhıklar ḥabb-ı kûkıyâdan nısf dirheme kadar ihtimâl ederler ve on yaşında olanlar o ḥabbdan iki dānıkı ihtimâl ederler.

Şa'rı Hâlık Edviyelerdir: Nûre iki cüz', zernîḥ iki cüz' aḥz olunup içinde miḳdâr-ı ḳalîl şabır kılındıktan sonra onunla tılâ olunur ve fi'l-hâl ḥalk eder. Ve eger nûrenin eczâsı ekşer kılınıp velâkin zernîḥ eczâsından eḳall olsa ya'nî nûre ma'a-keşreti ezcâihi zernîḥ eczâsından eḳall ve zernîḥ ekşer kılınırsa o tılâ mu'tedil olur, ammâ nûre zernîḥten ekşer olsa 'ameli baṭı' olur velâkin ma'a-buṭ'in 'ameli olur ve külliyyen 'ameli bâtı' olmaz. Ve ba'dı kerre zernîḥ ve nûre cüz'ân ve cüz' aḥz olunur ya'nî iki cüz' zernîḥten ve bir cüz' nevreden aḥz olunur. Ve ba'dı nüsha 'aks üzere vâkı' olmuştur lâkin evvelâ zikr eylediğimiz evlâ zann olunur. Pes o me'ḥûzlar su içinde ceyyiden ṭabḥ olunur ḥattâ ona rîşe ġams olunsu müsemmaṭ²¹¹ olacak miḳdâr ṭabḥ olunur. Ve eger onun ba'de't-taşıye suyuna miḳdâr-ı mezkûr zernîḥ ve nûre müceddeden vaḍ' ve ṭabḥı i'âde olunursa o tılâ ecved olur ve kezâlik onun ṭabḥı şems ile kılınır ise nâr ile ṭabḥtan ecved olur ve 'alâ-küllî ḥâl o maṭbûḥun suyu aḥz olunup ondan me'ḥûz olan mâ-ı keşir içinde dühn ḳalîl kılınıp suyun kuvvetini dühn aḥz edince kadar ṭabḥ olunup o dühn ile tılâ olunur ve ba'dı kerre o su terk olunur ve o sudan milḥ mün'aḳid olup o suda olan milḥ isti'mâl olunur. Ve aşdâfın eklâsı nûre ma'a'z-zernîḥ 'ameli gibi 'amel eder ve elṭaf olur ve eger nûre bedeline içinde nûre teşmîsen veyâḥûd ṭabḥan tekrâr olunan mâ-ı nûre mükerreren aḥz olunup o mâ içine zernîḥ-i meshûḳ vaḍ' olunsu ceyyid olur. Ve ba'dı kerre su destîleri taḥtında vâkı' olan 'alak-i ḥudr aḥz ve onunla tılâ olunur. Ve eger müceddeden nâbit olan şa'rın rikḳati ḳaşd olunur ise nûre içine remâd-ı kerm ve bûraḳ vaḍ' olunup keşiren taḳlîb olunur ya'nî çok karıştırılır ve [ba'dehu] daḳıḳ-i şa'ır ve bâḳilâ ve bezr-i bittîḥ ile ġasl olunur ve ba'dı kerre nûre ve zernîḥ mâ-ı keşk ve mâ-ı erüzz ile terkîb olunur ve ba'dı kerre içinde mürr ve maştakî

211 “Müsemmaṭ olur” demek, tüyler dökülüp çöp gibi olan nesnesi kalır demektir.

kılınır, ba'ḍı kerre zebedü'l-baḥr ile i'âne olunur.

Nüre-i Müsta'melenin İhrākı Mu'alecâtıdır: Vâcib olur ki nüre taklîbî taklîl oluna ve ğasli sûr'at üzere kılına ve dühn-i verd ile tîlâ nüre üzere takdîm oluna. Ve tîlâ olunan nüre mâ-ı ḥârr ile ğasl olunsa ondan sonra mâ-ı bâridde cülûs oluna, zîrâ mâ-ı bâride cülûs nüre ihrākına 'ilâc-ı ceyyid olur ve ba'dehu 'ades-i muḳaşşer-i meshûḳ mâ-ı bârid ve şandal ile tîlâ olunur ḥuşûşan nüre ihrāk eylediyse ve eger ihrāk kavî ise isfidâc merhemi mişlillerden ve mürdâsenc-i mürebbâ mişliller beyâḍ-ı beyḍ ve dühn-i verd ve kâfûr ile tîlâ olunmak lâzım olur.

Râyiḥa-ı Nüreyi Kaṭ' ve İzâle 'Îlâcıdır: Nüreden sonra tîbde mürebbâ olan tîn ile veyâḥûd tîn ve ḥall ve dühn-i verd ile mevḍî'e tîlâ olunur ve bu bâbda şeftali yaprağının ḥâşşıyyeti 'acîbedir. Ve kermin varakı ve şâhisferemin varakı meshûḳan tîlâ olunur ve kezâlik ḥinnâ ile dahi tîlâ olunur ve o mevḍî'e 'uşfur ve verd ve suḍ ve sünbül ve idḥir ve o mişliller fûrâda ve mecmû'an tebhîr olunur.

Mâni'ātu's-Şa'r: Eş'arı muḥaddirât-ı müberride nebâttan men' eder, meşelâ ibtidâ edip evvelâ mevcûd olan şa'r netf olunur ve ba'dehu benc ve afyûn ve ḥall ve şevkerân ile [545a] müfreden ve mürekkeben tîlâ olunur ve onlar ḥall içinde maṭbûḥ olursa ecved olur, âcâmiyye olan dıfırların cirmi tecfîf olunup saḥḳ olunduktan sonra bezr-i ḳatûnâ lu'âbî ile veyâḥûd benc 'uşâresiyle veyâḥûd ḥall ile ḥalt olunup tîlâ olunsa mâni'-i nebât-ı şa'r olur ve o tîlâ mükerreren isti'mâl olunur. Ve dediler ki 'azâye dühn içinde tefessuḥ edince ḳadar ṭabḥ olunsa şa'rın nebâtına mâni' olur ve kezâlik ḳunfuz ṭabḥ olunan dühn dahi mâni'-i nebâttır ve ba'ḍı kerre onun dıddı iddi'â olunup dühn-i mezkûr şa'rı münbittir denilir.

Ve bu bâbda zîkr olunan edviye-i mâni'adandır isfidâc reşâş veznleri berâber ve şebb nışf cüz' ve bu eczâlar benc-i raṭbın suyu ile saḥḳ olunur. Ve bir ḳavm zu'm eyledi ki dem-i ḳafâdı'-ı âcâmiye ve dem-i selâḥif-i nehriyye nebât-ı şa'ra mâni'dir ve kezâlik ḥafâfişin demi ve kebidi ve dimâğı dahi mâni'dir. Ve bu mezkûrlardan devâ terkîb edip dediler ki âcâm-ı ḳaşabdan ḳafâdı' aḥz olunup tecfîf olunur ve ḳadîdinden bir miḳdâr aḥz olunur ve kezâlik sülâḥfât-ı nehriyyenin dem-i müceffefi ve bûrak-ı aḥmer ve mürdâsenc ve şadef-i lü'lü'ün muḥrakı veznleri berâber aḥz olunup suyla

ma'cûn kılınır, 'âne ve ibt eş'arı netf olunduktan sonra o mevâdi' üzere isti'mâl olunur. Ve encüre bezri dühn ile şa'rı bi-kuvvetin nesr eder.

Müca'cidât-ı Şa'r: Şa'rı tec'îd eden devâlar: Hülbe ve dühn-i hülbe ve sîdr-i ebyağ ve mürr²¹² ve 'afş ve mürdâsenc bu mecmû' halı veyâhüd ba'cdı-sı üzere iktîşâr olunur ve onlardan başa ğılâf ittihâz olunur. Ve ba'cdı kerre onun içine bezr-i benc ve onun dühnü dahi ikâ' olunur. Ve ba'cdı kerre benc 'alâ-hâlihi münferiden isti'mâl olunur ve kalîlen ihrâk olup devâ-i âher ile darb olunmakla imtizâcî kâbil olan nûre dahi müca'cidât edviyelerinde dâhil olur huşûşan iki şülüşü mikdârı sidre muķârın kılınıp mâ-ı bârid ile ma'cûn kılınır. Ve kezâlik milh-i mürrün rığvesi şediden müca'cid olur.

Müca'cid-i Ceyyiddir: 'Afş, cevzmâzec,²¹³ sühâletü'l-ibr, varak-ı serv yâhüd habb-ı serv ve habb-ı sefercel, mürdâsenc, keşîrâ veyâhüd tîn-i Hûzî, emlec her birinden birer cüz², söndürülmedik nûre nişf cüz²; bu mezkûrlar mâ-ı salk ile ma'cûn kılınıp isti'mâl olursa müca'cid-i müsevvid olur.

Müsebbiât-ı Şa'r: Şikâk-ı şa'rın mu'alecâtı bi'l-cümle şa'rı tebsî't ve irsâl eder ve'l-hâşıl edhân-ı mürhîye ve lu'âbât-ı muraṭṭıbe cem'ân müs-biât-ı şa'r olur.

Teşakkûk-ı Şa'r: Şa'rın teşakkûkuna sebep yübs-i mizâc ve ğidâ-ı yâbis olur. Ve teşakkûka mâni' edhân-ı leyyine-i mu'tedile ve lu'âb-ı ḥaṭmî ve lu'âb-ı bezr-i kaṭünâ ve lu'âb-ı varak-ı hilâf mişlli lu'âbât-ı leziceler ve tertî-bi olan cem'ân devâlardır.

Murakkıkât-ı Şa'r: Edviye-i şa'ra bûrak idhâl olursa şa'rı terkîk eder.

Şebâbede ve Şeybde Kelâmdır

Ve şeyb ve şebâbın sebebinde bu mevdi'in ğayri mevdi'de biz tekellüm eyledik, şimdiki hâlde bizim kelâmımız budur ki mādām ki dem desim ve ve şehîn ve hârr ve lezic olur, ondan tekevvün eden şa'r esved olur ve kaçan dem mâiyeti aḥz eylese şa'r şeybe meyl eder.

Mübti'ātu's-Şeyb: Şeybi mübti' olan tedâbirin ba'cdısı sebep-i evvele tedbîr olur ve ba'cdısı dahi şa'rın nefsine vâsıl tedbîr olur. Ammâ tedbîr-i evvel küllü vaktin hult-ı balgamîyi istifrâğdır huşûşan ta'am üzere kay² ile

212 [İstinsah hatasıyla bu kelime Hamidiye'de "dem"]

213 "Kezmâzek" nüsha; "cez-mâzec" nüsha.

olan ve hûkun isti'mâli ile olan istifrâğdır. Ve 'alîl istifrâğ-ı evvelden sonraistirâhatte kılınıp ba'dehu yine istifrâğ mu'âvede olunur ve ba'dehu müterâhiyen ma'âcîn isti'mâl olunur.

Ve şebâbı îcâb eden zikri âtî edviyedir ve o ağdiyelerdir ki ondan bi-i'tidâl keymûs-ı hasen tevellüd eder ve onun hıltı dem-i maḥmûd u metîn olur. O ağdiyeler kalâyâ ve muṭaycenât ve mükebbebât ve meşviyyât mişlîlilerdir ve merak ve şerâyid o kabîlden değildir. Ve vâcib olur ki o ağdiyeyi ictihâd edip haḍmı miḳdâr ekl eyleye, zîrâ haḍm bu bâbda aşl ve esâstır. Ve kaçan o ḥasenü'l-keymûsun haḍmı fâsid olsa ondan dem-i fâsid tevellüd eder. Ve eger mizâc cidden raṭb olursa vâcib olur ki ebâzîr-i ḥârre ve ḥardal ve fülful ve tevâbil ve kevâmiḥ ve mürrî isti'mâl oluna ve ḥuşûşan onlardan herhangisi istimâl olunursa 'ale'r-rîk ola ve ḥuşûşan sîlk ve ḥardal isti'mâl olunur ve şarâbdan şırf ve miḳdâr-ı kalîl ile iktifâ oluna. Ve fevâkih ve buḳûl-i muraṭṭıba ve elbân ve semek ve herîse ve 'aşîde tenâvülünden ve mâ-ı keşîr şûrbünden ve faşḍ-ı keşîrden ve şarını netften ve sekr-i müfritten ve cimâc-ı keşîr ve imsâs-ı kâfûr ve mâ-ı verd ve dühn-i yâsemîn ve mâ-ı yasemîni işbu muṭayyibâtı şa'ra imsâs eylemekten ictinâb vâcibdir. Ve mâ-ı 'azb ile kesret-i istiḥmâmdan ictinâb ederler ve eger istiḥmâm ederse ḥıffet üzere edip bi-sür'atin neşf etmek vâcib olur ve ma'a-hâzâ şarî ḡasl kuvveti ḥâfız olur. İstiḥmâm eyledikte şaḥm-ı ḥanzal ve şûnîz ve bûraḳ ve merâretü's-sevr ḡasûlen isti'mâl olunur.

Ammâ Ma'âcîn ve 'Akākîr: O ma'âcîn ve 'akākîr-i nâfi'alar mādde-i balḡamî ḳaṭ' edip şeybi ibtâ edenlerdir ve onlar budur: Küllḡ yevmin helîlec-i Kâbülînin bir 'adedini levk ve maḍḡ ṭarîki ile veyâḥûd min-ḡayri maḍḡin ibtilâ' ṭarîkiyle tenâvül gibi, zîrâ o tedbîr şebâbı ba'dı kerre îlâ-âḥiri'l-ömr muḥâfaẓa eder. Ve kezâlik o ıṭrîfilât ki helîlecât-ı şaḡîre vü kebîreden mütteḥazedir ve kezâlik ḡabeş ile mütteḥaz olan ma'cündur ve zehab ile mütteḥaz olanlar ma'cûn-ı ḡabeşiden ḡayrlıdır, onlardan birinin şıfatı budur: Ehlîlec-i esved ve emlec her birinden birer cüz' ve belâzurdan müstaḥrec olan asel nışf-ı şûmûn cüz'; bu mezkûrlar semn ile ḡalt olunur ve 'asel ile ma'cûn kılınıp isti'mâl olunur ve cidden ḳavî devâ olur. Ve vâcib olur ki o devâyı ḳalîlen ḳalîlen isti'mâl eyleye te'sîr-i redî ile te'sîr eylesin için. Ve enḳardiyâ dahi devâ-i ḳavî olur ve meşrûdîṭûs dahi ḳavî-

dir, kezâlik tiryâk dahi kavîdir ve luḥûm-ı efâî şiyâbı ḥâfızadır ve luḥûm-ı efâînin kuvveti onu ekle itiyâd ile ḥâşıla olur.

Şıfat-ı Ma'cûn-ı Mu'tedil: Helîlec-i esved, birinc, dâr-ı fülful, emlec ve ba'dı kerre emlec bedeline ḥabeş-i ḥadîd kılınır, sükkar; bu edviyelerden ıtrîl ittiḥâz olunur.

Ceyyid-i Mücerrebendir: Zencebîl, helîlec-i Kâbüli, dâr-ı fülful vez- nleri berâber kılınıp isti'mâl olunur. Kezâlik bizim terkîb eylediğimiz bu devâ: Helîlec-i Kâbüli yirmi dirhem, ḥabeş-i ḥadîd dört dirhem, ğarîkûn beş dirhem, zencebîl, dâr-ı fülful, kıranfûl her birinden üçer dirhem; bu edviye- ler 'asel ile ma'cûn kılınıp isti'mâl olunur. Ve vâcib olur ki zikri müteḳad- dim müşeyyibâttan her hangisi isti'mâl olunursa bir sene-i kâmile isti'mâl oluna. Ve şebâba muḥibb olup bu ma'cûn mişlileri tenâvül eden kimselere vâcib olur ki o ma'cûn üzere nişf-ı nehâra kadar şabr ve imsâk edip gıdâsını bad'ehu tenâvül eyleye.

Şeybden Mânî Olan Letûḥât: Cemî'an edhân-ı ḥârre-i muḳavviye ve cemî'an seyyâlât ki [o seyyâlât mizâc-ı şarî ḥarâret-i ğarîziyyesi üzere ḥâfıza olan edviyeye tab'da müşâbih ola ve o kuvvet ḥasebiyle şar'a dâhil ve nüfûz eden gıdâ tekerrüc eylemeye ve o devâ kıtrân mişlileridir. Ve kaçan onunla eş'ara tılâ olursa dört gün miḳdârı üzerinde terk olunur ve ba'dehu ḥammâma idḥâl olunur ve bu vech üzere kıtrân isti'mâli re'sinin mizâcî ḥârr²¹⁴ olanlara dahi ilâc olur. Ve sâil ve rakîk olan zift-i raṭb dahi bu ef'âlde kıtrân gibidir. Ve kezâlik dühn-i kuşt cidden kavîdir ve dühn-i bân ve dühn-i şünîz dahi cidden min-küllî şey'in aḳvâdır ve şaḥm-ı ḥanḫal ile mütteḥâz olan dühn ve ḥardal dühnü kezâlik kavîlerdir. Ve ceyyid-i kavî budur ki dühn içinde şünîz tabḥ oluna ve ba'dehu veyâḥûd ma'an ḥanḫal tabḥ oluna. Ve zeytûn-i berriden mu'teşir olan zeyt ile küllü yevmin tem- rîḥe idmân olursa şeybi men' eder.

Dühn-i Ceyyid: Zeyt-i ünfâk üç kıst, sünbül bir buçuk ükıyye, azfâr-ı tîb nişf ükıyye, fikâḥ-ı idḥir nişf ükıyye; bu edviye dühn içinde sülüşü [545b] kalınca kadar veyâḥûd su içinde kuvvet-i edviyeyi su aḥz-ı şedîd ile aḥz edince kadar tabḥ olunur ve şüret-i aḥîrede edviyenin kuvvetini aḥz eden

214 Tab' ile olan nüshada "ḥârr" bedeline "bârid" vâkı' olmuştur, nüsha-i ülâ evlâ olmak zann olunur.

su dahi zeyt ile su zâhib ve zeyt bâkî olunca kadar tabh olunur ve bu sûrette aşveb budur ki o su ile tabh olunan zeyt taklîl ve bir buçuk kıst miqdârına iktîşâr oluna ve ba'dehu bir buçuk ûkıyye akâkıyâ şarâbla idâfe olunur ve nâ'imen sahğ oluna ve o akâkıyâ maṭbûḥ-ı mevşûf-ı mezkûra hâlî olup isti'mâl oluna.

Dühn-i Ceyyid-i Âher: Habbu'l-kuṭn dühnü ve dühn-i âs ve dühn-i emlec veznleri berâber kılınıp mecmû'dan bir rıtl aḥz olup ve su'd ve selîha ve sünbül ve şünîz ve karanfûl ve şahm-ı hanḫal ve kust ve 'ûd-ı hām ya'nî 'ûd-ı ğayr-i muṭarrâ ve fiḳâḥ-ı idhîr ve kaşabu'z-zerîre veznleri berâber aḥz olup o mecmû'dan yüz dirhem aḥz olunur ve hanḫal 'uşâresinde eger o 'uşâre var ise veyâhûd kuşûr-ı cevz 'uşâresinden dört rıtl 'uşârede tabh olunur ve kaçan suyun nısfı zâhib ve nısfı bâkî kalsa üzerine dühn vaḍ' olup tabhtan hâlî olunmaz hattâ su zâhib ve dühn bâkî olunca kadar ve taşfiye olup isti'mâl olunur.

Leṭûḥ-ı Ceyyid: Bu leṭûḥ şeybi ibtâ eder hattâ qarîbü'l-'ahd olan şeybi dahi izâle eder, o leṭûḥ budur: Akâkıyâ, 'afş, hulbe, bezr-i benc, küzbere-i yâbise, sünbül-i lâzen ve kuşûr-ı cevz 'uşâresinin müceffefi ve şakâyık-ı nu'mânın 'uşâre-i müceffefesi ve sadâ-ı hadîd ve rûsaḥtec ve şebb-i esved, ba'zı nüshada ibrinc dahi vâkı' olmuştur; bu edviyelerden akrâş-ı rakîka ittiḥâz ve tecfîf olunur, beher şehir üç def'a mâ-ı emlec ve mâ-ı âs ile tılâ olunur.

Ġalûf-ı Ceyyid: Helîlec-i esved, emlec, 'afş her birinden on birer, lâzen yirmi, varâk-ı âs ve ḥabb-ı âs her birinden otuzar; bu edviye üç rıtl zeyt içinde vaḍ' olunur ve üç gün onun içinde terk olunur ve ba'dehu tağalluz edince kadar tabh olup ondan Ġalûf ittiḥâz olunur.

Ve bizden muḳaddem olanların bu bâbda tecrîbe edip ve bizim zamânımızda dahi tecrîbe olunan devâlardandır: Belḥî olan zâc-ı aḥmer şarâbı bir dirhem miqdârı isti'mâl olursa şeybi neşr eder ve bedeline şar-ı esved inbât eder velâkin onu isti'mâle bedeni kavî ve mertûb olanlar taḥammül ederler ve onu isti'mâlden sonra vâcib olur ki riye-yi tenkıye ve tertîb eder devâ isti'mâl eyleyeler.

Hıdâbâtı Zıkr Ederiz

Kütüb-i kavimde birez edhân yazılmıştır ki o edhân hıdâbâttan zann olunur velâkin tecrîbe ile istihrâc olunan budur ki kaçan hâşşıyyeti kavıyye olan 'aķākîre dehânet 'âliye olsa o dühn-i 'âlî şa'r ile kuvâ-yı 'aķākîr arasında haylûle edip ve o dühniyyet 'aķķârın kuvâsı nüfûzuna mâni' olur ve o 'aķākîr-i kavıyyenin şa'rda te'sîri ve fi'li olmaz meger ki o 'aķķârın kuvâsı şedîde olup veyâhüd hâşşıyyet-i 'azîmesi olup o hâil ona haylûlete kâdir olmaya ve bu mişlli kuvvet-i şedîde ancak şada-ı hadîd ve şada-ı üsrûb ve kuşûr-ı cevzin mâiyyeti ve onların emşâli gibi kavıyyetü's-şıbg olan edviyede olur. Ve mercûdur ki bu mişlli kavıyyü's-şıbg olan edviyenin kuvveti mükerreren edhâna ahz olunup ve hall ve hamr gibi müberridât dahi o edviyeyi isti'mâle vâşıta kılınsa o devâ ahđâbdan bir şey-i mu'teber olmak mümkün olur. Ve bu mezkûr o kelâmın aşlı ve esâsıdır ki kavm ona şehâdet ederler ve biz görüp ve istimâ' ederiz ki kavm derler: Kaçan şecere-i cevzin 'urûkundan bir 'ırķ evvel-i rebî'de kaç olunup içinde dühn olan bir kârûreye ilkâm olunduktan sonra ma'an bir arđada defn olunsu o kârûrede olan zeyti o 'ırķ neşf edip kimini reşk ve remy etmekle ve kimini maşş etmekle kârûreden dühnü idâm eder ve kaçan faşl-ı harîf gelse o 'ırķ maşş eylediği dühnü irsâl eyleyip o zeytin ekşeri kârûrede vâki' olur ve o zeyt hıdâb olur ve bâbu'l-hıdâbda mezkûr olanların ekşeri kirâren ve mirâren isti'mâl olunmakla nef'i zâhir olur.

Ve bundan sonra ma'lûm ola ki şa'rı şâbig olan şıbgın ekşeri üç kısımdır: biri müsevvid ve biri müşakķır ve üçüncüsü mübeyyiddir ve biz onlara müsevvidât-ı ceyyide zıkrı ile ibtidâ eyleriz:

el-Müsevvidât: Hınnâ ve vesme müsevvidlerdir. Ve tesvîde vesme aşlıdır ki onun üzere nâs icmâ' eylemiştir ve şu'urun isti'dadı hasebiyle hınnâ ve vesmenin te'sîri muhtelif olur. Ve onlar ile ihtidâbda nâs evvel[â] hınnâ ile bed' ederler ve ba'dehu hınnâyı ğasl edip vesme ile ihtidâb ederler ve onlar ile ihtidâb eylediklerinde miķdâr-ı mu'teber şabr eder ve her ne kadar o hıdâbı imsâk ekşer olursa o şıbg ecved olur. Ve nâsın ba'dısı hınnâ ve vesme ile ma'an ihtidâb ederler ve ba'dı âher dahi hınnâ ile iktifâ edip ondan hâdiş olan şukret-i şa'ra râđi olurlar ve ba'dı dahi yalnız vesme ile bilâ-hınnâ şa'rina hıdâb edip ondan 'arîd olan tatvîse râđi olurlar.

Ceyyid ve Hindiyye olan vesmenin te'sîri ve fi'li esra' olur velâkin tatvîs ve şukreti eşedd olur ve vesme ve Kirmâniyye hıdâbı ekall ve ebta' olur velâkin şıbgının sevâd-ı şa'riye meyli olur ve onda tatvîs keşir olmaz.

Ve vesme şıbgını levn-i şa'ra redd eylemeğe muhabbet eden kimse her ne kadar vesmeyi hınnâ isti'mâlinden sonra isti'mâl eylediyse vesmeden sonra dahi hınnâ ile ihtidâb eyleye, zîrâ vesmeden sonra hınnâ isti'mâli şukret ve tatvîsi külliyyen ibtâl edip ve şıbgı levn-i şa'ra redd eder velâkin ba'de'l-vesme hınnâ isti'mâl eden kimseye vâcib olur ki o hınnâyı şa'r üzere keşiren imsâk eylemeye belki serî'an gâsl eylemek lâzımdır. Ve ba'dı nâs o hıdâbı mâ-ı summâk ve mâ-ı rummân veyâhûd mâ-ı râib ile cem' ederler veyâhûd o iki hıdâbı mâ-ı maşl ile ve kuşûr-ı cevz suyuyla cem' ederler ve onların cümlesi hıdâb-ı müsevvide mu'în olurlar. Ve ba'dılar dahi hınnâ ile vesmeyi o mâ ile cem' ederler ki nûre ve mürdâsencle tabhan veyâ teşmîsen terbiye olmuş ola ve terbiyesi o kadra bâliğ ola ki ona gams olunan şüfeyi tesvîd eyleye, pes bu minvâl üzere olan dahi müsevvidât-ı ceyyideden olur.

Ve kaçan hıdâb içine bir dirhem miqdârı karanfûl vađ olunsa cidden esved olur ve gâile-i hıdâbdan dimâğı emîn eder ve mađarratını men' eder, ammâ keşiren isti'mâl olunup lâkin nef'i bizim zîkr eylediğimiz hıdâblardan dûn olan hıdâblar budur ki 'afş zeyt ile mesh olunup ihrâk olunur ve ecved olan o 'afş-ı memsûhu kıdr-ı mutayyende müsevvede ve münsahıka olunca kadar ihrâk olunan olur ve onu ihrâkta mübâlağa olunmaz ve o mişli muhrağ olan 'afştan yirmi dirhem, rûsahtec on dirhem, şebb iki dirhem, milh-i derânî bir dirhem; bu edviyelerden hıdâb ittihâz olunur ve o hıdâb şa'rı sevâd-ı şâbit ile tesvîd eder. Ve ba'dı kerre hıdâb bu nüsha üzere dahi isti'mâl olunur: 'Afştan bir rıtl ahz ve zeytle mesh olunduktan sonra teşakk[uk] edince kadar kaly olunur ve rûsahtec ve şebb ve keşirâ her birinden on beşer dirhem, milh yedi dirhem bu devâlar ahz olunup cemî'an sahk-ı ceyyid ile sahk olunur ve mâ-ı hârr ile ma'cûn kılınıp ihtidâb olunur ve şa'rın üzerinde üç sâ'at miqdârı terk olunup ba'dehu gâsl olunur. Ve ba'dı kerre o nüshaya hınnâ ve vesme dahi idhâl olunur.

Ve bundan sonra meshûr olan hıdâb budur ki nûre, mürdâsenc, tîn-i me'kûl veyâhûd Hûzî [veyâhûd] kaymüliyyâ veyâhûd murâd eylediğin atyân-ı re'sten biri; o eczâlar veznleri berâber ahz olunur, 'acin-i [546a]

hıdâb gibi ma'cûn kılınıp isti'mâl olunur ve üzerine varak-ı sılķ vađ ve i'lä olunur ve milāk-i emr mürdāsenci şediden saħķ olur. Eger edviye-i mezkûreyi ma'cûn kıldığın su içinde mirāren ve mükerreren hınnā ve vesme taħķ veyāhūd teşmīs eylediğin su olur ise o hıdâb ecved olur velākin ba'de'l-'acn o hıdâbı bi-şartı muhāfazatı'r-ruṭūbet altı sâ'at miḳdârı terk edip ba'dehu isti'mâl eylemek vâcibdir.

Ve kezālik hınnā vesme ve kuḥl gibi olunca ḳadar saħķ olunan mürdāsenc, nûre, 'afş-ı maḳlûvv, rûsaḥtec, şebb, tîn, keşîrā, ḳaranfûl bu edviyeler veznleri berāber aḥz olup iḥtiḍāb olunur.

Bu maḳāmda biraz hıdâbāt-ı müsevvede vardır ki onları kütübde ḳavm zıkr ederler, onların içinde 'aḳl ḳabûl edip i'timād olunanları biz zıkr eyledik:

Hıdâb-ı Ceyyid Sıfatı: Hınnā bir cüz', vesme iki cüz', rûsaḥtec, şebb, milḥ-i derānī, 'afş-ı maḳlûvv, ḥabeş-i ḥadîd veznleri berāber aḥz olup ḥall ile saħķ olunur ve ona iḥmirār 'ārıd olunca ḳadar terk olunur ve ba'dehu isti'mâl olunur.

Ve ḳavmin hıdâbāt-ı mezkûresindendir: Ḥabeş-i ḥadîde ḥall-i ḥamr dört işba' miḳdârı 'ālī olunca ḳadar şabb olup onun içinde şediden saħķ olunur ve o ḥallin nısfı kalınca ḳadar taħķ olup iki üsbû' miḳdârı terk olunur ḥattā o müddette onun küllisi zencār gibi olur ve o ḥabeş miḳdârı helîlec aḥz olup üzerine ḥall-i mezkûr ba'de's-saħķ sabb olunur ve ḥall neşf olup ḥalûḳ gibi olunca ḳadar taħķ olunur ve ba'dehu dühn ile ğamr ve setr olup ğaliye gibi olunca ḳadar taħķ olunur, eger murād edersen ṭîb dahi idḥāl edersin ve bu hıdâbda ma'a'd-dehāne şıbg olduğu şadā-ı ḥadîdin ḳuvveti ḥasebiyle olur.

Ve kezālik ḥabeş-i fıddā ḥall içinde şediden taħķ olunursa o dahi müsevvidāt-ı ḳaviyyeden olur. Ve bana eḥabb olur ki ḥall bedeline ḥummād-ı nārenc ve ütrücc kılına ve taħķ bedeline ḥadîdi veyāhūd fıddayı o ḥummād içinde bir müddet terk kılın.

Ve kezālik ḳavm dediler ki bir ḳınnîne içine sefûf kılınan şaḳāyık-ı nu'mān ve şebb ve sükk vađ olup şaḳāyık-ı nu'mānın her rıtlına iki üḳıyye şebb ve sükk vađ olursa ve o ḳınnîne zibl içine defn olursa o edviye hıdâba münḥal olur. Ve yine ḳavm dediler ki şa'ṭrın nebāt-ı raṭbı sünbülünü

ihrâc etmezden muḳaddem aḥz olunup nişfı miḳdârı şebb ile cevḫ-i kârûre-ye vaḫḫ olunup serḫinde defn olunsa o nebâtın küllîsi mâ-ı esved ve leṭûḫ-ı müsevvîd olur.

Ve kezâlik şeceresi üzere olan ḫarḫ-ı raṭb taḫvîr olunup içinden buṭunu ihrâc olunduktan sonra onun cevḫine milḫ ve miḳdâr-ı ḫalîl ḫabeş-i ḫadîd doldurulsa ve taḫvîr olunan ḫısr mevḫîne redd olunup taṭyîn olunsa onun derûnunda olan eşyâ cemî'an mâ-ı esvede istiḫâle edip ḫıḫâben ve midâden isti'mâl olunur. Ve yine ḫavm dediler ki varâḫ-ı keber saḫḫ olunup leben ile ḫuşûşan leben-i insân ile ṭabḫ olunsa ḫattâ leben sülûşe bâliğ olsa ve bir leyle o maṭbûḫ terk olunsa ḫıḫâb-ı ceyyîd olur ve benim katımda o devâ ḫâfızât-ı şarḫdandır. Ve Câlînûs zıkrî âtî devânın ḫıḫâb olduğuna şehâdet eyledi ve dedi ki şeceretü'l-cevzde salkım gibi olan zehre aḥz olunup zeyt ile saḫḫ olunur ve o meshûḫ ḫafr²¹⁵-ı raṭbdan bir şey'le ṭılâ olunur. Ve baḫḫılar dediler ki o ḫıḫâba baḫ-ı mâ'iz dahi ḫalt olunsa ceyyîd olur. Ve yine ḫavm dediler ki kavak ağacının ḫuşûr-ı aşlı zeyt ile saḫḫ olunsa ve onun ile iddihân olunsa o dahi şarḫı tesvîd eder ve eger zeyt bedeline su kılına ümîd olunur ki ecved ola ve benim ḫavlim Bûles zıkr eylediği ḫıḫâbda dahi bunun gibidir. Bûles dedi ki şaḫâyıḫu'n-nu'mân verd-i zeyt içinde ḫâliye gibi olunca ḫadar saḫḫ olunsa o verd ḫıḫâb olur. Eger Fûles'in bu ḫavlinin ma'nâsı var ise o ḫıḫâba şebb katılmak gerektir, devâyı şebb tenfîz ve taḫvîş eyleye. Ve kezâlik ḫuşûr-ı cevz ile dühnü terbiyede ve suda ṭabḫta ve miḳdâr-ı ḫalîl üzerine şebb îḫâcında olan maḫâl-i ḫavmi ben taḫṭîf ederim, mâ-ı şaḫâyıḫta dühn ṭabḫ olunur su fenâ bulunca ḫadar dediklerini.

Ve kezâlik dühn-i ḫall aḥz olunup üzerine sülûsü miḳdârı emlec idḫâl olunduktan sonra bir sâ'at miḳdârı bi-rıfḫın ṭabḫ ve baḫdehu taşfiye ve onun her bir rıtlı için üsrübün şafâiyî-i raḫîḫasından bir rıtlı ḫalt olunup rıfḫ ile ṭabḫ olunur üsrübü zevebân eylemesin için ve dühn müştâ'îl olmasın için dâimâ taḫrîk olunur ve baḫdehu birkaç eyyâm terk olunup baḫdehu aḥz olunur. Ben derim ki bu devâda nev'an-mâ recâ vardır ḫuşûşan onun içinde şebb dahi ola. Ve yine ḫavm dediler ki kezâlik ḫıḫâb olur dühn-i bân nârcîl cevḫine vaḫḫ olunup taṭyîbinde tevşîḫ olunsa ve ihtiyâṭ üzere tennûra vaḫḫ

215 “Ḫafr” “ḫâr” ma'nâsına ya'nî zifttir.

olunsa ihrâc olundukta dühn hıdâben hurûc eder ve evlâ olan bu devâ şeybe mâni^c edviyeden ‘add olunmaktır. Ve yine kavm dediler ki ‘acemü’z-zebîb tenkîye olunup ke’l-kuhl nâ’imen saḥḳ olunsa ve dühn ḥall ile ḡamr ve setr olunup bir şehir miḳdârı serḳîne defn olunsa nuşûl için hıdâb-ı ceyyid olur. *Ve “nuşûl” levni mütemeyyiz olana şa’rdir, bu vech üzere nuşûlun nefsi karîben gelir.*

Ve mücma‘un ‘aleyh gibi olan hıdâbdandır laklak yumurtası ve toy kuşunun yumurtası. Ve bizim zamânımıza müşâdif oldu ki Melik Şemsü’l-devle ḳaddesallâhu rûhahu ḥadretlerinin ḥayâtında onun fûhûdâtından biri fehd-hânedâ nâim olan fehḥâdın liḥyesinden bir taraḫa sülâḫasını ilḳâ eyledi ve o mevḳi^c necv ve sülâḫa sebebiyle ebyad iken esved oldu.

Ġâliye: Kavm bu ġâliyeyi medḥ edip dediler ki emlec elli dirhem ve âs-ı raṭbdan ma‘şûr mâ-ı âs bir buçuk rıtl; bu mezkûrlar dört rıtl su içinde nısfı zâhib olunca ḳadar ṭabḥ olunur ve ba‘dehu nârdan inzâl olunup elli dirhem ḥaṭmî ve elli dirhem ḥınnâ ve elli dirhem vesme ve yirmi ‘aḫş-ı maḳlûvv ve on zâc ve elli şamḡ aḫz olunup o maṭbûḫa ilḳâ olunur ve ġalîz olunca ḳadar ṭabḥ olunup misk ve sükk ile taṭyîb olunur ve hıdâbı murâd olunan mevḍi^ce ondan ġılaḫ ittiḫâz olunur ve cirmi miḳdârı mevḍi^ci boyar.

Ve yine kavm dediler ki ḥabb-ı ḳuṭnün dühnü otuz dirhem aḫz olunur ve ona bürâde-i ḥadîd ve bürâde-i üsrûb ve rûsaḫtec her birinden dörder dirhem ilḳâ olunur ve cemî‘an saḥḳ olunup esved olunca ḳadar terk olunur ve ba‘de’l-isvidâd taḡliye ve taḳvîm olunur ve misk ile taṭyîb olunur.

Ve ma‘lûm ola ki şa‘ır-i muḫraḳ ve ḳuşûr-ı bâḳılâ ve ḳuşûr-ı rümân hıdâbda ḥınnâ medḫaline dâḫil olan edviyedendir ve ḳuşûr-ı cevz dahi onlar gibidir. Ve edviye-i hıdâb edviye-i müfrede cedâvilinde zıkr olundu, o edviyenin ümmehâtı şeytarec ve mürr ve ḫudaḫ ve ḫardal ve milḫ ve ḫarbaḳ ve sermaḳ ve emlec ve bersiyâvuşân ve şakâyık ve ḥınnâ ve vesme ve nuḫâs-ı muḫraḳ ve ḫabeş-i ḥadîd ve mâ-ı ḳuşûr-ı bâḳılâ-i raṭb ve ḳuşûr-ı cevz ve mâ-ı ḳuşûr-ı cevz ve aḳâḳıyâ ve ḫıltîṭ ve bezr-i sılk ve âs ve ḫabbu’l-âs ve mürdâsenc ve lâzen ve nûre ve ḫabeşlerin küllîsi ve kezâlik bürâdâtın küllîsi ümmehât-ı hıdâbdır.

el-Müşakkırât ve Müşakkırât Mecrâsına Cârî Olanlardır: Ve kavm dediler ki ḳaşab-ı Nebaṭînin tarî iken bir cânibinden ḳışrı aḫz ve izâle olunup

cānib-i āherden üzerine nār ikād olunsa ondan seylān eden ruṭūbet hıdāb olup onunla tılā olunan mevḍî'î levn-i zehebe şābiğ olur. Ve kezālik şadā-ı ḥadīd mā-ı zāc ile onun gibi müşakḳırdır velākin ḥinnā gibi onda dahi şabır olunmak gerektir. Ve kezālik ḥinnā ve şarāb dūrdī ve rātīnec veznleri berāber ve idḥirden bir şey² aḥz olunup onunla ihtidāb olunur veyāḥūd ḥinnā kündüş ṭabīḥiyle ma'cūn kılınıp ihtidāb olunur. Ve kavm dediler ki şebb ve isferek ile ve za'ferān veyāḥūd mürre ve sevec [546b] ya'nī milḥ-i debbāğa ile tılā olunup yevmen ve leyleten terk olunur ve o hıdāb ba'dı kerre eyyāmen terk olunur. Ve kaçan türmüs ḥall-i ḥamr ile ma'cūn kılınıp mirāren onunla tılā olunsa o dahi şukrete şābiğ olur. Ve kezālik türmüs-i meshūk on dirhem, mürre beş dirhem, milḥ-i debbāğa ya'nī sürec üç dirhem, dūrdī-i şarāb-ı müceffef ü muḥraḳ üç dirhem, remād-ı kerm ḥaṭabının suyu kadr-i kifāye.

Muḥammir-i Kavī: Summāk iki ūḳıyye, 'aḫş üç ūḳıyye, āzeryūn iki ūḳıyye, bersiyāvuşān iki bāḳa ya'nī iki deste, efsentūn bir bāḳa, türmüs-i yābis-i muḳaşşer iki keff; bu mezkūrlar daḳḳ olunup on rıtl su içinde eyyāmen naḳ' olunup ba'dehu re'se fātiren ḍimād olunur.

Ve kavm dediler ki su'd ve kündüs suda ṭabḥ olunup ṭabīḥi cidden kavī müşakḳır olur. Ve dahi kavm dediler ki dūrdī-i şarāb muḥraḳan ve ḡayr-i muḥraḳ aḥz olunup dūhn-i bān veyāḥūd dūhn-i idḥir ile ḥalt olunur.

el-Mübeyyidāt: Onlardan biri ḥuṭāf ḥurūdur. Ve nesrīn ve māş ve zeh-retü'l-būşıra'l-ebyad ve kuşūr-ı fücl ve merāretü's-sevr ve buḡār-ı kibrīt ve fiḳāḥ-ı keber ve fiḳāḥ-ı zeytūn bu mezkūrlar fūrādā ve mecmū'aten mübey-yidlerdir ḥuşūşan ḥall ile tılā oluna ve ḥuşūşan mevḍî'e kibrīt tūtsüsü verilip ba'dehu onlar ile tılā oluna veyāḥūd bezr-i rāsen ve füclün kısr-ı yābisi ve şebb bu mecmū' aḥz ve nışf cüz² şamğ-ı 'Arabī ile cemī'an daḳḳ oluna. Ve kezālik nesrīn varakı ve kuşūr-ı ḥaşḥāş ve lüffāḥ ve eger o kuşūr-ı ḥaşḥāş ve lüffāḥ bu iki muḥaddir bedeline benc vaḍ olunursa kavī olur ve hıdāba ḥalt olunur ve eger ona kāfūr ve mā-ı verd idḥāl olunursa ecved olur. Ve ba'dı kerre dahi şa'r ıslatılıp kibrīt ile leff olunup ba'dehu onunla tebhīr olunur, gece iki def'a bu minvāl üzere 'amel olunur.

O Aḥvāl İle Tedbīrdir ki Hıdābdan Sonra İşlenir ve Hıdāba İtbā' Olunur: Hıdābātın ekşeri dimāğı müberrid ve müfsiddir ve nevāzil ve sekte mişlile-

re dimāğı müheyyî ve mu'idd olur, pes vâcib olur ki ba'de'l-ḥıdâb ḥıdâbın kurbünde mu'alece olunup o 'avâriḍ 'urûddan men' oluna ve ḥıdâb 'akıbında ṭib-i ḥârrdan misk ve karanfûl ve o mişlli atyâb-ı ḥârre isti'mâl oluna. Ve ba'dı kerre ḥıdâbdan şa'ra imtidâd 'arıḍ olup veted gibi olup cu'üdeti zâile ve vaḍı kabîha olur ve o maḍarrat tedârük olunup o ḥıdâbın ahlâṭına şa'rı murakḳık ve müca'id edviye ḥalt ve idḥâl olunur ḥuşuşan eş'âr-ı ḥaşine ihtidâb olundukta onun ḥıdâbına murakḳık ve müca'id edviye idḥâli mü'ekeden vâcib olur. Ve ba'dı kerre dahi ḥıdâbdan lihye telebbüd edip keçe gibi olur ve şa'r nüks eder ve birbirine munḍamm olur ve onun tedârükü 'akıb-i ḥıdâbda dühn-i benefşec ve dühn-i ḥırî isti'mâli olur. Ve ba'dı kerre ḥıdâbdan beşereye isvidâd 'arıḍ olur ve nâs onu bâkılâ ve ḥımmaş dakîkleriyle ḡasl ederler velâkin ḥıdâbda olan dühn-i ḥârr ḥasebiyle beşereye sevâd 'arıḍ olsa ben o sevâdı ḡasl eylemem.

Ve ba'dı kerre ḥıdâbdan sonra şa'ra nuşûl 'arıḍ olur ya'nî ḥıdâbın levni şa'rdâ müteğayyir olup kabîh olur ve onun mu'alecesinin ecvedî budur ki ḥıdâbdan cevze miqdârı bir şey' aḥz olunup tecfîf olunur ḥuşuşan kuvvet-i ḡavvâşası olan ḥıdâbdan aḥz ve tecfîf olunur ve kaçan nuşûl bi'l-fi'l zuhûr veyâḥûd zuhûra qarîb ve müteheyyî olsa misvâk gibi ḥaşebe aḥz olunup taraf-ı vâhidi lett ve dakḳ olunur ve o dakḳın hilâliyle o ḥıdâb-ı ma'ḳûd aḥz olunup o nuşûla itbâ' olunur. Ve bir kavm dahi dühn-i bân ve dühn-i lâzen gibi olan edhân-ı tayyibe duḥânını aḥz edip veyâḥûd şem'in duḥânını aḥz edip o duḥânla nuşûle mesh ederler velâkin bu vech üzere olan nuşûlün şalâhı kaçan şa'r ḡasl olursa bâtıl olur.

Ḥazâz Beyânındadır

“Ḥazâz” ḥâ-ı mühmelenin fethiyle eczâ-ı şıḡârdır ki fî-ḡayri teḡarruḥin baştan nuḡâle mişâlinde taḡaşşür eder ve ona ḥazâz-ı ibriyye tesmiye olunur. Ḥazâzda olan kelâm şa'rdâ vâқи kelâma müşâkil ve münâsib olmakla kelâm-ı şa'r 'akıbında ḥazâzda biz tekellüm eyleriz ve deriz ki ḥazâz ibriyye dedikleri illettir ya'nî o nuḡâledir ki başta tekevvin eder ve taḡşîr-i hafîften bir nev'dir, bilâ-ḥarece re'se 'arıḍ olur cilde-i re'sin satḥ-ı a'fâsının mizâcına fesâd 'arıḍ olmakla. Ve ḥazâzın erde'i teḡarruḥa ve menâbit-i şa'rın fesâdı meblaḡına bâliḡ olandır ve kezâlik mādde-i ḥādde vü bürâkıyye veyâḥûd

dem-i sevdâviyye ile hâdiş olanlardır. Ve baʿdî kerre sebep-i hazâz reʾste sūʾ-i mizâc olup vâşıl olan gıdâyı o sūʾ-i mizâc ifsâd etmekle olur ve baʿdî kerre yûbs-i mücerred ile dahi ʿarîd olur ne kadar bedeninin emzice-i sâiresi muʿtedil olur ise ve baʿdî kerre hazâz-ı reʾs ʿuḍv-ı âhere müşâreket hasebiyle olur.

el-ʿÎlâc: Biz deriz ki hazâzın bir şıfı hafîf olur, onun ʿilâcı dahi hafîf olur, kaçan başa dühn-i verd ve dühn-i benefşec ve luʿâbâtla tılâ olursa onun tedbîrine kifâyet eder. Ve şıf-ı âher ondan eşedd olur, onun ʿilâcında cilâsı olan edviyeye hâcet olur, cilâsı ve taḥlîl-i kavîsi olan edviye istiʿmâl olunduktan sonra ardınca murattıb ve muʿaddil devâlar istiʿmâl olunur.

Ve hazâzın bir şıfı dahi vardır ki cidden redîdir, takrîhe müʿeddî olur; onun ʿilâcında vâcib olur ki faşd ve ishâl ile beden tenkîye oluna eger onlara hâcet var ise ve sebebi imtilâ ile bedenden başa terakkî eden mevâdd ise ona baʿdeʾt-tenkîye muʿâlece olunur ve her kaçan ona edviye-i âliye ile ʿilâc olursa ona edhân itbâc olunur.

Hazâz-ı Leyyine Edviyeleridir: O edviyelerde lezʿ-i keşîr olmaz. Kaçan hazâz-ı daʿîf zuhûra karîb olsa ona bu ʿilâc kifâyet eder: Mâ-ı sılķ ve mâ-ı hulbe ile reʾs ğasl olunur ve kezâlik habb-ı bittîḥ ve daķîķ-i hımmaş ve türmüs ve bakılâ ve bezr-i ḥatmî zeyt içinde maṭbûḥan ve luʿâb-ı sefercel ve ḥatmî ve keşîrâ ve tîn-i Ḥüzî ve ḳaymüliyâ ile ve ḥuşuşan ḳaymüliyâ ile bir sâʿat miķdârı başa tılâ olup baş üzere o tılâ bir sâʿat miķdârı terk olunduktan sonra sılķ ʿuşâresi ve ḥilâfın raṭb-ı varâķının ʿuşâresi ile ğasl olunur ve onun nefʿi ğâyete bâliĝdir. Ve kezâlik temr-i Hindî ve kerefs ve kerefs ʿuşâresi ve âzâd-dıraḥt ṭabîḥi ve varâķ-ı şehdâ nec ve varâķ-ı simsim o edviyelerdendir ve bu iki devâ âherler maʿa-leṭâfetihimâ kuvâyı ibṭâl ederler ve ʿuşâreleri dahi varâķları gibi olur. Ve kezâlik levz-i muḳaşşer ḥall ile ve hulbe daķîķi dahi ḥall ile istiʿmâl olunur veyâḥûd daķîķ-i hımmaş varâķ-ı simsim-i meshûķla ḥall ve bir miķdâr ḥamr ile ḥalt olunduktan sonra istiʿmâl olunur veyâḥûd hımmaş-ı medķûķ ve ḥatmî ḥall ile maʿcûn kılınıp onunla tılâ olunur veyâḥûd ğubâr gibi meshûķ olan tûş ḳıdâḥi ile ğasl olunur ve onun istiʿmâli ḥatmî istiʿmâli gibidir veyâḥûd ḥatmî rubbu zeytte veyâḥûd zeytle maḥlûṭ şarâbda maḥlûl olan kündür ile iki üsbûc kirâren ğasl olunur.

Ve hâzâz için laţîf sehl devâdan olur: Mâ-ı varâk-ı raţb-ı hîlâf ile ğasl-ı re's eylemek ve o ğasûl ceyyîd-i bâliĝ ve mücerreb ve selîmdir ve vâcib olur ki zîkr olunan ğasûl ile hangisi olursa olsun baş ğasl olunduktan sonra leylan dühn-i verd ve dühn-i benefşecle tedhîn olunur.

Hazâzın Edviye-i Kaviyyeleridir: Onun aĝsâline bûrak veyâhûd kibrît veyâhûd merâretü's-sevr ve şahm-ı hanzâl ve dürdî-i şarâb ve hardal ve mîvîzec ve zücâc-ı muhraĝ ve harbak ve şâfsiyâ ve o mişlîlerin biri hâlţ olunur. Ve kezâlik kaymûliyâ ahz olunup merâretü'l-bakar ile ma'cûn kılınıp isti'mâl olunur ve iki sâ'at miqdârı üzerinde terk olunur [547a] veyâhûd bân habbı ve daķîķ-i bâķilâ veznleri berâber su ile ma'an taḃḃ olunup re's ğasl olunur veyâhûd dürdî-i şarâb bir rıtl şâbûn bir ûkıyye bûrak dört dirahmî bu edviyeler cem' olunup onunla baş telţîḃ olunur ve ba'dehu mâ-ı sılk ve daķîķ-i hımmaş ile ğasl olunup ba'dehu dühn-i âs isti'mâl olunur ve ba'dı kerre baş ahşâ-ı bakar ile ğasl olunur ve cidden nâfi' olur. Ve bir gece istirâhatte kılınıp ba'dehu gece ile ahşâ-i bakar tîlâ kılınır ve başı bevl-i celmel ile ḥuşuşan celmel-i 'Arabî bevli ile ğasl eylemek şedîdü'n-nef' olur. Ve meshûķ olan zücâc hâzâz-ı redî bâbında kaviyyü't-teşîr olur. Ve kezâlik onun o edviyeleri dahi kavî olur ki onun aḥlâtında kalkand ve mevîzec ola veyâhûd rıĝve-i bûrak ve kalkand bi's-seviyye ahz olunup ba'de ḥalkî'r-re's tîlâ olunur ve ba'dı kerre o iki devâ zeyt ile cem' olunur veyâhûd mîvîzec zeytte saḥķ olunup onunla tedhîn olunur veyâhûd kibrît ve kalkand ve bûrak veznleri berâber lâzen ile cem' ve dühn-i maştakî ile idâfe olunup ve başa tîlâ olunup bir müddet baş üzere terk olunur ve ba'dı kerre dahi içine harbak hâlţ olunur.

Bu devâyı ba'dı muḥdeşîn iddi'â ederler velâkin tecribe olunduktâ ceyyid olduĝu zuḥûr eyledi: Zûfâ-i raţb nışf cüz', şahm-ı battı bir cüz', dühn-i ḥîrî bir cüz', şâfsiyâ rubu' cüz', lâden iki cüz'. Evvelâ baş mâ-ı ḥârr ve şâbûn ile ğasl olunur ve ba'dehu ḥırķa-i yâbise ile baş muḥammer olunca kadar delk ve ba'dehu onunla tîlâ olunup o tîlâ bir gün ve bir gece baş üzere terk olunur ve ba'dehu ğasl olunur.

Maḳāle-i Şāniye Cildin Bi-Ḥasebi'l-Levn Aḥvālî Beyânındadır

Ammā Levni Tağyîr Eden Esbâb

Ben derim ki levn-i cildenin sevâda tağayyürü şems ve berd ve rîhin bi-riyle olur veyâ ḳaḥl sebebiyle olur. *Baḳdî nüshada “ḳaḥl” bedeline “şîḳal” vâḳî olmuştur.* Ve kezâlik kılllet-i istiḥmâm veyâḥûd ekl-i melûḥât veyâḥûd demin sevdâviyyete istiḥâlesi ile olur. Ve levni muşaffir olan esbâbın biriyile levn aşfer olur. Ve o esbâb-ı emrâd ve ğumûm ve ʿadem-i ğidâ ve keşret-i cimâʿ ve keşret-i evcâʿ ve havânın harr-ı şedîdi ve miyâh-ı râkid şûrbü ve meʿkûlâtan nânḥâhı ekl ve keşret-i şetm ḥattâ denildiği üzere ona nazar eylemek dahi levn-i cildi tağyîr eder. Ve ḥall ve ona idmân veche işfirâr iḥdâş eder. Ve kemmûn şûrben ve leṭûḥan bi'l-ḥall ve kemmûn keşir olan beytte tûl-i maḳâm ve ḥalli ekilde istiksâr ve ekl-i tîn bu mezkûrlar levni tağyîr ederler ḥattâ ekl-i tîn süded dahi icâb edip efvâh-ı ʿurûḳ münsedde olmakla cilde dem-i ḳânî ḥalâş olmaz ancak ḥalâş olan buḥâr-ı şafrâdan bir şey olur. Ve kezâlik büldân-ı ḥârrede taʿayyüş dahi levni tağyîr eder.

Levni Tebrîḳ ve Tahmiye ve Cilâlî Kılan Edviye Beyânındadır

Ve maʿlûm ola ki demi ve rûḥu cilde tahrîk eden edviyenin küllîsi cilde revnaḳ ve neḳâ ve ḥumret iḥdâş eder ve cilâ-ı ḥafîfle cālî olan edviyeler dahi ona iʿânet eder ve cildi eraḳḳ ve cildin yüzünde olan eczâ-ı hâlikeleri keş-i laṭîf ile keş eder ḥuşûşan onda şıbg olursa ve maʿa-hâzâ küllihi bu revnaḳın beḳâsı harr ve berd ve riyâḥtan istitâra muḥtâc olur.

Ve demi cilde muḥarrik olan eşyâların zîkr olunan efʿâlî fiʿli üç vech üzere olur: Evvel vech budur ki onlar demi ḥuşûşan dem-i rakîḳi tevliḍ eder, zîrâ kaçan dem-i ceyyid tevelliḍ eylese ve o dem keşir ve münteşir olsa her mevdiʿe bâliğ olur. Ve ikinci vech o eşyâ demi tenḳiye eder. Ve üçüncü vech o eşyâ demi bedene ve cilde neşr eder ve tahrîki ḥasebiyle demi baş edip ḥârice iḥrâc ve mecârîyi teftîḥ eder ve baḳdîsı dahi demi dâḥilden ḥârice ḳasren cezb eder. Ve o eşyâdan tarîḳ-i evvel ile yaʿnî tevliḍ-i demi teksîr ile taḥsîn-i levn edenler ḥımmaş ve beyḍ-i nîm-birişt ve mâu'l-laḥm ve şarâb-ı reyḥânî ve tîn tenâvülleri olur, zîrâ bunlardan dem-i

rakîk tevellüd edip cilde mündefîc olur ve o sebebdan taḥsîn-i levn fî'lini işlemiş olur.

Ve nâkihîne ârîd olan semâcet-i levn levn-i aṣlîsine icâde murâd olunsa tîn-i yâbis ve besr tenâvülünün menfa'ati olur, zîrâ onlar dem-i latîfi ve ḥarâret-i ġarîziyyeyi ziyâde ederler. Ve o bâbda mücerreb olan tedbîrlerden olur eyyâmen mütevâliyeten şarâb ve leben şûrb eylemek.

Ammâ o eşyâ ki levn-i cildi tenkîye-i dem ḥasebiyle taḥsîn eder, onlar ıtrîfil-i şaġîr ve helîlec-i mürebbâ mişllilerdir eger 'ale'd-devâm isti'mâl olunurlarsa. Ve bu bâbda helîlec-i Kâbüli ıtrîfil isti'mâlinde aqvâdır.

Ammâ o eşyâ ki demi başt ve neşr ile levn-i cildi taḥsîn eder, onlar ḥiltî ve fülful ve su'd ve kıranful mişllilerdir, ta'âma onlar vad' olunup ma'an tenâvül olunur. Ve za'ferân dahi o fî'li işler lâkin za'ferân demi neşr eylediği gibi idâ'at dahi eder ḥuşuşan meypuḥtecede isti'mâl olunsa neşri ekser olur ve za'ferânın şerbet-i vâhidesi bir dirhem miqdârı olur. Ve zûfâ dahi o vech ile taḥsîn-i levn eder, zûfâdan iki dirhem za'ferân nişf dirhem aḥz olunup sükker ile isti'mâl olunur. Ve vecc dahi taḥsîn levn eder. Ve lu'be-i berberiyeye bir dirhemden iki dirheme varınca kadar esviķa ile ḥalt olunup ġalebe-i şedîde ile lu'be-i berberiyeye maġlûbe olduġu ḥâlde şûrb olunsa o dahi taḥsîn-i levn eder ve eger vech-i meşrûḥ üzere maġlûb olmasa muşan-nif katında lu'be-i berberiyeye sūrincâna ıtlâk olunup ve sūrincân derece-i sâlisede ḥarr olmakla ondan işti'âl-ı fâḥiş 'arîd olur. Ve buķûldan bu bâbda nâfi' olan fûcl ve kürrâş ve başal ve kerneb eklleri ve ḥâşşaten ekl-i kernebe idmân olur.

Ve ef'âl ve ḥarekâttan nâfi' olanlar iġtiyâz ve ġadab ve cidâl ve riyâdet-i mu'tedile ve müşâra'a ve kezâlik sürûr ve ṭarab ve ef'âl ve a'mâlden me'nûs olduġu nesneleri mü'tâlâ'a ve semâ'-ı ṭayyib ve mücâlesetü'n-nazzâf u zar-râf ve sebkte ya'nî yariş için olan mu'âraḍa ve mübâre'e aşnâfına nâzar ve hirâş ya'nî iġrâ eylemek ve üşkürmek olur.

Ammâ ḥâricden cezb ve cilâ ile taḥsîn-i levn eden eşyâlar o leṭûḥât ve ġasûlât olur ki onlar daķîk-i bâķılâ-ı muķaşşer ve daķîk-i şa'îr ve daķîk-i kirsenne ve daķîk-i ḥınta ve neşâ ve ḥâşşaten daķîk-i ḥimmaş ve daķîk-i 'ades ve daķîk-i erüzz ve ġira's-semek ve îresâ ve lâden ve tîn ve kündür ve maştakî ve dühn-i maştakî ve kuşûr-ı beyḍ ve laḥm-ı şadef ve muķl ve

mertek ve isfidâc ve nüşâre-i ‘âc ve ‘izâm-ı nahîre ve mihlebe ve fûvve ve tîbden bir kuvvet-i kavîyye ve levz-i hûlv ve levz-i mürr ve bezr-i hıyâr ve bitîh ve kar ve kaţaf ve bezr-i fûcl dakîki ve bezr-i circîr mislli edviye ittiḥâz oluna. Ve çok kerre neşâ ve keşîrâ leben ile küllü yevmin tılâ olunsâ vechi şâf ve nakî eder. Ve kezâlik o edviyelerdendir künâber ‘uşâresi ve zerdec²¹⁶-i ‘uşfur ve ḥalbi sâ‘atinde meḥûz olan leben-i ḥalîb ve buzağı tırnağının tabîhi ki o azlâf teherrî edince kadar tabḥ olunmuş ola ve laḥm-ı şadef tabîhi ve beyâd-ı beyd veyâḥûd ḥulbe ve iklîl-i melik tabîhleri.

Ġasûl-i Ceyyid: Bâkılâ-ı muḳaşşer, kirsenne, türmûs, bezr-i fûcl, bezr-i bitîh-i muḳaşşer, ḥımmaş, neşâ, bu edviyeden Ġasûl ittiḥâz olunur.

Ġamre-i Ceyyide: Dakîk-i bâkılâ ve dakîk-i şa‘îr ve dakîk-i ḥımmaş her birinden birer cüz² ve ‘ades-i muḳaşşer ve keşîrâ [ve neşâ] her birinden nısf cüz², ḥabb-ı bitîh iki cüz², za‘ferân kadr-i mâ-yuşbağ; bu edviye ile gece tılâ olunur ve nehâren kuşûr-ı bitîh tabîhi ve benefsec misllinin tabîhiyle [547b] Ġasl olunur.

Uḥrâ: Levz-i hûlv ve keşîrâ ve şamğ ve dakîk-i bâkılâ ve îresâ ve Ġirâ-ı semek bu edviye mütesâviyetü’l-evzân aḥz olunup onları cem‘e kifâyet edecek kadar su içinde Ġirâ izâbe olunur ve ba‘dehu edviye içine vaḍ olunup ondan tılâ ittiḥâz olunur.

Uḥrâ: Dakîk-i bâkılâ, şa‘îr ḥımmaş, semîd bu edviyeler beyâd-ı beyd ile tılâ olunur.

Ve cilâ-ı kavî ile tecliye eden edviyedendir: Bülbûs, başal, bûrak, nânḥâḥ ma‘a’l-‘asel, uşşak, dühn-i bâbûnec, şedîdü’t-tenkıye olan mey‘a. Kezâlik kerneb, zernîḥ, ḥur‘u’d-ḍabb, aşl-ı nerces.

Ġamre-i Kavîyye: Zerdec-i ‘uşfur aḥz olunup koyulanınca kadar tabḥ olunur ve ondan bir ũkıyye aḥz olunup tılâ ‘acini gibi zikri âtî edviye onunla ma‘cûn kılınır ve o edviye bunlardır: zerḳ-ı aşâfîr, dakîk-i türmûs, dakîk-i ḥımmaş, bezr-i bitîh-i muḳaşşer; bu edviyeler cem‘ ve saḥḳ olunup zikr olunan maṭbûḥ zerdec ile cem‘ olunup tılâ olunur.

Ġamre-i Uḥrâ: Keşîrâ, zücâc-ı Şâmînin Ġubâr misli olan meshûku, za‘ferân, türmûs, lûbb-i ḥabbu’l-kuṭn her birinden birer mişḳâl, dühn-i levz ile tılâ olunur.

216 “Zerdec” zerengdir, mâiyyetü’l-‘uşfur ma‘nâsına.

Ve her gece vech hardal-ı ebyađ, zernîh-i aħmer ve aşfer ma'a'l-leben o mecmûc ile tılâ olunsa vechi taħmîr-i şedîd ile taħmîr eder. İşbu edviye-i kaviyye vü cālîye ibtidâ cüzâmda 'arıđ olup ona tenekkür ve büşür ve simen tesmiye olunan şeħaneye dahi nâfi' olur, eger o devâlar mevdi'-i mezkûr üzerinde isti'mâl olunursa onları izâle eder.

Ve kezâlik onlara maħşûş olup bi- kuvvetin tenkıye eden edviyeden olur: Şamğ-ı ebyađ, būrađ, kündür, kibrit-i aşfer bi's-seviyye aħz olunup ħall ile ondan kırş kılınır ve tecfif olunup 'inde'l-ħâce ħall ve 'asel ve rıgve-i būrađ ve o mişllilerle isti'mâl olunur. Ve bu bâbda rıgve-i būrađ nefsi-i būrađtan ħayrlı olur.

Ve kezâlik bir rıtl şâbûn ve bir mişlli uşşak aħz olunup üç rıtl su içinde iki gün miķdârı ħall olunurlar ve ba'dehu üzerine kündür ve maştakî ve naţrûn veznleri berâber, min-ħaysü'l-mecmûc yedi ũkıyye miķdârı ilkâ olunur ve cümlesi bir zücâce içinde saħķ-ı şedîd ile saħķ olunup leylen isti'mâl olunur.

Ve kezâlik daķık-ı küşn ya'nî kirsenne daķıkı ve daķık-ı ħımmaş ve baķla ve şa'ır ve türmüs ve ĩresâ ve aşl-ı nerces veznleri berâber ve şamğ ve aşl-ı süsen her birinden yarımşar cüz' aħz olunup kırş ittiħâz olunur.

Ve ma'lûm buyurula ki kelef ve bereş ve âşâr ve kümüdet-i dem âfetlerine nâfi' olanlar taħsîn-i levnde dahi nâfi' olur.

Cildi Şems ve Rîh ve Berdden Muħâfaza Beyânındadır

Cildi onlardan muħâfaza kaşđ olundukta vâcib olur ki mevdi' beyâđ-ı beyđ ile tılâ oluna veyâĥûd mâ-ı şamğ ve mûm-ı rûğan ile tılâ olunur veyâĥûd semîd suda naķ' olunup ħulâlesine ba'de't-taşfiye beyâđ-ı beyđ ħalt olunup onunla veche meşĥ olunur.

Âşâr-ı Darbe ve Âşâr-ı Sûd Zikridir

O âşârı mürdâsenc-i mütebayyıđ²¹⁷ şuhûmdan bir şey' ile tılâ olunsa ħal' eder. Ve kezâlik ma'rûf olan ħacer fûlfül ile tılâ olunsa ħal'-ı âşârda men-

217 Mürdâsenc üç levn üzeredir: aħmer, ve firfirî ve reşâşî ki ħumret ve şufrete nâzır olur. Ve ba'dı kerre 'amel ile onların biri ebyađ kılınır, bu maķâmda murâd odur.

fa'at-ı zâhiresi olur. Ve fülfulü'l-mâ tesmiye olunan bakla, kezâlik varak-ı kerneb ve kündür ve fûcl ve fütenec-i raṭb ve zernîḥ bunların küllîsi mâ-ı küzbere ve kerefs ile tılâ olunur.

Ve kaçan mevdi' nûre ve naṭrûn-ı ahmer ve ḥall-i ḥazîk ile tılâ olursa âşâr-ı ḥudret ondan zâil olur. Ve kezâlik kündür ve naṭrûn ve şabır âşâr-ı bâzincâniyyeyi kal' eder. Ve 'asel ile efsentîn ve kezâlik 'ilkü'l-buṭm ve lâden onlar gibidir. Ve vâcib olur ki birkaç eyyâm o atliye 'udv üzere terk oluna ve diyâḥaylûn merhemi cidden ceyyid olur.

Bu Bâbda Ceyyid Tılâdır: Muḳaşşer levz-i mürr bir dirhem, şadef-i muḥ-raq, ḥurf-ı ebyaḍ her birinden ikişer dirhem, mâş-ı muḳaşşer nısf dirhem, ḥımmaş-ı ebyaḍ-ı muḳaşşer iki dirhem, kirsenne bir dirhem, türmüs nısf dirhem, zebedü'l-baḥr bir dirhem, şedîdü'l-bilâ ve şedîdü'l-cefâf olan 'ızâm bir dirhem, anzerût bir dirhem; bu mezkûrlar saḥḳ ve mâ-ı şa'ir ve sükker ile ma'cûn kılınıp mâ-ı zerdec ile tılâ olunur ve kezâlik ḥukâke-i ḥazef ile 'udv üzere tılâ olunur ve dühn-i cevz ile kebîkec isti'mâl olunur. Ve kezâlik 'uşfur, naṭrûn, uşşak, mürr, kibrît-i aşfer veznleri berâber aḥz olunur ve onlardan ḥall-i meksûr ile tılâ ittiḥâz olunur ve ḥallin mizâcı meksûr olmakla takrîḥe mü'eddî olmaz. Ve kezâlik ḳaymûliyâ, zibl-i ḥamâm, şabûn, kündür mütesâviyetü'l-evzân aḥz olunup ḥall ile tılâ olunur. Ve kezâlik ḳarn-ı iyyel ebyaḍ olunca kadar iḥrâḳ olunup onun ḥurâḳası ve kündür ve daḳîḳ-i türmüs ve daḳîḳ-i kirsenne ve ḳaḳîḳ-i bâḳilâ veznleri berâber, uşşak, nûşâdur, mürr her birinden üçer cüz', ḳeşîrâ, şamḡ-ı 'Arabî her birinden rubu' cüz'. Ve kezâlik evvelâ 'ilk ile ḍimâd olunur ve ba'dehu naṭrûn ve nûre ve remâd-ı kerm aḥz ve 'asel ile cem' ve tılâ olunur ve bu tılâ nemeşe ve âşâr-ı ḳurûḥa şâlih olur. Ve ba'dı kerre dahi şarta ḥâce olur.

Âşaru'l-Ḳurûḥ ve'l-Cüderî

Zikri sâbıḳ edviyelerden ḳavî olanların küllîsi âşâr-ı ḳurûḥun da'iflerine devâ-i nâfi' olur. Ve bu âşârları izâle eden edviye-i nâfi'adandır ve tecrîbe dahi olunmuştur: Şaḥm-ı ḥımâr ve ḳaşab uşûl-i ṭarîsinin 'uşâresi 'aselden bir şey' ile ve ḥabâḳ milḥ 'acîn ile aḥz olunup 'asel-i naḥl ile ma'cûn kılınır. Ve kezâlik fâşerâ zeyt ile taḡalluz edince kadar ṭabḥ olunur ve onun ṭabîḥi bu bâbda mücerreb devâdır.

Ve bu şıfat üzere olan dımâd dahi onlar gibidir: İresâ, kuşt, mertek-i mağsül, karn-ı iyyel-i muhrağ, būrak, uşşak, ba'r-ı 'atîk dağk olunup isti'mâl olunur hattâ nemeş ve kelef için isti'mâli dahi nâfi' olur. Ve kezâlik bâlî olan ba'r-ı 'atîk ü ebyağ ve 'izâm-ı naḥire her birinden onar, kaçabın uşûl-i yâbisi yirmi, ḥazef-i cedîd on, neşâ on, türmüs beş, bezr-i biṭṭîḥ-i muḳaşşer on, erüzz-i muḳaşşer on, dağîk-ı ḥımmaş on, ḥabbu'l-bân on beş, mâ-ı şa'ır ile ma'cûn kılınıp tılâ olunur; eger onun içine kuşt ve mürr ve zerâvend her birinden onar kılınırsa ceyyid olur. Ve bu âşârın mu'alecâtına bu mevdi'in gayri mevdi'de biz işâret eyledik.

Dem-i Meyyit ve Bereş ve Nemeş ve Kelef

Nemeş ve dem-i meyyit o demden ḥâdiş olur ki o dem ḥasebiyle ırkın fûv-vehesi münfetiḥa olur, imtilâ-ı demin tuğyânıyla veyâḥûd ḍarbe ve nezâyiri ḥasebiyle fûvvehe-i ırk münşadi'a olur ve dem a'lâ-i cildin tahtında mevdi-i vâḥidde muḥtekin olur ve o mevdi'de demin levni ve şeli zâhir olur ve levni ḥumrete mâile olan nemeş olur ve sevâda ḍarib olan bereş ve ondan laṭḥî olanlara kelef tesmiye olunur ve bir kavm nuḳaṭî olanlar kelef tesmiye ederler.

Ve çok kerre şâḥib-i nemeşe teşakkûk-ı şefeteyn 'arîd olur yübs-i mizâc ḥasebiyle. Ve vâcib olur ki mübâderet olunup dem cümûd edip müstaḥkem ve müsevved olmadan muḳaddem 'ilâc oluna, zîrâ ba'de'l-istiḥkâm 'ilâcî 'usretli olur.

Ammâ dem-i meyyitin ve bereşin 'ilâcî budur ki onların üzerlerinde olan cilde-i raḳîka bir mibḍa'ın ṭarafıyla gayr-i muḳarriḥ tenḥiye ile tenḥiye ve imâle olunup üzeri keşf olunur ve onda bir şey-i câmid var ise rıfḳ ile aḥz olunur ve eger onların mâddesi henüz mâyi'a ve zâyibe ise o mâdde isâle ve rıfḳ ile izâle olunur ve ba'dehu edviye-i câliye ile onun cilâsı itmâm olunur. Ve biz bereş ve nemeşe bu vech üzere mu'alece eyledik, o âfet bizim mu'alecemiz sebebiyle zâil ve bür' ḥâşıl oldu [548a] velâkin vâcib olur ki bu tedbîr olunup bür' ḥâşıl olduktan sonra ardınca dımâd-ı kâbîd isti'mâl oluna tâ ki münfetiḥa olan efvâḥ-ı 'urûk sedd olunup ḥârice dem ḥurûc eylemeye. Ve bundan mâ-'adâ onda isti'mâl olunan edviye-i muḥallileye dahi şey-i kâbîd ḥalt olunmak lâzım olur, zîrâ muḥallil 'urûk-ı vâsi'adan mevâddı cezb eder ve onu taḥlîlden 'âciz olur ve ḥuşûşan ibtidâ-i kelefte muḥallile kâbîd

hâltı ziyâde lâzım olur ve ona binâen onun üzerine şedîdü'l-lez^c olan devâ vađ^c olunmaz. Ammâ kelef 'atîk ve müzmin ve vâkıf olursa vâcib olur ki havf olunmayıp onda muhallil-i lezzâ^c isti'mâl oluna ve 'ale't-tevâlî merreten-ba'de-uhrâ üzerine lezzâ^c vađ^c ve ref^c oluna, kelef zâil olunca kadar vađ^c ve ref^c i'âde oluna ve edviye-i muhallileden mürr ve uşşak lezzâ^cdır.

Ve ba'dı kerre dem-i meyyit evvel-i zühûrunda mâ-ı hârr ile müddet-i tavîle tentîl olunmakla zâil olur huşûşan mâ-ı neţûlde kuvve-i muhallile ola. Ve ba'dı kerre dem-i meyyitin evvelinde biz şart dahi eyleriz. Ve ba'dı kerre şâff-ı mürr ve şâff-ı verdî bu bâbda kifâyet eder eger onlarla ve onlar mecrâsına cârî olanlarla beher yevm iki def'a kirâren ve mirâren tîlâ olunur ise velâkin mevđî^c iklîl-i melik tabîhiyle evvelâ gâsl olunup ba'dehu o tîlâ üzerine isti'mâl olunur. Ve o iki devâların ve şâfların ecved-i isti'mâli mâ-ı hulbe ile isti'mâl olunan olur ve mürrden mütteha^c olan şâf edviye-i da'ife-nin tahlîl eylediği mevâddan bâkıye kalanları tenkıye eder.

Ve hall-i hâmiðde münakka^c olan tîn ba'dı kerre dem-i meyyiti tahlîl eder. Ve kezâlik meşvî olan naţrûn ve zerķ-ı hamâm ve bûrak bi's-seviyye ahz olunup 'asel ile tîlâ olunur. Ve kezâlik mevđî^c naţrûn ile gâsl olunup ve ba'dehu şamğ-ı buţm ile dîmâd olunup altı gün miğdârı meşdüden terk olunup ba'dehu gâsl olunur ve ibr ile naḥs ve idmâ olunup demi neşf olunur ve ba'dehu altı gün miğdârı 'alâ-ḥâlihi terk olunup ba'dehu milḥle delk olunur ve yine nişf sâ'at terk olunup üzerine zikri âtî devâ vađ^c olunup beş gün miğdârı o devâ mevđî^c üzere imsâk olunur.

Ve bağıyye-i demi cemî'an o devâ ihrâc eder ve o devâ budur: Kündür, naţrûn, nûre, şem^c, 'asel. Şem^c 'asel ile izâbe olunur ve hâlt olunup o maḥlûṭ ile dîmâd olunur, üç günden beş güne varınca kadar mevđî^c üzere terk olunur, o devâ dem-i meyyitin eşerini ve veşmi dahi izâle eder.

Edviye-i müfrede-i ceyyidedendir: Kündüş ma'a-lübâbî'l-hubz ve levz-i mürr ve bezr-i kerneb ve bezr-i fücl ve lebenü't-tîn ve mâ-ı circîr ma'a-merâreti'l-bakar ve kengerzed, varak-ı yebrûḥ; bu edviye ile nemeş üzere ve âşâr-ı sâire üzere bir üsbû^c delk olunur. Ve merzencüş dem-i meyyite leţûḥ-ı ceyyid olur. Ve kezâlik ebvâb-ı mâḍiyede zikri mürûr eden kavıyyetü'l-cilâ edviyeler ve kezâlik kardemânâ ve mürr ve şâfsiyâ ve başal-ı zîr ve aşl-ı lûfu'l-hayye 'asel ile ceyyidlerdir.

Ve Cālînûs ve ğayrileri tecrîbe eyledikleri üzere cevzü'l-cenîn²¹⁸ aḥz olunup ve nâ'imen daḳḳ olunduktan sonra mevḍî' üzere bir gece şedd olunur ve ba'dehu î'ade olunur. Ve kezâlik fâşerâ ve fâşerşîn ve ḥabb-ı bânın secîri ya'nî küspesi ve yâsemîn ḥuşûşan yâsemînin raṭbı ve nüşâre-i 'âc ve 'uşfur ḥall ile ve iki ḥarbak ve dâr-ı şînî ve ḥummâd-ı ütrücc onlar gibi ceyyiddir. Ve ḥandekûkâ ve ḥur-ı ḥamâm ve ḥur-ı 'aşâfir ve ḥur-ı bâzî onlar gibidir.

Veyâḥûd fülful bir cüz' ve nûre bir cüz' ve zernîḥ-i aḥmer ü aşfer her birinden birer cüz'; bu mezkûrlar aḥz olunup 'asel ile ma'cûn kılınır ve bir fahḥâr içine vaḍ' olunup def' olunur ve vakt-i ḥâcette o âşârın mevḍî'î naṭrûn ile ğasl olunup ba'dehu râtiyânece beş gün ḍimâd olunur ve ba'dehu o ḍimâdın şeddi ḥall olunup mevḍî' iğne ile naḥş ve idmâ olunup demi neşf olunur ve üzerine milḥ zerr olunup devâ î'ade olunur ve beş gün imsâk olunur ve bu tedbîr mirâren işlenip o tedbîr dem-i meyyiti ve veşmi izâle ve izḥâb eder.

Veyâḥûd būrak ve keşîrâ veznleri berâber aḥz olunup ondan akrâş ittiḥâz olunur ve ḥall ile tılâ olunur ve şâbûn ile ğasl olunur.

Veyâḥûd qar-ı yâbis cidden saḥḳ olunup miḳdâr-ı ḳalîl za'ferân ile tılâ olunur ve o tılâ ceyyid-i bâliğ olur.

Veyâḥûd tîn-i Ḳarîṭî ve ḥabbu'l-ḳuṭn aḥz olunup mâ-ı şâbûnla cem' olunur ve onu tatliye kelefî ve büşürü izâle eder.

Veżâlik zeytin 'aker-i muḥrakı ve dühn-i kirsenne ve daḳîḳ-i türmüs veznleri berâber aḥz ve tılâ olunur.

Bereşe ve cemî'-i âşâra nâfi' edviye-i ḥafîfe: Lu'âb-ı sefercel ma'a'z-za'ferân ve ḥabbu'l-ḳar' ma'a-ṭabîḥi'l-hulbe mişlîlerdir.

Ve kelefî izḥâb ve izâle eden devâlardandır: Bezr-i fücl ve ḥardal bu iki devâ ḥall içinde menḳû' olan tîn ile ma'cûn kılınırlar. Ve ḥardal ve zernîḥten mütteḥâz devâlar dahi isti'mâl olunur eger onun ittiḥâzı ḳalîlen taḳşîr edip taḳrîḥe mü'eddî olacak miḳdârı olmazsa. Ve kezâlik kelefî izḥâb eder ḳuşṭ dâr-ı şînî ile aḥz ve mâ-ı zerdec ile ma'cûn kılınıp tılâ olunursa veyâḥûd türâb-ı zîbak ve bezr-i biṭṭîḥ ve miḥleb ve levz-i mürr aḥz ve isti'mâl olunur veyâḥûd zerdec ile muḳl ve bezr-i circîr ma'cûn kılınır ve kezâlik muḳl ḥall

218 “Cevzü'l-ḥarî”, “cevzü ḥayyin” nüşâ.

ile isti'mâl olunur. Ve bu edviyeler her kaçan mevdi'î lez' eylese üzerinden ahz olunup ba'dehu i'ade olunur.

Ve kezâlik başal-ı za'ferân ve başal-ı nerces dahi nâfi'dir. Ve kezâlik bezr-i circîr ve neşâ ve mürdâsenc-i mübeyyid her birinden birer cüz', miğdâr-ı kalîl za'ferân, hur'u'd-ğabb, hur'u'l-kelb, daķık-i bâkılâ, daķık-i şa'ir, daķık-i hulbe her birinden ikişer cüz', dühn-i levz-i hulv, dühn-i nârcil edviye cem'ine kifâyet edecek miğdârı.

Ve kezâlik diyâhaylûn bu şıfat üzere kılınır: Bir ûkıyye mürdâsenc iki ûkıyye zeyt-i 'atîk içinde hâll olunca kadar taḫl olunur ve ba'dehu lu'âb-ı hulbe ve lu'âb-ı ḫardal 'ale's-seviyye bir ûkıyye ve muḫl ve mürr her birinden beşer dirhem ahz olunup o iki devâ saḫḫ olunur yanî mürr ve muḫl [saḫḫ] olunur ve onların üzerlerine lu'âbât ilkâ olunup şedîden saḫḫ olunur ve ba'dehu zeytle ya'nî zıkrî mürür eden zeyt ile cem' olunup ondan d,yâhaylûn ittiḫâz olunur.

Ḳurş-ı Ceyyid: Mâzeryûn dört, ḫardal-ı ebyaḍ on dirhem, uşşak, muḫl her birinden ikişer dirhem, bu ikisi ya'nî uşşak ile muḫl edviyeyi cem' edecek miğdârı su içinde hâll olunup ba'de'l-cem' ondan ḳurş ittiḫâz olunur.

Sâhir'e Mensûb Devâ-i Ceyyiddir: Sengisbüye bir dirhem, bûrak bir dirhem, bezrü'l-fücl ve 'azm-ı bâlî ve ḫabbu'l-bân ve ḫacer-i fülful ve türmüş ve bezr-i biṭṭîḫ ve ḳuşṭ ve levz-i mürr onlardan akrâş ittiḫâz olunup isti'mâl olunur.

Devâ-i Ceyyid: Bu devânın nazîri ḳalîlü'l-vücûd olur: İki dirhem miğdârı zıbaḳ, üç dirhem taḫîn levz-i mürrde zıbaḳın eşeri kalmayıp taḫîn esved olunca kadar saḫḫ olunmakla ḳatlı olunur ve miğdâr-ı cem' ceyyiden medḳûḳ olan bezr-i biṭṭîḫ onların üzerlerine tarḫ ve ilkâ olunup onunla bir hafta miğdârı tılâ olunup ḡaden ḡasl olunur.

Ve kezâlik sezâb-ı cebelî, zûfâ her birinden birer cüz', tîn-i aḫḍar üç cüz', kündür bir cüz', bûrak iki, şamḡ-ı buṭm iki cüz' ve nışf cüz', şem' yedi cüz'; bu mezkûrlar ahz olunup şem'de ve dühn-i verd ve şamḡ içinde izâbe olunur ve onların içinde bûrak ve mâ-ı ḫârr ile taṭyîn olunan ruḫâm-ı tîn dahi kılınır ve bi'l-cümle onlar cem' olunup 'aselden bir şey ile ḫalt olunur ve o devânın taḳrîhinden ihtirâz üzere devâ-i mezkûr isti'mâl olunur.

Ve kavm dediler ki kelefî izhâb eder ürbiyye ırkını faşd eylemek velâkin o faşd hasebiyle mafşûdun vechi sa'fesi olan kimsenin humret-i vechi gibi humret üzere olur.

el-Veşm

Bedende amel olunan o âşârdır ki çivit ve mâ-ı kürrâş ile kılınır. [548b] Pes onun izâlesine ilâc iki devâdır ki onları biz nemeş bâbında zıkr eyledik. Ve ba'dı kerre ona ilâc, mevdi'i naṭrûn ile gâsl edip üzerine ilk-i buṭmu şedd ve bir üsbû' üzerinde ibkâ eylemektir ve ba'dehu ḥall edip milḥ ile ceyyiden delk ve ba'dehu yine ilk-i buṭmu münkalî olunca kadar i'ade eylemektir mādām ki sevâd-ı veşm bâkî iken i'adededen ḥālî olunmaz. Eger bunun emşâlinin nef'i olmaz ise lâzım olur ki o veşmenin mağrizine ve eser-i veşmeye nef'i belâzur sürülür hattâ o nefi âşâr-ı veşmi takrîḥ ve ekl eder.

Bâdişnâm ve Humret-i Müfriṭa

Bâdişnâm bir humret-i münkeredir ki ibtidâ-i cüzâmda vechte ve etrâfta zuhûr eden humrete müşâbehet olur huşûşan şitâda ve berdde o humret-i müfriṭa galebe eder ve ba'dı kerre o âfette kurḥa dahi olur. Ve onun sebebi berdin buḥâr-ı keşîr-i demevîyi ḥaḡn ve ḥabsi olur

Onun ilâcı ishâl ve faşd ve hacâmet ve irsâl-i alaḡtır ve bunlardan sonra ibtidâ cüzâmda zuhûr eden tenekkür tedbîri ile tedbîr olunur ve o tedbîrin zıkrı bu bâbdan muḡaddem olan bâbda mürûr eyledi.

Behaḡ ve Vedâḡ ve Baraş Bunların Ebyaḡları ve Esvedleri Beyânındadır

İki behaḡlar ya'nî behaḡ-ı esved ve behaḡ-ı ebyaḡ ile baraş-ı ebyaḡ-ı ḥaḡîḡninin farkı budur ki behaḡlar cilde ârid olup bâṭına nüfûz eylemez, ba'dı kerre nüfûz eyleyse cidden ḡalîlen nüfûz eder, ammâ baraş cilde ve laḡma azma varınca kadar nüfûz eder. Ve o envâ'ın cem'îsine amm olan sebep kuvve-i muḡayyirenin ḡaḡ-ı fi'li olur, zîrâ o kuvvet ḡaḡife olduktâ ḡıḡâyı uḡḡa tamâm üzere teşbîhten âcize olur velâkin iki behaḡlarda mādde ziyâde raḡîḡ olur ve kuvve-i dâfi'a ḡavî olup mādde[yi] saḡḡ-ı cilde

def eder ve mādde-i baras̄ galîza olur ve kuvve-i dāfi'a dā'ife olur ve bātin-da mādde irtibāk ve ictimā' edip ona vārid olan mādde-i nāfizenin mizācını ifsād eder ve onda iltişāk ziyāde olup 'udva müşābehet hāşıla olmaz ve kuvā babında bu ma'anī senin ma'lūmun oldu. Ve kaçan mādde bu ma'nā temekkūn ve teḳavvī eylese o mādde fāsīde vārid olan gıdā-ı sāireyi her ne kadar şālīh dahi olursa kendi tab'ına ihāle eder, zīrā mizāc-ı ceyyid mevādd-ı fāsīdeyi şālāha ihāle eylediği gibi mizāc-ı fāsīd dahi mevādd-ı şālīhayı fesāda ihāle eder. Ve onun bir nazīri dahi budur ki bir arḍda nābi-te olup semmiyyetli veyāhūd me'kūl olan eşcār arḍ-ı uhrāya nakl ve ğars olunsa ba'dı kerre bi-hasebi'l-arḍ istihāle edip semmiyetli olan, me'küle ve me'küle olan, semmiyyetli olur hattā Cālīnūs ve ğayrlar bu istihālenin vukū'unu hikāye edip dediler ki lebaḥ tesmiye olunan şecere-i ma'rūfenin semeresi diyār-ı Fāris'te semm olur ve o şecere diyār-ı Mısrıyye'ye nakl olundu ve o diyārda şemere-i hāşılasından semmiyyet zāile olup me'kūl oldu. Ve onun āher nazīri dahi o ḥayvānāt ve nebātāt olur ki bir diyārda bir levn-i mu'ayyen üzere olur ve o ḥayvān ve nebātāt diyār-ı uhrāda levn-i āher üzere olur. Ve bi-hasebi'l-bilād ve'l-arḍ bu istihālātın vukū'u müşāhed ve müteḥakkıḳ olmakla ba'īd olmaz ki ona kıyāsla mevādd dahi bi-hasebi mizāci'l-a'ḍā muhtelif olup mevādd-ı şālīha fāsīdeye ve fāsīde mevādd-ı şālīhaya istihāle eyleye. Ve kaçan 'udv balgamiyyü'l-mizāc olup onun laḥmı aşdāf laḥmı gibi olsa o 'udv kendiye vārid olan dem-i ceyyidi balgamiyye kılıp levni ebyaḍ olur.

Ammā behaḳ-ı ebyaḍ ve behaḳ-ı esved arasında fark budur ki behaḳ-ı esvedin māddesi sevdāviyyedir ve behaḳ-ı ebyaḍın māddesi balgamiyye-i ḥāmmedir. Ve baras̄-ı esvedin baras̄-ı ebyaḍa nisbeti behaḳ-ı esvedin behaḳ-ı ebyaḍa nisbeti kıyāsı üzere değildir belki o iki baras̄ların her biri birer cins 'add olunur ma'naları ve māhiyyetleri birbirine muġāyir olmakla, zīrā baras̄-ı esved kūbā-ı müteḳaşşır dedikleri 'illettir ki onun māhiyyeti taḥarruk ve teḥazzüftür, ḥuşūnet ve teflīs ile cilde 'arīḍ olur ve semekte olan fülūs gibi fülūs olup onda ḥikke olur ve onun māddesi cildde müteşerribe olan ḥılt-ı sevdāvī olur, ammā o māddeyi cild teşerrüb eylemeyip ancak ona muḳārenet ve mücāveret ile cildin kevni müteġayyir olsa o baras̄-ı esved mādde-i müteşerribesi olan baras̄-ı esvedden dā'if olur. Mādde-i müte-

şerribeden hâdis̱ baraş-ı esved kavîdir ve muḳaddimât-ı cüzâmdandır ve o baraş-ı esved her ne kadar redî olup onun müzmininden berâ'et recâ olunmazsa lâkin o baraş-ı esved ve kezâlik müzmin behaḳlar baraş-ı ebyadḳan eslemdir ve bunların cem'isi ma'ḳlûmdur.

Ve ma'ḳlûm ola ki ba'ḳdı kerre baraş meḳâcime tâbi' olup ḳacâmet eḳerinde ḳacâmet olunan mevḳi'e 'ârîḳ olur, ḳacâmet ile münceḳib olan demerutûbet-i sâire tâbi'a olup dem ile ma'an münceḳibe olur ve mevḳi'-i ḳacâmatta demden temeyyüz ve müfâraḳat edip maşş ile ḳurûc eylemez belki o maḳallde cilde üzere bâḳıye kalır. Ve o baraşın eḳşer-i vuḳû'unun bir vechi budur ki mevḳi'-i ḳacâmet bi-ḳasebi'l-cirâḳat ḳa'if olmakla vârid olan ḳıḳdâyı tamâmen ḳadmdan 'âciz olup 'uḳva müşâbehet-i nâḳıḳa olur.

el-'Alâmât: Behaḳ-ı esvedin emri müşkil deḳildir lâkin vedâḳ denmekle ma'rûfe olan behaḳ-ı ebyad ile baraş-ı redî arasına farkta işḳâl vardır. Ve onların cümle-i furûḳundan biri budur ki vedâḳ üzere şa'r-ı esved ve şa'r-ı aşḳar nâbit olur mevḳi'-i şaḳîḳ üzere nâbit olan şa'r gibi, ammâ baraş üzere nâbit olan şa'r lâ-maḳâle ebyad olur. Ve mevḳi'-i baraşın cildi enzel olur ya'ni mevâḳi'-i şaḳîḳa cildelerinden aşāḳı şedîden müteta'min olur ve bu ḳâl ba'ḳdı kerre vedâḳta dahi nâdiren vâḳi' olur lâkin onda cidden ḳalîldir.

Fark-ı Âḳer: Vedâḳ mevḳi'ine ibre ḳarz olunsa ondan dem ḳurûc eder ve baraştan dem ḳurûc eylemez belki ondan ḳurûc eden rutûbet mâiyye-i sâiredir ve bu mişli baraş 'ilâc ḳabûl eylemez.

Fark-ı Dîḳer: O mevḳi' delḳ olundukta eḳer ḳumret 'ârîḳa olursa o 'illet behaḳ olmaḳa ve recâ-ı bür'e aḳreb olur.

Ammâ behaḳ-ı esved ile baraş-ı esved beyninde fark budur ki baraş-ı esvedde taḳaşşür ve tefellüs²¹⁹ ve taḳarruk ve teḳazzüf olur ve behaḳ-ı esvedde bu aḳvâlden biri olmaz.

Bundan sonra biz deriz ki baraşın dahi aşnâf-ı mütefâvitesi vardır, bir şıfı ḳaşın ve bir şıfı emlestir. Ve baraş-ı ebyad-ı emles baraş-ı ebyad-ı ḳaşinden şerrlidir, baraş-ı esved-i emles baraş-ı esved-i ḳaşinden ḳayrlıdır, zîrâ fi'l-ḳaḳîḳa esved-i emles behaḳtır ve behaḳ lâ-maḳâle baraştan ehven-dir. Ve kezâlik ba'ḳdı baraşın levni bedeninin levninden şedîden ba'iddir ve ba'ḳdı âḳerinin levni ḳalîlen taḳayyür edip onun levn-i müteḳayyiri levn-i be-

219 “Tefellüs” semek fülûsu gibi pullar olur.

dene akreb olur ve akreb olan eslem olur. Ve baraş-ı gâişte humret ve idmâ olmaz veyâhûd onda ittisâ olup mekân-ı keşîri aḥz eder, bu mişllilerden bür³ recâ olunmaz. Ve kezâlik o baraştan dahi bür³ recâ olunmaz ki sâ'aten fe-sâ'at tezâyüd eyleye, zîrâ o mişlli baraşın sū-i mizâc-ı redîsi redîdir, ona vârid olan ğidâyı ve devâyı kendi mizâcına redd eder, ona binâen cidden redî olur.

Behaḳ-ı Esved Mu'âlecâtıdır: Vâcib olur ki faşd ile onun mu'âlecesine ibtidâ oluna eger demde keşret var ise. Ve hılt-ı muhterık-ı sevdâvî istifrag oluna eftimûn ve ğarîkûn ve helilec-i esved ve besfâyec ve uşuḥûdûs ve zebîb ve tîn mişllilerden müttehaz olan maṭbûḥ saḳy olunmakla. Ve haceri Ermenî ve lâciverd kaçan devâda vâkı³ olsa o devânın menfa'ati bâliġa olur. Ve ḥarbak [549a] ve eyâric-i lûġâziyâ ve eyâric-i Rûfus mişllilerle dahi istifrag olunur. Ve müstefrigât-ı raḳîkadan olur eftimûn ile mâu'l-cübne ve beher yevm bir dirhem eftimûn bir kadeḥ mâ-ı cübnde şûrb olunur ve o meşrûb rıfḳ üzere tenḳiye eder. Ve ba'ḳı [kerre] aġdiye-i ḥasenetü'l-keymûs isti'mâli ve kezâlik ve ḥammâmât isti'mâli ve ıtrîfîlât-ı eftimûniyye isti'mâli dahi nâfi'dir.

Behaḳ-ı Esvede ve Kezâlik Baraş-ı Esvede Nâfi' Sefûftur: İhlilec-i esved, emlec, şûnîz her birinden birer cüz³, zûferâ bir cüz³ ve nısf cüz³; bu mezkûrlar küllü yevmin bükreten üç dirhem ve 'aşıyyeten üç dirhem şûrb olunur ve eger bu sefûf bedeni teshîn ederse terk olunup ba'dehu i'âde olunur. Ve vâcib olur ki o tedbire i'ânet olunup tıḥâlî işlâḥa iştiġâl oluna eger tıḥâl fâsid ve sevdâyı cezbî da'îf ise ve ondan sonra dahi kâşire olup cilâsı kavî ve dem-i şaḥîḥi câzib olan edviye ile ḍimâd olunur. Ve eger o kâşir mevḍî'î tenfiṭ ederse o ḍimâd terk olunup istirâḥatte kılınır ve birkaç gün mürûr edip cilde sukûṭ eyledikten sonra eger ḥâcet bâḳiye ise o ḍimâd i'âde olunur ve ba'ḳı kerre o ḍimâd tenfiṭ edecek kadar üzerinde terk olunmaz belki her ne kadar vâkt lez^c eylese ḍimâd 'uḍvun üzerinde aḥz olunup ve lez^c hâdî ve sâkin oldukta yine i'âde olunur. Ve edviye-i mevşûfe mezkûre sâfsiyâ ve fûlfül ve ḥardal ve ḥurf ve leben-i yetû^c ve şeytarec ve ḥarmel ve bezr-i fûcl ve aşl-ı keber kuşuru mişllilerdir. Ve behaḳ ve baraştâ kebîkec ile tılâ dahi nâfi'dir, zîrâ kebîkec demi cezb-i şiddetle cezb eder. Ve kezâlik 'izâm-ı naḥire vü 'atîḳ ve naḥır-ı nevâ ki ḥîṭândan ya'nî baġ ve bâġçelerden

iltikâat olunur, o dahi nâfi' dir. Ve kezâlik kal'-ı âsâr bâbında zikri mürûr eden edviye-i câliye vü kavîyyenin cümlesi nâfi' dir ve bu edviyeler ile olan tılâ mâ-ı kunâber ve hanzâl tabîhiyle tatliye olunur.

Şıfat-ı Tılâ-ı Ceyyid: Bezr-i fücl ma'a-kündüs dağk olunup hammâmda behağ-ı esvede tılâ olunur ve kezâlik bezr-i fücl ve bezr-i hardal hall içinde maḥbûh olan tîn ile ma'an ma'cûn kılınıp tılâ olunur.

Ceyyid-i Âher: Şünîz-i maḥlûvv, şeytarec-i Fârsî her birinden onar, şebb, senâ her birinden üçer, zâc, 'afş her birinden ikişer dirhem, harmelin bezr-i maḥlûvvü beş; o edviyeler aḥz olunup hall-i şikkîf ile tılâ olunur. Ve onların a'râdı zuhûr ederse leben-i nisâ ile tedârük olunur. Bereş ve nemeş ve emsâli bâblarında zikri mürûr eden atliye-i kavîyyeler behağ-ı esvede dahi nâfi' olur.

Veḍâḥ ve Baras Mu'alecâtıdır: Eger faşdın mücib-i kavîsi yok ise ondan ictinâb olunup faşd olunmaz. Ve kezâlik cimâ'dan dahi ictinâb olunup ahyânen cimâ' olursa 'ale'r-rîk olunur. *Ḳânûn nüshaları iki noktahtı yâ ile vâkı' olmuştur, zâhir budur ki o nüshalar fâ ile "ale'r-rîk"tan tahrîf olunmuştur.* Ve şarâbdan dahi ictinâb olunur lâkin şarâb-ı şırf isti'mâl olunur. Ve eger bedenleri naḳî ise onlara hammâmda ta'arruk nâfi' olur. Ve evvelâ onlar kay'ı isti'mâl ederler ve ba'dehu balgamı müstefriğ edviye isti'mâl ederler eger bedenleri naḳî değil ise. Ve ba'dehu müdîrrât ve müshilât ve eyâricâtan eyâricât-ı kibâr huşuşan eyâric-i şaḥm-ı hanzâl ve onlara müşâbih ḥubûb dahi isti'mâl ederler. Ve eyâricât saḳy olundukta helîlec, eftimûn, besfâyec, zebîb, milḥ mişlilerden müttehâz olan maḥbûhla saḳy olunur. Ve veḍâḥ ve baraştan şifâya mü'eddî istifrâğda ḥabb-ı nîlin ḥaşşiyet-i 'acîbesi vardır.

Ve Onlara Muvâfık Müshilâtın Şıfatı Budur: Eyâric-i feyḳarâ şaḥm-ı hanzâl ile terkîb olunup isti'mâl olunur veyâḥûd bu nüsha üzere kılınır: Dâr-ı şînî, sünbül, 'ıdânu'l-belesân, maştakî, esârûn, za'ferân, sâzec, fütenec-i nehrî, şaḥm-ı hanzâl her birinden birer dirhem, şabır on sekiz dirhem, şerbet-i vâhidesi bir dirhem veyâḥûd bir mişkâl kılınıp sikencebîn-i 'aselî ve mâ-ı ḥârr ile isti'mâl olunur.

Müşhil-i Âher-i Muvâfık: Helîlec, emlec her birinden birer cüz', türbüd üç cüz' ki [her bir cüz'] birer ükıyye kılına. Bu edviyeler aḥz olunup nısf rıtl

miqdârı fânîz su içinde hall olunduktan sonra tekavvüm olunup onunla edviye ma'cûn kılınır ve şerbet-i vâhidesi üç dirhemden veyâhüd üç mişkâl-den beşe varınca kadar kılınır. Ve bana sevgili olur o müşilin ahlâtına bir cüz² dahi zencebîl idhâl oluna. Ve o 'illette ma'âcîn-i ıtrîfiliyye ve bu şıfat üzere olan cüvârişenât isti'mâl olunur: Helîlec-i esved, kündür-i ebyađ her birinden birer cüz², zencebîl rubu^c cüz², 'asel-i zebîb ile ma'cûn kılınır ve küllü yevmin ondan beyda miqdârı tenâvül olunur.

[Âher:] Helîlec-i esved, emlec, şünîz veznleri berâber, züferâ bir buçuk cüz²; bu mezkûrlardan küllü yevmin üç dirhem şürb olunur ve kaçan hum-mâya mü'eddî olursa terk olunur.

Âher: Vecc, dâr-ı fülful, helîlec-i Kâbüli, maştakî, kündür, şünîz, habbu'l-gâr; bunların veznleri berâber kılınıp 'asel ile ma'cûn kılınıp ve şerbet-i vâhidesi iki dirhem olur.

Kitâbu'l-İhtîşârât'ta Zıkr Olunanlardır: Şedîden kaly olunan sevîk-i hını-tadan bir süffe aḥz olunur ve tekrâr bir kerre dahi kavrulmağa hâcet olur ise o dahi işlenir ve onu istifâktan sonra üzerine mürrî-i Nebaîden nişf ükyye şürb olunup nişf-ı nehâra kadar 'ataşa müşâbere olunur. Ve züferânın kendi ve bezri şarâbla tenâvül olunsu bu bâbda hâşşıyyet-i 'acîbesi olur. Ve eṭrâf-ı kermin 'uşâre-i mizzesi küllü yevmin bir kadeh şürb olunur, zîrâ o 'uşâre barası takşîf eder ve tezâyüdden men^c eder. Ve tiryâkı şürb ve luḥûm-ı efâî tenâvülü bu bâbda cidden nâfi^c olur ve akrâş-ı efâî dahi nâfi^cdir.

İtrîfiliyye İle Müshile Arasında Olan Ma'âcîn ve Edviyedendir: Bezr-i züferâ iki cüz², bezr-i encüre nişf cüz², şabır rubu^c cüz²; bu mezkûrlar 'asel ile cem^c olunur şerbet-i vâhidesi üç dirhemdir, dâimâ isti'mâl olunur. Ve ba'đı nâs onun ma'ıyyetinde vecc ve eftümün isti'mâl ederler. Ve kezâlik kelkelânic iki dirhem, helîlec-i esved bir dirhem, eftümün iki dânik; o edviye tamâmen bir sene şürb olunur. Ve bu mecrâya cârî olup velâkin ondan kavî ve nef'i azher ve bir sene tamâmen şürbe muhtâc olan devâlardandır: Vecc altı dirhem, helîlec-i Kâbüli ve besfâyec her birinden onar ve helîlec-i aşfer on beş ve eyâric-i feykarâ yirmi dirhem ve milḥ-i Hindî yedi dirhem, bezr-i züferâ yirmi dirhem ve gârîkûn beş dirhem ve sakmûnyâ sekiz dirhem; bu edviyeler 'asel-i sa'ter ile ma'cûn kılınıp ve şerbet-i vâhidesi bir mişkâlden iki mişkâle varınca kadar kılınır.

Kindî'nin Devâsı Dahi O Kâbilden Olur: Bezr-i hurf şümün-i keylece, züferâ, şabır-ı İşkûtarî her birinden üçer dirhem; o edviye bir buçuk rıtl ʿasele ilkâ olunup takvîm olunur ve ondan küllü yevmin kable't-ṭaʿâm kadr-i hâcet aḥz olunup maʿa's-sevîk tenâvül olunur ve baʿdehu mürriden üç curʿa tecerruʿ olunur ve dühn-i benefsec ve dühn-i verd ile re's muḥâfaẓa olunur ve bunlardan sonra isfîdbâc ile taḡdiye olunur ve baʿdı kerre dâimâ ve küllü yevmin tebâzerîṭus ve lügâziyâdan nısf dirhem veyâḥûd dahi eḳall şûrb ve istiʿmâl olunur.

Ve bir kavm mevdi'-i barası keyy edip intifâc eylediler ve barâşlarından onlara bür' hâşıl oldu ve müsterîḥ oldular velâkin bu vech üzere berâ'et-i barâş ḳalilde mümkün olur. Ve kaçan beden naḳî ve mizâc-ı beden mu'tedil olsa sen edviye-i meşrûbeyi terk eyle, zîrâ edviye-i meşrûbe baʿdı kerre âfeti [549b] celb eder ve meclûb olana âfetin eḳalli nezf-i dem ve kıllet-i rûḥ olur ve maʿa-hâzâ barâşa ʿilâcda deme ve rûḥa ihtiyâc olur. Ve mevdi'-i barâş olan ʿudva kendiye ḥâşş edviye ile tılâ olunmakla o mişlli taḳarrübden iktifâ olunur ve onun ḡidâsı lüzûcet ve düsûmeti olmayıp serî'ü'l-haḍm olan aḡdiye kılınır. Ve mebrûş olan kimse buḳûl ve herâyisten ve o mecrâya cârî olan nesnelerden ictinâb eylesin.

Veḳaḥ ve Barâşın Edviye-i Mevdi'iyeleri Beyânındadır

Pes o edviyelerden o derecede müstaʿmel olanların gerektir ki cilâsı şedide ve demi cezbi kavî ve mizâc-ı ʿudvu teşḥîni şedîd ola ve ondan sonra müstaʿmel olan edviyeler muḳarriḥ ve muḳaşşir olmak lâzım olur. Ve baʿdı kerre [edviye-i] veḳaḥiyye şıbg için istiʿmâl olunur. Ve eger o ḳaşd ile istiʿmâl olunmazsa belki māddeyi taḥlîl mişlli ḡaraḍ ile edviye-i mevdi'iyeye istiʿmâl olunur ise vâcib olur ki o edviye ile mevdi' ʿe tılâ ve ḍimâd eylemezden muḳaddem mevdi' delk ve taḥmîr oluna ve delk varaḳ-ı tîn ile ola, idmâ edince ḳadar delk oluna veyâḥûd o mevdi'in evvelâ mevâdi'-i keşîresine iḡne ile ḡarz olunup baʿdehu edviye vaḍʿ olunur ve edviyenin te'sîrine mu'tin olur o edviye ile şemste telṭîḥ eylemek.

Ve edviye-i barâşiyenin efdali muḳarriḥ ve münaffit olan ve mevâddı isâle edip berâ'ete mü'eddî olan devâdır ve o mişlli olan devâ merreten-baʿde-uḥrâ muʿâvede olunur. Ve baʿdı kerre o devâ mevdi' üzere tenfiʿ edece

kadâr terk olunmaz belki o devâ lez'î katında nez' olunup istirâhat hâşıl olduktan sonra yine i'âde olunur.

Ve edviye-i barâşîyyenin i'tibâr-ı evvel üzere olup kavîyye olanları ẖarbağ-ı esved ve ẖarbağ-ı ebyağ ve nûre ve zernîh ve kündüş ve mevîzec ve aşl-ı fâşerâ ve çentâyânâ ve ebhel ve râtî nec ve dem-i aẖaveyn ve onun aşlı ve aşl-ı ẖunşâ ve zebedü'l-bağr ve ẖiltî ve aşl-ı keber kuşûru ve ẖardal ve ẖarmel ve bezr-i fücl ve kıssâ-i ẖimârın aşlı ve bezr-i circîr ve fûvve ve kâkule ve mâzeryûn ve zâc ve kâlkand ve zencâr ve kibrîr ve hammâmda isti'mâl olunan kâtrân ve bülbûs ve kuşt ve zerâvend ve şakâyık ve şâfsiyâ ve ferbiyûn mislîlerdir. Ve kirm-dânenin ona muvâfaqatı şedîde olur. Ve kezâlik ẖall ile kibrîr merreten-ba' de-uẖrâ tılâ olursa o tılâ kirm-dâne muvâfaqatında olur; başal-ı nerces dahi onun gibidir.

Ve mücerrebâtandır nüşâzur ve dühn-i beydîn tılâ-ı ceyyid olduğu. Ve aşl-ı lûf 'acîb olur ve aşl-ı nîlûfer vedahta isti'mâl olunur. Ve esved-i sâlihînin demi ve aşl-ı sağmûnyâ ve tînin verd-i yâbisi ve varâğ-ı diflâ ve râsen ve varâğ-ı râsen ve uşturgâz bunlar dahi bu bâbda nâfî'dir.

Ve ammâ miyâhtan muvâfîk olanlar ẖall ve mâ-ı zerdec ve mâ-ı kunâberâ ve mâ-ı bülbûs ve ẖâşşaten mâ-ı 'unşul ve mâ-ı merzencûs ẖuşûşan merzencûş suyu mevdi'-i mehâcime 'arîd olan âşâr-ı barâşa ziyâde nâfî'dir. Ve 'uşâre-i râsen ve şûrbâc ki luğûm-ı efâ'den tabh olunur. Ve bu mezkûrlar miyâh-ı muvâfîkadan olur ve onların atliye-i ceyyideleri tiryâk ve meşrûdîtüs olur veyâhûd lûgâziyâ mâ-ı kunâberâyla isti'mâl olunur. Ve kezâlik şeytarec-i medkûk nâfî'dir ẖuşûşan mâ-beyne'l-cildeteyn olanları onunla tılâ izâle eder ve berâ'et ẖâşıla olur.

Ve edhân-ı ceyyidedendir o dühn-i âs ki onun içinde şeytarec-i muẖarâk tabh olunduktan sonra ona zâc ẖalt oluna. Ve onlara atliye-i ceyyideden olur zerârîh ẖall ile sağk olunup tılâ olunmak. Ve kezâlik efî zebẖ olunup cevfi tenkîye olunur ve şâhterec gerek rağb ve gerek yâbis olsun aẖz olunup o efînin cevfine doldurulur, ẖıyâta olunur ve o efî cidden nuç edince kadâr şeyy olunur ve ba' dehu o şâhterec iẖrâc olunup barâşa dîmâd olunur ve sür'at üzere berâ'et ẖâşıla olur veyâhûd diflânın varâğ-ı tarîsi aẖz olunup varâka cefâf gelince kadâr zeyt ile kavrulur ve zeyti taşfiye olunup bir miqdâr şem'le cem' olunur ve ba' de-

hu üzerine kibrît-i aşfer ekilir hattâ merhem gibi olur ve onun ile şemste baraş tılâ olunur.

Bu Tılâ Ehl-i Hind'in Muhtârıdır: Kuş, şeytarec-i Hindî, zernîh-i ahmer, fülful, zencâr inâ-ı nuhâsta hall ile sahk olunur ve bir üsbûc terk olunup ba'dehu tılâ olunur ve şemste 'alil ikâme olunur onunla behaka ve baraş-ı mübtediye berâ'et hâşıl olur veyâhüd kıly ve nûre süt emen şabî-i radî'in beviyle naç olunur ve yedi gün miqdârı tecdîd olunup ba'dehu 'asel gibi tabh olunur ve o maţbûh takrîh edince kadar isti'mâl olunur ve ba'dehu zift, kaţrân ve şûm ve cevzin muhrak kuşûru ve ferh-ı hamâmın demi ve dühn-i hinnâ bu edviyeler ahz ve cemî'an tabh olunur onlar muhteliş olunca kadar ve ba'dehu mevdi' üzere vad' olunur o mevdi'in levni levni-i cesed gibi rûyet olununca kadar ve ecved olan o devâyı şemste kirâren ve mirâren mu'âvede olur.

Ve ma'lûm buyurula ki bu illet şâhibinin istifragı evvelâ müstefriğ-ı da'if ile kılına, istifragda tedric hasebiyle rıfk hâşıl olsun için. Ve mâu'l-uşûl mündic ve devâyı muṭrik ve münfizdir ve âhir-i istifragda mâ-ı uşûlden sonra habb-ı müntin şûrb olunur ve ba'dehu yine mâ-ı uşûl şûrbü mu'âvede olunur, bu minvâl üzere iki üsbûc miqdârı mu'âvede terk olunmaz. Ve 'alile luḥûm-ı tûyûr-ı hârre ve maḳliyyât içâm olunmakla demi tevli'd olunur ve onlar havâmıdı ve meraḳayı hecr ve terk eder velâkin zîrbâcî ahÿânen isti'mâl ederler. Ve onlara su içmek adarr-ı eşyâ olur ve şûrb-i mânın lüzûmu olur ise min-ğayri tekşirin şarâb-ı atikle şûrb ederler.

Ve vâcib olur ki onlar küllü vaktin mevdi'-i me'ûfu hırka-i haşine ile delk eyleyeler dem-i şâlih ona müncezib olsun için. Ve hammâma duḥûl ona muḍırr olur. Ve onlara gıdâ-ı ğalîz ve cemî'an tarî ve yâbis fevâkih tenâvülleri ve baraş üzere keyy eylemek redî olur, zîrâ onunla ba'dı kerre baraş münteşir olup keşir olur.

Ve o baraş ki 'akîb-i keyyde li-sebebin mine'l-esbâb zuhûr eder, o baraş 'ayb değildir. Ve kezâlik etrâf-ı meşâritte zuhûr edenler dahi onun gibi 'ayb değildir.

Bu Tılânın Ahlatı Kesiredir, Mu'taşım İçin İttiḥâz Olunmuştur: Esved-i sâlih demi üç ukıyye, ğurâb-ı ebka' demi ya'nî ala karga demi ve dem-i nuḥâm ya'nî ankud denmekle ma'rûf olup ördeğe müşâbih tayrın

kanı ve dem-i ebğâş ya'ne ebğâş denmekle ma'rûf tayrın kanı ve dem-i ferh-ı vereşân ve fâhte ve sülâhfât-ı berriye demleri bunların her birinden birer ûkıyye ve kıtrân ve zift-i raṭb ve neft ve 'asel-i belâzur her birinden birer ûkıyye; bu mezkûrlar aḥz ve ḥalt olunup tecfif olunur ve ba'dehu mā-ı ḥanḫal-i raṭb bir cüz' ve şarâb-ı 'atîk iki cüz' ve mā-ı râsen-i raṭb iki cüz' ve mā-ı sezâb ve mā-ı ḥardal-ı raṭb her birinden birer cüz' ve onun cümlesinden bu nüshada yazıldığı üzere on rıtl cem' olunup bir tencereye vad' olunur ve üzerine fülful-i esved ve dâr-ı fülful ve zencebîl ve şünîz ve cünd-i bîdester ve 'âkırkarḥâ ve kündüş ve şâfsiyâ ve kıranfûl ve selîha ve mâzeryûn ve aşl-ı kıssâ-i ḥımâr ve ḥarbak-ı esved ve câvşîr bu mezkûrların her birinden birer ûkıyye ilkâ olunup onlar miyâh-ı mezkûre ile ṭabḥ olunur miyâhın şülüşü kalınca kadar ve ba'dehu o edviyeden miyâh taşfiye olunup muḳaddemâ müheyyâ kılınan edviye ve dimâ-ı mezkûre üzere o miyâh şabb olunur, o miyâhı edviye içip cefâf edince kadar terk olunur ve ba'dehu [550a] mā-ı ḥanḫal-ı raṭb ve râsen-i raṭb ve 'unşul ve merzencüş bunların miyâhı aḥz olunup üzerine şarâb-ı 'atîkten bir şey' reşş olunur ve onların cümlesi sekiz rıtl kılınır ve üzerine ḥiltî-i müntin ve maḥrûş ve uşturgâz ve iki levn zernîḥ ve zencâr ve kibrît her birinden birer buçuk ûkıyye ilkâ olunup o miyâhta rubu'u kalınca ḫar ṭabḥ olunur ve ba'dehu taşfiye olunur ve o demi aḥlât-ı mezkûre şûrb eylemekten zâil olmaz ḥattâ dimâyı tamâmen neşf edip aḥlât-ı câffe bâkıye kalır. Ve eger cefâf-ı tâmm ḥâşıl olmazsa tamâmen şûrb eylesin için edviye saḥḫ olunup tecfif olunur ve ba'dehu tamâmen şûrb eylesin için edviye saḥḫ olunup tecfif olunur ve ba'dehu ḥammâmda onunla ṭılâ olunur. Muşannif der ki bu devâyı ḥafîfü'l-me'üne ve ḫaviyyü't-te'sîr olur vech üzere şûrb eylemek mümkün olur; Melik Mu'taşım'ın ṭabîbinin sevḫ eylediği vech şu'ûbetlidir.

Bu Ṭılâ-ı Ceyyid Sâhir İçindir: Şünîz, ḥarbak, aşl-ı keber, şakâyık her birinden birer cüz', şeytarec, ḥudaḍ, dümâdim, mürr, zernîḥ her birinden nışf cüz'; şemste ṭılâ olunur.

Ḥafîf ve Ceyyid ve Nâfi' Ṭılâdır: Şakâyık, hezâr-ceşân ḥall ile ṭılâ olunur. Ve kezâlik fûvvetü's-şıbg, zebedü'l-baḥr, bezr-i fücl, kündüş ḥall-i ḫamr ile ṭılâ olunur.

Âher: Bürâde-i şebah²²⁰ harbak-ı esved ve şufr-ı muhrak ve zerârîh ve zernîh-i ahmer her birinden birer dirhem; bu edviye ahz olunup hall içinde idâfe olunan katrân ile ma'cûn kılınır ve 'uđva ba'de'z-zerûr onunla tılâ olunur.

Âher: Bu tılâ Erbiyâsiyûs'un muhtârıdır: Harbak-ı esved, fülful, şünîz, zebedü'l-bahr, kibrît, zerîh-i ahmer, fuvvehü's-şıbg, şeytarec, zencâr, zerârîh; bu edviye hall ile sahğ olunup akrâş ittiḥâz olunur ve tecfif olunur ve 'inde'l-hâce hall ile sahğ ve ba'dehu hamr ile tılâ ve telḥ olunur.

Ammâ Akırîtin'in Kitâbu'z-Zînet'inde Zıkr Eyledikleri ve Mücerrebdır Dedikleri Atliye: Harbak-ı esved, fâşerâ, mâzeryûn lihâsı, kibrît-i aşfer, zâc, zencâr, bürâde-i ḥadîd, zebedü'l-bahr, varakı't-tîn; bu mezkûrlar hall ile ḥalûk gibi olunca kadar sahğ olunur, reşâsiyye zarf içinde hıfz olunup ba'de'd-delk şemste tılâ olunur.

Âher li-Cebrîl: Kibrît, ferfibûn, harbak her birinden birer dirhem, belâzur iki dirhem, 'âkırkarhâ, şeytarec her birinden birer mişkâl hall ile tılâ olunur.

Âher: Bezr-i fücl, kündüş, şâfsiyâ, mâzeryûn, fuvvehü's-şıbg, şeytarec, ḥurf, 'âkırkarhâ, mîvîzec; bu mezkûrlar esved-i sâlih demi ile cem' olunup ondan kurş ittiḥâz olunur ve onun isti'mâli ba'de'l-ḥammâm şedîden maṭ-bûh olan fuvvehü's-şıbgın mâ-ı muşaffâsı ile kılınır.

Âher: Fuvve, şeytarec her birinden beş dirhem, bezr-i fücl on, kündüş sekiz; ba'de'l-ḥammâm hall ile tılâ olunur.

Devâ-i Melikî: Varak-ı mâzeryûn ve bezr-i mâzeryûn ve harbak-ı esved ve fülful bu edviyeler ahz olunup onu gamr ve setr edecek kadar hall ile o edviye teherri edince kadar ṭabḥ olunur ve ba'dehu onun içine zâc ve zerârîh ve bürâdetü'l-ḥadîd ve naṭrûn ve zebedü'l-bahr ṭarḥ olunup galeyân edince kadar yine ṭabḥ olunup onunla tılâ olunur ve mümkün olduğu miqdâr taḥammül olunup ğasl olunmaz, tenfîf eder ise onun nüfâṭâtı fak' ve şakḥ olunur.

Tılâ-ı Ceyyid: 'Asel-i belâzur yedi, 'âkırkarhâ, şâfsiyâ her birinden üçer, ferbiyûn dört, şeytarec-i Fârsî iki dirhem; bu mezkûrlar leben ile ma'cûn kılınıp tılâ olunur.

220 “Şebah” nuḥâstan ma'mûl piriñç dedikleridir, ammâ “şufr” nuḥâsın kendidir.

Ve Muşānnifin Mücerrebâtındandır: ‘Asel-i belāzur ve kebīkec, zerķ-ı hamām, zerārīh, şeytarec, bezr-i fücl, bezr-i hardal, fūvvehü’s-şıbg, hınnā, vesme, zāc veznleri berāber bu tılā ile o ‘uđv-ı me’uf tenfi’ olunup fak’ ve şakķ olunur ve hādis olan kurhaya mu’alece olunur ve bu minvāl üzere berā’et hāşıl olunca kadar tedbīr-i mezkūr mu’āvede olunur.

Āsar-ı Meḥācim Olan Baraşı İzhāb ve İzāle Eden Edviye: Mā-ı kunāberā ve mā-ı merzencūş ve fūvvehü’s-şıbg ve şeytarec misllilerdir, mā-ı bakķam ile tılā olunur.

Ammā baraş üzere isti’māl olunan aşbāğ onların miķdārını ve evzānını ta’yin mümkün olmaz beşerelerin elvānı muhtelif olmak ḥasebiyle belki ona biraz kavānīn içtā olunur ve ba’dehu takdīm ve te’ḥīr olunur.²²¹ Ve o kavānīndendir sürec, mür, dürdī-i ḥamr, muğre, fūvve, şebb ve o mislliler aḥz olunur ve onlar ile tılā olunur veyāḥūd bizim mücerrebimiz olan şıbg ile tılā olunur o şıbg budur ki kuşūr-ı cevz ve onun bir mislli hınnā ve hınnānın bir misli vesme ve kezālik nūre, zernīh, şeytarec her birinden birer cüz’, fūvvehü’s-şıbg iki cüz’ bu edviyeler mā-ı başal ile cem’ olunur ve bi-ḥasebi mā-yüşāhed isti’māl olunur.

Ve kezālik bir şıbg-ı āḥer budur ki karaz, şīh, nūre, ‘afş, zāc, hınnā ‘asel ile ve ḥall-i sevād ile bu edviyeler ma’cūn kılınır ve tılāen isti’māl olunur. Ve kezālik zāc ve ḳalkand ve ‘afş saḥķ olunur ḥall-i sevād ile ma’cūn kılınır ve şemste ‘uđv delk olunup tilyāt-ı müte’addide ile tılā olunur ve onun şıbgı bākī kalır. Ve kezālik şeytarec-i esved ve ḥabeş-i ḥadīd ve zācu’l-esākife ve zencār ve fūvvehü’s-şıbg ve kuşūr-ı rummān bu mezkūrlar ḥall-i ḥamr ile saḥķ olunur levni esved olunca kadar ve ‘uđva mirāren onun ile tatliye olunur.

Bu ‘illet şāhibinin aḡdiyeleri meşviyyāt ve ḳalāyā ve muṭaycenāt ve mükebbebāt kılınır ve onlar laḥm-ı ḥafīften ebāzīr ile ittiḥāz olunur ve şarāba iḳtişār olunur ve aşlā şūrb-i mādan ictināb olunur mümkün ise veyāḥūd şūrb taklīl olunur, o dahi maṭbūḥan veyāḥūd şarābla memzūcen isti’māl olunur.

Baraşı Esvedin ‘İlācı: Behaķ-ı esvedin ‘ilācıdır ve bunda bedeni eşedd-i tertīb ile tertībe ḥācet vardır ve istifrāğ-ı akvāya dahi muḥtācdır ve bunlar-

221 “Takdīm ve te’ḥīr”den murād ‘uđvun levnini müşāhede ḥasebiyle şıbg edviyelerinin evzānı ziyāde ve noķşān kılınır demektir.

dan sonra behağ-ı esvedin şediden cālī devālarına dahi muhtācdır. Ve baʿdī kerre bu ʿilletin şāhibi bi-ḥasebi'l-ittifāk cimāʿdan intifāc ederler ve onlara ḥammām keşirü'l-menfaʿat olur; eger bu ʿillet müştedd olup ḡāyete bâliğ olursa ona cüzām ʿilâcıyla muʿālece olunur.

Maḳāle-i Şālīse Levnden Ğayri Cilde ʿArıd Olan ʿİlel Beyânındadır

Saʿfe ve Şîrpenc ve Belḥiyye ve Buṭm Beyânındadır

Ben derim ki saʿfe cümle-i büşür-i ḳurḥiyyedendir ve kütüb-i tıbbın ʿādeti saʿfeyi zînet bâbında zıkr üzere cereyân eder. Ve saʿfenin ibtidâsı büşür-i müstaḥikke-i ḥafif ü müteferriḳa ve mevâdiʿ-i müteʿaddidede olur ve baʿdehu ḳurūḥ-ı ḥuşkrîşete şāire olur ve levni ḥumrete mâil olur. Baʿdī kerre ondan şadîd seyelâ eder ve ona şîrpenc ve saʿfe-i raṭbe tesmiye olunur. Ve baʿdī kerre kūbāiyye-i yâbise gibi zuhūr eder ve bu nevʿ şitâda keşirü'l-heyecân ve serîʿü'z-zevâl olur.

Ve saʿfenin sebebi rediyye ve ḥârre ve ekkâle olan ruṭûbetin deme muḥâlaṭası olur. Ve baʿdī kerre demden mâ-ʿadâ o ruṭûbet-i rediyyenin aḥlât-ı ḡalîza-i rediyyeye muḥâlaṭası olur, o ḡalîz muḥtebes olup teverrüm eder ve raḳîki neşîş eder²²² ve münteşir olur.

Ve yâbis-i kūbāiyyenin sebebi ḥılt-ı sevdāvînin miḳdâr-ı keşiri ruṭûbet-i ḥirrifeye muḥâlaṭa edip cilde mündefîa olup cildi ifsâd ve ekl eder.

Ammâ belḥiyye saʿfe-i rediyye cinsindendir. Ve [550b] ammâ buṭm ḳurūḥ-ı sevdāviyyedir, bi-ʿaynihâ devālī māddesinden sâḳta zuhūr eder ve onun ʿilâcı devālī ʿilâcına ḳarîb olur.

el-ʿİlâc: Saʿfenin ʿilâcı kūbâ ʿilâcına ḳarîb olur, o ʿilâcı ḳarîben biz beyân eyleriz. Lâkin el-ân biz deriz ki saʿfe-i yâbiseye ḥılt-ı şafrāvîyi ve ḥılt-ı sevdāvîyi ve balḡam-ı mâliḥi ve istifrâğ eden maṭbūḥ ile ʿilâc olunur ve o maṭbūḥ budur: Helîlec eftimûn ile ṭabḥ olunur ve içinde şabır ve saḳmünyâ kılınıp saḳy olunur ve o istifrâğdan bâḳıye olan mevâddi tenḳiye ve bedeni tertîb eden şāhterec-ı raṭb suyuyla mâ-ı cübni istiʿmâl olunur ve evvel-i emrde mâ-ı cübni ve mâ-ı şāhterecin mecmûʿundan bir rıtl aḥz olunur ve onlara helîlec-i esved ve helîlec-i aşferin her birinden üçer dir-

222 Yaʿnî ʿumḳa nüfûz eder.

hem ve eftîmûn iki dirhem ve milh-ı nefî iki dānık hāl olunup isti'māl olunur ve ba'dehu yalnız māu'l-cübñ ve eftîmûna iktîşār olunur, küllü yevmin māu'l-cübñden otuz dirhem ve bir buçuk dirhem eftîmûn saqy olunur eger o miqdārı tabî'at ihtimāl edip istifrâğında ifrāt olmazsa. Ve eger ihtimāl eylemezse bi-ğadri'l-ihtimāl saqy olunur. Ve onlar hālāvet-i müfritadan ve huşuşan temrden, kezālik merāret ve harāfet ve mülūhati olan ağdiyeden ictināb ederler, lez'î olmayıp hıl't-ı sālîmi tevli'd eden tefih ağdiyeleri tenāvül ile iktîşār ederler ve istiḥmām edip ruṭūbet-i mu'tedile ile bedeni tertîb ederler ve belki mu'tedilen muraṭṭıb olanların isti'mālî ile cemī'an tertîb eder, eger hācet var ise iki yedin 'urūkundan faşd ederler. Ve sa'fesi olana 'udvu saqy eden damardan dahi faşd ederler, meşelā başta olan sa'fe 'ilācında ırk-ı cebheyi faşd ederler ve kezālik cild-i re'ste olan ırk-ı ve half-i üzünde evvelā ırk-ı dahi faşd ederler ve ekser-i hâlde sa'fe başta olur. Ve sa'feden başta olanlara hacāmet dahi nāfi'dir, ammā o sa'fe a'ḍā-i sāfilede olursa şāfin faşd olunur.

Ve kaçana bu tedbirleri eylesen ba'dehu sa'feyi hakk-ı kavî ile hakk eyle idmā edince kadar ve hakkta ictihād edip ondan dem-i keşir isāle eyle ve ba'de'l-hakk ona edviye-i mevdi'yye ile mu'ālece eyle huşuşan onu hakk ile idmādan sonra milh ile delk olunup ba'dehu edviye-i mevdi'yye ile 'ilāc olursa o edviyenin nef'i ekser olur.

Ve sa'fe-i yābiseye mütevātiren ḥammāma duḥūl nāfi' olur lākin ḥammāmda cülusu itāle eylemezler ve kezālik hār ve fātir buḥāra 'udv-ı mes'ūfu küllü yevmin mirāren kebb eylemek dahi nāfi'dir. Edhān ve şuḥūm ve gıdā-ı muraṭṭıb ile tedbir ve tedhīn ve se'ūtāt cemī'an nāfi'dir. Ve onun edviye-i müstefriğasında sevdāyı cezb-i kavî ile cezb ve ba'dehu ishāl eder devā kılınır ve istifrāğdan sonra zikri mürūr eylediği üzere māu'l-cübñ saqy olunur. Ve sa'feye qarīb olan mevdi'e irsāl-i 'alakta be's yoktur. Ve onlardan sonra sa'fe hakk ve idmā olunup ba'dehu edviye-i mevdi'yye isti'mālî lāzımdır.

Ve bir kavim zu'm etti ki mevdi-i sa'feye qarīb olan ırktan faşd olursa, meşelā re'ste olan sa'fe için half-i üzün ırk-ı faşd olunup ondan meḥūz olan dem ile sa'feye tılā olunup ba'dehu o mevdi' salk ve zāc sularıyla gāsl olunsa o tılā sa'feye 'ilāc-ı nāfi' olur.

Ve sa'fe-i raṭbenin mübtedîsinin ve raṭb-ı beden üzere ve beden-i eṭfâl üzere olanlarının edviye-i mevdi'yyesi ḥinnâ ve vesmedir ki 'aḫş-ı muḫrak ve dühn-i elye ile isti'mâl olunur ve onun menfa'at-ı bâliğası mücerredir. Ve kezâlik kavâbıd-ı müceffifeden mütteḥaz olunan edviye, meşelâ kuşûr-ı rummân ḥall-i ḥamr ve dühn-i verd ile isti'mâl olunur ve ba'dı kerre içine mürdâsenc dahi idḥâl olunur. Ve ba'dı kerre bu 'illette zerâvend mişli cāliyât dahi isti'mâl olunur.

Ve çok kerre şiddet ve da'f beyninde mütevassıtu'l-hâl olan sa'feyi ḥall ve milḥ ve üşnân-ı aḫḍar ile delk tecfif ve isḳâṭ etmekle berâ'ete mü'eddî olur ve bu mertebe-i mezkûre üzere olan sa'fenin edviyeleri tütüyâ, iklî-miyâ, kaymüliyâ, kırtâs-ı muḫrak ḥall ile ve şamg-ı şanevber, cüllenâr ḥall ve dühn-i verd ile bu emşâli edviyelerdir veyâḥûd mertek ve ḥabeş-i fıddâ ve levz-i mürr-i muḫrak ve 'urûk-ı şabbâğın her birinden birer dirhem aḫz olunup ḥall ve dühn-i verd ile isti'mâl olunur.

Ve kezâlik süsen âsmâncünî uşûlü ve 'ûd-ı belesân ve kemmûn ve kevr-ı maḥlûl²²³ ve ḥabb-ı bân-ı meshûk ve kezâlik 'ades ve mağre ma'a'l-ḥall isti'mâl olunur.

Ve kezâlik levz-i mürr ve 'aḫş-ı aḫḍar ikisi dahi saḫḫ olunup ve ba'ehu şemste takvîm olunup ḥall ile tılâ ittiḥâz olunur.

Ve kavm dediler ki sereṭân-ı ḥayy aḫz olunup merzencûşla daḳḳ olunur ve 'aṣr olunup onun ruṭûbetiyle isti'âṭ olunur ve yalnız sereṭân ruṭûbeti ile dahi isti'âṭ olunur.

Ammâ sa'fenin müzmini ve ebdân-ı şulbe üzere olanları onların mu'âlecesinde kılkuṭâr ve kılḳand ve sūrî ve zâc-ı ḥibr ve milḥ ve kibrît ve türâb-ı zîbak ve 'urûk-ı şabbâğın ve devâ-i qarâṭis tûbâl-i nuḥâs ile isti'mâl olunmağa ḥâcet olur. Ve duḥân-ı tennûr ve milḥ kavâbıd-ı muḥalliledendir ona. Ve kezâlik mürdâsenc ve isfîdâca dahi ḥâcet olur. Ammâ ḥazef-i yâbis müceffifât-ı kavîyyedendir. Ve zerḳ-ı ḥammâm cilâsı ve tecfifi şedîd muḥallildir. Ve kezâlik ḍabbın ḥur'u ve zerâzîrin ḥur'u ve ḥuşûşan erüzz tenâvül eden zürzûrun ya'ni sığırcık kuşunun murdâtı ve merhem-i 'urûk her sa'feye nâfi'dir. Ve ḥinnâ ve zerâvend ve kuşûr-ı rummân ve mürdâsenc ve bizim sa'fe-i yâbise bâbında zikr edeceğimiz devâ ve kezâlik remâd-ı

223 “Maḥkûk” nüşâ.

hâtab-ı kerm ve zerâvend-i müdahrec ve cüllenâr ve 'afş ve rîtiyânec hall ve dühn ile isti'mâl olunur.

Devâ-i Ceyyid: Kaymüliyâ, kibrît-i ahđar, remâd-ı qar', şahm-ı hanzâl veznleri berâber kılınıp hall ile isti'mâl olunur veyâhûd küzbere-i yâbise-i muhrağa hazef-i tennûr ve hınnâ ve hall ve dühn-i verd ile isti'mâl olunur.

Cidden Ceyyid Devâdır: Sa'fe diflâ tabîhi ile gâsl olunur, ba'dehu tûbâl-i nuhâs, mürr iki dirhem, türâb-ı kündür, şebb-i Yemânî her birinden dörder dirhem, zerâvend, kulkuţâr ve remâd-ı kerm, şabır her birinden birer dirhem ahz olunup hall ve dühn-i verd ile isti'mâl olunur,

Sa'fe-i Yâbisede [Müsta'mele Edviye-i Mevdi'iyedir: Sa'fe-i yâbiseden] kûbâ-ı müzmin olanlar onu ekl eder; devâ-i hadde muhtâcdır lahm-ı şahîthe varınca kadar ekl eylesin için ve ba'dehu mu'alecât-ı qurûh ile 'ilâc olunur, mürdâsenc ve hall ve zeyt ile mütteḥaz olan merhem-i 'urûk isti'mâl olunur. Ammâ müzmin-i kavînin mād-dûnu evvel-i ezmânda zıkr olunan mu'alece ile 'ilâc olunur ve onlara tertîb-i beden eder aḡdiye-i murattıbe ve neşûkât ve ḥukun ve ḡayr-i zâlik nâfi' olur.

Sa'fe-i Raṭbeye ve Yâbiseye Devâ-i Ceyyiddir: Acı bâdem yaḡı ve ḡardal yaḡı her birinden nışf sükerrece hall bir sükerrece, şiyâf-ı māmîsâ, 'afş her birinden üçer mişkâl, fîl-zehrec bir mişkâl, 'urûk-ı şufr, būraḡ her birinden yarımşar mişkâl edviye saḡk olunup zir olunan iki dühn ve hall ile hall olunur, saḡk-ı şedîd ile saḡk olunur ve sa'feden her hangisi ḡadiş ise gerek raṭbe ve gerek yâbise olsun bu nüsha ona devâ-i ceyyid olur. Ve kezâlik cerebe ve kâmla [ve kûbâya] ve temerruṭa ve dâü's-sa'lebe ve sa'fe-i rediyye cinsinden olan belḡiyyeye dahi o devâ-i ceyyid nâfi' olur. Ve ba'dı kerre sebebi be'ûd-ı ḡabîş olur onun 'ilâcı 'aḡḡa-ı be'ûd-ı ḡabîş mu'alecesi olur.

Muşannifin Muhtârı ve Muhtera'ı Olan Devâ-i Kavîdir: Zerâvend, zen-câr, uşşak, muḡl, ḡardal, zâc veznleri berâber ahz olunup [551a] dühn-i ḡınta ile ve bir mişli hall ile ve miḡdâr-ı ḡalîl 'asel ile cem' olunur.

Kûbâ Ya'ni Temregi Beyânındadır

Kûbâ mâhiyyette sa'feden ba'îd değildir ve sa'feye şey²-i ḡafî ḡasebiyle muḡâlîf olur ḡuşuşan sa'fe-i yâbiseye ḡurbiyyeti ekserdir ve câiz olur ki sa'fe-i yâbise kûbâ-ı aḡbeş ve erde³ ve kûbânın âkeli ve aḡverin ola. Ve

ķübānın sebebi sa'fe sebebine ķarīb olur, zīrā sebep-i ķūbā o ķādde ve ķir-rīfe olan māiyyettir ki māiyyet-i sa'fe gibi mādde-i cerebden aēlaz mādde-i ēalīza-i sevdāviyyeye muķtelit olur.

Ve bür'e esra' olan ķūbā o ķūbādır ki onun mevāddının raķīķi ēālīzi üzere aēleb ola. Ve ķūbādan bir şımf vardır ki raķb ve demevīdir, ondan hakk olundukta nedāvet ve yaşılk zāhir olur ve min-beyni'l-kavābī o şımf eslem olur. Ve bir şımfı dahi yābistir ve onun ekşeri ihtirāk hasebiyle balēam-ı mālīhin sevdāya istihāle eden mevāddan tevellüd eder. Ve ķūbādan bir şımf dahi şiddet-i yübüset ve keşret-i ēavır hasebiyle müteķaşşır olur ve o ķūbā baraş-ı esved ve huşkrīšet gibidir. Ve bir şımfı dahi ēayr-i muķaşşerdır. Ve kezālik ķūbānın kimisi sā'ī ve kimisi vāķıf ve kimi ķadīs ve kimi müzmin olur. Ve ķūbā marađ-ı ķarīfidir, faşl-ı ķarīfte heyecān eder.

el-Īlāc: Onun 'ilāc-ı aslısı o edviyedir ki onun tahlīli ve taķtī'i ve izābesi ve ma'a-teskīn telķīfi olup bu keyfiyyātı cemī'an cāmī'a ola. Ve ķūbānın iki kısmından kısm-ı evvel bi-hasebi'l-māddeti'l-ēalīza 'arīđ olur ve ikincisi mādde-i ķādde-i raķīķa hasebiyle 'arīđ olur veyāhūd ķūbā iki māddeden birinin ēalebesi ile 'arīđ olur, pes onda iki sebep-i mezkūrlar ifnā eden edviyeler cem' olunup ēālīb hangisi ise onun tedbīri taēlīb olunur ve irsāl-ı 'alak bu bābda ecved-i edviyeden olur ve emr-i tenķiyede ve itbā'ında mā-ı cübñ isti'māline hācet olur, müşāhede īcāb eylediēi üzere mā-ı cübñ isti'māl olunur ve taēdiyye ve tertībe ve muratķıb tedbīre ve sa'fenin muķtāc olduēu kavī eşyāya muķtāc olur ve ba'dı kerre havā-ı yābisten müfāraķata dahi muķtāc olur.

Ve bir ķavm dediler ki ķuvābāyı ķudūstan men' eder ve ķadīs olanı saēaltır bu şıfat üzere olan devā: ēaslı-ı şabır gibi maēsūl olan lūkk bir dirhem, maķbūh-ı reyhānī üç ūķıyye. Ve kaçan ķūbā münteşir olup çoēalsa onun 'ilācı cüzām 'ilācı olur.

el-Mu'āleacātu'l-Mevđī'iyye: Ammā ķūbādan ķadīs ve mütevassıt olanlara edviye-i müfrede ile tedbīr olunur, hummāđ-ı ütrücc onlarda ve kavī olanlarda dahi isti'māl olunur.

Ve ķadīs ve mütevassıtta müsta'mel olan edviye-i müfrede şamē-ı 'Arabī ķall ile ve şamē-ı levz ķall ile ve 'asel-i lübñā ķall ile ve ķardal ķall ile ēāyete bāliēdir. Ve mā-ı kibrīti ve mā-ı mālīh ve zebedü'l-baķr ve ēı-

ra'l-cülûd ve insân-ı şâimin rîki ve insân esnânının tılâvesi ve bezr-i bittîh ve aşı-ı hunsâ ve eşrâs ve levz-i mürr dühnü bu mezkûrlar ceyyiddir. Ve keber varakı hall ile ve sencisbüye²²⁴ her kûbâya bi'l-hâşşıyye nâfi'dir. Ve aķâķıyâ ve muğâş ve dühn-i hınıta her bedene 'arıd kûbâya şâlihıtır ve da'ıf ve ķavıye nâfi'dir ve kezâlık 'urûķ-ı şufr dahi nâfi'dir.

Ve henüz zühür edip mübtedî olan kûbâya 'ale'd-devâm mâ-ı hârr şabb olunup ba'dehu dühn-i benefşecle 'ale'd-devâm delk olunmak nâfi'dir. Ve mâ-ı şa'ır ile tılâ ba'dı kerre kûbâyı izhâb ve izâle eder huşûşan mâ-ı şa'ır cevz-mâzec ile tılâ oluna ve onun sa'fe-i raıtbeye dahi menfa'ati olur.

Ve bezr-i ķatûnâ lu'âbı ve raıtb bezr-i ķatûnânın 'uşâresi ve bakla-tu'l-hamķâ suyu ve şamķ-ı iccâş şıbyânın kûbâlarına nâfi' olur veyâhûd şamķ-ı levz ve ğıra'l-cülûd ve mey'a veznleri berâber kılınıp hall ile cem' ve tılâ olunur veyâhûd ğıra'n-neccârîn ve kündür ve kibrît ve hall saķk ve isti'mal olunur.

Ve ammâ redî ve müzmin olan kûbâ aķvâ ediyeye muhtâc olur, meşelâ tabh [ile] taķvîm olunan 'uşâre-i ütrücc mişllilere ve dühn-i hımmas ve dühn üzere ve hâşşaten dühn-i hınıta ve levz-i mürr şamķı ve kibrît ve ba'r-ı ma'z ve zebed-i baır mişllilere muhtâc olur. Ve ķatrân ve zift bu bâbda 'acîblerdir ve kezâlık neft-i ebyađ ile taıliye dahi. Ve bâbu's-safede zıkr olunan hayvânât hur'ları ile ve fencengüşt ve keber ve uşşak ve harbak ve habbu'l-bân ve sâfsiyâ hâşşaten huşûşan dühn-i hardal ile sâfsiyâdan ittiḥâz olunan merhem ve sencisbüye ya'nî sengisbüye ve uşşak ḥalal ile ve ķardemânâ ve kündür ve remâdu'l-hammâm ve 'urûķ ve hardal ve bezr-i circîr mişllilere dahi ḥâcet olur. Ve 'asel-i belâzur nef'de meblaĝ-ı ğâyete bâligdir.

Ve bu bâbda müsta'mel olan edviye-i mürekkebe bunlardır: Kıardemânâ aḥz olunup [ve saķk olunup] dühn-i hınıta ile cem' olunur ve remâd-ı sūm 'asel ile ve kibrît şamķ-ı buıtm ile ve habbu'l-bân cidden aķvâ ḥall ile cem' olunur ve bu devâ müteķaşşır olan kûbâda dahi isti'mâl olunur.

Veyâhûd kündür ve zâc ve kibrît ve şabır her birinden birer dirhem ve şamķ iki dirhem; bu edviyeler ḥall ile tılâ olunur.

Yâhûd būraķ-ı Ermenî nişf mişķâl, dühn-i hınıta üç dirhem, ḥummâd-ı ütrücc, ķafu'l-yehûd her birinden ikişer dirhem, şünîz iki buçuk dirhem,

224 "Sengisbüye"den mu'arrebdir.

harbak-ı esved bir buçuk dirhem, zâc-ı muhrağ bir buçuk dirhem; bu mezkûrlardan tılâ ittiḥâz olunur.

Veyāḥūd sencisbūye aḥz olunup ḥall ile tılâ olunur.

Veyāḥūd zâc ve mürr ve kündür ve şamğ aḥz olunup tılâ denmekle ma'rif nebîz ile ma'cûn kılınıp kūbâ üzere tatliye olunur.

Veyāḥūd ḥabbu'l-bân on, kibrît-i aşfer dört, sencisbūye bir cüz' aḥz olunup daḳḳ-ı nâ'im ile daḳḳ olunur ve ḥall-i ḥamr ve dühn-i verd ile ḥall olunur.

Veyāḥūd kibrît ve diḳâḳ-ı kündür ve uşşak ḥall ile izābe olunur.

Veyāḥūd ḥur'-ı kelb ve üşnân-ı kaşşârîn ve kibrît-i ebyaḍ ve sezâb ve duḥân-ı tennûr ve kuşûr-ı rummân ve remâd-ı ḥammâm ve iki şıf zernîḥler ve kibrît-i aşfer veznleri berâber aḥz olunup ḥall ve zeyt ile izābe olunup tılâ olunur.

Büşür-i Lebeniyye Beyânındadır

Ba'ḍı kerre enf ve vecne üzere ebyaḍ beşrelere münteşire olup her biri nokta-i lebene benzer ve sebebi buḥâr-ı beden ile o mevdi'lerin saṭṭına mündef'ca olan mādde-i şadîdiyyedir. Ve onun 'ilâc-ı edviyelerdir ki onda tecfîf ve taḥlîl kuvveleri ola, harbak-ı esved ve nişfı miḳdârı îresâ ile aḥz olunup onlardan leṭûḥ ittiḥâz olursa onda taḥlîl ve tecfîf kuvve[si] olmakla bu bâbda 'ilâc-ı şâlih olur. Ve ma'a'l-bûrağ bezr-i kettân ve ma'a'l-ḥall tîn ve şünîz dahi isti'mâl olunur.

Cereb ve Hikke Beyânındadır

Cerebi tevliḍ eden mādde ba'ḍı kerre o mādde-i demeviyye olur ki şafrâ-ya muḥâlîṭ olup sevdāya istiḥâleye ḳarîb olur veyāḥūd onun nişfı miḳdârı bi'l-fi'l sevdāya muḥtelîṭ olur. Ve ba'ḍı kerre dahi onun sebebi o mādde olur ki balğam-ı mâlih-i būrağîye muḥâlîṭ olur. Cerebin o şıf-ı evveli cereb-i yâbistir ve māddesi gûlze mâil yâbisedir ve ikinci şıf cereb-i raṭbdır ve māddesi raṭbe ve rikḳate olur. Ve cerebin ekseri tevellüdü mülûḥât ve ḥarâfât ve merârât ve tevâbil-i ḥârre tenâvülünden olur. Ve bedende mekân-ı vâsi' aḥz edenler dahi cereb-i raṭb envâ'ından olur.

Ve min-beyni'l-büşûr enşez ve erfa^c ve eşhaş ve re^si eḥadd olan beşrelerin bi'l-cümle envā'ının mevāddı ḥiddetli ḥılt olur. Ve o beşreler ki a'raḍ ve şediden muṭma'inn olsa onun ḥıltı ḳalîlü'l-ḥiddet olur. Ammā mādde-i cerebin tevellüdünün esbābı bi-^caynihā mādde-i ḥikke tevellüdüne sebep olur velākin sebep-i cereb ḥikke sebebinden aḳvā olur. Ve ḳamle ve sa^cfe ve ḥazāz ve ḳübā esbābına cerebin esbābı ve onların mu^cālecātına mu^cālecesi muḳārib olur.

Ve cereb ile ḥikkenin farkı budur ki cerebde büşûr olduğu gibi ḥikkede büşûr olmaz, zîrā mādde-i ḥikke eraḳḳ olur ve mülūhata meyli eḳall olur ve mülūhatı olmayan mādde lā-maḥāle sükûn ve istikrār olur [551b] ve o mişlli māddeyi ṭabī^cat cilde def^c eder ve mesāmmın insidādı ve ḳillet-i tanzīf veyāḥūd ḍa^cf-ı dāfi^ca mādde-i mezḳûreyi cildde ḥabs eder meşāyih-ta ve āḥir-i emrāḍḍa ḍa^cf dāfi^ca ḥasebiyle muḥtebese olduğu gibi ḥuşūşan mādde keşire veyāḥūd ḡalīza ola veyāḥūd o māddenin sebep-i tevellüdü aḡdiye-i rediyyeden tevellüd eden keymūs-ı redī ve ḥirrifī tevlid eden aḡdiye-i rediyye-i māliḥa vü ḥirrifē mişllileri tenāvül olur veyāḥūd sū^c-i ḥaḍm ḥasebiyle ta^caffün eden mādde-i müte^caffine olur ve ḥikke-i ^cumḳa nüfūz eylemez belki ḳuşûr-ı nuḥāliyyeden taḥallī eder.

Ve ḥikke-i şeyḥūḥiyyet ^cilācı ḳalilen ḳabûl eder belki ona olunan ^cilāc ^cilāc-ı ḥaḳḳa deḡildir, li-ecli'l-müdārāt ^cilāc olunur.

Ve ma^clûm ola ki cereb-i müteḳaşşer ve ḳuvābā ḥarifte keşir olur. Ve bi'l-cümle mādde-i ḥikke iki cild arasında müctemi^ca olur, eger bedende o māddeden bir şey^c dahi bulunur ise cereb yābis olur. Ve ḥalāvāt ḥikkeyi ve büşûru tevlid eder. Ve ekşer-i ḥâlde cereb beyne'l-eşābi^c zuhûr eder o maḥall aḍ^caf olmakla. Ve cereb-i ^cazīm ḥurācı cālib olur ve ḳuvābā ve sa^c-feye dahi intikāl eder. Ve onlara edhān muḍırr olur ve sikencebîn nāfi^c olur eger saḥcından ḥavf olunmaz ise.

el-İlāc: Ammā cereb ^cilācının evlā ve eḑdali ve ekşerine kifāyet eden ve āḥer mu^cāleceden muḡnī olan ^cilācı ḥılt-ı ḥārr-ı muḥteraḳı ve balḡam-ı māliḥi istifrāḡ olur ve ondan sonra bu bābın nezāirinde senin ma^clûmun olduğu üzere ḡidāyı ıslāḥ ve tedbīr-i muratṭıbı isti^cmāl olur ve eşyā-ı tefiḥe-i māiyeden olup sür^cat-ı ta^caffündenn me^cmûn olan biṭṭīḥ-i Hindī ve hindebā mişlliler tenāvül olunur ve ḥāricden dahi isti^cmāl olunur. Ve cimā^cı aşlen ve

küllîyyen terk eder, zîrâ cimâc mevâddı hârice tahrîk eder ve buhâr-ı hârr-ı ʿafini işâre eder ve nâhiye-i cilde gelip onda olan ruṭûbeti taʿfîn eder ve ona binâen bedenîn râyihâsı müntine olur, ona binâen cenâbetten gûsl edenlere tedlîk ile emr olundu.

Ve mevâdd-ı cerebî cemîʿan istifrâğ eden müstefrîgât-ı ceyyideden olur eʿtîmûn ve ihlîlec-i aşfer ve şâhterec ve senâ ve besfâyec ve efsentîn; bu edviyeden mütteḥaz olunan ṭabîḥ saḳyı. Ve baʿdî kerre onun ahlâṭına verd ve bezr-i hindebâ mişlî edviye dahi idḥâl olunur ve baʿdî kerre bi'l-ḥâşşa nâfiʿ olmağala māmîrân dahi katılır ve baʿdî kerre dahi saḳmünyâ katılır ve kezâlik onlara ḥabb-ı şabır ve saḳmünyâ ceyyid-i bâliğ olur.

Ṭabîḥ-i Ceyyid: Helîlec-i aşfer ve zebîb her birinden yirmi dirhem; bunlar aḥz olunup üç rıtl su içinde şülüşü kalınca kadar ṭabîḥ ve baʿdehu taşfiye olunup mâ-ı muşaffâsından bir rıtlın iki şülüşü aḥz olunur ve içinde ḥıyârşenberden on yaʿnî on dirhem mers olunup baʿdehu taşfiye olunduktan sonra onda bir dirhem gâriḳûn kılınır.

Ḥabb-ı Ceyyid: Bu ceyyid olan ḥabb şâhterec-i ceyyiddir ve nüshası budur: Helîlec-i aşfer ve Kâbüli ve esved işbu envâc-ı şelâşenin her birinden beşer dirhem, şabır-ı İşkūtarî yedi dirhem ve saḳmünyâ beş dirhem; bu edviyeler aḥz olunup şâhterec suyuyla maʿcûn kılınıp baʿdehu tecfif olunmaktan zâil olunmaz yaʿnî kaçan o edviye şâhterec suyunu neşf edip kuruduktan şâhterecin mâ-ı cedîdiyle yine maʿcûn kılınır ve üç defʿa bu minvâl üzere taʿcîn ve tecfif olunur ve her taʿcînde ḥasv kılınır ve baʿdehu teḳavvüm edince kadar terk olunup baʿde't-teḳavvüm ondan ḥubûb ittihâz olunur.

Cereb-i Müzmine Nâfiʿ Devâ-i Ḳavîdir: Helîlec-i Kâbüli vü aşfar ve belîlec ve emlec ve birinc-i Kâbüli-i muḳaşşer her birinden birer dirhem ve türbüd iki dirhem; bu mezkûrlar fânîz ile maʿcûn kılınır ve ondan ḳurş ittihâz olunur, ishâl-i tâmm için onun şerbet-i vâhidesi beşten on [beş] dirheme ve yirmiye varınca kadar mâ-ı hârr ile istiʿmâl olunur ve baʿdî kerre ʿinde'ş-şürb içine saḳmünyâ dahi katılır.

Ve baʿdî kerre şabır şürbüne müdâvemet cereb-i redî-i müzminden taḥlîş eder velâkin ona müdâvemet bu ṭarîḳ üzere olur ki üç gün mütetâbîʿaten birer mişḳâl şabır şürb olunur ve baʿdehu ḡıbben şürb olunur yaʿnî o üç günden sonra bir gün terk olunup ve ḡaden şürb olunup ve baʿdehu yine

bir gün terk olunup onun ğadında yine şürb olunup üç gün 'ale'l-agbâb şürb olunur veyâhüd mütevâtiren şürb olunan üç evvelden sonra üç gün dahi mütetâbi'an terk olunup sonra üç gün dahi eyyâm-ı selâse-i evvel gibi mütevâtiren ve mütetâbi'an şürb i'ade olunur ve müşâhede icâb ederse 'alîl tefrîh olunup o günlerde tetâbu'aten mürâ'ât terk olunur ve eger bu eşribe saħca mü'eddî olursa ihtikân ile saħca mu'alece olunur. Ve vech-i mezkûr üzere şabır şürbü nâfi' ve cerebi külliyyen kaç' ve istihlâk eder. Ve ceyyid olan şabır mâ-ı hindebâ ve mikdâr-ı kalîl râziyânecde ma'an nak' olunup ba'dehu o şabır-ı menkû' vech-i muharrer üzere şürb olunmaktır velâkin mâ-ı râziyâneci mâ-ı hindebâyâ ħalt' o zamân ceyyid olur ki onu isti'mâlin-den mâni' olmaya ve o su ile nak' olunan şabır bir dirhemden bir mişkâle varınca kılınır, eger müdâvemeti 'alîl ihtimâl eylemezse terk olunur.

Ve neķû'ât-ı iccâsiyye dahi kezâlik nâfi'dir veyâhüd rubb-ı helîlec-i aşfer ki onu ittiĥâz helîlec tabĥ olunup suyunu şemste tecfîf etmekle olur, pes onun raĥbından beşten ona varınca kadar sükker ile aĥz olunur ve bunun menfa'ati cereb-i şafrâviye ve cereb-i raĥba olur ve bu mişlli rubûb cemî'an müşilât-ı ĥubûbdan ittiĥâz olunmak mümkün olur. Ve ba'de'l-ittiĥâz ba'dı kerre o rubûb birbirine ĥalt' olunup isti'mâl olunur veyâhüd o ĥubûb-ı müs-hile evvelâ terkîb olunup ba'dehu o mürekkebden rubûb ve ĥubûs ittiĥâz olunur.

Ve mâ-ı cübnü eftîmûnla küllü yevmin isti'mâl ceyyiddir bu bâbdan muĥaddem karîben zîkr olunduĥu üzere. Ve mâ-ı cübnü helîlec ile ve 'aşîr-i şâhterecle eyyâmen mütevâliyeten şürb eylemek ĥâyet-i menfa'ate bâliĥ olur.

Ve münakķiyât-ı refî'a mecrâsına cârî olan devâlardandır saķmûnyâ ve za'ferân ile ittiĥâz olunan ĥabb-ı -şabır-ı isti'mâl eylemek ve onun şerbet-i vâhidesi beş ĥımmaşa mikdârı kılınır veyâhüd helîlec-i aşfer şabır-ı İşkûtarî her birinden birer dirhem, keşîrâ, verd her birinden birer dirhem, za'ferân şülüş dirhem aĥz olunur. Ve kezâlik zîkri mürûr edip içinde birinc olan devâdan küllü yevmin ve yevmeyn iki dirhemden üç dirheme varınca kadar aĥz olunur.

Ve bir ĥavm dedi ki kaçan keşret üzere istifrâĥât olundukta onlar nâfi' ve nâci' olmasa evlâ olan onu tecfîf edip o 'illet şâhibine küllü yevmin bük-

reten ve aşîyyeten sevîk-i hınța sükker ve mâ-ı keşîr ile sağy olunmakla iktîşâr oluna. Ve kavm dediler ki cereb-i yâbis aşhâbına ve kezâlik hikke-i kaşefiyye aşhâbına üç gün kadar beher yevm yüz yirmi dirhem şîrec, nısfı miqdârı sikencebîn veyâhüd sikencebîn mişlli ile sağy olunmak nâfi olur ve ba'dı nâs dahi ona mâ-ı unnâb hâlî ederler ve o devâyı biz tecrîbe edip cerebe cilâc-ı bâliğ bulduk velâkin o devâ mi'deyi id'âf eder.

Ve Mürekkebâtan Bu Edviyelere Münâsib Devâ: Hâbeş-i fıddâ, mürdâ-senc, kınbîl, urûk bu edviyeler hall-i hamr ve dühn ile ma'cûn kılınıp kavî olan mecrûba tîlâ olunur. Ve bundan hafîf olur tîn-i Ermenî ve kâfur ve zaferân her birinden nısf dirhem ağız olup hall ve mâ-ı unşul ve dühn ile cereb-i hafifte istî'mâl olunur. Ve miqdâr-ı kalîl kavî olanlarda bezr-i rîbâs hall ve dühn-i verd ile sağı olup hammâmnda istî'mâl olunur. Ve kezâlik rummân-ı hâmiđin suyu ve dühn-i verd ve bûrak istî'mâl olunur. Ve mâ-ı rummânın ecvedî onda şahm-ı rummândan bir kuvvet olan mâ-ı rummân olur. Ve kezâik mercimek unu ve mağre ve hall hâlî olup şemse tahmiye edince kadar vađ [552a] olup ba'dehu tîlâ olunur.

Ve ammâ istî'mâline hâcet olan ma'âcîn o ma'âcîn mişllilerdir ki onu kûbâ ve safe ve behâk-ı leyyine aşhâbı istî'mâle muhtâc ola, meşelâ kışmış ile ıtrîfîl-i şığâr gibi. Ve kezâlik bu ma'cûn dahi istî'mâl olunur: Senâ, şâhterec her birinden ikişer dirhem, helîlec-i aşfer dört dirhem ve kışmış-ı mu'assel o mecmû'un dîrfı.

Ammâ cereb için edviye-i mevđiyye cilâsı olan edviyenin küllîsidir, ma'a-takviye li'l-cild ve ıslâh li'l-hurâc cilâsı olan devâ mevđi üzerine vađ olunmak ba'dı kerre kifâyet eder. Mâ-ı mülûkiye ve hummâdiyye ve sıklık ve rummân miyâhı mişlli ve nuhâle-i semîd ve ades-i muğaşşer mişlli. Ve kezâlik akâkıyâ hall ile ve habb-ı bittîh ve cevfi-i bittîh, ke-mâ hüve neşâstec-i uşfur ve kerefs uşâresi ve tabîh-i hulbe ve cevzin mâ-ı kuşûru ve ba'dı [kerre] dahi tahlîl-i kavîsi olan şahm-ı hanzal. Ve ilk-i enbât mâ-ı na'nâ ile ve rîtiyânec hall ile ve zâc-ı meşvî huşuşan zâc-ı aşfer hall ve dühn-i verd ile istî'mâle hâcet olur. Ve kezâlik kalkand ve nezâiri ve diflâ dahi cidden kavîdir. Ve ba'dı kerre bu devâlar hall içinde nağc olunduktan sonra onun menkû'u şîrecle ba'de't-tabh istî'mâl olup o cerebin emrine kifâyet eder. Ve ba'dı kerre edviye-i hârreye dühn-i

verd hâlt olunur ifrâtıını men' için ve o mişlliye kuşûr-ı rummân dahi hâlt olunur.

Ve mücerrebâtandır bezr-i circîrin dühnü ahz olunup onunla şemste veyâhûd kânûna qarîb mevdi'de cereb hakk ve temrîh olunur ve hakk ve temrîh bu vech üzere tekrâr olunur, gâyet bâlig ve 'ilâc-ı ceyyid olur.

Devâ-i Ceyyid: Mürdâsenc, zâcu'l-hibr veznleri berâber ahz olunup hall-i hamr ile sahk olunur ve hâzeften maşnû' bir kûz içine vaç' olunup bir şehir miqdârı ard-ı nediyyeye defn olunur ve ba'dehu tılâen isit'mâ olunduktan ma'a-killeti'l-lez' onun nef'i gâyet bâlig olur.

Kündüs, zîbağ-ı maqtûl, habes-i hadîd, zerâvend, kibrît, kınbîl, kıly, nuhâş-ı muhrak, muğâs, nüşâdur, 'ades, mürr, bezr-i harmel, uşşak, zencâr, kaşşâr üşnânı, zibl-i kelb ve ebvâb-ı uhrâda zîkr olunan ezbal ve kıssâ-i himâr bu mezkûrlar tılâ-ı ceyyiddir.

Ve kezâlik haţab-ı kermin kuşûr-ı muhrakı mevdi'-i cerebe ba'de'l-mesh bi'z-zübd neşr olunup üzeri şedd olunur ve cereb bâtil olunca kadar mesh ve neşr-i mezkûrlar tecdîd olunur. Ve ba'dı kerre kardemânâ hall ile ve 'ilk-i enbât kezâlik [tılâ] olunmak dahi nâf' olur.

Ammâ Mürekkebât-ı Ceyyide: Zîbağ-ı maqtûl, varağ-ı diflâ, iklîmiyâ, fıddâ, mürdâsenc bu edviyeler ahz olunup hall ve dühn-i verd ile leylen tılâ olunur ve üzerine 'alîl tenvîm olunur ve o gecenin gadâtında hammâma idhâl olunup bedeni hall ve üşnân-ı ahdar ve mâ-ı hârr ile evvelâ gâsl olunur ve ba'dehu mâ-ı bârid ile dahi gâsl olunduktan sonra dühn ile temrîh olunur.

Devâ-i Sehl: Mürdâsenc, zâc-ı aşfer veznleri berâber ahz olunur ve bir üsbû' hall ile şemste sahk olunup hâcet katında tılâ olunur. Ve kezâlik zîbağ-ı maqtûl, mey'a-i sâile, dühn-i verd cem' olunup isti'mâl olunur. Ve kezâlik zîbağ-ı maqtûl, mey'a-i sâile, bezr-i benc ve kuş veznleri berâber ahz olunur. Ve kezâlik kündüş bir cüz', mağre üç cüz' hall ile tılâ olunur.

Ve kaçan sen qaviyye ve muhallile-i müceffife veyâhûd kaşefiyye-i yâbise edviye isti'mâl eylesen edhân-ı ma'rûkayı o edviye ile tılâyâ itbâ' eyle, o edhân dühn-i su'd ve hilâf ve nîlüfer ve benefşec ve o mişlli dühnlerdir huşuşan yâbis ve kalîlü'r-rütûbet olanlarda itbâ'-ı mezkûr mü'ekkedü'l-lâzım olur.

Ve raṭb cerebte tecfîfî eşedd ve cereb-i yâbiste tecfîfî eḳall olan edviye isti'mâl olunur. Ve ahlâṭında zıbaḳ-ı maḳtûl olan devâyı mümkün oldukça nevâhî-i mi'ceden ve a'ḫdâ-i kerîmeden zikri mürûr eylediği üzere teb'îd eylemek gerektir.

Ammâ Hikke-i Yâbisenin 'Îlâcı: Eger istifğa hâcet var ise mirâren senin ma'lûmun olduğu üzere istifrag olunur ve ba'dehu râib-i baḳarın hâmiḍi ona saḳy olunur. Ve kezâlik onun 'îlâcı mâ-ı fâtir ile istiḥmâm ve edhân-ı bârideden merûhât-ı dehineyi isti'mâl olur huşuşan içinde 'uşâre-i kerefs olan merûhâtı isti'mâl ziyâde nâfi' olur. Ve cereb-i yâbis 'îlâcıyla hikke-i yâbise 'îlâcı birbirlerine müteḳâriblerdir.

Ve Edviye-i Leyyinedendir: Ve bu bâbda nâfi'dir haşhâş-ı meshûk ḥall ile ve kezâlik varâḳ-ı süsen veyâḫûd şabır mâ-ı hindebâ ile. Ve kezâlik hikke-i yâbise edviyesine neşâ dahi idḫâl olunur. Ve mâ-ı kerefs ḥall ve mâ-ı verd ile ceyyid olur.

Ve edviye-i ceyyidedendir: içinde afyûn olan ḳayrûṭî, o ḳayrûṭî ile bedene mesh olunur ve hikkeyi teskîn eder. Ve edviye-i ḳaviyyedendir edviye-i ûlâdan terkîb olunan devâ içine nüşâdur idḫâl eyleyip ḥall ile tîlâ eylemek huşuşan onunla huşyelere tîlânın nef'i ekşer olur.

Ve kezâlik şebb-i maḳlûvv ve ḳaṭrân ve bu devâ iki fercde ya'nî ḳubûl ve dübüilde müstabṭın olan ḫicâbın hikkesine dahi nâf' olur ve onun ṭarîḳ-i isti'mâli o devâyı hırḳa üzere kılıp ihtimâl etmekle olur. Ve meşâyıḫın 'arîḍ olan hikkelerine bir miḳdâr şebb ile dürdî-i şarâbı tîlâ olunur ve ondan intifâ' ederler.

Cereb ve Hikke İçin İstiḥmâmât: Mâ-ı baḫr ile müsahḫanen veyâḫûd 'alâ-ḫâlihi mâ-ı baḫr ile istiḥmâm ve kezâlik ṭabîḫ-i ḳişşâ ile istiḥmâm nâfi' olur.

Ve Cereb ve Hikke Aşḫâbının Ağdiyeleri: Tertîbi ve dem-i maḫmûd tevliḍi ve bürüdet ve ruṭûbete mâile olan ağdiyeler ve luḫûm-ı mu'tediledir. Ve hikke-i ḳaşefiyyeye lâzım olur ki mütenâvelâtta dühn-i levz ve şîrec ve onlar gibi edhân-ı leyyine isti'mâl eyleyeler. Ve ma'lûm ola ki sâḳayn üzere hacâmet cereb-i fâḫiše nâfi' olur.

Haşaf Beyânındadır

Ba'dı kerre cem'an beden veyâhûd 'urûku cidden keşîre ve iğtisâli kalîl olan 'udv veyâhûd 'inde'l-iğtisâl tedellükü kalîl beden ve a'câ üzere büsür-i şevkiyye 'arîda olur ve huşûşan bilâd-ı hârrede keşîrû'l-vukûc olur. Onun mevâddı şakîle olup mevâdd-ı 'arâk rakîk ve serî'ü't-teka'ddî olmakla o mevâdd-ı şakîle 'arâka luhûk eylemekte tekâsül eder ve saht-ı beşerede muhtebes olup o büsür ondan tekevvin eder ve 'arâk ile hüruc eylemez ve benzer ki o mâdde 'arâkın dürdü gibidir, 'arâk teşerruh eyledikte dürdü bâkî kalır ve 'işyân edip ter ile ma'an tereşşuh eylemez. Ve ba'dı kerre o mevâddan zâhir-i cildde büsür hâdis olmaz belki huşûnet hâdis olur.

Onun 'Îlâcî Budur ki: O mâdde bedende keşîre ise faşd ve ishâlle kaç olunur. Ve haşafeye 'itîyâdî olan kimselere vâcib olur ki küllü vaktin ahlât-ı hârreyi istifrag eyleye, zîrâ o isitfrâg haşafeyi zühürdan men' eder ve o men'[e] istizhâr tesmiye olunur. Ve haşafe zühûrunu men' ve zâhir olanları izâle eder istihmâm ve tanzîf-i beden eylemek ve ba'dehu mâ-ı bârid ile iğtisâl eylemek ve onları hamâmda lahm-ı bittîh ve daķîk-i 'ades ile ba'de't-ta'arruk delk eylemek ve ba'dehu şâhterec ile delk eylemek nâfi'dir. *Ba'dı nüshada "şâhterec" bedeline "şâhisferem" vâķt olmuştur.* Ve kezâlik lahm-ı bittîh ve 'ades ve daķîk-i bâkılâ ile tedlik olunur. Ammâ şandal dahi o büsûru men' eder velâkin hikke ihdâs eder, eger şandal kâfur ile ma'an isti'mâl olunur ise o gâileden dahi emn hâşıl olur. Ve eger şıbgı kerîh 'add olunmaz ise hınnânın dahi nef'i olur. Ve mâ-ı rummân ve hummâd ve 'ades ve iccâş ve temr-i Hindî ve onlara müşâbih olanları tenâvül ve tabîh-i âs ve verd ve mâ-ı küzbere mişllileri isti'mâl dahi nâfi'dir. Ve deyildi ki şemste müsahhan olan mâ dahi nâfi'dir. Ve içinde kavâbıd tabîh olunan miyâh ve terk-i hareket ve mevâdî-i hârre-i mu'arraķadan ictinâb ve emkine-i rihîyyeyi taleb ve merâvîh-i keşîre ile ma'an tervîh [552b] ve mâ-ı bârid ile iğtisâl dahi nâfi' olur.

Ve kezâlik mesûhâtı dühn-i âs ve dühn-i verd kılınır ve zübdde hâşşiyet-i 'azîme vardır huşûşan keşîrâ ve şamg ile mesh oluna. Ve kezâlik o mesûhât ki ahlâtında fûvve ve mürdâsenc ve hâbeş ve tütîyâ hâşşaten ve remâd-ı varâķ-ı âs ve zerîre ve varâķ-ı âs ve gârın varâķ-ı tarîsi ve sezâb ve diķâķ-ı kündür ola, nâfi' olur. Ve haşafe suda gîrâ-ı semeki idâfe edip tîlâ

eylemek dahi nâfi'dir. Ve ondan kavîye hâcet olursa mîvîzec ve kündür ve kibrît isti'mâl olunur. Ammâ bu zıkr olunan kavîler ba'dı kerre takrîh eder ve onun qurhası 'urûk ve 'aḫş ve ḫin-i Ermenî ile mu'alece olunur; ḫall ile isfîdâc ve merhem-i isfîdâc ona ceyyid olur. Ve ba'dı kerre o qurḫa fesâd-dan meblağ-ı 'azîme bâliğ olur ve ona ḫark-ı nâr 'ilâciyla mu'alece olunur ve eger o qurḫa müstaḫkeme olur ise sa'fe gibi 'ilâc olunur.

Beyân-ı Benâtu'l-Leyl

Cildinde ḫaṣāfe ve mesâmmında insidâd ve haḍmında cevdet olanlara berdde ve leylde ḫikke ve ḫuṣûnet ve büṣür-i şıḡâr 'ârîda olur ve o beṣrelere benâtü'l-leyl tesmiye olunur. Ve 'urûduna sebep dîk-ı mesâmm ḫasebiyle taḫallülü vâcib olan mevâddın ihtibâsı olur. Beyân olunduğu üzere onlarda mesâmm bi-ḫasebi'l-ḫilkâ dayyîk olur ve o dayyîke berdin taḫşîfi mu'tin olup dîk-ı mesâmmı ziyâde eder ḫuṣûşan keṣret-i haḍm vaktinde i'âneti ziyâde olur, zîrâ haḍmın keṣretine buḡâr-ı keṣîr ve havâ-ı leyl tâbi' olur o sebebden gece artar ve benâtü'l-leyl tesmiye olunur. Bu 'illetin aḫvâlinendir ki gecelerde ḫikkesi ziyâde olup ondan ibtidâ-i emrde istilzâz eder ve ba'dehu mevâdi-i ḫikkede olan beṣireleri şedîden îlâm eder.

el-'Îlâc: Vâcib olur ki onun mesâmmâtını tevsî' için tedbîr olunup ḫammâmât ve onun temrîḫât-ı ma'rûfeleri isti'mâl ve 'urûkları mevâdd-ı keṣîreden deyildiği üzere faṣd ve istiḡrâḡla taḫliye olunur eger hâcet var ise ve mücerred taḫliye[ye] hâcet katında edviye-i mevdi'iyye ile iktifâ olunmaz.

Ammâ Edviye-i Mevdi'iyyeleri: O edviyelerin eḫdali şabır ve mürr olur ḫuṣûşân mâ-ı 'asel ile isti'mâl oluna. Ve kezâlik ecved olur 'ades daḫîki şabır ile cem' olunup miḫdâr-ı ḫalîl ḫall ve 'asel ile isti'mâl olunur ve sey-yâlâtta mâ-ı kerefs ona münâsib olur. Ve ona edviye-i nâfi'adandır ḫallin dürdîsi yalnız ve bûrak ve ḫinnâ ve za'ferân.

Şe'âlîl ve Onun Aṣnâfindan Mismâriyye ve 'Aḫf-ı Ḳarniyye ve O Mecrâya Cârî Olanlar Beyânındadır

Ben derim ki siḡili fâ'il olan sebep-i evvel def'-i ḫabî'attır ve sebep-i mâddîsi ḫılt-ı ḡalîz-i sevdâvîdir. Ve ba'dı kerre sebep-i mâddî sevdâya istiḫâle eden demde keṣîren vâḫi' olan balḡam-ı yâbistır ve ba'dı kerre o

istiḥāle nefs-i deme ʿarîd olur, demde ihtikân ve keşret olup taʿfin olmadığı vakitte dem-i sevdāya istiḥāle eder, zîrâ o vakitte dem-i bârid yâbis olur ḥuşûşan ʿurûk-ı şîğârda bu hâl ziyâde olur, o ʿurûk mişlîlilerde dem kalîl olup ve esbâb-ı hâriciyye-i müceffife dahi qarîb olmakla demin cefâfı taʿaf-fünden esraʿ olmak ḥasebiyle ḥuşûşan dem fî-cevherihi cidden ḥarr olmaya. Ve baʿd-ı kerre ondan evvelâ bir kebîr şü'lûl nâbit olur, şeʿâlîl-i keşîreye müʿeddî olur onun için ki vâhid-i kebîr civârında olan ʿudvlara vârid olan ğidânın mizâcını o şü'lûl-ı kebîrin mizâcını kendiye ihâle eder ve onun ihâlesi ile ağdiye-i mez-kûre yâbis-i bârid olur, şeʿâlîl-i keşîre nâbit olur ve kaçan o vâhid-i kebîr netf olursa veyâḥûd bi-eyyi vechin kâne ibtâl olursa ondan teferruʿ edenler sâkıta olurlar.

Ve min-beyni's-seʿâlîl kebîr olup ve re'si ʿazîm velâkin aslı ince olanlara mesâmîr tesmiye olunur mismâra müşâbeheti olduğu için. Ve uzun olup ʿakf ya'nî başı eğri olanlara kûrûn tesmiye olunur. Ve şeʿâlîlden bir cins dahi vardır ki ona ṭarasûs tesmiye olunup şeʿâlîlden ʿadd olunur her ne kadar temyîz olunup şey'-i âḥar kılınmak vâcib olur ise. Ve kaçan ṭarasûs şakḳ olursa tahtında midde zuhûr eder.

el-ʿÎlâc: Mübâderet olunup dem faşd olunmakla ve sevdâ istifrâğ olunmakla taklîl olunur eger faşdın sevdâyı istifrâğı kifâyet eylemezse. Ve kezâlik keymûs-ı ceyyidi müvellid olan ve zikri mirâren mürûr eden tedbîr ile dahi tedbîr olunur.

Ammâ ʿÎlâc-ı Mevdi'yye: O edviye ile olur ki onda merâret ve kabd ola, o edviyeden hafîf olanları ile şeʿâlîlin hafîf olanlarına ʿilâc olunur. Ve dühn-i fustuk ile şeʿâlîl dâimâ temrîḥ olunur. Ve ṭabîḥ-i hınta taşfiye olunup üç gün terk olunduktan sonra onunla dahi temrîḥ olunur. Ammâ kürrâş-ı Nebaṭî, summâk ve dühn ile isti'mâl olunur. Ve kezâlik būraḳ, keber, cevz-i serv, zeytûn-ı ficc, cevz-mâzecz ceyyiddir. Āsın varaḳ-ı raṭbı hafîf olanlara nâfiʿdir ve kavî olanlara cevzin kuşûr-ı raṭbesi ve tîn-i yâbis ve ḥarnûb nâfiʿdir ve maʿa-kılleti'l-ezâ ʿazîm ve kavî olan şü'lûle şâlihtir. Kezâlik aşl-ı ğarebin lihâsı ve remâdı dahi ḥall-i ḥamr ile isti'mâl olunur.

Ve ceyyid-i bâliğ olan edviye-i mevdi'yyedendir: Ḥarmel ve ḥinnâ aḥz ve daḳḳ olunur ve elekten geçirilip mâ-ı bârid ile tılâ olunur. Ammâ edviye-i mevdi'yyenin kavîleri şeʿâlîl-i kavîyyelerde istiʿâ olunur, o kavî edvi-

ye nûre ve kıly ve zernîhten müttehaz olan devâdır huşûşan zîbak-ı maqtûl ile ittiḥâz olunan ve lâ-siyyemâ remâd-ı bellût ve zeyt ve milḥ mâu'l-başal ile ittiḥâz oluna veyâḥûd bülbûs ve ba'r-ı ma'z isti'mâl olunur ve kezâlik zerârîḥ zernîḥ ile isti'mâl olunur ve 'asel-i belâdur onun tedbîrinde nâfi'dir. Ve leben-i yetû' onun üzerine mükerreren vađ' olursa şe'âlîli isķât eder. Ve dem'atü'l-kerm ve kebîkeç için şüplülü isķâtta te'sîri 'azîmi olur. Ve şûnîz bevl ile ma'cûn kılınıp onunla đimâd olursa te'sîri 'acîb olur ve merâretü't-teys dahi 'acîbdır. Ve ḥıltîṭ ve merhem-i ḥârr ve dübeylâtı müfeccir merhem ya'nî merhem-i belâzur dahi nâfi'dir.

Terkîb-i Mu'tedil: Cevz kuşûr-ı raṭbı, zücâc, nûre-i ḥayye bir birinden birer cüz' aḥz ve daḳḳ olunup elekten geçirilir ve şüplülün üzerine vađ' olunur veyâḥûd zencâr, kırtâs-ı muḥrak her birinden beşer dirhem, şaḥm-ı ḥanḫal altı dirhem, nüşâzur dört, bûrak altı dirhem, kıly, zernîḥ-i aşfer her birinden sekizer dirhem, merâretü'l-bakar altı dirhem, üşnân-ı Fârsî yedi dirhem; bu mezkûrlar daḳḳ olunup elekten geçirilir ve mâ-ı şâbûn ile mu'alece olunur.

Ve şe'âlîl mu'alecâtındandır onu ḳal' eylemek. Onun ḳal'ı rîşe ve fıḫda ve ḥadîd bu mezkûrların birinden müttehaz olan enâbîb ile olur ve o ünbûbenin tecvîfi şüplülü bir miḳdâr 'usretle iltikâm edecek miḳdâr kılınır ve ünbûbenin ṭarafı ḥâdd ve ḳaṭṭâ' kılınır ve zikri mürûr eylediği üzere 'usretle şüplül ünbûbeye ilkâm olunur ve üzerine lifâfe leff olunup şüplülün aşlı katında ğamz olunur ve o tedbîr ile şüplül sâḳıṭ olup aşlından istîşâl olunur veyâḥûd şinnâreler ile şüplül temdîd olunur aşlı temeddüd edince ḳadar ve ba'dehu ḥiddetli bir âleti şüplülün aşlına ğavş ettirip aḥz olunur ve ba'de'l-ḳaṭ' üzerine semn vađ' olunur. Ve kaçan devâ-i ḥâdd vađ' etmekle şüplüle ḳalak ve ıḫṭrâb iḥdâş eylesen üzerine semn vađ' olunup üzerinde ḳalîlen terk olunur ve ba'dehu o devâ ḥâddine i'ade olunur ve bu minvâl üzere tedbîr-i mezkûr şüplül tamâmen suḳûṭ edince ḳadar i'ade olunur. Ve ba'dı kerre dahi bir ṭarîḳ-i uḫrâ ile ḳal' olunur ki onda şüplül ḥavâlîsinden ḥadîde-i laṭife-i muḳavvere ile ibâne ve tefrîḳ olunur ve ba'dehu üzerine devâ-i ḥâdd teslîṭ [553a] olunur.

Ve bizim mücerrebimiz olan ṭarîḳ budur ki şüplül mûsâ²²⁵ ile mümkün olduğu miḳdâr 'amîḳan ḳaṭ' olunur ve o ḳaṭ'da saṭḥ-ı cilde mürâ'at olunur

225 “Mûsâ” usturadır.

ve ba'de'l-kaṭṭ mevḍi' şābūn ve su'd ve verd ile delk olunur ḥattā mevḍi'-i kaṭṭdan seyelān eden eder²²⁶ ve sonra muḥtebes olur ve ba'de-zālik şū'lūl-dan bākī kalan iskāt olunur.

Beyānu'l-Kurūn

Kurūn zevāid-i keşīfe-i miḥlebiyyedir ki eṭrāf mefāşılında şiddet-i 'amel ḥasebiyle ḥādīs olur.

el-İlāc: Onun 'ilācı budur ki kaṭṭından veca' ḥādīs olmayan maḥall kaṭṭ olunur ve bākīsi üzere edviye-i se'ālilden şedīdetü'l-ḥidde olanlar vaḍ' olunur o bākī sākīt olunca kadar ve ba'de's-sukūṭ üzerine semn vaḍ' olunur.

eş-Şukūk

Cild ve şefe ve eṭrāf ve cemī'an bedenin cildesinde vāḳi' olan şukūkun sebebi şukūk-ı mezkūra mü'eddī yübūset ile cildin yübūseti olur ve o yüb-sün sebebi sū-i mizāc-ı müfred olur veyāḥūd ahlāṭta redā'et olmakla ḥād-de-i müceffife olan mevāddı cilde irsāl etmekle olur veyāḥūd teşakḳuḳa mü'eddī olan ḥarr-ı müceffif ve rīḥ-i müneşşif ve berd-i muḥaşşif-ı mü-keşşiften biri olur. Ve bu sebeblerden teşakḳuḳ eden cildin nazīri o arḍdır ki ona ḥarr ve rīḥle cefāf 'arīḍ olur veyāḥūd cidden maşrūd olur ya'nī berd-i şedīd işābet eder ve o sebeblerden teşakḳuḳ 'arīḍ olur. Ve ba'dı kerre şikāka sebep miyāh-ı kâbıda olur ve kuvve-i şebbiyesi ve onun gibi kuvve-i sāiresi olan olan miyāh ile iḡtisāl olunsa o dahi sebep-i teşakḳuḳ olur ve kibrītiyye ve kafrīyye²²⁷ ona müdādde olur. Ve biz tecrībe edip Hemedān ve havālī-sinde olan arāḍīnin suyu ile Şābūrḥāst suyu beyinde bu bābda olan farkı bildik ve tecrībe-i kavīyye ile ma'lūmumuz oldu.

'İlācu's-Şukūk: Bî'l-cümle şukūka mu'alecede vācib olur ki o 'illet şāhi-binde ḥılṭ-ı redī var ise istifrāḡ oluna ve mizāc-ı yābis var ise mizācı istibdāl ve ta'dīl oluna, ona evvelā edhān ve ḥuşūşan simsim-i muḳaşşer dūhnū, küllü yevmin bir buçuk ūḳıyye mīkdārı 'aşīr-i 'ineb veyāḥūd zebīb-i ḥulvde birkaç eyyām saḳy olunmakla ve kezālik sereṭānāt-ı nehriyye mā ve sūkker

226 ["ḥattā mevḍi'-i kaṭṭdan seyelān eden eder" ifadesi "ḥattā mevḍi'-i kaṭṭdan dem seyelān eder" olmalıydı!]

227 Ya'nī ziftiyye

ile tabh olunup onun tabihi sakı olunmakla ʿilāc oluna ve onu tedhīne dahi müdāveemet olunur.

Ve eger şukūk bi-sebebi'l-berd ʿārıda ise ona akākıyā kifāyet eder ve kezālik şelcem tabīhi ve nefsi şelcem ve sılķ tabīhi dahi nāfi^c olur husūşan onlardan şuhūm-ı maʿrūfe ile ve miḥāḥ yaʿnī ilikler ile ve zift-i raṭb ve kaṭrān ile kayrūtī ittiḥāz olunup istiʿmāl oluna.

Ve eger o şukûk bi-sebebi'l-harr 'ârıda ise onun 'ilâcanda bârid-i raṭb kayrûfî 'uşârât-ı bâride-i raṭbe ile darb olunup isti'mâl olunur ve kezâlik onların 'ilâcî ağdiyelerini ıslâh ve mâ-ı fâtir ile hammâm isti'mâl olur.

Beyān-ı Şukūku’ş-Şefe

Şukûk-ı şefeye sebeb yübüsettir ve onun sebebi o rihtir ki cildi tekziz ve temdid ve teybîs edip nedâvetini neşf eder veyâhûd şefe şukûkuna sebeb bundan akdem ma'lûmun olduğu üzere harr ve berd ve mizâc-ı yâbisten biri olur. Ve şukûk-ı şefe 'urûdunu kable'z-zuhûr men' eder sebeb-i şukûka bilâ-ta'arruđ kayrûtiyât ve şuhûm ve mihâh ve dühn-i verd ile zûfâ-ı ratb tîlâ olunursa ve bu tedbîr ve tîlâ şefe şukûkunu 'urûdundan kable'l-vukûc men' eylediği gibi ba'de'l-vukûc dahi izâle eder. Veyâhûd şefe üzere semâhîk²²⁸ ilşâk olunur, ğırķî-i beyd ve ğırķî-i kaşab ya'nî yumurtanın ve kâmişin iç kabuğu ve şûm ve başalın kırsı mişlîliler ilşâk olunur ve onları ilşâk şefeye teşakkuk 'urûdunu men' eder.

Ve ammā şukūku ‘urūdundan sonra izāle eden mu‘ālecātın ciyādındandır: Dürdī-i meşvī ve ‘ilk-i buṭm aḥz olunup şaḥm-ı decāc ve ivezz mişllinin şuhūmu ve ‘asel ile ḥalt olunur veyāḥud ‘afş-ı ficc ḡubār gibi saḥk olunup meshūku nār üzere müzāb olan şamḡ-ı buṭm ile ma‘cūn kılınır. Ve deyildi ki ‘inde’n-nevm sürreyi tedhīn eylemek veyāḥud dühne maḡmūse olan kūtneyi şumāḥ-ı sürreye idāc ve idḥāl eylemek cidden nāfi’dır.

Şikāku'r-Ricl

Ayak yarığı baʿdī kerre ebhure-i rediyye sebebi ile hādīs olur ve baʿdī kerre dahi yūbs-ı kaşef hasebiyle olur ve'l-hāsıl ayak yarığından hangi se-

228 “Semāhīk” “simhāk”ın cem’idir, ağşiye-i rakīka murād olunmuştur.

beble olursa olsun intifâc olunur mevâdd-ı mûziye ondan tahallül eylediği hasebiyle.

el-İlâc: Eger mümkün ise ricl-i meşkûka dâimâ mâ-ı hârre vađ olunur ve edhân ve şuhūmlae ve huşūşan mâ'iz ve baķar ve ni'ac şuhūmu miķ-dâr-ı kalîl şem' le takviye olunduktan sonra ricl ve şukûku temrîh olunu. Ve kezâlik dühn-i hırva' ve dühn-i ekârî' ve dühn-i şînî bu bâbda cidden nâfi'dir. Ve şarm²²⁹ nâra 'arđ olundukta şarmdan munşabb olan dühn cidden ceyyiddir ve hınnâ dahi ceyyiddir huşūşan harmel tabîhiyle ma'cûn kılına. Ve şirecî'l-ineb cidden ceyyid olur, onunla sen mu'alece eyle, eger o mu'alece nâfi' ve nâci' olmaz ise o şukûka muğarriye olan loķma ilķâm olunur ve ricli mâ-ı hârre vađ olunur. Ve vâcib olur ki o şukûka daķķ ve saķķ ile müheyyâ olan keşîrâ vađ oluna, teşîri 'acîb olur ve kezâlik ona şem' ve dühn-i hâll ve 'ilk-i buţm ve mey'a-i sâile cem' olunup ilķâ olunur ve menfa'ati 'acîbe olur. Ve kezâlik kaţrân ma'a-ţahîn-i simsim 'acîb ve ceyyid olur veyâhûd edhân ve şuhûm ile kündür-i meshûk cidden nâfi' olur. Ve kezâlik sereţân-ı muhraq dühn-i zeyt ile saķķ olunup vađ olunur ve bu devânın el yarıklarına menfa'ati ekser ve esra' olur veyâhûd başal-ı unşulun dâhili aķ olunup zeyt içinde kaynatılır ve onda 'ilk-i buţm idâfe olunur ve şukûka vađ olunur ve zeytte kılınan 'ilk-i buţm yalnız dahi vađ olunup menfa'ati gâyetе bâliğa olur.

Ve kezâlik habb-ı hırva' taĥn olunup mâ-ı kalîl ile onun 'acîni 'aķıbda olan şukûka vađ olunur.

Ve müzmin müteķarrih olan şukûka hırva' küsbesi ilzâm olunmak ceyyid olur veyâhûd mürdâsenc ve şem' ve zeyt ve 'asel veznleri berâber aķ olunup onlara kıvâmı olan bir şey' ittiķâz olunur veyâhûd sereţân-ı nehrî şîrec ile tabîh olunur. Ve kezâlik dürdî zeyt ve şahm-ı batţ ve 'ilk-i buţm 'ilâc-ı ceyyiddir.

Ve bu devâ bizim muhtârımız ve muhtera'mımızdır: Keşîrâ aķ olunup mişle'l-gubâr saķķ olunur ve onun nişf vezni miķdârı uşul-i besfâyec dahi aķ olunur ve kehrübâ ve kündür-ı meshûkların her birinden üç ve 'ilk-i buţm keşîrânın bir mişli miķdârı aķ olunup bu edviyeler dühn-i hırva'la

229 Bu makâmda olan üç nüşadan "şarm" cild ma'nâsınadır ve cilden elye murâd olursa iki nüşâ me'âlde vâhid olur. Ve "dîrv" 'aselbend ma'nâsınadır.

isti'mâl olunur. Ve biz deriz ki her gece 'akıbını ya'nî tabanını tedhîn edip o tedhîn ğıbb ile olmasa ya'nî bir gece tedhîn ve bir gece terk olunmak vechi üzere olmasa o kimse şukûk-ı riclden emîn olur.

Şukûk-ı Yed Beyânındadır

El yarıklarına şukûk-ı riclin 'ilâc-ı hafîfi ile mu'alece olunur.

Eşâbîc Aralarında Olan Şukûk

Şukûk-ı yed gibi mu'alece olunur ve ona maḥşûş 'ilâc besfâyecin aşlı ğubâr gibi saḥk olunduktan sonra beyne'l-eşâbîc vâkıc olan şukûk-ı mezḳû-ra onunla dımâd olur.

Beyân-ı Teḳarruḥu'l-Ḳaṭât Ya'nî Beyne'l-Verikeyn 'Aciz Tesmiye Olunan Mevdîin Teḳarruḥu Beyânındadır

Ve ba'dı kerre ḳaṭâta evvelâ iḥmirâr 'arîd olup ba'dehu teşakḳuk veyâḥûd teḳarruḥ eder keşret-i istilkâ ḥasebiyle ḥuşûşan merḍâlara ekser 'arîd olur. Ve kaçan iḥmirâra bed' eylese vâcib olur ki istilkâ terk oluna ve mevdîc-i iḥmirâra revâdîc vad' oluna. Ammâ o ḥâl-i maradda 'arîd olursa marîd için varak-ı ḥilâf ḳudbânından nez' olunup ondan [553b] firâş ittiḥâz oluna ve kezâlik câvers ve rîş-i tuiyûrdan ferş ittiḥâz oluna o eşyâ kirbâs-ı leyyin mişlli nesne içinde ḥaşv kılınmakla ve ondan sonra yine teḳarruḥ ederse merhem-i isfidâc isti'mâl olunur.

Cildde ve Megâbinde ve Bevl ve Ğâitṭe Zuhûr-ı Râyiḥa-i Münkere Beyânıdır

Râyiḥanın fesâdı 'ufûnet-i ḥılt ve 'ufûnet-i 'arak ḥasebiyledir ve ba'dı kerre ona ḥareket-i aḥlâtın teşvîşi mu'ın olur ve cenâbetten ve ḥayḍdan ğtisâli terk ve teḥîr eylemek ve tenâvül-i ḥulbe ve mevâdd-ı ḥirrifeyi zâhir-i cilde tahrîk ḥavâşşından olan eşyâyı tenâvül dahi ona mu'ın olur.

Cildin Fesâd-ı Râyiḥa-i 'Āmmesinin 'İlâcıdır: Onun 'ilâc-ı ḥıltı istifrâğla ıslâḥ ve mizâc-ı tebdîl ve ta'dîl olur ve kezâik keyfiyyeti ve kemmiyyeti ile cevdet-i ḥaḍmı olan aġdiye tenâvülü ve bedeni ḥammâmda ve ğayride

tanzîf ve selîha ve felence gibi ‘arâkı ta‘tîr eden eşyâyı tenâvül olur ve kezâlik kerefs ve harşef ve helyûn ve müdirrât-ı bevlîn küllîsi ve kezâlik demi ‘afenden tenkîye eden eşyânın helyûn mişllilerden mâ-‘adâsını tenâvül olur, zîrâ helyûn her ne kadar idrâr ederse müntindir. Ve râyiha-i cildi izâlede tayyibü’r-râyiha olan nakî‘-i mişmiş tenâvülü ve nefis-i mişmiş tenâvül eylemeğin nef‘i olur. Ve mâ-ı âs ile ve içinde şebb-i Yemânî idâfe olunan su ile ve meysevsen ile ve nemmâm ve na‘nâ‘ ve fütenec ve merzencûş ve varâk-ı tuffâh ve varâk-ı hilâf bu mezkûrların tabîhiyle bedeni tatliye dahi nâfi‘dir. Ve kezâlik âs-ı meshûk ile temerruh dahi nâfi‘dir. Ve kezâlik şandal hâşşaten ve su‘d ve fikâh-ı idhîr ve kaçab-ı zerîre ve serv ve verd hâşşaten ve merzencûş ve şâhisferem ve üşne ve varâk-ı ütrücc ve kışır-ı ütrücc ve varâk-ı tuffâh ve varâk-ı süsen cidden nâfi‘dir. Ve kezâlik sükk ile akrâş-ı verd dahi nâfi‘dir. Ve kezâlik menâfisi sedd ve ‘arâkı men‘ eden mürdâsenc ve tütîyâ mişlliler veyâhûd varâk-ı süsen remâdı ve şebb mişlliler ve mürr ve şabır ve dühn-i âs ve dühn-i verd dahi nâfi‘dir.

Şunân Mu‘alecâtıdır Ya‘nî Koltuklarda Zuhûr Eden Râyiha-i Kerîhe Mu‘alecâtıdır: Bir kavm zu‘m eylediler ki insân halk olunan menîden bedende bâkî kalanlar nevâhî-i ibte mündefi‘ ve mesâmm-ı cilde nâfiz olup şunân onun âşârı olur ve ba‘dın bu kavli itimâdı vâcib olan akvâlden değildir belki evlâ olan şunânı insânda menîye istihâle eden mâddenin buhârına ve o buhârı muharrike nisbet eylemektir.

Ve şunânın ilâcı eger tenkîyeye hâcet var ise tenkîye edip ba‘dehu tütîyâ ve mürdâsenc-i mürebbâ ve kılîmiyât ile mu‘alecedir. Ve kezâlik remâd-ı âs ve içinde şebb hâl olunan su dahi nâfi‘dir ve ba‘dı kerre o mâya şandal katılıp kâfûr ile hâl olunur.

Kurş-ı Ceyyid: Şandal, selîha, sükk, sünbül, şebb, mürr, sâzec, verd her birinden birer cüz², tütîyâ, mürdâsenc-i mübeyyad her birinden üçer cüz², kâfûr nısf cüz²; bu edviyelerden mâ-ı verd ile kurş ittiḥâz olunur ve ba‘de’t-tecfîf isti‘mâl olunur. Ve kezâlik verd-i aḥmer bir rıtl, sükk, sünbül, su‘d, mürr, şebb her birinden onar, mâ-ı verd ile kurş ittiḥâz olunup isti‘mâl olunur.

Bu Zerûr Bedeni Tatîyb Eder ve Emzice-i Hârre Aşhâbına Nâfi‘ Olur: Su‘d, sâzec, fikâh-ı idhîr, mey‘a-i Şâmiyye ki o lûbnâ-ı rummândır, bu

mezkûrların her birinden onar dıraḥmî, verd-i yâbis, eṭrâf-ı âs her birinden yirmiſer dıraḥmî, su'd ve fiḳâḥ-ı idḥîr ve sâzecz ıslatılır ve şarâb-ı reyḥânîyle le ḳurş kılınıp tecfîf olunur ve ba'dehu saḥḳ olunup sonra üzerine verd ve eṭrâf-ı âs saḥḳ ve ṭarḥ olunur ve za'ferân mâ-ı verd içinde idafe olunup ed-viye-i bâḳiye ile ḥalṭ olunur ve zıllda tecfîf ve ba'dehu saḥḳ olunup bedene neṣr olunur velâkin evvelâ ḥammâma idḥâl ve ba'de'l-ḥurûc 'arâḳı neşf-i bâliḡ ile neşf olunduktan sonra o zerûr bedene neṣr olunur.

Âḡer: Bu zerûr 'arâḳ-ı müntinin râyiḡasını ḳaç eder ve emzice-i bâride aşḡabının mizâcını ıslâḥ eder: Sünbül-i ṭîb, ḳaranfûl, ḥamâmâ, 'îd-i belesân, selîḡa her birinden üçer dıraḥmî, ḳuſt, azfâr-ı ṭîb, sünbül-i Hindî, dâr-ı ſînî her birinden ikiſer dirhem, eṭrâf-ı merzencûſ, sünbül min-Sûriyye her birinden dörder dıraḥmî, lübnâ-ı rummân işbu lübnâ şarâbla ḥall olunur ve bâḳîleri mâ-ı nemmâm ile saḥḳ olunup ve mişâl-ı müteḳaddim üzere isti'mâl olunur.

Âḡer: 'Arâḳın râyiḡasını ḳaç eder: Dâr-ı ſînî, sünbül-i Hindî, azfâr-ı ṭîb, ḳuſt her birinden ikiſer ûḳıyye, ṭîn-i buḡayre, ḡabeſ-i üsrûb, isfîdâc-ı maḡsûl her birinden nıſf ûḳıyye, ſîḡ, sünbül-i Rûmî her birinden birer ûḳıyye, za'ferân, verd-i yâbis her birinden üçer ûḳıyye; yâbis olanlar mâ-ı âs ile saḥḳ olunur ve za'ferân şarâb-ı reyḥânîyle ḥall olunup isti'mâl olunur.

Berâz ve Rîḡin Şiddet-i Netni Mu'alecesidir: Ve onlara 'arîḡda olan şiddet-i netn 'ufûnet-i aḡlât ḡasebiyledir ve 'ufûnet-i aḡlâtı sebeb ta'fîn ḡavâſşından olan uſturgaz ve ḡûm ve circîr ve kürrâſ ve encudân ve ḡıltîṭ mişllileri tenâvül olur ve beyḡ dahi onlar gibi ta'fîn-i aḡlât eder velâkin cev-det-i ḡaḡm onun netnini izḡâb ve izâle eder ve ḡulbe gibi 'ufûneti cilde ve 'arâḳa meyl ettiren eşyâ 'arâḳ ve bevlî netnini îcâb veder velâkin recî'den netni izâle eder. Ve şarâb-ı ṭayyib recî'in şiddet-i netnini izâle eder.

Beyân-ı Netnü'l-Bevl

Netn-i bevlî esbâbı netn-i berâz esbâbıdır ve kezâlik helyûn mişllî olan müdirrâtandır, zîrâ helyûn râyiḡası bedeni taṭyîb eder ve râyiḡa-i bevlî müntin eder. Ve kezâlik ḳurûḡ-ı meşâne dahi râyiḡa-i bevlî kerîhe eder ve onun 'îlâcı bundan muḳaddem bizim beyânımızdan fehm olunmak sehldir.

Beyānu'l-Kaml ve's-Şi-bān

“Şi-bān” “şuābe”nin cem'idir; “şuābe”, “gurābe” vezni üzeredir, bitin ve pirenin yumurtasıdır. “Kaml” bit m'ānāsındır. O mādde ki onun cevherinde veyā ma'ıyyetinde harāretün-mā olup cilde mündefi' olsa o mādde birkaç hāl üzere olur yā gāyet-i rikḳat ü leṭāfet üzere olmakla mesāmmdan taḥallül eder ve taḥallülü ihsās olunmaz veyāḥūd onun leṭāfeti mādde-i ūlā leṭāfetinden dūn olur ve 'arāḳ olmakla taḥallül edip taḥallülü ihsās olunur veyāḥūd ondan dahi leṭāfet-i mādde ednā olmakla mün'aḳid olup vesāḥ olur veyāḥūd o māddenin leṭāfeti sābıkından dahi ednā ve gılza-ti aḳvā olmakla ṭabaḳāt-ı cildin 'ulyāsında muḥtebese olup ondan ḥazāz ve ḥaşaf ve onların emşālî a'rāḍ tevellüd ve tekevvün eder. Ve bi-ḥasebi'l-gılza o māddenin ba'ḍısı ğavrda muḥtebes olur, eger ğavrda muḥtebese olan mevādd cidden rediyye ise ondan dāü's-şaleb mişlî ve ḳübā ve sa'fe tevellüd eder ve eger redā'eti eḳall ise ve onda kuvve-i şadidiyye olmayıp ve 'ufūnet-i müsta'cile-i bālīgaya isrā'ı dahi olmayıp ḳābil-i ḥayāt olan mādde-i şālîḥa ise vāhib-i ḥayāt cānib-i 'ālîilerinden ona ḥayāt feydeḳān eder ve ḳaml ḥādîṣ olup ḥareket ve ḥurūc eder. Ve ba'ḍı kerre o māddeden def'ten ḳaml-ı keşir ḥādîṣ olur ve tevellüd-i ḳamle ba'ḍı kerre keymüsu rakıḳā ve ceyyide ve zāhire müteḥarrike olan aġdiye tenāvülü ve onu muḥarrike olan ḥarekāt dahi tevellüd-i ḳamle mu'īn olur ḥuşuşān o ḥarekātā menīden mütevellid buḥār şoḥbet eyleye ḥareket-i cimā'iyye gibi. Ve ba'ḍı kerre istinzāf ve iġtisālî terk eylemek dahi mu'īn olur. Ve mesām-mı cildi teftîḥ edip mesāmmda muḥtebese olan mevāddı taḥallüle taḥrîk eden veyāḥūd mevādda istiāḥālāt-ı 'afiniyye ve şibh-i [554a] 'afiniyye 'urūduna māni' olan mesāmmda muḥtebese mevāddı teftîḥ eden eşyāyî isti'māl dahi tevellüd-i ḳamle mu'īn olur. Ve ba'ḍı kerre ḳaml galebe edip ḥattā aşḥāb-ı ḳamlin ebdānına nezf ve şufret-i levn ve suḳūt-ı şehvet ve neḥāfet-i beden ve taḥallül-i kuvvet 'arıḍa olur.

el-İlāc: Ḳaml keşiren tevellüd edip nesli ğayr-i munkatı'ı olsa onun 'ilācında evvelā tenḳiyye-i bedene ḥuşuşān faşḍ ile tenḳiyye ve ıslāḥ-ı tedbire ve bizim zıkr eylediğimiz mevāddı ḥārice taḥrîk eden eşyā isti'mālîni terke ḥācet olur ve ba'de't-tenḳiyye edviye-i mevḍi'iyeye iştiġāl olunur ve onlara istihmām ve istinzāfa müdāvemmet nāfi'dir ve devām üzere mā-ı mālîḥle

evvelâ istihmâm edip ba'dehu mâ-ı 'azbla istihmâm ceyyid olur. Ve aşhâb-ı kamlle vâcib olur ki tebdîl-i şiyâba müdâvemet eyleye ve harîr ve kettân giye. Ve ba'dı kerre aşhâb-ı kaml fütenec-i cebelî ile şüm mişlli kamlı katl eden eşribe şürb ederler.

Ammâ onların edviye-i mevdi'iyeleri müceffife ve muhallile ve mevâd-ı hârice cezzâbe olan edviyeler olur; eger emr 'azîm olursa o edviye-i mevdi'iyeye kuvve-i semmiyyesi olan edviye idhâl olunur. Ve edviye-i mevdi'iyedendir summāk ma'a'z-zeyt ve kezâlik hummâd ve hummâdın varakı ve aşlı ve şebb ma'a'z-zeyt veyâhüd âzâd-dıraht veyâhüd varak-ı rummân veyâhüd varak-ı hanzal veyâhüd varak-ı âs veyâhüd varak-ı serv veyâhüd bezr-i kettân varakı veyâhüd kaşab-ı zerîre ve dâr-ı şînîdir. Ve dühn-i kırtım nâfi'-i mâni'dir ve dühn-i fücl 'acîbdır. Ve kuşur-ı selîha ve iki zerâvend ve 'akırkarhâ ve aşl-ı hatmî ve nemmâm ve ca'de ve enîsün ve müşk-çarâmşîr ve bezr-i encüre ve birincâsef ve kardemânâ dahi o edviyedir.

Veyâhüd şiyâf-ı māmîsâ üç dirhem, kuşt nışf dirhem, būrak bir dirhem, neşâ mecmû' edviye vezninde ahz olunup ona nûre dahi halî olunduktan sonra tîlâ olunur.

Ġasûlât-ı ceyyidedendir türmüs tabîhî ve bu tabîh kavî-i ceyyiddir. Ve kezâlik tabîh-i sılķ ve tabîh-i tarfâ ve tabîh-i fütenec-i cebelî ve tabîh-i varak-ı âs ve serv ve varak-ı şanevber. Ve kaçan ġasûlâta merârât idhâl olursa o ġasûlât ceyyideler olur.

Ve onların bahûrâtı kündüs, mevîzec, zernîh, hâşşaten sükk ve sükk ma'a'l-kibrît bunlar ile onlar tebhîr olunurlar.

Ve edviye-i kavîyyedendir mevîzec, zernîh-i ahmer, būrak; bu edviye ahz olunup cemî'an saħķ olunur, hall-i zeyt ile ve onunla re's tîlâ olunur veyâhüd harbak-ı ebyad ve būrak veyâhüd zeyt, varak-ı diflâ veyâhüd varak-ı hanzal isti'mâl olunur veyâhüd hardal ve kündüş ikisi dahi saħķ olunup üzerlerine miķdâr-ı kalîl hall şabb olunur ve ba'dehu onun içinde zîbak katl olunur saħķ olunmak hasebiyle ve bu edviye-i kavîyyeden olur. Ve kezâlik kibrît ve zernîh-i ahmer ve zerâvend ve remâd-ı bellût ve kuşt ve mürr ahz olunur veyâhüd kibrît, zernîh-i ahmer, zerâvend-i tavîl, kaṡrân, merâretü'l-bakar, edviyeyi ma'cûn kılacak miķdârı ahz olunur ve o ma'cûn

tıla-ı kavî olur. Ve kezâlik kaṭrân, çentâyânâ, zernîḥ dühn-i süsen ve kezâlik mîvîzec, varak-ı diflâ, şebb-i Yemânî.

Ve kezâlik o kimse ḥammâma idhâl olunup şiyâf-ı māmîsâ bir cüz' ve nıṣf cüz' ve būrak nıṣf cüz' ve kuṣṣ sūdüs cüz' ve neṣâ mişle'l-cemr' onunla ba'de't-tennûr tılâ olunur. Ve bu edviyeleri kündüş ve mîvîzec mişli ile tebhîr olunduktan sonra isti'mâl ecved olur huşûşan evvelen ve qarîben bizim zıkr eylediğimiz ğasûlât isti'mâl olunduktan sonra isti'mâl ola.

Maḳâle-i Râb'a Bedene ve Eṭrâfa Mûte'alliḳa Ahvâldir ve Bu Maḳâle İle Kitâb-ı Zînet Tamâm Olur

Beyân-ı İzâletü'l-Hüzâl

Hüzâlin ḥudûşuna sebep mādde-i simen olan ğıdânın 'ademi olur veyâḥûd mülaṭṭıf ağdiye keşiren isti'mâl olunmakla bedende dem-i keşirin 'adem-i tevellüdü olur veyâḥûd dem-i zekî tevlîd eylemeyen ağdiyeye tağaddîyi kaşır olur veyâḥûd sebep-i hüzâl ğıdâda muteṣarrıf olan kuvvetin ḍa'fı olur gerek ise o ḍa'f hâdimede ve gerek ise kuvve-i câzibede olsun ve o kuvvetlerin ḍa'fı dahi fesâd-ı mizâc ile olur.

Ve ḍa'fa sebep olan fesâd-ı mizâcın ekseri mizâc-ı barid olur veyâḥûd o kuvânın ḍa'fı keşret-i sükûn ḥasebiyle olur, zîrâ sükûn keşir olduktâ kuvve-i câzibe sâkin ve nâim olur huşûşan bu hâl o kimselerde ğâlîbe olur ki onun kuvve-i câzibesinin ğıdâyı cezbi riyâdet me'ûnetiyle olmak mu'tâdı ola. Kaçan o mişli kimse sükûn üzere mütemâdî olsa câzibin mu'ṭni olmamakla cezbi ḍa'f olur her ne kadar ğıdâ mu'tedil olur ise veyâḥûd sebep-i hüzâl dem ṭab'a ya'nî berâza nuḍûb edip bedenın ğıdâsı ḳalîl olmakla olur ve câzibeye dem-i mirârînin 'işıyânı ve buğḍu raṭb-ı mâiden ekser olur veyâḥûd sebep-i hüzâl tıḥâl-i 'azîmin kebid-e müzâḥamesi olur, zîrâ tıḥâl-i 'azîm 'ızamı sebebiyle kebiden cezbi ekser olur ve bedene müteveccih olan ğıdâya noḳşân terettüb eder ve kezâlik müzâḥame ḥasebiyle kebinı id'âf eder beynehümâda müdâdde olmakla ve kebid-i ḍa'fin tevlîd eylediği ğıdâ ḳalîl olur veyâḥûd dîdân bedene müzâḥame eder ya'nî dîdân bedene 'âid olan ğıdâyı ğaşb eder, o sebebeden beden mehzûl olur veyâḥûd aḥlât ile mesâmm münsedd olur veyâḥûd bedenın iktinâzı ḥasebiyle mesâmm

muntabık olup ağıye aḍālara vâcib olduğu miqdâr nüfûz eylemediğinden hüẓāl ḥâdiş olur ve mesâmma insidâdı mücib olan esbâbın fâ'ili ḥarr ve berdin biri olur veyahûd yübs-i mücerred olur ve her hangisi olur ise 'alâ-meti ile ma'lûm olur veyahûd sebep beden üzere 'ale'd-devâm ribât olup mesâmmı ve mecârîyi sedde mü'eddî olmakla gıdânın bedene 'adem-i in-tişârı olur, tîn-i me'külden tevellüd eden o mişlli mecârîye ve mesâmma aşlen nüfûz eylemez veyahûd sebep-i hüẓāl aḍânın keşret-i taḥallülü olur, aḍâya gıdâ ke-mâ hüve'l-vâcib vâşıl olur velâkin vâşıl olan gıdâ ke-mâ vaşale ve ḳable en-yen'aḳıde müteferriḳ ve envâ-ı taḥallül ile taḥallül eder riyâdata serî'ada ve hümmüm ve ğumüm ve emrâd-ı muḥallilede olduğu gibi.

Ve o ebdân ki zamân-ı ḳaşırde mehzûl ola, ihtimâldir ki onun hışbı dahi zamân-ı ḳaşırde ḥâşıl ola ve o ebdân ki onun hüẓâlî zamân-ı tavilde zühür eyleye, onun ihtimâli ancak müdirrâta olur, zîrâ gıdâ-ı keşir isti'mâlinde tabî'at ve kuvvet onda taşarruftan da'ife olur. Ve hüẓâlin iki kısmından her birini aḳbel olan ebdâna cildinde ziyâde rehâvet ve temeddüdü ḳabûlü ekser olan ebdândır.

Ve insân hüẓâlden onun için hereb eder ki mehzûl olan kimse da'if olur ve ḥarr ve berdden infî'âlî şedid olur ve kezâlik müşâdemât ve muşâkkâtan dahi şediden münfa'il olur ve onlarda infî'âlât-ı nefsâniyye ve naşb ve ta'ab ve eraḳḳ ya'nî seher ziyâde olur ve istifrâğ ve cimâ'dan dahi şediden münfa'il olur ve 'urûkunda gıdâsı muḥtebes olup nüfûz ve cereyân eylemez ve râkid olmakla ta'affün eder, binâen 'alâ-ḥâzîhi'l-vücûh her insân hüẓâlden hereb [554b] ve ḥâzer ederler ve hüẓâlda bu ğâile ve maḍârr olduğu gibi simende dahi biraz maḍârr vardır ki biz onu ḳarîben zîkr eyleriz.

Pes beyne'l-hüẓâl ve's-simen mu'tedilü'l-beden olmaktan efḍal bir ḥâl bulunmaz. Ve mādâm ki simâna semnden bir ḳarar terettüb eylemeye, biz o simeni kerîh 'add eylemezz, zîrâ ḥayât ruḫûbtedir velâkin sana vâcib olur ki ihtiyâṭ ile 'amel edip simende dahi ṭarîḳ-i ifrâṭı kerîh göresin her ne ḳadar simenden bir maḍarrat zühür eylemezse, zîrâ simenin âfeti muğâfaḍaten ve bağteten zühür eder dedikleri üzere. Ve kaçan beden ve havâ yâbis olsalar hüẓâl 'ârîd olur.

el-'İlâc: Vâcib olur ki nazar olunup hüẓâl esbâbından hangi sebep ile 'ârîd olduğu ta'arrûf oluna ve ba'dehu o sebebi izâle için 'ilâc oluna, meşelâ

ta'arrûf olunsa ki sebeb-i hüẓāl dem-i ğalîz-i kavîyi müvellid olan ğidânın fikdânı ve 'ademi olur, onun 'ilâcı dem-i mezkûru müvellide olan ağdiye ile mehzûl tağdiye kılınmakla olur, yalnız dem-i maḥmûdu müvellid olan ğidâ üzere iktîşâr olunmaz, zîrâ o ğidâ ba'dı kerre dem-i maḥmûd-ı rakîki tevlîd eder ve bi-hasebi'r-rıkkâ tahallül etmekle bedel mâ-yetaḥallel ḥâşıl olmayıp mehzûl olur ve eger bedende kuvve-i cāzibenin keseli olur ise o kuvvet tahrîk ve takviye olunur.

Ve kezâlik mehzûlun mizâcına nazar olunur, eger mizâcı seyyi' ise onun mizâcı tebdîl ve ta'dîl olunur. Ve nevmden intibâh katında bedeni delk eylemek kuvve-i cāzibeyi mûna'îş ve münebbih olur.

Ve hüẓal bedenden cānib-i vāḥidde olsa, meşelâ iki yedlerin biri mehzûle ve uḥrâsı semîne olsa mümkün olur ki semîn olan cānibden ğidâ cānib-i mehzûle cezb olunup o 'udvlar tesviye oluna. Ve cezbın tārîkı budur ki cānib-i semîn 'ışābe ile şedd olunur ve şedde cānib-i semînin esfelinden bed' olunup cānib-i 'ālîye şâir ve rāci' kılınır ve 'ışābeyi şedd ilâm-ı şedîde mü'eddî kılacak miqdârı teşdîd olunmaz belki o 'ışābe mesâmmı taḍyîk ve ğidâyı 'udv-ı semîne ḳadr-i ḥâcetten ziyâde nüfûzdan men' edecek miqdâr şedd olunur. Ve ḳçan ğidâ 'udv-ı semîne varıp nüfûzdan 'âciz olsa ḳahḳarâ mevdi'-i ḳismete ric'at eder ve o vakte 'udv-ı mehzûlün cāzibesi 'udv delk olunmakla ğidâ-ı rāci' cezbe tenbîh olunur. Ve eger delk-i mezkûr içinde miqdâr-ı ḳalîl şem' olan zeyt-i müsahḫan olursa ve ḥıffet ve rıfk üzere delk olunup cefâfa mü'eddî olmazsa cezb ziyâde olur. Ve eger delk ile 'udv mültehib olursa delk terk olunup lehîbin sükûnundan sonra yine delk i'âde olunur. Ve eger menâfiz münsedde ise insidâdı teftîḥ olunur. Ve eger bedeni mükteniz ve ğayr-i müteḫalḫil olmakla mesâmm ve menâfiz münsedde ise onun bedeni irḫâ olunur bedeni tebrîd ve tertîb etmekle ve mütenâvelâtan ishânı olan ağdiye tenâvül etmekle ve ḥarekât-ı nefsâniyye vü bedeniyye ile bedeni teşḫîn edip bürûdeti izâle etmekle südde-i iktinâz teftîḥ olunur eger o iktinâz ve istiḫşâfın sebebi bürûdet ise ve eger ḥaşafe ve tekennüzün sebebi ḥarr ise onun 'ilâcı ve teftîhi tebrîd ve tertîb ile olur. Ve kaçan 'udvda bürûdet olup ve tesmîni ḳabîl olmayıp onu teşḫîne ḥâcet olsa onda teşḫîn için isti'mâl olunan tedbîrin ef'dalı budur ki o 'udv delk olunup ba'dehu üzerine edviye-i muḥammire vaḍ' olunur.

Ve eger sebab-i hüẓāl tıhāl ise tıhāl mu'ālece olunur. Ve eger sebab-i hüẓāl dīdān ise dīdān katl olunup ihrāc olunur ve dīdān bābında dīdānın katl ve ihrācı tedbīrleri mūrūr eyledi.

Ve o mehzūl olan kimse terfīh ve ten'īm ve firāşı telyīn ve zıllda iskān ve tenşīt ve ta'fīr olunur ve ona bārid saḳy olunur, zīrā bu mezkūrlar kuvve-i ṭabī'yyeyi taḳviye eder ve kuvve-i ḳaviyyenin fī'li ve teṣīri ve ḡidāda taṣarrufu ve fuḍūlda taṣarrufu ḳavī ve ḥasen olur ve kuvve-i ṭabī'yyenin kuvveti esbāb-ı simenin mebd'e-i ve menş'e-i olur.

Ve müsemmināttan ba'ḍdır şarāb-ı ḡalīz tenāvülü ve keymūsu ceyyid ve haḍm katında ḳavī ve metīn dem tevlīd eden herāyis ve cevzābāt ve ūrüz ma'a'l-leben ve luḥūm-ı meşviyye gibi aḡdiye ile taḡaddī, zīrā meşvī laḥmın keymūsunda laḥmdan bir kuvvet muḥtebese olup laḥm-ı şulb tevlīd eder, ammā laḥm-ı maṭbūhun tevlīd eylediḡi demden laḥm-ı rehīl ve münneffeş ḡayr-i sābit tevellūd eder. Ve laḥm-ı baṭṭ u decāc tenāvülü müsemmindir. Ve laḥm-ı ḳabc ya'nī keklik eti tenāvülü hüẓālī tesmīnde meblaḡ-ı ḡayete bālīḡdır ve kezālīk sükker ile lübūb tenāvülü dahi tesmīn eder. Ve ta'am tenāvül edip ḥammāma girmeyin bedene ḡidā cezbī şedīd olur ve müsemmin olur velākin onun şāḥibi ma'rif-i südedde olur.

Ekşer-i ḥālde kebiden südde 'arīḍ olur ḥuşūşan onun ta'amı aşḥāb-ı istismān ta'amı ola ve ona bināen simen ṭaleb edenlerin külāsında ḥaṣāt keşīrū'l-vuḳū' olur. İşbu südde ve ḥaṣāt-ı külā tevlīdine müsta'idd ve evlā olan o kimselerdir ki bi-ḥasebi'l-ḥilkā onun 'urūḳu ḡayyīḳ ola velākin onların tevellūdü ḡayyīḳu'l-'urūḳa maḥşūr deḡildir, āḥerlerde ve vāsi'u'l-'urūḳta dahi ḥaṣāt ve südde tevellūd eder. Ve kaçan ḥaṣāt ve südde-i mezkūreye müsta'idd olanlar cānib-i eyvende şīḳal iḥsās eyleseler onlara kebid süddesini müfettiḥ olan müfettiḥāt-ı ma'rūfe saḳy olunur ve ḳable'l-ta'am 'asel ve sikencebīn-i büzūrīyle keber saḳy olunur ve şīḳalın zevālın ḳadar o devāyı saḳy terk olunmaz.

Ve simen ṭaleb edenlere ḥammāmın ecvedī haḍm-ı evvel üzere ve ta'amın inḥidārından sonra olanlardır. Ve ḥammādan ḥurūc fevrinde ta'am ekli dahi esbāb-ı simendendir. Ve ḥammām ekşer-i nāsa ni'me'l-müsemmindir ḥuşūşan zübūl mişlī ḥālī olanları ḥammāmın tesmīni bālīḡ olur. Ve vācib olur ki istiḥmām evvel-i haḍm üzere ya'nī ḡidā mi'deden münḥadır olduktā ola lākin birkaç mu'ayyen şeylerde bu şurūṭa mūrā'at olunmaz.

Ve maḥrûru'l-mizâc olan mehzûlîni ğayr-i muḥammaḍ olan râibden mütteḥaz dūğ tesmîn eder.

Ve ḥiyel-i tesmînden olur mehzûl olan ʿuḍvun muḥāzîsinden zikri mürûr eylediği üzere ıṣābe ile demi ḥabs eylemek ve ʿuḍv-ı mehzûlün tahtında olan ʿuḍvu taṣīb olunmakla dem ʿuḍv-ı mehzûlde ḥabs olunmak. Ve dem ʿuḍv-ı mehzûlden tahtānī ʿuḍva nüzûlden menʿ olunur eger ʿuḍv-ı tahtānī semîn ise veyāḥûd simeni maṭlûb deĝil ise, meşelâ sâʿid mehzûl olup keff hüzâlden selîm olsa ʿindeʼr-rusğ ıṣābe şedd olur veyāḥûd ʿaḍud mehzûl olup keff ve sâʿid selîm olsalar sâʿidin fevķinde ʿindeʼl-mirfaķ ıṣābe şedd olunur.

Ve müsemmināttan baʿḍısı riyāḍete müteʿallik olur, o müsemmin bir riyāḍettir ki leyyine-i baṭīʿe olur. Ve yine müsemmināttan olur delk-i muʿtedil ki delk serīʿ ve şalābet ve lînde muʿtedil ve ḥaşin-i kalîl delkten sonra vāķiʿ ola ve ḥuşuşan o delk müsemmindir ki zikr-i âtî vech üzere cilde ḥumret ʿarîḍ olunca kadar oluna ve baʿde-zālîk iʿtidāl üzere tervîḍ oluna ve istiḥmām-ı kaşîr ile istiḥmām oluna ve baʿdehu bedeni mesh olunup delk-i yābis ile delk oluna ve leṭûḥât-ı müsemmine ile telṭîḥ oluna. Ve o mehzûlün mâ ve havāsını tebdîl mürâʿatı vâcib olan nesnelerin birisidir, zîrâ baʿḍı kerre hüzâl mâ ve havâ ḥasepleri ile ʿarîḍ olur.

Ve müsemmināttan olur o leṭûḥât ki aʿḍâyı taḥrîk ve taḥmîrden sonra istiʿmāl olunur, meşelâ vaḥdehu zift istiʿmāl olunur eger şedîdüʼs-seyelân ise veyāḥûd zift [555a] dühn içinde seyelân edip leṭûḥ olmağā şalāḥiyyet gelince kadar izābe olunur. Ve baʿḍı kerre zift bir cilde üzere vaḍʿ olunup o cilde zevebânı ḥâlinde ʿuḍv-ı mehzûle nâra takrîb olunur zevebân edince kadar ve baʿdehu o cilde ilzāk olunup baʿdeʼl-incimâd refʿ olunur. Ve bu tedbîr ğıdâyı ʿuḍva cezb eder ve ʿuḍvda ğıdâyı ḥabs eder ve kuvve-i cāzibeye tenbîḥ eder ve berdi izāle eder eger hüzâl kuvvet-i cāzibenin ḍaʿfı ve mesâmmın berdden insidâdı ḥasebiyle ʿarîḍ oldu ise ve ğıdâya lüzûcet iʿtâ edip ihtivâ eder ve mesâmmı ğıdâ üzere sedd eder ve ğıdâ ʿuḍva istiḥâle edince kadar ʿuḍvda bâķî kalıp tahallül eylemez. Ve vâcib olur ki ʿuḍv-ı mehzûl üzere o cild-i müzeffet faşl-ı şayfta yevm-i istiʿmâlinde bir defʿa istiʿmāl oluna ve şitâda iki defʿa istiʿmāl oluna ve o ziftin ʿuḍvdan aḥz ve terkinde sürʿat-i taḥmîrine ve tenfîḥine veyāḥûd onların buṭûna nazar oluna, eger taḥmîr ve

tenfîhi serîc olursa o cild-i müzeffet 'uđv üzere keşîren terk olunmaz belki o zift hârrên vađc olundukta teberrüd edince kadar terk olunup ba'dehu refc olursa 'uđv üzere ziftin o mikdâr mekşi kifâyet eder. Ve ba'dı kerre zifti vađcından muḳaddem delk-i serîc-i ḥaşin-i şulb ile delk olunup ba'dehu zift ile tılâ olunmak nâfi' olur veyâḥûd ḥayzurânînin²³⁰ ğayr-i a'cer²³¹ olan ḳađîb-i müstevisi ile 'uđva ḍarb olunur ḥuşuşan o ḳađîb tedhîn olup medhûnen ḍarebât-ı müte'addide ile 'uđva iḥmirâr ve intifâḥ gelince kadar ḍarb olunur ve ğidânın taḥallülüne mü'eddî olmasın için ba'de'l-iḥmirâr şûret-i ûlâda delk ve sûret-i şâniyede ḍarbdan imsâk olunur ve ba'dehu zift müsahḥhanen 'inde'n-nâr 'uđva ilzâḳ olunur ve câmid ve bârid oldukta 'uđvun üzerinden ihtilâsen ve def'aten aḥz olunur. Ve ecved olan budur ki zift vađcından muḳaddem 'uđvun üzerine ḥarâret ve lez'ün-mâya mâil su şabb olunup ba'dehu zift vađc oluna; miyâh-ı kibrîtiyye vü ḳafriyye dahi ğidâyı zâhire cezb eder.

Ve Câlînûs dedi ki ben bir naḥḥâs ya'nî esirci gördüm ki onun verikleri çayyık bir ğulâmı var idi, tedbîr-i mezkûr ile az vakte elyânını semîn ve kevrîrî'l-evrâk eyledi. Ve zifti kerîh görenler zift bedeline ḥarâretün-mâsı olan edhân-ı müseddededen bir dühn isti'mâl eylesin. Ve eger mâ-ı bâridi isti'mâl eyleyip küll-i beden üzere dühnü ihtimâl eylese veyâḥûd 'uđv-ı vâhid üzere ihtimâl eylese onu dahi işler. Ve mâ-ı bârid isti'mâlinin ecved-i evḳâtı leṭûḥû ğidâ-ıy meczûbda 'ameli vaktidir, zîrâ o vakte mâ-ı bârid isti'mâl olursa o meczûbu kuvvet-i deme istiḥâleye ḳarîb olur ve müddet-i mu'âlece tavîle olup 'ilâc-ı nâfi' olmasa 'ilâc terk olunmaz belki vâcib olur ki ona evvelâ ḥıraḳ ile delk edip ba'dehu beden-i mehzûle mâ-ı ḥârr şabb olunmağa ve ba'dehu yed ile delk olunmağa ve ba'dehu zift vađc olunmağa muvâzabet oluna. Ve ba'dı kerre bi-ğayri delkin cezb-i deme ḥâcet olup edviye-i muḥammire ile ve 'âkırḳarḥâ ve kibrît ve şâfsiyâ mişlliler ile cezb olunur.

Ve a'ḍâdan ba'dı 'uđv vardır ki onu tesmînde ḳadr-i mu'tâddan ekşer ğidâ tenâvülüne ḥâcet olur, zîrâ o 'uđvun taḥallülü ḳadr-i mu'tâddan ekşer olur, binâen 'aleyh fađl-ı ğidâyı muḥtâc olur ve ḥuşuşan delk dahi 'uđvu taḥlîl eder.

230 “Ḥayzurân” âs-ı berrîdir.

231 “A'cer” ağlaz ma'nâsına.

Ve biz şimdiki hâlde tesmîn-i mehzûl için müsta'mel olan edviye ve hûkunu irâd eyleyelim. Ammâ edviye-i mütenâvele-i müsta'melenin beyânı budur ki o bâbda müsta'mel olan edviyeden ma'tlûb o kuvvelerdir ki onda hađm ve mi'dede ve em'âda ğıdâyı kalilen imsâk ve ba'dehu 'urûka ve cihât-ı kebide tenfîz ola ve bu ef'âlî müdirrât-ı mu'tedile işler ve huşuşan ta'âm katında ve müddet-i yesîre ta'âmdan sonra şürb olunsa o ef'âle fâ'il-i kavî olur. Ve bunları isti'mâl ve ef'âlini istihsâlden sonra 'udvda onları icmâda dahi hâcet olur ve o icmâdı müberrid ve muhaddir olana benc ve benc mişlli edviyelerdir, bi'l-keyfiyyet icmâdı fâ'il olur. Ammâ bi'l-hâşsiyye fi'li olanlar kuvânın aşlı ve ef'dali olur. Ve bi'l-hâşsiyye fâ'il olup mu'tedilü'l-mizâc olanlara nâfi' olan devâlardandır bu terkîb-i ceyyid:

Şıfat-ı Terkîb-i Ceyyid: Levz, funduk-ı mukaşşer, habbetü'l-hađrâ, fustuk, şehdâ nec, habbu's-şanevberi'l-kibâr, bu edviyeler aħz olunup 'asel ile ma'cûn kılınır ve ondan benâdık-ı cevziyye ittiḥâz olunup küllü yevmin onlardan beş cevzedden on cevzeyle varınca kadar tenâvül olunup üzerine şarâb şürb olunur, zîrâ bu tedbîr tesmîn eder ve levni taḥsîn eder ve bâ'eyi taḳviye eder.

Devâ-i Ceyyid: Bu devâ dahi mehzûlü tesmîn ve levni taḥsîn eder, o devâ budur: Daḳıḳ-i semîd bir mekûk ve anzerût beş ũkıyye; bu edviyeler zevıyyen ya'nî mecmû'an semn-i baḳar ile lett olunduktan sonra ondan akrâş ittiḥâz olunup akşam ve şabâh ondan ekl olunur veyâḥŭd levz ve funduk-ı mukaşşer ve habbetü'l-hađrâ ve simsim ve ḥaşḥaş veznleri berâber ve küseylâ nışf cüz²³², fânîz mişle'l-cemîr; bu edviyeler aħz ve cem' olunup her şabâh ve 'inde'n-nevm yirmi dirheme varınca kadar istifâf olunur.

Bu Devâ-i Uḫrâ Kindî İhtirâ Eylemiştir: Keylece-i müleccem ile rubu' keylece ḥırva'ı mukaşşer aħz olunup saḥḳ-ı nâ'imle saḥḳ olunur ve üzerine leben-i ḥalîbden iki rıtl şabb olunur ve ihtimâli kadar daḳıḳ-i bürr ile ma'cûn kılınıp ondan perdâhte²³² ḳurşu ittiḥâz olunur ki her ḳurşa bir buçuk ũkıyye olur ve bir mekāna vađ' ve taḥbîz ve tecfîf edip küllü yevmin ondan iki ḳurşa medḳūḳaten isti'mâl olunur.

Tedbîr-i Ceyyid: Ekl-i tînden ve nevâḫî-i kebid südedinden ve şufârdan ḥâdiş olan hüzále bu tedbîr-i ceyyid olur: Zebîb-i ceyyid aħz olunup üze-

232 Bir nev' ḳurştur.

rine onun dört miqdârı mâ şabb olunur ve nişfı kalınca kadar tabh olunur ve üzerine zebîbden her bir kâfîze iki rıtl habes-i hadîd ve bir keff nânḥâh ve bir keff sükker ve bir keff sa'ter tarh olunur ve o maṭbûh müştedd olup galeyân edince kadar iki üç gün 'alâ-ḥâlihi terk olunur ve ba'dehu taşfiye olup ondan 'ale'r-rîk bir rıtl miqdârı şûrb olunur ve üç sâ'atten sonra keber ve kürrâstan müttehâz kâmiḥ ile ḥubz tenâvül olunur ve üzerine bir rıtl miqdârı nebîz-i kavî isti'mâl olunur ve yedi sâ'at mürûrundan sonra laḥm-ı semîn ekl olup üzerine üç rıtl varınca kadar nebîz-i şulb şûrb olunur ve mizâcî kavî olanlara bu tedbîrin fi'l-i 'acîbi olur ve levni taḥsîn eder.

Veyâḥûd keşîrâ ve bezr-i ḥaşḥâş ve kevz-i gendüm ve behmen ve keber ve kehrübâ ve zürünbâd ve muḡâş bu edviyelerin her birinden üçer buçuk dirhem aḥz olup daḳḳ olunur ve semn ile kaynatılır ve üzerine iki menn miqdârı sevîk-i ḥınṭa ilkâ olunur ve o mecmû'dan küllü yevmin otuz dirhem miqdârı aḥz olup ondan leben ve semn ve sükker ile ḥasv ittiḥâz olup teḥassî olunur ve üzerine istiḥmâm-ı hafîf ile istiḥmâm olunur.

Veyâḥûd muḡâş elli dirhem ve ḥarbak yirmi dirhem ve keber kırk dirhem ve zürünbâd otuz dirhem; bu mezkûrlar aḥz olup elekten geçirilir ve o mecmû'un sülüşü miqdârı ḥubz-ı semîd ve sülüşü miqdârı dahi levz-i muḳaşşer ve sülüşü miqdârı dahi sükker-i süleymânî aḥz olunur, o me'ḥûz-lar küllü yevmin bir rıtl leben-i ni'âc ve bir rıtl 'aşîr-i 'ineb ile ḥasv ittiḥâz olup teḥassî olunur.

Ve müsemminât-ı mu'tedile tefârîkî bunlardır: Şübûb ve edîkka ve cevz-i gendüm ve küseylâ 'ale'l-ḥuşuş sevîk ile isti'mâl olursa tesmîne nâfi', hüzâli dâfi' olduğu gibi sevîkin nefḥini dahi izâle eder. Ve ḥabbu's-[555b] sümne mi'dede baṭî olur. Ve kezâlik o tefârîk muḡâş ve zürünbâd ve behmenân ve muharrik-i menî olanların cümlesi, bülbûs ve kirsenne ve lûbiyâ mişlîlilerdir ve bu mişlîliler menâfi' ve ḥavâşşı olan devâlardır veyâḥûd bal arısının düdu aḥz olup kurutulur ve daḳḳ olunur ve ona sevîkten bir şey' ḥalt olunur ve ona bir sene sakı olunur ve o nev' edviyelerin ba'dısı maḥrûrîne maḥşûştur.

Tedbîr-i Ceyyid: Bu tedbîr maḥrûrîne ceyyiddir: Râib-i ḥulvden müttehâz olan dūḡ ki şedîden münce mid olmamıştır ve onda ḥumûdat dahi yoktur belki râib-i ḥulv aḥz olup onun dūsûmeti aḥz olunur nüfûzu serîc

ve hafîf olsun için ve mehzûle ondan nısf rıtl mîkdârı sağy olunur ve üç sâ'at mîkdârı meks olunup o mişlli bir def'a dahi sağy olunur ve vakt-i ışāya kadar ta'āmı te'ḥîr olunur ve onun ğidāsı ferārîc-i müsemmene kılınır ve şarāb-ı rakîḱ-i ebyaḍ şürbünü ihtimāl ederse o dahi sağy olunur ve zikr-i sâbık devā sağy olunup ḳable'l-ıṣā o devānın üzerine istiḥmām olunsa ve bir ḳadeḥ nebîz-i rakîḱ-i şāf ḥammāmda sağy olunsa ve ḥammāmdan ḥurūcdan sonra ta'aşşî eylese ecved olur.

Âḥer: Hımmaş aḥz olunup leben-i baḳarda bir gün ve bir gece naḳ olunsa ve leben tecdîd olunup o hımmaş leben-i cedîdde terbiye olunsa ecved olur veyāḥûd erüzz-i mağsûl-i ebyaḍ ve ḥaṣḥāşın bezr-i medḳûḳu ve hınṭa ve şa'îrden her birinin mehrûsları her birinden otuzar dirhem, ḥubz-ı semîd-i müceffef, sükker-i ebyaḍ her birinden otuzar dirhem levz-i muḳaşşer elli dirhem; bu mezḳûr edviyeler cem olunup ondan küllü yevmin otuz dirhem mîkdârı leben-i ḥalîb ile veyāḥûd dühn ve semn ile ṭabḥ olunup şürb olunur ve ba'dehu âbzende ḳadre mā-yeteḥallel istiḥmām olunur. *Ve ba'dı nûṣḥada "ḳadre mā-yeteḥallel" bedeline "ḳadre mā-yenḥall" vâḳṭ olmuş-tur ya'nî o meşrûb mîdede ḥall olunca ḳadar.*

Veyāḥûd leben-i ḥalîbden bir rıtl ve su kezâlik rıtl aḥz olunup rıfḱ ile iğlā olunur ḥattâ su zâil olunca ḳadar ve üzerine bir ūḳıyye fânîz ve bir ūḳıyye semn-i baḳar ve dühn-i ḥall ilkā olunup onlar ile dahi kaynatılır ve ba'dehu teḥassî olunur.

Veyāḥûd dakîḱ-i hımmaş ve bâḳilā ve şa'îr ve erüzz veznleri berāber, 'ades-i muḳaşşer, ḥaṣḥāş-ı ebyaḍ, māş-ı muḳaşşer her birinden nısf cüz, hınṭa-i merḍûḍa, simsim-i muḳaşşer nısf cüz, sükker iki cüz; bu edviyelerden leben-i ni'âc ile ḥasv ittiḥāz olunup ğadveten teḥassî olunur.

Veyāḥûd benc aḥz olunup suda ṭabḥ-ı ceyyid ile ṭabḥ olunur ve suyun dan edviye ḳuvvet ile taşfiye olunup ba'dehu [zıllı]da tecfîf olunur ve vasaṭ-ı 'acînde kılınıp bir âcürre üzere tennûrda ḥubz kılınır ve kaçan o 'acîn besre gibi muḥmerr olsa iḥrâc olunup saḥḱ olunur ve ondan iki mişḳāl simsim ḥaṣḥāşla mütteḥāz olan fetitten bir rıtlı ilkā olunup ğadveten ve 'aşıyyeten ondan üç keff isti'māl olunur.

Devā-i 'Acîb: Benc aḥz olunup bir gün ve bir gece naḳ olunur ve ba'dehu mā ile ğasl olunup tecfîf olunur ve lett-i zevî ile, semn ile lett olunur ve

münsahîk olunca kadar kaly olunur ve üzerine dört misli levz-i muḳaṣṣer ve bir misli cevz ve bir misli sükker ilkā olunur ve ondan 'inde'n-nevm beş dirhem miḳdārı tenāvül olunur ve eşyā-ı sâbika-ı mezkûre ile ḥadîṣ olan hüẓāl aşḫâbını kākü nec ve 'inebü's-sa'leb ve ḥass ve tût ve laḥm-ı ḳabc tesmîn eder.

Ve hüẓâlde mübâlig olanlara bâbu'd-dıḳḳta ve yûbs-i mi'dede zıkr eylediğimiz mu'alece-i murattıbye muḥtâc olurlar, o maḥalle mürâca'at edip vakt-i ḥacette onlarla 'ilâc eyle ve o mislli hüẓâlî bâlig olanlara üç ve dört günde bir def'a vech-i ma'lûm üzere zift ile tılâ olunmak lâyıḳ olur.

Ve Mebrûdlara Maḥşûs 'Îlâcdandır: Mebrûd için maşnûc olan ḳamîḥa ve onun terkîbî budur: Ḥarbaḳ-ı ebyaḍ, tûzericeyn, ḥaṣḥâṣ-ı ebyaḍ bezri her birinden ikişer dirhem, bûraḳ,ı ḥabbu's-sanevber her birinden üçer, ḥabbu's-sümne dört, sūrincân, bezr-i benc, 'âḳırḳarḥâ, ḥavlencân, behmen-i ebyaḍ her birinden birer dirhem, küseylâ beş dirhem, ḥınta-i beydâ bir mekûk; bu mezkûrlardan ḥınta lebende naḳc olunur şişince kadar ba'dehu zılda ḥınta tecfîf olunur ve kavrulup sevîḳ kılınır ve edviye-i sāire ile cemc olunup o mecmûc üzere on miḡrefe semn-i baḳar ilkā olunup ondan küllü bükretin on ve küllü 'aşıyyetin on saḳy olunur ve üzerine leben şûrb olunur.

Âḡer-i Ma'rûf: Ḥurf-ı ebyaḍ, daḳıḳ-ı ḥımmaş, daḳıḳ-ı bâḳılâ, nânḥâḥ her birinden birer cüz', küseylâ iki cüz', kemmûn-ı Kırmânî, fûlfûl her birinden nışf cüz'; bu mezkûrlar saḥḳ olunup ma'cûn kılınır ve tennûrda ḥubz kılınıp ba'dehu tecfîf olunur ve bir misli ḥubz-ı semîd-i müceffefe ḥalt olunup küllü yevmin ondan leben ile ḥasv ittiḥâz olunur veyâḥûd o mecmûc fûrûc-ı semîn meraḳası içre vaḍc olunup ḳable't-ṭa'âm onun ile teḥassî olunur.

Mebrûd-ı Mehzûle Saḳy Olunacak Şarâbdır: Küseylâdan beş dirhem aḥz olunup elbette ḥumûḍat olmayan şarâb-ı ṭayyib üzere terk olunur ya'nî ilkā olunup bir miḳdâr terk olunur ve ondan ḡudveten ve 'aşıyyeten ve 'inde'n-nevm birer ḳadeḥ üç nevbet-i mezkûrelerde üç ḳadeḥ şûrb olunurp ve o şarâb sevîḳ 'aḳıbinde şûrb olunmak nâfi' olur ve sevîḳte lu'be-i berberiyye onlara şedîdü'n-nef'dir, zîrâ onları teşḥîn ve tertîb eder velâkin şedîdü'l-ḥarârettir ve müsemminâttan ba'dısı aşḫâb-ı yûbste isti'mâl olunur ve onlar yûbüset mu'aleceleri ile ve murattıbât-ı ma'lûme ile mu'alece olunurlar ve medkûḳîn tedâbiri ile tedbîr olunurlar.

Ve eger mehzûl-i yâbise yübsü harâret celb eylediyse o hüzále maḥrûrîn ʿilâcî olunur. Ve eger yübse berd tâbîʿ olduysa ona dıkk-ı heremî aşḥâbının ʿilâcıyla muʿâlece ve tedbîr olunur.

Ammâ esbâb-ı sâbıkadan ḥâdiş olan hüzále muʿâlecesinde istiʿmâl olan hıkkun külâyı tesmîn eden leben-i niʿâc mislli hıkknelerdir ḥuşûşan o lebende bârzedden bir şey ḥall oluna. Vse onlara nâfiʿa biraz hıkkun-ı mürekkebe vardır ki biz onları bâʿe bâbında zıkr eyledik, onlardan birini bu bâbda zıkr eyleyelim: Bir şât-ı semine aḥz olunup tanzîf olunur ve cidden daḥḥ olunup nişf rıtl elye ve iki rıtl leben ile cemʿ olunur ve ḥınta ve erüzz ve ḥımmas-ı mehrûseler her birinden rubuʿ rıtl aḥz olunur ve o ḥubûb cemʿ olunup su içinde tehriye ve taşfiye olunduktan sonra aḥlât-ı uḥrâ üzere yaʿnî şât-ı mevşûfe-i mezkûre üzere o ḥubûb-ı mehrûse vü müherrânın kendi ve suyu şabb olunup cemʿan tennûra ṭabḥ için iʿade olunup reʿs-i şât dahi teherri edince kadar ṭabḥ olunur ve o mecmûʿ taşfiye olunup merakasından üç ükyye ve deseminden iki ükyye, daḥḥ-ı levz ü cevzin her birinden birer ükyye aḥz olunup onun ile ihtikân olunur ve ihtikân üzere ʿalîl nâim olur.

Yed ve Ricl ve Şefe ve Enf ve Kaḍîb Mislli ʿUḍvların Başka Başka Tesmînleri Tedbîridir: Ve ʿuḍva ḥâşşaten meʿkûl ve meşrûb ile tesmîn için ʿilâc mümkin olmaz, zîrâ meʿkûl ve meşrûbun menfaʿati cemʿ-i aʿdaya şâmile olur belki ʿilâc-ı maḥşûş gıdâyı ʿuḍv-ı ḥâşşa cezḇ edip meczûbu onda ḥabs ve gıdâyı ʿuḍvun ṭabʿına taḥvîl ile olur ve onları fâʿil olan delk-i ḥaşin ü muḥammir istiʿmali ve baʿdehu edviye-i muḥammire ve baʿdehu delk-i aḥvâ istiʿmâl edip üzerine mâ-ı ḥârr şabb olunduktan sonra zift ile tatliye etmekl olur. Ve bir kavm ʿalaḥ-ı berrîyi yaʿnî kırmızı düdü zift kuvvesinde kıldılar ve o bâbda zift istiʿmâlî ne keyfiyyet üzere idiğini [556a] sen bildin. Ve ʿuḍv-ı maḥşûşu tesmîne muʿîn olur gıdâyı ʿuḍv-ı ḥâşşa iki emrin biri ile tevcîh eylemek, ʿuḍv-ı ḥâşşın tahtında olan ʿuḍvu veyâḥûd o ʿuḍv-ı ḥâşşın muḥâzîsinde olan ʿuḍvu taʿşîb edip ona ʿâid olan gıdâyı ʿuḍv-ı ḥâşşa delk ile cezḇ eylemek; bundan âkdem onlar senin maʿlûmun oldu.

Ve baʿdî aʿdaya aʿmâl-i ḥadîdden baʿdî ʿamel ḥâşş olur şefe ve enf ve üzün gibi. Bu bâbın gayride deyildi ki bir kavm dediler ki şefe ve enf nâkış olsa vâcib olur ki vasaʿ-ı şefe baṭṭ oluna ve şakkın iki cānibinden cilde keşṭ oluna ve vasaʿta olan laḥm-ı şulb kaṭ olunup taṭvîl oluna ve tekalluşu izâle oluna.

İfrât Üzere Olan Simenin 'Uyûbu Beyânındadır

İfrât-ı semn bedene hareket ve nühûdda ve taşarrufta kayd meşâbesinde olur ve 'urûku dağt-ı muđayyık ile dağt eder ve lâ-maḥâle rûḥu ifsâd edip ekser-i ḥâlde söndürür ve kezâlık nesīm-i havâ vâşıl olmamakla mizâc-ı rûḥ fâsîd olur ve muđayyak olan maḥallere demin indifâ'ından onlar ḥazer üzere olurlar.

Ve ba'dı kerre semîn olan kimselerin 'urûku inşidâ'-ı hâil ile münşadi' olur ve bu ḥâlde ve ḥâl-i müteḳaddimedede onlara dîk-ı nefes ve ḥafaḳân ḥâdiş olur ve o mişlli vakte onların ḥâli faşd ile tedârük olunur ve bi'l-cümle o mişlli ḥâli olan simân mevt-i füc'eye muta'arrıdā olurlar ve bi'l-cümle mübâlağa ile 'abeli ve ḡahâmeti olanlara mevt-i füc'eye sür'at eder ḥuşuşan sinninin evvelinde 'able olanların 'urûku dîkâk ve mađġûta olmalarıyla onlar sekteye ve felce ve ḥafaḳân ve zerebe mu'teridā olurlar ruṭûbetleri ve sū-i teneffüsleri olmakla ve onlar ġaşye ve ḥummayât-ı rediyyeye dahi muta'arrıd olurlar ve cûc ve 'ataşa şabrları olmaz rûḥlarının menâfizinde dayyık ve mizâclarında şiddet-i berd ve demlerinde kıllat ve balġamlarında kesret olmakla, zîrâ 'abâleden meblağ-ı 'azîme bâliğ olanların mizâcları elbette bârid olur, binâen 'alâ-zâlık o ḥâl üzere olanlardan veled ḥaşıl olmaz ve kendileri dahi necîb olmaz ve menîleri ḳalîl olur ve kezâlık nisâdan 'ablâtta 'ulûḳ olmaz ve olursa iskât eder ve şehvetleri da'ife olur ve erkek ve dişi onların cem'iisi edviye ile mu'alece olursa onlara 'ilâc te'sîr eylemez, zîrâ mu'alece olunan edviye 'urûklarına nüfûz ve a'ḡâ-i elimeye vuşûl eylemez ve marîḡ olsalar bi-sür'atin marîḡ olduğunu iḥsâs eylemezler, zîrâ onları ḥissleri da'if olur.

Ve onları faşdda şuşûbet ve ishâlleri ḥaṭarlı olur. Ve ba'dı kerre faşd ve ishâl aḥlâṭlarını tahrîk eder ve 'urûka nüfûz ve rücûc mümkün olmaz inḡîğât ḥasebiyle ve ona binâen ba'dı kerre telefe mü'eddî olurlar. Ve meşrûb olan müşhil 'amel eylese onları o 'amel da'if eder, zîrâ ḥârr-ı ġarîzîlerinin mekânı dayyık olmakla da'ife olurlar.

Ve bundan aḡdem biz zîkr eyledik ki ebdân-ı fâḡıla mu'tedil olan eb-dândır ḥuşûşa pîrlikte i'tidâl-ı beden ziyâde fâḡıldır, zîrâ mu'tedilü'l-beden olan meşâyıḡta her ne ḳadar kedd ve 'anâ dahi olursa ve ḥareketi da'f üzere ise o i'tidâl ruṭûbetine delîl olup tûl-i 'ömrünü tebşîr eder.

Tehzîl-i Semîn Beyânındadır

Hüzâlin tedbîri simen tedbîrinin hilâfı üzere olur ve o dıdd olan tedbîr taqlîl-i ğidâ ve hammâm ve riyâdet-i şedîde aķıbında taġaddî ve ğidâyı tebîd olur ya'nî iki ûklenin mâ-beyni müddet-i tavîle faşl olunur ve ğidâiyyeti kalîl olan ades ve kevâmîh ve muħallilât mişlli yâbis ve ħirrif olan aġdiye ile taġdiye olunur ve ħubzları ħuşkâr ve ħubz-ı şa'r kılınır ve onlar tabîhlerinde tevâbil-i ħârreyi ziyâde ve iksâr eylesinler. Ve taqlîl-i ğidâyâ mu'tn olur ğidâ-i mevşûf-ı mezkûrlarını cidden dîsümetli eylemek ğidâ-i yesîr onları işbâc eylesin için, zîrâ aġdiye-i desime serîaten işbâc eder ħuşûşan semîni aġdiye-i desimenin işbâc esraç olur şehvetleri da'ife olmak ħasebiyle ve onların ta'âmları vecbeten yanî defaten içâm olunup eger mâddesi müctemî'a olursa onu taħlîle i'ânet olunur. Ve taħlîl-i mâddeye mu'tn olur riyâdet-i anîfe ve melbes ve mađcaı taħşîn ve mâ ve havâ-ı bâridleri ħârre tebdîl ile bedeni müteħalhil eylemek.

Ve kezâlik dâimâ berde tekeşşûf eylemek dahi tehzîl-i beden eder, berd ile mesâmm kabđ ve sedd olunup ma'a'l-ķuşa'rîret beden müştahşaf olur ve o mişlli bedene ğidâ nüfûz eylemeyip hüzâle mü'eddî olur ve mevcûd olan ğidâ o mişlli bedenden taħallül etmemekle verâsında olan ğidâ a'đâyâ müncezib olmaz.

Ve eger simen menâfiz ve mesâmmın dayyık olup taħallülü kalîl olduğundan arıd ise ħarra beden keşf olunmakla mesâmm ve menâfisi tevsiç olunur mevâdd-ı müteħallile mevâdd-ı müncezibeden ekşer olsun için.

Ve ġayr-i mu'tedile olan kay ve istifrâġât dahi simen mu'âlecâtındandır ya'nî simeni izâle eder. Ammâ ħable't-ta'âm ve ba'dehu kay ile itidâl üzere istifrâġ-ı bedeni meblûle kılıp simene mü'eddî olur ve itidâlden ziyâde olan tehzîl eder. Ve kezâlik semînin mizâcî simeni fâ'il olan mizâcın dıddına tebdîl olunur. Ve eger fâ'il-i simen berd ise tebdîl olunup mizâc teşhîn olunur ve ħarâret-i mu'tedile ise o mizâc berde veyâĥûd ħarâret-i müfriţaya meyl ettirilir. Ve ekşer-i emrde berd ħasebiyle simende ifrâtı olanlara enfâc-ı eşyâ edviye-i mülattîfe olur ve edviye-i mülattîfe simen-i ħârre dahi nâfiçdir.

Ve vâcib olur ki onlara riyâdet-i anîfe ve istifrâġât ħaml oluna, zîrâ onların aĥlâtta üç türlü fi'li olur ve ondan her fi'l tehzîle mu'tn olur: Fi'l-i

evvel budur ki riyâdât-ı 'anîfe ve istifrâgât ile gıdâ terkîk olunup in'ikâd-dan teb'îd ve tahallüle ta'rîd olur. Ve ikinci fi'l riyâdet ve istifrâgın idrârı olmakla mevâddı cihet-i 'urûkun hılâfı cihetine tahrîk eder. Ve üçüncü fi'l riyâdet ve istifrâgla deme bir hâdde keyfiyyet 'arîd olur ki kuvvete o keyfiyyet mahbûbe olmamakla cezbde keslân olur.

Ve edviye-i mülâttıfe ekser-i emrde evcâ-ı mefâşılâda isti'mâl olunan edviyelerdir ve onlar kavîyyetü'l-idrâr olan devâlardır. Ve idrârı mu'tedile olan merâret kaçan gıdâya muhâlağa eylese o edviye gıdâ ile 'urûka müncezibe olur ve o edviye mevâddı revâdı-ı 'urûka tevcîhten ve kezâlık 'urûktan aḥz edip nâhiye-i bevre def'den 'âciz olur velâkin o müdirrât-ı mutedile me'kûl olan aḡdiyeye haḍm ḥuşûlünden sonra şûrb olursa kebede kuvveti gıdâya muhâlağa ile kesr olmazdan muḳaddem vârid olur ve fi'le kebidde ibtidâ edip mevâddı o iki tārîka tevcîhe kâdir olur belki müdirrât-ı kavîyye olan edviye kuvveti ḥasebiyle mümeyyezen bâkıye kalır, temeyyüz edip cihet-i 'urûkun gayriye imâle eder ve a'ḍâ cāyi'a kalmakla hüzâl ḥâşıl olur. Ve zıkr olunan edviye nisâda ṭamsı dahi idrâr edip tehzile mu'tin olur ve o edviyeler ceṇṭâyânâ ve bezr-i sezâb ve zerâvend-i müdaḥrec ve fuṭrâsâliyûn ve ḳanṭuriyûn ve ca'de mişlilerdir. Ve senderiyûs için cidden tehzil kuvvesi vardır ve onun kuvveti kehrübâ kuvvetinin ḍıddıdır. Ve lükk için tehzilde ḥâşşıyyet-i kavîyye vardır. Ve kezâlık bezr-i kerefs ve zâc için kuvve-i mühezzile-i kavîyye vardır velâkin ḥaṭarlıdır ve merzencûş dahi onun gibidir.

Şıfat-ı Devâ-i Nâfi': Zerâvend bir dirhem, ḳanṭuriyûn-ı daḳîḳ bir dirhem [556b] iki şülüşü, ceṇṭâyânâ-i Rûmî, ca'de, fuṭrâsâliyûn, miḥ-i efâ' her birinden üçer dirhem aḥz olunur ve o mecmû' mürekkeb şerbet-i vâhîde olur.

Devâ-i Akvâ: Aşl-ı kıssâ-i ḥımâr, aşl-ı ḥaṭmî, aşl-ı çāvşîr; cümlesinde miḳdâr-ı dirhem aḥz olunup istifâf olunur.

Ve kezâlık bezr-i nânḥâh, bezr-i sezâb, kemmûn veznleri berâber, merzencûş, bûraḳ her birinden rubu' cüz, lükk bir cüz'; bu mezkûrlar aḥz olunup şerbet-i vâhîdesi küllü yevmin bir mişḳâl kılınır.

Ve edviye-i mülâttıfedendir ḥall ve mürri tenâvülü ḥuşuşan 'ale'r-rîḳ isti'mâl oluna velâkin a'sâbdan ḍa'f ve raḥiminde âfet olanlar ḥall isti'mâlinde ictinâb eylesinler.

Ve ‘ale’r-rîk şarâb şürb eylemek ba’dı kerre tehzîl eder taḥlîlî ḥasebiyle ve şarâb-ı meşrûb keşîr oldukta ‘urûku buḥâr ile mümteli’e kılmak ḥasebiyle, zîrâ ‘urûk buḥâr ile mümteli’e oldukta gıdâ-i âḥer ‘urûka nüfûz edemeyip a’ḍâ câyi’ ve hüzâl ḥâşıl olur.

Ve kezâlik ṭabî’atı müleyyin olan edviyeler dahi tehzîl eder, zîrâ o edviye gıdâyı ‘urûktan şarf eder ve keşîren isti’mâl olundukta kuvve-i cāzibeye kesel ‘arîd olup cezbi kalîl olur ve ‘urûk taḥliyyeye i’tiyâd edip onlara müteveccih olan aḥlâtı ednâ hareket ile em’âya taḥliye eder. Ve kaçan ṭabî’atı müleyyine olan edviye ile mülâttife-i müdirre te’âvün ve tezâhür eyleseler ‘urûka şey’-i keşîr müteveccih olmaz.

Bedeni Naḥîf Eden Edviye: Tiryâk isti’mali ve milḥ-i efâ’ ve devâ-i kûrkûm ve kemmûnî ve felâfilî ve secerniyâ ve enḳardiyâ ve devâu’l-lûkk ve eşânâsiyâ ve emrûsiyâ ve iṭrîfîl-i şağîrdır.

Onlara Nâfi’ Aṭliye: Vâcib olur ki o aṭliye cins-i müberridden olup kuvve-i cāzibeyi taḥdîr eyleye ve onda kuvve-i semmiyet dahi ola şevkerân ve benc mişlli veyâḥûd o aṭliye muḥallilât-ı şedîde cinsinden ola taḥlîlî kavî olan edhân ve merrûḥât gibi.

Ve vâcib olur ki onların istiḥmâmları ‘ale’r-rîk ola ve ḥammâmları mu’arrîk-ı havâî olup muratṭîb-ı mâî olmaya ve eger mâî olursa onda devâm üzere eğlenmek ile mevâddı taḥlîl eder, zîrâ taḥlîl miḳdârı eğlenmese o ḥammâm ḥasebiyle mevâdd a’ḍâya müncezibe olur ve taḥallül eylemez ve simen ziyâde olur. Ve ba’de’l-ḥammâm ekle mübâderet eylemez belki şabr edip nâim olur veyâḥûd hareket ve riyâdet eder ve ba’dehu istifrâğ edip sonra şey’-i taḥfîf ü kalîl tenâvül eder. Ve kezâlik vâcib olur ki onları delk delk-i muḥallil olup mütevâlî ola.

Şedy ve Ḥuşye ve Yed ve Ricl ve Onlar Mişlli A’ḍâ-i Cüz’iyyeleri Tehzîl Beyânındadır

Ve bu tedbîr-i cüz’iyyelerde tehzîl-i muṭlaḳ bâbında zıkr olunan aḥvâl ve şurûṭa mürâca’at olunur ve onlara ‘udv-ı ḥâşşa maḥşûş olan mu’ınler ile i’ânet olunur, meşelâ o a’ḍâ-i cüz’iyye de’â ve sükûn üzere kılınıp tebrîd olunur ve o ‘udvları saḳy eden mesâlik ta’şîb olunup şedd-i ribâṭ olunur ve o mesâlik üzere ribâṭât devâm üzere terk olunup a’ḍâ-i cüz’iy-

yelerin kendi şedd olunmaz ve bu vech üzere cānib-i muḳābile gıdā cezb olunur.

Ve onların huşyelerini ve şedylerini kīrden men' eden bu şıfat üzere olan devādır: Ḳaymūliyā, isfīdāc-ı reşāş aḥz olunup 'aşīr-i benc ve dūhn-i āsla ḥalt olunur ve merūḥan isti'māl olunur ve dāimā ḥacer-i misenn ḥuḳākesi ile tılā olunur o ḥuḳākenin aḥzı ḥacer-i misenne ḥall veyāḥūd uşare-i benc vaḍc olunup ba'ḍısı ba'ḍı āḥer üzere ḥakk olunmakla olur. Ve küllü yevmin şebb ile tılā dahi ta'zīmi men' eder veyāḥūd tīn-i maḥtūm-ı ḥurr ve 'afş-ı aḥḍar aḥz ve saḥḳ olunurlar ve bir gün miḳḍarı onlar 'asel ile tılā olunup mā-ı bārid ile ba'dehu ḡasl olunur, beher şehr üç def'a bu tılā olunur.

Ve şedy maḥşūş devālardan olur ve şedyi şedd eder: Kemmūn-ı meshūk ḥall ile ma'cūn kılınıp ve şedy üzere ḍimād olunup üzerine ḥall ile meb-lūl ḥıraḳ vaḍc olunur, üç gün üzerinde terk ve ba'dehu ḥall olunup süsen-i ebyaḍ başalı onun 'aḳıbınca şedd olunup o dahi üç gün miḳḍarı terk olunur, beher şehr üç def'a bu minvāl üzere tedbīr olunur.

Beyān-ı 'İlelü'l-Azfār ve Evvelā Biz Dāḥısta Tekellüm Eyleyelim

Dāḥıs bir verem-i ḥurācīdır ki tırnakların cānibinde vāḳi' olur ve o verem şa'bdır ve īlāmı şedīddir, ba'ḍı kerre teḳarruḥ edip te'ekkülle mü'eddī olur ve ba'ḍı kerre müteḳarriḥ olan o veremden midde-i raḳīḳa-i müntine seyelān eder ve o verem-i seyyāl-i mezkūrda işba'a ḥaṭar olur ve çok kerre o veremde ḥummā olur.

el-'İlāc: Eger ḥācet var ise faşḍ ve ishāl olunur ve onların gıdaları tebrīd ve telṭīf olunur. Ve vācib olur ki verem-i dāḥıs mu'ālecede evrām-ı sāire mecrāsına icrā oluna, ezmine-i erba'ası ibtidā ve tezeyyüd ve intihā ve inḥitāt zamānları sāir veremlerin ezmine-i erba'ası gibi itibār oluna ve onları sen bildin.

Ammā Edviye-i Mevḍi'iyye: Ḥāl-i ibtidāda vācib olur ki o verem ḥall-i ḥarra ḡams oluna. Ve Cālīnūs vaşf eyledi ki ḥall-i ḥarra verem-i dāḥısı ḡams şedīdü'l-menfa'attir ve şekk yoktur ki o zamānda onun nef'i ziyāde olur ki o ḥall-i ḥarr nuḥāle veyāḥūd sevīḳ-i şa'īr ile ola. Ve kezālik edviye-i mevḍi'iyye kāfūrdan mütteḥaz olan edviye-i kāfūriyyedir. Ve kaçan bezr-i ḳaṭūnādan ḥall ile müstahrec olan lu'ābla afyūn ma'cūn kılınsa cidden nāfi'

olur. Ve ‘afş dakḳ ve saḥḳ olunup taḍmîd olunsa ba‘dı kerre red‘ eder. Ve kezâlik vesah-ı üzün ḥuḍaḍ ile ba‘dı kerre dâḥısı cem‘den men‘ eder ve bu bâbda ḥuḍaḍ dahi ceyyid-i nâfi‘ olur. Ve kezâlik summāk, bürâdetü’l-‘âc, aḳâḳıyâ bunların hangisi isti‘mâl olunursae sikencebîn ile ḍımâden isti‘mâl olunur. Ve kezâlik ‘asel ile ma‘cûn kılınan ‘afş ḍımâd olunsa o veremi istiḥkâmdan men‘ eder. Ve dâimâ mâ-ı bâride ğams olunur ve afyûn ile veca‘ı teskîn olunur ve veca‘ı teskînde afyûnun fi‘li ‘acîbdır ve o vakte bezr-i ḳaṭûnâ lu‘âbı nâfi‘dir veyâḥûd ‘afş ḳuşûr-ı rummân-ı ḥâmid, tûbâl-i nuḥâs, tîn-i yâbis veznleri berâber aḥḫ olunup ‘asel veyâḥûd rubb-ı ‘ineb veyâḥûd cüllâbla ma‘cûn kılınıp o veremin üzerine o ma‘cûn şedd olunup ve ona dühn takrîb olunmaz ve kezâlik ruṭûbet takrîb olunmaz. Eger teḳarruḥundan ḥavf edersen süsen kökü ve kündür-i meshûḳ vahdehu ve ma‘a-ğayrihi ve rubb-ı ‘ineb ile maṭbûḥ olan ḥabbu’l-âs ba‘dı kerre dâḥısın mâddesini red‘ eder.

Müberri’ Devânın Şıfatıdır: Şabır, cüllenâr, kündür, ‘afş bu mezkûrlar aḥḫ olunup ‘asel ile ba‘de’l-cem‘ isti‘mâl olunur. Ve müberridât üzere iḳâme olunmak câiz olmaz, zîrâ dâḥısın cildini zamân-ı ibtidânın evveli mürûr edip mütecâviz oldukta müberridât teḳşîf eder ve middeyi ḥaşr ve veca‘ı teşdîd eder, pes zamân-ı evvelden sonra iḥsâs olunan ḥarârete iltifât olunmaz her ne ḳadar zuhûr eden ḥarâret ḥarâret-i nâr gibi şedîde olursa belki o verem taḥlîl ve tecfîf olunur. Ve ba‘dı ḳerre dühn-i müsahḥine o veremi ğams eyleyip şabr eylemek bâ‘is-i necâḥ olur.

Ammâ vakt-i vasatṭa kündür saḥḳ olunup üzerine vaḍ‘ olunur veyâḥûd zencâr-ı ḥadîd ve şûnîz saḥḳ olunup üzerine vaḍ‘ olunur. Ve kezâlik lu‘âbât-ı müleyyine ve şuhûm ve kezâlik akrâş-ı enderûn ve müsâs ve vesah-ı üzün verem cem‘-i midde eylemezden muḳaddem onlara ceyyid olur. Ve ḳaçan nuḍcu aḥḫ eylese üzerine bezr-i mürr ve bezr-i ḳaṭûnâ leben ile vaḍ‘ olunur.

Ve intihâ ḳarîb olup cem‘ eyledikte vâcib olur ki milḥ iḥrâḳ oluna ve zeyt ile ma‘cûn kılın ve üzerine vaḍ‘ oluna, zîrâ o devâ veremin veca‘ını def‘ eder.

Ve ḳaçan cem‘ tamâm olsa [557a] baṭṭ-ı laṭîf ü saġîr ile baṭṭ olunur mevâddi ḥurûc eylesin için. Ve içinde olan mevâddi ḥurûc eyledikten sonra ona ḳavâbıḍ ile ḍımâd olunur, ‘ades ve verd ve sevîḳ-i nebḳ ve sevîḳ-i tuf-

fâh ve sevîk-i zu'rûr ve cüllenâr mişlliler ile dımâd olunur ve onun bu'aydında²³³ daķık-i türmüs 'asel ile vađ olunur. Ve kaçan teķarruh eylese şabır onun efđal 'ilacâtından olur. Ve onun gibidir kündür zernîh ile ve merhem-i zencâr merhem isfidâc ve 'anzerût ile dımâd olunur ve üzeri şarâb teşerrüb eden hırķa ile tağşıye ve setr olunur. Ve bu vakıtte vâcib olur ki her tarafta olan lahm zıfurdan tebri'e ve tefrîk oluna, zıfurdan bir şey^c lahmı nâhis olursa o cüz-i nâhis kaç olunur.

Merhem-i Ceyyid: Bu merhemi Bûles zıkr eyledi: Zâc-ı muhırak ve kündür her birinden birer cüz^c, zencâr nişf cüz^c; 'asel ile saħķ olunup isti'mâl olunur. Ve kezâlık bu şıfat üzere olan merhem dahi isti'mâl olunur: Kuşûr-ı rummân-ı hâmid, 'afş, tûbâlû' n-nuħâs, zencâr, 'asel ile hılt olunup ve telîh olunup şedd olunur; mevdi'e mâ ve dühnden bir nesne vađ ve mess olunmaz.

Merhem-i Ceyyid: Zâc-ı muhırak, kündür her birinden birer cüz^c, zencâr nişf cüz^c; 'asel ile onlar cem olunup verem üzerine vađ olunur. Ve bađı kerre te'ekkül havfi oldukta feldîkûn merhemi, zernîh, zâc, zencâr, nûre bu eczâlardan ittiħâz olunup isti'mâl olunur, müceffittir, veremi tecfif eder ve ondan efđal ona bir 'ilac olmaz.

Ve kaçan dâhıs-ı müteķarrihten midde seyelân eylese ona keyy edip seyelânı kaç eyle o gâile işba'-ı mezkûrun küllisine şâmil olmasın için ve biz dâhısta merreten uhrâ tekellüm eyledik.

Âzânu'l-Fâr ve Teşakķuk-ı Azfâr ve Kezâlık Azfârın Taķaşşürü ve Cerebi Beyânındadır

Tırnaklara zıkr olunan a'râdın 'urûdu yübs ile ve mizâc-ı sevdâvî hasebiyle 'ârıd olur ve teşakķuk-ı azfâr eczâ-i hâddeye olur ise ya'nî cüz'leri hiddetli ve keskin olur ise lahma ta'alluk edip naħs ve îlâm eder ve ona âzânu'l-fâr tesmiye olunur. Ammâ onun 'ilacı tenķıye-i beden olur; hılt-ı ğâlib sevdâ ise hılt-ı sevdâvî istifrâğ olunur.

Edviye-i Mevdi'iyeleri: Milh-i 'acîn ve dürdî-i ħamr ile mevdi'e eşrâs tılâ olunur veyâhüd başal-ı fâr meşviyyen dımâd olunur ħuşûşan dühn-i

233 "Bu'aydında" demek ħalîlen sonunda demektir.

hâll ile tılâ olunmak enfa^c olur ve bezr-i kettân ve hurff dîmâd olunur. Ve hurf ve milh dağk olunup ^casel ile üzerine şedd olunur ve ona nefi olur ve şezâyâsını kal^c eder veyâhûd eşrâs ve hâll ile veyâhûd âs ve milhle ve kezâlik hamr ile tılâ olunur ve o devâ cereb ve taqâşşüre dahi nâfi^c olur. Ve kezâlik maştakî izâbe olunup milh-i cerîş ile tılâ olunur.

‘Avârîd-ı Zufurdan Teşennüc ve Ta‘akḫuf ve Tecezzüm Beyânındadır

A‘râd-ı mezkûre tırnaklara ekşer-i emrde sevdâdan ‘ârîda olur ve sevda azfârı kalb edip döndürür ve teşnîc eder ve ta‘kîf ve teczîm eder.²³⁴ Ve çok kerre vâkı‘ olur ki azfâr-ı selîmeyi esbâb-ı kal‘dan bir sebep kal^c eder ya‘nî zufurun lahma ittîşâl-i tabî‘îsini izâle ve tahrîk eder ve tabî‘at o zufur-ı maḳlû‘un tahtında zufur-ı ḥâsen inbât etmek kaşd eyledikte rıfk eylemez ve mess-i keşîr ile imsâs edip îlâm eder ve ona binâen nâbit olup hürûc eden zufur hey‘et-i rediyye üzere hürûc eder ve o ḥâric-i redînin cümlesi üzere vârid olan ağdiye o cümlemin redâ‘eti ve ḥuşûneti ḥasebiyle menfez bulmayıp ve taḥallül-i tabî‘î üzere taḥallül dahi edemeyip o gîdâdan tevellüd eden zufur dahi evvelâ nâbit ve müteğayyir olan zufur gibi nâbit olur.

Ve çok kerre zufuru taḳavvüs ve ta‘akḫuf edenlere bir üsbû‘ şaḥm ile ‘îlâc olunup ba‘dehu zücâce ile onun taḳavvüsü ve eğri olan mevdi‘i ḥakk olunur ba‘dehu yedi gün dahi şaḥm ile ‘îlâc olunup yine ḥakk olunur, zufur müstevî olunca kadar mu‘âcede terk olunmaz. Ve çok kerre sakta ḥasebiyle zufur münkalî‘ olup veca‘ müştedd olur ve ḥummâ îrâş eder.

el-‘Îlâc: O a‘râd ki onun sebebi sevdâ olur, eger sevdâ cemî‘-i bedeninde var ise ve a‘râd-ı mezkûre cemî‘an azfâra ‘ârîda ise onun ‘îlâcında istifrâğ olunmak lâzım olur ve gîdâsı işlâh olunup ona evfağ ağdiye ile tağdiye olunur. Ve şîrec şûrbüne idmâni olan kimselerin azfârı müsteviye olur. Ve eger sevda zufur-ı vâhîde ḥâşş ise ona edviye-i mevdi‘iyye ile mu‘âlece olunmak vâcib olur.

Mu‘âlecât-ı mevdi‘iyyesinden biri budur ki zufuru telyîn edip ve taqâşşür ve tesviyeye tehyî‘e eden nûre ve zernîḥ mişlî edviye mevdi‘de isti‘mâl

234 “Teşennüc” kabız; “ta‘akḫuf” eğrilik; “tecezzüm” cüzâm gibi kılmak ma‘nâsına.

olunur, zîrâ zufuru onlar bir hâl üzere ederler ki sen onu murâdın üzere tec-rîde ve sikkîn ile tesviyeye kâdir olursun. Ve kezâlik o azfârı süfl-i fuḳḳâ ile keşret-i taḍmîd dahi vech-i muḥarrer üzere tesviyeyi teshîl eder. Ve kezâlik yed ihtimâl ederse zûfur şem' ile teshîn olunup tesviye olunur. Ve zûfur telyîn için servin şamḡı dîmâd-ı ceyyid olur. Ve zûfur-ı müteşenni-ce bezr-i kettân dîmâd-ı ceyyid olur. Ve şaḥm-ı da'nın ihâli o zûfura şedd olunup birkaç eyyâm üzerinde terk olursa onu telyîn eder ve eger def'a-i vâhidede telyîn eylemezse telyîn ve tesviyeye tehyî'e edince o ihâlin şeddi icâde olunur.

Hey'et ve Levninde Redî Olan Zûfur-ı Redîyi Zûfur-ı Ceyyid İnbâtı İçin İhtiyâl İle Kaḥ Beyânındadır

Şamḡ-ı serv ile ḥabîs ve müci' olan zûfur eyyâmen taḍmîd olunmakla telyîn olunur ve ba'dehu o zûfurun aşlına ibre ile ḡarz olunup ondan dem-i keşîr isâle olunur ve ba'dehu üzerine bir gün bir gece süm-ı medḡûḡ şedd olunur ve ba'dehu bir gün ve bir gecede süm-ı medḡûḡ şeddi iki def'a tecdîd olunur ve bu vech üzere tedbîr zûfur-ı ḥabîs-i mülîmî isḡât eder. Ve zebîb ile dâimâ dîmâd olursa o dahi zûfuru suḡûṭa müheyyâ eder ba'dehu ednâ tedbîr ile sâḡîṭ olur ḡuşûşan ona cāvşîr veyâḡûd medḡûḡ ve meshûḡ kibrîṭ şaḥmla ḡalt oluna.

Ḳal'-ı zûfura edviye-i ḡaviyyeden olur kebîkec. Ve kezâlik dıḡḡ-ı bellût ve sâfsiyâ ve zernîḡ ve zerârîḡ; bu mezkûrlar aḡz olunup ḡall ile cem' olunduktan sonra müdâvemet üzere onunla dîmâd olunur ve her on günde bir def'a ḡall olunur. Ve kezâlik iki şînf zernîḡ ve kibrîṭ-i aşfer ve 'îlk-i buṭm aḡz olunup onlar ḡall ile dîmâd olunur ve her üsbû'da bir def'a ḡall olunur.

Müceddeden Nâbit olan Zûfura Mürâ'ât Beyânındadır

Vâcib olur ki müceddeden nâbit olan zûfur kenn ve setr olunup mess-i yedden ve havâdan ve sâirden viḡâyeye ve muḡâfaẓa olunup unutulma ve nis-yân oluna. Ve o bâbda benim ma'lûmum olan viḡâyenin evfâḡı enmele üzere fîddadan bir ḡalansüve ittîḡâz ola ki müşebbek ola ve onda ḡıraḡ dahi ola külliyyen havâyı men' eylemesin için, ammâ ḡarr ve berd şedîd olup onların aşlen men'î vâcib olur ise üzerine şey'-i âḡer örtülüp setr olunur. Ve

vâcib olur ki o kalansüvenin şekli bir şekl üzere ola ki işba'ca o kalansüve şedd olundukta cihet-i zufurdan işba'ı mess eylemeyip işba'ı mümâssesi cihet-i uhrâdan ola ve o kalansüve-i meşdüde işba' üzere birkaç şehir miqdârı nisyân oluna, bu vech üzere tedbîr olundukta nebâtı mümkün olan zufurun ecvedî nâbit olur.

Zufurun Baraşı Beyânındadır

Cevz-i serv aḥz ve daḳḳ olunup ḥall ve daḳıḳ ile ve [557b] ḥuşuşan daḳıḳ-i türmüs ile ḥalt olunup ḍımâd olunur ve o ḍımâd baraşı ḳal' eder. Kezâlik bezr-i kettân u ḥurf ile yâḥûd dürdî muḥrak zernîḥ-i aḥmer ile ḥalt olunur. Ve râtiyânec ve zift-i raṭb bu bâbda 'acîb olur ḥuşuşan zernîḥ-i aḥmer ile veyâḥûd cevz-i serv ile isti'mâl oluna. Ve ğıra's-semek dahi 'acîb-i bâliḡ olur. Ve aṣl-ı ḥummâḍ dahi ḥall ile ṭlâ olunsa onun gibi te'sîr-i 'acîbi olur.

Azḫâra 'Ârıḍa Olan Şufret Beyânındadır

O mişlli azḫâra 'afş ve şebb şaḥm-ı baṭṭ ile ṭlâ olunur veyâḥûd merâre-i baḳar veyâḥûd bezr-i circîr nâ'imen daḳḳ olunup ḥall ile ma'cûn kılınır.

Beyân-ı Raḍḍu'l-Azḫâr

Azḫâr-ı merḍûḍa evvelâ varâḳ-ı âs ile veyâḥûd rummânın varâḳ-ı leyyini ile ḍımâd olunur ve bunlardan sonra müleyyinât isti'mâl olunur. Ve azḫâra muntahiye olan 'aşabın rûḥusuna intişâr 'ârîḍ olduysa onda şuhûm ma'rûfe ve ḳayrûṭiyât-ı leyyine isti'mâl olunur.

Taḥt-ı Azḫârda Bi-Ḥasebi'r-Raḍḍ Ḥâdiş Olan Dem-i Meyyittir

O zufura zift ile maḥlûṭ-ı daḳıḳ ile 'ilâc olunur, eger ignâ eylemese belki 'amel-i yede ḥâcet olsa vâcib olur ki rıfḳ ile zufur müverreben âlet-i ḥâdde ile şakḳ oluna ḥattâ taḥtından dem ḥurûc eyleye. Eger o şakḳ ḥasebiyle zufura inkılâ' 'ârîḍ olursa dem tesyîl olunup zufur taḥtına rıfḳ ile ilşâḳ oluna taḥtına viḳâye olup teveccuc eylemesin için ve ba'de-eyyâmin ona mürâ'ât oluna. Ve eger o maḳâmda şadîd var ise sen zufuru iz'âc edip veyâḥûd rıḳḳat ile şakḳ edip ba'de-ihrâci's-şadîd yine o zufur-ı müz'ici mevḍi'i-

ne redd eyleyip şedd eyle ve lahma ʿusret verme, zîrâ onun vecaʿı vecaʿ-ı dâhıstan aʿzam olur belki o zufur-ı münzeʿici redd ile mevdiʿi setr edip onu mâ ve dühn-i fâtir ile tenzîl eyle ve üzerine min-baʿdin merhem-i bâsilîkûn vaḍʿ eyle ve bu vech üzere o merhemi mirâren vaḍʿ eyle, zîrâ bu vech üzere tedbîrin menfaʿat-ı zâhiresi olur. Ve sana vâcibdir ki bizim cemʿan işâretimiz minvâlî üzere taşarruf eylesin.

Ḳad veḳaʿa'l-ferâğu min-tercemeti râbiʿi'l-kütübî'l-ḥamse mine'l-Ḳânûni bi-ḥavlin minallâhi ve kuvvetin fe-lillâhi'l-ḥamdü ve'l-minnetü. Ve şallallâhu ʿalâ-seyyidinâ Muḥammedini'l-mebʿûsi ile'l-ḥalkı li-yedʿuehum ile'l-cenneti ve yenfetiḥa bihi ebvâbu'r-raḥmeti ve yaḥtume bâbu'n-nübüvveti ve ʿalâ-âlihi ve aşḥâbihillezîne keşefu'n-niḳâbe ʿan-vechi'l-fütüvveti li-yettaḍiḥa fî aʿyânî'l-ümmeti

Fi's-sebti's-sâlişi ve'l-işrîn min-şafe'ri'l-ḥayr min-şühûri seneti tisʿa ve sebʿine ve miʿe ve elf mine'l-hicreti. Yâ men ceʿale's-şıḥḥate ḳâʿidete bünyânî'l-ibâdeti ve'stereddehâ li'l-marîḍi ḥasebe'l-ʿâdeti Unşur sulṭâne hâze'z-zemânillezî şâre maşahḥate'l-ebdân ʿan-maraḍi'l-ezmâni. Ve'ruzuknâ bi'mtidâdi ʿumrihi ve devletihi ve zid şefekatehu ve refetehu ʿaleynâ ve ʿalâ-kâffeti'l-enâmi, âmîn yâ Musteʿânu.

Ve hâzihi'l-ḳıṭʿatu enşedtuhâ mevzûnen li-yekûne lehu daʿvetunâ menşûren ve mevzûnen ve hiye hâzihi:

İlâhî eyle sulṭân-ı cihânın ʿömrünü efzûn
Ki oldu bezm-i kevne emn-i râḥat muʿzam-ı kâmi

Kılıp dârû-yı rencin sū-be-sū ḳânûnunu ifşâ
Cihândan aḥsen-i tedbîr ile refʿ etti eskâmı

Künâş-ı çârümün yazdı mütercim ḥatmine târiḥ
Kitâb-ı râbiʿi ḳânûnun oldu yümn encâmı

